


續修四庫全書

《續修四庫全書》編纂委員會編

續修四庫全書



上海古籍出版社

八二〇・史部・政書類

皇朝續文獻通考四百卷（卷三百十三至卷三百七十八）

劉錦藻撰

26/16/1

皇朝續文獻通考卷三百十三

輿地考九 安徽省

臣謹案安徽當吳楚之交蔽陳蔡之藩北則天柱之脈上承桐柏中分潯... 惟在此一舉耳

省東西約距七百五十里南北約距九百里東至江蘇江甯鎮江揚州三府... 懷甯縣 附郭北緯三十四度三十分

望江縣 在府西一百二十里北緯... 光緒二十八年中英條約開安慶為商埠

臣謹案安慶南瀆大江北界清淮望江縣與江西之彭澤畫江為界彭澤... 安慶以規金陵此亦古今用武之地也

徽州府在省治東南五百七十里東界浙江杭州府昌化縣嚴州府... 歙縣 附郭北緯三十九度五十分

休甯縣 在府西六十里北緯二十九度... 婺源縣 在府西八十里北緯二十九度

祁門縣 在府西一百八十里北緯二十九度... 黟縣 在府西一百四十里北緯二十九度

臣謹案徽州控贛浙之衝而江左之管鑰也觀明初得此以靖南服同治... 敦尚信義有聲商市休甯東南有屯溪鎮為茶市聚處東下杭州西達九

池州府石埭縣東北界江蘇江甯府高淳縣西北界太平府繁昌縣自府治至京師二千七百四十五里凡領縣六

宣城縣附郭北緯三十一度二分東經一百零六度三十分

涇縣在府南一百一十里北緯三十七度四分東經一百零九度五十分

南陵縣在府東九十里北緯三十三度一分東經一百零九度五十分

甯國縣在府東南九十里北緯三十三度一分東經一百零九度五十分

旌德縣在府南二百里北緯三十三度一分東經一百零九度五十分

太平縣在府西南二百里北緯三十三度一分東經一百零九度五十分

臣謹案顧祖禹嘗言府陪輔金陵襟帶杭欽據險而守擇利而動揚行密用宜州以并淮南明太祖下甯國而奠南服皆藉緒已然之驗 本朝咸豐中寇陷甯國而浙杭遂不能久支厥後鮑超率軍駐此其時左宗棠入衢州曾國荃圍金陵互為聲援大功乃告成則宛陵之所繫重矣至其所產宣紙今古馳名甲於海內云

池州府在省治東北一百二十里東界甯國府涇縣南陵縣西界安慶府懷甯縣南界徽州府祁門縣北及西北界安慶府桐城縣東南界甯國府太平縣西南界江西九江府彭澤縣及安慶府望江縣東北界太平府繁昌縣自府治至京師二千八百八里凡領縣六

貴池縣附郭北緯三十一度四分東經一百零六度三十分

青陽縣在府東八十里北緯三十一度四分東經一百零六度三十分

銅陵縣在府東一百二十里北緯三十一度四分東經一百零六度三十分

石埭縣在府東一百二十里北緯三十一度四分東經一百零六度三十分

建德縣在府西九十里北緯三十一度四分東經一百零六度三十分

東流縣在府西一百一十里北緯三十一度四分東經一百零六度三十分

臣謹案池州扼金陵之上游據石城之險固而東流縣西南七十里馬當山橫枕大江尤為至險銅陵縣西南四十里大通鎮與悅洲隔一衣帶水咸同以後鹽艘聚泊遂成巨鎮而青陽之絲太平之茶皆於此輸出與

繁昌之荻港同為江輪下上之所銅陵縣南十里之銅官山唐於此置銅鐵冶場廢棄已久近被英人開採儲款贖回然未見有鑛學家起而振之也

太平府在省治東北四百九十里東界江蘇江甯府溧水縣西及西北界和州南界甯國府南陵縣北及東北界江甯府江甯縣東南界甯國府宣城縣西南界池州府銅陵縣自府治至京師二千四百六十五里凡領縣三

當塗縣附郭北緯三十一度三分東經一百零九度五十分

蕪湖縣在府西南六十里北緯三十一度三分東經一百零九度五十分

繁昌縣在府西南一百一十里北緯三十一度三分東經一百零九度五十分

光緒二年中英煙台條約開蕪湖縣為商埠

臣謹案太平府姑孰舊屯螭磯古戍龍山南指牛渚北臨並有黃池赭圻迭經陸戰鵠州虎檻恆利水軍采石如屏阻溯泗於一葦橫江成鎮時東西之二梁此所以上護皖城下輔建業者也若蕪湖荻港又百貨遠輸輪帆駢集宣歙二郡行旅則於此舍舟而南矣

廬州府在省治北四百六十里東界和州含山縣西界六安州南界安慶府桐城縣北界鳳陽府定遠縣東南界和州西南界安慶府潛山縣東北界滁州全椒縣西北界鳳陽府壽州自府治至京師二千四百六十里咸豐三年改廬州府為安徽省城同治元年仍移回安慶

勢所必爭咸豐三年周天爵等請以省城為安慶府城遷往來通商口岸無一不設防而於此設防則省城之險固而東南之界亦無所不備矣咸豐三年周天爵等請以省城為安慶府城遷往來通商口岸無一不設防而於此設防則省城之險固而東南之界亦無所不備矣咸豐三年周天爵等請以省城為安慶府城遷往來通商口岸無一不設防而於此設防則省城之險固而東南之界亦無所不備矣

廬江縣在府南一百六十里北緯三十一度十七分東經四十九度三十分  
舒城縣在府西一百二十里北緯三十一度二十分東經一百一十二度三十分  
無爲州在府東南一百二十里北緯三十一度四十分東經一百一十二度三十分  
巢縣在府東南一百二十里北緯三十一度四十分東經一百一十二度三十分

臣謹案府居全省之中介江淮之間中涵巨浸環帶山川顧祖禹謂爲淮右襟喉江南屏齒自大江而北出得合肥則可以西問申蔡北向徐壽爭勝於中原得合肥則扼江南之吭而拊其背其言誠然三國以下爭得失於此者顧氏已列舉而自洪楊紛亂悍寇陳玉成橫行皖鄂開廬州屢得屢失輒與全局有關則尤彰明較著者矣

鳳陽府在省治北六百七十里東界泗州盱眙縣西界穎州府上蒙城二縣南界廬州府合肥縣北界江蘇徐州府銅山蕭二縣東南界滁州西南界六安州東北界徐州府睢寧縣西北界河南歸德府永城縣自府治至京師一千九百八十五里凡領州二縣五

鳳陽縣在府北一百一十里北緯三十二度五十分東經一百一十二度三十分  
懷遠縣在府西一百一十里北緯三十二度五十分東經一百一十二度三十分  
定遠縣在府南一百一十里北緯三十二度五十分東經一百一十二度三十分  
壽州在府西一百一十里北緯三十二度五十分東經一百一十二度三十分  
鳳臺縣在府西一百一十里北緯三十二度五十分東經一百一十二度三十分  
宿州在府西一百一十里北緯三十二度五十分東經一百一十二度三十分  
靈璧縣在府西一百一十里北緯三十二度五十分東經一百一十二度三十分

臣謹案鳳陽據長淮之中北控徐邳南襟廬皖東通滁泗西達蔡陳自來戰守之衝也今臨淮壽州古之鍾離壽春南北朝時已爲重鎮後魏邢辯曰鍾離天險趙宋呂祉曰淮西建康之屏蔽壽春又淮西之本源也而唐元和中之置宿州以其扼淮汴之嚆喉通東南之漕運耳今津浦貫通淮北之與江左有如常山之蛇首尾相應千里戶庭矣而府治西北之蚌埠爲水陸要津顧祖禹云自秦以後東南多故起於淮泗閒者往往爲天下

雄蓋其地險民強勁悍之風不甘雌伏失教則恣肆善馭之亦得其力故捻子爲巨患而李鴻章則以淮軍奏中興之盛業云

穎州府在省治西北八百四十里東界鳳陽府鳳臺縣西界河南陳州府沈邱縣汝甯府新蔡縣南界六安州及河南光州固始縣北界河南歸德府商邱永城二縣東南界鳳陽府壽州西南界光州商城縣東北界鳳陽府宿州西北界歸德府鹿邑縣自府治至京師一千八百二十里舊領州一縣五同治三年增置渦陽縣凡領州一縣六

阜陽縣在府北一百一十里北緯三十二度五十分東經一百一十二度三十分  
穎上縣在府東一百一十里北緯三十二度五十分東經一百一十二度三十分  
霍邱縣在府南一百一十里北緯三十二度五十分東經一百一十二度三十分  
亳州在府北一百一十里北緯三十二度五十分東經一百一十二度三十分  
渦陽縣在府北一百一十里北緯三十二度五十分東經一百一十二度三十分  
太和縣在府北一百一十里北緯三十二度五十分東經一百一十二度三十分  
蒙城縣在府北一百一十里北緯三十二度五十分東經一百一十二度三十分

臣謹案穎州前引濠泗後毗宋曹控正陽之雄關訪順昌之戰蹟淮水中橫而汝潁渦淝分派會流顧祖禹所謂川澤流通田疇沃衍耕屯於此兵食交足可以固淮服之藩籬通中原之聲氣者也亳州北踞有居高臨下之勢蒙城雖處下游然咸豐時土豪苗沛霖嘗爲蚰蜒之塚以違抗王命矣則亦未容忽視也

滁州在省治東北六百五十里東界江蘇江甯府六合縣西及西北界鳳陽府定遠縣南界和州北界泗州盱眙縣東南界江甯府江浦縣西南界廬州府合肥縣東北界泗州天長縣本州境東界六合縣西界定遠縣南界全椒縣北界盱眙縣自州治至京師二千二百五里凡領縣二

津浦鐵路由定遠入經滁州東南入江蘇之江浦

臣謹案州境滁水環其陽桑根峙於左阜陵古縣孫吳所伏兵者也清流舊關宋祖所鑿敵者也迷溝九關判楚漢之存亡禪悅七鄉恃堅壁以清野摩崖留字李守風懷豐樂名亭歐公醉憩州雖獨小勝跡良多矣

和州在省治東北四百六十里東及東北界江蘇江甯府江浦縣西界廬州府巢縣南及西南界廬州府無為州北界滁州全椒縣東南界太平府當塗縣西北界廬州府合肥縣本州境東界江浦縣南界無為州西北俱界含山縣自治至 京師二千二百八十里領縣一

和州 北緯三十一度四十分 東經一百一十四度四十分  
含山縣 北緯三十一度三十分 東經一百一十四度三十分

臣謹案和州六代以來所謂歷陽郡也與當塗夾江並雄而江津之阨則在州南橫江渡采石磯與東西梁山實為金陵之屏翰晉之平吳王渾出歷陽而渡橫江隋之平陳韓擒虎自橫江宵濟以趨建康厥後金人南侵亦常拔和以威江淮然則橫江固兵爭之要地矣今東西梁山礮壘屹峙緊鎖江流而州南之裕溪口商舶往來市集繁盛則巢湖洩水入江之口云

廣德州在省治東六百十五里東界浙江湖州府長興縣西界甯國府宣城縣南界湖州府孝豐縣北界江蘇鎮江府溧陽縣東南界湖州府安吉縣西南界甯國府甯國縣東北界江蘇常州府宜興縣西北界江蘇江甯府高淳縣本州境東界長興縣西界建平縣南界孝豐縣北界溧陽縣自治至 京師二千七百八十里凡領縣一

廣德州 北緯三十度五十九分 東經一百一十五度五十九分  
建平縣 北緯三十一度三十分 東經一百一十五度三十分

臣謹案廣德州為秣陵之屏蔽扼皖浙之咽喉金烏珠元伯顏之入建康也皆南趨廣德卒破臨安明太祖之克金陵也命將下廣德而進取長興咸豐時巨寇亦由此路陷杭州東南有事廣德為陸路必爭之地所產茶

漆桐油行銷甚暢云

六安州在省治西北四百四十里東及東北界廬州府合肥縣西界河南光州固始縣南界安慶州潛山縣北界鳳陽府壽州東南界廬州府舒城縣西南界湖北黃州府羅田縣西北界潁州府霍邱縣本州境東界合肥縣西界固始縣南界潛山縣北界壽州自治至 京師二千九百五十里凡領縣二

六安州 北緯三十一度五十分 東經一百一十五度五十分  
英山縣 北緯三十一度四十分 東經一百一十四度四十分  
霍山縣 北緯三十一度三十分 東經一百一十四度三十分

臣謹案州境為英六舊邦舒盧夾輔潁水流於中霍岳鎮於前東有龍池北有馬頭南有蜈蚣西有三尖九公遮日多雲諸峰環結全境而內容仍多沃土其扼要則柳林石門梅嶺金雞各關皆昔人戍守之處其民勤於種茶六安松蘿世傳佳品又霍山縣南楮皮嶺俗能造紙

泗州徙治廢虹縣在省治東北八百四十里東界江蘇淮安府清河桃源二縣西及西北界鳳陽府靈璧縣南界滁州來安縣北界江蘇徐州府宿遷縣甯二縣東南界江蘇揚州府甘泉縣西南界鳳陽府鳳陽定遠二縣東北界淮安府桃源縣本州境東界桃源縣西界靈璧縣南界五河縣北界睢寧縣自治至 京師二千二百里凡領縣三

泗州 北緯三十三度三十分 東經一百一十三度三十分  
盱眙縣 北緯三十三度三十分 東經一百一十三度三十分  
天長縣 北緯三十三度三十分 東經一百一十三度三十分  
五河縣 北緯三十三度三十分 東經一百一十三度三十分

臣謹案泗州介徐淮滌鳳之閒自此東及於海無復山嶺重阻宋隆興二年金人陷海州即寇泗州胡銓謂彼得海泗兩淮決不可保兩淮不保則大江決不可守明靖難之師南下先渡淮克盱眙直搗天長陳師江上是泗州為全淮之門戶淮又為長江之門戶捍衛門戶不得不力守泗州明

矣往時淮自出海泗州適當下游自淮道爲河所奪而淤水滯於洪澤高  
郵兩巨浸漲益倒注而水患始亟康熙十三年州城亦陷入洪澤湖今洪  
澤又日淤淺而導淮之舉空談無補恐吾民其魚則大可憂也



皇朝續文獻通考卷三百十四

輿地考十 江西省

謹案江西屏蔽吳越控制荆楚南踰庾嶺又可提掣粵東自昔用兵北爭九江湖口南爭吉安贛州則會要所在也湖口者鄱陽北瀉長江所匯全省之咽喉而北門之鎖鑰也咸豐開會國藩以楚軍水師追寇贛北而九江湖口忽為賊據水師坐困彭蠡相持三年迨彭玉馨以外江之師克復湖口而水師會合金陵以上晉為官軍有矣吉安贛州處贛江上游明王守仁嘗起義而平宸濠顧祖禹謂九江為門戶之險贛州為堂奧之險兵家不當兼顧歟至其米穀之饒磁器夏布之工則又天下著名者也

省東西約距八百里南北約距一千里東至浙江衢州府界西至湖南長沙岳州二府界南至廣東惠州府嘉應州界北及西北至湖北黃州武昌二府界東南至福建建甯邵武汀州三府界西南至湖南衡州府郴州廣東南雄州界東北至安徽徽州池州安慶三府界在 京師西南三千四百里舊領府十三直隸州一散廳二散州一縣七十五光緒二十九年增設南廳三十三年增設銅鼓廳凡領府十三直隸州一散廳四散州一縣七十五

南昌府為省治東界饒州府餘干縣西界湖南岳州府平江縣南界撫州府樂安縣北界南康府星子縣東南界撫州府臨川崇仁二縣西南界瑞州府高安新昌二縣東北界南康府都昌縣西北界湖北武昌府通山縣自府治至 京師三千四百里凡領州一縣七

武甯縣 九度府 十五北 三分西 八經一 度里 二北 十緯 五分十

靖安縣 八度府 十四西 九分西 一經一 度里 一北 十緯 九分十

奉新縣 八度府 十四西 九分西 一經一 度里 一北 十緯 九分十

進賢縣 十度府 十二東 二分西 一經一 度里 一北 十緯 四分十

新建縣 十度府 十二東 二分西 一經一 度里 一北 十緯 四分十

豐城縣 十度府 十二東 二分西 一經一 度里 一北 十緯 四分十

新建縣 十度府 十二東 二分西 一經一 度里 一北 十緯 四分十

義甯州 在府西北三百五十五里舊名甯州嘉慶三年改北緯二十九度西經一度五十九分

謹案南昌者五嶺之上游也東晉之末盧循由嶺表來犯江州刺史何無忌敗沒而秣陵震動陳霸先形造之初蕭勃發難廣州北出豐城周文育力戰卻之而王業乃成南昌者又三楚之重輔也唐初李靖自鄂而東徇下豫章而庾嶺以北無復抗顏矣元末陳友諒以全力爭洪都明太祖擊滅之而荆楚南北先後歸服矣今航行則有江輪陸行則有鐵路並達九江而南臨章贛東挾鄱陽全省之箱穀仍歸於南昌也

饒州府在省治東北三百里東界浙江衢州府開化縣西界南康府都昌縣南界撫州府東鄉縣北界安徽池州府建德縣東南界廣信府弋陽貴溪二縣西南界南昌府進賢縣東北界安徽徽州府婺源祁門二縣西北界九江府彭澤縣自府治至 京師三千三百五里凡領縣七

鄱陽縣 附郭北緯二十八度五分 東經一百一十一度九分

餘干縣 在府南少西一百二十里北緯二十九度四分 東經一百一十二度九分

樂平縣 在府東一百七十里北緯二十七度四分 東經一百一十七度七分

浮梁縣 在府東九十九里北緯二十七度四分 東經一百一十七度五分

德興縣 在府東五十五里北緯二十七度四分 東經一百一十七度三分

安仁縣 在府南少東一百二十里北緯二十五度四分 東經一百一十五度五分

萬年縣 在府東南一百一十里北緯二十四度四分 東經一百一十四度四分

謹案饒州水匯西南山環東北明太祖既克江州即進鄱陽咸豐六年夏畢金科破賊於饒州之章田渡既而失之復募死士再舉誓衆曰今日上岸破賊不捷吾不復歸舟矣遂一鼓克復府城蓋與南昌隔湖相望常可資為聲援且由浮梁而下徽州曾國藩之所以駐祁門也出德興安仁而規三衢左宗棠之所以入浙江也其浮梁西南三十里有景德鎮古昌南鎮也唐時里人陶氏始製磁器迨宋景德中益盛遂以名鎮街五十三里戶口二十五萬白色之土採自祁門浮梁餘干星子等處與廣東之佛山湖北之漢口河南之朱仙鎮今朱仙向稱四大鎮云

廣信府在省治東南五百六十里東界浙江衢州府江山縣西界饒州府安仁縣南界福建建甯府崇安縣北界饒州府德興縣東南界福建建甯府浦城縣西南界建昌府瀘溪縣東北界浙江衢州府開化縣西北界饒州府萬年縣自府治至 京師三千八百五里凡領縣七

上饒縣 附郭北緯二十八度二十七分東經一百一十八度二十七分

玉山縣 在府北四十四分東經一百一十八度二十七分

弋陽縣 在府北一百三十分東經一百一十八度二十七分

貴溪縣 在府西七十分東經一百一十八度二十七分

鉛山縣 在府西三十分東經一百一十八度二十七分

廣豐縣 在府東三十分東經一百一十八度二十七分

興安縣 在府西五十分東經一百一十八度二十七分

兩浙明初胡大海守婺州拒陳友諒之兵敗之於玉山而近世咸豐五年廣信告警李續賓與羅澤南自潯陽馳援迭克府城及弋陽等四縣則此亦用武之地也舉其文化玉山之懷玉書院為朱子講學之所貴溪之象山書院為陸子講學之所今則風流闐寂多棄儒習賈鉛山縣北河口鎮估舶所聚商務勃興人口約五萬云

南康府在省治北二百四十里東及東南界饒州府鄱陽縣西界南昌府武寧縣南界南昌府新建縣北界九江府德化縣西南界南昌府奉新縣東北界九江府彭澤縣西北界九江府瑞昌縣自府治至 京師三千三十五里凡領縣四

星子縣 附郭北緯二十九度三十分西經一百一十五度三十分

都昌縣 在府東三十分西經一百一十五度三十分

建昌縣 在府西九十分西經一百一十五度三十分

安義縣 在府西四十分西經一百一十五度三十分

臣謹案南康府前踞彭蠡後枕匡廬襟江帶湖自古兵爭之地劉裕之敗

盧循明太祖之覆陳友諒王守仁之破宸濠巨寇之困曾國藩也勝敗存亡皆於南康決之都昌瀕於湖之東岸所產白瓷泥景德鎮鑄器所用大半取於此云

九江府在省治北三百里東界安徽池州府建德縣西界湖北武昌府興國州南界南康府星子縣北界湖北黃州府黃梅縣東南界南康府都昌縣西南界南昌府武寧縣東北界安徽安慶府宿松縣西北界湖北黃州府廣濟縣自府治至 京師二千九百四十五里凡領縣五

德化縣 附郭北緯二十九度四十分西經一百一十五度三十分

德安縣 在府西九十分西經一百一十五度三十分

瑞昌縣 在府西八十分西經一百一十五度三十分

湖口縣 在府東五十分西經一百一十五度三十分

彭澤縣 在府東少北一分西經一百一十五度三十分

咸豐八年中英天津條約開九江為商埠南潯鐵路起於德化已築至馬迴嶺

臣謹案府境北阻長江南屏廬阜上控武漢下扼皖吳截天塹之中流據滄口為門戶六朝之際頻歲兵爭元末陳友諒據此為吳楚患 本朝咸豐年間楚軍水師蕭捷三等拚千萬勇士爭此噤喉可以識其形勝矣府南二十五里廬山周二百五十里連跨二郡巖洞泉石諸勝不可悉數西白雲洞下有栗里原又西南數十里柴桑村皆淵明隱耕之地府北十五里五老峰下白鹿洞為朱晦庵講學處山西北之牯牛嶺距九江四十五里外人避暑咸集於此

建昌府在省治東南三百六十里東界福建邵武府光澤邵武泰甯三縣西界撫州府宜黃縣南界甯都州石城縣北界撫州府金谿縣東南界邵武府建甯縣西南界甯都州東北界廣信府貴溪縣西北界撫州府臨川縣自府治至 京師三千六百五十五里凡領縣五

南城縣 附郭北緯二十七度三十分西經一百一十五度三十分

新城縣 在府東南九十里北緯二十六分  
 南豐縣 在府南少西一百二十里北緯二十七度四十分西經一百一十二分  
 廣昌縣 在府西南二百四十分西經一百一十七分  
 瀘溪縣 在府東一百五十分北緯二十七度四十分西經一百一十八分

臣謹案府境四周皆山中潯水翁受潞湖灌溉原田唐劉禹錫謂其地無土山濁水民乘是氣往往清慧而文云惟峰巒起伏鳥道盤旋南豐迤西大雄關往宜黃之蹊徑也新城東北杉嶺關東南得勝關皆入閩之歧途也明初胡廷瑞曾從建昌突出杉關東取邵武嘉靖中廣城屢由泰甯縣西犯得勝官軍挫折補牢不宜慎乎

撫州府在省治南二百十里東界建昌府南城瀘溪二縣西界臨江府新淦縣南界建昌府南豐縣北界南昌府進賢縣東南界建昌府南城縣西南界吉安府永豐縣東北界饒州府安仁縣西北界南昌府豐城縣自府治至京師三千四百五十五里凡領縣六

臨川縣 在府西北六分西經一百一十七度  
 崇仁縣 在府西四十二分西經一百一十七度  
 金谿縣 在府東五十三分東經一百一十四分  
 宜黃縣 在府西南三十三分西經一百一十五分  
 樂安縣 在府西南二十二分西經一百一十九分  
 東鄉縣 在府東八十分東經一百一十九分

臣謹案撫州輔翼洪都肘腋饒信四垂以高山為屏蔽東則雲林三十六峰限黃瀘二邑似長垣南則黃土大龍諸嶺俯視甯都若建瓴西則羅山大盤十二峰與豐城新淦相犄角北則螺首嶺諸山與餘干進賢交錯如犬牙中有汝水即野水挾衆湖以逕府治之北又西北流入於贛府東南四十里工塘故城五代梁末周迪據此起兵梁以為臨川內史至陳初余孝頃等攻之轉為所敗宋末蒙古兵逼撫州州將宓拒戰於進賢之龍馬坪敗沒而州陷明初鄧愈襲撫州由東鄉之平塘而南下亦兵家得

失之林也金谿之東山嶺產金銀其南潯江可鑿構造紙府東瀘瀘多棗梨其民善為書板宜黃有亭廡其民工絲絲  
 臨江府在省治西南二百十里東及東北界南昌府豐城縣西界袁州府分宜縣南界吉安府永豐吉水二縣北界瑞州府高安縣東南界撫州府樂安縣西南界吉安府廬陵縣西北界瑞州府上高縣自府治至京師三千四百五十五里凡領縣四

清江縣 在府東八分西經一百一十七度  
 新淦縣 在府南六分西經一百一十七度  
 新喻縣 在府西南五十分西經一百一十七度  
 峽江縣 在府南三十分西經一百一十七度

臣謹案府屬峽江實孫吳之巴郎縣周瑜所鎮守府東北三十里樟樹鎮扼袁江贛江二水之中樞舟車四達明王守仁之討宸濠也會師於此咸豐開普承堯鮑超之討巨寇汪海洋也亦累戰於此誠襟要地也若商貨所聚散農產居多而以藥材為大宗云

瑞州府在省治西南一百二十里東及東北界南昌府新建縣西界袁州府萬載縣南界臨江府清江縣北界南昌府奉新縣東南界南昌府豐城縣西南界袁州府分宜縣西北界南昌府義甯州自府治至京師三千三百二十五里舊領縣三光緒開增銅鼓廳凡領廳一縣三  
 高安縣 在府西北八分西經一百一十七度  
 上高縣 在府西南一分西經一百一十七度  
 新昌縣 在府西南八分西經一百一十七度  
 銅鼓廳 在府西南八分西經一百一十七度

臣謹案瑞州府前瀕錦水後枕米山地雖僻絕然自長沙東踰瀏陽瑞河則可震撼豫章觀夫咸豐六七年開湘軍入贛曾國華劉勝鴻輩與強寇殊戰於其境蓋可知矣俗傳新昌東瀕湖晉旌陽令許遜濯衣於此縣西百里黃蘗山唐宣宗微時嘗與僧黃藥共觀瀑布皆後人附會不足徵信也

袁州府在省治西南四百里東界臨江府新喻縣西界湖南長沙府醴陵縣南界吉安府安福縣北界瑞州府新昌縣東南界吉安府廬陵縣西南界長沙府攸縣東北界瑞州府上高縣西北界長沙府瀏陽縣自府治至 京師三千六百里凡領縣四

宜春縣 附郭北緯二十七度四十分西經一百一十二度四十分

分宜縣 在府東八十里北緯二十七度四十分西經一百一十二度四十分

萍鄉縣 在府西一百四十里北緯二十七度四十分西經一百一十二度四十分

萬載縣 在府北九十里北緯二十七度四十分西經一百一十二度四十分

株萍鐵路由湖南長沙府之醴陵縣入經萍鄉止於縣南之安源 臣謹案袁州跨秀江南北環以五臺三峽為湘贛之要衝昔南唐時邊鎬屯袁州提兵向醴陵而湖南歸附今者株萍鐵路老關一站為萍鄉醴陵之交界此路為輸運萍煤而設萍之煤礦在縣東南天磁山之支脈安源山距萍鄉縣城十五里光緒二十四年開辦除供漢陽大冶兩鐵廠需用外輸出各省亦鉅惜經理未善借日本國債竟達二千四百餘萬元將來利權恐難自保也

吉安府在省治西南四百八十里東界撫州府樂安縣西界湖南長沙府攸縣南界贛州府贛縣北界臨江府新喻縣東南界甯都州西南界湖南衡州府鄱縣東北界臨江府峽江縣西北界袁州府萍鄉縣自府治至 京師三千六百八十五里凡領廳一縣九

廬陵縣 附郭北緯二十七度四十分西經一百一十二度四十分

泰和縣 在府南八十里北緯二十七度四十分西經一百一十二度四十分

吉水縣 在府東八十里北緯二十七度四十分西經一百一十二度四十分

永豐縣 在府西一百二十里北緯二十七度四十分西經一百一十二度四十分

安福縣 在府南一百二十里北緯二十七度四十分西經一百一十二度四十分

龍泉縣 在府西一百二十里北緯二十七度四十分西經一百一十二度四十分

萬安縣 在府南一百二十里北緯二十七度四十分西經一百一十二度四十分

永新縣 在府西南二百二十里北緯二十九度十分西經一百一十二度四十分

永甯縣 在府西南二百八十里北緯二十七度十分西經一百一十二度四十分

蓮花廳 在府西南二百五十里北緯二十七度十分西經一百一十二度四十分

臣謹案贛江入吉州後隨山迴繞府境當其大曲處灘多湍急地險城堅明宸濠之反南贛巡撫王守仁起兵於此以平之則自南而北也 本朝咸豐中悍寇石達開糾眾攻圍知府陳宗元等困守三月乏援陷沒厥後湘軍進討其將劉拔元胡兼善等由長沙入境先克永甯永新蓮花廳等處則自西而東也於此可覘地勢矣

南安府在省治西南一千一百三十里東界贛州府贛縣西界湖南郴州桂陽縣南界廣東南雄州北界吉安府龍泉縣東南界贛州府信豐縣西南界廣東韶州府仁化縣東北界吉安府萬安縣西北界湖南郴州桂東縣自府治至 京師四千三百三十五里凡領縣四

大庾縣 附郭北緯二十七度四十分西經一百一十二度四十分

南康縣 在府東北一百二十里北緯二十九度十分西經一百一十二度四十分

上猶縣 在府東北一百八十里北緯二十九度十分西經一百一十二度四十分

崇義縣 在府西北一百二十里北緯二十九度十分西經一百一十二度四十分

臣謹案南安府前附嶺南之肩背右當湘西之要衝大庾縣南章水亦名橫浦漢武帝遣楊僕討南越出豫章而下橫浦是也上猶縣西四十里有蜈蚣峽宋建炎時李綱帥師過此為通湖南之要道大庾嶺在郡西南二十五里與廣東南雄交界為五嶺之一崎嶇犖確極為難行唐開元四年張九齡鑿開新徑人始便之遍植梅花又名梅嶺宋嘉祐八年蔡挺與弟抗分官贛粵於嶺南北各甃甃為道復夾道植松立關其上名梅關以分江廣之界云

贛州府在省治西南九百三十里東界甯都州瑞金縣西界南安府南康縣南界廣東惠州府和平縣連平州北及西北界吉安府泰和縣東南界廣東嘉應州平遠縣西南界廣東南雄州東北界甯都州自府治至 京師四千

一百三十五里舊領廳一縣八光緒二十九年增度南廳凡領廳二縣八

贛縣附郭北緯二十五度五十分西經一百一十五度五十分

零都縣在府東五十二里北緯二十九度五十分西經一百一十五度五十分

信豐縣在府南一百一十里北緯二十七度五十分西經一百一十五度五十分

興國縣在府東三十一里北緯二十七度五十分西經一百一十五度五十分

會昌縣在府東三十一里北緯二十七度五十分西經一百一十五度五十分

安遠縣在府東三十一里北緯二十七度五十分西經一百一十五度五十分

長甯縣在府東三十一里北緯二十七度五十分西經一百一十五度五十分

龍南縣在府東三十一里北緯二十七度五十分西經一百一十五度五十分

定南縣在府東三十一里北緯二十七度五十分西經一百一十五度五十分

虔南廳光緒二十九年改觀音閣通判新設府西南四百

臣謹案贛州左右汀虔湖洞章貢樹南贛之重鎮扼東粵之險途自來嶺南有事此地常為要衝得贛州而下游舉者陳霸先之所以成帝業王守仁之所以平宸濠也失贛州而嶺表危者國初之所以殄桂藩而降尙之信也然而僻處南服與省會相距千里閒有山嶺灘險之阻欲其首尾相顧亦甚非易事疆臣其鑑之哉

甯都州在省治南七百二十里東界福建汀州府甯化縣西界贛州府興國縣南界贛州府會昌縣北界撫州府樂安縣東南界福建汀州府長汀縣西南界贛州府零都縣東北界建昌府廣昌縣西北界吉安府永豐縣本州境東界石城縣西界興國縣南界瑞金縣北界樂安縣自州治至京師三千九百六十五里凡領縣二

甯都州北緯二十六度二十八分西經一百一十五度五十分

瑞金縣在州南一百三十三里北緯二十八度五十分西經一百一十五度五十分

石城縣在州東一百九十九里北緯二十八度五十分西經一百一十五度五十分

臣謹案甯都舊為贛郡東鄱屬邑乾隆十九年始升為直隸州金精之山環其西梅江之水縈其北東南八十里下河寨扼瑞石二縣之交又東嶺

隘紛歧巖壑深邃易為盜藪自瑞金東出水行四十里復陸行五十里即至汀州閩贛錯壤如一旦有警州當其衝亦未容忽視之也

皇朝續文獻通考卷三百十五

輿地考十一 福建省

臣謹案福建省禹貢揚州南境周爲七閩地春秋屬越戰國屬楚秦置閩中郡漢初爲閩越王國武帝滅之屬會稽郡三國吳置建安郡晉分置晉安郡宋齊梁因之陳隋曰閩州建安郡唐置福州都督府五代爲王審知及南唐吳越相繼有之宋改福建路元立福建行省廢置無恆明置福建布政使司 國朝因之形勢左瀕大海右控豫章南瞰潮梅北阻甌括海隅局踣戰守兩難遠觀諸漢元封開橫海將軍韓說出句章浮海而閩越遂滅近觀諸宋張世傑立帝是於福州蒙古將阿刺罕自明州航海來襲而福州遂陷此用海道者也若夫黃巢之由饒歛略衢州也於仙霞嶺刊山開道亘七百餘里直趨建州明初太祖命胡廷瑞收江西進取福建自建昌入杉關遂克邵武此用陸路者也自五口通商閩海航路中樞西南達汕廈東北達甬滬東抵臺灣乃甲午之役臺灣澎湖割界日本南海之險要盡失此可爲痛哭者也

省東西約距八百六十里南北距九百八十里東及南至海西至江西甯都州界北至浙江處州衢州二府界西南至江西贛州府廣東嘉應州潮州府界東北至浙江溫州府界西北至江西建昌廣信二府界在 京師東南四千八百四十五里舊領府十直隸州二縣六十二嘉慶三年增雲霄廳光緒十一年改臺灣府爲行省仍以所屬四縣隸之凡領府九直隸州二散廳一縣五十八

福州府爲省治東及東南至海西界延平府南平尤溪二縣南界興化府莆田仙遊二縣北及東北界甯甯府甯德壽甯二縣西南界永春州德化縣西北界建甯府建安政和二縣自治至 京師四千八百四十五里凡領縣十

閩 縣 附郭 治府東 緯北 緯二 度 十六 分 三 分 東 經 三 度 侯官縣 附郭 治府西 緯南 緯度 同前

長樂縣 在府東南一百里北緯二十七度 福清縣 在府南少東一百三十五里北緯二十八度 連江縣 在府東北九十五里北緯二十九度 羅源縣 在府東北一百五十三里北緯二十九度 古田縣 在府西北二百七十里北緯二十九度 屏南縣 在府西北三百四十里北緯二十九度 閩清縣 在府西北三百四十里北緯二十九度 永福縣 在府西南一百六十里北緯二十九度 道光二十二年中英江甯條約開福州爲商埠

臣謹案福州府瀕海負山中跨閩江亦東南一都會也然五代時王審知等據閩數世時生內叛唐兵自劍州南侵不戰而潰元末陳友定由贛之杉關入踞福州越數年明師踵其故轍亦不戰而亡是山谿之失其險由人謀之不臧耳同治年間左宗棠於閩江口上流七十里南臺島下流四十里之馬尾地方建設軍港及製造輪船廠水師學堂此鞏固海防之深謀遠慮也港內羅星塔中流屹立足爲屏障下游兩山緊鎖閩安鎮梅花澳扼守江口外有五虎島及金牌門長門礮臺林立亦省城之外戶也興化府在省治南二百六十里東及東南界海西及西北界永春州及德化縣北及東北界福州府福清永福二縣西南界泉州府南安惠安二縣自治至 京師五千一百五里凡領縣二

莆田縣 附郭 治府北 緯北 緯二 度 十六 分 東 經 四 度 仙遊縣 在府北七十里北緯二十八度 臣謹案府境褊小而北枕會城前箱羣島帆檣絡繹海壖要區也明初倭警於莆田縣東一百里之南日嶼及福清縣東之烽火山泉州南之活嶼各設水寨巡邏海面正統以後遷三寨於內地棄險不守番艇橫行占泊嘉靖中倭賊迭犯閩海諸邑窺省城陷興化幸賴參將戚繼光等破走之前事之不忘後事之師也

泉州府在省治西南四十里東及南界海西界漳州府長泰縣北與東北

界興化府仙遊縣西南界漳州府海澄縣西北界永春州及龍巖州漳平縣

自府治至 京師五千二百五十五里凡領縣五

晉江縣 附郭北緯二十四度五十分

南安縣 在府西少北五十二里北緯二十四度五十分

惠安縣 在府東北五十二里北緯二十四度五十分

同安縣 在府西南一百三十三里北緯二十四度五十分

安溪縣 在府西一百五十五里北緯二十四度五十分

道光二十二年中英江甯條約開同安縣之廈門島為商埠

光緒二十八年奏開同安縣廈門對面之鼓浪嶼為商埠

臣謹案泉州府憑山險固據海沃饒省南雄郡也府治南海口以類窟園

頭二澳為門戶同安海口以活洲烈嶼為門戶皆明代禦倭戍守處晉江

自宋元以來為互市商港今廈門開埠商務遂為所奪島周一百二十里

在同安縣西南五十里關西南一隅為商埠繁盛甲於全閩晉江東北二

十里萬安橋跨浴陽江古稱樂洋唐宣宗有類我洛陽之語俗因改名洛

陽橋宋郡守蔡襄筑石壩水為四十七涵洞長三百六十丈闊丈有五尺

松柏夾道風景絕佳

延平府在省治西北三百六十里東界福州府古田縣西界汀州府歸化清

流二縣南界永春州大田縣北界建甯府建陽縣東南界福州府閩清永福

二縣東北界建甯府建安縣西南界汀州府連城縣西北界邵武府邵武泰

甯二縣自府治至 京師四千四百七十五里凡領縣六

南平縣 附郭北緯二十六度三十分

順昌縣 在府西四十七里北緯二十九度三十分

將樂縣 在府西四十二里北緯二十九度三十分

沙縣 在府西南一百一十里北緯二十九度三十分

尤溪縣 在府南一百一十里北緯二十九度三十分

永安縣 在府西南三百里北緯二十五度五十分

臣謹案延平為劍浦名區鎮州古郡乘留峽關扼黃墩居七閩之中樞

當三溪之總匯山開林木斧刊筏運聚於富屯洋口二鎮運府城下達古

田之水口尚有三十六灘懸流奇險惟老於操舟者乃可問津耳郡學有

四賢祠祀楊時羅從彥李侗朱子皆以聖學垂範百世者也

建甯府在省治西北四百八十里東界福甯府福安縣西界邵武府邵武縣

南界延平府南平縣北界浙江衢州府江山縣東南界福州府古田縣西南

界延平府順昌縣東北界浙江處州府龍泉慶元二縣西北界江西廣信府

鉛山廣豐二縣自府治至 京師三千四百五十五里凡領縣七

建安縣 附郭北緯二十四度五十分

甌甯縣 附郭北緯二十四度五十分

建陽縣 在府東北一百二十里北緯二十四度五十分

崇安縣 在府西北一百一十里北緯二十四度五十分

浦城縣 在府東北一百一十里北緯二十四度五十分

松溪縣 在府東一百一十里北緯二十四度五十分

政和縣 在府東一百一十里北緯二十四度五十分

臣謹案建甯踞閩嶺上游括蒼南麓左通霞浦右達信衢郡北疊嶂層巒

皆仙霞支幹關隘恭布守禦堪資漢初甌越諸王崎嶇立國五代時王延

政亦僭號於斯宋末元兵由溫處攻閩先據建甯 國初貝勒博洛之摧

唐藩親王傑書之平耿皆越仙霞關而南下形勢固皎然矣至若雲峰清

澗利於幽棲建陽西南龍舌洲有唐賢黃子稜考亭遺址其西北盧峰山

下雲谷晦庵朱文公讀書處相近西山為蔡元定所居九峰為蔡沈所居

皆地以人重而崇安縣南之武夷九曲尤著稱於世云

邵武府在省治西北六百七十里東界延平府順昌縣及建甯府建陽縣西

界江西建昌府新城縣南及東南界延平府將樂縣北界江西廣信府鉛山

縣西南界汀州府甯化縣東北界建甯府崇安縣西北界江西建昌府瀘溪

縣自府治至 京師四千八百三十里。凡領縣四

邵武縣 附郭北緯二十七度二分

光澤縣 在府西北八十里北緯二十度

建甯縣 在府西南七十里北緯二十度

泰甯縣 在府西南一百四十里北緯二十度

臣謹案邵武府城南北皆互長嶺中跨樵川其西境居大杉嶺之東麓有五關十四隘而杉關尤扼要由贛入閩首當其衝東與建甯延平成犄角

南爲汀漳作藩籬明初大兵取道於此非巖邑歟其俗諺有二一曰一灘高一丈邵武在天上此因由富屯泝溪而北至邵武歷五百餘灘而云然

也一曰銅延平鐵邵武此因郡城與延平可相資爲守而云然也府之西五十里有龍湖山其絕頂有湖溉田竟達三萬餘頃天然水利莫之與京

汀州府在省治西九百七十五里東界延平府永安縣西界江西甯都州瑞金縣南界廣東潮州府大埔縣北界邵武府建甯縣東南界龍巖州及漳州府南靖縣西南界廣東嘉應州鎮平縣東北界延平府將樂縣西北界江西建昌府廣昌縣及甯都州石城縣自府治至 京師五千一百二十六里凡領縣八

長汀縣 附郭北緯二十五度二分

甯化縣 在府東北一百六十里北緯二十度

清流縣 在府東北一百二十里北緯二十度

歸化縣 在府東北一百九十里北緯二十度

連城縣 在府東南一百一十里北緯二十度

上杭縣 在府東南一百九十里北緯二十度

武平縣 在府東南一百九十里北緯二十度

永定縣 在府東南一百九十里北緯二十度

臣謹案汀州府北扼延邵南控潮嘉峻嶺崇岡險阻四塞西踰新樂嶺古城九隘卽入贛南皆行軍要道也明王守仁之討峒蠻 國朝康熙初嘗

化令王之佐之捕巨寇黃機皆先截貢水歧路而會勦於長汀土產銅鐵菸草西鄉所製毛邊紙合於印刷之需

漳州府在省治西南六百八十里東界泉州府同安縣及廈門島西界汀州府永定縣及廣東潮州府大埔縣南及東南界海北界龍巖州漳平縣西南界廣東潮州府饒平縣東北界泉州府安溪縣西北界龍巖州自府治至 京師五千五百二十五里舊領縣七嘉慶間增雲霄廳凡領廳一縣七

龍溪縣 附郭北緯二十四度三十分

漳浦縣 在府東南一百二十里北緯二十四度

海澄縣 在府東南一百二十里北緯二十四度

南靖縣 在府西南四百里北緯二十七度

長泰縣 在府西南四百里北緯二十七度

平和縣 在府西南四百里北緯二十七度

詔安縣 在府西南四百里北緯二十七度

雲霄廳 在府西南四百里北緯二十七度

漳廈鐵路起海澄縣東嵩嶼西至龍溪東之江東橋

臣謹案漳州亦海濱名區與泉並著溯自隋唐初置牧令荒曠猶多下逮元明戶口日滋增設五縣

惟風俗強梁山澤藏垢蠻獠土寇兵力屢煩嘉靖中葉倭奴肆毒漳泉民多爲之俚教化與法令殆未周歟詔安縣東大帽嶼海澄縣東嵩嶼宋末丞相陸秀夫陳宜中等奉幼主昞漂泊所駐弔古者有餘慨焉今厦漳鐵路從嵩嶼至郡東四十里之江東橋橋枕九龍江上長二百丈與泉州洛陽橋相埒路工未竣濟以汽輪商務殷繁而漳絨之製造尤著名云

福甯府在省治東北五百四十五里東與南界海西界福州府屏南縣及建甯府政和縣北界浙江溫州府泰順縣西南界福州府羅源縣東北界溫州府平陽縣西北界浙江處州府慶元縣自府治至 京師五千四百里凡領



縣五

霞浦縣 附郭北緯二十六度四十一分

福安縣 在府西北一百三十里北緯二十九分

寧德縣 在府西南一百三十里北緯二十九分

壽甯縣 在府西北一百六十里北緯二十九分

福鼎縣 在府東北一百五十里北緯二十九分

光緒二十四年奏開霞浦之三都澳為商埠

臣謹案福甯府甌海橫其左松山峙其東武崎大金諸山向南突出稍曲而西有似鉤形包小海於內謂之三沙灣中有三都島又稱三都澳風靜波平天然軍港光緒二十四年奏准自開口岸名曰福海關迨二十九年輸出茶葉已值銀二百萬兩商業未為不盛乃日人以江西南潯鐵路債權關係屢議延長路線達於三都澳則緣海舟可迅駛臺灣故也東鄰狡謀不可不防已

永春州在省治西南四百十里東界興化府仙遊縣西界龍巖州漳平縣南及西南界泉州府安溪縣北界延平府尤谿縣東南界泉州府南安縣東北界福州府永福縣西北界延平府永安縣本州境東與南並界南安縣西界漳平縣北界德化縣自州治至 京師五千二百五十五里凡領縣二

永春州 北緯二十五度五十八分  
德化縣 在府北少西三十里北緯二十五度五十九分  
大田縣 在府西北二百六十五里北緯二十五度四十分東經一百一十四度四十分

臣謹案永春州佛嶺管於西北桃溪注於東南自明以來漳汀有寇州境必當其衝佛嶺一名戴雲山迤邐東走盡於海岸主峰在德化之西北中有龍潭深不可測其水各自東西南北流或謂為全省中央之分水嶺理或然歟其物產以龍眼素心蘭為最著云

龍巖州在省治西南九百里東界泉州府安溪縣西界汀州府上杭縣南界漳州府南靖縣北界延平府永安縣東南界漳州府龍溪縣西南界汀州府

永定縣東北界永春州大田縣西北界汀州府連城縣本州境東與南並界南靖縣西界上杭縣北界連城縣自州治至 京師五千七百四十里凡領縣二

龍巖州 北緯三十五度九分

漳平縣 在州東七十里北緯二十五度十七分東經一百一十四度十分

甯洋縣 在州東北七十里北緯二十五度三十五分東經一百一十四度十分

臣謹案州境南有百畝雙鬚之峻險中有龍川雁溪之急流宋末文信國謀恢復曾駐師焉治城瀕於溪北東去四十里始通小舟又東至漳平折南為九龍江逕漳州以入海輸出土產有樟腦茶葉木材及紙等

附臺灣省  
臣謹案臺灣遠處東海自古不通中國或謂即後漢之東鯤亦莫能徵信自隋迄元以琉球或澎湖統稱之隋書所謂琉球在泉州東有島曰澎湖煙火相望元史所謂瑠求在南海之東澎湖諸島與瑠求相對者也明初指雞籠山淡水洋謂之東番明史謂永樂中太監鄭和舟下西洋諸夷靡不貢獻獨東番遠避不至中葉以後始知有臺灣嘉靖四十二年海寇林道乾掠近海郡縣都督俞大猷征之迨至澎湖道乾遁入臺灣是也其地高山中互溪湖縱橫沃土茂林物產繁盛其土番千百成社裸體束腰逐走射飛築碉居守無所謂城郭更無所謂文化往在隋初遺將陳稜率兵取澎湖而不置守元代雖置澎湖巡檢皆未計及臺灣明嘉靖以後閩海無賴結黨竄居或招農往墾然僅借為盜窟無海外扶餘之意萬曆四十四年日本會略取一隅既而棄之彼時無政治作用也天啟初元海澄顏思齊南安鄭芝龍相繼樓託厥後荷蘭人由澎湖東來西班牙人由呂宋北至旋荷人復逐西班牙而獨占之於是以荒島為角逐之場矣至 國朝順治十八年明遺臣鄭成功又驅逐荷人偽置承天府領天興萬年二縣傳其子經改府為東甯省升二縣為州康熙二十二年大兵東征經子克塽降改置臺灣府領臺灣鳳山諸羅三縣屬於福建省雍正元年增彰

化縣淡水廳五年增澎湖廳嘉慶十七年增葛瑪蘭廳光緒元年增臺北府基隆卑南埔里社三廳淡水恆春二縣又改淡水廳為新竹縣葛瑪蘭廳為宜蘭縣與新設之淡水縣基隆廳並隸臺北府十一年升改行省十二年改臺灣府為臺南府臺灣縣為安平縣與原有之嘉義改稱鳳山澎湖及恆春咸隸府屬而別置臺灣府及附郭臺灣縣又增雲林苗栗二縣與舊臺灣府屬之彰化縣埔里社廳並隸焉又增臺東直隸州新置花蓮廳與卑南廳同隸於州二十年增南雅廳隸臺南府屬二十一年以馬關條約割隸日本國鑄斯大錯可坐忘歎

省東西距約二百餘里南北距約九百里四面界海在京師東南七千二百五十里凡領府三直隸州一散廳六縣十一

臺灣府為省治東及東南東北界臺東州西及西北西南界海南界臺南府嘉義縣北界臺北府新竹縣自府治至京師七千二百五十里光緒十三年就彰化東北境橋孜圖地方新建省城而以舊府名為名凡領廳一縣四

臺灣縣 附郭光緒十三年新設北緯二十度四十分東經一百二十度四分

彰化縣 在府西三十五里北緯二十度四分東經一百二十度四分

雲林縣 在府南三十三里北緯十九度四分東經一百一十九度四分

苗栗縣 在府北六十里北緯二十三度四分東經一百一十九度四分

埔里社廳 在府東九十里北緯二十四度四分東經一百一十九度四分

乾隆四十九年詔開彰化縣西之鹿港通商

臣謹案府境處全臺中央背山面海平原繡錯南有湖日之饒北有大甲

之險而鑿山刊道東及臺東其埔里社實為後衛居中控御舍此莫由當

日巡撫劉銘傳規建會城誠有見於形勢之勝也

臺南府在省治西南二百里東及東南界臺東州西及南界海北海界臺灣府

彰化縣東北界臺灣府雲林縣自府治至京師七千四百五十里原名臺

灣府光緒十三年改稱並以彰化縣改屬臺灣府凡領廳一縣四

安平縣 附郭原名臺灣縣光緒十三年改稱北緯二十三度東經一百一十九度四分

鳳山縣 在府南八十里北緯二十二度東經一百一十九度四分

嘉義縣 在府北一百一十七里北緯二十五度東經一百一十九度四分

恆春縣 在府東南二百二十里北緯二十二度東經一百一十九度四分

澎湖廳 在府西水程一百七十五里北緯二十二度東經一百二十度四分

咸豐八年中英續約中法條約允開臺灣縣之安平鎮及旗後為商埠

臣謹案府之建置為諸地先其文化亦視他處為優自會城北移冠蓋雖

稀固南服之要區也澳湖有七澳三十六嶼明初以僑民難信皆令內徙

廢巡檢而墟其地然流民仍自潛聚嘉隆以後海賊會一本踞此入寇遣

兵討平之萬曆中防倭設戍天啟初紅毛夷侵入要求互市總兵俞咨皋

用閒徒之北港北港即臺灣以羊易牛其失則均嗣後澎湖為海上重鎮

全臺之外衛以故鄭氏失之而覆亡近者中法之役法水師先擾澎湖以

窺臺灣且西渡金廈不過一日之程而由南海以通東海又為必經之衝

途則非僅一省之關係而已

臺北府在省治東北三百五十里東西北三面界海南界臺東州西南界臺

灣府苗栗縣自府治至京師六千九百餘里同治之末日本出兵臺南威

脅生番 朝命福建船政大臣沈葆楨視師臺灣事平以開山撫番為請光

緒元年奏設府於艋舺增改淡水新竹宜蘭三縣與基隆廳同屬之二十年

增南雅廳又以府城為省會凡領廳二縣三

淡水縣 附郭初屬諸羅雍正元年割隸彰化九年置大甲溪以北專屬淡水

新竹縣 在府西南一百二十里北緯二十四度東經一百一十九度四分

宜蘭縣 在府東南一百零三里北緯二十五度東經一百一十九度四分

宜蘭縣 在府東南一百零三里北緯二十五度東經一百一十九度四分

基隆廳 及三都溪南至蘇澳北緯二十四度四十五分東經五十六度六分  
南雅廳 在府東北七十里光緒元平移為碼頭五里北緯二十五度五十分東經一百零二度四十分  
南雅廳 在府南百餘里原為大寮坑等番社地光緒二十四度二十六分東經一百零四分

乾隆五十七年詔開八里坌 淡西水通商

咸豐八年中英續約中法條約允開基隆及滬尾 淡後水為商埠

臺灣鐵路起於臺北府東北通基隆西南通新竹

臣謹案臺北地形如鷓首衝波中外航路所輳基隆滬尾皆番舶出入之港而基隆背山面海礮壘高峙勢尤險固臺灣有事此其必爭之地道光庚子辛丑英吉利之寇光緒甲申中法之役外艦率先窺伺概可見己自建行省重要衙署寄治於此開礦築路又著先鞭興盛之驟為全臺最蓋有由也

臺東州在省治東南三百二十里東及東南東北皆界海西界臺灣府雲林縣南界臺南府恆春縣北界臺北府宜蘭縣西北界臺灣府埔里社廳自州治至京師七千五百七十里光緒元年開山撫番之議定沈葆楨分派營勇開闢道路而後山始通乃定卑南為廳治移南路理番同知駐之十三年巡撫劉銘傳奏設州治於水尾並於卑南舊治改駐州同水尾迪北增花蓮港廳州判治之凡領廳二

臺東州 北緯二十三度二十一分東經五十六度六分

卑南廳 在州南百五十里光緒元年置治卑南溪旁之卑南莊隸巡道

花蓮港廳 在州北百五十里光緒十三年增北緯二十三度五十八分東經五十七度七分

臣謹案州即官書所謂後山東瀕大海西阻高嶺袤長六七百里廣闊自數十里或百餘里實天造之奧區惟羣番所宅瘴癘時行喬居者因而喪足經沈葆楨督率軍校鑿山通道勦撫野番榛莽已漸化除復經劉銘傳之力事墾闢為治之基肇於斯矣

皇朝續文獻通考卷三百十六

輿地考十二 浙江省

臣謹案浙江北顧三吳南瞰七閩右連饒歙左控滄溟昔人論史謂浙江必藉江淮以立國觀於越既沼吳而不得江淮卒滅於楚五代吳越建國雖不得江淮實藉南唐以為唇齒南宋建都臨安賴諸將力戰江淮之閒得以偏安半壁者垂百餘年近世曾國荃既克金陵肅清江淮而左宗棠蔣益澧遂蕩平浙寇此浙江賴江淮為屏蔽明矣夫臨安襟帶漸江憑依天目固有險可守今者鐵路接軌門戶洞開橋李介乎蘇杭運河要道吳興踞太湖上游扼荆宜蹊徑江山仙霞贛閩孔道當咸豐朝 悍寇鴟張之際杭垣屢陷湖猶困守衝獨瓦全此地地利兵謀得失之鑑也至於甯紹溫台瀕於海滙島嶼錯列港灣紛布兵艦縱橫可以駛江淮而入閩粵顧用之何如耳若浙西蠶桑之利浙東魚鹽之饒與江蘇相伯仲故東南財賦必數江浙云

省東西約距七百里南北約距八百里東及東南界海北至安徽徽州甯國二府界南至福建福甯建甯二府界北至江蘇蘇州常州二府界西南至江西饒州廣信二府界東北至江蘇松江府界西北至安徽廣德州界在京師東南三千二百里舊領府十一散廳一散州一縣七十五道光二十一年升定海縣為直隸廳宣統三年增南田縣凡領府十一直隸廳一散廳一散州一縣七十五

杭州府為省治東至甌門海口西界安徽徽州府績谿縣南及東南界紹興府蕭山縣北界湖州府德清縣西南界嚴州府桐廬縣金華府浦江縣東北界嘉興府海鹽石門二縣西北界湖州府孝豐縣及安徽甯國府甯國縣自府治至 京師三千二百里凡領州一縣八

錢塘縣 附郭治府西境北緯三十九度  
仁和縣 附郭治府東境  
海甯州 在府東七十里北緯三十八度

富陽縣 在府西南九十里北緯三十三度  
餘杭縣 在府西北七十里北緯三十三度  
臨安縣 在府西北一百三十里北緯三十三度  
於潛縣 在府西北一百七十里北緯三十三度  
新城縣 在府西南一百二十里北緯三十三度  
昌化縣 在府西南一百二十里北緯三十三度  
光緒二十一年中日馬關條約開杭州為商埠

浙省鐵路起於杭州經海甯北入嘉興

臣謹案府東南帶江西西北阻山北則平疇廣衍沃野膏腴隋唐以下恃為財賦淵藪錢鏐崛起遂屹然為東南雄鎮餘杭之獨松關昌化之昱嶺關自古兵家莫不視為險要而錢塘江口沙積潮高雖有礙航行亦天然險阻也府城西瀕西湖山林泉壑之幽招提亭榭之雅南宋君臣所以歌舞宴安而坐忘父兄之仇者也城北四里拱宸橋為商埠所在自浙省鐵路通北走滬漕朝發夕至貿易之利轉被吸收矣

嘉興府在省治東北一百八十里東及東北界江蘇松江府婁金山二縣西界湖州府歸安德清二縣南界杭州府海甯州北界江蘇蘇州府吳江縣東南界大海西南界杭州府仁和縣西北界蘇州府震澤縣自府治至 京師三千二百里凡領縣七

嘉興縣 附郭治府東境北緯三十三度  
秀水縣 附郭治府西境北緯三十三度  
嘉善縣 在府東北三十六里北緯三十三度  
海鹽縣 在府東北四十二里北緯三十三度  
平湖縣 在府東八十里北緯三十三度  
石門縣 在府西南八十里北緯三十三度  
桐鄉縣 在府西南五十五里北緯三十三度  
浙省鐵路由海甯入經府城嘉善北入江蘇

臣謹案府境強半澤國瀟為湖蕩流為港汊八達四通使舟代馬惟東南一面瀕海有山則塘工攸賴焉運河長水絡於其中北出王江涇趨吳江之營脰湖東出泖口接松江之柘林等處皆前明倭寇所鈔掠今日鹽販所橫行而水師所宜加意梭巡者也自滬杭鐵軌取道於斯陸路亦成衝要若夫魚鹽之利以海鹽之澉浦平湖之乍浦為最元明時代番舶往來貿易極盛近世沙塗梗塞隔以石塘久不能容納商舟矣

湖州府在省治北少西一百八十里東界江蘇蘇州府震澤縣西界安徽廣德州南界杭州府仁和縣北至太湖東南界嘉興府桐鄉縣西南界安徽甯國府甯國縣東北界蘇州府吳縣西北界江蘇常州府宜興縣自府治至

京師三千二十里凡領縣七

烏程縣 附郭治府西北經北緯三十七度

歸安縣 附郭治府東南經北緯三十七度

長興縣 在府西北六十里經北緯三十三度

德清縣 在府南少西九十里經北緯三十三度

武康縣 在府南少西一百一十五里經北緯三十三度

安吉縣 在府西南一百二十里經北緯三十三度

孝豐縣 在府西南九十里經北緯三十三度

臣謹案湖州府東北瀕太湖西南憑天目溪澗下注率匯於湖所謂七十二漈者向皆有闕以時啟閉節水澄沙道咸以來多就廢壞諸漈皆埋太湖之底日高致潦不能容旱無所潤嘉湖蘇常四府並受其害矣長興西南七十里之四安鎮介廣德安吉之閒南宋德祐初元將阿刺罕自建康出廣德四安犯獨松關遂陷之臨安震懼是鎮為要害之區也明徐達攻張士誠嘗言直搗姑蘇乃潛師自宜興出太湖徑薄州城而蘇州勢孤則湖尤安危所係也郡人素治蠶桑故湖絲有衣被天下之稱若菱湖雙林新市南潯等鎮皆以絲繭著聞而南潯尤殷阜云

甯波府在省治東南四百八十里東渡內海界定海廳東南及北皆界海西

界紹興府嵊縣南界台州府甯海縣西北界紹興府餘姚縣自府治至京師三千六百四十里舊領縣六道光二十一年升定海縣為直隸廳宣統三年增南田縣凡領縣六

鄞縣 附郭北緯二十九度五十七分

慈溪縣 在府西北五十四里北緯二十九度

奉化縣 在府西南八十里北緯二十九度

鎮海縣 在府東北六十里北緯三十一度

象山縣 在府東南五十五里北緯三十一度

南田縣 在府東南三百二十里北緯二十九度

道光二十二年中英江甯條約開甯波為商埠

浙省鐵路甯波段由紹興府餘姚縣入經慈谿至府城止

臣謹案甯波左瀕東海右阻四明蟹浦蛟門海船輻輳前明中葉東西洋島國即來通商海上有事防禦最急明代之倭夷近時之英法莫不由甯江內犯咸同以來於鎮海各島建置礮臺浙東門戶此其要衝矣迤南象山港水深澳穩北與舟山南與三門聲勢聯接有東海第一軍港之稱至其漁業之盛海產之富他省鮮與比例每日有輪舟往返上海有鐵路達上虞之曹娥江商賈行旅取道者尤多

定海廳在省治東南六百二十里距甯波二百六十里四面皆海本定海縣屬之舟山康熙二十六年改定海為鎮海而移定海縣於此道光二十一年升直隸廳自廳治至京師三千六百五十里

臣謹案定海廳春秋越之甬東唐置翁山縣宋改昌國高宗迫於金兵曾渡海駐此明初以懸遠棄之失策甚矣嘉靖中倭寇屢經流據事平後乃設戍所唐順之謂崇明控扼江南舟山控扼浙東天設之險也山周一百七十里領袖羣島苟築為軍港北蔽江浙南馭臺澎不特為一省藩籬矣其東百餘里普陀山梵宇林立與五臺峨嵋皆彼宗所目為清淨聖域者也

紹興府在省治東南一百四十里東界波府奉化縣西及西北界杭州府  
富陽縣南界金華府東陽縣北界杭州府仁和錢塘二縣東南界台州府天  
台縣西南界金華府義烏浦江二縣東北界海及甯波府慈谿縣自府治至  
京師三千三百四十里凡領縣八

山陰縣 附郭治府西經四度北緯三十分

會稽縣 附郭治府東經四度北緯三十分

蕭山縣 在府西經一十二度北緯三十三度

諸暨縣 在府西經一十四度北緯三十三度

餘姚縣 在府東經一十八度北緯三十三度

上虞縣 在府東經一十八度北緯三十三度

嵊縣 在府東經一十八度北緯三十三度

新昌縣 在府東經一十八度北緯三十三度

浙省鐵路甬紹段起於上虞縣之曹娥江岸經餘姚東入慈谿

臣謹案紹興後瀕巨海前絡三江會稽峙於中剡嵊環於外昔越句踐十  
年生聚卒以沼吳故生齒日繁足跡遍天下其安居者因湖填土良田萬  
頃力勤農稼兼資桑茶而俗尚儉樸殷富為浙東之最五代時董昌據越  
州錢鏐并其地以成霸業近世同治二年蔣益澧自義烏劉典自浦江進  
攻巨寇於諸暨合甯波軍克紹興而杭州遂勢如破竹今者浙省鐵路自  
甬江歷餘姚上虞止於曹娥江站聲息相通防守宜加密矣至越釀之酒  
嵊新之繭尤著稱於世云

台州府在省治東南四百五十里東界海西界處州府縉雲縣南界溫州府  
樂清縣北界紹興府新昌縣東南界海及玉環廳西南界溫州府永嘉縣東  
北界甯波府象山縣西北界金華府東陽縣自府治至 京師三千七百九  
十里凡領縣六

臨海縣 附郭治府東經一十二度北緯三十三度

黃巖縣 在府東經一十二度北緯三十三度

天台縣 在府西經一十四度北緯三十三度

仙居縣 在府西經一十四度北緯三十三度

甯海縣 在府西經一十四度北緯三十三度

太平縣 在府西經一十四度北緯三十三度

臣謹案府境天台作鎮括蒼如屏三面阻山一隅瀕海海岸屈曲五百餘  
里島嶼十計溪港六七最要者北為三門灣毗連石浦南為松門山近接  
玉環其中海門衛當椒江下游更形寬廣逆流西上八十里而抵府城旁  
通黃巖縣元季方國珍發難於斯明代倭寇時時蹈瑕抵隙宜鑒前車而  
懷遠慮者也天台山自智顛大師倡導宗風迄今寺院林立為佛氏名勝  
焉至其民風強悍不逞之徒往往鋌而走險亦地方之隱憂矣

金華府在省治西南四百里東界台州府天台縣西界衢州府龍游縣南界  
處州府麗水縣北界杭州府富陽縣東南界台州府仙居縣西南界處州府  
宣平縣東北界紹興府諸暨縣二縣西北界嚴州府建德壽昌二縣自府治  
至 京師三千六百五十里凡領縣八

金華縣 附郭治府東經一十二度北緯三十三度

蘭谿縣 在府東經一十二度北緯三十三度

東陽縣 在府東經一十二度北緯三十三度

義烏縣 在府東經一十二度北緯三十三度

永康縣 在府東經一十二度北緯三十三度

武義縣 在府東經一十二度北緯三十三度

浦江縣 在府東經一十二度北緯三十三度

湯溪縣 在府東經一十二度北緯三十三度

自古兵爭規為要區蘭溪為衢婺二江之會口實浙江之上源由此順流  
達省僅三日程異時海未通航閩貨北出仙霞者道皆經此今稍衰矣民  
風質樸力役任勤旅食之工餬口遠方蓋物產未足以贖之耳

衢州府在省治西南五百四十里東界金華府湯溪縣西界江西廣信府玉山縣南及東南界處州府遂昌縣北界嚴州府遂安縣西南界福建甯府浦城縣東北界嚴州府壽昌縣西北界安徽徽州府婺源縣自府治至京師三千七百四十里凡領縣五

西安縣 附郭北緯二十九度二分 東經一百一十五度五分  
龍游縣 在府東七十里北緯二十九度二分 東經一百一十五度五分  
江山縣 在府西七十里北緯二十九度二分 東經一百一十五度五分  
常山縣 在府西八十里北緯二十九度二分 東經一百一十五度五分  
開化縣 在府西九十里北緯二十九度二分 東經一百一十五度五分

臣謹案衢州為浙閩鎖鑰咽喉吳越瞻姑蔑之旗三國有崢嶸之鎮宋時方臘曾陷州城明代礦徒輒煩兵力國朝同治元年左宗棠率軍自婺源開化下衢州而全浙以次底定據高臨下其勢順也江山縣南一百里仙霞嶺南距福建浦城一百二十里山周百里凡歷二十四曲而后登其上高峰插天鳥道縈紆狹處僅容一騎因隘設戍為關凡六與嶠函劍閣同其險峻誠天然之屏蔽也

嚴州府在省治西南二百九十里東及東南界金華府浦江縣西及西北界安徽徽州府歙縣南界金華府蘭谿縣北界杭州府於潛縣西南界衢州府西安開化二縣東北界杭州府富陽新城二縣自府治至京師三千五百里凡領縣六

建德縣 附郭北緯二十九度三分 東經一百一十五度五分  
淳安縣 在府西二十里北緯二十九度三分 東經一百一十五度五分  
桐廬縣 在府西五十里北緯二十九度三分 東經一百一十五度五分  
遂安縣 在府西一百里北緯二十九度三分 東經一百一十五度五分  
壽昌縣 在府西一百二十里北緯二十九度三分 東經一百一十五度五分  
分水縣 在府西一百五十里北緯二十九度三分 東經一百一十五度五分

臣謹案嚴州上承杭欽下顧婺衢安西之威平洞韓世忠擊擒方臘者

也桐廬西麓之牛山錢魯挫敗烏珠者也明初張士誠遣將來爭李文忠屢敗之於鮑嶺及胥口分水近時巨寇陷嚴州略王氏女為役女惡寇徵求密以虛實告官軍魏喻義將千人往午夜薄城梯四門以登城遂復杭紹以次削平昔人謂嚴州不守臨安必危洵不誣也桐廬西三十里富春山下臨錢江上有嚴子陵釣臺風景絕佳

溫州府在省治東南八百九十里東及南界海西界處州府青田縣北界台州府仙居縣西南界福建福甯府福鼎壽甯二縣東北界台州府黃巖太平二縣西北界處州府縉雲縣自府治至京師四千九十里凡領廳一縣五

永嘉縣 附郭北緯二十八度一分 東經一百一十八度四分  
瑞安縣 在府南八十里北緯二十七度七分 東經一百一十八度四分  
樂清縣 在府北八十里北緯二十七度七分 東經一百一十八度四分  
平陽縣 在府西一百一十里北緯二十七度七分 東經一百一十八度四分  
泰順縣 在府西一百三十里北緯二十七度七分 東經一百一十八度四分  
玉環廳 在府東一百三十里北緯二十七度七分 東經一百一十八度四分

光緒二年中英煙台條約開溫州為商埠

臣謹案溫州府海嶠縈繞梯航匯萃亦東南之形勝也出甌江口東北至台州之三門灣西南達福甯之三都澳處處險要故永嘉有龍灣山茅竹嶺狀元橋礮臺樂清有鎮甌岐頭礮臺平陽有下垵礮臺玉環有蛇嶼礮臺設險防守頗有犄角之勢光緒二年開甌海關華洋貿易不甚興旺全郡竹木之材足資利用將來甯福鐵路告成交通當尤便利樂清西九十里之雁蕩山百有二峰因岩成壑奇峭嶮峻得未曾有大小龍湫飛瀑數百丈為天下奇觀謝靈運為永嘉守倏奇而不及此沈括謂天下奇秀無逾此山及宋太平興國初僧全了棲此山其名益顯譬諸士人晚達良然處州府在省治南七百一十里東界溫州府永嘉縣西界福建建甯府浦城縣南界溫州府泰順縣及福建福甯府壽甯縣北界金華府武義縣東南界溫州府瑞安縣西南界福建建甯府松溪政和二縣東北界金華府永康縣

西北界衢州府西安龍游二縣自府治至 京師三千九百里凡領縣十

麗水縣 五分東經二八度二十

青田縣 八分東經一五度二十

縉雲縣 三分東經一三度二十

松陽縣 八分東經一三度二十

遂昌縣 八分東經一三度二十

龍泉縣 七分東經一三度二十

慶元縣 四分東經一三度二十

雲和縣 八分東經一三度二十

宣平縣 八分東經一三度二十

景甯縣 五分東經一三度二十

臣謹案處州府山國也由仙霞而東為括蒼為天台隨地異名而府境最

高迴分畫浙閩天然大障溪澗四瀉東北流者會於麗水謂之大溪即甌

江上游也府城負山枕流因為險東下永嘉勢成建瓴蹊徑所出隘口

紛歧曰苦竹曰淡洋曰蒼嶺曰小梅曰石塘龍首等皆前人防守之處縉

雲西南馮公嶺有桃花隘為郡北之鎖鑰南北朝陳天嘉時遣侯安都討

留異明初耿再成胡大海之夾攻元將石抹宜孫皆於此戰勝焉所屬各

邑皆僻小無城控制匪易石田瘠土物產亦稀龍泉南鄉能製陶器雲宣

等縣間有銀鉛礦久廢



皇朝續文獻通考卷三百十七

輿地考十三 湖北省

臣謹案湖北居全國之中東以武穴為門戶西據三峽為藩籬北負武勝之雄南阻洞庭之險昔顧祖禹論湖廣形勝舉襄陽武昌荊州三重鎮尤注重於襄陽今者時勢一變當咸豐癸丑丙辰之間武昌三陷漢陽四陷胡林翼知武漢為咽喉故其奏曰善鬪者必扼其吭善兵者必審其勢平吳之策先在保鄂若夫京漢粵漢鐵路南北交通武漢更為全國之根本根本如動搖則四方響應可不豫為之防哉

省東西最廣處約距一千三百四十里南北約距八百餘里東至安徽安慶府界西至四川夔州府及石柱廳界南至湖南岳州府及澧州永順府界北至河南汝甯府南陽府界東南至江西九江府南昌府界西南至四川西陽州界東北至河南光州及安徽六安州界西北至陝西商州及興安府界在京師西南三千一百五十里舊領府十州八縣六十乾隆五十六年升安陸府屬荊門州直隸光緒二十四年增夏口廳三十年升改宜昌府屬鶴峰州為直隸廳凡領府十直隸州一直隸廳一散廳一散州六縣六十

武昌府為省治東界黃州府黃岡縣西界漢陽府漢陽縣南界江西西南昌府義甯州北界黃州府黃安縣東南界江西西南昌府武甯縣九江府瑞昌縣西南界湖南岳州府平江縣東北界黃州府麻城縣西北界漢陽府黃陂縣沔陽州自府治至京師三千一百五十五里凡領州一縣九

江夏縣	在府東北	經緯度	三十一度三十分	東經	一百一十五度三十分
武昌縣	在府東北	經緯度	三十一度三十分	東經	一百一十五度三十分
嘉魚縣	在府東北	經緯度	三十一度三十分	東經	一百一十五度三十分
蒲圻縣	在府東北	經緯度	三十一度三十分	東經	一百一十五度三十分
咸甯縣	在府東北	經緯度	三十一度三十分	東經	一百一十五度三十分
崇陽縣	在府東北	經緯度	三十一度三十分	東經	一百一十五度三十分
通城縣	在府東北	經緯度	三十一度三十分	東經	一百一十五度三十分

興國州 在府東南 經緯度 三十一度三十分 東經 一百一十五度三十分

大冶縣 在府東南 經緯度 三十一度三十分 東經 一百一十五度三十分

通山縣 在府東南 經緯度 三十一度三十分 東經 一百一十五度三十分

光緒二十六年奏開武昌為商埠

大冶鐵路起於大冶縣北江岸之石灰窰西行至鐵山鋪止又有支綫自得道溝至獅子山止

臣謹案府三面環江南阻幕阜北多沼澤故其地勢南高而北低當鄂贛湘三省之交而會城與漢陽漢口三方鼎足控扼之區兵爭所亟今城中蛇山礮臺與漢陽大別山礮臺對峙尤據險要大冶縣之獅子山紗帽翅山鐵山等處所產煤鐵甚富為漢冶萍公司所經營足供漢陽鐵廠之用自與日本訂借款合同以來利權被攫借哉

漢陽府在省治西北十里東及東南界武昌府江夏縣西界安陸府潛江縣南界武昌府嘉魚縣北界河南汝甯府羅山縣西南界荊州府監利縣湖南岳州府臨湘縣東北界黃州府黃安縣西北界德安府安陸縣自府治至京師三千一百五十里舊領州一縣四光緒二十四年增夏口廳凡領廳一州一縣四

漢川縣 在府東北 經緯度 三十一度三十分 東經 一百一十五度三十分

黃陂縣 在府東北 經緯度 三十一度三十分 東經 一百一十五度三十分

孝感縣 在府東北 經緯度 三十一度三十分 東經 一百一十五度三十分

沔陽州 在府東北 經緯度 三十一度三十分 東經 一百一十五度三十分

夏口廳 在府東北 經緯度 三十一度三十分 東經 一百一十五度三十分

咸豐八年中英天津條約開漢口為商埠

京漢鐵路由德安府應山縣入經孝感黃陂至夏口廳之玉帶門止

臣謹案漢陽府枕江帶漢為鄂渚之屏障荆鄂之藩籬城北大別山與武昌蛇山夾江分險左右形援其北麓有漢陽鐵廠偏西即兵工廠鐵廠係

漢治萍公司所經營因日本國債關係大權旁落亦一憾事江北漢口鎮古名夏口九省通衢夙稱繁劇自咸豐年開辦通商口岸以來華洋雜處事益紛繁近年俄法英德日本各國展拓租界交涉愈形棘手且京漢粵漢南北兩鐵路所會此其中權尤為各省來往衝途而亦用兵必爭之地也

黃州府在省治東北一百八十里東界安徽安慶府太湖縣西界武昌府武昌縣南界武昌府大冶縣北界河南光州光山縣東南界江西九江府德化縣西南界武昌府興國州東北界安徽六安州霍山縣西北界漢陽府黃陂縣及河南汝甯府羅山縣自府治至 京師三千二百六十里凡領州一縣

七

黃岡縣 附郭北緯三十一度四十分

蕪水縣 在府東一百一十里北緯三十一度三十分

羅田縣 在府東一百一十里北緯三十一度三十分

麻城縣 在府北一百一十里北緯三十一度三十分

黃安縣 在府北一百一十里北緯三十一度三十分

蕪州 在府東一百一十里北緯三十一度三十分

廣濟縣 在府東一百一十里北緯三十一度三十分

黃梅縣 在府東一百一十里北緯三十一度三十分

臣謹案黃州介舒鄂之閒北據五關南憑大江由淮爭鄂府其必經之要會遠者唐興元以來淮西多故蕪黃往往被兵宋季蒙古南侵多出光蔡窺五關以爭長江近者咸豐八九年閒胡林翼起為湖北巡撫移駐黃州檄李續宜依大營屯軍六千以拒寇帥陳玉成皆是故也廣濟縣南七十里之武穴鎮外江內湖介鄂贛二省實鄂東咽喉武穴西北之田家鎮依山為壘礮臺高壘與隔江半壁山相犄角寇曾以鐵索木筏橫截江流我軍苦戰克之則又堂奧之險也

德安府在省治西北三百二十五里東界漢陽府孝感縣西界安陸府鍾祥

縣南及東南界漢陽府漢川縣北界河南南陽府桐柏縣西南界安陸府京山天門二縣東北界河南汝甯府信陽州西北界襄陽府襄陽縣自府治至 京師二千四百八十里凡領州一縣四

安陸縣 附郭北緯三十一度十八分

雲夢縣 在府東一百一十里北緯三十一度三十分

應城縣 在府南一百一十里北緯三十一度三十分

隨州 在府西一百一十里北緯三十一度三十分

應山縣 在府北一百一十里北緯三十一度三十分

京漢鐵路由河南入經應山東境南入漢陽府之孝感

臣謹案德安東屏漢西翼襄樊春秋時楚人用郢以得志於中原南北朝亦以安遠隨陽為角勝之地近世咸豐十一年巨寇既陷德安且哨馬繞太湖城以撼胡林翼大營及舒保等克德安逐北四百餘里廣濟蕪黃次第盡復此誠荆楚之門戶最為險要者也

安陸府在省治西北五百三十五里東界德安府應城縣西界荊門州南界荊州府監利縣北界襄陽府襄陽縣東南界漢陽府沔陽州西南界荊州府江陵縣東北界德安府隨州西北界襄陽府宜城縣自府治至 京師二千六百三十里舊領州一縣五乾隆五十六年升所屬之荊門州為直隸並以當陽縣屬之凡領縣四

鍾祥縣 附郭北緯三十一度十七分

京山縣 在府東一百一十里北緯三十一度三十分

潛江縣 在府南一百一十里北緯三十一度三十分

天門縣 在府東一百一十里北緯三十一度三十分

臣謹案安陸府居荆襄之肘腋扼漢沔之中樞郡城西北隅故石城縣址晉竟陵郡所治也自古視為險要晉咸康初庾亮欲經營河洛請移鎮石城惜格於蔡謨之議西魏攻梁進次石城湘東王繹請和盟曰魏以石城為封梁以安陸為界近咸豐朝巨寇竄至亦盤踞石城洵巖邑也物產以

棉花為大宗而礦出石綠足供畫家所用惜近時不多得也

荊州府在省治西八百里東界漢陽府沔陽州西界宜昌府長陽縣南界湖南岳州府華容縣北界荊門州東南界湖南岳州府臨湘縣西南界湖南澧州東北界安陸府潛江縣西北界宜昌府東湖縣自治至 京師二千九百五十里舊領縣八乾隆五十六年以遠安縣改隸荊門州凡領縣七

江陵縣 附郭北緯三十二度二十六分

公安縣 在府南一百二十里北緯三十一度三十分

石首縣 在府東南一百八十里北緯二十九度四十分

監利縣 在府東八十二里北緯二十九度四十分

松滋縣 在府西南一百二十里北緯二十九度四十分

枝江縣 在府西一百八十里北緯二十九度四十分

宜都縣 在府西北一百八十里北緯二十九度四十分

光緒二年中英煙臺條約開江陵縣屬之沙市為商埠

臣謹案諸葛武侯曰荊州北據漢沔利盡南海東連吳會西通巴蜀此用武之國也地勢之重自昔然矣故守荊州可以翼武昌可以固長沙可以鎮襄陽與諸郡有輔車相依之勢惟逼近江岸易受水災歷代築石隄以捍水近復鑿虎渡河使通澧水與藕池河並泄於洞庭湖水勢稍殺郡南十五里之沙市宋鄭解會築長隄以杜水患商賈輻集 本朝光緒二年英約允作停泊所二十一年日本馬關條約允開口岸商業漸興俗稱小漢口焉

荊門州在省治西北六百二十五里東及東北界安陸府鍾祥縣西界宜昌府東湖縣南界荊州府江陵松滋二縣北界襄陽府宜城縣東南界安陸府潛江縣西南界荊州府枝江縣西北界襄陽府南漳縣自治至 京師二千七百二十里本屬安陸府乾隆五十六年升直隸州以荊州府屬之遠安縣安陸府屬之當陽縣改隸凡領縣二  
荊門州 北緯三十一度四分 西經四十二度一分

當陽縣 在州南一百五十里北緯三十七度四十分

遠安縣 在州西二百四十里北緯三十六度四十分

臣謹案宋嘉熙中陸九淵知荊門軍事以其居江漢之間為四集之路南捍江陵北援襄陽東護隨郢之脅西當光化樊陵之衝荊門固則四鄰有所恃請於朝而城之其後孟珙受詔收復荊襄珙謂必得郢然後可以通饋餉得荊門然後可以出奇兵及復郢州荊門而襄樊地在掌握矣今日之勢固無以異於是也

襄陽府在省治西北六百八十里東界德安府隨州西界鄖陽府房縣南界荊門州北界河南南陽府鄧州東南界安陸府鍾祥縣西南界鄖陽府保康縣東北界河南南陽府新野縣西北界鄖陽府鄖縣自治至 京師二千二百二十里凡領州一縣六

襄陽縣 附郭北緯三十二度五十分

宜城縣 在府東南一百二十里北緯二十九度四十分

南漳縣 在府西南一百二十里北緯二十九度四十分

棗陽縣 在府東北一百四十里北緯二十八度三十分

穀城縣 在府西北一百四十里北緯二十八度三十分

光化縣 在府西一百四十里北緯二十八度三十分

均州 在府西北一百四十里北緯二十八度三十分

臣謹案襄陽左遮武漢右睨梁益樊城峙其北峴山踞其南自古南人得襄陽未能破關洛北人得襄陽即可圖東南試觀晉羊祜屯此而孫吳之夏口不足恃齊蕭衍據此而魏兵於沔陰不敢越蒙古破襄陽頓兵累年而南宋之鄂州不能固可以知之矣今者有京漢鐵路之交通兵略所重漸趨於東而秦隴及豫省西南之貨物尚出入於襄樊爭戰之地易為爭利之場已

鄖陽府在省治西北一千二百五十里東界襄陽府均州西界陝西興安府白河平利二縣南界宜昌府興山縣北界陝西商州商南縣東南界襄陽府

南漳縣西南界四川夔州府大甯縣東北界河南南陽府浙川廳西北界陝西商州山陽縣自府治至 京師二千五百里凡領縣六

鄖 縣 附郭北緯三十二度四十分

房 縣 在府西南三十三度四十分

竹山縣 在府西南三十三度四十分

竹溪縣 在府西南三十三度四十分

保康縣 在府西南三十三度四十分

鄖西縣 在府西南三十三度四十分

臣謹案鄖陽襟帶荆襄控制宛鄧為商維之外蔽實漢沔之噤喉昔秦滅趙徙趙王於房陵唐武后亦禁錮中宗於房陵房陵者房縣也以其地四塞險固飛越為難故耳物產有鄖陽綢然未能與蘇杭爭勝也

宜昌府在省治西一千八十里東界荊門州當陽縣西界四川夔州府巫山縣南界荊州府宜都縣北界襄陽府南漳縣東南界荊州府宜都縣西南界

鶴峰廳東北界荊門州遠安縣西北界鄖陽府房縣自府治至 京師二千

八百里舊領州二縣五光緒三十年升改鶴峰州為直隸廳凡領州一縣五

東湖縣 附郭北緯三十三度四十分

歸 州 在府西南三十三度四十分

長陽縣 在府西南三十三度四十分

興山縣 在府西南三十三度四十分

巴東縣 在府西南三十三度四十分

長樂縣 在府西南三十三度四十分

光緒二年中英煙臺條約開宜昌為商埠

臣謹案宜昌府左跨重湖右櫻三峽明夷陵州故楚西陵邑也吳陸遜守夷陵而蜀主連營七百里為其所破晉王濬克西陵而荆沔以東無敢與敵唐取峽州而蕭銑遂亡自夷陵泝江二十五里為西陵峽再上即夔州府巫山縣之巫峽更西為奉節縣之瞿唐峽三峽長三百餘里奔流急湍

行者戒心出口至東湖縣西北十五里之平喜壩則舟人皆慶賀故名自開商埠江輪至此為限而小輪西上可達重慶蜀中貨物咸萃於斯

鶴峰廳在省治西南一千五百五十里東界宜昌府長樂縣西界施南府宣恩縣南界湖南永順府桑植縣北界宜昌府巴東縣自廳治至 京師三千

二百里本宜昌府屬州光緒三十年升直隸廳

臣謹案鶴峰昔為苗疆容美土司人民敦龐樸陋與漢人雜居久而同化

雍正末年改土歸流惜未受教育時有桀驁不馴之舉牧民者所當注意也

施南府在省治西一千七百里東界鶴峰廳西界四川石柱廳南界四川西陽州北界四川夔州府奉節雲陽二縣東南界湖南永順府龍山縣西南界

四川酉陽州黔江縣東北界宜昌府巴東縣西北界四川夔州府萬縣自府

治至 京師三千三百里凡領縣六

恩施縣 附郭北緯三十三度四十分

宣恩縣 在府西南三十三度四十分

來鳳縣 在府西南三十三度四十分

咸豐縣 在府西南三十三度四十分

利川縣 在府西南三十三度四十分

建始縣 在府西南三十三度四十分

臣謹案施南右控巴蜀左蔽荆楚而險阻幽深蠻獠雜處開道尙有待也

郡西有懷來峒陰明洪武初藍玉引兵至此受蠻夷款附故名光緒十年

前由宜昌長陽至四川石柱廳加開一綫山徑行者但負戴而不能荷擔

九日始造峰巒遞降三日始至郡城又西行層累而上乃達石柱可云行

路難矣境內有清江攷後漢西南夷傳廩君乘土船從夷水至鹽陽所謂

夷水即清江是已

皇朝續文獻通考卷三百十八

輿地考十四 湖南省

臣謹案湖南左顧豫章右控黔粵南瞰五嶺北枕九江衡嶽鍾靈士風厚重如濂溪之理學船山之潛修固足師表人倫近時羅澤南胡林翼曾國藩輩以書生鼓勵正氣號召鄉勇旋轉危機執謂儒術寡效乎其民勤於穡事產穀豐饒歲有餘糧分輸鄰省礦質所蘊亦復不貲沅澧瀘湘羣流午貫交通水利形便兼收也

省東西約距八百八十里南北約距一千九百里東至江西南昌袁州吉安三府界西至貴州松桃廳銅仁思州鎮遠黎平四府界南至廣東連州連山廳界北至湖北荆州宜昌二府界東南至江西西南安府廣東韶州府界西南至廣西平樂桂林柳州三府界東北至湖北武昌府界西北至四川酉陽州湖北施南府界在 京師西南三千五百八十五里舊領府九直隸州四散廳三散州三縣六十四嘉慶元年升辰州府屬乾州鳳凰永綏三廳為直隸二十二年增晃州直隸廳光緒十七年增南州直隸廳凡領府九直隸廳五直隸州四散州三縣六十四

長沙府為省治東界江西袁州府萍鄉萬載二縣西界辰州府沅陵縣南界衡州府衡山縣北界岳州府巴陵縣東南界江西吉安府蓮花廳永新縣西南界寶慶府邵陽縣東北界江西南昌府義甯州西北界常德府桃源龍陽二縣自府治至 京師三千五百八十五里凡領州一縣十一

長沙縣	附郭	治府	西	北	三	度	四	分	八
善化縣	附郭	治府	東	南	一	度	四	分	八
湘潭縣	在府	西	南	一	百	里	北	四	分
湘陰縣	在府	北	一	百	里	西	三	度	七
湘鄉縣	在府	西	南	一	百	里	北	四	分
甯鄉縣	在府	西	南	一	百	里	北	四	分
益陽縣	在府	西	南	一	百	里	北	四	分

瀏陽縣 在府東一百五十三里北緯二分  
安化縣 在府北一百六十五里北緯二分  
醴陵縣 在府南一百九十里北緯二分  
攸縣 在府南一百九十里北緯二分  
茶陵州 在府南一百九十里北緯二分  
光緒三十年奏開長沙為商埠三十一年奏開湘潭為商埠  
粵漢鐵路之湘鄂路由長沙起南至湘潭縣東之株州止

臣謹案長沙坐鎮三湘旁通五渚左規萍醴右問桃源荆南雄郡也漢封吳芮於長沙使拒南越晉使譙王承出鎮湘州用備王敦近世咸豐二年提督余萬清與羅繞典治軍長沙賊將蕭朝貴不能破時曾國藩左宗棠用湖湘子弟削平大難將士明於大義事平後解甲歸農帖然安分尤為難能可貴也今者水陸交通汽船北達武漢西達宜昌粵漢萍株兩鐵路縱橫其間形勢頓異光緒壬寅癸卯英日先後商約九開口岸西門外市應殊盛湘江之米瀏陽之葛安化之茶皆由此輸出焉

岳州府在省治東北三百里東界湖北武昌府通城縣西界南洲廳南界長沙府瀏陽縣北界湖北荆州府監利縣東南界江西南昌府義甯州西南界常德府沅江縣東北界武昌府嘉魚蒲圻二縣西北界荆州府石首縣自府治至 京師二千二百八十五里凡領縣四

巴陵縣	附郭	治府	西	北	三	度	三	分	三
臨湘縣	在府	東	北	九	十	里	北	緯	二
平江縣	在府	東	南	三	百	里	北	緯	二
華容縣	在府	西	南	一	百	里	北	緯	二

光緒二十四年奏開岳州為商埠  
臣謹案岳州左臨洞庭右控幕阜昔曹操以舟師追劉先主於巴邱先主與周瑜拒戰操敗還晉陶侃鎮荆州移治巴陵以扼吭噓近世咸豐四年提督塔齊布從曾國藩進攻岳州大破巨寇遂能進兵武漢形勢之勝蓋

可知矣蓋四瀆長江爲首五湖洞庭爲宗岳陽兼有之洵爲重鎮光緒戊戌奏准自開商埠商業尙未盛也

南州廳在省治西北五百四十里東至洞庭湖界岳州府巴陵縣西界澧州安鄉縣南界常德府沅江縣北界岳州府華容縣自廳治至京師三千三百一十里光緒十七年以洞庭湖漲沙並割華容安鄉二縣地新置直隸廳

七年於其地置廳地勢低窪蘆洲錯落人民築圩排水闢爲農田獲利雖豐而與水爭地湖窄易泛後患正多也

常德府在省治西北四百十五里東及東南界長沙府湘陰縣西界澧州慈利縣南界長沙府益陽安化二縣北界澧州安福縣東北界南州廳西北界澧州永定縣自府治至京師三千二百六十里凡領縣四

武陵縣附郭北緯二十九度四十分

桃源縣在府西八十里北緯二十八度五十分

龍陽縣在府東八十里北緯二十八度四十分

沅江縣在府東二百七十一里北緯二十八度四十分

光緒三十一年奏開常德爲商埠

臣謹案常德古黔中地前臨沅水左倚洞庭輔翼荆湘控馭辰淑秦昭王使司馬錯發隴西兵因蜀攻楚黔中地拔之而楚南遂虛漢置武陵郡後又移荊州治此歷代視爲襟要近者咸豐二年寇之初北犯也先陷岳州進擾武漢及四年回窺則由湘潭陷常德而後破武昌蓋常之與岳皆據湖壩同爲上游險要防守不可不嚴也沅江舟楫便利滇黔遺物亦轉輸於此云

衡州府在省治南三百八十里東界長沙府茶陵州西界寶慶府邵陽縣南界桂陽州北及西北界長沙府湘潭湘鄉二縣東南界郴州桂東縣西南界永州府祁陽縣東北界長沙府攸縣自府治至京師三千九百六十五里

凡領縣七

衡陽縣附郭北緯二十六度四分

衡山縣在府北一百三十五里北緯二十七度四分

耒陽縣在府東一百一十五里北緯二十八度四分

常甯縣在府西一百一十五里北緯二十八度四分

安仁縣在府東一百一十五里北緯二十八度四分

邵縣在府東一百一十五里北緯二十八度四分

衡州府在省治西南六百七十里東界衡州府常甯縣西界廣西桂林府全州南界廣西平樂府富川縣北界寶慶府邵陽縣東南界桂陽州藍山嘉禾二縣西南界平樂府恭城縣東北界衡州府衡陽縣西北界寶慶府新甯縣自府治至京師四千二百五十五里凡領州一縣七

零陵縣附郭北緯二十六度四分

祁陽縣在府西九十里北緯二十六度四分

東安縣在府西九十里北緯二十六度四分

道州在府南一百一十五里北緯二十七度四分

甯遠縣在府東一百一十五里北緯二十七度四分

永明縣在府東一百一十五里北緯二十七度四分

江華縣在府東一百一十五里北緯二十七度四分

新田縣在府東一百一十五里北緯二十七度四分

臣謹案水州瀟湘交匯蠻獠雜居峻嶺巖關楚粵門戶柳子厚所謂環以

羣山延以林麓者也黃巢之亂高駘議守永州以遮嶺北咸豐時寇陷全州由東安趨永州會大水江溢不能飛渡遂踞道州當是時使建重鎮於永州南路出銳師屯東安以扼其險祁山黃華山龍虎關皆重地也西南則遣兵巡江華永明以遏灌陽之衝寇必不遽進而吾得以阻塞險要因利乘便以主之逸待客之勞彼自不敢建瓴而下東南之塗炭何由至於此極乎

臣又案嘉慶二十年吏部議准湖南巡撫廣厚奏永州府屬江華縣之上五堡嶺東二處地方縣互百餘里距縣城遠界連兩粵民務難處最易藏奸請將與江華縣同城駐紮之永州府理藩同知移駐瀟墟就近督率錦岡巡檢無緞緝捕從之

寶慶府在省治西南五百里東界衡州府衡陽縣西界沅州黔陽縣及靖州綏甯縣南界永州府東安縣及廣西桂林府興安縣北界長沙府安化縣東南界永州府祁陽縣西南界廣西桂林府龍勝廳東北界長沙府湘鄉縣西北界辰州府溆浦縣自府治至 京師四千八十五里凡領州一縣四

邵陽縣 附郭北緯二十七度四分西經八十六度六分

新化縣 在府北緯二十九度七分西經八十二度九分

城步縣 在府西緯二十九度四分西經八十二度九分

武岡州 在府西緯二十九度四分西經八十二度九分

新甯縣 在府西緯二十九度四分西經八十二度九分

臣謹案寶慶府據湘省之中權扼長沙之右脅南通桂柳西瞰沅辰郡城外峻內夷攻不易克而新甯武岡易於受敵 國初桂藩抗命瞿式耜等嘗出而爭此咸豐九年寇犯新甯劉長佑軍潰寇犯寶慶分圍武岡江忠義援之寇退復趨新甯長佑合劉坤一江忠濬李明惠軍拒之是三百里中皆用武之地也自郡至新化灘峽險峻航行不易新化錫鑛製印良品為世界冠

辰州府在省治西八百里東界常德府桃源縣西界乾州廳南界寶慶府武

岡州北及西北界永順府永順縣東南界寶慶府新化縣西南界沅州府芷江縣東北界澧州永定縣自府治至 京師三千六百五十里舊領廳三縣四嘉慶元年升乾州鳳凰永綏三廳為直隸凡領縣四

沅陵縣 附郭北緯二十八度二分西經一百零六度二十分

瀘溪縣 在府西緯二十九度四分西經一百零六度三十分

辰溪縣 在府西緯二十九度四分西經一百零六度三十分

溆浦縣 在府東緯二十九度四分西經一百零六度三十分

臣謹案辰州東襟三澧南箱五溪自古羣蠻於斯窟穴訖獠狝狝種屬繁瓠馬援以儒將臨邊稍稍歸化 國朝道光十八年督臣林則徐等奏稱湖南提督向住常德府茲察巖形勢辰州較常德更為扼要請准其常駐辰州府以資彈壓 諭旨允行可以知其要矣郡城當沅水西水會口之左岸附近多承礦產硃砂有名稱辰砂焉

乾州廳在省治西南九百六十五里東及東南界辰州府瀘溪縣西及西北界永綏廳南及西南界鳳凰廳北界永順府保靖縣東北界永順府永順縣自廳治至 京師三千九百里本屬辰州府在府西二百五十里嘉慶元年升北緯二十八度七分西經八十七度

臣謹案乾州廳唐田氏蠻族五洞之一隅宋瀘溪縣西境鎮溪寨地明置鎮溪千戶所兼轄所西崇山舜放驢兜處也元置崇山衛明廢兼有五寨土司地嘉靖中討平草子坪臘爾山各處叛苗改設乾州等堡 本朝康熙中置同知今廳治居鴉溪之南武山之東山出武溪五溪之一也漢建武中武陵蠻反遣劉尚討之泝沅水入武溪一軍皆沒宋乾道七年前知辰州章才邵上言盧溪諸蠻以靖康多故縣無守禦乘隙焚劫後徙縣治於沅陵之江口地為蠻據今者苗寨一百十五所皆歸化輸誠無桀獠不馴之慮矣

鳳凰廳在省治西一千五百里東界辰州府辰溪縣西界貴州松桃廳南及東南界沅州府麻陽縣北及東北界乾州廳西南界貴州銅仁府銅仁縣西

北界永綏廳自廳治至 京師三千九百三十里本屬辰州府在府西南二百八十里嘉慶元年升北緯二十七度五十四分西經七度五十七分

臣謹案鳳凰廳高踞臘爾之嶺右扼鴉喇之關紅苗寨一百有五皆叢菁險阻唐時為龍門縣西北境田氏五洞蠻之南境明保靖州宣慰司所屬算子坪土司地嘉靖二十四年督臣馮岳上言五寨在麻陽保靖之間宜移鎮軍參將以資防禦今則歸化已久南人不復反矣

永綏廳在省治西少北一千一百五十九里東及東南界永順府保靖縣西及西北界四川酉陽州秀山縣南界乾州廳北界永順府龍山縣西南界貴州松桃廳自廳治至 京師三千九百五十里本屬辰州府在府西三百里嘉慶元年升北緯二十八度四十六分西經七度四十七分

臣謹案永綏於宋元為蠻族南渭上溪二羈縻州之南境保靖羈縻州之西境明保靖宣慰司及滑石江巡檢司屬地居此者為六里紅生苗 本朝雍正初向化置同知恩威並用漸以無事嘉慶七年黔楚督撫會奏請將該廳協移駐花園茶洞 廷議已准行而苗人以爲建城設汛已久一旦官民內移商販不至購買爲難不願移撤漢民亦未必盡願舍田廬而去黔撫初彭齡奏請作罷

晃州廳在省治西南一千二百四十五里東及東北界沅州府芷江縣西界貴州思州府玉屏縣北界貴州銅仁府銅仁縣南及東南界貴州鎮遠府天柱縣西南界鎮遠府清溪縣自廳治至 京師四千四百九十八里嘉慶二十二年析芷江縣西境晃州堡地增置北緯二十七度二十一分西經七度二十一分

臣謹案晃州廳古樓山突起於中瀟水貢溪交流於左廳城瀕瀟溪之北岸溪有五名曰瀟曰無曰舞曰澗曰巫其實一水也上流曰鎮陽江自貴州玉屏入東北與龍溪合過廳治南入於沅江行八百九十里漢許慎以爲九江之一

沅州府在省治西南一千一百三十五里東界辰州府淑浦縣西界晃州廳南界靖州會同縣北界鳳凰廳東南界寶慶府武岡州西南界貴州鎮遠府

天柱縣東北界辰州府辰溪縣西北界貴州銅仁府銅仁縣自府治至 京師三千九百八十里凡領縣三

芷江縣附郭北緯二十七度三十分西經七度三十分  
黔陽縣在府東南九十里北緯二十七度九分西經六度五十七分  
麻陽縣在府西北一百三十里北緯二十七度三十分西經七度六分  
臣謹案沅州府明山後互舞水前橫黔東之咽喉而湘西之屏障也攷南江諸蠻經唐末五代之亂遂肆蠶食各據溪峒曰激曰峽曰中勝曰元則舒氏居之曰樊曰錦曰懿曰晃則田氏居之曰富曰鶴曰保順曰天賜則向氏居之宋熙甯初張翹言南江諸蠻皆可郡縣乃遣章惇平之復置沅州近世咸豐五年貴州苗寇乘洪楊之亂陷晃州圍沅州遂陷麻陽幸官軍蹙之俱退走芷江城西有江西橋長一里環洞十六橋西列肆結構頗奇

永順府在省治西北一千八十里東界澧州永定縣西界四川酉陽州南界乾州廳北界湖北鶴峰廳東南界辰州府沅陵縣西南界永綏廳東北界澧州慈利縣西北界湖北施南府來鳳縣自府治至 京師四千八十里凡領縣四

永順縣附郭北緯二十八度三十分西經六度三十分  
龍山縣在府西一百二十里北緯二十九度八分西經七度七分  
保靖縣在府南一百四十里北緯二十七度四十分西經六度五十七分  
桑植縣在府北一百二十里北緯二十七度二十八分西經六度二十七分

臣謹案永順近扼荆宜遙連巴蜀龍爪關雄踞於左白崖峒橫峙於西羣蠻恃險叛服無常觀宋嘉祐三年雷簡夫之征彭仕義熙甯九年章惇之平五溪蠻明萬歷中廖道南議設重臣鎮撫永保豈若我 朝雍正初苗人歸化改土歸流易俗移風威稜遠播也

靖州在省治西南一千六十里東及東北界寶慶府武岡州西及西南界貴州黎平府開泰縣南界廣西柳州府懷遠縣北界沅州府黔陽縣東南界寶



慶府城步縣西北界貴州鎮遠府天柱縣本州境東界綏甯縣西界開泰縣南界通道縣北界會同縣自州治至 京師四千六百四十五里凡領縣三

靖州 北緯二十六度三十分 西經七十七度三十分

綏甯縣 在州東一百一十里北緯二十六度三十分 西經七十七度三十分

通道縣 在州南八十里北緯二十七度三十分 西經七十七度三十分

會同縣 在州北九十里北緯二十六度三十分 西經七十七度三十分

臣謹案靖州自古為蠻域五代時馬氏楊氏諸酋豪相繼據有私立徽誠等州宋熙甯初章惇南伐楊酋以二十三州峒內附改置靖州其地淵谷糾紛粵黔捷徑南阻佛子隘西控銅鼓驛北有豐山若水等九堡皆前人戍守處苗疆東防惟州是賴而洪江渠水北流入沅下游可編筏以渡亦聊濟山湖之窮也

澧州在省治西北六百五里東界岳州府華容縣西界永順府桑植縣南界常德府武陵桃源二縣北界湖北荆州府松滋縣及宜昌府長樂縣東南界南州廳西界辰州府沅陵縣東北界湖北荆州府公安縣西北界湖北鶴峰廳本州境東界安鄉縣西界石門縣南界武陵縣北界公安縣自州治至 京師三千七十里凡領縣五

澧州 北緯二十九度三十分 西經四十四度三十分

安鄉縣 在州東南八十里北緯二十九度三十分 西經四十四度三十分

石門縣 在州西南一百一十里北緯二十九度三十分 西經四十四度三十分

慈利縣 在州西南一百一十里北緯二十九度三十分 西經四十四度三十分

安福縣 在州西南一百一十里北緯二十九度三十分 西經四十四度三十分

永定縣 在州西南一百一十里北緯二十九度三十分 西經四十四度三十分

臣謹案澧州洞庭澧水浸厥東隅九溪三關衛其西土與荆常為唇齒臨湘鄂之邊垂相傳伏波征蠻亦曾蒞此州城踞澧水之北岸其源西出永定東達華容匯於洞庭貫注全境長四百餘里故屈原離騷云遺余佩兮澧浦又云沅有芷兮澧有蘭至今州產蘭蕙稱湘中佳品州東之津市為

貨物運輸之所汽船直達長沙沙市等埠商業亞於常德焉

郴州在省治東南六百八十里東界江西南安府崇義縣西界桂陽州南界廣東韶州府樂昌縣北界衡州府安仁縣二縣東南界廣東韶州府仁化縣西南界桂陽州臨武縣東北界江西吉安府龍泉縣西北界衡州府耒陽縣本州境東界興甯縣西界桂陽州南界宜章縣北界永興縣自州治至 京師四千二百七十五里凡領縣五

郴州 北緯二十五度四十分 西經四十九度三十分

永興縣 在州北六分西經八十度四十分 北緯二十五度四十分

宜章縣 在州南八分西經三十三度五十分 北緯二十五度四十分

興甯縣 在州東六分西經三十三度五十分 北緯二十五度四十分

桂陽縣 在州東三分西經三十三度五十分 北緯二十五度四十分

桂東縣 在州東四分西經三十三度五十分 北緯二十五度四十分

臣謹案郴州居五嶺以北八面山之南湖壑紛歧關隘林立崇巒可控險閉道可出奇設伏守可為攻逸可待勞主可制客此其大勢也而其最要者南路有里田營赤石司及黃沙白沙諸堡東南有延壽龍虎孟將諸砦皆通粵嶠之徑焉東有萬王寨口九磴各山皆走贛南之徑焉西北有黑山口白豹山則往桂陽耒陽之徑焉州係嶺南咽喉之重如此昔項羽謂郴為天下上游不其然歟

桂陽州在省治東南六百三十里東界郴州西界永州府新田縣南界廣東連州北界衡州府常甯耒陽二縣東南界郴州宜章縣西南界永州府江華縣東北界郴州永興縣西北界永州府零陵縣本州境東界郴州西界藍山縣南界臨武縣北界常甯縣自府治至 京師四千二百七十五里凡領縣三

桂陽州 北緯二十五度四十分 西經四十九度三十分

臨武縣 在州南一分西經四十九度三十分 北緯二十五度四十分

藍山縣 在州南三分西經四十九度三十分 北緯二十五度四十分

嘉禾縣 在州南一分西經四十九度三十分 北緯二十五度四十分

臣謹案州雖湘南僻壤而山川亦負名勝其西藍山實九疑之東幹其南黃藥山實五嶺之第三支都龐嶺也州西鍾水卽舂陵水之下流也土人隨在殊稱加以蠻獠雜處遂視同要荒而舜峰舜水諸號蓋因虞帝南巡而傅會之歟其險要之宜防者則西北白雲山四洲峇西南毛俊堡甯溪所皆前明設守之處近世咸豐九年悍寇石達開自南安陷桂陽州騎步馳六晝夜取開道出花園堡賴陳士杰魏喻義出奇制勝而寇乃還陷嘉禾臨武是州亦兵爭之地也西南深山中閒有銀鉛諸礦臨武產錫最富云

皇朝續文獻通考卷三百十九

輿地考十五 陝西省

臣謹案陝西居四關之中向稱重險華陰東四十里爲潼關古桃林塞即蘇秦所謂東有崤函之固是也商州東一百八十里爲武關亦蘇秦所謂秦起兩軍一軍出武關一軍下黔中則鄢郢動者也寶雞西南五十二里爲散關通秦蜀之噤喉北得之足以啟梁益南得之足以圖關中鎮原西北一百四十里爲蕭關襟帶西涼咽喉靈武實扼北面之險綜攬全秦形勝山川四塞詎非天府之雄歟顧當秦漢隋唐之世東南未盡闢治故根據雍州足以統一中原今則勢易時殊辨方建國重在水陸交通貨財盈阜不僥恃關山險遠而已陝省在今雖不失爲西方巨障而山重土燥地瘠人貧輸運艱難見聞滯狹加以漢回宿怨歷久未消議者謂可卜作陪都未免囿於往古之成見矣

省東西距八百餘里南北相距最長處一千五百三十里東至河南陝州南陽府山西蒲州絳州平陽府隰州界西至甘肅涇州平涼府秦州階州界南至四川夔州府綏定府界北至邊牆外伊克昭盟鄂爾多斯左翼前旗中旗右翼前旗前末旗界東南至湖北鄖陽府界西南至四川保寧府界東北至山西汾州府太原府保德州界西北至甘肅慶陽府甯夏府界在 京師西南二千五百三十五里舊領府七直隸州五散廳二散州五縣七十三乾隆四十七年增孝義廳五十五年增漢陰廳嘉慶五年增甯陝廳七年增定遠廳道光五年增佛坪廳凡領府七直隸州五散廳八散州五縣七十二西安府爲省治東界同州府華州西界乾州武功縣南界興安府漢陰廳石泉縣北界鄜州宜君縣東南界商州西南界漢中府佛坪廳洋縣東北界同州府蒲城縣西北界乾州永壽縣自府治至 京師二千五百三十五里舊領州一縣十五乾隆四十七年增孝義廳嘉慶五年置甯陝廳凡領廳二州一縣十五  
長安縣附治府西境北緯三十四度十六分西經七度三十二分

咸陽縣	咸陽縣	興平縣	臨潼縣	高陵縣	鄠縣	藍田縣	涇陽縣	三原縣	藍屋縣	渭南縣	富平縣	醴泉縣	耀州	同官縣	孝義廳	甯陝廳	
附郭	附郭	附郭	附郭	附郭	附郭	附郭	附郭	附郭	附郭	附郭	附郭	附郭	附郭	附郭	附郭	附郭	
在府西	在府西	在府西	在府西	在府西	在府西	在府西	在府西	在府西	在府西	在府西	在府西	在府西	在府西	在府西	在府西	在府西	
八分	八分	八分	八分	八分	八分	八分	八分	八分	八分	八分	八分	八分	八分	八分	八分	八分	
西	西	西	西	西	西	西	西	西	西	西	西	西	西	西	西	西	
北	北	北	北	北	北	北	北	北	北	北	北	北	北	北	北	北	
七	七	七	七	七	七	七	七	七	七	七	七	七	七	七	七	七	
度	度	度	度	度	度	度	度	度	度	度	度	度	度	度	度	度	
里	里	里	里	里	里	里	里	里	里	里	里	里	里	里	里	里	里
七	七	七	七	七	七	七	七	七	七	七	七	七	七	七	七	七	七
十	十	十	十	十	十	十	十	十	十	十	十	十	十	十	十	十	十
四	四	四	四	四	四	四	四	四	四	四	四	四	四	四	四	四	四
分	分	分	分	分	分	分	分	分	分	分	分	分	分	分	分	分	分
十	十	十	十	十	十	十	十	十	十	十	十	十	十	十	十	十	十
四	四	四	四	四	四	四	四	四	四	四	四	四	四	四	四	四	四
度	度	度	度	度	度	度	度	度	度	度	度	度	度	度	度	度	度

臣謹案西安府左臨華岳秦嶺右挾太白陳倉南箱細柳曲江北越清涇濁渭上溯文豐武鎬下逮楊隋李唐十朝建都推爲極選然赤眉三輔朱梁墟中京後雖重築郡城迥非舊貫宋明以降勉成都會近世咸同間又遭花門慘禍邨市胥殘今越六十年而凋劫遺民瘡痍未復所冀當道毋震於虛名眩於外觀疏於撫字焉  
同州府在省治東北二百四十里東界山西蒲州府永濟縣西界西安府富平縣南界商州雒南縣北界延安府宜川縣東南界河南陝州閩鄉縣西南界西安府渭南縣東北界山西絳州河津縣西北界鄜州雒川縣自府治至

京師二千三百里凡領廳一州一縣八

大荔縣附郭北緯三十四度五十分西經六度三十七分

朝邑縣在府東三十二里北緯三十四度五十分西經六度三十七分

郃陽縣在府東五十二里北緯三十四度五十分西經六度三十七分

澄城縣在府北五十二里北緯三十四度五十分西經六度三十七分

韓城縣在府東三十二里北緯三十四度五十分西經六度三十七分

白水縣在府西三十二里北緯三十四度五十分西經六度三十七分

華州在府南三十二里北緯三十四度五十分西經六度三十七分

華陰縣在府南三十二里北緯三十四度五十分西經六度三十七分

蒲城縣在府南三十二里北緯三十四度五十分西經六度三十七分

潼關廳在府南三十二里北緯三十四度五十分西經六度三十七分

臣謹案楊端本曰昔人謂泥丸東封函谷關今之潼關鎖鑰西秦即古之函谷者非耶然入關有三道潼正道也商之武關孔道也昔漢祖破秦由

此入咸陽朝邑古臨晉地自夏陽至關平曠百里大河易渡漢祖往來關

中嘗由臨晉而七國謀反亦欲兵由此入是又入關之隙道也五泉先生

曰一方不戒三險俱失誠哉是言也然武關萬山險阻一將偏師可以無

虞朝邑雖平曠命將建營於中路設巨礮數十南北巡守則大河即天塹

也至潼關之守以禁坑爲要地昔黃巢從禁坑破關明逆闖李自成入陝

亦由禁坑豈非忽地理之要而十二連城之廢乎古設十二連城於禁溝

之西由南郊抵山麓計三十里是三里一城也每城設兵百人於中城益

其兵多設火器矢弩連絡呼應卽有百萬之衆烏能飛渡耶府南沙苑一

名沙阜互於渭北長八十里東西魏之相攻唐李之討黃巢皆鑿兵於斯

焉

鳳翔府在省治西少北三百六十里東界乾州永壽武功二縣西界甘肅秦

州清水縣南界漢中府留壩佛坪二廳北界甘肅涇州崇信靈臺二縣東南

界西安府藍屋縣西南界漢中府鳳縣東北界邠州西北界甘肅平涼府華

亭縣自府治至京師二千七百五里凡領州一縣七

鳳翔縣附郭北緯三十四度五十分西經六度三十七分

岐山縣在府東三十二里北緯三十四度五十分西經六度三十七分

寶雞縣在府南三十二里北緯三十四度五十分西經六度三十七分

扶風縣在府南三十二里北緯三十四度五十分西經六度三十七分

郿縣在府南三十二里北緯三十四度五十分西經六度三十七分

麟遊縣在府南三十二里北緯三十四度五十分西經六度三十七分

汧陽縣在府南三十二里北緯三十四度五十分西經六度三十七分

隴州在府南三十二里北緯三十四度五十分西經六度三十七分

臣謹案鳳翔府漆岐東邁岍隴西環太白前橫涇川後繞寶雞縣東南有

陳倉之山韓信勸高祖北出此山襲破雍王遂定三秦光武遣馮異西出

此山擊退公孫述之兵遂平隴蜀曹魏之際諸葛亮以數萬之衆不能與

郝昭爭陳倉而全師以還大散關在寶雞西南爲秦蜀襟喉後唐同光三

年郭崇韜伐蜀逕入散關指其山口曰吾輩進無成功不復還此矣明初定

關中徐達亦分兵自鳳翔出散關下興元關誠南北之衝也隴州高據吳

獄有大震石嘴等關遙控天水武都漢伐隗囂宋拒金人皆憑此險則又

東西之捷徑也府南二十里石鼓原舊有石鼓十元代移置燕京太學紀

周宣王畋獵之事車馬攻同誦詩者發思古之情焉

漢中府在省治西南一千六十五里東界西安府寧陝廳及興安府石泉縣

西界甘肅階州南界四川保寧府南江縣北界鳳翔府寶雞縣東南界興安

府紫陽縣及四川綏定府太平縣西南界四川保寧府廣元縣東北界西安

府藍屋縣西北界甘肅秦州兩當縣自府治至京師三千六百五里舊領廳

一州一縣八嘉慶七年增定遠廳道光五年增佛坪廳凡領廳三州一縣八

南鄭縣附郭北緯三十三度西經九度四十分

褒城縣在府西五里北緯三十三度西經九度四十分

城固縣在府西三十三里北緯三十三度西經九度四十分

洋縣 在府東一百二十里北緯三十二度三十分  
 西鄉縣 在府東一百二十里北緯三十二度三十分  
 鳳縣 在府西九十里北緯三十三度三十分  
 留壩縣 在府西九十里北緯三十三度三十分  
 略陽縣 在府西九十里北緯三十三度三十分  
 留壩縣 在府西九十里北緯三十三度三十分  
 定遠縣 在府西九十里北緯三十三度三十分  
 佛坪縣 在府西九十里北緯三十三度三十分

臣謹案漢中肩臂太乙肘腋武都背倚陳倉面瞻棧閣在雍之南梁之北別開一境炎漢所用以創業也自漢中趨秦之道有三一褒斜道今之北棧南口曰褒在褒城縣北十里北口曰斜在鳳翔府郿縣西南三十里谷長四百七十里二僦駱道南口曰僦在洋縣北三十里北口曰駱在西安府藍屋縣西南百二十里谷長四百二十里三子午道南口曰午在洋縣東百六十里北口曰子在西安府南百里谷長六百六十里自府入蜀之道二一金牛道今之南棧即沔縣西南金牛峽又西南逕甯羌至四川劍州之劍關口二米倉山道山在南鄭西南又南循山嶺達於四川保甯府之巴州諸路皆險峻迂迴秦漢三國以降南北用兵皆視漢中為要隘近擬築同成鐵路由晉之大同達蜀之成都經過本郡可期履險如夷向法比二國借英金一千萬磅竟以黃金擲虛耗等諸案室道謀惜哉

延安府在省治北七百四十里東界山西隰州大甯永和二縣西界甘肅慶陽府合水縣南界鄜州北界綏德州東南界同州府韓城縣及山西平陽府吉州西南界甘肅慶陽府安化環二縣東北界綏德州清澗縣西北界甘肅甯夏府靈州及河套鄂爾多斯蒙古右翼各旗自府治至 京師二千二百里凡領縣十

膚施縣 附郭北緯三十六度四分 西經七度四分

安塞縣 在府北九十里西經七度三十分  
 甘泉縣 在府北九十里西經七度三十分  
 安定縣 在府北九十里西經七度三十分  
 保安縣 在府北九十里西經七度三十分  
 宜川縣 在府北九十里西經七度三十分  
 延川縣 在府北九十里西經七度三十分  
 靖邊縣 在府北九十里西經七度三十分  
 定邊縣 在府北九十里西經七度三十分

臣謹案延安古白翟地戰國魏之上郡納土於秦而秦益強漢初匈奴入犯文帝命灌嬰逐走之晉以後棄為戎藪隋唐收復宋禦西夏置重鎮焉范仲淹龐籍秋青先後知延州廣築堡砦與涇原環慶諸路互為聲援女真攻宋關中輒由晉渡河先犯延安蒙古將木華黎攻金亦先圍延安守將合達固守堅不可拔洵緣邊要塞也郡東延長縣南屏山翟水三萬前即產煤油礦區北至延川東至黃河南至宜川西至膚施袤廣達三萬方里而煙霧溝朱家川王家莊三處隨地湧出與山西煤礦同為寶藏光緒三十三年曾經開鑿未著成效殊可惜也

榆林府在省治北一千三百五十里東界山西太原府興縣及汾州府臨縣西界鄂爾多斯蒙古右翼前旗南界綏德州米脂縣北及西北均界鄂爾多斯左翼中旗右翼前旗東南界綏德州吳堡縣西南界延安府保安靖邊二縣東北界山西保德州河曲縣自府治至 京師一千七百五十三里凡領州一縣四

榆林縣 附郭北緯三十八度十分 西經七度十分  
 懷遠縣 在府北九十里西經七度三十分  
 葭州 在府北九十里西經七度三十分  
 神木縣 在府北九十里西經七度三十分

府谷縣 在府西北二百里北緯三十九度六分西經五度四十三分

臣謹按榆林東翼汾晉西衛甯靈北控五原南依三輔亦邊方雄郡也此與隋榆林郡為二地秦蒙恬斥逐匈奴收大河以南地樹榆為塞謂之榆城之東三百餘里五代時為契丹所破石晉移置河東為東勝州榆林縣宋設於西夏明初廢棄今府境為漢西河郡屬土明綏德州北境正統中以套虜侵軼始築榆林等城堡二十三成化中置衛為延綏鎮治依山剗削修築邊牆溝塹東起府谷西訖甯夏長一千七百餘里輔以哨堡烽墩檢鎮益形鞏固然棄東勝而守近邊養寇套中早已失算矣吾朝

德威遐播河套蒙古悉隸帳幟雍正初改衛所為郡縣與腹地無殊焉興安府在省治南六百八十里東界湖北鄖陽府鄖縣西界漢中府西鄉縣南界四川夔州府大甯縣北界商州鎮安縣東南界湖北鄖陽府竹溪縣西南界四川綏定府城口廳東北界湖北鄖陽府鄖西縣西北界西安府甯陝廳自府治至京師三千二百十五里舊領縣六乾隆五十五年增漢陰廳

凡領廳二縣六  
安康縣 在府北西經七度六分  
平利縣 在府北西經七度三分  
洵陽縣 在府北西經七度三分  
白河縣 在府北西經六度九分  
紫陽縣 在府北西經七度四分  
石泉縣 在府北西經七度四分  
漢陰廳 在府北西經七度四分

輒坪廳 在府南一百三十里初為西康縣地乾隆四十八年設縣光緒二十三年改稱輒坪廳

臣謹案興安府臨漢遠取鄖襄商雒藩籬夔巫門戶漢初為西城縣漢中郡實治此東漢徙郡於南鄭於此置西城郡西魏改金州雖非孔道而捷徑殊多是以沛公入秦舍潼華越武關令鄖商出此遂定漢中魏主使曹真自斜谷侵蜀又遣司馬懿別出西城會師宋初劉光進伐蜀則由金州襲夔郡蓋興安楚尾秦頭得建領之勢自大郡西移歷代以山僻小州忽視之本朝乾隆中始升為府治縱橫各六七百里居終南之脊重巒遠壑徒倚易滋嘉道開教匪窺擾大煩兵力宜鑿前車焉

商州 在府北西經三十三度四十九分  
鎮安縣 在府北西經三十三度三十分  
商南縣 在府北西經三十三度三十分  
山陽縣 在府北西經三十三度三十分  
鄖南縣 在府北西經三十三度三十分

臣謹案州居華山秦嶺之閒丹洛二川所導峰巒則拔地參天關若則星羅棋布曰武關曰峽關曰長嶺曰竹林其北蔽潼關西通子午東下鄖襄蓋山國也而又四戰之區矣春秋時為晉之上雒北歷嶠函蒲津韓原並屬於晉是以秦未能肆其東封左傳哀公四年楚人使謂晉大夫將通於少習少習今州東一百八十里之武關也秦昭王給楚懷王會於武關執之以歸秦之將亡沛公略南陽以出武關漢唐以下兵爭者輒指斯關為秦楚噤吭猶巴蜀之有劍閣也州東一百里龍駒寨瀕於丹水襄樊商貨以小舟逆流抵此惟過州則舟子口稱險峻而山間險峻附陸雖水阻而舟行如履平地於此可見其險也自秦登陸升降高巖經七盤山即秦嶺東幹約三百餘里至藍田縣始出險就平此嶺尚未及固原六盤山之高大然以大庾梅嶺視之彼直培塿耳宇內勝地之著名與否亦有幸有

商州 在府北西經三十三度四十九分  
鎮安縣 在府北西經三十三度三十分  
商南縣 在府北西經三十三度三十分  
山陽縣 在府北西經三十三度三十分  
鄖南縣 在府北西經三十三度三十分

臣謹案州居華山秦嶺之閒丹洛二川所導峰巒則拔地參天關若則星羅棋布曰武關曰峽關曰長嶺曰竹林其北蔽潼關西通子午東下鄖襄蓋山國也而又四戰之區矣春秋時為晉之上雒北歷嶠函蒲津韓原並屬於晉是以秦未能肆其東封左傳哀公四年楚人使謂晉大夫將通於少習少習今州東一百八十里之武關也秦昭王給楚懷王會於武關執之以歸秦之將亡沛公略南陽以出武關漢唐以下兵爭者輒指斯關為秦楚噤吭猶巴蜀之有劍閣也州東一百里龍駒寨瀕於丹水襄樊商貨以小舟逆流抵此惟過州則舟子口稱險峻而山間險峻附陸雖水阻而舟行如履平地於此可見其險也自秦登陸升降高巖經七盤山即秦嶺東幹約三百餘里至藍田縣始出險就平此嶺尚未及固原六盤山之高大然以大庾梅嶺視之彼直培塿耳宇內勝地之著名與否亦有幸有

不幸歟

乾州在省治西北一百六十里東界西安府醴泉縣西界鳳翔府扶風縣南界西安府盩厔縣北界邠州三水縣東南界西安府興平縣西南界鳳翔府郿縣東北界邠州淳化縣西北界邠州本州境東界醴泉縣西界扶風縣南界武功縣北界永壽縣自州治至 京師二千六百九十五里凡領縣二

乾州 北緯三十四度三十三分 西經八度十五分

武功縣 在州西南六十五里北緯三十四度九分西經八度二十分

永壽縣 在州北九十里西經八度二十四分

臣謹案州境處長安之乾隅縮邠岐之孔道西瞻郿邑后稷故居南至周原太王徙宅一以穡事開基一以殷憂啟聖賢豪自奮不為艱苦所困州治東有奉天城唐德宗從術士桑道茂言而增築者及朱泚之亂蒙塵於此高重傑屯州之西北梁山以禦泚渾瑊又與賊將韓旻爭武功破之於武亭川中興之業實賴師武臣力也

邠州在省治西北三百二十里東界西安府同官縣西界甘肅涇州靈臺縣南界乾州永壽縣北界甘肅慶陽府正甯縣東南界西安府耀州西南界鳳翔府麟遊縣東北界邠州宜君縣西北界慶陽府甯州本州境東界淳化縣西界長武縣南界永壽縣北界甯州自州治至 京師二千八百五十里凡領縣三

邠州 北緯三十五度四十分 西經八度三十三分

三水縣 在州東北六十五里北緯三十五度十分西經八度九分

淳化縣 在州東少南一百四十里北緯三十五度五十分西經七度五十分

長武縣 在州西北八十里北緯三十五度四十分西經八度四十分

臣謹案邠州與迤北之慶陽皆古豳國地彼為北豳此為南豳西魏置豳州唐以豳與幽相類乃改為邠商周以上戎狄雜居公劉自北遷南舊志三水東北有豳鄉劉邑皆其故址光武親征隗囂至此馬援聚米為山以明地勢馮異與囂將爭據栒邑曰敵若得此則三輔動搖栒即三水可想

見其形勝矣唐大曆初吐蕃入寇渾瑊破之於長武自是遼宋皆屯兵戍守視為蕃漢之要隘者也

邠州在省治北五百五十里東及東北界延安府宜川縣西界甘肅慶陽府合水縣南界西安府同官縣北界延安府甘泉縣東南界同州府白水縣西南界邠州三水縣西北界延安府保安縣本州境東界洛川縣西界合水縣南界中部縣北界甘泉縣自州治至 京師二千五百里凡領縣三

邠州 北緯三十六度四分 西經七度十一分

洛川縣 在州東南六十里北緯三十五度五十分西經六度五十分

中部縣 在州南少西一百四十里北緯三十五度三十分西經七度十七分

宜君縣 在州南二百七十里北緯三十五度三十分西經七度二十五分

臣謹案邠州附麗延綏麟齒邠慶而亦長安之北戶也唐置邠坊節度宋置邠延路與涇原諸鎮相犄角范仲淹奏稱邠延密邇靈夏為西羌所必繇之路請建邠州城為康定軍增築堡寨以防禦西夏宜君縣西四十里有玉華宮唐永徽二年廢宮為寺內有肅成殿釋元奘奉敕譯經處也

綏德州在省治東北一千一百里東界山西汾州府永甯州西界榆林府懷遠縣南界延安府安定縣北及西北界榆林府榆林縣東南界汾州府石樓縣西南界延安府保安縣東北界榆林府葭州及汾州府臨縣本州境東界吳堡縣西界懷遠縣南界清澗縣北界米脂縣自州治至 京師一千八百六十五里凡領縣三

綏德州 北緯三十七度三十分 西經六度三十分

米脂縣 在州北八十里北緯三十七度十分西經六度三十分

清澗縣 在州西南一百四十里北緯三十六度三十分西經六度三十分

吳堡縣 在州東三十七里北緯三十七度十分西經五度五十八分

臣謹案綏德古白翟地戰國時秦魏分疆秦築長城為界始皇於無定河上開置上郡使太子扶蘇監蒙恬軍於此漢魏亦曰上郡西魏置綏州隋又加築長城自州西至靈武凡七百里宋沒於西夏熙寧收復賜名綏德

旋升爲軍自明以前迤北未設榆林府其地皆屬綏德故州境甚廣外控河套內蔽鄜延實秦邊重鎮也宋季种諤規畫橫山以西以斷西夏右臂橫山者今延綏邊有山崖高峻迤邐千里是也明嘉靖閒撫臣張子立亦言綏德實山陝險阨之地及崇禎末米脂李自成果倡亂橫山卒以亡明防維之計可不謹哉





金縣 府東南九十里北緯三十五度

渭源縣 府南少東三百三十二里北緯三十三度

河州 府西南車路三百里北緯三十三度西經一百零二度

靖遠縣 府東北三百二十里北緯三十六度西經一百零二度

開遠居狄道 始置唐州郡皆治此縣允吾長谷

仍洗隴金城先後陷廢靈帝之世宋建於抱罕稱王

曹魏遺夏侯斬艾晉徙金城治榆中

分設狄道郡而涼趙苻秦乞伏

秃髮赫連沮渠諸酋蜂起交兵得失靡定厥後晉沒於吐谷渾北魏

真君討平置鎮尋以河州領隴西金城諸郡西魏移金城治子城縣

隋初置蘭州為總管府薛舉李軌同時分據唐

太宗攻取置蘭州改曰子城縣會州等州寶應廣德間

渝入吐蕃八十餘歲宋初屬宗哥羌酋與回紇雜居朝廷遙授節度俾抗

西夏神宗用王韶策勞師規復於狄道置熙州移河州治甯河

豐初伐夏取蘭州夏兵數來爭徽宗遣宦者童貫駐蘭州經略連兵

五年諱敗為勝夏降於金地為金有元置吐蕃宣慰司於河州歸德堡明

以臨洮府轄蘭河二州國初因之順治二年回番米喇印反臨洮河蘭

皆陷總督孟喬芳以次討平康熙十三年叛奔馬洪洪等據蘭州應吳三桂

總兵王進寶自河西來攻下之乾隆四十六年回匪蘇四十三反陷河州

犯蘭州負隅龍尾華林二山命重臣阿桂討平其黨田五復據石

峰堡以叛山險難拔圍攻半年始克之同治初元河回舛亂與陝回響應

各郡邑相繼糜爛省會危而幸存十一年湘楚大軍西征悍酋馬占隘激

厲其衆曰常保富貴惟賴死戰於是兩敗官軍乃乞降受撫其黨咸得官

衣錦故鄉禍胎無恙光緒二十年河回又亂甘軍倚回將操縱陽勦陰撫

如前轍識短者頌揚勳烈被禍者冤憤難伸總稽歷代邊患漢唐在塞外

羌番前明於北之河套西之青海尤憚之如虎國朝則不然蒙旗帖服

而回鶻錯居內地久列編氓固已視同赤子矣孰意貌馴心狡蠢動再三

誠不可解將吏之失職耶種族之難融耶食甚懷音徹桑未雨臨邊者宜

三思之

鞏昌府在省治東南四百一十里前明領秦徽階三州十四縣隸陝西省

國初因之康熙初設布按二司於鞏昌八年並移蘭州改屬甘肅省雍正中

分置階秦二直隸州析去七縣降徽州為縣東界秦州秦安縣西於洮州徽

外西傾山界青海境南界階州之西固城東及岷州北界蘭州府靖遠縣東南

界階州成縣西南於岷州徽外界四川松潘廳東北界固原州及平涼府之

靜甯州西北界蘭州府金縣渭源縣自府治至京師三千八百里凡領廳

一州一縣七

隴西縣 隸北緯三十四度西經一百零二度

安定縣 隸北緯三十四度西經一百零二度

會甯縣 隸北緯三十四度西經一百零二度

通渭縣 隸北緯三十四度西經一百零二度

賓遠縣 隸北緯三十四度西經一百零二度

伏羌縣 隸北緯三十四度西經一百零二度

西和縣 隸北緯三十四度西經一百零二度

岷州 隸北緯三十四度西經一百零二度

洮州 隸北緯三十四度西經一百零二度

州 隸北緯三十四度西經一百零二度

州 隸北緯三十四度西經一百零二度

州 隸北緯三十四度西經一百零二度

州 隸北緯三十四度西經一百零二度

府南七十里舊有漳縣漢晉縣名又為彰明改道光七年廢入隴西縣為鄉

臣謹按鞏昌為省南大郡兼有漢隴西安定天水三郡諸屬邑北魏並置

渭州於隴西縣蓋踞渭水之上流傍隴山之支幹首陽鳥鼠近接名區朱

罔西傾遠環番族南控梁益北指河洮是以祁山在西北終阻孔明魏城

在岷州竟摧伯約秦維取魏兵於洮西築魏宋圖西夏必先陳師渭岩古

通遠軍方可進取熙河形勢所關詎不重哉

平涼府在省治東七百八十五里 國初因明制領三州七縣屬陝西康熙

初屬甘肅乾隆中升涇州為直隸州折去四十二年裁莊浪縣同治中升固

原為直隸州東界涇州西界鞏昌府通渭縣南界陝西隴州北界固原州及

化平廳東南界涇州崇信縣西南界秦州清水秦安二縣東北界涇州鎮原

縣西北界固原州及海城縣自府治至 京師三千一百七十六里凡領州

一縣三

平涼縣 附郭北緯三十五度三十分西經九十九度四十分治安定

華亭縣 附郭南緯三十五度三十分西經九十九度四十分治華亭

靜甯州 附郭西緯三十五度三十分西經九十九度四十分治靜甯

隆德縣 附郭北緯三十五度三十分西經九十九度四十分治隆德

府西南一百七十里舊有莊浪縣宋為德順軍通遠特金升為通遠縣元改

臣謹按平涼亦稱隴東與鞏昌之隴西相為唇齒右負奔頭即左憑涇

水咽喉秦鳳襟帶慶原甌脫有好水川任福禦夏軍而敗績者也驛程越

六盤山元主規岷蜀而屯兵者也郡南更有山蹊東通汧隴同治二年陝

回踰此攻陷府城弔古懲前守險為尙矣

慶陽府在省治東一千有八十里 本朝初因明制屬陝西康熙八年改屬

甘肅東界陝西邠州西界固原州南界涇州北界陝西延安府靖邊定邊二

縣地東南界陝西邠州三水縣西南界涇州及鎮原縣東北界延安府保安

縣西北界甯夏府靈州所屬花自府治至 京師由東北綏德吳堡路二千

五百里由東南同州大慶關路三千又七十里凡領州一縣四

安化縣 附郭北緯三十四度四十分西經九十九度四十分治安化

合水縣 附郭北緯三十四度四十分西經九十九度四十分治合水

環縣 附郭北緯三十四度四十分西經九十九度四十分治環縣

正甯縣 附郭北緯三十四度四十分西經九十九度四十分治正甯

甯州 附郭北緯三十四度四十分西經九十九度四十分治甯州

臣謹按慶陽於夏商間為吠夷幽谷后稷之裔不啻潛蹤秦滅義渠戎立

北地郡故城在今漢邊治馬領縣南厥後移徙靡常在今靈州境北魏會

置幽州隋為慶州宏化郡宋改慶陽府與西夏接壤鼓鼙時警自明以來

藉甯夏延綏為之屏蔽不當孔道稍獲救安惟是萬山僻處詩所謂幽居

允者歎鳥道羊腸轉輸艱澀遇豐則憂穀賤遇歉即復啼飢關路通商

洵急務也

甯夏府在省治東北一千一百四十里東及東北越黃河皆界河套內蒙古

鄂爾多斯右翼中旗前旗北出鎮遠關西及西北踰賀蘭山皆界阿拉善蒙

古額魯特旗南界固原州平遠海城二縣東南界慶陽府環縣及陝西延安

府定邊縣西南界蘭州府鞏遠縣自府治至 京師由平涼 四千有十六里

又一事直東由榆林二千九百九十里又浮黃河繞河套可達山西之

包頭鎮惟不能逆流而歸耳由陸路涉黃河至包頭一千二百六十里 凡領

廳一州一縣四

甯夏縣 附郭北緯三十四度四十分西經九十九度四十分治甯夏

甯朔縣 附郭北緯三十四度四十分西經九十九度四十分治甯朔

平羅縣 附郭北緯三十四度四十分西經九十九度四十分治平羅

靈州 附郭北緯三十四度四十分西經九十九度四十分治靈州

中衛縣 附郭北緯三十四度四十分西經九十九度四十分治中衛

雍正二年

甯靈廳

甯靈廳 府南一百四十里北緯三十七度五十分西經十度四十分

臣謹按甯夏府東以黃河為塹西以賀蘭作屏唐置靈州靈武郡五代為拓跋氏割據迨宋而元昊尤強雖以韓范鏘邊未能戡定前明捐棄河套鞬韉巴賽火箭吉囊相繼闖入謂之套夷賀蘭之陰祝囊等由西域竄據謂之西夷縱騎挽強數為邊患郡地三面臨敵千里迢環分築營堡二十有三間以邊牆四百餘里烽燧幕布節鉞梭巡可謂嚴且密矣乃李闖攻陷榆林疾趨甯夏乘障無人開門揖盜將設險之謂何耶吾 朝蒙藩效順視絕塞猶戶庭康熙三十六年 聖祖親征噶爾丹駐蹕於此六師奏凱百載奠安同治中回族自外生成重傷元氣瘡痍拊定頗匪易易漢唐舊渠遺迹尚在恆言黃河為患內地獨利於甯夏治水潑田惟賴賢守令之能步前規也

西甯府在省治西六百有五里東界涼州府平番縣南界鞏昌府洮州之境東南界蘭州府河州北抵祁連山界涼州府永昌縣東北界涼州府古浪縣西界青海綽羅斯南右旗及輝特南旗西南界青海和碩特南右旗西北界青海和碩特南右旗自府治至 京師四千五百六十六里凡領廳四縣

西甯縣	附郭北緯三十六度三十分西經十度四十分
碾伯縣	府南一百三十里北緯三十四度四十分西經十度四十分
大通縣	府西一百三十里北緯三十四度四十分西經十度四十分
貴德廳	府西一百三十里北緯三十四度四十分西經十度四十分
循化廳	府東一百三十里北緯三十四度四十分西經十度四十分
丹噶爾廳	府南一百三十里北緯三十四度四十分西經十度四十分

年設丹

巴燕戎格廳

巴燕戎格廳 府東南一百九十里或作巴羊城北緯三十六度十分西經十度十分

臣謹按西甯府跨據湟水故稱湟中控制華戎屏蔽洮隴在漢為金城郡西境雖列置破羌安夷諸縣而頻苦羌寇魏晉曰西平郡後陷吐谷渾北魏及唐為鄯州尋陷吐蕃趙宋中葉收復始改稱西甯州元滅西夏湟中首領皆降明置衛分戍堡壘如林 國初青海大酋納貢輸誠所轄番族猶乘隙入掠 聖祖西巡遣官宣諭內附受封雍正初大軍再出青海悉臣服編旗隴郡於是安枕置辦事大臣於西甯掌青海各部會盟及茶馬互市之政其險要有三峽 大石峽在碾伯縣西小石峽在碾伯縣西口上川口在府東南接平番縣界西甯縣界東石峽在碾伯縣西下川口在府南北川口在府南接平番縣界西甯縣界東石峽在碾伯縣西北荒積甌脫通武威張掖謂之小湟中 見通志西南河流九曲耕牧咸宜謂之小河套其民則蒙回番僧錯雜居其土司則祁李吉陳諸族廣地世官儼然封建靖門庭以固疆場端賴賢良之吏廉恥之將矣

涼州府在省治西北五百六十里東至高溝堡出邊牆東北越白亭海北至亦不喇山西北至玉泉墩均接阿拉善厄魯特蒙古古界西接甘肅州府山丹縣界南踰楚瑪爾山接西甯府碾伯縣界東南踰大松山接蘭州府紅水縣丞界西南出鸞鳥口接西甯府北大通營界自府治至 京師四千五百二十

武威縣	附郭北緯三十八度三十分西經十度三十分
鎮番縣	府西一百四十里北緯三十六度十分西經十度三十分
永昌縣	府西一百四十里北緯三十六度十分西經十度三十分
古浪縣	府西一百四十里北緯三十六度十分西經十度三十分
平番縣	府東一百四十里北緯三十六度十分西經十度三十分
莊浪廳	府南一百四十里北緯三十六度十分西經十度三十分

指據使轉境縱廣二百餘里有十  
三村堡土民二千餘戶

臣謹按涼州左右皆故匈奴地漢武帝取置河西四郡隔絕胡與羌通之路四郡在隴西為指臂武威在河西為腹心並遣刺史持節坐鎮顧不重哉典午以後五涼割據皆以斯土立邦唐之盛時設河西節度橫斷吐蕃突厥宿兵七城新唐書武成六年大養馬八監洵富庶矣廣德以降竟陷吐蕃宋初暫事羈縻西夏攘為外府前明四衛一所擊以總戎北拒賀蘭南防鮮海憑陵無忌烽燧時驚焉 朝威德遠揚蒙番馴服毋於安枕宜豫綢繆論其形勝則祁連前峙廣五百二十里堡砦一十有四又南為黃城水里隄陞七十有三又北為諸野浚積皆伊古之戰場胡騎所坦步也然近百年來禍烈蕭牆變生肘腋可徒恣外患而釋近憂耶

甘州府在省治西北一千有三十六里東至古城窰接涼州府永昌縣界西至黎園營城祁連山青溝口接呼囉口黃番界南至南古營雪山外八寶山野馬川東南至大馬營大草灘西南至甘峻山大盤口均接青海番族界北至合梨山寺兒口東北至人宗口西北越邊牆皆接額濟納蒙古界又一路至小魯堡接肅州高臺縣界自府治至 京師四千九百九十七里凡領廳一縣二

撫彝廳 在府西北一百一十里北緯三十九度三十分西經十度六分  
張掖縣 附府北緯三十九度西經五十二度五分  
山丹縣 附府北緯三十九度西經五十二度五分

臣謹按甘州府漢武帝以匈奴昆邪王地分置張掖郡取張國臂掖之義北涼沮渠氏據為都城西魏始改名甘州元置甘肅行省明設陝西行都司轄內五衛甘州左右前外七衛山丹永昌涼州鎮以親藩洪武中封又設巡撫總兵其崎重如此蓋甘涼諸郡東西長南北狹中通一綫驛道酷似伸臂前後蒙番蹊徑百出收牧互市時復跳梁是以北繞邊牆輔以營堡十有三兩阻祁連綴以營堡十有五烽埃密布刀斗相

聞 國初設兵因明制巡撫東徙涼州令提督建牙為河西重鎮境內雖閉有沙漠而弱水黑河所逕引渠溉田餘糧足餉鄰邑猶邊郡之饒沃者也

肅州在省治西北一千四百六十八里北緯三十九度四十六分西經十七度三十分東至六壩渠接甘州撫彝廳界西至雙井子大紅山接安西州玉門縣界南至紅水河源東南至紅崖營索口達坂西南至祁連山外討來川野牛溝均接青海番族界北越邊牆至金塔營北孤紅山東北至毛目城西北至黑山湖均接額濟納蒙古界自州治至 京師五千四百二十九里凡領縣一分縣一

高臺縣 州東南二百七十八里北緯三十九度三十分  
毛目分縣 州東北二百四十分西經五十二度五分  
光緒七年中俄改訂條約允俄人通商嘉峪關

唐以後陷吐蕃回鶻及西夏明初以肅州衛為西極之藩籬以嘉峪關為北門之管鑰始猶有赤斤沙州等部拱護關外遙受繩縻正德中為吐魯番殘破相繼東遷於是閉關絕使邊牆之外坐視淪胥 國朝雍正初改設直隸州同時拓地逾瓜沙而肅州為次衝矣近世花門多故則又禍在蕭牆不儀北蒙南番之可虞也陝回白彥虎之西竄取徑酒泉進北之野麻灣不由嘉峪足證彈丸一關詎能守株待兔耶

安西州在省治西北二千一百有三里北緯四十四度三十分西經二十度二十八分東越花海子至沙峽圍接肅州金塔營界東南至青頭山高崖泉接肅州仁壽山界西臨哈喇淖爾至綽羅胡同接新疆塔爾巴哈台界南至古石城奔巴兔西南至色爾騰海均接青海柴達木界北越大青山至普成山西北逕大戈壁至馬蓮井軍塘咬牙溝均接新疆哈密廳界東北至沙漠中廣窩

峽接外蒙古額濟納及喀爾喀札薩克圖界自州治至 京師六千有六十

四里凡領縣二

敦煌縣 州西二百七十里北緯三十九度五十六分西經二十七度一十八分

玉門縣 州東二百八十五里北緯四十四度二分西經八十八度四十二分

北魏立瓜州 治亦治顏師古以敦煌為春秋允姓之戎所居瓜州後代沿用

其而地址不一 北魏及隋之瓜州唐改西沙州今敦煌縣也唐瓜州西

東左衛 州中北正德十一年並為吐魯番殘破而哈密流民蒙古黃黑

番族雜居焉 國朝康熙中哈密伯克獻其地雍正初設安西衛及總兵

於布隆吉爾築安西鎮城尋移駐都爾博勒津亦築城州治今改布隆吉為

柳溝衛乾隆二十四年設安西府治淵泉縣三十八年並裁改安西直隸

州人運糧阻利而難關禹貢三危流沙皆在州南入不可不詳也漢

書玉門陽關皆在邊西今敦煌縣西北一百六十里大沙灣即古玉門關

不窟孔道矣 險白龍堆達西域諸國自唐以後舊路埋沒近世驛程北出哈密而敦煌

秦州在省治東南七百二十七里北緯三十四度三十五分西經十度四十分

州治至 京師由平三千五百六十六里又由鳳三千四百一十里凡領縣

五 秦安縣 在州北八十里北緯三十四度五十分西經十度三十六分

清水縣 在州西一百二十里北緯三十四度四十分西經十度三十分

禮縣 在州西南一百二十里北緯三十四度四十分西經十度三十分

徽縣 在州南一百二十里北緯三十四度四十分西經十度三十分

兩當縣 在州東南一百二十里北緯三十四度四十分西經十度三十分

巨謹案秦州為伏羲氏生長畫卦之地 今州西北 堯命和仲宅西康成謂

隴西之西縣百二十里 此上古哲學及測算家所濫觴者也周孝王時

命秦之先世非子主馬於渭淵開 而封之秦 有秦志渭水縣 此又秦

之大名所由起也惟密邇西戎非子曾孫秦仲殉身覆族仲子莊公克敵

與邦四傳至武公伐邽冀之戎取以為縣漢為隴西上郡縣今州魏始置

秦州歷代沿用其名明及 國初屬陝西鞏昌府雍正七年以州直隸甘

肅省其地形左憑隴坻右接岷峨後控涇原前通漢沔渭水貫其中庶產

豐饒為隴南善地焉當李唐建中時吐蕃要盟以清水為中外之界州境

大半淪沒南宋紹興中金人屢攻秦鳳賴有吳玠吳玠苦戰得全隆興初

史活議退兵棄地因而連陷十三州軍樞要非人良將束手耳千百年來

里由成徵兩凡領分州一縣二州所屬番民  
西固分州在州西北一百八十里北緯三十三度五十二分西經九十一度五十分

文縣在州東南二百里北緯三十二度五十分西經九十一度五十分  
成縣在州東北二百八十里北緯三十三度五十分西經九十一度五十分

臣謹案隋州在周秦為白馬氏漢初置武都道後改郡噤喉秦蜀控制羌戎諸葛北征先取陰平今文武都西成縣鄧艾寇蜀姜維禦之香中州南請

後主急護陰平橋黃皓以巫言阻之艾遂由陰平邪徑襄陽懸崖直取成都晉末魏氏酋楊氏世據仇池今成縣并有武都天水諸郡桀驚二百年未可以邊郡磽确而忽視之也唐末始改階州治蘭皋嶺今州東元初兵燹殘破移治柳樹城一百里西明初移建今治山深路險地瘠民強

官斯土者尙有王尊叱馭之心哉  
涇州在省治東南九百三十二里北緯三十五度二十二分西經九度東沿涇水至賈家莊接慶陽府雷州界西至王家溝接平涼府平涼縣界南越達谿河至百里鎮縣屬接陝西鳳翔府麟遊縣界北至大方山王安石縣屬至

慶陽府環縣界東南至白楊鋪接陝西邠州長武縣界西南至龍門鎮縣屬接陝西鳳翔府汧陽縣界西南又一路至盤口河源雷神堡縣屬接平涼府華亭縣界東北至吳家城蒲河縣屬接慶陽府安化縣界西北至馬渠鎮縣屬接固原州界自州治至京師三千有二十九里凡領縣三

崇信縣在州西少西六十里北緯三十五度二十二分西經九度鎮原縣在州北一百二十里北緯三十五度二十二分西經九度靈臺縣在州東南九十里北緯三十五度二十二分西經九度

臣謹案涇州為漢安定郡治高安定縣地在五里北魏始置涇州下歷

隋唐宋皆領安定郡治此唐改保定縣金元改涇川縣明初省入州徙州治於涇水南居秦隴之孔道為兵略所必爭晉代姚萇赫連之窺關中皆先據安定以為根本唐禦吐蕃宋拒西夏並恃涇州為重鎮郭子儀馬瑋韓琦范仲淹吳玠諸名臣良將防衛戰守屯營故壘猶有遺存於涇陽汭鞠之閒者試為探幽弔古安得不思綢繆未雨追踵前規耶

固原州在省治東南七百七十里北緯三十六度四分西經十度十二分東至米家川三岔河接涇州鎮原縣界西至朱家廟山馬頭灣西海城縣接鞏昌府會甯縣界南至六盤山白雲山接平涼府隆德縣及化平廳界北至臥牛山通溝莊西北接接甯夏府靈州及甯靈廳界東南越洪河上源至千子溝接平涼府平涼縣界東北至多羅溝南接接慶陽府環縣界西南越苦水至黑虎溝西南接接隆德縣界西北越海城縣至賀家山縣北分接蘭州府靖遠縣界自州治至京師由涇州三千三百四十四里由鎮原慶陽二千八百二十里凡領分州一縣二

平遠縣在州北二百四十里北緯三十七度八分西經十度六分治所鎮原縣在州南八十里北緯三十五度二十二分西經九度東沿涇水至賈家莊接慶陽府雷州界西至王家溝接平涼府平涼縣界南越達谿河至百里鎮縣屬接陝西鳳翔府麟遊縣界北至大方山王安石縣屬至

慶陽府環縣界東南至白楊鋪接陝西邠州長武縣界西南至龍門鎮縣屬接陝西鳳翔府汧陽縣界西南又一路至盤口河源雷神堡縣屬接平涼府華亭縣界東北至吳家城蒲河縣屬接慶陽府安化縣界西北至馬渠鎮縣屬接固原州界自州治至京師三千有二十九里凡領縣三

崇信縣在州西少西六十里北緯三十五度二十二分西經九度鎮原縣在州北一百二十里北緯三十五度二十二分西經九度靈臺縣在州東南九十里北緯三十五度二十二分西經九度

臣謹案涇州為漢安定郡治高安定縣地在五里北魏始置涇州下歷

隋唐宋皆領安定郡治此唐改保定縣金元改涇川縣明初省入州徙州治於涇水南居秦隴之孔道為兵略所必爭晉代姚萇赫連之窺關中皆先據安定以為根本唐禦吐蕃宋拒西夏並恃涇州為重鎮郭子儀馬瑋韓琦范仲淹吳玠諸名臣良將防衛戰守屯營故壘猶有遺存於涇陽汭鞠之閒者試為探幽弔古安得不思綢繆未雨追踵前規耶

固原州在省治東南七百七十里北緯三十六度四分西經十度十二分東至米家川三岔河接涇州鎮原縣界西至朱家廟山馬頭灣西海城縣接鞏昌府會甯縣界南至六盤山白雲山接平涼府隆德縣及化平廳界北至臥牛山通溝莊西北接接甯夏府靈州及甯靈廳界東南越洪河上源至千子溝接平涼府平涼縣界東北至多羅溝南接接慶陽府環縣界西南越苦水至黑虎溝西南接接隆德縣界西北越海城縣至賀家山縣北分接蘭州府靖遠縣界自州治至京師由涇州三千三百四十四里由鎮原慶陽二千八百二十里凡領分州一縣二

平遠縣在州北二百四十里北緯三十七度八分西經十度六分治所鎮原縣在州南八十里北緯三十五度二十二分西經九度東沿涇水至賈家莊接慶陽府雷州界西至王家溝接平涼府平涼縣界南越達谿河至百里鎮縣屬接陝西鳳翔府麟遊縣界北至大方山王安石縣屬至

州其地左輔邠慶右翼鞏蘭倚六盤爲巨防據八關之要隘關石門盤木  
石峽瓦亭趙宋拒夏立砦如林大小堡砦胡元耀兵分藩駐蹕元世祖  
下馬等趙宋拒夏立砦如林大小堡砦胡元耀兵分藩駐蹕元世祖  
駐蹕焉至元中封前明備禦套寇建爲重鎮固原衛總制相繼甘肅  
身子爲安西王前明備禦套寇建爲重鎮固原衛總制相繼甘肅  
備守並駐兵本朝以陝西提督駐此居秦隴之閒東西兼顧與文驤畫界  
不同軍民分治各自鈐轄仍與督撫提甘肅提督三標西安甯夏二駐防  
遙爲犄角無虞偏重誠善策也惟自回亂以後民生凋劫茲可憫耳  
化平川廳在省治東南六百九十里北緯三十五度三十二分西經十度五  
分東至奔頭山東北至沙塘鎮均接平涼府平涼縣界西至關山嶺接平涼  
府隆德縣界南至龍臺山大會坡東南至石獅谷均接平涼府華亭縣界北  
越暖水河至錢家窪西北至康家山三十里鋪均接固原州界西南至涇水  
源接平涼府靜寧州界自廳治至 京師三千有八十里  
臣謹案化平川爲宋渭州安化縣地熙寧初徙縣於唐故制勝關以故縣  
爲鎮金改縣曰化平元初省入華亭明及 國朝因之同治十年設撫民  
通判壤連五縣僻在深山不當孔道回族舊集施治頗雜也





廷省界 乾治在塔城所轄西北千餘里也兒的石河西原為哈薩克右部地

約七百餘里其中皆準部東南至塔城西南至奇臺縣北三百餘里

煌縣及青海柴達木界東北至奇臺縣北三百餘里鄂倫布拉克接科布多

國及俄國之費爾干省界 舊浩罕三部之一光又葉城皮山二縣南六百餘里

喇爾隆山接退擺特種人拉達克諸部界 即吐蕃之一作維移徙者蕃讀如番特

普辛界 舊塔城西北至精河廳西北五百庫克托木山接俄國七河省列

里十六 凡領府六直隸廳七直隸州二分防通判廳二州一縣二十一其民漢

人 秦隴燕晉之流較多其 蒙古 南於精河西北塔城東北於城

厄魯特 勒都斯 呼爾察 察爾 察爾 察爾 察爾 察爾 察爾 察爾 察爾

準回部 始由 陝甘 滬來 番 察爾 察爾 察爾 察爾 察爾 察爾 察爾 察爾

特 西北及伊犁 南特 奇里 奇里 奇里 奇里 奇里 奇里 奇里 奇里

哈薩克 西南 而滿洲 錫伯 索倫 入俄 居屯 居卡 內 地 則大半為兵種族雜

言文習俗各不相同號稱難治焉

臣 謹案前通考於西域南北路未言里至一統志謂廣輪二萬餘里殊屬

虛懸嘉道以來官私圖籍如 欽定新疆圖志 實錄 方略 欽定回疆圖

陸要略等皆言東西七千餘里實無此數祁氏所作在識略之前即據其

書載各城相距伊犁至巴里坤僅四千二百餘里識略總敘由惠遠城東

至鎮西三千一百里縱加兩旁甌脫去七千尚遠宣統新圖志沿用舊

說試以鎮西伊犁距省里數核計為三千四百餘里便見矛盾今就天山

南路之東西計之較為近情又省治距 京師前通考於迪化謂八千八

百九十里於烏魯木齊謂九千八百九十里地同數異茲以近人行記為

準免誇大新疆苦寒驛官浮開里數所稱一百里者實量止八九十里更

不足有此

迪化府為省治東西廣一千四百九十五里南北縱四百餘里東至噶順溝

九百一 接鎮西廳界西至雙石壘 五百四 接庫爾喀喇烏蘇廳界南至阿勒

塔齊水源烏可克山 一百四 接焉耆府界北至白家海子 一百一 接

阿爾泰山南布勒干河 界一 接焉耆府界東北至白楊河 二百四 接吐魯番廳界

西南至頭屯河源 一百餘里 接焉耆府界東北至哈布塔克 七百 接科布多

至 京師八千四百九十四里凡領縣六

迪化縣 附郭北 縣界南 縣界西 縣界東 縣界北 縣界南 縣界西 縣界東 縣界北

伊犁 附郭北 縣界南 縣界西 縣界東 縣界北 縣界南 縣界西 縣界東 縣界北

塔城 附郭北 縣界南 縣界西 縣界東 縣界北 縣界南 縣界西 縣界東 縣界北

阿爾泰 附郭北 縣界南 縣界西 縣界東 縣界北 縣界南 縣界西 縣界東 縣界北

焉耆 附郭北 縣界南 縣界西 縣界東 縣界北 縣界南 縣界西 縣界東 縣界北

吐魯番 附郭北 縣界南 縣界西 縣界東 縣界北 縣界南 縣界西 縣界東 縣界北

哈密 附郭北 縣界南 縣界西 縣界東 縣界北 縣界南 縣界西 縣界東 縣界北

喀什 附郭北 縣界南 縣界西 縣界東 縣界北 縣界南 縣界西 縣界東 縣界北

和田 附郭北 縣界南 縣界西 縣界東 縣界北 縣界南 縣界西 縣界東 縣界北

庫車 附郭北 縣界南 縣界西 縣界東 縣界北 縣界南 縣界西 縣界東 縣界北

阿克苏 附郭北 縣界南 縣界西 縣界東 縣界北 縣界南 縣界西 縣界東 縣界北

庫爾勒 附郭北 縣界南 縣界西 縣界東 縣界北 縣界南 縣界西 縣界東 縣界北

拜城 附郭北 縣界南 縣界西 縣界東 縣界北 縣界南 縣界西 縣界東 縣界北

焉耆 附郭北 縣界南 縣界西 縣界東 縣界北 縣界南 縣界西 縣界東 縣界北

吐魯番 附郭北 縣界南 縣界西 縣界東 縣界北 縣界南 縣界西 縣界東 縣界北

哈密 附郭北 縣界南 縣界西 縣界東 縣界北 縣界南 縣界西 縣界東 縣界北

喀什 附郭北 縣界南 縣界西 縣界東 縣界北 縣界南 縣界西 縣界東 縣界北

和田 附郭北 縣界南 縣界西 縣界東 縣界北 縣界南 縣界西 縣界東 縣界北

庫車 附郭北 縣界南 縣界西 縣界東 縣界北 縣界南 縣界西 縣界東 縣界北

阿克苏 附郭北 縣界南 縣界西 縣界東 縣界北 縣界南 縣界西 縣界東 縣界北

庫爾勒 附郭北 縣界南 縣界西 縣界東 縣界北 縣界南 縣界西 縣界東 縣界北



里 西北緯四十三度三十三分

臣謹案鎮西在漢為匈奴東蒲類王茲力支地後漢時匈奴遷東蒲類於阿惡移支國徙居之兼屬北單于呼衍王伊吾盧固班超裴岑等皆曾鏖戰蒲類海即巴里坤淖爾也晉北魏隋為蠕蠕高車突厥高昌相繼據有唐貞觀中大軍伐高昌副總管姜行本陰山登黑紺所勒石紀功其地後屬庭州東境永徽中西突厥賀魯入寇陷金嶺城蒲類縣詔大將梁建方擊逐之破處月部以其地置金滿沙陀二州在庭州北境外阿爾泰山南布勒干河等處非金滿縣地長安初屬北庭都護府開元中分置伊吾軍在天山北甘肅也建中以後吐蕃回鶻相爭殘破咸通七年并於西州回鶻五代屬契丹宋屬高昌元隸北庭都護府明為瓦喇國之東境天順中其酋札加思圖破哈魯所地地名把兒思圖利病書一作巴爾庫勒國初屬準噶爾康熙五十四年其地內屬始遣將駐兵五十六年 授尙書富寧安為靖逆將軍成此與阿爾泰山振武將軍傅爾丹相犄角侍郎梁世勳等督理屯田雍正七年代以甯遠大將軍岳鍾琪八年噶爾丹策凌奏請赦罪緩兵鍾琪還京受方略提督紀成斌護理大將軍疏於偵察準夷襲入卡內力戰七日始卻之降成斌為副將鍾琪復出塞九年築巴里坤城周八里十年寇又繞道劫哈密諸將被劾鍾琪斬成斌代以張廣泗會準酋策凌攻而乞和使者往來議畫界 朝廷允以巴里坤迤西界準部策凌必欲以阿爾泰山為界乾隆十年策凌死子策妄多爾濟嗣昏暴被弑國亂二十一年戡平準部二十四年移安西同知及安西提督來駐後改置總兵駐烏魯木三十七年築會甯城在漢城東南隔周駐領隊大臣滿營並巴里坤道於甘肅省距省四千里四十四年加領奇臺縣舊治在府西咸豐五年罷府縣改為鎮西直隸廳同治三年回匪煽亂南北路皆陷惟巴里坤總兵何瑄困守幸存光緒十年改隸新疆省十三年裁領隊大臣徒滿營於古城與綠營分汛而守廳境土瘠氣寒兵燹之餘益形凋劫然負山阻澤前

控伊西庭三州後緒科布多開道雍乾之際先扼此吭窺入其阻同光以來賴此一縷孤懸東來諸軍得所駐足則何瑄之鼓勵遺民苦戰十年厥功偉矣瑄性率直不善逢迎鳥盡弓藏後効落職輿論冤之光緒二十年撫臣陶模奏請開復賜卹非徒彰公論亦藉振邊方士氣歟

吐魯番直隸廳舊屬若在省治東南四百一十里東西廣南北縱各五百餘里東至森尼木河一百東北至柯柯雅山二百東南至覺羅克塔山一百七均接鄯善縣界西踰合同察蓋山四百西南至那林哈拉山三百均接焉耆府界南至一覺七瓦特三百接塔羌縣界北至凍度古爾山一百六接孚遠縣界西北至博克達山一百三接迪化縣界自廳治至京師八千一百里領縣一西經二十七度四十分

鄯善縣舊屬張掖在東經一百一十二度四十分西經一百一十二度四十分南緯三十九度四十分北緯三十九度四十分地宋人稱寶莊元屬柳城高戶府明并於吐魯番一縣北及東臨赤沙等魯番二州開闢城莊巡檢焉同治五年為同知廳所轄光緒三年收復重築土城二十八年巡撫德馨奏設鄯善縣此沿革也

魯克沁回王城在縣西南九十里北緯四十二度二十八分西經一百一十二度四十分光緒七年中俄改訂條約允俄人通商於吐魯番

臣謹按吐魯番為漢車師前國交河城今屬西北二及狐胡國地北境初屬匈奴武帝宣帝累經征伐地節二年鄭吉破交河城始置屯戍元帝置校尉王莽時復降匈奴東漢明帝永平中既取伊吾擊降車師和帝置已部候於高昌壁今屬東南一百安帝延光中班勇為西域長史屯柳中

後又顯慶初置西州都督府開元中改金山都督府並置天山軍天寶初改交河郡貞元以後陷於吐蕃咸通中屬回鶻旋分三部曰和州曰阿薩蘭曰高昌服屬於遠亦貢於宋金後西遼復封吐谷渾之裔為交河王又號長兀兒一傳而降於元亦稱輝和爾國至元中內屬設和州宣慰使等官仁宗時再立高昌王修築哈喇火州為畏兀兒城元末分為柳城火州吐魯番三部並設萬戶府明初皆入貢正統後吐魯番強盛并吞鄰部南擾哈密瓜沙後稍衰弱蒙古族類多習回教 國朝康熙五十九年靖逆將軍富爾丹散秩大臣阿喇納降開展進擊吐魯番降其酋明年準酋策妄魯遜吐魯番民遁走魯克沁者萬餘求內附九月賊來犯敗還雍正中封其大酋額敏和卓為輔國公分徙其民於塔勒納沁及瓜州肅州乾隆中從大軍討準回有功累封至郡王二十四年隸於關展辦事大臣四十四年改設吐魯番領隊大臣移同知都司來駐兼轄關展尋築廣安城 同治三年庫車叛回東竄陷城光緒三年收復十年重修漢城罷領隊駐同知遊擊回城在稍西四里駐巡檢屬鎮道廳境南臨大磧恆苦風沙北望火山罕逢雨雪間有泉水可引處亦成邸落葡萄吉貝衣食攸資內地漢回負未流寓而纏回種族之見甚深迫逐鬪殺疊疊禍端他邑風俗相同經濟家移民實邊之論言固易而行實難矣

哈密直隸廳 哈密 在省治東南一千四百二十里東西廣二十餘里南北縱六百餘里東踰鹹水峽至馬鑾山 通外蒙古額濟納界東北越葦子峽至必隆布拉克 接外蒙古札薩克圖汗界南至沙磧中之博羅圖阿瑞 接甘肅敦煌縣界東南至咬牙溝 接甘肅西州界北至天山羊圈溝 西北至堯槽溝 均接鎮西廳 肅安西州界北至天山羊圈溝 西南踰錫拉淖爾至伊里克庫木 界西至闊什 皆接鄯善縣界自廳治至 京師七千有八十里

東漢明帝永平中竇

固大舉北伐令班超擊伊吾留吏士屯戍置宜禾都尉 未幾北單于破車師漢遂罷伊吾屯和帝永元初竇憲再破北匈奴遣閼犁襲取伊吾安帝永初元年以險遠罷戍匈奴又屢寇邊元初六年敦煌長史索班屯伊吾招降車師鄯善尋為匈奴攻沒延光三年班勇為西域長史由柳中發樓蘭諸國兵擊走伊吾王於伊和國順帝永建六年置伊吾司馬復開屯田陽嘉四年呼衍王侵後部漢軍赴救而敗桓帝元嘉元年呼衍王又入寇司馬毛愷戰沒於蒲類海遂攻屯城敦煌太守司馬達將三郡兵救之寇引去終漢世向背無恆 魏宣帝時伊吾無主東晉前涼張氏復置都尉北魏屬蠕蠕孝文太和內附置伊吾郡尋為鄯善別部所陷築納職城 屬於鐵勒突厥隋煬帝以厚利誘降其酋遣將築新伊吾城 置郡守後仍附西突厥唐貞觀初來降置伊州領伊吾柔遠 屬東州 屬三縣廣德後淪於吐蕃宋屬阿薩蘭回鶻元稱哈密力明史有哈密里哈密二國實一地也永樂宣德間封忠順忠義二王立哈密衛胡錯居不能統屬天順中為瓦喇襲破成化初為吐魯番所破一再南遷宏治八年甘肅巡撫許進以銳師拔其城空虛不能守其民分徙瓜沙苦峪 赤斤 等處正德以後吐魯番深入脅服之擾及肅州遂閉關棄地明末為準噶爾所并 國初通市入貢雖稱哈密非故土也順治初與塞內叛將句結為亂絕其市貢康熙三十五年副都統阿南達出塞至沁城伯克額貝都拉迎降獻玉門瓜州諸地 錫封一等札薩克賜印璽編旗隊復歸舊部遣兵守禦準夷五十六年重築回城 雍正五年建漢城 十年準夷來侵岳鍾琪自巴里坤遣將擊卻之十三年分駐重兵於塔爾納沁三堡等處乾隆中哈密鎮國公玉素卜從大軍討和卓木有功累封貝勒加郡王銜二十四年設辦事幫辦二大臣及副將通判為哈密廳屬安西道 道光中晉封貝勒伯錫爾為郡王同治四五年兩次為擾頭叛回所陷墮漢城 七年辦事大臣文麟副都統景

臣謹案哈密於漢屬匈奴呼衍王城吾廬城 東漢明帝永平中竇



近為皆游牧不耕服屬匈奴... 葱嶺之西此地為鐵勒所據... 高宗命梁建方程知節進討... 自金山西征敗之於曳咥河... 魯於石國北徵稍安聖歷中... 小為天寶至德間為邏祿建... 國吹河而之虎思城傳五世... 律所纂元太祖滅乃釐定宗... 邱長春西遊記作阿里馬城... 不舖連滿王及達魯花赤亦... 之蘇瑪亦喇八里... 南諸回部徙帳金山襲攻外... 征噶爾丹敗歸自盡其從子... 之既而復叛乾隆二十二年... 敗死子求和乾隆四年亦好... 年策凌死子多爾濟台吉見... 為汗策凌死子多爾濟台吉... 之勝各部不五月日封親王... 四汗各部不五月日封親王... 奇阿拉王有兵者再出... 博羅塔拉地保西河名在... 博羅塔拉地保西河名在...

參贊駐此總統全疆事宜... 同知二推事倉員巡檢同駐焉... 被強俄蠶食逼近卡倫竟無... 吏部侍郎崇厚以全權使俄... 命大理寺少卿曾紀澤往毀... 克斯川一隅償以盧布九百... 千里波刺斯... 年接收伊犁駐防官職如故... 勒十四年設伊塔道治雷遠... 經畫較勝於前惟自兵燹推... 近在臥榻雖置重鎮未易精... 此巖疆乎

精河直隸廳... 里南北縱三百里東至... 山東南至布爾津山西南... 土爾其特... 爾牧地界自廳治至京師... 屬有博羅塔拉分防地... 博羅塔拉地保西河名在... 博羅塔拉地保西河名在...

北而屏

臣謹案精河應於漢晉為伊列國東境北魏及唐為鐵勒柔然突厥先後據有貞觀中屬庭州東林西林二守捉地按新唐地志注石漆河為精河然

乾隆中準部布爾古特之台吉渾齊遊牧於此二十三年將軍兆惠討禽之東南亦非惠慶之敵二十八八年築豐潤堡三十二年分置舊土

爾扈特西部一旗於精河西河沿大四十八年於迤東半里築安阜城二門四分駐都司及糧員以與盟於庫爾喀喇烏蘇領隊大臣光緒十四年

形勢與喀喇烏蘇相峙其西北之博羅塔拉山環水繞尤為戰守要區焉元初稱李羅城明瓦喇特國明崇禎中準部策妄阿爾布津據此

塔城直隸廳在省治西北一千五百一十里東西廣九百里南北縱五百八十里東特牧地至布倫托海接外蒙古科布多界北又自土爾其至

新河接阿爾東南至石拉札里接庫爾喀喇烏蘇界北又自土爾其至南界五百餘里蘇圖立接精河廳界西南六百二十里蘇圖山巴爾魯克

山至蘇魯克蘇圖立接精河廳界西南六百二十里蘇圖山巴爾魯克界五百餘里蘇圖立接精河廳界西南六百二十里蘇圖山巴爾魯克

有一十里西經三十三度四十七分均接俄國界自至京師一萬咸豐十年條約允俄人通商塔城今於城西北一里為實具圖者皆作俄其

臣謹案塔城於漢為匈奴西境元帝時鄯支單于西徙塞所破後漢之章帝

東漢末屬鮮卑西部亦入寇中國桓帝時鮮卑之散騎將軍檀根所并居在阿西

三國時鐵勒種人分徙於此曰西丁零丁零為伏厥所并居在阿西

隋唐屬西突厥居此者其別種葛邏祿三族跨僕固振水百里東博

葉護居邪羅斯川唐書謂直西州一帶邪羅斯即也兒的石河東北哈巴河

命梁建方合回紇騎兵擊潰之於牢山罷瑤池府就處月地置金滿州都督

尼施於廣娑川此河甚長隨地異名明年再出金山道即阿爾破山北

處木昆部進至曳咥河河即也兒的石大破賀魯兵追之西連漢伊麗河後

都督肅宗時中國多故沙陀臣於回紇病其暴斂德宗貞元五年降於吐

遼擊逐吐蕃於是多回鶻雜居破殘西遼元初為哈喇魯部與回鶻



密立宗業... 也米失元... 諸稱... 其東鄙有乞則里八... 寺海... 三子窩關台... 執設驛曰塔兒八合你明爲瓦喇特國... 其族土爾其特部牧雅爾河及和博克薩... 阿爾泰山... 其族土爾其特部... 喇山... 五年... 稱衛拉特... 烏爾衰由阿爾泰山西... 齊斯督理屯田... 走險拒戰... 爾... 入冬... 賜名綏靖... 同知副將等員... 拒守... 國... 收復故城... 三... 里... 族殊心異在承平時已稱難治今者屏藩夷滅舊卡播遷地奚止千里

西失雅爾城直抵阿雅古茲河北失齊桑... 爾齊斯之下流扼要... 處聖中使花門無變亂豆剖當不至斯在彼妄爾自由謀脫鈴轄不思傷... 嗟兩敗徒害生靈... 有肺腸... 溫宿府... 分西經三十六度五分東西南北... 爾... 卡... 騰格哩山... 州界東北... 勒都斯界西北... 省喀喇開勒界... 設領隊大臣... 罷置溫宿直隸州... 轄於東四城兵備道自府治至... 回... 門... 溫宿縣... 拜城縣... 柯坪分縣

臣謹案阿克蘇回語謂白水未必是溫宿之轉音乾隆以來官私著述皆以阿克蘇為漢之溫宿國亦想當然耳試就漢書西域傳所載形勢觀之龜茲國在今庫車西南境固無疑義茲西接姑墨六百七十里姑墨距溫宿二百七十里戶口及勝兵者倍多於溫宿其國境較大溫宿西至尉頭三百里 皇朝通考以阿克蘇東境二百八十里之雅哈里克為姑墨國以阿克蘇為溫宿國以烏什為尉頭國均有可疑漢書既謂龜茲姑墨相去六百七十里今阿克蘇在庫車西七百里當是姑墨境如以雅哈里克以雅哈里克為姑墨境又西二百四十里烏什當是溫宿國烏什宿音相近也更以新唐書地志證之安西入西域道于闐西三百八十里皮山城北與姑墨接以此方向為準則姑墨不能在阿克蘇之東地志又謂安西即在此國西出柘厥關渡白馬河百八十里在歐陽志與地廣記關西府百八十里佛云則當在今拜城西南郭依斯塘察爾蘇東之東北察爾蘇近音近柘厥關今拜城西北繞行賽里木拜城故城至郭依斯塘約三百五十里耳河即郭依斯塘與丁谷山西南由依斯塘西沿河至郭依斯塘約三百五十里巴什水頭也廣記又謂關西五西入俱毗羅嶺今哈喇和卓山沙山若沙經苦井百二十里俱毗羅城疑在札木台西距木則距郭依斯古城一曰威戎城曰姑墨州按今阿克蘇城東北五十里有帕爾滿莊志作帕爾滿或即撥換之轉音是阿克蘇為姑墨之確證也志又云撥換南臨渾河今渾巴什西北渡撥換河今瑪爾斯河中河今札什百二十里至小石城疑今雅爾 又八十里至大石城一曰于祝若烏曰溫肅州今烏什城距帕爾滿二百數十里與唐地志所言撥換至于祝程途近似此烏什為溫宿之確證也原文小石城下有二十里于祝之胡盧河一句故刪 近時新省撫藩纂修圖志用法國博士伯希和之說亦以阿克蘇為姑墨烏什為溫宿證引甚詳與管見不謀而合矣姑墨自北魏以後為龜茲所并唐平龜茲立和墨州但沒國置非此地也 迤北有跋祿迦國猶是姑墨遺民元及明初屬別失八里蒙古元帥府厥後別什西邊地屬回

部為南路東四城之首北瞰雪嶺南限葱河綰穀雄區物產豐衍是以左宗棠初議設巡撫治此後未果而總兵巡道聯鑣建牙王爺貝勒一員稱重鎮焉惟自伊犁西境被俄人割據於是阿克蘇西北隅亦與俄鄰勿以冰山之險為可恃也 遊牧丹城縣西北境

烏什直隸廳在省治西南三千三百七十里北緯四十一度十六分西經三十七度五分東西廣八百里南北縱三百七十里東至洋赫驛東托什罕河接溫宿縣界西至齊恰爾達坂接俄屬那林司克界南至庫魯塔哈山接溫宿所屬柯坪分縣界北至珍且達坂接俄屬喀喇業界東南至畢底爾河卡台接柯坪界西南至巴爾昌接疏勒府疏附縣界東北至過臻丹水接溫宿縣界西北至貢古魯克達坂接俄屬帖列克島嶺界在特穆爾巴哈什布魯特地境內回族酋豪於明代由吐魯番遷來故附近各鄉用彼處舊名如卓爾圖等而烏什亦稱圖爾滿之轉音 國初役屬於準噶爾乾隆中大臣徇回部烏什伯克以城降初駐參贊及會辦二大臣三十年秀回煽亂戕官將軍明瑞討平之叛黨繼焉徙阿克蘇喀什等處回民五百戶實之重築鎮城周二里賜名永甯 回語以山石突起為島赤城其南距大山十餘里東與北河水環之五十二年移參贊會辦於喀什改駐辦事大臣光緒九年設烏什直隸同知自廳治至 京師一萬有八百里所屬回莊二十七布魯特二部口奇

臣謹案烏什為漢溫宿國地前人以爲尉頭者非也辨詳溫宿府案語中既考定以阿克蘇東北之帕爾滿為姑墨國都撥換城漢書姑墨至溫宿二百七十里今帕爾滿至烏什同此數則烏什為溫宿無疑溫宿於北魏以後為龜茲所并唐貞觀中伐破龜茲遂置溫肅州屬安西都護府新唐地志由撥換城西北行二百餘里至于祝即溫肅北達烏孫境矣西北七十七里度汶達嶽又五十里領多城即烏孫所治赤山城云于祝至烏孫僅百餘里太近漢西域傳溫宿北至烏孫赤谷六百一十里余謂唐志必有訛誤是也然唐之赤山未必漢之赤谷如赤谷六百一十里赤山即唐志必有訛誤是也然唐之赤山未必漢之赤谷如赤谷六百一十里赤山即

阿克蘇城北山又云在拜城北則改烏蘇為南道之圖未一證也又攬  
 其形勝山迴川流土瘠氣寒曩於乾嘉時北有熱海即特穆爾火祿爾河  
 今納林倚為重險西有康居即哈播密特布並隸藩封是以烏什僻處偏  
 隅劣堪自守無如今昔殊勢夷險改觀脫云亡戎心思啟中俄界牌在  
 廳境者六處庫噶爾塔曰齊怡爾曰烏魯山曰大牙交錯逾七百里誠嚴  
 邊要塞也

庫車直隸州在省治西南二千有二十里北緯四十一度三十五分西經三  
 十三度三十分東西廣三百五十里南北縱七百餘里東至拉依蘇  
 水東南至鄂根河南加拉克沙雅縣皆接焉者府輪臺縣界西六十餘  
 丁谷山至千佛洞西南三十里至塔爾里克西北一百三十三里至白山皆接溫宿  
 府拜城縣界南三十里至特里木卡外額路句河南沙雅縣接于闐縣界北三  
 里至額什克巴什山接焉者伊犁二府界東北一百六十六里至迭拉爾山喀喇湖  
 接焉者府珠勒都斯界 國初為回部沃區準噶爾脅服而苛斂之乾隆二  
 十三年回酋霍集占被囚於伊犁者大兵至得釋既降復叛入庫車追擊走  
 死其舊伯克及沙雅爾伯克並以城降駐辦事大臣 舊土城在高坡上周圍  
 重修道光八年 光緒九年設直隸廳同知二十八年改直隸州自州治至  
 京師九千八百七十里領縣一州自領同知

沙雅縣州西南一百八十里北緯四十一度三十三分西經六十六度  
 臣謹案庫車與龜茲字異音同 領師古注漢書正統大元聖武親征記  
 作屈光元史地志在二千餘年未改惟漢時故都居延城在今庫車西南  
 數十里 西域考古錄皆主此說近渭干河西域諸國斯為大開亦吞并鄰  
 封 魏黃初中姑蘇溫抗遠中夏迭遭兵禍 漢常惠班超勇 唐貞觀中  
 大軍夷滅自西州徙安西都護府於其國象統于闐碎葉疏勒號為四鎮  
 並置龜茲 此後吐蕃回鶻蒙古相繼據有 行省龜茲之名始絕明亦力  
 巴力即 國初準噶爾強梁蒙古衰敗庫車亦臣服焉其民俗於唐時與  
 溫宿于闐同奉釋氏伽藍莊嚴近世背佛從回蓋弱受強陵種族宗教皆

喪其舊可悲也夫然驚悍貪伎沐寬大之政不知感戴同治初年全疆之  
 亂發自庫車撫馭洵難哉 又按沙雅縣亦在南部新疆圖志以爲沙雅  
 州西至輪臺山口云云上句是輪臺北枝路非西行所經唐書突騎施  
 以碎葉爲大牙通與龜茲北至突騎施沙雅州一千餘里解機西城記凌山  
 西北九百餘里在彼水也

焉者府 在省治西南一千有八十里北緯四十二度十五分西經  
 二十九度三十七分東西廣一千二百里南北縱一千六百餘里東至  
 那林哈喇山下 接吐魯番廳界西八百里至納喇特嶺接伊犁府甯  
 遠縣界南五百里至塔里木河南沙磧 縣屬平接和闐州界北五百里至騰格爾山  
 接迪化府綏來縣界東南一千八百餘里起羅布達 至噶順山山口接  
 甘肅安西州敦煌縣及青海柴達木界東南又一路 阿勒麻山至烏蘭達  
 布遜接于闐縣界西南六十里至拉依蘇河 縣屬接庫車州界東北三百里至  
 烏克克山 縣屬接迪化縣界西北四百餘里至額林噶畢罕山 縣屬接庫爾喀  
 喇烏蘇廳界 國初為回部東四城之一康雍開準噶爾攘之有沙拉斯瑪  
 呼斯二族乾隆二十二年侍郎阿里袞逐捕平定設辦事大臣舊城二在開  
 都河西南並圮二十三年遷築新城於今治 門三條氏水道記周小周三分  
 門三次重修道光十三年至五十九年 賜名協順 三十六年分駐蒙古於北境  
 自俄國來歸 三和碩特四旗牧務都斯河又同 光緒九年設喀喇沙爾直隸廳  
 來之利碩特四旗牧務都斯河又同 光緒九年設喀喇沙爾直隸廳 民同知

京師八千九百三  
 二十八年升爲焉者府無附郭之縣有八莊自府治至  
 十里領縣三  
 新平縣 州西南二百里北緯四十一度三十分西經六十六度  
 里入流布光緒二十五年巡撫劉公藻以羅布達南二百里  
 稍狹得千餘戶移居境內二河邊回西巡撫劉公藻以羅布達南二百里  
 從三千餘里密運四百餘里所治無城黎國領南境也  
 北查千餘里密運四百餘里所治無城黎國領南境也  
 廣一查千餘里密運四百餘里所治無城黎國領南境也  
 輪臺縣 州西南二百里北緯四十一度三十分西經六十六度  
 遺跡 州西南二百里北緯四十一度三十分西經六十六度  
 十七莊 州西南二百里北緯四十一度三十分西經六十六度  
 塔光縣 州西南二百里北緯四十一度三十分西經六十六度

國改名... 漢屯... 設治... 哈爾濱... 注昌... 沒魏... 渡食... 夷所... 九周... 里四... 百餘... 里十... 通和... 關卡... 州二... 二里... 千有... 有六... 十里... 東升... 南縣... 經治... 大沙... 破城... 遠回... 煥十... 關一... 一縱... 千廣... 五百... 九百... 里九... 里四... 通和... 關卡... 州二... 二里... 千有... 有六... 十里... 東升... 南縣... 經治... 大沙... 破城... 遠回... 煥十... 關一... 一縱... 千廣... 五百... 九百...

臣謹案喀喇沙爾本境為漢焉耆... 置使者校尉後置都護於烏壘城... 西域為中也東漢以後都護存廢無定... 高宗遙置焉耆渠犂都督府... 勒于闐同備四鎮... 州刺史... 元帥府亦稱行省... 後以封宗王阿只吉... 國初并於準酋乾隆中隸版圖... 艱新平等處窮荒初闢... 流東作壅遏下流苦澗... 右屬東四城兵備道... 疏勒府... 度二十五分西經四十度... 東里四百至玉代哩克...

外烏赤別里牌... 接英吉沙爾... 阿哈界東南... 沙伊那... 達阿... 魯特... 什布... 其西北... 南路八城... 回餘孽... 授大學士... 年別築... 領隊大臣... 薩克以軍... 領隊協領... 八屯阿喇... 二州... 疏附縣... 兵分... 勒城... 伽師縣... 本城允俄... 約准俄人... 臣謹案南... 喀什噶爾...

古名詢取土人之謬解則蘇州將謂更生杭州將謂杭渡近於笑柄竊意疏勒爲都城雅號喀什爲上古西戎一大國之總稱四千年未易特譯寫字殊耳唐虞之際禹貢織皮之戎有渠搜山海經流沙之外大夏堅沙周書王會解渠搜獻龜大晉孔晃注西戎之國也周書見劉昫通志列子作巨蒐楊雄傳大漢左東海右渠搜王應麟以朔方郡渠搜爲西戎渠搜非彼國降人魏略西戎傳渠沙圖并屬疏勒辨機西域記蔥嶺東北至佳沙國周五千里疏勒乃其城號而此言猶誤宜云室利訖栗北史以蔥嶺西之鐵汗爲古渠搜蓋蔥嶺左右小國多役屬之而蒙其名也新唐西域傳疏勒一曰佳沙王居伽師城高宗遣置佳沙都督府元秘史作乞思合兒元史作合失合兒易思麥里傳作可失哈兒經史大典圖作可失哈耳明史作哈實哈兒要之渠搜堅沙伽思乞師可失喀什等熟誦其音明是一地不可謂字殊而地異也上古舊名土人口傳悠久史家習焉未察茲揭其顛末以補曩時稽古者之疏舛至疏勒舊邦漢唐以下存亡繼絕種姓屢更貢使偶來向背靡定唐末陷吐蕃而西域大食之族數來攻襲宋初有阿布拉者據喀什稱帕夏漸成回部南宋猶役屬西遼及乃蠻國元太祖滅乃蠻置蒙古官隸阿母河省太宗以封宗王哈薩岱或云察合台其嗣王於明季亦背佛從回後爲亞喇伯國種人玉布素所據三傳至瑪罕木國朝雍正初準噶爾囚之伊犁并執其二子波羅尼都霍集占所稱和卓而奪其地乾隆中大兵滅準部釋二子囚已而皆叛命將西征克取喀什諸城久隸版章而波羅尼都之孫張格爾爾居霍罕者於道光六年復煽誘安集延及沿邊秀回入寇陷西四城重勞兵力底定同治三年回匪金相印句結布魯特叛亂據城并陷莎車和闐力不能控制召安集延會阿古柏入塞阿會既喪地於俄蜂擁而東妄覲蠶食全疆光緒三年次第肅清塗炭久矣幸土腴物阜富庶漸臻戎落靡居強隣狙伺嚴邊重鎮也

英吉沙爾直隸廳皇朝通考及一統志皆作英噶爾在省治西南四千二百七十里此道疏

勒路如由沙車縣行則四千三百九十里其南則有捷徑北緯三十八度四十分西經四十度一分東西廣二百三十里南北縱二百里東一百二至阿依普山外沙磧接莎車府下窩鋪界西一百一十里至喀什達坂接莎車府蒲犁廳改子河界南一百三迤希布察克布魯特牧地至哈孜爾山接蒲犁廳鐵哩達坂界北六十里至別什幹渠接疏勒府雅卜藏驛界東南一百三至黑子爾沙磧接莎車府和色爾驛界西南一百二迤布魯特地至哈拉達坂接蒲犁廳齊克山界東北七十越庫森河入戈壁接疏勒府阿拉堡界西北八十過圖木舒克河至帕納氣渠接疏附縣塔什密哩克界國初回酋屬喀什噶爾乾隆二十三年大軍西征隨同喀什內附設總兵三十一年改設領隊大臣後又改辦事大臣有舊城周二里八分四十年展築池北七分二南垣即回城北垣道光六年逆裔張格爾爾內犯陷城明年參贊楊遇春復之八年別築新城賜名輯遠改駐領隊同治四年安集延回酋阿古柏乘塞內叛亂入寇先陷英吉沙爾領隊托克托布軍京由此東竄光緒三年規復九年置直隸廳撫彝同知十四年復拓回城之南垣共周三里自廳治至京師一萬二千一百五十里所轄回莊六十六又布魯特遊牧回子十四族俗呼黑利黑子休循州也向有五族降俄

臣謹案英吉沙爾幅員偏小毗連喀什噶爾爲漢疏勒國之南境譯者以新城解之未知何時所築北史疏勒有大城十二小城數十此其大城之一歟乾嘉閒公私著述皆以爲漢依耐國非也試以西域傳疏勒依耐二國去長安里數較之則依耐更遠八百里以二國去都護里數較之則依耐仍遠五百二十里又依耐傳言北至疏勒六百五十里雖西域傳方向道里未盡確實惟此兩國相距必不在五百里以內今英吉沙爾當疏勒南驛路僅一百五十里其非依耐甚明詳攷依耐舊國當在今蒲犁廳東南境而英吉沙爾決爲疏勒屬土參之新唐地志于闐西行之路則廳城左右爲雙渠半城之故址廳西哈拉塔什卡南北叢山蹊徑爲達蔥嶺之劍末谷矣廳境雖狹而北障佳沙西阨蔥嶺自古爲諸藩部落東來孔道

道光同治之初狂寇突入斯廳首遭蹂躪補牢之計詎可忽乎

莎車府 奇木水道提綱 皇朝通考一作葉爾 在省治西南四千有五十里五... 北緯三十八度二十二分西經三十九度一十分東西廣四百六十里... 至買口雜可戈壁 東北城縣 接和闐州 海卡阿坤 界西... 至和色爾驛西沙磧接英吉沙爾廳 黑子 界南七百 至喀喇科隆山... 至色爾驛 黑子 界南七百 至喀喇科隆山... 至色爾驛 黑子 界南七百 至喀喇科隆山... 至色爾驛 黑子 界南七百 至喀喇科隆山...

半國居於西夜亦稱朱渴槃陀國 東在葱嶺至唐猶存 大唐西域記作... 元中破平渴槃陀置蔥嶺守捉宋元屬于闐明及 國初為西布魯特十九... 伊什罕伯克等七員治之 不選本籍 隸於葉爾羌大臣其地確高寒然為... 諸戎入塞總會之區 國南接坎帕米爾通納格爾土伯特阿富汗布克哈爾諸國其... 霍罕安集延布魯特號稱內附所部回族貪悍好亂數為邊患 霍罕安集延布魯特號稱內附所部回族貪悍好亂數為邊患... 光緒四年南疆肅清安集延各酋敗逃出境餘黨欲然已死之灰再三內犯... 為官軍擊退 伯克阿布都勒由俄屬阿來嶺八為魯克恰提卡南俄色勒庫爾... 橫分兵固守事定後以莎車協標馬隊駐之二十八年改設通判分防廳轄... 二十七莊 俄駐兵一兵二十八

巴楚州在分所東北五百六十里故城在州北九度十分西經三十七度四分下  
 漢書地理志中溫中至平山道不通蓋不遠可通山今都道相似惟書云以  
 勒東北經溫中宿烏什南二城五年魏移北也前人以自後無開唐形勢未遠置已  
 勒東北經溫中宿烏什南二城五年魏移北也前人以自後無開唐形勢未遠置已  
 勒東北經溫中宿烏什南二城五年魏移北也前人以自後無開唐形勢未遠置已  
 勒東北經溫中宿烏什南二城五年魏移北也前人以自後無開唐形勢未遠置已

葉城縣八通一統志之哈喇噶爾克後漢書西域傳云葉城國也  
 北魏書地理志云葉城國也  
 朱俱波明及五國初為葉爾光三維九阿布城各周十餘里中於哈  
 哩克波明及五國初為葉爾光三維九阿布城各周十餘里中於哈  
 哩克波明及五國初為葉爾光三維九阿布城各周十餘里中於哈  
 哩克波明及五國初為葉爾光三維九阿布城各周十餘里中於哈

謹案葉爾光漢莎車國當後漢建武中最強大其王賢并有拘彌西夜  
 叛攻殺賢立于闐人為主匈奴爭之章帝元和初班超擊破莎車復其故  
 國以降漢三國時與西夜依耐德若諸國皆并屬疏勒北魏為渠沙國曰

法沙居故莎車城蓋疏及悉居半國子故西夜亦稱朱俱波一朱又有烏  
 勒東八百餘里今府白西至五百里疏唐屬于闐居此  
 者為所句迦種人百餘里今府白西至五百里疏唐屬于闐居此  
 者為所句迦種人百餘里今府白西至五百里疏唐屬于闐居此  
 者為所句迦種人百餘里今府白西至五百里疏唐屬于闐居此  
 者為所句迦種人百餘里今府白西至五百里疏唐屬于闐居此  
 者為所句迦種人百餘里今府白西至五百里疏唐屬于闐居此





同治初鄂刻輿圖... 中卷四十二幅並載帕米爾伊什... 皇朝通考以和... 皇朝通考以和...

和闐直隸州在省治西南四千九百二十九里... 西行可近二千里... 北緯三十七度十三分西經三十六度四十分... 東西廣... 三千餘里南北縱一千八百餘里...

明自州治至... 京師一萬二千七百七十領縣二... 于闐縣... 洛浦縣... 臣謹案和闐州城左右為漢于闐國治西城... 宋明其君王氏族繼絕不同疆域增損無定... 舌各殊記者文字紛歧史記後漢書作于真...

未載其名遙事羈縻非同郡縣旋淪於吐蕃僞周長壽中于闐人復其故... 國宋初雖屢納貢而兼貢於遼南宋役屬西遼及乃登國理宗時元太祖... 西征為次子察合台封域之東境... 服叛無常至元中設宣慰司元帥府及達魯花赤蓋王官與國王並... 存其俗自隋唐以來崇信釋教多寺塔僧尼或比之佛國然淫盜之風仍... 熾政治不修元明之閒國號雖存而益衰微護詞末之徒乘之元之宗王... 頗多信奉者遂棄佛從漢變蒙番為回族南路諸部大率類此邦國殄瘁... 未有不戕於自伐者也... 臣又案今州所屬于闐縣實非古于闐國也在漢為渠勒國北境治鄯都...

南力亦山打勒底雅之貫下轉流彼時未雅河甚沙嶺前惟約七八百里久勒居又上游  
 北魏宋雲所記里數不詳耳兼有精絕四行東四百六十里北三百里  
 即北魏所記里數不詳耳兼有精絕四行東四百六十里北三百里  
 五唐尼城之東大德力河東七百里在精絕國且末且末在精絕國且末且末在精絕國且末  
 西十有古城址是也宋日雲行求今縣東北一千有西十有古城址是也宋日雲行求今縣東北一千有  
 滿之對音戎盧百里治安多羅河上遊東且末南一千有西十有古城址是也宋日雲行求今縣東北一千有  
 國所視貨羅故小宛則治在深山間矣今縣東且末南一千有西十有古城址是也宋日雲行求今縣東北一千有  
 山等處拉克六國之地東漢之初僅存拘彌國善且末并渠勒為子關所并郭順  
 帝靈帝時兩被于闐蹂躪北魏真君初鄯善王比龍避沮渠安周之攻率  
 四千家奔且末自立國仍役屬鄯善西魏大統初內附後為吐谷渾窳據  
 隋大業初平吐谷渾置且末郡不能久有唐初受西突厥制高宗上元  
 中改名播仙鎮池西為親貨羅德今縣東七百有西十有古城址是也宋日雲行求今縣東北一千有  
 壤今尼雅婁摩坎城皆在今胡努南今縣東七百有西十有古城址是也宋日雲行求今縣東北一千有  
 河高居海使于闐紀自昭安軍州程即故并彌銀盧滑等州皆在于闐國  
 東南宋元後所屬與和闐州同國初為和闐東鄙自移建縣治後幅員  
 之廣甲於全疆西抵洛浦東接塔羌雖多漢唐故國之墟而淪廢已越千  
 載不啻洪荒初開官斯土者誠能於平處引澗分渠鋤為田園於山坡疊  
 石樹岩圍作牧場未始不可移民析居漸成村落更於南山采礦東道置  
 郵逕跨龍堆直趨玉塞則縮地可數千里全疆中央不致迂繞壅閼矣

皇朝續文獻通考卷三百二十二

輿地考十八 四川省

臣謹案四川省東臨荆楚北負隴秦西馭番戎南阻蠻獠山迴道險物阜民盈昔昭烈君臣所資以爲國者也當夫羣雄角逐之會巴蜀之攻守常足以爭衡宇內顧氏祖禹論之詳矣今大一統之世王公設險守在四夷蒙蔡迤西吐蕃舊壤改稱衛藏原列藩封近者英人由天竺北窺肆其耽逐而蕃酋無識甘作虎俛在吾急籌補牢已嫌其晚西康改流詎得已哉語云四川常先天下而亂後天下而治蓋遐方之割據特險遠以負隅假令同成川漢鐵軌早成則枕席行師捷同縮地跳梁小醜無術久延保塞漢夷咸臻樂利矣

省東西約距四千里南北約距二千五百餘里東至湖北宜昌府施南府界西至前藏界南至雲南昭通府東川府武定州貴州大定府遵義府仁懷廳界北至陝西漢中府甘肅鞏昌府階州界東南至湖南永順府永綏廳貴州松桃廳思南府界西南至雲南麗江府永北廳楚雄府界東北至陝西興安府湖北鄖陽府界西北至青海界在京師西南五千一百里舊領府十一直隸廳六直隸州九散廳四散州十一縣一百一十一乾隆四十四年併阿爾古美諾二廳爲懋功廳嘉慶六年省茂州之保縣復設綿州之羅江縣七年升改達州爲綏定府改大平縣爲達縣增太平廳十三年增峨邊廳道光元年移改太平廳爲城口廳復設太平縣光緒三十年升打箭爐廳爲直隸三十四年增古宋縣改敘永直隸廳爲永寧直隸州升改打箭爐廳爲康定府移歸邊務大臣管轄宣統元年增鹽邊廳二年增昭覺縣凡領府十二直隸廳四直隸州八散廳六散州十一縣一百一十四  
成都府爲省治東界潼川府三臺縣西界邛州大邑縣南界資州仁壽縣及眉州彭山縣北界綿州綿竹縣東南界資州資陽縣西南界邛州東北界潼川府中江縣及蘇州德陽縣西北界茂州汶川縣自府治至京師五千一百里凡領州三縣十三

成都縣 十附二郭治府北境十度北緯三十分度四  
華陽縣 經緯度同境  
雙流縣 十在府西南四十二里北緯三十三度三十分度  
溫江縣 四在府西南五十二里北緯三十三度三十分度  
新都縣 十在府北五十二里北緯三十三度三十分度  
金堂縣 五在府東七十里北緯三十三度三十分度  
郫縣 四在府西九十里北緯三十三度三十分度  
新繁縣 五在府西八十里北緯三十三度三十分度  
崇慶縣 十在府西八十里北緯三十三度三十分度  
彭縣 十在府西九十里北緯三十三度三十分度  
灌縣 五在府西九十里北緯三十三度三十分度  
簡州 十在府東九十里北緯三十三度三十分度  
崇慶州 十在府西九十里北緯三十三度三十分度  
新津縣 十在府西南九十里北緯三十三度三十分度  
漢州 十在府北九十里北緯三十三度三十分度  
什邡縣 十在府北九十里北緯三十三度三十分度  
臣謹案成都府踞錦江之右岸憑玉壘之西山廣漢名區華陽天府人物殷盛險阻堪憑湖厥初民顯蒙未啟自西漢時文翁爲蜀守教民讀書司馬相如王褒嚴遵楊雄之徒遂以文章名天下此邊民可以施教之證也秦昭襄王時李冰鑿離堆於都江口置大堰疏北流爲三分引溝渠溉田億萬計歷代吏民踵事修濬公私利賴宜守成規焉  
保甯府在省治東北六百二十里東界綏定府太平縣西界綿州梓潼縣南界順慶府南充西充二縣北界陝西漢中府甯羌州東南界綏定府達縣西南界潼川府鹽亭縣東北界陝西漢中府南鄭縣西北界龍安府平武縣及甘肅階州文縣自府治至京師四千四百八十里凡領州二縣七  
閬中縣 二附郭北緯三十一度三十分度

蒼溪縣在府西四十里北三十三分  
 南部縣在府西九分西七十分一  
 廣元縣在府北九分西八十分二  
 昭化縣在府北六分西八十分三  
 巴州在府北二分西八十分四  
 通江縣在府北八分西八十分五  
 南江縣在府北一分西八十分六  
 劍州在府北九分西八十分七

臣謹案保甯府四面受敵北自劍閣而來西南自潼川而來東北自巴嶺關而來而廣元近接棧道更爲漢沔要衝府南浮嘉陵江直通敘州大江西南越劍門捷走成都蓋自陝西漢中略陽而下高屋建瓴銳不可當然扞外必先靖內昔杜甫送韋諷上閬州錄事參軍詩云必若救瘡痍先應去蝨賊三復斯言可爲長太息也

順慶府在省治東六百二十里東界綏定府渠縣西界潼川府蓬溪縣南界重慶府定遠縣北界保甯府南部縣東南界忠州墊江縣西南界潼川府遂甯縣東北界保甯府巴州西北界潼川府鹽亭縣自府治至京師五千三百三十五里舊領州二縣八嘉慶十九年以大竹渠兩縣改屬綏定府凡領州二縣六

南充縣在府西九分西八十分五  
 西充縣在府西八分西八十分六  
 蓬州在府西七分西八十分七  
 營山縣在府西六分西八十分八  
 儀隴縣在府西五分西八十分九  
 廣安州在府西四分西八十分十  
 岳池縣在府西三分西八十分十一  
 鄰水縣在府西二分西八十分十二

臣謹案南充爲古今重地宋涪祐初余玠帥蜀開府於此其後蒙古於此置征南都元帥府國朝咸豐十一年駱秉章之平巨寇石達開也時黃澗熙將所部先發寇方圍攻順慶則從萬縣出山道赴之及至府城而寇南走定遠矣然則古稱郡居三巴之閒爲要膂之地者洵不誣也

重慶府在省治東南九百里東界酉陽州彭水縣西界敘州府隆昌縣南界貴州遵義府桐梓縣北界順慶府鄰水縣東南界貴州遵義府正安州西南界瀘州合江縣東北界忠州墊江縣西北界潼川府遂甯縣自府治至京師四千六百四十里凡領州二縣十一

巴縣在府西九分西八十分四  
 江津縣在府西八分西八十分五  
 長壽縣在府西七分西八十分六  
 永川縣在府西六分西八十分七  
 璧山縣在府西五分西八十分八  
 榮昌縣在府西四分西八十分九  
 大足縣在府西三分西八十分十  
 綦江縣在府西二分西八十分十一  
 南川縣在府西一分西八十分十二  
 合州在府西九分西八十分十三  
 銅梁縣在府西八分西八十分十四  
 定遠縣在府西七分西八十分十五  
 涪州在府西六分西八十分十六

臣謹案重慶東下夔州西扼夔道二江環其內外三關峙其東西巴縣之西十里有佛圖關爲江澚要津兵爭之地也明萬曆中奢崇明作亂據重慶要隘分兵扼夔州江口近時咸豐年間巨寇石達開寇蜀本郡之永川綦江大足南川合州次第告陷而駱秉章率官軍厚集重慶得以先後肅清則川東重鎮莫重慶若矣光緒二年英約允派員查察情形十七年始

用民船往來二十一年日約又允開口岸於是陝甘川藏滇黔之貨物出入長江上游者咸萃於巴渝矣

夔州府在省治東一千七百五十里東界湖北宜昌府巴東縣西界綏定府新甯縣南及東南界湖北施南府建始縣北界陝西興安府平利縣西南界忠州東北界湖北鄖陽府房縣西北界綏定府東鄉縣自府治至京師三千七百九十里凡領縣六

奉節縣	附郭北緯三十一度三十分
巫山縣	在府東一百三十里北緯三十六分
大甯縣	在府北一百八十里北緯三十七分
雲陽縣	在府西一百四十里北緯三十七分
萬縣	在府西八分南緯七度五十七分
開縣	在府西九分北緯七度五十七分

至險諺云灩澦大如象瞿塘不可上灩澦大如馬瞿塘不可下是也重巖疊嶂隱天蔽日自非亭午夜分不見曦月至若夏水暴漲朝發白帝暮到江陵其間千二百里雖警諸御風不加疾也明初之伐蜀也湯和廖永忠率步騎舟師長驅並進百計攻之而始下是夔州乃兵爭之巖邑也城東南溪口曰魚復浦壘石八堆高三尺圍六尺相傳為諸葛孔明八陣圖遺蹟云

敘州府在省治南六百五十里東界瀘州江安縣西界資遠府越嶲廳南界雲南昭通府鎮雄州北界嘉定府榮縣東南界敘永縣永甯縣西南界雲南昭通府永善縣東北界重慶府榮昌縣西北界嘉定府峨邊廳自府治至京師五千三百六十五里凡領廳二縣十一長官司四

宜賓縣	附郭北緯二十八度三十九分
慶符縣	在府南一少西一度四十三分
富順縣	在府東七分北緯二十八度三十九分

南溪縣 在府東六分西經一百一十四度三十分

長甯縣 在府南八分西經一百一十四度三十分

高縣 在府南八分西經一百一十四度三十分

筠連縣 在府南八分西經一百一十四度三十分

興文縣 在府南八分西經一百一十四度三十分

隆昌縣 在府南八分西經一百一十四度三十分

屏山縣 在府南八分西經一百一十四度三十分

雷波廳 在府南八分西經一百一十四度三十分

馬邊廳 在府南八分西經一百一十四度三十分

泥溪長官司 在府南八分西經一百一十四度三十分

平夷長官司 在府南八分西經一百一十四度三十分

蠻夷長官司 在府南八分西經一百一十四度三十分

沐川長官司 在府南八分西經一百一十四度三十分

自各土司之外又分設土千百戶以領各寨番民曰空黑曰賦乃窠曰旁阿孤曰明州樂曰大羊腸噶曰幹田壩曰麻柳壩曰阿招凡土百戶八皆在屏山縣西界涼山之地西經一百一十四度三十分於康熙四十二年歸附授職屬屏山縣管轄曰雷波土千百戶雍正七年歸附授職屬雷波廳管轄曰冷紀土百戶雍正九年歸附授職屬馬邊廳管轄

臣謹案敘州瀘水環其左大峨峙其西據岷江之會口實牂牁之外藩昔蜀漢時諸葛武侯嘗取道敘州以征南蠻唐章亦取道敘州以通南詔近世咸豐九年粵之亂也以兵千餘人自橫江渡金沙攻陷敘州遂自敘州分犯一沿江西走犍為一北走自流井逾年多至十餘萬朝議以駱秉章督辦四川軍務以次削平是敘州亦古今來兵爭之地也論鹽井之利全省共八千八百餘口而富順之自流井產額最多其西嘉定府榮縣之貢井次之其鹽商則萃於富順及瀘州云

龍安府在省治北少東六百五十里東界保甯府劍州西及西北界松潘廳南界綿州安縣北及東北界甘肅階州文縣東南界綿州梓潼縣西南界茂州自府治至 京師四千八百七十里凡領縣四長官司一

平武縣 附郭北緯三十二度二十九分

江油縣 在府東八分西八分南八分西八分北三十三分

石泉縣 在府西五分南三分西二分北三十三分

彰明縣 在府南七分西七分北三十三分

陽地隘口長官司 在平武縣北三十三分

臣謹案龍安岷山踞其北石紐峙其南大禹所生地靈人傑語其險阻則六閣懸崖十關棋布蜀中扼隘東爲劍閣西則以平武之陰平爲最昔魏鄧艾之伐蜀也自陰平行無人之地七百里率將士裹糧東馬緣崖而進及至江油而蜀遂不支明傅友德之伐蜀也亦躋攀絕險進至江油近世咸豐十一年粵變作分兩路一向東劫掠一自東北走江油平武折北趨石泉彰明蓋江油實龍安糧道之咽喉不可不豫爲防也

潼川府在省治東北三百二十里東界順慶府西充縣西界成都府漢州南界資州內江縣北界綿州東南界重慶府銅梁縣西南界成都府簡州東北界保甯府南部縣西北界綿州自府治至 京師四千五百七十里凡領縣

三臺縣 附郭北緯三十一度六分

射洪縣 在府東八分西八分南八分北三十三分

鹽亭縣 在府西四分南四分北三十三分

中江縣 在府東八分西八分南八分北三十三分

遂寧縣 在府東八分西八分南八分北三十三分

蓬溪縣 在府東八分西八分南八分北三十三分

安岳縣 在府東八分西八分南八分北三十三分

樂至縣 在府東八分西八分南八分北三十三分

臣謹案潼川府涪江環其東中江流其右瀘敘踞其左綿茂扼其西昔諸葛武侯之定蜀也略地至鄆鄆即今三臺縣南也劉裕之伐譙縱也使劉敬宣從合州轉戰至黃虎城黃虎即今遂寧縣西北地也郡之產鹽尤富三臺縣鹽井三十六射洪縣鹽井二千三百十九鹽亭縣井二十中江縣鹽井二百二十八遂寧縣五十二蓬溪縣七百九十六安岳縣二樂至縣一百十六爲利溥矣

嘉定府在省治南三百九十里東界資州內江縣西界雅州府清溪縣南界敘州府屏山縣北界眉州府青神縣東南界敘州府宜賓縣西南界敘州府馬邊廳東北界資州西北界雅州府雅安縣自府治至 京師五千一百五里舊領縣七嘉慶十三年置峨邊廳凡領廳一縣七

樂山縣 附郭北緯二十九度三十一分

峨眉縣 在府西六分北三十三分

洪雅縣 在府西四分北三十三分

夾江縣 在府西八分北三十三分

犍爲縣 在府東七分北三十三分

榮縣 在府東七分北三十三分

威遠縣 在府東七分北三十三分

峨邊廳 在府西九分北三十三分

臣謹案嘉定府抗峨眉之重阻榜犍爲之高峰郡城當大渡河青衣江入岷江之會口水運便利又適當成都敘州之中樞陸路更爲扼要峨眉山有大峨中峨小峨三山自縣西登山十二里至中峰院普賢閣右爲呼應峰茂貞尊者與孫思邈相呼應於此再登菩薩閣榜曰天下大峨山自縣至此皆峻阪四十餘里再至峰頂光相寺其高六十里約去平地百里許峨眉與五臺普陀爲我國佛教三大聖地本郡多白蠟樹季春之月居民取大涼山西麓之蠟蟲養樹間飼葉而釀蠟頗爲農業中之一大利云雅州府在省治西南三百三十里東界眉州丹稜縣及嘉定府洪雅縣西界

打箭鎗廳南及東南界嘉定府峨邊廳峨眉縣北界懋功廳西南界甯遠府越嶲廳東北界邛州蒲江縣西北界小金川自府治至 京師五千四百三十里舊領廳一州一縣五宣慰司三宣撫司二安撫司十五長官司十三光緒三十年升打箭鎗廳為直隸廳三十二年設督辦川滇邊務大臣自打箭鎗廳以西畫歸管轄諸土司以次改流凡領州一縣五

雅安縣 附郭北緯三十度五十分 西經一百零三度三十分  
名山縣 在府東北四十二里北緯三十四度 西經一百零三度三十分  
榮經縣 在府西九十里北緯三十三度三十分 西經一百零三度三十分  
蘆山縣 在府西北七十里北緯三十三度三十分 西經一百零三度三十分  
天全州 在府西三十五里北緯三十三度三十分 西經一百零三度三十分  
清溪縣 在府西一百零五里北緯三十三度三十分 西經一百零三度三十分

臣謹案雅州蔡蒙二山峙其左和沐諸川繞其西叩關據九折之坡繩橋跨八渡之壑黎風雅雨知是瘴鄉漏閣關門多通夷落蜀漢諸葛唐代章泉李德裕先後籌邊廣築城堡蓋羌獠頑蠢叛服無恆捷伐羈縻斯州扼要西南清溪有飛越嶺西北天全有禁門關皆可渡瀘以達打箭鎗實川藏之咽喉蜀西之鎖鑰也

甯遠府在省治西南一千二百三十里東至金沙江界雲南昭通府永善縣西界雲南永北廳南至金沙江界雲南武定州北界雅州府清溪縣東南界雲南東川府巧家廳西南至金沙江界雲南楚雄府大姚縣東北界嘉定府峨邊廳西北界打箭鎗廳自府治至 京師五千九百四十五里舊領廳一州一縣三宣撫司二安撫司二長官司五宣統元年增置邊廳二年增置昭覺縣凡領廳二州一縣四宣撫司二安撫司二長官司五

西昌縣 附郭北緯二十七度五十分 西經一百零三度三十分  
冕甯縣 在府北少西一百八十里北緯二十九度 西經一百零三度三十分  
鹽源縣 在府西南三百四十里北緯二十四度五十分 西經一百零三度三十分  
昭覺縣 在府東北宣統二年增置

會理州 在府南少東四百里北緯二十六度 西經一百零三度三十分  
越嶲廳 在府北少東二百八十里北緯二十七度 西經一百零三度三十分  
鹽源廳 在府西南宣統元年增置  
印部宣撫司 在越嶲廳北  
沙麻宣撫司 在越嶲廳北  
河東長官司 在越嶲廳北  
昌州長官司 在越嶲廳北  
普濟州長官司 在越嶲廳北  
威龍州長官司 在越嶲廳北  
瓜別安撫司 在越嶲廳北  
木理安撫司 在越嶲廳北  
馬喇長官司 在越嶲廳北  
自各土司之外又分設土千百戶以領各寨番民曰煖帶土千百戶屬越嶲管轄曰黎溪曰迷易二土千百戶曰紅下苴曰普隆二土千百戶屬建昌左營管轄曰中所曰左所曰右所三土千百戶曰前所曰後所二土千百戶曰古柏樹土千百戶屬會鹽營管轄曰蘇州土千百戶曰苗出曰糯白瓦曰熱即哇曰大村曰中村曰架州曰三大枝曰河西地曰阿得橋曰虛即曰白路曰窩下曰大鹽井凡十三土百戶屬冕山營管轄曰松林地土千百戶曰煖帶密曰六翁曰白石村曰野豬塘曰老鴉泥曰前後山曰料林坪凡七土百戶屬甯越營管轄

臣謹案甯遠府乃蜀之邊郡南連滇省西北接喀木瀘水出土番境東流經冕甯折南經西昌德昌迷易而合金沙江諸葛亮出師表所謂五月渡瀘深入不毛者也金沙江在會理州南嵐瘴酷熱隆冬過此亦袒褐流汗江中沙土黃色因名土地膏腴物產豐富蠟蟲多於嘉定每歲之春蠟商咸集於此云

夾江縣東北界成都府華陽縣西北界邛州蒲江縣本州境東界仁壽縣西界丹稜縣南界青神縣北界彭山縣自州治至 京師四千八百九十五里 凡領縣三

眉州 北緯三十度三十分 西經一百零二度三十分

丹稜縣 在州西六十里 北緯三十度 西經一百零二度三十分

彭山縣 在州北四十里 北緯二十九度 西經一百零二度三十分

青神縣 在州東南六十里 北緯二十九度 西經一百零二度三十分

臣謹案眉州峨嵋蟠其右箝關踞其南密邇錦城控扼江潯自古守蜀郡者以眉州為屏藩攻蜀郡者亦以眉州為發軔桓溫之平李勢朱齡石之討譙縱皆戰於彭山近世咸豐十一年粵之亂也李短塔圍眉州其黨分屯彭山丹稜青神夾省城南北百里內皆陷於寇路乘章率劉蓉唐友耕進攻克眉州寇遂走皆其已然之驗也

邛州在省治西南一百八十里東界成都府新津縣西界雅州府蘆山縣南界眉州丹稜縣北界成都府灌縣東南界眉州彭山縣西南界雅州府名山縣東北界成都府崇慶州西北界懋功廳本州境東界新津縣西界蘆山縣南界蒲江縣北界大邑縣自州治至 京師四千八百九十五里 凡領縣二

大邑縣 在州北少東四十里 北緯三十度 西經一百零二度三十分

蒲江縣 在州東南六十里 北緯二十九度 西經一百零二度三十分

臣謹案州有岷峽以資輔翼有大渡以固屏藩唐之中葉吐蕃南詔先後入寇乃置定邊軍以資捍衛州西南八十里之相臺山有火井二一煤一水取井水一斛以井火煮之得鹽五斛民欲其火以家火投之須臾火出光耀數十里以竹箚盛其光藏之可拽行終日不滅左思蜀都賦謂火井沈熒於幽泉是也

瀘州在省治東南七百五十里東界重慶府江津縣西界敘州府南溪縣南界敘永廳永寧縣北界重慶府榮昌縣東南界貴州遵義府仁懷縣西南界

敘州府與文縣東北界重慶府永川縣西北界敘州府隆昌縣本州境東界合江縣西界江安縣南界納溪縣北界榮昌縣自州治至 京師五千七十里 凡領縣三 長官司一 曰九姓光緒三十四年改設為古宋縣移屬酉陽州

瀘州 北緯二十八度五十分 西經一百零二度三十分

納溪縣 在州西六十里 北緯二十八度 西經一百零二度三十分

合江縣 在州東八十里 北緯二十八度 西經一百零二度三十分

江安縣 在州西南一百二十里 北緯二十八度 西經一百零二度三十分

臣謹案瀘州踞江沱之會口拊滇黔之肩背州南七里之龍透關及江安縣南七十里之安遠寨為諸葛亮征蠻時屯軍之地當要道之衝諺曰天生重慶鐵鑄瀘州川南都要為最矣此亦古來兵家之要地也 茂州在省北四百十里東界龍安府石泉縣西界理番廳南界成都府彭縣北及西北界松潘廳東南界成都府什邡縣西南界邛州大邑縣東北界龍安府平武縣本州境東界石泉縣西界理番廳南界汶川縣北界松潘廳自州治至 京師五千一百二十五里 凡領縣二 宣撫司二 長官司三 嘉慶元年改瓦寺安撫司為宣慰司六年省保縣入理番廳凡領縣一 宣慰司一 安撫司一 長官司三

茂州 北緯三十一度三十分 西經一百零二度三十分

汶川縣 在州西南一百二十里 北緯三十一度 西經一百零二度三十分

瓦寺宣慰司 在茂州東南九十里 北緯三十一度 西經一百零二度三十分

長官安撫司 在茂州東南五十里 北緯三十一度 西經一百零二度三十分

靜州長官司 在茂州東南四十里 北緯三十一度 西經一百零二度三十分

岳希長官司 在茂州東南三十里 北緯三十一度 西經一百零二度三十分

龐木長官司 在茂州東南二十里 北緯三十一度 西經一百零二度三十分

自各土司外又分設土巡司及土千百戶以領各寨番民曰水草坪曰牟托曰竹木坎三土巡司屬茂州管轄曰大定沙壩土千百戶曰大姓曰小姓曰松



坪曰黑水四土百戶屬疊溪營管轄

臣謹案茂州安戎城蔽其右雞宗關障其南此唐宋所以捍禦吐番與蠻族也自明以來凡七星雁門魏磨嶺夷諸關及土門長安長富馬原諸堡先後建築而又外藉松潘以衛其頭目藉疊溪以通其咽喉斯汶山腹地堪資安枕州之西北亦有岷山然非古岷山也攷漢志岷山在湫氏道徵外則當今松潘廳西北蓋名同而實異矣

緜州在省治東北二百七十里東界潼川府鹽亭縣西界茂州南及東南界潼川府三臺縣北界龍安府彭明縣西南界潼川府中江縣東北界保寧府劍州西北界龍安府石泉縣本州境東界梓潼縣西界安縣南界三臺縣北界彭明縣自州治至 京師四千九百八十五里舊領縣四嘉慶六年復設羅江縣凡領縣五

緜州 西北經三十一度二十八分

德陽縣 在州西九分西經一百一十二度五十七分

安縣 在州西五分西經一百一十二度五十六分

梓潼縣 在州東八分西經一百一十二度五十六分

羅江縣 在州南八分西經一百一十二度五十六分

臣謹案緜州依山作固憑水為險州之險要有二一涪水一鹿頭關鄧艾之伐蜀由陰平趨涪水邢巒之取蜀自劍州向涪水唐元和初高崇文討劉闢破鹿頭關後唐同光初李紹琛伐蜀以百騎襲鹿頭關進據漢州謀蜀之舉皆以緜州為會師之地誠哉水陸之衝也

資州在省治東南三百四十里東界重慶府大足縣西界眉州南界敘州府富順縣北界成都府簡州東南界敘州府隆昌縣西南界嘉定府犍為縣東北界潼川府安岳縣西北界成都府華陽縣本州境東界內江縣西界仁壽縣南界威遠縣北界安岳縣自州治至 京師五千五百五十五里凡領縣四

資陽縣 在州西北一十三度四十五分

內江縣 在州東南九度四十分

仁壽縣 在州西八度三十分

井研縣 在州西南八度三十分

臣謹案資州中江環其前九泉峙其後九泉山在州之東北隅明萬曆間奢崇明作亂自瀘敘而西敗官軍於此山之麓遂薄成都此由東南路以入資陽也近世咸豐九年藍大順李短塔作亂虜鹽井丁夫數萬十年春合走嘉定屯兵五通橋於是井研資陽皆騷動此由西南路以入資州也然則介於江沱二水之間其險要可不為之嚴防哉

綏定府在省治東一千二百里東界夔州府開縣西界順慶府營山縣南界忠州梁山縣北界保寧府通江縣東南界夔州府萬縣西南界忠州墊江縣東北界陝西興安府紫陽縣西北界保寧府巴州自府治至 京師四千六百七十里本為達州直隸州領縣三嘉慶七年升府改所屬之太平縣為達縣設太平廳十九年移順慶府屬之渠縣大竹兩縣來隸道光元年移太平廳同知駐城口改城口廳而以太平廳復設太平縣凡領廳一縣六

達縣 在州西北八度三十分

東鄉縣 在州東七度三十分

太平縣 在州東七度三十分

新寧縣 在州東七度三十分

渠縣 在州東七度三十分

大竹縣 在州東七度三十分

城口廳 在州東七度三十分

臣謹案綏定府巴水環其東鐵嶺峙其右風山枕其北夏雲繞其南據巴渠二水交流之域西北尤為險僻明正德中為盜賊淵藪嘉靖初以次討平即其險阻置龍船諸關與巴州黃城諸關互相為援同治元年石達開分黨劫掠一走江津一屯八角岩一走雲陽而雲陽寇遂陷郡之太平及

大竹郡亦用兵必爭之地也若論物產太平東北之丙穴有嘉魚春社出秋社歸魚首點應星象而生其味自鹹蓋食鹽泉云

忠州在省治東一千五百里東及南界石碛廳西界順慶府鄰水縣西南界重慶府涪州東北界夔州府萬縣西北界綏定府大竹縣本州境東界萬縣西界鄧都縣南界石碛廳北界梁山縣自治治至 京師四千六百六十里凡領縣三

忠州 州北緯三十度二十八分西經八度二十七分  
鄧都縣 在州西一百一十里北緯三十三度四十分西經八度三十八分  
墊江縣 在州西一百三十里北緯三十三度二十八分西經八度三十分  
梁山縣 在州西一百一十里北緯三十三度四十分西經八度三十分

臣謹案忠州介恭涪變萬之閒攷鄧都東南至夔州石碛司界六十里故明萬曆中奢崇明作亂陷重慶石碛女將秦良玉扼守忠州並駐防兵於夔州互相策應州西一百三十里之墊江縣南至鄧都僅四十里以故同治元年寇黨既踞涪州遂南竄墊江又東南入鄧都勢如破竹銳不可當前志謂山險水深介乎往來之衝洵不虛也

西陽州在省治東少南一千七百四十里東界湖南永順府保靖縣西界貴州思南府婺川縣南界貴州松桃廳北界石碛廳東南界湖南永綏廳西南界貴州思南府安化縣東北界湖北施南府來鳳縣西北界重慶府涪州本州境東界保靖縣西界思南府安化縣南界松桃廳北界黔江縣自治治至京師四千八百二十里凡領縣三長官司三

西陽州 州北緯二十八度三十分西經七十八度五十分  
秀山縣 在州南二百七十里北緯二十八度三十分西經七十八度五十分  
黔江縣 在州北二百七十里北緯二十八度三十分西經七十八度五十分  
彭水縣 在州西二百七十里北緯二十八度三十分西經七十八度五十分  
石耶洞長官司 在州東七十里北緯二十八度三十分西經七十八度五十分  
邑梅洞長官司 在州南七十里北緯二十八度三十分西經七十八度五十分

地壩副長官司 在州南一百一十里北緯二十九度三十分西經七十八度三十分

臣謹案西陽所屬土官原有宣慰司一長官司四其西陽宣慰司實即乾隆元年改置州地其平茶洞長官司則已於雍正十三年改爲秀山縣而前考復重列之者也地介川黔兩湖之交內帶五溪外控諸蠻最爲要隘同治二年略乘章之討石達開也渠魁既縛餘黨竄走西陽後返至湖南桂陽州而始破滅之亦可見其衝要矣

永甯州在省治東南九百九十里東及東北界貴州仁懷廳西及南界雲南昭通府及鎮雄州北界瀘州江安縣東南界貴州大定府畢節縣西北界敘州府興文縣本州境東界仁懷縣南界鎮雄州西與北並界永甯縣自治治至 京師五千七百五里本名敘永直隸廳領縣一曰永甯附郭光緒三十四年改古瀘增古宋縣凡領縣二

永甯州 本州北緯二十七度五十分西經一十三度三十分  
古瀘縣 在州東九十里舊爲巡檢司駐光緒三十三年移附郭之永甯縣於此改稱今名  
古宋縣 在州西一百一十里本州九姓長官司地屬瀘州雍正四年設州同復改州制光緒三十四年合州屬九姓地改縣稱今名移屬北緯二十八度一十分西經一十一度二十分

臣謹案永甯州番漢雜居滇黔接壤亦敘瀘之唇齒也縣百六十里東至貴州遵義府二百五十里宋紹定中叛將劉整以瀘州降蒙古永甯遂不可支明天啟二年土酋奢崇明及安邦彥先後作亂陷遵義瀘州若非朱燮元使永甯將誘賊以擄其虛則永甯且將遭蹂躪三方所繫顧不重哉松潘廳在省治西北七百二十里東界甘肅階州文縣西及西北界青海南界茂州北及東北界甘肅鞏昌府洮州廳東南界龍安府平武縣西南界理番懋功二廳自治治至 京師五千四百三十五里北緯三十二度四十分西經三十二度五十分

臣謹案松潘廳漳臘河環其北鎮江關峙其南東扼涪江前瞰雪嶺西北邊鄙要衝也廳之西北有岷山即瀘山又謂之汶阜一名沃焦山夏禹導江之處其水曰瀘水即岷江是也其所屬土千百戶已詳前考茲不復列

理番廳在省治西北五百三十里東及北界茂州西及西南界懋功廳南及東南界茂州汶川縣西北界松潘廳至 京師五千二百四十五里本名雜谷乾隆二十五年改嘉慶六年省茂州之保縣入之旋改稱

度分三 凡領宣慰司一長官司三  
梭磨宣慰司 四十年置  
從噶克長官司 十八年置  
卓克采長官司 十四年置  
丹壩長官司 十四年置

臣謹案理番北毗松潘西接大小金川其間土司不可悉數因從征有功或歸附授職者僅一部分耳

懋功廳在省治西八百六十里東界邛州大邑縣西界打箭爐廳南及東南界雅州府蘆山縣北界理番廳西南界雅州府天全縣東北界茂州汶川縣西北界松潘廳至 京師五千七百里乾隆四十一年以大小金川地分置美諾及阿爾古兩廳四十四年併阿爾古入美諾旋改懋功廳駐同知理五屯事務凡領屯五安撫司二

懋功屯 治北緯三十九度二十八分  
撫邊屯 北緯三十三度五十分  
章谷屯 西經一百一十八度三十分  
崇化屯 西經一百一十四度三十分  
綏靖屯 西經一百一十四度三十分  
鄂克什安撫司 東經七十四度三十分  
綽斷甲布安撫司 西經四十一度

臣謹案大小金川之叛上稽 天討我 高宗皇帝命將出師次第肅平設官理民以冀化其愚頑同登煦育威德所施豈不遠大也哉

石砭廳在省治東一千六百四十里東及東北界湖北施南府利川縣西界忠州鄂都縣南及東南界西陽州黔江縣北及西北界忠州西南界西陽州

彭水縣自廳治至 京師四千八百里 西經八度十五分

臣謹案廳以石柱山得名地雖蕞爾而下臨夔萬上扼涪渝亦川東之藩衛也明季土司馬千乘之妻秦良玉嘗以土兵抗張獻忠保障一方近世同治元年粵之亂也据涪川而石砭隨陷則地利固賴人謀矣

附西康

臣謹案康與衛藏同為吾國稱西番之名前者所謂喀木者也在四川西徼外東起打箭爐之折多山西至前藏之丹達山寬約三千六百里北起春科林蕙土司雜楚河上流青海邊界南至貢噶番境羅谷土司巴特瑪郭山接雲南中甸維西界縱約一千三百里面積約四百六十萬方里古為西南夷地兩漢始通中國有冉駹印犛犍牛白狼諸國魏晉以後日羌隋為黨項至唐吐蕃崛起奄有其地歷五代宋至元征服西番始分置土司前明巴塘以東仍元之舊屬於四川雅州巴塘以西為烏斯藏所據國初西藏內附裏塘巴塘等處仍分授土司巴塘甯靜山以西隸於呼圖克圖閒有賜予藏酋及野番所宅者而蒙古亦居其十之一焉牧民之官少惟於運道驛站置弁戍守而已自英吉利破滅印緬進窺康藏至光緒十三年藏人助哲孟雄拒英英人逐藏兵與我政府議通商藏人弗憚焉三十年英兵侵藏達賴兵敗遁青海留守喇嘛為城下之盟剝削主權邊境益急 上命鳳全為駐藏幫辦大臣路經巴塘為番所戕川督錫良奏派提督馬維祺與建昌道趙爾豐進討三十二年秋設督辦川滇邊務大臣以趙爾豐為之於是大舉改流宣統三年建置府縣及派員辦理者達二十餘缺其年夏代理大臣傅嵩秋有改建西康行省之奏此西康之名所由起也今謹志其大略以附四川之末

巴安府在四川省城西南二千一百一十五里東至三壩西至江卡南至造拉嶺接雲南界北至白玉距 京師七千二百一十五里舊稱巴塘 古白狼戎地唐屬吐蕃元明屬烏斯藏 國朝康熙五十七年設軍統領溫春兵甸地其酋迎降明年設版籍三十三寨 幅員千里以後屢為大軍任運輸人正四年 命大臣立界石於嶺 川督委派三年瓜代光緒

三十年駐劄... 光緒三十三年邊務大臣趙爾豐會同川督奏請改流置巴安縣尋升改巴安府領廳二縣三分縣一

巴塘舊城... 理化廳... 之番... 無... 走... 道... 年... 改... 三... 稻... 貢... 定... 年... 鹽... 之... 屬... 康... 北... 所... 衰...

北至章谷距... 京師五千九百九十里舊稱打箭鎗...

衰二塘光緒三十四年升改康定府領廳一縣一

打箭鎗舊城... 安良廳... 河口縣... 登科府... 京師八千四百五十里本德格土司地宣統元年德格改流析其地為五區以北區為登科府又設邊北道駐此三年兼管靈蕙土司地... 德化州在登科府南三百五十里巴安府北九百里即德爾格土司一名更慶先是土司之庶弟爭繼為亂光緒三十四年趙爾豐西征敗賊於春科賊北竄石渠宣統元年官軍追勦平之土司多吉僧格頗明大義自請改流以地廣析為五區於中區設州... 石渠縣在德化州東北五百六十里登科府東北二百一十里本德格土司極北境改流後設縣分管高日土司地治雜渠卡... 白玉州在德化州南三百八十里巴安府北九百里本德格土司南境改流後以南區設州... 昌都府在巴安府西北一千三百六十里即古之康土名察木多其地有昌水都水故又名昌都... 總各一統率江卡察木多碩般多十三汛戍兵護衛餉道又有糧務委員一管理饋藏官兵糧餉事務其附近番地隸於呼圖克圖者二十處宣統元年駐藏大臣聯豫奏請以察木多與乍了畫歸邊務大臣管理三年奏設昌都府改糧務委員為理事官管理詞訟兼征糧稅焉... 恩達廳土名恩達塘在昌都西二百四十里本察木多地宣統三年設廳乍了縣在巴安府西少北八百八十里係康地自明季以來屬呼圖克圖設

守備把總外委各員以理驛站而已光緒三十年土番作亂宣統二年戡定與察木多同歸邊務大臣管理三年設行政委員分統三十八度八十七

定州縣名稱者彙志如左 臣謹案西康各地有已經改土歸流或向藏酋取邊疆均設立委員尚未

得榮 寺在巴安府南宜統三年邊界本塘土司派兵克其地設有委員  
道場 在康定府西北委員駐道場管理詞訟改流征糧管卓斯東川底  
卓斯 在康定府西北委員駐道場管理詞訟改流征糧管卓斯東川底  
章谷 在康定府西北委員駐道場管理詞訟改流征糧管卓斯東川底  
以員 在康定府西北委員駐道場管理詞訟改流征糧管卓斯東川底  
科野 在康定府西北委員駐道場管理詞訟改流征糧管卓斯東川底  
瞻對 在康定府西北委員駐道場管理詞訟改流征糧管卓斯東川底  
會動 在康定府西北委員駐道場管理詞訟改流征糧管卓斯東川底  
遠人 在康定府西北委員駐道場管理詞訟改流征糧管卓斯東川底  
大遠 在康定府西北委員駐道場管理詞訟改流征糧管卓斯東川底  
委設 在康定府西北委員駐道場管理詞訟改流征糧管卓斯東川底  
甘孜 在康定府西北委員駐道場管理詞訟改流征糧管卓斯東川底  
江卡 在康定府西北委員駐道場管理詞訟改流征糧管卓斯東川底  
貢覺 在康定府西北委員駐道場管理詞訟改流征糧管卓斯東川底  
桑昂 在康定府西北委員駐道場管理詞訟改流征糧管卓斯東川底  
雜瑜 在康定府西北委員駐道場管理詞訟改流征糧管卓斯東川底  
三巖 在康定府西北委員駐道場管理詞訟改流征糧管卓斯東川底  
瀘定 在康定府西北委員駐道場管理詞訟改流征糧管卓斯東川底  
碩般 在康定府西北委員駐道場管理詞訟改流征糧管卓斯東川底  
地駐 在康定府西北委員駐道場管理詞訟改流征糧管卓斯東川底

臣謹案西康各地有已經征服內附或由藏人處收歸尚未實行改土歸流者附志如左

洛隆 宗在康定府西北委員駐道場管理詞訟改流征糧管卓斯東川底  
邊壩 宗在康定府西北委員駐道場管理詞訟改流征糧管卓斯東川底  
類伍 宗在康定府西北委員駐道場管理詞訟改流征糧管卓斯東川底  
波密 宗在康定府西北委員駐道場管理詞訟改流征糧管卓斯東川底  
白馬 宗在康定府西北委員駐道場管理詞訟改流征糧管卓斯東川底  
三十九 宗在康定府西北委員駐道場管理詞訟改流征糧管卓斯東川底  
俄洛 宗在康定府西北委員駐道場管理詞訟改流征糧管卓斯東川底  
色達 宗在康定府西北委員駐道場管理詞訟改流征糧管卓斯東川底  
拉哩 宗在康定府西北委員駐道場管理詞訟改流征糧管卓斯東川底  
江達 宗在康定府西北委員駐道場管理詞訟改流征糧管卓斯東川底

皇朝續文獻通考卷三百二十三

輿地考十九 廣東省

臣謹案廣東前阻滄溟後枕庾嶺左引甌閩右控越裳南服雄封此其最矣在昔趙佗劉巖恃其險遠竊據一時盧循黃巢由南擾北厥禍滔天而海舶縱橫島夷覬覦唐乾元初大食波斯襲破廣州刺史遁走明洪武永樂嘉靖間日本迭犯粵海騷然既而佛蘭西意大利旅居濠鏡旋為葡荷牙獨占我 朝德宏柔遠優予函容自鴉片興戎江甯訂約之後香港割隸英倫而廣東遂成南洋要衝綱繆宜急至於土肥氣煥民性剛強皆可

以奮發有為是在司牧者鼓勵董率之耳  
省東西距約一千七百里南北斜距約一千二百六十里東至福建漳州府界西至廣西平樂府梧州府鬱林州南甯府上思廳界南及東南至海北至湖南郴州江西南安府贛州府界東北至福建汀州府界西南至越南國界西北至湖南桂陽州永州府界在 京師西南五千六百有里舊領府十直隸州三散廳一散州七縣八十嘉慶十六年復置佛岡直隸廳十七年降南雄府為州省保昌縣二十一年升連州之連山縣為直隸廳同治五年升肇慶府之陽江縣為直隸廳七年增置赤溪直隸廳光緒十四年升廉州府之欽州直隸增置防城縣三十一年升瓊州府之崖州直隸降萬州為縣三十二年改陽江廳為直隸州凡領府九直隸廳三直隸州七散廳一散州四縣七十九

廣州府為省治東界惠州府博羅縣西界肇慶府高要縣南及東南界海北界韶州府英德縣西南界陽江州東北界佛岡廳西北界連州陽山縣自府治至 京師五千六百有里凡領縣十四

南海縣 附郭治府西境北緯三十三度三十分  
番禺縣 附郭治府東境東緯三十三度三十分  
順德縣 在府西南一百里北緯二十二度五十分西經一百零三度四十分  
東莞縣 在府東南一百八十里北緯二十三度西經一百零三度

從化縣 在府西北一百三十里北緯二十三度三十分

龍門縣 在府東北一百二十里北緯三十三度

增城縣 在府東一百二十里北緯三十三度

新會縣 在府西南一百二十里北緯二十二度

香山縣 在府南一百二十里北緯二十二度

三水縣 在府西一百二十里北緯二十二度

新甯縣 在府西一百二十里北緯二十二度

清遠縣 在府北一百二十里北緯二十二度

新安縣 在府東一百二十里北緯二十二度

花縣 在府北一百二十里北緯二十二度

道光二十二年中英江甯條約開廣州為商埠

光緒十三年開辦洋藥稅釐併征改設新安縣屬之九龍為商埠又改設香山縣屬之拱北關為商埠

二十三年中英續議緬甸條約開三水與新甯縣屬之甘竹為商埠

二十八年中英續約開新會縣屬之江門為商埠

宣統元年開香山縣屬之香洲為商埠

粵漢鐵路起於廣州西關之黃沙經南海番禺花縣清遠北入韶州之英德

廣三鐵路起於廣州對岸之石圍塘西行經南海縣屬境至三水止

廣九鐵路起於廣州東郊之大沙頭東行經番禺縣屬境至增城復折南經

東莞至新安縣南之深圳接英屬段南至九龍司為止

新甯鐵路起於新甯南之三夾海口北經新甯至新會之江門為止

臣謹案廣州負山瀕海以腥羶之地成繁富之區所惜香山之澳門久租於葡萄牙新安之香港續割於英吉利光緒戊戌又拓九龍司之租界門戶洞啟窺伺堪虞徒以輪軌便利商貨駢闐談嶺南者共矜富庶實則羣嗜遠物罔恤漏卮貪悍成風械鬪相殺擄劫掠恣意橫行山僻老農仰食藜藿有終身未得粒食者若夫夏鼠傳疫冬蚊擾眠則又瘴鄉之殊於

中土也

赤溪廳在省治西南四百一十五里廣二十里袤二十里東南二面界海北  
界廣州府新甯縣同治七年析新甯縣屬之赤溪曹冲等地置自廳治至  
京師六千有九里北緯三十一度三十五分  
西經一百一十二度三十分

臣謹案廳境自宋元後為煙銅鹽場近世屬新甯縣海濱地土客雜居械  
鬪殘殺同治六年巡撫蔣益澧督師討平之奏請析五堡等地設同知擬  
改赤溪寨為城未果西南有銅鼓山俯瞰大洋風濤觸石聲如銅鼓其下  
為銅鼓海云

韶州府在省治北八百七十里東界南雄州始興縣西及西南界連州陽山  
縣南界廣州府清遠縣北界湖南郴州桂陽縣東南界佛岡廳及惠州府長  
甯縣東北界江西南安府大庾縣西北界湖南郴州宜章縣自府治至 京  
師四千七百三十四里凡領縣六

曲江縣附郭北緯二十四度五十四分西經一百零三度二  
十四分所屬韶山四日曲溪西溪西溪西山

樂昌縣在府西北八十里北緯二十五度十分西  
經一百零三度三十分所屬大嶺龍嶺有嶺人

仁化縣在府東北一百一十里北緯二十五度十分  
西經一百零三度三十分

乳源縣在府西九十里北緯二十五度十分西  
經一百零三度三十分所屬人

翁源縣在府東南一百八十里北緯二十六度十分西  
經一百零三度三十分所屬人

英德縣在府西南一百二十里北緯二十七度十分西  
經一百零三度三十分所屬人

粵漢鐵路由廣州府清遠入經英德至曲江南之烏石為止

臣謹案韶州當曲江雙流之衝踞瀆武二水之會翼贛湘之層巒扼交廣  
之咽喉省北之要會也古為始興郡徐道覆起兵始興而幾覆建康陳霸  
先發跡始興而竟成帝業形勝所係韶為必爭之地明矣碎石在郡西北  
之樂昌由粵入湘最為要隘郡北之曲江岡凡三十六石曲江二十四景  
之首曰韶石生雲相傳虞舜登石巔奏韶樂州因此得名云

南雄州在省治東北一千一百七十里東及東北界江西贛州府信豐縣西  
界韶州府曲江縣南及東南界江西贛州府龍南縣北及西北界江西南安

府大庾縣西南界韶州府翁源縣自府治至 京師四千四百三十四里本  
為府領縣二嘉慶十七年改為直隸州省保昌縣凡領縣一  
南雄州北緯二十五度三十分西經一百一十二度三十分  
始興縣在府西一百一十里北緯二十五度三十分  
西經一百一十二度三十分

臣謹案南雄州瀆水流其西庾嶺峙其北漢武帝命楊僕討南越出豫章  
下瀆水唐開元中詔張九齡在大庾嶺鑿山開道卒為坦途宋末叛將呂  
師夔轉以元兵度嶺敗宋師於南雄而廣州匡山之變實肇於此後之為  
國者思患預防勿偏信南人之不復反也

惠州府在省治東三百九十里東界潮州府普甯縣西界廣州府東莞縣南  
界海北界江西贛州府定南縣東南界潮州府惠來縣西南界廣州府新安  
縣東北界江西贛州府長甯縣西北界韶州府翁源縣及贛州府龍南縣自  
府治至 京師五千九百九十四里凡領州一縣九

歸善縣附郭在府東南隔江三千里北緯二十三  
度十分西經一百一十二度三十分所屬有書

博羅縣在府西北三千里北緯二十二度十分  
西經一百一十二度三十分

長甯縣在府北少西經一百一十二度三十分  
西經一百一十二度三十分

永安縣在府東少北西經一百一十二度三十分  
西經一百一十二度三十分

海豐縣在府東少西經一百一十二度三十分  
西經一百一十二度三十分所屬有書

陸豐縣在府東少西經一百一十二度三十分  
西經一百一十二度三十分所屬有書

龍川縣在府西一百二十里北緯二十四  
度十分西經一百一十二度三十分所屬有書

連平縣在府北少西經一百一十二度三十分  
西經一百一十二度三十分

河源縣在府北少西經一百一十二度三十分  
西經一百一十二度三十分

和平縣在府北少西經一百一十二度三十分  
西經一百一十二度三十分

光緒二十八年中英續約允開惠州為商埠

臣謹案惠州府鉅海橫其前九連峙其後東江一都會也百貨出入商務  
繁興城西之豐湖彷彿杭州西湖左有蘇公隄蘇軾謫居時所築陸豐東  
有甲子門海口大石上下鐫六十甲子故名明嘉靖中俞大猷戡日兵於

此博羅西北五十里羅浮山靈異瑰奇游蹤難遍而石樓鐵橋尤為擅勝云

佛岡廳在省治北四百四十里東及南界廣州府從化縣西及西南界廣州府清遠縣北及西北界韶州府英德縣東北界惠州府長甯縣明代分屬清遠英德 國朝雍正九年置同知隸廣州府乾隆七年廢嘉慶十八年復置自廳治至 京師五千一百二十四里北緯二十三度五十分 西經一百一十二度五十分

臣謹案今廳在從化之東北據滘江之上游北有金雞巖釣鰲嶺南有鶴巖嶺大廟峽羣山環繞平壤中開列為虎山滑江黃華田心各鄉堡連溪龍潭諸水滌洞其間可資耕鑿雖彈丸小邑亦炎微奧區也

潮州府在省治東一千一百八十五里東界福建漳州府雲霄廳詔安縣西及西南界惠州府陸豐縣南及東南界海北界福建汀州府永定縣東北界福建漳州府平和縣西北界嘉應州自府治至 京師西由廣州驛路六千七百八十九里東由泉州福州驛路五千八百八十八里凡領廳一縣九

海陽縣分附郡北緯二十三度四十分 東經一百一十四度四十分

豐順縣在府西一百一十四里北緯二十三度四十分 東經一百一十四度四十分

潮陽縣在府南一百一十四里北緯二十三度四十分 東經一百一十四度四十分

揭陽縣在府南一百一十四里北緯二十三度四十分 東經一百一十四度四十分

饒平縣在府南一百一十四里北緯二十三度四十分 東經一百一十四度四十分

惠來縣在府南一百一十四里北緯二十三度四十分 東經一百一十四度四十分

大埔縣在府北一百一十四里北緯二十三度四十分 東經一百一十四度四十分

澄海縣在府東一百一十四里北緯二十三度四十分 東經一百一十四度四十分

普甯縣在府西一百一十四里北緯二十三度四十分 東經一百一十四度四十分

南澳廳在府東一百一十四里北緯二十三度四十分 東經一百一十四度四十分

咸豐八年中英續約中法條約開澄海縣屬汕頭為商埠

潮汕鐵路起潮州府南行至澄海縣汕頭止又由府築支線達東北之意溪

臣謹案潮州九峻百墩枕於北海門汕頭東於南前倚黃岡之寨中貫烏

石之塘閩粵開之雄郡也東南二百里海中南澳島周二三百里明洪武初嘉靖中屢為日本所據海盜亦窟穴於此萬歷三年始駐重兵築三城遂為海防要地焉今駐總兵及同知海陽屬東北之惡溪一名意溪又名鱷溪唐韓愈貶潮州刺史曾為檄文驅鱷粵民賴之而文化之及於嶺南亦自韓愈始資字記謂潮州稻再熟蠶五收誠沃土也

肇慶府在省治西二百九十里東界廣州府三水縣西界梧州府蒼梧縣南界廣州府新興縣北界廣西梧州府懷集縣東南界廣州府新會縣西南界陽江州東北界廣州府清遠縣西北界廣西平樂府賀縣自府治至京師五千五百五十四里舊領州一縣十二同治五年升所屬陽江縣為直隸廳光緒三十二年以陽春恩平二縣改屬陽江州凡領州一縣九

高要縣在府北一百一十四里北緯二十三度四十分 東經一百一十四度四十分

四會縣在府西一百一十四里北緯二十三度四十分 東經一百一十四度四十分

新興縣在府南一百一十四里北緯二十三度四十分 東經一百一十四度四十分

高明縣在府東一百一十四里北緯二十三度四十分 東經一百一十四度四十分

廣寧縣在府西一百一十四里北緯二十三度四十分 東經一百一十四度四十分

開平縣在府南一百一十四里北緯二十三度四十分 東經一百一十四度四十分

鶴山縣在府東一百一十四里北緯二十三度四十分 東經一百一十四度四十分

德慶州在府西一百一十四里北緯二十三度四十分 東經一百一十四度四十分

封川縣在府南一百一十四里北緯二十三度四十分 東經一百一十四度四十分

開建縣在府北一百一十四里北緯二十三度四十分 東經一百一十四度四十分

臣謹案肇慶據西北二江之衝為兩粵之鈐鍵漢武帝自巴蜀發夜郎兵下牂牁江會番禺即今西江路也明初廖永忠之平廣西亦自肇慶派西江而抵蒼梧西江在封川縣曰錦水在德慶州曰南江在高要縣曰端溪其名異而實同 國朝順治迄乾隆初總督建牙肇慶蓋籌邊扼要焉各邑徭種雜居號稱難治郡之東南爛柯山周五十里其西麓靈羊峽唐宋探硯處至今端硯有名於世然佳者難得



陽江州在省治西南七百三十里東界肇慶府開平縣西界高州府信宜茂  
名兩縣南界海北界羅定州東安縣東南界廣州府新甯縣西南界高州府  
電白縣東北界肇慶府新興縣西北界羅定州自治至 京師六千三百  
三十四里本肇慶府屬縣同治五年升直隸廳光緒三十二年改直隸州並  
移陽春恩平二縣屬之

陽江州 北緯二十一度五十分西經一百零三度四十分  
陽春縣 在州西北一百四十五里北緯二十二度四十分西經一百零三度四十分  
恩平縣 在州東北一百三十五里北緯二十二度四十分西經一百零三度四十分

臣謹案光緒三十二年兩廣總督岑春煊奏稱陽江濱臨洋面為海疆重  
鎮陽春恩平兩縣地處肇慶之南距府城各數百里陽江僅百數十里前  
撫臣蔣益澧等請隸陽江至為允當旋改旋復實非形勢之宜政務處覆  
奏照行又宣統二年給事中陳慶桂奏陽春改隸陽江窒礙孔多以地勢  
言之則接壤之地僅十之一以民情言之則兩處之民素積不平請 飭  
督臣派員查核仍隸肇慶雖下政務處議奏然寢而未行也

高州府在省治西南九百六十里東界陽江州西界廉州府合浦縣南及東  
南界海北界廣西梧州府容縣西南界雷州府遂溪縣東北界羅定州西北  
界廣西鬱林州博白縣自治至 京師六千二百二十四里凡領州一縣  
五

茂名縣 在州北四十四里別有嶺人二十二分西經八十七度四分  
電白縣 在州東一百六十里別有嶺人二十二分西經八十七度四分  
信宜縣 在州東一百六十里別有嶺人二十二分西經八十七度四分  
化州 在州西九十里別有嶺人二十二分西經八十七度四分  
吳川縣 在州南一百二十里別有嶺人二十二分西經八十七度四分  
石城縣 在州西一百二十里別有嶺人二十二分西經八十七度四分

光緒二十五年法國租占吳川縣屬之廣州灣  
臣謹案高州府鑑羅二江導其前高涼諸峰峙其左嵯峒紛錯島澳迴環

西南之襟要也電白縣在明代早為葡萄牙互市之所今者吳川縣之廣  
州灣既租於法蘭西鐵臺兵營布置完密湛川一島沿岸諸地亦被侵占  
遙轉於安南總督是誠喧賓奪主矣

廉州府在省治西南一千四百六十里東及東南界高州府石城縣西界欽  
州南及西南界海北界廣西西南甯府橫州東北界廣西鬱林州博白縣西北  
界廣西西南甯府永淳縣自治至 京師六千七百二十四里舊領州一縣  
二光緒十四年升欽州為直隸凡領縣二  
合浦縣 在州北一百一十里西經一百零三度四十分  
靈山縣 在州西北一百一十里西經一百零三度四十分

臣謹案廉州府南瀕巨海北毗桂省為二省之藩籬扼五管之門戶廣西  
無海口近鄰廉郡殊便委輸自北海開埠滇黔桂三省貨物咸出入於此  
惟以後蒙自梧州廣州均許互市而北海之商務銳減雖然商埠無論  
大小漏卮居多且太阿倒持何日而始珠還合浦耶

欽州在省治西南一千六百四十里東及東南界廉州府合浦縣西及西北  
界廣西上思縣南界海北界廣西西南甯府宣化縣西南界廣西太平府思州  
及越南東北界廉州府靈山縣自治至 京師六千九百有里本屬廉  
州府光緒十四年升直隸又增置防城縣屬之凡領縣一  
欽州 在州北一百一十里西經一百零三度四十分  
防城縣 在州北一百一十里西經一百零三度四十分

臣謹案州境煙嵐瘴海絕微蠻方西北有十萬大山易為賊藪州南龍門  
江淡水灣自昔越南匪盜由此入掠州之西南三百六十里有分茅嶺馬  
援立銅柱於此唐安南都護馬總亦立二銅柱於其上所以慎疆界也今  
強鄰窺伺若州西之白龍尾與嘉隆八莊及江平黃竹等屬久淪於法之  
安南光緒十三年畫界始歸我汶陽亦可慨也

雷州府在省治西南一千三百八十五里東西南三面界海北界高州府石

城縣東北界高州府吳川縣自府治至 京師六千九百八十九里凡領縣

三

海康縣 附郭北緯二十度四十分

遂溪縣 在府北八分西經六度四十分

徐聞縣 在府南八分西經六度四十分

臣謹案府境突出海中爲一半島其南爲瓊州海峽西爲東京灣東爲廣

州灣炎海之屏障也其廣州灣實屬於高州府之吳川縣自爲法租遂并

遂溪池東之湛川島島北之通明港及沿岸之地皆淪於彼所謂狴獠及

米歟

瓊州府在省治西南一千七百里東西北三面界海南崖州萬縣西南界

崖州昌化縣自府治至 京師七千三百四里舊領州三縣十光緒三十

年升崖州爲直隸並降萬州爲縣與昌化陵水感恩同隸之凡領州一縣七

瓊山縣 附郭北緯二十度五十分西經六度四十分

澄邁縣 在府西六十里北緯二十度西經六度四十分

定安縣 在府西八十里北緯十九度四十分西經六度四十分

文昌縣 在府西一百二十里北緯十九度三十分西經六度四十分

會同縣 在府西一百二十里北緯十九度三十分西經六度四十分

樂會縣 在府西一百二十里北緯十九度三十分西經六度四十分

臨高縣 在府西一百二十里北緯十九度三十分西經六度四十分

儋州 在府西三百里北緯十九度三十分西經六度四十分

臣謹案瓊州雄踞海中北衛兩粵南望渤泥東走臺澎西通印緬海疆之

巨鎮也府城位其北黎岐梗於中黎本作伴岐本作包皆散居山岫有生

熟之分類爲寇暴自宋以來屢煩兵力嘉靖中郡人海瑞請大舉懲創開

荒置吏未果我 朝光緒十五年兩廣總督張之洞委提督馮子材隨山

刊木開大路十二化崎嶇爲坦途人民利之郡城北十里之海口所爲商

埠所在海口所東有清瀾港水深足容巨艦云

崖州在省治西南二千五百七十里瓊州府南八百七十里東西南三面界

海東北界瓊州府樂會縣西北界儋州北至黎母山自州治至 京師八千

一百八十里本屬瓊州府光緒三十一年升直隸州並降府屬之萬州爲萬

縣與昌化陵水感恩三縣並來屬凡領縣四

崖州 北緯十八度三十分西經九度三十分

昌化縣 在州西八分西經九度三十分

陵水縣 在州西八分西經九度三十分

感恩縣 在州西八分西經九度三十分

臣謹案崖州地瀕炎海人苦瘴鄉州東一百餘里迴風嶺俗傳颶風至此

即迴豈其然乎東南榆林港深闊可治水師光緒三十年日俄之役波羅

的海軍艦東來曾寄泊焉西沙羣島舊稱七洲洋大小凡十餘島特里屯

島最南爲我國疆域之南境當香港新嘉坡航綫之衝與榆林港成犄角

之勢此島東北汕頭之東南海中爲東沙羣島舊稱千里石塘閩廣漁船

羣集其處光緒季年日本強佔爭論收回後設無綫電機與浙之舟山互

報颶風云

羅定州在省治西南五百七十里東界肇慶府高要縣西界廣西梧州府岑

溪縣南及西南界高州府信宜縣北界肇慶府封川縣東南界肇慶府新興

縣東北界肇慶府德慶州西北界廣西梧州府蒼梧縣本州境東界東安縣

西南北俱界西甯縣自州治至 京師由廣州六千一百七十四里由肇慶

五千八百三十四里凡領縣二

羅定州 北緯二十二度五十分

東安縣 在州西五分西經一百一十二度三十分

西甯縣 在州西五分西經一百一十二度三十分

臣謹案羅定州自隋唐迄明爲泮水縣舊多蠻族其北羅旁山明萬歷初

叛搖據此猖獗督臣凌雲翼討平之改置今州分設東西二縣亦兩越閩

要津也州之羅定口及西甯縣之都城鎮光緒二十八年中英商約允作暫行停泊上下客貨之處亦按照長江停泊章程辦理云

連州在省治西北七百六十里東及東北界韶州府乳源縣西界連山廳南及西南界廣西梧州府懷集縣北界湖南桂陽州臨武縣東南界廣州府清遠縣西北界桂陽州藍山縣本州境東南並界陽山縣西界連山廳北界臨武縣自治至 京師由韶州驛路五千一百三十四里舊領縣二嘉慶二十一年升改連山縣為直隸廳凡領縣一

連州 北緯二十四度四十七分西經四度十八分所屬縣三

陽山縣 在州東南二百里北緯二十四度二十七分西經四度六分

臣謹案連州漢桂陽縣也中貫涇水南據榜伽劉禹錫謫為連州司馬撰刺史廳壁記云荒服之善部炎裔之涼墟譽之非實韓昌黎送區册序謂陽山天下之窮處也陸有邱陵之險水有江流悍急橫波之石利侔劍戟往往碎舟淪溺連州志謂嵐氣蔽天薄午方散寢食不謹易於成疾云云危途惡土聞之駭人况羣獠橫悍叛服靡常 國朝順康閒迭經征討建城三江口駐理瑤同知後稍馴服嘉慶中移同知於連山

連山廳在省治西北八百七十里東及東北界連州西及西南界廣西平樂府賀縣南界廣西梧州府懷集縣北及西北界湖南永州府江華縣東南界連州陽山縣自治至 京師五千二百四十四里本連州屬縣嘉慶二十一年改升直隸廳 北緯二十四度四十三分西經四度三十分

臣謹案廳境多山北之天梯西之長葉南之八排皆瑤人巢窟嘉慶之季移理瑤同知於此後又稱按瑤同知八排瑤山最大周四百餘里半在廣西境富於銅鐵水銀丹砂諸礦若能開採則貨不棄於地矣

嘉應州在省治東北七百里東界潮州府大埔縣西界惠州府龍川縣南及東南界潮州府豐順縣北界福建汀州府武平縣西南界惠州府永安縣東北界福建汀州府上杭縣西北界江西贛州府長甯縣本州境東界大埔縣西界興甯縣南界豐順縣北界鎮平縣自治至 京師由福建汀州延平

府驛路五千六百四十三里嘉慶十一年陞為府復置程鄉縣十六年仍降為直隸州罷程鄉縣凡領縣四

嘉應州 北緯二十四度八分西經四度十八分

興甯縣 在州西四度四十分北緯二十四度四十分

長樂縣 在州西四度四十分北緯二十四度四十分

平遠縣 在州西四度四十分北緯二十四度四十分

鎮平縣 在州北五度四十分北緯二十四度四十分

臣謹案嘉應據梅峰龍巖為屏障當程周諸溪之交匯順險間轄左右惠潮亦嶺東之要會也攷唐書地理志程鄉縣富於銀鉛鐵礦九域志又謂興甯有銀礦長樂有錫礦曷不開採以富國耶其民有江表流寓之裔音語與粵不同人稱之曰客家話云



皇朝續文獻通考卷三百二十四

輿地考二十 廣西省

臣謹案漢武開南粵初置交州刺史治廣信縣統蒼梧南海合浦諸郡漢廣信今肇慶之封川縣也三國吳以廣名州宋以廣名路元以後皆因之今廣西省內本於廣信自廣信以東為廣東以西為廣西元以後皆因之今廣西省內衛湘黔外控交趾山谿深遠獠獯強梁顧祖禹謂棧嶺嶠之材浮湘水而下湖南傾則湖北動湖北動則中原之聲勢通矣證之前事黃巢由桂林北窺竟破長安金田以星火燎原毒流宇內未可以瘠土窮邊泄泄視之也今者時勢變遷龍州梧州齊開商埠越藩淪沒諒山鐵軌直闖嶺南而我築路之議久託空談外人訛我為無足之國然捷徑廣開而干城乏具遂可恃乎

省東西距約一千二百五十里南北距約八百五十里東至廣東肇慶府羅定州連州連山廳界西至雲南廣南府廣西州界南至廣東廉州府欽州界北至湖南寶慶府靖州貴州黎平府都勻府界東南至廣東高州府界西南至越南界東北至湖南永州府界西北至貴州貴陽府興義府雲南曲靖府界在 京師西南四千六百五十四里舊領府十一直隸州一光緒元年升百色廳為直隸十二年升歸順州為直隸十八年升改上思州為直隸廳凡領府十一直隸廳二直隸州二散廳六散州十六縣四十九  
桂林府為省治東界湖南永州府永明縣西界柳州府融縣南界平樂府荔浦縣北界湖南寶慶府城步縣東南界平樂府恭城縣西南界柳州府雒容縣東北界寶慶府新甯縣西北界湖南靖州綏甯縣自府治至 京師四千六百五十四里舊領廳一州二縣七光緒三十二年於平樂鎮增設中渡廳同知凡領廳二州二縣七  
臨桂縣 附郭 北緯二十六度十五分 西經一百零三度十分  
興安縣 在府東 北緯二十三度三十分 西經一百零三度十分  
靈川縣 在府東 北緯二十二度五十分 西經一百零三度十分

陽朔縣 在府南 北緯二十四度五十分 西經一百零六度五十分  
永甯州 在府南 北緯二十四度五十分 西經一百零六度五十分  
永福縣 在府南 北緯二十四度五十分 西經一百零六度五十分  
義甯縣 在府南 北緯二十四度五十分 西經一百零六度五十分  
全州 在府南 北緯二十四度五十分 西經一百零六度五十分  
灌陽縣 在府南 北緯二十四度五十分 西經一百零六度五十分  
龍勝廳 在府南 北緯二十四度五十分 西經一百零六度五十分  
中渡廳 在府南 北緯二十四度五十分 西經一百零六度五十分

臣謹案府治為漢始安縣屬零陵郡若秦之桂林郡則在今潯州象州之間宣統初元議者因法國越南鐵路達於本省之鎮南關為控制邊防計將移省會於南甯然桂林雖偏北密邇湘境易為聲援是以元明建省會於此南甯僻在西南於彈壓全局猶嫌鞭長況潯柳之交荏苒成數其傑點者出大藤之峽險萌渚之嶺則零陵道州莫能過其鋒此咸豐中兵禍可鑒也桂林之與南甯地形孰為扼要鎮撫孰為便利當事者尙宜詳審其得失焉粵西土瘠民貧而論其名勝桂林山水甲廣西陽朔山水又甲於桂林嘉木奇峰莫可名狀天然風景歎觀止矣

平樂府在省治東南一百八十里東界廣東連山廳西界柳州府象州南界梧州府蒼梧縣北界桂林府灌陽縣東南界梧州府懷集縣西南界潯州府平南縣東北界湖南永州府江華縣西北界桂林府陽朔縣自府治至 京師四千八百三十四里凡領州一縣七  
平樂縣 附郭 北緯二十四度五十分 西經一百零六度五十分  
恭城縣 在府東 北緯二十三度三十分 西經一百零三度十分  
富川縣 在府東 北緯二十二度五十分 西經一百零三度十分  
賀縣 在府東 北緯二十二度五十分 西經一百零三度十分  
荔浦縣 在府東 北緯二十二度五十分 西經一百零三度十分  
修仁縣 在府東 北緯二十二度五十分 西經一百零三度十分



昭平縣 在府南一百二十里北緯二十七度四十分西經一百一十五度五十二分

永安州 在府西南一百八十里北緯二十七度四十分西經一百一十五度五十二分

日 議案平樂府南控樂川東橫萌渚為湖湘之藩衛扼灘潯之咽喉永安州西南三十里有力山險於大藤峽數倍狺狺出沒明正德五年王守仁討藤峽賊退保力山復進兵攻克之近世咸豐七年官軍會師自恭城進平樂寇賊用戰艇依水通糧築屯平樂北二塘墟沙子街阻險自固蔣益澧盛兵攻沙子屯大破之江忠濬等分軍繞二塘墟寇遂失險此平樂之險要不亞於桂林矣

梧州府在省治東南八百里東界廣東肇慶府封川縣西界潯州府平南縣南界廣東高州府信宜縣北界平樂府賀縣東南界廣東羅定州西甯縣西南界鬱林州北流縣東北界廣東連州陽山縣西北界平樂府昭平縣自府治至 京師五千四百五十四里凡領縣五

蒼梧縣 附郭北緯二十三度三十分西經五十五度三十分

藤縣 在府西六十里北緯二十三度三十分西經五十五度三十分

容縣 在府西南一百二十里北緯二十二度五十分西經一百一十五度五十分

岑溪縣 在府西南一百八十里北緯二十二度五十分西經一百一十五度五十分

懷集縣 在府東北三百六十里北緯二十四度四十分西經一百一十四度四十分

光緒二十三年中英續議緬甸條約開梧州為商埠

臣 謹案梧州府上承潯桂下控廣肇據五嶺之肩背介兩粵之戶庭昔在明時督臣韓雍於蒼梧縣築大雲等六關王守仁於五屯增加城砦凌雲翼於岑溪築大崗諸鎮堡凡以征服狺狺也今則內憂雖弭而外侮東侵自開商埠外貨輻輳汽船交通英人之勢力自粵海遠擴於西江矣

潯州府在省治西南八百里東界梧州府藤縣西界恩府賓州南界鬱林州北界柳州府象州東南界鬱林州北流縣西南界南甯府橫州東北界平樂府永安州西北界柳州府來賓縣自府治至 京師五千四百六十一里凡領縣四

桂平縣 附郭北緯二十六度三十分西經一百一十五度五十二分

平南縣 在府東一百一十五里北緯二十五度三十分西經一百一十五度五十二分

貴縣 在府西南一百一十五里北緯二十五度三十分西經一百一十五度五十二分

武宣縣 在府西北一百一十五里北緯二十五度三十分西經一百一十五度五十二分

臣 謹案潯州襟帶柳桂控扼梧州府城當黔鬱二江會流處可以泛舟池北百五十里大藤峽跨潯柳平樂三郡磅礴六百里蠻獠巢窟頻出劫掠明成化初督臣韓雍正德中王守仁蔡經三起大軍圍攻始獲底定厥功偉矣然山藪藏慝輒啟戎心 本朝咸豐初洪楊發難金田村為郡東一百里平南與藤縣錯壤也自全州越嶺北出永郴潯長沙連破名省湘楚皖諸軍苦戰十餘年僅乃克之字內元氣摧殘閱五十載未能規復禍胎之烈可不懼哉

柳州府在省治西南三百六十里東界平樂府修仁縣西界慶遠府宜山縣南界潯州府貴縣北界湖南靖州通道縣東南界潯州府武宣縣西南界恩府遷江縣東北界桂林府龍勝縣西北界貴州黎平府永從縣自府治至 京師五千有一十四里凡領州一縣七

馬平縣 附郭北緯二十四度五十分西經一百一十四度四十分

雒容縣 在府西北一百一十四里北緯二十四度四十分西經一百一十四度四十分

羅城縣 在府西北一百一十四里北緯二十四度四十分西經一百一十四度四十分

柳城縣 在府西北一百一十四里北緯二十四度四十分西經一百一十四度四十分

懷遠縣 在府北三百一十里北緯二十五度三十分西經一百一十四度四十分

融縣 在府西北一百一十四里北緯二十四度四十分西經一百一十四度四十分

象州 在府東一百一十五里北緯二十五度三十分西經一百一十五度五十二分

臣 謹案柳州輔車黔鬱狺狺當五嶺之衝據三江之口府屬象州秦之桂林郡桂林縣也漢改鬱林郡孫吳別置桂林郡在今馬平東南故潯中縣而稽古桂林縣為小桂唐初廢改象州近世咸豐初元柳州與潯梧

慶遠屢為寇賊盤踞九年劉長佑南攻柳州十年克之民團因收柳城本郡險要不第柳江之上下游也分巡右江道及柳慶鎮總兵皆駐府城

慶遠府在省治西南五百七十里東界柳州府柳城縣西界泗城府凌雲縣南界恩恩府上林縣北界貴州黎平府古州廳東南界恩恩府遷江縣西南界百色廳恩恩府隆縣東北界柳州府羅城縣西北界貴州都勻府獨山州自治至 京師五千二百二十四里舊領州三縣三土州三土縣一土司三

緒三十一年增安化廳凡領州一州三縣三土州三土縣一土司三

宜山縣 附郭 北緯二十四度五分 西經一百零七度三十分

天河縣 附郭 北緯二十四度五分 西經一百零七度三十分

河池州 附府 北緯二十四度五分 西經一百零七度三十分

思恩縣 附府 北緯二十四度五分 西經一百零七度三十分

東蘭州 附府 北緯二十四度五分 西經一百零七度三十分

安化廳 附府 北緯二十四度五分 西經一百零七度三十分

南丹土州 附府 北緯二十四度五分 西經一百零七度三十分

那地土州 附府 北緯二十四度五分 西經一百零七度三十分

東蘭土州 附府 北緯二十四度五分 西經一百零七度三十分

忻城土縣 附府 北緯二十四度五分 西經一百零七度三十分

永定長官司 附府 北緯二十四度五分 西經一百零七度三十分

永順正長官司 附府 北緯二十四度五分 西經一百零七度三十分

永順副長官司 附府 北緯二十四度五分 西經一百零七度三十分

謹案慶遠府瑤田大嶺環其北刀龍二水流其中僻在蠻荒西陲襟要前志稱其民性輕悍獷戾近世洪楊之難土人好亂者助虐寇得於慶遠分屯犄角至於羣蠻滿谷思恩縣有五十二峒獠犛之外又有獠猯狉狍

狝狎狼狗之屬謂皆盤瓠遺種山深地險一有不慎滋蔓難圖矣南甯府在省治西南一千十里東界潯州府貴縣西界太平府羅陽土縣南界廣東欽州北界恩恩府武緣縣東南界廉州府靈山縣西南界上思廳東

北界思恩府賓州西北界思恩府舊城土司自治至 京師五千六百六十四里舊領州三縣三土州三土司一光緒十三年上思州移屬太平府十八年遷隆峒土司改隸上思凡領州二縣三土州三

宣化縣 附郭 北緯二十四度五分 西經一百零七度三十分

新甯州 附府 北緯二十四度五分 西經一百零七度三十分

隆安縣 附府 北緯二十四度五分 西經一百零七度三十分

橫州 附府 北緯二十四度五分 西經一百零七度三十分

永瀾縣 附府 北緯二十四度五分 西經一百零七度三十分

歸德土州 附府 北緯二十四度五分 西經一百零七度三十分

果化土州 附府 北緯二十四度五分 西經一百零七度三十分

忠州土州 附府 北緯二十四度五分 西經一百零七度三十分

光緒三十二年奏開南甯府為商埠

謹案南甯府襟帶九洞控扼二江南以欽廉為藩籬東以潯鬱為唇齒左江道及總兵同駐焉府東北一百里崑崙山嶺巖峻峭宋皇祐初儂智

高據之以叛狄青師次崑崙關元夜於軍中會飲引兵潛渡大敗之關據賓州邕州之界為本郡衝要自越南淪於法國經營鐵道由河內達憑祥

州之鎮南關我鑿於時勢之迫自開府城為商埠又建議遷省會於南甯藉以控制邊防云

上思廳在省治西南一千二百一十里東界廣東欽州西界太平府土思州東南至西南界廣東欽州防城縣北及西北界土忠州東北界南甯府宣化

縣自廳治至 京師五千八百六十四里本南甯府屬州光緒十三年移屬

太平府十八年升改直隸廳移南甯府屬之遷隆峒土司隸之凡領土司一

上思直隸廳 北緯二十四度五分 西經一百零七度三十分

遷隆峒土司 附府 北緯二十四度五分 西經一百零七度三十分

謹案上思之名肇自李唐歷代為蠻族所居羈縻而已淥水明江流其

右思山文嶺峙其陰南有十萬大山近接欽防遠通交趾通逃之藪未易

爬梳幅員雖小亦要區也

思恩府在省治西南九百二十里東界柳州府來賓縣西界百色廳恩隆縣南界南甯府宣化縣北界慶遠府宜山縣東南界南甯府永淳縣西南界南甯府隆安縣東北界慶遠府忻城土縣西北界慶遠府東蘭州自府治至京師五千五百七十四里舊領廳一州一縣三土州二土縣一土司九同治九年廢那馬土司改置那馬廳光緒元年升百色廳為直隸又廢土田州改置恩隆縣與上林土縣下旺土司移隸百色廳五年改陽萬土州判為恩陽州判並隸百色廳凡領廳一州一縣三土司七

武緣縣	在府南七十里北緯二十二度三十分
賓州	在府東七十里北緯二十二度三十分
遷江縣	在府東四百里北緯二十二度三十分
上林縣	在府東一百八十里北緯二十二度三十分
那馬廳	在府西八十里北緯二十二度三十分
白山土司	在府北八十里北緯二十二度三十分
古零土司	在府東八十里北緯二十二度三十分
安定土司	在府西八十里北緯二十二度三十分
興隆土司	在府西八十里北緯二十二度三十分
舊城土司	在府西八十里北緯二十二度三十分
定羅土司	在府西八十里北緯二十二度三十分
都陽土司	在府西八十里北緯二十二度三十分

臣謹案思恩府自唐以後為羈縻荒服明宏治中土知州岑濬叛亂討平之始設流官舊治喬利城山深瘴重嘉靖初王守仁請東徙四十里頗得地勢轄境寬廣橫水江繞其北鎮耶劍脊諸山夾峙左右有險可扼惟駕馭諸土司治理繁難舊志稱其俗婚娶不避同姓市廛多婦女貿易此各處苗番習相同亦未易被化之徵而號稱維新者見日本有此風或且

從而譽之竟未知榛狉之常事也

百色廳在省治西南一千五百二十里東界思恩府都陽土司西界雲南廣南府土富州南界鎮安府奉議州北及西北界泗城府凌雲縣東南界思恩府上林土縣西南界歸順州鎮邊縣東北界慶遠府東蘭州自廳治至京師六千一百七十四里明屬土田州國初因之康熙三年改屬思恩府雍正七年選思恩府理苗同知駐百色曰百色廳光緒元年升直隸田州改土歸流置恩隆縣與恩陽府屬之上林土縣下旺土司並屬焉五年又以陽萬土州判改流為恩陽州判來屬凡領廳一州判一土縣一土司一

恩隆縣	在廳東南一百八十里北緯二十二度三十分
恩陽州判	在廳東南一百八十里北緯二十二度三十分
上林土縣	在廳東南一百八十里北緯二十二度三十分
下旺土司	在廳東南一百八十里北緯二十二度三十分

臣謹案百色廳漢晉以後為鬱林郡徼外蠻夷唐始置羈縻田州明初以土官岑氏世襲知府比鄰泗城恩城二州土官皆岑氏不相能頻起干戈嘉靖初王守仁督兵征討降府為州分設土巡司十八以抑其權統於漢官本朝因之後迭經更張如今制亦鎮為桂林之門戶左江之堯鑰也

太平府在省治西南一千二百八十里東界南甯府新甯州西及南界越南國北界南甯府歸德果化二土州東南界上思廳東北界南甯府隆安縣西北界鎮安府都康土州及歸順州自府治至京師五千九百三十四里舊領廳一州四縣一土州十七土縣二土司一光緒十三年上思州來屬十八年升上思州為直隸廳宣統二年憑祥土州改流置憑祥廳以上石西土州入之凡領廳二州四縣一土州十五土縣二土司一

崇善縣 附郭北緯二十二度二十九分  
左州 在府東北一百八十里北緯二十二度二十八分

養利州	在府西	北	一	百	八	十	八	度	四	十	七	分	二	十	二
永康州	在府東	北	一	百	八	十	八	度	四	十	七	分	二	十	二
甯明州	在府西	北	一	百	八	十	八	度	四	十	七	分	二	十	二
龍州廳	折其地	西	八	十	八	十	八	度	四	十	七	分	二	十	二
憑祥廳	知府	西	八	十	八	十	八	度	四	十	七	分	二	十	二
太平土州	在府西	北	一	百	八	十	八	度	四	十	七	分	二	十	二
安平土州	在府西	北	一	百	八	十	八	度	四	十	七	分	二	十	二
上下凍土州	在府西	北	一	百	八	十	八	度	四	十	七	分	二	十	二
萬承土州	在府西	北	一	百	八	十	八	度	四	十	七	分	二	十	二
茗盈土州	在府西	北	一	百	八	十	八	度	四	十	七	分	二	十	二
全茗土州	在府西	北	一	百	八	十	八	度	四	十	七	分	二	十	二
龍英土州	在府西	北	一	百	八	十	八	度	四	十	七	分	二	十	二
結安土州	在府西	北	一	百	八	十	八	度	四	十	七	分	二	十	二
結倫土州	在府西	北	一	百	八	十	八	度	四	十	七	分	二	十	二
都結土州	在府西	北	一	百	八	十	八	度	四	十	七	分	二	十	二
鎮遠土州	在府西	北	一	百	八	十	八	度	四	十	七	分	二	十	二
下石西土州	在府西	北	一	百	八	十	八	度	四	十	七	分	二	十	二
土江州	在府西	北	一	百	八	十	八	度	四	十	七	分	二	十	二
思陵土州	在府西	北	一	百	八	十	八	度	四	十	七	分	二	十	二
土思州	在府西	北	一	百	八	十	八	度	四	十	七	分	二	十	二
羅陽土縣	在府西	北	一	百	八	十	八	度	四	十	七	分	二	十	二
羅白土縣	在府西	北	一	百	八	十	八	度	四	十	七	分	二	十	二
上龍土司	在府西	北	一	百	八	十	八	度	四	十	七	分	二	十	二

光緒十三年中法續議商務專約開龍州為商埠  
 龍州鐵路起於龍州西南行至憑祥廳南鎮南關入法屬安南

日謹案太平府據左江之上游為南甯之右臂自光緒十一年越南淪陷  
 法人逼處西南一隅與越南諒山高平宣光等地接壤邊防險要約  
 分三路自鎮南關口及關內憑祥所轄各隘為中路關以東自甯明暨下  
 石思陵所轄各隘為東路關以西自龍州及上凍下雷所轄各隘為西路  
 沿邊千八百九十四里設險嚴防殊非易易今以廣西提督太平思順道  
 同駐龍州視為重鎮然自龍州開埠而法人所築鐵路已達鎮南關關內  
 十五里之連城雖築礮臺五座而法人於諒山附近亦築礮臺伺我軍情  
 防之不勝防矣

鎮安府在省治西南一千六百二十里東界百色屬上林土縣西及北界百  
 色廳南界下雷土州西南界歸順州東南界太平府龍英土州東北界百色  
 廳恩隆縣自府治至京師六千二百七十四里舊領廳一州二縣一土州  
 四土司一光緒十二年升所屬歸順州為直隸降改小鎮安廳為鎮邊縣與  
 下雷土州往屬之其湖潤寨土司則乾隆十二年已併入歸順縣凡領州一  
 縣一土州三

天保縣 附郭北緯二十三度二十分  
 奉議州 在府東北九度三十分  
 向武土州 在府東南九度三十分  
 都康土州 在府東南九度三十分  
 上映土州 在府東南九度三十分

巨謹案府境山號扶蘇水臨法渰地多煙瘴種雜蠻夷自宋以來各土官  
 如鎮安之岑向武之黃都康之馮上映之許類皆狄裔征蠻神將率  
 所部留戍裂土世襲比於小諸侯震懾犒使威內附狄宜撫固為功首  
 久之而土官間有強梁抗命者則前明疆吏韓雍朱英王守仁等剿撫兼  
 施亦有以善其後焉  
 歸順州在省治西南一千六百九十二里東及東北界鎮安府天保縣西及  
 南界越南國北界百色廳東南界太平府龍州廳上下凍土州西北界雲南



南府富州自治至 京師六千三百四十六里原屬鎮安府光緒十二年升並降改鎮安府屬之小鎮安廳為鎮邊縣與下雷土州隸焉凡領縣一土州一

歸順州

在州西北九度四十五分

鎮邊縣

在州東南一百一十三度二十二分

下雷土州

在州東南一百一十四度九分

臣謹案歸順州南有排磨榮勞諸山橫亘東西連峰若障而蹊徑百出在與越南接壤下雷之穿巖湖潤之峨澗州南之頻峒上句鎮邊之平孟剝淦等皆沿邊要隘防戍宜嚴者也

泗城府在省治西南一千三百一十里東界慶遠府東蘭州西及西南界雲南廣南府實甯縣南及東南界百色廳北界貴州貴陽府羅斛廳東北界慶遠府那地土州西北界貴州興義府興義縣自治至 京師五千九百六十四里凡領州一縣二

泗城府

在府北九度四十五分

凌雲縣

在府西北五十二度四十五分

西隆州

在府西五十二度四十分

西林縣

在府西五十七度四十分

臣謹案泗城府古百蠻地宋皇祐開餘姚人岑仲淑從狄青平儂智高留鎮邕州都督西南三江諸州增置泗城州利州歷元明皆岑氏世守之洪武初徙泗城於古勳峒即今治也永樂時分設安隆峇上林峒長官司亦授岑氏族人世襲嘉靖廢利州萬歷廢上林 本朝順治中泗城知州岑繼祿從征滇黔有功升為土知府康熙初安隆改流官設西隆州東徙於峇宛山又於上林置西林縣移治豈角村雍正五年泗城土知府以罪參革改流乾隆初置凌雲縣蒼嶺天峨雄峙南北盤江清水流貫中央雖溪壑清幽而仍苦煙瘴平疇殊少仰給梯田茅屋棲巖斯誠貧瘠惟當粵滇黔三省之交鎮以右江總兵為苗疆重地云

鬱林州在省治西南一千九百一十里東及東北界梧州府容縣西及西南界廣東廉州府合浦縣南界廣東高州府石城縣北界潯州府桂平縣東南界廣東高州府化州西北界潯州府貴縣本州境東界北流縣西界興業縣南界陸川縣北界桂平縣自治至 京師五千六百五十四里凡領縣四

鬱林州

在州北九度四十分

博白縣

在州東南九度四十分

北流縣

在州東南九度四十分

陸川縣

在州東南九度四十分

興業縣

在州東南九度四十分

臣謹案漢之鬱林郡在今潯州府治唐置鬱林州於興業縣本州則宋以牢州改置者也北衝蒼梧南臨合浦其山有句漏鐵城大樓三臺其關隘有天门海門撫康周羅其種人有獠獠及狼亦知耕田輸賦桂省無海岸而陸川之妙洞水南下為烏江由石城縣入海博白之南流江下游由廉州入海本州距海口僅二百里耳宜疏濬以通舟筏庶不囿於僻壤乎

皇朝續文獻通考卷三百二十五

輿地考二十一 雲南省

臣謹案雲南華戎雜處遠難馴自古有事於斯土者必循諸葛亮征蠻之故道及蒙古忽必烈入滇之三路顧祖禹嘗詳論之矣拘墟之士或視爲天末遐荒不關形要而不知其實有倒挈天下之勢蓋北入四川則居長江之上游東趨黔沅則可動搖荆湘昔在李唐南詔強盛破黔侵蜀覆轍昭然況今有印緬以伺其肩背有越南以掣其肘脈形勢之亟不益甚於前歟此讀史者所當知也

省東西最廣處相距一千八百五十里南北最長處相距一千五百六十餘里東至廣西泗城府貴州興義府普安廳界西至神護關接怒夷界南至越南南掌界北至四川甯遠府雅州府界東南至廣西百色廳歸順州界西南至天馬關接緬甸界東北至貴州大定府四川敘永廳敘州府界西北至西康界在 京師西南五千九百八十五里舊領府十四直隸廳四直隸州四乾隆三十五年降威遠爲散廳光緒十三年增鎮遠廳二十年改鎮沅州爲廳三十四年升昭通府之鎮雄州爲直隸凡領府十四直隸廳五直隸州四散廳十二散州二十六縣三十九

雲南府爲省治東界激江府路南州西界楚雄府廣通縣南界激江府新興州北界武定州祿勸縣東南界激江府河陽縣西南界楚雄府南安州東北界曲靖府尋甸州西北界武定州自府治至 京師五千九百八十五里凡

領州四縣七

昆明縣	在府西	經北	緯三	度二	分三
富民縣	在府西	經北	緯七	度三	分八
宜良縣	在府東	經北	緯十	度三	分八
羅次縣	在府西	經北	緯十	度三	分八
晉甯州	在府西	經北	緯十	度三	分八
呈貢縣	在府西	經北	緯十	度三	分八

安甯州	在府西	經北	緯七	度三	分八
祿勸縣	在府西	經北	緯十	度三	分八
昆明州	在府西	經北	緯十	度三	分八
易門縣	在府西	經北	緯十	度三	分八
嵩明州	在府西	經北	緯十	度三	分八

光緒三十一年奏開雲南府爲商埠滇越鐵路由激江府之路南州入北經宜良復西經呈貢至雲南府爲止 臣謹案雲南府金馬碧雞羣峰環擁昆明嘉利二澤淳潔蘊蓄雖物產殊富唐廣德中蒙氏南詔以太和爲中都昆明州爲別都五代時段氏大理國因之桀驁三百餘年迨元世祖南伐先破大理次及昆明明初沐英之師先下雲南繼攻大理此在覘敵形勢批覈蹈瑕耳近者咸豐中莠回杜文秀叛據大理旁占五十餘城同治二年迪東回弁馬榮戕督臣潘鐸據省城反署藩司岑毓英力保省城東南隅危而復安幸本根未撥扼要指揮此捷彼挫疲於奔命乃攻取曲靖通川黔運道鋤平激江臨安剪東南羽翼至十一年始克大理此近時兵略地形之可覆按者也

曲靖府在省治東北二百九十五里東界貴州普安廳西界雲南府嵩明州南界廣西州北界貴州大定府威甯州東南界廣西州師宗縣西南界激江府路南州東北界大定府水城廳西北界東川府會澤縣武定州祿勸縣自府治至 京師五千六百九十里凡領州六縣二

南甯縣	在府西	經北	緯二	度三	分三
霽益州	在府西	經北	緯三	度三	分三
陸涼州	在府西	經北	緯三	度三	分三
馬龍州	在府西	經北	緯三	度三	分三
羅平州	在府西	經北	緯三	度三	分三
尋甸州	在府西	經北	緯三	度三	分三
平彝縣	在府西	經北	緯三	度三	分三

宣威州在西北北二百三十里元德益州明為徽衛

臣謹案曲靖府嶺橫關索澤潘中挺進東要衝滇南勝境漢武拓土自牂牁順流諸葛臨邊指建甯開道鮮于仲通深入敗績唐地遂盡陷羣蠻兀良台台突進無前蒙兵乃奄有二爨明代沐英南下 國初三桂西行皆先拔曲靖而雲南破竹同治二年回匪馬聯升等據曲靖八邑三年秋道員岑毓英將馬龍霽益尋甸次第攻克進薄府城是年冬回族反正乃受降誅聯升駐軍於此扼迤東咽喉今者滇越鐵路直貫胸腹籌國防者不第於烏撒普安之閒消弭內患而已也

激江府在省治東南一百二十里東界廣西州西界雲南府昆陽州南界臨安府甯州北界雲南府宜良呈貢二縣東南界廣西州彌勒縣西南界臨安府嶺峨縣東北界曲靖府陸涼州西北界雲南府晉甯州自府治至 京師取道曲靖六千有三十五里凡領州二縣二河陽縣在西北北二百三十三度四十分

江川縣在府西南九十里北緯三十二度四十分  
新興州在府西南一百二十里北緯三十二度四十分  
路南州在府東少北一百三十三度五分

滇越鐵路由臨安府甯州入經路南州北入雲南府之宜良

臣謹案府境當漢晉之時雖已置縣梁隋即荒廢唐代為爨蠻諸蠻所居後屬南詔國立河陽郡元明以來生聚教訓早同內地土沃民強俗殊心異咸豐七年秀回據此肆擾為省城肘腋之患同治元年其酋已就撫七年又叛官軍攻下之八年四月因粵之亂句結再叛將知府其城三面倚山南臨大澤更於郊外築土城九礪壘二百餘座為負隅計九年春巡撫岑毓英率諸將五路環攻其礪壘而無門穴地出入雖健兒猛撲火器刀斧無所施展乃變通巢車之制枵為木樓可分可合如牆而進探升雕擊並穿地道潛轟其址重重逼迨十年正月始一律剷除淪陷十餘載間閭元氣破壞始盡膺司牧之任者可不懲前毖後乎

廣南府在省治東南九百一十里東界廣西百色廳西界廣西州邱北縣南界越南國北及東北界廣西泗城府西林縣東南界廣西歸順府鎮邊縣西南界開化府安平廳西北界廣西泗城府西隆州自府治至 京師六千八百九十五里凡領縣一土州一寶甯縣在府東南一百一十一度九分土甯州在府東南一百一十一度九分

臣謹案廣南府於宋為特磨蠻地儂智高後人居之前明土官猶用儂氏壤地褊小巖壑崎嶇東北二方斗入粵西境以剝隘那洞為東趨百色歸順之歧途以科巖板郎為北向西林泗城之蹊徑迤南昆連交趾以者玉諸山為之屏障更有鸞鶴西甯二山閒蠻夷所窟安內禦外未可忽也開化府在省治東南七百一十里東及東北界廣南府寶甯縣西界臨安府蒙自縣北界廣西州邱北縣東南及西南界越南國宣化州西北界臨安府阿迷州自府治至 京師六千六百九十五里舊領縣一嘉慶二十五年改馬白關同知為安平廳仍隸府凡領廳一縣一文山縣在府南一百一十五度五分安平廳在府南一百一十五度五分

臣謹案府境唐南詔國強現蠻部宋為和泥種人其類曰沙曰獯曰儂曰馬喇曰野蒲曰喇記遙屬大理國狄青南征使向導龍海基領其地又名阿雅明改為教化城王弄山安南道三部長官司 國朝康熙初並廢改設知府山深澗曲錯壤交趾守以總兵亦巖邑也志稱其俗好鬪信巫則教化之開通未易言矣

東川府在省治北五百二十五里東及東北界貴州大定府威甯州西界四川甯遠府會理州南界曲靖府尋甸州北界昭通府魯甸廳東南界曲靖府霑益州西南界武定州祿勸縣西北界四川甯遠府西昌縣自府治至 京師由昭通敘州行六千二百二十里凡領廳一縣一

會澤縣 附郭北緯二十六度二十一分 西經一百一十三度四十分

巧家廳 九年折會澤北境置北緯二十六度四十分 西經一百一十三度七十分

臣謹案東川府左黔右獨傍澤憑山亦三省之關鍵也其西南境古稱松外蠻西北阿木期土司二十餘族境內以產銅著名舊有三十八廠被莠

同滋擾荒廢光緒初規復者僅茂麓萬寶等四廠亦苦賠累會澤縣北一百二十里牛瀾江下流江闊湍激夷人橫藤索為橋索上貫以木筒渡者縛於筒上用游索往來相牽與川邊之鐵索橋並為奇觀云

昭通府在省治東北八百七十里東界鎮雄州西界四川甯遠府西昌縣南及西南界東川府巧家廳北界四川敘州府屏山縣東南界貴州大定府威甯州東北界敘州府筠連縣西北界敘州府雷波廳自府治至 京師由四川敘州重慶東北行五千八百八十里舊領廳二州一縣一光緒三十四年

升鎮雄州為直隸增靖江縣凡領廳二縣三

恩安縣 附郭北緯二十七度二十一分 西經一百一十三度四十分

永善縣 附郭北緯二十八度二十一分 西經一百一十三度四十分

大關廳 附郭北緯二十九度二十一分 西經一百一十三度四十分

魯甸廳 附郭北緯三十度二十一分 西經一百一十三度四十分

靖江縣 附郭北緯三十一度二十一分 西經一百一十三度四十分

臣謹案昭通於 國初猶承明制為烏蒙土知府屬四川雍正初改漢官隸雲南地介黔蜀之交江有金沙之險羅佐關時其北虎跳巖踞其西米貼阿與土夷錯處元代諸王禿堅曾據此稱兵近時咸同之際回匪跳梁土濟民強拊循未易將來滇越鐵路之支路擬築欽渝路綫西綫經東川昭通以達敘州府之宜賓為入蜀大道一旦蕺事則本郡尤為重鎮矣

鎮雄州在省治東北一千二百一十里東及東南界貴州大定府畢節縣西界昭通府恩安縣南界大定府威甯州北界四川敘州府珙長甯二縣東北界四川永甯縣西北界昭通府大關廳自州治至 京師取道貴州五千二百六十里 北緯二十七度四十分 西經一百一十四度四十分 本屬昭通府光緒三十四年升

臣謹案鎮雄州為明芒部土知府嘉靖初庶奪其嫡討平之改鎮雄府屬四川 國朝雍正改隸雲南昭通府降為散州地界三省七邑所轄彝良威信母享牛街貿易所集分置佐雜營汛山有烏通綽紐水有七星八匡漢少夷多險僻難治光緒元年土客游匪竄陷威信各寨橫行焚殺滇蜀會兵勦平三十四年奏升為直隸州因時制宜之策也

甯洱府在省治西南九百四十里東及東北界元江州西界鎮邊廳南及東南界越南國北界鎮沅廳東南界老撾西南界暹羅國西北界景東廳自府治至 京師六千九百二十五里凡領廳三縣一

甯洱縣 附郭北緯二十五度二十一分 西經一百一十三度四十分

思茅廳 附郭北緯二十六度二十一分 西經一百一十三度四十分

威遠廳 附郭北緯二十七度二十一分 西經一百一十三度四十分

他郎廳 附郭北緯二十八度二十一分 西經一百一十三度四十分

車里宜慰司 附郭北緯二十九度二十一分 西經一百一十三度四十分

六困土司 附郭北緯三十度二十一分 西經一百一十三度四十分

倚那土司 附郭北緯三十一度二十一分 西經一百一十三度四十分

易武土司 附郭北緯三十二度二十一分 西經一百一十三度四十分

普藤土司 附郭北緯三十三度二十一分 西經一百一十三度四十分

猛旺土司 附郭北緯三十四度二十一分 西經一百一十三度四十分

整董土司 附郭北緯三十五度二十一分 西經一百一十三度四十分

猛烏土司 附郭北緯三十六度二十一分 西經一百一十三度四十分

孟良土司 在車里土司外九龍江西臨海之南界連緬甸  
 整欠土司 在車里土司外九龍江西臨海之南界連緬甸  
 猛勇士司 以上三司皆緬甸府及昔洱管轄近昔被英人占取  
 光緒二十一年中法續議商務專條附章允開思茅為商埠

臣謹案昔洱府車里舊壤老揭近鄰內撫焚蠻外控緬越當承平之世已為嚴疆自緬甸割於英越南淪於法迭經畫界疆土日燧自開口岸設立思茅關又設分關二一在猛烈一在易武境內有二鹽井一為烏得一為磨者光緒開割猛烏為得界法而鹽井之利源盡失惟昔洱山之茶性溫而味香然亦不能與他省競利也

臨安府在省治東南三百九十里東界開化府文山縣西界元江州南及東南西南並界越南國北界澂江府江川縣東北界廣西州彌勒縣西北界元江州新平縣自治至 京師六千三百七十五里凡領州三縣五長官司五

建水縣 附郭北經三十三度三十分  
 石屏州 在府西八十里北經三十三度三十分  
 阿迷州 在府西一百二十里北經三十三度三十分  
 甯州 在府北九十里北經三十三度三十分  
 通海縣 在府東一百二十里北經三十三度三十分  
 河西縣 在府西一百二十里北經三十三度三十分  
 增峨縣 在府西一百二十里北經三十三度三十分  
 蒙自縣 在府西一百二十里北經三十三度三十分  
 虧容甸長官司 在府西一百二十里北經三十三度三十分  
 納樓茶甸長官司 在府西一百二十里北經三十三度三十分  
 落恐甸長官司 在府西一百二十里北經三十三度三十分  
 左能寨長官司 在府西一百二十里北經三十三度三十分  
 思陀甸長官司 在府西一百二十里北經三十三度三十分

光緒十三年中法續議商務專條允開蒙自縣為商埠  
 滇越鐵路由開化府之文山入經蒙自阿迷甯州北入澂江府之路南州  
 臣謹案臨安府叢山之中川橫澤滿田疇增闢華戎雜居南服維屏西鄰  
 巨測禮社江由元江州西來至蒙自為梨花江經八洒河口入越南之勞  
 開又稱富良江南連海防暢通舟楫今滇越鐵軌即依此水敷設蒙自商  
 埠分關三一在蠻耗一在馬白一在河口門戶洞開矣東距蒙自六十里  
 之箇舊有錫礦七十二處自箇舊至壁色寨有箇壁鐵路與滇越路銜接  
 運輸錫料年產額約三千噸境內更有火山火井溫泉此炎微之特殊也  
 大理府在省治西北八百四十里東界楚雄府姚州西踰高黎貢山恩梅開  
 河界怒夷野人山南界蒙化廳北界麗江府鶴慶劍川二州東南界楚雄府  
 鎮南州西南界永昌府永平縣東北界永北廳西北界麗江府維西廳自治  
 治至 京師六千八百二十五里凡領州四縣三長官司一  
 太和縣 附郭北經二十六度八分  
 趙州 在府東五十八里北經二十五度三十分  
 雲南縣 在府東一百一十五里北經二十五度三十分  
 鄧川州 在府北九十里北經二十五度三十分  
 浪穹縣 在府北一百二十里北經二十五度三十分  
 賓川州 在府北一百二十里北經二十五度三十分  
 雲龍州 在府北一百二十里北經二十五度三十分  
 十二關長官司 在府北一百二十里北經二十五度三十分  
 臣謹案府境為漢益州郡所屬葉榆雲南二縣地諸葛征蠻兵威亦曾及  
 此隋唐之際哀牢烏蠻之別種六詔分居六詔夷言六王也在府境者三  
 曰浪穹曰賓川曰浪穹今浪穹縣地曰賓川今賓川縣地曰賓川今賓川縣地  
 河蠻居西洱海旁築太和城并六詔為一朝廷册封雲南王天寶初子  
 閣強盛逐洱河蠻徙居太和城并六詔為一朝廷册封雲南王天寶初子  
 合羅鳳嗣王守臣激變遂叛唐鮮于仲通李宓先後討之皆敗北陷備州

降於吐蕃自稱大蒙國代宗大歷末孫異牟尋立分兵入寇印蜀驕然再徙都羊咀咩城今府吐蕃徵賦重貞元中復降唐封南詔王三傳至晟豐祐大和三年復叛大中十三年改稱大禮國咸通中屢為寇攻成都節度使高駢禦卻之搆和結盟前後二百四十餘年其臣鄭楊趙等相繼竄奪五代至宋為段氏大理國政和中封段和譽為大理王南宋理宗時蒙古兵由金沙江番地破滅大理遂平滇南段氏有國亦三百餘年矣其關繫之巨如此元雖設軍民府仍令段氏世襲前明乃改土歸流 本朝咸豐六年逆回社文秀踞此作亂毒流全省至同治十一年戡定元氣凋殘迄今未蘇也

楚雄府在省治西四百二十里東界雲南府祿豐縣西界蒙化廳南至元江州新平縣北界永北廳東南界臨安府峨嵋縣西南界景東廳東北界武定州元謀縣及四川雷遠府會理州西北界大理府賓川州自府治至 京師六千四百有五里凡領州三縣四

楚雄縣附郭有土縣北緯二十五度西經七十四度四十五分  
 鎮南州在府西北緯二十度西經七十四度四十五分  
 南安州在府西北緯二十度西經七十四度四十五分  
 姚州在府西北緯二十度西經七十四度四十五分  
 大姚縣在府西北緯二十度西經七十四度四十五分  
 廣通縣在府西北緯二十度西經七十四度四十五分  
 定遠縣在府西北緯二十度西經七十四度四十五分  
 附鹽井提舉司  
 直隸黑鹽井提舉司在楚雄府東北緯二十五度西經七十四度四十五分  
 直隸現鹽井提舉司在楚雄府東北緯二十五度西經七十四度四十五分  
 直隸白鹽井提舉司在楚雄府東北緯二十五度西經七十四度四十五分

改直隸提舉司北緯二十五度西經七十四度四十五分  
 臣謹案楚雄府於漢為弄棟青蛉二縣南境仍由弄棟白蠻等雜居之後有西爨之酋威楚築城峨碌山南因名威楚唐初內附置傍望等羈縻州別置姚州都督府天寶之季沒於南詔置銀生弄棟二府段氏大理國時改威楚郡及姚州元立威楚姚安二路明初改楚雄姚安二府 國朝乾隆中降姚安為姚州并入楚雄而府境彌廣北指越嶲西瞰洱海東向滇池南拊哀牢握全省之中樞當四達之衝要况賦土肥沃銀鹽井其利又饒誠雄郡也

永昌府在省治西一千三百一十五里東界順甯府順甯縣西出神護關南至孟定均界緬甸北界大理府雲龍州東南界順甯府緬甯廳西南至蠻葛界緬甸東北界大理府太和縣西北出馬面關至片馬界怒夷自府治至京師七千三百里舊領廳一州一縣二土府一土州二長官司二宣撫司五安撫司三嘉慶二十五年升改騰越州為直隸廳道光二年復降為散廳光緒二十年以移屬順甯府之孟連長官司還隸凡領廳二縣二土府一土州二宣撫司正四副二安撫司三長官司一

保山縣附郭北緯二十五度西經七十四度四十五分  
 永平縣在府西北緯二十五度西經七十四度四十五分  
 騰越廳在府西北緯二十五度西經七十四度四十五分  
 龍陵廳在府西北緯二十五度西經七十四度四十五分  
 孟定土府在府西北緯二十五度西經七十四度四十五分  
 鎮康土州在府西北緯二十五度西經七十四度四十五分  
 灣甸土州在府西北緯二十五度西經七十四度四十五分  
 南甸宣撫司在府西北緯二十五度西經七十四度四十五分  
 干崖宣撫司在府西北緯二十五度西經七十四度四十五分  
 隴川宣撫司在府西北緯二十五度西經七十四度四十五分  
 蓋達副宣撫司在府西北緯二十五度西經七十四度四十五分

猛卯安撫司 在府西南六百里北緯二十三度五十三分西經八十八度二分  
戶撒長官司 在府西南九十里北緯二十四度十分西經八十八度十分  
臘撒長官司 在府西南八十里北緯二十四度十分西經八十八度十分

遮放副宣撫司 在府西南七百里北緯二十四度十分西經八十八度十分  
芒市安撫司 在府西南三百二十里北緯二十四度十分西經八十八度十分  
潞江安撫司 在府西南三百二十里北緯二十四度十分西經八十八度十分

孟連宣撫司 在府西南三百二十里北緯二十四度十分西經八十八度十分  
光緒二十三年中英續議緬甸條約開騰越為商埠

臣謹案永昌為哀牢舊邦不韋古縣大理扼其後木邦互其前高黎貢山  
雄枕中央怒江瀾滄長流南逝土蠻八種保塞錯居關若十重沿邊拱衛

自擇緬云亡邊患始亟騰越尤為衝要開埠設關並設分關於蠻允弄璋  
沿大盈江西南至八莫新街為水陸巨鎮光緒甲午以後議約含糊英兵

越緬界東侵我所遺分界文武官味於掌故畏葸盲從於是木邦孟密孟  
養孟連茶山登梗等大小土司及漢龍天馬虎踞鐵壁四關附近之地九

十餘萬方里盡淪於英且擬築滇緬路直達昆明謀國者將何以禦之哉  
順甯府在省治西南一千一百五十里東界景東廳西界永昌府鎮康灣甸

二土州南界鎮邊廳北界永昌府永平縣東南界普洱府威遠廳西南界孟  
定木邦舊土司東北界蒙化廳西北界永昌府保山縣自府治至 京師七

千一百三十五里舊領廳州縣宣撫司各一土司二光緒二十年孟連長官  
司還屬永昌凡領廳一州一縣一宣撫司一土司一

順甯縣 在府西南七百里北緯二十四度十分西經八十八度十分  
雲州 在府西南三百二十里北緯二十四度十分西經八十八度十分

緬甯廳 在府西南三百二十里北緯二十四度十分西經八十八度十分  
耿馬宣撫司 在府西南三百二十里北緯二十四度十分西經八十八度十分

八改鎮府北緯二十三度三十分西經八十八度三十分  
猛猛土巡檢 在府西南三百二十里北緯二十四度十分西經八十八度十分

臣謹案順甯府舊為蒲蠻所居即商周時之濮人後世作契契音近白途  
訛為白夷或稱擺夷本府地一名慶甸蜀漢孟獲曾遁此者也隋唐及宋

棄於蒙段元代內附始置順甯府其東北瀾滄江中寶峰山江干三台山  
尤險峻明洪武二十年詔沐英築壘置戍以備平緬萬歷初緬夷為寇深

入郡境今緬折於英則邊塞之防禦宜密矣  
麗江府在省治西北一千二百四十里東界永北廳西踰恩梅開江至江心

坡界球夷野人山南界大理府鄧州北界川邊西康所屬巴安府三壩廳  
定鄉得榮二縣東南界大理府賓州西南界大理府雲龍州東北界西康

稻成縣毛茂了土司地西北界西康鹽井縣雜瑜番地自府治至 京師七  
千二百二十五里凡領廳二州二縣一

麗江縣 在府西南三百二十里北緯二十四度十分西經八十八度十分  
鶴慶州 在府西南三百二十里北緯二十四度十分西經八十八度十分

劍川州 在府西南三百二十里北緯二十四度十分西經八十八度十分  
維西廳 在府西南三百二十里北緯二十四度十分西經八十八度十分

中甸廳 在府西南三百二十里北緯二十四度十分西經八十八度十分  
臣謹案麗江府漢唐地隋唐烏蠻之種歷些二部居此謂之越析詔亦

稱花馬國以其西境為羅波九賒漢盧諸族後并屬南詔置麗  
水劍川二節度及謀統 瀾滄州 二郡天寶以後南詔曾降吐蕃於

是蕃將關入置鐵橋節度使 貞元中西川帥章阜約南詔共擊逐  
吐蕃於雲嶺之外取鐵橋十六城宋仍為麼些漢繹諸蠻古由番地南

垂涎康藏吞食怒球西顧之憂詎可釋乎

武定州在省治西北一百八十里東界曲靖府尋甸州西界楚雄府黑鹽井南界雲南府羅次縣北界四川甯遠府會理州東南界雲南府富民縣西南界楚雄府定遠縣東北界東川府會澤縣西北界楚雄府大姚縣自府治至京師六千一百六十五里凡領縣二

武定州 北緯三十三度五十七分西經一百零九度五十七分

元謀縣 在州西八分西經一百零九度五十七分

祿勸縣 在州東北二十四分西經一百零九度五十七分

臣謹案武定州當金沙江曲之南華戎雜居耕牧咸利顧祖禹謂諸葛亮

五月渡瀘駐節於此地接昆明且暮可達蜀境之險州實共之唐初目為

松外諸蠻梁建方以奇兵由儋州而南收降東洱西洱此滇蜀間行軍捷

徑也其後服屬南詔大理白蠻烏蠻相繼居之又以其遠祖之名稱為羅

婺部發一作武是以元改武定路明嘉靖以後土知府鳳氏屢叛攻陷旁

縣隆慶初改土歸流 本朝咸同間為叛回竄陷同治八年始告肅清地

雖小而險可憑矣

廣西州在省治東南四百里東界廣西泗城府西隆州西界臨安府甯州南

界開化府文山縣北界曲靖府陸涼州東南界廣南府寶甯縣西南界臨安

府阿迷州東北界曲靖府羅平州西北界澂江府路南州自州治至 京師

五千五百五十里舊領縣二道光二十年增邱北縣凡領縣三

廣西州 北緯二十四度三十九分西經一百零九度五十七分

師宗縣 在州北八十里北緯二十四度三十九分

彌勒縣 在州西九十里西經一百零九度五十七分

邱北縣 在州東南二百九十里北緯二十四度三十九分西經一百零九度五十七分

臣謹案廣西州唐時東蠻烏蠻所居厥後師宗彌勒諸部最强歷蒙氏段

氏皆不能制元初內附立廣西路明改土府夷種名種時改前明有沙蠻

黑蠻焚掠擺五種大率犷悍今則統稱為苗而已彌勒東南花園村堡寨數十為開化府孔道咸豐六年回賊占為巨藪同治六年始陸續攻克此盤江之險要斯州之大事也

元江州在省治西南五百二十里東界臨安府石屏州西界鎮沅廳南至李

仙江界臨安府邊徽整發土番地北及西北界楚雄府南安州東南界臨安

府落恐思陀各土司西南界普洱府他郎思茅二廳東北界臨安府增峨縣

自治治至 京師六千五百有五里凡領縣一土司二

元江州 北緯二十三度三十九分西經一百零九度五十七分

新平縣 在州北二十四分西經一百零九度五十七分

猛龍土司 在州北二十四分西經一百零九度五十七分

補哈土司 在州北二十四分西經一百零九度五十七分

臣謹案元江州雙蠻舊土猛甸故關禮社互於中李仙繞其外幅員雖小

農圃尚宜五穀再登四時恆煥山深瘴重未易衛生東北有魯奎山橫跨

新平石屏嶺峨楚雄各州縣處數百里高峻險僻大頭裸羅據為巢穴

凶狠劫掠而漢人無賴者亦以為通逃藪允宜除害興利設官闢荒其猛

龍補哈越在普洱徵外光緒二十年英人曾索取之矣

鎮沅廳在省治西南九百十里東界元江州新平縣西及北界景東廳南及

西南界普洱府威遠廳東南界普洱府他郎廳東北界楚雄府南安州自廳

治至 京師六千八百九十五里原為直隸州領縣一道光二十年改為直

隸廳並省所屬思樂縣入之 北緯二十三度三十九分西經一百零九度五十七分

臣謹案鎮沅廳自唐逮宋為濮洛雜蠻金齒獠夷先後占居元代內附僅

以土寨遙隸於威遠州我 朝承明制為鎮沅土府及祿谷者樂二土司

雍正初於者樂置恩樂縣迭經更張如今制山有馬容鳥連水有把邊猛

統亦州之形勝所關也境內鹽井六處皆領於案板大使云

永北廳在省治西北一千有四十里東界四川甯遠府鹽源縣西界麗江府

鶴慶州南界楚雄府白鹽井北踰喇不山界川邊毛茂了土司東南界楚雄



府大姚縣西南界大理府賓川州東北界甯遠府後所司西北至卜羅村無量河界麗江府中甸廳自廳治至 京師七千有二十五里原領土府 土州三土舍一道光十九年改葺漢土舍為土州以北勝土州改設榮坪縣凡領縣一土府一土州三

永北廳 北緯二十六度四十三分西經十五度三十一分 明北勝州 北緯二十六度四十三分西經十五度三十一分 改廳

榮坪縣 在廳北四十里本廳華莊經縣駐光緒三十四年改縣並以北勝土州及土州同地分屬之北緯二十六度五十七分西經十五度二分

永甯土府 在廳北四十五里北緯二十七度四十七分西經十五度二分 明永樂初升府

順州土州 在廳北四十五里北緯二十七度四十七分西經十五度二分 明永樂初升府

南瀾土州 在廳北四十五里北緯二十七度四十七分西經十五度二分 明永樂初升府

濱漢土州 在廳北四十五里北緯二十七度四十七分西經十五度二分 明永樂初升府

臣謹案廳境在雅籠打沖之外當金沙無量之東南憑鐵鎖營北阻喇不山實滇徼之藩籬亦建昌之唇齒也明洪武中傅友德自鄧川州過金沙江攻北勝州擒偽平章高生此役由大理東北行兵事隨機不拘故撤矣其民在唐為白蠻羅落麼些冬門尋丁峨昌七種又號劍羌元史謂之鐵橋北施蠻近世猶存麼些之名亦有稱攞攞稱裸洛者金沙之濱又有西番雖皆馴伏而撫馭殊難也

蒙化廳在省治西八百二十里東界大理府雲南縣西界永昌府永平縣南界順甯府雲州北及東北界大理府趙州東南界景東廳西南界順甯府順甯縣西北界大理府太和縣自廳治至 京師六千八百有五里 北緯二十五度五十七分西經七十五度五十七分

臣謹案蒙化廳北枕三臺東時天馬西繞漾澤南限瀾滄唐初屬蒙舍詔為六詔之最南者南詔之名肇於此後遷太和以此為舊都蜀漢諸葛明初沐英皆曾用兵焉元置蒙化土府歷明及 國朝因之雍正初裁楚雄府之定邊縣以其地來屬乾隆中罷府為廳仍轄土知府一土縣丞一

景東廳在省治西南八百四十五里東界楚雄府南安州鄂嘉州西界順甯府雲州南及東南界鎮沅廳北及西北界蒙化廳東北界楚雄府鎮南州西南界普洱府威遠廳及順甯府緬甯廳自廳治至 京師六千八百二十五里 北緯二十四度二十九分西經十五度二十五分

臣謹案景東廳自古為樸和泥蠻所居窮荒遐隔雖有莊躋之王滇池諸葛之定益州皆未嘗躬履其地唐時南詔蒙氏立銀生府為金齒蠻所陷遷府於威元初歸附設開南州明改景東府以土酋世襲賜姓陶並有王知事姜姓保甸三岔河兩土巡檢陶及楊板橋土驛丞雲皆初世弗替本朝康熙初置流官同知管轄各土司南有景蘭關北有安定關為守禦之所

鎮邊廳在省治西南一千三百四十里東界普洱府思茅廳西界木邦舊宣慰司南界孟良土府北界順甯府順甯縣猛猛土巡檢東南界車里舊宣慰司西南界猛連宜撫司東北界普洱府威遠廳西北界孟定土府自廳治至 京師七千三百二十五里 北緯二十二度四十分西經十六度四十分

臣謹案廳境舊屬順甯府緬甯廳土蠻所居光緒十三年析裸黑族及孟連猛猛二土司上改心下改心等地置鎮邊撫夷同知治猛朗壩雖瘴鄉僻遠亦瀾滄江外之屏蔽也昆連諸土司與緬甸相錯多為英人脅服斯廳成孤立之勢然在我鄙為石田在人覲為外府南汀南板兩河開甌脫敵騎縱橫詎可甘心斧鑿罔計珠還乎

又案滇緬疆場時有變遷乾隆之初西自孟拱孟養蠻暮三土司南自孟良木邦孟密三土司皆入版圖可稱之為老界自傳恆征緬以後六土司潛為緬酋誘併中國以緬為藩屬不復過問於是見屬騰越之南甸隴川孟卯干崖蓬蓬屬龍陵之遮放芒市等土司屬普洱之車里十三猛土司為界西及大金沙江而止可稱之為新界自咸同開滇回粉亂緬酋貳心旋淪於英乘虛侵蝕邊務轉轄於焉而起後由曾紀澤薛福成等迭與爭論乃有九緒十二年及二十年之滇緬條約被侵之地雖允歸我然

已少有蹙縮迨二十三年續約成立西南界綫展至太平江岸薛福成所  
爭還之木邦科干昔馬等地皆沒於彼勘界官總兵劉萬勝道員陳燦石  
銘勳等不諳地理復因會勘而失尖高山池西池南各地計喪滇灘關外  
地四百餘里太平江西岸溯洗帕河至噴干幕西一帶騰越所屬木邦孟  
密孟養南坎猛谷遮蘭諸土司地數千里而自洗帕河溯太平江至古里  
憂精倫土司地數百里自噴干退入猛卡練山之北三百餘里自幕西至  
南坎河猛卯隴川兩土司地四百餘里自洗帕河至紅蚌河下沱里麻猛  
弄猛老地一千四五百里及孟連麻里壩猛供蠻舊壤共千餘里概爲  
英得綜計可九十餘萬方里而天馬漢龍虎踞三關之險亦相連失陷誠  
可慨已其北段自北緯二十五度三十五分迤北之地會勘未定遂釀今  
日強占怒夷片馬江心坡之舉善後之圖正大費事滇越界務糾紛雖不  
似滇緬之甚然光緒二十一年中法續議滇越界務專約舉猛烏烏得之  
地以與法因此引起滇緬之交涉華府會議法人允反江洪亦徒託空言  
皆我所宜知也

皇朝續文獻通考卷三百二十六

與地考二十二 貴州省

臣謹案貴州亦稱黔省而黔名之由來實不在貴州秦始置黔中郡為今湖南常德辰州也僅貴東銅仁石阡思南諸府為黔郡西鄙耳唐之黔州在今四川彭水縣或以貴州為古夜郎國而夜郎故墟亦不在貴州據史記正義其國在瀘州大江南協州曲州地則今雲南曲靖府也惟夜郎甚大今貴西大定興義安順諸府亦夜郎之東南陸耳唐有三夜郎縣一為萊州所治今龍泉縣西北也皆屬用舊名不加深考漢武置牂牁郡在思南道貴州府正安州西南也一屬夷州今石阡府漢武置牂牁郡在思南道貴州府正安州西南也一屬夷州今石阡府雖有守令未革蠻風蜀漢以蠻酋濟火助禽孟獲封羅甸國王晉永嘉以後聲教弗訖唐置夷播等羈縻州居此者為虛鹿部五代及宋為羅施鬼國元明始疆理之遂成西南要區左衛沅辰右臨滇洱後通巴蜀前控柳潯險巖叢管蠻獠淵藪上游貴陽以西多獐苗下游貴東多狃苗青苗服食語言自為風氣來仕者目之曰苗疆苗性固頑而土司魚肉苗民幾無人理 本朝雍乾以後陸續改土歸流出之水火以登祚席論者謂山雲貴廣西總督鄂爾泰之冊議實山康熙四十二年征湖南叛苗時早有平其巢穴郡縣其地之 諭鄂爾泰奉行 廟算獨能權衡緩急因時變通有足多者然治法賴有治人鄂爾泰去任將吏以苛政激變者有之乾隆初尚書楊名時疏請棄地與苗則因噎廢食矣天下無無弊之政但得廉能之吏即可耕鑿相安惟山多田寡土瘠人貧黠者不肯安分墨吏劣弁平日視苗如犬馬有事畏苗如虎狼奚能帖服咸豐之初粵西金田寇熾滇南花門蠢動於是貴州台拱黃平秀苗乘機跳踉旬燭燎原勞師糜帑至同治十一年始克戡平覆轍在前允宜懲毖牧令果賢勝甲兵十萬詎虛語哉

北至四川酉陽州界西北至四川敘永廳瀘州界在 京師西南四千八百三十里舊領府十三直隸廳一嘉慶二年升銅仁府之松桃廳為直隸三年降平越府為直隸州十四年升興義府之普安州為直隸十六年改直隸廳光緒三十四年降改仁懷普安兩直隸廳為散廳凡領府十二直隸廳一直隸州一散廳十三散州十三縣三十三  
貴陽府為省治東界都勻府麻哈州西界安順府清鎮縣南界廣西泗城府凌雲縣北界遵義府遵義縣東南界都勻府獨山州西南界興義府貞豐州東北界平越州西北界大定府黔西州自府治至 京師四千八百三十里舊領廳一州三縣四長官司二十四光緒七年改長寨廳同知為州判屬廣順增羅斛廳同知凡領廳一州三縣四長官司二十四  
貴筑縣 附郭北緯二十六度五十分 西經九十九度五十分  
龍里縣 在府東五里北緯二十七度十分 西經九十九度五十分  
貴定縣 在府西九里北緯二十七度十分 西經九十九度五十分  
修文縣 在府西四里北緯二十七度十分 西經九十九度五十分  
開州 在府西五里北緯二十七度十分 西經九十九度五十分  
定番州 在府西九里北緯二十七度十分 西經九十九度五十分  
廣順州 在府西十五里北緯二十七度十分 西經九十九度五十分  
羅斛廳 在府西二十五里北緯二十七度十分 西經九十九度五十分  
中曹長官司 在府西二十五里北緯二十七度十分 西經九十九度五十分  
白納正副長官司 在府西二十五里北緯二十七度十分 西經九十九度五十分  
養龍長官司 在府西二十五里北緯二十七度十分 西經九十九度五十分  
大谷龍長官司 在府西二十五里北緯二十七度十分 西經九十九度五十分  
羊場長官司 在府西二十五里北緯二十七度十分 西經九十九度五十分  
新添長官司 在府西二十五里北緯二十七度十分 西經九十九度五十分  
平伐長官司 在府西二十五里北緯二十七度十分 西經九十九度五十分  
大平伐長官司 在府西二十五里北緯二十七度十分 西經九十九度五十分

小平伐長官司 在貴定縣西南五里北緯二十七度二分  
 底寨正副長官司 在修文縣西北五里北緯二十九度二分  
 乖西正副長官司 在開州西五里北緯二十九度二分  
 程番長官司 在定番州東六分西五里北緯二十九度二分  
 小程番長官司 在定番州西五里北緯二十九度二分  
 金石番長官司 在定番州西九里北緯二十九度二分  
 大龍番長官司 在定番州西九里北緯二十九度二分  
 小龍番長官司 在定番州西九里北緯二十九度二分  
 方番長官司 在定番州西九里北緯二十九度二分  
 臥龍番長官司 在定番州西九里北緯二十九度二分  
 羅番長官司 在定番州西九里北緯二十九度二分  
 盧番長官司 在定番州西九里北緯二十九度二分  
 草番長官司 在定番州西九里北緯二十九度二分  
 上馬橋長官司 在定番州西九里北緯二十九度二分  
 木瓜正副長官司 在定番州西九里北緯二十九度二分  
 麻橋長官司 在定番州西九里北緯二十九度二分

臣謹案貴陽府獅子山踞其東陸廣河環其右南瞰富水北枕貴山明天  
 啟初水西土目安邦彥叛進據獅子山及陸廣河以困會城撫臣王三善  
 昧於地利先勝後敗遂以身殉狂寇肆擾湘沅善後朱燮元親督川湖  
 雲貴廣五省之軍圍攻其巢穴大方城始克討平亦劇禍也籌邊者宜鑒  
 之所屬苗人有宋家蔡家龍家仲家楊保波籠八番犴獠白青花東西等  
 十餘族馴悍不同撫馭非易

玉屏縣 在府南一百里北緯四十一度七分  
 清溪縣 在府南少西九十里北緯四十一度二分  
 都坪正副長官司 在府南少西九十里北緯四十一度二分  
 都素正副長官司 在府北九十里北緯四十二度二分  
 施溪長官司 在府北九十里北緯四十二度二分  
 黃道溪正副長官司 在府北九十里北緯四十二度二分

臣謹案唐改務州為思州在今四川彭水縣境然土酋田氏仍世據之南  
 宋徙治務州縣廢改無恆元置思州安撫司徙治龍泉又徙清江斯為今  
 地改故思州為思南於是思州分為二明永樂中二田兵爭因廢宣慰司  
 改思州府築城於龍洞溪旁左控沅芷右達偏橋北阻黃崖南憑灘水疆  
 域雖小亦黔楚咽喉也清溪縣東雞鳴關倚崖臨水路僅一綫關前有戟  
 劍旗鼓諸山皆天險塙守玉屏縣為由湘沅入境首衝縣東三十里鮎魚  
 鋪東山坡立碑大書楚黔界址其水道自鎮遠而下可泛舟東抵沅州云  
 石阡府在省治東北四百八十里東界銅仁府銅仁縣西界平越州湄潭縣  
 南界鎮遠府施秉縣北及東北界思南府安化縣東南界思州府西南界平  
 越州餘慶縣西北界遵義府正安州自府治至 京師四千四百五十里凡  
 領縣一

石阡府 北緯二十七度三十分西經八十九度三十分  
 龍泉縣 在府西二百五十八里北緯二十七度三十分西經八十九度三十分

臣謹案石阡府漢牂牁郡晉夜郎郡東境唐屬思州後仍為蠻族所據元  
 置石阡龍泉葛彭等長官司明改為府縣烏江龍底二水交流石牛金雞  
 羣山環抱郡城南有秋滿洞高峻凌空洞門開敞洞後石泉長流灌田明  
 正統間苗亂民避入洞賊守洞口人從洞後逸出皆得免郡有李太白祠  
 通志謂天寶中李白謫夜郎經此一統志謂白實未至夜郎觀其詩云傳  
 聞赦書至却放夜郎回又云昔去三湘遠今還萬死餘蓋白派三湘將上  
 夜郎聞命而還也然此說未確白有秋浦憶舊詩三載夜郎還於茲鍊筋

骨又有烏江別宗瑋詩則白寓夜郎殊久矣

黎平府在省治東八百七十五里東界湖南靖州通道縣西界都勻府丹江廳南界廣西柳州府融縣羅城縣北界鎮遠府天柱縣東南界廣西柳州府懷遠縣西南界廣西慶遠府思恩縣東北界湖南靖州會同縣西北界鎮遠府清江廳自府治至 京師四千七百一里舊領廳一縣三長官司十乾隆三十五年增下江廳道光十二年降錦屏縣為鄉以屬開泰凡領廳二縣二長官司十

開泰縣 附北緯二十六度三十分

永從縣 在府南六十里北緯二十五度五十分

古州廳 在府西一百八十里北緯二十五度五十分

下江廳 在府西南八十里北緯二十五度五十分

洪州泊里正副長官司 在府西七十里北緯二十六度

潭溪正副長官司 在府北四十六里北緯二十六度

新化蠻夷長官司 在府北六十七里北緯二十六度

古州長官司 在府北八十里北緯二十六度

龍里長官司 在府北八十里北緯二十六度

中林長官司 在府北八十里北緯二十六度

八舟長官司 在府北八十里北緯二十六度

歐陽正副長官司 在府北八十里北緯二十六度

亮寨長官司 在府北八十里北緯二十六度

湖耳正副長官司 在府北八十里北緯二十六度

臣謹案黎平府鐵爐銅鼓東扼靖州之衝高表八開西控都勻之徑南趨

柳慶則雙江丙妹樹之防北走玉屏則烏水清江為之限餘若古州洪州

中潮江口等處苗洞林立守備宜嚴又有龍標山在府城西北龍里司之

東北唐王昌齡以汜水丞左遷龍標尉李白贈詩有隨風直到夜郎西之

句

思南府在省治東北六百四十里東及東南界銅仁府銅仁縣西及西北界遵義府正安州南界石阡府北界四川酉陽州彭水縣西南界石阡府龍泉縣東北界松桃廳及四川酉陽州自府治至 京師四千一百七十里凡領縣三長官司三

思南府 北緯二十七度五十分

安化縣 在府北七十里北緯二十七度五十分

婺川縣 在府西北四十二里北緯二十七度五十分

印江縣 在府西四十二里北緯二十七度五十分

蠻夷正副長官司 在府西四十二里北緯二十七度五十分

朗溪正副長官司 在府西四十二里北緯二十七度五十分

沿河祐溪副長官司 在府西四十二里北緯二十七度五十分

臣謹案思南府自唐迄宋元均稱思州但以土官田氏世領之明初分其

南土別置思州尋田氏不法革除以此為思南府襟帶梓播層齒涪湘美

蓉關扼其南荆竹山負其北印水環其左羅溪互其西而烏江特長自石

阡流入逕鮎魚峽繞府治北歷獅吡虎口諸灘縱貫府境三百餘里多頑

石急湍至翼灘入四川彭水縣亦謂之黔江雖勉通輕舟閒有險處不可

行時須登陸轉般運輸猶滯也

銅仁府在省治東北六百六十里東界湖南沅州府麻陽縣西界思南府三

角塘南界湖南晃州廳北界松桃廳東南界沅州府芷江縣西南界思州府

白崖溪東北界湖南鳳凰廳西北界思南府印江縣自府治至 京師四千

五百四十五里舊領廳一縣一長官司四嘉慶二年升松桃廳為直隸以烏

羅平頭二長官司屬之凡領縣一長官司二

銅仁府 北緯二十七度三十分

銅仁縣 在府北七十里北緯二十七度三十分

省溪正副長官司 在府北七十里北緯二十七度三十分

提溪正副長官司 在府北七十里北緯二十七度三十分

臣謹案銅仁府城踞銅崖之東北雙江渡上相傳漁者於水中得銅像三  
因以名地黑檀張岩衛其東提溪河口蔽其右朝陽天生時其北獅子大  
萬環其南皆成守之要區也府西北梵淨山一名九龍山高逾千仞有巖  
壑九十九古刹六遊者比之匡廬雁蕩然近世竟淪為盜窟咸同間土客  
各匪占據甚久此山介於銅仁思南松桃思州四府廳縣間道並通湘蜀  
旋刻六百餘里四出焚掠此攻彼竄光緒五年黔撫岑毓英令各屬堅壁  
清野親督諸將分道進剿六年夏始蕩平焉

松桃廳在省治東北八百二十里東界湖南乾州廳西界思南府印江縣南  
及西南界銅仁府銅仁縣北界四川酉陽州秀山縣東南界湖南鳳凰廳東  
北界湖南永綏廳西北界思南府安化縣自廳治至 京師五千一百二十  
里本屬銅仁府嘉慶二年升凡領長官司二

松桃廳 北緯二十八度十分 西經七度三十分  
烏羅正副長官司 在廳西一百里北緯二十八度十分 西經七度四十分  
平頭着可正副長官司 在廳西南七十里北緯二十八度十分 西經七度三十分

臣謹案松桃廳地極偏隘與蜀湘界連密箐危崖蠻苗錯雜明置烏羅府  
不久仍廢屬土司 本朝雍正初平紅苗始設同知並駐副將惟山藪藏  
疾狼子野心其東正大盤石二汛為堵禦乾風要衝其西苗匪烏羅為深  
入梵淨蹊徑皆光緒五六年兩省用兵駐營之地臨邊者宜弔戰場而籌  
隔戶也

鎮遠府在省治東四百五十五里東界思州府清溪縣西界平越州甕安縣  
南界都勻府丹江廳北界石阡府東南界黎平府開泰縣及湖南靖州西南  
界都勻府清平縣東北界思州府都素司西北界平越州餘慶縣自府治至  
京師四千三百七十五里舊領廳二縣三長官司二嘉慶三年以平越府  
之黃平州及巖門土司來隸凡領廳二州一縣三長官司三  
鎮遠縣 在府西八度三十分 北緯二十七度二  
施秉縣 在府西八度三十分 北緯二十七度二

天柱縣 在府東南九度十分 西經八度十分 北緯二十七度二  
黃平州 在府東十一度十分 西經八度十分 北緯二十七度二  
清江廳 在府西十三度十分 西經九度十分 北緯二十七度二  
台拱廳 在府南十四度十分 西經九度十分 北緯二十七度二  
印水長官司 在府東十六度十分 西經八度十分 北緯二十七度二  
偏橋正副長官司 在府西十七度十分 西經八度十分 北緯二十七度二  
巖門長官司 在府西十七度十分 西經八度十分 北緯二十七度二

臣謹案鎮遠府山國也北負石屏白羊城南阻思印巴邦岑嵒諸山左右  
橫亘如城郭澗清二川分流東邁下達沅晃劣通舟筏為湘滇驛道所必  
經黔東水陸之要害自唐以後皆蠻夷所宅府西六十里偏橋司亦咽喉  
重地明萬曆中播州叛酋據此劫掠鎮遠梗塞楚黔討平後特設偏橋巡  
撫以鎮壓之其形勢可知矣 國初并偏橋衛入施秉縣雍正中平九股  
生苗開置台拱清江二廳為郡右輔咸豐時台拱黃平苗首先發難蔓延  
全省亡羊補牢奚可忽歟

都勻府在省治東南二百四十里東界黎平府古州廳西界貴陽府貴定龍  
里二縣南界廣西慶遠府思恩縣南丹土州北界鎮遠府黃平州東南界黎  
平府下江廳西南界貴陽府羅斛廳東北界鎮遠府台拱廳西北界平越州  
自府治至 京師四千九百八十里凡領廳三州二縣三長官司七

都勻縣 在府北九度十分 西經九度十分 北緯二十七度二  
麻哈州 在府北十七度十分 西經九度十分 北緯二十七度二  
清平縣 在府北十七度十分 西經九度十分 北緯二十七度二  
獨山州 在府西十四度十分 西經九度十分 北緯二十七度二  
荔波縣 在府西十三度十分 西經九度十分 北緯二十七度二  
八寨廳 在府西十三度十分 西經九度十分 北緯二十七度二  
丹江廳 在府東八度十分 西經八度十分 北緯二十七度二  
都江廳 在府東八度十分 西經八度十分 北緯二十七度二

都勻正副長官司 在府南七里北九度二十分

邦水長官司 在府西二十里北九度二十分

樂平長官司 在府西八度二十分

平定長官司 在府西八度二十分

豐甯上長官司 在府西八度二十分

豐甯下長官司 在府西八度二十分

爛土長官司 在府西八度二十分

衛領七土司屬四川其南境屬廣西雖置荔波縣仍為黔粵間土司分據

縣令常寄治府城羣苗強悍宣德正統以後屢煩征討 本朝以漢土各

官悉隸貴州制馭較便丹都各廳東接古州雍正初開治二三千號為

新疆懷德畏威百年安堵咸豐四年獨山匪徒滋事五年清平丹江莠苗

與鎮遠台拱苗教各匪響應為亂府屬各邑相繼淪沒適值中原雲擾兵

單餉竭顧此失彼至同治七年以後始漸肅清而民生凋劫矣

安順府在省治西一百八十里東界貴陽府廣順州西界普安廳南界興義

府貞豐州北界大定府平遠州東南界貴陽府羅斛廳西南界興義府安南

縣東北界貴陽府修文縣西北界大定府水城廳自治至 京師五千有

一十里凡領廳二州三縣三長官司五

普定縣 在府西二十里北九度二十分

永甯州 在府西二十里北九度二十分

清鎮縣 在府西二十里北九度二十分

安平縣 在府西二十里北九度二十分

鎮甯州 在府西二十里北九度二十分

郎岱廳 在府西二十里北九度二十分

歸化廳 在府西二十里北九度二十分

項管長官司 在府西二十里北九度二十分

慕役長官司 在府西八度二十分

沙魯長官司 在府西八度二十分

西堡副長官司 在府西八度二十分

康佐副長官司 在府西八度二十分

臣謹案安順府金鰲山踞其左犀牛灘繞其西南以甯谷白水立之防北

有大壩三岔為之限唐宋為羅甸國普里部元時內附仍為焚蠻苗獯所

居明洪武十年吳復楊文二十四年傅友德藍玉沐英等先後攻下普定

諸岩分置府州衛所錄甯州西三十里之關索嶺亦古時戰爭之地建有

御書樓 聖祖書黔南鎮鎮四字曩者驛道經此其後陡坡崩陷雍正初

改由偏北白沙坡貫西出郎岱地形夷險固隨時更易貴州提督駐節府

城洵重鎮也

興義府在省治西南六百二十七里東界貴陽府羅斛廳西界雲南曲靖府

羅平州南及西南界廣西泗城府西隆州北界安順府永甯州東南界廣西

泗城府凌雲縣東北界安順府歸化廳西北界雲南平彝縣自治至 京

師五千四百五十七里原名南籠府領州二縣二嘉慶二年改今名三年增

興義縣十四年升普安州為直隸州十六年改直隸廳光緒三十四年降改

普安直隸廳為盤州廳仍屬府凡領廳一州一縣三

興義府 在府西二十里北九度二十分

興義縣 在府西二十里北九度二十分

貞豐州 在府西二十里北九度二十分

普安縣 在府西二十里北九度二十分

安南縣 在府西二十里北九度二十分

盤州廳 在府西二十里北九度二十分

臣謹案興義府東繞盤江鐵橋懸渡西憑分水石象前橫路扼滇粵之衝

洞著碧雲之勝雖溪壑明秀而蠻夷雜居布化綏邊郡守與協鎮所宜殫

心負責也

大定府在省治西北三百三十五里東界貴陽府修文縣及養龍土司西界雲南東川府巧家廳南界安順府鎮寧州北界四川敘永廳永寧縣東南界安順府安平縣西南界盤州廳及雲南曲靖府宣威州東北界遵義府仁懷縣西北界雲南昭通府恩安縣鎮雄州自府治至 京師五千一百六十五里凡領廳一州三縣一

大定府 北緯二十七度四分 西經八十五度五分

平遠州 在府南八十里 北緯二十四度四分 西經九十九度四分

黔西州 在府西九十里 北緯三十二度四分 西經九十九度四分

威甯州 在府西四百里 北緯二十二度四分 西經九十九度四分

畢節縣 在府西四百里 北緯二十二度四分 西經九十九度四分

水城廳 在府西四百里 北緯二十二度四分 西經九十九度四分

臣謹案大定府漢牂牁郡邊地諸葛亮南征夷酋濟火通道餉軍有功表封為羅甸國王而大定疆半屬之其俗尚鬼故唐人目為鬼主隋唐雖暫

置州牧而不黜夷酋之王位事權宋初封普貴為王濟火之三十五世孫也元平九溪十八洞分立順元路今府治及烏撒路今威 兩宣慰司明初

廢屬貴州宣慰司別置烏撒府屬四川而普貴之裔安氏襲宣慰職世居水西城今黔西 役屬諸部最為強盛天啟中水西土目安邦彥挾其幼主

以叛蹂躪滇黔屢煩大兵崇禎二年始擊降之 國朝康熙初安氏復叛討平削秩置威甯黔西大定平遠四府尋降三府為州隸威甯府雍正初

復置大定府降威甯為州今府境烏江繞其前赤水阻其後西扼七星關明大將傅友德自曲靖進兵者也東達六廣汛巡撫王三善所棄師者也

弔古之餘宜知設險矣

平越州在省治東北一百九十里東界鎮遠府黃平州西界貴陽府開州南界都勻府麻哈州北界遵義府綏陽縣東南界都勻府清平縣西南界貴陽府貴定縣東北界石阡府龍泉縣西北界遵義府遵義縣自州治至 京師

四千六百四十里原為府領州一縣四長官司二嘉慶三年降為直隸州並省平越縣以黃平州及巖門土司改隸鎮遠府凡領縣三長官司一

平越州 北緯二十六度五分 西經九十九度五分

甕安縣 在州北七十里 北緯二十八度五分 西經九十九度五分

湄潭縣 在州東四十五里 北緯二十九度五分 西經九十九度五分

餘慶縣 在州東九十里 北緯二十九度五分 西經九十九度五分

楊義長官司 在州東南三十里 北緯二十九度五分 西經九十九度五分

臣謹案平越州漢牂牁郡且蘭縣唐宋為羈縻蠻部元稱平月司明改月為越東阻白泥有土司紫霄山西瓦冷溪清水明安邦蓋國貴陽通德王

南倚穀芒名楊老有土司北扼土坪從義故壘天邦屯名萬曆時叛官軍於此皆

戰守險要也州西南魚梁水東北流會南來之麻哈江又東為重安江即沅江上游通湘西之徑路也麻哈江上流山高水深昔日懸絕以渡沈溺

者多萬歷中邑人葛鏡毀家建橋三載乃成郡人德之稱為葛鏡橋 本朝康熙初重修並砌牆百餘丈以為衛往來稱便利云

遵義府在省治東北二百八十里東界平越州湄潭縣西界四川敘永廳南界貴陽府開州北界四川重慶府綦江縣東南界平越州甕安縣西南界大

定府黔西州東北界四川重慶府涪州西北界四川瀘州合江縣自府治至京師四千五百五十里舊領州一縣四光緒三十四年降改仁懷直隸廳

為赤水廳隸府凡領廳一州一縣四

遵義縣 在府北七十里 北緯二十九度五分 西經九十九度五分

桐梓縣 在府北八十里 北緯二十九度五分 西經九十九度五分

綏陽縣 在府東五十二里 北緯二十九度五分 西經九十九度五分

正安州 在府東三十二里 北緯二十九度五分 西經九十九度五分

仁懷縣 在府東五十二里 北緯二十九度五分 西經九十九度五分

赤水廳 在府東五十二里 北緯二十九度五分 西經九十九度五分

光緒三十四年改名降廳於留元增置仁懷廳乾隆十四年一經



臣謹案遵義府漢牂牁郡營縣地唐為播州領遵義綏陽等縣後沒於南  
 昭宋元仍沿播州之稱惟廢置移徙無定自唐迄明皆俾土官楊氏世守  
 之明萬曆中楊應龍反湖黔各撫提八路進攻半年乃定改置遵義府轄  
 境袤廣八百里懸峰峻嶺毒管幽崖莊躡唐蒙未遑盡闢襟帶黔筑屏蔽  
 巴涪東跨九節之灘萬曆中討奢崇明北躡三洞之險崇禎龍所固守川  
破之西訪夜郎故縣南捫聽鶯新碑府南桃源洞口碑陳蹟遺留胥供  
 憑弔所患民生寤屢習俗強梁除暴安良綏邊至計也

皇朝續文獻通考卷三百二十七

輿地考二十三 內札薩克蒙古

臣謹案內蒙古古雍冀幽并營五州北境周徽抗山戎秦漢匈奴盡有其地漢末為烏桓鮮卑元魏為蠕蠕及庫莫奚隋唐屬突厥後人回紇薛延陀遼金始建城郭都邑元起西北遂并華夏明興元裔阿裕實哩達喇遁歸朔漠蓋蒙古中央橫互瀚海分為二大部漠南曰內蒙古漠北曰外蒙古當我朝龍興內蒙科爾沁部首先內附既滅察哈爾諸部踵降正其疆界悉遵約束有大征伐並帥師以從定鼎後封爵世襲歲時朝貢置理藩院統之部落二十有五旗五十有一乾隆間改歸化城土默特入山西仍有部落二十四旗四十九惟昔之蒙古患其強今之蒙古患其弱我朝馭遠以柔向不經理其內政論者謂杜絕覬覦急宜為之興學明農築路開井惟任其事者必當開誠布公因勢利導若操之太急又不無離析之虞也

內札薩克蒙古東至吉林界西至甘肅及賀蘭山額魯特界南至盛京直隸察哈爾山西陝西界北至黑龍江外蒙古喀爾喀車臣汗土謝圖汗賽音諾顏札薩克圖汗界袤延萬餘里凡六盟二十四部四十八旗其朝覲貢道則科爾沁郭爾羅斯杜爾伯特札賚特四部十旗由山海關札魯特喀爾喀左翼奈曼敖漢土默特喀喇沁翁牛特阿魯科爾沁八部十三旗由喜峰口巴林克什克騰烏珠穆沁浩齊特阿巴哈納爾右翼阿巴噶左翼六部九旗由獨石口阿巴哈納爾左翼阿巴噶右翼蘇尼特四子部落喀爾喀右翼茂明安六部七旗由張家口烏喇特鄂爾多斯歸化城土默特三部十二旗由殺虎口共分爲三班其會盟則科爾沁郭爾羅斯杜爾伯特札賚特四部爲一會其盟所曰哲里木札魯特喀爾喀左翼奈曼敖漢翁牛特阿魯科爾沁巴林克什克騰八部爲一會其盟所曰昭烏達土默特喀喇沁二部爲一會其盟所曰卓索圖烏珠穆沁浩齊特阿巴哈納爾阿巴噶蘇尼特五部爲一會其盟所曰錫林郭爾四子部落喀爾喀右翼茂明安烏喇特四部爲一會其

盟所曰烏蘭察布鄂爾多斯爲一會其盟所曰伊克昭每三年 命大臣齋

敕以往其各札薩克俱以時赴盟會之所每會設盟長一人副盟長一人

科爾沁東西距八百七十里南北距二千一百里東至札賚特旗及黑龍江

大齊廳盛京洮南府界西至札魯特界南至盛京省昌圖新民二府界北至

黑龍江索倫山界至 京師一千二百八十里掌旗六

右翼中旗駐巴音和碩之南曰塔克禪在喜峰口東北一千二百里北緯四

牧地爲遼黃龍府西北境當哈古勒河阿魯坤都倫河合流之北岸東及東

南至右翼前旗南至左翼中旗西及西南至札魯特旗北至索倫山嘉道以

右翼前旗駐錫喇布爾哈蘇在喜峰口東北一千三百五十五里

牧地爲金嶺州西北境當索岳爾濟山之南洮兒河上游與歸喇里河於是

合流注嫩江東及東北至杜爾伯特及齊齊哈爾境南至雙流鎮西及西南

至右翼中旗北及西北至右翼後旗光緒二十八年於東南境雙流鎮設

府東南七井子設開通縣並屬盛京省

右翼後旗駐額木圖坡在喜峰口東北一千四百五十五里北緯

牧地跨陀喇河東及北均至札賚特旗南至右翼前旗西至右翼中旗西北

至慶哈山黑龍江索倫地宣統二年於旗東南隅又

左翼中旗駐伊克唐噶哩克坡在喜峰口東北一千六百五十五里北緯

牧地爲遼金信州西北境當昌圖府直北之西遼河上東至郭爾羅斯前旗

南至白音太來西及西北至札魯特旗北至右翼中旗東南南至左翼後旗西

南至喀爾喀左翼東北至太平川光緒二十八年於東南

左翼前旗駐伊克岳里泊在喜峰口東北八百七十里北

牧地當彰武邊門外楊柳木牧場之東東至昌圖府八面城南及西南至彰

武縣柳條邊西及西北至喀爾喀左翼小庫倫北至左翼後旗東南至昌圖

府康平縣東北至遼源州光緒六年於東南隅康家

左翼後旗駐雙和爾山在喜峰口東北一千四百五十分北緯四

牧地在前旗之北東西二遼河於是合流東及東北至遼源州南及東南至左翼前旗西及西南至喀爾喀左翼北及西北至左翼中旗嘉慶中於東南西通判廳復於東北製樹城設照磨分防光緒三年升廳為府改榮樹為奉化縣於又東北之八家鎮設懷德縣

臣謹案科爾沁部六旗在秦漢為遼東郡北境後漢屬扶餘鮮卑隋唐屬契丹靺鞨遼為上京之東東京之北境金分屬上京北京及咸平路元為

開元路北境明置三衛自廣甯黃泥窪鐵嶺至開原曰福餘衛以元裔

烏梁罕部人領都指揮事洪熙中元太祖弟哈薩爾之後人奎蒙克塔斯

避瓦喇之難由漠北遷來依烏梁罕始號嫩科爾沁 國初以接壤聯姻

奎蒙克塔之元孫貝勒奧巴為察哈爾所侵率屬來降 太祖賜以土謝

圖汗之號後封親王二開散親王二郡王二貝勒三貝子一鎮國公一輔

國公五乾隆以後流民徙墾者衆嘉慶中於左翼後旗之東南設昌圖廳

光緒三年升為府並置懷德奉化康平等縣二十八年於中旗東設遼源

州三十年於右翼前旗洮兒河右設洮南府分設靖安開通安廣三縣宣

統初又增醴泉鎮東二縣鐵道午貫貿販殷關果能善為拊循漢蒙和輯

斯邊垂之大利也

郭爾羅斯東西距四百五十里南北距六百六十里東至吉林伯都訥及黑

龍江呼蘭府界西至科爾沁界南至吉林長春府農安縣界北至杜爾伯特

界至 京師一千八百九十七里掌旗二附屬科爾沁左翼

前旗駐固爾班察罕在豐嶺口東北一

牧地當嫩江與松花相合之西岸東至伊通河南至東遼河西至科爾沁左

翼北至後旗西南至遼源州東北至嫩江西北至科爾沁右翼及洮南府北

四十五度三十分 東經八度十分

後旗駐榛子嶺在豐嶺口東北一

牧地當混同江北岸嫩江東岸東至黑龍江肇州廳呼蘭府北至杜爾伯特

東北至綏化府自西北而西南達於東南皆至嫩江北緯四十六度十分 東經八度二十分

臣謹案郭爾羅斯部前旗為遼黃龍府金改隆安府之北境兼有金泰州

之西北境其後旗為金肇州武興軍西北境初有游牧部族曰郭爾羅斯

元太祖命其弟哈薩爾伐取之明洪熙時哈薩爾十四世孫奎蒙克塔南

遷嫩江號科爾沁諸孫烏巴什分居郭爾羅斯 國初天命天聰間烏巴

什之孫布木巴及固穆先後來降後封固穆輔國公世襲掌後旗布木巴

鎮國公世襲掌前旗嘉慶初於前旗東南境設長春廳光緒十二年升為

府

杜爾伯特東西距一百七十里南北距二百四十里東至黑龍江蘭西縣界

西至札賚特界南及東南至郭爾羅斯界北至齊齊哈爾界至 京師二千

五十里掌旗一附屬科爾沁右翼駐托克托爾坡在豐嶺口東北一

牧地當嫩江東岸齊齊哈爾城東南呼蘭府西東至通肯河南至郭爾羅斯

後旗肇州廳西及西北至嫩江北至瑚裕爾河東南至呼蘭府蘭西縣東北

至海倫府青岡縣北緯四十七度十五分 東經七度十分

臣謹案杜爾伯特旗本契丹地金肇州北境元為遼王分地明為科爾沁

所據後分與其族人愛訥噶即札賚特阿敏之兄也是為杜爾伯特 國

初天命中愛訥噶之子台吉阿都齊來降崇德元年封其子賽冷貝子世

襲光緒季年於其東境分設安達廳屬龍江府中東鐵路由哈爾濱西北

行經此

札賚特東西距六十里南北距四百里東至杜爾伯特界南至科爾沁右翼

界北至索倫界西北至興安嶺至 京師二千一十里掌旗一附屬科爾沁

右翼駐圖卜紳察罕坡在豐嶺口東北一

牧地在齊齊哈爾城西南東及東南至嫩江南至科爾沁右翼後旗及洮南

府西至洮兒河上游北至奇察林山西南至靖安縣東北至綽爾城西北至

厄爾爾嶺北緯四十六度三十分 東經七度四十五分

臣謹案札賚特旗金肇州西北境明為科爾沁所據後分與其族人阿敏

即郭爾羅斯烏巴什之弟也是為札賚特 國初天命中阿敏子蒙哀來

降封貝子元孫特古斯雍正中晉封貝勒世襲光緒之季於旗東南隅洮

兒河入嫩江之南岸設大資廳及塔子城景星鎮兩經歷

札魯特東西距一百二十五里南北距四百六十里東至科爾沁右翼界西至阿魯科爾沁界南至喀爾喀左翼界北至烏珠穆沁界至 京師一千五百里掌旗二

左翼駐齊齊克哩克托羅海山北在喜峰口東北

右翼駐免爾山南在喜峰口東北

牧地當哈古勒河阿魯坤都倫河之源達布蘇圖河於是流入於沙東及東北諭和爾河至科爾沁及洮南府南至大魚泊西至大釜山北至庫里葉圖池東南至潢河西南至白音他拉河西北至察罕嶽北緯四十五度三十分東經三度

臣謹案札魯特為漢遼東郡北境唐屬營州都督府遼上京道地金屬北京路元屬上都路明為蒙古札魯特部服屬於元裔喀爾喀 國初札魯特內齊汗元太祖二十一世孫也與滿洲通好締姻後其貝勒色本叛盟引兵助明吾 太祖擊禽之旋釋歸天聰二年色本等為察哈爾所侵與

內齊舉部來降順治初封內齊之子尙嘉布貝勒主左翼色本子桑噶爾貝勒主右翼世襲並隸昭烏達盟光緒三十三年於札魯特南境置開魯縣屬赤峰州

喀爾喀左翼東西距一百二十五里南北距二百三十里東至科爾沁界西至奈曼界南及東南至土默特界北至札魯特界西北至翁牛特界至 京師一千二百十里掌旗一駐察罕和碩圖

牧地當養息牧河源東至霍吉爾河南至當道斯河西至博羅霍吉爾池北至潢河東南至黑水濼西南至青山東北至訥勒圖西北至老哈河北緯四十二度三十分東經五度三十分

臣謹案喀爾喀左翼部古鮮卑地唐屬營州都督府後沒於奚遼上京道南境金屬北京路明為喀爾喀所據元太祖十六世孫格塔森札居杭愛山始號喀爾喀其長孫巴延達喇為西路札薩克圖汗之祖即今外蒙古四部之一也巴延達喇之弟及從子皆為西路台吉既而同族相殘康熙

初酋長衰布伊爾登越澗海來降封貝勒世襲主左翼邊牧喜峰口東北八百四十里

奈曼東西距九十五里南北距二百二十里東至喀爾喀左翼界西至翁牛特界南至土默特及敖漢界北至札魯特界至 京師一千一百十里掌旗一駐章武臺在喜峰口東北

牧地當潢河老哈河合流之南岸東至奎蘇塔拉南至大渡口鄂博北至哈納察罕圖西至哈拉鄂羅愛東南至察罕河西南至郭勒圖河東北至哈納岡西北至坤都倫喀喇烏蘇泉北緯四十三度十分東經五度

臣謹案奈曼部古鮮卑契丹地唐屬營州都督府遼置永州永昌軍金為興中府北境明為喀爾喀所據分與族人倬徵諾顏元太祖十九世孫也號所部曰奈曼 國初天聰元年倬徵子衰楚克為察哈爾所虐來降後封郡王世襲光緒二十八年於東南境分置綏東縣屬朝陽府

敖漢東西距一百六十里南北距二百八十里東至土默特界西至喀喇沁及直隸赤峰州界南至直隸朝陽府界北至奈曼界西北至翁牛特界西南至朝陽府建平縣界至 京師一千一十里掌旗一駐固爾班圖勒噶山

牧地在老哈河南東至哈喇鄂羅愛南至哈祿噶嶺西至東山七嶺北至岳羅嶺東南至富泉山西南至尼楚輝泉東北至得起圖西北至紅廟北緯四十三度四十分東經十五度

臣謹案敖漢部古鮮卑地隋為契丹初立國地唐屬營州都督府遼金為興中府北境元為遼王分地明為喀爾喀所據分與族人岱青杜梭號曰敖漢奈曼部倬徵之兄也役屬於察哈爾 國初天聰元年杜梭之子索諾木及塞臣卓禮克圖來降其後人並封郡王世襲在喜峰口東北六百

里其地水甘土沃康熙庚寅 諭令酌量牧地餘可種穀遺官住土默特東西距四百六十里南北距三百十里東至楊樓牧廠及盛京新民府彰武縣界西至敖漢旗及直隸朝陽府建昌縣界南至盛京義州邊牆界

北至喀爾喀左翼界至 京師一千一十里掌旗二又附牧一旗

左翼駐旱龍潭山一作鳥關陀羅海山在嶺口東北八百二十里

牧地當錫塔圖庫倫喇嘛游牧之南楊樓牧場之西東至岳洋河南至什巴

古圖山西至石塔河北至當道斯河東南至烏達遜舉勒西南至伊克翁格

勒古山東北至黑頂山西北至哈喇噶圖北緯四十二度一分 東經四度三十分

右翼駐大華山一作巴顏和碩在喜峰口東北五百九十里

牧地在九關臺新臺邊門外跨鄂木倫河東至柏山南至魏平山西至天保

山北至狼山東南至鄂木倫河西南至牛心山盤嶺東北至四角坂西北至

青鸞嶺北緯四十一度四十分 東經四度二十分

左翼附牧一旗

牧地在錫塔圖庫倫喇嘛游牧之西東至霍濟勒河南至庫崑河西至布圖

昆北至愛篤罕山東南至烏蘇圖崑西南至查哈爾額布得爾格愛東北至

阿克達沁河西北至奇喇固圖濠

臣謹案土默特古孤竹國漢遼西郡治柳城縣地東晉時前燕慕容皝建

都改龍城縣元魏為營州治隋復置柳城縣唐為營州都督府治遼屬興

中府建州金武平縣元為大甯路興中州明初屬秦衛萬厯中元臣濟

拉瑪之裔莽古岱由喀喇沁徙牧土默特傳其孫善巴又元太祖之裔鄂

木布逼於察哈爾由歸化城徙土默特 國初天聰時並來歸附 命善

巴掌左翼鄂木布掌右翼康熙元年喀爾喀台吉巴勒布冰圖亦元太祖

裔避其同族之難自杭愛山率衆來歸 詔附牧於左翼乾隆十六年於

其南境固爾班蘇爾巴罕設三座塔巡檢三十九年升為通判廳四十三

年改設朝陽縣屬承德府光緒二十八年升朝陽為府尋於東南置阜新

縣

喀喇沁東西距五百里南北距四百五十里東至土默特及朝陽府界西至

承德府隆化縣界南至永平府邊牆界北至建平縣及翁牛特界東南至錦

西廳界東北至敖漢界西南至平泉州界西北至圍場廳界至 京師七百

六十里掌旗三

右翼駐錫伯河莊在喜峰口北三百九十里

牧地跨老哈河上流東至紅羅山南至蟠羊山西至錫伯河北至霍爾哈嶺

東南至錫默特山西南至氣努瓦河東北至察漢河西北至果勒圖河北緯

一度五十分 東經二度四十分

左翼駐牛心山一作巴顏和碩在喜峰口東北三百五十里

牧地當傲木倫河源東至布祜圖南至雲山洞甯遠州邊牆西至長嶺北至

烏哈爾溫泉東南至白石灣邊門西南至柞子嶺東北至七寶山西北至涼

水泉北緯四十一度十分 東經三度四十分

增設一旗駐珠布格朗圖巴彥喀喇山

牧地當老哈河源東至博勒多克山南至拉克篤爾山西至霍爾果克北至

岳羅梁東北至博爾噶蘇台西南至期札泰河東北至查甘起拉古台西北

至哈旗爾梁北緯四十一度三十分 東經二度

臣謹案喀喇沁秦漢為遼西郡西境唐為饒樂都督府東境其後庫莫奚

契丹相繼據有遼置中京大定府金為北京元為大甯路明改大甯衛洪

武中封皇子權為甯王鎮此又改北平行都司永樂初徙都司於保定改

封甯王於南昌以大甯迤北地割賜朵顏泰甯福餘三衛彼求得大甯空

城未許景泰後漸被侵占陰附韃靼為邊患後為察哈爾所并以其地與

喀喇沁初元功臣濟拉瑪姓烏梁罕七世孫和通游牧額沁河號所部曰

喀喇沁又五傳曰色梭及從子蘇布地並為塔布囊附屬察哈爾不堪林

丹汗之虐天聰初借來歸附請兵於是 太宗有親征之役九年 詔色

梭掌左翼蘇布地之子固魯思齊布掌右翼康熙四十四年以其族孫格

塔勒掌中旗皆授札薩克後嗣累經晉爵恩禮優隆矣雍正十年分右翼

地置八溝廳乾隆五年分中旗地置塔子溝廳四十二年改八溝為平泉

州改塔子溝為建昌縣並屬承德府光緒二十八年以建昌屬朝陽府

翁牛特東西距三百里南北距一百六十里東至奈曼部界西至克什克騰

部界南至喀喇沁右翼及赤峰州界北至阿魯科爾沁界東南至敖漢界東

北至札魯特及開魯縣界西南至圍場廳界西北至巴林界至 京師七百六十里掌旗二

右翼駐英席爾哈七特呼郎 在古北口東北五百二十里

牧地在熱河圍場東北英金河南岸東至札喇山南至遮蓋山千佛洞西至柴火巒北至溫達爾華東南至嶺山西南至賀爾蘇圖嶺東北至伊瑪圖山

西北至啟布求 北緯四十二度三十分 東經二十二度三十分

左翼駐札喇峰西緯克溫都爾 在古北口東北六百八十里

牧地介潢河老哈河之閒東至小華山南至大松山西至山丹嶺北至錫喇木倫河東南至錫喇淖爾西南至巴顏陀羅海東北至什喇木蘭西北至特

格嶺 北緯四十三度三十分 東經二十五度三十分

臣謹案翁牛特唐為饒樂都督府地遼置松山州勝安軍兼有饒州匡義軍南境屬上京道金北京路元為魯王分地明初為烏梁罕部泰甯衛南

境後屬翁牛特元太祖季弟烏真之裔也服屬於察哈爾 國初天聰六

年濟農棟岱青及從子遜杜梭率所部來降旋 命棟岱青主右翼遜杜梭主左翼並授札薩克乾隆中分設烏蘭哈達廳旋改赤峰縣屬承德府

光緒三十三年升直隸廳

阿魯科爾沁東西距一百三十里南北距四百二十里東北至札魯特界西

南至巴林界東南至喀爾喀左翼界西北至烏珠穆沁界至 京師一千三百四十里掌旗一駐輝圖爾山東托果木台 在古北口東北一百一十里

牧地在哈奇爾河做木倫河於是合流為達布蘇圖河東至巴彥塔拉南至什喇木蘭西至蘇布山北至烏蘭嶺東南至拜圖岡西南至達木曉岡東北

至馬蓋山西北至烏丸山 北緯四十五度三十分 東經三十五度三十分

臣謹案阿魯科爾沁遼置潢府東境金大定府北境元為遼王分地明初以烏梁罕地置泰甯衛後為阿魯科爾沁所居此部亦元宗室之裔 國

朝天聰六年部長達賴為察哈爾所侵率其子穆彰來降後穆彰尙主授

額駙掌旗以軍功封貝子

巴林東西距二百五十一里南北距二百三十三里東至札魯特界西至克什克騰界南至翁牛特界北至阿魯科爾沁界東南至直隸赤峰州西北至烏珠穆沁界左右翼二旗所轄疆理同至 京師九百六十里掌旗二

右翼駐托鉢山左翼駐阿察圖陀羅海 在古北口東北七百八十里

牧地同在潢河北岸東至鄂拜山南至勃突哈喇山西至碧柳岡山北至哈喇台山東南至蛇山西南至五十家站東北至赤山西北至察罕木倫河源

北緯四十三度三十六分 東經二十二度四十分

臣謹案巴林遼上京臨潢府及祖州慶州地金大定府後併屬北京路元屬全甯路為魯王分地明初為全甯衛後屬烏梁罕部泰甯衛萬曆中為順

義王俺答五子巴林所據後屬於察哈爾 國初天命十一年以巴林叛

盟征之戮其貝勒天聰二年為察哈爾所掠台吉色特爾率兄子滿珠習禮來歸順治初封色特爾之子色布騰輔國公主右翼滿珠習禮為貝子

主左翼光緒三十三年於旗屬察罕木倫河西分設林西縣屬赤峰州

克什克騰東西距三百三十四里南北距三百五十七里東至翁牛特及巴林界西至察哈爾正藍旗牧廠及浩齊特界南至翁牛特右翼界北至烏珠

穆沁界西南至興安山圍場廳界西北至阿巴哈納旗界至 京師八百十

里掌旗一駐吉拉巴斯峰 在古北口東北五百七十里

牧地在圍場北當潢河之源東至畢勒固圖和碩南至布圖坤西至克勒特格伊場北至木葉山烏蘇池東南至陀墨達昆免河西南至四道河東北至

馬尾山西北至牛心山 北緯四十三度 東經一度十分

臣謹案克什克騰遼上京道地金屬北京路元屬上都路及應昌路地明為蒙古所據元太祖十八世孫默爾根號所部曰克什克騰屬於察哈爾

國初天聰八年滅察哈爾默爾根之孫索諾木戴青來歸授掌旗一等

台吉世襲西北碧落河右喇嘛廟有市集光緒三十三年分設經棚縣屬

赤峰州

烏珠穆沁東西距三百六十里南北距四百二十五里東至索倫界西至浩

齊特界南至巴林界東南至札魯特阿魯科爾沁界北至瀚海接喀爾喀車臣汗部左翼界至 京師一千一百六十三里掌旗二

右翼駐巴克蘇爾哈台山 在古北口東北九百二十三里

牧地有音札哈河流入於沙有胡盧古爾河流於阿達克諾爾東至達賴蘇圖諾爾烏蘭哈達南至布里多泊西至鄂倫錫布爾北至得勒蘇圖泊東南至噶木爾站西南至固爾班泊東北至布哈碧老山西北至方山 北緯四十一度四十分 東經一百零六度四十分

左翼駐魁蘇陀羅海 在古北口東北一千一百六十里

牧地當素岳爾濟山之西有鄂爾虎河繞之匯於和里圖諾爾東至蘇克斜魯山南至庫列圖西至達賴蘇圖北至額里引什里東南至博羅霍吉爾西南至烏蘭哈達東北至色野爾濟河西北至溫都陀羅海 北緯四十六度二分 東經一百零二度二分

臣謹案烏珠穆沁遼上京道北境金屬北京路元屬上都路明漢北蒙古元太祖裔由杭愛山徙帳來此後自號烏珠穆沁服屬察哈爾思林丹汗暴虐其濟農多爾濟借兄子台吉塞楞又北走喀爾喀 本朝天聰時討平察哈爾崇德二年來歸封多爾濟親王主右翼塞楞貝勒主左翼並世襲

浩齊特東西距一百七十里南北距三百七十五里東至烏珠穆沁右翼界西至阿巴噶界南至阿巴哈納及克什克騰界北至車臣汗右翼後旗界至 京師一千一百八十五里掌旗二

右翼駐烏默黑塞里 在獨石口東北六百八十五里

牧地當錫林河下游北流為達母鄂謨東至布爾勒吉山南至大魚濼西至布爾色克陀羅海北至懷山東南至老虎山西南至墨壘哈達圖東北至達勒布勒克西北至烏蘭峰

左翼駐特古力克呼圖克湖欽 在獨石口東北六百九十里

牧地濱大小吉里河東至巴魯古爾河南至小吉里河源北至杜蘭哈喇山

東南至哈喇圖山西南至烏蘭哈達東北至阿古斯奇陀羅海西北至孟納爾山布哈泉

臣謹案浩齊特一作蒿齊忒遼為上京道西境金屬北京路元屬上都路明屬蒙古元太祖十八世孫庫登汗號所部曰浩齊特庫登曾孫博羅特及噶爾瑪避察哈爾林丹汗之暴往依喀爾喀 國朝順治初先後來歸以博羅特掌左翼噶爾瑪掌右翼並封郡王世襲

阿巴哈納爾東西距一百八十里南北距四百三十六里東至克什克騰界西至阿巴噶右翼界南至察哈爾正藍旗及多倫廳界北至浩齊特界至 京師一千五百里掌旗二

右翼駐永安山 一作昌圖山在張家口東北六百四十里

牧地有達里岡愛兩泊東至錫喇峰南至博羅溫都爾岡西至哈喇堂北及東北至華陀羅海東南至那魯蘇台西南至博羅溫都爾西北至漢灰圖 北緯四十三度三十分 東經一百零二度三十分

左翼駐烏勒扈陀羅海 在獨石口東北五百八十二里

札薩克固山貝子與阿巴噶左翼旗同游牧 北緯四十三度五十分 東經一百零二度三十分

臣謹案阿巴哈納爾漢為上谷郡北境晉屬北魏隋及唐初為突厥所據遼上京道西境金屬北京路西北境元屬上都路明入蒙古元太祖弟別勒古台十八世孫諾密特號所部曰阿巴哈納爾曾孫色楞墨根初附屬於喀爾喀車臣汗 國朝康熙初借弟棟伊思拉布率眾踰瀚海來歸 命分阿巴噶地賜之封色楞為貝勒掌右翼棟伊為貝子掌左翼

阿巴噶東西距二百里南北距三百十里東至克什克騰界西至蘇尼特界南至察哈爾正藍旗牧廠界北至浩齊特界東北至阿巴哈納界至 京師一千五百里掌旗二

右翼駐科布爾泉 在張家口東北五百九十里

牧地有庫爾察罕泊固爾班烏斯克河流焉東至哈畢喇鳴泉南至伊柯什噶西至庫庫勒山北至華陀羅博東南至郭和蘇台西南至昂吉爾圖池東北

至溫都爾瑪尼圖西北至哈喇得勒北緯四十三度三十分東經二十度三十分

左翼駐巴顏額倫在錫石口北五百五十里

牧地環錫林河東至巴爾啟台之哈喇鄂博鳴圖南至烏蘇圖土魯格池西至什爾登山北至哈布塔噶陀羅海東南至永安山西南至索克蘇台東北至濟爾哈朗圖西北至阿古拉布爾圖北緯四十二度五十分東經二十八分

臣謹案阿巴噶自漢迄明沿革同阿巴哈納爾元太祖弟別勒古台十八

傳塔爾尼庫同號所部曰阿巴噶又二傳為多爾濟役屬於察哈爾林丹汗暴虐多爾濟偕其從孫都思噶爾遁走漠北依喀爾喀本朝崇德順

治初先後來降以多爾濟主左翼都思噶爾主右翼並封郡王世襲所屬昂吉爾圖康熙三十五年聖祖親征噶爾丹往返皆駐蹕焉

蘇尼特東西距四百六里南北距五百八十里東至阿巴噶右翼界西至四子部落界南至察哈爾鑲白正白鑲黃三旗界北至達爾岡愛牧馬場及瀚海喀爾喀界至京師九百六十里掌旗二

右翼駐薩敏錫勒山在張家口西北五百五十里

牧地東至額爾蘇霍吉爾南至烏科爾齊老西至德林山北至吉魯格東南至杭吹泉西南至托克托瓦陀羅海東北至烏蘭哈達西北至額爾柯圖北緯四十三度二十分西經二度十分

左翼駐林圖察伯台岡在張家口北五百七十里

牧地有固爾班烏斯克河東至庫庫勒山南至察罕池西至色柯爾山北至拜哩山東南至努倫坡西南至杭吹泉東北至哈喇得勒西北至烏蘭哈達北緯四十三度三十分西經一度二十八分

臣謹案蘇尼特漢上谷代二郡北境後漢烏桓鮮卑晉拓跋魏隋唐突厥相繼據此遊置撫州金因之屬西京路元為興和路地明為蒙古蘇尼特部元太祖裔也國初崇德時其濟農素塞台吉騰機思來朝封素塞郡王掌右翼騰機思尚公主與攝政王不協而叛削秩以其弟騰機特襲郡王掌左翼近臨大漠土多沙磧西北有楊林成明永樂初親征所經也

以上通稱東四盟皆有札薩克惟卓索圖盟土默特左翼附牧一旗無札薩克

四子部落東西距二百三十五里南北距二百四十里東至察哈爾右翼正黃正紅等旗界西至喀爾喀右翼界南至土默特翁貢界北至蘇尼特及土謝圖汗左翼中次旗界至京師九百六十里掌旗一駐烏藍額爾濟坡在張家口西北五百五十里

牧地有錫喇察漢諾爾錫喇木倫河流焉東至什吉岡圖山南至伊柯塞爾拜山西至富峪北至沙巴克圖東北至滂江西北至查爾山東南至奔巴圖台西南至察漢和碩北緯四十二度四十分西經四度二十二分

臣謹案四子部落漢雁門定襄二郡北境晉屬元魏唐為振武軍地遼為豐州地屬西京道金西京路淨州天山縣東南境元大同淨州路明入蒙古元太祖弟哈薩爾十六世孫僧格兄弟四人分牧於斯號四子部落

國朝天聰時相繼朝貢從征有功崇德初授鄂木布札薩克使統所部順治初封郡王世襲

喀爾喀右翼東西距一百二十里南北距一百三十里東至四子部落界西至茂明安界南至歸化城土默特界北至瀚海接土謝圖汗界至京師一千一百三十里掌旗一駐塔爾渾河在張家口西北七百一十里

牧地有愛布哈河塔爾渾河合流流為阿勒坦托輝泊東至額古爾圖華南至哈達滿勒河源西至烏蘭戶特圖克北至岳索山東南至翁貢鄂博西南至毛德爾東北至察爾山西北至塔起爾克圖北緯四十一度四十分西經五度五十五分

臣謹案喀爾喀右翼漢定襄雲中二郡北境唐振武軍地遼豐州地屬西京道金因之元屬大同路明入蒙古喀爾喀中路台吉本塔爾元裔土謝圖汗親屬也國朝順治年間與其汗有隙率其屬南來封親王賜牧

塔爾渾河稱喀爾喀右翼茂明安東西距一百里南北距一百九十里東至喀爾喀右翼界西至烏喇特界南至土默特界北至瀚海接喀爾喀土謝圖左翼界至京師一千二



百四十里掌旗一駐車突泉在張家口西

牧地當愛布哈河源東至黃烏爾南至固爾班哈喇陀羅海西至致羊山北至伊克爾德阿濟爾鳴東南至毛德爾西南至吉蘭陀羅海東北至蘇朗西北至土勒札圖北緯四十一度十五分西經六度九分

臣謹案茂明安漢五原郡地元魏懷朔鎮地唐振武軍地遼東勝州地屬西京道金因之元屬大同路明初設衛戍守後為蒙古所據有元族裔車根號曰茂明安 國初天聰七年舉部來降康熙三年授車根子僧格一等台吉掌旗

烏喇特在歸化城西北三百六十里東西距二百十五里南北距三百里東至皮明安及土默特界西與南並至鄂爾多斯界北至喀爾喀右翼界至京師一千五百二十里掌旗三

前中後三旗俱駐殺虎口外西北哈達瑪爾柱一名 牧地當河套北岸陰山之南東至黃烏爾南及東南西南皆至黃河西至拜塞墨突北至麥塔山東北至蘇朗西北至碧柳圖山北緯四十六度五十二分西經六度三十分

臣謹案烏拉特漢五原郡地元魏懷朔鎮西境唐中西二受降城地遼置雲內州屬西京道金因之元屬大同路明為蒙古烏喇特所據故元疏族自呼倫貝爾徙此 國初歸附順治五年敘從征功以圖巴掌中旗鄂班掌前旗巴克巴海掌後旗同封鎮國公授札薩克世襲三旗同牧地

鄂爾多斯在歸化城西南八百里河套內東至土默特界西至阿拉善界南至陝西長城界西南至甘肅長城界北至烏喇特界西北至三晉諾顏界東西北三面皆距黃河自山西偏頭關至甘肅甯夏邊外延延二千里有奇至京師一千一百里掌旗七

左翼前旗固山貝子駐套內東南札拉谷在托克托西南一百四十五里 牧地為秦榆林塞漢雲中郡沙南縣地隋勝州榆林郡東至山西河曲縣西至左翼中旗南至陝西府谷縣北至賀陀羅海南至喀喇和碩西南至額勒默圖東北踰黃河至托克托清水河二廳西北至可退坡左翼後旗北緯三十

九度四十分西經五度四十分

左翼中旗多羅郡王駐套內偏南近東鄂錫喜峰在札拉谷西一百六十五里 牧地隋唐勝州南境有納瑪帶泊東至哀額爾吉廟南至陝西神木縣西至察漢額爾吉北至喀賴泉東南至左翼前旗西南至青山湖陝西榆林縣東北至左翼後旗西北至右翼後旗北緯三十九度三十分西經七度三十分

左翼後旗固山貝子駐套內東北巴爾哈孫湖在薩拉齊西南一百五十里 牧地隋唐勝州榆林郡地東至歸綏道屬薩拉齊廳南至賀陀羅海左翼前旗西至察罕額爾吉北至黑水泊烏拉特後旗東南至阿魯得勒蘇西南至哈錫拉克陀羅海東北至包頭鎮西北至綽和爾末里圖北緯四十六度二十分西經六度十分

右翼前旗固山貝子駐套內巴哈諾爾在鄂錫喜峰西九十里 牧地唐夏州西北境宥州東北境東至察罕額爾吉南至榆林府屬靖邊定邊二縣西至甯夏府屬花馬池東南至榆林府懷遠縣西南至紅鹽池東北至哈達圖泊西北至右翼前末旗北緯三十八度二分西經八度二分

右翼中旗多羅貝勒駐套內正西錫喇布多諾爾在鄂爾多斯西二百六十里 牧地漢朔方郡南境當騰格里泊漢靈渾縣屠申澤也東至察罕札達海泊南至賀通圖山西至阿拉善蒙古北至馬陰山右翼後旗東南至庫克陀羅海西南至橫城口甘肅甯夏縣東北至鄂爾多斯西北至阿爾布坦山北緯三十九度四十分西經九度

右翼後旗固山貝子駐套內西北鄂爾吉虎諾爾在巴爾哈孫泊西一百七十里 牧地漢朔方城隋豐州境也東至兔毛河左翼後旗南至前末旗西至鳴札爾山右旗中翼北及東北至烏拉特及五原廳東南至東勝廳西南至達爾巴哈岡西北至纏金墾局北緯四十四度四十分西經八度四十分 增設一旗為右翼前末旗一等台吉游牧在前旗之北北緯三十八度二分西經八度二分

臣謹案鄂爾多斯秦取胡地為新秦中漢逐匈奴開立朔方郡東晉沒於前後趙前後秦及赫連夏元魏為夏州北境隋於其東置勝州西置豐州後改榆林五原二郡唐因之五代宋金皆屬西夏元立西夏中興等路明

初築東勝等城設戍焉天順以後蒙古雜部竄據河套相攻不已正德初元太祖十五世孫達延汗起科爾沁諸部兵擊逐舊酋盡取其地命其子巴爾蘇為右翼濟農其孫哀必哩克自號車臣可汗子九人分據河套各地是為鄂爾多斯仍屬於察哈爾國初天聰崇德間其濟農額璘臣偕其族屬先後來歸封王公貝勒分掌六旗乾隆初增附一旗合為伊克昭盟蒙語大廟也元太祖陵寢在此盟內

以上通稱西二盟皆有札薩克

察哈爾八旗延千餘里左翼四旗當直隸邊外承德府多倫諾爾獨石口張家口三廳界右翼四旗當山西邊外豐鎮晉遠二廳界東至克什克騰界西至歸化城土默特界南至太僕寺等各牧廠及山西大同朔平二府邊界北至阿巴噶蘇尼特及四子部落界都統駐張家口至京師四百三十里左翼鑲黃旗駐蘇們哈達在張家口北三百四十里牧地東及東南至正白旗界西至正黃旗界南至鑲黃旗牧廠界北及東北至蘇尼特界北緯四十一度五十分西經二度十分右翼正黃旗駐穆遜特格山在張家口西北三百二十里牧地東至鑲黃旗界西及西南至正紅旗界南至太僕寺右翼牧廠界北至蘇尼特界東半旗北緯四十一度五十分西經二度三十分西半旗北緯四十一度四十分西經二度五十分左翼正白旗駐布爾噶台在獨石口西北二百九十里牧地東與北並至鑲白旗界西與南並至鑲黃旗界北緯四十二度十分西經一度三十分左翼鑲白旗駐布延阿海蘇默在獨石口北二百四十五里牧地東及北並至正藍旗界西及西南至正白旗界南及東南至太僕寺牧廠界北緯四十二度十分西經一度十分右翼正紅旗駐古爾班陀羅海山在張家口西北三百七十里牧地東及東南至正黃旗界西及西南至鑲紅旗界南至太僕寺右翼牧廠界北至四子部落界北緯四十一度二十分西經三度十分右翼鑲紅旗駐布林泉在張家口西北四百二十里

牧地東至正紅旗界西至鑲藍旗界南至山西大同府豐鎮廳界北至四子部落界北緯四十一度三十分西經三度四十分

左翼正藍旗駐札哈蘇台泊在獨石口東北三百六十里

牧地東至多倫廳及克什克騰界西及西南至鑲白旗界南至上都牧廠界北至阿巴噶右翼界北緯四十二度十分西經三度十分

右翼鑲藍旗駐阿巴漢喇喀山在殺虎口東北九十里

牧地東至鑲紅旗界西至歸綏道所屬陶林廳及土默特界南至山西朔平府晉遠廳界西北至四子部落界北緯四十一度三十分西經四度二十分

臣謹案察哈爾於明季為元裔插漢部林丹汗所據強暴屢寇邊太宗文皇帝親征林丹走死其子額哲來降封親王編駐義州康熙初嗣爵者又叛討平之復徙所部於宣化大邊外畫分近邊為漢民耕地雍正中設張家口多倫獨石三理事同知乾隆初設豐鎮晉遠二理事通判內屬直隸山西省近又改撫民同知其北為太僕寺左右翼及內務府正黃鑲黃旗牧廠與察哈爾錯雜居積久相安洵所謂中外一家歟因未設札薩克故不列於內蒙古

歸化城土默特東西距四百三十三里南北距三百七十里東至察哈爾鑲藍旗及陶林廳界西至烏拉特後旗界南至薩拉齊托克托廳界北至茂明安及喀爾喀右翼界東南至歸化廳界西南至包頭鎮及河套鄂爾多斯左翼界東北至四子部落界西北至烏拉特前旗界至京師一千一百六十里掌旗二

左翼旗駐歸化城外在山西殺虎口西北二百里

右翼旗駐歸化城外

臣謹案歸化城遼金元豐州境明大同邊外地嘉靖開元太祖十六世孫俺答由開元衛南牧豐州灘於庫庫河屯築城曰拜姓是為西土默特屢入塞殺掠隆慶初乞降封順義王賜其城名歸化九互市於燕晉秦隴十一處萬曆之季同部相殘察哈爾復侵擾之國初天聰六年太宗親

征察哈爾駐蹕歸化土默特諸部皆降卽以其部人爲左右二都統旋改命王官俾部人世襲佐領等職乾隆中封輔國公一人雍正初蒙漢生聚漸繁設歸化城理事同知乾隆元年於東北五里建綏遠城以將軍鎮守並設副都統歸綏道綏遠同知二十五年增設歸化和林格爾薩拉齊清水河托克托五通判其土默特旗牧地如故統於將軍不置札薩克漢民私墾及租種禁罰甚嚴惟勢難阻遏嘉道以後流寓益衆光宣閒弛禁招墾改各廳理事通判爲撫民同知京畿鐵路直達歸綏爲塞外一都會矣

皇朝續文獻通考卷三百二十八

輿地考二十四 喀爾喀蒙古

謹案喀爾喀蒙古唐虞山戎夏獯鬻周玁狁秦漢日匈奴漢初冒頓並有漠南旋復北徙後漢仍為北匈奴地元魏為蠕蠕後入突厥唐初入回紇貞觀四年來朝後設瀚海燕然等都督府五代至宋羈屬於遼金大安初蒙古始盛元太宗七年建都和林初立元昌路世祖遷都大興於和林置都元帥府大德十一年立和林等處行中書省統和林總管府皇慶元年改和林路為和寧路順帝敗亡太子阿裕錫哩達賴汗依王保保於此明兵破之順帝孫特古斯特穆爾汗遁於土喇河七傳至本雅失里又為明所敗後諸部共立託克託布哈之元孫岱總汗號小王子又數傳徙幕東方稱察哈爾其留漠北部落曰喀爾喀東至黑龍江呼倫貝爾城南至瀚海西至阿爾泰山及新疆北至俄羅斯廣五千里袤三千里國初崇德三年喀爾喀遣使朝貢然其同族相殘致啟外衅康熙二十七年厄魯特噶爾丹攻破喀爾喀七部舉族款塞內附安置喀倫邊內噶爾丹遂并其地三十五年 聖祖親征噶爾丹竄死朔漠平喀爾喀諸部得還舊牧為部三曰土謝圖曰車臣曰札薩克圖皆仍其汗號又親王善巴別為賽音部稱諾顏無汗號共部四為旗七十四乾隆中增至八十六其會盟則土謝圖汗部之二十旗為一會其盟所曰罕阿林車臣汗部之二十三旗為一會其盟所曰克魯倫巴爾和屯札薩克圖汗部之十七旗為一會其盟所曰扎克畢賴色欽畢都哩雅諾爾賽音諾顏部之二十二旗為一會其盟所曰齊齊爾里克每會設盟長一人副盟長一人

喀爾喀中路土謝圖汗部駐圖拉河左右境東至肯特山接車臣汗部界西至翁金河接賽音諾顏部界南至瀚海北至楚庫河接俄羅斯伊爾庫司克界東南踰瀚海接內蒙古蘇尼特右翼四子部落喀爾喀右翼諸部界西北至烏里雅蘇台所屬唐努烏梁海界至 京師二千八百餘里所部二十旗於本旗外分十九札薩克掌之仍統領於土謝圖汗

幹齊賽巴圖土謝圖汗牧地在杭愛山東喀里雅爾山南額爾德尼招東北跨鄂爾坤喀魯哈二河東至薩拉噶山南至察漢烏蘇西至博羅哈布齊勒河北至得爾素圖多奎東北至察罕齊老圖西北至翁奎諾爾東南至錫勒哀烏蘭陀羅海西南至諾昆陀羅海古燕然都督府地也

右翼左旗牧地在色楞格河南土喇河於是合於鄂爾坤河東至布爾噶勒台河南至達什爾嶺北溫都爾西至茂蓋河山北至罕台山東北至紉勒呼爾察罕庫圖勒西北至達爾沁圖哈爾噶那山東南至庫克車格勒沙博羅圖西南至烏噶爾札

中右旗牧地當土喇河曲處東至拜圖南至巴彥哈拉西至烏蘇圖北至哈拉尼惇東北至達什隆山西北至沁陀羅海東南至布蘊奎西南至珠爾奇台

左翼中旗牧地當阿爾泰軍臺所經東至達里岡愛牧馬場南至巴彥布拉克西至西尼察罕北至巴噶哈台東北至札爾噶山西北至哈坦烏蘇東南至額固得西南至和博塔勒

中旗牧地在肯特山西南汗山峙其境當土喇河源汗山之北是為庫倫東至烘郭爾陀羅海南至巴彥哈達西至多木達烏爾察克北至達喇爾札河源山梁東北至哈台西北至哈麻爾嶺東南至布庫都爾哈喇烏蘇西南至達什隆山

左翼後旗牧地當阿爾泰軍臺所經翁金河自是南流於瑚爾哈倫泊東至溫都爾西哩南至巴彥哈喇西至尼楚渾布拉克北至額爾德尼陀羅海東北至察漢烏蘇西北至博爾濟吉特東南至西尼察漢西南至珠奇斯庫札

中右末旗牧地在土喇河北東至庫倫南至布蘊奎西至拜圖北至車根察罕諾爾東北至阿爾噶樓西北至達什隆山東南至多木達烏爾察克西南至塔本陀羅海

左翼左中末旗牧地當喀魯哈河源東至哈勒占南至哈坦烏蘇西至達幹

得額沁烏蘇北至布爾噶蘇台鄂博爾商達東北至烏蘇圖西北至薩爾丹  
 東南至珠爾奇台西南至達爾瑪北緯四十五度四十分 西經十度三十分  
 右翼右旗牧地在翁金河北岸東至錫伯格圖南至諾昆陀羅海西至烏遜  
 珠爾東山北至齊克達噶圖嶺東北至莫霍爾布拉克西北至圖隆奎山陽  
 東南至鄂伯爾珠爾奇台西南至額爾德尼陀羅海北緯四十五度三十分 西經十一度三十分  
 左翼前旗牧地在喀魯哈河之西東至布爾胡庫克阿薩克圖南至得爾素  
 圖多奎西至杭愛山北至鄂爾坤河東北至達什察勒西北至烏噶勒札山  
 東南至沁陀羅海西南至翁奎諾爾北緯四十七度五十分 西經十一度二十分  
 右翼右末旗牧地當哈拉河源東至通克拉河南至烏里雅呼嶺西至阿爾  
 噶嶺北至諾木圖布拉克山東北至曼達勒鄂博爾西北至索宵杭愛東南  
 至庫倫西南至哈瑪爾嶺北緯四十八度十分 西經八度三十分  
 中左旗牧地在喀魯哈河東東至察奇爾哈喇南至善達勒西至阿爾噶嶺  
 北至阿魯哈朗東北至沁陀羅海西北至察罕齊老圖東南至茂碧柳圖西  
 南至薩勒噶山北緯四十六度五十分 西經十度四十分  
 左翼右末旗牧地當阿爾泰軍臺之東東至伊克噶雜爾阿齊圖烏拉罕南  
 至什喇陀羅海西至布拉克梭吉北至布蘊奎東北至桑錦達資西北至哈  
 坦烏蘇西南至庫圖勒多倫北緯四十五度十分 西經七度二十分  
 左翼末旗牧地當阿爾泰軍臺之東東至卓克烏蘇南至哈沙圖西至珠格  
 布里北至什喇陀羅海東北至巴噶哈台西北至庫圖勒多倫東南至察罕  
 哈達西南至哈札布齊北緯四十四度三十分 西經七度  
 左翼中左旗牧地當阿爾泰軍臺之西東至札拉噶圖南至察布齊爾西至  
 烏拉罕齊奇烏蘇北至達奇勒噶圖溫都爾東北至札克烏蘇西北至那林  
 布拉克東南至哈札布齊西南至哈坦烏蘇北緯四十四度二十分 西經七度五十分  
 中次旗牧地當左翼中旗之東圍出一小游牧東至西雅博克南至烏蘭商  
 達西至額爾沁烏蘇北至庫克尼屯東北至額固得西北至哈喇鄂得西南  
 至哈勒占鄂博東南至格札格噶順北緯四十三度五十分 西經三度五十分

右翼右末次旗牧地在色楞格河之北東至薩爾金河南至賽爾額沁西至  
 塔里雅那台河北至澤勒圖爾河接俄國界東北至桑喀拉圖河西北至罕  
 台阿噶布拉克東南至札克圖勒河西南至庫克車格勒北緯四十九度五十分 西經十度十分  
 右翼左後旗牧地在喀魯哈河之西東至薩喇博羅圖南至達什隆山西至  
 珠格楞嶺北及東北西北皆至鄂爾坤河東南至阿爾噶嶺西南至滿達勒  
北緯四十八度二十分 西經十度四十分  
 中左翼末旗牧地當鄂爾坤河色楞格河合流處之北東至烏雅勒噶河南  
 至邦吉山西至薩爾金河北至察罕烏蘇河接俄國布尼斯克東北至博拉  
 河恰克圖北緯四十九度五十分 西經九度二十分  
 右翼左末旗牧地有溫泉哈拉河伊遜河東至肯特山南至阿勒坦鄂羅格  
 依西至薩喇博羅圖北及東北至楚庫河均接俄境西北至札克都勒河東  
 南至哈台山西南至諾木圖布拉克北緯四十八度四十分 西經七度三十分  
 康熙五十九年允俄人互市庫倫雍正五年尼布楚條約准俄國通商土謝  
 圖汗部之恰克圖乾隆中失和禁止五十七年復與立約設恰克圖通商場  
 咸豐十年又許彼設庫倫領事  
 謹案土謝圖汗部在山西邊外之漠北其汗察理多爾濟元太祖裔也  
 為噶爾丹所破來降康熙三十年許仍舊號三十六年規復故土所部佐  
 領積三十七旗以分設賽音諾顏部析二十一旗往隸後自增四旗凡二  
 十旗乾隆四十六年詔世襲汗號所部親王一郡王貝子各二公六台吉  
 八使非 聖祖弔民伐罪外蒙諸部久亡矣可不飲水思源乎  
 喀爾喀東路車臣汗部駐克魯倫河左右境東至都蘭哈拉山接黑龍江呼  
 倫廳贛濱府界西至察罕齊老山接土謝圖汗部界南至塔爾滾柴達木踰  
 瀚海接內蒙古浩齊特阿巴哈納爾阿巴噶諸部界北至敖嫩河及巴彥朱  
 爾克山接俄羅斯雜貝加爾省界東南至烏珠穆沁部界西南至土謝圖汗  
 部界至京師三千五百里所部二十三旗於本旗外分二十二札薩克掌之

仍統領於車臣汗

格根車臣汗旗牧地跨喀魯倫河東至烏蘭溫都爾山南至阿爾圖山西至塔奇勒噶圖山北至哈喇莽蘇山東北至色勒格圖山西北至滔圖布拉克東南至鄂爾楚克山西南至庫特肯額里雅山北緯四十六度四十分西經五度三十分

左翼中旗牧地在科勒蘇河之東跨喀魯倫河東至卜固尼和碩山南至木達都圖倫西至特克瑪爾圖山北至伊克噶札爾東北至烏爾和特敖嫩河接俄國界西北至圖木斯泰山東南至沙喇哈達西南至札們爾達北緯四十四度十分西經四度十分

中右旗牧地在喀爾喀河西河水於是結於捕魚兒海東至錫林呼都克接呼倫廳南至什布都爾諾爾西至沙喇特格克北至布隆達爾素東北至沙喇勒濟河西北至洪固爾默里西南至固爾班布魯勒濟接烏珠穆沁右翼東南至克里葉和碩北緯四十七度五十分東經一度三十分

右翼中旗牧地東至鄂羅格依南至烏蘭陀羅海西至伊克噶札爾阿齊圖山北至巴顏哈喇東北至布固得爾哈喇烏蘇西北至桑錦達賽東南至察罕庫圖勒西南至烏蘭庫伯爾烏蘇南西北三面皆接土謝圖汗部北緯四十四度十分西經七度二十分

中末旗牧地在克魯倫河南東至察克布拉克南至溫都爾哈喇陀羅海西至訥固爾格圖烏蘇北至庫特肯額里雅山東北至伊克阿爾圖山西北至額爾克納克山東南至鄂斯奇山西南至察罕庫圖勒北緯四十五度四十分西經五度二十分

中左旗牧地東至和爾蓋山南至梭吉烏蘇西至沙喇哈達北至伯爾克山東北至囊吉陀羅海西北至伊克噶札爾東南至伊克察布西南至多木達都圖倫北緯四十七度十分西經三度二十分

中後旗牧地跨敖嫩河源東至沙巴爾台南至色勒格圖山西至海留翰克爾北至達喇特河東北至莽阿泰河西北至大興安山東南至額肯布爾圖西南至諾歡居魯呼北緯四十九度十分西經六度十分

左翼前旗牧地當索岳爾濟山北瀕喀爾喀河源東及東南東北皆至呼倫

貝爾南及西與西南皆至烏珠穆沁北至車徹布爾圖西北至沙布圖爾諾爾北緯四十七度二十分東經二度二十分

右翼中右旗牧地在克魯倫河上游之南東至依札噶爾山南至巴噶額里彥山西至鄂羅克依山北至拖諾東北至烏蘭華西北至依爾蓋山東南至

尼固爾素圖烏蘇西南至庫克齊圖庫博爾北緯四十五度四十分西經六度二十分

左翼後旗牧地在克魯倫河南為元宗藩幹赤斤封土東至鄂爾布勒山南及西南皆至達里岡愛牧場西至布哈山北至烏蘭溫都山東北至奇喇諾爾西北至庫克鄂博東南至托里布拉克北緯四十六度三十分西經一度十分

左翼後末旗牧地東至捕魚兒海南至額里彥和碩西至鄂爾布勒山北至克魯倫河東北至呼倫貝爾所屬巴爾虎旗西北至奇拉諾爾東南至內蒙古烏珠穆沁右翼西南至托里布拉克北緯四十七度四十分東經十度十分

右翼後旗牧地東至哈勒塔爾和碩南至克布特什皆接烏珠穆沁西至阿克索那山東北至額里彥和碩西北至滾尼溫都爾接達里岡愛牧場東南至烏尼格特山西南至達賴布拉克北緯四十六度十分東經十度十分

中末右旗牧地東至特克什烏蘇南及東南皆至達里岡愛牧場西至鄂爾和山北及東北西北皆至車臣汗旗西南至烏斯奇山北緯四十五度五分西經五度五分

右翼中左旗牧地東至喀喇諾爾南至布隆和特西至察罕特莫浪山北至僧庫爾河東北至察罕諾爾西北至布彥布拉克東南西南皆至庫里彥山北緯四十七度二十分西經五度四十分

右翼前旗牧地東至薩喇克河南至喀喇莽蘇均接車臣汗旗西至喀喇諾爾北至招莫多東北至札浪洪格勒濟西北至色布素勒山東南至畢里克圖西南至韜圖布拉克並接車臣汗旗北緯四十八度十分西經五度三十分

右翼左旗牧地東至鄂博克圖山南至巴彥溫都爾及東南隔皆接左翼右旗西至庫圖勒烏蘇及西南西北並接車臣汗旗北至得勒山東北至布爾

噶素圖接中末次旗北緯四十七度三十分西經五度

中末次旗牧地東至哈爾噶朗圖山南至圖木斯圖山西至布爾噶素圖北

至噶勒齊老東北及西北越敖嫩河至哈蘇魯克接俄國境東南至塔喇那

圖胡都克西南至瑪勒胡爾北緯四十八度五十分 西經四度五十分

左翼右旗牧地在喀魯倫河北岸東至厄莫勒山南至圖倫烏蘭齊老西至

塔爾吉而河北至瑪勒胡爾山東北至圖爾木斯圖山西北至諾爾哈察勒

東南至札們商達西南至托克特依山北緯四十七度三十分 西經四度四十分

中右後旗牧地在肯特山東當喀魯倫敖嫩二河之源東至得勒格爾罕山

南至巴顏烏蘭山西至塔尼特河北至肯圖爾河皆接土謝圖汗部東北至

塔喇塔河西北至罕台山東南至庫克齊老圖西南至車庫克圖諾果北緯四十七度五十分 西經六度三十分

左翼左旗牧地在喀魯倫河北東至喀喇陀羅海南至巴彥罕山西至鄂喇

霍圖山北踰烏爾匝河敖嫩河至烏勒混接俄境東北至和爾泰西北至博

爾克東南至華和碩西南至西鄂博克圖北緯四十九度十分 西經二度五十分

中左前旗牧地在巴顏西喇東至巴拉思和南至喀魯倫河西至朱爾庫朱

山北至鄂博圖東北及西北並至奎屯河皆接俄境之成丹特東南至塔雅

溫都爾西南至華和碩北緯四十九度二十分 西經二度

中前旗牧地在喀魯倫河北東至巴柳台山接黑龍江屬臚濱府南至喀喇

鄂博西至塔雅溫都爾北及東北至巴倫塔里湖西北至伊瑪爾和河皆接

俄國之赤塔部東南至阿勒素圖溫都爾西南至華和碩北緯四十九度四十分 西經五十分

右翼中前旗牧地當喀魯倫河上游之曲處東及東北至僧庫爾河南至達

爾罕山西至畢爾喀嶺北至巴顏烏蘭山西北至東庫倫東南至托訥山西

南至拖陵山北緯四十六度四十分 西經六度三十分

臣謹案車臣汗部元裔格塔森札之曾孫碩壘始號車臣汗 國初天聰

時納貢輸誠又四傳至烏默客康熙二十七年為噶爾丹所破率眾十餘

萬戶來降越八年返其舊邦稱汗如故其地據喀魯倫河左右元史所謂

怯綠連河也其上流為元太祖發祥之地太宗亦即位於河曲所屬巴顏

烏蘭舊為其汗駐處噶爾丹奪據之 聖祖親征駐蹕喀魯倫河 御製

銘詞立碑於河北托訥山之右翦兇醜而奠遐荒燕然之石不得專美於前矣

喀爾喀西路札薩克圖汗部駐杭愛山西幹之西直安西玉門邊外漠北東

至賽音諾顏部界西至科布多及新疆鎮西廳哈密廳界南至甘肅安西州

及額濟納土爾扈特旗界北至唐努烏梁海界西北至科布多界至 京師

四千餘里所部十八旗附輝特一旗共十九旗於本旗外分十八扎薩克掌

之仍統領於扎薩克圖汗北緯四十三度四十分 西經二十度十分

右翼左旗牧地有博格爾湖東及東北均至輝特旗南至右翼右旗西至右

翼前旗北及西北至阿拉克泊右翼後末旗東南至額德冷西南至格書努

特皆抵瀚海北緯四十三度四十分 西經二十度十分

中左翼左旗牧地在桑錦達資泊之西北當特斯河源之東南東至鄂爾伯

吉山南至桑錦達資西至蘇拉克圖山北及西北至唐努山東北至錫巴里

卡倫東南至額爾齊特山西南至達蘭圖魯泊北緯四十九度五十分 西經十六度四十分

左翼中旗右翼後旗同游牧地東及東北至和爾輝嶺南至乃滿山西至明

安古爾札山北至札布噶河西北至伊洛爾泊東南至蘇底泊西南至阿集

嶺通巴里坤北緯四十六度十分 西經二十二度

左翼右旗牧地在都爾根淖爾之南東及東北至庫克嶺札布噶河南至明

安古爾札山西至科布多所屬札哈沁旗北至喀拉泊西北至察漢泊台東

南至伊洛爾泊西南至德特胡嶺北緯四十六度五十分 西經二十四度五十分

左翼前旗左翼後末旗同游牧地在空歸河源之東東至尾亥池南至烏里

雅蘇台西至空歸河北及東北至特斯河西北至奇勒稽思諾爾東南至特

爾門池西南至札布干河北緯四十八度三十分 西經十九度二十分

右翼右末旗牧地當德勒格爾河西岸桑錦達資之東東至德勒格爾卡倫

南至烏爾圖烏山西至額爾齊特山北及西北至哈拉塔爾河東北至托爾

和里克河東南至齊老圖河西南至特里北緯四十九度三十分 西經十四度三十分

中左翼右旗牧地在桑錦達資之南東至布克綏河源南至瑪拉哈山西至

委衮池北至錫巴里卡倫東北至右翼右末旗東南至三音諾顏部中左旗  
西南至特爾門池北緯四十九度十分西經十六度十分

右翼右旗牧地東及東北至烏蘭布拉克南及東南皆踰瀚海通額濟納旗  
西至格書奴特北至博格爾泊西北至右翼前旗西南至左翼後旗北緯四十二度四十分西經十度四十分

左翼後旗牧地東至瀚海南踰瀚海通安西州西至達爾奇木圖北至右翼  
前旗東北至右翼右旗西北至那沁必拉蘇台東南至瀚海西南越戈壁通

哈密之星星峽北緯四十二度三十分西經二十度三十分

中右翼末旗牧地瀕濟爾哈河北瀕於察罕諾爾東至輝特旗南至特  
古里克接右翼後末旗西至畢濟烏蘇接巴里坤北至蘇底泊接左翼中旗

東北至博格爾烏蘇西北至哈拉阿集漢山東南至察罕克爾泊西南至庫  
爾圖哈拉北緯四十五度十分西經二十一度十分

右翼後末旗牧地瀕阿拉克泊東至納林託壘接右翼左旗南至塔爾河接  
右翼前旗西至哈喇喇得勒接新疆鎮西廳北境北至特古里克東北至錫爾

哈河源皆接中右翼末旗西北至乃滿山西南至塔什嶺北緯四十四度十分西經二十四度十分

中右翼左旗牧地東至明安古爾札山南至哈布塔克接新疆奇台縣北境  
西至和通鄂博北至博多輝嶺皆接科布多所屬札哈沁旗東北至德特胡

嶺西北至巴彥達爾克嶺接札哈沁旗北緯四十六度十分西經二十五度十分

右翼前旗牧地東及東北至博格爾泊接右翼左旗南至鄂羅克依接左翼  
後旗西至必柳嶺接新疆塔勒沁北至塔爾河接右翼後末旗西北至塔

什嶺接新疆鎮西廳東境東南至烏蘭札噶接右翼右旗西南至那沁必拉  
蘇北緯四十三度十分西經二十四度十分

左翼左旗牧地在空歸河之南札布噶河之東北東至伯爾柯南至雅喇均  
接中右翼末次旗西至巴哈泊台接左翼右旗北至哈喇陀羅海接杜爾伯

特左翼三旗東北至錫伯克圖接左翼前旗及後末旗北緯四十八度十分西經二十三度三十分

中右翼末次旗牧地在札布干河北東及東北至蘇布拉河接左翼後末旗  
西及西北至阿拉克山接左翼左旗南至哈薩克圖山接左翼中旗北至布

胡圖山特格里河接杜爾伯特左翼東南至烏里雅蘇台北緯四十七度五十分西經二十七度五十分

中左翼末旗牧地當德勒格爾河東岸東及東北至訥穆納山接三音諾顏  
部右翼右末次旗西及西南踰哈拉塔爾河至右翼右末旗南至齊老圖河

接三音部右翼後旗北及西北至博爾圖斯卡接烏梁海二佐領北緯四十九度五十分西經十四度二十分

附輝特旗牧地當濟爾哈河東岸東至古色勒戈壁接三音部右翼末旗西  
至錫爾哈山接中右翼末旗南至納林託壘接右翼左旗北及東北至特里

烏蘇河接烏里雅蘇台境西北至哈薩克圖山接中右翼末次旗北緯四十四度五十分西經二十二度十分

臣謹案元太祖裔格呼森札台吉以七子分掌漠北長子阿什海為右翼  
之長三傳至素巴第始稱札薩克圖汗又二傳曰旺舒克為部下所戕康

熙初命其弟成衮襲汗傳子沙喇與同族土謝圖汗相仇被殺尋為噶  
爾丹攻陷沙喇之弟策旺避難來附徙牧歸化城封親王三十六年還漠

北仍襲汗號雍正十年以從征退縮削爵詔令其族弟格塔克延嗣襲  
轄地當科布多烏里雅蘇台之衝雍乾間準噶爾跳梁分布大軍防禦咸

同閉新疆回亂道梗復於札薩克設台站以利轉輸此外蒙右翼與天山  
北路猶輔車之相依也

喀爾喀中路賽音諾顏部駐杭愛山西翁金河之西北境東越鄂爾坤河接  
土謝圖汗部界南至塔楚河踰瀚海接內蒙古阿拉善額濟納諸部界西至

札布噶河北至齊老圖河西北至烏里雅蘇台河皆接札薩克圖汗部界東  
南至枯黑勒山踰瀚海接烏喇特三旗界東北至額赫河接唐努烏梁海界

至京師三千餘里所部二十二旗附額魯特二旗共二十四旗於本旗外  
分二十三札薩克掌之仍統領於大札薩克親王



賽音諾顏旗舊為同族之長牧地當都蘭哈拉山南東至額魯克台南及東南至塔楚河西及西南至推河北至塔米倫河東北至鄂爾坤河源西北至哈隴恩格爾山北緯四十五度四十分 西經十三度五十分

中路左末旗此為大札薩克親王所駐牧地東至哈綏河源南至伊孫都蘭哈拉山青蘇珠克圖喇嘛牧地西至瑪拉哈山北及西北至鄂爾哲伊圖泊東北至齊老圖河源東南至塔米爾河源西南至哈拉河源北緯四十七度五十分 西經四十五度四十分

右翼右後旗牧地當拜塔里克河源東至青蘇珠克圖喇嘛牧地南至巴彥山西及西南至札布噶河上游之錫拉河北至札克額沁山東南至墨特河西南至察罕博多沙磧北緯四十六度三十分 西經十五度五十分

中路中右旗牧地近推河之源東越推河至額爾德尼班達喇嘛牧地西至塔爾巴哈圖南至博吉和碩站康熙中設驛東南達歸化城者也北至烏克嶺東南至塔楚河西西南至推齊罕泊東北至庫勒薩雅嶺西北至庫倫伯勒齊爾北緯四十四度五十分 西經十四度五十分

中路中前旗牧地跨鄂爾昆河東至果羅衮山南及西南至翁金河上游右翼中左旗西至烏拉罕諾爾右翼左末旗北至濟爾瑪台河東北至西庫倫額魯特旗西北至奎屯嶺右翼中右旗北緯四十五度三十分 西經十二度二十分

中路中左旗牧地有伊第爾河合於齊老圖河下流為色楞格河東及東南至齊老圖河南至鄂爾哲伊圖泊西及西北至札薩克圖部中左翼右旗北至額爾齊特山東北至伊第爾河西南至右末旗北緯四十八度四十分 西經十五度三十分

中路中末旗牧地哈綏河至是合於色楞格河東及東北至額赫河接土謝圖部右翼左旗南至那稜圖勒布爾接左翼中旗西及西北至北特里河接札薩克圖部中左翼末旗北至巴勒齊爾山接烏梁海二佐領東南至哈喇胡集爾河北緯四十九度二十分 西經十二度三十分

右翼中左旗牧地當翁金河源東至哲林胡圖克接土謝圖部右翼右旗南至哈喇尼敦站通歸化城軍台路也西至塔楚河源額爾德尼喇嘛牧地北

及東北至鄂爾渾河中前旗西北至右翼左末旗東南至泥楚衮站接左翼右旗北緯四十四度四十分 西經十二度四十分

右翼末旗牧地在墨特河西南流合拜塔里克河之南東及東北至伊羅河接中右旗南至錫尼河接右翼中末旗西至普喀戈壁接札薩克圖部之輝特旗北至巴彥山接右翼右後旗西北至札布噶河接左翼左旗北緯四十五度四十分 西經四十分

右翼前旗牧地在胡努伊河北流合哈綏河之閒東及東北至賽坎山接左翼左末旗南及西南至巴彥集魯克山札牙班第喇嘛牧地西越哈綏河接中後末旗西北至溫都爾山右翼後旗東南至塔米爾河額魯特前旗北緯四十三度三十分 西經七度三十分

中路中後旗牧地在布爾噶蘇台河南流合札布噶河之西東至哈喇烏蘇接左翼左旗南至胡魯穆特接尼魯班喇嘛牧地西及西北皆至烏里雅蘇台境北至瑪喇哈山接右末旗東南越錫拉河至右翼右後旗北緯四十四度四十分 西經十七度四十分

左翼左旗牧地當札布噶河源之西東至烘烏南至巴彥山右翼末旗西至諾海河中後旗北及東北至伊孫都蘭哈喇山西北至翁郭山東南至查克河源青蘇朱克圖喇嘛游牧西南至布爾噶蘇河北緯四十七度二十分 西經十六度二十分

左翼中旗牧地跨哈綏河東至巴爾土河接土謝圖部右翼左旗南至胡奴伊河西及西南至阿察河右翼後旗北及東北越色楞格河至中末旗西北越齊老圖河至札薩克圖部中左翼末旗東南至額魯赫特山接土謝圖部

左翼前旗北緯四十八度五十分 西經十三度五十分

左翼右旗牧地東至巴爾哈孫站南至霍爾朔特瀚海抵內蒙古烏喇特旗西至諾謨渾山北至呢楚衮站東北至阿魯倭集站西北至圖格里克站皆烏里雅蘇軍台路也東南至空哈隆山西南至庫諾雷山北緯四十二度五十分 西經十四度五十分

左翼左末旗牧地跨胡努伊河東及東北臨鄂爾坤河至土謝圖汗旗南至

齊坎山西至哈綏河北至伊布蘇吉巴爾山東南至杭愛山額魯特前旗西

南至胡努伊河源北緯四十七度五十分  
西經十二度五十分

右翼中末旗牧地在拜塔里克河之東偏是河西南流流於察罕諾爾東至

推河南至察罕郭爾瀚海西及西北至普喀戈壁北至右翼末旗東北至推

齊罕泊東南至察罕諾爾北緯四十四度三十分  
西經十五度四十分

右翼左末旗牧地當翁金鄂爾坤兩河源之閒東至圖魯根山接中前旗南

越翁金河源至右翼中左旗西及西北至三音諾顏旗北至鄂爾坤上流朱

勒爾吉水東北至沙喇塔拉中前旗東南至右翼中左旗西南至塔楚河源

北緯四十五度二十分  
西經十三度二十分

中路右末旗牧地當伊第爾河源之西南東及東北至鄂爾哲依圖泊中左

旗南至瑪拉哈雪山接中後旗西及西北至特爾門池接札薩克部左翼前

旗北至札薩克部中左翼右旗東南至伊孫都蘭哈拉山中左末旗西南至

翁郭山中後旗北緯四十八度五十分  
西經十五度五十分

右翼中右旗牧地當濟爾瑪台河源之西東至鄂爾坤河曲接西庫倫南至

朱勒爾吉水右翼左末旗西至庫彥嶺三音諾顏旗北至齊齊爾里克河札

牙班第達呼圖克圖游牧東北至塔米爾河額魯特前旗西北至台爾恩格

山中右翼末旗東南至鄂爾坤河中前旗西南至三音諾顏旗北緯四十五度  
西經十三度

元代舊都和林城在本旗東境

右翼後旗牧地當哈綏河北齊老圖河南東至呼布蘇固勒山南至額勒素

圖西及西北至阿集拉克河北越齊老圖河至札薩克圖部中左翼末旗東

北至特莫爾圖東南至珠薩齊河源西南至諾勒瑪圖北緯四十八度三十分  
西經十三度四十分

中路後末旗牧地在哈綏河源之北東越哈綏至右翼前旗南及東南至札

牙班第喇嘛游牧西至中左末旗北及西北越齊老圖河至中左旗東北至

阿集拉克河右翼後旗按哈綏河一作哈瑞元和林川也北緯四十七度四十分  
西經十四度

分十

中右翼末旗牧地當塔米爾河源南岸東至右翼中右旗南至推河源西及

西北至青蘇朱克圖喇嘛游牧北越塔米爾河至中後末旗東北至札牙班

第達游牧東南至庫庫嶺三音諾顏旗北緯四十六度三十分  
西經十四度三十分

附額魯特二旗

烏蘭烏蘇額魯特部共二旗其先皆準噶爾蒙古噶爾丹之近族同牧阿爾

泰山康熙中來降轉徙數次乾隆二十六年始定牧於三音諾顏東南境之

烏蘭烏蘇地方

額魯特旗牧地跨濟爾瑪台河東越鄂爾坤河至土謝圖汗旗南越鄂爾坤

至中前旗西及西北越汗池至右翼中右旗北越濟爾瑪台河至額魯特前

旗東北至翁奎諾爾東南至西庫倫額爾德尼招北緯四十六度十分  
西經十二度十分

喀魯特前旗牧地當塔米爾河北岸東及東南越鄂爾坤河至土謝圖汗旗

南至濟爾瑪台河額魯特旗西及西北至札牙班第達喇嘛游牧北至齊坎

山左翼左末旗東北踰杭愛山至土謝圖部左翼前旗西南越濟爾瑪台河

至右翼中右旗北緯四十六度五十分  
西經十二度三十分

臣謹案賽音諾顏部直甘肅甘州邊外居延海之北初元裔圖蒙肯者始

尊奉黃教西藏達賴獎以賽音諾顏之號次子丹津復受諾們罕號 國

初遣使朝貢 詔領一札薩克康熙初 賜其孫善巴信順岱青號二十

七年率族來歸附牧於烏喇特累封親王但以賽音諾顏名其旗未與襲

號乾隆中以善巴曾孫諾爾布襲賽音諾顏號善巴從弟策凌康熙中尙

公主授中左末旗之札薩克雍正時以戰功累封超勇親王析土謝圖部

二十旗為賽音諾顏部授策凌為大札薩克統之其地東南倚杭愛山西

北扼唐努山及阿爾泰山自古為漢北要害漢之匈奴唐之突厥回紇牙

帳元之和林行省多在界內近世防禦準夷則鄂爾坤塔米爾河左右皆

戰地也而烏里雅蘇台設立重鎮與庫倫科布多相犄角尤籌邊之上策

焉

唐努烏梁海

唐努烏梁海漢堅昆唐點夏斯元吉利吉思據合納欠州各部地東界俄羅斯國伊爾庫次克省南界外蒙古賽音諾顏部扎薩克圖汗部及科布多西界俄國托穆斯克省北界俄國葉尼賽斯克省東南隅界外蒙古土謝圖汗部所部凡四分述如左

定邊左副將軍所屬之唐努烏梁海凡二十五佐領其二在德勒格爾河東岸與外蒙古賽音諾顏部接界二在庫蘇古爾泊東北四當貝克穆河折西流處三當謀和爾阿拉河源四當噶哈爾河源其十在西北跨阿爾泰河阿穆哈河今錯入俄羅斯境

札薩克圖汗所屬之唐努烏梁海凡五佐領其一在庫蘇古爾泊北一在德勒格爾河西岸一北臨貝克穆河西及南臨華克穆河一在謨什克河西一當札庫爾河源

賽音諾顏所屬之唐努烏梁海凡十三佐領俱南依鄂爾噶罕山西至科布多所屬阿爾泰淖爾烏梁海二旗北至俄國托穆斯克省界

哲布尊丹巴胡圖克圖門徒所屬之唐努烏梁海凡三佐領在陶托泊上源騰吉斯河東岸北界俄國伊爾庫次克省

臣謹案烏梁海部皆在唐努山南北因稱唐努烏梁海西北有阿爾泰烏梁海七旗屬科布多大臣詳後

額魯特蒙古

臣謹案額魯特舊分四部曰和碩特姓博爾濟吉特曰準噶爾曰杜爾伯特皆姓綽羅斯曰土爾扈特姓不著部自為長統稱四衛拉特明史謂之瓦喇元室圍牧之裔分駐金山以西有輝特者依克明安氏最微初隸杜爾伯特明季土爾扈特北遷俄境於是輝特繼四部之一其後各部又漸分析他適惟杜爾伯特與準噶爾仍收金山乾隆十八年憚準部之逼率族內附初居推河尋徙烏蘭固木輝特附牧焉今隸於科布多大臣受定邊左副將軍之節制其餘諸部散在賀蘭山額濟納伊犁青海等處分述如左

賀蘭山額魯特一稱阿拉善在河套西賀蘭山之右麓袤延七百餘里至京師五千里掌旗一初駐牧定遠城雍正初徙青海之博羅沖其克後還舊地牧地當賀蘭山西龍頭山即甘峻山北東至雷夏府邊外及內蒙古鄂爾多斯部杭錦貝子旗界南至涼州甘肅二府邊界西至古爾爾接額濟納土爾扈特部界北及東北踰瀚海接外蒙古賽音諾顏部界北緯三十八度三十分西經十二度

臣謹案賀蘭山額魯特為漢武威張掖二郡北境晉永嘉以後前涼後涼北涼相繼據有唐屬河西節度使廣德初陷於西番宋景德中陷於西夏元屬甘肅行中書省明末為額魯特蒙古所據 國朝康熙中噶爾丹襲破之其酋長和羅理上書求給牧地 詔於雷夏甘州邊外畫疆給之編佐領授札薩克封貝勒雍正二年晉其子阿寶郡王乾隆三十年晉其孫多爾濟親王世襲佐領八

額濟納舊土爾扈特在阿拉善旗之西直甘肅甘州府及肅州邊外至京師五千五百餘里掌旗一牧地跨昆都倫河東至古爾爾接阿拉善旗界南至高臺縣毛目城界西及西南踰瀚海至安西州玉門縣界北至阿濟山接札薩克圖汗部界東南至合黎山接甘州府撫彝廳界東北踰瀚海接賽音諾顏部界西北踰瀚海接新疆哈密廳北緯四十一度西經十七度

臣謹案額濟納舊土爾扈特袤延八百里上古渚野流沙後稱居延漢武取匈奴混邪王地置張掖郡於郡北置屬國都尉近溫偶駱王地後漢建安末立為西海郡晉永嘉以後五涼相繼割據元魏為張掖軍隋唐為甘肅州北境天寶初置宿衛軍大厯中陷於吐蕃宋初屬契丹景德中屬西夏曰威福軍寶慶初屬蒙古元為亦集乃路屬甘肅行省明甘肅州二衛邊外地元臣翁罕之裔為土爾扈特部明季與準噶爾交惡由雅爾徙居俄境之額濟拉河 國初屢遣使入貢康熙四十二年其汗阿玉奇之嫂攜其子阿喇布珠爾入藏禮佛準噶爾阻其歸路乃款塞乞內屬賜牧敦煌之色爾騰封貝子雍正七年封其子丹忠為貝勒尋又徙牧額濟納河乾隆中丹忠子達爾札圖授札薩克世襲佐領一以來歸在先故亦

稱舊土爾扈特

科布多所屬額魯特蒙古東至外蒙古札薩克圖汗部界南至新疆迪化府鎮西廳界西至新疆塔城廳界北至唐努烏梁海部界西北至俄羅斯托穆斯克省及斜米巴勒敦省舊哈薩克界自科布多城至 京師六千二百八十里所轄凡七部分述如左

杜爾伯特右翼十一旗曰札薩克特固斯庫魯克達賴汗旗中旗中左旗中前旗中後旗中上旗中下旗中前左旗中前右旗中後左旗中後右旗北緯四十九度十分西經九十七度十分 附輝特一旗曰下前旗北緯四十九度十分西經九十七度十分 左翼三旗曰前旗前右旗中右旗北緯四十九度十分西經九十七度十分 附輝特一旗曰下後旗北緯四十九度十分西經九十七度十分 凡十六札薩克同游牧科布多金山之東烏蘭固木地

東至納林蘇穆河南至哈喇諾爾齊爾噶圖山西至索果克河北至阿斯哈圖河兩翼分二盟統名賽音濟雅哈圖

臣謹案杜爾伯特元臣李罕之裔姓綽羅斯六傳至額森即也先有二子長伯羅納哈勒為杜爾伯特部祖次額斯墨特達爾諾顏為準噶爾部祖同列於四額魯特而杜爾伯特分牧於阿爾泰山西額爾齊斯河當乾隆十八年為準噶爾所逼率族來歸分封汗王貝勒公有差授札薩克世襲設科布多參贊大臣轄之

新土爾扈特在科布多城西南一部二旗曰新右旗新左旗牧地當金山南烏隴古河之東東越布勒罕河接札哈沁旗界南至鄂倫布拉克接新疆迪化府奇臺縣界西至古爾通班之沙陀接新疆昌吉縣界北至哈喇泊接新和碩特旗及阿爾泰烏梁海旗界東南至哈布塔克山接鎮西廳界西南至沙陀接阜康等遠二縣界西北至布倫托海接塔城廳及北路舊土爾扈特界東北至哈爾察克接科布多屯田界所部二旗盟於青色特啟勒圖北緯四十六度西經二十七度十分

臣謹案土爾扈特元臣翁罕之後九傳至和鄂爾勒克居雅爾後徙牧俄國又六傳至渥巴錫復來款 賜牧新疆南北路是為舊土爾扈特其族

人舍梭世為準噶爾台吉乾隆二十三年大軍征勦舍梭抗命奔俄三十年從渥巴錫來降 上宥其罪 賜牧布勒罕河號新土爾扈特隸科布多參贊大臣兼轄光緒三十二年畫隸阿爾泰辦事大臣至 京師七千餘里

新和碩特在科布多城南一旗牧地當金山東南哈爾察克右臨青吉斯河東至和託鄂博接札哈沁旗界南至布勒罕西至捫楚克烏蘭皆接新土爾扈特界北越布彥圖河接額魯特旗界不設盟北緯四十七度西經二十七度

臣謹案新和碩特為和碩特台吉巴雅爾拉瑚之族蒙哀乾隆三十七年來歸願附新土爾扈特貝子沙喇扣肯之旗後為所虐五十七年 命移牧於今地嘉慶元年給札薩克印隸科布多大臣兼轄光緒三十二年畫歸阿爾泰辦事大臣至 京師七千餘里

札哈沁一旗牧地在科布多城南索爾必嶺之陽東與東南均至外蒙古喀爾喀札薩克圖汗部界南至哈布塔克山新疆鎮西廳界西至新和碩特部界北至科布多屯田營西南至新土爾扈特旗界北緯四十六度西經四十六度十分

臣謹案札哈沁部長瑪木特初為準噶爾宰桑乾隆十九年大軍獲之其隨來之札哈沁即令統轄四十年改設一旗嘉慶五年增設一旗隸科布多大臣

明阿特一旗牧地在科布多城北東至齊爾噶圖山接杜爾伯特左翼界南至科布多河西至額魯特旗界北至孫都爾山接杜爾伯特右翼界北緯四十六度西經二十六度十分

臣謹案明阿特系出烏梁海後為札薩克圖汗部中左翼左旗之屬乾隆三十年撤出設一旗隸科布多參贊大臣轄

額魯特一旗牧地在科布多城西北東至科布多河曲屯營界南至布彥圖河接新土爾扈特界西至輝漢泊接阿爾泰烏梁海七旗界北至科布多河上游之南岸接杜爾伯特右翼界北緯四十八度西經三十七度十分

臣謹案額魯特本台吉達木拜所屬有罪削爵以其眾屬科布多參贊大

臣以上皆科布多所轄之金山額魯特其徙居伊犁者附詳於後其徙居青海者詳青海部中

阿爾泰烏梁海

阿爾泰烏梁海部七旗在科布多西北阿爾泰山中直轄於科布多大臣牧地東至索果克水接杜爾伯特右翼界南越額爾齊斯河上流至布倫托海接新土爾扈特旗界西至哈巴河上游接舊哈薩克左部界北及東北至納爾噶河接唐努烏梁海界東南至烏魯克衣接額魯特旗界西南至納林喀喇山接塔城廳屬舊土爾扈特界西北至吹河接哈薩克界北緯四十九度二十九分西經二

十九度 臣謹案科布多所屬舊有阿爾泰諾爾烏梁海部二旗在賽留格木嶺及薩彥嶺之西其地有喀屯阿爾泰等河亨吉阿爾泰等泊其人屬烏梁海種而牧於阿爾泰泊之西南故加以阿爾泰諾爾之號今屬於俄定邊左副將軍所屬唐努烏梁海舊凡二十五佐領今祇十五佐領者尚有阿穆哈河邊之十佐領亦已屬於俄矣蓋蒙俄之邊界自雍正以來訂約凡六次最先者為雍正五年恰克圖之約即車臣汗土謝圖汗唐努烏梁海與俄屬西比里之界約也考其界自恰克圖分東西樹牌恰克圖之東偏北四度度三十三里為道以下以此為布爾古台在齊爾河西岸其西至沙濱達巴哈凡二十四界牌其東至阿巴海圖凡六十三界牌均以布爾古台為第一起數布爾古台東偏南二十四度四十二里為舍爾巴哈第五界牌東瀕楚庫河河東岸有庫達林斯克俄人所設礮臺也至此皆逆派楚庫河南岸為界南偏東四十二度三十分六十分里為阿喇呼達喇第八界牌河北有沙喇果里俄人卡倫第八牌之東偏南六度八十四里為阿喇哈達音烏蘇第十界牌河北曰治達稍西二里許曰烏爾魯克皆俄人所置卡倫界至此離楚庫河轉而南逆派阿魯哈當蘇河為界第十牌之南偏東二十六度三十分九十六里為烏里雷第十一界牌自恰克圖至此為土謝圖汗與俄屬薩拜喀勒省之界皆依肯特山支脈布爾罕哈勒都那嶺之

北麓也若車臣汗部與彼之界則自烏里雷派阿魯哈當蘇河之源始離河而東南行東偏南三十七度三十分六十四里至烏布爾哈達音烏蘇第十二界牌瀕庫謨里河西岸其北有俄人所設們子卡倫第十二界牌之東偏北四度七十里為庫穆倫第十三界牌又東偏南三十一度三十分四十里為奎河第十四界牌庫穆倫與奎河之間為肯特山脈之脊出界處奎河東偏南十三度十二里為昆古爾特第十五界牌地在敖嫩河北東南池里許即依敖嫩河為界自此東偏南三十度五十八里為呼蘇魯克第十八界牌至此與敖嫩河離其北界外有俄人所設阿申夏卡倫有歧路西南達庫倫城呼蘇魯克之東偏北十五度三百三十八里為阿勒呼特第三十界牌其西為敖嫩河出境處境外有俄人所設上烏里渾卡倫西南距阿申夏人行道約三百六七十里其間俄人設卡倫五處各有水南流入界注敖嫩河即巴爾集等河也上烏里克又東北通阿克沙俄人置礮臺在敖嫩河東岸阿勒呼特之東偏北三十一度三十分二下七里為察罕淖爾第四十五界牌有察罕泊在界外淖爾之東偏南二十八度三十分一百三十里為格子蓋第五十界牌有歧路南達巴拉斯城一作必拉一作巴賴和屯瀕克魯倫河車臣汗盟所也北出界繞塔里泊西轉而北至庫魯蘇台卡倫又北達成丹特卡倫皆俄人所置格子蓋之東偏南八度四十六里為齊普圖第五十二界牌有河北流出界即烏爾再河也齊普圖之東偏北十七度三十分八十里為庫別里真第五十七界牌其東里許有歧路南行渡克魯倫河逾大漠達多倫諾爾庫別里真之東偏南十六度三十分七十六里為察罕烏魯第五十九界牌又東則入黑龍江境矣自阿勒呼特牌敖嫩河出境之西界線南依敖嫩河北依外興安嶺及其支達烏爾嶺自敖嫩河出境之東界線行敖嫩及烏爾再兩河間之額林達班嶺上自恰克圖至察罕烏魯為雍正五年所定界之東半段若其西半段則自恰克圖迤西偏北二十五度四十五里為鄂羅海圖第二界牌稍西七里許為色楞格河出境處又西渡河及澤勒圖

勒河略西南至切日第十界牌界又西北二十四度二百里爲博古圖山第十二界牌界又北偏西三十一度六十四里爲多什圖山第十三界牌界又西北至克斯尼克圖第十四界牌其北偏東歧路一百七十二里有金屯斯克礮城自恰克圖至克斯尼克圖爲土謝圖汗部與俄屬薩拜喀勒省之界若唐努烏梁海與彼之界則自克斯尼克圖向北轉西二十三度一百二十里爲古爾畢山第十五界牌又西偏北十七度八十二里爲罕夏河第十六界牌其東北三十里俄人置罕金卡倫有歧路出境傍義爾古德河南岸東行至拜喀湖西岸之庫勒圖克與悉畢爾鐵路接其入境歧路則西南分達烏里雅蘇台及科布多城界線自罕夏西北四十四度九十里爲努庫圖山第十七界牌又西北十二度一百八十五里爲額爾吉克塔爾罕山第十八界牌此山即薩彥嶺也又北約七十里轉西北三十五度四百里爲托羅斯達坂第十九界牌又西偏北二十六度八十里當薩彥嶺之北麓北爲俄國義爾古斯克省葉尼塞省交界處界又轉而西南繞薩彥嶺西北麓距托羅斯西偏南二十六度四百八十里爲肯結滅達第二十界牌又南偏東十二度三十六里爲烏斯第二十一界牌又東偏南一度五十五里爲霍爾達坂第二十二界牌轉南偏西十五度十八里又轉西偏南二十二度二百里爲克穆克穆齊克第二十三界牌其東爲貝克穆河與克穆齊克河會流處故以二河之名名界牌界線自此向西偏北一度約八十里又向西偏北四十二度二百又四里爲沙濱達坂第二十四界牌自恰克圖至此爲雍正五年所定界約之西半段東西合計乃車臣汗土謝圖汗部及唐努烏梁海北邊之界我中國與俄羅斯互二萬餘里惟外蒙之界仍舊未改若唐努烏梁海及科布多西界之斷斷則肇端於咸豐十年始訂於同治三年再訂於同治八年九年三訂於光緒九年每次爭議必多變地而以同治三年所失爲尤廣阿爾泰諾爾烏梁海二旗及定邊左副將軍所屬唐努烏梁海十佐領卽於是約割去削地東西二千餘里南北千八百餘里面積約一百十餘萬方里舊界

不可問矣考其新界自沙賓達坂向西偏北五度約五十四里轉南偏東十八度六十里爲阿賽巴什山口界又向南偏西三十七度六十里爲拜茲山口界又向西南四十五度四十六里爲蘇爾達巴哈山口界牌界又轉西偏南三十八度五十五里又屈東偏南四十度三十里爲喀喇蘇魯克界益轉而南偏西七度五十五里爲呼爾達巴山口又轉南偏東二十九度七十里爲喀喇塔巴爾罕山口又南偏東四十二度三十分九十二里爲察布禪達巴山口界牌自喀喇蘇魯克至察布禪皆薩彥嶺西幹也自察布禪以東即唐努山脈故同治三年之約謂察布禪爲唐努鄂拉西邊末處界又自察布禪南偏西十度四十里抵根德格圖泊西北岸轉而西偏北二十度五十里又轉南偏西十五度進六十里爲博果蘇克山口界牌卽界約之柏郭蘇克也自沙賓達坂至是爲烏里雅蘇台所屬自此以南入科布多境順賽留格木嶺向東偏南二十二度三十分三十八里又轉而南偏東十一度十四里爲喀喇夏雅山口又向南偏東一度四十六里爲阿斯帕特山口又向南偏西九度三十分三十三里爲疊爾邊特達巴哈界牌又西偏南二十九度三十分二十里爲博古特山口界牌又西偏南十四度三十五里爲塔爾哈特山峯峯在界內又至山峯之西偏南二十二度三十分四十二里爲博里齊爾界牌又轉北偏西三十七度三十分二十四里爲察罕布爾哈蘇山口界牌又轉南偏西十六度三十三里轉西偏北十九度六十里又西偏南十五度五十二里又南偏東十八度三十里爲烏蘭達巴界牌又南偏西四十度七十里爲阿爾泰山西垂其北卽奎屯山也又轉向西偏北十三度三十分一百二十四里爲哈巴河源亦作阿克自沙賓達巴哈至哈巴河爲同治三年八年九年所定雖喪地甚多而迄今未改若哈巴河以下則始訂於同治修改於光緒較始定之界爲寬蓋額爾齊斯河下游之齊桑淖爾舊本全在界內同治三年八年之約被攘其半然其東畔仍在界內也迨光緒九年再改約章而全棄界外矣其修改之界自哈巴河源南偏西二十四度三十分一百四十二

里又西偏南一度逾薩茲山灣五十里又南偏西四十四度又西偏南九度過阿克森阿什奇克真山梁四十二里抵阿爾噶巴克河界即傍河南偏西十五度三十分九十里為阿爾噶巴克河入額爾齊斯河之口又西則入於新疆界矣 祖宗艱難創闢之業樞府疆臣漫不經意藩封故壤相繼淪亡未戰一土未發一矢而喪地一百十八餘萬方里不深可太息痛恨者乎俄人之割阿爾泰諾爾烏梁海及定邊左副將軍所屬唐努烏梁海也約文謂住牧人丁向在何處者仍留何處俾安居故土各守舊業是以地分於何國其人即歸何國管轄遂致二族之人隨地入俄俄人不知其為烏梁海種名之曰額魯特人今其圖於帖列斯克湖西南載有額魯特人牧地而帖列斯克湖即會典圖說之阿爾泰泊也

附伊犁將軍所轄之額魯特

臣謹案伊犁額魯特受伊犁將軍節制凡二盟曰烏納恩素珠克圖盟四部十旗曰巴啟色特啟勒圖盟一部三旗今新疆改設行省其部落自在分述如左

南路舊土爾扈特部在喀喇沙爾城北當天山之南珠勒都斯至 京師八千九百餘里凡四旗曰汗旗中旗右旗左旗與中路和碩特三旗同游牧有珠勒都斯河繞之東至博爾圖嶺接迪化縣及吐魯番廳境南至舊城迤西及庫爾勒境西越納喇特嶺接伊犁圍場北至阿爾輝山接綏來縣界所部盟所在烏納恩素珠克圖 北緯四十三度 西經三十三度

臣謹案舊土爾扈特錯居於喀喇沙爾今焉耆府也其沿革已詳新疆省初本回部 國朝康熙間為準部脅服乾隆二十三年回疆平乃入版圖三十八年令舊土爾扈特渥巴錫由天山北齋爾徙於珠勒都斯上下游及開都河南北岸春入山秋出山由卡倫官兵稽察編置佐領設旗四授札薩克世襲

中路和碩特部附牧珠勒都斯至 京師九千餘里凡三旗曰中路中旗中路右旗中路左旗牧地在南路舊土爾扈特部之西東至小珠勒都斯上游

南踰達蘭山至開都河上流西至大珠勒都斯河曲北至胡斯圖達坂接綏來縣及庫爾喀喇烏蘇廳界盟所在巴啟色勒啟勒圖 北緯四十三度二十分 西經三十一度二十分

臣謹案中路和碩特部舊為四衛拉特之一分牧青海伊犁此其別支明季北徙俄境乾隆三十六年部長恭格從土爾扈特汗渥巴錫來歸 詔游牧珠勒都斯編置佐領設旗三授札薩克世襲

北路舊土爾扈特部在塔城廳東境當金山之西南霍博克河東薩里山等處因稱霍博克薩里至 京師九千七百餘里凡三旗曰北路旗右旗左旗牧地東至噶札爾巴什諾爾即布倫托海接科布多所屬新土爾扈特界西至察漢鄂博接舊哈薩克今俄屬宰桑界南越戈壁至迪化府昌吉綏來二縣界北及東北至額爾齊斯河接阿爾泰烏梁海界西北至吉木乃河接俄界所部盟於烏納恩素珠克圖 北緯四十六度至四十七度半 西經二十九度至三十一度

臣謹案北路舊土爾扈特牧地近塔爾巴哈台其沿革已詳新疆塔城廳明季土爾扈特牧此避準噶爾之憑陵遠徙俄國境乾隆三十六年其汗渥巴錫自俄來歸 命牧額敏爾河南之齊爾尋乞徙珠勒都斯而渥巴錫之族子布延圖王留牧霍博克薩里編置佐領設旗三授札薩克世襲 隸塔爾巴哈台大臣轄

東路舊土爾扈特部在庫爾喀喇烏蘇廳城西南當天山之北濟爾噶朗上流之地至 京師九千二百六十里凡二旗曰左旗右旗牧地跨濟爾噶朗河左右東至奎屯河南至額布圖嶺西至固爾圖河屯田北至戈壁所部盟於烏納恩素珠克圖 北緯四十四度二十分 西經三十二度十分

臣謹案此部牧地沿革詳新疆庫爾喀喇烏蘇廳乾隆三十六年渥巴錫之族弟巴木巴爾由俄來降入 覲封郡王賜牧濟爾噶朗掌右翼從子奇布騰封貝子掌左翼皆授札薩克世襲

西路舊土爾扈特部在伊犁府東北當天山之北晶河迤西至 京師九千六百六十里祇一旗曰西路旗牧地東至精河城南至哈什山陰西至托霍

木圖臺北至鹽海子所部自爲一盟曰烏訥恩素珠克圖

北緯四十四度三十分西經三十四度三十分

五分十

臣謹案此部牧地沿革詳新疆精河廳乾隆三十六年渥巴錫之族叔默們圖來歸封貝勒四十年定牧地於精河掌旗一授札薩克世襲



皇朝續文獻通考卷三百二十九

輿地考二十五 青海

臣謹案青海左屏關隴右達蕙沙前控烏斯後瞻豬野禹貢析支西戎漢書謂之賜支河首境內迤北有大澤漢地志作仙海鮮水王莽置西海郡北魏始有青海之名其南有星宿海為黃河之源其西木魯烏蘇為長江之源而瀾滄怒江並濫觴於此崇山峻嶺千里綿延為崑崙東幹之一脈即大禹導河所自之積石也地勢高寒棄之戎索漢晉時先零羌吐谷渾相繼負固隋唐及宋為吐蕃所并擾及雍秦元代於河州設宣慰司蓋領之明曰西番正德初蒙古別部亦不喇卜兒孩等自河套竄入脅服番衆頗為邊患謂之海寇後又為俺答所據就撫稍戢明季額魯特之願實汗由準部侵踞 國初奉貢受封雍正中願實之孫羅卜藏丹津叛討平之定蒙古二十五旗牧河北五旗牧河南餘畀番族其時蒙疆番弱後乃反是悍番劫財擄地蒙旗離心束手託命 大邦嘉道開陝督長齡那彥成先後臨之以兵迫令番衆還巢然兵歸番出蒙古終不能禦咸同以降或播於西甯甘涼近邊捐棄故封已乖職方所掌今仍依舊敘列勿忘其朔時局變遷雀煙踵起番族而外更有耽耽隔戶網繆封畛申畫視 國家之威信與疆吏之謀猷為得失矣

青海蒙語曰庫可諾爾庫可者青也周七百餘里所轄全境東西約二千八百里南北約一千四百里東及北界甘肅西及西北界新疆南界西康東南界四川西南界西藏在 京師西南五千七十里距西甯四百餘里自雍正初平定羅布藏丹津之亂三年編遊牧蒙古為五部二十九旗附察漢諾們罕一旗不設盟長統於西甯辦事大臣九年新撫南稱巴彥等番民七十九族十年由四川西藏西甯派員會勘以青海南部之四十族歸西甯統轄凡掌部五旗二十九番族四十

青海和碩特部除西右翼中旗為願實汗長兄哈納克土謝圖之裔西右翼後旗為願實汗季弟色樓哈坦巴圖爾之裔以外餘十九旗皆願實汗之後

掌旗二十一

西前旗牧地在青海西境東至博爾池北左翼末旗南至甘珠爾齊老土爾扈特西旗西至班禪商上堪布喇嘛牧場北至布哈河濱北右末旗北緯三十六度四十分西經

前頭旗牧地在黃河第一曲之北積石西傾二山間東至洮州廳土司南隴大雪山及黃河接四川松潘廳土番界西至大哈柳圖河接土爾扈特南前旗北至西甯府貴德廳界北緯三十四度四十分西經十五度四十分

前左翼頭旗牧地在青海北烏蘭木倫河南瓊科地方東至沙拉克圖山接涼州迤南黃城灘南至北右翼旗西至甘州府祁連山南野馬川番族北至西右翼前旗北緯三十七度四十分西經十六度三十分

西後旗牧地在柴集河南其水西北注鹽池東至錫喇海子接南左翼次旗南至土爾扈特南後旗西至布隆吉爾河源北越柴集河接南左翼後旗北緯三十六度十分西經十七度

北右翼旗牧地在青海北岸東至東上旗南至庫庫諾爾齊津西至綽羅斯北中旗北至烏蘭和碩河源北緯三十七度二十分西經十六度二十分

北左翼旗牧地在布隆吉爾南東至哈喇諾爾南至科爾魯克西越戈壁接新疆噶斯池界北至伊克柴達木接敦煌縣南山番地北緯三十七度四十分西經二十度

南左翼後旗牧地在青海西南隅東至喀爾喀南右翼旗南至柴集河西至北左翼末旗東北至青海北緯三十六度四十分西經十七度十分

北前旗牧地在青海西岸東南至科依特陀羅海南至榮吉希巴立台均接南左翼後旗西至車吉北末旗北至布哈河北緯三十七度十分西經十七度十分

南右翼後旗牧地在青海東岸東至丹噶爾廳南至綽羅斯右翼頭旗西至海濱北越巴哈泊至東上旗境內有 世宗御製碑文北緯三十七度四十分西經十五度四十分

西右翼中旗牧地跨柴達木河東至諾木罕河南至音德爾圖山西越沙磧至新疆噶斯口北至烏蘭烏蘇河接北左翼旗界西南至巴顏哈喇山接玉

樹土司第一二族西北至得布特里接新疆蒲昌海沙漠北緯三十六度二分西經三十二度十分

西右翼前旗牧地在大通河上流烏蘭木倫河北岸東至涼州南山黃城灘

南至左翼頭旗西至歐西喜山北至肅州南山野牛溝北緯三十六度二十分西經三十八度二十分

南右翼中旗牧地當西傾山之西北東至貴德廳所屬番地南至小圖爾根

山西至大圖爾根山北至察罕諾們喇嘛牧地北緯三十五度三十分西經三十五度三十分

南左翼中旗牧地西瀕黃河之曲有恰克爾河東南來流入之東至巴哈圖

爾根南及西及北均至黃河西南至阿里克番地東北至碩爾河北緯三十五度西經三十三度

北左末旗牧地在布客河西南東至柴吉齊沁北前旗南至博爾池西至哈

唐和碩皆接西前旗北至阿穆尼庫山接玉門縣界北緯三十六度五分西經三十八度五分

北右末旗牧地在布隆吉池南東至沙爾泊接左末旗南至格德爾古河西

至小柴達木北至安西州昌馬山北緯三十七度十分西經三十八度十分

東上旗牧地在青海東北岸東至大通縣所屬土司南至巴哈泊西至青海

北右翼旗北至烏蘭木倫河北緯三十七度十分西經三十五度十分

南左翼次旗牧地有柴集河東至沙拉圖接達賴商上喇嘛牧地南至呼呼

烏蘇河西至努克孫山西後旗北至南左翼後旗北緯三十六度十分西經三十六度十分

南左翼末旗牧地當博羅充克河源即湟水之上流也東至丹噶爾廳北

川土司南至圖祿根察罕河接輝特南旗界西至東上旗北至阿木尼岡山

接山丹縣大馬營界北緯三十七度十分西經三十五度十分

南右翼末旗牧地在黃河北岸有錫尼諾爾東至龍羊峽貴德廳界南至黃

河舒爾古勒渡口接河南察罕諾們喇嘛牧地西至沙拉圖接達賴商上喇

嘛牧地北至青海北緯三十六度十分西經三十六度十分

西右翼後旗牧地有柴達木河東至希昔接左翼後旗南至諾們罕木魯接

玉樹番族西至烏拉斯台接右翼中旗北至北左翼旗北緯三十六度十分西經三十二度十分

西左翼後旗牧地跨柴達木河東至巴彥陀羅海接班禪堪布喇嘛牧地南

踰烏蘭德錫山至星宿海西至烏爾圖接右翼後旗北至瑪尼圖沙納圖接

右末旗北緯三十六度二十分西經三十九度四十分

青海綽羅斯部本準噶爾族康熙中其酋與噶爾丹爭產相殘殺由阿爾泰

徙牧青海後入覲受封仍號綽羅斯掌旗二

南右翼頭旗牧地在青海東南之察罕陀羅陵東至日月山喀喇庫圖營接

丹噶爾廳界南至巴彥淖爾接輝特南旗界西至窩爾登諾爾接喀爾喀南

右翼旗界北至青海北緯三十六度四十分西經五十五度四十分

臣謹案西甯辦事大臣歲祭青海及與諸王公會盟皆在察罕陀羅陵自

丹噶爾西南七十里喀喇庫圖城舊駐守備扼華戎出入之徑其西南四

十里阿什漢水其西七十里察罕陀羅陵道光初並築營堡相為犄角貴

德廳南境野番渡河北侵佔雖經驅逐咸豐中營卡曠廢番族復熾於是

綽羅斯頭旗及輝特南旗和碩特南右翼等皆不能自保流離顛沛甚有

甘為虎俛者可哀也已

北中旗牧地在青海西北岸東至巴哈烏蘭接和碩特北右翼旗南至布喀

河西至胡色爾格嶺接和碩特北右末旗北至烏蘭木倫河北緯三十七度十分西經三十七度十分

青海土爾扈特部元臣翁罕之九世孫莽海始由準部分徙青海其子博第

蘇克 國初通貢雍正初乞降掌旗四

南中旗牧地東至黃河恰克爾河口南越登努爾特山至黃河接和碩特南

左翼中旗西至哈倫烏蘇接本部西旗北至貢額爾格河接和碩特南左翼

次旗北緯三十五度三十分西經三十六度三十分

西旗牧地在阿敦齊老圖有都勒泊東至哈倫烏蘇南越結博河至阿里克

土司西至阿拉克沙爾山托遜池北至南後旗北緯三十五度十分西經三十七度十分

南前旗牧地東越小哈柳圖河至和碩特前頭旗南及西皆越黃河至阿里

克番地北越大哈柳圖河至和碩特南左翼中旗北緯三十四度十分西經三十六度十分

南後旗牧地在碩羅巴顏山之陽東至南中旗南至阿敦齊老圖西至薩爾

哈布齊河皆接西旗北至和碩特西後旗北緯三十五度五十分西經十七度五十分青海輝特部初屬額魯特之杜爾伯特後自為一部牧於塔城舊雅爾準噶爾之亂其部分析有第巴青諾顏者始徙牧青海附於和碩特雍正初廷議令別立一旗

南旗牧地當青海東南至阿什漢水接丹噶爾廳界南至岳托羅海山接貴德廳界西至和碩特南右翼末旗北至巴彥淖爾接綽羅斯南頭旗北緯三十六度四十分西經十五度四十分

青海喀爾喀部元太祖之裔外蒙古喀爾喀札薩克圖汗之同族有多爾濟阿喇布坦避噶爾丹之暴徙牧青海附於和碩特雍正初專立一旗

南右旗牧地在青海南岸東至和爾河綽羅斯南頭旗南越阿木尼薩爾沁山至和碩特右末旗西至柴集河接和碩特左後旗北至青海北緯三十六度四十分西經十六度四十分

附察漢諾們罕一旗蒙古二十族原牧地在貴德廳西黃河之南東至龍羊峽河口南至札里山西與北皆至黃河所屬蒙番錯雜刁悍多盜乾隆之季私越河北嘉慶元年西甯大臣策拔克奏請許其居於河北沙拉圖後益不馴道光二年總督那彥成押還河南雖非青海境時為青海患且本屬於辦事大臣未可以贅疣忽之也北緯三十五度五十分西經十五度五十分

臣謹案青海凡五部二十九旗及察漢諾們罕同為一盟通稱額魯特例定三年一貢分三班九年而周其土司羣番亦貢馬於西甯置互市於西甯之日月山大通之察漢俄博貴德之西河灘故西甯雖邊郡而當西徼諸族之貢道市場辦事大臣駐節於此不啻為青海之都會也

西番四十族

- 阿拉克族 住牧地界東至多爾宗察漢諾們罕南至納克溪色特
- 蒙古爾津族 雍希葉布族 牧地界東至多爾宗察漢諾們罕南至納克溪色特
- 玉樹族 藏語東至哈拉果爾地方牙木錫爾南至哈木薩北至殿通
- 噶爾布族 蘇魯克族 藏語東至哈拉果爾地方牙木錫爾南至哈木薩北至殿通

尼雅木錯族 牧地東至果喇巴地方喇嘛古喇北至喇嘛古喇地方

固察族 牧地東至果喇巴地方喇嘛古喇北至喇嘛古喇地方

稱多族 藏語東至果喇巴地方喇嘛古喇北至喇嘛古喇地方

洞巴族 藏語東至果喇巴地方喇嘛古喇北至喇嘛古喇地方

多倫厄托克安圖族 阿薩克族 利玉族 阿永族 葉爾濟族 拉爾

濟族 典巴族 賽玉族 蘇玉族 蘇玉族 蘇玉族 蘇玉族 蘇玉族 蘇玉族

隆布族 上隆布族 碩西至東至阿薩克族 扎武班石族 巴南至東至阿薩克族

扎武族 上扎武族 下扎武族 扎武班石族 巴南至東至阿薩克族

上阿拉克碩族 下阿拉克碩族 方蘇東至西至阿薩克族 扎武班石族 巴南至東至阿薩克族

上隆壩族 下隆壩族 色西至巴烏蘇木地方南稱族南至郭爾木地方

蘇爾莽族 西至份爾尼地方南稱族南至郭爾木地方

白利族 牧地東至哈木薩地方南稱族南至郭爾木地方

哈爾受族 碩西至東至阿薩克族 格爾吉族 南至東至阿薩克族

登坡格爾吉族 下格爾吉族 格爾吉族 南至東至阿薩克族

巴彥南稱族 南稱桑巴爾族 南稱隆冬族 南稱卓達爾族 牧地東至

蘇魯南至客木達察卡山多西至達尼爾

吹冷多拉族 西至多德北至多力南至多

覺巴拉族喇嘛 會地之時應送文免其納馬

拉布庫克族喇嘛 會地之時應送文免其納馬

臣謹案此四十族於雍正十年西甯總理夷情事務大臣達爾賽定各部落分設千戶百戶由兵部頒給號紙准其世襲千戶百戶之下酌設散百長其不及百戶者設百長一名由西甯大臣發給委牌每十戶設一什長出千百戶派充自十一年起每百戶歲貢馬一匹折徵銀八兩每戶徵銀

八分除二族免納外餘三十八族八千三百六十九戶共徵銀六百六十九兩零限每歲六月閒由番目到西甯衙門交納完全閒年會盟於結古地方禮成之後即催收馬貢清理詞訟如有官差過往仍供給烏拉此初定章程也乾隆中貢銀拖欠委員率通事往催番民供應所費十倍惟往返數千里僕馬帳幕需用本繁沿途騷擾道光初督臣那彥成議勿派員但令各千戶預籌交販售皮貨之殷商帶呈此體恤通融之策也諸族以南稱千戶為之長而官書方志或稱阿里克等族或稱玉樹等族或又省稱曰玉樹族以目為綱名實未正至其族數之多寡亦言人人殊如衛藏通志謂四十族即上列者是西甯府志則云三十八族那彥成平番奏議云三十九族同治以還之案卷又云二十五族而未列其目今詳考之其以為三十八族者蓋以覺巴拉拉布庫克二族不納馬貢故耳以為三十九族者蓋阿里克族原駐可可烏蘇與察漢諾們罕同司黃河渡口後於道光初避南番之擾移駐大通河北歸入西甯府境故耳以為二十五族者蓋道咸而降諸族自相分合如南稱四族安圖七族阿拉克碩二族隆布二族皆併而為一玉樹一族分而為四隆壩二族分而為三蒙古爾津多出竹節族亦有舍其舊族附屬於人如洞巴之附於南稱吹冷多拉之附於拉休阿拉克碩併成之稱噶爾布之附於蘇魯克白利之附於玉樹哈爾受班石之附於扎武合計四十族中減去不列數之三族自相合併之十一族附屬於人之六族其存者為二十族加以分出之五族適如其數也

臣又案 大清會典圖說謂青海西南玉樹等土司三十九族未羅列其名而見於輿圖者四十有一今摘錄圖中所載之名分加注釋以備參考曰阿里克二土司在黃河第二曲之西南初住牧東隄在西甯府西北玉樹四土司在黃河源之西北木魯烏蘇河上游左右玉樹或作由受住牙木魯三百餘里所分四族曰或莫日將賽日曰蒙古爾津後分出二族曰登曰永沙普一作雍希布或作永夏住皆在鄂陵海南東南曰稱多或作鹿住曰拉布即拉布庫克喇嘛管理在瑪楚河西南江上流龍曰尼牙木錯

一作年錯或作煥發住牧曰固察住牧魯爾札東里北距均在木魯烏蘇河東北曰白利住牧烏蘇河西北距玉樹四里曰阿薩克曰阿永在木魯烏蘇西南并上安圖今營曰札武三土司住札倫布額上住札爾通一里在布壘楚河曲左右西甯道官召各族千戶會盟於此其多與買所聚諸土司接壤科曰隆布初為二族一曰阿拉克尼布三曰今并為六曰班石一作班特或作布在布壘楚河曲之西曰上中下三格爾吉在格爾吉河上游住牧後折出東一曰利四曰哈爾受一隔河後附於札武曰上下隆壩壩上者牧中壩折下者牧吉獨又折出一族曰班馬曰隆東曰覺巴拉承辦文報者曰蘇爾莽西北距阿拉克曰葉爾吉即葉爾人安曰列玉今并入曰安圖一作南苑或作安沖住牧北距曰洞巴里曰典巴曰拉爾吉今并入曰吹冷多爾附於吹休曰洞巴吉三百餘里後附屬焉皆在格爾吉河東北曰桑巴爾顏囊謙一作南稱住牧奇可北距蘇爾莽五百里有四族并於巴爾均都在鄂穆楚河北曰蘇魯克在沙克河南住牧三木沖東南距爾格土司皆曾越界生事至循化有熟番十八族生番五十二族貴德熟番五十四族生番十九族剛咱等野番八族雖不在青海境而並隸西甯大臣鈐轄且時時偷渡河北強佔蒙地蠻觸之爭豈可久置不問乎

皇朝續文獻通考卷三百三十

輿地考二十六 西藏

臣謹按西藏上古三危地處舜流三苗於此亦即禹貢崑崙織皮西戎之一漢魏為西羌晉隋以下吐蕃漸盛唐書謂蕃音近發以為發羌之後或云吐蕃即禿髮氏南涼之族或云出自党項焉稱唐古特近人謂中印度別部之主烏迪雅納為鄰部所攻東北踰須彌山止於藏江南境為吐蕃之祖言人人殊皆無確證實則戎羌之裔耳李唐之世吐蕃最彊兼并吐谷渾及西域四鎮憑陵隴右震驚畿甸至下嫁宗女翼息兵爭唐季分裂衰弱宋元尚存吐蕃之名信奉佛教獯悍漸消元明稱烏斯藏以番僧執政榮以大寶法王帝師國師諸號此皆紅教也明代有宗喀巴創立黃教傳三世而達賴班禪二喇嘛分主前後藏教務佐以貴酋曰噶布隆第巴並有蒙古唐古特汗駐後藏 國朝崇德初同奉表貢後有唐古特汗藏巴者與達賴交惡又暴虐生靈為青海順實汗所戕留其子達顏為汗順治初遣使奉貢達賴喇嘛以前明所頒開化王印私授第巴薩木結康熙九年達顏汗死子朋素克嗣號達賴汗三十二年達賴喇嘛奏請封薩木結為圖伯特國王達賴汗死子拉藏汗嗣薩木結不法煽亂四十四年拉藏汗殺之奏聞封拉藏為恭順汗準噶爾策妄阿拉布坦遣其黨南侵拉藏汗據地焚寺五十九年大兵討平雍正初簡大臣鎮守始握其政權番語稱其地曰圖伯特一作薩特即吐蕃之本音若漢或稱衛藏衛即烏斯其義謂中藏之義為淨蓋以拉薩居全境之中迤西為藏進東為喀木番言邊界也其音近康即羌也華人又以康衛藏三大部為三危或并阿哩數之為四部曩者幅員遼廓東抵滇蜀康熙五十年巴塘裏塘番族內附雍正三年立碑於巴塘西南甯靜山分漢番之界而藏東所轄猶有喀木之強半也惟大臣戶位曾豪貪庸貌從心違不樂就範強鄰耽耽伺其旁光緒十二年英吉利人威脅哲孟雄通商藏酋以哲部為已附庸遣兵挽之觸英怒十五年逐走藏兵十六年印度總督蘭斯頓與

我駐藏大臣升泰定藏印條約竟允英人監理哲部續求通商藏地十九年令參將何長榮稅務司赫德往大吉嶺議續約亦許開埠亞東藏人憤而違言三十年英人與兵問罪達賴未請命政府浪戰而敗遁走青海英兵入拉薩為城下之盟除亞東依約開埠外復增江孜噶大克二處 朝命駐藏大臣有泰抗議又 命唐紹儀率張蔭棠梁士詒往印度議改無效旋於京城訂中英藏印續約補救殊鮮且償兵費其時駐藏幫辦大臣鳳全奉 命至巴塘籌邊議屯墾什喇嘛被戕巴塘裏塘驕然建昌道員趙爾豐討平之三十二年設川滇邊務大臣分置康定巴安道府廳縣頗有創建西康行省之議達賴勒勒結自青海入觀懷異志逃歸煽動瞻對德格江卡各土酋叛亂宣統二年四川協統鍾穎率師西討累戰至拉薩達賴奔印度副大臣聯豫達爾奏請撤其位號於是喀木所屬雖收為內地而番民離心英使責我違約斷斷爭辯達賴甘為虎俚潛歸獨立功敗垂成西陲之禍亟矣

西藏本康衛藏三部之總稱今康已改為內地則藏地當縮於舊東西距約三千餘里南北距一千五百里東越鹿馬嶺至江達接川邊西康界西至阿哩之澤布隆接北印度之喀蒙界南越須彌山至布魯克巴一作布丹哲孟雄一作金二部界北及東北至唐古拉山一作通接青海玉樹番及新疆託古斯山界東南至狽狗野番接緬甸及印度阿薩密界西南至聶拉木接泥婆羅即那界西北抵喀喇崑崙山接新疆和闐州界自前藏至 京師一萬九百二十里今存二部曰衛曰藏而極西北之阿哩附焉

衛即烏斯之合音今稱前藏亦曰中藏在四川省城西六千一百七十里舊打二百五十里 在甘肅西甯府西南三千五百六十里東至岡噶拉山接喀木所屬江達界西至卓讓哈拉山一作卓接後藏所屬商河界南至讓爾岡克山奈楚河接布魯克巴界北至巴薩通木拉山接青海所屬中壩番地境內萬山環抱形勢絕高雅魯藏布河貫其中西北有騰格里湖布喀池西南有牙母魯克湖水甘草茂會城曰拉薩唐書所謂邏娑也背負布達拉山猶言

普陀也寺踞山巔重累十三層達賴喇嘛駐錫此寺僧徒以萬計駐藏大臣

正副二人同建牙焉屬邑三十

拉薩 高一標布達九度四十分

德沁 二一統志九度四十分

耨東 十一統志九度四十分

桑里 九度四十分

吹札爾普朗 二一統志九度四十分

恪噶爾 九度四十分

哩古 一極野九度四十分

裕勒佳阿雜 二一統志九度四十分

濟古 十一作則庫三度四十分

捫磋納 二一統志九度四十分

拉巴隨 二一統志九度四十分

達木 西一極野九度四十分

哀拉納馬佳勒 二一統志九度四十分

碩勒噶 二一統志九度四十分

卓莫 一極野九度四十分

多木純 二一統志九度四十分

則布拉岡 二一統志九度四十分

達克博奈 二一統志九度四十分

德摩 一極野九度四十分

東噶爾 二一統志九度四十分

日噶努布 二一統志九度四十分

楚舒爾 二一統志九度四十分

日噶公噶爾 二一統志九度四十分

雅爾博羅克勒巴底 二一統志九度四十分

多宗 八度四十分

僧格宗 二一統志九度四十分

得巴達克則 二一統志九度四十分

倫珠布 一極野九度四十分

薩木珠布公喀爾 二一統志九度四十分

盆多 一極野九度四十分

藏一曰喀齊在衛西九百里東至卓謨哈拉山接衛界西至瑪爾岳木嶺接

阿里界南至春不踰匪利山接布丹及哲孟雄二部界北至訥謨潭巴什山

接新疆塔光縣界西南至濟隆熱索橋接廓爾喀界西北至托古斯山接新

疆于闐縣界全境右枕岡底斯南望須彌山雅魯藏布江導源其間梵經所

謂岡底斯向東馬口所出之泉也前明蒙古人唐古特汗所居 本朝康雍

開裁定後始為班禪喇嘛所轄其會城曰日喀則永樂中黃教徒根敦珠巴

建大寺曰札什倫布壯麗亞於喇薩歷世班禪於此焚修光緒中英人窺藏

謂防俄人之南下而班禪十三與達賴爭噶拉之地同教相仇達賴通好於

俄英益忌之憂惑班禪相機而動觀得藏王又見日人之能拒俄也二十七

年與訂協約謂英圖衛藏日勿干涉日營三韓英亦不預聞銅山西崩洛鍾

東應可以徵外石田而忽之歎屬邑二十六

札什倫布 原名賽爾一稱日喀則今以札什倫布名其地喇嘛

日喀則 在札什倫布東三十七里

林湖 在札什倫布東三十七里

納噶爾澤 在札什倫布東三十七里

朋堆 在札什倫布東三十七里

巴納木 在札什倫布東三十七里

佳勒則 在札什倫布東三十七里

烏裕克林噶 在札什倫布東三十七里

定集 一作丁吉牙或作定結丁家在日喀則西南四百二十里極高二十八度

羅西噶爾 十一里極高二十八度或作羅錫哈喇或誤作失喀在日喀則西南五百四日

坡巴朗 十一里極高二十八度或作羅錫哈喇或誤作失喀在日喀則西南五百四日

噴噶克凌 十一里極高二十八度或作羅錫哈喇或誤作失喀在日喀則西南五百四日

桑札宗 十一里極高二十八度或作羅錫哈喇或誤作失喀在日喀則西南五百四日

濟隆 十一里極高二十八度或作羅錫哈喇或誤作失喀在日喀則西南五百四日

阿里宗 十一里極高二十八度或作羅錫哈喇或誤作失喀在日喀則西南五百四日

葉爾摩 十一里極高二十八度或作羅錫哈喇或誤作失喀在日喀則西南五百四日

烏穆 十一里極高二十八度或作羅錫哈喇或誤作失喀在日喀則西南五百四日

尙納木林 十一里極高二十八度或作羅錫哈喇或誤作失喀在日喀則西南五百四日

將羅尖 十一里極高二十八度或作羅錫哈喇或誤作失喀在日喀則西南五百四日

將阿木凌 十一里極高二十八度或作羅錫哈喇或誤作失喀在日喀則西南五百四日

春丕 十一里極高二十八度或作羅錫哈喇或誤作失喀在日喀則西南五百四日

薩噶哈拉 十一里極高二十八度或作羅錫哈喇或誤作失喀在日喀則西南五百四日

宗喀 十一里極高二十八度或作羅錫哈喇或誤作失喀在日喀則西南五百四日

大屯 十一里極高二十八度或作羅錫哈喇或誤作失喀在日喀則西南五百四日

羅和 十一里極高二十八度或作羅錫哈喇或誤作失喀在日喀則西南五百四日

東朗池 十一里極高二十八度或作羅錫哈喇或誤作失喀在日喀則西南五百四日

光緒三十四年議定藏印通商於亞東及江孜噶大克

其亞東春丕等皆荒僻無聞道光中英人以甘言重利給哲魯假地大吉嶺屯軍開路販貨植茶厥後以次蠶食光緒初窺及衛藏十六年十九年

兩次訂約堅索通商勉允開埠亞東旅居遊歷皆得任便藏番憤不遵行二十八年英兵攻入拉薩脅訂和約加開江孜噶大克二埠亞東者在大吉嶺之北二百六十里又五百餘里抵江孜皆入藏孔道時廷議設靖西廳同知遊擊於春丕由川督委派兼受為補牢之計三十二年命張蔭棠以全權航海往印度與英國議商務及市埠界域並入藏籌畫善後至三十四年乃定章程十五條然春丕居民僅十餘家江孜亦祇數十家噶大克更在西北二千里外險峻苦寒漢番罕至而英人重視如此其志非徒通商也今彼之鐵路將越大吉嶺而加喇各達約一千三印緬覆轍可不寒心乎

阿哩為全藏之西鄙東至價格哈巴山及瑪爾岳木嶺北即岡底斯之皆接後藏卓書特部界西至留巴日雅勒山接拉達克部界南至陽里山喀雷克山之支幹接北印度喀蒙界北至拉布齊嶺嶺之東幹接新疆和闐州界東南至瑪楚河下流之喀瓦力噶接泥婆羅界西南至澤布隆接北印度之旁遮普界東北至阿林岡里山接後藏之西北勒等界西北踰札噶哩山接拉達克克納界境內據有岡底斯山及阿柯達池四水分駛梵書所謂馬象獅雀四口各出大川藏布江印度河克伽河均皆發源於此洵宇內絕高之區域也屬地一十

布朗達克喀爾 一作統志作布拉克達克喇鄂首邑在後藏日喀則城西少北二千二百餘里極高三十五度五分西經三十五度四十五分

噶爾東 一作噶爾多木或作噶爾多極高三十五度四十分北經三十五度五分西經三十五度五分

什德 經三十五度五分西經三十五度五分

古格札什倫博 一作古格札什極高三十五度五分西經三十五度五分

沖隆 一作沖隆極高三十五度五分西經三十五度五分

則布朗 一作則布朗極高三十五度五分西經三十五度五分

札什岡 一作札什岡極高三十五度五分西經三十五度五分

羅多克喀爾 一作魯多克在後藏西北二千九百里和湖南極高三十三度  
桑巴 卽札倫在價哈巴布山北度五十分西經自三十四度半至三十五度  
是度皆

噶大克 一作噶爾漢或作托克番噶爾漢前通考及會典一統志皆無此地名而近人目爲阿哩部之首邑英人索開商埠其地  
有那古河加托克河合流西北出境卽印度河之上流也在後藏西  
北約二千六百餘里極高三十一度五十分西經三十六度三十分

臣謹按前通考阿哩屬地無拉達克而有楚瑪爾德一作木爾的底本岡喀什  
畢底四邑一統志此四邑大半屬拉達克而拉達克屬阿哩固皆我之藩  
服也光緒十六年英兵入拉達克境三十一年乘破藏之威脅服拉達克  
號稱保護國於是阿哩迤西暨地千里我政府疲於爭藏不敢更詰拉達  
克強鄰狃糠及米并阿哩之石田亦視同俎肉蓋南通五印度西北通西  
域諸國可握崑崙邱之樞紐英員駐噶大克考察一切卻不樂華官往視  
輒以險峻難躋之語尼之想見其貪伎之意矣

附屬諸部

噶克卜 在拉薩東南八百里 恭布 在衛與喀薩噶 在後藏西卓書特 在噶西  
們巴 在阿拉塔 在喀木 舒布倫巴 格爾濟 塞爾匝納爾噶魯 瓦舒  
按青海界○以上見前通考

者巴 在日喀則西一千一百里 噶爾道榮 在喇薩西北二千五百  
達木蒙古八佐領 在喇薩之北當明季五輩達和時青海蒙古  
三十九族土司 在初安撫青海番民七十九族以四十分族分屬西甯以三  
員百戶長十三員  
由兵部給割世襲

- 納書克貢巴 畢魯 琿盆 達格魯 拉克 色爾札 札麻爾 阿札
- 克上下 夥爾川木桑 夥爾札麻蘇他爾族二 只多 瓦拉 夥爾 麻魯
- 甯塔 尼札爾 參麻布 尼牙木札 利松麻巴 勒達克 多麻巴
- 羊巴 夥爾達南 依戎夥爾族二 彭他麻 夥爾拉賽 剛噶魯上下 瓊
- 布拉克魯 噶魯 多爾樹上下 三札 三納拉巴 模族以上見通志



皇朝續文獻通考卷三百三十一  
賜進士出身頭品頂戴前內閣侍讀學士 臣劉錦藻恭纂

四裔考一朝鮮 琉球

臣謹案 皇朝通考四裔門謂中土居大地之中瀛海四環其沿邊濱海而居者謂之裔海外諸國亦謂之裔裔之為言邊也馬氏通考之四裔即杜氏通考之邊防名異實同皆敘華夏邊裔之事也自明萬曆開利瑪竇東來為傳教之始葡萄牙亞租借澳門為通商之始 國初沿明制聽海外諸國至澳門貿易嗣後雍正乾隆有恰克圖約道光時江甯約為五口通商則涉及內地矣廣州 汕頭 廈門 寧波 上海 漢口 天津 營口 煙台 濟南 濰縣 青島 營口 煙台 濟南 濰縣 青島咸豐北京續約天津條約汕頭 廈門 寧波 上海 漢口 天津 營口 煙台 濟南 濰縣 青島光緒開續約汕頭 廈門 寧波 上海 漢口 天津 營口 煙台 濟南 濰縣 青島而居者謂之裔海外諸國亦謂之裔裔之為言邊也馬氏通考之四裔即杜氏通考之邊防名異實同皆敘華夏邊裔之事也自明萬曆開利瑪竇東來為傳教之始葡萄牙亞租借澳門為通商之始 國初沿明制聽海外諸國至澳門貿易嗣後雍正乾隆有恰克圖約道光時江甯約為五口通商則涉及內地矣廣州 汕頭 廈門 寧波 上海 漢口 天津 營口 煙台 濟南 濰縣 青島咸豐北京續約天津條約汕頭 廈門 寧波 上海 漢口 天津 營口 煙台 濟南 濰縣 青島光緒開續約汕頭 廈門 寧波 上海 漢口 天津 營口 煙台 濟南 濰縣 青島

策豈至隨人後疲精神以求不可得之數哉茲敘封貢諸國暨有約之國列其形勢物產與夫兵事利害所關著為斯考備國聞之考證以遺鑒於後人云爾

臣又案古者言天圓而地方故馬考畫分東西南北以識國別 皇朝通考亦因仍不改迄今科學昌明無人不曉地如圓球特八大行星之一且南北東三方尚可按圖而索若以美洲各地因緣敘入西方似嫌失當茲不復區別方隅而各國仍依前考敘次焉

朝鮮

朝鮮在亞洲東部海角介於我國與日本之間北以鴨綠江及長白山與滿洲為界東北以圖們江與西比里亞為界東界日本海與日本之本道相對南臨高麗海腰西界黃海面積八十四萬九千方里五洲地理志作面積八十七萬五千方里全境分八道曰京畿江原黃海全羅慶尙忠清咸鏡平安其人頗倜儻率忘情不自振以故日就衰落有兩班者隸斷國中生計以官為職業合黨營私其曠產饒足尤以咸鏡江原二道為最動植各物亦豐願工藝窳拙不善用地實此國之所以貧也九千八百九十九年

嘉慶五年 敕封朝鮮國王李祘之子孫為世子尚未啟行李祘薨逝即以敕封之正副使往封李祘為朝鮮國王又奏准前往朝鮮 諭祭册封之正副使等車馬向係自備嗣後照前往琉球例一體給予勘合

六年朝鮮遣曹允大等貢方物

十二年朝鮮商人潛運米於獐子島奉 諭禮部奏朝鮮國王李祘差官金在洙齋文稱該國義州商人白大賢李士楨潛將米石運至獐子島與邊民朱張兩姓和賣折換違禁各貨物當將白大賢等拿獲監禁並將該地方官革職重究其違禁之錢文銅鐵等物如數齎解等語朝鮮貿易向有一定年限在於中江會館慶源等處豈容商民私自越疆違例販賣今該國商民白大賢等與邊民朱張兩姓膽敢攜帶米石禁物潛往貿易實屬大干禁例該國王於本處地方官查明獲犯審問監禁請示並將地方官重處一面派員將違禁物齎呈復

續修四庫全書 史部 政書類 一三四

嚴飭邊汛加意巡邏披閱來文具影恭順除飭盛京將軍督飭詔邊官弁將朱張兩姓上緊拏獲究辦並查內地疏防官懲處外該國解到銅鐵等件飭司收貯其白大賈等五犯著該國王自行查例懲治該國王恪守藩封小心服事於商民私販之事認真查拏以清邊界以杜奸宄忱悃可嘉著頒賞該國王大緞四匹玻璃器四件雕漆器四件茶葉四瓶以示恩獎

十七年義州土賊滋擾 派成祿督兵往剿

二十三年 賞朝鮮國王 御製詩及福字 諭曰朝鮮世守藩封恪恭侯度朕此次再蒞陪都祇謁 三陵該國王遣使迎鑾齋表修貢忠悃可嘉除例賞賚外特加賜御製詩章並御書福字以示優眷所遣陪臣並著照例賞給

二十五年遣使 敕封朝鮮國繼室爲王妃又 諭向來派往朝鮮使臣隨帶通官至五六員之多因思朝鮮往來語言熟悉通官本可酌減且恐通官等隨至該國或有騷擾需索等事非以示體恤此次冊封王妃使臣著帶通官一員嗣後派往朝鮮使臣俱照此例

道光元年議准朝鮮國王奏稱伊曾祖李昫染患痲疾經議政金集昌中樞李頤命左議政李健命判中樞趙泰采等請以李昫爲世弟參決國政而相臣趙泰考等誣爲謀逆誅戮金集昌等四臣幸蒙 聖祖仁皇帝冊封李昫爲世弟其事始定襲封後趙泰考等論罪伏誅並將四臣昭雪而皇朝文獻通考內載四臣謀逆事覺伏誅等語尙未改正查李昫蒙恩敕立該國臣民並無閒言其金集昌等被誣之事應予更正以昭傳信

三年 賜朝鮮國王 御書海表同文扁額

八年朝鮮使臣李球來進貢適以回疆用兵大功告成舉行筵宴 命該使臣一體入宴

九年 上奉 皇太后謁盛京 祖陵朝鮮貢使李相璜等貢方物

十一年朝鮮國王李琮請封嫡孫李奐爲世孫得 旨該國既稱伊子早逝伊孫李奐器質粹美國人繫望援引乾隆二十八年成案請封世孫以定國本情詞懇切著照所請行尋遣使 敕封李奐爲朝鮮國王世孫

又 諭禮部奏朝鮮國領時憲書齋咨官送該國王咨文一件查係英吉利商船向該國交易該主格遵法度正言拒絕朝鮮國臣服本朝素稱恭順茲以英吉利商船駛入古岱島洋面欲在該國地面交易經該國地方官告以藩臣無外交之義往復開導相持旬餘英吉利商船始行開去該國王謹守藩封深明大義據經奉法始終不移誠款可嘉宜加優賚著賜該國王蟒緞二匹閃緞二匹錦緞二匹素緞四匹壽字緞二十四匹用示嘉獎即交該國齋咨官帶往

十五年 諭朝鮮國王李琮已故長子李吳前往封爲世子因其早逝未及襲今該國妃金氏請以世孫李奐襲封國王因爲故世子李吳請追賜爵諡及世子婦誥命該部議駁固是但念其宗統繼序爲請情詞懇切揆之禮制專屬可行尋遣使 敕封朝鮮國王世孫李奐爲朝鮮國王贈故世子李吳爲國王諡康穆妻爲王妃

十七年 命侍郎倭什納等冊封朝鮮王妃

二十五年 諭禮部奏接准朝鮮國王咨文稱英夷船隻屢次移泊該國境內量山湖水情形叵測並問答中有交易之說請轉奏飭禁等語朝鮮臣屬天朝恪守藩服迥非他國之比英夷自定約以來一切章程均應遵守何得復至天朝屬國別生事端即云爲貿易起見該國轄境無多民貧地瘠亦復無利可圖著英即將此項情事詳詢英國使臣究竟朝鮮所見之船是否係英夷所遣該酋是何主見務須折以正言婉加開導令其心服嗣後總當恪遵成約彼此相安不得復任兵船游弋該境致滋驚擾以明天朝綏字藩封之意

二十六年 諭前據奕湘等奏接朝鮮來咨內地與朝鮮交界之處近有夷人私越邊境墾田構舍查拏究辦一摺當經降旨將未能實心查辦之將軍禧恩等交部嚴加議處茲據部議以降級調用奸民越界本干例禁開墾田畝尤屬意在久居宜如何查辦乃禧恩履任數年於此等外藩交界經朕特咨交辦之件漫不經心實屬大負委任

又 諭據奕湘奏朝鮮來咨嚴禁江邊蓋屋懇查究一摺內地與朝鮮交界之處前已有旨不准人民私越邊界墾地構舍果能認真查禁何至甫越三四年

仍有民人潛往結舍墾田之事可見從前辦理各員全未實心查察所有聽恩及派往按查之統巡總巡並邊卡各官俱著先行交部嚴議仍著奕湘等遴派明幹之員帶同兵役分路前往嚴密按查將各犯 擊獲嚴究並將草舍田土全行平毀不准仍留寸椽尺地倘查明原定章程本未詳盡以致二十二年以後在事各員不能認真辦理再著嚴參毋得稍有諱飾至嗣後應如何設法查禁不致再有偷越之處俱著籌議具奏

二十七年 諭奕湘奏請欽派大臣查勘山場一摺已有旨派柏後等會同奕湘前往履勘矣此案流民越界潛往江邊墾田構舍疊經降旨令奕湘等派員按查嗣據奏稱擊獲各犯分別懲辦並經朝鮮差官眼同委員平毀田舍完結惟原指墾江西岸四十二處私墾田地若干畝構舍若干間居民男婦若干名口經此次嚴行驅逐是否實無寸椽尺土仍留該土柏後等接奉此旨務當會同奕湘前往逐細詳查並明定章程嗣後不致再有流民潛往構舍墾田之事尤當悉心妥籌務收實效倘敢意存遷就扶同諱飾將來復經該國咨請查辦或別經發覺定將該侍郎等一并治罪

又以法蘭西兵船入朝鮮 命耆英言於法使令其退兵

二十九年以故朝鮮國王李奂子昇襲爵 命瑞常和色本往册封

咸豐十一年 諭禮部奏朝鮮國王遣使臣瞻觀可否帶赴行在等語朝鮮國王因朕駐蹕熱河遣使臣奉表詣行在恭中起居具見忱深堪嘉尚惟朕近日身體違和若該使臣遠來行在未獲展觀轉無以慰其瞻戀之忱該國使臣到京後著毋庸前行在禮部仍照例筵宴並賞給該國王如意一柄藍蟒緞二匹粧緞二匹大卷八絲緞二匹小卷五絲緞二匹磁器四件漆器四件賞給該使臣大緞各一匹磁器各二件漆器各二件大荷包各二對小荷包各三對由禮部交該使臣祇領以示優禮藩封至意

同治二年朝鮮國王李昇遣員以先誣未盡昭雪請將終安書籍懇恩刊正奉諭朝鮮國王先系源流與李仁人者族姓迥別我朝纂修明史於該國歷次辨雪之言無不一一備載仰見 列聖睿裁折衷至當久已頒行天下中外皆

知今該國王因見康熙間鄭元慶所撰廿一史約編記載該國世系多評遺員奉表來京願懇刊正情詞肫摯具見誼篤本根實事求是鄭元慶約編一書如所稱該國王國祖康獻王為李仁人之子實屬舛誤惟係在明史未修以前村塾綴輯之士見聞未確不免仍沿明初之訛豈足徵信該國有原奉 特頒史傳自當欽遵刊布使其子孫臣庶知所信從約編一書在中國久已不行亦無所用改削著各學政通行各學查明曉諭凡該國事實應以 欽定明史為正如有前項書籍流播士林其中訛載該國之事不得援據以歸畫一而昭信守三年朝鮮國王李昇薨逝遣使 敕封李熙為朝鮮國王五年遣封朝鮮國王正室為王妃

七年 諭前據侍郎延煦等奏接見朝鮮委員並查勘鳳凰雲兩邊門外大概情形各摺件當諭恭親王會同大學士六部九卿公同商議副都統奕榕一併會議具奏茲據奏稱查勘各處私墾地畝並屋宇窩棚舖戶雖未全行開闢已無大段開荒而朝鮮所慮專在民物濶雜欲除濶雜之弊在乎邊禁之嚴復經該親王等會同延煦奕榕詳加審度將展邊一切事宜分別商酌並請飭盛京將軍會同原勘之延煦等悉心查辦等語覽悉仍派延煦奕榕馳驛前往奉天會同都興阿出邊查辦惟事當創始且與外藩交涉尤應禁令修明方能垂諸久遠都興阿前於入山查勘迹近推諉此事係該將軍專責豈能置身事外延煦奕榕會同周歷妥辦務當照該親王等所奏各節妥為籌辦倘仍意存觀望虛應故事以致貽誤將來有壞大局惟該將軍是問延煦奕榕均經親歷其境自必了然於心此次奉命前往尤當會同都興阿逐一查勘以安邊境而衛藩封不得稍形疏漏前次延煦接見朝鮮使臣所設問答均極詳明足見該國王深明大體洵堪嘉尚即著禮部傳知朝鮮國王俟報勘定議後務須嚴飭該國邊界官一體遵守以副朝廷安民弭患之意

九年朝鮮居民逃往琿春奉 諭禮部奏接准盛京送到朝鮮國王咨文內稱該國慶源府農圃社居民李東吉逃往琿春地方蓋屋墾田嘯聚無賴該國民口時有犯越皆李東吉招誘所致琿春人與之憤熟不肯舉發願懇查擊該國

匪徒竄入關隘沿邊官吏即應如數查拏今李東吉潛往彈春招引該國人民逃越內地豈可任其涵迹著毓福飭彈春協領等確查購緝務獲解交該國懲治

臣謹案是歲朝鮮大雨雹國內荒飢餓卒載道民人冒犯重禁渡圖們江至彈春諸處乞食求生是為朝鮮流民越聖之始

又諭總理衙門奏朝鮮民人潛逃俄界請飭該國自行辦理一摺前有旨諭令禮部行知朝鮮國王將逃赴俄界人民悉數領回約束毋許再有逃越並由總理衙門轉咨該國著該部按咨迅行朝鮮自行設法招徠使已逃者懷德復歸嗣後尤當嚴申禁令不可復蹈前轍

十一年朝鮮匪船越境侵擾都興阿等水師併剿之

光緒元年 敕封朝鮮國王李熙之子珩為世子  
二年日本與朝鮮結修好約十二條其第一款即云朝鮮為自主之邦與日本有平等之權以陸軍中將黑田清隆為全權井上馨為副率六艦詣江華灣問罪且要盟

周家祿朝鮮世表 奕於道光十九年以世孫嗣位二十九年薨無嗣吟四世孫昇立至此卒無嗣吟五世孫奕立大院君是應次子也

五年西洋各國欲與朝鮮通商 諭曰日本朝鮮積不相能將來日本恃其詐力逞志朝鮮西洋各國羣起而謀其後皆在意計之中各國曾欲與朝鮮通商倘藉此通好修約庶幾可以息事俾無意外之虞惟該國政教禁令亦難強以所不欲朝廷不便以此意明示朝鮮而顧念藩封又不能置之不問據總理衙門奏李鴻章與朝鮮使臣李裕元會經通信略及交鄰之意自可乘機婉為開導在該督必不肯輕與藩服往來通問而大局所關亦當權衡輕重著李鴻章查照本年五月間丁日昌所陳各節作為該督之意轉致朝鮮俾得未雨綢繆潛弭外患旋經李鴻章奏稱伏維朝鮮孤峙海隅向不願與遠人交接英法美諸國屢為所拒前歲日本脅以兵威始與立約通商猜疑未泯積有遠言日本知其孤立無援倘一旦伺隙思逞俄人亦將隱啟雄圖英德法美諸國復羣起

而議其後非惟朝鮮之大患抑亦中國之隱憂前福建巡撫丁日昌所陳各節為朝鮮計實為中國計惟朝鮮地僻俗儉困於風氣彼於近日海外情形茫乎未有所聞見日本最與相近交涉數年尚多隔閡若驟語遠交之利恐彼國君臣成見未融勢難相強此臣久欲設法而不能不躊躇審顧者也至朝鮮原任太師李裕元自光緒元年秋奉使來京是多回國道出永平囑該知府游智開轉寄一函道其仰慕臣以古者鄰國相交其卿大夫不廢贈答之禮矧朝鮮久列藩服誼同一家現值時事多艱臣職在通商既不能不廣示牢籠稍通遐邇之氣復不能不代為籌畫俾免枘枘之虞因於復書略著外交微旨嗣後開歲每一通函於備禦俄人應付日本之方常為道及本年春開李裕元來書頗陳日本非禮侵侮臣尚未及裁答適蒙 聖慈垂訓頃已專泐覆函作為微臣之意反覆開導加封遞至盛京請兼署將軍岐元安速轉遞查裕元見雖致仕據稱係為國王之叔久任元輔尚得主持大政亦頗曉暢時務如能因此廣咨博訪未雨綢繆庶於大局有裨惟泰西各國立約如傳教內地及販運鴉片煙入境為該國上下所深惡恐其因此疑畏是以書中豫為剖晰俾無過慮將來朝鮮若果定議事務正多該國於約章利病素未深究立約之時或不能不代為參酌朝鮮臣民未諳詳情驟與西人雜處欲其措注永無暇費亦尚難保仍應由中國隨事妥為調處庶幾遠綏邊較有實際

六年朝鮮遣使來津請示外交事宜李鴻章奏上年九月間朝鮮齋奏官卞元圭來津奉 旨令臣妥籌該國學習製造練兵各事業經詳晰復陳在案嗣接出使大臣何如璋函稱朝鮮外交一事廷議漸知變計又准總理衙門函商隨時設法維持調護並奏請嗣後遇有關係洋務緊要之件由臣與該國通遞文函相機開導奉 旨依議密行知照前來適有朝鮮國王委員李肅谷隨今屆貢使來京赴津稟謁據稱專為奉辦武備學習事並齋呈該國請示節略一本內載有李是應奏章頗悔去年堅拒美使為非計末則歸重於及今之務莫如懷遠人而安社稷等語又問他日不得已與各國相交先後早晚之策又索中國與各國修好立約通商章程稅則帶回援照是何如璋所稱朝鮮國王與執

政大臣決意外交而未敢遽發固已確有明證<sub>臣</sub>因其節略咨商事件繁瑣先令津海關道鄭藻如等傳訊一切擬議大概旋准李肅容進見與之筆談良久該國軍額極虛餉力極絀誠慮無以自立而所據形勢實爲我東三省屏蔽關係甚重現其君相雖幡然變計有聯絡外邦之意國人議論紛歧尙難遽決自應乘機開誠曉諭冀可破除成見固我藩籬惟該國於外交情事生疏卽爲與日本通商五年尙未設關收稅並不知稅額重輕設再與西國結約勢必被其欺蒙無益有損<sub>臣</sub>因其來牘有披露腹心願一一開誨碩畫之語出於至誠遂令前在西洋學習交涉事宜之道員馬建忠與鄭藻如等參酌目今時勢及東西洋通例代擬朝鮮與各國通商章程底稿豫爲取益防損之計交李肅容齋回俾該國遇事有所依據不致多受蒙蔽又聞該國君相已漸回悟惟原任太師李裕元等不無異議<sub>臣</sub>於光緒五年會遼 密諭轉致李裕元詳切開導嗣接復書尙未敢遽爾信從此李裕元來書似仍有不願遠交之意<sub>臣</sub>復函又加敦勸使不致從中作梗此後無論何國再派人往朝鮮議約當無堅拒之理但未便由中國強爲驅迫耳至其節略所詢各條內惟答復日本國書稱謂一節尙稍涉含混卽於屬邦體例有礙<sub>臣</sub>查西洋各國稱帝稱王本非一律要皆平等相交該國王久受我 朝册封其有報答日本及他國之書應令仍用封號國政雖由自主應不失中國屬邦之名

八年朝鮮暴徒數千驟起殺官吏三百餘人日本士官堀本爲教習亦與焉火日本公使館花房義實僅以身免日本遂遣兵艦三兵士八百人入仁川遂定濟物浦之約一逮治罪犯二償兵費五十萬元三派謝罪使於日本四日本使館置兵守衛

九年北洋大臣李鴻章使道員馬建忠俾大院君李是應安置保定使提督吳長慶率師四千戍漢城專治兵事使同知袁世凱總理朝鮮交涉通商事宜使德人摩靈德夫爲外交顧問其海關使赫德監督奉 諭張佩綸奏星象主兵請講武以靖藩服一摺據稱朝鮮亂作於內敵偏於外吳長慶一軍暫留鎮撫乃權宜之策非經久之圖條陳六事請飭籌辦等語朝鮮密選陪都實爲東省

屏蔽該國情形積弱現在變亂甫平鄰邦窺伺自應力爲護持以昭字小之義兼爲固圉之謀第其開籌辦機宜措置必須審慎張佩綸所陳理商政預兵權救倭約購師船奉天增兵永興籌備各條著李鴻章悉心酌度妥議具奏旋經李鴻章覆奏朝鮮積弱不振強宗煽亂經我 國家視同內服命將出師擒其首惡李是應安置保定羣情震懾於是天下萬國皆知朝鮮爲我屬邦大義益明又有吳長慶一軍暫留鎮撫數月以來水陸將領及朝鮮陪臣自該國來津者<sub>臣</sub>詳加諮訪僉稱朝野晏然人心大定日本留護使館之隊爲數無幾亦與民相安該國王力圖振作<sub>臣</sub>遵 旨籌商善後各務漸有端緒張佩綸所陳六事有已經辦定者有欲籌而未及辦者謹悉心酌度分條覆陳一理商政原奏當 簡派大員爲朝鮮通商大臣理其外交而政治之得失國勢之安傾亦得隨時奏聞豫謀措置等語查光緒六年駐日使臣何如璋致書總理衙門內有主持外交一篇以中國能於朝鮮設駐紮辦事大臣凡內地政治外國條約皆由其主持爲上策又稱時方多事疆長莫及此策未能遽行其次則遣員前往朝鮮代爲主持結約當經總理衙門函商於<sub>臣</sub>謂此事若密爲維持保護尙覺進退綽如倘顯然代謀在朝鮮未必盡聽吾言而各國或將維吾是問他日勢成騎虎深恐彈丸未能脫手原是審時度勢之論該衙門曾於七年請 旨派<sub>臣</sub>勸諭朝鮮與西國通商摺內聲明在案本年春開<sub>臣</sub>與美使商辦朝鮮約稿奏派道員馬建忠提督丁汝昌前往襄助令朝鮮另具照會聲明該國爲中華屬國顯寓主持調護之義嗣英德踵往議約朝鮮國王卽屬馬建忠轉稟<sub>臣</sub>處選派熟悉商務公法之員幫同辦理交涉事件該國內亂平後復遣部臣趙甯夏等來議善後亦詳詳以此相屬<sub>臣</sub>慮其君臣不諳外交或致措注失宜允俟該國咨到酌辦頃趙甯夏航海復來接有朝鮮國王咨文一件謹照抄呈御覽其云代聘賢明練達之士蓋欲<sub>臣</sub>薦員往助仍隱由該國王調度權可自彼操也若如張佩綸所陳 簡派大員爲朝鮮通商大臣理其外交並預其內政職似監國向來 敕使有一定體制通商大臣當與該國王平行辦事分際既難妥協以後各國與朝鮮交涉事件必惟中國是問竊恐 朝廷與總署不

勝其煩矣惟是泰西通例凡屬國政治不得自主故與人結約多由其統轄之國主政即半主之國可自立約亦只能議辦通商而修好無與焉今朝鮮與日本立約已越七年當時約款竟認朝鮮爲自主之國在朝鮮昧於公例豈足深責而咨報禮部轉奏並未一加駁斥本年美英德三國訂約始申明中國屬邦字樣日本方噴有煩言各國尙不免疑議將來換約時恐有饒舌倘 欽派大臣駐紮該國理其外交之政必將日本及美英各約畫一辦理殊非易事若不畫一亦非政體此目前之難也朝鮮爲東三省屏蔽朝鮮危亡則中國之勢更急乘此無事派大臣往駐以主持通商爲名藉與該國政府會商整理一切保朝鮮即以固吾圉亦與泰西屬國之例相符第其國內政治中朝向不過問一日陰掣其權而風土異宜人材孱弱措施張弛未必盡如我意若其陽奉陰違或被他人挑唆生隙 朝廷又將何以處之此日後之難也 臣反覆籌思未敢遽決此策請 敕軍機大臣會同總理衙門通盤籌畫定議覆奏至張佩綸請薦曾充專使熟悉洋情者以充其選何如璋上年曾發此議若派專使宜無如該員之熟悉情形矣一預兵權原奏亂黨殺大臣並殺倭人嗣後當由中國選派教習代購洋鎗爲之訓練犄角等語查趙甯夏等八月初面呈該國王請示善後六條內有整軍制一條即求中國爲之設法經 臣鈔送總理衙門嗣趙甯夏等商懇延請教師借給洋鎗炸藥又經 臣飭吳長慶揀派精熟洋操員弁就近教練並籌撥銅炸藥十尊英來福鎗一千杆配齊藥彈分批解交吳長慶轉交該國驗放應用業於九月奏明與張佩綸所擬辦法正同一救倭約原奏倭約莫貪於索費尤莫狡於駐兵聞告貸北洋安知非借中帑以款東兵應無庸籌借倭兵屯紮王城尤多隱患應由吳長慶密謀箝制等語查前據趙甯夏等面稱國無一月之儲欲借債以救急五月開馬建忠往朝鮮爲英德議約即稟聞該國財用窘乏日本有借銀五十萬之說該君臣恐受挾制未允嗣花房義質又有代籌開礦扣還償款之議亦力持不可該國急而求我自係萬不得已 臣仰體 皇上字小之仁未便推諉致受人籠絡轉生疑貳因勸諭招商局員唐廷樞於華商湊股籌借銀五十萬兩議明常息八釐分年由該國關稅礦

利攤還當經據稟分咨總理衙門禮部在案各國借債本係常事即中國亦屢向洋商認利借銀 臣既爲朝鮮籌議善後勸令華商借銀並非出自官帑似亦情理所宜况隱隱杜該國轉求日本之漸唐廷樞與趙甯夏等已會訂合同章程斷無失信中止之理今張佩綸疑爲借中帑以款東兵殊屬誤會 臣前詢趙甯夏日本償款該國另有指款茲復與筆談詰問據稱該國向有贈給釜山日本人之費近因通商停給算得一年日本館所贈給者可抵分年償款日後商局借項用於何處仍隨時報查所言尙切實可信謹將十月初二日筆談節略照鈔呈 覽至倭約索費五十萬元原定五年分繳適朝鮮派使赴日本 臣即電商出使大臣黎庶昌勸令朝使向日本外務省商減兵費旋據黎庶昌電報日本不允減款只改爲十年分繳是每年僅繳五萬元朝鮮雖貧尙不致爲難此即所以救倭約之索費也倭兵進紮王城原約一年爲期吳長慶既平內亂本可克期撤回 臣因倭兵未撤退 旨飭吳長慶督軍暫駐實密謀箝制之法見倭兵駐王城僅二百餘人決不致有他患擬俟明年春開再令吳長慶撤回三營仍留三營俾資保衛倭兵一年期滿撤盡慶軍乃酌量抽撤此即所以救倭約之駐兵也一購師船原奏陸軍護王都不如水軍護海口應 飭部臣迅撥巨款先造快船兩三艘由北洋選派將領駐守仁川較爲活著等語洵爲至當不易之論 臣於本年八月覆奏添練水師摺內聲明海防經費各省籌解僅及四分之一請 飭戶部總理衙門再撥的款務足原撥四百萬之數尙未知部臣如何籌議今擬巡護朝鮮即以固我門戶必預先造快船二隻查總稅務司赫德送呈英廠新式大快船圖說每隻價銀六十五萬兩李鳳苞在德國訪查新式價值不相上下昨函詢船政大臣黎兆棠據稱該廠仿造快船每隻連噸位約需銀四十萬兩雖不及英德各式之精利迅速而工料價值較減擬請 飭黎兆棠趕籌定造快船二艘刻期竣工專備北洋派防朝鮮之用並懇 飭部於海防經費外迅撥有著之款八十萬兩限一年內分批解交如解不足數准 臣檄江漢關道由見存出使經費項下挪撥隨時咨明戶部總理衙門知照一防奉天原奏朝鮮日益多事遼防亦宜預籌請 飭盛京將軍抽練旗

丁歸宋慶統之與所部常滿萬人以便緩急等語自唐迄明有事朝鮮皆由遼瀋進兵從無海道濟師之事緣中國自古舟師笨滯越國爭戰鮮獲利者今日東西洋輪船盛興一日千里而朝鮮形勢三面濱海更於水師爲宜輪船由煙台至朝鮮漢江口一日夜可到由津沽亦不過三日若由遼瀋陸路至朝鮮王城須二十餘日往往緩不及事故欲防護朝鮮必以添練兵船爲要此時勢之宜變通者然遼防爲根本至計朝鮮後路抽練旗丁自屬要圖請 飭盛京將軍選將簡器認真操練貴精而不貴多宋慶所部見調赴金州旅順口設防與兵船相依護距瀋已遠未便兼顧旗營應由該將軍另選明幹樸勤之員庶收實效一爭永興原奏朝鮮之永興灣嚴寒不冰俄人欲得其地駐船應會同吳大澂妥籌力爭要害等語查朝鮮東北之永興灣形勢險固可作船塢西人豔稱之上年中俄議約俄人調集兵艦海參威英法各國皆疑俄欲攻奪永興而駐津俄國領事今升署公使之偉貝每向 臣密言俄廷絕無此意本年英美德與朝鮮議約俄使先向總理衙門探詢朝鮮與俄定界通商經朝鮮辨阻迄今尙未再議似其本志非即欲進永興者永興接近元山通商口岸將來各國貿易互通俄人亦難獨佔奪至該處距吳大澂駐兵之甯古塔三姓琿春等處千餘里而遙中隔俄境水陸異宜山川閉阻吳大澂兵力餉力斷難兼營似只可從緩籌議俟朝鮮整頓軍制力能自顧北洋鐵船快船購練齊備再隨時酌撥分往梭巡以壯聲援

十年日本駐韓公使竹添進一郎舉濟物浦所索償款五十萬元以四十萬元還韓聲言助其改革行政之用韓人德之日本在漢城設郵政局落成韓廷貴顯及各國公使咸集獨日使竹添不至宴方酣突有放火於比鄰座客驚散號稱中國黨閥臺鎬等遇刺日本黨金玉均朴泳孝馳入宮門疾呼清兵作亂日本竹添率一中隊稱入衛擁王移別殿謀挾以適仁川王以失妃及太子不肯行翌日我兵至遂移王於營竹添不得逞快快歸國日本黨悉隨之去其不及遁者咸就誅當我兵之入韓也竹添禁其軍不許開槍而袁世凱乃炮擊日本使館且焚毀之

十一年日使伊藤博文與李鴻章議砲擊使館事卒定議三條兩國皆撤朝鮮戍兵朝鮮如有內亂兩國派兵必須先行互相知照此約論者以爲不諳國際法有此巨謬成公同保護國至甲午成中國巨禍先是伊犁約成英人慮擾東方大局冀中國始終護朝鮮屢爲總署言總署漫不爲備十二年駐英法德俄使臣劉瑞芬致李鴻章書謂朝鮮毗連東三省一有動搖震撼邊疆宜乘其內敝收其全國改建行省此上策也如以久修職貢不忍利其土地則約同英美俄列強公同保護亦足保安全鴻章上於總署總署不可事遂寢鴻章亦深惜焉

十三年李鴻章奏奉 寄諭朝鮮派使各國體制交涉務歸兩全其未盡事宜仍著李鴻章隨時通問籌商務臻妥協即電飭駐紮朝鮮辦理交涉通商事宜升用道知府袁世凱轉商該國應派駐紮公使不必用全權字樣旋據袁世凱電稟准朝鮮外署照稱奉國王傳教前派各使久已束裝如候咨文往反籌商恐須時日請先電達北洋大臣籌覆並據咨稱近年泰西各國屢請派使修聘諸國幅員權力十倍朝鮮不可不派大公使惟派使之初未請體制未克商請中朝於派定後即飭外署知照各國以備接待茲忽改派深恐見疑仍請准派全權公使前往待報聘事竣調回或以參贊等員代理庶可節省經費並飭該使至西國後與中國大臣仍恪遵舊制等語詞意尙爲遜順 臣復加籌度更將有關體制者約定三端一韓使初至各國應由中國大臣挈赴外部一遇有燕會交際應隨中國大臣之後一交涉大事關係緊要者先密商中國大臣核示並聲明此皆屬邦分內體制與各國無干各國不得過問當即電飭袁世凱轉達該國王照辦茲復准該國王咨稱於十月杪飭駐美公使朴定陽駐英德俄意法公使趙臣熙先後前往所定三端並飭遵行咨請據情轉奏前來 臣查朝鮮派使往駐泰西本係無益虛名徒糜國用惟該國原約有遣使互駐之條未先商請中國遠以全權公使報聞各國此時慮以改派失信自是實情既稱遣使後與中國使臣往來恪遵舊制 臣所定擬三端又經遵行於屬邦事例並無違礙至所稱報聘事竣或由參贊等員代理以期節省經費亦係遵奉 諭

旨審度預籌

十五年朝鮮慶賀歸政進方物資其國王及王妃綴匹

二十年東學黨揭竿於全羅道袁世凱思假此立功勸韓王乞援於我乃我軍揚威操江方入仁川而日本軍艦七艘已在公使大島圭介入漢城世凱驚愕不知所爲我政府方據天津條約知照日本依保護屬邦之例從朝鮮之請派兵戡亂日本不認朝鮮爲我屬邦覆書相謝爭辨匝月日本不屈我國約共撤兵不許經英調停無效更干涉朝鮮改革內政我師方遷延平壤待命而日軍已徧滿漢城矣韓廷甚恐問計於袁世凱世凱惟告以中國屬邦理合乞援日本出兵無理令以此抵當日本而已適啟日本以攻瑕之路日本騰書朝鮮政府詰問爲獨立國乎仰中國屬邦乎限一日答覆至是袁世凱計窮遷延三日朝鮮卒以獨立國對日使謂既獨立宜速改革內政上政策五條促施行韓廷洵懼決諸世凱世凱謂宜陽許之而促其撤兵以爲後圖越日日人以書逼韓廷曰朝鮮與中國締約與獨立國性質不相容宜摧棄之韓廷未決答而袁世凱已宵遁自是朝鮮遂與我絕與日本結攻守同盟矣韓人之維新者競通款日軍乞以兵衛王城廢王妃起大院君再攝政日本從其二惟廢妃事持未發未幾黜舊官設議政府八大衙門以日本黨充之時我軍敗報未至大院君復貳於我事發日日人逼退位以大島圭介干韓政不得要領乃以井上馨代之上政策二十條謁見韓王聲色俱厲王震懼乃率羣臣誓於太廟頒布洪範十四章謂責任內閣統一財政租稅以法律定之不得妄徵改官制派游學徵兵纂法典先是朝鮮乞援李鴻章據以入告朝廷因該國兩次變亂均經戡定特遣兵往不入漢城直赴全城一帶進剿該匪聞風而散我軍撫恤難民方謀撤兵日本亦派兵赴韓徑入漢城各踞要隘添兵萬餘迫令朝鮮變政朝廷不忍以久隸藩封之邦一旦淪陷 頒詔與日本開戰屢戰不利迭失要隘

二十一年我與日本結馬關條約認朝鮮爲完全無缺獨立之自主國先是十年俄人威爾拔爲駐韓公使訂俄韓邊界通商約開咸鏡道之興慶爲通

商口岸得韓人心日使井上威逼韓廷深爲各使所嫉威爾拔乘閒籠絡宮掖外以各使爲爪牙韓人不嫌於日本者威爾拔俄法德三國干涉退還遼東事日本黨人失職忽撤回井上以三浦梧樓代之先是日人岡本柳

之助居朝鮮二十年蹤迹詭異出入宮禁而尤爲大院君所信任自閔氏之專已積不能平三浦到朝之三日即遣岡本謁大院君厥明大院君率隊入衛號稱清君側日使挾使館兵繼其後韓宮衛士拒之關於光化門有死者嘯時謁韓王方陳奏而內侍報王妃閔氏見戕王失色是役也各國公論咸不直日本謂奉使修好而教唆亂黨以戕國主之匹耦文明國際所未聞也日本政府亦以衆怒難犯越兩日執其公使三浦及岡本柳之助凡有職於使館者四十人以歸錮於廣島韓王亦挾中官走俄使館總理事大臣金宏集軍務大臣鄭秉夏於市詔從俄館出俄人更自仁川軍艦中調軍衛館與各使議撤日本戍兵代監督財政練軍隊設俄語學校使京城元山電線與西伯利線通得成鏡道採礦權

二十三年朝鮮改稱韓國建元光武

二十五年我始遣出使大臣徐壽朋駐韓定通商條約十五款

二十七年日本設京釜鐵路俄國租借龍岩浦設砲臺先是我國內亂聯軍入京俄據滿州遂有持滿韓交換之論者

三十年日俄戰爭起日軍占領韓疆全部遂結國防同盟約及戰局終日俄在美國善後瑪士結和約第一條俄政府承認日本在韓國軍事政治經濟利益日政府在韓國必要時執指導保護及監理俄不阻礙干涉之遂認爲日本保護國列強無異言於是日人以其陸軍少佐野津鎮雄爲韓國軍部顧問加藤增雄爲宮內顧問兼農工商部顧問以大藏省參事官賀田種太郎爲財政顧問以親信美國人狄布爲韓國外事顧問以文學博士幣原坦爲政學參與官丸山重俊爲警務顧問而前聘之英法人皆解職韓國政自顧問出大臣伴食而已又以陸軍大將長谷川好道爲駐韓軍司令兼警察各地領事受韓民詞訟通信機關委日人管理訂沿岸航行自由約



三十一年伊藤博文為遣韓大使林權助結日韓新約定為保護國先收其外交權韓民方汹汹而一進會首助之其領袖宋秉晚李容九號召數十萬人助日本政綱頒統監府及理事廳制任伊藤為統監通告各國公使以本年內撤歸而韓國駐外使一律撤回

三十二年仿日本官制設新內閣對於總監負責任以李完用為總理大臣三十二年七月韓人李相窩李璋鍾李俊在海牙要求參列萬國和平會越數日美國人發電報各國報館謂韓王見幽於日本警察殆同梟囚夕以淚洗面日人洵怒韓人失色韓密派使於統監府辨密使不關已韓諸大臣亦辨不與聞且探統監善後策伊藤默不應六日各大臣開御前大會詢韓王以事實有無王不答旬日韓內閣決議乞韓王讓位謝日本王怒不聽十七日日本外部林董使漢城韓王召見伊藤以未派密使自誓詞甚哀伊藤不答詢讓位可否伊藤毅然曰此非外臣所宜言伊藤退諸大臣入夜分韓王下詔讓位太子太子即位改元隆熙尊王為太帝立太帝幼子英王為太子八月一日下詔解散韓國軍隊十一日伊藤歸日本日人環呼萬歲當太

帝讓位也獨宮內大臣朴泳孝不盡諾泳孝者首倡改革得罪太帝避居日本韓人所目為日本黨者伊藤雅重其人及任統監薦授顯職辭不就讓位前數日泳孝忽詣闕乞召見自請為宮內大臣及難作泳孝守宮門拒外客護持翼緩不捨乃知其忠讓位後韓京有暴動日人謂泳孝所煽煽諸獄

宣統元年日本與英同盟承認日本在韓有政治工業商業特別利益伊藤奏日皇太子游韓韓太子游學日本欲以柔服韓人在韓立東洋殖會社中央銀行全韓生計握於日本至是辭總監以曾爾荒助代之十月伊藤游滿洲至哈爾濱驛韓人安重根狙擊之遂卒重根就逮日人鞠之不諱得死刑問曷為不逃曰吾為光復軍一將官義不可逃問何欲曰已殲我仇吾願

畢一死外無他求日人為之起敬伊藤遇刺後九日一進會李容九率會員三十萬人呈日韓合邦請願書統監拒不受容九與會員游說各郡稱道合邦之利如得請我韓民為一等國民宋秉晚歸自日本而合并協約成其約

為寺內正毅李完用簽名人謂李完用賣國云

二年統監曾爾荒助乞病陸軍大臣寺內正毅為統監以山縣伊三郎副之合併條約發布下緊急敕令廢韓國號仍名朝鮮置總督布戒嚴令韓王為昌德宮李王前王為德壽宮李太王王族李燾李熹為公韓境內大赦免租通告各國凡前所結約悉無效領事裁判廢止關稅十年後議改李王拜受印綬自陳願入覲同時一進會獨上建白書援刑亂國用重典請師子產治鄭孔明治蜀越三日一進會告解散

謹案朝鮮李氏建國於明洪武二十五年至是亡凡歷五百十九年傳二十一世二十七君與日本地偏而世仇自江華灣立約後漸成孤立自日英同盟後恣睢無所忌遂以亡韓其處心積慮曲折赴題經二十餘年始達亦以各國均勢之說維之不然英取緬甸法亡安南何所顧慮而若是難哉或云朝鮮實自亡然安重根能以餘燼一擊國仇發抒忠義之氣有不亡者在同於楚之三戶秦亦無如何也

琉球在日本薩喇馬之南東洋小國也周環三十六島皆海中拳石其國都之島較大南北四百餘里東西不足百里五洲地志琉球大小五島百七十七方里八十四萬八千八百九十九口在東北者曰沖繩島在西南者曰八重山羣島其最大之島曰沖繩島自前明以來世為中國藩屬我朝覆育有加其貢舟三年一至許其販鬻各貨免徵關稅王薨則世子遣使請命派文臣二人為正副使賜一品服持節航海册其世子為中山王故其國風俗多能道者

乾隆五十八年諭魁倫奏琉球國貢船到關免稅一摺該國貢船帶貨照例免稅所遣使臣係屬年例進貢見距年節兩月有餘為期尚寬著傳諭伍拉納等即飭伴送之員按程從容行走並咨會沿途各省一體遵照祇須於封篆前到京以便與年班各外藩同與宴資也

五十九年諭禮部奏琉球國使臣稱國王此次恭進謝恩方物懇照五十五年准予賞收免抵下次正貢等語該國王因前賜福字如意等件遣專使進方

物向來俱准抵下次正貢原以昭體恤而示柔懷今據該使臣呈稱伊臨行國王再三囑令將所進方物懇請賞收免抵下次正貢具見國王惻誠可嘉此次所進方物既已賞收著照所請該國王下次正貢仍當優加賞費用彰厚往薄來至意

嘉慶四年遣使 敕封琉球國王世孫尚溫爲琉球國王

八年 諭玉德奏琉球國二號貢船在洋遭風飄至台灣地方衝礁擊碎救援人口上岸一摺外藩尋常貿易船遭風飄至內洋尚當量予撫恤此次貢船在大武崙洋面衝礁擊碎尤應加意優恤其撈救得生之官伴水梢人等著照常例加倍給賞至所裝貢物除常貢等件業經沈失外其正貢船隻據稱與常貢船同時開駕至今尚未到閩自係同時遭風見經玉德等移知浙粵等省沿海口岸一體確查如無蹤迹或已飄沒沈失所有正貢常貢物件均無庸另備呈進該督等即繕照會行知該國王以此次貢船遭風人口幸無傷損貢物行李沈失此實人力難施並非該使臣等不能小心護視所致見已奏明特奉恩旨優加撫恤其沈失貢物遠道申虔卹與齋呈賞收無異不必另行備進齋貢官回國該國王毋庸加以罪責以副天朝柔遠之意嗣後貢船遭風沈失貢物之事均著照此辦理

十二年以琉球國王尚溫薨逝世子尚成權署國事未及請封病故遣使 敕封該國世孫尚灝爲琉球國王並給予國王尚溫卹典其已故世子尚成追封王爵給予誥命及銀絹祭文均交封使齋往

十七年遣使 敕封琉球國王世子尚育爲琉球國王

道光二十年 諭吳文鎔奏琉球國遣使來閩請照舊進貢一摺向來琉球開歲一貢上年降旨改爲四年朝貢一次原所以體恤外藩茲據該國王請照舊開年進貢情辭真摯著照所請行該陪臣子弟四名准其隨同貢使北上入監讀書

臣謹案自改四年朝貢中山國王尚育咨稱琉球地濱海最患多風惟朝貢以時則風雨和順每遇貢年歲必大熟又貢船出入閩疆歲頒時憲書

得以因時趨事庶務合宜且不產藥材賴貢舶載回應用至航海鍼法全賴隨時學習番休更替若四年一朝則豐歉不齊人時莫授藥品缺乏誠盤荒疏請奏復舊制時文鎔任福建巡撫疏聞故降此 旨云

咸豐元年 諭禮部奏琉球國使臣呈稱該國世子進貢方物懇照嘉慶六年十四年道光二年准予賞收免其留抵等語該國世子因慶賀登極專使呈進方物前經降諭准其留抵正貢原昭體恤而示懷柔今據該使臣等呈稱伊臨行時該國世子再三諄屬懇請賞收免抵下次正貢具見惻誠著照所請所進方物准予賞收下次正貢屆期該貢使來京再予優資

四年 諭王懿德等奏琉球國貢使懇准入都一摺前以用兵省分尚未肅清諭令琉球使臣毋庸繞道來京以示體恤茲據奏稱該國貢使除例貢外尚有謝恩及恭進表章仍祈入都藉達下忱等語該貢使殷殷懇實出至誠若必令毋庸來京非所以慰遠人嚮慕著俟來歲道路疏通即派員護送赴京俾輸忱悃

又 諭禮部奏議琉球貢使暫緩赴京一摺琉球國王久列藩封貢使航海輸誠具徵忱悃惟見在用兵省分尚未一律肅清若令繞道程途跋涉遠來轉非所以示體恤著該使貢船抵閩後即行宣諭朕意令此次毋庸來京仍優予犒賞委員妥爲護送回國所進方物著賞收由該督派員送京其應行頒賞該國世子及使臣物件該衙門查章備辦發交該督轉給祇領

又 諭禮部奏琉球國使臣呈稱該國世子此次貢進方物懇照道光二年咸豐元年准予賞收免其留抵等語該國世子因慶冊立大典專使貢物前經降旨留抵下次正貢以昭體恤今據呈稱伊臨行該世子諄屬賞收免抵正貢具見誠懇可嘉著照所請下次正貢屆期再當優賞用昭懷柔

九年 諭王懿德等奏琉球貢船尚未進口令該督撫察看情形俟道路疏通派員伴送進京據慶端奏該貢使於去歲到省較各屆業已愆期見在安插驛館請俟道路疏通再行進京等語該國遣使遠涉重洋輸誠納貢未便日久滯閩仍著王懿德等察看情形如該省上游及江浙等省路無梗阻即派員伴送

來京以昭慎重

同治三年 諭禮部奏琉球國使臣呈稱該國世子進貢方物懇照道光二年六年咸豐元年五年准予賞收免其留抵等語該國世子因慶賀登極並進文宗顯皇帝香品專呈方物前經降旨留抵下次正貢以昭體恤該使臣稱伊臨行時該國世子諄屬懇請賞收免抵下次正貢誠懇可嘉著照所請准予賞收五年 敕封尚泰爲琉球國王

六年 諭禮部奏琉球國使臣呈稱該國王恭進方物懇照歷年成案准予賞收免其留抵等語該國王因恭謝御書扁額專使呈進方物前降旨准其留抵正貢原示體恤今據稱伊臨行時該國王諄屬懇請賞收免抵下次正貢肫懇可嘉著照所請下次正貢再當優賚

光緒元年 賜琉球國王緞匹文綺及貢使緞匹

三年日本阻琉球入貢遣來使歸國

五年日本滅琉球以其王尙泰歸以其國改置沖繩縣

臣謹案日本自明治維新以來卽有并吞琉球之志當同治十年國內廢藩立縣先下令琉球置其地於鹿兒縣管轄之下外務卿副島種臣主之政府謂必損中國感情副島悍然不顧並促尙泰入朝翌年尙泰如京致謝至是遂夷其地封爲藩王列入華族尋卒於日本國小無援遂以覆祀痛哉

七年 諭總理衙門再向日本使臣妥商球案

上年日人竹添進一至天津謁李鴻章稱其政府意擬以北島中島歸日本南島歸中國美前總統格蘭德出任調停亦主割島分隸之說鴻章因就詢在津之球人尙德宏知南島枯瘠得之仍不能自立而球王及世子日本不釋還鴻章遂致函總署謂俄事方殷日人藉肆要求允之則大受損拒之則樹一敵惟延宕一法以爲對付俟俄事結再理球案則力專而勢張總署踴之至是俄約成詔以存球宗社及割島事命總署與日使商訂後突戶機以未滿所欲悻悻去至越南新約成日本乃援法爲例琉球終歸日本 琉球

國紫巾尙德宏捧香赴閩督撫具奏奉 諭著總理衙門傳示出使日本大臣相機籌辦敵國駐日法司官等懇求設法蒙欽差大臣與日外務省劃切理論日人悍然不顧竟責滅數百年藩臣之祀主憂臣辱宏等何面目復立天地之閒生不願爲日本人死不願爲日本鬼合國臣民及商農信至催宏上道效申包胥之哭來津求中堂密奏賜救又稱光緒三年閩憲據情具奏飭宏遵京制願奉 諭飭令回國毋庸在閩守候以致不能陳情北上日本無所顧忌派兵將敵國主驅出城外將世子擁去皆宏不能進京叩叩所致回憶宏到閩時敵國主臨行泣諭何嘗倒懸望解慘迫急切宏乃稽顙日久迄無成事誤國誤君死有餘罪近美領事交閱西報中有敵國主被日迫赴日京革去王號給予華族從三品職著令歸國敵世子質日京等語伏思敵國主忍辱至此冀宏願請天朝拯救若得與師問罪卽以敵國爲鄉導宏願充先鋒以洩不共戴天之憤或頒兵敵國堵禦日本如洪武七年命吳楨率沿海兵至琉球防守故事

臣謹案琉球朝鮮先後折入於日本於是窺臺灣之謀益亟而東三省亦駸駸爲所籠罩無非師法泰西不獨師其長技并其心術詐力而亦師之然英法之侵南洋各島及緬越必俟商教兩端灌輸浸淫而後潛取出於無形日本則徑以兵要挾表示強狠滋多後艱此不及泰西之工也而我中國於藩屬以禮往來有撫字而無迫挾猶是三代御荒服之意浩然無私於其閒足以對萬世而無憾矣

皇朝續文獻通考卷三百三十一

四裔考二 日本

日本在亞細亞洲東北太平洋之西北以五大島為國所屬小島凡一千八百餘五洲地志本島面積八萬五千三百四十五英里及諸島共面積十五萬九千九百九十八英里八千二百二十七萬六千五百五十口全境分十一部曰本道曰北海道曰四國曰九州曰千島曰佐渡曰對馬曰壹岐曰淡路曰隱岐曰小笠原其後縣琉球割臺灣為兩部境內山川險要其俗尚俠重武善擊刺男子出必佩刀性好潔街衢屋宇時洗刷之光可鑑物居室卑矮以木為架編竹為墻其人大都寬衣木屐席地而坐有古風維新以來政體一變沈醉歐化大獎勵農工商各項實業官私學校幾遍全國蓋變法才四十年浸浸與列強抗衡其祖為蝦夷或曰太和種亦有秦時徐福避亂入海留居其地者聞至今熊指山下尚有徐家村云康熙以來商船東趨日衆日本設奉行三員於長崎以領華商華僑志一萬二千一百三十八人臺灣三百三十七人

同治元年日本長崎奉行遣其屬附荷蘭船載貨達上海因荷蘭領事官照料完稅不敢請立約通商大臣薛煥許之聞於朝是為日本互市之始

三年因英國領事巴夏禮請許其商民自報關完稅

七年英領事代請許其商民至內地給護照照行皆大將軍德川時事也

九年始遣使來上海請通商立約其致書總署略曰日本國三位外務卿清原宣嘉從四位外務大輔藤原宗則致書於大清國總理外國事務大憲台下往昔與貴國交誼特深方今與西洋諸國定約貿易貴國聲教仰慕久矣大西洋且荷視同仁諒不肯令我國受西洋脅制早擬遣使修好以國家多故未果然不能久曠也今業經派從四位外務權大丞藤原前光等往貴國定通商正約或駐京師或往來各港該使臣投至貴憲台下祈隨時接待聽其陳述本國所望事件尋總署據奏議駁不許

又諭英翰以日本願請通商恐貽後患殷殷以杜絕為請此事因該國意向甚堅業已令其特派大員到時再與妥議條約自無再事拒絕之理至將來如

何明定章程以期久安著會國藩李鴻章預行妥籌詳細奏明應隨時較有把握

紀事本末 同治九年日本大藏卿伊達宗城柳原前光副之來議約我疆臣有以前明倭寇為辭奏請拒絕日本通商者李鴻章奏駁之謂順治及嘉道年間賞與日本通市江浙設官商船額每歲購銅百萬斤咸豐以後蘇浙閩商往長崎貿易寄居者絡繹不絕論者拒絕之請於今昔時勢彼國事實蓋未深究今彼見西國與中土訂約彼亦援例而來拒之太甚必因泰西介紹固請自不如就此時推誠相與彼使臣來謁每稱欲與中國結好協力對外立言亦頗得體既允立約在前斷難拒絕於後時兩江總督曾國藩亦上疏力爭大致與鴻章同但約中不載明比照泰西通例尤不可載利益均霑語堅彼之黨素我之章疏上 朝旨違之遂命鴻章與訂修好規條十八條通商章程三十三款附以中日海關稅則約成以不能盡同西約宗城歸日政府意望缺然旋罷宗城官

十年 諭李鴻章奏日本使臣將抵天津請派大臣在津會議立約一摺已另有旨派李鴻章為全權大臣並派應寶時陳欽隨同幫辦矣該大臣俟日本使臣到津後務督飭應寶時陳欽悉心籌畫杜漸防微總期周密免致將來窒礙本日簡派全權大臣諭旨一并發往各該使索閱即另行恭錄給予閱看候議約事畢此旨仍繳還軍機處

又 諭李鴻章奏日本議約漸有端倪並將往返信函抄錄呈覽一摺日本與中土最近又近託於同文之國見在議立修好規條通商章程自不必沿襲泰西舊套該督飭應寶時陳欽與該使臣反復辨論大致均已允服遵照惟章程內請添凡兩國准予別國優恩及有裁革事件無不酌照施准一條仍是一體均沾之意應寶時等復該使臣信函頗足折服其心即著李鴻章飭令應寶時等力持定見悉心開導總期安定以示區別而杜弊端並將辦理情形隨時具奏

又八月日本使臣議約事竣來京呈貢方物得旨該國所呈方物留中其另

饋土儀一分著恭親王收受

十三年日本犯臺灣番社

又 諭總理衙門奏日本使臣上年在京換約時並未議及派員前赴臺灣番地方之事今忽與兵到閩聲稱借地操兵著派沈葆楨帶領輪船兵弁以巡閱爲名前往臺灣番一帶察看不動聲色相機籌辦

又 諭總理衙門奏日本兵船赴臺灣各國船隻亦有駛往福建洋面情事請旨派員速籌一摺據李宗羲咨稱日本兵船於三月有駛進廈門海口者英水師亦選兵船往臺灣巡南巡查並聞日本購買輪船裝載軍糧法國及日本兵船均已抵廈日本兵共八營俱在臺灣東海岸起岸欲攻生番本月初始據李鶴年函稱日本水師官抵瓊瑤柴城一帶查看牡丹社等處形勢繪圖並聲稱牡丹社係番界彼自尋蹤勢難禁止等語生番地方久隸版圖與臺灣唇齒相依日本相距尤近且各國均有兵船駛往臺灣道視爲番界尋蹤勢難禁止實屬不知緩急見日本兵船已赴臺灣且有登岸情事亟應迅籌辦法沈葆楨著授爲欽差辦理臺灣海防兼理各國事務大臣以重事權福建鎮道各官均歸節制江蘇廣東沿海各口輪船准其調遣俾與日本及各國按約辨論而於征調兵弁船隻亦臻便捷該大臣接奉前旨計已馳赴臺灣一帶著即體察情形或諭以情理或示以兵威悉心酌度妥辦並與番爵隨時慎密籌辦一面會商文煜李鶴年督飭鎮道妥爲布置期於消患方萌不得稍涉大意該大臣需用餉銀著文煜李鶴年籌款接濟毋任缺乏應調官兵著李鶴年迅速派撥毋誤事機

又 諭見在情形較李鶴年所奏尤爲吃緊著沈葆楨遵前旨與番爵慎密籌畫會商文煜李鶴年等悉心布置毋令日本侵越並預杜各國覬覦撥餉撥兵事宜妥速籌辦如何與之理論即著據實奏聞

又七月我哨弁李長興却倭兵於茄鹿塘

又 諭日本兵船在後灣風港一帶意圖招誘番社恫嚇村民日久相持情形漸怯見防務漸密惟中路水沙連秀姑巒一帶地方最爲緊要刻下該處社寮

竟有教堂數處並有逃匪通匪其間難保倭族不暗爲勾通煽惑即著迅速籌商妥爲調派一面撫綏番衆搜捕匪徒一面開路設防力求固守毋使倭族得售其奸安平礮臺著沈葆楨設法興築臺城倒塌發款興修飭周懋琦經理鐵甲船必不可少沈葆楨當切實籌辦閩廠准其興造得力兵船以資利用

又 諭日本雖未啟兵端然日久相持終非了局現在淮軍續抵鳳山羅大春所調泉勇已抵蘇澳滬尾雞籠等口扼紮布置漸臻妥密刺桐脚壯民有勾引倭兵往攻龜紋社之謠當飭王開俊迅傳該處民番解仇息事鐵甲船購買未成仍著沈葆楨籌議修築礮臺勢不容緩著沈葆楨等速辦羅大春招勇開通番社該處事務愈繁需餉愈鉅著文煜李鶴年王凱泰籌濟

又十月日本違約撤兵

紀事本末 先是十一年琉球船遭風至臺灣爲生番劫殺五十四人十二年日本小田縣民四名亦飄至遭害日本諸臣喜事者因謂生番不可不懲欲先質經界於中國會副島種臣在北京乃寄諭種臣問臺事種臣難啟口因遣副使柳原前光往問總署大臣毛昶熙董恂昶熙曰番民殺球民既聞其事害貴國民則未聞二島俱屬我土土人相殺裁決固在我何預貴國事前光爭琉球并具小田遇害狀且曰貴國知恤球人而不懲臺番何也曰生番化外我政府未便窮治前光曰生番害人貴國舍而不治安在爲民父母是以我島問罪島人爲盟好故使某先告論詰累日未畢議而去是年三月日廷以陸軍少將西鄉從道等率兵赴臺灣備英美船爲運輸時美公使鑣斐迪執局外中立之例收還其船英公使巴夏禮亦言日本此舉不合公法於是日內閣馳諭從信令止軍行告從道從道不奉命且曰親搗虜巢斃而後已清廷如異議日廷目臣爲亡命以覆之可也兩月餘始達臺灣之社寮港進攻竹社風日石門諸番番據險力拒不能進攻牡丹社亦不利乃退守龜山造都督府設病院修橋繕路爲久屯計沈葆楨蒞臺築砲臺於澎湖設海電於臺灣廈門開購鎗於德議購鐵甲於丹調淮軍來臺防務既備戒諭生番約束日人爲之氣奪又久

屯龜山以病疫檣相望進退維谷是時赤松則良在上海偵探馳報巡撫王凱奏將兵二萬向臺日本大懼八月參議大久保利通來議臺事兩旬不決陽言歸國而陰託英使威妥瑪出任調停要償軍費三百萬總署以日本無理肆橫不許軍機大臣文祥執議不給一錢葆楨亦疏言倭備雖增倭情漸怯我但厚集兵力無隙可乘自必帖耳而去又遣書北洋不必急於行成鴻章以告廷議大建之已而英使居間再三乃終許之撫恤補銀五十萬兩遂罷兵兵歸國行凱旋禮進從道爵自是益輕中國矣是役日本糜費六百萬元兵士疫死甚衆然日本已昌言琉球爲其屬地云

光緒五年日本滅琉球以其王及世子歸 上責問日本日議收琉球北島中島以南島歸我

六年日人竹添進一來要求改約

七年 諭總理衙門奏與日本商議球案降旨交南北洋大臣等議日使突戶璣於未經議定之先即自棄前議悻悻而去其所請各節於中國存球之意尙未盡善未能即予准行該國不遂所求尤難保無藉端要挾所有沿海各省防務自應嚴行戒備著李鴻章劉坤一何璟張樹聲吳元炳譚鍾麟勒方鈞周恆祺裕寬督飭各營妥爲備務不動聲色靜以待之毋得稍有疏懈聞日本小鐵甲輪船兩隻可以駛入長江並著彭玉麟李成謀加意籌備毋爲所乘定海一廳四面環海應增調閩省輪船以助兵力並著何璟勒方鈞譚鍾麟黎兆棠會商辦理將此由六百里密諭知之

又總署奏結球案左庶子陳寶琛奏琉球不宜違結舊約不宜輕改左庶子張之洞奏日本商務可允球案宜緩奏入奉 諭李鴻章統籌全局此事應否照總理衙門辦理此外有無善全之策切實指陳尋李鴻章奏略曰從前與英法兩國立約皆先兵戎而後玉帛被其迫脅兼受蒙蔽所定條款吃虧過鉅往往出於全球公法之外者厥後美德諸國及荷蘭比利時諸小國相率來華立約斯時中國於外務利弊未甚講求率以利益均沾一條列入約內一國所得諸

國安坐而享之一國所求諸國羣起而助之遂使協以謀我成固結不解之勢同治十年日本遣使求立約會國藩始建議宜將均沾一條刪去及與該使伊達宗城商訂並載明兩國商民不准入內地販運貨物限制稍嚴嗣後該國屢欲翻悔均經駁斥自是秘魯巴西立約亦稍異於前誠以內治與約章相爲表裏苟動爲外人所牽制則中國永無自強之日近聞各國駐京公使每有會商日本獨不得與其尙未聯爲一氣未始不因立約之稍異也至內地通商西人以置絲茶爲大宗資本較富稍顯體面日本密邇東隅文字語言略同其人貪窳貪利一聞此例勢必紛至沓來與我民爭利或更包攬商稅爲作奸犯科之事明代倭寇之興由失業商人勾結內地奸民不可不防其漸此議改舊約尙宜酌度之情形也琉球原都三十六島中部十一島南部十六島而周迴不及三百里北部八島早被日本佔去僅存一島去年日本廢滅琉球迭經理論又有美前總統格蘭忒從中排解始有割島分隸之說與總署函商謂中國若分球地不便收管只可還之球人即代爲日本計算舍此別無結局之法此時尙未知南島之枯瘠也本年日人竹添進一來津謁見稱其政府意擬以北島中島歸日本南島歸中國又添出改約一節以球事與約章混作一案顯係有挾而求嚴詞斥之有筆談問答節略兩件鈔寄總理衙門在案旋聞日本公使突戶璣屢在總署催結球案明知中俄之約未定意在乘機圖佔便宜臣愚以爲琉球初廢之時中國以體統攸關不能不亟與理論今則俄事方殷中國力難兼顧且日人多所要求尤之大受損拒之則樹一敵惟有延宕之法最爲相宜蓋彼曲我直斷不能以中國暫不詰問而轉求尋衅俟俄事既結再理球案則力專而勢自張近接總署函述日本所議因傳詢在京之琉球官尙德宏始知中島物產較多南島貧瘠僻隘不能自立而球王及世子日本又不肯釋還遂即函總署謂此事可緩則緩冀免後悔此議結球案尙宜酌度之情形也接奉 寄諭始知已成之局未便更動而陳寶琛張之洞各有陳奏正思籌善全之策適接出使大臣何如璋來書並鈔總署兩函力陳利益均沾及內地通商之弊語多切實復詢訪球王謂如宮古八重山小島另立三子不止

五家不願閩國臣民亦斷不服南島地瘠產微向隸中山政令由其土人自主今欲舉以畀球而球人反不敢受我之辦法亦窮等語。思中國以存琉球宗社爲重本非利其土地今得南島以封球而球人不願勢不能不派員管理既蹈義始利終之嫌不免爲日人分謗且以有用之兵餉守此甌脫不毛之地勞費正自無窮而道里遼遠音問隔絕實覺孤危可慮若憚其勞費而棄之不守適墮日人狡謀且恐西人踞之經營開闢扼我太平洋咽喉亦非中國之利是即使不議改約而僅分我以南島猶恐進退兩難致貽後悔今彼乃議改前約倘能竟釋球王畀以中南兩島復爲一國其利害尙足相抵或可勉強允許如其不然則彼享其利而我受其害且並失我內地之利。竊有所不取也。謹繹總署王大臣意要慮日本與俄要結不得不揆時度勢聯絡邦交然日本助俄之說出於香港日報及東人恫喝之語議者不察遂欲聯日以拒俄或欲暫許以商務皆於事理未甚切當查陳寶琛摺內所指日本兵單餉絀債項纍纍黨人爭權自顧不暇倭人性又貪狡中國結以甘言厚賂一旦中俄有衅彼必背盟而趨利均在計之中何如璋節次來函亦稱日本外強中乾內變將作讓之不能助我不讓亦不能難我洵係確論蓋日本之勢僅能以長崎借俄屯兵船給煤米食俄之強似非中國力所能禁也豈惟日本一國即英德諸邦及日斯巴尼亞葡萄牙各國皆將伺俄有事調派兵船名爲保護商人實未嘗不思藉機漁利是俄事之能了與否實關全局俄事了則日本與各國皆戢其戎心俄事未了則日本與各國將萌其詭計與其多讓於倭而倭不能助我以拒俄則我既失之於倭而又將失之俄何如稍讓於俄而我得藉俄以懾倭夫俄與日本強弱之勢相去百倍若論理之曲直則日本之侮我爲尤甚而議者之謀若有相反者此。臣之所未喻也。至若江蘇之上海浙江之甯波福建之福州廈門均係各國通商口岸日本即欲來擾既無此兵力餉力亦必不敢開罪於西人惟臺灣孤懸海外地險產饒久爲外人所窺伺苟經理得宜亦足控蔽東南應請。廟謨加意區畫漸收成效中國自強之圖無論俄事能否速了均不容一日稍懈誠以洋務愈多而難辦外侮迭至而不窮不可不因時

振作。臣前奏明南北洋須合購鐵甲船四號其數斷難再減所有請撥准商捐項一百萬兩僅准戶部議撥四十萬不敷尙多請。旨飭令全數撥濟各省關額撥海防經費前經奏明嚴定處分章程仍未如數籌解尙再延玩擬請。旨嚴催水師電報各學堂亦已陸續興辦數年之後船械齊集水師練成聲威既壯縱不必跨海遠征而未始無其具日本當張之氣當爲之稍平即各國輕侮之端或亦可漸弭又總署慮日本於內地運貨蓄意已久轉詢修約屆期彼必力請均沾之益或祇論修約不提球案恐非此南島而失之。臣愚以爲南島得失無關利害兩國修約須彼此互商斷無一國能獨行其志者日本必欲得均沾之益倘彼亦有大益於中國者以相抵未嘗不可允行若有施無報意貪求此又當內外合力堅持勿失者也。臣再三籌度除管理商民更改稅則兩條尙未訂定應俟後日酌議外其球案條約及加約曾聲明由。御筆批准於三個月限內互換稿謂限滿之時不准之權仍在。朝廷此時似宜用支展之法專聽俄事消息以分緩急俟三月限滿倘俄議未成而和局可以豫定彼來催問換約或與商展限或再延議若俄事於限內議結擬請。旨明指其不能批准之由宣示該使即如。臣之執奏言路之諫諍與彼之不能釋放球王有乖中國本意皆可正言告之者。臣料倭人未必遽敢決裂即欲決裂亦尙無大患。明詔既責。臣以統籌全局切實指陳。臣不敢因。朝廷議准在先曲爲迴護亦不敢爲過高之論致碍施行若照以上辦法總署似尙無甚爲難之處。九年。諭翰林院侍講張佩綸奏請密定東征之策以靖藩服一摺據稱日本貧寡傾危琉球之地久踞不歸朝鮮禍起蕭牆殃及賓館彼狂於琉球故智劫盟索費貪婪無厭今日之事宜因二國爲名令南北洋大臣節練水師廣造戰船臺灣山東兩處宜治兵蓄艦爲南北犄角沿海各督撫迅速覆奏尋李鴻章奏略曰日本步趨西法雖僅得形似而所有船礮略足與我相敵若必跨海數千里與決勝負制其死命。臣未敢謂確有把握。十一年。諭日本使臣計將到津李鴻章熟悉中外交涉情形派爲全權大臣

即著與日使在津商議吳大澂係原派前往朝鮮查辦之員即著會同商議此次朝鮮亂黨滋事提督吳兆有等所辦並無不合前據徐承祖電稱日人欲我懲在朝武弁斷不能曲徇其請著李鴻章設法堅拒其餘各節該大臣務當妥籌隨時請旨遵行

又李鴻章奏略曰日使伊藤博文來津會議當邀吳大澂續昌與之接晤該使臣要求三事一撤回華軍二議處統將三償卹難民經臣迭次據理力爭往復駁詰連日問答節略均鈔送總署轉奏在案臣惟三事之中惟撤兵一層尙可酌允我軍隔海遠役將士苦累異常本非久計朝鮮通商以後各國官商畢集王城口舌滋多又與倭軍逼處帶兵官剛柔操縱恐難悉合最易生事本擬俟朝亂略定奏請撤回而日兵駐紮漢城名爲護衛使館實則奸睡以榻榻榻把持用心叵測今乘其來請正可趁此機會令彼撤兵以杜併吞之計但日本久認朝鮮爲自主之國不欲中國干預其注意不在暫時之撤防而在永遠之輟戍若彼此永不派兵駐朝無事時固可相安萬一倭人嗾朝叛華或朝人內亂或俄鄰有侵奪土地之事中國即不復能顧問此又不可不深思熟慮者也伊藤自擬五條給臣閱看第一條聲明嗣後兩國均不得在朝鮮國內派兵設營乃該使著重之筆餘尙無其關係臣於其第二條內添註若他國與朝鮮或有戰爭或朝鮮有叛亂情事不在前條之內伊使於叛亂一語堅持不允遂各不擇而散旋奉電旨撤兵可允永不派兵不可允萬不得已於第二條內無干句下添敘兩國遇有朝鮮重大事變如可派兵互相照等語尙屬可行至教練兵士亦須言定兩國均不派員復遣旨意與伊藤再四磋商始將前議五條改爲三條第一條議定撤兵日期第二條中日均勿派員在朝教練第三條朝鮮若有變亂重大事件兩國或一國派兵應先互行文知照朝廷瞻念東藩慮日人潛師襲朝故不惜糜餉勞師越疆遠戍今既有先互知照之約若將來日本用兵我得隨時爲備即西國侵奪朝鮮土地我亦可會商派兵援助此皆無礙中國字小之體而有益朝鮮大局者也至議處統將償卹難民二節一非情理一無證據本可置之不理惟當時日兵被我軍擊敗傷亡頗衆國旗既

辱軍威亦損聞日本薩長諂黨深以此事爲恥羣情洶洶齊動公憤欲圖報復伊藤謂此二節不定辦法既無以復君命更無以息衆憤亦係實情然我軍保護藩屬名正言順誠如聖諭該提督等所辦亦並無不合斷不能曲徇其請且明詔煌煌萬無議處之理因念駐朝慶軍係臣部曲姑由臣行文戒飭以明出自己意與國家不相干涉譬如子弟與人爭鬥其父兄出爲調停固是常情至伊所呈各口供謂有華兵殺掠日民情事吳大澂在朝鮮時毫無聞見臣亦未聞他人言及難保非彼族藉詞圖賴但既經該國取有口供正可就此追查如查明實有某營某兵上街滋事確有見證定照軍法嚴辦以示無私絕無賠償可議也以上兩節即由臣照會伊藤俾得轉場完案伊藤亦翕服無異詞旋奉旨所定三條著照辦竊惟去冬朝鮮之變竹添陰助亂黨而朝王亦難免開門揖盜之譏日兵先發難端而華軍亦有乖投鼠忌器之義日本最貪小利臺灣番番之役優給卹銀略示寬大此次乘中法交訂之會借朝鮮兵爭尋衅而來冀收漁人之利其願望未嘗不奢駐日使臣徐承祖函稱該國王調集廣島熊本兩鎮之兵預備戰事伊藤來華隨帶水陸將弁多人沿途偵探虛實朝鮮君臣聞日使北來中外震恐臣等方慮事機決裂重貽君父之憂茲幸法夷效順倭人亦就範圍以後彼此照約撤兵永息爭端俾朝鮮整軍經武徐爲自固之謀並無傷中日兩國和好之誼庶於全局有裨

又奏電旨條約互換後兩國即撤駐朝防兵不必拘限期惟於撤兵之先應照會日本同時並撤等因徐承祖來電日本已派船往撤駐朝日兵仍暫留一百二十二名隨時可撤查兩國撤兵限期扣至七月初四日今日日本在朝鮮弁兵先已撤回暫留之兵亦允同時並撤則我軍未便久留提督吳兆有率各營將漢城內慶軍左後副三營拔赴馬山浦暫駐參將方正祥營分駐水原之三哨亦次第拔赴馬山浦候船內渡電致徐承祖知照日外務迅將暫留朝鮮日兵盡數撤回勿任稍有先後致煩聖慮惟朝鮮國勢尪弱鄰環伺內憂外侮在在可虞防軍不得不撤所以暫息爭端援軍不可不張所以遙作遠勢前准總署函商朝鮮善後之策以旅順及鳳凰門外水陸兩路均宜有備慶軍撤



回後應移紮何處臣查由邊門至朝鮮王城千有餘里山徑崎嶇遇警勢難尅期赴援而旅順乘輪至馬山浦兩日可至自馬山水原以達漢城均慶軍熟由之路其險易要害皆所稔知且與北洋師船屯紮一處水陸相依聲援尤壯自以移駐旅順爲便因飭海鏡官輪並商輪兩艘陸續馳往馬山浦將慶軍四營弁勇及軍裝馬匹子藥全數運回旅順即令分紮口內東西兩岸礮臺與該處舊有各營聯絡操防以資控馭而備援應

二十年日本使臣林董以京報摺內指稱島夷請 旨飭禁總理衙門疏查咸豐八年英約第五十一款內載嗣後公文無論京外不得提書夷字早經通行在案各國事同一律現據日使林董函稱中外既敦睦誼文字之間理宜慎重英約通行已久豈可視爲具文應請 飭中外各衙門一切公文仍不得提書夷字以符成約

臣謹案說文夷東方之人也從大從弓會意弓所持也是亦可作一人持弓會意尙武之義顯然古訓夷平也大也悅也華夷對稱但分中外無分貴賤且蠻閩從虫狄從大貉從豸羌從羊皆異種僥倖從人夷獨從大夷俗仁壽有君子不死之國故子欲居九夷也英使不知宜矣日使種族所自高出四裔而亦不自知夷爲美名請禁稱夷數典而忘亦適成其爲夷而已矣

又朝鮮匪亂請兵於我 上命李鴻章撥兵赴援日本突派兵至朝鮮迫令更改國政毀我運船 諭曰朝鮮爲我大清藩屏二百餘年歲修職貢爲中外所共知近十年該國時多內亂朝廷字小爲懷疊次派兵前往戡定並派員駐紮該國都城隨時保護本年四月間朝鮮又有土匪變亂該國王請兵援助陳詞迫切當諭令李鴻章派兵赴援甫抵牙山匪徒星散乃倭人無故添兵突入漢城嗣又增兵萬餘迫令朝鮮更改國政種種要挾難以理喻我朝撫綏藩服其國內政尙令自理日本與朝鮮立約係屬與國更無以重兵欺壓強令革政之理各國公論皆以日本師出無名勸令和平商辦乃竟悍然不顧迄無成說反更陸續添兵朝鮮百姓及中國商民日加 擾是以添兵前往保護詎行至中

途突有倭船多隻乘我不備在牙山口外海面開礮轟擊傷我運船變詐情形殊非意料所及該國不顧條約不守公法任意鴟張專行詭計豈開自彼公論昭然用特布告天下俾曉然於朝廷辦理此事實已仁至義盡而倭人渝盟肆詐無理已極勢難再予姑容著李鴻章嚴飭派出各軍迅速進剿厚集雄師陸續進發以拯韓民於塗炭並著沿海沿江各將軍督撫及統兵大臣整飭戎行遇有倭人輪船駛入各口卽行迎頭痛擊悉數殲除毋得稍有退縮致干罪戾

八月葉志超軍潰於平壤

又十二月 命戶部侍郎張蔭桓湖南巡撫邵友濂詣日議和都察院聯銜奏曰倭人犯順殘我屬國偪我陪都凡在臣民各懷滅此朝食之憤前聞有議和之說旋卽停止仰見 皇上天威獨斷小醜指日可平乃近忽傳 諭旨以張蔭桓邵友濂爲全權大臣詣倭乞和舉朝震驚同聲悲憤不知何人敢爲 皇上主此議者恐大事從此去矣日前傳聞倭意不願邵友濂指名須李經方前往夫堂堂中國偶因兵事小挫遂屈體於蕞爾之邦至於我之遣使由彼爲政彼氣愈驕我顏愈厚彼方偃蹇而不顧我更匍匐而乞憐伊古以來有此國體有此人情乎 聖德如天於物何所不容但恐爲邪說所誤未深思其禍耳臣等竊謂此事若行有足立致危亡者十端敢爲 皇上披瀝陳之夫今之降心相從者必首曰償兵費也當三空四盡之秋求累萬盈千之款雖竭四海生靈之膏血不足以給之財匱力盡怨叛將興邊隅之慮方殷內訌之禍又起其足致危亡者一倭既得我兵費將厚集師徒增修戎備是謂爲虎傅翼助敵自攻倭當窮餓我尙不支縱令富饒勢將焉禦其足致危亡者二而議者猶恐賠費爲未足也則必割地以補之我之疆宇有限彼之貪壑無涯所謂抱薪救火薪盡而火不止以肉餵虎肉盡終必噬人其足致危亡者三且他國見我之易與也援均沾之例競相效尤今日某國要某省明日某國要某府見帕米爾西藏緬甸界務皆未勘定明年又俄法換約之期勢必乘機要挾一倭尙不敢較百倭更復奈何坐使二萬里完善之山河一朝破碎其足致危亡者四夫兵者易發而難戢也陳涉興於戍徒李闖發於驛兵今徵師且十萬矣和則無所用無

所用則必資遣之所費衣糧猶其小也資遣一有不慎則散爲游勇恣行流剽合十數省敵愾同仇之士一變而爲揭竿亡命之徒剿之不忍縱之不能設更教民煽動其間則且禍熾燎原勢成滋蔓江寧約定而粵匪亂生前鑑昭然其足以致危亡者五幸而安遣得所不生他變矣而萬里征行不令見敵而返朝廷以干戈爲兒戲將士視 詔旨如弁髦他日復有征調必致觀望游移坐視 君父之急而不救驢山烽火可勿鑒乎其足以致危亡者六始以電議不諧遂至遣使遣使不已必至納質納質不已則凡臣子所不忍設想之言何莫非史册顯有明徵之事蒙垢忍辱終必由茲其足以致危亡者七况倭人狡黠絕倫見我迫切求和彼且將計就計陽款以息士氣陰進以乘我不防行人在途敵兵已集應敵則慮於失好斂手則惟有胥戮其足以致危亡者八即日倭人力倦罷兵而不我侵而主議諸臣必自居保衛之功愈肆其恫喝之計向猶蠅營狗苟施狡於冥冥之中今且權勢日重黨援日多明目張膽恣無顧忌無事則挾夷以爲重有急則賣國以求榮勢將威柄下移積重不返外則爲報獻之受制於權臣內則爲唐宗之受制於家奴噉泣何追噉臍已晚其足以致危亡者九張蔭桓一邪佞小人耳平時惟存富貴利達之心臨事安有扶危定傾之力使之銜命求成必至召侮辱國至李經方前使日本與倭人深相結納以資本數百萬在彼國貿易此次指名相索其意可想若使赴倭必與之合謀要挾隱逐其不臣之心其足以致危亡者十一舉而十禍隨章章如是他非理之要求無厭婪索猶不能悉數焉雖其昏愚猶知不可而簡書之使臣竟敢企悚而承 命秉鈞之羣輔竟忍緘默而懷欺不料我 國家養士數百年乃士氣沮喪人心苟且一至於此而 皇上不得已而徇其請者豈以爲軍無門志將鮮成功遂隱忍出此歟 臣等以爲軍無門志將鮮成功者有致誤之道三一誤於戰事之有名而無實二誤於奸臣之結黨而營私三誤於潰將之稽誅而玩法爲今之計惟簡軍命帥練器儲糧合散隊以爲大軍蓄全力以資大戰廟算之指揮一定諸軍皆奮發無前如是則一誤去矣外斥李鴻章內去一意主款之大臣等則表裏爲奸者無所施其伎倆忠奮勇往者乃得效其謀謨

如是則二誤去矣敗壞海軍之丁汝昌失守要隘之龔照瑛衛汝成趙懷業等勿因李鴻章之曲請而稍寬其誅使將士知避敵者必死則必震慄畏罪踴躍赴敵如是則三誤去矣去此三誤將人各致死戰必有功此而猶有敢以款議榮惑 聖聰者 臣等不之信也伏願 皇上亟申乾斷收回成命毋貪旦夕之苟安如不自振作且夕不可安也毋冀豺狼之我憐雖俯首就地豺狼不我憐也以臥薪嘗膽激發二十省忠臣義士未灰之心以整軍經武繼承二百年聖祖神宗無競之烈則恢復何足道小醜何足平天下幸甚

二十一年以李鴻章爲全權大臣議和於馬關割臺灣遼南償兵費二百兆開重慶沙市蘇州杭州四口岸署兩江總督張之洞電奏聞和議各條不勝焦灼痛憤倭寇狂悖至此種種利害顯然可見中外諸臣均已懇切陳奏無待殫陳其中如旅順不肯交還及威海衛劉公島天津駐兵各條尤爲可駭查旅順威海乃北洋門戶若不退還則北洋咽喉從此梗塞以後雖有水師何處停泊修理旅順劉公島常駐倭船天津又駐陸兵近在肘腋旅順劉公島津沽山海關皆一日可到烟臺尤近彼日肆要挾稍不滿欲朝發夕至且倭約各條貪苛太甚臺灣民悍不甘屬倭必然啟衅各省軍民必致痛哭深怨斷不甘心稍有枝節彼即謂不依條約立刻生事彼時戰不及戰和不及和守不及守即欲暫避亦不及避倭性兇狠不同西國其禍豈堪設想查要挾各條之害 聖明豈有不知朝廷所以勉爲和議者不過保全京城姑冀目前粗安徐圖補救若照倭索各條更是自困自危之道欲求且夕偷安而不可得又洋報有與中國聯合以備戰守一條大約是中國經理各省機器製造鐵路等事尤爲險詐查購買洋械本難常恃幸各省尚有數局可造槍礮彈藥稍資接濟經此倭事創巨痛深正須急籌鉅款竭力擴充運兵鐵路亦須量力修造若令倭人干預則內地軍火運道皆在倭掌握中水師既不能再振陸軍亦不能自主中華何以立國且倭住旅威則自遼陽以至威海榮城周圍三千里處處水陸皆須永遠設防所費太鉅當此賠款巨萬之際防費將從何出至蘇杭織造絲綢川楚織造紗布則各國亦必效尤改造土貨中國工匠生機從此盡矣海軍無歸宿陸軍無

利器威海則京畿無屏蔽商民貧則軍餉無來源各國欺凌商人嗟怨外患迭至內變將出遺員議和乃朝廷休兵息民之盛德顧全大局之苦衷所慮者京城不能安和議不能成不論遠患先有近憂伏望 聖明熟慮深察救王大臣等迅速會議設法補救

臣謹案馬關新約載中國將庫平銀二萬萬兩交與日本作為賠償軍費分八次交完其第一次賠款交清後未經交完之款應按年加息五釐悉如日本之所要求中國其無忘在焉可也

又奏倭約萬分無理地險商利餉力兵權一朝盡奪意在吞噬中國非僅占數地而已所有棄臺旅之害威海劉公島駐兵之害與中國聯合備戰各條之害電奏已詳陳近聞通商條目賠款限制尤堪駭異各省口岸城邑商業工藝輪船處處任意往來任意製造一網打盡工商生路盡矣倭在華製造土物一照洋貨納稅各國效尤如不能拒釐金虧矣賠款二萬萬兩六年付清又加五釐利息即借英國洋款轉付分期攤還每年亦須還本息一千數百萬兩各海口洋稅空矣今借款係赫德一手經理專借英款將來無論如何搜刮亦不能還清英國必索我地方作抵是又生一患民貧極則生亂釐款去則無餉陸軍海軍永不能練中國外無自強之望內無勤匪之力突然非藉兵威不能廢約此時欲棄倭約保京城安中國惟有乞援強國一策俄國已邀德法阻倭佔地正可乘機懇之乞援非可空言必須予以界務商務實利竊思威旅乃北洋門戶臺灣乃南洋咽喉今朝廷既肯割此兩處與倭何不即以此路倭轉而路英俄乎所失不及其半即可轉敗為勝惟有懇請飭總署及出使大臣即與俄國商訂密約如有助我裔倭盡棄全約即酌量畫分新疆之地或南路回疆數城或北路數城以酬之並許推廣商務如肯助我酌量劃分西域之後藏一帶地讓與若干以酬之亦許以推廣商務外洋通例若此兩國有聯盟密約有戰事即可相助不在局外之例俄見有兵船三十餘艘在中國海面英有兵船二十餘艘在中國海面俄英兩國祇須有一國允助其兵船已足制倭而有餘其船或開向橫濱長崎或徑趨廣島或遊行南北洋兵船一動倭氣立沮倭極畏西洋

斷不敢與俄英開戰若俄英一國相助則兵不血刃而倭約自廢京城自安若倭敢戰則我拒其陸兵英俄截其海道攻其國都倭必滅矣同一棄地而畫分新疆西域可保重要之威旅兼存膏腴之臺灣且可盡廢一切毒害中國之約權其輕重利害顯然且遼東旅順國家根本臺灣歸化康熙初年既而拓藏衛大定則在乾隆中葉先後緩急亦有不同譬如人有疾病臺灣割棄威旅駐兵咽喉之病也內地處處通商賠款力不能還心腹之患也西域邊遠髀骨之損也蓋俄英本強然歷次條約尚無吞併中國之意即以重利酬之於彼有益於我尚無大損倭專心欲害中國正苦餉力不足若此約允行則從此既強且富是我助以專噬中國之資矣至倭約各款處處包藏禍心而字句巧點意圖含混尤望將和議各款交王大臣等細心閱看自知其開之毒謀矣此因和議已許割地故擬為此權宜移轉之策冀以救急紓禍憂憤迫切仰候 聖裁

又奉 密旨新定和約條款劉坤一王文韶想皆知悉讓地兩處賠款二萬萬兩皆萬難允行之事而倭人恃其屢勝堅執非此不能罷兵設竟決裂則北犯遼瀋西犯京畿皆在意中連日廷臣章奏甚多皆以和約為必不可准持論頗正而瀋陽京師兩地重大所關皆未計及如果悔約即將決裂苟戰不可恃其患立見更將不可收拾劉坤一電奏云戰而不勝尚可設法撐持王文韶亦有聶士成等軍頗有把握必可一戰之語惟目前事機至迫和戰兩事利害攸關即應立斷著劉坤一王文韶體察見在大局所繫及各路軍情戰事究竟是否可靠各抒所見據實直陳不可遊移兩可之詞敷衍塞責

又 諭近日和約定議廷臣交章論奏謂地不可割費不可償仍行廢約決戰以冀維繫人心支撐危局其言固出於忠憤而於朕辦理此事熟籌審處萬不獲已之苦衷有未深悉者自去歲倉猝開戰徵兵調餉不遺餘力而將非宿選兵非素練紛紛召集不殊烏合以致水陸交綏戰無一勝近日關內外事情更迫北則近逼遼瀋南則直犯畿疆皆眼前意中之事瀋陽為 陵寢重地京師則 宗社攸關況二十年來 慈闈頤養備極尊崇設使徒御有驚則藐躬何堪自問加以天心示警海嘯成災沿海防營多被衝沒戰守更難措手是用宵

吁旁皇臨朝痛哭將一和一戰兩害兼權而後幡然定計其萬分爲難情事言者所未及詳而天下臣民所當共諒者也茲批准定約特將先後辦理緣由明白宣示嗣後我君臣上下惟期堅苦一心痛除積弊於練兵籌餉兩大端實力研求亟籌興革毋稍懈志毋務虛名毋忽遠圖毋沿積習務求事之覈實痛戒具文以收自強之效於內外諸臣實有厚望焉

又 諭日本覬覦朝鮮稱兵犯順朕懷懷藩服命將出師原期迅掃敵氛永靖邊患故凡有可以裨益軍務者不待臣工陳奏皆已立見施行何圖將不知兵士不用命畀以統領之任而慎事日深予以召募之資而流民鬻集遂致海道陸路無不潰敗延及長城內外險象環生比來戎馬駸駸有進有退甚將北犯遼瀋西犯京畿危急情形匪言可喻和戰兩事必應當機立斷念朕臨御天下二十餘年宵旰憂勤未嘗稍釋今乃忽有此變實惟藐躬涼德有以教之且天津海嘯爲災衝沒營壘爲史册所僅見上天示警尤可寒心乃爾諸臣工於所議約章或以割地爲非或以償銀爲辱或更以速與決戰爲至計具見忠義奮發果敢有爲然於時局安危得喪之所關皆未能通盤籌算萬一戰而再敗爲禍更難設想今和約業已互換必須頒發照行昭示大信凡此已成之局均不必再行論奏惟望京外文武大小各員自今以後深省愆尤痛除積弊咸知練兵籌餉爲今日當務之急切實振興一新氣象不可因循廢弛再蹈前轍諸臣等均爲朕所倚畀朕之堅苦當共深知朕萬不得已而出於和當爲天下臣民所共諒也

姚錫光東方兵事紀略 朝鮮東學黨之亂起於崔福成刺取儒家佛老之說轉相行授當同治四年朝鮮禁天主教捕教徒並捕東學黨喬某戮之其黨卒不表光緒十九年黨人詣王宮訟喬冤不許乃捕其魁民久怨政府思亂黨人乘之二十年春倡亂於全羅道之古阜縣朝主以洪啟勳爲招討使假中國平遠兵艦自仁川渡至長山浦擊亂黨初甚利亂黨逃入白山朝兵躡之中伏大敗亂黨由全羅犯忠清兩道揚言直搗王京朝鮮震求乞授師李鴻章派葉志超聶士成率蘆榆防兵東援屯牙山縣電

公使汪鳳藻告日外部日本亦出師告中國約日本退兵日本要改朝鮮內政約西國各節大臣至朝代其更改汪鳳藻復書謂整頓內治任朝鮮自爲之中國不願干預貴國既認朝鮮自主國尤不應預其內政願彼此撤兵日本堅不肯撤復書謂兩國同預其內治則朝鮮足以全安萬不料中國概置不講而要我國退兵英政府善意調停而中國膠執殊甚若因此啟兵端實貴國執其咎其意已決用兵矣日本以朝鮮請兵中國皆閱族所爲惡執政閱詠駿遂惡王妃疑朝鮮拒日欲藉兵力改革內政去詠駿收其國權以退中國兵皆據王京要隘中國屯牙山兵甚單袁世凱屢約志超電北洋發戰艦至仁川並增陸軍駐馬坡以備日本鴻章始終欲據條約要日本退兵恐增兵爲日本藉口終不許並戒志超勿以兵近王京方啟釁各國使臣居間調停皆無成議日使大島圭介逼朝鮮自主謝絕中國朝鮮不敢從鴻章屢議與日和而日本索賠款三百萬朝士大譁以日本最爾敢抗大邦宜張撻伐樞臣翁同龢握大政修撰張謇其門生最親力主戰並言北洋兵可恃乃決備戰而鴻章意仍不欲失和朝野益詆鴻章謂其忒心於日本其子經方久旅日本曾納日婦時論謂經方爲日駙馬及喪敗賠款猶謂鴻章賣國也當海軍之建醇親王奕譞爲總理日駙馬及喪敗賠款猶謂鴻章賣國也當海軍之建醇親王奕譞爲總理日駙馬及喪敗賠款猶謂鴻章賣國也當海軍之建醇親王奕譞爲總理本強盛鴻章知之深逆料中國海陸軍皆不足恃故忍詬言和朝臣爭劾鴻章樞臣日責鴻章乃不得已而備戰時日軍已久踞朝鮮王京徧布水雷漢江口以兵塞王京諸門世凱赴仁川還國力言於鴻章以不能不用兵之故乃以衛汝貴豐紳阿馬王崑左寶貴四鎮兵由遼東渡鴨綠江入朝鮮牙山兵孤懸援師久不至鴻章租英商輪高陞載北塘防軍以操江運船載械赴援日人預賄電報生洩師期以兵艦預邀之擊沈高陞海軍皆閩人丁汝昌以淮人陸將孤寄其上大爲閩黨所制威令不行左右翼總兵以下爭挈眷陸居軍士去船以嬉每北洋封凍巡南洋率淫賭於香港上海蓋海軍廢弛久矣護朝鮮之艦悉歸及日本虜朝王乃命濟遠威

遠廣乙赴牙山遇日艦先擊廣乙受殊傷逃焉濟遠亦逃朝鮮海上無中國艦不復能爭海上權矣陸軍集平壤海軍集大東溝鴨綠口汝昌自坐定遠督船與日艦相見戰既酣定遠擊沈其西京丸一艘而中艘超勇沈焉致遠最奮戰與吉野浪速相當吉野日艦之中堅也致遠藥彈盡督帶粵人鄧世昌素忠勇閩人忌之致遠戰酣閩人相視不救世昌憤痛決死敵乃鼓快車撞吉野思與同盡吉野駛避致遠中魚雷沈世昌死之全船皆殉濟遠方柏謙不戰而逃撞揚威壞其柁日艦至擊沈之濟遠逃廣甲從之靖遠經遠來遠不能支經遠管帶陣亡日人擄焉諸艦既爭逃惟鎮遠定遠猛戰日五艦繞之定遠轟松島艦幾沈之日海軍中將伊東裕亨坐船也定遠亦受重傷礮械俱盡日暮日艦解圍去定遠脫歸旅順濟遠已先歸廣甲已抵大連灣觸礁不得出日艦至擊碎之是役凡失五艦致遠經遠超勇揚威廣丙也其存者惟定遠鎮遠來遠靖遠濟遠平遠廣甲七艘已不能軍矣汝昌立定遠敵樓督戰中彈傷腰仆地管帶閩人劉步蟾震悚失次洋員漢納根代其指揮始能畢戰汝昌歸於威海濤章命斬方柏謙於旅順以鄧世昌死事上聞得旨諡壯節葉志超軍駐牙山聞高陞被擊沈轟士成言於志超海道梗牙山絕地不可守公州背山面江勢便利戰勝據守以待援不勝可繞道出志超從之日兵逼成歡士成率五營駐成歡日前鋒至迎擊獲勝日兵大至以無援敗趨公州就志超而志超已棄公州士成追及之渡大同江至平壤與大軍合志超庸懦汝貴貪縱左寶貴轟士成忠勇善戰志超漫無布置大軍集平壤日置酒高會築壘環礮爲固守計日兵探隊至大同江聚礮之志超以捷聞馬玉崑守大同江東岸血戰久之汝貴援之日兵敗去左寶貴扼元武門嶺日兵大隊至猛撲寶貴軍酣戰久不敵寶貴矢必死登城指揮中礮墮地殞日兵佔元武門開城以納大軍志超懸白旗乞援兵馬玉崑聞元武門失奉志超令撤軍歸平壤志超率諸軍棄平壤北走日兵邀於山隘兵潰人馬枕藉死二千餘人被擄數百將領皆得生逃軍儲器械盡委以去朝鮮境內無

華兵矣當大軍屯平壤朝命諸軍繼發爲後援殺軍宋慶銘軍劉盛休鎮邊軍依克唐阿皆會於東邊九連城軍未集而平壤已退朝旨奪志超職逮衛汝貴以宋慶接統諸軍慶忠勇敢戰然無調度非大將才諸將輩行相若驟稟節度多不悅故諸軍七十餘營散漫無紀又坐守江北一月以待敵日軍全據朝鮮軍實既厚乃渡江來攻連九連城不守長驅之勢成矣宋慶以鳳凰城不可守退扼大高嶺以守遼陽州日軍佔鳳凰城分三路第二軍陷金州大連灣逼旅順第一軍出遼陽西與第二軍會駐奉馬河以綴宋慶兵分兵撲析木城關外戒嚴其東路之軍轟士成守備嚴日軍逼大高嶺依軍擊敗之日軍棄連山關聚兵草河口橫斷轟依兩軍轟士成屯分水嶺以拊日軍之背依軍夾攻之陣斬一中尉鳳凰城日軍以大隊來援依軍連戰勝之日軍退守鳳凰城依克唐阿遣軍會士成趨鳳凰城大戰於通遠堡死傷相當依軍逼驪河而軍日軍夜襲之多傷亡翌日大戰於一面山右翼兵擊死日軍甚衆左翼潰右翼不支遂退日軍已西陷海城遼西危詔依克唐阿援遼陽長順宋慶與日軍相持互有勝負轟士成請自率精銳出敵後往來游擊截敵餉道令彼首尾兼顧敵乃可克也諸帥不許士成自率兵過通遠堡逼雪裏站而陣日軍至伏兵起擊走之鳳凰城日軍大至士成預埋伏張疑軍以待之復敗日軍是時遼東金復海蓋盡爲日本有山東之威海亦燬焉依克唐阿長順宋慶吳大澂屢敗於海城畿疆危詔士成入關衛畿輔以湘軍陳湜代士成守大高嶺日軍以兵單不復出兵四犯而鳳凰城以北遂鮮戰事矣鴨綠江之戰海軍敗後不能軍日軍以兵艦至金州東之貔子窩登岸襲旅順東事起旅順守將宋慶大連灣守將劉盛休率所部防九連城鴻章別命姜桂題程元和募新兵守旅順徐邦道趙懷益募新兵守大連灣日軍據花園港餉土人導至貔子窩運馬礮十二日海陸軍無阻者徐邦道謂金州失則旅順不可守請分兵逆之諸將不相統莫之應邦道率所部行懷益部將往備戰懷益不許曰吾奉命守臺不聞赴後路備敵也邦道至固請兵乃分

步隊隨邦道行日軍大隊至兵單將不守電懷益告急懷益方督所部運輻重渡作逃計弗之應也日軍佔金州進逼大連灣懷益奔旅順大連險隘蔽旅順後路軍儲最後懷益預括餉逃大礮百二十尊彈礮槍械無算盡資敵矣日軍駐大連十日始向旅順諸將倉皇備逃計懲大連軍士之資敵乃先釐糧餉還煙台不復作守備道員龔照瑛聞金州陷大懼渡煙台至天津鴻章斥之乃還旅順自照瑛逃軍民皇擾船塢工匠奪庫款大掠而行軍中勿問也旅順六統領不相轄乃共推姜桂題主之桂題聞於調度相顧無措徐邦道率殘卒歸旅順憤痛思自效請增兵不許請械許之乃率所部拒戰於土城子六挫日軍及大隊繼至邦道軍饑疲無援乃退兵照瑛先一日乘魚雷艇遁於煙台黃士林趙懷益衛汝成先後遁其部卒肆掠奪民船而渡日軍未至而旅順墟矣徐邦道孤軍再拒戰傷殘幾盡日艦已縱橫海面其陸軍分踞礮臺守兵皆逃徐邦道張光前姜桂題程元和四將雜亂軍中奔旅順遂陷宋慶與日軍相持於海城也日軍攻缸瓦寨破之宋軍退守田莊臺旅順陷後諸軍奔復州依宋慶宋慶命章高元徐邦道張光前守蓋州自率軍北援日軍撲蓋平與章高元相持蓋平河上高元慶戰甚力日軍乃繞攻鳳凰山張光前聞敵至先潰日軍估蓋平分軍夾攻高元徐邦道方自牛莊移師還合高元拒戰敗退姜桂題率銘軍來援邦道請夜搗蓋平謀克復桂題辭焉諸軍皆退營口宋慶率徐邦道馬玉崑兵萬二千人屯太平山日軍猛攻邦道玉崑力戰却之日軍大集邦道等敗退日軍踞太平山依克唐阿長順以兵三萬圍復海城而宋慶所部四萬人唐仁兼奉兵萬六千人李光久湘軍至會邦道攻海城皆不克日軍踞海城僅六千人堅守以綴大軍以便海道擾山東也自平壤後朝廷慮淮軍不可恃思乃用湘軍故魏光燾陳湜李光久皆募軍北援召兩江總督劉坤一至授欽差大臣督辦東征軍務駐山海關吳大澂及宋慶副之大澂率軍圍海城環城而軍者六萬人日軍逼遼陽依克唐阿移軍遁長順隨之魏光燾敗於牛莊李光久棄軍逃死二千人虜

八百人軍械甚富吳大澂棄田莊臺夜奔入關將士從風而靡宋慶方以三萬人屯營口而軍資皆在田莊臺及大澂逃宋慶回軍援之留蔣希夷守營口希夷棄營口遁宋慶扼遼河北岸日隊盡以所獲礮列遼河南岸猛攻守岸兵不支日兵踏冰渡河宋軍潰而西河以東盡為日有旅順陷後海軍提督丁汝昌擬職仍統海軍駐威海兵艦弱坐守而已朝廷遠問汝昌鴻章請以戴罪立功日艦襲威海先攻登州陷榮城日艦二十五環威海口外海軍匿不出道員戴宗燾守北礮臺分統劉朝佩守南礮臺日軍奪楓嶺攻南礮臺後路朝佩奔北礮臺汝昌恐砲臺不能守命卸巨礮機件以歸免資敵宗燾持不可無何南礮臺陷宗燾奔劉公島日人踞臺以巨礮擊澳內兵艦別以魚雷艇入口擊中定遠傷甚擊來遠威遠沈之時來遠管帶邱寶仁威遠管帶林穎啟方登陸治遊未歸也魚雷管帶王登瀛率雷艇十二欲逃出口日艦追之並擄焉海軍水手噪而出鳴鎗過市聲言向提督乞生路劉公島大擾諸洋員請姑許乞降以安衆心汝昌不可諸洋員與管帶密議挾汝昌降欲沈船燬礮臺諸將不應復命諸艦突圍出亦不奉命軍士露刃挾汝昌汝昌入艙仰藥死諸將降 方東事起李鴻章主和及諸城邑相繼陷朝意亦思言和張蔭桓至津就鴻章議未決令英員德璀琳東渡資鴻章致日相伊藤博文書抵神戶日官電達內閣內閣謂私函非國書德璀琳非中國大員不能與議德璀琳歸日人謂議和須割地償兵費四萬萬元由美國公使居閉命張蔭桓邵友濂為全權大臣赴日會議瑞良願雖新伍廷芳聚誠從至廣島日本命伊藤博文陸奧宗光為全權大臣互校敕書日人謂全權敕書非全權通例以書告絕陸桓等力爭不得遂歸國日人致書美使中國如誠意求和當派位望素隆之大員界以全權乃可隨時開議蓋陰指鴻章也正月十九日命鴻章為頭等全權大臣赴日議和美使函告鴻章言日本來電云除先償兵費及朝鮮自主外若無商讓地土及畫押全權則使臣可毋庸前往鴻章請諸朝許之挈其子經方往及美員福世德參贊羅豐祿馬建忠伍廷芳等從

抵馬關以春帆樓爲會議所互勸救書伊藤博文要以大沽天津山海關爲質始允停戰鴻章不可伊藤愈堅若不允停戰請勿攻大沽天津山海關三處先議和約伊藤不可乃先議約二十八日鴻章自會議所歸遇刺客小山豐太郎狙擊彈傷顛創甚日皇深致歉意遣醫慰治歐亞輿論頗沸乃允停戰不索質地訂停戰約惟奉天直隸山東停戰以二十五日爲限伊藤以和約十款相要限四日議覆鴻章電告總署言款目最要者一朝鮮自主二奉天南邊各地臺灣澎湖各島割棄三賠償兵費三百兆兩所索過奢請密告英俄法三國公使調停鴻章先覆伊藤一朝鮮自主須改日本所擬約文二奉天南境難割棄三賠款三萬萬非力所及伊藤復書拒焉仍促速議鴻章乃允割奉天之東安寬甸鳳凰城岫巖州四地及澎湖諸島賠款一萬萬兩鴻章創已愈復會議於春帆樓伊藤再交約稿於割地款內減去寬甸賠款減至二萬萬兩分六期七年償清謂此稿中國但允不允兩言而決勿廢時日鴻章辨久伊藤持愈堅且限四日覆鴻章電奏得旨允可乃互簽約展停戰期二十一日約互換於煙台約文大略一朝鮮完全自主二奉天南界從綠鴨江湖江抵安平河口至鳳凰城海城營口臺灣澎湖及所屬島嶼均割讓日本三割讓界務限一年畢事四賠款二萬萬兩分八次交清五人民遷徙限二年以內逾限不遷永爲日民六開沙市重慶蘇州杭州通商七換約後三月內撤兵八暫佔守威海衛候賠款清償後撤兵九停戰不得虐待十本約批准互換罷兵十一定期在煙台互換既簽約鴻章還天津稱病不入都而遣伍廷芳齋和約至當鴻章未發時朝命諸臣議和戰及割地議起朝野大憤臺灣臣民爭尤力及鴻章成約歸中外諸臣章奏凡百十上康有爲等數千人上書尤激昂朝意頗爲動命鴻章改議堅不從樞臣孫毓汶徐用儀主速換約主事何藻翔羅鳳華上書請戮毓汶等以謝天下不報和局成美國爲介紹英人頗袒日而俄法德三國滋不平日據遼東引爲大害三國駐日公使力阻其議而俄兵艦已紛集日本之長崎及遼海勢張甚日本懼乃還遼

東三國公使告總署遼東地不悉歸毋批准換約時猶豫乃命王文韶劉坤一決議和戰文韶等言瀋陽京師兩地所關重大務策萬全以直隸言如提督聶士成總兵吳宏洛章高元陳鳳樓等軍均堪一戰其榆關以迄遼瀋諸軍未敢臆斷今勢成孤注與未議約前不同乞飭下諸臣熟議朝意乃決簽約命道員伍廷芳聯芳爲換約使赴煙臺換約日本換約使伊東美久治至煙台請更易割遼條約未奉國令馬關約不可改俄艦泊煙臺十艘將備戰伊東恐電請國命乃從歸遼議夜半換約時王之春以赴俄弔賀專使歸道出法京說法干預和約以臺灣質法議無成駐法使張照發密電鴻章慮破和約乃電促伊藤博文遂據換約四月二十五日命李經方爲割臺灣使日本以樺山資紀爲臺灣總督於日艦中交割時日兵尙據遼東俄法德三國嚴詰退兵日乃索贖遼東費一萬萬兩徐減至五千萬兩八月三國公斷爲三千萬兩日人要贖款償清及三月始撤兵仍命鴻章與日使林董議還遼約林董要約四條一償款三千萬兩二俄法德永不得佔東三省中國亦不得割讓三大連灣通商四大東溝大孤山開商埠議未定而三國嚴責日本速撤遼東兵乃僅償款三千萬定約互議於京師和議既大定乃先輸贖遼東費三千萬兩十月日本撤兵交還奉天南邊諸城兵事乃告終焉此役鴻章始終主和而樞臣翁同龢不睦軍事一以責鴻章而樞臣又陰持其後鴻章既倉卒備戰將又非才是役敗後一蹶不振矣

二十二年張蔭桓與日使林董訂通商條約

又總理衙門奏日使林董來署據稱馬關約准新開蘇杭沙市重慶四口租界應照向章辦理中國自定行船章程日本又不得專界專管及威海衛山東駐兵之地均與馬關約不符商催逾年各省迄不遵守至所定機器製造稅日本可以照辦惟須增開津滬厦漢四口租界以相抵換當即面遞節略等以內河行船略見於見訂商約中國所定者係滬蘇杭閩章按照防弊之條辦理不僅爲日本一國而設該使無可強辯乃不請撤回關章惟以不遵馬關約力請

另議未定議前暫照長江章程辦理至蘇杭內地租界與沿江沿海不同各省均以自設巡捕爲宜不願日人專界專管<sub>臣</sub>衙門與蘇杭鄂三省電商均無妥善辦法威海駐兵東省意在進紮該使臣堅謂馬關約本意如此期於必辦否則新約即行停換<sub>臣</sub>等疊與辯論并准裕庚電述該國外部之言日政府更換後林董惟命是聽非復前此和商頃竟以照會來稱允否以明正子時爲定<sub>臣</sub>等查馬關約准開四口本有均照向開海口及內地鎮市章程辦理之言我欲以甯波辦法爲程彼欲以上海章程爲法使外間善於因應尙不難就範無如蘇省初與領事荒川原訂六款日政府駁之續與珍田商議久而未定遂貽日本尋衅之端杭界漸有規模沙市見正商論重慶似定非定均難舍馬關約別開生面者也至機器製造關稅關係林董議定新約必別開另議<sub>臣</sub>衙門因有值百抽十之奏日本知中國志在必行故尤相讓而別求低換利益以津滬廈漢四處租界爲請且有卽非低換利益亦可援一體均霑爲說見各該口通商已久別國本有租界原難獨拒日本我雖全許諒彼力亦尙不能同開應請 旨飭南洋大臣湖廣四川山東江蘇浙江各督撫遵照馬關條約飭屬奉行毋令啟衅

二十九年呂海寰盛宣懷伍廷芳與日本使臣小田切萬壽之助日置益新訂商約續議內港行輪修改章程日本以俄人踞我東三省不歸恐其擾亂平和遂與之戰尋俄敗請和

三十一年中國與日本新訂東三省條約

宣統元年中國與定圖們江中韓界務條款  
又 諭電寄錫良等外務部奏稱圖們江中韓界務暨東三省五案條款開單呈覽吉林延吉地方韓民越墾有年前因圖們江界務經外部與日使交涉久未就緒本年該使臣請與東省未定各案同時議結當以此事關係重大責成該部從速籌商茲據奏呈所定圖們江源以石乙水爲界及墾地韓民歸中國地方官管轄裁判各辦法均尙扼要至吉林至會甯鐵路將來按照吉長鐵路辦理撫順煙臺煤礦聲明遼重一切主權於互讓之中仍寓防弊之意其餘各

款亦均妥洽朝廷顧全根本慎固邦交於此事權衡輕重一以和平爲宗旨該督撫亦當共體此意總之外交之得失視內政爲轉移倘能於殖民與商練兵選吏諸要政切實整頓雖強鄰環伺將無可乘之隙倘或玩愒因循放棄權利縱有成約亦屬空文該督撫身膺疆寄務須未雨綢繆及時布置毋託空言

又 命錫良會同奉天巡撫程德全與日本奉天總領事締結安奉鐵道協約<sub>臣</sub>謹案日本廢藩立縣先是德川氏執政欲以文治致太平故二百數十年相安無事迨迫歐化憤然更張斥霸府聯外交尤媚而步趨之英亦以其詐力競爭親之至宣統元年結英日同盟益懽悍不可近既敗我平壤又敗強俄并朝鮮遂與英共握東亞商權國勢益固然憲法之氣皆武人議士爲之主君如守府焉夸詐之習中於人心而本根益薄見小欲速世人以手敏誇之偵矣此猶戰國捭闔懷之不已其究爲君臣同盡人生所需不過衣食天定如是能加增於本分之外必如是鏡存以爲生其爲生也不亦般乎是以聖王定禮節其嗜欲厚往薄來不勤民於遠以防之日人概乎未聞何足責耶





兵玉符上下各一左右鑿柄相應形圓而精小篆文云案乾隆乙未爲四十年與志三十九年先後一歲情事正符二子海中被劫卽此志所謂遁入海島事阮光平本名阮惠有兄阮岳卽詩莊嫡幼庶長之寧蓋阮光平幼時遭難遁荒及長乃借兵復廣南又乘黎鄭內讒之際併據安南耳光中王爲阮光平無疑又曰光中王既感歐羅巴之扶佐又慕歐羅巴之兵法遂仿造兵船火器訓練國兵是以見有礮船三百艘大兵船一艘在亞細亞洲諸國無與匹敵是以兼取安南東京及干波底阿國并合三國而統一之

紀事本末 乾隆五十三年阮文惠舉兵滅安南嗣王黎維祁出亡其遺臣阮輝宿扈王族二百餘人自廣西龍州附近邊孫士毅以聞 帝以黎氏守藩奉貢百餘年有存亡國之義命士毅出師別命雲南提督烏大經由蒙自進入屯宣化鎮爲聲援孫士毅復安南詔封黎維祁爲安南國王五十四年詔士毅罷兵士毅妄信文惠乞降之言駐師河內以待又不設備軍中舉元日祝典夜忽報阮兵至倉卒備戰昏暗中自相蹂躪黎維祁先渡富良江入關士毅隨之既渡斷浮橋以斷後於是提督以下溺死者五千人文惠既復安南其兄文岳方與暹羅構兵恐中國再舉乃更名光平遣兄子光顯啟關詣督臣言守廣南已九世與安南敵國非有君臣之分帝亦以黎維祁再失國乃天厭黎氏不堪扶植無意用兵因責光平以明年萬壽詣京師祝釐及許士亨等立祠光平悉聽命賜光平印封安南國王編置維祁家族漢軍旗授佐領

嘉慶元年 上以伴送安南國貢使廣西泗城府知府朱禮奏對不明 諭伴送外藩貢使自應於屬員中擇才具強幹心地明白堪以管束者派令護送何得以衰庸之員率行派委轉爲外夷輕視卽該撫因地方緊要須明幹之員留辦地方事務但伴送貢使亦關緊要豈該省屬員舍朱禮外別無可派之人成林著傳旨嚴行申飭仍交部議處至各省督撫遇有派委護送外藩之事往往漫不經心率以庸材充數不思伴送使臣乃外藩觀瞻所繫豈容率意濫委此

後各督撫如不慎加遴選再經朕召見看出惟該督撫是問

六年 諭謝啟昆奏代進安南國王例貢表奏一摺該國例貢前已有旨諭令將庚申年貢品與前屆應進之貢俱於壬戌年一併呈進此時該國王表奏不特恭進戊午庚申等年例貢並將下次甲子例貢一體呈進懇准該國陪臣於壬戌進京瞻覲該國王自因年來與農耐構衅欲預備職貢遣使來京不過表其格外恭順希冀朕俯加察察或可邀天朝恩助但此意亦不必明言該國王既懇將甲子例貢於壬戌年遣使來京呈遞若不准其附進轉非所以示體恤著謝啟昆傳諭阮光續以該國遠處海嶠梯航萬里甲子貢期距壬戌不遠分年呈進未免跋涉爲勞已奏明大皇帝鑒其悃忱特加恩准其將戊午庚申壬戌甲子四次例貢俱於來年一併遣使來京呈進用昭徠遠懷柔至意

七年農耐國長阮福映與安南構兵阮光續稟印潛逃阮福映併有安南之地遣使納貢請封懇 賜建國名號奉 旨改稱越南國照例給予誥命敕書並駝紐鍍金銀印 命廣西按察使帶同來使前往宣封阮福映爲越南國王

臣謹案安南在廣西太平府南自漢迄明始隸版圖繼淪異域然額封修貢恪服素著自阮光平滅黎氏而有其國傳至光續阮福映奪之表稱本黎氏舊臣爲祖父復讎不敢無故稱兵且俘光續所匿內地海盜莫觀扶等數十人械歸廣東而獻光續所受敕印額請錫封時孫玉庭巡撫廣西以爲 國家於外夷不以其國之順逆爲衡而以其順逆於我者爲準奏請納款明年福映稱舊封農耐本古越裳氏地今并安南請以南越名國玉庭以名嫌趙佗不詳駁之 睿廟謂福映恃功邀請心存叵測有海道邊關密飭防備之諭而福映自以世居越裳申請至再固不知南越之爲嫌也玉庭奏嫌名不可蹈而邊隙不可開 國體不可不尊而遠人不可不輯福映初得富春卽航海輸誠既有安南復故關請命懷德畏威足徵恭順使其不恭奚需名號不可以語言文字之未阻外夷歸化之心且百越之南本爲夷域彼先有越裳繼有安南請錫號越南於羣錫嘉名之中

仍其舊域故土之義奏入 允行云

八年越南國王進伽柑沈香速香廣南生絹象牙翠鳥毛荳蔻砂仁檳榔犀角玳瑁海鷗翎磔螺花藤杆凡十四種

海國圖志 阮光平以兵篡國用虛耗商船不至乃遣烏精船百餘總兵官十二以採辦軍餉為名多招中國海盜使為向导入寇閩粵浙江嘉慶初各省奏擒海賊屢有安南兵將及總兵封爵敕印詔移咨安南尚不謂國王預知也暹羅既與廣南積怨會黎氏甥阮福映乞師暹羅克復西都並縛海賊獻諸中國始知阮氏父子截奸海盜之罪蓋新阮篡黎十年復滅於舊阮今修職貢者非復前日阮氏矣

九年 諭從前隨同黎維祚內投之安南人等加恩准令回國並將黎維祚骸骨還葬故墟著該都統督撫將軍查明一體賞給資送粵西遺令出關以示矜恤

道光元年遣廣西按察使潘恭辰齎 敕封越南國世子阮福岐為安南國王

九年 諭外夷各國貢道或由水路或由陸路定制遵行未可輕言改易越南國遣使來津進貢自康熙年間議定陸路行走今該國陪臣於進表後在禮部呈遞稟啟欲由廣東水路該部以事涉更張實不可行議駁甚是所有該陪臣稟請由水路以省勞費之處著毋庸議至該陪臣稟稱該國王之母年已七旬需用人參調養懇請賞賜參斤以例賞各件折給一節此係國王孝養至情與無故率行祈請者有間著加恩賞給人參一斤其例賞各件仍著照例賞給

十一年越南國王遣使送遺風難民回福建 溫諭獎資之

十九年 諭嗣後越南琉球暹羅均著改為四年遣使朝貢一次用示朕綏懷藩服之意

又 諭所進貢物其舊例兩貢併進之處著即停止

二十一年 諭梁章鉅奏越南國王阮福岐身故繕表告哀 敕封世子阮福嘏為越南國王

二十五年越南國王阮福嘏因 敕封及賜祭故國王進謝恩表貢物

二十八年越南國王阮福嘏卒嗣子阮福時遣使告哀遺廣西按察使齎 敕封阮福時為越南國王

三十年 諭鄭祖琛奏越南國王阮福時因先後奉到 孝和睿皇后 宣宗成皇帝遺詔擬請遣使恭進香禮並進香品祭物又齎遞表文方物慶賀登極等語越南國王備列藩封虔修職貢今該王阮福時欲遣使遠來自係出於至誠惟奉移山陵之後不及恭薦該撫行知該國王不必遣使遠來登極慶賀方物亦毋庸呈進以示懷柔

咸豐六年 諭越南國王正貢屆期咨呈勞崇光奏請恭進方物具見惓惓惟現在用兵省分尚未肅清若令繞道跋涉轉非所以示體恤此次例貢著緩至下屆兩貢併進用副懷柔至意

十年 諭劉長佑奏越南國入貢屆期現在廣西南太潯梧等府軍務未竣道路尚多梗阻丁巳辛酉兩屆例貢著暫行展緩俟軍務平靖後再由該撫具奏又 諭劉長佑越南正貢屆期因軍務未竣諭令緩至下次復屆貢期該國王瀝誠懇請若再行展緩轉不足示體恤貢使著其於來年六月以前到京呈進方物不必俟至歲底惟廣西軍務未平尚須繞道行走應如何早行開關俾得如期到京著該撫酌度情形辦理

同治二年 諭據張凱嵩奏越南國王阮福時因奉到 文宗顯皇帝遺詔恭進香禮表文方物慶賀登極等語越南國備列藩封虔修職貢出於至誠惟是奉移山陵之後不及恭薦著張凱嵩傳知該國王不必遣使遠來進香其慶賀方物亦毋庸呈進

三年 諭越南國王阮福時因例貢屆期兩貢併進行令依期入貢以遂其愛戴之誠惟張凱嵩奏左江南太兩郡道路多阻繞越無從准其暫行展緩越南例貢業經三期展緩恐遠人或生缺望著張凱嵩於軍務完竣即行奏明毋庸遲至下屆併進由該撫宣布朝廷德意俾該國知悉以示體恤

四年 諭劉坤一奏代遞越南國王疏懇派兵援勦李揚才股匪一摺外藩呈

遞奏疏應由該督撫鈔錄呈奏原疏咨送禮部存案嗣後仍當遵照辦理

七年 諭蘇鳳文奏越南正貢屆期請示進關日期前因南太兩郡軍務未平見在由太郡至省道路既無梗阻自應令其依期入貢著蘇鳳文照例遵辦鎮安逆匪吳亞終盤踞順等處著迅速勦辦貢使經由太郡備鎮安鄰氛未靖即著該撫妥爲護送至河南直隸等省道路途無阻屆時由該撫咨行經過各省督撫一體妥爲護送

九年越南進方物及馴象吳亞終等伏誅

十年越南國王因逆匪竄擾經大兵會剿蕩平遣使謝恩恭進馴象二隻萬歲蟠桃全樹兩盆象牙一對犀角三座肉桂一百斤土花綉緞縐紗土花袖上絹土紬各一百匹大項羽毛六把

光緒元年 諭越南國使臣定例由鎮南關經廣西北上邇來法人構兵越地道路多梗據該嗣王阮福昇文稱見在權攝郡事循例遣使懇准由海道進京叩呈等語情詞迫切自應准如所請暫予變通以示體恤著李鴻章左宗棠張樹聲曾國荃裕寬倪文蔚密咨該國嗣王此次准貢使由海道徑詣廣東省城再附招商局輪船赴津入都該使行李及貢物准其查驗免稅如有附帶商貨仍令照例納稅沿途經過地方並著該督撫飭屬一體妥爲照料將來該使臣到京一切事宜著禮部仍照向例辦理

又越南匪黨竄擾邊巡撫岑毓英勦平之

三年越南使臣來京賜國王蟒緞錦緞妝緞閃緞各四疋瓷器洋漆盤各四玻璃鼻壺四黑皮碗四文竹檳榔盤二

七年法人踞越南北境 諭滇粵合籌弭畔

八年法人入越南東京

九年越南與法蘭西立新約十三條成豐同治開釐與法構兵連失西貢附近三郡及南部交趾支那東埔寨地結西貢條約認越南爲自主國政府未知也光緒八年藉名保商兵船駛入河內攻陷之復陷南定河陽及廣安甯平二省分兵陷東京順化砲臺至是迫越人割東京議和其第二款云嗣後

越南爲法之保護國非法許可不得與他國交通約成越人始來告

十一年北洋大臣李鴻章與法使議和於天津先是中國爲越南構兵連年法人以海軍奪海南攻臺灣搗福州轟船廠艦隊幾盡其陸軍在東京先後爲劉永福馮子材蘇元春等所敗法人攻山南關子材復擊走之諸軍窮追連蹙於文淵於諒山於谷松於威波於長慶追奔二百餘里殲敵殆盡方敵之大挫於文淵也其國大譁議院人多訾政府其勢難以持久乃潛託總稅務司赫德爲言於李鴻章以議和政府尙未知諒山之捷遽允之時駐法使臣曾紀澤密電法國情形請力戰不報約成以越南讓法

紀事本末 光緒九年命直隸總督李鴻章馳往廣東督辦越南事宜未

行繼命兵部尙書彭玉麟往安南故廣南王裔孫阮福映得法人之援以嘉慶七年恢復舊領受中國勅封改稱越南後法使至越南索酬金國人斬之遂開法人侵略之端咸豐間又因殺害教民與法構兵同治元年始立約講和割南圻之嘉定邊和定祥昇法人十二年又開兵釁再訂和約又割永隆安江河仙地予之南圻盡爲法據改嘉定爲西貢成爲大埠上年法人欲實行江河通商有劉永福者粵賊餘燼以所部入越越王招撫授以三宣提督轄宣光興化山西三省永福遂扼守山西保勝一路權商稅以供軍餉故法人必欲驅除之以通保勝商路永福誓死不退讓法人因和約有勦匪之語指永福爲匪以兵船至海陽陷河內是年又陷南定進陷河陽其附近之廣安甯平二省均爲所佔時永福駐山西軍絕精悍又得滇督岑毓英助軍火故屢戰勝法法既憚永福乃別以兵船攻東京順化河岸砲臺陷之適阮福時死國人殺其嗣王推立其弟福昇法人逼脅立約權利盡失旋福昇仰藥自殺國人又立福時之子福膺年十二受脅不能自振始遣使來告遂命鴻章往廣東與法使脫利古商辦無成議脫利古聲言乘兵船入京政府亟命鴻章還直隸任脫利古又揚言至廣東故命玉麟赴粵十年北甯失守事聞遂速廣西巡撫徐延旭唐炯出關見敵勢盛遂於中途折回致諸軍退紮山西失守亦速問命滇督岑毓英

出關督師提督蘇元春敗法兵於越南陸岸縣劉永福復越南之宣光興化山西三省法船攻臺北基隆又攻浙江鎮海以牽掣我師互有勝負十一年諒山失守法兵攻鎮南關提督馮子材禦之於小南關復諒山臺灣亦停戰於是定越南新約十款准法國在越南弭亂安撫不得侵犯中國邊界

謹案越南新舊兩阮皆得法人暹羅之助兩次復國終以酬金不滿取悔而亡阮光平始效西法制兵冠南洋諸國十年阮福映乘之是變法無效而倚人終不可恃此亦謀國之殷鑑也同治季年劉長佑密奏言越南貧弱版章日蹙法國蠶食於海濱黎裔虎視於橫山桶岡則白苗跳梁崗奔則黃酉雄踞內憂外患若茲訖無自任之豪傑一心之良吏 於為人役而已雖經我公使曾紀澤與法廷抗議何益哉

南掌

南掌又名老撾東界安南西界緬甸南界暹羅北界中國居民約百餘萬地志面積二百三十五萬九千九百三十二方里類狃榛未化其地多山林箐叢畜牧畜爲業

乾隆五十五年南掌國王召溫猛遺頭目等慶 萬壽進馴象二與年貢馴象二並進 特賜國王玉佛如意御書扇

六十年南掌國王遣陪臣祝釐恭進長生經一卷象牙四十夷錦四十阿魏二十斤正副使在熱河瞻觀 賜國王駱駝馬羸各二

嘉慶四年 諭南掌國王遣使齎表懇求赴京進香感戴 高宗純皇帝厚澤深仁其哀痛實出至性惟時山陵已永遠奉安外夷之人向無帶赴叩謁之例而二十七日之內又不舉行筵宴是該使到京既不叩謁 裕陵又不能仰邀錫賚徒勞遠涉轉非 皇考恩撫外藩之意著該督傳旨酌加賞賚給予筵宴將此旨不令赴京加恩體恤之意詳悉告知該使臣其敕書一道數日內發往該督即交該使臣敬齎回國

又雲貴總督遵 旨將金葉表文由驛呈進所貢檀香三枝交太常寺 十二年南掌國王進馴象四隻象牙四百斤犀角三十斤土絹一疋 賞賚

有加

二十四年 諭南掌國自內附以來乾隆五十九年曾經頒給敕印嗣因該國王召猛溫軟懦不振流徙越南經越南國王將印敕恭繳念其流離不加聲責該國事聽以召蛇榮代辦見據召蛇榮之子召蟒塔度臘虔脩職貢願懇再頒敕印著加恩俯允所請再行頒給以示懷柔

是年九月遣使來京祝嘏宴使臣於正大光明殿賞凡七次 道光十二年遣使臣祝嘏來京入 紫光閣宴

二十一年 諭禮部查明南掌國承襲王爵應頒誥敕遵照嘉慶二十四年成案於敕書外頒給誥命一道以符定制俟該年貢使臣到京一并給使臣齎交該國王祇領

又 諭南掌國長召喇嘛呢呀官滿情殷祝嘏並例貢屆期遣使呈進方物八月內可行抵雲南省城該使到省後務令照常行走於封印前到京著派文武員護送

二十二年遣使齎 敕封召喇嘛呢呀官滿爲南掌國王

又南掌使臣來京入 重華宮宴明年又宴於 紫光閣 賜南掌國王紫檀嵌玉如意蟒緞妝緞八絲緞大紡絲綫綉閃緞絹箋筆墨硯等正副使亦各有賜

咸豐三年 諭吳文鎔吳振械奏南掌國遣使啟關入貢南掌國長召整塔提臘官滿世守藩封情殷慶賀並例貢屆期該使臣七月內可抵雲南即照例派文武各員護送於封印前抵京

又 諭吳文鎔吳振械奏粵匪未盡殲除楚豫一帶尚有繞越行走之處著傳諭該使臣毋庸來京貢物象隻即著賞收由該督撫派員送京應頒賞該國長及正副使臣銀物仍由該衙門照辦齊全發交雲南派員齎送出關轉交祇領

紀事本末 南掌國雍正九年內屬乾隆以後國土分裂西服於緬甸其大半後爲土司專轄南方則光緒十一年中英滇緬約時英外部晤我駐使曾紀澤稱英廷願將潞江以東之地讓還中國其中北有南掌政府不

受迫暹羅獨立南寧遂歸附之

臣謹案南洋羣島浸淫入於英法始則租地通商繼則傳教興兵其操術以漸而巧南寧山國受禍尚淺倘能不寶異物即不墮羿般庶幾可存全球諸國與兵保商縱欲侵略為政生民之禍何時而可止也

緬甸

緬甸一名阿瓦之人名蠻部大國也北界野夷東北界雲南老掌東界暹羅西南距印度海西北連東印度面積約四十萬五千里五洲地理志面積十七萬一千四百三十英里方其都城距雲南省三十八程一切政治律法參合中國印度兩國斟酌損益而行之居民屋舍荒陋以竹插地用藤繫架用席作牆而苦覆之謂之落成取蔽風雨無虞履歷土人頗便之俗劇悍奸詐男女多裸身每飯則嚼檳榔老葉以自喜頗崇佛象僧用貝葉作書估扇聲牙不可辨認物產五金石油紅藍寶石並五穀木棉糖蔗之屬五洲地理志南緯之大有志馬來華島華人四十三萬三千二百四十四人在海峽殖民地者數相同緬甸進步華人之力為多皆商人高等工匠礦工商之類

乾隆五十三年 諭富綱奏據順甯府稟有緬甸孟隕遺大頭目業渺瑞洞細哈覺控委盧撒亞三名恭齋金葉表文及金塔寶石馴象等項齋至江邊懇求進貢並稱老官屯一路山高瘴大象難行故從木邦前來等情著傳諭該督派員伴送前來行在如能於萬壽前趕到熱河固好維時蒙古諸王公皆扈蹕山莊俾遠國貢使同入筵宴瞻觀尤為盛事象隻累重不妨另派委員接程護送至京以免遲滯派出員帶同大頭目等親齋表文貢物趨繁行走如期趕赴勿誤為要

又 諭據富綱奏六月初十行抵順甯察看緬甸來目等情形極為誠敬並據耿馬土司稟報聽聞緬甸已將楊重英送出富綱恐在彼坐守或致該頭目等重視居奇又生更變查大理亦係必經之路較順甯程站亦無紆折見將來目人等並象隻什物先行帶赴大理妥為安置恭候諭旨遵行又另片奏來目內業渺瑞洞一名患瘧令回耿馬居住調理等語實屬糊塗已極緬甸此次差人

進貢情詞極為恭順係屬好事况經派委副將等員驗詢已屬確實倘復何所疑慮乃富綱前接稟報時即以無關緊要之楊重英向其根究索取已屬不曉

事體今據耿馬土司探聞該國將楊重英與原留雲南兵丁四名廣東客民七名送出而富綱又慮該頭目等重視居奇將其來人並貢物象隻帶赴大理候旨遵行用心太過總不著要試思楊重英為何物富綱遽以為實欲待其送出始將貢目人等一同護送來京若係富綱被緬甸裹去送出或須如此辦理然亦當將貢目人等先行送京其續行送出之人何妨隨後派員護送斷無等齊起程之理見在業渺瑞洞等染患瘧疾未必不在彼久耽時日所致富綱何不曉事之輕重緩急至於此極著再傳旨嚴行申飭將此由六百里加緊傳諭知之仍將接奉前旨於何日派員護送貢使人等起程之處據實明白回奏

又 諭據富綱奏接奉諭旨遵即委員伴送緬甸貢使人等於六月二十一日由大理起程前往熱河瞻觀等語大理距熱河萬里該貢使等於九月初間趕至熱河沿途自須上緊趨行方不誤展觀之期但六月二十一日至九月初間尚有七十餘日以每日一百五十里計算行走尚屬從容倘或催趨太急致該貢使等過為勞頓途中有染患疾病等事殊非體恤遠人之道著傳諭沿途各督撫務期揀派委員加意照料護送俾該貢使等趕緊趨行勿使過於疲乏仍於九月初間前抵行在方為妥善

五十五年緬甸國王孟隕遺頭目等齋金葉表文慶賀 萬壽並請賜封號進長壽佛萬壽經紅黃檀香象牙緬布孔雀屏緬錦紅呢馴象六花象一奉 旨覽王奏賀進獻方物具見惻忱王請封號見令頒給敕書所請開通關市前經諭令督臣傳旨准行至情殷職貢奏詞肫切足徵恭順著准其十年進貢一次

封緬甸國王孟隕為阿瓦緬甸王給予 敕書並駝紐鍍金銀印交貢使恭齋回國

又 敕曰爾感天朝厚恩敬備表貢叩祝萬壽並求請封朕惟懷柔薄服德化所先效悃將虔宜加突錫爾自嗣攝國事以來即遣陪臣叩關輸誠納賽朕特

鑒爾恭順降款嘉賜佛像文綺珍玩用昭優賚茲復以朕八旬萬壽遣使祝釐尤見向化之忱已命雲貴總督飭送來使前赴熱河行在與蒙古王公同部伯克及安南王麻邦君長同預筵宴瞻仰朝儀加以優賚至爾爾國有年欲請封號已降旨交部封爾王爵俟爾使臣到京再將錫封印信敕書交與齋回茲先降諭親書御製詩章以錫並加賞珍珠手串一挂使爾益加欣忭並使爾國人民同深慶幸已令該督遣大員二人親齎送至爾國面交祇領爾沐受殊榮倍矢敬恭屏藩南服延及子孫仰副朕意

又 御製賜獎緬甸國長孟隕詩曰奉表前年施惠往請封今歲竭誠歸赤心那限萬里隔黃詔從教舉國輝經事自維老勝壯化民因識德威威內安外順胥天佑益切屏營懷救幾

五十七年緬甸國王蒙 恩特賜御書福字並加賞多珍具金葉表文遣使謝 恩進緬石佛像孔雀屏紅黃檀香紅呢緬布凡五種

五十八年 諭富綱緬甸國王孟隕自納款以來疊加恩錫該國王情深感激復遣進貢祝釐譯其表文情詞恭順貢使到時該督派員伴送緩程前進為期尙寬前經郭世勳奏西洋英吉利國遣使進貢由海道至天津赴京叩祝夏秋間亦可到津適與緬甸貢使並集正可借外藩蒙古王公共與筵宴以昭重譯梯航之盛

六十年緬甸國王遣陪臣祝釐進金葉表文緬石長壽佛貝葉緬字經福字鏡等十八種

嘉慶元年 諭緬甸國王遣使叩關朝貢勒保以上年該使進京叩祝甫經回國檄令表文貢物仍令來使帶回所辦實屬大錯該國王以本年恭逢國慶特遣使備物稱賀自應據實請旨遵行迺率意徑行違令半途回國致勞跋涉阻其向化之誠殊失綏懷之意勒保著交部嚴加議處

又 諭緬甸國王遣使朝貢勒保率行截回未免阻其向化之誠見擬檄諭明白開導特頒賞蟒錦四端交該撫照繕檄知以釋其向化未伸之念江蘭接奉此旨即行遵照檄諭

三年緬甸國入貢於例外 特賜國王御書錫壽彰服四字

俞燮癸巳類稿 自與中摶難以來緬加戍東北而力戰東南經用曠絕百姓愁怨四十七年其酋孟魯殺贊角牙而自立國人又殺孟魯立孟雲值暹羅之難暹羅憤緬無道推鄭昭為王乘緬匪抗拒中國人傷財盡之後盡復舊封又與師佔緬地贊角牙屢為所困暹羅於四十六年入貢陳其事鄭昭死子華嗣華亦有武略孟雲不能支乃東徙居蠻得五十一年鄭華受封孟雲懼五十三年由木邦齎金葉表文送楊重英出高宗憐之諭暹羅罷兵五十五年賀八旬萬壽受封爵定十年一貢嘉慶十年暹羅表貢又言出師攻緬得勝頒敕諭解之冬緬又求入貢蓋乞教也羅吏以非貢期拒不納而緬已削弱也

道光九年緬甸國王孟既遣使表貢

十四年緬甸貢使聶紐耶公那牙卒於京師

咸豐二年 諭羅繞典奏緬甸貢使入京請變通辦理一摺著該督撫傳旨該使臣此次無庸來京貢物象隻即行賞收一俟道路肅清由該督撫派員送京應行頒賞該國王及正副使銀物仍由該衙門照辦齊全發交該省派員齎送出關轉交祇領

光緒元年 諭岑毓英奏緬甸國王呈進馴象請旨遵行等語該國王呈進馴象二隻業經該撫答以衣料食物並優賞該夷官辦理尙屬妥善著照所請辦理

十二年中英改定緬約 命會紀澤商英外部議立君存祀十年一貢英人不允始定由英駐緬大員按期遣使齎獻禮物尋英又梗議通 命出使大臣薛福成商辦緬分界事宜始終堅持僅乃完局

紀事本末 光緒十一年英吉利由印度進兵滅緬甸緬於乾隆十八年多國內大亂酋長蔴哈祖為白古人撤翁所敗擒而沈之江撤翁據阿瓦翌年緬屬木梳頭土司登藉牙起兵攻走撤翁遂王緬甸漸以兵脅服諸土司於是東至整欠景邁孟良孟勇西北至蠻暮木邦孟拱均為緬屬西

南邊外騷然演督劉藻楊應琚前後以失機獲罪將軍明瑞大學士傅恆等屢出師征之不能克遂與議和退師而貢使終不至迨暹羅興而緬勢稍替五十三年緬酋孟暹羅之逼遣使入貢反俘虜五十五年復具表乞封願十年一貢許之由是按期入貢道光二十三年英人侵略印度以兵船駛入緬甸內港偪都城緬人割阿薩姆阿羅漢漢迭乃失里母地予英始定和議咸豐年間又以怒江口通商埠頭之土官抽稅繁重英人復以兵船至郎崑再割北沽全土界英自是緬人以迭受英人侵略中國不能救遂存輕視歲貢竟絕至光緒元年又遣使入貢及法擾安南英復先攻奪緬甸傳海半國之地今所謂南緬甸也至是英人乘中國因法越事厭兵之際又由印度派兵襲緬一舉而滅之事聞命駐英使臣曾紀澤與英外部抗議立君存祀俾守十年一貢之例由駐京英使歐格納訂立緬約始允存貢之議其第一條載明每屆十年由英廷派緬甸大臣循例舉行所派者應選緬甸人云

臣謹案緬甸本莽瑞體之後乾隆十八年木梳頭目變藉牙逐其酋莽打拉而篡立夷人遂呼緬甸為木梳或呼莽子本非二種其時疆臣奏疏有莽語向不知變藉牙死子孟緒立仍與各部構兵三十年孟緒死弟孟駸其為一也立揚兵九龍江上出入無忌演督劉藻畏罪自裁楊應琚繼之移駐永昌有新街之敗三十二年木邦失守應琚被逮次年將軍明瑞領隊大臣札拉豐阿觀音保俱戰歿 天威震怒命大學士傅恆經略兵事由曼鳩西渡大金沙江撫定猛拱乃取道蠻岡而東與阿桂會師於新街阿桂先駐師蠻暮造戰艦南下阿里哀駐營江西連破西岸兩棚緬酋乞降以水土惡劣將士多病遂班師自是緬酋不敢侵擾土司朝貢者百年南荒帖息矣英緬交兵始於道光六年英軍初多不利將還忽聲言直取阿瓦緬軍氣阻遂輸金幣以和并割沿海馬撒及古刺西北之地咸豐三年英人取古刺乃名前後所得緬地為英吉利緬甸置三大部曰擺古曰阿刺干曰地那悉林由是緬人無南出之海口迨光緒十一年英乘法之并越南

也遂滅緬甸魏源云古今以兵力行商賈以割據為壟斷未有如英之甚者論者輒咎中國不動遠略誤之竊謂不然爾雅記四荒四極山海經亦及大荒是我運量未嘗不包舉宇宙而經理疆索必限以五千七千里者此古人之精也蓋遠無窮而近難安內安以禮外攘須兵兵不可玩禮可常行故貴此不貴彼也今西人遠略實則博禍未得求則有刻覈之禍既得求廣則有分裂之憂即如美洲殖民而別樹一幟三島分治而內領不完且荷蘭西班牙俄德此盈彼絀起伏不常安見其能遠耶謀國而以賈道行之宜其不足支久也決矣我見其徒勞而不見其安豈足道哉

暹羅

暹羅南洋大國也東界安南西連緬甸北接中國南界海並麻六甲以曼谷為國都面積二百二十萬方里有著名之水曰湄滄江曰湄南河田土肥美夏初分秧苗隨水長不煩灌溉長至六七尺以故穀極賤時載往閩粵求售頗利賴之商務以米及硬木為大宗寶石金礦煤礦皆有土人居蘆寮惟華人構瓦屋樓閣相望俗男惰女勤信佛習梵典術數禮法所從出建塔廟極崇麗文字類緬甸產糖米銀鉛錫沈香降香象牙犀角烏木蘇木冰片翠羽藤席大楓子豆蔻海參燕窩海菜其貢道由海抵粵東海國圖志云中國船赴其國者歲百餘人五萬有餘今一百四十萬人華僑志約七百萬人

乾隆五十一年暹羅國長鄭華遣使入貢並具奏表請封照康熙二十年之例內閣撰擬 誥命禮部鑄造駝紐鍍金銀印於 午門前交該國貢使恭齋回國

又鄭華遣陪臣奉金葉表文進方物龍涎香金剛鑽沈香冰片犀角孔雀尾翠羽西洋氈紅布象牙樟腦降香白膠香大楓子烏木白荳蔻華拔檀香甘密皮桂皮藤黃蘇木馴象二 中宮前不貢象餘減半

奉 旨覽國長奏繼嗣父業恪承先志遣使遠來進貢方物誠悃可嘉該部知道

五十五年暹羅國王具表進貢並因慶祝 萬壽加進壽燭沈香紫膠香冰



片燕窩犀角象牙通大海哆囉呢九種

奉 諭據奏暹羅國王遣使進貢祝釐該國王情殷祝嘏恭進方物閱其表文歡欣踴躍具見悃忱但見屆八月初旬該國貢使抵粵較遲既未能如期到京隨班慶祝自毋庸趨進行程令各國前後貢使於年底到京隨入燕賞以示體恤遠人之意

嘉慶元年暹羅國王遣使齎金葉表文賀 太上皇帝歸政 仁宗皇帝登極進方物二十三種

五年遣使齎祭文儀物恭詣 高宗純皇帝前進香並獻方物遵 旨令該使臣毋庸進京儀物方物令齎回

十年暹羅貢使入 重華宮宴

十四年暹羅國世子遣使進貢請封在洋遭風沈失貢物九種 奉 旨此實人力難施並非使臣不能小心防護不必另行備進

十五年暹羅國遣使入貢並請封世子鄭佛爲國王照例給予 誥命銀印交該國使臣祇領恭齎回國

十八年 諭蔣攸銛奏暹羅正貢船隻在洋失火貢使人役表文方物俱無下落僅有副貢船抵粵當降旨該副貢使及所存貢物十種派員送京毋庸補備正貢又據蔣攸銛奏該副使即拔察那丕汝知突因在海船感冒風寒又聞正貢船失火致受驚恐見患病難以啟程請醫治痊愈再行護送入都該副使正需調治長途跋涉甚非所宜見屆年節不必再令進京著加恩將貢品就近貯粵省藩庫委員解京該副使令在粵休息調治該國王抒忱納實正副使因事不能到京而航海申虔即與齎呈無異所有例賞著禮部查明奏聞發交該督轉給該副使令其病痊之日齎領回國

二十年 諭蔣攸銛奏暹羅國王聞上年貢船被風損壞復備副貢補進方物到粵十九年該國王敬備方物復遇颶風漂散見在正副船已先後收泊其文表方物齎送赴京該國王因聞貢船遭風補進方物其恭順實屬可嘉該國向例三年一貢明年又屆入貢之期著加恩即將此次齎到方物作爲嘉慶二十

一年例貢交粵省藩庫貯存俟明年委員解京其使臣巧鑿紋是通留於粵省俟本年各貢使旋粵時一體筵宴俾令回國並傳知該國王明年毋庸另備表文方物航海遠來以示懷柔

道光元年暹羅國王遣使進香並貢方物 溫諭止之

五年 諭暹羅國世子鄭福應行承襲見在權理國政因值例貢之期虔備方物遣使入貢並懇請敕封該使臣在洋遭風擊散船隻淹斃水手多名深堪憫惻該使臣等萬里航海幸獲生全朕念其遠道申虔即與詣闕齎呈無異自應優加撫恤即令在粵休息調養毋庸遠道來京應領誥敕著該衙門照例撰擬俟頒發到粵即交該使臣齎奉回國

七年暹羅國王鄭福恭進册封謝 恩禮物

十一年暹羅國王遣貢使載內地遭風官民回廣東 溫諭獎賚之

十七年 諭鄧廷楨奏暹羅遣使入貢船已到省著即派員伴送令其於本年封印前到京

二十三年 諭前經特降諭旨嗣後越南琉球暹羅均著改爲四年遣使朝貢一次以示體恤茲暹羅國王因未接奉改定貢期公文以致仍照舊例遣使呈進方物並進二十一年萬壽及補進二十年貢物具見該國王恭順至誠此次貢物准其於本年呈進

咸豐元年 諭徐廣縉葉名琛奏暹羅國王先後奉到 孝和睿皇后 宣宗成皇帝遺詔遣使進香又齎遞表文方物慶賀登極並因例貢屆期將貢物一併呈進上年越南國王遣使進香當經降旨已在奉移之後不及恭薦諭令不必遣使遠來其慶賀登極方物亦毋庸呈進今暹羅國遣使更在期年以後著徐廣縉等傳知該使臣毋庸來京儀物方物著使臣齎回應進例貢在國制二十七個月之內不受朝賀停止筵宴著俟該國王恭請册封之時一併呈遞該督即行文該國遵照

三年 諭徐廣縉等暹羅國王遣使補進例貢並謝敕封具見恭順之忱該貢使抵粵著即派員伴送於本年封印前抵京該國王鄭明請封應行該衙門撰

擬交該使齋回尋爲關吏所苦遂不至  
同治八年奏准暹羅貢使照舊航海至廣東虎門起旱馳驛毋庸改從海道由  
天津進京

紀事本末 光緒二十年英法二國協商保證暹羅獨立暹羅自乾隆四  
十六年航海來貢政府因而敕封之時緬勢方強進侵邊地暹羅頻掣其  
肘以遏其餒實有功於中國自是列於朝貢之邦先後賜御書扁額曰天  
南樂國曰炎服屏藩道光中始與英人締約各國繼之再認爲獨立暹人  
亦思自振朝貢遂缺及咸豐初年洪楊亂起東南淪陷聲播南洋西人又  
加煽惑暹人信之乘此脫離屬國名義同治八年遣使上書請廢貢獻之  
禮以後贈獻用授受儀式與西洋各國同政府拒之光緒四年會紀澤使  
英過暹京詔令照舊入貢暹不允但請立商約亦拒之五年三月暹廷忽  
接駐暹英領事轉遞中國催貢札文蓋英官以戰船假中國旗號爲云責  
貢之師以脅暹人使之求助於己也暹王知之向臣下具道歷年欠貢之  
故因貢表內用跪具字樣近改從西禮不無窒礙卒莫能代達中國故不  
能不與英加親云先是暹王久拉即古蘭格羅以勢孤意怯下令改朔易  
服禁畜奴國勢賴以稍充然介居英法之間法既以交趾支那爲屬地以  
東浦寨及南部越南爲保護國又脅暹羅以湄公河東爲法屬國暹羅百  
方拒之不得許以所索之地並償金五百萬法郎克以和時十九年事也  
英以屬土與暹毗連恐法人侵及緬甸至是與法訂約互不得侵占暹羅  
片土在倫敦簽押宣言確定英法兩國在暹羅政治上地位並證暹羅獨  
立云

臣謹案暹羅變法易服遺學生游學泰西介居英法之間國小而偏不得  
不鐵厲自興然亦恃英法牽制以自存耳在南洋島國最能自振奮尙未  
議及軍政如日本之參入列強戰林畜力待時亦一法也

麻刺甲 新加坡附

麻刺甲自暹羅南界突出印度洋東爲南海西爲印度洋面積二十四萬方

里居民多馬萊種身矮色黑性情兇悍嗜賭博如命懶於耕作然土地肥美  
全境河流紛歧物產金錫馬口鐵甘蔗米胡椒靛青香料樹膠檳榔血竭豆  
蔻象牙燕窩牛皮木料爲出口大宗初屬荷蘭道光四年易歸英國又南端  
一小島舊名息力英人名曰新加坡有唐人墓碑梁朝年號宋代酒熙亦古  
通道也面積二千方里居民約二十萬嘉慶季年英人以此爲海道之衝掣  
開土地招集商民至今海船輻輳樓閣連亘爲南海第一大埠

海國圖志云  
探錫及貿易其乘有英華書院番漢人皆知讀書近年查支那人僱工於新  
加坡者三十一萬八百一十三口然入境之人年歲十萬有入馬來半島荷蘭  
印度者數亦不少 華僑志云新加坡華人  
二十萬居全坡人口三分之一之二數常變更人

### 蘇門答臘

蘇門答臘在麻刺甲之西南有麻刺甲海峽相開面積一百六十萬方里中  
有大山縣互曰萬古屢池東窪下海潮浸漲林木穰雜入西平坦有河繁帶  
物產檳榔冰片沙各米安息香果品尤著者爲胡桃有奇花曰辣夫烈西亞  
爲藤本寄生初英與荷蘭共轄其地後英以易麻刺甲遂全屬荷蘭

華僑志  
萬六千餘人極極

### 呂宋

呂宋距廈門水路七十二里亦海中大島也西界閩廣大海東界萬蘭潤仔  
低大海南界蘇祿北界萬水朝東大海計其地三千里有奇四方相距各千  
里中有三湖各廣三百餘里

五洲地理志非律賓羣島以千數呂宋及明  
人七百地多腴壤地東山嶺錯雜林莽阻深有火山時時地震山內野番黑  
面拳毛西班牙初至厚賄遺王乞一牛皮大地築城列火器遂殺其王遂其  
人民土產穀極賤蔗糖紅木肉桂珍珠居民二百萬納稅甚苛光緒二十五  
年美人嬰之統名斐利賓羣島 華僑志 檳香山 華僑二萬五千餘  
人 華僑志 荷蘭屬 蘇祿洲 三十五萬人

臣謹案南洋各島東則呂宋環息利大山而居者古婆羅國今爲蘇祿文  
萊馬神吉里門是洲再倍於日本亦名爲新荷蘭大洲地西爲葛留巴三  
寶龍三佛齊蘇門答臘麻六甲柔佛爲英荷所據又西爲美洛居島新加  
坡檳榔嶼爲英荷佛所踞又西則印度洋矣大抵皆西洋服屬金銀犀象

珠藥所出利盡南海西人以兵商侵略自明以來已然其墾植開礦之工皆中國閩廣人開拓南荒事業偉大中國政府無兵船維護之此其缺望於南天而冀中國之強非一日矣又澳洲華僑十四萬餘人

鳴喇巴一名爪哇今改為聖利實華島官統三年改華僑居新加坡行軍程較寬大

鳴喇巴見中國史傳為南洋自古名邦北望婆羅隔加拉巴海西北與蘇門答臘夾森達海腰面積五十萬方里臨海底淤中有帶山含火山四十餘頗多瘴癘土質肥美五穀果品俱極廉賤物產米糖靛青烟葉咖啡胡椒石油最富閩廣人流寓其地者以二十萬計商務頗盛今為荷蘭屬地潮州人最多今華僑七十五萬華僑志荷蘭東印度華僑島華人七十萬三寶壟各城有五十萬其餘十城有六十萬

海國圖志 明萬曆開荷蘭兵船避風其地見地土雄闊可建城池乃賄其酋稅地為貿易於是建鳴喇巴城法令嚴酷漸以計威服其人迫令輸貢又開砥利文蘇拉圭呀級馬廊各埠王先謙云昔之南洋為侏儒之窟宅今之南洋乃歐羅之逆旅事勢積漸蓋三百年於茲矣

印度

印度當亞細亞洲南方之中央古天竺國也北界希馬拉山及克什爾爾大吉嶺與中國新疆西藏接東界緬甸與孟加拉灣與中國雲南接南界印度洋西界亞拉伯海俾魯支阿富汗兩國面積一千四百十萬方里全國分五大部曰希馬拉山部曰恆河灌域曰印度施河灌域曰南方代干高原曰英屬緬甸加爾各達為首部境內有名水三東曰安治河即恆河發源西北東南流至孟加拉雅魯藏布江從東北來會之希臘特河發源阿山具至孟阿臘入海西曰印度河發源後藏之阿里西行繞雪山之背至北印度之西北界轉而南行北印度諸水會之至信地入海其北倚雪山南則沿海連山環繞中間數千里皆平坦西北略帶沙磧餘多沃壤迤北寒暑適平池南近赤道頗苦炎熱土宜五穀棉花粟山海所產則金鋼鑽黃玉寶石青精瑪瑙明珠珊瑚藥材喬木等獅子馴象大鳥尤饒富其人多黑面青唇以白布纏頭故粵東咸呼之為白頭國云此俗然頗有技巧金漆雕鏤精絕所製玉器薄如

蟬翼其地為佛教所自出後為回部侵入嘉靖五年蒙古汗乘機入創為大國今為英屬者三中東南印度西北二印度尚為自主光緒六年遣使進樂器並所撰樂記查以金寶星

臣謹案舊考有葫蘆整欠港口宋賜勝等國今皆并入西洋屬地內不另敘惟印度北接新疆西藏南接雲南交涉日繁特補序於此攷明萬曆二十二年荷蘭商船至印度市胡椒獲利設公司英人慕之英公司與於孟買佛蘭西繼之與英相軋遂敗英人嘉慶十六年佛蘭西荷蘭公司散東中兩印半歸英人道光十三年英公司貿易無利亦散掌握之權尚在然則西人權利在公司商業敗則公司散而兵亦衰此已事之驗也魏源有言制英之策聯緬甸廓爾喀樞紐在東印度聯美法荷蘭呂宋購買船礮樞紐在澳門與南印度聯俄樞紐在中英度尤不若絕其互市散彼公司之切而易行也

廓爾喀

廓爾喀在東印度北境東西南皆界英屬孟加拉亞加拉部東界哲孟雄北界後藏國分九部都城曰加德滿都田士肥沃產二麥黍稷豆甘蔗棉花丹參肉蔻其人短小強狼有力戶口約百餘萬五洲地理志尼帕爾即廓爾喀百萬人三乾隆四十六年班禪喇嘛卒其弟舍馬爾巴憤怨廓爾喀與師圍邊再舉深入福康安降之英人破孟加拉時諸部瓦解獨廓爾喀自保疆隅習於攻戰為印度諸部之最修職貢至今不懈

乾隆五十八年諭福康安奏廓爾喀進貢象馬在途行走因哲孟雄宗木道路難行繞由巴爾底薩雜里部落至布魯特各派人護送供應草料極為恭順著賞給大荷包一對小荷包四個蟒錦緞四疋以示嘉獎此旨到時若福康安已經起身著和琳將賞物頒給至所進象馬經福康安遵旨分賞達賴班禪額爾德尼各一隻其餘在藏餵養俟春融草長派員由青海西甯進口適與朕意相合自應如此辦理

又諭福康安奏廓爾喀貢使鳴箕第烏達特塔巴等行抵打箭爐即來謁見

備述受恩頂戴難名並稱隨來番子內有拉納興塔巴等十六名俱係在拉特納巴都爾前當差之人羨慕天朝頂戴懇請代奏等語福康安係辦理廓爾喀受降藏事之人既允其代奏且念該番長途勞頓而拉特納巴都爾叔姪進表納貢又十分恭順亦止可俯順所請給予頂戴將拉納興塔巴四名賞給六品頂戴撒噶第薩野十二名賞給金頂著傳諭和琳撤諭此大皇帝念爾恭順推恩下逮爲未有曠典爾益當感沐恩慈永遠約束天朝名器不可濫邀此等異數不得因有此例下次再有干瀆也爲此詳晰諭示俾知感畏於體制亦允洽和琳遵照撤諭不必專人齎往俟該國遣使來藏或遇買賣人回陽布之便交給帶往將此諭知

嘉慶十七年 諭陽春奏廓爾喀國王向例每屆五年差噶筭頭目進京呈表貢嗣於嘉慶七年經朕俯念該國王年幼辦事需人曲加體恤祇令將表貢送交交界由內地派員接收俟該國王能經理國事再遵例派貢使來京本年例貢該國王仍專遣貢使赴京情詞恭順著准遣噶筭頭目來京於封印前到京隨班瞻覲

二十三年廓爾喀額爾德尼王熱尊達爾畢噶爾瑪薩野遣使貢方物 敕賜賞資如例

道光元年廓爾喀王奏 仁宗升遐成服貢金緞 賜敕嘉資之

二年 賞廓爾喀國王寶石頂戴噶筭木與塔巴三品頂戴

二十年廓爾喀遣人告駐藏大臣聞里底與京屢擣兵願助天討駐藏大臣答以蠻觸相爭中朝概不顧問卻之

咸豐元年 諭廓爾喀王請進登極表貢情詞懇切自應准其進貢惟來年即係該國例貢之期著令統俟咸豐二年一同恭齋來京以省跋涉即撤諭該國王欽遵

三年遣使來賀登極進表貢 賜詔嘉勉

六年 諭廓爾喀見屆例貢之期惟唐古忒擣疊甫經息兵若令資進方物非所以示體恤著免其呈貢一次以示懷柔

七年廓爾喀奉表輸誠 頒賞珍物

十一年 諭廓爾喀郡王應進表貢著崇實等察看情形俟道路疏通即撤諭准其遣使呈進倘入川道路或有梗阻著將表貢代遞撤諭該使臣回國毋庸來京

同治二年 諭廓爾喀額爾德尼王蘇熱達熱畢噶爾瑪薩哈因奉到敕書免其呈進例貢俟同治六年再爲呈進感激恩施呈進謝恩表文覽奏深堪嘉悅至該國王所稱咸豐二年專差呈進例貢途中值軍務噶筭人等曾受苦累亦係實情俟同治六年進貢之期由駐藏大臣酌度奏聞再降諭旨

八年廓爾喀與唐古特擣疊 諭恩麟防維開導

十一年恩麟德奏廓爾喀國王例貢援案懇免一摺見在陝南一帶隴回未靖著免予呈進一次

光緒十三年廓爾喀使入貢

三十二年有奏奏廓爾喀貢使六月初一日自陽布城起程取道轟拉木行走三十四年廓使來朝張蔭棠訂藏約十五條後英方吞併布丹廓爾喀爲其藩屬

宣統二年以廓爾喀額爾德尼王畢熱提畢畢噶爾瑪生寫熱曾噶扒噶都熱薩哈拒西藏求援兵 詔嘉獎之

阿富汗

阿富汗回部大國也北界布哈爾東界印度南界俾魯支西界波斯面積二百三十九萬方里五洲地志面積二十二萬九千方里人四百萬口居民類高加索身而貌粗鬚長膚糙性剛好戰言語與波斯同物產五穀棉花蠶煙葉靛青大黃阿魏各種果品尤佳民畜牛馬羊夥頗爲英保護國

俾魯支

俾魯支在阿富汗之南亦回部也東接西印度西接波斯北連阿富汗南臨印度海面積一百六十萬方里五洲地志面積九萬七千方里人三十萬方里人五十七萬口四時寒暑酷烈地多不毛畜牛馬駝羊甚盛礦產礬磺銅鐵

鉛農產靛青蔗煙葉棉花水果沙漠尤多植棗樹云

波斯

波斯回部大國也東北連沙漠界布哈爾東界阿富汗俾魯支西界土耳其北抱裏海與俄羅斯接壤南抵阿勒富海與亞刺伯毗連五洲地理志面積六十三萬五千一百五十方里與中國貿易最早所傳文字有景教碑蓋唐時置波斯都督府於其地時尙奉火教也國王最尊嚴恣意刑賞土肥沃節候多暖少雨產紅棗白鹽銅鐵金銀琉璃珊瑚琥珀珍珠翠羽馬獅子之屬民性強健男女多美姿容風俗繁華任武習戰又其習慎

謹案波斯界俄羅斯之側如羊伴虎居列強練兵興學日異而月不同波斯扭於習俗其國民於奉回教外猶有拜火教之遺開化之程度低劣如是又烏能日久支柱與

亞刺伯

亞刺伯回教祖國也北界東土耳其東界波斯及阿勒富海南距印度海西抵紅海面積一千三百萬方里五洲地理志面積八百五十萬方里國政皆以酋長分統居民奉回教尙任俠喜報復以白布纏頭物產加非香料沒藥之類惟最富人畜皆資以食又產名馬愛養若兒子中央多沙漠商旅必結隊以行否則動虞盜劫且虞風沙陷沒

土耳其

土耳其古名突厥回部大國也近分爲東土耳其西土耳其其面積七百六十六萬方里五洲地理志面積六十八萬九千一百五十四萬三千五百方里在歐洲面積六萬七千九百一十方里人五百七十五萬口昔爲羅馬東境後漸分裂居民類雜種國政苛虐尙專制近疆域日蹙英俄互噬有亡徵焉俗習戰鬥輕死生然日以疲弱物產五穀煙葉加非藥材木棉大麻葡萄無花果之類多畜牛羊以充醫酪據廣漠無教化終爲人役耳

謹案土耳其跨歐亞兼扼黑海地中海之勝東顧則亞洲震動西睨則歐土恐皇其位置亦云厚已徒以政令貪苛坐見削弱奉做立憲虛事虛文其能長此終古與

魯瑪尼亞

魯瑪尼亞在多腦河下流東界黑海東北界俄羅斯西北界奧斯馬加西界色斐亞南界布勒嘎利亞面積五十萬方里五洲地理志面積二十三萬五千二百方里多斯拉夫人性情躁急學藝俱無足觀天氣寒暑俱酷國政於光緒初年改定立憲物產五穀爲大宗煙葉胡麻果品木料牛羊蜂蜜次之

色斐亞

色斐亞介奧土之閒東界魯瑪尼亞布勒嘎利亞二國北西界奧斯馬加南界土耳其面積十八萬方里人種爲斯拉夫支奉希臘教爲自主國鑛產多煤鐵鉛錳水銀錒惟開採未旺田產珠粟小麥麻煙葉牧畜以豚牛羊爲最蒙的尼

蒙的尼疆地偏小介奧土二國閒祇西南隅濱阿德里亞海面積三萬方里人民約二十萬五洲地理志作蒙尼各圖面積二十萬方里皆斯拉夫支身軀高大勇敢善鬥前與土耳其戰卒脫藩自立制定憲法物產珠粟雀麥荷蘭薯煙藥等畜牛羊成羣近湖處多植葡萄桑樹農事井然

謹案以上三國舊屬土耳其後不堪虐遂稱兵獨立

希利尼

希利尼在土耳其之南突出於地中海東有希利尼海西爲阿德里亞海居地中海交通之要點故開化最早爲歐洲文明先進國居民多拉丁人俗尙奢華富文學昔受土耳其羈絆今已獨立物產麥棉煙草珠粟果品以無花果橘橙爲最著名

謹案舊考於西域諸部落所載布魯特安集延巴達克山等地皆侵入於俄茲不復敘



格蘭北曰蘇格蘭兩島南北約二千餘里東西闊處五六百里狹處三四百里迤西別一島曰愛爾蘭南北約八百里東西五六百里英格蘭南境與荷蘭法蘭西相近舟行半日可達距法尤近海江狹處僅六七十里兩岸可瞭望也五洲地志云面積十二萬九千五百四十三方里全境分五十二部都城曰倫敦殿闕巍峩規模宏敞街市叢擊肩摩人聲殷闐絡繹於道爲西國第一都會其人大率魁梧白皙鬚髮與睛或黑色或雜黃赤心計精密任事堅忍膽氣尤豪以故臨陣勇敢毋稍却步樓居多塗以聖盧室生白塵塗不染婚制自由擇定然後入告父母性好遠游故日出沒處皆有英旗飄揚政體爲君民共主其樞在上下兩議院王但裁可而已物產以煤爲大宗歲可出二萬二千萬噸餘亦不亞各國尤工製造各種廠肆林立城鄉閒時聞汽響要其原則教育普及人人能自治而已英屬新西蘭僑民二千五百萬澳洲僑民一千四百萬 粵爾摩僑民十七萬 加拿大僑民一萬七千四百三十三 香港僑民三十萬七千餘

乾隆五十八年英吉利使臣來 上御萬樹園大幄次引見 賜英吉利王敕書曰咨爾國王遠在重洋傾心向化特遣使恭齋表章航海來庭叩祝萬壽並備方物用將忱悃朕披閱表文詞意肫摯具見爾國王恭順之忱深爲嘉許所有齋到表貢之正副使念其奉使遠涉推恩加禮已令大臣等帶領瞻觀賜予筵宴疊加賞賚用示懷柔其已回珠山之管船官役人等六百餘人雖未來京朕亦優加賞賜俾得普沾恩惠一視同仁至爾國王表內派一爾國之人住居天朝照管爾國買賣一節此則與天朝體制不合斷不可行向來西洋各國有願來朝當差之人原准其來京但既來之後即遵用天朝服色安置堂內永遠不准復回本國此係天朝定制想爾國王亦所知悉今爾國王欲求派一爾國之人住居京城既不能若來京當差之西洋人在京住居不歸本國又不可聽其往來常通信息實爲無益之事且天朝所管地方至爲廣遠凡外藩使臣到京譯官供給行止出入俱有一定體制從無聽其自便之例今爾國若留人在京言語不通服色殊制無地可以安置若必似來京當差之西洋人令其一例改易服飾天朝亦不肯強人以所難設天朝欲差人常住爾國亦豈爾國所能

進行况西洋居國甚多非止爾一國若俱似爾國王懇請派人留京豈能一一聽許是此事之難行豈能因爾國王一人之請以致更張天朝百餘年法度若云爾國王爲照料買賣起見則爾國人在澳門貿易非止一日原無不加恩禮即如從前博羅都噶爾惡意大理亞等國屢次遣使來朝亦曾以照料貿易爲請天朝鑒其悃忱優加體恤凡遇該國等貿易之事無不照料周備前次廣東商人吳昭平有拖欠洋船價值銀兩者俱飭令該總督由官庫內先行動支帑項代爲清還並將拖欠商人重治其罪想此事爾國亦聞知矣外國亦何必派人留京爲此越例斷不可行之請况留人在京距澳門貿易處所幾及萬里伊亦何能照料耶若云仰慕天朝欲其觀習教化則天朝自有天朝禮法與爾國各不相同爾國所留之人即能學習爾國自有風俗制度亦斷不能效法中國即學會亦屬無用天朝撫有四海惟勵精圖治辦理政務奇珍異寶並無貴重爾國王此次齋進各物念其誠心遠獻特諭該管衙門收納其實天朝德威遠被萬國來王種種貴重之物梯航畢集無所不有爾之正使等所親見然從不貴奇巧並無更需爾國製辦物件是爾國王所請派人留京一事於天朝體制既屬不合而於爾國亦殊覺無益特此詳晰開示遣令貢使等安程回國爾國王惟當善體朕意益勵款誠永矢恭順以保久爾有邦共享太平之福

又因其使臣越分干請罔知大體使諭使臣於朝復敕誠其王 諭曰據爾使臣稱爾國貨船將來或到浙江寧波珠山及天津廣東地方收泊交易一節向來西洋各國前赴天朝地方貿易俱在澳門設有洋行收發各貨由來已久爾國亦已遵行多年並無異語其浙江寧波直隸天津等處均未設有洋行爾國船隻到彼亦無從銷貨物况該處並無通事不能諳曉爾國語言諸多未便除廣東澳門地方仍准照舊交易外所有爾使臣懇請向浙江寧波珠山及直隸天津地方泊船貿易之處皆不可行又據爾使臣稱爾國買賣人要天朝京城另立一行收貯貨物發買仿照俄羅斯之例一節更斷不可行京城爲萬方拱極之區體制森嚴法令整肅從無外藩人等在京城開設貨行之事爾國向在澳門交易亦因澳門與海口較近且係西洋各國聚會之處往來便益若

於京城設行發貨爾國在京城西北地方相距遠送貨物亦甚不便從前俄羅斯人在京城設館貿易因未立恰克圖以前不過暫行給屋居住嗣因設立恰克圖以後俄羅斯在該處交易買賣即不准在京城居住亦已數十年見在俄羅斯在恰克圖邊界交易即與爾國在澳門交易相似爾國既有澳門洋行發賣貨物何必又在京城另立一行天朝疆界嚴明從不許外藩人等稍有越境權維是爾國欲在京城立行之事必不可行又據爾使臣稱欲求相近珠山地方小島一處商人到彼即在該處停歇以便收存貨物一節爾國欲在珠山海島地方居住原為發賣貨物起見今珠山地方既無洋行又無通事爾國船隻不在此停泊爾等要此海島何用天朝尺土俱歸版圖疆址森然即鳥嶼沙洲亦必畫界分疆各有專屬况外夷向化天朝交易貨物者亦不僅爾英吉利一國若別國紛紛效尤懇請賞地方居住買賣之人豈能各應所求且天朝亦無此體制此事尤不便准行又據稱撥給附近廣東省城小地方一處居住爾國夷商或准令澳門居住之人出入自便一節向來西洋各國夷商居住澳門貿易畫定住址地界不得踰越尺寸其赴洋行發貨夷商亦不得擅入省城原以杜民夷之爭論立中外之大防今欲於附近省城地方另撥一處給爾國夷商居住已非西洋夷商歷來在澳門定例况西洋各國住廣東貿易多年獲利豐利來者日衆豈能一一發給地方分住耶至於夷商等出入往來悉由地方官督率洋行商人隨時稽查若竟毫無限制恐內地人民與爾國夷人間有爭論轉非體恤之意數之事宜自應仍照定例在澳門居住方為妥善又據稱英吉利國夷商自廣東下澳門由內河行走貨物或不上稅或少上稅一節夷商貿易往來納稅皆有定則西洋各國均屬相同此時既不能因爾國船隻較多徵收稍有溢額亦不便將爾國上稅之例獨為減少惟應照例公平抽收與別國一體辦理嗣後爾國夷商販貨赴澳門仍當隨時照料用示體恤又據稱爾國船隻請照例上稅一節粵海關征收船料向有定例今既未便於他處海口設行交易自應仍在粵海關按例納稅無庸另行曉諭至於爾國所奉之天主教原係西洋各國向奉之教天朝自開闢以來聖帝明王垂教創法四方億兆

率由有素不敢惑於邪說即在京當差之西洋人等居住在堂亦不准與中國人民交接妄行傳教華夷之辨甚嚴今夷國使臣之意欲任聽夷人傳教尤屬不可以上諭各條原因爾國使臣妄說爾國王或未能深悉天朝體制並非有意妄干朕於入貢諸邦誠心向化者無不加之體恤用示懷柔如有懇求之事若於體制無妨無不曲從所請况爾國王僻處重洋輸誠納貢朕之錫予優加倍於他國今使臣所懇各條不但於天朝法制攸關即為爾國王謀亦俱無益難行之事茲再明白曉諭爾國王或誤聽下人之言任從夷商將貨船駛至浙江天津地方欲求上岸交易天朝法制森嚴各處守土文武恪遵功令爾國船隻到彼該處文武必不肯令其停留當立時驅逐出洋未免爾國夷商徒勞往返勿謂言之不豫也

臣謹案英吉利明史無傳自言萬歷開初通中國其時法荷葡意先後踵至度英人自當計借其名未著入 國朝其勢漸張康熙中廣東總兵陳昂奏報紅毛英圭黎諸國蓋葡萄牙稱紅毛因之洋人概稱紅毛猶葡稱西洋因之洋人概稱西洋也粵關苛索屢以為言來廈來浙每請移市是年 純廟八旬萬壽正使馬亞刺尼副使斯當東等人貢多所干求頒敕開諭詳盡周摯彼時帖然其後往來漸稔窺伺益頻狡焉思啟駁駁不可復制矣

六十年英吉利復入貢賜賚如例

嘉慶元年英吉利恭進貢物

七年英人窺澳門 諭有犯必懲切勿姑息無隙莫擾亦勿輕率

十年英吉利來貢

十三年謀襲澳門粵督吳熊光奏得 旨英吉利夷人藉稱大西洋地方被法蘭西佔踞該國因與大西洋隣好恐大西洋人之在澳門者法蘭西欺阻貿易輒派夷目帶領兵船前來幫護所言全不可信而且斷無此理見在先後到船九隻皆帶有礮械火藥等物竟敢灣泊香山縣屬雞頸洋面並有夷兵三百名公然登岸居住澳門三巴寺龍嵩廟分守東西礮臺實屬桀驁可惡該員等見



在將該國夷船停止開輪派員剴切曉諭俟夷兵退出澳門方准起貨並稱夷人若再挾延即封禁進澳水路絕其糧食所辦尚是但究竟如何嚴切曉諭及見在作準備之處全未奏及所辦太軟邊疆重地外夷敢心存覬覦詞嘗試不可稍示以弱此時如該國兵船業經退出澳門則已如尚未退出澳門吳熊光即行遞派曉事文武大員前往澳門嚴加詰責以天朝禁令禁嚴不容稍有越犯大西洋與法蘭西彼此構釁自相爭殺原屬情事之常中國並不過問即如近年緬甸暹羅互相仇殺業經敕關求援大皇帝一視同仁毫無偏向至於中國外藩自有一定疆界試思中國兵船從無遠涉外洋向爾國地方屯紮之事而爾國兵船輒敢駛進澳門登岸居住冒昧已極若云因恐法蘭西欺侮西洋前來幫護殊不知西洋夷人既在中國地方居住法蘭西焉敢前來侵奪以致冒犯天朝即使法蘭西果有此事天朝法令俱在斷不能稍為姑容必當立調勁兵大加勦殺申明海禁何必爾國派兵前來代為防護若云洋匪未淨欲思效力天朝尤屬無謂海洋盜匪屢經勦辦不過東竄西逃既經兵船四路擒拏不日即可殲盡餘孽又何藉爾國兵力乎看來竟係爾國夷人見西洋人在澳門貿易趁其微弱之時意圖佔住大干天朝例禁矣爾國臣事天朝平素遣使進貢尚屬恭順乃此次無知冒犯實出情理之外本當即行拏究姑先明白曉諭爾若自知悚懼即速撤兵開帆不敢片刻逗留尚可曲恕爾罪仍准爾國貿易若再有延挨不遵法度則不但目前停止開輪一面即封禁進澳水路絕爾糧食並當調集大兵前來圍捕爾等後悔無及如此逐層曉諭義正詞嚴該夷人自當畏懼遵吳熊光等仍當密速調派得力將弁統領水路官兵整頓豫備設該夷人一有不遵竟當統兵勦辦不可畏葸姑息庶足以伸國威而清海澨

十四年 諭曰各省封疆大吏守土是其專責遇有關涉外夷之事尤當立時親往勦辦務遵妥協方為無忝厥職前此吳熊光在兩廣總督任內英吉利商船帶兵入澳占據東望洋娘媽閣伽思蘭三處砲臺雖向係西洋商人防守所設但究在中國地面即與闖入內境無異吳熊光身任封圻即應立時驅逐况此次該夷兵遇官兵開礮並不敢稍有抗拒及奉有嚴旨亦即畏懼開帆遠去是該夷兵尚知震懾天威無他伎倆設吳熊光於該夷兵登岸之初即親往彈壓曉以大義一面調集官兵防守該夷兵自必知所畏懼即時退出庶足宣示國威吳熊光於此等要事遲至月餘始行具奏既未親往查辦該夷兵目求見又止派員往諭並不面詢斥逐離開船在夷兵既退之後而許其開船究在夷兵未退之先是奏報既屬遲緩辦理又形畏葸且屢次夷人具稟及吳熊光批示並轟斃夷兵等事俱未入奏亦屬含糊吳熊光由軍機章京蒙 皇考高宗純皇帝不次超擢用至軍機大臣經朕簡用歷任三省總督非新進不曉事者可比乃種種錯謬實屬孤負委任吳熊光前已革職著交軍機大臣會同刑部審訊定擬具奏

十五年英商請減行用銀總督韓對以洋人無利可獲或可杜其借來不許二十一年英吉利遣使入貢

諭曰爾國遠在重洋輸誠慕化前於乾隆五十八年 先朝 高宗純皇帝御極時曾遣使航海來庭維時爾國使臣恪恭成禮不愆於儀用能仰承恩寵瞻覲筵宴朕是以錫賚便蕃本年爾國王復遣使齎奉表章備進方物朕念爾國王篤於恭順深為愉悅循舊典爰飭百司俟爾使臣至日瞻覲宴賚悉仿先朝之禮舉行爾使臣始達天津朕飭派官吏在彼賜宴爾使臣於謝宴時即不遵禮節朕以遠國小臣未嫻儀度可從矜恕特命大臣於爾使臣將次抵京之時告以乾隆時爾使臣行禮悉跪叩如儀此次豈容歧異爾使臣面告我大臣以臨期遵行跪叩不至愆儀我大臣據以入奏朕乃降旨於七月初七日令爾使臣瞻覲初八日正大光明殿賜宴頒賞再於同樂宮賜食初九日陛辭並於是日賜遊萬壽山十一日在太和門頒賞再赴禮部筵宴十三日遣行其行禮日期儀節我大臣俱已告知爾使臣矣初七日瞻覲之期爾使臣已至宮門朕將御殿爾正使忽稱急病不能動履朕以正使猝病事或有之止令副使入見乃副使二人亦同稱患病其為無禮莫此之甚朕不加深責即日飭令歸國爾使臣既未瞻覲則爾國王表文亦不便進呈仍由爾使臣齎回但念爾國

王數萬里外奉表納贖爾使臣不敬共將事代達悵忱乃爾使臣之咎爾國王恭順之心朕實鑒之特將貢物內地地理圖畫像山水人像收納嘉爾誠心即同全收並賜爾國王白玉如意一柄翡翠玉朝珠一盤大荷包二對小荷包八個以示懷柔至爾距中華過遠遣使遠涉良非易事且來使於中國禮儀不能諳習重勞唇舌非所樂聞天朝不寶遠物凡爾國奇巧之器亦不視為珍異爾國王其輯和爾人民慎固爾疆土無閒遠邇朕實嘉之嗣後無庸遣使遠來徒煩跋涉但能傾心效順不必歲時來朝始稱向化也

臣謹案朝覲盛禮而英之使臣在乾隆朝則進謁廣市井小人之言不可不出士大夫之口乃以上藝 帝聰在嘉慶朝則九賓備設而臚傳不至不獨茅鷗之刺辱君命輕鄰交已也當是時廷議將以其嘯強遣之 睿廟不憚適孫玉庭述職京師因其背撫粵悉夷情也 召見垂問玉庭面奏乾隆五十八年英使至京已不能悉效中國禮節其大班曰同噶喀於廣東巡撫署拜領 賞物弓身俯伏臣親見之譯者曰俯伏者夷禮之免冠頓首也今貢使即同噶喀未有謹於彼而驕於此者果其妄有干求當折以 天朝之法度如其歸心恪慎不必責以中國之儀文反覆開陳 天顏有喜特頒斯 諭全國體而綏遠人大哉 王言不可及已

道光十六年英人遣義律來粵設立審判衙門  
十八年授林則徐欽差大臣馳往廣東查辦海口禁煙事兼節制廣東水師  
明年補兩廣總督繕守備添建礮臺設木柙鐵索  
十九年罷英互市限令英商三日內繳出所蓄鴉片英人置不理則徐奏停其貿易因其沙文領事義律不得已出洋面覲船所存一千三十七箱則徐知非全數令各國商人退去斷英人糧食且張兵圍商館商人乃出其全數具繳計二萬二百八十三箱每箱百二十斤計資本六百萬元有奇則徐馳奏請解京師詔令即在海口銷燬英人快快去諸國商船相隨開赴澳門則徐遂與諸國約凡商船入口皆須具結不得夾帶鴉片違者船貨入官人即正法時通商之國以數十皆請如約獨義律不願且請則徐遣員至澳門會

議則徐不許下令逐英人出澳門並絕其餉餉義律遂以索食為名刺師船入尖沙嘴開礮示威則徐堅持不動義律乃潛入澳門介葡人轉圍但請削去即正法一語餘悉惟命則徐復嚴拒之於是九月間英艦六艘襲海口為參將賴恩爵擊走計不得逞則徐因奏請相機勦撫並咨福建浙江江蘇督撫嚴防海大理卿曾望顏至奏請封禁海口盡停各國貿易則徐力言不可恐諸國協以謀我也 帝然之至是宣布停止英吉利貿易然義律猶遣使調停請仍許英商回居澳門則徐以新接 朝旨不便驟更嚴斥不許二十年英以兵船陷定海駛至天津投書講款詔概林則徐職以琦善代之敕沿海各省休戰先是英海軍統領伯麥率艦十五汽船四運船二十五由印度出發駛至澳門附近則徐發火舟乘風潮攻之相持二月以粵無險可乘也乃改圖分擾各省以五艘駛廈門金廈道劉曜春發兵拒之而合二十六艘擾浙之定海陷之以五艘赴天津投書講款六條直督琦善以聞詔以琦善為欽差大臣赴粵查辦則徐概職聽勸  
二十一年琦善至悉反則徐所為撤各隘兵伯麥突攻陷沙角及大角礮臺琦善移書義律力申和議賠煙外許開放廣州割讓香港歸還浙江俘虜以贖定海草約成以聞帝不許再下宣戰之諭命奕山為將軍楊芳隆文為參贊赴粵連琦善入京英兵艦攻陷虎門礮臺又攻陷四方礮臺進薄廣州奕山避入巡撫署遣知府出城講款議定休戰條約奕山議以藩運海關認四百萬廣州行商認二百萬粵民大忿三元里民萬餘樹平英國旗幟與英為難義律陷重圍不得出知府余保純往解之挾義律出圍乃償金交畢英撤兵去廣州英大使璞鼎查突至使其將陷廈門陷定海直溯甬江泊甯波城下命大學士奕經為揚威將軍赴浙討英  
二十二年陷乍浦寶山上海鎮江逼江甯 詔耆英等為全權大臣往江甯與英議和十三款所謂南京條約也  
又耆英奏英國大小兵船八十餘隻陸續駛入草鞋峽江面當將允准通商之處專弁前往告知該目疊次覆文總稱無權不能作主忽於初五日向差往之

弁張攀龍聲稱初六日欲行開仗當揀派太倉州知州徐家槐外委陳志剛及張禧發給照會推誠布公復加開導該員弁馳至江干見各船掛紅旗車皆駕礮人盡執鎗紛紛上岸排列陣式候時前進該員弁將照會付給公商良久始鳴礮傳令撤落紅旗次第回船頭目馬禮遜面告英吉利與中國通商豈敢無故得罪中國人兵戰連年實出於不得已見蒙准與通商情願聽候商議

奉 諭覽奏已悉該會既有不敢得罪中國情願聽候商議之語著英已抵省垣著與伊里布牛鑑公同熟商如果就我範圍即可籌定大局前降諭旨甚明惟必須通盤籌算永絕禍根慎毋仍墮奸計致貽後患據奏南城儀鳳門最關緊要見在兵礮漸集著侯佐領塔芬布等回報後如情詞恭順再派職分較大之員速行定議倘竟桀驁不馴難以理諭見在兵力已集地險可守全在該大臣等激勵將士或竟出奇制勝懋建殊勳該大臣之功甚偉也

又者英奏初七日據該目將請求各款開列清單交委員塔芬布等攜回公同閱看並據稱若能如所請不敢再啓兵端不如所請即行開仗並往別省滋擾等語正在酌議詎料初八日英人聞有調兵防勦之信忽換紅旗定於次早開礮攻城查所調各省官兵曾經挫衄未敢恃以爲固且江南民風柔懦男婦數萬號呼籲救不若姑允以保大局見已照會照議商定

奉 諭覽奏悉江南數百萬生靈一經開仗安危難保既經該大臣等權宜應允朕亦只可以民命爲重均著妥行定議惟既稱能如所請不敢再啟兵端見在業經俯允如何退出長江如何遣散回國該大臣等必當切實定議永杜兵萌不可稍涉含糊徒顧目前仍成不了之局

又 諭者英等奏連日會議粗定條約一摺朕因億萬生靈所繫實關天下大局不得不勉允所請藉作一勞永逸之計非僅爲保全江浙兩省而然也昨商各條內尚有應行籌酌之處即如退出長江招寶山其前請之通商五處除福州外其廣州廈門甯波上海四處均准其來往貿易不得占據久住至藉詞索欠一節該國與內地通商已二百年從前貨物交易銀錢來往俱係自行經理我國官員向不過問且此中貿易曲折低昂甚爲瑣屑况各國言語不通斷非

地方官所能經理嗣後各處通商自應仍照舊章毋庸更改經此次議定之後該大臣等務當告以大皇帝相待以誠允准通商汝國亦應以誠相待斷不准再啟兵端違悖天理不但業經滋擾各省不得復來尋釁即沿海之廣東福建臺灣浙江江南山東直隸奉天各省地面亦不准駛入各省官兵應撤留我國自有斟酌至內地舊有墩臺並礮臺等項亦應次第修築以復舊規並非創自今日此係爲防緝洋盜起見不必妄生疑慮以上各節總在該大臣等深思遠慮切實定議永杜兵萌

又者英奏核鼎查先有請臣等出城面訂之約當訂於十五日直至其三桅兵船該目親甚恭謹於十九日在城外靜海寺行答拜禮復請入城面訂和約詞甚諄切不得不俯順其請定於二十一日選擇公所委員爲照料俟入城定議再行錄呈

又八月奏廣州福州廈門甯波上海各海口與英吉利定議通商

又 諭者英奏和約鈐用關防一摺朕詳加披閱俱著照所議辦理惟赴各口貿易無論與何商交易均聽其便一節須曉諭與地方民人交易日久難保民人無拖欠之弊止准自行清理地方官概不與聞其各國被禁人口自應一律施恩釋放以示格外之仁將來五口通商之後其應納稅銀各海關本有一定則例所稱定海之舟山海島廈門一鼓浪嶼小島均准其暫住數船俟各口開關即著退出不准久爲佔據應添註約內者須明白簡當不可草率了事據稱八月初十前後必可退出長江著迅速妥辦

二十三年 諭者英奏酌定通商輪稅章程據奏五月二十六日帶同黃恩彤成齡輕裝減從即坐火輪船前往香港接見樸鼎查已將通商章程及輪稅事例粗定大局於六月初一日回省其粵海關進出貨物見已議定棉花茶葉稅則約計關課有盈無絀即照伊里布前定期限於七月初一日即在廣州開市著即照所議辦理惟香港四面環海舟楫處處可通見已有內地人民零星買賣必須明定章程以杜走私漏稅並一切未定事宜著英會同祁墳程喬采文豐通盤籌畫永杜弊端俾各省皆可照辦其米利堅佛蘭西等國請照新定

章程辦理准俟定議後另行辦理

二十四年 諭者英等奏申明要約一摺英兵在舟山數年見當交割接收之期該督親赴香港接晤各節均堅守條約並無異言惟求進廣州府城一節仍有他日再議之語該督等俟其續請時即告以貿易之事期於彼此相安今欲更改舊章人心必為疑怪粵民素稱強悍且恐良莠不齊倘或滋生事端彼此均為不便如此曉諭庶可經久相安

二十六年 諭者英等接晤夷酋該酋聽受頗為馴擾所有議定條約著即照所議辦理惟舟山雖定海一隅一經交還即不容復任他國垂涎此時以夷制夷自可預杜奸萌而將來暗相勾引亦不可不防其回測該督等總宜隨時籌度不失機宜不使於條約之外別生枝節是為至要

省名德微斯此約旋廢併入咸豐八年新約

二十七年者英奏此次英人突入省河其堅求不已者尤在究辦佛山毆逐洋人之華民及准伊等進城二事見已委員馳往佛山將當日在場圍鬧之匪徒關亞言等拏獲懲辦以釋嫌怨其進城一節亦經委員反復開導寬其日期餘所請租地建屋等事均經按照條約次第妥辦見在洋船陸續退出

二十九年徐廣縉葉名琛奏英人追詢進城約期一事懇乞代奏並將覆稿底呈覽

又 諭進城一事本年春間已據該國照會以後不復辨論乃見在復以國王函詢者英定約各國皆知何以屆期又經阻止懇將此意速為代奏自緣進城未能如約懷慚尋斃業經該督等酌理準備切切照覆將來或再有所請仍須以入城之舉揆諸時勢百姓既不相容况罷議進城後貿易漸旺已有明徵若復申前說則商人之裹足不前民人之同心共憤又將如今春故事何苦自取困累該國最重貿易見在貨物流通又何必仍詢前約致令商民疑慮諸多窒礙該國當體念此意安心貿易勿生枝節上而督撫提鎮下而軍民人等旁及諸國斷不以不進城為羞辱之事否則春開暫停貿易各國何以將積貯貨物全交公使責令賠償即此一節可知諸國之心亦不以進城為然也新領事包靈為人是否曉事循理並著該督等遇便具奏

咸豐六年怡良吉爾抗阿奏米國人伯駕移文江蘇有候船即赴上海重議條約之說英國人李泰國亦有各國條約必求更改之說廣東絕之已甚各國公使萬不肯再向關說奏入 諭葉名琛體察情形妥為查辦

又葉名琛奏英美佛各國以定約十二年請重定條約見設法開導阻止是時鴉片局既終許英人五口通商總督者英期以二年踐約英艦入粵河申前約總督徐廣縉巡撫葉名琛拒不許入時廣州紳民私團十餘萬列兩岸英人懼請更定廣東通商專約粵人請嚴禁入城之語載入條件中英人恐激民變妨商務遂簽約廣縉等會疏入告 朝旨大悅封廣縉子爵名琛男爵廣縉移督湖廣名琛就遷總督英香港總督巴冷復申前請名琛峻拒

之是年英以巴夏禮任廣東領事有亞羅船自外海入省河所載皆華人而詭張英旗巡河武弁指為匪登艦索犯拔其旗執水手十三人繫省獄巴夏禮大恚照會名琛責歸十三人名琛遣一微員致十三人又不道款疑有意折辱之遂不受仍置於獄英艦攻陷黃埔礮臺名琛詰讎由巴夏禮請入城面議不許遂攻省城陷之退歸軍艦粵民見英兵退爭起火洋樓凡美法英商館及十三家洋行均燬英兵亦焚綠濠居民數千家以報

七年英法同盟軍陷廣州索名琛去置印度加爾各答年餘病卒八年陷大沽 命桂良等議通商事宜定約五十六條增開牛莊登州臺灣潮州等處又於長江選擇三口洋人得攜眷在京長住

又 諭譚廷襄等奏體察夷情不定請旨將所求之事先行斟酌一摺據俄夷云英夷等所求止有二事譚廷襄惟當告俄夷云見在廣東省城尚未交還葉總督尚未送回此時俄國既肯從中說合亦須在中國面上下得去方能兩全若偏聽英佛一面之詞於中國不便亦礙難辦理即如通商一節道光年間立定萬年和約原止五口今欲五口之外另添交易地方即是不遵舊約中國自

議和以來十餘年仍未有背約之事今欲將通商之地另議增加從前萬年和約皆是虛設何能取信於中國俄國既為好而來止可就五口貿易之中有近來辦理不善之處酌量更改如英夷照會所云各貨運至內地除納稅外有勒

索規賄者若有其事中國自當查禁其因年來價值頓減欲議減稅之處亦在情理之中但有減必有增方為公道未可有減無增止圖自利此中辦法必須通商海口方能知悉此間不能懸擬惟五口總匯向在廣東一切稅則皆由廣東原定此時該省城池尚被佔踞中國亦不便先允其請惟有煩俄國大臣將此意告知英夷勸其回粵一面交還城池送還葉總督至天主教亦係前議定載在和約或越界或遠入內地聽憑中國官查擊解送近口領事官收管我中國惟恪守舊章數年來遇有傳教夷人俱經解回交該領事官收領從無凌虐之事今因廣東匪徒馬子農在廣西西林縣犯案懲辦佛夷疑為該國傳教之馬神巫致生嫌隙如果不信亦惟有請旨再飭新任總督秉公查明豈能因彼一面之詞遂謂中國殘忍即如該二國擄去葉總督此時伊國公使登岸我國何難報仇因中國以信義待人不作此等無理之事以上各節譚廷襄等可令轉告英佛看其如何回覆再行酌辦所請海口通商以廣東大局定後必能代為奏請邀恩惟在海口通商一切事宜與各國相同亦須同到廣東辦理必先有旨諭知新任欽差總督也

又 諭譚廷襄等奏夷務未有定議英佛兩國既不肯來亦不必再與訂約仍由俄米兩國轉為傳說告以此兩國背約無禮不值與相見所以訂期接晤者原看俄米兩國面上今既兩次爽期來與不來聽其自便昨已奏奉諭旨必須該兩國將廣東省城交還方能逐款定議大皇帝諭令限期於四月底交還廣東省城如將廣東事速行了結不獨佛夷本可稍存寬恕即英夷廣東貿易本大臣為之代奏懇恩至減稅一事與中國有損無益大皇帝因米國恭順既未允其增加海口故於五口稅課之中使其受益將來各國均得即英佛二國悔過通商之後亦事同一律不待重言至於應減之稅為數若干此處不能懸擬須由廣東酌定惟說明之後必不食言有俄米二國為證至英佛兩國能如如期將廣東事了結亦須俄米二國中開作保此事大略已定各國即可回帆俟該三國定議之日即可奏請俄國通商之事以便同往廣東與欽差黃總督議定章程也如果英佛兩國親來即與之面議否則仍令俄米兩國來見令其轉

述至米夷國書已有旨准其呈遞諒譚廷襄等必已接到遵辦矣  
又 諭譚廷襄奏夷務似有轉機將酌擬辦理各款分別開單請旨一摺前因譚廷襄等將俄夷轉述佛夷所請各款開單呈覽業將減稅一節尚屬可行其餘各條均應議駁諭令該督等遵照辦理此時俄會因巴拉第等可以見面深為感激願為勸諭英佛並求將所議之事分別准駁勿再遲延自應乘勢利導詳閱單開各條內佛夷所求諸款著譚廷襄等仍遵前旨辦理其英夷各款除償付軍需經費及詣京游歷各省兩條業經該督議駁其賠補焚燒既未准佛夷所請英夷事同一律應毋庸議至所稱准進粵城一條從前和約內載有十二年後量為變通之語原許屆期酌此時果能交還廣東省城則將來該會回粵當諭令新任督臣酌量情形辦理其五口外請添口岸一條五口通商載在和約若因其暗中業已交易輒許增添殊恐將來漫無限制且此條於佛夷未經議准自未便於英夷復為允許惟增減貨物稅則一條既允佛夷所請英夷應一律辦理其傳教夷人之在內地犯法者送交各口領事查辦載在和約亦應永遠遵照著譚廷襄等即將分別准駁之處與以照覆米國書既已准其呈遞餘如有所懇請著與英佛一體辦理

又 諭譚廷襄等奏將米夷所求各款原文呈覽等語米夷通商事宜原與各國相同茲閱所請各條未免另生枝節此時量予採擇如添設貿易港口一條五口通商載在和約永遠遵行是以前諭不准議添始有減稅之說今該督等不能拒絕復據所求入奏豈能邀准必不得已於閩粵兩省附近通商海口之地酌加小口各一處亦須諭知該兩省督撫查勘妥協方能辦理此外概毋庸議又請計噸納鈔一條據稱該國丈量船身以四十尺為一噸他國則以五十尺為一噸故該夷所納船鈔較重天朝撫馭外夷一視同仁該國納鈔較重自可許其酌減以歸一律仍聽候飭令兩廣總督查明通飭五口一體遵行其所請建立塔表等事並無成例應毋庸議又中國民人傳習天主教不為非者本為例所不禁亦無庸議至於彼處大臣駐紮京師及文移等直達禮部內閣等條向來無此體制屢經諭知該督等不能准行矣其賠償銀兩一條該國被劫

被焚船貨等物均應於失事之時遵照和約所載辦理爲日既久豈能逐款清理亦應駁斥至傾鑄銀餅一條中國向用紋銀銀餅本非所重禁止鴉片煙及騙誘民人出口兩條均係地方官應辦之事無俟聲請以上就各款分別准駁即著譚廷襄等與以照覆並詳加開導所有添設口岸一層將來查辦准行後英佛准其一律通商不准另請他口其前此允准增減稅則各國均當覈辦况米夷恭順自應照辦以符和約內一體均沾利益之語種種通融加惠即係和約內所謂十二年後變通之事該夷所稱諸條酌議以後再將條約內應修各款修正之處實屬過事要求該督等惟當據理駁斥仍照前旨要約四月內結廣東之事不得逾約

又 諭譚廷襄等奏體察夷情見籌撫馭一招並片奏俄夷復代各夷要請進京等語外國人進京皆係朝貢陪臣若通商各國原因獲利起見近年海口事宜均在廣東定議即康熙年間與俄會議互市亦均在邊界定議從無在京商辦之例實與體制不合上年普魯請許來京尙因接待禮節向無章程令其停止何況英佛稱兵犯順尤非恭順之國可此大准其接見大臣已屬格外豈能再准進京見在減稅增口大皇帝優待外國已盡其道普魯若不能說合止可聽英佛回文如不講道理中國亦不以禮待譚廷襄等亦已盡其力量不能再辦矣倘英佛等以獲利無多更有奢望總告以不能再行奏請其權總在廣東即如減稅一事可多可少非天津所能定議總須與廣東新派欽差商議也米利堅欲遞國書前已准其呈進此次必欲見有上諭方肯呈遞著譚廷襄等告以天朝體制凡非朝貢之國偶有國書往來均有定式從不加意傲慢况今米國彼以禮來我以禮往儘可無庸疑惑譚廷襄等可摘錄此數語告以奉到諭旨可也總之稅則輕重貨物貴賤非各海口不能知廣東福建添設小口亦必到彼察看地方始能指定何處不過天津已許之事天朝斷不食言其詳細節目尙待外省商定而大局決無變更將此由五百里諭譚廷襄崇綸烏爾根泰並傳諭錢忻和知之

又 諭譚廷襄等奏夷情遲難就撫一招該夷堅請進京不能允准之處已於

初三日寄諭並批摺內詳細指示該督尙未接奉又爲此奏未免過涉驚惶見在英佛尙無回文自應待其回覆然後酌奏辦譚廷襄等屢以准其進京爲請直似此事一准其餘遂可不煩講論英佛所重者在利未必全重此事亦當分別觀之此時俄米均未允准何況英佛且看其回文何如如必以實情不能上達爲憂再可告以此係遠慮尙在他時若論目前之事必須須到廣東商辦設或日後廣東有不辦之事尙有福建兩江總督浙江巡撫皆可請爲代奏不至再有阻隔至謂增口岸賠捐累從前已有之事從前所以認賠者因中國煙土二千箱此次則該夷自行縱火燒我民房彼在應賠之例俄米兩國均在天津自有公論中國認賠實屬無名至口岸得通商十餘年來未嘗議增今已准其酌加二處該督等何得謂以近年辦法敷衍了事耶歷次寄諭至詳且盡譚廷襄等但當悉心體念不可急遽圖成其減稅增口二事須與言明俟廣東事了結方能辦理至欲拒以兵力亦經疊次示諭如果該夷先開鎗礮斷無不行還擊之理該督等慎勿輕聽帶兵將士之言意在邀功而不思後患也

又 諭黃宗漢奏探訪夷船欲赴天津請勿加峻拒一招所奏與近日辦理情形適相符合自二月三十日起陸續駛火輪船二十九隻艇船三隻均在海口停泊聞有小船駛入攔江沙內尙不滋事亦不騷擾海運船隻見派譚廷襄崇綸烏爾根泰馳往大沽與之接見妥爲開導復派國瑞珠勒亨富勒敦泰酌帶京民前往暗地設防備而不用疊據譚廷襄等奏報俄米均來接見英佛則僅有照會來往俄所求者一爲黑龍江分界一爲請准五口通商米所求者以索賠平日損失貨物請添浙江福建廣東口岸欲補遞前年福建所遞國書三款爲大宗其餘皆係枝葉俄請分界其往黑龍江查勘五口通商准英夷等一律辦理米遞國書已准呈遞並准於廣東福建附近大口處所各添小口一處又欲減該國貨船噸鈔皆准令回廣東酌議詳細章程至佛夷所開十條皆由俄轉述其索賠兵費一條欲於內地江河貿易一條廣行天主教給與照票任其行走一條派員進京一條多與英同已諭令譚廷襄等據理拒絕惟酌減稅則一條英佛米皆有是請尙可量准亦令譚廷襄諭知令其回粵聽候酌議至

佛夷於廣西西林縣一案猶曉曉不已此則不過將來再費一番查辦無足重輕以上各條自應次理諭後英佛尚無覆音且俟其如何答覆再作計較俟有定議再行諭知該督也

又譚廷襄等奏夷船退至三空河靜候欽差會議旋復據呈遞四國來文以欽差大臣必須有全權便宜行事銜名如從前者英者方可會議否則仍欲進京竟欲陸路行走倘有攔阻即行抵禦奏入

奉 諭前因各國有懇求事件譚廷襄等辦理不善特派桂良花沙納馳往天津妥籌商辦惟據各國照會尚以桂良等不能作主為疑著桂良花沙納剴切開導如果事在情理真心戢兵但於中國無傷者定可允准不必更生疑慮桂良等經朕特簡務須慎持國體察人情除非理相干各款外有應便宜行事之處即著從權辦理勉之

又 諭桂良花沙納抵津當已會同崇綸接見四國俄米是否仍理前說英佛有何顧請想該大學士等定將詳細情形奏報在途矣昨降旨賞著英侍郎銜辦理夷務因道光年間與英夷訂立和約等事均係該員經手故此仍令前往辦理桂良等可令委員傳知

又桂良花沙納奏英人聲言必須允其進京方能在津議事俄人願向各國說合俟議定後再行進京仰並無他意奏入 命桂良花沙納告以速將各條定議妥協並將兵船退至攔江沙外進京應行禮節彼此商定並諭著英將三國所求之事妥為酌定

又桂良等奏英國所求條款連日派員面議分別准駁而該國各款內如鎮江漢口各處通商並由江通海各處任憑伊國隨時往來要緊地方由伊國設領事官懲辦不法之徒其情形似非全准不可奏入 命著英正言駁斥僧格林沁相度要隘安速布防 上責桂良等所奏條約輕為許諾必貽後患惟常將添口減稅各條再行酌辦並 命曉諭俄國公使說合轉囑

又 諭桂良花沙納奏英夷將次就範見擬從權辦理一摺所求各條種種皆貽後患如內地通商一節原議軍務完竣再辦而該夷即欲於鎮江先立碼頭

可明白曉諭告以鎮江連年遭兵火民情尚未安帖亦無殷實商人在彼若驟立碼頭置棧積貨不但不能銷售且難保無爭奪口舌之事設或彼此不能相安轉致有傷和好是以必須軍務完竣方可定議並非託故遲延又如游歷各省州縣一節雖議明持照前往倘與民人口角鬥毆或迷失傷亡中國地廣人多不能查察須先與之言明方免又費唇舌至進京一節他國所議但言有事進京而英夷必欲久住且自居欽差名目其窒礙之處尤不勝言當告以有事進京既經允許則遇大事儘可來京面訴何必留人遠駐京師若必欲駐京則俄夷成議具在但能派學生留駐不能有欽差名目須改中國衣冠聽中國約束專令學習技藝不得預聞公事於爾國亦無大益况各國通商地方各有督撫嗣後若有要事不拘何處皆可由本省督撫代為轉奏不必向廣東欽差理論自不至有蒙蔽之處即與駐京同其便捷以上各層均可聽其自擇桂良等無論如何為難必須將此事阻止俄夷既感激出力即與之言爾國多年和好尚止學生在京從無欽差駐京之事今英夷先議入城豈不轉在俄國之上託其從中設法即不能罷進京之議亦須俟廣東事了再行詳細議定如何禮節彼此允洽方能定約至將來定議進京亦止能自上海起由內地北來中國派官護送一切供應俱由中國辦理不必令其自備資斧以後或三年一次或五年一次來京不必年年跋涉其先來京城看定寓所及在天津租賃房屋之處俱毋庸議

又 諭桂良花沙納奏議論條約情形一摺佛夷所求內江通商一節該大臣等已許南京一處見在逆匪占據金陵官軍克復之後地方彫弊一切善後事宜非兩三年不能辦妥須俟辦妥後方能議立碼頭該大臣等務當明白開導以免臨時饒舌內地遊行一節無非意在傳教但中國民情不一肯否習教不能相強倘將傳教之人暗中殘害或迷失傷亡中國地廣人衆不能紛紛代為查辦此層須先為說定至派員進京看定房屋留數人居住辦事一條該夷留人在京無事可辦海口通商事宜仍須由各督撫察看地勢民情京中礙難懸斷若照俄夷成例其隨從人等須改中國衣冠遵中國制度不得與聞公事有

何裨益仍須詳言阻止方爲妥善其賠償兵費數目至二百萬雖屬無理原不足計較惟廣東關稅五年之中能否扣出此數况尙有英米兩國恐爲數不敷必須俟廣東大局定後方能核算該大臣等須示以誠信以見不輕定約爲定約後事必能行其尙無把握者不敢漫然應允並非推諉也

又桂良等奏英佛二國自定條約五十六款一字不令更易並添出在京居住一層俄人既不足恃米人又欲開船已令該國幫辦筆墨之人從中挽回奏入奉 諭令遵照寄諭分晰開導俄米條約已定先行具奏以備印證

又 諭桂良花沙納奏呈遞俄米條約並歷陳英佛所請不得不從權允准一摺俄米條約均有進京一條皆無久住京城之說英佛豈能偏准桂良等既言不妨權允亦當與之約定來時止帶人若干到京後暫住若干時一切跪拜禮節悉遵中國制度不得攜帶眷屬如米夷條約內所載每年不得逾一次到京不得耽延或由陸路或由海路不得駕駛兵船進天津海口小事不得援引輕請從人不得過二十名上京先行知照禮部公館自由中國豫備英夷若能照此亦自可允若必欲住京則前次業經諭及必須更易中國衣冠諒所不願其人數時日及禮節事宜總須照米夷約定載入條款方可允准至鎮江通商原許其軍務完竣後商辦佛夷所請之金陵見爲賊踞不能即議通商鎮江亦未便先立碼頭仍許其俟長江一律肅清各路軍務告竣再行定議天津一處該夷必欲以牛莊登州相易牛莊究近京畿且爲東三省貨物總匯惟登州尙可酌辦但須載明止准貨船來往不得於岸上建立夷樓不得攜帶器械駕坐兵船以上三條如其照議即可將條約呈遞該夷原約既不肯更改即作爲中國所添條款與之更約彼所要請我已准至數十條我國所定不過三條豈能拒絕閱俄國清字照會有駐京及行駛內河已爲阻止之語何以桂良等仍以爲請恐係李泰國輩從中播弄額爾金與中國人彼此語言文字均不通曉遂至任其所爲俄使既有此語即可踐言以破此疑義况該使臣方以不能方阻英佛爲抱歉止此三條又非更改已成之款必當代爲妥議另寄信諭旨一道即宣示俄使可也

八年 命大學士桂良吏部尙書花沙納工部右侍郎基溥武備院卿明善馳往江蘇會議通商稅則事宜

又 賞刑部員外郎段承實五品卿銜命馳往上海幫辦稅則事宜

又何桂清奏英人本欲起碇回國經臣發給照會告以欽差業經起程始肯在上海靜候其米佛二國人仍欲暫赴香港本月初旬即須起碇又經薛煥再三要約已據稱應允八月內准回上海請飭催欽差兼程赴蘇

又 上命桂良兼程前進十月桂良等奏稅則議定

又 諭桂良等奏夷務關係重大請旨遵辦一摺桂良等疊次陳奏辦理情形廣東省城四事爲最要桂良等果肯竭力轉圜何至徘徊兩月有餘又復奏請訓示前次准將欽差移至上海若仍准其隨時進京豈不與駐京無異又何必改欽差於上海且何必派桂良等前往挽回耶總之進京一節萬不能允內江通商必須消弭其餘兩事亦當設法妥辦桂良等既擬在上海互換條約即著迅速定議將此四事挽回議定之後速行奏聞並將條約進呈閱後即在上海互換至桂良等派辦夷務換回條約是其專責設或事至決裂必須用兵斷不能歸罪於議事之人若不能阻其進京以致夷船復至天津則無論動兵與否朕惟桂良等是問

又桂良等奏先進前後條約並陳見辦情形得 旨桂良等於挽回四事僅止略得大概並未切實斷定仍著竭力籌畫

九年 諭桂良等奏黃仲奮李泰國先後報到額曾於上年臘到粵果否回滬尙在未定伊弟普魯斯連三四十日可到廣東擬至上海一轉即往天津定欲進京互換和約等語覽奏實深詫異各夷和約本擬定在上海互換是以授何桂清爲欽差大臣原冀桂良等即在上海妥爲辦理乃遲遲又久於進京等事尙未挽回而英酋額爾金駛回香港另換伊弟普魯斯到滬並欲直至天津是該夷意存叵測告以大皇帝派我來此辦理稅則並令廣東將欽差大臣關防移交何桂清所有和約並另有專條必須即在上海由我等一手辦理若到天



津該處並無經手之人無從辦理且自上年各國船隻退出後天津紳民業已團練整齊不使輪船駛近瀾江沙倘到津船隻或受損傷我等不能任咎又或復開兵燹則上年條約必致全歸罷議於各國通商事務大有妨礙如此則切曉諭總使在滬換約方爲妥協況消弭四事另立專條尙無成說豈桂良等毫不動心竟欲在津換約置身事外耶茲另發去諭旨一道著即宣示該夷俾知天津已有準備不至遽行北駛該大臣等仍應設法挽回四事另立專條再行奏請互換萬不准含糊了事自干罪戾

又 諭桂良等奏夷情叵測一摺所稱上海換約及另立專條之說均未與該夷言明是該大臣等辦理此事至今尙無把握見在額酋到粵已久如日內折回上海該大臣等仍應與該夷議明在彼互換和約桂良等具有天良自必竭力補救惟夷情狡執該大臣迫於時勢亦屬勢處兩難該大臣之苦衷已在朕洞鑒之中因思駐京一節爲患最鉅斷難允行至進京換約如能盡力阻止更屬妥善倘該夷堅執不肯務須剴切言明議定由海口進京時所帶人數不准過十名不得攜帶軍械到京後照外國進京之例不得坐轎擺隊換約之後即行回帆不許在京久駐以上各條如肯遵辦我等即一面奏明一面先行回京約定日期俟我等到京後爾國船隻方可前赴天津庶不致在海口久候如此明白曉諭該夷自必俯首聽命其餘三事即可乘勢開導倘能消弭一事即日後少受一事之累如不能全行挽回亦當於三事中予以限制以杜該夷無厭之求何桂清係五口欽差大臣責無旁貸一聞該夷酋回滬即與桂良等同至上海尤應盡心籌辦王有齡薛煥吳煦均能熟悉夷情著即先行派往遵照諭旨次第妥辦如該夷欲進京換約何桂清即於王有齡等三員中揀派兩員隨同桂良等馳驛來京辦理免致該夷藉口逗留桂良等上年在津於夷人駐京等事件率行允許已屬咎無可辭方冀前往上海可以逐漸挽回乃數月之久迄無實際此次准其進京換約實萬不得已之舉該大臣等若能仰體朕心總須在上海互換和約方爲妥協諒不至因朕有此旨桂良等即可將就諉卸也

又 諭上年英吉利國船隻駛至天津海口首先開礮傷我將弁是以命科爾沁親王僧格林沁在大沽海口嚴行設防此次各該國前來換約業經桂良花沙納在上海告以大沽設防須由北塘海口行走乃本年五月英國普魯斯到津不遵桂良等原約竟欲闖入大沽口內毀我防具五月二十四日駛進雞心灘用炸礮轟斷鐵練我兵仍未與較二十五日火輪船十餘隻拉倒鐵釵十餘架皆樹紅旗志在決戰經直隸總督恆福等派員持天津道照會前往英國並不接收竟敢先行開礮轟擊礮臺我軍始開礮回擊沈毀該國戰船多隻擊斃上岸步隊數百名英兵挫敗實由自取並非中國失信

十年僧格林沁等奏洋船先後駛至海口十餘隻並接收米國照會鈔錄呈覽得 旨此次米夷既有照會明露欲爲英佛調處之意是已有議撫端倪即可迎機善導該大臣議俟英佛照會到時由恆福照覆令其照例進京換約並約其赴北塘會商爲先占以禮相待地步所論甚合機宜著恆福乘此機會相機辦理

又八月僧格林沁等奏佛國通事愛喜略欲輕騎進城與恭親王會晤心懷疑慮須有確據方肯進城洋人已將石贊清送回巴夏禮須加以恩禮妥爲看待以爲轉圜地步見在恆福藍蔚雲等並未前往即使洋人有心就撫亦無有轉機洋人各處哨探撫局宜迅速辦理不可稽延奏入 上幸熱河命恭親王給與照會擇城外適中之地派恆祺等前往與愛喜略會晤由恭親王斟酌辦理又 諭恭親王奕訢奏互換和約一摺本月十一十二等日業經恭親王奕訢將八年所定和約及本年續約與英法兩國互換所有和約內所定各條均著逐款允准行諸久遠從此永息干戈共敦和好彼此相安以信各無猜疑其和約內應行各事宜即著通行各省督撫大吏一體按照辦理

是年英法陷天津進薄張家灣 乘輿播遷英法攻海淀縱火燔圓明園恭王奕訢議約六十五條更開天津爲商埠許派公使領事駐中國償英國銀一千二百萬兩

臣謹案自道光以來辦理洋務無一定政策忽和忽戰每以數自彼開爲

理由永敦和好爲期望不知洋人以兵商侵略爲憤技行之南洋已數百年無不如志布置定而後窺及中國小戰小勝大戰大勝其不欲違亡我者各願商埠協約未一耳其自相傾軋亦無百年相安之策我欲恃一約爲永和豈不謬哉其後法越之戰中日之戰理皆甚正而勢不可爲其禍在苟安而不知兵商大計堂奧盡開錮感靡深以至於亡終以不悟也

光緒二年北洋大臣李鴻章奏馳赴煙臺與威妥瑪會商雲南戕害馬加理一案該使堅求將全案人證提京覆訊若不允行他事無可商辦其注意尤重在岑毓英主使謂觀審之格維納由滇回緬沿途查訪情節更真去秋在總署議定辦理滇案優待駐京大臣整頓通商事宜三大端須一併議辦乃可結案其欲甚奢所言甚肆適俄德美法日奧六國駐京使臣及英德兩國水師提督均會集煙臺臣故示整暇往來談談並詣其鐵甲大兵船閱操該兵官迎送禮儀恭謹因於十二日萬壽聖節邀請各國公使提督至公所饌飲慶賀自威妥瑪以次各舉觴起立稱頌情誼頗爲聯絡於是各國使臣公論亦謂無確實憑據擅請提京爲非十三日威妥瑪始允另議辦法謂前在京擬有八條英國臣民均不滿意見格維納到後朝議尙未知何若另想辦法必比八條所要更多更重方可服英人之心所擬條款須全答應即轉請本國結案不必再說提京等語十五日該使先送來一函堅明要約以條款當通盤合併酌議如不允行決然停議如可允行彼此畫押臣以如皆彼此有益無損各省地方均辦得動自可酌允倘於中國體制所未洽力量辦不到亦未必勉強允行俟定議後再奏請旨定奪各等語續該使送條款其昭雪滇案六條皆總署已應允惟償款銀數未定其優待往來三條係兩國官會晤禮節通商會審觀審一節亦經總署於八條內允行矣通商原議七條各口不應抽收釐金之界及添口岸宜昌溫州北海蕪湖四口領事官駐紮處所重慶派英員駐寓安慶大通武穴陸溪湖口岳州沙市六處爲上下客貨用民船起卸租界免抽釐金償款仍作二十萬贖回吳淞鐵路遂議結

臣謹案同治十二年英使以印度派員由緬入滇遺繙譯馬嘉理往接光

緒元年正月行至蠻允地方被戕五月李瀚章薛煥馳往查辦至是案始定

九年英派兵進緬甸出使大臣曾紀澤與該國外部磋商  
十一年會紀澤與英外部沙力斯伯里議續增煙臺約

臣謹案煙臺約先有洋藥稅釐併征一條久未開辦至是議行

十二年勘滇緬界設關通市總理各國事務慶郡王與英使歐格訥會議緬約於北京英於道光時已侵占緬甸至是定約

十六年與英使議重慶通商駐藏大臣升泰往孟嘉臘與印度總督蘭士丹議藏印條款

十九年駐藏大臣奎煥與印度總督蘭士丹續定藏約

初英人并印度亟謀西藏先收哲孟雄布丹即布克也廓爾喀三國爲保護藏人懼英之偏並憾哲孟雄私結英人於光緒四年遣兵入哲築堡塞於龍吐嚴陳兵備阻絕商路英人將出兵擊之總署聞之與駐京英使威妥瑪定約停止英兵入藏飭令藏人速撤龍吐卡房駐藏大臣文碩抗疏爭謂地爲藏地撤無可撤政府斥其迂謬撤文碩代以升泰旋英兵至哲毀卡藏兵還後英

藏復兵爭藏兵敗失哨利亞東朗熱等隘升泰派員阻英兵解散藏兵至大吉嶺會議成約八條十九年續定藏印通商交涉游牧九款二十九年英復

侵藏三十年命唐紹儀往藏查辦時英兵進指江孜入拉薩達賴喇嘛勒朗結通列款十迫藏衆畫押旋俄德美義公使抗議三十二年與英使訂藏印

正約六條於北京

二十年駐英大臣薛福成與英外部續議滇緬約

二十三年總署與英使寶納樂續議滇緬界約

臣謹案英以中國猛烏烏得兩地歸法擬割野人山地並廣州上游西江開埠乃有是議

二十四年總署與英使寶納樂議展香港界議租威海衛專條均以俄租旅順大連灣英保東方商務爲言

二十八年呂海寰盛宣懷與英使為凱訂商約續議內港行輪

三十年與英使議訂中英保工條約唐紹儀與英使訂藏約允不佔藏境不干涉西藏政治

三十一年外務部與英使辨通商口岸不能包括城池

又呂海寰奏見各國對於中國外交均以開放商埠為政策東三省之結局日本縱許我收回各國必主於開放如不得已而開放東三省則接踵而要求者將不止於東三省但開放商埠而不能保固主權即與失地無異我不能拒其所請即不能不早為之計竊意開放商埠必須先謀保固主權即收回治外法權也更有商律為收回治外法權之要領訂明東西通行法律期中外辦法一律始能防後患而收實濟

三十四年張蔭棠與英修藏印通商章程

宣統二年直隸總督陳夔龍訂開平礦產收回辦法

三年續訂禁煙條約

奉 諭外務部奏禁煙已滿三年與英使續訂於未滿之七年期內如土藥概行禁絕洋藥亦概禁進口無論何省隨時可提前辦理至增加洋藥釐稅並土藥同時加稅仍寓禁於征起見應飭立即施行其各省對於洋藥貿易各項限制及征收各捐著即停止以免煩擾新增稅釐亦不過暫時彌補朝廷亟欲與民更始財力雖絀決不顧惜此宗進款亦俟各省實行禁運即應另籌款抵補此時惟有嚴申禁令務期早絕根株

臣謹案英以商為國公司合力營運獲利佐之以兵力縱橫海上數百年矣莫不先之以租借繼之以展拓終之以併吞是其慣技東西南洋各島均受其牢籠亡國敗家相隨屬近如涉及我國林則徐之焚煙葉名琛桂良等之議換約和戰無定皆未審其機械而窺其隱秘欲以事理相爭何可得耶如真欲振起頹綱非效華盛頓不可先收合內地人心聯美法一二與國宣明立國大綱十二條與之更始力戰十年乃得脫重重繫軛也

皇朝續文獻通考卷三百二十五

四裔考五

和蘭

和蘭歐洲西北隅王國也北與西俱界北海東界德意志南界比利時面積十二萬七千方里五洲地理志面積二千七百四十分一州地勢低陷恃隄防以障海潮然水利之便亦稱西國第一政體為君民共主教育頗盛人習航海術長於貿易南洋各島有其屬地明時商業最盛為西國冠後英吉利侵之稍衰矣性尤勤儉好清潔室居以時掃滌物產麥薯煙麻乳酪之屬至青魚一項歲值可六百萬為出口大宗和蘭亦作荷蘭明人稱為紅毛番萬曆二十九年薄澳門三十二年窺澎湖與法人分麻六甲而守之後據臺灣崇禎時鄭芝龍以海盜降明荷蘭屢為所敗入 國朝乞廣東撫臣入告願備藩屬修朝貢順治十三年 命八年一貢芝龍子成功敗於我謀逐荷蘭十八年克之康熙三年 王師克廈門臺灣率舟師助勦二十年取臺灣荷蘭有功焉

乾隆五十九年荷蘭國王遣使入貢恭進萬年如意八音樂鐘各式金表金盒帶版珊瑚琥珀珠千里鏡風鎗等二十六種

同治二年 命三口通商大臣崇厚與荷蘭使臣訂通商條約於天津

三年 諭總理衙門奏荷蘭國換約屆期據該國公使替大何文呈遞照會內稱請派員往廣東互換等語著派郭嵩燾將上年與荷蘭國所立條約妥為互換其條約各本俟崇厚派員齎送至廣東時即著郭嵩燾祇領辦理

光緒三十一年出使大臣陸徵祥訂保和會公約

宣統三年訂和屬東印度設領事管理華僑約

法蘭西

法蘭西明史作佛朗機歐西強國也北界英格蘭南比時國東界德意志瑞士義大利南界地中海及日斯巴尼亞西界大西洋面積二百七十萬方里五洲地理志面積二百七十七萬七千九百七十五方里五洲地理志面積二百七十七萬七千九百七十五方里都城曰巴黎境內河道縱

橫以故壤土之腴甲於西土國政因屢次騷擾改為民主街市宏麗稱世界

第一游樂場其人心思精緻工製造尤豪俠自喜然浮躁故常不靖物產五

金石鹽白玉米粟果品善製葡萄酒為國稅之大宗育蠶牧畜以故人富而

教育亦興明正德間與荷蘭分踞麻六甲

道光二十四年江甯議成法蘭西居間議款皆不得與頗有違言

咸豐七年法人助英犯粵於是許互市如英例

八年借英人犯我天津大沽口 命僧格林沁督師禦之

同治十年法兵入滇續訂通商條約

十一年法遣全權大臣熱福里如京換約並進書籍

十二年圖越南

光緒七年窺越南東京

又劉長佑奏法夷自據嘉定越南四境皆有商埠教堂齋其君臣漁其財利已

非一日取越與否非有甚異其處心積慮者乃在通商雲南與其既吞越境為

守邊之計不如乘其始動為弭釁之謀滇粵三省與越接壤東西幾二千里要

害與共勞費殊甚若自三江口以至海洋東西僅數百里以中國兵力為之禦

敵東京兵聚而力省以視防守滇粵之邊勞逸懸殊請以廣西兵二萬為中路

廣東雲南各以萬人相犄角廣東之兵自欽廉而入雲南之兵出洮江而東別以

輪船守廣東順化港口斷其首尾必無自全之理又力言劉永福可禦寇請

密諭越王給其兵食 詔下總署王大臣議之

又 諭總理衙門越南向隸藩服為滇粵屏蔽法人據西貢一帶見復以東京

捕盜為名添置兵船并欲由紅江通商雲南計殊叵測該國積弱已久如任其

侵削則滇粵藩籬盡為他族逼處後患不可勝言總理衙門所奏與李鴻章籌

商辦法即著李鴻章左宗棠劉坤一張樹聲劉長佑慶裕杜瑞聯商同密為妥

辦其丁日昌會紀澤函致總理衙門各節并參酌辦理會紀澤仍著堅持前議

與法外部辯詰期於大局有裨

又出使大臣曾紀澤奏略曰法人覬覦越南初據西貢東浦寨之時滿意瀾滄

江湄南河可以直通雲南後見二水淺涸多處不能通舟遂欲佔越南東京由富良江入口以通雲南添開商埠該國圖越之事新報則議論紛紜官場則機緘秘密紳士庶論及此事視取東京易如反掌比照會法外部將總署歷年未認法越所訂條約切聲明日久乃接外部覆文措詞雖尚剛硬然法廷於進取之謀似已稍作迴翔之勢緣法國商人堵布益昔年往來滇越經營貿易即爲法國西貢總督所派守備嘔業爲越南人所殺商人堵布益所齎成本亦虧折數百萬佛郎該商歸向法廷索取法廷許以俟定計佔取東京給予償款本年該商已函致上海廣東舊日同夥之西人前來巴黎領取償款是法廷定取東京之據厥後該商夥德爾吉等來巴黎無款可領失望而歸<sub>臣</sub>處譯官馬格理之友上海載生洋行史密德親聞德爾吉言之甚詳是此事暫得寢息之據法國除在廷數員之外能深明東方情形者實無多人竟有不知越南爲中國屬邦者繼見聲明不認法越條約又屢次聲明中國保全屬國不能漠視之意該國或者不敢遽發亦在意中然未接外部確實覆文仍不敢謂有把握

八年陷東京尋以王師大集懼而遁

九年法使脫里固來津要盟 飭南北洋籌防

又 論中國自與法國通商以來期固邦交嗣以法越構兵當以我朝舊服不得不爲保護且越境土匪滋擾尤恐竄入中國邊界是以派兵駐紮北圻仍照會法國使臣以免猜嫌乃越南昧於趨向致使該國教民抗我顏行此越南不識事機所致朝廷與法國並不願傷睦誼也本日據李鴻章電報興化已被法兵據守粵稅務司德璉琳密稱若早講解可請法國止兵等語自係爲保全和局起見著李鴻章通盤籌畫酌定辦法即行具奏李鴻章迭被人參奏畏葸因循不能振作朝廷格外優容不加譴責兩年來任事諸臣一再延誤挽救已遲李鴻章再如前在上海遷延親望坐失事機自問當得何罪此次務當竭誠籌辦期中法邦交益固若辦理不善不特該大臣罪無可寬即總理王大臣亦不能當此重咎也

又李鴻章奏法人經營越南實在二十年前始取西貢六省爲其屬埠繼攻奪

河內海防等處旋踞旋退逼脅越南與立和約認爲保護當此時中國內寇未平不遑他顧光緒六七年閒法人籌兵籌餉端倪大露中國始悉其隱謀咸陳保護越南之策無如法人蓄銳積慮遂成騎虎之勢攻城掠地不留遺步中國爭之以口舌不應爭之以函牘不應不得已派兵分駐越邊其事雖自 朝廷主之<sub>臣</sub>之愚見亦謂借防邊爲名隱掣法軍之勢不難乘機講解使彼此可以收場適法使寶海有分界保護之議<sub>臣</sub>知相持既久必致決裂因與訂約三條以期稍有約束乃外而疆臣內而言路皆不以<sub>臣</sub>言爲然均謂越地必不可分通商必不可允而法之政府亦不肯違約竟撤寶海回國於是越南之患愈棘矣自昔艱難之世議論愈多則是非愈淆而任事者愈無把握今日西洋各國紛至沓來尤爲千古未有之局其中得失利病非閱歷有素者驟難得要領即如滇境通商他日辦成決無大損可以各海口通商之事見之法人既得越南必不進逼滇粵但使妥訂約章定能永久相安可以中俄接壤之事見之至於藩邦見削外侮交乘中國宜奮兵自強式遏敵焰乃爲正理惟用兵必先訓練西洋各邦皆數千年之戰國研究兵理精益求精中國風氣初開未必各省多得勁旅用兵必先裕餉西洋賦稅煩重往往十取三四一遇戰事富商集餉動逾千萬中國財力已殫未必商民盡輸鉅餉而船艦之精火器之利遠遜西人既審勢而量力不能不持重而待時去歲廣西巡撫徐延旭慷慨談兵嘗稱欲盡殲法衆克復西貢乃未幾而一蹶不振<sub>臣</sub>未嘗不壯其志而憫其不知彼己也<sub>臣</sub>去夏奉 旨赴粵視師當時起自田開驟無可攜之兵暫駐上海籌調兵餉適法使德里固來議越事未及就緒遂 旨北行秋閒德里固復來天津會議兩次彼時氣燄較盛要挾較多不能遽就範圍蓋法人之欲得越南始終不稍鬆動倘竟允其將駐越全軍先自退出非惟衆口必譁亦恐 朝廷難允且我軍無端而退與力屈而退同一棄越固不如暫與磋商徐待其變故<sub>臣</sub>於山西不守之後尙主堅守北甯之議此<sub>臣</sub>前後辦理越事不敢遷延親望亦非敢畏葸因循也 諭旨責<sub>臣</sub>以竭誠籌辦今日時勢如此恐斷不能如前歲與寶海所定三條之安然誠能速與議結猶可比之遇險而自退見風而收帆凡事

慮敵之要挾不如行之於敵未要挾之先畏敵之決裂不如先示以我無決裂之心俾其計之無所施也詳譯稅務司德璣琳與法總兵福祿諾之意臣殫精竭力措置得手則不貽後患不失國體兩層或尙可以辦到中國誠能先結此案以其閒暇選將練兵通商裕餉造船箇器中外同心切實經理何嘗不可與外國爭雄惟是事平之後有志之士當臥薪嘗膽講求實事不宜復尙空談互相牽制乃有蒸蒸日上之機至目下法越之事總當竭臣力仰副聖懷然臣不能不鯁鯁過慮者約有兩端大抵國勢隨兵勢爲轉移法既連占越南日肆鴟張即與講解豈能盡如人意將來越地分界必有以分地太少爲言者滇境通商必有以通商宜拒爲言者其他條目不少指摘必多臣既膺重任固當順受其責不敢有辭力當其衝不敢退卻但恐意見益歧則謀議難定枝節橫生此一端也法爲歐洲強國而議院各黨持論每有異同今揆其本計雖非欲失和於中國難保無傾邪喜事之徒別創新議或要我以必不能行之事則於羈縻之中尤當相機應付恐難剋期成議此又一端也夫天下事本難料如辦一國之事則謀定政舉可以操券而成惟議定和約必俟兩國俱允方能定局其遇事機緊迫之際往往一言齟齬則玉帛變爲干戈一人阻撓則風波起於呼吸苟非衆志悉協時會已到決難強爲撮合臣前所以屢與法使會議而無成功者職是故耳爲今之計挽救不宜再遲苟有轉圜之計臣必因勢利導趕爲設法萬一彼所要求有必不能從之事臣當盡力駁拒不稍遷就仍復加意籠絡徐圖機會尤願宸衷默爲審定何者可行情者難允先具大略規模庶幾國是衷於一不爲空論所搖而臣亦有所遵矣

十年李鴻章奏奉諭旨鈔示廷臣議覆各摺令臣迅速覆奏等因法國水師總兵福祿諾到津來見辨論各節及商訂簡明條款因繕摺陳覆不及先函致總署請其代奏接准該衙門電稱奉旨詳加披覽尙無傷國體事可允行先是福祿諾亦接其外部電即與李大臣押定等語彼以條款已定無可改易迭催畫押定議遂齊集行館校對中法文無訛畫押蓋印各執一本爲據謹將約本送軍機處仍照錄清摺恭呈鑒覈竊維法越之事自會紀澤與法外部暨臣與法使寶海脫里古往復辨論均無成議迨山西北甯失陷越南望風降順事勢已無可爲和局幾不能保幸由法人自請講和其始願望未嘗不奢要求未嘗不力經臣反覆辨折勸導彼亦漸就範圍如諭旨職貢一節約內第四款約明見與越南議改條約決不插入傷礙威望體面字樣並將前與所立各約關涉東京者盡行銷廢蓋因臣指明法越甲戌約內不論何國皆無統屬去年新約有不清不得預及南洋之政等語必須刪改福祿諾已電告外部彼雖不明認我屬邦但無此等違悖語越南豈敢藉詞背叛又諭旨通商一節今約內第三款許以毘連北圻邊界法越與內地貨物聽憑運銷並約明日後另遣使臣詳定商約其云北圻邊界必不准入雲南內地明矣查向來紅江上游中外商人運銷貨物出入滇境往來不絕本未苛禁將來互市在北圻擇要設關收稅安立章程似覺無甚流弊又諭旨兵費宜拒一節該國上下處心積慮本欲訛索六百萬鎊即各國新聞私議皆爲此言臣預屬德璣琳馬建忠多方開導復當面嚴詞駁斥今約內載明情願不向中國索償尙屬得體是以風示各國許以北圻邊界運銷貨物爲有益法國商務俾該外部有詞以謝議紳亦爲中法和好互讓之據至劉永福從前乘法兵單之時屢釐法將法人恨之切齒必欲報復上年會紀澤迭與外部商論由中國設法解散約束而法廷添兵攻取意不稍回去冬克山西黑旗精銳傷亡甚多已受大創今春劉永福募四千人援北甯亦不戰而潰華人專探虛聲欲倚以制法法人固深知其無能爲役此次福祿諾絕不提及我自不便深論將來該國另派使臣若議及此當由岑毓英潘鼎新酌定安置之法惟目下和議已成法人必無翻悔法人必漸

減撤滇桂邊防各軍亦宜及早整練凡不得力之勇營應逐漸汰無用而留有用聞劉永福所部冗雜騷擾與越民爲仇實爲邊境後患擬請 旨密飭雲南廣西督撫嚴明約束豫籌安置俾無生事保全多矣 臣躬親是役懷懷焉若朽索之馭六馬迭經局外責望 聖明提撕惟以不克稱塞 明詔是懼今雖安速成議其有思慮所不及之處尙祈 曲鑒愚誠勿爲浮議所惑庶法越之事由此而定中外之交從此益固矣

又 諭前因福祿諾臨行巡邊之言李鴻章並未奏聞亦未告知總署業經降旨申飭現在法使藉爲口實並以簡明條約法文與漢文不符藉爲嘗試無理取鬧皆由李鴻章辦理含混所致著責成竭力籌備爲自贖之地

又北洋大臣李鴻章奏福祿諾臨行時忽以限期退兵之語相要挾 臣當即正言駁斥仍飛函密告雲貴總督岑毓英廣西巡撫潘鼎新相度機宜酌量進止隨時奏明請 旨辦理緣 臣議約之人與關外相距過遠軍情地勢究以調紮何處爲宜非敢逾度其時適因所議簡約離蒙 聖明曲諒而都人士嘖有煩言若聞福祿限期退兵必更譁噪徒惑衆聽 臣又明知事難照行而約款未可遽背欲令岑毓英潘鼎新查照調回邊界約文自行斟酌妥辦實具委曲求全之苦心固未敢據以上 聞致干 聖怒亦未立即告知總署疏忽之咎誠所難辭迨潘鼎新電報請示 臣即飛告總署屬其請 旨定奪昨又將當日面駁情節詳函總署法使即藉爲口實而 臣並無久即調回之詞可以互證共質實無絲毫含混至謂條約法文與漢文不符似係旁觀挑畔之語 臣不識洋文稅務司德理琳道員馬建忠素精法文皆欲成就此事 臣原令該員與法領事法蘭亭等再三校對據稱並無舛謬自來各國訂約必聲明以洋文爲正非獨此次法約爲然而嗣後彼此辨論又往往以漢文不符兩相齟齬此總署與 臣等所歷辦而深知者誠如 聖訓無理取鬧不過臨時多一辨駁究其大旨此無甚出入也惟是此次越境觀音橋接戰獲勝之後法人藉詞要索所欲甚著殊難甘心就範 臣斷不敢扭於和議辦防疎懈而環顧大局恐竟無收束之法殷憂彌切負疚良深

又 諭越南爲我大清封貢之國二百餘年載在典冊中外咸知法人狡焉思逞先據南圻各省旋又進據河內等處戕其人民利其土地奪其賦稅越南君臣閭閻苟安私與立約並未奏聞法固無理越亦有罪是以姑予包容不加詰問光緒八年法使寶海至天津與李鴻章議約三條正飭總署會商辦法又撤使翻議我存寬大彼益驕貪越之山西北甯等省爲我軍駐紮之地清查越匪保護屏藩與法國絕不相涉本年二月法兵竟來撲犯防營當經降旨宣示正擬添兵進取力爲鎮撫忽據該國總兵福祿諾先向中國議和其時該國因埃及之事岌岌可危中國明知其勢處蹙迫本可峻詞拒絕而示以大度許其行成特命李鴻章與議簡明條約五款互相畫押諒山保勝等軍應照議於定約三月後調回迭經諭飭各防軍扼紮原處不准輕動生變帶兵官奉令惟謹乃該國不遵定約忽於閏五月以巡邊爲名在諒山地方直撲防營先行開礮轟擊我軍始與接仗互有殺傷違背條約無端開礮傷我兵官本應以干戈從事因念訂約和好二十餘年亦不必因此盡棄前盟仍准總署與在京法使往返照會情喻理曉至再至三復明降諭旨照約撤兵昭示大信所以保全和局者實已仁至義盡如果法人稍知禮義自當翻然改悔乃竟始終怙過飾詞狡賴橫索兵費恣意要挾於六月十五日佔據臺北基隆山礮臺經劉銘傳迎勦獲勝立即擊退本月初三日何璟等甫接法領事照會開戰而法兵已在馬尾先期攻擊傷壞兵商各船轟毀船廠雖經官軍焚毀法船二隻擊壞雷船一隻並陣斃法兵官尙未大加懲創該國專行詭計反覆無常先啟兵端若再曲予含容何以伸公論而順人心用是揭其無理情節布告天下俾曉然於法人有意廢約毀自彼開各路統兵大臣暨各督撫整軍經武備禦有年沿海各口如有法國兵輪駛入著即率兵合力攻擊悉數驅除陸路各軍有應行進兵之處即迅速前進劉永福雖抱忠懷而越南昧於知人未加拔擢該員本係中國之人即可收爲我用著以提督記名簡放並賞戴花翎統率所部出奇制勝將法人侵佔越南各城迅圖恢復凡我將士奮勇立功者破格施恩並特頒內帑獎賞退縮貽誤者立即軍前正法朝廷於此事審慎權衡總因動衆與師難免震驚

百姓故不輕於一發此次法人背約失信衆怒難平不得已而用兵各省團練衆志成城定能同仇敵愾並著各該督撫督率戰守共建奇勳同膺懋賞此事係法人淪盟盡此此外通商各國與中國訂約已久毫無隙斷不因法人之事有傷同好著沿海各督撫嚴飭地方官及各營統領將各國商民一律保護即法國官商教民有願留內地安分守業者亦當一律保護倘有干豫軍事等情察出即照公例懲治各該督撫即曉諭軍民知悉倘有藉端滋擾情事則是故違詔旨妄生事端我忠義兵民決不出此此等匪徒即著嚴擊正法毋稍寬貸用示朝廷保全大局至意

十一年二月馮子材大敗法人於諒山

又 諭法人請和於津約外別無要求業經允其所請約定越南宣光以東三月初一日停戰二十一日華兵撤回廣西邊界宣光以西三月十一日停戰四月二十三日撤回雲南邊界臺灣定於三月初一日停戰法國即開各處封口已由李鴻章分電沿海雲桂各督撫如約進行惟條文未定之前仍恐彼族要挾背盟伺隙卒發不可不嚴加防範著傳諭沿海各省將軍並雲桂督撫及各路統兵大臣隨時加意整備毋稍疏懈

又 命北洋大臣李鴻章刑部尚書錫良鴻臚寺卿鄧承修與法使巴特納會訂越南條約於天津奏曰等抵津會晤日鴻章與巴德納會晤以赫德面交法都所擬詳約十條皆本上年津約之意竊維中法兩國爲越事戰爭數年勝負互見今乘諒山大捷之後 皇威震懾法都既有悔禍之誠中土亦可收戢兵之益等從事其開稟承 廟謨隨機因應幸無隕越斷不敢稍有草率致貽後悔

戶部郎中袁昶上總署言法約前訂各條尙少流弊惟續譯之第五條言口岸第六條之稅則措詞似平隱患極大必應竭力爭改第五條開通商處所必在中國邊界地方指定兩處一在保勝以上一在諒山以北一節查合衆通商之害少一國通商之害大滇桂甌脫之地既尺寸不能爭乃口岸又設在我界內則租界鐵路領事團佔兵船保護埔頭巡邏後專之

則我有界如無界矣且諒山地猶寬展保勝以下即在蒙自蠻耗境內爲地太遠此條非訂明兩國讓出隙地作通商處所碼頭必須在邊外與各口岸辦法稍有區別第六條內所定運貨物進出雲南廣西邊界應納各稅照通商稅則較減一節此條流弊有三將來滇桂兩路稅輕洋商持票至勢必子口稅完納後由桂侵銷湘鄂由滇侵銷川黔馴及長江水陸蔓延關局勢難究詰腹地稅害一也華商冒法商之名洋票廣行貨釐立減害二也見在約內雖無均沾之文然法既擅利各國因羨生謀即使修約屆時不違請改但羣趨滇桂口岸腹地口稅已有衰減之虞且英人由緬開通蠻暮新街以通滇將援爲口實害三也似宜改訂數語曰酌予三年五年暫減稅則以後應由中國各關察度情形申請照通商見行稅章改歸一律以杜趨避

十二年李鴻章奏此次訂章既不能違上年新約尤不能與咸豐八年舊約相背防損取益之處各有援引每因一字一句辨論多日在彼最著者通商處所不能僅指兩處雲南廣西省城須派領事往駐進出洋土貨稅較各口減半徵收並求在滇粵地方開礦製造土貨運越南食鹽數大端於彼有益爭之甚力以新約第五款雖有貿易限定若干處日後定奪之語下文仍載明邊界通商指定兩處字樣目前斷不能另有增添該使謂中國在北圻各大城鎮設領事照新約須與法國商酌如中國許彼派領事駐雲南廣西省城則北圻設領事亦易商辦以通商口岸設領事原爲照料本國商民而設滇桂省城係屬內地實不便設領事該使又請邊界領事每年駐省數月察看商務亦不允該使以中國在北圻城鎮派領事一節執定新約商酌二字致辨思中國此時本不必多派領事因於第二款訂明先在河內海防兩處設立領事其餘各大城鎮隨後商派開礦製造運鹽各節通商以來各國覬覦已久屢經總署辨阻未行該使欲於章程添此數條意在攘奪華民生計屢經拒絕該使以率有外部訓條必將各口製造一節添入與再四磋商力執不行該使因請第三款內法國商民前來通商均照咸豐八年法約句下添入第七一款蓋彼約



有工作二字欲藉此塞外部之意既是援引舊約自不便拒之過甚况自咸豐立約迄今三十年法商並無因工作二字在各口設廠製造則滇粵邊界亦必不能藉詞設廠此法使要求各節均經詳細辨駁之大略也至減稅一節初議照見行稅則減徵一半其估價之貨向按值百抽五者改爲值百抽二兩五錢臣以新約所載較減之語不過稍爲輕減詎能驟減一半只允按見行稅則減去五分之一其估價按照俄國陸路章程仍應值百抽五不能照減該使謂俄國陸路稅則係照各海關三分減一法國事同一律臣謂俄國道途遠近懸殊不能比例辨論數日臣以滇桂地方瘠苦值此通商尤須維持小民生計以期商務漸旺因與戈可當商定出口貨照稅則三分減一進口貨照稅則五分減一若估價之貨爲稅則所未載者無論進出口仍照值百抽五至洋土貨赴內地買賣應完子口稅仍照通行章程辦理不在減徵之列該使已一一遵允均於第六第七兩條載明如此變通辦理庶滇桂土貨可冀暢銷將來如欲修改各國條約加重進口減輕出口各稅亦可發端於此此分別減稅之要端也至於在我所應爭者其大要亦有數端一水陸稅關分清界限查此次陸路通商酌減稅項專爲雲南廣西而設新約第六條既有與各國無涉自應切實照行以免虧損第八第九兩條載明洋土各貨凡在邊關已完稅項復轉運通商各海關者照海關稅則另收正稅不准以邊關單作抵其在邊關所領存票亦只准其邊關抵稅概不發還見銀各守定章可杜影射至洋藥一項新約載明另議專條洋藥流毒已久俄美諸國已議不准販運即英國見議稅釐并徵無非寓禁於徵之意聞法人欲於越南廣種鴉粟而緬甸新并於英亦恐洋藥從而侵入偷漏更多因於第十四條載明洋土各藥均不准販運買賣至互交逃犯新約載明另議專條查中西律例不同交犯最多糾葛見於第十七條載明倘有中國人照中國律例無論犯何罪名照會領事官設法拘送庶免藉詞避匿又僑居越南華民近日頗有以法人徵收身稅爲苦者臣力與辨駁該使電告本國許以從寬辦理請不必載入約章因於第四款載入中國人自家財產法國應與最優待西國之人一律不得有異第十六條載明命案賦稅詞訟等件

均與法國相待最優之商民無異以爲將來辨論地步土司苗蠻地方處洋人前往游歷滋事准於請護照時載明不能保護其通商處所洋人遊歷在百里以內向不請照今改五十里爲限又洋人自用免稅各物舊約漫無限制今更聲明必係洋人自用數目無多方准免稅如入內地仍照舊章徵稅第十一十二兩條係法人在越南收稅辦法臣與詳細推敲附章程之內亦爲保護在越華商張本但恐愚慮所及或有未周特將會議章程寄交總署王大臣覆核進呈 御覽

二十一年續立界約

二十四年與訂滇越鐵路章程

二十五年蘇元春與法提督高禮睿訂廣州灣租約

二十八年華法和成公司訂合辦四川巴萬油礦合同

臣謹案法越戰事忽和忽戰無一定之策患在無人負責任即朝廷亦不自任聽人之抑揚而已自道光以來如是無怪愈辦而愈不可爲昔胡文忠在鄂平粵匪已有成算見西洋輪船駛行江漢歎曰非我輩所能治也未幾卒使當時人皆如文忠之自知則責任之心生天下亦不難治也

三十三年索還法人所佔塘沽碼頭

宣統元年外務部等奏議結鎮匪擾亂滇越鐵路受虧賠償法國損失銀二十萬兩作爲收回天津軍糧城法國兵房之費並與法使商定設立河內領事依議行

丹麥

丹麥亦曰噠國歐洲小國也與瑞典南境相對北西東三面皆海面積十四萬方里五洲地理志面積萬五千二百九十萬方里五英方里人二百二十九萬四千口全境低窪常恃隄防以拒水淹人種爲條頓族身高力強髮作淡黃色性頗安靜嗜學政體爲君民共主航海業甚盛大北公司海電即其業也物產多五穀牧畜漁業俱考究云丹麥自雍正開來粵通商一作丹馬爾譯音固不畫一也道光二十五年丹馬爾國請設領事

同治二年 命侍郎恆祺會同三口通商大臣崇厚與丹麥國使臣在天津訂約並通商章程

又總理衙門奏丹國使臣來京由英使威妥瑪認爲伊館賓客代懇商定通商條約經臣等駁令回津照會崇厚奏明辦理惟因威妥瑪認爲伊館賓客情形與上年大西洋使臣來京議約法國哥士者認爲伊館朋友大略相同因奏明照大西洋成案條約亦專照大西洋商辦嗣據威妥瑪攜帶該使照會並所擬條款章程稅則底本送來核其條約大約以英國爲藍本並於英約外增添款目推原其故因威妥瑪代爲謀主意欲藉此滋潤以便將來各國援照希冀一體均沾臣衙門前已奏明當即駁令照改與大西洋一律據威妥瑪聲稱丹國既係英國姻姪拉使又託該使代辦自應仿照英國文義定約連日辯論始將擬款中必不能允者參酌大西洋等國條約分別刪除更改較之英國原定款目尙屬有減無增其通商章程及稅則與各國原本亦無出入惟上年所定長江暫定章程未經載入應歸另案核辦臣恆祺侯議定後在京先行畫押交該使赴津再與崇厚畫押亦係照大西洋成案辦理

三年 諭總理衙門奏丹國前立條約聲明以一年爲期或在天津或在上海互換茲屆換約之期據英國駐京公使威妥瑪呈遞照會內稱丹國見派水師副提督暨勒前來不日到滬請派員互換等語著派提督銜李恆嵩會同布政使劉郁膏將上年與丹國所立條約妥爲互換即由李鴻章諭知遵辦並令軍機處將寄諭摘錄一併發往如該使向李恆嵩等索看憑據即可給予閱看俟換約事畢此旨仍繳還軍機處備查

### 瑞典那威

瑞典那威合爲一國王占司干地那維亞地歐洲西北海角也北界北冰洋東界俄羅斯之拉伯爾兼抱波德尼亞海與波羅的海南界波羅的海隔二海盆而與丹國相望面積三百萬方里五洲地理志瑞典面積十七萬三千三百三十二口那威面積十二萬四千四百四十四口地形下垂如葵扇濱海一帶天氣和適內地高原四時多寒水銀爲之結冰瑞典於雍正時來粵通商粵

人稱爲藍旗國那威初屬丹馬嘉慶十九年維也納之會丹許割歸瑞典那威議獨立列強不允定議以瑞典王兼轄政體制定立憲然內容稍有參差其人面白髮黃容貌端麗勇敢勁敏熱心愛國物產以木料鐵爲大宗漁業亦盛

道光二十七年請通商 命耆英與瑞那使臣李利華訂約三十三款

同治六年派出使大臣志剛等遊歷各國至瑞遞國書

光緒三年瑞典開整理萬國刑罰監牢會使臣愛達華達擺柏照會駐英使郭嵩燾請中國派員入會嵩燾以聞許之

光緒三十四年瑞典重訂商約緣瑞典那威從前聯合爲一近年兩國分離各自獨立前訂之約距今六十年今昔不同故重結斯約

### 比利時

比利時歐洲小國也北界荷蘭西北距大西洋海西南及正南俱界法蘭西東界普魯士面積十一萬方里五洲地理志面積一萬三千三百七十七方里全境分九省地勢平坦人種爲色勒特日耳曼兩支性情狀貌俱肖荷蘭人一切風俗務樵仿法蘭西頗失之奢 國初來粵通商後又絕迹舊爲和蘭屬部道光十一年始自立政體爲君民共主物產首煤鐵次之工藝精建築鐵路尤其專門津漢路是其承造舉債四千萬云

道光二十四年呈請貿易由法使鄂尼薦引

同治元年 諭薛煥奏比利時國公使包禮士自稱奉伊國主之命派至中華進京請立約通商經薛煥再三力阻北行始在滬候旨等語比利時國於咸豐九年在滬投遞照會懇求通商經何桂清照覆其事並未具奏該國係法蘭西屬國通商各事理應附法國名下該公使所稱於英國爲姻姪之邦其意擬援上年布路斯國之例徑自換約已飭總理衙門告知法使攔阻並著薛煥妥爲開導告以該國既在各口通商毋庸另立條約如必求立約即照布路斯例斷不能與英法相同此時該國換約與否於大體並無增損惟允行太易則恐得步進步翻多曉諭不可不稍爲操縱以防其弊著薛煥酌量情形妥爲籌辦倘

該公使必欲來津務告以上年布國換約係五口通商大臣崇厚辦理薛煥亦係辦理通商大臣事權相同在津允行者在滬亦可主持毋許遠涉重洋如此則切攔阻不令北行方為妥善

又 諭薛煥奏比利時國通商立約大致議定該國使臣包禮士願望過奢經薛煥飭吳煦薛書常悉心籌辦剛柔互用甚為得體見議條約所稱各口派領事駐紮照各國一體貿易及商民違約各情均照各國章程辦理三款並議定在上海換約俱屬妥協其用寶一款尚係該國心存仰慕於體制亦無違礙並可允准

四年 命總理各國事務大臣董恂三口通商大臣崇厚與比利時使臣全貝俄固斯德訂通商條約於天津

光緒十七年請中國派員入第四次鐵路公會考求鐵路新法許之  
十八年湖廣總督張之洞遺繙譯命忠沅帶工匠十人赴比國工廠學煉鋼鐵

二十三年與比商定議十七款借四百五十萬金磅修蘆漢鐵路  
二十九年訂汴洛鐵路借款屢向我國政府請派學生游學往者絡繹多習實業云

德意志

德意志一名日耳曼歐洲中央大國也合二十六邦而成北界丹國隔北海與英國相對又隔波羅的海與瑞典那威相對東界俄羅斯南界奧斯馬加瑞士西界法蘭西比利時荷蘭面積二百十萬方里五洲地理志面積二十萬八千八百四十四英方里八千九百一十全國分十四部都城曰柏林跨中央平原一切官闕院落及街市備極壯麗其政體為聯邦立憲奉普魯士國王為德國皇帝所有要政均歸管轄人種為條頓支性勤敏耐苦學問音樂頗擅盛名物產煤鐵鉍鉛銀銅石鹽及粟麥葡萄煙草蘋果之類工業日上與英法齊驅陸軍最強我國延聘教習為德操云舊奉奧地利為盟主嘉慶初拿破崙破普軍奧不能救後普敗拿破崙而始強嘉慶二十年聯邦仍奉奧至道光十三年乃

以盟主奉普改德意志初來廣東稱爲單鴈國布路斯即普魯士譯音歧也咸豐十一年 諭奕訢等奏布路斯國通商事宜派崇綸赴津請擬上諭一道齎往給與閱看以免歧誤等語各國公使於欽派大臣接見時往往求看諭旨以爲憑據奕訢等所請亦爲先事防維起見惟此次布路斯國赴津通商事宜仍應歸該大臣等籌辦若另給崇綸諭旨則必須有欽差字樣於總理衙門轉覺事權不一崇綸赴津似無庸給與或由奕訢等妥擬照會告以各國通商事宜均由總理王大臣辦理見派崇綸會同三口通商大臣崇厚辦理如以崇綸等非全權大臣或桂良文祥二人中酌量一人帶同崇綸赴津將來換約蓋用印信即用總理衙門關防著奕訢等斟酌妥善奏明辦理

又 諭據恭親王奕訢等奏布路斯國艾林波抵津與崇綸等會晤因該侍郎等未奉有全權大臣便宜行事之旨照會奕訢等懇請代奏方能會辦通商事宜見據奕訢等於摘錄諭旨內加入全權等字即著照所擬寄交崇綸俟艾林波索看諭旨時給與閱看至所稱日爾曼各情能否統歸該國商辦並著悉心商酌以歸簡易

同治元年 諭薛煥李鴻章奏布路斯國換約一摺外國總領事之職應與藩臬同品薛煥等以列斐士本職不應以平行照會呈遞總理衙門設法割切開導令其改繕申陳外國與中朝來往交接禮數國體攸關薛煥等不激不隨得以折服其心改具申陳永爲定式深堪嘉尚列斐士將德意志公會二十二國各繕洋字條約一分欲於換約時均請查收並請中國亦備漢文條約二十二本與天津所立條約原本同日互換以便分交公會各國收領經薛煥等據理開導該公使改請於原立條約互換之後照錄分送見仍飭由劉郁膏給予照覆並速催換約酌極爲妥協所請照錄條約二十二本僅鈐用江蘇藩司印信之處即著准其照辦至各國呈遞洋字條約一摺如該公使再行固請收納並著照所擬與該公使議明即交換約衙門存案

又 諭據薛煥李鴻章奏布路斯國換約事竣惟該公使照會內有另外設法辦理之語恐其尚有饒舌已諭知總理衙門妥爲察看務期內外一體杜其要

求倘該公使在滬或有干請仍著該大臣等設法辦理

又德領事官在中國代土耳其領事

光緒六年總理各國事務大臣沈桂芬景廉與德意志使臣巴蘭德續修通商條約善後章程於北京

二十四年 命李鴻章與德使海靖訂膠州灣租約

臣謹案德意志助歸遼南索報未遂二十三年因曹州殺斃兩德教士借此起衅突派兵船據膠州灣要求多款議租膠澳並築膠州至濟南鐵路乃有是約

二十六年拳匪起戕德使臣克林德遂統聯軍破京師 兩宮西幸

二十七年 命醇親王載灃赴德謝罪

二十八年定約開膠濟鐵路三十里內煤礦

三十三年結津浦鐵路借款合同

宣統元年收回山東五處礦權合同

瑞士

瑞士四面不濱海地形橢圓處歐洲山地中央北界德意志東界奧斯馬加南界義大利西界法蘭西面積十五萬七千方里五洲地理志面積五萬九千九百八十二方里四境皆山危峰插天平地綠波蕩漾農圃生春風景之美為世境冠故游客詩人類俯仰徘徊不忍舍去其國政為同盟民主總統歲更無再任者人種則條頓支居大部分風俗純厚舉國熙熙物產馬牛羊豕頗盛其國根原大要在工藝故貨精而值廉各國多稱道之光緒三十二年舉辦紅十字會

奧斯馬加

奧斯馬加為奧大利亞與馬加二國合成之帝國也北界德意志東界俄羅斯南界土耳其阿德里亞海及義大利西界瑞士及巴斐利亞面積共二百六十萬方里五洲地理志面積二百六十七萬三千六百七十七方里都城日維也納宮殿崇煥市廛軒敞歐洲第四都會也其政體雙頭君主頗奇人種混雜

方言亦不一全國礦產煤為大宗鐵次之金又次之粟麥麻煙霍布花葡萄以及馬牛羊之屬亦興旺養蜂尤獲利云康熙開來粵通商粵人稱雙應國同治八年 命董恂崇厚與奧使畢慈訂約四十五款通商章程九款稅則一册

十年派恩錫與奧使在上海換約

臣謹案歐洲小國介居大國間獨能保存其分并亦劇皆以民主為政體民族強則終古有不可合併之勢強國轉藉之以為邊衛近時所謂緩衝也

美國

北美合眾國居北亞美利加最要之中央部北界英屬亞美利加東界大西洋遙對歐非兩洲南界墨西哥國西界太平洋控南洋遠東諸國面積三千五百萬方里五洲地理志四千四百九十九萬九千八百八十八方里人口逐年增加性情習俗多肖英人自華盛頓制定憲法分國政為三大權曰行政權曰立法權曰司法權各以次序不相紊亂教育不用強迫主義任人自由然頗發達物產五金煤油幾為世界之冠木棉亦遍地栽種故布業頗盛餘如甘蔗煙草橘柚葡萄之屬觸目皆是復講究畜牧以資利生檀香山五及千北美僑民九萬餘南美及中合衆國僑民十三萬

臣謹案美利堅即米利堅又曰合眾國本英吉利屬地乾隆四十一年始建國自立其時英已通商美亦借至其旗雜五色粵人稱為花旗國曰米

曰彌美字譯音異也

乾隆四十九年來粵購茶

道光十九年舟泊了洲洋 欽差大臣林則徐逐之

二十三年 諭據耆英等奏議定米利堅等國通商章程著照所議籌辦總須籌及遠大不可僅顧目前致貽口實至米利堅有進京瞻觀之請英吉利又於善後條內添註沽恩語句耆英等諫以天朝撫馭各國一視同仁凡定制所應有者從不刪改定制所本無者不能增添若各國紛紛請觀觀光上國不但

無此政體且與舊制有乖至見在已准一體通商天恩高厚爾等果能約束商人公平交易照例輸稅無稍偷漏大皇帝聞之必然嘉悅照此明白曉諭不准稍有含混別生枝節

咸豐八年 命大學士桂良尙書花沙納與美使列衛廉訂條約於天津

又美使列衛廉照會桂良花沙納以中國必須購造外國戰艦造船輪船又宜立國家旗號俾中國公私船盡行升用使商船與盜賊有所區別而免商民之借用與假冒外國旗號桂良據奏厥後中國造船購艦用龍旗多采其議

九年 諭英法俄羅斯到津不遵桂良等原約闖入大沽口以致挫敗實由自取並非中國失信其時美利堅使臣華若翰仍依桂良等原約駛至北塘口求請進京呈遞國書經恆福等具奏該國照會情詞恭順是以朕准令來京呈遞國書詞意恭敬出於至誠所有該國使臣齋來國書准其呈遞即派桂良等接收至換約一節本應回至上海互換朕念其跋涉遠來特准將和約用寶鈐印交恆福前至北塘海口與該國使臣互換換約之後永遠和好以崇信義

又 諭何桂清奏與米利堅使臣華若翰會晤該使臣堅以宣示條約等三事為請此外各條及上海善後章程稅則均照前議緩辦該使臣惟求恩膏速沛俾永久相安情詞尙屬恭順加恩著照所請所有潮州臺灣兩口准米國先行開市並照新章完納船隻噸鈔其餘稅則等項暫緩舉行即行文各海口一體照辦其潮州臺灣兩口內應行設關徵收商稅之處並著會同該督撫妥議具奏

同治七年 欽差總理衙門章京志剛孫家毅出使西洋先至美國六月與美大臣續訂通商條約於華盛頓

臣謹案是役為中國遣使出洋之始

十一年許美國領事官代辦瑞士國商務

光緒六年美君主以華工來美日多難以整理請變通前訂約款 上命大學士寶鋆尙書李鴻藻與美使續定條款

臣謹案閩粵人至美國舊金山傭工自咸豐開始至光緒初多至二十餘萬人美工忌之議限制華工遂遣使來修約

二十年出使大臣楊儒以華工在美迭遭苛虐慮損邦交與美外部續定限禁華工來美並保護寄美華人約款僑民九萬一百六十七人

臣謹案各國殖民政策咸以中國為尾閘華工生計窘遠涉重洋至塵廬為備求活情殊可憫美為新造國急需人力大招華傭收其利矣美政府旋徇工黨之私拘囚之不已復鞭撻之不已復虐殺之美自衛其民亦何足怪獨怪吾訂約諸臣不能為窮民開利源既驅之海外而又不謀保護一聽彼族之侮弄諸臣負華傭實負 朝廷耳

二十七年美總統羅斯福以所分得債金除給商人損失及海陸軍費外尚有溢出數十二兆七十萬餘元向議院提議仍還中國助中國教育即以此款為格致學生留美之用議行專使唐紹儀赴美申謝

二十九年與美使康格古納希孟新訂商約及附件  
三十四年中美訂立保和會公斷專約前於光緒三十年美總統向我提議與英法一律訂立公斷專約嗣以美總統與議院意見不合英法約作廢因而罷議聲明將來再訂仍邀我國美國與我國最睦前既首先邀我議約茲克底於成

宣統元年美工商部新頒華人入美保護例十條大旨重在限制華工影射赴美而於商賈教習學生等游歷則從寬牒外部立案並咨南北洋施行  
三年定川漢鐵路借款合同

### 墨西哥

墨西哥在美國之南東界墨西哥海南界中亞美利加之瓜第拉瑪西界太平洋北界美國面積七百五十萬方里五洲地理志二十七邦兩屬地一邑十萬方里人十二萬六千二百口人種混淆多業農開礦牧畜次之為北美洲舊邦歐人未至以前已有帝國制度後屬西班牙道光四年自立聯邦民主國也教育未盛物產以銀礦著名多鼓鑄銀圓流通各國中國尤喜用之

光緒二十五年出使美日祕大臣伍廷芳奏與墨西哥訂約通商內裨商務外保僑民此約定後華工赴墨者已數千人云

巴西

巴西南美洲大國也北界分額兌拉基阿那東界大西洋南界烏魯圭西界巴拉圭波利斐亞與祕魯面積三千二百萬方里五洲地理志二十邦一邑萬英方里約千六百萬人口聯盟共和面積三百九十九萬英方里約千全國分二十一行省多葡萄牙人印第安人次之政體為民主國土地肥美礦產豐富所出咖啡尤為盛銷

光緒六年遣使訂約李鴻章始終其事

宣統元年與巴西訂保和會公斷專約

古巴

古巴美領地面積四萬五千八百八十英方里人百六十三萬千六百八十七口華僑四萬七千餘口

祕魯

祕魯北界哀瓜多東界巴西西南界波利斐亞西界太平洋五洲地理志西精方里八二千九全國分二十一部初為西班牙屬地道光元年始與之貳力戰四年乃得立為民主國多印第安人之為工役者亦以數萬計田產荷蘭薯糖蔗咖啡棉花白米椰子煙葉之屬毛織物亦盛僑民四千五百同治十三年使來請通商 命大學士李鴻章與祕使葛爾西耶訂查辦虐待華工專條並商約於北京

專條

臣謹案祕魯誘取華民最多虐待亦最甚故於訂商約時先訂查辦虐待專條

剛果

剛果在亞斐利加洲南地當赤道為比利時兼轄之邦光緒初自立五洲地理志比國面積九十五萬五千九百六十英方里人口六百三十萬光緒二十四年遣使余式爾來請通商許之第二條訂中國人民可隨遷往

剛果國居住一切動靜財產皆可購買執業並能更易業主

綠馬尼

綠馬尼本土國邊省瓦拉蝦及穆爾達費亞之地即瓦喇加馬喇達二邦舊境光緒五年土俄構兵兩省民叛土助俄事定不能復隸土國而西洋各國又不准其屬俄於是伯爾隣大會各國公立兩省皇綠馬尼國立德皇之姪沙勒爾第一為君

光緒八年出使英俄法國大臣曾紀澤奏代綠馬尼國王遞國書

智利

智利南美洲國也在玻利非亞西南西距大洋海東南接巴他峨拿人身最高為全球之冠五洲地理志面積二十七萬八千六百二十英方里人口三百三十六萬五千

宣統三年新總統呂格膺選履任專書布告中國

賽爾維亞

賽爾維亞係歐洲東方舊邦界在奧斯馬加之南土耳其之北綠馬尼之西明初為土耳其征服列為屬地迨後土國勢衰賽爾維亞土血戰二十餘年遂議和作為土國屬邦光緒四年俄土搆兵賽爾維亞倒戈助俄其後俄土議和不願復屬土國柏林大會西洋各國同盟底定歐洲東界事務公立賽爾維亞為自主國五洲地理志面積八千七百六十英方里人口二百三十一萬二千四百

光緒八年出使大臣曾紀澤代遞該王密朝國書咨呈總署 查前綠馬尼自立為國暨國王晉號君主兩案曾據該國駐法公使先後來文懇請代遞國書承准貴衙門公銜徑咨該國公使轉達國君傳 旨致賀在案今賽爾維亞國君晉加王號據該國駐法公使奉其國王之命將國書咨請轉呈核與綠馬尼國情形相似該國國書封為尋常公函式樣與綠馬尼第一次國書裏以緞楸圓筒者形製不同而與綠馬尼第二次晉稱君主之國書相同其為國君親筆簽名之國書則均無以異也除將該國國書及駐法公使馬利諾章治來文分譯漢文彙同原來國書封寄外據情咨呈查核再西人以法文為各國通行文字識漢文者絕少如徑咨答賀可否錄稿見示

附錄譯賽國王國書

賽爾維亞國王密朗謹上書 大清國大皇帝陛下竊自柏林之會承諾大邦立爲自主之國統緒既定政由己出是以國人建議尊加王號以重君權而保國祚寡人爲治斯邦俯順輿情故敢受此徽稱以繼子孫惟此曠典理當具表奏聞以伸我國景慕之忱而叨 熙朝眷顧之佑並祝 大皇帝萬壽無疆謹奏

皇朝續文獻通考卷三百三十六

四裔考六

俄羅斯

俄羅斯據亞西亞歐羅巴兩洲之北境拱北冰洋如玦環世界第一大國也其西界瑞典德意志奧斯馬加南界土耳其波斯東界西域回部又迤東界哈薩克回部喀爾喀蒙古黑龍江綜其全土在亞洲者十之六在歐洲者十之四其新舊兩都皆在歐洲富盛之部落雄麗之城邑亦萃於西池東廣漠荒寒多不毛之土以鐵軌聯絡之十日可達東海濱故東方尤趨重焉志西比里亞可耕之地約二十七萬二千英方里中亞細亞面積九百三十六萬方里分爲三部一曠原即北半部一土耳其斯坦即南半部一特爾斯喀司倫即西半部也一在歐洲面積二百八十八萬方里一在亞洲面積一千一百二十萬方里一在歐洲面積六百九十九萬二千八百方里全國分十二大部曰西比利亞曰高加索曰中亞細亞曰大俄羅斯曰芬蘭曰波羅的沿海省曰波蘭曰西俄羅斯曰小俄羅斯曰南俄羅斯曰東俄羅斯曰北高加索人種多斯拉夫族語言龐雜軀幹偉大然多蠢愚去文明程度尙遠政崇專制大權攬之皇帝及貴族以故民常怏怏多反側鐵產最富饒動植物稱是惟工業未興凡機器所成半由鄰國輸入

乾隆四十九年停俄人恰克圖互市俄屢乞不許

五十六年 諭俄羅斯因停止交易十分窮困造言搖惑豈遽有移兵至科布多塔爾巴哈台之事今已將薩邁林所告之語並攜來原書咨問俄羅斯薩納特衙門想彼無言可答不過推諉不知而已保寧等既云查彼處情形似無此事又請暫留本年伊犁換回兵丁暫停應送內地馬匹並將哈什圖獵改由博羅塔拉巴爾魯克齊爾等處至打牲行圍巡查哈薩克邊界徵收稅馬官兵較往年多派數百早日起程其籌畫俱覺太過朕意俄羅斯如果前來僅此兵力亦不足恃莫若靜以待之俟有回音彼時相機降旨亦不遲悞

又 諭前土爾扈特喇嘛薩邁林所供各款令理藩院行文俄羅斯薩納特衙門查詢覆稱前信係屬偽造向來此等書信從無用印兩顆之例况鈐印之處不合款式並非邊界頭目手記我國於天朝素習恭順不敢稍存異念所有從

前未結各案懇求早爲剖斷至土爾扈特久已投誠大國生聚有年安居得所豈致冀其復歸故土懇奏大皇帝俯念忱悃信其無他干犯邊界之說實無其事從前恰克圖貿易通商於俄羅斯大有裨益敢乞施恩復准開市等語此事俄羅斯既覆稱並無其事是薩邁林前次投帶書信其爲捏造無疑而俄無誘致土爾扈特之心尤可概見至所懇求通貿易措詞恭順已降旨准其通市矣五十七年 命庫倫大臣松筠赴恰克圖與俄使色勒斐特訂恰克圖市約嘉慶七年蘊端多爾濟請巡俄邊奉 諭俄羅斯交界四十七處卡倫向來未定巡查之例今蘊端多爾濟稱明年親查恰克圖西十九處卡倫後年查恰克圖東二十八處卡倫逾十年與庫倫辦事大臣輪流一次往查亦屬嚴肅邊界之意著照所請行但俄人多疑著蘊端多爾濟於巡查卡倫以前明白曉諭使俄羅斯固畢爾納托爾等知巡查原欲永清二處交界並無別故自不至心生疑懼也

又 諭恰克圖東西兩邊所設卡倫自明歲爲始著駐劄庫倫大臣每十年一次輪流親往稽察著爲例但俄羅斯等素性多疑務須於往查之前豫先明白曉諭

二十五年進呈書籍三百餘種

道光二十八年俄羅斯商船來上海求互市不許

三十年 諭前因俄羅斯國請於伊犁等處通商令該將軍籌議後由理藩院覈定咨覆該國茲據該國薩納特衙門來咨稱遵照明春派員赴伊犁會議此事會由薩納特阿會同奕山擬議見在薩納特阿來京奕山接任將軍於原議曲折自能深悉著將該國來咨閱看所有伊犁塔爾巴哈臺二處添設貿易事宜擬奏難照恰克圖事例所見甚是其進卡出卡人數牲畜貨物多寡撥兵接護著奕山等查照前諭並廣咨博採酌妥善公同商定規條以垂久遠至喀什噶爾毋庸通商一層前理藩院業將種種窒礙並無利益委曲開導今該國來文仍欲於此處添設喀什噶爾內地寬遠商販希少不敷易換本係實在情形但恐該國官員到伊犁會議時仍復申請無已奕山等務必曲爲譬說使其心



折服自不至再有曉濱此次理藩院咨覆該國文底亦鈔給閱看此事關係甚重必須面面顧到斷不可草率定議致貽後患

咸豐元年 諭奕山布彥奏會議俄羅斯通商事擬定章程並開單呈覽此次俄羅斯使臣來赴伊犁會議通商事宜該將軍參贊公同酌定條款內如卡外搶案中國不督及在內地竊案分別酌辦等情所議均屬周匝並將喀什噶爾不准通商一層據理折辯該使臣無可置對給予文憑以爲回國銷差之據辦理尙屬妥協見在該使臣已回本國所有伊犁塔爾巴哈台二處貿易是否即自明春試辦每年清明後入卡冬至節停止其辦理通商安靜情形如何分別奏咨存案並內地商民如何稽查約束一切未盡事宜仍著該將軍等悉心妥議具奏單內第二條商人與夷商交易彼此設官照管係由營務處派員前往各自秉公辦理經此次議定後常時貿易全賴派出之員彈壓撫綏照管一切遇有爭鬪小事公同剖斷不至因小釀大邊防所繫最爲緊要必須遴委廉直公正之員通曉事體而不貪小利者方能經理得宜彼此歷久相安該將軍參贊及塔爾巴哈台大臣遇派委時切宜加意慎重及如何酌定年限輪替之處詳晰議奏

又 諭前因俄羅斯使臣來赴伊犁會議貿易章程當經降旨飭令奕山布彥泰將一切未盡事宜再行妥議具奏茲據國子監祭酒勝保奏請思患預防嚴定限制等語所有通市日期該將軍等前奏每年清明後入卡冬至節停止又稱限內貨物如未賣完仍聽該國商人居住俟售賣完竣飭令旋回據該祭酒所稱恰克圖章程自十一月開卡來年二月閉卡平時即不通往來之處可否仿照辦理抑係伊犁塔爾巴哈台兩處情形與恰克圖不同其入卡人數貨物前奏由卡倫官員點驗但未限定數目該祭酒稱恰克圖交易之時夷商運貨至圍城者總不得過二百人事竣即行出卡不准稽留所以久安無事是否亦可仿行著奕山布彥奏一併妥爲籌畫悉心擬議具奏

六年 諭札拉芬奏俄夷遣官會議燒失貨物情形一摺此次該夷官來至伊犁不肯領回燒燬貨物專以議賠爲詞顯與通商章程不合該將軍等據理

折辯所辦甚是民夷互有爭執必應先論事理曲直方能平情剖斷今此案啟釁根由既由該夷驅逐金夫殺斃民命所致咎由自取况燒搶貨物之犯業經嚴拏治罪兩造已可相安豈有不論案情但索賠償之理著札拉芬等密加體察如係臣蘇勒官從中播弄一面咨行該國西畢爾衙門詳細告以曲直原委令其諒知遣來之夷官一面向該夷官明白開導使不至爲浮言所惑總須堅持定議不可允其賠償即將來萬不得已或設法貼補亦不可居賠償之名致壞成約其措詞一切務宜平心靜氣勿致滋生事端

八年 諭譚廷襄奏俄人分界一節已令奕山會勘海口通商此次既爲英佛說合而來諒有把握該二國並無非理干求悔過回帆是爾此來實與中國有益彼時奏請通商大皇帝必能歡喜允准喇嘛巴拉第及學生哈喇坡斐擦啟在理藩院具呈欲至海口相見已由該衙門護送前往塔爾巴哈台本已查辦該國商人舍之而去案尙未結其存留貨物中國尙爲看守此事因爾國殺害挖金之人積怨而成並非中國有不是之處黑龍江居民並非始自今日豈能移於江右至關吞屯等處皆中國地面近年俄人來蓋屋居住中國因與爾國多年和好未肯驅逐屢次行文爾國未見秉公查辦此時在津言津其餘原可次第辦理米夷來見嘉其不助英佛之忱看其所求何事妥爲開導

又 譚廷襄奏俄人於分界一層又欲以黑龍江烏蘇哩河綏芬河爲界不肯遵與安嶺舊約擬少緩再爲理喻 旨是之

又 諭前因俄夷地界一節諭知奕山與木里斐岳幅會勘查從前界牌與之力辨不可遷就了事茲據該將軍奏所請黑龍江左岸舊居屯戶之外所餘空曠地方給與居住並江中准其行走奕山因與屯戶生計尙無妨礙已悉允許惟該處既給與俄人又恐民夷雜處滋事尙妥爲彈壓其松花江烏蘇里綏芬等河界屬吉林距與安嶺遠近奕山亦不能懸揣著景瀄迅速查明如係空曠地方自可與黑龍江一律辦理倘該處本有居人一旦爲夷所佔與我國屯丁耕作均有妨礙景瀄當查明奕山據理剖辨不可一概允許至黑龍江通商即著奕山體察情形妥籌條約

又桂良花沙納奏呈俄米條約

又 諭俄國使臣深以不能力阻英佛爲抱歎具見和好之心據稱不患道遠仍欲遣人前來教習技藝修造礮臺等事該使臣既有備送礮代爲轉圜之意朕已嘉其恭順實非他國可比惟既受器械已見悃忱若再令遠勞跋涉爲中國出力非所以示懷柔可告以毋庸派員前來即致送礮臺大皇帝已深爲嘉許若肯出力再向英佛將此次三條代爲說合尤深嘉悅

又桂良花沙納奏各國條約已定俄國欲派人修理礮臺教演礮止派十人或五人前來奏入奉 諭嘉獎

謹案中國辦外交和戰無定皆兵事不練商業不振籌餉艱難所致此大俄人得黑龍江利益遂願助械練兵極中肯要若能開誠相與局面便不同從此辦起可省後來無數葛藤奈中朝大官無一人知此惜哉

又 諭札拉芬奏俄酋普提雅廷在天津求五口通商業已允准其獲利甚厚

又俄酋木里斐岳幅至黑龍江勘地業經奕山如其所請與以空曠之地該夷甚感激普酋許備礮由該國送來此次來文並不執議賠償僅以查看貨物爲詞總爲中國優待之故可即與議結毋庸駁辨

又 諭明誼奏俄夷換約通商一摺塔爾巴哈台焚燒夷圈用茶箱貼補分年賠償即令帶兵離圍以安民心

又 諭桂良等奏呈進俄夷條約並將歧異之處黏籤開單詳閱單內所開均屬有因從前經普提雅廷酌看定始行畫押則此次狡賴顯係恃無質證桂良見令在津與見明同議之參領張廷岳先行回京當俟該員到時與之辯證十年髮匪在江南等處橫行俄人請助兵勦賊代運南漕王大臣以聞尋格於議不行

又 諭恭親王奕訢等奏俄約互換地圖一分係綏芬烏蘇里河分界之據因前定約添入空曠之地遇有中國人住及漁獵之處俄人均不得占之語一經畫押漫無限制告以明春須派員互勘未即畫押係爲慎重界址起見  
十一年 諭色克通額等奏上年與俄國續定條約內載該國商人經過庫倫

地方如有零星貨物亦准行銷並准設領事官一員酌帶數人自行蓋房在彼

照料並無准在庫倫常川貿易之語今該國欲由恰克圖至庫倫貿易係與條約不符著奕訢等諭知修士固理行文伊格那提業幅倘欲設立行棧永遠在該處貿易中國礙難允准至該國使臣赴恰克圖及進京向派官兵護送今該國以驛站章京昆都等儘可照料毋庸另派員護送亦與向章不符亦著諭知  
又 諭恭親王奕訢奏俄商既准其設官蓋房與伊犁塔爾巴哈台事同一律自係准設立行棧常川貿易之意理春河南北兩岸據伊犁提業幅照會已預示該國人不准先行占踞成琦奏會辦分界見已作記畫押完竣今將記文碑文咨行總理衙門存案

同治元年會訂陸路通商章程

三年定塔爾巴哈台條約

八年中俄定科布多條約改訂俄陸路通商章程

九年榮全定烏里雅蘇台界約

又德英等奏黑龍江內地各處向無外國通商處所茲俄輪船由松花江上駛抵呼蘭河口停泊要求通商派員往阻俄官囑爾幅以批擬生科發給執照前來不能將船喚回並請給文保護商人現已由呼蘭河口開船東下請飭嚴禁俄船濫行越境奉 諭知該公使按約辦理

光緒五年 命出使大臣崇厚索還伊犁尋以擅自訂約罪之改 命曾紀

澤爲出使俄國大臣

又 諭總理衙門奏據崇厚電稱約章畫押並條約十八款摘要知照該大臣經率定議其第七款接收伊犁後陔爾果斯河西及伊犁山南之帖克斯河歸俄屬第八款塔城界址照同治三年議定之界又於西境南境割去地段不少從此伊犁勢成孤立况山南畫去之地內有通南八城要路兩條關係回疆全局第十款於舊約喀什噶爾庫倫設領事官外增出嘉峪關烏里雅蘇台科布多哈密吐魯番烏魯木齊古城七處設領事第十四款俄商運貨走張家口嘉峪關赴天津漢口過通州西安漢中運土貨回國同路不特口岸過多並與華

商生計有礙允則實受其害先允後翻曲仍在我自應設法挽回以維全局著左宗棠金順錫將界務各款悉心酌復李鴻章沈葆楨素願大局除商務各條詳加籌畫外界務如何辦理分別密陳

又李鴻章奏查同治八年英國新約以彼國未經批准至今不行同治元年葡約以爭論澳門設官迄未換約見在俄約有批准後通行之語有西國成例可援原可置之不行與萬國公法所論亦符第崇厚出使給予全權字樣不可謂無立約定議之權若先允後翻其曲在我該大臣回京時密與詳詢體察情勢俟換約時能否將界務商務酌改至商務補救之方其要有二一日立法一日用人查泰西各國彼此商民皆可隨地貿易居住耦俱無猜由其用法之善中俄舊約原許俄商任便往蒙古各處貿易今既擴充甚多宜審各處民情地勢俾當事督同地方官妥議章程由總署核定畫一暫為試辦以便籌商經久之道張家口嘉峪關為東西兩路入內地扼要之路尤宜嚴密稽查凡沿途抽換私賣等弊分別照約罰辦勿稍含混如果沿途不得銷售包攬則於無限制之中稍有限制此立法之要也惟是人存政舉將來陸路通商益廣交涉益繁更制必益多其安肅道及張家口監督兩缺宜與海關道並重新疆各城各郡縣暫難改設或擇要添設道員遴選洋務人才以期辦理妥善至各路將軍大臣持節臨邊責任艱鉅必熟諳時務威望素孚乃有裨益

又郭嵩籌奏略曰一收還伊犁應由甘督核議左宗棠平日講求地理之學經營西域已十餘年險要為能詳知並非數萬里外遣一使臣憑空定議也二日遣使議還伊犁當徑赴伊犁會辦左宗棠以戰功平定西域不肯居贖回伊犁之名會議大員著緊亦專在此三日直裁議駁伊犁條約自伊犁河以南曰哈爾海圖產銅曰沙拉博和齊產鉛其北山曰空鄂爾峨博產煤曰闡里青產金曰索果產鐵往時河南設有銅廠鉛廠并近距特克斯河而辦理不甚如法山北煤鐵各廠尚未開採西人均視為上腴之地伊犁膏腴并在河南山北畫分霍果斯河屬俄則五百餘里之屯卡皆棄置矣畫分特克斯河屬俄則天山以北南接庫車拜城所設屯卡皆棄置矣此時置議較難當據萬國公法由國家

徑行議駁無可再行商辦之理此時棄伊犁與收還伊犁其勢并處於兩窮惟不宜遣使俄國目前英法兩國為私交俄德兩國為私交德法仇俄方深英俄尤累世積怨公使實有維持國體之責與商辦事件之權俄國新報已言伊犁條約由英人播弄翻悔此駐英法使臣不宜兼俄國者此也五日定崇厚罪名亦尚準公法行之崇厚徒知洋人可畏於國事之利病洋情之變易皆所不計故常謂與西洋交接當求通知古今事宜中外情勢而後可以應變置身萬里之外略無知曉有聽俄人恫喝欺誣拱手承諾而已若加罪使臣明示決絕益資俄人之口實崇厚股實有餘宜責令充餉贖罪無急加刑以激俄人之怒此當準公法行之者也六日廷議主戰祇是一隅之見萬宜斟酌理勢之平求所以自處無急言用兵查西洋構患以來凡三次用兵廣東因禁煙宵波天津因換約皆由疆臣處置失宜以致貽患日深積久而益難為計今日信使交通準情處理自有餘裕俄人狡焉思逞又非英法之比俄蠶食諸部環中國萬餘里水陸設防實力實有所不及即使俄人侵擾邊界猶當據理折之不足交兵何況伊犁一城遣使與之定議準駁應由朝廷縱彼以兵力要挾亦可準度事勢之宜從容辨證何至貿然耀兵取快廷臣之議論所謂廷臣一隅之見也竊以辦理洋務當以了事為義不當以生靈為名名之所趨雖稍知情狀亦為氣餒所攝臣知今日急務固不在此也應懇天恩飭令駐俄使臣轉達俄外部以伊犁為天山南北路關鍵中國必待收回此次崇厚所定條約萬難覆准前喀什噶爾等處曾經通行應否照舊由左宗棠與俄國督兵大臣會商嚴辦以期妥善 上是之

六年翰林院侍讀張之洞奏略曰新約十八條最謬者如陸路通商由嘉峪關以達漢口馬頭所在支蔓日甚不可許者一綏芬河西無故自蹙地二千里且內河行船各國所求而不得者一許俄人效尤踵至不可許者二蒙古各盟一任俄人貿易新疆鉅萬之餉徒為俄人委輸且張家口設行棧以後推廣設啟戎心萬里之內首尾銜接不可許者三蒙古各供其役使倘以重利啗蒙古一

且有事爲彼先導不可許者四條約所載俄人准建卡倫三十六無事商往則  
譏不勝譏有事兵來則禦不勝禦不可許者五今無故聲明人帶一槍若干百  
爲羣聞然徑入是兵是商誰能辨之不可許者六俄人商稅取巧稅課必絀不  
可許者七新疆已經定界今又內侵斷我八城之路不可許者八伊犁達爾布  
巴哈台科布多烏里雅蘇台喀什噶爾烏魯木齊古城吐番哈密嘉峪關准設  
領事是西域盡歸控制有洋官斯有洋商有洋兵初則奪我權繼則  
反客爲主不可許者九名還伊犁割霍爾果斯河以西格爾海島以北屯牧無  
所金頂寺又爲俄人市廛出路亦絕擲二百八十萬有用之財索一空名之伊  
犁不可許者十必改此議不能無事不改此議不可爲國其言改議之道其要  
有四一曰決計二曰氣盛三曰理長四曰謀定萬國公法有不准違訓越權之  
例臣執全權可否仍在朝廷之條正與崇厚不過密函不請諭旨之罪相合立  
誅崇厚則計決請 諭旨將俄人不公平臣民公議不願之故布告中外則氣  
盛索伊犁而盡拂其請則曲在我置伊犁而肆責言則曲在彼故緩伊犁則理  
長若俄人必欲棄好設防之處大約三路一新疆一吉林一天津左宗棠藉屢  
勝之威金順劉錦棠錫綸張曜皆戰將以靜待動俄人必敗若出吉林邊地去  
俄萬里懸軍深入請 特簡文武將帥資以巨餉用索倫打津之衆必能制勝  
天津一路俄之兵船不能出地中海如以商船載兵李鴻章高勳重寄若不能  
一戰安用重臣及早練兵選將增建礮臺以贖伊犁之金募西洋勁卒亦必爲  
我用俄人蠶食西疆意在拊印度之背亦英之憂若能開悟英使當與同仇近  
來立功之將如彭玉麟楊岳斌鮑超劉銘傳善慶岑毓英郭松林喜昌彭楚漢  
郭寶昌曹克忠李雲麟陳國瑞等宜召來京令其詳議分駐京沽及東三省以  
備不虞故修武備則謀定 非敢以大局爲孤注深觀事變日益艱難西洋撓  
我政權東洋思啟封疆今俄人又故挑釁端若更忍之讓之各國相逼而來至  
於忍無可忍讓無可讓又將奈何無論我之禦俄本有勝算即或疆域之役利  
鈍無常 料俄人雖戰不能越嘉峪關雖勝不能薄甯古塔終不至掣動大局  
何畏之有及今一決乃中國強弱之機尤人才消長之會此時猛將謀臣足可

一戰若再閱數年左宗棠雖在而已衰李鴻章未老而將老精銳盡漸欲戰不  
能而俄人行將城於東屯於西棧於北縱橫窟穴於口內外逼脅朝鮮不以今  
日扞之於藩籬而他日鬪之於庭戶悔何及乎要之武備者改議宜備不改議  
亦宜備伊犁者改議宜緩不改議亦宜緩崇厚者改議宜誅不改議亦宜誅此  
中外臣工之公議非 一人之私見獨謀籌備在疆臣作氣在百僚據理力辨  
在總理衙門而決計獨斷始終堅持在 朝廷事關大計坐視不能緘默不敢  
仰懇將 此疏一并發交廷臣會議不勝憂憤迫切之至 此疏所謂廷臣一開  
不可言謂武備宜  
備一語不可見

又 諭前因崇厚與俄議交收伊犁條約經王大臣會議諸多窒礙難行業經  
降旨將該革員治罪并派曾紀澤出使俄國欽差大臣矣俄人佔我伊犁其理  
甚曲崇厚奉使議收伊犁任其要求違與定約殊出意外曾紀澤到俄後察看  
如何情形先行具奏此次另議必須力持定見見已發國書將條約分別可行  
及必不可行之款奏准後知照該少卿以便與俄人商辦縱或一時不能就緒  
不妨從容時日總期不激不隨以全大局

又曾紀澤奏略曰收回伊犁事宜其大端有三曰分界曰通商曰償款籌辦之  
法亦有三曰戰曰守曰和言戰者謂左宗棠諸臣席勝勢不難取伊犁似也 臣  
竊謂大兵履險地以犯強鄰直可謂之孤注一擲伊犁本中國舊疆以兵力收  
回於俄未有所損而兵戎一啟後患方長伊犁雖倖而克復祇可爲戰事之權  
輿不得謂大功之已蒞俄人水師之利推廣至於東方所以擾我者在東不在  
西在海不在陸我中原大難初平海防布置尙未悉周目前禦侮折衝實未能  
遽有把握况東三省根本重地迤北處處與俄毗連一旦有急尤屬防不勝防  
或又謂俄多內亂不暇與我爲難俄之君臣常喜邊陲有事藉侵伐以消思亂  
之民此該國以亂靖亂之霸術各國防之嚴疑之深願未聞幸其災而樂其禍  
者職是故耳又或謂連結歐洲各邦足以怙俄人而奪之氣欲以戰國之陳言  
復見諸行事今日泰西各國非猶是戰國之政也各邦雖不盡民主而政則皆  
議院主持軍旅大事尤必衆心齊一始克有成今之使臣雖得蘇張亦不能偏

議院而說之各邦雖外和內忌各不相能而於中華則獨有協以謀我之勢豈肯顯違公法出一旅以相助是戰之一說固未易言也言守者乾隆底定西陲腹地得以息肩是伊犁一隅固中國之奧區英法人每謂伊犁全境爲中國鎮守新疆一大礮臺今欲舉伊犁棄之如大局何說者謂姑行我力以俟後圖然則左宗棠等軍將召之還乎經界未明難保無事任其久留轉餉浩煩不可持久海防之規模亦因之不能開展則貽誤實大此固廷臣疆臣所宜統籌全局不可爲後日之事者也 朝廷憫念遺黎遣使臣思保二百年和局 臣今日辨論仍不外分界通商償款三端三端之中償款固其小焉者就分界通商言之則通商亦較分界爲輕查西洋定約之例有二一常守不渝一可隨時修改常守不渝者分界是也分界不能兩全此有所益彼有所損是以定約之際其慎其難隨時修改者商約是也通商之益損不可逆觀或開辦乃見端倪或久辦乃分利弊或兩有所益或互有所損或偏有所損或兩有所損是以定約之時必商定若干年修改一次所以保其利而去其弊也中國與西洋立約以來每值修約之年該公使必多方要挾一似數年修改之說專爲彼族留不盡之途而於中華毫無利益者其實彼施於我我亦可施於彼誠能深通商務之利弊酌公法之平頗正賴此修改之文得以挽回於異日俄約經崇厚議定中國誠受虧損然必欲一時全數更改雖施之西洋至小極弱之國猶恐難於就範俄人桀驁狙詐無端尙且生風今於已定之約忽云翻異不予以一途轉圜之路中國設身處地恐亦難降心相從 臣之愚以爲分界既屬永定之局自宜持定力百折不回至於通商各條惟當即其太甚者酌加更易餘者似宜從權應允而採用李鴻章立法用人之說以補救之如更有不善則俟諸異日之修改得失雖暫未公平彼此宜互相遷就庶和局終可保全然猶須從容辨論虛與委蛇非一朝夕所能定議也俄約之准駁應經廷臣分別奏明而 臣未至彼都

膺使職責任攸歸豈敢緘默惟防鹵莽從事自避嫌疑之謗上貽 宵旰之憂 臣所總總慮者竊恐廷 臣所議除償款外所有通商分界各條均須駁正在議者持之甚正然言經不言權論理不論勢俄人不見允不待智者知之如此則日後之事不外三途一曰俄人不允則戰或暫棄伊犁此守之說也是邊界不可稍讓而全境轉可盡讓 臣亦未敢以爲是也一曰俄不允然後取今之所駁者陸續酌允委曲求全此和之說也然則目前所駁是就吾華公論以嘗試嘗試不效乃復許之此市井物擲價之術非 聖朝所以敦信義馭遠人之道也若此逐條駁改日後又不得已允之則將益啟狡謀且使西洋各國從而生心誠恐此次所挽回者無幾而從此交涉之務議論日滋 臣所以言分界之局宜以百折不回力爭之通商各條則宜從權應允者蓋以准駁兩端貴有一定不移之計勿致日後爲事勢所迫復有先駁後准之失此 臣愚昧之見也事體如此重大非一人之見所能周知請 旨飭下總理衙門及大學士六部九卿原議諸臣詳細酌核 臣行抵俄都但言中俄兩國和好多年無論伊犁之案均應遣使通誠此次奉 旨前來以爲真心和好之據至辨論公事傳達語言本係公使之職俟接奉本國文牘再行秉公商議如此立言則入境或不至遂見拒絕至約章如何辨論計原議諸臣必經奏明准駁知照前來惟軍國大政所關似不厭再三詳審俟廷臣商定否行到 臣始敢與該國平情爭論若 臣力爭分界酌允通商之說稍有可採則廷臣自必考究精詳乃定准駁即 臣說全無是處通商各條必須全駁 臣俟接准總署明文自當恪照指駁之條逐一爭辨惟有懷遠不激不隨之 聖訓冀收得尺得寸微功 又奏俄人趁我索還伊犁恣意要挾索之愈急則挾之愈多暫置不論自係權衡利害之重輕而明絕其覬覦查西洋各國每有兩國爭持未能平允又不欲輕於用兵於是知照該國且布告各與國謂某事本國未經應允特以不欲用兵姑從緩議英人名此法曰嗜嗜太司特無論強橫無禮之國見有嗜嗜太司特文牘即應將所議之事作爲暫緩之局少則數月多則數年數十年並無期限遇有機會仍可將前事提出商論此固西人辦理交涉之通例而中國於伊

犁琉球案皆可仿行者也。臣摺中以伊犁邊界不可稍讓全境轉可盡讓之疑如用嗜嚙太司特辦法可免棄地之嫌惟是伊犁一域實我要區暫不置論終係未了之案况舊約亦有通商分界諸事虛懸未定而爭論仍不能遠息。臣愚以為緩索伊犁姑廢崇厚所定之約總理衙門意在歸索到此者自係專指目前前勢局而言至於將來歸宿似仍辦到通商稍予推廣伊犁全歸乃為真了結又奏奉 諭俄事日迫能照前旨爭重讓輕固妙否則就彼不強中國概允一語略爭幾條即為轉圜地步總以在俄定議為要。臣即日往晤外部尚書熱梅尼請其追回布策在俄商議其時俄君正在黑海熱梅尼尤為電奏布策遂召回俄嗣此往反晤商反覆辨論疊經電報總理衙門恭呈 御覽又奉 上諭令 臣據理相持剛柔互用多爭一分即少受一分之害無如上年條約雖未奉批准而俄人視為已得之權利。臣奉 旨來俄商量更改較崇厚初來議約情形難易迥殊俄廷諸臣多方堅執不肯就我範圍自布策回俄後向 臣詢及改約之意。臣即按外部照會大意分繕節略付之布策不置可否但允奏明俄君意若甚難相商者。臣屢向熱梅尼催詢彼見 臣相逼太甚遂有命海部尚書遞戰書之說。臣不得已遵總署電令可緩索伊犁全廢舊約熱梅尼又欲 臣具牒言明永不索伊犁經 臣嚴詞拒絕而微示以伊犁雖云緩索通商之務尚可與商旋接外部照會除歸還帖克斯川外餘事悉無實際爰據總署電示分列四條照覆外部與之事事而爭熱梅尼嫌 臣操之太蹙不為俄稍留餘地憤懣不平布策又以通州准俄商租房存貨暨天津運貨准用小輪船拖帶兩事向商 臣直答以原約之外不得增添一事雖其計無可施而蓄怒愈深矣。臣日夜焦思深恐事難就緒適俄君自黑海回都諭令外部無使中國為難於無可讓中再行設法退讓但經此次相讓後即當定議外部始不敢固執前議送來照會節略第一照會言此次允改各條中國若仍不允則不得在俄再議且將外部許 臣商改之事全行收回第二照會言交收伊犁辦法三條節略中則歷敘允改之事約有七端。臣請逐條詳其始末第一端曰交還伊犁東南北三界均與俄境相接緩索不與讓界恐滋生事端若竟讓界又嫌迹近棄地嗣因挽留

布策非將各事略為放鬆不可遂舍西境不提專爭南境相持不下始允歸還然猶欲於西南隅劃分三處村落其地約長百里約寬四十餘里。臣檢閱輿圖該處與莫薩山口最近勢難相讓疊次爭辨方將南境地方全境來歸其西南隅允照前將軍明誼所定之界第二端曰喀什噶爾界務從前該處與俄接壤者僅正北一面故明誼定界止言行至惹嶺靠浩罕界為界亦未將惹嶺在俄國語為何名山照音譯出寫入界圖今則池西安集延故地盡為俄有分界誠未可緩崇厚約載地名未足為憑。臣以為非派員履勘不可吉爾斯必欲照崇厚議者蓋所爭在蘇約克山口也。臣答以已定之界宜仍舊未定之界可另勘吉爾斯躊躇良久此事於中國有益非俄所求既以原約為不不妨罷論。臣慮界址不清弊端已啟特假他事之欲作罷論者相抵制布策又稱原議所分之地即兩國見管之地。臣應之曰如此何妨於約中改為照兩國見管之地勘定乎最後吉爾斯允寫各派大臣秉公勘定不言根據崇厚所定之界矣第三端曰塔爾巴哈台界務該界經明誼奎昌等分定有年迨崇厚來俄外部以分清哈薩克為言於是議改考之輿圖已占去三百餘里。臣每提及此必以舊界立論吉爾斯知 臣不肯照崇厚所議始允於明誼崇厚所定兩界之間酌中勘定專以分清哈薩克為主所稱直線自奎崑山至薩烏爾嶺者即指崇厚所定之界言也日後勘界大臣辦理得法或不至多所侵佔以上界務三端與外部商改之情形也第四端曰嘉峪關通商總理衙門駁議以此為最重疊議商務者亦以此條為最堅蓋以我之內地向無指定何處准西商減稅行走明文此端一開效尤踵至後患不可勝言外部窺 臣著重在此許為商改及詢以如何商改之處則云許各大端商定再議及 臣親詣布策寓所告以事關全局倘不見允餘事盡屬空談布策言於吉爾斯於是允將嘉峪關通商仿照天津辦理西安漢中兩路及漢口字樣均允刪去不提第五端曰松花江行船至伯都訥事查松花江直抵吉林愛琿城定約時誤指混同江為松花江又無畫押之漢文可據致俄人歷年藉為口實崇厚許以行至伯都訥在俄廷猶以為未滿意也見將專條竟廢非特於崇厚新約奪其利直欲為愛琿舊約辨其誣。臣慮布

策據情理相爭無詞可對故擇語氣之和平者立爲三策一徑廢專條二稍展行船之路於三姓以下酌定一處爲限制三仍允至伯都納但入境百里即須納稅且不許輪船前往布策均不以爲然適奉電旨責臣鬆勁於是扼定第一策立言務期廢此專條布策猶糾纏不已吉爾斯恐以細故傷大局遂允將專條廢去聲明愛理舊約如此辦法再行商定第六端曰添設領事查領事之在西洋各國專管商業其權遠在駐紮領事官之下故他國願設主國概不禁阻臣欲將各城領事刪去外部各官均以爲怪隨將中國不便之處與之說明吉爾斯謂領事之設專爲便商係屬主賓兩益之事中國既不便即僅於烏魯木齊添設一員何如臣因其多方相讓礙難再爭總理衙門電鈔編修許景澄摺內稱科布多烏里雅蘇台烏魯木齊三處毋設領事其次爭烏魯木齊烏里雅蘇台兩處等語臣乃復見布策懇其商改始將烏魯木齊改爲吐魯番餘俟商務興旺時再議添設第七端曰天山路貿易納稅事臣將原約均不納稅字改作暫不納稅俟商務興旺再訂稅章西例納稅由本國自主日後商情果有起色即伊犁等處亦不妨逐漸開徵以充國課以上商務四端臣與外部先後商訂之情形也此外節略所敘則有償款一端熱梅尼布策等本有以地易地之請臣稱約章祇可議減不可議增彼遂謂中國各路徵兵顯欲搆俄俄遣船備邊以相應耗費虛布一千二百萬元向臣索償且言如謂未嘗交綏無索兵費之理則俄正欲一戰以補糜費臣答以勝負難知中國獲勝則俄國亦須償我兵費彼言雖強臣意未屈旋接總署覆電屬許至多不得逾二百萬兩如無別項糾纏統計約五百萬兩償款即可商定臣見熱梅尼吉爾斯等始則爭易兵費之名繼則爭減代守伊犁之費久之謂遲一年收回又加帖克斯川以代守費論至少亦須加虛布四百萬元臣照會中但允加代守伊犁虛布二百五十萬元若併歸伊犁西境猶可略議增加吉爾斯不談西境僅稱連上年償款統計非虛布一千萬元不可臣嫌太多吉爾斯笑曰俄國豈以地出售者果爾則以帖克斯川論之豈僅值五百萬元乎不過改約多端俄國一無所得面子太不光彩假此以自慰耳臣察其意甚決乃言前所說僅四百萬何以又

增百萬吉爾斯無詞折辨故節略內仍以添償虛布四百萬元定數查崇厚所議虛布五百萬元合銀二百八十餘萬兩此次俄國認出自華至英匯費則金鎊之價較賤合前後虛布九百萬兩統計銀五百萬兩以內臣總觀界務商務償款三大端悉心計較與總署來電屬辦之意大略相同即摘錄照會節略大意電總署代奏與外部說明俟奉電旨再行畫押一面與布策商議法文約章底稿逐日爭辨稍有齟齬即隨時赴外部詳晰申說於和平商權之中仍示不肯苟且遷就之意且以有益於中國無損於俄人等語開誠布告之於原約字句陸續增減如第三條刪去伊犁已入俄籍之民入華貿易游歷許照俄民利益一段第四條俄民在伊犁置有田地照舊管業聲明伊犁遷出之民不得援例且聲明俄民管業在實業圈外應照中國民人一體完納稅餉并於第七條伊犁西境安置遷民之處聲明係安置因入俄籍而棄田地之民防遷民雖入俄籍而仍有佔據土地之弊第六條寫明所有前此各案以防別項需索第十條吐魯番非通商口岸而設領事第十三條張家口無領事而設行棧均聲明他處不得援以爲例以杜效尤第十五條修約期限改五年爲十年章程第二條貨色包件下添註牲畜字其無執照商民照例懲辦改爲從嚴罰辦第八條車脚運夫繞越捷徑以避關卡查驗貨主不知情分別罰辦之下聲明海口通商及內地不得援此爲例凡此增減之文皆係臣與布策商草法文約稿時反覆力爭而得之者較之總署所寄廷臣奏定准駁之議雖不能悉數相符然合條約章程計之則挽回之端似已十得八九此臣與吉爾斯布策等商量底稿於節略七端之外又爭得防弊數端之實在情形也奉電旨該大臣握要力爭顧全大局深爲不負委任即著照此定約畫押臣告知外部轉奏俄皇此邦君臣仰慕皇仁同深欽感俄皇諭令外部允廢崇厚原約另立新約又飭催布策速行議約畫押臣因節略七端之外所爭諸條字句尙未周妥日夜與布策晤談而筆削之直至光緒七年正月初九日始將法文約章底稿議定又彼此商訂漢文俄文條約章程各二分先將法文繕正二分以資考證無訛與外部尙書吉爾斯前駐京使臣布策公同畫押蓋印訖電請總署代奏仰慰

宸廕

七年會紀澤奏條約互換日期

又奏言臣以定約之摺須宣示內外臣工甚或流傳海外是以未敢將委曲難言之際據實奏明然微臣辦事之難與尋常出使情形迥不相同有不能不瀝陳者西人待二等公使之禮遠遜於頭等而視定議復改主任實重於初議原約係特派頭等全權便宜行事之大臣所訂臣晤吉爾斯布策諸人咸以是否頭等有無全權相詰臣答以職居二等不稱全權大臣乃彼一則曰頭等所定豈二等所能改乎再則曰全權者所定尚不可行豈無全權者所改轉可行乎臣渥承 睿過豈復希非分之寵榮且西洋公法凡奉派之公使無論頭等二等雖皆稱全權字樣至於遇事請示不敢擅專則無論何等莫不皆然前大臣崇厚誤以師心自用違 旨擅行爲便宜行事之權蓋考中國憲章各國成例無一而合者也俄人亦嘗腹誅云及至與臣議事稍有齟齬則故以無全權非頭等之說折臣每言使者遇事不敢自主不如遣使前赴北京議約較爲簡捷等語臣亦知其藉此詞以相難非由衷之言也但彼國既以無全權而相輕臣即不免較崇厚而見絀此其難一也按之萬國公法使臣議約無不候君主諭旨不與外部意見相合而敢擅行畫押者固定而復改之事亦不過稍有出入從無與原約大相逕庭者往歲崇厚急於索地又急於回京遽定還歸諸多未協外部見臣照會將約中要領痛行駁斥莫不詫爲奇談屢以崇厚違 旨擅定之故曉之奈彼聞所未聞始終不信此其難二也原約所許通商各條皆布策駐京時向總理衙門求之多年而不可得者崇厚甘受其紿求無不應一經畫約彼遂據爲己得之權再允熟商彼即示其莫大之惠吉爾斯賢於布策而不明中俄商情經臣剴切敷陳彼仍茫然不解此其難三也泰西臣下條陳外務但持正論不出惡聲不聞有此邦臣民詆及彼邦君上者雖當辨難紛紜之際不廢雍容揖讓之文此次廷臣奏疏勢難緘祕傳布失貞之語由於譯漢爲洋鋒稜過峻之詞不免激羞成怒每謂中國非真心和好即此可見其端若於茲時忍辱改約則柔懦太甚將貽笑於國人見輕於各國等語臣雖設詞

慰藉而俄之君臣懷憾難消此其難四也自籌兵籌餉疊見邸鈔而俄之上下亦惴惴焉時有戒心遣兵船以備戰增戍卒以防邊臣抵俄時彼已勢成騎虎若仍在俄議事則前次之舉動爲無名故欲遣使晉京議約以歸功於海部無怪一言不合俄使即以去留相要維時留之則要挾必多不留則猜嫌滋甚更恐留而仍去適示怯而見輕此其難五也俄皇始命布策向臣詢明中國意嚮予限一月滿限之時經臣援引總署照會駐京署使凱陽德展限三月之意復請外部婉奏俄皇乃許添展兩月與臣議事我皇上以俄事日逼意在轉圜一切情形許臣經電總署代奏請 旨已屬破格施恩而事勢無常日期甚促有時於立談之頃須定從違臣於未經請 旨即不敢許之過驟然既奉轉圜之旨又不得執之過艱良由自瀝至京無電綫以資迅速故雖由電請 旨非旬日所能往還敵廷之詢問益多專對之機緘益滯此其難六也猶幸我朝與俄羅斯通好二百餘年素無纖芥之嫌未嘗邊疆之患俄國自攻克土耳其後財殫力竭雅不欲再啟邊端加以 聖明俯納臣言釋放崇厚以解其疑轉結各案以杜其口故其君臣悅服修好輸誠布策諸人雖堅執各條不肯放鬆而俄國皇帝與其外相吉爾斯實有和平了結之意故得從容商改大致就我範圍此則 列聖以來懷柔之效而我 太后 皇上公溥慈祥之德有以感動之也臣之私心過慮誠恐議者以爲俄羅斯如此強大尙不難遣一介之使馳一紙之書取已成之約而更改之執此以例其餘則中西交涉更無難了之事斯言一出將來必有承其弊者竊以爲兵端將開而復息關乎生民之氣數而氣數不可以豫知條約已定而可更視乎敵國之邦交而邦交不可以常恃臣是以將到俄以來辦事艱難情狀據實直言不敢稍存隱飾請 旨密飭海疆暨邊界諸臣仰體 聖朝講信修睦之心至誠以待鄰封息事而全友誼庶幾遐荒悅服永叶止戈爲武之休海宇清平益臻舞羽敷文之盛

臣謹案自同治開回族叛亂全境淪陷者十年俄人攻取之光緒初左宗棠平甘肅督師出關規復伊犁崇厚以全權往辱命六年改派會紀澤往議至是始定爲 本朝一大掌故故纂之特詳



八年又奏商議畫還索倫營右翼四旗之地迹近改約俄人勢必不允若由邊界大臣於分界時就近婉商俄官能以他處隙地或以他項補償換回四旗之地自以收地爲佳如必不可收猶可商將該四旗官兵遷歸伊犁境內另行安插由分界官立言即俄人不受商量尙不致牽涉已換之約章致俄廷之譏議

九年 命曾紀澤與俄外部詳細辨論令其傳知分界官與長順等將前訂中俄界約重加履勘升泰額福與俄官巴布闊幅撤斐索富額訂科布多界約及新界牌博約記升泰與俄官斐里德額訂塔爾巴哈台條約

十年巴里坤領隊大臣沙克都林札布與俄官額勒喀什噶爾西界約先是

有喀什噶爾東北界約九年有喀什噶爾阿拉克別克約阿勒克別克河約

十二年 命吳大澂等重勘琿春東界

十四年俄人在烏梁海所屬掘金開地建房阻之不聽

十五年俄人越界入黑龍江所屬以刈草爲名搭棚占地總署以詢北洋大臣李鴻章鴻章請但許刈草不准搭棚切與要約以示限制從之

十七年俄遣兵至海參崴開辦鐵路

十八年與俄人議接琿春海蘭泡陸路電綫

二十年俄德法三國公論向日本索還遼東交我

二十四年租借旅順大連灣 命李鴻章張蔭桓與俄使巴布洛夫訂中俄條約於北京出使大臣許景澄楊儒與俄外部訂租地條款於俄京又訂東省鐵路合同

二十五年築東三省鐵路總理各國事務大臣王文韶許景澄與俄使格希尼訂旅大租界專條

二十六年拳匪亂畿輔俄踞東三省屢索不歸 命楊儒爲全權大臣與俄商辦接收東三省事宜東省暫約經楊儒辨論作罷另立正約

又 諭奕劻李鴻章陽電悉俄使以此事與各國無涉中國當置之不理其勢做不到若竟將俄約延宕不辦則東三省必不交還各國將效尤大局不堪設想體察情形若能乘機借力各國以圖牽制將不可允者如金州自治之權棄

除一款併力與辨但能做到勿占土地勿壟斷利權俾各國不致藉口亦權宜結束之一法婉商各使協力勸俄相讓勿徒與俄暗中爲難方臻妥善

又 諭奕劻等李鴻章佳電悉據日使所言電致出使各國大臣昨有旨分電各使轉向各外部婉向俄廷曲爲商減惟交還條件俄催速定固難延緩然各國既有煩言若置不理亦恐藉口羣起爲難此中關係甚重該親王等務當籌計萬全總期定約後各國不生枝節爲善第六第八第十二款必須商改鐵路直達長城向京一節尤關緊要第四款路工未竣不設兵隊應指鐵路遷防而言軍火禁入滿洲應與公約同時起不得永禁第七款將金州自治權廢除亦知孤城留之無益第恐各國指爲割地實據藉口效尤第八款路礦各利益非俄允不讓他國宜聲明中國自辦不在此例或中國借款先儘俄國十一款上項賠款可將全數或分出若干以他項利益作抵恐係注意陸路關稅及山海關鐵路等事必與言明須與此次公約各國利益相埒

又 諭奕劻李鴻章俄約應行商改各節第六第十二款並非已允成議第八款礦路一節必犯衆怒即使各國不行阻撓亦應婉切商駁况見在紛紛責言但能擇要商妥我可稍資補救即向各國亦可有詞今勢處兩難總期定約以後各國不另生枝節方安

又 諭諫電悉前格使負氣不肯相商約內應改各條第八條鐵路礦務由東北直抵西北所包太廣必犯衆怒第十二條鐵路修建向京直達長城一語尤爲危險均須竭力商改著奕劻李鴻章即電知楊儒向俄外部設法分辨該親王等相機與格使婉商酌辦合力補救改作專條密約保我政權利權不致各國有詞生釁是爲至要

又 諭奕劻李鴻章漾電悉據楊儒電稱與俄外部爭詰已允將前約略爲改動據羅豐祿電稱英濶侯云見正詰俄並商德美日中國止抱定四國未回信不違畫押俄不致別有加害據劉坤一張之洞電日外部稱駐俄英使已向俄政府詰以此次所索約款與去年宣布之言不符俄答以新約並無有礙中外條約之款不過表明俄國願辦之事仍可商議刪改中國速行簽定俄並無逼

求畫押之意惟聯軍未去北京之前不願即還侵地是俄並無決裂之詞逼求定約務望堅拒勿允中國如允此約各國必致效尤必致瓜分而後已是俄經英日詰問俄亦自知理曲與布告各國之語不符中國不難向其商改各等語詳覽各電俄既不認催迫定約且謂中國願速簽押是礙於各國公議有似轉圜之意奕劻李鴻章務堅持定見婉商俄使從容磋商務臻妥善又呂海寰電稱各使倘肯公同調停則公約速結再商俄約乃爲上策聞德索兵費三百兆馬克如西四月以前不能撤尙須加增等語是公約宜迅速議定該親王等迅即向各國妥議各款早定和局劉坤一張之洞屢請宣俄約或將此約交與各使閱看又據張之洞電陳俄約效尤之害一俄路駐兵令我供房屋糧食若效尤則蘆漢粵漢鐵路洋兵布滿中國二東三省只准設巡捕不准設兵若效尤無一敵四大綱十二條原有禁軍火一條前與英德電商須定年限覆電均云可以商酌今東三省另立禁軍火一條與內地有礙五北省沿邊蒙古新疆皆不准中國及他國人開礦造路須與俄商北邊萬里已非我有假如各國效尤英於長江德於山東日於閩法於滇皆不許中國自開礦路中國全境政治土地理財行兵之權皆爲人有且我於東北西北各省准他國人開礦造路尙是牽制維繫之策亦不能允俄人阻斷他國之請任其壟斷中國一機生機只在各國牽制一語豈可割斷六直修鐵路到京俄有護兵而不准我設兵此永遠危險不待效尤等語所論尙屬透澈奕劻李鴻章楊儒務當詳酌總期中國政權利權不致全失毋使各國效尤爲斷

二十七年 諭俄約限迫諒已遵照熟籌今各督撫及駐使紛紛電奏均以此約畫押則各國羣起分裂爲害甚重若不遽畫仍向婉商再改總以與公約不致兩歧則各國無可藉口縱使俄怒而不還東三省各國必出而公論必不致羣相效尤爲害較輕應飭全權向俄使切商妥改勿遽畫押公詢各國公使以滿洲礦路工商利益俄約獨佔鐵路至長城俄亦獨踞恐與公約有礙請各國合力向俄展限商改且請早定公約等語衆論相同自難輕率畫押此事關係甚大既無兩全之策則兩害相形自應從其輕者著奕劻李鴻章按照各電所陳妥細籌度辦理並令楊儒據此告俄外戶部中國已復遞國書相懇實迫於各國公議此約非改妥不敢遽定想俄主既實心保全中國必不忍強其所難坐視受禍也

又楊儒奏略曰光緒二十六年黑海晤見外部戶部均允撤退東三省大軍交還地方並請中國派員接收俄只留保路之兵當經電達李鴻章代奏在案惟是東三省在俄人自謂兵力取之一旦交還凡此次折傷士卒耗費資財以及積年未遂私謀均欲藉交地約章償其蓄志其歸我地方復我吏治自謂看重隣交其嚴防後患多佔便宜視爲應得權利此棘手情形實亦時勢使然時外部尙在黑海電促其同都開議迭次違電晤商均隨時電請代奏謹總其類末陳之方我之派員接收也放綽哈布爲黑龍江將軍由慶親王傳 旨增祺長盛先行接管時因東三省俄軍雲集京城消息不通英泰晤士報忽傳增祺與俄水師提督阿來克息甫派員訂定奉天交地暫章九款於我內治之權頗多牽掣乃電 旨方斥增祺暫章之謬斷難允行而外戶兩部尙以委員畫押爲詞堅求批准告以若不廢暫章決難開議正約彼始謂正約商議無阻自當勉從所請畫押之件外人視之甚重外部竟允作廢其注意正約可知矣此次約款雖由外部商議戶部實主持之初戶部口述約款大概有商放將軍派駐俄官限制稅章代理稅務購買山海關鐵路俄借款改按月付息等條侵我主權把持已甚屢次嚴詞拒絕而伊語氣甚堅不得已有暫與延緩之議奉電 旨仍飭堅持磋商力圖挽救因迭商外戶兩部告以俄聲言保我主權何兵權利權派官權一朝奪盡聲言不利土地何以見商東三省忽牽連蒙古等處暨中國北省據理力爭不稍鬆動慶親王李鴻章亦向俄使格爾斯多方開導彼漸知要索愈甚成議愈難故外部允就戶部口述各條刪去面交約稿謂經我君與戶部籌議可讓之處已無不讓一面飭格爾斯在京向慶親王李鴻章一再催逼格爾斯竟至負氣不商然細譯約稿不可允者尙多如禁用外人練兵因東三省而兼及北省之水陸師礦路工商利益因東三省而兼及蒙古

新疆各處滿蒙新疆鐵路不但禁他國人且禁中國自造北邊數萬里利權未免一網打盡奉電 旨駁款即譯成節略後附 才 另外指駁之款一併送交外部竟久不置答戶部且不肯晤商正在焦慮奉到 國書即日譯送並向外  
部重申前說因言中國難允之故實恐各國效尤俄屢言願作好樣今反作備  
二百餘年鄰好之謂何連日苦勸力爭外部始允奏請俄皇裁奪嗣准原稿刪  
改交來細核改稿計更改者六端北境水師不用他國人訓練全款刪去一也  
刪金州自治權廢除一句二也滿洲蒙古及新疆各處礦路及他項利益不得  
讓他人一節刪蒙古新疆各地名改滿洲全境三也滿洲禁造路及租地與  
人兩節均刪四也禁運軍火加照公約句即允我與公約同時起五也路工  
未竣不設兵隊改為應與商定駐兵地方即允我不設兵隊專指鐵路邊旁而  
言六也經 才 指駁允行者四端將軍大員辦事不合邦交改革職為調離一  
也滿洲內政巡捕兵與俄商定數目加地方平定以前一句二也巡捕兵供差  
不用他國人改為祇用中國人三也鐵路賠款改照公約所擬賠款意旨與該  
公司商賠四也外部出示改稿即述俄主之言曰見因 國書懇摯使臣苦心  
甚為感動准將中國駁款再儘力刪改一次等因見改款復經我君核准即為  
定稿限十四天畫押逾期則交收作罷 才 詢以各國藉口效尤將何以應俄  
素欲保全中國豈願從此多事外部言此約定後即登官報宣示環球滿洲自  
我得之自我歸之誰能援例越五日外部特約語言限期已促如逾限不訂再  
議交收勿復言友好揣其詞氣已存一成不變之心屢次聲明執定一字不易  
之說蓋自三次刪改後遂堅執到底不肯展期此與俄議約之實在情形也 才  
雖至恐亦不敢出此况事體重大所宜統籌全局參酌輿論即 朝廷博訪  
周咨亦未便聽一使臣之言罔顧衆論徇一鄰國之請開罪列邦夫中國公論  
惟各督撫知之最真各國公論惟各使臣探之最確該督撫等所述情形諒必  
審事機之利害權流弊之重輕當非漫無所見故 才 元電即有應俟各國答  
覆之議辰電亦有應探中國衆論之言而外部限期脅制拒見公使輕卸 國  
書與格爾斯在京催逼情形恟喝逞蠻無所不至又駁駁乎有決裂之勢正恐

貽誤大局辱命強鄰焦灼悚惶一籌莫展伏讀電 旨諭以不違畫押僅只激  
怒於俄畫則羣起效尤分據其禍尤速並飭 才 婉告俄外部中國為各國所  
迫情形非展限改妥無礙公約不敢違行畫押請格外見諒等因時外戶部久  
已拒商屢詣不見至二月初五日戶部忽來約晤但稱當發趕急電催中國速  
給切實之權次日外部亦來邀去但稱次晨須見俄主如無畫押訓條即不  
允此約入告語畢即起不容置詞初七日奉 旨趕速撮要譯交外部彼閱畢  
但言今我無話可說以後情形請中國自看嗣是迭奉電 旨彼竟不收亦不  
閱矣俄主旋飭各部會議此事甚為秘密無從探知旋俄官報登俄廷聲明東  
三省議約旋又停商緣由首叙東三省肇事暨京津勦亂合議公約俄屢襄助  
中國情形次言撤兵交地總須訂約末言各國既因此約之故大與中國為難  
俄雖撤兵不克速辦交地一節應俟中國事定京都立定自主政府力量稍強  
保無後患方可再提至目下辦法俄廷仍不敢改屢次聲明宗旨以保安邊界  
而靜候事機等語暫不交還遂自此定議矣此俄約非改妥不敢畫押遵 旨  
告俄廷遂爾停商之實在情形也見在接收之事我如不問料彼決不相催我  
縱相商恐彼驟難聽命夫曰中國事定立定政府尚可計日以待至云力量稍  
強保無後患未知究指何時力強而彼謂不強無患而彼謂有患又將奈何至  
靜候事機一語意更叵測見彼聲明之文似已預留地步夫東三省為我 朝  
發祥之地 陪都在焉 列聖陵寢在焉萬無不收復之理俄豈不知異日再  
議交收增款乃在意中河論刪改代守須加費不止賠償在彼待價而沽要索  
必倍若更蹈瑕進步永據無疑此時日英德等因其助我以拒俄乎其踵俄以  
窘我乎藉口效尤何問今昔福建長江山東何處非東三省何處無俄此 才  
鯁鯁過慮而早夜不安者也至目前俄以約事敗於垂成雖係牽制於人未免  
遷怒於我以歐洲最強之國萬餘里連界之邦伺閒乘虛亦大可慮鄰交從此  
棘手邊務從此戒嚴中國從此多事應如何圖維善後補救危機籌暫時應付  
之方謀異日轉圜之策擬請 飭下王大臣六部九卿各督撫使臣妥議東三  
省善後事宜先事綢繆計畫或聯外援以自固或整內治以自強戮力一心統

籌全局上釋 九重之宵旰預防強敵之憑陵天下幸甚

二十八年 命王文韶爲全權大臣與俄使雷薩爾訂接收東三省條約

二十九年以俄艦至南洋飭岑春煊等預防內亂

又 諭禁商人運煤接濟俄艦

又 飭福州將軍崇善嚴守船政廠以防俄艦侵犯

俄國逃艦六艘駛入吳淞一律下旗聽受約束

照會日俄兩國不幸失和見在開議和約曾在中國疆土用武倘和約內有

牽涉中國事件凡未與中國商定者一概不能承認電知出使大臣

宣統三年派陸徵祥修改中俄通商條約

又外務部奏查光緒七年之約原以收回伊犁爲重而以通商徵稅爲輕見在情勢已殊邊境交通漸便商務亦較前興旺前光緒三十四年俄請設立烏里雅蘇台領事本部以照約設領是已認爲商務興旺應即同時議訂稅則俄使謂應先行認允設領稅則可俟釐定商酌時再議此次修訂商約應先提議稅則就其所已許以取因勢利導之功能將舊約免稅一條作廢裨益亦非淺鮮此外關於通商各事均應商改取益防損如有未能解決問題即仍暫照舊約辦理

臣謹案日俄戰後轉爲日俄協商以滿洲東蒙古爲日本勢力圈以北蒙古新疆爲俄勢力圈各不相妨宣統三年俄人以六款要定約外務部於各項承認而隨時提議加稅仍不退讓俄使發最後通牒如屆期不完全答復則本國應自由進行其時黑龍江吉林奉天警電紛至均云俄兵南下於是政府大駭於限期前一日全部允諾

皇朝續文獻通考卷三百三十七

賜進士出身頭品頂戴前內閣侍讀學士臣劉錦藻恭纂  
外交考一

臣謹案自海禁大開百夷鑿集內設總理衙門以理其事外定通商口岸以羈其人條緒紛雜百難俱起於是租地分界之議日聞而行船漏卮之談日喧始則爭於邊徼繼且橫於內地終則滅藩屬奪治權浸以夷風撓我禮俗而亂作矣我國臣民乃見異思遷捨所學而學之至於光緒之季金幣盡於和戎路電疲於春杵大難屢作本以日撥說者動謂我國不動遠略坐以自拙不知四民噍號而無樂生之心羣學失宗而乏振興之統近且不治何言遠耶善乎呂覽之言曰先王方千里之國所以極治任也非不能大也其大不如小其多不如少然則內政不修而欲四鄰之欽不可得也故治道必本於身舍禮道曷以哉是以古人懷於馭朽畏於民暴不敢以侈心掉之不憂萬國之不朝而憂一夫之失所兢兢乎天命人心為之紀綱法度以揚之其緒餘以為國土直以為天下豈若是難哉 皇朝通考訖乾隆五十年我為上國率土皆臣無所謂外交也理藩而已外洋各國嚮慕慶祝而至者各修朝貢略具互市故未列外交一門嗣後中外情勢視前迥殊矣今考道光以來措注之迹得失之故析為四類曰交際曰界務曰傳教曰條約俾講外交者粗得覽焉

臣謹案 國朝嘗遣使册封朝鮮琉球越南等國矣此自撫其藩屬非外交也時勢所迫特設專署由遣使而駐使尊國體覘敵情若何其繁且重哉彼方膺斯任者率終其身而我或有以此為終南捷徑者宜乎勝負之懸殊也纂交際一類凡使臣往來客卿禮遇以及僑民雇傭備敘顛末為朝野攷鏡之資云

咸豐十年 諭京師設立總理各國通商事務衙門著派恭親王奕訢大學士桂良戶部右侍郎文祥管理候補京堂崇厚著作為辦理三口通商大臣駐紮

天津管理牛莊天津登州三口通商事務其廣州福州廈門寧波上海及內江三口潮州瓊州臺灣淡水各口通商事務著署理欽差大臣江蘇巡撫薛煥辦理新立口岸除牛莊一口仍歸山海關監督管外其餘登州各口著各該督撫會同崇厚薛煥派員管理

臣謹案總署初設祇簡三人嗣後增至八九人不等光緒二十七年改為外務部詳載職官考可參觀焉

十一年 諭據恭親王奕訢等奏嗜嗜斯聲稱廣州潮州府城開辦通商領事官欲往府城惠潮嘉道不令進城並呈遞照會請飭廣東督撫酌量辦理等語已諭知勞崇光等體察民情照條約酌量辦理矣奕訢等總理各國事務如各省督撫辦理各國事務其未盡妥協之處經該國公使呈訴即當酌量事之輕重飭各督撫遵照施行一面奏聞使各國知總理衙門事權較重遇事可以代為辦理若因該國所請事事降旨不但無此體制且恐各國視總理衙門不過僅能轉奏必啟輕視之心於事無益嗣後各國公使如求奕訢等奏請諭旨即告以應由總理衙門札飭各督撫遵照條約辦理未便據情奏請

是年俄派把留捷克英派卜魯斯法派布爾布隆來華駐京

臣謹案是為三國派駐使之始嗣後同治元年美派蒲安臣德派列斐士時稱普魯斯五年比派金德俄固斯德由訂約專七年日斯巴尼亞派年改為德意志克維度十年奧派嘉理治向駐東京十一年日本派副島種臣俄使代光緒元年祕派愛勒護五年義派盧嘎向駐日本交涉日繁接踵而至矣

同治六年總理各國事務衙門奏派章京志剛孫家毅使西洋有約各國

臣謹案此為中國遣使出洋之始由上海放洋以美人蒲晏氏為參贊故先至美以後使臣不復具載

八年總理衙門咨查各國招工一事本衙門於同治五年會同英法兩國公使議定章程二十二款畫押蓋印奏明通行在案見在通商口岸各國舉辦招工者自必按照二十二款章程辦理惟澳門一處中國見無駐紮官員各

國洋商難免有不按章程私自招工出洋之事本衙門見復通行照會各國公使凡係無約各國一概不准其商人設局招工其船隻不准搭載工人出洋華民亦不准承工前往凡招工者止准有約各國之商設局辦理承工者止准往有約之國裝載工人者止准有約各國之船均須按照前章辦理至澳門一處即有約之國亦不准其商人在彼設局招工私載華民亦不准往彼處承工其通商各口華民與有約各國商人合同由該口地方官委員會同監督稅務司詢問工人情甘出洋之據查明實係有約各國之船方准載之出口

十二年又復五國公使書 接准來函仍以古巴華工一事疑本大臣節略詞意尚涉誤會查此事前因日國大臣以並無凌虐華工情事中國不准按二十二款招工中國應有賠償中國以日國古巴地方有凌虐華工情事是以暫停招工公議由中國派員往查如有凌虐中國不應賠償不准再行招工如無凌虐中國應賠償日國今據委員查取供呈即謂未經逐案根究而其有凌虐情事與從前各國領事官公論及美國前大臣鑒照會所言各節相同固有確然共見者所以列位暨丁大臣謂中國賠款作為罷論並允送還身有傷病等人其明驗也本大臣因列位暨丁大臣願於未經評論之先妥商辦法是急於拯救見時苦受凌虐華工之意與本大臣同感此雅意不復堅執不准招工之議然必俟保全華工實力辦到始能再議招工將來仍應照二十二款辦理丁大臣照會本衙門有中國既准英法照款招工不准本國照辦豈不違潤及同沾之語而待本國次於他國又謂出洋時必須定明年限並言每日工作不越九點半鐘每禮拜日止工是日倘欲作工得利應歸己用至工人之衣食與來往盤費招工者均應一律發給若工人偶得疾病招工者必須延醫調治皆與二十二款相符是丁大臣亦急欲照款招工並未欲廢款也豈有原意急欲照款招工今既查明復承列位調處而轉議廢款之理若謂從前既有二十二款何以仍有各種不妥情事不知是因未守款所致非因守款所致也見在此案有丁大臣所議條款一紙

列位所議一紙本大臣所議一紙三者用意均在保全華工本大臣並無誤會所以未能恰合者本大臣意在先救見受凌虐之華工足以表明能保將來之工而後可辦招工列位與丁大臣之意在保工與招工並舉總而言之只須先辦保工招工一節即有新章祇須無背二十二款此議即可有成彼此用意雖小有參差而大致並無不同若急於招工而不先辦救見在之工警諸室廬被火未救而議將來修整堅固即以為保護見在被火之室其可得乎此事之議既有三項條款本大臣擬將三者可行之條合成一仍不背二十二款茲特將合成為一者另繕清單實係平心靜氣力期辦成即請查明定議至此來函本大臣有不得不坦白言之者公評與調處其事雖異其欲有濟則同公評論理仍不戾乎情調處論情仍不外乎理公評勢難兩全調處期於各得既欲調處總以兩家之意權衡得中為至公至當至來函有不願認陳委員所查之意見在既議調處本大臣並不執定此言即將前送之條款內各國認明一條暫勿深論亦無不可至列位暨丁大臣所擬條款原非獨為一面即本大臣所擬既允於拯救見在華工之後仍照二十二款招工亦非專為中國且與列位暨丁大臣所擬有許多相同之處若謂彼議須全照辦此議一無可采似與列位調處之美意未能符合列位所論其益有八其一若論此事中國亦應向日國討凌虐之賠償既經調處彼此不用賠償立意不盡在中國也即見公允之實際其二查不立合同無從稽核且足滋弊且欲到古巴後始立合同設到彼處工人不願照合同承工何以回華二十二款所載立合同辦法正所以杜客頭拐匪妄行強騙之弊其三則不待承招自行出洋本係毫無查禁二十二款總條已經載明如美國新金山處華人皆係如此所以美國續約內載別有招致之法均非所准今既云招工不能不按二十二款辦理至謂古巴目下所有未合之處必勉力芟除以廣招徠極為美意果能實力辦理則不待承招自行出洋之華工有不爭趨恐後載華工之利亦日商之利也其四工約之利否即視議定之款妥否為斷其五將有身分並身帶疾病者送回已見列位公平之實際但本

大臣前送條款內所指老年幼婦女等項人未經言及一并送回中華及已滿工之人仍須照年月日所送合爲一款辦理方臻妥協其六已滿工之人應由原招之日商照二十二款給資送回中國並給予滿工及出港憑據未滿工之人照年月日所送合爲一款除目下未合之處勉力芟除外一律多增工價以便自備回國川資惟工滿後亦必給滿工及出港憑據如此分別辦理皆非日國不能做到之事其七中國設官後應如何妥辦固須詳定善策其未設官以前須由日國盡力保全即此時各議未定如日國確有實惠爲各工人申理中國亦必有所聞也其八俟實力辦到方臻利益此等利益華工固藉以保護日商亦藉以招徠行之有效則列位暨丁大臣之美意將見傳頌全球豈不快哉再本大臣尤有顧慮之端見經列位暨丁大臣同心保全華工不得不切商者陳委員在古巴時鈔譯日國國家所立章程即與日國大臣向本衙門照會招工情形有不符之處如章程內做工時刻或十數點鐘而日國大臣照會所開則係九點鐘至日商所議章程又與日國國家章程不符且有日國國家並未批准而日商公然行之者備此次議定日後日商仍舉從前公私各章以爲說所議豈非虛設應如何核定畫一之處應由丁大臣妥籌定議即如工主自設監獄一節工人即有過失何至被工主私獄監禁而工主豈應設監獄之人此事豈非虐待之明證聞日國之待黑人如此華工非黑人可比日國豈可如此蔑視况各國之待黑人尙不至此耶中國與泰西各國皆日國友好之邦設泰西各國人經日國如此相待能乎否乎來函所云中國不能以日國未准各國領事施行之事而欲中國官獨操然日國亦宜以待各國人之例待中國人何獨以待黑人之例待我中國人也且各國之例彼國人至此國者即歸此國官管束而各國人至中國者遇有交涉案件中國人照中國律例歸中國官辦理各國人照各國律例歸各國辦理條約所載大抵如此以中外刑法不同向來辦事亦均如此今日國待華工如此日後中國必須設領事官於古巴按照條約遇有華工案件一經會訊確有過失應由中國自行懲治其未經設立中國領事之

時日國亦不應以待黑人之法相待如禁止工主自設監獄等事此理極平極淡望列位秉公議之如來函所云彼此兩議廢於半途本大臣極不願如此致列位調處之美意終成虛語所有合而爲一之條款亦多有與列位暨丁大臣所擬相合所招既係華工其如何保護本大臣自應平心參酌明知列位暨丁大臣已爲委曲代籌然雖代本大臣言之必不禁本大臣自言之也

臣謹案自海禁開後有以中國人傭於外國者亦有以外國人傭於中國者其始訂立合同未嘗不兢兢焉亡何我之爲人傭者奴隸之牛馬之極枯槁筆無天日而人之傭於我者且鴟張跋扈不可理喻豈彼族性情果殊歟抑我之所以駕馭之者失其方歟

光緒元年總理衙門奏前因儲才出使條議 臣衙門先後奏請 簡派英美日秘等國使臣奉 諭候補侍郎郭嵩燾候補道許鈴身著出使英國候補三四品京堂陳蘭彬同知容閱著出使美國日國秘國見在滇案已經議結直隸督臣李鴻章與英國使臣議定條款內有 簡派使臣齋奉 聖書前往英國表明惋惜一條是前派出使英國使臣亟須刻期出洋其美日秘魯等國既經派定亦應前往所有出使經費自應酌核定數以便開支查同治四年 臣衙門奏派斌椿並同文館學生等遊歷外洋暨同治六年奏派志剛孫家毅及蒲安臣等出使各國均因事屬創始所需經費無由核定先由總稅務司赫德墊發俟出使事竣動用三成船鈔及輪船變價銀兩分別支銷同治九年 臣崇厚出使法國雖經查照前次出使費用動支津關八分經費亦係酌量給發並未議有定章此次使臣常駐各國事期經久與歷屆情形有異見經奏准動用各海關六成洋稅尤宜撙節動支以昭核實查泰西各國派駐中國人員向係分別使臣及參贊繙譯領事官支給薪水見在出使外洋自應分別等差核給 臣等公商擬除往來火輪車船貨公館寄信費用公會公宴一切公件難以豫算應准隨時酌核作正開銷外所有公使並隨帶各員每月應需火食包車雇車價值跟役工價飯食等項分別月給俸薪自二百兩至一千四百兩不等謹擬清單

呈

覽  
清軍職  
官考錄

臣謹案郭嵩燾使英兼法義比陳蘭彬使美兼日祕是為中國遣駐使之始日本無附近之國次年特置專使節許鈐身副以何如璋許旋罷何任正使張斯桂為副亦駐紮焉

又奏前因出使各國每年俸薪等項約需銀五六十萬兩擬請於各關六成洋稅項下提撥會同戶部具奏在案臣查此次簡派使臣分駐各國統率參贊領事等官辦理一切交涉事件責任既甚重大經費尤覺繁多且事屬創始並無成案可循自應明定章程以資遵守而昭核實謹擬章程十二條繕單呈覽

一擬由禮部鑄造銅關防頒發出使大臣各一顆以昭信守其文曰大清欽差出使大臣關防未頒發以前先刊木質關防行用一出使大臣擬自到某國日起以三年為期滿由臣衙門請簡大臣接辦副使一律辦理一使臣分頭二三等名目此次辦理伊始業經派出各國大臣擬請均暫作二等一使臣所帶參贊領事繙譯等員應由該大臣酌定人數開列姓名等項知照臣衙門查核各員亦隨同使臣以三年為期滿奏獎如有堪留用者應由接辦大臣酌留倘不能得力亦即撤回一使臣到各國後除緊要事件隨時陳奏外其尋常事件函知臣衙門轉為入奏一使臣有兼攝數國事務者應如何分駐之處由該大臣酌定知照臣衙門查核一使臣月給俸薪請照實職官階支給惟原擬二三品充二等欽差者一千二百兩三四品充三等欽差者三品一千兩四品八百兩其四品充二等者未經議及今擬月給一千兩各國副使月給七百兩一使臣有兼攝數國事務者俸薪毋庸另加副使一律辦理一使臣以下各員月給俸薪自到某國之日起各按應得銀數支給扣足三年期滿停支如接辦大臣未到期滿大臣尚未交卸應按在任日期算給俸薪俟接辦大臣到後停支副使以下一律辦理其參贊領事繙譯等員如經留用者俸薪即從年滿日期接算支給一使臣以下各員由中國起程及由差次回華行裝歸裝均需整備所

有往返兩項整裝擬各按三箇月俸薪銀數支給一使臣等俸薪及往返盤費駐紮各國一切經費由該大臣按年造報一使臣等俸薪及一切經費由江海關彙齊按年匯寄

又奏略稱欽差大臣署禮部左侍郎郭嵩燾等奏稱此次遣派公使實為創行之典請酌定參贊二員繙譯四員其餘文案武弁醫生均應分別調派英國三島並無華商貿易無從設立領事而所轄南洋沿海地方如新加坡孟加拉檳榔嶼錫蘭等處華民流寓至數十萬人應否設立領事須俟察看情形所帶參贊文案各員皆可酌酌委派奏明請旨其應用工役並由公使攜帶不別開支經費等語臣等公同商酌請將該大臣等派允參贊之布政使銜貴州候補道張自牧作為二等參贊官江蘇候補知縣梁昌作為三等參贊官派充繙譯之兵部員外郎德明戶部員外郎鳳儀均作為三等繙譯官此外如有應用外國繙譯由該大臣等隨時酌定連中國繙譯在內不得過所定四員之數以示限制至請將刑部主事汪樹堂候補通判張斯桐廣東候補知縣李荆門候選縣丞羅世現等四員派充文案查臣衙門前奏出使經費摺內祇有隨員醫官並無文案名目應將隨帶之文案四員作為隨員各按月給俸薪二百兩之數支給此外無須另調人員以節糜費至英國三島無從設立領事而所轄南洋新加坡等處華民流寓數十萬人倘應設立領事所攜參贊等員皆可酌酌委派應如所擬辦理各該員出洋時應得行裝銀兩准照奏定章程各按三箇月俸薪銀數支給俾利進行如有不能得力及緣事未能隨往者所得銀兩應飭繳回以重款項

又出使美日祕等國大臣陳蘭彬等奏略稱美之金山日之古巴祕之嘉里約等處華民較多應設領事等官料理查美國各邦華人約共十四萬餘計金山一帶已有六萬大半係僱力謀生近因外來洋人及本處工人積不相能事端百出自須亟設領事以資保護臣等公商見帶隨員候選道陳樹棠穩練老成堪以派充總領事駐節金山惟該處交涉事件紛繁開辦之初必得情形熟悉之洋人襄助查有金山洋紳傅列祕前此遇事屢為華人排解尚堪任使當



即派充金山領事隨同陳樹棠辦理

又奏<sub>臣</sub>等奉 命出使日斯巴尼亞國該國有古巴屬島距其國都約二萬三千里有奇同治十三年春<sub>臣</sub>親往查看見有華民六萬餘人在彼傭作苦工嗣經總理衙門與該國訂優待華民條件第十六款於去冬互換應即遵照辦理設立領事等官前往駐節以資保護見查所帶隨員戶部候補主事劉亮沅練達持重堪以派充總領事候選同知陳善言諳習洋務堪以派充領事當經發給委節照會日國外部惟是開辦之始事務較繁節委戶部筆帖式廷鐸候選州判劉宗駿候選縣丞譚乾初從九品楊榮忠隨同經理

<sub>臣</sub>謹案東西洋領事不但直接公使已也且可徑電其外部及政府殫全國之力以保護旅外之商民故商民有恃無恐以行其殖民政策我國力既不逮而為領事者泰半無學術無經驗不自知所領何事奚望其宣

上德嚮 國威也有自愛者廉儉自持用以敦厲末俗庶有孚乎

又 諭總理衙門奏申明各國條約請飭各省遵照一摺洋人入內地游歷條約內均經載明必須請有執照蓋有中國印信經過地方隨時呈驗放行倘有不法情事亦載明就近交領事官辦理沿途祇可拘禁不可凌虐如非體面有身家之人概不許給與執照條約本極明晰地方官不難分別辦理近有英國繙譯官馬嘉理在雲南邊境被戕一案其為何人戕害業派李瀚章馳往查辦嗣後各省督撫務當通飭所屬地方官細核條約本意遇有各國執持護照之人入境必須照約妥辦以安中外而杜弊端

三年總理衙門奏奉 派出使日本國大臣翰林院侍講何如璋出使德國大臣光祿寺少卿劉錫鴻均應照定章作為二等查章程內於五品充二等 欽差人員未經議及今何如璋劉錫鴻俱係五品官階其每月應支俸薪臣等酌擬請均照四品充二等者月給銀一千兩以示體卹 再出使德國臣劉錫鴻奏請派同文館學生廣音泰蔭昌為四等繙譯官以該學生學習德文雖通門徑而於繙譯漢洋文字恐尙未能精通添派學生慶常一同前往以備任使先後奏准作為三等繙譯官照章給予整裝銀各六百兩在案查德明等五員均

由同文館學生派充出使英德兩國繙譯官惟廣音泰蔭昌二員查其在同文館充當學生年分較淺繙譯功夫視慶常德明鳳儀三員亦遜<sub>臣</sub>等酌擬將廣音泰蔭昌二員作為四等繙譯官月定俸薪一百五十兩俟到國之日起支其以前照三等繙譯官給過整裝銀兩暫免追繳以示體恤 再查出使大臣等自到某國後照章應俟三年期滿始能回華給予歸裝銀兩惟其中倘因各項事故未能俟至三年者自應分別辦理<sub>臣</sub>等公商除緣事撤回因病開缺人員未滿三年回華毋庸支給外如有丁憂身故之員歸裝一項無論已未三年期滿均准一體開支以示體恤所有副使以下各員並准一律照辦至使臣自到某國後除本員火食車價跟役工食係由該員月給俸薪項下自行支給此外一切公用作正開銷其餘隨帶之武弁供事學生每月每人約須百兩內由使臣屆時酌定准數作正開銷奏准在案此次遣使兩洋事實創始款項自難預定然亦須事事核實撙節以免虛糜請 飭各出使大臣將出洋盤費及到某國後一切經費凡係作正開銷之款務須照章俟一年期滿後分晰逐款造報<sub>臣</sub>衙門按其每年用款若干再行酌中定額奏明辦理 再前據李鴻章李宗羲王凱泰等先後條陳以各國宜選明白洋務之人隨時遣使以宣威信通情款各國如何情形隨時馳報庶幾耳目較靈不致中外隔閡等因是出使一事凡有關係交涉事件及各國風土人情該使臣當詳細記載隨時咨報數年以後各國事機可以洞悉即辦理一切似不至漫無把握查外洋各國虛實惟出使者親歷其地始能筆之於書况日記並無一定體裁辦理此等事件自當盡心竭力以期有益於國倘一概隱而不宣竊恐中外情形永遠隔閡而出使之職亦同虛設可否 飭使臣將大小事件逐日詳細登記仍按月彙成一冊咨送<sub>臣</sub>衙門備案查核即繙譯外洋書籍新聞紙等件內有關係交涉事宜者亦一併咨送以資考證 再奏定章程內開使臣自到某國之日起以三年為期所帶參贊領事繙譯等員亦以三年為期年滿奏獎有堪留用者由接辦大臣酌留此係指三年任滿者而言如有使臣未歷三年更換者所帶參贊等員除同文館學生充當繙譯官者應令仍在各國當差外其原帶之參贊領事洋繙

譯各員是否堪留由接辦大臣酌定其留用各員准自到某國之日起算扣至三年期滿如果當差無誤分別奏獎毋庸俟接辦大臣三年任滿後始行獎敘以示鼓勵倘或始勤終惰即隨時撤回學生元繙譯官者亦一律照辦至使臣奉旨有特辦事件而回華未滿三年者所帶參贊等員不必拘定三年奏獎期限又未滿三年回華之使臣任內一切事件接辦大臣未到仍令逐款造報以免轉轉使臣及參贊各員未三年回華者所有應得俸薪均自該大臣卸任之日住支仍令遵章如非丁憂身故只准開支回華盤費不得給予歸裝銀兩以嚴限制

又奏等遵議具奏英國副使可否裁省一摺奉 諭前經簡派三品銜候補五品京堂劉錫鴻充出使英國副使著改派該員充出使德國欽差大臣並賞加二品頂戴欽此茲據該大臣致等函稱接南洋大臣咨知奉 旨改派出使德國並稱隨帶人員以繙譯為最重要洋繙譯官已擬將總稅務司赫德所薦之博郎派充並請派同文館學生廣音泰蔭昌為中國繙譯官飭令作速前來其他隨帶人員由總理衙門揀派兩員俾資臂助查同文館內設立德館最遲且德國文字較難於他國故見在德館學生堪膺繙譯之任者尚難其選等與德國使臣巴蘭德會晤詢以各國欽差駐紮德國來往文信是否必用德文抑可通用英法等國文字巴蘭德答言英法文字亦可通用但須預先告知熟悉何國文字即用何國之文等語茲該大臣來函欲派德館學生廣音泰蔭昌前往查與章程符合自當飭令整裝起程惟查該兩學生習德文雖通門徑而於繙譯漢洋文字恐尙未能精通等擬再添派法館學生慶常一同前往以備任使至該大臣所稱由 衙門另派隨帶兩員查出使隨帶人員必該大臣素所深信性情契合之人方可期其得力且亦有所責成若由 衙門代為選派殊與章程未符請 飭該大臣自行揀派奏調以符定章

又出使大臣何如璋等奏 等自去年到東以來各口華商紛紛稟求設官保護查日本通商口岸共有八處除新瀉夷港二口尙乏商人無庸議設領事官外橫濱築地兩口擬設正領事官一員業將隨帶正理事官候選同知范錫朋

派充神戶大阪兩口續調候選同知劉壽鏗派充長崎一口將隨帶副理事官內閣中書余璣派充至箱館一口華民祇二三十人未便遽設理事官又距別口太遠勢難兼顧經與該外務省商辦有案暫由該口地方官代理隨時移知橫濱理事官查照或遣員前往審辦或即移解橫濱其交涉詞訟一面由 等再與該外務省妥籌善法所有三處分設理事官各宜分派西學繙譯官一員隨員一員均於隨員中揀派前往隨同辦事並飭就地舉董藉資鈐束聯絡惟前隨帶西學繙譯自美人麥嘉縉外祇有沈鼎鍾張宗良二員經三處分派即不敷用是以續調候選州同梁殿勳來東充當繙譯隨員又函請總理衙門派同文館繙譯學生前來嗣准咨經附片奏派戶部學習主事楊樞在案至東學繙譯最難其選因日本文字顛倒即求精熟其語言者亦自無多 署只得暫覓通事二名該三處理事官亦各飭令就地覓一通事以供傳宣奔走之用

四年總理衙門奏 略稱五月 衙門奏請 簡派使俄國大臣奉 諭吏部左侍郎崇厚著充出使俄國欽差大臣七月 諭崇厚著作為全權大臣便宜行事又 諭一等毅勇侯候補四五品京堂曾紀澤著派充出使英國法國欽差大臣查崇厚曾紀澤奉 命出使俄英法各國按照定章均應作為二等惟崇厚奉 特旨畀以全權大臣之任查西洋各國凡充頭等使臣者有代君行權之責從不輕以除授擬請嗣後使臣如非實任一二品及有應辦事件者毋庸 賞加全權字樣以示區別至曾紀澤以前大學士曾國藩之子承襲侯爵加恩以四品京堂候補爵秩較崇自應量予優異可否比照二三品充二等者辦理如蒙 俞允應即行知照章支給

又奏前據出使英國大臣郭嵩燾奏稱英國屬地新嘉坡擬設領事官委道員胡璇澤充當據英國外部照覆以按向派領事之例於派充領事之時發給該領事派充敕書一道並由英國君主應給識認領事敕書一道查中國辦理此等事件向未定有章程無憑查照當由郭嵩燾照錄 衙門具奏奉 旨之案作為文憑知照英國外部發給執照茲又據郭嵩燾咨准外部覆已將來文轉咨屬部飭新加坡總督暫認胡璇澤為中國駐紮新加坡領事官一面仍應

等候該員文憑本國君主敕書須待本部接到胡領事文憑之後方能給發查  
出使東西洋各國該處有應添設領事官者發給文憑均須一律辦理此次新  
加坡設立領事官英國外部須以文憑爲領事官之信守所有胡璇澤文憑自  
應由臣衙門奏明繕辦頒發並請嗣後於外國設立領事官如須繕給文憑者  
一併援照辦理

又奏出使章程內開一擬由禮部鑄造銅關防頒發出使各國大臣各一顆以  
昭信守其未頒發以前先刊木質關防行用除崇厚已由禮部鑄造關防外查  
出使英法法大臣會紀澤尙未前往接任前次臣衙門刊給郭嵩燾等木質關  
防業經奏明銷燬自應照章另行刊給銅質關防以資行用俟該大臣行抵倫  
敦接任後即將此項木質關防繳銷至英國新嘉坡領事官前派胡璇澤承充  
並由臣衙門給予文憑其需用關防據郭嵩燾咨商候臣衙門頒給當經查復  
以該處應辦事件悉由使臣主裁此項關防亦應由使刊給查日本新設中國  
領事官經使臣何如璋等咨明刊給鈐記行用似可一律辦理旋據郭嵩燾咨  
復以新嘉坡距英國程途較遠與日本各口領事官情形不同西洋公例一切  
取信國家若由使臣刊給關防不足以昭慎重仍請查照前咨辦理自應由臣  
衙門刊刻頒發茲已仿照日本領事官鈐記式樣刊就發交會紀澤轉給行用  
又奏據出使英法法大臣郭嵩燾奏新嘉坡設立領事懇給俸薪據原摺稱准總  
理衙門咨覆查上年奏請設立領事摺內有在新嘉坡諭知胡璇澤但允發給  
開辦經費其應支薪水聽從籌畫等語今准咨稱領事繙譯等俸薪由江海關  
道歸入出使經費內匯撥自係變通前奏辦理應由臣專摺奏明臣自受命  
出洋以來實見開支使經費益繁多領事保護民商尙有身格紙費足資  
籌畫是以舉胡璇澤以爲例非謂各國選派領事皆應開支經費獨新嘉坡一  
處可以責成籌辦也國家所定經制須歸一例不能以胡璇澤一人獨示區別  
至該處所收經費自應責成按年開報抵銷所支薪俸其需用人員文案委員  
亦不可少繙譯之設專取傳達語言領事能通知該處言語繙譯一節即可從  
省乞 飭總理衙門仍照定章發給新嘉坡領事及委員等俸薪從開辦之日

爲始均歸出使經費內開支所用委員亦責成使臣酌核名數咨報總理衙門  
以昭畫一查上年郭嵩燾片奏領事之名可立領事之費不可多各口民商盼  
望保護皆願湊集領事經費在新嘉坡諭知胡璇澤但允發給開辦經費其應  
支薪水聽從籌畫報銷胡璇澤亦欣然允從南洋各埠應令胡璇澤切實考求  
即飭作爲南洋總領事仍統歸南北洋大臣及兩廣總督就近經理等因當經  
臣等以新嘉坡須設領事該大臣擬委胡璇澤承充應即作爲新嘉坡領事官  
南洋各埠相隔甚遠南北洋大臣等勢不能節制該大臣擬飭胡璇澤作爲南  
洋總領事應請從緩妥籌議給開辦經費不給薪水即就中國流寓民商願出  
戶口年貌等費內報銷開支係爲力求節省起見各處情形有與新嘉坡相似  
者即照此一律辦理嗣據北洋大臣咨准郭嵩燾咨胡璇澤駐節新嘉坡領事  
所需經費未據總理衙門核定似應照奏定出使經費通行章程正領事官月  
給薪俸五百兩領事處繙譯官月給薪俸三百兩即由報明開辦之日起飭江  
海關道就近匯交其中國流寓民商願出戶口年貌等費每年若干令該領事  
據實詳細開報酌核抵銷經臣衙門咨令詳細察核咨復據郭嵩燾咨新嘉坡  
領事經費應自胡璇澤具報開辦之日起支所收商民船牌及身格紙費飭由  
領事據實開報扣抵臣衙門復咨令專摺奏明今郭嵩燾奏請仍照定章發給  
新嘉坡領事及委員等俸薪應請查照定章照數支領胡璇澤通曉西洋語言  
即毋庸添設繙譯以歸節省至領事官需用文案委員之處查臣衙門前議復  
郭嵩燾等奏隨帶人員摺內聲明出使章程祇有隨員醫官並無文案名目請  
將該大臣等隨帶之文案作爲隨員按月照俸薪二百兩之數支給見在新嘉  
坡領事處需用人員未便創立文案名目應令查照奏案將文案委員作爲領  
事隨員照使臣隨員酌減月給一百六十兩稍示等差該領事應用隨員名數  
仍由該大臣核定後咨報臣衙門查核所有領事及隨員等俸薪等項均自開  
辦之日起支統於出使經費內發給仍彙入一年期滿奏銷冊內列款請銷至  
該處所收身格紙費等項臣衙門前咨復郭嵩燾以見與日國有議訂招工章  
程華人前往新嘉坡可按此章程商辦所有出洋身格紙費無庸另議以歸一

律惟出洋船牌費一項各國征收有無異同轉飭胡璇澤詳細稟復應令該大臣查照前咨即飭胡璇澤將船牌費查明稟由該大臣咨復併將年收船牌費若干抵支開辦薪俸等項不敷若干再由出使經費內撥給以昭核實

五年出使英法大臣郭咨北洋大臣茲准英國外部將英君主頒給識認敕書連同送驗文憑一併函答前來除飭發胡領事祇領外合將英君主敕書照譯黏呈 英國大君主維多利亞奉上帝意旨爲大英及愛爾蘭合國君主維多利亞誠心保護曉諭忠愛百姓事中國國家頒發文憑一道派胡璇澤爲駐紮新嘉坡領事官本君主允胡璇澤爲中國國家領事今特申諭新嘉坡百姓遵照從此爾等應接認胡璇澤爲領事官其任內事務應即優爲協助並應享權利一切得以自主一千八百七十八年本君主在位之第四十二年於賢真穆宮頒發

總理衙門奏准陳蘭彬函稱太平洋中有國曰山域治埃蘭譯稱檀香山共轄八島內有大島曰阿亞湖正埠曰漢拿老路爲各國商人聚集之所距廣東香港一萬六千餘里咸豐初年華人前往貿易繼以耕種畜牧合計止有千餘人自美國與該國立約通商互相免稅生計日蕃又值金山土人逼逐華工因之前赴該島者添至七八千人遊手既多華商經理無權土人浸滋疑忌見據同知銜陳國芬等聯名稟請該大臣就近派領事官駐紮檀香山一切經費各商情願籌備查陳國芬請設領事原係該處急務惟未經換約之國既不便設立領事又不屬美邦非使美之員所能派設但念此地本爲出洋要衝又爲金山後路且係秘魯來華中站若得有人照料爲中國數萬窮民棲身謀食之地亦屬相宜并查陳國芬係廣東香山縣人已在該島貿易有年華洋夙著聲望可否變通酌辦或由南洋大臣或由兩廣總督或由該大臣發給商董諭帖飭令陳國芬隨時稽查約束即將該處華民人數若干作何生業有何章程料理限於一年之內稟報如所辦實合機宜隨後即可接辦否則即將諭帖撤銷等查泰西有約各國業經 欽派使臣駐紮且於英國新嘉坡美國舊金山各處設立領事官原爲保護華民在外貿易傭工起見檀香山與中國並未立約

原未便按照各國在該處設立領事惟見據查明該島華民聚至七八千人之多若不妥籌保護時加約束誠恐華民愈聚愈多該島之人漸生忌嫉他日更難辦理該大臣見擬發給商董諭帖交由陳國芬稽查約束并擬嗣後或辦或撤再行酌度原於保護之中仍作權宜之計今若由南洋大臣或兩江總督發給諭帖地在萬里以外未免遙制爲難自由出使大臣就近辦理較爲合宜應由該大臣趕辦商董諭帖飭交陳國芬暫行試辦與領事官示有區別將來該島遇有應辦事件即由該商董巡詳該大臣酌核辦理以期周妥而免稽遲容閱致檀香山駐美公使照會

照得本大臣與正使陳大臣奉我政府來文著派檀香山島華民陳國芬爲中國商董以便保護該島華民當經飭遵照并派兵部主事朱和鈞前往該處會同辦理查本國與貴國向未通使此次派官伊始未審貴國允否接納如以爲事屬可行應否由貴大臣先行備文關照貴國以便妥爲接納如須覲見貴國君主并請備文發交陳國芬等親齋覲見陳國芬未到任以前應如何辦法方邀接納之處務望詳明見復

檀香山駐美公使照會

昨接來文備悉陳國芬奉飭派爲中國商董本大臣樂於允從竊謂檀香山島華民甚衆理宜派設商董以保護之於兩國均有裨益陳國芬忠誠任事久著聲望以之充當貴國商董應有以洽本國君主之意屆時只須由該員呈報外部便可接見茲附上致敝外部大臣一函交朱君親齋往見至陳國芬係敝國君主及外部大臣所素識無須修函引見所有派設商董一事見經備文知照本國嗣後遇有交涉事件由該商董呈報貴署由我兩國派駐美京公使會同商議辦理甚屬妥協

檀香山商董與檀香山官員酌議允行事宜六條

一華人在夏威夷國轄內居住者須按照相待最優之國所得權利俾華人一體均沾准其任便往來購買田產物業並准入衙門作證凡一切合法生理應准華人任便營爲及准華人子弟得入義學讀書以廣學業 一凡待

華人不得分畛域並不得侮慢 一華人在夏威夷國轄內居住者必時加保護務使身家一切安全如有告訟等情准華人到案任由請訟師代審以比各國及本國視同一體 一華人如有不測存下家財物產地方官按律公辦應將所辦情節錄明交領事官查閱若遇有交涉華人案情應准領事到署聽審 一華人招工合同應出於自願務與待各國及本國工人同一章程 一華人凡有以違法營生者應由地方官辨理倘領事官察知邀請地方官助理地方官務必相助

出使大臣議發檀香山商董章程九條

一稽查航海通商事務保護本國商民調處爭訟代向地方官伸訴冤抑遇有緊要事件務須稟報聽候核奪 一辦理交涉事案當按照前稟與彼國官員酌議允行六條妥慎辦理其餘一切應行事宜仍查照萬國公法星報指掌公法便覽等書及參酌各國事例而行 一遇有華民搭客來往必須嚴密訪察有無販賣猪仔情事倘有各國招工船隻附搭華民抵境或由該島附搭華民他往查係何國船隻即與該國駐島領事商議查驗辦理據實稟報 一每月華人出口進口人數務必在稅關確切查明按季稟報至華人在彼國犯事監禁者共有若干其中所犯何罪情節輕重罪名大小均須確查按季彙報 一辦理華民投訴事件及與彼國交涉各事除事關緊要專稟候批遵行外其餘事務須逐件詳查按季彙報 一商董公署不可收留逃犯致招物議 一每逢宴會切不可談論公事及刊刻新聞紙說自己暨別國所辦公事 一另有未盡事宜果於華人有利益無損者該商董務須傳集公正華商和衷妥議顧全大局一面將辦理情形稟明察核 一印信卷宗暨收支冊簿均須妥存或遇有新舊交替移交接收其回文具報

皇朝續文獻通考卷三百二十八

外交考二 交際

光緒七年總理衙門奏據出使大臣陳蘭彬容閱咨稱轉據駐檀香山國商董陳國芬稟報試辦一年期滿請派委員接替又據陳蘭彬另函內稱檀香山國雖未與中國立約但未與該國立約之俄羅斯等國皆有領事在彼駐紮今陳國芬試辦一年尙無貽誤人地亦覺相宜似應奏改領事即以該商董承充至試辦期內原有繕譯文案各一人所需費用委係自行捐給嗣後可否由出使美國經費項下定明年撥銀二三千兩以資辦公查泰西有約各國如英國之新加坡美國之舊金山均設有領事官原爲保護華民在外貿易備工起見檀香山雖與中國未立和約而該處本爲華民出洋要衝又爲美國金山後路且係祕魯來華中站華民往彼謀生者日多一日近又有中國招商局和衆輪船在彼常川往來華商亦可陸續貨船赴彼貿易若不設領事官妥爲保護誠恐華民聚集該處土人浸滋疑忌既據陳蘭彬函稱俄羅斯等國皆有領事在彼駐紮可否將陳國芬改爲領事官以資約束如蒙 俞允卽咨行該大臣轉飭遵照至該領事官俸薪等項應由使臣在出使美國經費項下每年撥銀二三千兩造報 衙門核銷以憑查核

又奏吏部奏定出使隨員保獎章程凡出使外洋隨帶各員請獎仍照異常勞績辦理如有保請京堂及京職無論題選咨留班次均一律議駁是原定章程特不准保舉京職之無論題選咨留班次並非不准保舉京職也原奏稱定章各衙門漢司員如在外省出力保奏無論何項勞績不准保舉補留京職若出使人員准保京職與章程兩歧等語自係爲慎重保案起見第念該員等遠涉重洋備嘗艱險較之在外省出力者情形本屬不同舊章不准保舉無論題選咨留而猶准保以應升之階及別項班次辦理最爲允當若凡京職人員一經出使便非改就外官不可勢必至視出使爲畏途遴選人才更爲不易且 衙門同文館學生多係京職其於外國言語文字非習練精通不足膺出洋之選倘差滿回華盡改外任是學業有成者概令舍而之他既非儲才待用之意並

恐後起之人不足以繼之於使事尤多窒礙 臣等公商擬請量爲變通嗣後凡出使各國保獎人數每三員准其酌保京職一員以次遞推任缺無濫庶於鼓勵之中仍寓限制之意

又出使大臣曾紀澤奏查定章使臣所帶參贊領事繕譯等員同以三年爲期如堪留用由接辦大臣酌留誠以出洋員弁關係非輕未便一時盡易生手且事當創辦未久人猶視爲畏途無論熟習洋務而又結實可靠之人本不易得卽令得之或以重洋險遠憚於遠行是奏定酌留舊員立意至深遠也然而遠適異國瓜代愆期人情各有天性之親勢必強留之而仍有不願者如 臣隨帶各員弁見屆三年期滿卽已紛紛稟請銷差 臣再四籌思似宜明定章程除始勤終惰不能得力人員遣撤外其已滿三年必須仍留當差者擬由使臣察看情形酌准先後暫行給假數月以體該員弁等思歸之情惟是經費有常體恤之中仍當示以限制查定章除往返盤費均准作正開銷外各員由中國啟程及已滿三年由差次回華所有整裝歸裝兩項銀兩各按三個月俸薪支給是交替之時新舊兩員應給整裝歸裝兩項銀兩共符六個月俸薪之數擬請嗣後期滿奏留人員暫給假期者除往返盤費仍照新舊員往返盤費之數准其作正開銷外其往返未逾六個月者始准免其扣俸扣資如此則舊員去而復返所給俸薪與遣撤舊員之歸裝另調新員之整裝其數適相符合庶於原訂經費之外不至別有虛糜該員弁等有資可計亦不至久曠職守而於使事實足以收熟手諳練之效查定章本無期滿銷差人員不許再行出洋當差之條 臣所擬給假章程暨領俸之限制與舊員期滿銷差給予歸裝該員奉調再行出洋作爲新員另給整裝者銀數既無出入卽與原章不悖惟舊員甫屆期滿卽准同時銷差回華未久復作爲新員徵調來洋徒滋文牘之繁并無省費之實似不如明定給假章程由使臣察看公務之緩急斟酌准駁之先後限定往來之時日庶於公事不至貽誤

總理衙門致日使及各使並各省大吏關道總稅司書查光緒六年中國與日斯巴尼亞國互換條約凡華民情甘出口在日國所屬各處承工俱准日

國民人立約爲憑無論單身或攜帶家屬併由通商各口前往該處官員與日國各官員查照各口地方情形會定章程爲保全此項華工之意但不得收留中國逃人及另有拐賣情弊等語是所准在情甘所重在保全所禁在拐賣也自換約後僅准兩廣總督瑞於同治十年咨報日國委領事以商人如些啞請在廣東省城設局招工所有招工人數係五百一十名旋經委領事申請停招祇有此案與同治八年在福建廈門據日國巴領事爲商人啤喇哦請招華民往古巴工作爲兩國官員知會辦理之案准閩省督撫所報係六百九十名計兩次所招合之共一千二百名而啤喇哦招工尙有爲無約之國代招情節如果屬實止有在廣所招工五百十名之數矣啤喇哦案會准閩督英咨鈔內有華工跳海及英國駐廈門領事柏以呂宋及西洋等國之人向在廣東澳門詐稱備工拐賣華民出洋爲奴近因該處定章禁止伊等欲來廈門請將此事照會廈門道查明預防暨榮稅司因所寫合同與二十二款不合請詳驗後再發船牌並美國李領事阻止等情本衙門恐有情弊節行赫稅司並行文閩省查復旋據鈔送各件榮稅司則稱所寫合同將二十二款緊要之語遺漏未載有華工親人同安人到招工所探視不得相會親赴招工公所見有人在鐵門窗內詢及來由據稱被人騙來拐賣接美國兵船船主文稱該商嗎狗船中不知多少人跳落海中請將工人調岸問明並由船主驅阻扞子手抗驗之事其工人非出情願顯爲所騙李領事則稱該商所用船隻係無約之國之船請截留查辦毋容該船待人如畜復據漳屬寡婦陳何氏稟稱有子陳麒麟母子相依爲命遭喜盛誘騙來廈將麒麟盜賣呂宋國招工所同安縣民婦邵陳氏稟稱父族影零四代只遺胞弟陳成一一人日國人來廈招工賣人頭目將伊誘去賣與爲工另假姓名胡福民人陳智稟稱年幾七旬單生一子陳真三代單丁被客頭拐騙改姓名盧福寶在招工所嗣陳真放出據供前情並稱同船二百餘人傍晚時分即關鎖艙底又迭據新聞紙所稱古巴招工視爲奴畜一切慘毒情形不勝枚舉以前案證之殊相符合同治十一年准福建總督文函稱日國商人亞

吡喇請在廈門招工據署廈門道潘稟稱訪查從前承招自洋回內之人招工公所均係一室禁錮萬分擁擠不准親屬探視開船之後釘入艙底擁擠臭穢均置不顧飢渴死者不可勝數隨即拋棄海中迨至到地傭工自早至晚並無休息亦無好食時遭鞭打工滿後又被轉賣得價四五百元不等羈留不允鎖當苦差勒索不遂至死方休是以承工者永無滿期生還者百不一獲一條款竟同虛設慘苦不可勝言復據美國李領事申稱合衆國附近南亞默利加洲毒瘴之區各海島因該處當兵恐受毒瘴是以十日一換不然卽中毒而死無洋人願往嗣有匪徒貪圖重利多用洋船購使客頭欺騙無知華民運至數萬里之遙掃除鳥糞種種奴役待人如畜殘害民生苦楚難述如不杜漸防微必致華民皂白不分恨同切齒希原上天好生之德設法禁止並經布國今德國柏領事丹國此領事法國李領事荷國巴領事美國柏領事瑞國李領事與美國李領事會同照會該道以買人一案積年流弊貽害無窮日國領事意在買人到亞灣拿街市必不能容卽經日國胡領事照請緩招本衙門又准美國駐京大使鑲照稱招工出洋向來多從澳門將該工載於船中運往日國之古巴地方並日國他處所屬之海島以及吡嚕國地方吡嚕華工屢有呈訴艱苦之稟見聞在古巴之華工較在吡嚕尤苦至於澳門運往外國之工人多被中國人欺哄或用力勉強送至澳門附近地方官並無妥善之法禁止向來阿非利加販賣人口之事甚爲兇惡所以美國人願出無盡之利將其事停止廢去自十一年日國丁大臣來京屢經往復照會議論此事擬請各國大臣會議十二年本衙門函致各大臣以招工出洋原在條約款內載明保全華工若有凌虐於保全有缺所有著名凌虐華工之處不准承招工入前往並非將未經凌虐之處一併不准今唯請問日國古巴地方有無受害及華工受害仍當忍心聽其再招之處准和國費大臣復稱凡各國人民遷至他國者本國自宜有保護之義貴國如有確實憑據出洋華工無論受害於何國卽宜照會該國不許招工前往又准美國衛署大臣函稱華工有無在古巴受害必須其人親歷其處有所見聞方

悉真偽道光二十九年粵省初開招工帶往古巴之舉以迄於今常聞實受有凌虐者且滿期回家所見甚罕今欲明是非似宜派員往查不難知其底細華工在古巴果係受害不聽再招未爲不可英國威大臣節略則謂設英商囑章招工中國聞有刻待不准再招經英國大臣解明中國尙懷前疑催中國派員細察有無並經各國大臣晤議亦均以派員往查得實爲宜本衙門於上年奏派四品銜刑部主事陳蘭彬同稅司馬福臣吳秉文前至古巴各埠詳查實復並飭知總稅務司赫查照赫以此事有應查各節五十一條並飭陳委員查復茲於同治十三年據呈抽查華工情形面加訊問據稟由中國被拐騙來者十居八九上數月打傷自盡死亡已不止十分之一迨裝到夏灣擊發賣爲奴買在人家舖店者無幾業經受虐至買入糖寮者人數較衆尤爲凌虐其工作過重其飲食過薄其工作時刻過多其被棍撞鞭拷鎖閉等荼毒又最甚遇年各處打死傷死縊死勿死服毒死投水死投糖鍋死者繁繁不絕見時折手壞脚瞎目爛頭落牙缺耳皮開肉裂指請驗傷者已復不少凌虐實迹人所共見况工滿合同年限之後工主多不給滿工憑據仍勒令再作數年或十數年依然照常受虐倘不肯允即送公所鎖押修路並無工銀與監官人犯一律務使華工必由工所出雇與商人立新合同俟其滿日復送公所如此者至再至三各華工不但不得回國並不得自行覓工且自咸豐十一年二月後來者概不發滿工執照人人可以拘拏即舊有執照之華工無論在途在室巡役等隨時搜驗常被將執照收毀送入工所受虐更屬無窮自正月到古巴至三月出港所見華工大抵受苦之人所聞大抵苦訴之語計共錄得口供一千一百七十六紙又收得一千六百六十五名台稟帖八十五張互譯華洋文呈核並飭查五十一條逐條查明據實登答將英總領事及古巴遞來華工數目清單各一分古巴局章程一分古巴商人給船主章程一分新舊合同式樣八張又古巴局交來人數各條一併詳騰附文申送備案並鈔譯日國夏灣擊人遞稱華工情形內開從前華工到古巴總說先照合同做八年工八年滿後待華工當如待外人一律

准他們領四年滿身紙發誓辦理日國律例另外言明四年之後作爲日國人得了滿身紙隨便做買賣同外國人一律照律例過日子辦理甚爲公道見在概改樣子不知何故從前的好處一點不給他們待他們如奴叫他們做工受新法等苦凡華工到古巴仍是立過合同照做八年工未有歇的時候工又很重錢又過少滿八年期雖想照舊樣出去自由還是叫他再立合同若八年已滿不再立合同立刻就要送夏灣擊工所做官工照監房犯人一律押著叫他受苦古巴所有別項的人總照律例可隨便過日惟中國人照奴僕相待同奴僕一樣送到多羅閣該處情形很爲危險一切難保不死等語又鈔譯德國駐古巴領事交到德京來信內稱見在中國派委員到古巴飭查華工情形德國飭該處領事設法相幫後來英國俄國一例各行飭飭見總盼望將華工帶到外國的弊端及在祕魯夏灣擊受監房及照奴僕一律待的苦可以除去委員所湊起來的各口供稟帖必能作爲憑據將來必要刻出以便衆人明知該華工是自由之人除他是中國人之外未有別罪在該處受各樣凌虐與天下各例不符華工與黑奴本不一樣此是古巴律例明白可見就是古巴的人無論讀書不讀書看見待華工光景心裏都不喜歡不過糖寮主人數百名同巡查各人的意思欲將華工同奴僕一樣看待該華工主人之意於八年內見華工做工愈多愈好以致八年期滿身體俱磨壞了有瞎眼的有吐血的有跛脚的實在在各主人不大明白若各主人將所掙的錢分給華工以便華工自願多做工夫於主人更有利益因爲無華工糖寮必致荒廢而照見時相待景况天下各國知此無理必要想法停止復抄譯大西洋駐夏灣擊領事交來清單內開不照例拿得中國人民單有生員廣東人陳少岩洗佐邦李樂春花翎遊擊前著汀州右營守備廣東人張鑾廣西巡檢江蘇人程榕齡廣東儘先守備莫榮顯把總陳學周見任戶部郎中軍機章京葉衍蘭之胞姪葉繩祖等皆係文學仕宦有體面身家之人萬無出洋傭工謀生之理皆被拐騙逼出洋作工備受凌虐其他可以類推所謂情甘者安在保全者安在日國與中國官知照辦理



招工之閩廣兩案僅據咨報一千二百名而見在出洋到埠者十四萬人生  
存者六萬人換約後到埠者三萬餘人由何處出洋用何法招致自可共喻  
應將各呈詞口供及查復五十一條等清冊全行刷印備覽茲先鈔錄陳委  
員申復一件及刷印呈詞並查復清冊各一本寄請貴大臣閱看

又致閩督及福州將軍書 准咨以日國商人卑利我來廈招工英稅司榮  
雅國及美領事李讓禮俱有異議並有工人跳海情事復詳閱會道稟件當  
以此次日商招工外人既有煩言由本衙門節總稅務司赫德查復旋據申  
覆并鈔呈各件請查辦洋人販賣人口出洋俗謂之賣猪仔唯呂宋此風  
為甚各新聞紙所載以往古巴埠及卑魯國者為尤苦同治二年啤魯國領  
事申請招工以係無約之國未准開辦近准美國勢使函稱秘魯國華工三  
萬餘人公同具呈控告凌虐情形並送到原呈詞甚可哀今日國商人所用  
船隻有啤魯國船在內安知非日商為之包攬駕名代招巴領事謂嗎狗商  
船係沙利竟羅國該管管羅音與啤魯相近或借此相蒙亦未可知從來治  
法尤賴治人所立章程不過著之程式其實事求是處處防其拐騙時周  
其保護原在任事各員留心妥辦華工皆中國赤子若外人猶以民命為重  
而中國官員轉視之漠然不知檢驗不特取笑於外族何以無愧於華工况  
有華工跳海情節顯有可疑細閱會道稟詞所稱賭勝求道祇係臆度之詞  
並非已獲跳海之人口供屬實又非確詢同船工人口無異詞遠憑日國巴  
領事照復遂謂並無別故且其人尚未尋獲何從信其並無淹斃莫須有固  
難定爰書想當然亦豈成信識其子殺人而其父白其無是雖愚者未必信  
之赫稅司鈔錄榮稅司各件有陳何氏稟訴其子陳麒麟冤遭誘騙來廈賣  
給呂宋國招工一節陳何氏曾稟訴地方官及地方官曾否查辦均應究  
查而該華工之半多拐賣此其明徵也細閱該道等持論各情稅司之定章  
各款均須載入合同及洋文之與漢文務須符合不為無見華工既經出洋  
則洋文極為緊要至謂其索費刁難遂藉口於關禁拐賣意圖攪阻原不妨  
逐一查詢如有格外詭索自可照章駁辦若慮日商以耽延索賠巨費則二

十款內載明該船倘有不妥情節地方官以為不宜出口海關暫准不給口  
牌今既有榮稅司及李領事之言及華工跳海之事其不妥緣由應俟確切  
詳查索賠之說亦可據此力爭以關其口斷無因有此慮而置三百人命於  
度外之理查章程第七款內稱凡有招工事務中國專派委員協同監理華  
民有欲承工任便赴所該商眼同委員注寫姓名於簿注畢該工任聽回家  
或在公所候搭便船出洋等語原應於招到時逐名查訊勢不能俟其招齊  
會同點驗致有草率三百人為數眾多倘有一名抑勒關係人命非輕如榮  
稅司所稱工人多被鎖押不能自便在鐵門窗內看人自稱被拐等情果有  
此事則與任聽回家等語顯然相背即其言果虛事關數百人性命該道亦  
應親往查究得其虛實分別辦理今僅覽廈防同知及外委朱漢儀稟白之  
詞深信不疑設該丞弁等有偏庇日商情節任此三百人性命付諸東流納  
諸陷阱尚復成何事體此案事關重大而本處用心有非公牘所能盡言者  
用特密布一切即希密飭該道悉心體會或籌挽回於已事或圖補救於將  
來毋徒視招工章程為紙片公事再蹈前轍是為至要

謹案地不加開生齒日眾故各國殖民且設專部籌其生計亦以張其  
勢力也中國各省人口與地域尚未支配更無餘力及海外閩越之民自  
為計亦幾幾布滿南洋矣僑民所輸入足抵洋貨所漏出斯亦絕大利便  
也我非不思所以保護之而長鞭未及遠馭無功憤彼虐待華工從而禁  
之因噎廢食亦烏乎可非惟不必禁也且將導之而慎選使臣整飭海權  
龍旗一至萬僑嚮斯為無形之殖民詎非天假乎

八年出使美日秘等國大臣鄭藻如奏查美國地方西通太平洋以金山埠為  
首站東通大西洋以紐約埠為首站皆為往來必經之路從前華民寓居美國  
者以金山為最多業經前任使臣奏設領事駐紮金山近則紐約一埠華民往  
者亦日見增多土人不無嫉忌兼以日斯巴尼亞國所屬之古巴一島與紐約  
水程相通華民由古巴回籍必須假道紐約實為通行要路見值美國設立整  
理華工新章凡華工由紐約出境者亦須由中國官發給執照以為再來美國

之據<sub>臣</sub>迭次與總理衙門函商似非在紐約添設領事官不足以嚴約束而資保護如蒙 俞允擬俟奉到 諭旨妥酌章程並擬於隨員中選派江蘇試用通判歐陽明充當紐約領事官同知銜鄭鵬翀充當緬譯五品銜賴鴻遠充當隨員飭令妥慎經理冀收實益

十二年總理衙門奏奉 諭謝祖源奏時局多艱請廣收奇傑之士游歷外洋一摺著該衙門議奏查原奏稱自同治年間遣使外洋除使臣由 朝廷特簡外其隨員或取在館供事及肄業官生學術既未淹通器局尤多猥瑣即所延幕友亦僅專司文牘並無瑰奇磊落之材其中出色人員不過學習機器通譯語言久之習與性成甚至有樂效其飲食起居便其車馬衣服者殊未足膺異日干城之選<sub>臣</sub>愚謂 國家帖括取士經濟即寓乎文章今翰詹部屬中不無抱負非常者可否令使臣每國酌帶二員給以護照俾資游歷一年後許其更替願留者聽其才識出衆者由使臣密保備他日使臣之選亦可多數員熟悉洋務之人等語竊惟使絕域者必資異材習邊情者存乎實歷今外務日繁誠宜廣爲儲材以收羣策羣力之效查自奏請 簡派出使以來其始原藉聘問鄰國爲名冀得游歷殊方周知其國俗地形強弱夷險以及練兵制器權商開礦諸要務既而規模漸定分遣使臣駐紮山該使臣遣派參贊領事等官分駐通商津要勘驗記載各情隨時稟報又有出洋學生以資練習北洋大臣復屢派武弁工匠陸續前赴各國船廠廠廠學習技藝用意不爲不周歷年奉使及參贊人員亦多取材於曾任翰詹部屬之人查出使隨員向由使臣自行奏帶跋涉萬里更換不易必須爲地擇人以責考成而效指臂其不能拘定京外見任候補人員惟才是任勢不得不然也若夫供事學生由使臣奏帶出洋者取備繕寫文移緝譯書籍而已其機宜重大事務何嘗取辦於末秩使盡去此曹則筆札之繁舌人之選豈能概責之使臣一身且其中未嘗無可造之材即或有沾染外洋習氣者亦可由使臣隨時督察分別撤參以示懲儆至該御史請於翰詹部屬中由使臣酌帶每國二員一節竊維周牌九數噲人命官考工五材庶士分職班固志前代藝文於經典外列敘兵書術數方技諸略此皆專

門利用之學聖人不廢原夫古人造土器數之學本與義理之學並重故足以通經致用官效其能近世士大夫非無才識閱通學問淹博之人而限於方域囿於見聞語及環球各國交際之通例富強之本計或鄙夷而不屑道所謂少見多怪其勢然也夫外洋測算竊自中法制器相材源於考工營陣束伍乃古者司馬法步伐進退之遺開採五金仿於周禮升人之官測繪地輿亦晉人裴秀成法禮失求野豈彼智而我獨愚特中土習爲游談其平日留心講習者良少耳是以欲周知中外之情勢必自游歷始然各國事理與中國不同彼之藉游歷以傳教者無論已其他或默計中裔相通道里或私繪山川形勢或考求物產盈虛或陰測煤鐵礦苗非空勞跋涉者且彼土之人強力堅忍置之雪山冰嶺而不辭中土之人筋力柔脆偶涉瘴癘風濤而生畏况不習西國語言文字卽身歷其地亦與暗襲何異今人於海疆牙錯之形直省鹽鐵之數一切利病或尙未能瞭然心目而遽欲舍己芸人忽近圖遠安必其有實際乎就目前而論我之所亟惟在察敵情通洋律諳製造測繪之要習水師陸戰之法講求稅務界務茶商收礦諸事宜雖未能遽底於精深亦當先得其大要查使臣不乏差遣之員外國每年中例有避暑不辦事之月又多賓祭燕閒之日應請飭使臣隨時分飭屬員游歷境內考核記載分門講求並督飭出洋武弁學生等學習各項技藝並行以收實效該員等本月支薪水毋庸另給經費至翰詹部屬中如實有制器通算測地知兵之選堅樸耐勞志節超邁可備出洋游歷者可否請 旨飭翰林院六部核實保薦並資送總理衙門考核再行奏請發往各國游歷由使臣就近照料應需出洋薪裝屆時酌定數目在出使經費項下發給

十三年兩廣總督張之洞奏<sub>臣</sub>於上年遵 旨會同使臣張蔭桓具奏籌議外洋各埠捐船護商情形當派總兵銜兩江儘先副將王榮和鹽運使銜候選知府余瑞先赴南洋有名諸島詳慎周歷飭將設官造船兩事密加商度以憑籌定切實辦法當經總理衙門電致駐英荷日使臣稟報頗爲詳悉本年回粵面加考詢大抵設立領事事甚切要勢亦可行謹據其大要陳之查該員等所歷

南洋計二十餘埠先至小呂宋爲日斯巴尼亞國屬次新加坡次麻六甲次檳榔嶼次仰江皆英國屬次日裏次日裏各附埠次加拉巴各附埠次加拉巴次三寶壟次三寶壟各附埠次泗里末皆荷蘭屬次金山之鉢打穩次雪梨次美利濱次亞都律省各附埠次充司倫次充司倫各附埠皆英國屬及其抵小呂宋也華民分訴日人虐害情形懇請派官保護自籌經費緣該處華民五萬餘人貿易最盛受害亦最深該員等詳查被害各案或挾嫌故殺或圖搶故燒甚至官兵徇私巡差詭詐暴斂橫征顯違條約當經擇要照會日官查辦時值土人聯名擬逐內地華工該員等到呂其議遂寢綜核情形非設總領事不可其分設正副各領事暨駐紮處所由總領事因地制宜擇員稟委以期妥協其抵新加坡也與原設領事左秉隆往見坡督各員禮意向洽該處華民十五萬人富甲各處除衙舍公產外所有實業華人居其八洋人僅得其二每年往來華工又最多英設華民政務司專理其事立法尙稱公允惟不向中國領事衙門報名情意既不聯絡而目擊招工客館作奸欺瞞無從禁止亦失保護之旨似應由中國領事官稽查以重事權而免流弊至麻六甲檳榔嶼兩處與新加坡相連華商居多生意繁盛又附屬石郎阿國之吉隆埠卑力國之罅埠均尙知保護華工華人開採錫礦者十餘萬富至百萬者數人服飾禮儀一如故鄉無所改換檳榔嶼一埠人材聰敏尤爲諸埠之冠宜添設副領事一員與駐坡領事相助爲理益可以收後效其抵緬甸之仰江也該處華人三萬餘衆設有甯陽會館及各公司該員備加訪察出產以米石爲大宗寶石牛皮等物次之自英據其地收餉設成密邏騰越爲中國隱患此處宜設副領事聯絡商情必於邊事有益其抵日裏也該處爲原奏所未及華工亦萬餘衆來自汕頭等處先由客頭帶至新加坡檳榔嶼經英官查過自願傭工者訂立華文合同往日裏爲傭所業種煙紫煙勤奮者年可餘番銀百餘圓工頭以賭傾其資則不足餬口繼以稱貸第二年復須留工則返鄉無日查荷官洋文章程內載工人有過准園主送官訊辦不得私自鞭撻做工不得過三年之期限滿後無論有無虧欠園主皆應給予川資不得再留等語而園主陽奉陰違於華文合同內並不

敘明任意虐待該員等告知荷官始允爲設法整頓此處宜設副領事以資保護其抵加拉巴也該處華民七萬餘衆荷人捐稅繁多賭風尤熾甚至迫令入彼國籍其附近之波哥內埠文丁內埠皆有華人聚處又有三寶壟與疏羅及麥里芬及泗里末及惹加等處皆荷蘭屬地華人二十餘萬衆荷官橫肆暴虐該員等接見華商備言其苦中國如籌保護小呂宋而外當以加拉巴爲先該處宜設總領事兼三寶壟等處事務於荷蘭各埠華人加以恩義數十萬之衆皆可內附其分設副領事一切與小呂宋同其抵新金山之鉢打穩埠也華工三千餘衆雪梨附近華人萬餘衆美利濱埠旺加拉埠打必治活埠吡拉辣埠紐加士埠市丹塔埠均屬新金山以外埠惟庇釐市檳埠係充司倫之省城又有湯市噶路埠及谷當埠每處華人自數百至千餘不等該員皆勤加撫慰查新金山即英屬澳土地利爲五大洲之一地方遼闊物產繁富多五金礦產華人至者頗多英欲阻之特立收人稅之法每人納英金十磅方准登岸開有收至三十磅者似可援照美國總領事章程在雪梨大埠派設總領事一員總理雪梨及美利濱亞都律充司倫各埠並紐計蘭島華人商務則華工得所庇倚謀生益覺有資其各埠副領事可即令商人兼辦無須發給薪費此該員等先後稟報籌辦之大略情形也查王榮和等于役南洋海程五萬餘里各埠商民親漢官之威儀仰 堯天之覆幬莫不歡呼迎謁感頌 皇仁其懇求保護之情極爲迫切查出洋華民數百餘萬中國生齒日繁藉此消納不少近年各國漸知妬忌苛虐驅迫接踵效尤若海上不安其居即歸內地沿海驟增此無數游民何以處之故保護之舉實所以弭近憂而非以勤遠略也倘蒙朝廷設立領事加以撫循則人心自然固結爲南洋無形之保障所益匪淺該員等所到之處各國洋官款接照料禮意甚優英屬尤爲周至商及保護等事亦俱和平承允議設領事英最欣然力勸速辦俾知約束荷日限於公法亦皆無辭相拒查小呂宋距中國最近華民望切倒懸必須先設總領事駐紮其地以收遠人之心以伸華商之氣經 電商張蔭桓擬派副將王榮和爲駐紮小呂宋總領事緣該處閩人最多王榮和籍隸福建稔練精詳研究洋務素爲閩

人所信服此次出差南洋親歷小呂宋各埠熟習情形深得欵要以之充當總領事人地實屬相宜應由該大臣先向日國商定發給憑照事宜隨准咨稱業經照會外部概允照辦而藩部以土人齟齬爲詞怯設官之後喧賓奪主礙其溢征是以至今延宕查各國通例凡立約通使之後即可派領事駐紮其地保護商人古巴等處中國早經設官小呂宋同爲日屬何獨不可請旨飭總理衙門與日使會商催令該國速發憑照不容推宕一面由臣咨張蔭桓催促外部速辦此外商務較繁之埠應如何添設正副領事俟小呂宋辦有規模再行推廣至英荷各屬或苛待華工或苛征身稅亦應次第設官申理容待般烏各島一律訪查之後由臣分別咨商駐英荷法使臣酌度奏明辦理所有總領事繙譯隨員等官薪俸准總理衙門咨開此次小呂宋設新領事薪俸經費應由何項撥給應給若干由臣妥籌辦法臣體察情形各該島甚願自籌力亦能辦將來小呂宋總領事派定後應在出使經費項下將第一年經費先行核給較爲得體並照總理衙門奏復新加坡成案飭令該領事將歲收册照各費報明抵還第二年起便可不費公帑餘者作爲造船公款稟候撥用其總領事等署中一切辦公雜用應准於所收册照等費內動支開報毋庸另請公款一年後稟報核定數目其設領事之處就其餘款酌撥若干量設書院一所亦先從小呂宋辦起由臣捐資倡助並購置經書發給存儲令各該領事紳董選擇流寓儒士以爲之師隨時爲華人子弟講授使其習聞聖人之教中國禮義彝倫之正則聰明志氣之用得以擴充而愈開水源本之思益將深固而不解從此輾轉傳播凡有血氣未必無觀感之思查各埠入款以每年注册及進出口船牌之費最爲名正言順誠使事機順利不致別有阻礙屈計該處兩項所入不少除抵支領事公費外尙可逐漸積存一款以備購致護商兵船之用一切收撥章程應俟設官之後再行飭令核議如所收册照船牌等費不敷開銷懇恩准其由粵省勸諭各埠華商量力捐資獎以虛銜封典翎枝專充領事經費永不提用各埠旺淡不等把彼注茲必可敷用再上年奏派王榮和余瑞周應南洋諸島往返程期必須八閱月所有月薪公費每月共需銀一千三百

八十兩請由粵海關撥出使經費項下就近畫給見據該委員等稟稱自上年七月起程至本年七月由新金山折回粵省止已逾期四月有餘所至各埠如日裏柔佛庇釐市濱亞都律大金山叭拉辣旺加拉打必治活谷當等九處皆原案未及備載而華民衆多商務緊要不得不順道一往以致往返稽時未能如期成事先經稟准展限六個月綜核支用不敷已多遠隔重洋未克隨時請領當由新金山折回見擬續請經費再往般烏西貢海防暹羅各處查看等情查王榮和等祇以遠隔重洋跋涉不辭勞瘁所查各埠情形甚爲詳細般烏一島地方廣闊距中華洋面不遠至暹羅西貢海防等處南洋近地華民極多尤應體訪明確自應將未歷各埠仍由該員等一律訪查以竟全局當咨粵海關監督在出使經費項下續撥六個月銀八千二百八十兩發給該員收領以便進行

十四年總理衙門奏略稱准軍機處抄交兩廣督臣張之洞奏派員訪查南洋華民商務情形一摺臣等隨時參稽博訪其中利害節目殊非一端可盡茲據奏報該委員等訪查事竣議辦情形查閩粵生齒最繁率倚外海爲衣食散在各國屬埠古巴新舊金山新加坡西貢暹羅緬甸海口等處經商傭工何止百萬節經臣衙門與南北洋大臣出使大臣商度累年舌敝唇焦擇其尤爲緊要之區次第奏設領事均就近歸使臣管轄以專責成該督所奏自係爲廣樹藩籬聯絡衆志起見惟其中商埠形勢設官樞紐實有與歷辦已設領事之區成案不能相同者通籌利病約有數難何以言之該委員王榮和等之赴荷國屬島也該國以係彼久轄之境不允訪查經前使臣許景澄向荷外部再三緩頰以游歷爲名彼始允行上年接許景澄密函稱加拉巴設領事一節查兵艦鉅款非商力所能湊辦設官之說揆彼族猶忌爲心難保不從中掣肘且勢必先與荷外部訂立保護專條並建駐荷使館否則筆舌空言終歸無補又迭准兼使日國大臣張蔭桓密稱小呂宋設領事而商日國外部始而慨允既而以藩部齟齬不允爲辭該大臣責其苛虐濫征該國頗允革除而設官一層絕不鬆口臣等惟此議倡於張蔭桓乃該大臣亦已心知其難迭次函牘未敢固

執前說此發端之難也原奏稱各島華民願自籌領事等薪俸經費俟派定後請在出使經費項下將第一年先行核給第二年後便可不費公帑等惟苟設華官事事索之商民既非政體復滋流弊且該埠之可收身格船費能否充裕尙無把握若如古巴領事署之始而踴躍輸納繼而羣情渙散收日絀遂致不敷支用又將奈何查光緒四年新加坡請設領事官時前出使大臣郭嵩燾亦請祇給開辦經費以後一切自籌嗣因入款不敷復請發給歷年出使報銷冊新加坡每年入款只數百兩而支銷至七八千兩之多是當日未克自堅其說今之所請亦恐類然設事已舉行勢難中止見在使費支絀萬分何以應之此籌費之難也小呂宋於閩粵較近然已遠隔重溟至新金山地分三省雪梨等埠往返動需三四月在他國荒遠之地治爲人服役之民該國既非情厚照設將事事妬忌掣肘倘設官而權不我操彼凌虐者如故該領事遠既不能呼籲使臣近亦難以否白粵中大吏勢成孤立與不設同此管轄稽查之難也尤可慮者華商屢訴甲必丹苛斂不恤商情然粵省鞭長莫及既於領事一舉一動耳目難周倘有不肖領事習染外洋服食居處之奢靡動以該署經費爲名事事苛派無藝是使華民重受其困反爲 國家斂怨轉不如 飭使臣責問外部申明約束轉可使華民實受其福此恤商除弊之難也 臣等計此數難深惟古今籌邊事者惟是謹筭鑰於近圍而忌散精神於荒遠觀於漢之輪臺罷屯宋之玉斧畫河孫吳以跨海通遼爲失策唐人以不納維州降衆爲老謀相度目前事勢正宜急近圍而緩遠圖似不宜徒建空名反滋口實况緬暹南掌西貢等處腹內之地已虞他人鼯睡而我轉圖羸糜其腹外零星之小島似恐未獲實濟先啟嫌疑該督公忠體國規畫經年此次奏稱先行試辦一處餘俟次第推廣似亦心知其難與其後日悔發端之太廣收束爲難曷若先事不輕於舉辦審量較易此 臣等所爲長慮却顧未敢臆決者也又查舊檔從前暹西貢加拉巴紳商屢經條陳或請建公司或請設領事歷經 臣衙門暫寢其事以待事會蓋事會之來則中策亦若然奏效事會尙窒礙奇策徒致葛藤又查同治三年與日國立約第四十七款內載中國商船不論多寡准前往小呂

宋地方貿易必按最好之國一律相待若日斯巴尼國嗣後有何優待別國商人之處應照最優之國以待中國商人等語上年小呂宋有華民被土人焚劫一案業由張蔭桓督同駐日參贊照會日國外部該外部照復云日國君后甚願秉公核辦已飭小呂宋總督一面彈壓保護華辦兇手其焚劫物業照例修補咨抄到 臣衙門是該國於此事極知案情順理應請 敕使臣再行申明第四十七款之約永禁將來約束土人以資保護華民生計使臣本有保護商民之權責應勸導所在華民就本有會館公舉體面紳董隨事稟商該大臣以資聯絡似此辦法既可免費公帑我以定約箝制外部我直彼曲諒亦無辭且於事體較爲順手惟既據該督仍執前說奏請先設小呂宋總領事 臣等詳籌緩急請 飭該督再與張蔭桓妥商向日外部申理前議酌定後催令發給憑照籌款試辦至充當總領事之員及由何處統轄經費能否自籌有無種種流弊之處查該督前經擬派余瑞爲總領事今又改派王榮和自係灼知該員才具實能勝任應由該督於開辦日詳訂章程咨署立案至英屬荷屬各埠設官之處概行從緩辦理

又奏軍機處抄交出使大臣洪鈞奏洋務儲才一摺奉 硃批該衙門議奏查原奏稱每科館選庶吉士不下七八十人若令學院學士就新科館選中擇派出洋界以二三等參贊三年期滿有能嫻習交涉事體考究富強功效及明於製器開礦算學化學諸務者由使臣保奏授職編檢請 飭詳議章程奏明辦理查吏部定章翰林院庶吉士無論何項勞績不准保免散館所以重清班也庶吉士初膺館職多係少年聰穎之才若使研求西學講習自較易爲力果有熟諳洋務堪備出洋之選者應准使臣奏調以資歷練如屆散館之期其願回華考試者應聽其便所請保免散館之處似未便更改舊章應毋庸議其業經留館之編檢及正途出身之部員果有才能出衆者即由使臣自舉所知奏明調帶又原奏稱總署爲洋務總匯之區請就已經考取章京正途出身人員擇派參隨俾得先期閱歷查 臣衙門章京向有調派充當參贊者應如所請嗣後於章京內擇其才識通達者隨時選派前往襄辦交涉事宜以資臂助又原奏

稱遣使駐紮歲糜巨款請 飭下 臣衙門明定限制查出使參贊隨員人數向由使臣奏調遣派報知 臣衙門查核惟公事既有繁簡之別卽人數宜有多寡之分況出使各國程途遠近川資薪水諸多煩費員數不可漫無限制致滋糜費查前出使英國大臣郭嵩燾奏帶隨員摺內酌定參贊二員繙譯四員其餘隨員武弁醫生分別調派未經定數 臣等公商除各國各口應駐領事之處業經奏明商定有案毋庸遽議增減外擬請嗣後使館中准設參贊二員繙譯二三員隨員二三員供事二員武弁醫生各一員其兼攝他國設有使館者准添參贊繙譯隨員供事各一員作爲定額不得再過此數俾一人得收一人之用庶幾費不多增功歸實際至所稱以游歷經費併入度支一節查上年 臣衙門請派出洋游歷人員章程內奏明於出使經費項下節省四萬餘兩以供派員游歷之資經費本不充裕故不得不限定人員見在游歷人員尙未期滿回京是否實有制器通算測地知兵之選難以懸揣俟游歷期滿由 臣衙門酌核情形奏明辦理

皇朝續文獻通考卷三百二十九

外交考三 交際

光緒十五年總理衙門奏御史楊晨奏出使關係緊要敬陳管見一摺原奏稱嗣後請將使臣之參贊官由總理衙門分別繁簡核定人數取該衙門章京及外省熟習洋務曾經保舉之道府直牧進單候派使臣遠涉絕域所帶參贊必須相知有素臨事商榷方能舍短取長資其贊助若非平時相識強令派往其賢者或意見不免齟齬不肖者甚至遇事輒思挾制恐於公事無益近來營求出洋差使者多如該御史所言請託嗜利各端未始無因擬請 飭使臣破除情面慎選賢良舉其堪勝參贊之任者奏帶出洋自能相助為理該御史所請進單候派與向章不符應毋庸議又原奏稱使臣所帶繙譯大半同文館學生有漢文未通稍習洋語略能繙譯營謀出洋不知大體又或屢次乞留竟至盤踞把持私結外國執政乞函致駐華公使在總署為之掄揚謂堪勝使臣之任者嗣後請將繙譯薪水加增其保舉稍為裁抑查同文館學生出洋充繙譯者並無駐華公使來 衙門為之掄揚求薦之事既據該御史風聞有盤踞把持等情弊請 飭各使臣隨時察看嚴加約束務令安分當差倘有私結外交情事即行據實奏參至繙譯薪水因經費支絀上年奏定酌量減成發給未能遵議加增出使各項人員俱准照章保獎獨於繙譯限制保舉未免向隅所請厚給廩祿裁抑保舉亦無庸議又原奏稱同文館洋教習日久敷衍成習諸生無所畏忌應於同文館增一大教習令翰林院六部保送端方正直優於德者一員派主其事查同文館洋總教習丁建良於同治七年到館至今督課尚為認真此外有洋文教習漢文教習分課漢洋文字又有算學教習專課算法今擬增一大教習誠為諸生益加培植起見惟必須中西兼貫學行俱優之人方足以膺是選一時難得其人擬請 飭翰林院六部並南北洋大臣留心訪察遴選通才保送到日再行奏明辦理又原奏稱使臣行裝為數太多沿途火車等費無非虛糜以後遣使應飭核定行李件數斤兩查使臣去國數萬里其三年任滿或得 旨留任者駐紮須六七年之久日用所需率多外洋所無其所

帶行李食物以及僕役隨帶各件若必限以定數則薄物細故章程既無此項層且非 朝廷體恤勞臣之意亦無庸議又原奏稱近日使臣往往省絕宴會費用移交器物任意報銷西例公使附搭輪船其價八折報銷應可核減查出使經費載有定章近年屢議減成力求樽節由各使臣按年分項造冊咨送 衙門分別准駁核實奏銷至公使附搭輪船西例八折亦係據實報銷除英法美三國外其餘國稍儉約者公宴等費亦經核減尚無任意欺蒙之據又原奏稱使臣隨員宜有定額武弁多以家丁充當此項直可革除查使臣隨帶人員上年業由 衙門按使事之繁簡逐項限定額數倘再議核減誠恐不敷差遣見在使臣並未有家丁充當武弁之事未可遽議革除又原奏稱中國船廠購自外洋前李鳳苞充使經辦侵帑至百餘萬雖加撻革前弊並未消除中國使臣有駐紮三年未見德相畢士馬克者何以聯屬邦交應飭除銷習查前使臣李鳳苞因購買鐵艦徐承祖因購買銅斤先後奉 旨革職查辦然賢不肖視乎其人非可概論各使臣中通達事體潔己奉公者亦不乏人如有此等情弊 衙門苟有所聞亦必據實劾德相畢士馬克政務甚繁有事商論則雖駐紮他國之使臣經過德境亦有請與晤談者 紀澤前以駐紮英法使臣過德而畢士馬克請至其鄉留談二日無事商論則西國駐德各使亦多不見不獨中國使臣經年未見而已總之遣使外洋本為聯屬邦交之計該御史所陳原為防弊核實起見惟此中情事亦有未能深悉之處 等竊思各使臣受 命出疆責任綦重不得不藉羣策羣力以資贊助一切事宜固當顧全 國體勿貽壇坫之羞而經費有常亦應力求樽節以戒虛糜請 飭各使臣整躬率屬於隨員之賢否時加查察以期無負 朝廷委任之意

十六年出使大臣薛福成奏准總理衙門咨稱據海軍提督丁汝昌文稱此次巡洋如附近新加坡各島日檳榔嶼日麻六甲日柔佛日芙蓉日石蘭莪日白蠟皆未設領事華商因受欺陵剝削無不環訴哀求擬請各設副領事一員即以隨地公正殷商攝之統轄於新加坡領事應先與該外都商酌定核給憑照如能辦到實於華民有裨等因當經辦文照會英國外部援照公法及各國常例

聲明中國可派領事分駐英國屬境俟商有端倪再咨總理衙門詳籌妥辦竊思領事一官關係緊要而南洋各島華民繁庶若不統論全局則一事之利弊無以明若不兼籌各國則一隅之情勢無由顯謹綜其始終本末爲 聖主陳之大抵外洋各國莫不以商務爲富強之本凡在他國通商之口必設領事以保護商民遇有苛例隨時駁阻所以旅居樂業商務日旺即游歷之員工藝之人亦皆所至如歸而西洋各國領事之在中國權力尤大良由立約之初中國未諳洋情允令管轄本國寓華商民與地方官無異洋人每有人命債訟等案均由領事官自理往往掣我地方官之肘從前中國各口之枝節橫生實由於此然即在他國不理政務之領事僅以保護商務爲名者各國亦視之甚重稍有交涉即籌建設蓋枝葉繁則本根固耳目廣則聲息靈民氣樂則國勢張自然之理也中國領事之駐外洋者在英則新加坡在美則舊金山紐約在日則古巴馬丹薩在秘魯則嘉里約在日本則有長崎橫濱神戶三處理事箱館副理事蓋南北美洲與日本各口迭經總理衙門與使臣籌畫經營建置較密惟南洋各島星羅棋布形勢尤爲切近華民往來居住或通商或傭工或種植或開礦不下三百餘萬人即委員王榮和等所到之處亦已報有百餘萬人臣據平日所見聞參以張之洞原奏計華民萃居之地荷日兩國所屬應專設領事者約四處曰蘇門答臘之日裏埠曰噶羅巴曰三寶壟等埠曰小呂宋英法兩國所屬應專設領事者約五處曰香港曰新金山曰緬甸之仰江曰越南之北圻與西貢他如檳榔嶼等處亦可相機設法或以就近領事兼攝或選殷商爲紳董畀以副領事之名略給經費而以就近領事轄之斟酌盈虛隨宜措注要亦所費無多就南洋各島而論祇須設領事十數員大勢已覺周妥加以略有添派綜計歲費當不過十萬金查各關洋稅項下每歲提撥一成半作爲出使經費約銀一百數十萬兩而近年出使各館所需游歷人員所用統計當不過六十萬兩總理衙門原議以其贏餘撥備添派各國使臣之用臣愚以爲西洋頭等強國均已派有使臣即二三等之國亦由各使就近兼攝似暫無須多派惟逐漸添此十數領事者則商政日興民財自阜息息有與內政相通之故

且慰輿情於絕遠不啟華人失望之端收權利於無形不開外人嬉笑之漸所獲裨益較之所費奚啻十倍臣嘗閱各國貿易總冊以洋貨土貨出入相準每歲中國之銀流入外洋者約一二千萬兩又攷數年前美國舊金山銀行匯票總帳每歲華民匯入中國之銀約合八百萬兩內外雖該處工資較豐而人數尙非最多則推之古巴秘魯可知推之南洋各島又可知夫中國貿易與各國相衡虧短甚鉅然尙可周轉者以華民出洋所獲之利足資補苴也倘此原再塞則內地之銀必更形匱乏民窮已甚竊恐事變叢生即就新加坡一埠而論設立領事已十三年支銷經費未滿十萬金然各省賑捐海防捐所獲之款實已倍之而商備十四五萬人其前後攜寄回華者當亦不下一二千萬蓋領事一官在彼外洋雖無管轄華民之權實有保護華民之責縱令妥訂條約章程必得領事隨所見聞與彼地方官商辦則洋官亦得藉以稽查而土人不敢任意苛虐即駐洋使臣欲與外部辯論亦必以領事所報爲憑方能使洋官有所顧忌此領事一官所以不能不設之由而已設領事之處未嘗無顯著之效也今華民出洋之利已稍不如前矣誠能於南洋各島酌添領事尙可挽回補救而收固有之利源然所以議之稍久迄少就緒者蓋亦因立約之初中國未悉洋情並不知華民出洋之衆於是但給彼在中國設領事之柄而無我在外洋設領事之文又各國開荒島爲巨埠專賴招致華民而洋人實屬寥寥一經我設立領事彼不免喧賓奪主之嫌又礙其暴斂橫征之舉所以始必堅拒繼則宕延外部以咨商藩部藩部以官民不便爲說雖管禿層焦而終無如彼何此惟在局中者深知其難而局外之視事太易者又或稱就地可集鉅資無須另籌經費或扭於洋官駐華之例幾謂一設領事華民即爲所轄竟無異管理地方者此皆閱歷未深持論實多隔閡當局者知其斷難辦到不無矯枉過正之議幾謂徒多耗費無甚裨益斯殆有激而然竊以爲望之過奢轉滋流弊領事所收之身格費船照費原可略資津貼正不必欽鉅費以招物議今已設領事之處驗民案稽民數原可稍分彼權正不必攬政柄以啟猜疑但如臣以上所陳則不求近效而其效最大惟須認定主見中外一意合力堅持得寸得尺相



機籌辦必可循序就範即如新加坡初設領事英之外部亦儘力阻撓當時  
費周折至今乃無異議查英法荷日四國屬境其苛待華民不顧我設領事者  
以荷日二國爲最而法次之英又次之荷日國勢皆昔盛今衰立國命脈乃在  
南洋諸島島中墾田開礦招商徵稅各事又恃華民爲根柢惟其政令不甚明  
肅呼應不其靈通洋官往往微取無藝僑寓之西人又侵侮華民或迫之入籍  
或拘之爲奴或禁其往來或賧其生計若有華官在旁理論究可補救一二雖  
商設領事之始彼必枝梧推宕然我苟據理執言因勢利導始終堅持諒彼亦  
無辭以難我及早圖之則難者或漸化爲易失今不圖則易者亦漸覺其難想  
總理衙門必仍知照出使美日秘臣崔國因催商日國外部先在小呂宋設立  
領事俾便次第推廣以符原議至英國待我華民較爲公允臣觀各國在英屬  
地設一領事視爲泛常之舉向無攔阻又知英國君臣用意頗欲與中國互敦  
睦誼或不於此等事件稍露歧視中國之形近與該外部商議請照各國之例  
在英地隨宜派設領事即彼未肯速允臣擬堅持初議至再至三與之磋商先  
就香港仰江新金山等埠酌設一二員而檳榔嶼等六處亦當審其地勢人數  
從長籌畫由此推之法荷各屬亦或較易爲力臣非不知洋人性情堅韌每商  
一事必多波折然苟不憚筆舌之繁不參游移之見不素緩急之序或稍有効  
可圖蓋庇蔭周則民生厚而不獨開商務財用裕則近憂紓而非以動遠略布  
置廣則衆志聯而兼可調敵情呼籲少則 國體尊而即以銷外侮臣爲海內  
數百萬生靈起見不敢稍安緘默 再查英屬香港一島華民流寓者十四五  
萬逼近廣東省城尤爲中外往來咽喉凡華洋各商貨物均先至香港然後轉  
運各省其交涉事件之繁難者一日逃犯一日走私一日海界祇以該處並無  
華員無以通中外之情於廣東全省政務每形扞格是商設領事實於大局尤  
關緊要前任使臣郭嵩燾有此志而未及辦曾紀澤任內曾經照會英外部數  
次迄無成議揣其隱情蓋因全島多寓華民而洋人不過數千若准設華官與  
廣東大吏聲息相通在彼不免多懷顧慮所以斬而未許臣昨辦文與外部接  
照公法商定通例而未明提香港該外部侍郎山特生果向英文參贊馬格里

以香港一處爲疑且云恐華官不習外務或竟侵權越分致多窒礙臣思新嘉  
坡領事左秉隆與英官頗能相得外部亦稱其辦理妥協因遣馬格里告以香  
港若設領事當以左秉隆調往開辦察其辭意似尙易商惟遇事設法支展必  
再四催問而始辦則外部之常例也容俟復文到日如仍不遵允再當相機辯  
論  
又奏豫籌各國使臣合請 覲見查外洋風氣交際與交涉截然判爲兩事交  
際之禮節務爲周到交涉之事件不稍通融惟其厚於交際故可嚴於交涉凡  
各國使臣初到其君主無不接見慰勞數語以示優待使臣鞠躬而退並不言  
及公事此通例也臣到英呈遞國書後其君主延請謀會聽樂觀舞禮意頗爲  
周渙今聞各國駐京公使以未蒙 書接不無私議萬一合辭來請我若深閉  
固拒相形之下似覺情誼忽然昔英使威妥瑪借未許 覲見爲辭於煙台條  
款多所挾夫斬虛禮而受實損非計之得也臣愚以爲今日有同治十二年  
成案可循不妨援照辦理當時議者頗多疑慮一則恐其有所演請一則謂中  
西之禮不同然禮成而退海內傳爲盛事者何也西例公見不言公事即晤其  
外部亦然洋使斷無不請之理若論禮節可於 召見各使臣之先 敕總理  
衙門告以願行中禮西禮各聽其便如是則彼雖行西禮仍於體制無損又聞  
雍正間羅馬教王遣使到京 世宗允行西禮乾隆五十八年英使馬戛爾尼  
來華亦奉 高宗特旨准行西禮賜以筵宴未知禮部是否有案可稽似亦足  
備考證臣爲預籌應付各使起見附片密陳  
十七年薛福成奏准總理衙門文開北洋大臣李鴻章咨稱海軍提督丁汝昌  
巡歷南洋目擊華民人數巨萬生意殷盛既設領事之處尙稱安謐其餘頗受  
欺陵無不環訴哀求請設領事咨令酌度情形試與英國外部商議如能辦到  
實於華民有神查南洋流寓華民頗有買田宅長子孫者而拳拳不忘中土迭  
次防務賑務捐款甚鉅既據同聲呼籲不可無以慰商民望澤之誠示 國家  
保護之意惟設立領事條約本無明文各國知此事於我有益往往斬而不許  
即英國前議亦謂中國祇能照約而行不能援引公法臣初與外部商議先破

其成見謂中英方睦豈容與泰西分別異同再四磋商外部始允照各友邦一律辦理仍謂審量情形刻下或有難盡照辦之處亦以經費有常必須擇要與辦礙難處處備設查香港一島為中外咽喉前使臣屢商未就擬於香港設一領事官其新嘉坡原設領事改為總領事兼轄檳榔嶼麻六甲及附近英屬諸小國小島若慮糧長莫及或就近選派殷商充副領事以資聯絡由總領事察度稟核辦既函商總理衙門復明告外部外部尚以中國官吏未諳西例為慮告以新嘉坡領事左秉隆在任十年彼此往來素稱和睦署參贊黃遵憲前充美國舊金山總領事四年穩練明慎擬以此二員充補外部乃無異辭懇恩俯念員缺緊要准將駐英二等參贊官二品銜先用道黃遵憲調充駐新嘉坡總領事官新嘉坡領事官花翎運使銜先用知府左秉隆調充駐荷香港領事官於交涉事務流寓商民必有裨益再美日秘三國共設領事五處日本一國共設理事三處副理事一處均由使臣刊給關防此次增設領事自應指明轄地酌定名稱查南洋各島英國屬地甚多除遠處不計外凡附近新嘉坡者曰麻六甲曰檳榔嶼曰丹定斯羣島曰威利司雷省曰科科司羣島此皆英國屬土其各小邦歸英保護者曰白蠟曰石蘭我曰芙蓉又柔佛一邦名為自主實則為英附庸各該處華人共三十餘萬居民十分之六前於光緒十一年開英國政府聯合各地定其名曰海門屬部而設一總督於新嘉坡以統轄之請以新嘉坡總督所轄之地即為總領事所轄之地擬刊關防其文曰大清駐荷英國新嘉坡兼轄海門等處總領事關防香港新設領事擬曰大清駐荷香港正領事官關防如蒙俞允可否由總理衙門頒給抑由臣刊發恭候命下分別刊刻發交該員等祇領以昭信守

謹案中國設領事於各國各國至中國設領事均先後訂有專條惟一強一弱仍視國權為轉移領事固無能為役耳

薛福成許巴西墨西哥立約招工略曰方今美洲初闢地廣人稀招徠遠氓不遺餘力即如巴西墨西哥兩國疆圍之廣不亞中國十八行省其民數不能當中國二十分之一其地多神泉沃壤氣候和平不異中國而曠

土未墾動於招致且無苛待遠人之例誠乘此時與彼兩國詳議約章許其招納華民或傭工或貿易或藝植或開礦設立領事官以保護而約束之並與訂立專條彼既招我華民力墾荒土功成之後當始終優待毋須如美國設謀驅逐夫有官保護則遇事理論駁其苛例不至為遠人所欺有官約束則隨時教督阻其不法不至為遠人所憎華民在此皆可買田宅長子孫或有數世不忘故土輦運餘財輸之中國者如此則合於古之王者有分土無分民之意且不啻於中國之外又開一二中國之地以居吾民以養吾民也於以張國勢厚民生紓內憂阜財用廣聲氣一舉而五善備焉救時之要莫切於此若夫歐洲人滿之患漸似中國阿非利加一洲鴻荒未盡開瘴氣未盡除華民願往者尚寡美國有驅逐華民之政秘魯一國及荷蘭西班牙所屬諸島或迫之入籍或拘之為奴而澳大利亞一洲亦有薄待華民之意自當就其舊有之華民而保護之不必導之前往也

二十一年御史陳其璋奏自各國通商而後交涉繁多深虞彼此聲氣不通並寓洋之華民無所保護於是簡派使臣駐紮各國藉以聯絡邦交折衝樽俎任綦重責彌專也光緒元年郭嵩燾陳蘭彬初膺是命厥後聯翩而出迄今已閱二十一年惟歷來除日本派專使外其餘俱以一使而兼數國近則法派專使矣德又踵法故事亦以專使請矣聞其餘各國亦欲爭此體面擬請特派專員使臣日增章程亦應重為釐定謹據愚見所及為我皇上陳之一使臣可給京堂銜不必定予實職也向來使臣多係補授京堂如遇有缺出仍照例升轉但國家設官各有職守使臣業已遠出既不能供職無非徒懸一虛名其初出使不過三四人占缺尚少今則數增幾倍是京堂之缺有限而懸此虛名者益多查各國之接待使臣惟視所派之為何等不視所居之為何官並聞各國駐華公使在彼國亦並非居有實官者蓋公使即其官也請旨飭議凡使臣但予京堂銜作為出使大臣如給都統銜副都統銜作為各處辦事大臣之例其俸薪准照二等使臣支領三年任滿有功無過再行酌授實職量予升階如

此則使臣亦自顧考核倍思盡職矣一使臣宜將交涉事件及各國情形隨時奏報也向來使臣任滿回京必有日記送呈總理衙門藉資考證其駐洋之時亦將交涉事件及各國情形按月函告總署聞近來惟駐俄使臣許景澄尙隨時函報駐美使臣楊儒每年或報一二次獨駐英法使臣龔照璣則從未有片牘來告者似此廢弛因循殊非遣使之本意請 飭各使臣按季將交涉事件或已結或未結開單奏 聞仍按月將各國一切政教情形函告總署倘彼國有秘計密謀探聞真確尤應隨時密奏庶可先事預防而使臣之才識亦於此見矣一出使隨員宜核定員數不准多帶也從前奏帶參贊隨員不過十餘人近則漫無限制或本員自欲調劑私人或廷臣濫行乞情推薦竟有一使臣帶至三十餘人者甚至管書籍管應事管器具凡僕從事務亦各派隨員職掌在使臣以爲多設名目方可安置隨員不知經費以分潤而愈窘保舉以瞻徇而愈濫聞各國駐華公使帶員不過數人即英國與我交涉之事最多而所帶只一參贊二隨員二繙譯一醫官而已核計使臣所帶員數除額設領事宜帶員充補外應有一參贊二隨員二繙譯一武弁一醫官二供事祇此九人足敷差遣請 飭總理衙門核定員數并嚴禁大小臣工不准將關背之人徇情濫薦則經費既可節省而保舉亦有限制矣一隨員薪水使臣不宜減扣也查奏定章程參贊隨員分別東西洋各有應得之數自光緒十三年議減二成前年又酌復一成實照原定數目九成給發聞近來使臣減扣隨員薪水竟有僅放四成者而以駐英美之使臣爲尤甚該使臣不過以經費有限額員數過多礙難照章給發而各隨員亦爲保舉起見一任減扣安受無辭不知用度過從簡陋貽笑外洋等於不齒請 飭各使臣祇裁汰冗員不宜減扣薪水仍照九成給發俾得用度寬舒則各員因以勸勵亦勉思報效矣一海軍衙門游歷章京宜即停止也查海軍衙門奏定章程每一使臣出洋於章京中派委二員隨往游歷各廠藉資考訂用意非不甚善無如各章京不過借此爲游歷之由汗漫三年偶呈一二圖說大率摭拾而成毫無心得而經費之虛糜已屬不貲請旨即行停止毋庸再派其業已出洋者亦應撤回則經費庶不致虛糜矣一出

使文報局委員宜由南北洋分派管理也查一使臣出洋每於天津上海兩處設立文報局派員接遞來往公文向來各人各派竟有一局派四五人者此不過借名安置各員之情面爲開保舉地步也不知使臣雖別文報則同但於天津上海兩處各派一員統管各使臣文報已可不誤公事且此事亦應責成南北洋大臣派員管理不准由使臣各人各派致糜公帑而徇私情請 飭所出使各文報局見有人員統行裁撤即由南北洋大臣派員專管酌給薪水毋庸再予保舉則事有責成而獎敘亦不至太濫矣  
二十三年總理衙門奏查奏派使臣之始駐俄使德本係各有專責奧斯馬加和蘭兩國始由駐德使臣兼領嗣於光緒十三年以兼駐之國宜令附近分隸以便往來因奏請以使俄大臣兼駐德國而以奧和兩國附之奉 旨允准在案見在德國既復設專使和蘭地與德近自應由使德大臣兼領擬請將和蘭改隸德使其奧國仍隸俄使均甚近便  
二十四年 諭前經降旨諭令總理各國事務衙門編輯通商約章頒行各衙門遵守茲據各衙門奏稱編輯需時請先將北洋原有條約彙纂一書刷印頒行等語即著照所請行仍著各省將軍督撫先行派員赴北洋請領以便飭屬認真講求遇事得有依據仍俟該衙門編輯成書再行補發至此項約章事皆關交涉該衙門務須遴選熟習條約之員悉心考訂以成善本而免流弊又 諭方今各國交通使才爲當務之急著各督撫亟舉平日所知品學端正通達時務不染習氣者無論官職大小酌保數員交總理衙門考驗帶領引見以備朝廷任使  
又總理衙門奏查光緒二十四年因福州船廠須籌常年經費奉 諭在出使經費項下每年撥銀三十萬兩以備製造船礮之用旋經大學士榮祿奏請將此項經費改撥武衛中軍練餉見在武衛中軍停練而出使經費日繁歲收祇有此數實屬支絀萬分擬請將此項銀兩仍歸出使經費開支藉資周轉  
二十七年 諭中外訂約以來各國人民准入內地載在條約朝廷慎固邦交迭經諭飭各省實力保護乃地方官漫不經心以致匪徒肆行滋擾傷害各國

人民之案層見疊出朕惟薄德無以化道愚民良深引疚地方各官平日於洋務不知講求於交涉固知大體以致燎原引火貽害君國撫衷自問當亦難安自今以往其各振刷精神捐除成見須知修好睦鄰古今通義遠人來華或通商以懋遷有無或游歷以增長學識即傳教之人亦以勸人行善爲本梯山航海備極艱辛我中國既稱禮義之邦宜盡賓主之誼况近年華民出洋者不下數十萬人身家農田悉賴各國保全即以報施而論豈得稍存歧視著再責成各省文武大吏通飭所屬遇有各國官民入境務須切實照料保護倘有不逞之徒凌虐戕害各國人民立即馳往彈壓拘犯懲辦不得稍涉玩延如或漫無覺察甚至有意縱容釀成巨案或另有違約之衅不即立爲彈壓犯事之人不立行懲辦者該管督撫文武大吏及地方有司一概革職永不敘用不准投效他省希圖開復並將此次諭旨一併刊布騰黃曉諭以期官民交儆永革澆風又出使大臣呂海寰奏查和蘭南洋各島開埠最早華民往者亦最夥噶羅巴一島尤爲薈萃之區其屬有三十餘府寄居華民不下六十萬人初尙優待後因迫令入籍遂致鼓噪被戕者幾及十萬人殺戮之慘暗無天日厥後苛政繁興種種凌虐推原其故以中國未設領事保衛之也前任使臣薛福成許景澄迭商保護之法以設領事爲最要惟中國與各國訂通商條約當時未悉洋情故祇載各國可於中國設領事未載中國可在各國設領事明文致多方阻止雖俄德續約中法越南條約有中國設領事各等語乃至今未設惟祕魯巴西日本墨西哥條約有彼此均可設領事一款業已擇要舉行而和蘭所訂之約未經聲明和外部即以此阻撓臣承命出使德和兩國到任後接有噶羅巴華商密稟苛虐情形更甚於昔急迫控訴不敢露出姓名恐被族聞之即難在該處經商查稟內稱有所謂瑪腰者甲必丹者雷珍蘭者俱係管理華人之名目和官以華人之生長於此者充之瑪腰等仰承和官鼻息擅作威福甘爲厲階設禁斂錢無所不至以中國人欺中國民可謂喪心昧良所設苛政如華人初到和地概入公堂問過口供報明註冊或赴各鄉須批准方許嗣忽不准居鄉限二十四鐘立將生意產業賤售土番逾期罰銀逐出一時華民扶老攜幼

哀聲動地而和人絕不憐惜此其一也華人到和屬地向有和官憑照即可前往近立新例凡登岸者無論有無憑照地方官帶至衙門用繩圈歸一處挨名查點其老客有原日出口照者即放行若新客則統飭入圈內帶至瑪腰公館逼令映像有人擔保始爲放出無保則帶至衙門上鍊刑具俟有輪船驅逐出境華民奔走萬里以謀衣食無辜被刑川資用罄依賴無門殞身異域此又一也華人在此貿易須領路票除使費不計外應繳印花銀若干既到彼處又須掛號繳銀如一日到三處五處則繳費亦須三次五次萬一掛漏查出重罰必使虧本而後已此又一也華人遇有訟事審費照西人至多之例核算科罪又照土番至重之例辦理縱理可得直而追回銀數往往不敷訟師之費含冤負屈不可勝計此又一也華人經商和地所有家產雖妻子不得私相授受如遇身故資產歸入公所初設公所章程訂定事由華人經理必俟子孫來領無不竭力經營今則權歸和政府華人子孫執遺囑照章向公所領取和官必多方挑剔反復延宕如無遺囑則產業概沒入官此又一也華人在日里地方承種菸葉常有奸販誘惑愚民出洋販賣壯者身價七八十元弱者三四十元立據以三年爲期以種菸之息償其身價入園後不准出入雖父子弟不能晤面剋扣工資盤剝重利工人忍氣吞聲呼籲無門且升科闢地各國人民皆得購地種菸獨華人不能又其一也以上各節慘不忍聞正擬向和外部理論忽新加坡商人寄英文報一紙內載班喀地方華人在錫礦各廠作工苦不可言礦廠半在山崖山水下流廠主不設抽水機華工日在水中既患潮溼又係枵腹故染病最易天熱異常時症不息死者枕籍廠主開設店舖逼勒華工購買什物質劣價昂所得蠅利日用不敷偶需支借工資按月納息借一兩納五錢若輩雖動不免糲食華工積憤已久遂聚三百餘人名曰三指會猝然起事廠主先知消息開鎗轟擊死傷者不計其數登時逃散地方官拿獲多名窮詰實因不堪苛待所致允爲申理始照舊工作等語竊思華民僑寓南洋各島向以作工爲業平日不勝其苦復任意凌虐其情形與古巴之夏灣拿招工同一慘忍是領事之設斷難再緩臣迭與和外部大臣樸福爾申論並譯錄商稟及新報

詳細述之照會請設領事以保僑氓乃以事屬藩部不能作主爲詞反覆開導始允商藩部派員往查再議日久無信迭經函催始據外部覆稱稟訴各節不實不盡凡各國設領事應管分內之事稽查本國商務至詞訟不能徑達國家須由駐和使臣與政府商辦各領事無干預之權華民首領雖有協理地方之責向由該處總督選派藩部見查各處華人共四十七萬餘人大半已入荷籍查雅瓦地方華民入籍者較不入籍多至十倍等因當經照會和外部與之反覆辨論擬先派員游歷以查商務爲名俟查覆得實彼自無可置喙不意五月後變故迭出事遂中止迨公約議成樸福爾告退新任外部大臣尙未接洽已奉 命內渡竊思噶羅巴總領事萬不可緩見在各國重訂商約正可及時聲明凡各國通商口岸及各島嶼華民萃集之處中國查看情形隨時可設領事庶不至臨時掣肘可否請 旨飭商約大臣會商外部此訂約之時與和蘭駐京使臣商量增入一條一面由使和大臣與外部妥議辦法內外合籌彼見我志已堅當可就範而僑寓華氓歡欣鼓舞有非可以言語形容也下外務部議奏

二十八年外務部奏查泰西各國於南洋各島經營開埠以和蘭爲最先華民往彼謀生者人數倍多洋官之徵取無藝地王之凌虐百端亦以和蘭爲最甚光緒十三年兩廣督臣張之洞派員訪查得知梗概迭經 臣衙門與各使臣籌商擬在噶羅巴設立領事和外部一意推阻迄難就緒茲據該大臣奏稱和蘭應設領事者七處如噶羅巴三寶瓏泗里里望加錫勿里洞日里文島均關緊要今惟噶羅巴設總領事萬不可緩等語查南洋各島如英之新加坡美之小呂宋皆已設總領事 朝廷一視同仁必不忍和屬僑氓獨抱向隅之憾惟該國以各島爲外府因我設領事不免以猜忌之心作宕延之計必須援據公法查照成案再三申辨始可漸就範圍原奏所稱各節原以補從前條約所未備前據盛宣懷電擬交英使各款已有允中國可派領事駐紮英國屬地一條英能商允和蘭亦易援辦呂海寰見奉 旨留滬會辦商約自可與盛宣懷相機籌議其和外部既經議有端緒應即責成接任使臣蔭昌申理前說切實磋商

內外堅持力辯此事務期得當至所需經費應俟添設領事議定後再酌章程奏明辦理

又奏請簡派義比奧三國使臣 略稱查出使章程奧國以駐俄使臣兼充義比兩國以駐英使臣兼充該三國先後遣使來華交際情形近亦加密本年奧國使臣齊幹函稱奧介德法之閒立國最古商懇請 旨另簡專員駐紮義國使臣噶釐納比國署使臣賈爾牒亦復屢申前請伏維泰西通例以遣使往來爲重與本歐洲強國迭與會盟義爲羅馬舊邦夙稱文物比亦以製造精良講求商務近來蘆漢鐵路即歸承辦該三國使臣皆因國體所關不欲相形見絀懇派專使駐其國都擬請 旨簡派分駐義奧比三國使臣各一員以篤邦交從之

又奏據出使大臣伍廷芳咨稱古巴島前隸日國而地與美鄰故以駐美使臣兼使日國原取其便於保護中國總領事係領日國准照今古巴既爲自主情形與昔迥殊所有立約派使似應次第舉行 臣等查該國外部備文聲明中國原設之總領事即應停止該處僑民甚衆交涉事繁擬請 簡派駐美使臣兼充出使古巴國大臣與該國安立新約並照日國祕國之例以總領事兼參贊常川駐紮

梁啟超致伍廷芳書 略云美者萬國之客民所合而成國者也歐洲羣族往者歲以億萬計其情形與吾華同等是客民而彼之國會必歧而二之雖由吾國勢之不振亦不能盡爲國勢咎也乃者與日本定約約言日本旅華之民當從最優之國相待日人曰華民之旅他國者非上等人責吾待以上等之禮烏可行此雖橫逆之言而實無以難之夫華工之在美者其始大率飢寒洊逼謀生無術瀕死亡命迫而他逃無家室無產業未嘗讀書識字未嘗受教化故美人初年猶有令華工入籍之請及其後也反從而禁之至昌言謂宜圈限華人勿令與美族雜處恐其曠陋之俗傳染全國嗚呼吾之所以見輕見虐於他人者有自來矣後此往者漸久漸衆頗有蕃田廬長子孫者而未經教化也如故不識字不讀書也如故醫

集之處街道湫隘房屋穢濁煙賭充斥械鬪狼籍名曰貴種實同土番夫我既土番矣而欲人之不土番我何可得也故今日欲保華工必以教華民爲第一義教之法有六一立孔廟二興書院三設報館四擴善堂五聯公會六勸工藝夫美之逐華工乃出於無賴工氓之所爲其富戶固不欲也其政府固引爲慚德也且有識之士方且爲焉譏其非也今誠得其人因勢利導不侵彼中地方有司絲毫之權而造我國商民無窮之福亦何憚而不爲哉竊謂悠悠萬事惟此爲大有大利而無小害有百易而無一難試辦條理未能具陳若蒙采擇更當臚舉

又外務部咨各省洋人游歷傳教照章保護不得供給准陝西巡撫函稱近日西來人士多向經過州縣責索供支彼省所給護照內已填沿途需用車馬人夫此省州縣祇得勉強應付此端一開勢必供應日增各州縣實不堪命請由部照會駐京各國公使游歷傳教人等仍前自備車馬資斧並通行各省凡填給外人護照時只責成地方官照約保護不得格外見好以符約章查游歷傳教人等經過地方無支給供應之例自應查照舊章凡填給護照祇須聲明照約保護不得填寫供給人夫車馬字樣相應通行查照辦理

又照會各國公使請飭游歷洋人呈驗印照以便保護 略稱陝西巡撫咨稱查約章內載各國人游歷均由領事官發給執照註明前往何處並由地方官鈐用印信沿途經過地方必須驗明印照方可放行如無印照應即阻止歷經遵照在案今布爾隆倪世俊等四人先後來陝均未請領執照亦無通行保護明文設有疏虞關繫非淺應請照會各國駐京大臣轉飭領事官通飭游歷傳教人等嗣後儘入內地務皆仍前呈驗印照地方始能任保護之責查所稱各節係爲保護游歷之人恐有疏虞起見相應照會貴大臣查照轉飭領事官通飭游歷傳教人等務須照約呈驗護照以便保護  
二十九年奏准隨員歸裝川資銀兩必實在由洋回華始可照給  
又奏准派員駐墨國保護華僑駐日分館改歸駐法使臣兼理

又外務部咨華人往各國口岸由領事給憑 略稱准美國康使函稱接本國外部來函見准墨西哥政府所請囑本國駐煙臺牛莊天津南京等處領事於華人前往墨國口岸聲明身無病症憑單內簽字蓋印以作證人並無分毫花費希知照該地方官飭赴墨華人遵照

又奏議定英屬南非洲招工章程 略稱准使英大臣張德彝函稱英於南非洲新屬亟欲招工開礦以期振興其招募華工一舉既於該處礦利大有關係自可乘此機會立一專約當與各國工人一律看待詳切訂明免受苛虐查咸豐十年條約亦謂該省大吏當查照各口地方情形會定章程保全華工是會定章程係屬照約辦理執約以爭或當有濟又華工出洋不外閩廣兩省應令該省督撫出示扼定約中會定章程之語所有工人俟有定章再行應募前往等語當令妥速商議在案茲准張德彝電稱招工事會議多次詳與辯論共議章程十六條其第五款所黏係運工項章將來附各款後復稱英外部以約款年限似須載及第十六款擬改此次所定即於實押日奉行以四年爲期期滿後兩國如欲廢約無論何時均可先期十二個月通知屆期即行作廢查華人應募出洋充當工人原爲貧民開一生路無如各國苛例繁興往往受其苛虐見當南非洲招工之際自應照約訂章以資保護 等逐款查核第六款所載訂約之兩國船隻均可僱載華工查專用兩國船隻載運華工誠恐不無窒礙當電令刪除其餘各款尙屬周密請 旨飭張德彝與英外部定期畫押以昭信守

三十年外務部奏駐日分館改歸駐法使署就近兼理所有派員駐墨一切事宜即由出使美國大臣籌辦日館事務較簡應派參贊隨帶繙譯一員足敷辦公毋庸再設洋員以期樽節

謹案自光緒二十六年中墨立約通商華人赴墨日衆墨人漸肆凌虐故駐美使臣梁誠爲保護僑民起見請設總領事兼參贊平時駐紮海口遇事馳赴都城達部疏陳報可

又奏英國於南斐洲新屬打蘭士噶路埠等處開辦礦務招募華工由使臣張

德彝與英外部訂立保工章程十六條經 臣部畫押在案查第六款載 大清國可以簡派領事官或副領事前赴華工所至之英屬或歸英保護之地照料彼等利益安樂等語邇來各省工人應募出洋者絡繹不絕該屬地華民日繁窮荒散處糶難難齊自應亟設領事前往駐紮妥為保護擬請 派直隸候補道劉玉麟為南斐洲英國屬地總領事務將苛待條例設法消除

三十一年又奏請 簡和蘭保和公會公斷衙門議員 略稱查該約第二十二條應在和蘭都城設立萬國公所作為公斷衙門二十三條每國應選擇向有名望公法專家並願充公斷之人派充常川公斷衙門議員由公所開單知照畫押各國所有議員可聽兩國或數國商明公選一員或數員每一員亦准兼充數國議員以六年為限據出使德和國大臣蔭昌電請選派查此項議員列名公所無事不必親往亦無庸支給薪俸中國既經入會擬請 簡派大臣一員奉 硃批著派伍廷芳

又奏查葡萄牙與中國通好有年訂立條約光緒二十九年該國復派使來華時因中葡交涉較簡是以中國派使未經議及由法使署酌派參贊等員就近馳往本年該國使臣阿梅達到署面稱中國駐法使臣既兼使日亦可使葡由日至葡道路甚近查葡國濱臨大西洋距法日兩國較近自上年訂立澳門專約通商築路交涉漸繁自應准如所請請 飭出使法日國大臣兼使葡國仍照日國之例酌派參贊常川駐紮

又奏查出使章程和蘭與義大利亞奧斯馬加均由駐德使臣兼領嗣於光緒十三年改隸使俄大臣二十三年因德國復設專使和蘭地與德近復奏准改隸德使原期往來利便照料相宜近年奧義比等國業經分設駐使和蘭遣使駐華有年與義奧比情形相同且該國建都海牙數年前舉行萬國保和公會疊經派令使俄大臣入會與議見在該會推廣擴充條目紛煩時須辨論非有專駐使臣就近考訂難期盡善擬請 旨簡派專駐和蘭使臣兼辦保和公會事宜以篤邦交

又咨北洋 略稱准咨英屬南斐洲招募華工章程第十三條載明意外喪

命給回撫卹銀兩而無工人病故應給撫卹專條緣訂約伊始不過略舉大綱其詳細節目自可隨時增入期於兩無窒礙見查工人張起泰等一百九十名病歿斐洲該公司既不運回復不給卹再三爭辯該國保工委員及公司董理始允函致斐洲商量能否有成尙無把握又恐不能著為定例應招之人不儘直隸一省辦理未便兩歧工人為公司效力以致受病而公司並不照例查回令其病歿斐洲該公司自應照意外喪命給回撫卹又工人出洋一人有一人回華水脚使費不能因其已死即省其應得回華脚費而將其柩運回第運柩與撫卹兩層必不可得兼則與其爭運柩而回不若爭撫卹為上在公司原係應付之款實屬惠而不費在工人家屬得此養贍可免飢寒請與英國公使商訂附條添入原約當否行駐英張大臣與英外部妥籌辦理六月准電稱工人病故酌給撫卹只能通融辦理容與外部熟商查工人應招出洋必立合同撫卹一層以及工價若干皆於合同載明後有爭辯可據合同為言祈飭照辦旋復電稱見欲具文照會外部如能將此事已經核准敘入文內措詞較能得力除由本部核准電復外應咨貴大臣查照轉飭保工委員遵照辦理

又使法大臣孫寶琦奏安南自屬外國後設防造路接壤滇桂實逼處此自日本戰勝俄國法人大恐慮日襲取尤慮中日聯合年來運兵運械不遺餘力近知兵力不足特咸謂宜聯結中日格外和好不使生釁並優待安南土人故其嚙我之意似非偽為安南各埠中國工商人等十餘萬向未派有領事故有種種之苛稅前使臣薛福成會議免稅而不得 復與該外部申論許以商之藩部藩部行查中印度總督迄未定議 探知法政府決無阻撓印督以須另籌一款相抵故未能遽定趁此法人蓄意嚙我或可極力辦到見派員往安南游歷晤中印度總督催詢此事以期必成至於華人僑居者大都椎魯無文商情渙散致不能與他國爭勝 令該員激勵眾商設商會建學堂有以自立永不受侮查各商大半籍隸閩廣必須與閩廣保商局妥商善後之策俟該員考查完竣往福建廣東稟商督臣詳籌切實辦法以副 朝廷軫念僑民之至意

三十二年 諭奉 懿旨舊金山地震被災華民甚衆朝廷深爲軫念著發帑銀四萬兩由外務部迅速匯往傳知衆誠妥爲賑慰

又 諭奉 懿旨美國舊金山地震災情甚重朝廷深爲憫惻著頒發帑銀十萬兩由外務部交美國駐京使臣迅速匯寄災區以資拯濟而篤邦交

又 諭馮煦電奏日本乞糴一事救災卹鄰義難拒絕業經外務部奏准著查照原奏辦理毋庸過慮以副朝廷綏輯邦交之至意

又外務部奏准日本使臣照稱見與韓國訂定協約將各國在韓國使館領事館一律裁撤向屬各館權限以及事務應全行移交日本使館辦理又本國政府見在韓國設立統監府督理事務所有公使館領事館概行停閉查日本在韓京設立統監代辦韓國與各國外交事宜各國使臣已次第撤退中國駐使亦應同時裁撤惟中韓接壤交涉極繁中國商民在該國各埠居留貿易者不可勝數亟應設立總領事一員前往韓京駐紮藉資管攝查有二品頂戴補用道馬廷亮熟悉日韓情形擬請 派爲駐韓總領事該署暨各口領事常年經費由 臣部酌定數目按年撥給應用

臣謹案自韓屬日華僑受迫益甚大半山東籍每年春往冬返因無統計未知確數多營土木銅鐵之業工資極菲商務向以絲綢爲大宗每年約有一千三百萬之鉅日政府逐漸加稅竟至值百抽百以致目下祇得三千元惟夏布一項尙有少數銷路年亦不過四五百萬華商無貨可售改營日貨不願國體專爲日商供奔走吁可痛也

又覆奏使英大臣汪大燮奏荷蘭議會請將駐美使署顧問洋員飭交部議用備驅策查原奏稱公斷一事各國通行斷事之議員關繫固重議款之議員關繫尤重美國前任外部大臣見充駐美使署顧問洋員福士達辦理交涉聲名素著平時持論以大公爲宗旨該洋員自受顧問之聘歷十餘年其文字議論拳拳中國之意流露言表若假以尺寸俾得增榮益譽自必樂爲我用按上次公斷約有平時議員臨時議員之分本年續開議會倘以福士達充補平時議員無須給予薪俸開會時酌給川資即可一同赴荷會議查保和條約業經

批准作爲入會之據並將約本寄交荷蘭政府存儲在案茲據奏請以福士達充補議員該洋員以公法名家襄辦各事著有勞績復准駐美使臣梁誠來電亦以該洋員聲望素著令其入會必能得力與該大臣意見相同擬准如所請俾資贊助

又 諭御史王步瀛奏各省工商抵制美約風潮過激請飭加意防範以維大局一摺前據外務部王大臣面奏美國工約一事迭經使臣梁誠及外務部先後與美政府商議已允優待華商及教習學生游歷人等並允於議院開時盡力公平妥辦昨據該御史奏稱公憤既興人衆言厲難保無宵小生心乘機竊發恐誤大局亟應明白宣示以免誤會而釋羣疑中美兩國睦誼素敦從無彼此抵牾之事所有從前工約業經美國政府允爲和平商議自應靜候外務部切實商改持平辦理不應以禁用美貨輒思抵制既屬有礙邦交且於華民商務亦大有損失迭經外務部電行該省督撫曉諭商民切勿開導務令照常貿易共保安全著再責成該督撫認真勸諭隨時稽查總期安居樂業毋負朝廷諄諄誥誡之意倘有無知之徒從中煽惑滋生事端即行從嚴查究以弭隱患

又出使大臣楊兆璽奏獎美國賽會正副監督之隨員 略稱評獎員於此事一涉疏略即爲他國捷占况假絲印茶日本瓷器充斥泰西 臣飭該員於中國所出三大宗評較贊美各國一無閒言因獲超恩推獎餘貨亦不遺餘力該員等勤慎將事並不另支薪俸請 旨嘉獎以示鼓勵

三十四年外務部覆奏使德大臣孫寶琦奏陳外交事宜原奏四條首列推廣駐使查中國在各國已有十館其有約之國除日葡及秘古墨國由駐法美使臣兼使外若歐洲之丹馬瑞典那威美洲之巴西非洲之剛果均經訂約因交涉無多故未派使上年 臣部以暹羅同處亞洲華商甚衆宜與通好又美洲哥倫比亞利用華商殖民該國亦甚願與中國訂約業經提議外歐美諸國無約者或訂約有約者或派使由 臣部酌度奏辦又稱各大國宜改設頭等公使查各國通例頭等公使體制較崇經費需增而於使事無多實益緣公法頭等與二等辦事之權與品級無涉應暫從緩又稱預儲外交人才查近來交涉事繁



需才孔急請於京曹內慎選通才分派歐美專精外交一途以收實效應准如所奏由各部院擇尤酌派至如何考驗及酌定名額籌撥學費試驗成績各事容續商奏辦又請定外交官公服查各國衣服俗尚各有所宜中國冠服自有定章若外交人員強與各國從同究嫌歧出應勿庸議

又農工商部覆奏都察院代奏陳發檀條陳請仿東西各國派駐暹出使大臣或領事以維商務似屬可行 飭外務部相機辦理

又 諭外務部奏美國減收賠款請遣使致謝一摺美國與中國立約以來邦交素篤此次減收賠款尤徵友誼敦睦允宜遣使致謝用酬嘉意奉天巡撫唐紹儀著賞加尙書銜派充專使大臣前往美國致謝

皇朝續文獻通考卷二百四十

外交考四 交際

宣統元年外務部奏東西各國皆設有機關報其對於內國上而政府下而議院稍至隔閡慮致齟齬報館立乎政府議院之閒足以溝通上下之情而爲之樞紐其對於外人有時爲條約所束縛理勢所拘牽未便公言難與直接輒假旁觀之清議贊成當局之施爲又其主筆之人類皆魁碩名流迭居政界報界之地如美總統林肯英宰相格蘭斯頓日本伯爵大隈重信之輩皆嘗進執政柄退修報業能以政界之經驗發爲文章亦能以報界之理論播諸事實往往言議一出遐邇風靡故其國家極重視之又從而操縱之或隱與維持或暗爲資助大率以秘密之締結而利用爲聲援其效力甚宏其影響絕鉅至其顯然規定者則各國外部皆有報務處之設分派員司主管其事逐日將本國外國各種報紙萃購閱凡關涉外交暨其他重要事項則采述譯錄呈其國主及其政府遇有報館主筆訪員詢問事實徵求意見由該處派員接晤舉可以公計之件宣述酬答設有傳聞謬誤記載失真及造謠肆誣挾嫌騰謗者統由該處隨時匡糾著論剖辯或提議駁詰輕則限令更正重則要求罰懲此雖爲有形之機關而於國體之保全時政之裨助亦可得無窮之利益蓋中國向於此事不其關心又其報紙程度本低類多顛倒是非徒惑觀聽全國實無一機關之報館公家亦無一司報之機關亟宜參仿各國報務處規模於部原有各股外添設機要一股遴選熟諳各國語文精勤慎密之人派充股長股員專司報務廣購海內著名報紙發交考察詳細審觀分別極要次要依類譯輯每日呈堂核閱遇有應行剖辯駁詰條件悉按各國報務處辦法辦理其關係報務應需各項費用擬另行籌撥專款核實開支又奏部添設機要股經理報務之本意非第欲爲內國廣見聞實乃欲爲外邦通聲氣雖結納各國政府力有不逮而聯絡各國報館事或無難擬俟該股成立後遴派精警穩練之股員分赴各國大埠擇其著名報館慎密往還從容契洽相與上下其議論曲致其殷勤無事既傾誠交驩有事必出力援助其於國家邦交裨益良鉅均從之

又奏添設駐紮海參崴總領事

又 諭義國南境地震災情甚重著頒發帑銀五萬兩由外務部交義國駐京使臣迅速匯寄災區以資拯濟

又奏擬設巴那瑪總領事 略稱中美洲巴那瑪舊隸哥倫比亞國管轄近年離哥獨立美國首認保護借美款開巴那瑪運河以通太平洋航路西歐諸國皆將改道於此工商集實爲南北美轉運之要衝英法各國均設有領事華僑在該處貿易約三千餘人商多工少營業頗稱發達祇以未設領事官時有被虐情事光緒三十三年巴那瑪外交大臣照會部議派穆來諾司充中國總領事駐紮香港辦事經部發給認准文憑照章接待併聲明嗣後中國如派員前往巴那瑪亦應一體待遇以爲他日設領之左券本年該埠華僑電稱被虐苦况兩廣總督張人駿咨商部議籌設領事或別籌保護辦法當經電知伍廷芳就近調查旋准函復到巴後謁見巴總統述設領事之意彼頗首肯似此情形亟應由部揀熟悉外情人員前往駐紮以資保衛所有一切經費俸薪章程均照坎拿大美洲濱新設總領事辦法添設二等通譯二等三等書記各一員以資辦公

又駐藏大臣聯豫奏印度噶里噶達密邇西藏華僑日多擬請飭部核議與英使臣商定添設領事官一員以資保護並與藏事有裨

又出使義國大臣錢恂奏外交人員多以秘密二字爲唯一之政策平日抱定主見每與外人秘密往還其所談論罔顧事理之重輕恆露可乘之閒隙一旦交涉事起迎拒兩難終以例守秘密利輸於外害歸於國失敗一也外交場上有所探聽有所誘惑必曰私交不作公談務徇彼密終受其愚失敗二也甚者遇棘手事件明知徇外必損國權而負衆謗不媚外則富貴不保於是借用秘密以濟其私一旦弊害顯露非巧護前愆即推諉國勢此失敗者三而罪不容誅者也請 飭外務部以後事件無論與某省有無干涉必須內外互商然後決定若遇各部各省意見不同可由外務部詳晰辨論務使內外大臣盡行允洽而後對外施行所慮者官智未開耳年來民智略開請 朝廷注重諮議局

員慎其選舉廣其見聞用民智之力以開官智於憲政前途裨益匪細

又郵傳部奏請獎給各國洋員寶星 略稱光緒三十四年葡京舉行萬國電政會迭准外務部來咨轉據駐京英法各使照請赴會當由臣部咨明外務部派電政局總辦候選道周萬鵬主事吳桂靈洋員德連陞前赴該會聽講並飭就近分赴丹馬那威英法德美日本各國大東大北各公司考求電政在案茲據該道等稟稱在葡京時極承公會會長厚遇大東大北兩公司素與我電局聯合辦事交誼尤深迨至丹馬那威兩國並承該國主贈給寶星派員款待若論酬酢之文宜尚往來之禮擬請給予各該洋員寶星以敦邦誼查該道等此次周歷各邦極承優待考查電務備得參觀見在整頓電政仿照各國辦法深資裨益所有各該洋員自應酌予寶星以篤邦交謹按章分別等第繕單呈覽如蒙 俞允即咨外務部照章製造並填具執照分別發交祇領

計開葡國郵電督辦畢利雷充電報公會會長英京東電報公司辦事督辦兼大東電報司督辦藤泥生烹德均請 賞給二等第三雙龍寶星大東電報公司英京總辦海西大東電報公司派駐中國總辦蒲勒德丹京大北電報公司督辦散秩大臣史溫生丹京大北電報公司總工程師司古斯答德均請 賞給三等雙龍寶星丹國駐華總辦比德生擬請 賞給四等雙龍寶星那威外部大臣克理斯都福森擬請 賞給二等第一雙龍寶星那威商部大臣亞白拉亨生工部大臣尼爾斯意倫日本郵電督辦小松均請 賞給二等第三雙龍寶星日本電話總工程師司大井擬請 賞給三等雙龍寶星

又學部奏請 賞給德國學部官員寶星 略稱查游學歐洲學生近來漸次增多其中實心求學者固不乏人而希圖倖進者亦所不免非嚴定考核之法不足以資策勵自監督蒞典任事以來凡有躋等及廢學各生靡不悉心查察然非得彼國管理學務之官襄助整頓未易為力此次德國學部左丞瑞樓將所訂整頓辦法簽押照行於中國游學前途裨益匪淺懇 恩 賞給三等第一寶星以示酬答

又奏請 賞給京師大學堂東西洋教員寶星 略稱查奏定學務綱要內載各學堂所派之員紳教員有能實心任事不辭勞怨者每屆五年准援從前同文館成案擇尤保獎嗣經政務處奏准以學生成就人數為衡歷經遵辦在案此次京師大學堂延聘之東西洋教員賈士諤等供差既久成材甚多均屬教授實心著有勞動自應援案給獎查外務部奏定寶星章程各學堂教習給三等第一寶星今該監督所造冊內除日本文學博士服部宇之吉另請獎勵文科進士外其法文教員法國法學畢業生賈士諤英文教員英國倫敦聖約翰書院畢業生聶克遜動物生物等學科教員日本理科學士桑野久任植物礦物等學科教員日本理科學士矢部吉禎物理算學等學科教員日本理科學士氏家謙曹地理教員日本文科學士坂本建一圖畫教員日本美術學校畫科助教高橋勇教育學教員日本師範學校助教法貴慶次郎等共八員均擬按章請 賞給三等第一寶星以示鼓勵

又出使美墨祕古大臣伍廷芳奏由祕美順道查察巴拿馬華僑商業情形幾握其全國商務之半土人深忌之彼國政府比來時有苛待情事將來該國運河經美國開通必成地球上最繁盛之商港各國業已遣派駐使設有領事我國亦宜仿辦先行派官繼乃立約否則不免如檀香山前事一切華人利益為美國苛例所牽掣又奏南美未定約各國我國商民旅居各埠甚多似宜一律通好訂約簡使專駐藉資保護

又出使義國大臣錢恂奏列國注重東方大計 略稱歐洲外交最重二事一曰遠東二曰近東遠東者指中國日本而言近東者指巴爾幹半島而言查巴爾幹半島就今日疆域論土爾其為之主而合併奧國之匈牙利次之希臘離土獨立七十餘年若塞爾維亞若羅馬尼亞若孟的內哥獨立不過三十年若布爾加利則尚屬附庸而非獨立此半島中以異種異教之故互相殘虐百年無甯息俄國藉口同類屢欲乘機以制土英國蓄意防俄屢欲出兵以扶土而德奧意三國又時時圖擴張權力於該島光緒四年柏林約成而巴爾幹爭鋒一熄自後列國罕干島事其故有二一因德奧義三國聯盟列國無敢在歐洲境

內輕啟戎釁一因日本從事維新歐人側目而視遂移其所謂近東政策者於遠東遠東不安則近東安自然之勢也年來列國復于島事其故亦有二一因日俄和成遠東暫無可逞又移其遠東政策於近東一因土爾其銳意立憲爲之鄰者憑公理不能不贊成實則深恐憲政果成將對土之素謀不遂於是羣策又紛集於島矣當柏林締約時義以獨立未久莫沾島利列強雖有將來析土屬地中海南岸地界義之說然僅慮懸初未實行前年義會以禁曉爲名邀同德奧二國各派武員駐土行鎮壓警察權劇有深算乃逢土與議會義遂撤回武員義退而德奧借退惟奧土關係尤密在柏林條約曾指明波斯尼亞及海希哥那等地由奧土兩國共治實則奧握民權土存其名列國早以委任統制之律歸與奧思及今不取後悔莫及遂於上年宣布收入版圖此事土國固極不甘然新政方艱舊約猶在不得不隱忍承認執意塞爾維亞憤同島之見割首發難端布爾加利款土力之屏弱借端自主義人又以奧新拓土已獨向隅責備政府求獲均霑之利益在奧讓亞得亞海邊少許地歸義於是不但島局紛擾即義政府亦因之不安此上年秋冬間情形也比來土國新政府一意鞏固其政而外交上已失之權利知不可以口舌爭故對奧則稍得償金忍棄土地以柏林約之本許與兼轄也對布則不復問附庸舊例以布得強助無可詰責前年第二和會時布已獨占一席非如第一和會之附隸土後對塞爾維亞不敢甚引爲同調以避鄰嫌均出於不得已各國處分此事有重開公會修改柏林條約之說而半年來之危象漸消消弭義國政府向議院一再劃陳奧之拓土本於舊約義不預約無可均沾議員一再辯論終無以易政府之說亦歸靜謐此近月來半島及義政府之情形也夫立憲所以求強乃土爾其以立憲之故轉不免於外交上先示退讓遂有發爲立憲無益之說者非篤論也土國外交失敗在往昔不在近今近雖悔悟不能廢昔已成之約波斯尼亞海希哥那兩地之歸與萌芽於三十年前豈可歸咎於今日以今日論德奧義因其立憲而收回警權義又因其立憲恐地中海南岸地之不可復得改而求償於奧奧亦因其立憲但收取波海兩地而不敢取薩拉行伏地按柏林約薩拉亦

在可取之列凡此何莫非立憲先聲有以懾之竊揣今後半島暫無戰事奧義國交亦無齟齬在歐邦引爲慶事所慮者近東安則遠東或不免多事外交應付與其斟酌於臨事不如籌運於幾先環伺太多事端百變謹就歐洲列國國際大勢之關於東方者臚列上陳稍盡訓方道事之責

又出使和國大臣陸徵祥奏和屬華僑人數衆多和人益加猜忌非力加保護不足以安僑心非設立領事不足以收實益近日彼更施分籍政策擬訂新律收我僑民而我國籍法業經頒布國際法正在調查設領之議彼終延宕我領未設而彼律先頒下喬入谷將如之何計惟有效希臘羅馬尼亞預備平和決裂之一法一曰彼律未頒宜再及時隱拒一曰彼律竟頒宜加切實干預總之使臣可易而政策則不可易此亦國際戰勝無形之法也又奏禁止官紳往南洋勸捐以啟僑民輕視祖國之心又奏嚴詰和外部侵犯機密通信以遏彼族此後更無忌憚之機均下部知之

又外務部奏德屬南洋各島現在議招華工自應設立領事駐紮茲據德使雷克思來部聲稱續招華工數百名前往薩摩備作並先行設立領事藉資照料查有同知銜林潤釗前經派赴該島熟悉情形擬請派爲署理駐紮德屬南洋各島領事前往薩摩開辦所有應募華工統歸管轄仍稟承部臣及使德大臣妥慎辦理援案刊刻關防頒給收執並咨使臣照會德政府認准接待

又 諭錫良程德全電奏英將克奇訥懇請賞給宮內存儲儀器等語著將存儲儀器賞給二件以示優異

又學部奏准歐洲游學監督改歸使署經理並遴員分充監督

又 准出使德國大臣蔭昌收受日皇贈勳一等瑞寶章出使大臣楊樞收受日皇贈頭等寶星及丹王贈一等寶星比君主贈一等寶星

臣謹案各國君主贈給我國臣僚寶星必先請 旨准其收受始得佩帶茲錄一二不及備載

又 命貝子銜鎮國將軍載振往日本法部尙書載鴻慈往俄國呈遞國書答謝賞載振一等第二寶星載鴻慈一等第三寶星

又 賞給日本派交南滿洲電機田中次郎等七員寶星 賞給日本回國武員林二輔等三十四員寶星 以辦理交涉和平賞日斯巴尼亞國外部秘書杜來思等寶星 以年滿回國賞義國前署使臣牟納格寶星 以遇事勤助賞駐紮龍州法國代理領事官伯樂福等寶星 以敦睦邦交賞比國外部大臣達微濃等寶星 以接待殷勤賞俄國莫斯科陸師團司令官世爵迫賴威等暨南滿洲鐵路日本株式會社職員藤井十四三氏寶星 以奉進書籍賞日本伯爵大隈重信頭等第三寶星 以東西各國人員在奉天辦事有年賞日本陸軍中將男爵安東貞美等二十八員寶星 以獎勵美術賞義國工藝家齊爾邁寶星 以辦交涉和平賞駐津法國副領事官蘭必思寶星 以誼篤邦交賞祕國外部大臣阿爾兜等墨國接引副大臣尼輔等法國農部大臣呂渥等巴西國外部大臣白蘭谷等寶星 賞日斯巴尼亞國駐滬領事官亞理阿斯使館參贊密閣達三等第一寶星 賞日瑞丹比各國外部大臣等寶星 以美國軍艦來華游歷賞美海軍副提督伊摩利施羅達等寶星 以和洽兵民賞駐天津日本陸軍少將中村愛三寶星 以遵守約章賞法國駐滬候補領事賈雅寶星 以減撤京津衛隊賞德國統帶游擊巴司福等寶星 賞任滿回國義國使館衛隊統帶海軍游擊貝德孟迫寶星 以調和中外賞義國總領事銜前駐滬領事計細寶星

二年外務部奏請添派海牙公斷院裁判員查使日本國大臣胡維德使法大臣劉式訓均於公法研求有素足充是選又據駐和法大臣陸徵祥電稱訪有比國前法部大臣豐登納文曾於丁未年經其政府派充保合會第二全權大臣該員係法律名家比利時又係永久中立之國尤為相宜業與電商甚願充當中國公斷裁判員查各國自第二次和會條約簽押以來無不陸續照額選派屢經海牙會該院辦事處備文知照我國業已入會簽約似應一律辦理以符約章而昭體制

又 諭電寄兩江總督張人駿現在長江一帶春雨過多米價騰貴又值江甯省城開辦勸業會中外商民陸續聚集迭據英美德等國使臣向外務部聲稱

該處於長沙亂事後人心浮動匪黨潛滋近復有剪髮割雞尾小孩身佩符錄學生懷挾槍彈等事外人性命財產在在堪虞各擬商派兵輪前往觀會藉可隱為保護等語沿江地方不靖訛言繁興各國咸有戒心伏莽時虞蠢動亟應切實防範預遏亂萌該督前調兩營彈壓會場如果不敷分布仍著酌添水陸數營隨時嚴密梭巡加意偵緝如有不法匪徒勾結煽惑以至施行邪術擾亂閭閻務當協力查拏一經訊實即行就地正法勿稍輕縱以弭事變而保治安

又派郡王銜貝勒載瀅充專使大臣前往英國弔唁

又派貝子銜鎮國將軍載振充頭等專使大臣致賀英君加冕

又使義大臣吳宗濂奏外交官吏請照軍官出洋短衣之製以便交通下所司議奏

又 賞比國駐滬副領事瓦度德商輪船管駕密來拖納等寶星 賞法國駐四川重慶領事白達寶星 賞德上議院議員黑師前駐滬德副領事胡思格等寶星 賞駐晉英國教士蘇道味寶星 賞英俄德法奧義等國接待員盧皆等一百六員寶星 賞義國提督薩納瓦二等第二寶星 賞駐烟台各國正副領事美國法勒等十九員寶星 以教練留學武生出力賞奧國軍官男爵陶爾盧斯等寶星 以管教嚴整遇事贊助賞法國教士懋德寶星 以力顧邦交賞法國駐廣西總領事魏武達等寶星 以招待考察陸軍賞日本中將長岡外史等美國正參領司開勒等法國統領德康佩等德國都統克司樂等奧國陸軍部大臣勒那依盧等義國副都統施賓嘉的保祿等俄國陸軍部大臣蘇霍木林等寶星

三年外務部奏向章墨祕等國以駐美使臣兼充日葡等國以駐法使臣兼充見墨祕交涉日多需派專使古巴一國距美僅一日海程仍應由駐美使臣兼轄至日國東北與法接壤西與葡鄰法葡則有海程之隔今擬日葡兩國共派駐使一人即於日京設立使館至南美中之與我立約有年而尚未設使者厥惟巴西由法南行至巴海程三日可達擬即以駐法使臣兼轄瑞典甫於宣統

元年與我訂約亦深盼我早日設使其國北與俄界最近又丹馬與我通約已久其國北與瑞典毗連南距荷蘭航路瞬息可達擬以駐俄使臣兼轄瑞典駐荷使臣兼轄丹馬不必專設分館以上情形或經各駐使議及或早由彼政府聲請體察情勢實有不得不酌量增改者從之

又奏墨祕日三國各設二等公使每館設三等參贊一員向兼領事者日館設二等通譯二等書記各一員墨祕二館各設二等通譯三等書記各一員葡分館設三等參贊一員仍兼代辦三等通譯一員均作為額缺

又添設和屬爪哇島總領事一員泗水蘇門答臘正領事各一員改設英國屬地檳榔嶼正領事一員

又出使大臣張蔭棠電奏墨尤賄禮並償華僑財命已與墨畫押

又使奧大臣沈瑞麟奏外患日亟請速定聯盟政策以結強援而維危局近十年來各國之協以謀我者始於光緒二十四年之英俄協商而二十五年乃有英日協商二十八年三十一年有先後兩次之英日協約三十三年又有日法

協約日俄協約英俄協約宣統二年復有日俄新協約陽託保全尊重之虛名陰行取侮兼攻之祕策其舉動之彰明較著者英則兵踞片馬俄則特派陸軍大臣赴遠東為軍事規畫日則全力經營遼瀋近且與俄議割滿洲公布俄報矣萬一不幸英日俄法四國之中有一國首先發難則列強各挾機會均等之主義以肆其橫行於此而取求弗汝疵乎赤縣神州豈容他族僭處將堅拒不許乎而海陸軍備無足恃何以禦侮為今之計莫如聯德美以結我援而樹彼敵使競爭得以繼續即協約不能實行奚以明其然也德與法為世讎與英為勁敵而侵略世界之政策又往往與俄相抵觸故歐洲大局德奧義為一部英法俄為一部久成對峙之形至於美日之於東方莫能兩大日自勝俄并韓以後高寧遠雖幾欲攬太平洋之海權故美日傾軋初不以一千九百零八年之緋約而變其計畫况德為新造之國而美則世守孟祿主義在中國所得權利遠不逮英日俄法之優是對於四國嫉之愈深斯對於我國援之必力東三省鐵路之中立美首倡言哈爾濱市制之施行德先抗議非愛中國也蓋協約未

得圓滿之果則競爭尙無休息之期臣愚以為乘此時機與之聯絡握定維持見狀四字為聯盟宗旨但期限制英日俄法之權力以遏其進取在德美必表同情如有非分之要求則見練新軍需款甚鉅或陰許以日後借款特殊之利以結其驕心固無損主權且有裨實用利害之權衡既審操縱之因應皆宜或三國同盟以壯聲援或兩國分議以免牽掣事貴速成謀宜勇斷設再遠巡卻願坐失時機恐德美亦相率加盟陷我於孤立之域則眉睫之禍不堪設想矣國勢安危爭此一舉應如何相機辦理刻期舉行請 飭內閣外務部決機定策庶外交不至棘手而憲政分年籌備亦得藉此和平之保障以促其進行又奏各國通告公牘會盟約文全以法文為外交公共文字我國駐洋使臣及各分館十餘處習用文字恆有英法德三者之不同請 飭外務部參照通例釐定畫一辦法由部遴選精通法文熟諳交涉之員查照漢文譯成定稿分別咨行

梁啟超外交方針私議即 各國對於我國之態度有通行之兩語焉其自見在方面消極方面言之則曰維持見狀其自將來方面積極方面言之則曰機位均等此兩語也各國所以解釋之者有異英法俄日所謂維持見狀者防己國既得之權有損也德美所謂維持見狀者防他國未得之權有進也英法俄日所謂機位均等者指己國特殊利益地域以外為適用之範圍也德美所謂機會均等者無論何國之特殊利益皆不承認而以中國全境為適用之範圍也各國前此關於中國之宣言皆曰保全領土開放門戶及日俄戰後則將保全領土改為維持見狀開放門戶改為機會均等此中消息最宜細參 列國並立而有競爭為競爭之預備有時覺獨力之不足而同盟起焉一以平和為目的以一以戰爭為目的皆循譯所生之效果而得同盟政策之四原則一兩國有同等之實力者可結二兩國有同一之目的者可結三凡弱國非為進取起見不可與強國同盟四弱國方為數強國所爭者不可與爭我之國結同盟將據以論德美同盟之得失焉 今之同盟論尤昌者中美也其兼主中德者慮一

美不足當四國而並引德爲重也夫國家賴有同盟始能奮飛斯誠有之若非有同盟不能自存則其所以圖存者亦僅矣論者得毋謂同盟成立後我遂能以公債條件向美德市場發行募集而應者如響乎以日本積屢勝之威外債尙須以海關擔保而普通公債猶不能得一鎊金於同盟之英而謂我能收效五尺之童知其誕矣必仍以各項稅源或營造物作抵苟有確實保證英美俄日豈不趨之若鶩惟美德且各國宣言有機會均等一語我不借債則已借則能容我獨向一二國乎實言之必英俄德法美日六國均等利益何在焉促我同盟論之動機莫如日俄新協約在滿洲蒙古之行動彼兩國犧牲數百兆金錢數十萬兵命所得之權利而謂以第三國之抗議能使放棄乎今後保滿政策惟有開鐵路與之爭地廣移民與之爭人改良行政與之爭權欲此策有效最急者曰人才曰資力人才非可求諸同盟資力則前所論外債盡之有同盟與無同盟一也凡結同盟必互有所賴英日同盟日賴英以制俄英賴日以衛印度俄法同盟法賴俄兵俄賴法財與我同盟何賴乎故德美而與我同盟所責望者種種特權藉曰予以特權而別有所責望於彼足以相償也其奈有機會均等主義我欲私諸所愛而不可得嗚呼一而今五六直抱薪救火而已我之求同盟不過欲保持我所未失而恢復我所已失者無論爲保持爲恢復決非能以一紙抗議奏效而決之必以戰使以一德戰一英一美戰一日勝負之數未可知今日事勢必無以一敵一之局兩造各有三四國在勢萬不可避德美不爲我戰我亦不過虛語其爲我戰恐一戰而失其所以爲強然則我所獲於同盟者安在 或曰夷狄相殘中國之利我若能嗾德美與意與俄法英日鬪吾作壁上觀以乘其敝或有意外之獲此迂生之響言也今日事勢經強國一次協商而弱國之位置必一變經一次戰爭而亦必一變今我所以能延殘喘者恃各國之憚於戰爭而協商又非易耳戰端一開則吾之運命定謂余不信則日俄之役之於朝鮮其前車也今德美方有所覬覦於我所以嗶咻我者無不至殷鑒非

遠蓋念甲午以後團匪以前俄之所以嗶咻我何如論者必曰德美非俄比則吾請一讀腓力特列大王之遺詔一讀四十年來歐洲外交史觀柏林會議之事實考三國同盟成立前後之掌故德國所謂義俠者可見一讀近年盧斯福之演說集與今年塔虎特所下國會之教令則美國所謂義俠者可見吾非敢謂他國國際上之道義能優於德美蓋狡焉思啟何國莫然願必謂德美道義優於他國而尤恃美之必不我謀此其愚直等於贖貨之虞公而已今日幸延殘喘恃各國之憚戰而協商非易若一旦與他國結同盟進可以挑各國之戰爭退可以促協商之大成此局將立破使非攻守同盟耶則效力薄弱不能爲我助結之何爲使爲攻守同盟耶則我見在之兵力不能助人攻守同盟國何所得於我所得者必其戰爭中予以地勢之形便及軍食之供給而已夫德美之思逞東方匪伊朝夕其不敢發者徒以地利不如人也一旦得之則驟然以起亦意中事而全球振古未聞之大戰交綏遂始而我亦隨陷旋濶設當戰機將開未開之頃若韓魏之肘腋相接以謀智伯幡然一念謂吾儕何苦緣此區區致數萬萬人肝腦塗地不如宰割而享之則協商自茲始矣今德美所以不加入協商者以四國協商各尊其既得權而德美之既得權未嘗耳既已同盟則新得者不劣於四國結果可無偏枯而各得所欲以去矣夫列強戰爭協商大成皆即我國滅亡之日而結同盟兩足以致之吾故得下一斷語曰中美同盟中德同盟皆亡國之言也

又外務部奏朝鮮新義州地方與奉天安東縣祇隔一水我國工商人等以舟楫往來便利歷年赴該處謀生者日益衆多亟須有人稽查商准統監府於新義州華商中選派公正董事就近照料仍由俄南浦副領事兼管以資保護近來京義鐵道告成新義州爲該路運輸末站商務日見發達本年准出使日本大臣汪大燮以考查新義州地勢實爲衝要惟離漢城甚遠審度情形自以添設領事爲宜函請 臣部核辦當函致該大臣即與日本外務省妥商見經復允查新義州增設領事日外部既經允認自應遵員派充該領事館應設三等通

譯三等書記各一員亦應揀派以資襄助

又奏中和約載凡各國見時及將來派駐領事之口岸中國均可派領見各國在彼設領地方已有七處中國創設之始應參酌分配擇要設立並規定駐紮地方管轄區域暨各該領館員缺以資遵守查和屬巽他羣島口岸繁多彼分行政視學司法三大綱畫區分治而於巴達維亞泗水把東等處爲商務重要之區與華僑尤有關繫茲擬於爪哇島設立總領事一員卽駐紮巴達維亞管轄本島三寶壟以東地方及婆羅州和屬全境萬里洞全島并其附屬各小島於泗水設立正領事一員管轄本島三寶壟以西地方及西里伯和屬全境馬渡拉峇釐龍月並其附近各小島又於蘇門答臘之把東地方設立正領事一員管轄本島全境及邦加並附近各小島以上各地均係華僑萃商務叢集之所其總領事館擬設二等通譯二等書記各一員正領事館擬各設三等通譯三等書記各一員均作爲額缺至各該館公費員薪均參照見駐各國領署辦理

又以英皇加冕大閱兵艦派巡洋艦隊統領程璧光率海圻艦前往以將敬意而敦睦誼

又 諭張蔭棠電奏墨國內亂華僑被害援光緒二十四年古巴封港成案請撥款賑卹著賞銀一萬兩由外務部出使經費項下發給

又 諭總稅務司赫德於咸豐年間來華由粵海關副稅務司洵升總稅務司迭受 先朝恩遇歷 賞按察使銜布政使銜花翎頭品頂戴並雙龍二等第一寶星三代正一品封典太子少保銜前因病請假回國復 賞加尙書銜該總稅務司供職中國所有通商各口設關征稅事宜均由其經手創辦以及辦理船廠設同文館赴各國賽會設立郵政經始規畫悉臻妥協遇有交涉時備諮詢在中國宣力五十餘年深資贊助茲聞溘逝軫惜殊深加恩著賞加太子太保銜伊子赫承先著賞換雙龍二等第三寶星以示優異

臣 謹案我 朝優禮客卿無過赫德者同治初美人華爾英人戈登先後領常勝軍立功江浙戰績甚偉華攻宵波殞命以中國章服歛 特予建

祠法人勒伯勒東授浙江總兵法爾第福又名買爲江蘇副將均於紹興戰歿奉 旨優卹日意格人初與軍旅繼以船政著勞 賞花翎提督銜之數人者食其祿忠其事同膺懋賞洵無愧色然視赫德之富貴壽考侷乎遠矣

又以保護華僑 賞俄國海參崴商口總辦水師五品男爵挑貝等二三等寶星 以辦理交涉和平 賞義國使臣巴厘理駐津比國副領事斐德門寶星 賞日本俄義德國接待各官一二三等寶星 賞商務賽會洋員比國上議院議員寶伯來等汴洛鐵路借款公司總董比國洋員德色愛等駐漢口德國領事官米雷爾等寶星



皇朝續文獻通考卷二百四十一

外交考五 界務

臣謹案大地之上有國必有界而交界之委衍未有逾於中國與俄羅斯者天命朝征哈薩連部天聰朝定黑龍江全境康熙朝收喀爾喀與俄之西伯利亞東境牙錯矣乾隆朝平準噶爾烏梁海哈薩克諸部相繼內屬與西伯利亞西部又相接也 國初以來中俄廢續訂約無不以邊界為斷斷其他葡萄牙之澳門英之香港滇緬印藏法之滇越德之膠濟日本之臺灣朝鮮亦各以爭界釐起大波謹續纂之以補前考所未備其界已被占而猶存租之名者亦敘述概略冀覽者見地圖之改色而觸目增警云爾

俄羅斯

臣謹案康熙二十八年內大臣索額圖都統公佟國綱等往會俄羅斯使臣費岳多等於尼布楚定約分界二十五年我軍圍雅克薩城旋 諭由荷蘭貢使轉達俄求通款撤圍二十七年俄遣費岳多等來議道阻復還 是年再至乃定議立碑於格爾必齊河諸地雍正五年八郡王策凌內大臣伯四格侍郎圖理琛等與俄使薩瓦在恰克圖議定界約其時 國勢全盛虎狼伺側而預思所以箝制之豈有天驕之患哉 案作圖禮所定俄官伊立禮亦在尼布楚圖禮善必圖禮琛之說尼布楚也俄使姓然則伊立禮十一條未及曰結薩瓦文照此標擬倘界約註薩瓦俄使姓然則俄使其姓薩瓦名伊立禮者與

嘉慶七年蘊端多爾濟請巡俄邊奉 諭俄羅斯交界四十七處卡倫向來未定巡查之例今蘊端多爾濟稱明年親查恰克圖西十九處卡倫後年查恰克圖東二十八處卡倫逾十年與庫倫辦事大臣輪流一次往查亦屬嚴肅邊界之意著照所請行但俄人多疑著蘊端多爾濟於巡查卡倫以前明白曉諭使俄羅斯固畢爾納托爾等知巡查原欲永清二處交界並無別故自不至心生疑懼也

十年奏准將巡查鄂博之處仍照舊由烏里雅蘇台每年派札薩克一人巡查

不必親往稽查

臣謹案虎狼在門從嚴核緝尚恐防不勝防每年止派札薩克一人非不見 朝廷之大度而我以誠彼以詐庫葉島者混同江口之大護沙不知何年淪入於俄同治開乃為日本以羣島易之去改名唐太談邊者倘亦有鑒於是與

道光五年 諭慶祥奏俄羅斯私人邊界建房請飭查詢一摺俄羅斯素形驕悍今於哈喇塔拉地方私蓋房開闢取哈薩克牲畜租賦現據阿布拉稟稱往見其頭人傳述察罕汗賞給物件欲擇哈喇塔拉水草好處築城種地收租是否係其屬下頭人所為抑係該察罕汗教令所致自應查確再行辦理現已由理藩院行文薩納特衙門查詢俟其如何回覆再行諭知相機妥辦此時邊防緊要該將軍務當嚴飭卡倫員弁兵丁加意防守勿致稍有疏虞並曉諭哈薩克公阿布拉以伊素稱恭順現已行文俄羅斯查詢建房情由以憑核辦該案哈薩克勿得因有此事藉辭擅入卡倫該將軍一面剴切曉諭一面飭知該卡倫一體防範無許闖入以靖邊圉

又 諭松筠奏稱從前或係哈薩克侵占俄羅斯遊牧今俄羅斯意欲討還哈薩克以一面之詞希圖為其檄詢亦未可定倘俄羅斯以本係哈薩克侵占必應討還為詞理藩院轉難查辦哈薩克遊牧疆界與俄羅斯毗連理藩院無憑可查該將軍似可以行查理藩院並無伊等疆界圖識礙難查辦曉諭哈薩克以天朝定例外藩之地有疆界者方可查辦無疆界者例不辦理令其和睦鄰封似可毋庸行文俄羅斯免生枝節等語邊防緊要該處見在情形慶祥自必詳悉明確茲將理藩院詢問俄羅斯清漢咨文及松筠原摺一併鈔給閱看並著該將軍隨時體察相機妥辦總期無失天朝體制仍不致開邊費方為不負委任

又 諭據托津奏俄羅斯為俄外之國設法羈縻詎未臣服哈薩克平日越境搶掠賦性險猾該台吉所稱明年築城種地未可盡信即俄羅斯築城種地距卡倫尚四百里至哈喇塔拉是否係哈薩克境界無憑可查難保非仰藉天威

希圖微利所有公文一件請免咨行並請飭將軍慶祥如哈薩克不行呈報即置不問設請代為查詢當諭以疆界不消例不查辦等語事關邊疆機宜松筠托津俱曾任新疆熟於邊外情形所奏自不為無見然今昔情形不同該將軍慶祥辦事有年該處事宜諒所深悉是否必應由理藩院行文該國令其禁止或竟置之不問抑該將軍處派委委員前往哈喇塔拉地方設法曉諭該夷令其撤去房屋杜其築城種地之謀體察情形不可回護前奏亦不可因有松筠托津之奏意存遷就務須斟酌盡善籌出萬全方為妥協

又 諭慶祥奏詳查俄羅斯建房地實在邊界之內請仍行文薩納特衙門詢問一摺此事前據慶祥奏到已令撰擬檄諭由理藩院行知薩納特衙門查詢嗣據松筠托津先後具奏皆以哈喇塔拉是否係哈薩克境界無憑查考若行文詢問恐生枝節有礙國體為詞降旨復令慶祥體察情形相機妥辦茲據慶祥奏哈喇塔拉係釐定疆界立有條約鄂博地方距俄羅斯境界其遠今竟越哈薩克境數千里至哈喇塔拉地方蓋房若不行禁止將來漸侵及卡倫於地方大有關繫並將原奉諭旨覆奏摺及輿圖摘繪圖說呈閱是該處既不與俄羅斯毗連亦非哈薩克境內確有可據自應仍照前旨由理藩院行文查詢俟其如何回覆再行斟酌辦理見計長齡尚未到任慶祥俟英惠到彼署理將軍即當交卸往喀什噶爾籌辦逆夷事宜著將俄羅斯侵界之事應如何豫為防範辦理之處詳悉札致長齡相機籌酌盡善總期不失國體永絕邊衅方為周妥其喀什噶爾應辦事宜長齡亦當遵照前旨如有所見即札致慶祥妥協辦理務期罪人斯得明正典刑方為不負委任

六年 諭前因俄羅斯在哈喇塔拉地方蓋房一事檄諭該國薩納特衙門查詢茲據咨覆理藩院文稱哈薩克人數眾多應歸何國統屬從前定立條約並未議及因哈薩克前往貿易屢次向其求兵資助曾諭伊駐邊大臣酌量辦理上年派兵赴該處事畢旋即撤回有無在哈薩克界內建蓋房開並未呈明即或兵丁等建蓋土房數間自係為暫避風雨起見此時諒必坍塌見已札知駐邊大臣令其詳察停止等語此事前據哈薩克公阿布拉向查邊領隊大臣烏

凌阿面稟係俄羅斯因哈薩克本其舊部來收租賦擇哈喇塔拉水草好處築城種地就近收管今俄羅斯覆稱乃哈薩克與人爭鬪向其求兵資助見在俄羅斯既未再來築房又據回文若此其為哈薩克借端妄稟亦可概見著長齡於秋閒派員收取哈薩克馬稅之便即向哈薩克公阿布拉將俄羅斯咨查建房原委詳細告諭如所蓋土房尚未坍塌飭令即時拆毀並剴切曉示以哈薩克自臣服我朝以來向祇准在愛古斯河以外遊牧嗣蒙恩賞借卡倫外千餘里之地令其往牧仍在我鄂博以內該部落自當慎守藩籬靜安生計前此阿布拉所稟之言業經查詢並無其事可見天朝與俄羅斯文檄往來不難查對明確嗣後不准以懸揣之詞妄稟徒勞文檄查詢該將軍於秋閒派領隊大臣前往時將此意告知令其到彼明白宣示以期中外相安不得稍滋事端是為至要

又 諭長齡奏此次恩緒等巡查哈薩克邊界經過哈喇塔拉查明所蓋房屋係哈薩克等句來貿易俄羅斯數人棲避風雨僅止土房十間見已坍塌過半將所存殘毀基址概行拆去詰詢明確實係哈薩克妄稟等語俄羅斯自去秋蓋房以後並未再來貿易哈薩克境內安靜可見從前哈薩克稟稱俄羅斯蓋房侵界之言殊難憑信該署將軍嗣後駕馭哈薩克人等當於撫綏之中鎮靜彈壓不可輕信一面虛詞稍滋事端為要

咸豐元年 諭前因俄羅斯頭人私入邊界阻闕查邊道路當由理藩院行查該國旋據薩納特衙門覆稱奉到咨行已札交邊界官俟其查明再覆茲又接據該國薩納特衙門咨理藩院文稱上年伊犁官員在庫克烏蘇河與該國頭人會遇時告以哈薩克時常偷竊馬匹經該頭人代為尋獲馬一百五十四匹六隻令哈薩克索勒坦送伊犁官員領有收到回頭並稱因哈薩克本係該國所屬伊等偷竊牲畜自應查尋繳還等語查上年薩迎阿奕山具奏俄羅斯私入邊界情形並兩次覆奏均未提及向俄羅斯索取哈薩克偷去牲畜之說何以該國來文以此藉口且稱令索勒坦送到領有回頭又似確有其事俄羅斯入邊在道光二十九年八月是時適有哈薩克賊犯偷馬一案所奏訪獲情節

牲畜數目不甚相符是否即係此事原奏係據佐領富珠爾泰稟報該佐領與該國頭人巴囉會晤時有無向其私懇代尋馬駝情事收到回頭何人所給著奕山布彥泰即行逐細查訪明確據實具奏不准稍有隱飾回護見在該頭人等是否尙在哈喇塔拉迪北距卡倫六里外地方居住上屆兩年應收哈薩克馬租會否收取又該國請赴伊犁商議貿易一節果否遣人前來一併覆奏事關外夷邊界必應慎重核實辦理一俟該將軍等奏到再由理藩院備文飭知所有薩納特來文並譯出清漢文二件均著抄給閱看

臣謹案是年準部既平回疆內屬西境亦與俄接乃以伊犁塔爾巴哈台喀什噶爾通商請理藩院議允伊犁塔爾巴哈台而拒喀什噶爾

三年 諭據德勒克多爾濟等奏俄羅斯固畢爾那托爾咨稱果爾畢齊河地界並未立有界牌以及近海一帶呈請定立界限一摺俄羅斯近海一帶地方有無設立界牌之處理藩院定例並未詳載著英隆先行查明該果爾畢齊河東山之南北兩處從前如何分定界限以及伊等近海一帶地方究係應否設立界牌之處著即行文知照德勒克多爾濟等循照舊例妥爲辦理具奏

又 諭此事乃我國與俄羅斯國疆界所繫甚重著德濟訥勒亨額體察該果爾畢齊河東山南北兩界究係有無界牌以及近海一帶地方應否立界之處著俟英隆行文庫倫時詳細查明辦理

五年 諭景瀆奏會勘交界請俟明春再辦一摺此次會勘俄羅斯交界往返更改爲時已久今該夷使既在松花江口等候且吉林黑龍江委員均已自格爾必齊河折回其庫倫委員據稱七月中旬以後亦可趕到是八月初三日以前各委員必可在黑龍江口會齊若再行改期誠恐該夷有所藉口轉不能依期前來此時原不可必竟到東海勘立界牌儘可先飭該委員等在黑龍江口會晤將應議事宜詳悉籌商一面由黑龍江將軍知照俄羅斯在松花江口等候即可飭令該委員等迅速往晤以便定議安立界牌所有該將軍請俟明春再辦及先由理藩院豫咨該國之處著毋庸議

又 諭景瀆奏俄羅斯人船自松花江回行由黑河口經過一摺會辦俄羅斯

分界事宜前定於八月初三日會議旋經景瀆以知會日期文書由三姓傳遞深恐遲誤當諭庫倫辦事大臣補行知照勿庸改期並據奕格奏稱庫倫吉林黑龍江三處委員已於七月初七日在黑龍江會齊初八日啟程前往見在該委員章京惠霖等究於何日趕到松花江會否面議抑或於原定日期未能趕到之處著景瀆得有稟報詳悉具奏

又 諭景瀆奏吉林委員富尼揚阿等與庫倫黑龍江委員會合前行途遇先遣迎探之委員恆台等回稱在闊吞屯地方會見俄羅斯人木里斐岳岳幅取出伊國圖式指稱原定界址自格爾畢齊河長口起與安嶺陽面各河長止俱俄羅斯地界欲將黑龍江松花江左岸以及海口分給該國守護等語黑龍松花兩江係中國地界何得請給該國該使稱自格爾必齊河長起至興安嶺陽面各河長止俱係該國地界有無確據上年景瀆奏欲令該委員等前往東海將立牌分界處所查明此時三省委員會同前往如果查明立牌處所即可杜其狡賴至黑龍江松花江左岸其爲中國地界確然無疑著景瀆作爲己意告以中國法制森嚴守邊大臣於邊界事宜違例奏請即應革職治罪斷不敢據爾國無稽之言冒昧入奏自干罪戾其闊吞屯所蓋房屋既以防英爲名止可暫行借住至費雅哈人等居住年久斷難令其移居景瀆會勘委員如何回覆即一面剴切曉諭該國一面將辦理情形馳奏該將軍務當遵照此諭斟酌盡善相機妥辦是爲至要

又 諭本日據奕格等奏即係景瀆所奏之事而聲敘較詳如所稱興安嶺山陽流水之源皆係中國屬地山陰流水之處始是該國地面可見興安嶺陽面本非該國分界即據該夷聲稱亦知景奇里西里木的牛滿各河等處爲中國地界惟因陸路往來不便故欲分給伊國情形顯然可見仍著遵照前旨奕格景瀆德勒克多爾濟三人會銜公文移知該國告以此次勘定分界止可將先前未設界牌之地商酌勘定若將已定界地混行分撥我因此身獲重罪於爾國亦屬無益所備公文即由庫倫交俄羅斯固畢爾納托爾轉交薩納特衙門可也

六年奕山景瀆等奏俄人復由水路下駛沿途留有人船寄存糧石雖稱接濟伊國往來口糧而不候允許遽行占地建房俟木里斐岳幅到時正言向商奏入 上命照議辦理

七年 諭吉林將軍景瀆等昨據直隸藩司錢忻和等奏俄夷使臣普提雅廷駛至天津海口堅欲投文不得已而接收代遞理藩院據該衙門譯出該使臣咨文內有接壤地方尙有未定界址欲會商定議一節中國與俄羅斯地界自康熙年間議定以格爾畢齊河與安嶺爲界成約具在原無可議咸豐三年該國欲會查界牌五年秋開吉林黑龍江庫倫三處委員與該國木里斐岳幅會查因該國不遵舊制未能辦結據奕格等奏稱惟烏特河一處從前爲兩國公中之地未曾分界此時普提雅廷來津投文仍以分界爲詞已令理藩院行文咨覆特派大臣會同將烏特河一處勘辦分定界址該國接到咨文自必駛赴黑龍江邊界著派奕山親往會晤告以從前委員會議因該國派員議論未能公允是以日久未定今伊既係該國大臣正可秉公查辦以清界限如別有要求並著正言拒絕

又奕山景瀆等奏俄羅斯國人自至黑龍江岸船隻紛紛往還人數多至千餘且欲令江左屯戶移居江右其爲圖占地方已可概見奏入 諭理藩院行知俄國薩納特衙門查辦

臣謹案舊例由理藩院行知薩納特衙門薩納特者俄之外部也

又 諭前因俄使普提雅廷咨稱欲會商未定界址當諭令奕山親往晤會秉公查辦昨據錢忻和等奏該使於七月二十六日折回天津海口該藩司等派員將理藩院回文當面付給並告伊已專派大員在黑龍江等處候會辦該使既得回文又經地方官以禮貌相待歡欣而去惟稱查勘地界一事尙須折回本國請示該國主等語自係實情此次普提雅廷路過黑龍江諒必至海蘭泡等處奕山如與接見當告以中國既有咨文至薩納特衙門將來未定界址自必由該使臣與奕山秉公查勘所有海蘭泡闊吞屯精奇理等處均有該國屬下人蓋房占住見在界址未定自應先行撤回以守舊章而敦和好即或一時未

能全撤亦須飭令安靜居住勿與中國民人互生嫌隙該使臣係該國大臣諒能約束屬下靜候查勘儻或該使臣不到黑龍江與奕山晤面奕山亦可曉諭海蘭泡等處人告以該國有大臣即日前來與該將軍查勘界址兩國永敦和好爾等若不候定界擅自蓋房居住實屬非理中國必咨行該國懲辦如此剴切曉諭仍暗加防範先事豫謀以消後患

又 諭吉林將軍景瀆等奕山等奏普提雅廷由天津折回尙無消息其會勘烏特河地界一節據稱尙待回國請示伊主奕山自未便在彼久候惟界址未經議定而海蘭泡闊吞屯等處早有搭蓋房屋烏魯蘇木丹卜爾西爾根奇海泊之事夷目央喪枯幅既故意推委木里斐岳幅又擅敢駁回文書惟有嚴加防範斷其接濟著該將軍等妥籌辦理本日已諭理藩院咨行薩納特衙門查詢普提雅廷於來春何時到黑龍江以便奕山屆期馳往會勘地界且看其回文有無別生枝節屆時再行相機酌辦

八年 諭前因俄羅斯欲請勘定分界特派奕山與該國使臣普提雅廷會議嗣因久無折回確信未經勘辦上年冬英佛稱兵占據廣東省城欲赴上海議事而普提雅廷忽於米夷照會內附呈咨照軍機處清漢文及夷字各書其中袒護英佛已飭理藩院行文該國薩納特衙門據理曉諭令其毋庸干預惟所稱分界地址自沙城嶺起至阿爾管什勒喀等河止迤東地方人皆不知與安嶺並非直達東海不能分作兩國邊界應以黑龍江左岸爲俄羅斯邊界中國滿漢人等悉移右岸又欲將烏蘇哩河下游右岸入海河以分作海岸即以海岸分斷等語中國與該國分界以格爾畢齊河與安嶺爲限定議百數十年從無更改今所稱與安嶺不通東海難以爲界是並非不知當時所定界址特欲另闢一直達東海之路以便其人船來往斷難遷就允准况黑龍江左岸均爲中國打牲人等舊居如果早爲該國所屬豈能百餘年來並無爭競直至今日始生異議據稱移居費用由該國供給其爲情理不足而以利引誘顯然可見豈有數千里江岸可以貨取之理見在兩江總督何桂清等已將不能在上海

會議之處行知普提雅廷如違諭折回黑龍江即著奕山據理辯論務當恪守舊約至精奇哩等處建房屯糧本屬非理乃稱業已有人居住即欲據為已有然則中國屯戶在右岸居住尤為久遠何又輕言遷徙耶且稱願在伊犁地方分明界址其道里亦無從明晰惟有妥為拒絕使知見在造房占住皆屬違例我國因和好有年不加驅逐但與之理論務當仍照前議將烏特河地方會同勘定即將江岸居人速行撤去庶各守疆土永敦和好至文內嶺名河名是否係該國所稱名目係中國何嶺何江遇有報便詳查附奏

又 諭謂廷奏俄夷不遵與安嶺分界舊約欲另以烏蘇哩河綏芬河為界等語當經諭知告以興安嶺分界載在會典其烏蘇哩河綏芬河此開無從知其界址難以懸斷黑龍江見有欽差大臣仍應到彼查勘諒譚廷襄等當已妥為曉諭該夷既稱已行文伊國辦理其所稱木拉幅葉幅自即係木哩斐岳幅已識奕山如其真心查辦即與秉公會勘倘肆意侵占亦止能隨時防範普提雅廷之意既以分界為重務當曉以此事斷不能在津議定實緣道遠無可懸揣至未分界址之地止有烏特河一處上年文內亦經允其查辦其見在所稱各河必在黑龍江方能查知至進京之說亦未必是其本心不過因從前曾有進京之人欲借此誣我廢棄和約不知雍正九年議定章程皆為該國貿易人來京而設並無使臣進京之例况皆由張家口陸路而來亦無由天津前來之事何得謂我廢棄和約該國通商向止恰克圖一處道光三十年已增伊犁塔爾巴哈台兩處今復許其海口通商此皆從前條約所無今反責中國廢棄條約其優待於條約之外者豈不知耶此中操縱該督等諒能洞曉機宜經權互用妥為籌辦

愛璉和約三條一黑龍江松花江左岸由額爾古納河至松花江海口作為俄羅斯國屬地右岸順江流至烏蘇里河作為大清國屬地由烏蘇里河往彼至海所有之地此地如同接連兩國交界明定之閒地方作為大清國俄羅斯國共管之地由黑龍江松花江烏蘇里河此後只准大清國俄羅斯國行船各別外國船隻不准由行走黑龍江左岸由精奇里河以南至額爾

莫勒津屯原住之滿洲人等照舊准其在所住屯中永遠居住仍著滿洲國大臣官員管理俄羅斯人等和好不得侵犯此係兩國所屬人一同安插人等不備錄附先定和約二條 一雍正五年兩國互定和約界址則以沙畢奈嶺東達額爾古納河黑龍江照常不改以免爭競至額爾古納河口直至東海尚有未定界限自應立定界址酌量順各河兩岸一為中國所屬一為俄國所屬其無河地方則應順山為界其額爾古納東至黑龍江直達烏蘇哩上游河源自烏蘇哩附近之綏芬河源起順河至海均應詳細議定各派可靠之員查明地界繪圖互閱定准後即為邊界之據兩國仍有未定界址沙畢奈嶺以西直達伊犁因不知地名亟應各派可靠之員迅速查明互相商定 一見在各國在中國通商均獲利益俄國亦欲仿照

臣謹按此係俄全權大臣普提雅廷咨全權大臣崇綸烏爾根泰文中所議之草約也後來愛璉定約即以此為准錄之以為正約之先例焉

又奕山等奏黑龍江左岸舊居屯戶外空曠地方許俄人居住並江中准其行走已非與安嶺舊界乃該國闖越黑河口欲由松花江西上夷字內又寫烏蘇里河至海為中國與該國同管之地肆意侵占漫無限制並在烏蘇里右岸圖勒密山向西安設礮臺並欲在河內上下左右岸至牯牛河一帶蓋房修道見派副都統富隆額圖欽帶同佐領三隆親赴綏芬烏蘇里等處履勘奏入 諭奕山景瀆飭該副都統等細心體察除黑龍江左岸業經奕山允許其吉林地方景瀆尚待查勘本不在允許之列當以何處為界即著該將軍等據理曉諭嚴行拒絕

又 諭奕山等奏遵查綏芬烏蘇里地界據稱綏芬至三姓交界寬廣千餘里並無與俄接壤之處烏蘇里河自北而南相距一千四百餘里距興安嶺甚遠亦無接壤處所是該二處不特原定分界甚遙且近接三姓甯古塔等處實已深入內地據該將軍等查明未便允許自應正言拒絕該夷要求黑龍江左岸居住奕山遵爾允准已屬權宜此次著該將軍等妥為開導諭以各處准添海口皆係大皇帝格外天恩原因兩國和好多年是以所請各事但有可以從權

者無不曲爲允准此後自應益加和好方爲正辦若肆意侵佔擾我參珠貂鼠地方是有意違背和議中國斷難再讓况在三姓地方攪擾街坊觸怒軍民若日久占居必致積怨成仇羣起爲難雖天朝法令森嚴亦不能以非理之事強制百姓彼時有傷交誼大非彼國之利如該使聽受開導不復以綏芬烏蘇里爲請即可與議准界址切實訂定除所議外永不准肆行竄越如其堅執不遵即著詳細具奏當由理藩院行文該國薩納特衙門與之理論奕山等亦可行知木哩斐岳幅據理執辯曉以利害

又 諭前據景濱等奏綏芬烏蘇里兩處與俄界毫不毗連且係採捕參珠之地即應據理拒絕何以副都統吉拉明阿輒許木哩斐岳幅於冰泮時馳往查明再立界牌至所稱原立字約時十四條內尙有三事未妥均未據奕山奏明其木哩斐岳幅來文內有二年後差學生到俄國學藝之語更不知從何而來奕山前次遽將黑龍江左岸允許辦理輕率且以烏蘇里河亦可比照海口等處辦理景濱因綏芬烏蘇里均係內地關繫繁重設法拒絕自是正辦著仍遵前旨據理剴辯毋得遷就了事致貽後患所立字約十四條及吉拉明阿輒許該夷赴烏蘇里口會勘地界有無含混應許之處著該將軍等查明具奏

九年 諭前因副都統吉拉明阿輕許俄夷赴烏蘇里口會勘地界當諭奕山景濱查明具奏並令將字約十四條一併查奏旋據景濱覆奏吉拉明阿令俄夷俟冰泮後再行會勘係一時推緩之言與本日奕山奏報大致尙同惟綏芬河烏蘇里河既不與俄夷接壤當時即應拒絕何以含糊推緩致令藉口至所稱廟兒地方舊有分界石碑據景濱原奏稱係通事傳聞之語况該處尙在綏芬烏蘇里地東與俄夷見占之闊吞奇咭相距甚遠亦豈能任意牽涉指爲接壤之據其字約十四條雖稱商議未定亦當先行入奏豈有俟夷酋覆定再行進呈之理設或其中有不能俯允之處豈非又費唇舌且所許二年後差學生到俄夷屯中學藝將來不能如約亦徒費周章吉拉明阿辦理夷務任意顛預著先行撤任並著奕山據實奏奏所有黑龍江副都統一缺著奕山遴選明白幹練之員切實保奏其字約十四條何款議定何款尙須更換仍著奕山查明

具奏夷酋石沙木勒幅如已到黑龍江城該將軍務將綏芬河烏蘇里河不與該國接壤之處詳細開導據理剴辯毋得再有含混自干咎戾

又 諭景濱等奏夷官不遵開導馳赴烏蘇里等處並據奕山等奏副都統吉拉明阿依理拒絕不從一摺俄夷石沙木勒幅等聲稱係木哩斐岳幅遣赴興開湖勒辦烏蘇里綏芬等處地界經吉拉明阿據理拒絕乃該夷等徑履冰下往將軍景濱等見飭三姓署副都統富尼揚阿揀員馳往曉諭第該夷狡執異常必須極力阻止已由理藩院行文該國薩納特衙門理論矣上年奕山允許該夷居住黑龍江左岸辦理已屬太易復輕許赴綏芬烏蘇里會勘地界致夷酋藉詞狡賴若不嚴行拒絕吉林一帶地方又爲該夷占踞無厭之求尙復何所底止至所稱不業羅幅斯奇在京亦爲勸界不知該酋此來係爲互換和約並未言及綏芬等處地界該夷之言斷不可信奕山等當告以中國准俄國於海口通商並將黑龍江左岸空闊地方許俄國居住無非欲兩國永敦和好至綏芬烏蘇里等處原不與俄國連界若肆意侵佔必致有傷友誼剴切曉諭使該夷不至任意要求至奕山所擬通商條規內除該夷尙未議定三條皆有關繫自應催令速行定議至第一條通商後兩國貨物俱不徵稅雖係照伊犁塔爾巴哈台舊章辦理但見在海口各國俱係納稅若不徵稅恐與海口章程有礙且恐各國有所藉口著奕山等將此條另行妥議具奏總須俟奏定後方能與該夷言明照辦奕山另摺奏請將撤任副都統暫行回任等語吉拉明阿辦事顛預實屬咎無可辭惟據該將軍奏稱見當夷務喫緊未便遽易生手吉拉明阿著革職暫留本任仍責令該員力圖挽救以贖前愆奕山於擬定條規並不先行具奏著傳旨嚴行申飭木哩斐岳幅如行抵黑龍江該將軍務據理諭旨妥籌辦理毋得再事遷延自干重罪

又 諭前因烏蘇里河等處距興安嶺遙遠不與俄國連界諭知奕山飭令吉拉明阿如遇夷船下駛設法阻止本日據奕山等奏俄船於黑龍江往來已成習慣若遽行拒絕恐其有所藉口等語黑龍江左岸地方既經奕山借與居住其船隻往來於黑龍江松花江中自難再行拒絕至綏芬河烏蘇里江兩處係

吉林地方不在借給之內若聽其紛紛駛往勢將何所底止奕山等並不體會前次諭旨遽以難於拒絕等詞奏覆殊涉蒙混著仍遵前諭嚴飭吉拉明阿曉諭除由黑龍江松花江往東入海口外餘如綏芬河烏蘇里江及三姓等處夷船均不得擅自駛往務得實力勸阻毋許意存推諉並著特普欽派員於黑龍江交界地方嚴密偵探設有夷船駛至即行正言拒絕以該處地方本不在前次許借之內亦無與俄國毗連地界無可查看阻其下駛

又奕山等奏綏芬河烏蘇里江皆係吉林地方不在借給之列乃俄人潛在烏蘇里口以下南岸舊居博力地方添建房開並於古克達蘇等處建房牧放牛馬任意侵佔俄官奇薩羅幅復帶同通事到卡聲稱會勘烏蘇里河源與開湖分界有自行去占之語

又 諭該夷占地建房並欲會勘地界總由奕山輕允黑龍江左岸地方以致肆意占踞該將軍既已貽誤於前並不思力圖挽救乃輒奏稱事屬吉林應由吉林主稿免致往返貽誤顯係有心推諉惟奕山既輕諾於前此時礙難阻止宜其一籌莫展著特普欽督同三姓副都統富尼揚阿曉諭木哩斐岳幅黑龍江左岸空曠地方許其借住已屬中國優待之意吉林界內係中國採捕參珠之地斷不容爾侵占若背約妄行必致有傷和好與開湖等處本不與俄國連界無可會勘豈得以曾在黑龍江具文為詞意圖狡賴著將軍等正言拒絕不可含糊了事嗣後奏事關涉吉林著即由吉林主稿一面會銜一面具奏免致往返札商徒稽時日至奕山吉拉明阿亦應力圖補救不得因地屬吉林希圖委卸

又特普欽奏俄目不聽理論動以木里斐岳幅為詞而木里斐岳幅則以前約內有烏蘇里河至海為中國俄國同管之地一語請飭吉拉明阿與之申明前約分較明晰俾免藉口

又 諭烏蘇里等處與俄國並不毗連何以奕山等所議條約有與俄國同管之語况該夷見欲開山修道則其本不過海亦可概見奕山等許其會勘尤為輕率著奕山傳知吉拉明阿向木里斐岳幅言明從前初議之時未深悉吉林

地界見在查明烏蘇里綏芬河等並非俄國接壤又與海道不通自應將此語更正不但圖勒密博力振吉及三姓等陸路不可任意侵占即綏芬烏蘇里河路亦當與之約定不准人船駛往總宜將木里斐岳幅折服則其餘夷目無所藉口後來人船方能斂戢若謂地在吉林意圖推諉奕山吉拉明阿恐不能當此重咎也特普欽既經飭知富尼揚阿於三姓地方就近拒絕其黑河口牝牛河等並著轉飭各該副都統一體防範務期會商力阻亦不可因貽誤由於奕山等遂謂難於籌辦也

又 諭特普欽等奏俄夷由水陸分赴琿春並強赴興開湖查看地界及在烏蘇里江建房墾地一摺俄酋伊格那提業幅到京以後聲稱欲會議東西交界本月復有俄人至天津北塘投遞照會稱有緊要書信須送給伊格那提業幅自係為議勘地界起見並聞木里斐岳幅亦即到津將來以理開導如該酋曉悟其應如何辦法仍須該將軍等定議京中不能遙制至烏蘇里江等處地方並無與俄人交界之處已迭經諭令該將軍等設法攔阻該夷人船下駛必須先過黑龍江地面奕山於木翁前來爭論時既未能據理拒絕而於人船下駛時亦未聞攔阻實屬咎無可辭特普欽等雖迭次奏報派員攔阻亦毫無實際豈得以奏明在前遂可塞責耶景瀆此時定已行抵吉林著會同奕山等將人船下駛應如何妥為開導拒阻其業經建房墾地之人如何驅逐籌畫辦法奏明為要

又 諭特普欽等奏俄國人船欲赴三姓等處貿易並木里斐岳幅隨帶兵船堅欲往烏蘇里綏芬河界一摺此事貽誤根由總由奕山吉拉明阿於兩國公同管理一語不能立時剖辨致令有所藉口本日降旨將奕山革職暫留本任並令特普欽將吉拉明阿率赴烏蘇里地方枷號示眾矣特普欽接到明發諭旨即可宣示夷酋告以烏蘇里等本非俄國接壤又與海路不通奕山吉拉明阿已為此事身獲重罪若再肆意要求我等萬難應允前此奕山等將黑龍江左岸借給俄國人等居住大皇帝既已加恩自不至有更改其未經議定之地任意闖越即是背約豈有吉林地界轉以黑龍江官員言語為憑之理爾即馳

往天津亦必仍交吉林定議以毫不相連之地何從勘界吉林官員斷不以此欺蒙君上爾亦身為大臣豈有不明此理將來徒勞往返於事無益轉傷和好不如各守舊約早息此念兩國自此相安至阿勒楚克吉林三姓等處奕山條約內本無與通貿易之說尤當與之剖辯諒特普欽等必能悉心體會也

又特普欽等奏俄會木里斐岳岳幅五月初一日經過黑龍江時稱欲赴烏蘇里綏芬等處會勘地界初四日過黑河口則稱欲往上海初七日過烏蘇里口則稱欲赴奇咭不日旋回撤卜勒幅等前來三姓未即折回初九日復有大小船八十隻載載十七面夷官及男婦人等數百名攜帶烏槍等多件由黑龍江下駛著意延請飭景瀆前往辦理奏入 上命景瀆星馳前進熟籌辦理

十年恭親王奕訢等奏呈進俄人地圖並請派員履勘得旨互換和約著收存禮部備查毋庸齎赴行在至明歲季春赴吉林查勘分界事宜應派何人前往方昭妥慎著恭親王酌擬請旨

又 諭前因俄國續約內載東西兩邊設立界牌應由兩國派出信任大員秉公查勘東界在烏蘇里河口會齊於咸豐十一年三月內辦理西界在塔爾巴哈台會齊商辦不必限定日期等情東界會勘已降旨令倉場侍郎成琦前往會同吉林將軍景瀆辦理所有西界會勘大員著景廉於就近各城大臣中擇其熟習情形通達事體者酌擬數員開單候旨簡派即由伊犁發給地圖前往塔爾巴哈台會同俄國使臣公同查勘

又 諭景瀆奏此次成琦至烏蘇里河口會齊必須開江後方能行船約四月下旬可到如由江口上往興凱湖中國既無火輪船駕駛又無陸地可通鍋帳等項無法駛運恐致臨時貽誤至黑龍江下流至烏蘇里河口界限分明易於勘辦惟興凱湖至圖們江必須該管熟悉地方情形之員會同履勘方期日後照辦不至節外生枝應俟成琦行抵吉林或委該地方大員分投會齊或親詣興凱湖一帶勘辦容俟妥議具奏等語明年三月東界查勘在烏蘇里會齊據景瀆奏稱約四月下旬可到此節必須先期照會該國以免藉口與興凱湖至圖們江為分界要地尤應秉公勘定設立界牌以期永久相安著恭親王奕訢桂

良文祥將景瀆所奏情形悉心籌畫並著成琦於明春前赴吉林與景瀆會商總期及早設法親與俄國使臣查明交界地方為妥善

十一年 諭據景瀆等奏密陳俄國分界各情並繪圖貼說呈覽新定俄國條約內載明遇有中國人住之處及漁獵之地俄國均不得侵占著奕訢等即酌擬照會二件一照會俄國總理各國事務大臣告以見派大臣查勘地界俄國之人應俟勘明定界之後方可居住不得先行占踞致該處屯戶驚疑一作為成琦之意照會東海濱省固畢爾那托爾亦屬其俟該侍郎與景瀆勘明彈春地界方可遷入居住總須遵照條約方為妥善

又 命烏里雅蘇台將軍明誼往塔爾巴哈台會同參贊大臣明緒查勘俄國地界事宜

又 諭據恭親王等奏於上年十二月照會俄會伊格那提業幅欽派大臣成琦擬四月下旬到彼會同查勘茲據景瀆奏由興凱湖至圖們江山路崎嶇擬於五月中旬在興凱湖守候俄國大員勘辦並擬照會呈覽會勘俄國分界關繫綦重前據俄國清字來文郭爾察闊幅咨稱烏蘇里分界事宜該國已派阿迪米拉勒喀切斐齊於三月間至烏蘇里江口大清國欽差大臣亦應於三月間至該處不得逾時等語自係尚未接到恭親王等照會成琦已於二月由京啟程著景瀆仍遵前旨將應辦事宜及應需船糧車馬各項先期料理齊備俟成琦一到即於四月下旬趕至興凱湖與該國會勘地界不可落後至烏蘇里河口一帶雖界限分明僅止立牌等事然亦不可辦理含混致貽後患著即責成副都統富尼揚阿於四月初開前往妥為辦理不可遲至五月景瀆俟成琦到後即定期會同前往毋得以道路險阻為詞致有延誤

又 諭據成琦等奏該侍郎行抵吉林省城擬即會同景瀆於四月初二日啟程前赴興凱湖守候俄使會勘地界勘定後圖上擬鈐用吉林將軍印信等語各國辦理事件均以奉有全權大臣便宜行事之旨為重該侍郎等此次會同俄國公使辦理地界設該使以未奉有此旨不肯會勘必致屆期請旨而程途較遠往返需時應否發給上諭一道將成琦景瀆加全權便宜等字樣寄交該



侍郎等於俄使索看諭旨時即行宣示之處著奕訢等悉心籌酌覆奏  
又 欽差倉場侍郎成琦吉林將軍景濤奏行抵興凱湖守候俄使得 旨事  
事總宜堅守和約此次駁斥尙屬得體無論如何梗阻汝等必應至該處以期  
兩國無爭不至別生枝節

又 諭成琦景濤奏會辦俄國分界一律完竣並將記文碑文鈔錄呈覽成琦  
等與俄使定議後照依和約將應辦事逐件會商作記繪圖畫押鈐印彼此互  
換其立界牌處所由烏蘇里河口至圖們江口共該八處著即將已分界址摘  
畫地圖鈔錄碑文分咨三姓寧古塔各該副都統轉飭彈春協領按照方向設  
立界碑俾永遠遵守該使本欲藉白稜河之說爲侵佔穆楞河地步逼近甯古  
塔爲通三姓彈春要路經成琦等力爭始強指奎屯必拉之分支小河稱爲土  
爾必拉即白稜河所有俄字記文其中恐有含混著成琦等將記文及界碑一  
併咨送總理衙門存案備查該侍郎等隨帶司員章京等始終勤奮著分別核  
獎

又 諭明誼等奏俄使未到先派委員查勘界址一摺前據奕訢等奏接俄國  
照會約定咸豐十二年四月在塔爾巴哈台會查商辦西界業經照明誼即  
行回任俟明年會辦屆期再赴塔爾巴哈台與明緒會同俄使查辦可也

同治元年 諭特普欽那敷德奏俄人越界割草請將辦理草率之總管革職  
一摺據稱呼倫貝爾與俄人接壤邊卡最多該總管珠勒格訥並不加意防範  
致令俄人越界偷割羊草或二三百堆至五六百堆不等並有偷挖地窖等事  
經特普欽等派員前往理論始據俄人承認偷割願將各處羊草搬取淨盡並  
將地窖平毀等語該總管疏於防範已屬咎無可辭迨與該國按約商辦又復  
任令將羊草搬回並不令其毀棄辦理尤爲草率呼倫貝爾副都統銜總管珠  
勒格訥著即革職以示懲儆該將軍等辦理此事防微杜漸尙屬認真嗣後各  
處邊卡事宜務當督飭在事員弁隨時嚴密防範庶足銷患未萌至該城各營  
官弁尤宜勤加訓練以資捍衛毋得視爲具文  
又 諭前因常清等奏阿勒坦沙拉久居俄國首鼠兩端當經諭令該將軍等

訪查辦理並以哈薩克地接俄界應妥爲防範茲據常清等奏俄國匪蘇勒官  
雜哈勞於呢瑪圖一帶設立卡倫阻我赴勒布什之路復於沙拉托羅海地方  
率兵攔阻聲稱哈薩克布魯特爲該國地方並於鄂爾果珠勒卡倫搶奪牲畜  
什物請飭查照舊章理諭禁止等語哈薩克布魯特地方俄國久已窺伺此次  
該國率兵攔阻是阿勒坦沙拉早已順從其應襲汗爵即著常清等揀擇應襲  
之人奏明承襲該處及布魯特地方何時爲俄國誘從據其文憑所言則該兩  
處地方俄國竟據爲己有必應查明原委方可酌辦著常清等迅速查明該將  
軍等到任未久無所用其回護本日諭知總理衙門與之理論明緒見在  
赴塔爾巴哈台查勘地界並著將此事與俄使剴切理論各守疆界其匪蘇勒  
官雜哈勞詭譎情形亦應告知該使使之安分守約以敦和好事關外國侵佔  
邊界明誼等務當竭力籌辦斷不可含糊了事以副委任明緒雖經隨放伊犁  
參贊大臣其會勘西界事宜仍著會同明誼妥爲辦理俟辦竣再赴新任  
又明誼等奏俄國公使堅執條約內所載有西疆尙在未定之交界此後應順  
山嶺大河之流及見在中國常住卡倫爲界之語另繪地圖內點紅色爲限欲  
將常住卡倫以外作爲應給該國之地等語據理駁斥匪蘇勒官雜哈勞復肆  
爭執查勒布什有乾隆年間所立石碣尙存阿勒台烏梁海等處均係從前賞  
給蒙古游牧之地其爲中華舊有實有明證蒙古身受國恩必不肯隸俄國將  
來必致激變奏入 命明誼等曉諭以情理不可遷就了事

又 諭明誼奏俄使在塔爾巴哈台會議分界事宜不遂所欲隱忍回國該使  
所指科布多卡外各地名均在鄂木嚕克大壩之北見在大雪封山道路阻滯  
未能出卡遠行查看着俟明歲春融後即飭委員阿克敦布等馳赴該處將鄂  
木嚕克之北吹河一帶俄人舊蓋木房共若干間親行勘明此項房屋起自何  
年此外有無另在他處建蓋房屋均著逐細查明建立原委以備將來與俄使  
理論撤去所有該處總管及鄰近毗連之蒙古王公各愛曼均著明緒會同明  
誼豫爲曉諭加意撫綏聯絡聲勢至卡外地方何處無礙蒙古生計何處可以  
議分亦須明春周查履勘豫爲繪圖以便臨期奏明候旨辦理錫霖既患瘧疾

一萬  
20  
冊  
7

所有分界事宜即著廣鳳幫同明誼辦理

又 諭明誼奏行文俄國約期分界妥籌防守並查勘木房等情前經總理衙門將議覆西北兩路分界事宜摺件行知明誼該將軍接到後即行札諭厄魯特烏梁海等部落並行文科布多一體照辦所籌其屬妥協即著隨時知照塔爾巴哈台一律辦理以期撫綏藩服同心禦侮見據西悉畢爾總督衙門照覆內稱必欲依該使所指常駐卡倫爲界方令分界使臣前來該將軍察度情形仍行給與照會咨行常清令由伊犁就近交俄國領事官轉行西悉畢爾衙門令該國分界大臣約定地方訂期分路會議俟該國照覆到後由常清拆閱分路知照備辦著照所議辦理其所給西悉畢爾衙門照會據定條約剖晰詳盡措詞亦頗周妥明誼仍當嚴密偵探有備無患毋稍大意庫什業圖地方所蓋木房二間雖據委員拉扎瑪布等查覆係爲巡邏弁兵棲止而設並非俄人所蓋惟恐尙有隱飾著仍飭該委員等詳細查明辦理錫霖見已赴任所有塔爾巴哈台分界事宜即責令錫霖會同常清明緒辦理

又 諭總理衙門奏勘分西界籌辦情形一摺前據常清奏俄國因分界未定關卡尋覓撲壓營盤並有揚言攻取索倫沙岡再取喀什噶爾及繞入伊犁城情事經總理衙門面加辯駁該公使以實因邊界未能早定恐該地民人滋事是以派兵彈壓委無自恃之意等詞照覆著明誼酌量情形會同該國分界使臣准照該使臣議單妥爲辦理一面照會該國西悉畢爾約定勘界日期並著常清行知喀什噶爾及各城大臣一體妥爲照辦俾釋猜嫌惟已分入該國之哈薩克布魯特人等該國如何安輯其仍隸我界之哈薩克人衆及烏梁海蒙古等如何安插勿失其心並應於分界時妥立章程以期久遠相安著明誼明緒等詳籌妥辦毋稍疏漏

三年 諭前因明誼等奏請派各城大臣四員換約後各赴本境建立界牌經總理衙門開單呈覽當派出廣鳳等三員以專責成茲據明誼奏俄使換約後立界時烏里雅蘇台亦須專有大臣建立界牌鄂博請於麟興車林敦多布二員內簡派一員等語所有烏里雅蘇台立界事宜即著派麟興專司其事見在

分界一事雖准照議單辦理惟換約後立界時仍須時防格外侵占麟興既經簡派責任甚重即著會同車林敦多布將應立界牌鄂博處所豫爲妥商俟換約事竣俄使前來時即按照議定界址與俄使建立界牌鄂博務須辦理周妥明誼等亦須各照各城豫籌妥辦庶臨時較有把握

又 諭前據明誼等奏接准科布多烏里雅蘇台咨文卡內蒙古游牧見均設法安置茲據麟興等奏稱據唐努烏梁海總管等呈到遵繪各旗游牧圖誌東自固爾弼達巴哈起西至沙弼奈達巴哈止即係唐努烏梁海游牧麟興等因烏里雅蘇台並無存有確切舊案當即咨查庫倫隨准照鈔雍正五年兩國所換原約畫分界牌地名核與委員所查大略相同似例載沙弼奈嶺即是唐努烏梁海游牧內之沙賓達巴哈已無疑義而俄國送來議單載唐努鄂拉達巴哈迭次核對均無此項地名如果即指唐努山不特與雍正年間定界舊案不符且與十年新定條約所載地址亦屬相背請飭庫倫將交界原圖咨送明誼等以憑核對等語俄人所稱唐努鄂拉達巴哈既查無此地名非調取從前定界圖誌以備俄使前來持與會議不足折服其心庫倫自必存有舊圖著文盛等速將已定交界圖誌照給一分或將原圖徑送明誼等以備與俄使會議時詳明實證是爲至要

又 諭麟興奏遵旨豫籌立界事宜並帶兵前往請飭晉省撥解餉需廣鳳等奏俄人侵擾阿勒坦淖爾烏梁海游牧各摺片前據麟興等奏請飭庫倫將分界原圖咨送伊犁核辦當諭文盛速將原圖徑送茲據該署將軍奏稱詳查唐努烏梁海實無唐努鄂拉達巴哈地名其西兩部落盟長地方因游牧窄小無地可讓未能豫籌安插將來定議分界時如唐努烏梁海游牧內有應分處所其人戶應移往何處安置均應先事豫籌著明誼迅即咨催文盛等將雍正五年已定界址圖說剋期送交俟俄使到塔即按原圖指名辨論能按照總理衙門前奏令讓出數百里安插內徙之衆較爲妥善至俄國議分界址自沙賓達巴哈界牌末處起順山嶺先往西行應若干里至某地名止後往南行至唐努鄂拉達巴哈俱係由何地名稱過並唐努鄂拉達巴哈是否即烏里雅蘇台所

屬唐努烏梁海地面並著明誼等與俄使會議時先行逐一指明繪畫圖誌開載兩國應行堆立鄂博處所以便分界時憑圖定議即由麟興等與明誼妥籌辦理麟興俟明誼換約事竣回城即行前赴沙賓達巴哈一帶建立界牌所請隨帶委員岳嵩武等及攔關防前往均著照所議俄人闖入阿勒坦淖爾烏梁海兩旗游牧地面欺陵後害業經廣鳳等知照明誼等辦理即著明誼行文西悉畢爾衙門令將兩旗游牧內之俄官等先行調回並將分界後原住人眾或照廣鳳等前奏暫令在北八臺等處妥為安置之處並著明誼廣鳳奎昌迅籌會辦

七年 諭富明阿奏俄界匪人聚眾攻殺俄兵見飭副都統赴琿春會商俄官勦辦一摺俄界漁戶雖係中國人民而敢於焚卡作亂其為不安本分已可概見富明阿見令烏勒興阿訥木津等派兵嚴防要隘遇有匪人拏獲囚禁以備對質所辦尚合機宜即著該將軍嚴飭烏勒興阿等慎守邊隘毋任匪徒闖入肆擾倘該匪被俄兵擊散逃入琿春境內即飭盡數勦除既可綏靖邊境亦不至啟釁鄰封所有富明阿續派全福所帶官兵並著前赴琿春交烏勒興阿調遣以備策應

又 諭前因總理衙門奏查明誤擄諾海安集延貿易牲畜請飭會辦當諭榮全會同李雲麟等酌妥辦茲據榮全奏稱接准棍噶札勒參來咨語多任性礙難照辦並錄咨文呈覽棍噶札勒參前因迎接索倫等眾路遇拜精格特哈薩克搶掠牲畜互相接仗雖出一時情急究屬冒昧自應靜聽榮全等妥籌辦理以息爭端該喇嘛負性強韌不知輕重設竟糾眾肆殺將來辦理諸事窒礙愈多著李雲麟明瑤錫綸就近善為開導務須阻止該喇嘛不可因勦洗哈薩克致滋俄人口實並著榮全隨時咨商辦理

又 諭榮全奏棍噶札勒參誤擄牲畜一事業經會同麟興錦丕勒多爾濟籌議賠償銀兩備文飛咨俄人約地會辦咨商李雲麟等未據回覆等語此事既據榮全等籌商辦理自應迅速了結若待李雲麟咨覆到日再行商辦往返耽延著榮全會同麟興錦丕勒多爾濟迅將此事辦結不可拘泥誤事一面分定

烏里雅蘇台邊卡界址與俄人約至邊界會立鄂博界牌分定限制以正疆界布倫託海亂萌初起尤須速籌弭患之方李雲麟何得藉安設臺站為名避往格勒地方置本任於不顧著懷遠前旨馳回本城會同明瑤等亟籌戡定並將立界事宜妥速辦理毋得規避貽誤致干罪戾

又 諭麟興榮全奏請飭土爾扈特盟長速赴布倫托海一摺土爾扈特盟長布彥鄂勒哲依圖來京呈請特派大臣帶兵進勦烏魯木齊回匪該盟長帶領所屬官兵會同征勦曾諭該盟長前赴布倫托海地方聽李雲麟辦理見據麟興等奏稱該盟長自起程後所屬部落復被烏魯木齊吐魯番等處回匪滋擾該游牧接仗失利陣歿多人喀喇沙爾地方不能居住見已移至大小珠勒都斯等處見在該盟長所屬部落人眾日久無人統率誠恐眾心惶惑別生事端布彥鄂勒哲依圖由京起程是否業已出口著理藩院即行查明催令迅速由驛馳赴布倫托海聽候李雲麟酌量情形辦理並著李雲麟明瑤錫綸遵奉前諭接濟照料妥為羈縻毋使別生枝節麟興等另摺奏見調蒙兵未能起程並送越界俄人出境及拏獲普哈爾夷人各摺庫倫所屬東西兩盟僅能派兵四百名尚無起程日期札薩克圖汗賽因諾顏兩盟長應行額派之兵又因情形苦累軍械駝馬口糧均未能自備著麟興等即飭各該盟長等將所派各兵均行停止以示體恤唐努烏梁海地方越界俄人既經該總管等設法查辦護送出境交俄目收回仍須防其復來並著麟興等飭該總管等隨時巡防毋仍再行越界滋事普哈爾貿易夷人迷失路徑誤至烏城既非奸細不必羈禁著麟興等妥為撫恤並咨詢俄國邊界官如可由俄國遞回普哈爾之處即著設法送回該部落以示羈縻

又 諭總理衙門奏請改派西疆分界大臣並請飭催將分界事宜迅速舉辦一摺布倫托海分界事宜前有旨派李雲麟辦理該員見已革職所有布城分界事宜著改派明瑤接辦新疆毗連俄境分定界址應建界牌鄂博等事關繫極為緊要宜如何迅速籌辦乃布倫托海辦事大臣欲令烏科兩城先辦而科布多參贊大臣將烏柯克卡倫迪西屬於布倫托海據原議條約自西而東一

語欲令布倫托海先辦烏里雅蘇台將軍又以立界之事目應照原議由西而東而烏柯克卡倫係科布多所屬仍欲令科布多先辦彼此互相推諉不知是何居心倘再任意延宕貽誤事機該大臣等其能當此重咎耶著榮全奎昌明瑤懷遵前旨各於應行建立界牌鄂博之處會同俄國分界官員詳慎妥辦速爲了結麟興身任將軍於地方緊要事件尤不可畏難苟安一意推諉有負委任布倫托海雖有勦匪事宜亦不可置分界爲緩圖一味顛預致滋貽誤明瑤即當斟酌情形會商麟興榮全奎昌剋期辦理毋得遷延干咎

又 諭榮全奏會立牌博奎昌奏建立牌博各一摺榮全奎昌見與俄官分界遵照紅綫條約於博果蘇克壩塔斯啟勒山分建界牌鄂博兩處辦理尙爲妥協其由珠魯淖爾至沙賓達巴哈分界處所原圖所載險阻難行俄官欲由珠魯淖爾迤北數十里唐努山之察布齊壩上建立鄂博由此直向西北繞至沙賓達巴哈按其地址已將唐努烏梁海游牧包去大半榮全惟當按照條約辯論妥爲籌辦以副委任奎昌見與俄官往立西邊牌博亦著詳細履勘照約辦理

八年 諭榮全奏界務辦竣俄國實無侵越並議償俄人被擄錢數暨請飭接濟索倫人衆各摺片俄人立界事宜久未議定茲據該大臣奏稱此次與俄官會議分立地界將中原新立牌博八處俱用清字註明細閱紅綫兩國圖形相符與從前原圖紅綫均屬相合其唐努烏梁海蒙官等衆皆結稱俄國實無絲毫侵越該大臣經理此事實屬不負委任見在烏屬邊界業經立畢榮全已馳赴索果克卡倫著奎昌迅將俄國印押圖記如期送到其善後各務著榮全於回抵烏城後會同福濟等悉心酌度次第辦理科城界務是奎昌專責此時正可乘機利導該大臣當趕緊籌辦毋稍稽延俄國商民被擄錢數既據奏稱以夷鈔二十四萬分三年補償完案合之中原銀數約共需銀十一萬數千有零惟此項銀兩將來送交恰克圖補償究從何處籌給仍著該大臣於酌定後詳細奏明索倫人衆見已移入境內自應妥爲拊循著文碩錫綸迅即籌款量加接濟俾免流離失所如該處存項不敷即著文碩等查明福濟等於烏里雅蘇

台庫存銀兩內撥給以資應用

又 諭福濟榮全奏會商善後防邊事宜福濟文碩奏遵籌安插厄魯特章程酌擬變通辦理並密陳棍噶札勒參固執情形文碩奏因病請假暫駐烏城各摺片此次立界事宜業經榮全辦竣惟自博果蘇壩起至沙賓達巴哈止新立牌博八處雖與俄使議定會查章程尤須派員隨時周歷方足以固中外之防著福濟榮全飭令唐努烏梁海總管分派委員不時赴新立牌博處所嚴密巡邏具結彙報該將軍等仍當隨時留心察訪倘該蒙官虛應故事不能認真稽覈立即分別懲辦以期疆界永安永消隱患厄魯特不願東徙自應暫令各安舊居福濟文碩請將僧衆仍賜棍噶札勒參爲徒居於阿爾泰山南俗衆居於青格里河交總管巴彥特古斯安籌安插均照所擬辦理至游牧領隊大臣亦著照所請令巴彥特古斯暫行署理以資鈐束福濟等密奏棍噶札勒參請餉西征各節勢難遽行著俟錫綸會銜摺奏到日再降諭旨文碩行抵烏里雅蘇台舊疾復發著賞假一個月暫駐烏城調理至布倫托海應否裁撤仍隸科城文碩錫綸將來應駐何處著福濟詳酌情形妥議具奏

又 諭總理衙門奏分界事宜請飭迅速辦理一摺前據福濟等奏稱科城所分之地西至瑪呢圖噶爾幹卡倫已包過布倫托海之西三百餘里布倫托海見無與俄國可分地界惟瑪呢圖噶爾幹卡倫以東所包布倫托海之三百餘里有無塔城管轄之地未據該大臣等詳細聲明如見在應分界內有向歸塔城屬地即係布倫托海專管之處該大臣等仍當遵照前旨將分界事宜妥爲經理今日之布倫托海即前日之塔爾巴哈台異名而不異地不得藉詞含混意存諉卸若實無塔城屬地則該處分界之事自應歸奎昌經管即著責成奎昌悉心辦理毋許推諉至立界一事上年遲誤此次約期已近若再不迅速舉行尙復成何事體著榮全奎昌福濟按照定約如期前往各將應分地界會同俄使妥速辦結並著麟興錫丕勒多爾濟明瑤錫綸於該城分界事宜隨時與榮全等商酌妥辦毋稍膜視倘該將軍等藉故耽延致有貽誤即著總理衙門據實奏

又 諭總理衙門奏布倫托海分界事宜請簡員會辦一摺布倫托海所屬地方皆係塔爾巴哈台管轄之地前據明瑞奏稱塔城未經克復道途梗塞無地可分茲據該衙門奏稱俄國使臣擬於塔城安靜地方從北起首先建鄂博並稱無中國大臣會辦亦可自行建立是該處分界事宜亟應迅速辦理文碩係布倫托海辦事大臣責無旁貸著於明歲春融時馳赴該處約齊俄使將瑪呢圖嘎圖勒汗至哈巴爾蘇一帶逐一查勘會立牌博毋得草率了事布倫托海地方情形福濟知之最悉此次文碩前往應如何揀派嚮導及指授機宜之處著該將軍悉心籌度並著商同文碩錫綸即日行文俄國分界官辦理

又科布多立界大臣奎昌會同俄國立界大臣巴布闊福勒分科屬舊界

自科布多東北邊界賽留格木適中之布果素克達巴哈起向西南順賽留格木山嶺至奎屯鄂拉即往西行沿大阿勒台山至海留國兩河中間之山轉往西南順此山直至察奇勒莫斯鄂拉轉東南沿齊桑淖爾邊順喀喇額爾齊斯河岸至瑪呢圖嘎圖勒幹卡倫止分為兩國交界計此一段共已建立牌博二十處首起即於布果素克達巴哈建立牌博一處次接於杜爾伯特達巴哈一名博達建立牌博一處於塔布圖達巴哈建立一處博勒奇爾一名博爾奇爾建立一處察幹布爾噶蘇一名察幹布爾噶蘇建立一處烏蘭達巴哈建立一處巴喀那斯達巴哈建立一處薩爾那開建立一處巴爾哈斯達巴哈建立一處拜巴爾塔達巴哈建立一處庫爾楚木建立一處特勒克梯一名特勒克梯建立一處固洛木拜建立一處薩拉陶一名薩拉陶建立一處薩勒欽庫庫建立一處特勒斯愛哩克建立一處鄂里雅布拉克建立一處奇音克里什建立一處察奇勒莫斯一名察奇勒莫斯建立一處末至瑪呢圖嘎圖勒幹一名末至瑪呢圖嘎圖勒幹倫建立一處共計建立牌博二十處

又 諭總理衙門奏請添派立界大員前因布倫托海所屬地方皆係塔爾巴

哈台管轄之地所有分界事宜業經諭令文碩約期馳往辦理惟見在布倫托海大臣既經裁撤該處立界即應統歸科布多大臣經理奎昌前與俄使勘辦科布多邊界甚屬妥協情形較熟著即改派奎昌於明歲春融時馳往該處與

俄使將瑪呢圖嘎圖勒汗至哈巴爾蘇一帶逐一查勘會立牌博文碩毋庸前往其應如何揀派嚮導及指授機宜之處仍著福濟遵照前旨悉心籌辦文碩既補授科布多幫辦大臣此次分界事宜亦當會同商議妥為辦理

又 諭福濟文碩奏俄國請分地界查有窒礙情形一摺塔城分界事宜前因布倫托海大臣裁撤改派奎昌馳往該處會同俄使查勘立界茲覽福濟等所陳窒礙情形不為無見即著文碩酌帶圖冊卷宗迅即起程趕於明年正月內到京與總理衙門王大臣詳細面述妥籌辦理文碩起身後該處應行豫辦事宜仍著奎昌確遵前旨與福濟會商籌辦

九年 諭總理衙門奏俄國自立牌博請飭查辦一摺瑪呢圖嘎圖勒汗至哈巴爾阿蘇一帶俄國分界事宜前因布倫托海裁撤統歸科布多大臣辦理當改派奎昌前往會辦茲據該衙門奏稱見接俄使照會哈巴爾阿蘇一帶該國已自行分界其所立牌博是否均在同治三年所立紅綫界外請飭查辦等語著奎昌迅即按照圖冊查看明確繪圖貼說詳細奏聞昨因文碩到科需時諭令榮全前往代辦即著榮全迅速前往依文碩到後再回烏城仍著福濟會同妥籌以重邊防

又 諭前因奎昌奏懇陳塔城分界實在窒礙情形當交總理衙門議奏茲據奏稱該大臣所陳六難兩弊雖非全屬虛詞而塔城所屬地方豈可任其淪陷請飭該大臣恪遵前旨先行派員前往查勘酌擬辦理等語前派奎昌將塔城分界事宜妥為會辦嗣因俄人在哈巴爾阿蘇私立鄂博復諭令按照圖冊詳細查勘有無侵占若如該大臣此次所奏未免因難退縮其患何可勝言即著奎昌迅派明白曉事之員先行查明該國所立牌博是否與同治三年明誼所定紅綫相符如其中有被侵占之處並著繪圖貼說迅速奏聞酌核辦理不准再涉推延貽誤大局

又 諭奎昌奏准俄國來咨定於五月會勘塔城牌博見已帶領司員弁兵等由科起程馳赴瑪呢圖嘎圖勒幹地方按期與俄使會勘並先期派員查勘俄國已立牌博有無侵占所籌尚是著即將塔城立界事宜按照圖約會同俄使

詳細履勘毋任暗中侵占以重疆界所需經費事竣核實報銷奎昌因起程赴塔已將參贊大臣印務移交文碩接管所有科布多應辦事件即著文碩妥為經理

又諭奎昌奏查勘俄國已立界牌鄂博一摺奎昌見已與俄國立界官穆魯木策傅公同履勘由塔城所屬之瑪呢圖噶圖勒幹卡倫起至賽哩鄂博止查明俄國已立牌博四處均在原議分界處所建立尚無侵占已飭弁兵等在俄國所立牌博內建立界牌鄂博四處辦理尚妥惟塔爾巴哈台山嶺等處尚有俄國已立牌博未經勘定該大臣見行抵霍野爾莫多地方與俄國立界官會商往查仍著按照圖約循依界綫詳細勘明此次隨同立界委員明魁等均著照所請先行賞戴翎頂如能始終奮勉事竣後准核實保奏分界既定中外疆域分別彼此可以相安然政貴經久弊必預防若不振刷精神隨時偵察恐日久懈生奎昌尤當督飭兵弁將設立牌博各邊界時加巡查不得稍涉大意應如何嚴定章程以垂久遠之處著悉心妥籌奏明辦理

又諭奎昌奏查勘塔城界址牌博完竣各摺片俄國與塔城分界處所建立牌博經奎昌會同俄官續行查明自察漢鄂博起至哈爾阿蘇山嶺止共立牌博六處連前所立四處均與同治三年原定條約相符業已繪圖換約辦理尚為妥速惟見在塔城未復附近地方別無台卡此次立界之後俄人能否常守條約不復侵占內地仍當隨時偵察以保無虞即著福濟等按照奎昌所擬咨會霍博克賽里之土爾扈特親王車林拉布坦札薩克拉克特那巴札爾圖布欣克什克三旗轉飭各該旗官弁隨時留心稽查如俄人因歷時已久復有侵占情事即行知會福濟等與之理論竭力攔阻不得因循廢弛俟塔城克復仍照舊章兩國派員會查以符定制

又塔爾巴哈台立界大臣奎昌會同俄國建立牌博大臣穆魯木策傅勘分塔屬舊界自塔爾巴哈台瑪呢圖噶圖勒幹卡倫起往東南行至賽哩鄂博拉先往西南後往西行順塔爾巴哈台山嶺至哈爾阿蘇地方止此一段共建立牌博十處第一處起即在瑪呢圖噶圖勒幹卡倫地方建立牌博一處

次在哈爾塔爾一名喀喇地方建立牌博一處沙爾布拉克一名沙喇地方建立牌博一處沙爾托羅蓋地方建立牌博一處察汗鄂博一名察汗地方建立牌博一處克爾根達什一名克爾根塔斯地方建立牌博一處巴彥木爾一名巴彥地方建立牌博一處庫哲滾大堤地方建立牌博一處布凱阿蘇

地方建立牌博一處哈爾巴爾蘇地方建立牌博一處共建立牌博十處又烏里雅蘇台大臣榮全會同俄國立界大臣穆魯木策傅勘分烏里雅蘇台地方建立牌博一處以烏里雅蘇台西北為界自薩留格穆斯克山嶺之柏郭蘇克山嶺往北往東直至沙濱達巴哈界牌俱經兩國分界大臣定立為界柏郭蘇克界牌經俄國分界大臣會同科布多分界大臣於柏郭蘇克山嶺西設立為界即名柏郭蘇克中國界牌於烏里雅蘇台科布多中間之柏郭蘇克山嶺設立為界烏里雅蘇台界牌由科布多界牌往北經俄國分界大臣會同烏里雅蘇台分界大臣往東至塔斯克哩山嶺

設為第二界牌即名塔斯克哩往東北至珠盧淖爾一名朱爾由珠盧淖爾東南至哈爾喀山嶺設為第三界牌即名哈爾喀一名哈爾嶺順珠盧淖爾北岸至塔奴額拉南察布產設為第四界牌即名察布產一名察布從此順塔奴額拉山嶺西南逾莫多圖一名莫多札拉都輪烏

爾圖一名爾圖查罕札克喀圖一名查罕四河再順他蘇爾亥山一名他蘇爾圖一名爾圖從沙克魯河往東北至庫色爾山設為第五界牌即名庫色爾一名庫色爾圖一名爾圖自庫色爾山往西北至塔奴額拉山一名塔奴逾哈拉畢拉河一名哈拉靠該山角迤西初哩查河口設為第六界牌即名初哩查一名初哩自初哩查河往東北順薩陽山一名薩陽逾瑪奴胡一名瑪奴穆奴克一名穆奴霍額拉什一名霍額三河由哈拉淖爾至索爾山一名索爾烏里雅蘇台設為第七界牌即名索爾山往東北至沙濱達巴哈附近

所定和約內業經建立界牌此次俄國毋庸再行建立其附近烏里雅蘇台

界上俄國所屬各處界牌俄國設立有六中國設立有八今卽以此定立爲界其餘難逾之峻嶺早經兩國分清遂援此嶺爲界卽總圖紅限是也自沙濱達巴哈起至柏郭蘇克山嶺按見定交界順山嶺一西一北卽嶺之右歸俄國屬轄山嶺一東一南至烏里雅蘇台卽嶺之左歸中國屬轄照見定地冊俄國與烏里雅蘇台接壤之地界牌數目建立處所名目並山名河名一併備圖註明永遵勿替至其餘各界仍遵同治三年塔城和約辦理

十年 諭總理衙門奏俄國西悉畢爾地方官由銅綫致該國駐京使臣信函內稱七河省巡撫廓派兵前往伊犁與達蘭察接仗獲勝克復伊犁城池生擒頭目該國由銅綫寄信詞意簡略並無詳細情節亟應先事豫籌等語伊犁久爲賊踞因關內未靖兵力兼顧不遑今俄國業已帶兵將該城收復此事關繫甚重亟應豫爲籌畫以弭弊端著金順奎昌多布沁札木楚瑛燊文碩確切查明俄國官兵進紮伊犁是否確實烏科兩城距伊犁程途若干是否須由塔爾巴哈台前進沿途有無賊蹤迅速具奏榮全本署伊犁將軍責無旁貸該署將軍會任伊犁領隊大臣嗣復親往俄界辦理一切事件頗屬勇往且於該處情形又極熟悉著卽飭赴伊犁晤俄國帶兵官七河省巡撫廓後將伊犁城收回妥籌布置中國有人前往經理庶俄人無所藉口其應如何派兵前往駐守及由何路設法轉運糧餉並著榮全會商金順奎昌多布沁札木楚瑛燊文碩迅速具奏聞俄國並欲派兵由伊犁收復烏魯木齊文麟等前奏烏城退回投順安集延逆首馬仲遜稟乞撫擬設法羈縻令該帕夏投誠交城至令馬仲安得璘等赴哈派孔才赴西路相機收復奇古濟木薩等語見在如何籌辦已否就緒若能將烏魯木齊先行收復免致又費周折景廉久在西疆於各該處事務熟悉卽著酌帶兵勇規復烏魯木齊事機緊迫該辦事大臣等務當綢繆未雨先事圖功哈密防守緊要卽責成文麟悉心籌畫毋稍大意巴里坤距烏魯木齊不遠景廉到彼後伊勒屯務當與之聯絡聲勢以顧大局所有榮全景廉所部餉需著戶部迅撥有著之款以資接濟

十一年 諭榮全等奏面見俄官會議並俄兵直入塔境各摺片榮全行抵色

爾賀鄂普勒地方與俄官布呼策勒傅斯奇會晤該俄官不議及交還伊犁之事並以請示該國爲詞塔境之三工河灣額米斯河老河口等處又有俄兵駐紮本日已令總理王大臣與該國駐京公使辯論榮全見已旋回塔城著與富和會商布置妥爲防範榮全此時自未便帶兵徑赴伊犁惟伊城情形見在究竟如何應派委員往探妥籌進止布呼策勒傅斯奇到伊後有無回信仍著榮全酌度情形辦理榮全前議挑選索倫等項人衆會合鄉團規取瑪納斯城自當速籌調度先發制人倘能派隊先復瑪納斯城則烏魯木齊近在咫尺可期與景廉之軍聯絡聲勢景廉所部各營已陸續拔赴古城著卽督率官軍整頓附近民團相機進取務將烏魯木齊早日規復方能居中控制以扼西路之衝烏城回逆與安集延彼此互攻各不相下其中有能去逆效順率衆來歸者不妨寬其既往酌量收撫俾爲我用並著景廉察看情形與榮全咨商妥辦

皇朝續文獻通考卷二百四十二

外交考六 界務 俄羅斯

光緒五年 諭總理衙門奏連接崇厚電稱約章皆定議畫押並將現議條約十八款摘要知照償費一節尚不過多通商則事多轉轄分界則弊難枚舉亟宜籌畫布置迅圖補救各等語崇厚出使俄國固以索還伊犁為重而界務商務關係國家大局者自應熟思審處計出萬全且迭經總理衙門電致崇厚若照來函有礙大局節略內並言所損已多斷不可行該大臣尤應遵照辦理設法辯論乃竟任其要求輕率定議殊不可解現在俄約既經議定其第七款中國接收伊犁後霍爾果斯河西及伊犁山南之帖克斯河歸俄屬第八款塔城界址擬稍改是照同治三年議定之界又於西境南境畫去地段不少從此伊犁勢成孤立控守彌難况山南畫去之地內有通南八城要路兩條關係回疆全局至第十款於舊約喀什噶爾庫倫設領事官外增出嘉峪關烏里雅蘇台科布多哈密吐魯番烏魯木齊古城七處亦酌設領事第十四款俄商運俄貨走張家口嘉峪關赴天津漢口過通州西安漢中運土貨回國同路不特口岸過多並與華商生計亦有妨礙允行則實受其害先允後翻則曲仍在我自應設法挽回以維全局著左宗棠金順錫綸將界務商務各款悉心酌覆李鴻章沈葆楨素願大局除商務各條詳加籌畫外其界務如何辦理始臻周妥分別詳細密陳

六年出使大臣曾紀澤致總署書略曰頃閱鈔示各件內稱崇前大臣寄到伊犁分界圖說此開尚未得見其圖既從俄國兵部譯出部位當無甚差謬可否頒寄以備稽考又堂憲電答地山星使言分界宜照舊圖紅線亦未審係指何項舊圖而言按西域地名譯音各別最易混淆稱謂不同即不難指鹿為馬惟憑精本與圖畫以界限尚覺稍有把握查左相函稱伊犁大城與阿克蘇南北相望俄國則伊犁稍偏於西紀澤徧查俄英德奧各本與圖伊犁皆較阿克蘇偏東一度左右中國與圖則陽湖李氏及鄂刻兩本均偏東三度有奇並無伊犁西偏及或與阿克蘇南北相望之說喀什噶爾則各

圖皆在烏什西南並無混列於西之說未審左相據何圖為準而云然也又謂俄圖不若中國之確緣其不能做照中國以南北極出地為準而又不明地學準望之法所以方位時有誤會云云愚意西人繪中國輿圖略其所詳而詳其所略誠所不免至於方位遠近山之枝幹水之曲折則西人之精詳實非華圖所及蓋測北極出地之高下所以定緯度之南北而經度不與焉經度所以分東西則非畫測日午夜測中星而細推其差度不可得而定也至其循人行路徑測其曲折概以三角法推之千里萬里無或差忒蓋大小總成三角形同一比例即所謂準望之法也中國測望之法所憑者僅指南鍼不知地極之南北并非天元之真南北又不講求里差歲差之理竊以為輿地之學西精於中不啻倍蓰左相當代偉人奈何猶未化此成見俄人甚欲藉伊犁以開衅而奪我緊要海口似不可不早慮及堂憲賜函提及全權使宜行事字樣紀澤所夙夜惴惴者正恐膺此虛名蓋西洋通例亦無全權公使遂可獨行獨斷之說仍須事事商承本國公議故頭等二等名目雖不同而實際本無異也惟訂一新約國主必先問全權字樣紀澤自揣實無遂訂新約之才即使俄人將來就我範圍亦擬請其遣使入華然後訂約非紀澤敢於規避也俄人專尚詭詐縱使許我廢棄舊約商定新章又安保其臨議之時定議之後不有翻覆乎權位雖輕則責任亦輕或猶紀澤之一幸也

又書略曰伯都訥一節張侍讀謂舊約既載中俄兩國行船明為專指共管之地而言論約洵為得閱紀澤以為虛言其理猶不若實徵其地試問松花江左岸何嘗為俄國屬地是愛理定約時明明將混同江誤稱為松花江也願在我欲辨其訛而解之使悟在彼正樂其訛而伴為不知聞往歲伯都訥之議布策尚以為未足蓋以舊約松花江行船本無限制崇星使訂立專條尚聲明起首開辦字樣為日後推廣張本經此番議駁後直將愛理舊約之訛一律更正從前猶可不服攔阻此後倘復何所覲覲因此齟齬恐他事亦相持不下鄙意擬留為後圖倘伊犁全交他事亦尚順手則可告以此事應



由兩國派員在彼勘明屬地江名再商辦法此次約內暫置勿論以免爭執又兩國奉行約章總以蓋印畫押之件爲憑查愛璉定約時祇有滿文蒙文俄文而并無漢文不知刻本漢文係從何文譯出若以刊行俄文論之詢之繙譯教習夏干據稱文內祇有松噶里俄人呼松花江爲松噶里准俄國行船字樣實并無松花江左岸爲俄人屬地及准許中俄兩國行船字樣紀澤又不知刻本俄文是否真照原定之俄文繕寫此地實無從懸揣見在我若援刻本漢文爲證彼即援刻本俄文爲憑各執一詞萬難定議因思愛璉定約時在咸豐八年其原定之滿蒙俄各文正本必存理藩院可否尊處行取原本文字各行照譯漢文一分互相核對是否原文錯誤抑係被人捏造不難水落石出至原准之虛布爾五百萬元所以不提者以備彼詰問伯都訥議駁何以不早提及時即將專條二事一尤一駁援以相抵總之在我無論如何打算究屬一面辦法事之可商與否必須俟其覆文到日方有把握此邦純尙誦詐畢竟無從捉摸而紀澤之無識無才亦可概見矣

八年 諭金順等奏索倫營右翼四旗地方請飭會紀澤與俄國商議畫還一摺據稱索倫營右翼四旗舊制分設霍爾果斯河之西新定約章歸入俄界見據總管諾敏吉爾噶勒等懇懇將該四處地方收回俾官兵不致失所等語伊犁分定界址前經該京卿與俄人再三集議苦心區畫始克議定約章此時欲圖改不得且恐被回民平毀墳墓實屬可憫究竟已定之界稍爲變通能否設法商辦著即詳細議奏

又會紀澤奏略曰查西洋各國遇有改定疆界則兵民呼籲之事亦屬層見疊出要在分界官彼此婉商妥爲撫慰而不使重提約章再興辨論此案索倫營右翼四旗官分設霍爾果斯河西之策集齊齊罕薩瑪爾爾根等處其地畫歸俄境該官兵等既慮無處居住又恐所葬墳墓被漢回纏回任意平毀據總管諾敏吉爾噶勒等所陳情形誠爲可憫惟中俄約章經臣隨同總理衙門王大臣仰稟 宸謨竭力屢爭久而後定縱令其中有未盡愜心貴當之處亦屬時勢所迫無可如何刻下既已互換頒行即宜彼此堅守不生異議至商議畫還

索倫營右翼四旗之地無論由總署商之駐京公使或由臣商之俄外部均屬迹近改約俄人勢必不允徒使通融商改之端自我而開似於大體有礙若由邊界大臣於分界時就近婉商俄官能以他處幅員無多之隙地或以他項補償換回四旗之地則自以收地爲佳如地界必不可收猶可商及該四旗官兵遷歸伊犁境內另行安插而與俄官約定章程設法保全兵民墳墓如此由分界官立言即使俄人不受商量尙不致牽涉已換之約章致俄廷之譏議臣懸揣伊犁遷出改入俄籍之民亦嘗有墳墓留存伊犁等處倘由分界大臣商之俄官設立互保墳墓章程俄人當亦不至全不允也索倫營總管所懇收回霍爾果斯河西右翼四旗之地似未便由總署商之駐京公使亦未便由臣商之俄外部也

又奏臣查西洋各國改定邊界亦有人隨地歸之例惟各國隸籍之法均不甚嚴所謂人隨地歸者不過視所居之地爲何國所轄即應遵守其國之法律完納其國之賦稅而已俄人於東北邊界小國部落常以侵其土地自拓疆場爲務所至之處亦知以要結民心爲主此次霍爾果斯河西地境未能一律收回計俄人待彼處原住之民當不至迥出情理之外奪其產業以畀他人金順等原奏所引鵲巢鳩居之喻臣以爲尙不至此設法保全兵民墳墓一層可由分界大臣商之俄官定立章程臣已於正摺中奏明至於該旗兵民人等將失故業無處居住無地耕種等語皆係諾敏吉爾噶勒等先事疑懼之詞雖異日難保其必無然俄人如尙講情理尙守公例則此事非所應有竊以爲佔奪產業一層即分界大臣亦不必向俄官豫爲提論轉令彼族從而生心將來俄官如有縱容新遷漢回躡回欺凌該旗兵民之處或有漢回纏回恃強奪取該旗兵民產業之事邊界密邇不難確查情形屆時自可以理詰問也

又 欽差哈密幫辦大臣長順與俄分界大臣佛哩德訂伊犁界約臣謹案此本七年改訂條約重定伊犁之界約長順既不能據同治三年塔城舊約并不能循七年改訂之約多所割讓甚至格登山者溫都布拉克水所自出乾隆二十五年奏定爲伊犁鎮山上立有 高宗純皇帝御

碑亦因是分入俄界且自格登山往西南本以達喇圖河爲界今忽改以蘇木拜河爲界亦非塔城約之舊讀日開日覽之詩烏能無慨於懷乎

附錄伊犁界牌

自伊犁西南天山之陰那林哈勒噶山口中起至伊犁東北喀爾達坂即喀爾達坂止此間共立界牌鄂博三十三處兩國分界大臣會同在那林哈勒噶山口中建立第一處界牌鄂博因山中之水往北流以水東邊爲中國地以水西邊爲俄國地從此出山口往東北順水建立第三處界牌鄂博從此往北行至草野建立第四處界牌鄂博從此往北行至諾海托勒蓋山在山之上建立第五處界牌鄂博從此往北行至特克斯河之南沿建立第六處界牌鄂博自那林哈勒噶山口中至特克斯河之南沿共立界牌鄂博六處以界牌鄂博之東邊爲中國地西邊爲俄國地從此過特克斯河順河沿往東北行至格登山口中所出蘇木拜水流入特克斯河之地方以特克斯河之南沿爲中國地北沿爲俄國地自蘇木拜即蘇木拜水流入地方逆流往北行至格登山口中蘇木拜地方建立第七處界牌鄂博山中所出之水往南流入特克斯河以水之東沿爲中國地西沿爲俄國地從此東北行至沙爾套山之西南斷處建立第八處界牌鄂博從此往東北行至沙爾套山梁爲交界以山之東南爲中國地以山之西北爲俄國地順沙爾套山即沙爾套山梁往東北行至山斷處地名康喀其水往東南而流在水之西沿山斷處建立第九處界牌鄂博在東沿建立第十處界牌鄂博以界牌鄂博之東南山水爲中國地西北爲俄國地從此往東北順山梁行至喀爾套山之達巴罕建立第十一處界牌鄂博自第十處界牌鄂博至第十一處界牌鄂博止以山之東南爲中國地以山之西北爲俄國地從此往西北順山梁行至山高處建立第十二處界牌鄂博從此往西北順山梁行至山高處建立第十三處界牌鄂博從此往西北順山梁行至山高處建立第十四處界牌鄂博從此往西北順山梁行至山高處建立第十五處界牌鄂博從此往西北行至沙爾諾海小山之橫路北邊山上建立第十六處界牌鄂博自喀爾套山之達巴罕至

沙爾諾海小山共立界牌鄂博六處以界牌鄂博之東邊爲中國地西邊爲俄國地從此往北走過沙爾諾海大山之達巴罕行至山陰往東北略行即在沙爾諾海別德圖二水中間之小山斷處建立第十七處界牌鄂博以小山之東邊由沙爾諾海山谷流出之水入於橫海之處爲中國地以小山之西邊別德圖水爲俄國地從此往西北行至噶爾札特村一名噶爾札特村之東邊瑪雅村之西邊兩村中開在特奇勒干即塔奇勒干小山建立第十八處界牌鄂博從此往西北行至伊犁河南沿霍爾果斯河水流入之處此間草野之地建立第十九第二十第二十一第二十二第二十三第二十四第二十五等處界牌鄂博自沙爾諾海山之北邊建立第十七界牌鄂博至伊犁河南沿建立第二十五處界牌鄂博止共立界牌鄂博九處以界牌鄂博之東邊爲中國地西邊爲俄國地從此過伊犁河自北沿往霍爾果斯河逆流往北行入霍爾果斯河之山口至河源又往北行至別珍套山又往西灣至康喀達巴罕即喀達巴罕建立第二十六處界牌鄂博此間以河源爲交界以霍爾果斯河之東邊爲中國地西邊爲俄國地從此往西行又往西北行順別珍套山梁自喀爾羅鄂博往西北行至庫克烏蘇山即庫克烏蘇山建立第二十七處界牌鄂博從此往西行至庫克烏蘇山之平高德木克達坂即德木克達坂上建立第二十八處界牌鄂博自第二十六處界牌鄂博至第二十八處界牌鄂博止以界牌鄂博東邊北邊爲中國地西邊南邊爲俄國地從此往東略北而行靠阿拉套山之達巴罕至薩爾坎斯克即薩爾坎斯克山中巴散斯克即巴散斯克山中庫克托木索達坂喀爾達坂等處建立第二十九第三十第三十一第三十二第三十三界牌鄂博共立界牌鄂博五處以阿拉套山之達巴罕爲交界以山之東南爲中國地以山之西北爲俄國地

九年出使大臣曾紀澤奏准軍機大臣字寄奉 諭前據劉錦棠奏中俄界約以天山之頂爲限此次沙克都林札布同俄使勘分新疆南段界務將貢古魯克山口至別疊里之達坂路西邊相離二十二丈半釐立中俄兩國界牌鄂博侵占至畢底爾河源所稱別疊里即畢底爾爾西北流河水即阿克蘇上流之

畢底爾河山口達坂即烏什出貢古魯克卡以達伊犁之路此路爲南北相通第一津要遠在界綫之外新舊條約班班可考不趁畫分未定按約索還南北隔絕伊犁勢成孤注等語當派長順會同沙克都林札布於履勘時按約力爭設法挽回該處見在雖立界牌鄂博尙未定局著會紀澤與俄國外部大臣詳細辯論令其傳知該國分界官與長順等重加履勘更正以符定約仰見我皇上慎重邊陲懷遠要伏查分界一案前於正月兩奉總理王大臣電報傳

旨飭臣詳細辯論即擬照會俄廷將侵佔之地照約更正繼思牌博已立而重加履勘較之勘分未定而事須商論者情形不同若具牘與之違爭恐措詞難於得體又恐彼國視牌博既設爲已得之利不謂理所應讓願乃從而市惠藉端要求別生枝節加以劉錦棠原奏有說無圖中俄地名不同繙譯易致錯誤是以不敢遽行文牘函商總理衙門擬俟致賀俄君陞冕之時遵 旨與俄國外部相機面談 臣於四月間在俄之南都木司姑城屢與俄國外部丞相吉爾斯談論及回抵森比德堡又與外部尙書倭良嘎里而論數次并作一函請其飭分界俄官重加履勘按照天山騎嶺畫分之舊更正已立之界牌鄂博將侵佔之地按約歸還該尙書已允行文飭查俟查明再行答覆伏思此案刻下既據俄國外部允爲查辦將來長順重加履勘之時或於更正之事稍易爲力

臣謹案劉錦棠亦即以長順所定視舊約多所割讓故訟言之總署因又令會紀澤重申前議紀澤謂錦棠所奏亦有圖無說也寸地尺天胥關國體彼之言輿地者有專科有公會某處界址若何阨塞若何平日即已了然於胸臨時自用其所長我則一遇勘界任派一人夷險之不明且東西之不辨張口自坐雲霧之中如之何其無失也牌博已立長順更不便自議而自改之俄外部允爲查辦正其外交手段與狐謀皮膚有辛乎觀紀澤所奏已知此舉徒費唇舌而已

九年 欽差分界大臣升泰額福與俄使闊福等訂科布多界約

臣謹案八月即設立牌博額福主之

又中國分界大臣額爾慶額會同俄國分界大臣撤斐索富勒改科屬新界

今照議定新約第一條內載北邊界址由大阿爾泰山嶺西邊所出阿克哈巴河源起至左邊歸入喀拉哈巴河口止該阿克哈巴河口由高山中開流通本分界大臣等會商此處毋庸立牌博即將本河議定作爲兩國界址由阿克哈巴喀拉哈巴二河匯流處過山行至薩斯地方之山灣此處有塔木塔克墳名曰塔木塔克薩斯立第一牌博 自該牌博向東北相隔三百三十二丈即是烏什庫拉孟齊爾之高山直梁向東相隔三百零二丈即是齊格白之墳由該墳又二百七十二丈即是柏格白之墳從該墳向西相隔六十丈即是塔木塔克之墳由此墳相隔一百二十七丈有董阿拉山梁高處由薩斯立牌博起至畢里子克一名畢利 噶拉克 即噶喇克 二河順河流行相隔五里至鄂博此河向西北流去轉向西南流去至畢里子克愛拉克今改爲科拔爾塔斯名目歸入畢里子克河之左邊此河向西北木勒喀山向東南伯克塔白卓塔斯二大高山之溝內流去即將本河作爲兩國界線由科拔爾塔斯素河口向西即是克森阿什齊山即克珍 阿什齊山梁立第二處牌博 自該牌博北邊相隔三百六十二丈即是克森阿什齊河順河相隔一百五十一丈有克斯白之墳由此墳向東六里界傍過齊奔得之山二里有展齊斯圖木河源由此向東南四百八十三丈即克森阿什齊之山嶺由此山嶺相隔二百一十一丈至巴斯島地方由此處向南九十丈至喀音德布拉克地方向西順克森阿什齊之山行至十二里過東畢里子克河之西邊此河流入克森阿什齊素河此河名曰庫木克底噶拉克過東阿拉克別河此河名曰巴斯特勒克特左邊與阿克塔斯河合一就近在喀拉圖柏山梁上名曰阿克塔斯立第三處牌博 自該牌博向西北相隔八十四丈高山梁上有墳數座由該山梁向東北相隔二里得勒拉畢業鳴山直梁由該直梁向東相隔一百丈至阿克塔斯河由此河向東南二百四十二丈至塔斯庫瑪沙山由此沙山向南三百零二丈至圖克塔克畢業鳴山此二山中開有沙山嶺由該嶺向西南相隔四百二十三丈即是東阿拉克別克河此河左邊有阿克塔斯河各流處立牌博起至阿拉克別克河下哨向

西南流入喀拉額爾濟斯河由河口左岸有喀拉素筆業格庫瑪小山梁上  
豎立阿克別克河口第四處牌博自該牌博向西北相隔二百八十丈有  
托克託白之墳由此墳向東北一百零二丈有圖喀白之墳由此墳向東南  
九十丈有水池由該池向南九十丈阿克別河口由河口向西三十六丈  
即是阿克別克河該河阿克別克河口流入喀拉額爾濟斯河一名黑伊  
止此乃科布多所屬地面由此處向上一帶共立牌博四處由喀拉額爾濟  
斯河起至賽哩山嶺止係塔爾巴哈台所屬地方所有應分界址自應遵照  
前經兩國分界大臣等在哈巴河會商議定以備分勘

又伊犁參贊大臣升泰會同俄國分界大臣斐里德等勘分塔屬新界 今  
自伊犁東北塔爾巴哈台西南之喀拉達坂地方所立舊界牌博分起至  
塔爾巴哈台山之哈巴爾阿素即哈巴達巴罕止此間共立牌博二十一處  
今將牌博在何處建立之處逐一開明分界辦法自喀拉達坂起交伊界至土  
斯賽溝口從此東南行至該溝頭即建立俄國二十四處界牌博即中國  
牌博一個從此行至郎庫勒之野高阜庫庫阿德爾庫布都克地方建立第三十  
五處界牌博從郎庫勒之野西北行至莫墩巴爾魯克舊卡倫就此兩間  
之庫夏奇等溝口對面建立第三十六處界牌博從此行至沙拉阿噶奇  
處溝口對面建立第三十七處界牌博以札婁勒山之南嘴建立第三十  
八處界牌博就此山之西邊建立第三十九處界牌博莫墩巴爾魯克  
即英多巴爾魯舊卡倫地方建立第四十界牌博從此順中國舊卡倫之  
克即庫庫克路行至巴爾魯克即楚爾舊卡倫地方建立第四十一處界牌博額爾格  
土塔素土即額爾格舊卡倫地方建立第四十二處界牌博察罕  
托海一名察罕舊卡倫地方建立第四十三處界牌博沙爾布拉克一名  
布拉克一名察罕舊卡倫地方建立第四十四處界牌博瑪呢土即瑪舊卡倫地方建  
立第四十五處界牌博從此順舊卡倫之路行至葦塘子舊卡倫有伊尙  
纏頭之樹木園子此園以為交界之西其烏松阿哈奇泉子地方建立第四  
十六處界牌博克吉爾拜泉子地方建立第四十七處界牌博葦塘子

舊卡倫地方建立第四十八處界牌博從此順舊卡倫之路行至喀拉布  
拉克巴圖一名巴舊卡倫地方建立第四十九處界牌博從此亦順卡  
倫之路行至奇塔特河水由山口流出地方此處有烏松布拉克之河附近  
地方建立第五十處界牌博由塔城往素瓦素達巴罕之路附近地方建  
立第五十一處界牌博喀拉奇塔特河一名奇從塔爾巴哈台中流出  
地方建立第五十二處界牌博從此喀拉奇塔特河逆流行至庫木爾奇  
舊卡倫地方建立第五十三處界牌博從此喀拉奇塔特河逆流行至布爾  
罕布拉克河匯流之處從此以布爾罕布拉克河逆流行至河源建立第五  
十四處界牌博即中國塔界從此卡倫之路行至哈巴爾阿素達巴罕  
直靠舊界自塔屬喀拉達巴罕起阿爾巴阿素達巴罕止共立牌博二十一  
處其所立牌博皆寫清漢俄三樣字就此所立牌博之處以為交界並將所  
繪圖內紅線亦為兩國交界今將兩國所定之界自塔屬西南喀拉達巴  
罕起止池北哈巴爾阿素達巴罕其界線西北為俄國地方界線東南為大  
清國地方並將圖內所畫紅線池東為中國地池西為俄國地其所立牌  
博數目及所有與圖內山河以及地方均按此約議定章程辦理

謹案此強援七年改訂條約重定塔城西南一帶之界約七年約第八  
條塔爾巴哈台新界止於薩烏魯則自薩烏魯至別珍島山一段仍認同  
治三年舊界可知今此約強援七年約第九條無端勘改割去巴爾魯克  
山外一帶平地豈七年改約時所及料哉

又升泰會同俄國界務大臣撒斐索富勒改塔屬新界  
自阿拉喀伯克河口起以喀拉額勒吉斯河逆流行至距阿拉喀伯克河口  
十里之上至額勒吉斯河灣南頭即此河灣南頭附近建立一處喀拉額勒  
吉斯界牌博距此鄂博池北六丈之地有喀拉額勒吉斯河又距鄂博東  
北四百二十三丈之河岸有奇罕喀拉蘇等名小池此池土爾其距鄂博  
東南一百十八丈之地有察木開之名墳墓鄂博西北有庫札教科克特勒  
克等名溝內有樹林從喀拉額勒吉斯界牌博起往南方行至滿喀普奇

蓋地方之伊怎克勒的墳墓對面即將交界直靠烏勒昆烏拉斯土河即下  
烏拉斯自額拉吉斯鄂博至此河有一百餘里之遠今因分晰畛域在必爾  
特河扣地方此地方土爾其小高阜之上設立第二處必爾扣牌鄂博此所立  
牌博向北並向東北有一道淺溝由此溝距鄂博向東北四百一丈之地有  
庫瑪庫勒之名用土塊修築四方墳墓並此溝內有所穿之井其井名曰愛  
男庫斯庫敖拜康坎庫都克額斯頗勒也其額斯頗勒之名井即在鄂博之  
正東三百八丈之地井也並將必爾扣溝迤東有昆固勒巴業格庫瑪等名  
山上之高崗此高山土爾其周圍俱有小沙崗此溝之西北首自鄂博  
之北邊直達該溝之東北曠野從此畢爾扣牌博起即按前約第一條所載  
往南行至邁喀普奇蓋地方伊怎克勒的墳墓對面從此直達烏勒昆烏拉  
斯土河其交界直線直過阿克庫瑪等名沙灘往東行過尖烏勒昆烏拉斯  
土等名夏屈水乾小河溝此河又曰從小河溝順行至十四里該河向西南流  
矣其界線畫過小河溝之處因分晰交界之地該小河溝南岸之卓索拜等  
名墳墓附近建立界牌鄂博一處離此小鄂博迤北三里之地因分晰交界  
之線建立第二處小界牌鄂博其在卓索拜墳墓附近科塔勒河溝迤南所  
立小鄂博起行至伊怎克勒德墳墓其河溝即在界線之西邊所見甚明我  
們分界全權大臣等彼此商議即此小河溝中為界從中伊森克勒之墳墓  
附近烏勒昆烏拉斯土河西岸之烏蘭托勒格依之邱陵上設立第三處邁  
喀普奇蓋之名界牌鄂博由此鄂博向北距二百三十三丈於前開之烏勒  
昆烏拉斯河之兩旁匯流處所距鄂博三十二丈之地即烏勒昆烏拉斯土  
河之東邊大岔子河是也距鄂博向東南二十二丈之地用土修築鑲木板  
伊怎克勒的等名之圍墳也從此行至三十七丈之地即山之高崗名曰克  
吉勒土木斯克其崗之險峻山梁盡頭處又由鄂博直迤南二十三丈之  
地向東即齊桑城東邊行走邁喀普奇蓋大路從此由邁喀普奇蓋鄂博至  
烏勒昆烏拉斯土之河此河土爾其逆流行至在木斯島一名穆斯島  
達巴罕此蘇土爾其冰雪之中直至河源從此向東行至賽哩山即

山達巴罕此蘇土爾其高崗之上從此行至舊界迤北曲灣之處即靠  
合此灣曲此舊界曲灣之處向西及向西南舊界仍為不改由此灣起阿克  
哈巴河源止其舊界此次兩國分界全權大臣等於光緒九年七月初十日  
俄國一千八百八十三年玉哩月三十一日在哈巴河地方會合按照議定  
條約更改即按此約立定新界為此我兩國分界全權大臣等會同自阿勒  
喀伯克河口起向南直靠舊界其所立新界牌博之名以及數目繕寫清俄  
字條約各四分於條約內各蓋印畫押其俄字條約各二分清字條約各二  
分彼此互換以為憑據今將此約在邁喀蓋地方互換  
又會同俄國分界大臣撤斐索富議定科塔邊界 查一千八百六十四年  
在塔城說定自阿勒泰山起止賽哩山舊界今兩國改立新界自賽哩山達  
巴罕木斯套山西嘴起至烏勒昆烏拉斯土河源從此順河行至邁喀布奇  
蓋地方有伊怎克勒德之名墳墓從此順喀拉額勒吉斯河行至阿勒喀伯  
克河匯流額勒吉斯河之處往逆流行十里至額勒吉斯河南灣從此順喀  
拉額勒吉斯河之流行至阿勒喀伯克河流入額勒吉斯河之處過河以阿  
勒喀伯克河逆流過山至額奇克阿素阿雅格之野流入左邊阿克塔什河  
之處從此往東越過克哲勒阿什奇克珍即克山山梁自伯勒哲克即  
阿克河左邊至伯勒哲克河流入愛喇克巴什即河之處從此該二河逆  
流行至薩斯地方山內流出之河源從此直至阿克哈巴哈喇哈巴二河匯  
流之處從阿克哈巴逆流行至該河由阿勒泰山流出之源從此直達同治  
三年在塔城所定舊界至木斯套山迤西及阿克哈巴河源迤東即按舊界  
不改今將兩國議定交界繪圖分別畫出紅線以界線迤東及東南為大清  
國地以界線迤西及西北為俄國地今兩邊界址已經議定再不准更改  
十年總理衙門奏據幫辦軍務革職留任伊犁將軍金順奏查明南路喀什噶  
爾西邊界務情形據實覆陳一摺等查新疆南路喀什噶爾西邊界務經  
欽派勘分之領隊大臣沙克都林札布會同俄官照依圖綫勘立牌博彼此互  
換圖約自喀克善山起至烏斯別里山止共設牌博二十二處指山梁為界者

七處業於光緒九年由分界大臣長順奏明在案惟前據張曜奏稱其中惟依爾克池他木一處地方舛錯當以見管喀境正西界綫外之帖列克達灣立界而長順奏稱會同沙克都林札布係案照原領地圖依紅綫在依爾克池唐立界彼此往返商確意見參差經衙門覆奏南段界務請飭劉錦棠金順確查具奏復經劉錦棠奏准應由金順就近查奪主稿核陳各在案茲據該將軍等覆奏稱總理衙門原奏謂帖列克達灣是否係西邊要隘又岳瓦什種人是否舍此別無牧場未能懸揣奏請飭下確查自應欽遵查明豈敢稍涉輕率茲據沙克都林札布咨呈帖列克達灣在喀城極西距依爾克池他木界綫二百餘里會親履其地形勢孤懸一隅實非要隘而伊爾克池唐載在新約卡倫單依此立界設卡設兵以謹出入險要固未失也岳瓦什部眾均住綫內之烏魯克恰提遊牧距帖列克達灣池東三百餘里地勢寬闊水草饒足當領隊履勘帖列克達灣之時並無岳瓦什一房一人在彼住牧又接劉錦棠函稱布魯特游牧爲生春東夏西迄無定所該處尚非要地沙克都林札布與俄官爭辯堅執不從似不必以區區一隅致礙邦交等語查帖列克池地方經沙克都林札布會同張曜長順與俄使反覆辯論屢次力爭該使以圖約藉口堅執不從如才照會俄領事官李奇軒稱分界事務不能管理帖列克一處既非要隘又岳瓦什種人舍此尚有游牧之場即將該部民另籌安插未爲不可且南段界務業經特派大臣會勘幾費唇舌始得照圖綫定議似未便重招俄使再費周章轉致有礙大體等語查會紀澤原定約章內第九條雖有西邊以見管爲界一語然其後臚列中俄卡倫明載伊爾克池唐之目該處即依爾克池他木今所依圖綫畫分之界也特譯音小異耳帖列克達灣一處歷據張曜係稱見管之界察其山勢水源與同治三年塔城舊約內行至蔥嶺靠浩罕爲界之語相符中間廓兒蘇至依爾克池他木一帶係喀屬岳瓦什布魯特牧地夫邊疆尺土所係甚大屬部游牧尤宜體恤苟能據理直爭所全益者原非淺鮮第該處在喀城極西距依爾克池唐紅綫外已二百餘里此次重勘邊界該俄使咩登斯克祇肯據新立圖約內之卡倫若以塔城舊約所管之界繩

之勢本齟齬難以就範且使該大臣等當奉旨與該臣會勘之時苟能堅執舊約及新約見管一語竭力爭回然後勒立牌博互換圖約則可收一勞永逸之規今則牌博已立圖約已換彼更有所執言勢難再訂久已歸國之俄使重履窮邊廢前勞而改後約自來中外設聽分茅片詞限斷宜簡捷以示大信不宜煩擾以啟爭端既據該大臣等合詞稱帖列克尚非要隘岳瓦什部落舍此尚有游牧之場似未便以已定之約日久虛懸况喀邊全界牌博久已竣工尚無舛錯不值因此一隅更張全局際此中外百端膠葛之時尤宜早日完結惟此鄰邦與我相聞請飭該大臣等自立界後益當遠斥埃徙屯戍控扼內隘務得地形安插外藩俾無失所以昭守信而奠邊情

新疆建省事略 新疆全境舊不與俄羅斯毗自乾隆朝平定後撫馭咸宜邊衛以肅道咸之閒中原多故不遑恤遠俄羅斯於是乘閒蠶食哈薩克布魯特諸部而伊犁塔爾巴哈台烏什喀什噶爾邊外之地盡爲所吞併緊與我鄰於是同治三年分界之舉其時新疆回氛肆起淪陷全疆至同治九年俄人復乘回酋之亂進踞伊犁而浩罕回部亦爲俄有於是新疆南界亦與俄人接壤同治三年之分界也大臣明誼與訂約於塔城尙未設立界牌鄂博延至同治八年始行會分烏里雅蘇台大員榮全會同俄官自沙濱達巴哈至薩留格穆斯克山嶺之柏郭蘇克一名布山建立界牌凡八處科布多分界大臣奎昌會同俄官自柏果蘇克山至瑪尼圖噶圖勒幹卡倫建立界牌凡二十處塔爾巴哈台分界大臣奎昌會同俄官自瑪尼圖噶圖勒幹卡倫至哈爾阿蘇山建立界牌凡十處其哈爾阿蘇以下應建界牌因回疆未靖尙未立也迨光緒三年大學士左宗棠通政使劉錦棠統兵規復新疆遂向俄人索取伊犁光緒七年始定和約還伊犁勘分界邊乃定西北科塔爲一段伊犁爲一段池南直至喀什噶爾爲一段凡三段科塔一段本於同治八九兩年建立界牌固已分定今復議分者即新約所謂齊桑淖爾池東之界自奎峒山過黑伊爾特什河即額爾齊斯河至薩烏爾嶺勘改新界是也科布多分界大臣額爾慶額會同俄官自奎峒山池西之阿克哈巴河源

起至阿拉克別克河口止建立界牌凡四處參贊大臣升泰會同俄官自阿拉克別克河口起至薩烏爾嶺之穆斯島山止建立界牌凡三處此勘改新界所立界牌也升泰又會同俄官自哈巴爾阿蘇至喀喇達坂建立界牌凡二十一處伊犁分界大臣長順會同俄官自喀喇達坂至那林哈勒噶建立界牌凡三十三處南路分界大臣沙克都林札布會同俄官自那林哈勒噶至別疊里山口因山險未立界牌乃指天山中梁為界惟於別疊里山口建立界牌一處又自別疊里至蘇約克山口建立界牌凡十四處又自蘇約克山至烏斯別里山口止因積雪未立界牌立約以紅綫為界其烏斯別里以下俄國界轉而為西南中國界轉而為正南而中俄之界于是乎訖此光緒八九十三年新定界約也界務既定沿邊數千里緊與強敵為鄰彼狡焉思啟封疆者既有實逼處此之嫌則疆吏宜思所以慎固封守之道願管檢查新舊界約按圖校訂或一地而異名或名同而譯異自非悉心考證鮮不茫乎若迷焉因念沿邊守土之官皆非隨同分界之員一遇爭論經界之事問名不知索圖不得幾何不坐誤事機用是檢取新舊分界文約臚列為表其名異字異者一一旁注於下俾觀者一覽了然庶足以供巡邊者之一助耳若夫烏斯別里山以南與什克南坎巨提退擺特等部接界業經派員往查應俟他日勘分後再為纂輯也

中俄邊界界牌鄂博表

沙濱達巴哈界牌 同治九年 蘇台辦事大臣  
索爾界牌 同治九年 蘇台辦事大臣  
初哩查界牌 同治九年 蘇台辦事大臣  
庫色爾界牌 同治九年 蘇台辦事大臣  
察布產界牌 同治九年 蘇台辦事大臣  
哈爾喀界牌 同治九年 蘇台辦事大臣  
塔斯克哩界牌 同治九年 蘇台辦事大臣  
柏勒蘇克界牌 同治九年 蘇台辦事大臣

布果素克達巴哈界牌 同治八年 蘇台辦事大臣  
杜爾伯特達巴哈界牌 同治八年 蘇台辦事大臣  
塔布圖達巴哈界牌 同治八年 蘇台辦事大臣  
博勒齊爾界牌 同治八年 蘇台辦事大臣  
察幹布爾噶蘇界牌 同治八年 蘇台辦事大臣  
烏蘭達巴哈界牌 同治八年 蘇台辦事大臣

原分舊界今已查歸俄國今將舊界牌名目附存於下

巴喀那斯舊界牌 同治八年 蘇台辦事大臣  
薩爾那開舊界牌 同治八年 蘇台辦事大臣  
巴爾哈斯達巴哈舊界牌 同治八年 蘇台辦事大臣  
拜巴爾塔達巴哈舊界牌 同治八年 蘇台辦事大臣  
庫爾楚木舊界牌 同治八年 蘇台辦事大臣  
特勒克梯舊界牌 同治八年 蘇台辦事大臣  
固洛木拜舊界牌 同治八年 蘇台辦事大臣  
薩拉陶舊界牌 同治八年 蘇台辦事大臣  
薩勒欽車庫舊界牌 同治八年 蘇台辦事大臣  
特勒斯愛哩克舊界牌 同治八年 蘇台辦事大臣  
鄂哩雅布拉克舊界牌 同治八年 蘇台辦事大臣  
奇音克里什舊界牌 同治八年 蘇台辦事大臣  
察奇勒莫斯舊界牌 同治八年 蘇台辦事大臣  
瑪呢圖噶圖勒幹卡倫舊界牌 同治八年 蘇台辦事大臣  
以上十四界牌均已查歸俄國外其瑪呢圖噶圖勒幹卡倫以西至沙喇布拉克止為塔爾巴哈台大臣奎昌同治九年所立舊界今亦查歸俄屬並附于下  
瑪呢圖噶圖勒幹卡倫舊界牌 同治九年 蘇台辦事大臣

哈爾塔爾舊界牌 同治九年 查昌建立 第二

邁西即沙爾布拉克界牌 今仍其舊

阿克哈巴河源起至匯入喀拉哈巴河口止以河為界未立界牌

塔木塔克薩斯界牌 光緒九年 科布多 第一 大臣

克森阿什齊界牌 光緒九年 額爾齊斯 第一 大臣

阿克塔斯界牌 光緒九年 額爾齊斯 第三

阿立克別克河口界牌 光緒九年 額爾齊斯 第四

喀喇額勒吉斯南岸界牌 光緒九年 額爾齊斯 第一 大臣

畢爾扣界牌 光緒九年 額爾齊斯 第二

邁喀普奇蓋界牌 光緒九年 額爾齊斯 第三

自此以西與同治九年所立沙喇布拉克界牌接界以上自阿拉克別河源起至邁喀普奇蓋止即條約所稱自奎峒山至薩烏爾嶺新改之界

沙爾布拉克界牌 同治九年 查昌建立 第一

沙爾托羅蓋界牌 同治九年 查昌建立 第四

察汗鄂博界牌 同治九年 查昌建立 第五

克爾根達什界牌 同治九年 查昌建立 第六

巴彥木爾占界牌 同治九年 查昌建立 第七

庫哲滾大堤界牌 同治九年 查昌建立 第八

布凱阿蘇界牌 同治九年 查昌建立 第九

哈布爾蘇界牌 同治九年 查昌建立 第十

布爾罕布拉克河源界牌 光緒九年 查昌建立 第十一

庫木爾奇舊卡倫界牌 光緒九年 查昌建立 第十二

喀拉奇塔特河界牌 光緒九年 查昌建立 第十三

素瓦素達巴罕界牌 光緒九年 查昌建立 第十四

烏松布拉克河界牌 光緒九年 查昌建立 第十五

巴克圖界牌 光緒九年 查昌建立 第十六

葦塘子界牌 光緒九年 查昌建立 第十五

克吉爾拜界牌 光緒九年 查昌建立 第十四

烏松阿哈奇界牌 光緒九年 查昌建立 第十三

瑪尼土界牌 光緒九年 查昌建立 第十二

沙爾布拉克界牌 光緒九年 查昌建立 第十一

察罕托海界牌 光緒九年 查昌建立 第十

額爾格土塔素土界牌 光緒九年 查昌建立 第九

巴爾魯克界牌 光緒九年 查昌建立 第八

莫敦巴爾魯克界牌 光緒九年 查昌建立 第七

札婁勒山西邊界牌 光緒九年 查昌建立 第六

札婁勒山南嘴界牌 光緒九年 查昌建立 第五

沙拉阿鳴奇界牌 光緒九年 查昌建立 第四

庫夏奇溝口界牌 光緒九年 查昌建立 第三

庫庫阿德爾庫布都克界牌 光緒九年 查昌建立 第二

土斯賽溝口界牌 光緒九年 查昌建立 第一

喀爾達坂界牌 光緒九年 查昌建立 第一

素達坂界牌 光緒九年 查昌建立 第二

庫克托木界牌 光緒九年 查昌建立 第三

巴散斯克山界牌 光緒九年 查昌建立 第四

薩爾坎斯克山界牌 光緒九年 查昌建立 第五

德木克山界牌 光緒九年 查昌建立 第六

庫克烏蘇界牌 光緒九年 查昌建立 第七

以上各界牌均與同治三年所定界址相符自庫克烏蘇以西經喀郭羅鄂博即區界所有奎屯河以西地方及博羅呼濟爾屯奎齊罕霍爾果斯奇沁春稽各卡倫直至那林哈勒鳴山一帶今皆畫入俄國即新約所載伊犁西邊地方自別珍島山順霍爾果斯河再過伊犁河至廓里札特



村東邊地方歸俄國管屬是也

康喀達巴罕界牌光緒八年長順

霍爾果斯河以河為界未立界牌

伊犁河南沿起一帶草野之地界牌七處光緒八年長順

十一第二

噶爾札特村東邊界牌光緒八年長順

沙爾諾海別德圖二水中閒界牌光緒八年長順

沙爾諾海小山界牌光緒八年長順

喀爾套山達巴罕界牌五處光緒八年長順

康喀山水東沿界牌光緒八年長順

康喀山水西沿界牌光緒八年長順

沙爾套山界牌光緒八年長順

蘇木拜界牌光緒八年長順

特克斯河南沿界牌光緒八年長順

諾海托勒蓋山界牌光緒八年長順

那林喀勒噶水沿界牌四處光緒八年長順

穆札爾塔達巴罕光緒八年長順

罕騰格里山

薩瓦巴齊山

喀依車山

庫庫爾圖克達巴罕

以上均指天山中梁為界未立界牌

別疊里達巴罕界牌光緒八年長順

科克沙勒山光緒十年長順

庫噶爾塔達巴罕

齊恰爾達巴罕

烏魯達巴罕

巴圖瑪納克達巴罕光緒十年長順

和踐特達巴罕光緒十年長順

庫倫都達巴罕光緒十年長順

博斯愛格爾達巴罕

庫爾皮別里達巴罕

黑皮恰克達巴罕

鐵列克提依達巴罕光緒十年長順

烏圖魯達巴罕

黑子庫勒達巴罕光緒十年長順

圖魯阿提依達巴罕光緒十年長順

蘇岳克達巴罕光緒十年長順

以上十四達巴罕均於山頂建立界牌獨和踐特達巴罕人不能上指山

之中梁為界

自那林哈勒噶以西至蘇約克各界牌均與同治三年界約相符所謂天山

之頂行至蔥嶺靠浩罕邊界為界是也光緒八年新定界務浩罕全部已入

俄國故有蘇約克山以南分界之舉

庫噶爾塔達巴罕光緒十年長順

伊提穆爾塔達巴罕光緒十年長順

庫噶爾塔達巴罕光緒十年長順

圖子阿蘇界牌光緒十年長順

喀拉瑪阿蘇界牌光緒十年長順

塔勒格依界牌光緒十年長順

色且界牌光緒十年長順

薩瓦雅爾德界牌光緒十年長順

塔喇庫勒界牌光緒十年長順

克斯達爾界牌

光緒十年沙布立

哈拉恰拉界牌

光緒十年沙布立

伊克則克界牌

光緒十年沙布立

喀喇別里界牌

光緒十年沙布立

伊爾克什塔穆河界牌

光緒十年沙布立

屬地方進東為中國所屬地方

瑪里塔巴河

光緒十年沙布立

瑪里塔巴爾山

烏斯別里達巴罕

瑪爾堪蘇河

喀喇阿爾塔達巴罕

喀喇札克達巴罕

烏斯別里山

即為茲別里一名克則勒借克

烏斯別里達巴罕為兩國地界分竣之處

是俄國界轉而為西南中國

界轉而為正南以紅綫迤西地方為俄屬

以紅綫迤東地方為中屬

皇朝續文獻通考卷二百四十二

外交考七 界務 俄界新

光緒十二年總理衙門復俄國公使博白傳照會略曰接准貴使稱松花江一帶舉行船貿易應由兩國照光緒七年條約第十八條所載商定如何照辦之處以爲兩國有益敦睦誼本爵大臣查咸豐八年愛琿條約所載應准兩國人民在黑龍江松花江烏蘇里河行船并與沿江一帶地方居民貿易各節光緒七年出使會大臣於議定新約第十八條內復爲申明所謂申明者係指申明愛琿舊約而言也所謂如何照約之處應由兩國再行商定者係指按愛琿約第一第二兩條申明遵照辦理而言也然則此事據約講解界限本易明白並參考中俄分界紅綫全圖足爲約文佐證鑿鑿有據茲不憚煩瀆分晰言之查愛琿約第一條云黑龍江松花江左岸由額爾古納河至松花江海口作爲俄國屬地右岸順江流至烏蘇里河作爲中國屬地由烏蘇里河往彼至海所有之地此地如同接壤兩國交界明定之閒地方作爲兩國共管之地黑龍江松花江烏蘇里河此後只准中國俄國行船各等語此條明指黑龍江入松花江之道及松花江又會烏蘇里口之道中俄兩岸中閒共管之江淮兩國行船而言次第本極分明約文內毫無一字涉及吉林內地之松花江上源此無可疑者一也又按第二條載烏蘇里黑龍江松花江居住兩國所屬之人令其一同交易官員等在兩岸彼此照看等語此條專爲兩國共管江面交界居民貿易而設兩岸即承上文屬俄之左岸屬中之右岸若如來照所稱中國境內之江則所謂居住兩國之所屬人何所指乎此無可疑者二也又按兩國勘分東界紅綫地圖自愛琿至黑河口謂之黑龍江自黑河口至烏蘇里河口經伯力入海之口統謂之松花江若分晰言之則上游爲黑龍江下游爲烏蘇里河中閒接流處爲松花江左岸屬俄國右岸屬中國中流皆爲共管之地此無可疑者三也此共管江面自應申明准兩國商人行船在此貿易並各飭該處左右岸地方官吏一律遵照條約彼此照看以符定章而敦睦誼至黑河口以上係吉林內地江

面並非兩國共管之江應由中國自主與約文准兩國行船之江無涉貴國屢以此事爲言實由誤解約文所致中國疆界尺寸之地豈可妄以予人至彼此漫相侵越疆域混雜似亦非貴國之利也且果係約內應辦之事則立約已近三十年豈有久不照辦之理何煩彼此之理論耶理合照覆貴使查照辦理

又復俄國公使拉德仁照會略曰准博公使照復內稱如此解說與原訂條約命意不符愛琿條約總未有限制之意是以該三處江河應講全河即自源至流注處意如黑龍江松花江自是全江烏蘇里河自是全河若訂約時有意只准兩國人民在共管江面行船定必載明當時即無是意等語詳譯博公使所稱未有限制之說查愛琿條約文義簡括而限制之意顯然第一條云黑龍江松花江左岸由額爾古納河至松花江海口作爲俄國屬地此貴國之限制也右岸順江流至烏蘇里河作爲中國屬地此中國之限制也及云自烏蘇里往彼至海所有之地此地如同接壤兩國交界明定之閒地方作爲兩國共管之地此則兩國訂明不立限制之地方也以有限制處畫兩國之邊界以不立限制處通民之往來約文極其明白且亦萬國通例豈有彼此界內一概牽混漫無限制之理又博公使稱該三處江河應講全河即自源至流注處一層查黑龍江其長數千里派至迤西雅克薩城以上其發源肯特山敖嫩河等處係中國蒙古地面其東流入俄爾古斯科一段係貴國內地非中國所得過問松花江發源於吉林之長白山等處係中國內地非貴國所得過問然則兩江皆不得以全江論自屬博公使誤會此三江中惟有烏蘇里河左右岸首尾立十界牌爲限或可云全河耳又博公使稱俄國准中國人民自伯力往東行船貿易一節查此處即愛琿條約所云由烏蘇里河往彼至海所有之地接連兩國交界作爲兩國共管地方者其曰往彼至海即伯力往東至海之地也約文亦極明晰可以釋博公使之疑相應逐條辯明照覆

又復吉林將軍希元書略曰接來緘並清摺一扣圖一張具見盡懷疑密反

覆推尋尊意多據舊圖舊約立論查咸豐十年條約及十一年會勘記文當日在事者疏倪荒謬之處往咎難追惟成侍郎琦會勘界址大書順輝春河及海中開之嶺至圖們江口以西爲中界以東爲俄界云云其詞雖略其迹可尋據九年雙壽袁大化確勘得沙草峰尙有土字頭界牌遺址查銘鼎臣將軍吳清卿督辦先後寄來詳細圖說黑頂子確在沙草峰之迤西少北俄界之橫道河卡倫尙在其東相距二十里外此黑頂子確在界綫以西之證也李守金鏞等原勘強指距江口東六十里之庫倫島爲海中開之嶺固屬荒渺無稽而九年鼎臣清卿所繪開方地圖以罕奇海汶中開之小嶺當之正當紅綫分界處此海中開嶺之語之證也本處再四訪查黑頂子中俄圖內所不載係因俄高兩國人雜居於此蓋屋用黑塗頂得名彼既佔地安居自未便詳自我開突下逐客之令而其地既在沙草峰之北長嶺子之南顯係中國界綫以內無疑至海中嶺一層清卿本意以爲瑯城無險可扼非得罕奇海口不足以通舟師限敵騎然此口業已棄之界綫之外固不可以口舌爭且見筭之界按之咸豐末舊約已互有犬牙相入之處所有勘界建牌之舉自宜從緩辦理今執事請另派委員會同俄官覆勘查明八年立約後侵佔之地本屬應辦之事第兵法知己先貴知彼行人執辭謀貴素定倘不先由足下遠派熟精輿圖員弁往彼密勘舊界新約同異鑿鑿彼所侵佔共若干里數已了然於胸中而遽請奏派大員草草一勘希圖塞責則彼此情形開口茫然成何事體且細校尊圖於彼中城堡屯卡道里距界遠近情形尙未分晰明白查由輝春城而南二十里長嶺子又折而東二十里橫道河此處有俄人卡倫又迤南折而少西二十里罕奇小海口此處產鹽多鹽房又十里至對岸之摩蘭崙俄人屯兵處又二十里巖杵河俄守將嗎勿里見方由雙城子徙屯於此驅逐華民遷移俄戶與黑省海蘭泡之犁道開屯同一詭謀叵測此則尊處所宜詳探地勢陰謀邊情早籌堵禦杜其窺覷之心者也總之執事身膺重寄當以整練防兵爲建威銷萌之計招徠墾戶爲實邊儲粟之謀先立根本而以偵探敵情密勘界務輔之不此之圖而弛我

邊備軍庫空虛則雖鑄銅爲柱冶鐵成城亦患耿耿者之蠶食區區牌博胡足恃哉至來函易以石碑之說殊可不必查西陲見立牌博中俄以木約內聲明每屆三年彼此派員會勘重立並不須伐石取材徒糜巨款也一切機宜自應分別緩急尙煩擘畫精到再行詳覆

又杏復希元文曰准咨稱前札飭翼長穆隆阿統領雙壽等遵將沙草峰土字界牌以上勘明之界先行照會互換畫押以期迅速了結其間圖內圖們江口尙有烏字界址因該會勘俄官稱江口原無界牌堅不前往應俟另行核議飭翼長等就近面謁幫辦依克唐阿暗授機宜妥速辦結據稟稱會商照會去後旋接據該廓米薩爾來照會內言如果互換押結必須吉林將軍發來結實文書若無文書不能辦理並言見以上字界牌迤南至海均屬俄地等語查該俄官照會內稱必須將軍結實文書方能辦理完結云云揆度其情似欲從土字界牌畫清界限而置烏字於不論若如此允許是土字界牌以南均爲俄有實與原定圖約不符應如何辦理之處咨請核復本處查咸豐十一年原定約內云輝春江至圖們江口其東皆屬俄國其西皆屬中國又云圖們江左邊距海不過二十里立土字頭牌界又云自烏蘇里河口至圖們江口其東皆屬俄國其西皆屬中國云云所謂江口者指圖們江入海之口而言也所謂江左邊者西右東左指圖們江以東之沙草峰臥峰鹿屯島一帶地方而言也是約文明言圖們江入海之口以西地皆畫歸中國轄境而十一年兩國互換分執信守之紅綫界圖內於土字界牌之南派江入海之處明著界牌烏字之名然則土烏兩界西境屬中東境屬俄按圖據約辨方計里確鑿無疑茲譯大咨所云土字界牌以北勘明之界業經該翼長等會同俄官勘定先行照會互換押結查土字界牌遺址既在沙草峰此處勘明則迤北勘綫內之黑頂子長嶺子一帶地方均可據見議之約收回該俄官既稱須貴署予以結實文書方可辦理似應由貴將軍將前次會勘情形先行照會東悉畢爾將軍轉飭該廓米薩爾依綫畫分照約辦理至自土字界牌以南之烏字界牌該俄官始終狡執不肯會勘雖地形極關險要

似亦未可操之過蹙轉恐激成釁端請酌度機宜密商輝春副都統並飭該翼長等姑懸此案不結俟查明查詣訪得有遺址確據再與理論以爲後圖又總理衙門奏光緒八年據前督辦甯古塔等處事宜吳大澂奏稱查咸豐十年中俄條約內載由瑚布圖河口順輝春河及海中閒之嶺至圖們江口其東皆屬俄國其西皆屬中國云云見在吉林將軍署內所存紅綫地圖並不以海中閒之嶺爲界是地圖與條約顯有不符之處近來俄人侵占輝春邊界將圖們江東岸沿江百餘里誤爲俄國所轄之地並於黑頂子地方安設俄卡招致朝鮮流民墾地輝春與朝鮮毗連之地大半爲俄人竊據可否請旨飭令軍機處查明咸豐十一年原定舊圖頒寄吉林將軍派員齎赴輝春照會俄官訂期履勘按照舊圖所定紅綫將沿江地段畫清界址限令俄官將從前侵占輝春地方一律交還展圖們江口二十里以內仍爲輝春管轄之地俾俄界與朝鮮不復接連藉以杜俄人窺伺之意實於吉林邊界地方大有關係等語遵將地圖封寄該省以憑覆辦並歷經函覆知照屬該將軍督辦等妥爲商訂辯論嗣屢准該督辦函稱與俄官彼此商辦迄未就緒迭次派副都統依克唐阿雙壽等與該俄官廓米索爾辯論亦各執一詞齟齬難合且圖內漢文洋文譯名歧異該督辦原奏所稱庫倫一島即海中閒之嶺查該島距圖們江口較遠亦與約內二十里之文不合又舊日所立界牌失修已二十餘年糟朽無存靡所依據雖經臣署歷與俄國駐京使臣詰辯並責成該督辦一手經理十年復將應行據約力爭各事宜逐條查復將軍希元而俄官屢稱伊國特遣會勘之員遷延不至臣衙門於此案辯駁累年未即定議是以暫緩奏請欽派大員往勘此歷年辦理東界情形也臣等惟吉林爲我朝龍興重地負山阻海控制東陲襟帶三省本屬形勝天險之區自咸豐八年將軍奕山與俄人立愛輝之約十一年侍郎成琦復會同俄使重定界約自此長白山陽甯姓輝三城以東之陝區鹽澤割歸俄有其沿海十四島嶼旗民資以漁獵探掘謀生者今皆畫歸異域居民生計益艱俄人建立東海濱省與黑龍江省交界之阿穆爾省屯墾相連臥榻之側遂貽無窮之患吉東一帶僅恃烏蘇里江與凱河瑚布圖河諸

水天壘阻深與之相隔而已然業經兩國派使勘定議約立界交鄰信誼所關即已無可追議惟查咸豐十年北京立約十五條內載明中俄東界順黑龍江至烏蘇里河及圖們江口設立界牌共寫俄國阿巴等二十字頭十一年成琦勘分東界紅綫洋文圖內詳準所繪界牌則僅標明十二字頭定界記文內又止載八字頭少四字頭前後圖約種種不符當日該侍郎奉命往勘宜如何慎重藏事乃舛錯至此殊所不解尤可異者土字界牌一帶地方其西北正當輝春河流入圖們江之處其正西與朝鮮之慶源府陸路相接烏字界牌係圖們江出海之口該二處尤關緊要乃中俄互換之定界記文內所列八界牌止於土字置沙草峰以南之地不問而圖內於圖們江口僅寫界牌烏三字紅綫則仍畫至土字而止種種舛舛使該侍郎當日與俄使據理力爭校訂畫一何至貽誤若此其爲未經詳細履勘甘受俄人愚弄可知且朝鮮咸鏡道北境與甯圖二城界向祇隔一圖們江今俄人占踞圖們江是彼與朝北接壤我無造船出海之口鯨吞蠶食後患何涯且江之東西無我寸土又何得謂之以東屬俄以西屬我乎此又約記之謬事理易明者也今該二處界牌遺址或稱在江東之沙草峰或稱在鹿屯島之大陸皆據土人傳述不能依爲憑信且無以折俄人之心其各處牌博見俱據報年深月久形迹無存以致光緒八年有俄兵徑踞黑頂子之案九年有興凱湖口俄人越界設卡之案十年又有秦孟河一帶俄人驅逐華民之案皆界址湮失無可據以力爭階之厲也查九年分勘定新疆各界議定牌博三年一換其會勘界務曾由臣衙門奏請特派茲復接據俄國博公使照會稱輝春交界及烏蘇里一帶兩國交界應由兩國派出大臣予以簽押之權再行履勘如俄使業已前來中國自應乘此機會派員往勘庶期茅莠分明爭端可息並令該將軍副都統等力爭要害據天然之險阻作東境之金湯合無請旨特簡曾經辦理此案熟悉邊情之大員馳往會勘一據約訂圖仿照西路辦法重立牌博畫清界限以鞏邊防而清舊界出自聖裁其該使所稱授予權柄一層中國無此體例應於照覆時辨駁理合聲明十二年吉林將軍希元幫辦北洋大臣吳大澂奏等奉命會勘吉林邊界

事宜竊思春與俄國交界地方有界限不清之處因咸豐十一年前任戶部侍郎成琦會同俄員建立木界牌八處其末處土字界牌最關緊要不知何年毀失遍詢土人無從查究查得春轄境處處與俄接壤臣依克唐阿到任後查閱邊界自琿春河源至圖們江口五百餘里竟無界牌一個黑頂子山瀕江一帶久被俄人侵占屢與臣吳大澂照會俄員索還佔地並迭次面商據約辯論該俄員等一味支吾延宕竟於黑頂子地方添設卡兵接通電綫有久假不歸之意旋經臣希元專派協領穆隆阿雙壽等約同俄員會勘僅至沙草峰為俄人所阻未經勘畢而回臣等此次會同俄國所派勘界大臣巴叻諾伏等商議界務首重立土字牌交界之處次則歸還黑頂子要隘之地據俄員舒利經指出成琦所換地圖上界綫盡處即咸豐十一年原立土字界牌之所江東有大泡子積水為記江西與朝鮮偏險城相對該員舒利經即係當時親自繪圖監立界牌之人言之確鑿並呈出大小圖稿一牌有一牌之圖沙草峰所立土字界牌似非無據臣等詳查咸豐十一年所換地圖內英尺一寸係俄國里二十五里中國里五十里圖上界綫末處與海口相距幾及一寸係俄里二十餘里以中國里數計之實係四十五里惟咸豐十年條約內云兩國交界與圖們江之會處及該江口相距不過二十里咸豐十年交界道路記文內亦云圖們江左邊距海不過二十里立界牌一個上寫俄國土字頭見查十一年所立土字界牌之地並未照準條約記文二十里之說臣等與俄員反覆辯論該員以為海濼二十里俄人謂之海河除去海河二十里方是江口臣等以為江口即海口中國二十里即俄國十里沙草峰原立土字界牌既與條約記文不符此時即應照約更正巴叻諾伏仍以舊圖紅綫為詞堅執不允此與俄員議立界牌力爭未決之情形也此外尚有應辦事宜數端舊圖內拉字那字兩牌之間有瑪字界牌記文則缺而未立條約內怕字土字兩牌之間有叻薩二字界牌地圖記文略而不詳見應補立者一也舊立木牌年久易於朽壞鄉民有燒荒之例野火所焚延及木牌難免毀損改用石牌較為堅固亟應換立者二也兩國交界地段太長牌博中間相去甚遠路徑分歧山林叢雜本未立牌之地難免

越界之人自宜酌擇要地多立封堆挖溝為記愈密愈詳此應辦者三也俄人所佔黑頂子地方設有私卡見應補立土字界牌該處在紅綫界內臣依克唐阿當即派員前往接收添設卡倫以清界址此應辦者四也俄員舒利經見畫分界以英尺一寸為俄國一里計中國二里較舊圖尤為細密臣等與該員詳加考核分注漢文俄文應將此圖畫押鈐印中俄各存一分以補舊圖之不備此應辦者五也以上各條與俄員巴叻諾伏詳細妥商各無異議惟補立土字界牌一節再三辯駁始允於沙草峰南越嶺而下至平岡盡處豎立土字牌以江道計之兩舊圖展拓十八里逕直里數不過十四里臣等派員前往測量該處距圖們江出海之口順水而下為中國里三十里計俄國里十五里陸路直量為中國里二十七里俄國里十三里半臣等自奉 旨允准後即約同俄員赴圖們江議立界牌之地親自勘明將土字石牌公同建立並用灰土石片深埋豎築以期經久所擬記文應寫滿文漢文俄文各二分另繪分圖在巖片河俄館會同勘界大員巴叻諾伏等畫押鈐印將記文地圖各一分由吳大澂回京復 命時面交總理衙門存案備查再圖們江土字界牌以南至海口三十里雖屬俄國轄境惟江東為俄界江西為朝鮮界江水正流全在中國境內中國如有船隻出入海口非俄國一國所能攔阻臣等與巴叻諾伏商議數次該使總以奏請俄廷示諭為辭應俟商妥再行定議又齊古塔境內倭字那字二界牌均與記文條約不甚相符臣等畫押事竣擬再赴三岔口一帶將倭字那字二界牌查勘明確如應更正之處再與巴叻諾伏等妥商辦理又奏前因齊古塔境內倭字那字二界牌均與記文條約不甚相符約同俄使巴叻諾伏等同赴三岔口查勘倭字那字二界牌見在小孤山頂距瑚布圖河口尚有二里並非中俄交界地方查咸豐十一年前倉場侍郎成琦會同俄國大臣議定交界道路記文內稱在瑚布圖河口西邊立界牌一個牌上寫俄國倭字頭並未載明在小孤山細詢緣由因當時河口水漲木牌易於衝失權設山頂離河較遠若以立牌之地即為交界之所則小孤山以東至瑚布圖河口一段又將劃為俄地見與俄使議定將倭字石界牌改立瑚布圖河口山坡高處正在

兩國交界之地按之地圖條約均屬相符以後永無爭執再查成琦所定交界道路記文內橫山會處立界牌一個上寫俄國那字頭該處與瑚布圖河口相距約有百數十里當日立牌之處本在荒山榛莽中人迹不到之處亦無路徑可尋年久無從蹤迹中俄邊界各官均以此牌失毀漫無稽考光緒三年實古塔副都統雙福與俄官廓米薩爾馬邱實補立那字界牌在瑚布圖河口正北山上距綏芬河與瑚布圖河交會之處不及二里倭那二字牌相去太近又非橫山會處自應查明更正<sup>臣</sup>等商派熟悉邊界之員會同俄官前往查勘適實古塔副都統容山添派佐領托倫特爾<sup>臣</sup>等履勘邊界因委該佐領會同俄員舒利經襄賴入山十餘日依水尋源披荆闢路始訪得木牌一座上多朽爛僅存二尺餘下有碎石平砌臺基雖字迹剝落無存按其地勢正在橫山會處迤西即係小綏芬河源水向南流其爲那字舊界牌似無疑義惟山路崎嶇林木蒙翳新造石牌一時難以運往見與俄使議明先於該處原立那字界牌之地掘深數尺築石臺俟冬令冰雪凝厚再將那字石牌由小綏芬河拉運到山屆時由<sup>臣</sup>依克唐阿派員前往會同俄官妥爲建立至那字界牌中間百數十里自應添設封堆記號以清界址見由俄官舒利經督率繪圖各員詳細測量<sup>臣</sup>等協委佐領托倫特爾隨同察看謹慎辦理

十八年總理衙門奏竊以英俄覲覲帕米爾地方迭經陝甘新疆督撫先後馳奏查帕米爾地名載籍無徵惟一見於乾隆年間<sup>臣</sup>欽定西域圖誌設以西國與圖帕米爾南北斜互蓋皆蔥嶺中間之地其西爲阿爾楚爾河伊西洱庫爾淖爾乾隆二十四年平定新疆南路窮追回曾至伊西洱庫爾淖爾三戰三捷遂藏大功<sup>臣</sup>高宗純皇帝御製碑文勒銘淖爾恭案文曰伊西洱庫爾者我副將軍富德等窮追二酋至拔達克山之界以是西域圖志疆域門指爲喀什噶爾西境外地當日喀城邊卡西境之玉斯屯阿喇圖什卡僅八十里西南之鄂坡勒卡僅一百二十里道光年間<sup>臣</sup>欽定新疆圖志喀城西至烏帕喇特卡一百二十里與布魯特部落連界西北至喀浪圭卡一百五十里未言及帕米爾迨光緒年間收復新疆劉錦棠始增設七卡於舊界之外十五年又設蘇滿於

伊西洱庫爾淖爾北十里是卡距喀城千六百里最爲遙遠僅以布魯特回布人守之未駐兵也前年英使來議共分帕米爾地當以英俄皆屬強鄰帕米爾近接俄疆恐啟爭端未允其請上年俄兵闖入帕地經<sup>臣</sup>衙門責其稱兵越界俄即引咎退歸去冬英兵入坎巨提逐其頭目意在窺伺帕地疆撫因派馬隊數旗巡歷帕境駐於蘇滿本年春間俄人遂謂七八年來中國逐漸拓土帕地亦有屬俄之處未經勘界中國亦不應駐兵<sup>臣</sup>等公同商酌謂先朝用兵西域之時天戈所指陸警水保猶以險遠不列版圖今俄既有責報之詞在我當思息爭之計出使大臣許景澄來書亦慮懸軍深入後路難繼因電疆撫退兵而仍留蘇滿卡倫俄復請我盡撤新設各卡然後勘界否則俄國亦將進兵據地較辯再三曉諭不已<sup>臣</sup>等慮其得步進步堅未允撤正相持間愛烏罕之兵突至蘇滿脅捕回甚且揚言東犯查愛烏罕今世通稱阿富汗爲印度西北大部素聽英人指麾必係受其嗾使據蘇福成復電已告英廷嚴飭阿酋釋放布回賠禮償卹英亦應允乃阿事未平俄兵又進據電報傳聞西隊已與阿人戰於蘇滿東隊則游弋於朗庫里湖阿克塔什距我邊界漸近意殊叵測<sup>臣</sup>等先已屢電疆撫飭令防軍預爲戒備堅守與持一面責問俄使並電許景澄詰俄外部迫令退兵勿稍鬆勁竊念先駐蘇滿之師不及早撤回則俄阿戰事將自我敗之轉難收東阿難佔地而適致俄兵蠻觸相爭原可不必過問但其東駭駭逼近邊境亦頗可慮雖許景澄電稱外部以阿佔地爲言兵難即退至明知之喀城等地必不越入等語然亦未可深信就目前情勢而論固未可以窮荒絕徼輕啟兵端亦不可以彼族虛詞稍疏邊備仍當電知許景澄與俄外部切實辯論以杜狡謀並由臣衙門知照新疆撫臣嚴飭見駐色勒庫爾布隆庫爾各營慎固邊防毋挑邊衅再帕米爾地處荒遠而爲印度東北屏蔽俄謀印度匪伊朝夕故英俄在所必爭俄得是地我害爲輕英害爲重我得是地增兵轉餉誠費不貲敵我力以固英圍亦非勝策<sup>臣</sup>等再四籌度會爲三國各不侵占之說英頗樂聞俄則謂地屬中俄但願兩國勘分與英無涉議遂中較查光緒十年沙克都林札布會同俄官勘定喀什噶爾界約內載兩國界綫至烏仔

別里山豁爲止俄國界綫轉向西南中國界綫一直往南所有界綫以西及順該處河流之西歸俄國屬轄其界綫以東及順該處河流之東均歸中國屬轄約內所云界綫却未勘定當時邊外地形未得善圖莫知底蘊臣洪鈞奉使至俄譯成中俄界圖乃知烏仔別里之南東西橫互皆是帕米爾地喀約所謂中國界綫應介乎其間今日俄人爭帕根早伏於喀城定約之年劉錦棠添設境外卡倫意在展拓邊防無如喀約既有成說已屬無益惟照中俄界圖南北經度斜綫自烏仔別里一直往南尙可得帕米爾之少半較諸乾隆道光年間舊界已形展拓見揣俄阿交關阿非俄敵其潰必速阿人既去俄人或可早歸必須俟其退兵乃可與議界脫之謀不遂勢不能不事勦分臣等更當與疆臣竭力圖維爭得一分卽是一分之益

又出使大臣許景澄奏新疆省南路喀什噶爾一帶地處極邊西控蔥嶺大山爲漢唐以來限隔華戎之界自此入山其間有平地寬坦可供回族游牧者今皆稱爲帕米爾地不一處故帕米爾亦不一名該地荒寒不毛冰雪早封一歲之中僅三四月得暢往來本無纖利可爭然南踰因都庫什山即達印度東經葉爾羌可至衛藏故俄人連歲遣兵游弋其地意圖佔并與我喀城西境漸致膠結臣愚以爲非清查地界不足以弭衅爭非先增繕邊備不足以決界議查喀城自烏仔別里山口以南皆與帕米爾境連接然山口可通者不過數處尤以葉爾羌之色勒庫爾爲扼要之地該處向稱外藩總匯遠近回莊十數區均係土著其間有地曰塔什庫爾干者舊爲東西要道近來游歷洋人出帕地率以此爲理裝停頓之所謂其水土較善耕牧皆宜頗萌款羨夏閒俄兵揚言欲至其地亦非無因應調防兵一枝常川駐紮兼駐地方文員撫輯回衆置爲重鎮其稍北塔夏爾瑪山口卽由該軍分隊邏守再北與郎庫里帕米所通山口應由見紮布倫庫里之防營屯守以爲次要之鎮邊庭耳目將帥所蒞則號令一新烏魯木齊省城在該省已爲腹地距邊較遠撫臣應於明年春夏之交親赴喀城巡閱一次察視防務接洽外人以利控馭原駐喀城之提督卽應出駐邊營以資彈壓惟西國軍勢最重職位新疆軍營向由泰來洋行購運光陸陸

礮均係舊式應酌定新式過山快放礮三十七四十七密里口徑等式各數尊各配藥彈此項礮式輕便駝馬皆可運負每尊連彈價約三千兩四千兩籌備尙不過艱該礮南北洋各省必有購備並應先爲備撥一面購補免曠時日以之分布要隘庶令彼族訶知中國注重邊防遠致利器或可收上兵伐謀之效又葉爾羌南境奇靈桑珠等卡以外邊界寬遠與印度東北境相接英人率由此路北出以避雪山之險僻蹊幾成孔道亦宜隨時巡徼免有侵軼

又出使大臣薛福成奏中國回疆邊外有回部錯居之地曰帕米爾山勢迴環高原繇互其脈發自蔥嶺實爲大地最峻之脊因其土多磽薄所以無著名部落從前隸我疆圍羈縻弗絕者十居八九自俄英兩國分爭環伺而迤西迤北稍稍歸屬於俄迤南小部則附於英屬之阿富汗惟東路中路久服中國迄今尙囁囁內嚮然既爲三大國出入之門戶得之則可居高臨下不得則恐失險受逼近來俄人盡力經營注意在此英知俄之有深謀也乃急起而隱爲之防迭派武員赴帕米爾游歷探訪情形臣接英外部送到秘密節略及地圖各一件以畫清阿富汗邊界爲辭其意欲使中國收轄帕境中間之地勘明界址以免俄人窺伺臣卽轉送總理衙門未及核辦適俄兵游獵帕境逾月卽歸聞俄外部告駐俄使臣許景澄欲會同中國勘界分疆惟英於帕米爾本無分地不當使其與聞等語竊思英藉保護阿富汗之名遠涉帕境其意本不在分地而在防俄英若分地於勢不順而隱助中國以分地則其事易成英冀中國得地稍多支格其間可隔閡俄兵之南下又慮中國未能速辦今春乃有坎巨提之役蓋修築坎路實以綢繆帕事也臣前接總理衙門電信擬以帕米爾作爲三國公共之地各不侵占曾與英外部妥商許景澄亦以此商之俄外部兩國之意皆不甚以爲然似難勉強允從惟分地則俄難改前說英亦不乖本謀臣前商之外部已飭駐俄英使與俄外部商辦據稱英俄須各派員赴帕查勘再行定議夫前日俄人所以欲擴英者以去英則中國較易商量也今日中國所以願合英者以得英則俄人稍可畏懼也臣聞伊犁定約以來俄人所自指爲邊界者已三變其說每變則益徙而南今俄人又派兵游帕據其自告英員欲以



郎庫郎里湖爲界益與喀什噶爾等城相近若不妥籌分界恐俄人益肆詭謀而英人亦漸生異志事端百出更費躊躇今作公地一說既不能行惟有由總理衙門設法催俄分界勿使藉詞推宕以期與英使在俄商辦之事適相浹洽則一勞永逸當有把握英雖不肯顯助中國以結怨於俄然密通消息稍持公論實在意計之中似亦可乘之機也

薛福成帕米爾圖說曰中亞西亞有極高大地在中國與俄國之圖爾齊斯坦及布哈爾與都哥士喀喇開魯穆之閒曰帕米爾一在東面係高阜之地一在西面係多山之地自赤道北三十六度四十五分起至三十九度四十五分止京師西四十度五十三分起至四十七度零八分止東面之地有七萬法方里居民二萬戶西面之地有八萬法方里居民五十萬戶其中北面有喀爾提錦達爾瓦斯南面有羅善什克南巴達克善諸小部落其東西帕米爾交界處在京師西四十四度閒有山地地方則爲草地帕米爾蓋兩帕米爾地處高山之中北有大山南有喀喇開魯穆山西有中亞西亞大嶺又通至伊瑪拉雅山山即東有崑崙山又通至喀什噶爾山重岡疊嶺互結於此雖高地諸小部自古未有著名然當唐貞觀中元奘法師求經西域時帕米爾已有什克南及羅善等國其所稱部落政俗與今相同此據法文地志等出惜無元奘西域記以證之此自主高地諸小部周圍皆有大國環之如浩罕布哈爾阿富汗喀什噶爾皆是因之達爾瓦斯喀爾提錦屬於浩罕哈薩爾屬於布哈爾瓦罕羅善什克南屬於阿富汗而喀什噶爾中國所得浩罕布哈爾爲俄所得今帕米爾遂成中俄阿富汗平分之地中國所有則塔哩穆江岸及塞勒庫爾高阜處一帶俄國所有則阿來嶺及哈爾果什高阜處一帶蓋帕米爾高阜地方除爲俄所據其餘皆屬中國然將來兩國相爭未必不由乎此什格南及達爾瓦斯各土番稱其頭目曰伯克伯克樹木爲城住兵其中凡土番爲農工者皆受役納稅惟命其例貢於伯克者有雞羊呢衣木鞋盤鏟油麪之屬又鐵五斤至大帕米爾小帕米爾以及帕米爾哈爾果什帕米爾塔克敦巴什帕米爾薩雷帕米

爾雅什里等名皆係英國游歷家地圖稱之不過湊成非指一地即其土番亦不知有此名也

二十四年 命李鴻章張蔭桓與俄使巴布羅福會議中俄互籌相助之約

臣謹案二十二年馬關約定割奉天界日本之南境俄刺德法助歸所割俄責報甚厚乃有是約前七款議租借旅順大連灣又於旅順後路酌留隙地爲本年許景澄楊儒森彼得堡增立條款一二四五等款所本第八條接造營口枝路爲增立條款第三款及續訂東方鐵路公司合同所本閏三月出使大臣許景澄楊儒森與俄外部大臣模拉維諾夫增立條款

五月又與東三省鐵路公司訂立合同章程七款

臣謹案二十二年中國與華俄銀行所訂合同准建造鐵路之事推廣建造枝路於遼東半島之大連灣及旅順海口

二十五年 命王文韶許景澄與俄使格希尼勒分旅大租界專條

臣謹案租借旅大之約既定俄即移軍來駐由奉天省委員勘界正月訂約至是簽字

二十八年以出使大臣楊儒森爲全權大臣與俄外部商辦接收東三省條約

臣謹案楊儒森爲全權仍須電商慶親王文韶互相參酌蓋自庚子之亂俄人乘機進占盛京行略東三省自謂得以兵力將謀久據此次約雖定而不實行日本乃修二十一年俄刺德法助歸遼南之怨

皇朝續文獻通考卷三百四十四

外交考八 界務 俄界新

光緒三十一年以俄約將次開議飭唐紹儀勸中界址

東三省界務交涉篇 略稱黑龍江去京師東北三千三百三十七里三面鄰俄舊約西以額爾古納河爲界河南屬中國河北屬俄東北兩面以昂邦格爾畢齊河爲界沿河上流循大興安嶺以至於海凡嶺南一帶流入黑龍江之溪河盡屬中國嶺北一帶之溪河盡屬俄羅斯咸豐八年愛琿訂約始改爲黑龍江左岸由額爾古納河至松花江海口作爲俄羅斯國屬地右岸順江流至烏蘇里河爲中國屬地其精奇里河以南至霍爾莫勒屯原住之中國人准其永遠在該處居住仍歸華官轄治俄人不得侵犯約既定咸豐十年北京續約因之自呼倫貝爾有俄人越壑一事愛琿有俄人據江東六十四屯界務交涉胚胎於此舊制兩國交界處所分駐戍卒樹立界碑雖俄國邊氓間有越界打牲刈草者隨時驅之出境庚子亂後邊卡久虛沿額爾古納河北岸俄人遂有越界開墾之舉五六年間成熟地二萬响移戶口數千家光緒三十一年前將軍程德全乃下驅逐之令俄國越壑流民大半出境然遷延弗去者尙餘十數家三十四年護理呼倫貝爾副都統宋小濂始將此項俄人勒令遷出而額爾古納河南岸始無越畔之虞於是規復舊日卡倫略參以屯田之法設邊壑局於呼倫貝爾城分置壑兵於沿邊各要隘以壑爲戍寓兵於農額爾古納河之右岸有山曰阿巴該依圖雍正五年中俄分界處也至是擬設卡倫俄外部官阻之適俄之駐京公使亦請於外務部謂沿額爾古納河在左岸島嶼多被中國侵占請查明退還時則秋潦漲發一片汪洋額爾古納河之正路支流一時固未能履勘也宋護副都統迺商之俄外部官以沿河島嶼類此者不僅一二處應俟來年水退會同親臨一一確勘方足永杜爭端若江東六十四屯本我疆土即愛琿條約中所指留爲中國人永遠居住之地也庚子之役爲俄所據曩之服先疇而食舊德者皆相率渡江而西迨愛琿既經索還全境商民先後歸業惟江東旗屯之

地俄人仍久假不歸以至愛城流寓之民至今寄居弗去雖疆吏力爭於外務部主持於內既引咸豐八年原約以詰責之復引光緒二十八年交收東三省條約第一款內所載俄國聲明允將東三省各地方一如俄軍未經佔據以前仍歸中國版圖之語以質證之閱時七八年移牒數十次俄人藉詞狡展固畢爾那託爾則諉之於阿穆爾省總督阿穆爾省總督則諉之俄京政府江省自愛琿以至呼倫貝爾魚鹽之利林業礦產之饒所在多有乃人煙寥落大利未興天府之雄視同甌脫亦奚怪強鄰之狡焉思逞哉然沿邊數千里非五里一墩十里一亭所能防也卡倫雖邊陲守望之舊章痼習難除久則玩懈邊壑一事僅兵農合一之基礎而卒伍有限勢難徧布於街區欲保界防宜規久遠舍邊民實邊而外別無久安長治之方也

又紀阿巴該依圖山額爾古納河界務 略稱呼倫貝爾屬地廣漠無垠迤西與俄之薩拜喀勒省接壤陸路以阿巴該依圖山爲界水路以額爾古納河爲界光緒三十四年俄人有在孟克西里卡左近草甸芟割秧草者經護副都統宋小濂派員勘得該草甸確係中國界內乃移牒俄官禁阻俄官狡執草甸係在俄國界中而於我擬設卡倫之阿巴該依圖山反謂侵占彼界旋又據駐京俄使照會外務部妄稱沿額爾古納河左岸對俄境作爾果里屯原有洲渚距俄岸隔一小旁流嗣因額爾古納河流改道該處偏近中國右岸見在中國卡官派兵砍伐樹木以爲此渚應屬中國按照約章此渚坐落讓與俄國額爾古納河之左岸已入作爾果里屯志圖只因河流變遷請由海拉爾地方官會同俄外部官查勘辦結維時值秋際盛漲不惟河流莫辨抑且車馬難通經宋副都統商之駐俄外部官俟今年水落冰消彼此派員會勘以清界限並聲明未經勘定以前各該洲渚內所產秧草柳條兩國軍民均不得擅行砍伐此外沿額爾古納河一帶類此洲渚亦應一併查明以期永清軼轍此案關係國界查考國籍額爾古納河之右岸正對海拉河口之中開在阿巴該依圖嶺之凸出處設立第六十三鄂博今則鄂博雖廢山河形勢未嘗變易至於額爾古納一河正流支流尤不難一望而辨彼所

謂河流改道者特狡飾之詞耳國界所在詎能聽其混指耶

又略紀江東六十四屯 略稱江東六十四屯在愛琿對岸自精奇里河以南至霍爾莫勒屯一帶按照咸豐八年條約仍爲中國領土許華人世居其間庚子之亂居民避難逃散一空所遺財產悉爲俄有彼復移非斯拉夫民族之崔干實之光緒三十二年俄人既還我愛琿江西難民相繼歸業黑龍江將軍程德全乃向俄官進索六十四屯俄官堅稱江東本係俄國版圖該處留居華人既已逃回中國是自棄其所居之地即不能享有占地之權辯論經年迄無端緒後復會同江撫行文駐齊齊哈爾俄領事暨阿穆爾省固畢爾拉托爾令其照約退還歷引咸豐八年中俄所訂愛琿條約第一款所載黑龍江右岸由額爾古納河至松花江海口作爲俄羅斯國屬地惟由精奇里河以南至額爾莫勒屯原住之滿洲人等照舊准其各在所住屯中永遠居住仍歸滿洲大臣官員管理俄羅斯國人等不得侵犯又咸豐十一年條約所載東界定爲由什勒爾古納兩河會處即順黑龍江下流至烏蘇里河會處其北邊地屬俄羅斯國其南邊至烏蘇里河口所有地方屬中國以上專指空曠之地而言遇有中國人居住之處及中國人所占漁獵之地俄國均不得侵占又云從立界碑後所有東邊界內原住之中國人民其向來謀生出行走之路俄國人不得攔阻且光緒九年華官會同俄東悉畢爾總督所派之分界官馬霍弗丈量官陸金曾分界一次十五年復經道員李金鏞會同俄員分界一次有界溝可認有圖冊可憑以爲江東六十四屯爲中國領土種種確據復引光緒二十八年中俄所訂交收東三省條約第一款所載東三省地方一如俄軍未經占據以前仍歸中國版圖及中國官治理之文以爲應行交還之明證乃俄官支離推諉始則仍執該處爲俄國屬地之說繼則婉稱該處自華人逃散後俄國貧民移居已久勢難再遷速理屈詞窮則謂此事重大須候政府訓條疆臣不得專主後與力爭不已並直接與駐京俄使璞科第交涉未幾璞卒繼其後者置不提議至今尙未解決成約具在俄人雖悍豈能久假不歸哉

又琿春篇 略稱琿春控扼東部 國初注重根本封禁嚴無所謂建設也康熙五十三年始設琿春協領隸於甯古塔副都統並設旗兵六百名迨中俄訂立界約吉林東部胥與俄境毘連琿春邊務漸爲繁重咸豐九年適晉協領訥穆錦副都統銜以資鎮攝永爲定制光緒六年將軍銘安幫辦吉林事宜三品卿銜吳大澂復奏請添練馬步隊七千人號爲靖邊軍分防甯古塔琿春三姓等處其駐紮琿春者凡九營次年重定俄約宜固封守簡派吳大澂督辦琿春等處防務是爲設邊務督辦之始維時琿春仍隸於甯古塔副都統相距遙遠將軍銘安等因請增設副都統以治理春奏上允行銘將軍等復於是年奏准將吉林省南荒圍場按照奉省成例一律招佃領種如琿春南崗及延吉東溝黑頂子均設有墾局并將墾成熟地奏報而韓民越墾日益加多中韓交涉實伏於此光緒八年銘安吳大澂合奏請設琿春道府部議下吉林省再議將軍希元以甯姓琿春不宜設道府等官覆上事遂寢十年十月 命副都統依克唐阿隨同將軍希元幫辦吉林邊務先是琿春副都統特管轄旗務自有是命副都統遂綜握民政戎政全權後因俄韓陸路通商恐韓國受其愚弄於是實行吉韓通商事宜乃有和龍哈光霽哈西步江局卡之設琿春交涉繁重沿江私設橋渡難於稽查於是和龍們江水師營之設越墾地畝漸次清丈升科於是有撫墾局之設直至光緒二十八年增設延吉廳撫民同知和龍哈分防經歷等官於是琿春區別而副都統管轄事宜視昔爲簡自開島問題發生琿春雖不在界務問題之內而地勢爲吉林東部之要塞其西南橫枕大江每與韓界其東如分水嶺長嶺子等處又皆密邇於俄崇山環繞數百里論吉邊形勢者首及琿春三岔口黑河口特其次耳日人之開溫貴港也於慶源金華隴城一帶屯兵移民比年俄人亦復經營海口橫截鐵道其兵士之駐紮嚴杵河者計四十八隊約一萬一千餘人世昌迭派幹員赴琿延一帶實地調查得其概略因念邊事鉤棘奏請以前郵傳部右丞陳昭常爲督辦陸軍部監督吳祿貞爲會辦同駐延吉用籌邊防會琿春副都統缺員陳昭常遂兼權兼務旋擢署吉林巡撫而

以道員郭宗熙繼其任兩年以來邊務晏然得免隕越來日方長涉淵履冰未雨之謀其可忽哉

又紀韓民入籍 略稱吉林省東南一帶處處毗接朝鮮韓民之無業者往往越境墾荒初不之禁設越墾局於煙集崗疆理而撫輯之其在綏芬境者凡八十三戶男女三百四十四丁口聚處成村名高麗營子光緒三十四年韓僑安宗浩等因異言異服時受華人歧視聯名呈請易裝雜髮歸化入籍經署同知李達春詳請批准易高麗營子曰高安村以安宗浩爲村長舉辦自治等事隨將村中子弟選送塔城高等小學堂肄業學膳等費悉由官家資助外人嚮化極負來歸正未有艾

又愛琿篇紀沿邊卡倫 略稱愛琿沿邊從前設有卡倫三十八處庚子亂後盡燬遼河以南現歸興東道管轄而愛琿沿江尙二千餘里僅近城二百里內外有駐防旗屯聚族耕種其餘上下游絕少人煙而對岸俄境屯鎮相望近年徙民至二十萬經營不遺餘力所需羊草木石皆取之我境自呼倫貝爾創辦邊卡爰令愛琿照辦光緒三十四年署副都統姚福升履勘沿邊上自額爾古納河口起下迄遼河口止度地據險約八十里設卡倫一處沿江上下游共設卡倫二十處每卡設卡弁一員卡兵三十名每五卡設一卡官十卡設一總卡官每卡卡兵以十名巡查以二十名給荒墾種更番輪替所得糧石卽作津貼牛具籽種初年由官借墊秋收提還地熟年豐給地停餉准予管業其沿江山多地少之處有不便屯墾者擬令兼辦木植礦務所得租稅留備各費之需併設法開通右岸道路使運赴金廠糧貨及來往華工不必由俄站運行則海關泡華商不招自歸黑河屯市面可望發達或仿俄站辦法冬則備快馬冰轆傳遞公文糧貨草木由卡稽查督運再能自開輪船往來黑龍松花兩江使愛琿水路靈通則沿邊卡倫自不致於孤立矣又紀交涉 略稱呼倫貝爾交涉之大者滿洲里邊墾局收稅一案是已光緒三十四年創設滿洲里邊墾局派同知閻臣前往專辦招墾及收稅事宜暫在滿站租賃俄房作爲局所開辦月餘相安無事乃俄巴厘司總管突帶

兵百餘圍局及閻臣暨局勇帶往解送哈埠經護副都統宋小濂電詰未至哈埠旋釋彼外部官以中俄約章載明兩國邊界百里內人民貿易均不納稅見在邊墾局向俄商收稅殊屬不合不知約章所謂百里內均不納稅者係專指進口洋貨而言宋小濂派員在滿站所收稅課乃屬土貨正係遵照條約辦理豈可圍我局所據我委員當卽一再力爭不少退讓磋商兩月始就範圍擬訂辦法六條彼此互換併由鐵路公司備頭等車送閻臣回滿升掛國旗以謝至邊界百里內納稅已歸外務部與俄使另議其餘如海拉爾河渡船從前准俄人納租行駛額爾古納河右岸山溝俄人渡河多築水磨均經次第收回至於我界木植羊草向任俄人刈採沿邊各卡倫設後皆使領票納稅將來屯墾繁興民戶滋多一草一木一兩一銖皆當自我經營使彼無從侵越是所望於後之規畫邊務者

又呼倫貝爾篇 略稱黑龍江省三面鄰俄其所恃以控制邊陲者西則呼倫貝爾東北則瓊瑋東南則新設興東道所駐之地俄初議西伯利亞鐵路循黑龍江畔而達東海濱者則與我地最有關係厥惟瓊瑋自東清鐵道敷設權讓與俄人彼復改軌由呼倫貝爾穴內興安嶺而南下則呼倫貝爾之滿洲里實爲西伯利亞鐵路入滿洲第一重門戶故就三省陸路形勢而論惟黑龍江省爲最要就黑龍江省陸路形勢而論又惟呼倫貝爾爲最要乃以五十餘萬方里之面積人口僅三萬有奇輕戾頑鈍不知政事競爭爲何事庚子開衅呼倫貝爾首當其衝日俄戰後大勢一變長春以南失俄勢力從前注重哈爾濱埠以呼吸旅大海口又不在南而在北矣然而阿穆爾省鐵路俄雖昕夕經營尙未工竣旅大形勢既爲日所租據則海參崴爲俄太平洋最重之港矣俄必欲注重東方之海口不得不扼重東清之鐵路既欲扼重東清之鐵路必不輕讓北滿之利權其自滿洲里至綏芬爲彼運兵移民之便利不肯不爭則呼倫貝爾之邊防自不能緩夫呼倫貝爾部落大率逐水草而居其種族以索倫最多次則巴爾虎又次則額魯特而巴爾虎又有新舊之別雍正年間設統領以管轄嗣改爲副都統銜總管光緒七年設

副都統江省旗制如齊齊哈爾璦琿爾根各城悉以滿洲漢軍諸部落編入旗佐之中呼倫貝爾則就索倫巴爾虎額魯特土著之種族分設總管自爲鈴束今日者強鄰逼處蒙性顧慮彼乃多方以誘我而我正在遊牧時代以地理階級論必由游牧時代進而入耕稼時代復更進而入工商時代呼倫貝爾五翼蒙旗去耕稼時代遠去工商時代尤遠若不急起直追西邊一隅尙可恃哉故欲隱消外患必先聯結蒙情充實內力必亟增設民治呼倫貝爾西南多平原海拉爾河沿岸以及額爾古納河右岸各山連峰疊嶂礦產尤夥森林豐草一望無垠其他如卓爾博特湖之鹽呼倫河貝爾河及各河流之魚實邊徼極大之源也至於畜牧爲蒙古固有之產當設模範牧場以改良其種類交通爲籌邊急要之政當設郵船電綫以轉達其機關本財政學之土地資本勞力三者以併行於未曾開化之地又豈游牧耕稼工商之階級所得而限制哉昔俄人經營西伯利亞鐵路以圖東逞今又議改其軌循黑龍江北岸舊轍而東吳日要地必在璦琿與興東一帶然就目前而論呼倫貝爾實爲三省命脈所繫用揭大略以爲杜漸防微者告

又紀邊防 略稱璦琿春爲吉林要塞東距分水嶺一百二十里又東南三十里至長嶺子山脈綿延每與俄界南距圖們江約七十餘里又西南二十里或十餘里不等江流環繞每與韓界距延吉廳二百四十里距甯古塔六百餘里地勢荒遐邊防最重光緒十二年經吳伊兩大臣與俄官重定邊界自圖們江邊起至白稜河入興凱河口止立界石牌十一處有土拉薩瑪耶亦喀那倭帕啦等字樣於各界牌之間並立有二十六記號亦以石爲之今則詳細探索界牌記一無所存其長嶺上舊有銅柱以爲分界標識亦久爲俄人移去惟光緒三十三年璦琿署派員查界尙有舊案可稽世昌特派陸軍員生前赴延琿各處詳細履勘繪成精圖並准外務部頒發中俄約章合要中俄合璧地圖轉交陳昭常於沿界各處詳加實測繪具圖說擬俟延吉邊事稍定卽與俄官提議界務按舊約所記之地一律補立界牌記號其城西城南城東及黑頂子等處自光緒十九年以來均有營兵分布營址尙在規模

宏闊自庚子一役挫於強俄一切廢棄無復整理比者日人以彈壓韓民爲名於對岸韓屬各處駐紮憲兵及守備隊俄人亦於邊界多設卡倫卡地有兵河岸有兵而於嚴杵河則添駐重兵約在萬人以上而我國邊境一槍一械蕩然無存光緒三十三年春間曾因璦琿春兵力單弱電撥吉甯軍並旗兵一標歸副都統調遣以璦春各廟住一營都署及民房借住一營一營暫紮銅佛寺嗣因全標到璦既難安插令第二第三兩營駐璦而以第一營留甯暫駐其駐紮銅佛寺一節暫從緩議陳昭常以該軍繞道甯古塔必經額木索與敦化縣現將敦化一帶畫歸前路地廣匪多兵力不敷分布該處原有營房尙屬整固足容一營有餘於是第二第三兩營照舊赴璦而第一營則赴敦化駐紮又因城西涼水泉子一帶正南圖們江岸日韓人民自此渡江卽可東入璦西入延北趨甯古塔地極衝要而城南之黑頂子一帶地界俄韓距嚴杵河僅數十里日人近開溫貴海口去黑頂子亦僅百里一旦邊境有事黑頂子必先受敵而且自光緒十六年清丈升科計安遠一堡分屬七社曰崇化善化上化德化山濱白舍白玉其餘皆係韓民開墾近來生齒日繁幾成該國殖民地故於沿江以上地方暫令旗標二營擇要駐紮至璦春東路如三道溝哈達門二道河等處爲俄人入璦之捷徑其西北如英安河東岡子版石溝等處山深林密久爲盜藪亦經暫派巡防第一營分隊駐紮其璦城東北二百餘里之璦春河城北百餘里之荒溝檳榔溝等處向屬匪巢亦調巡防營前往分紮自是兵力稍厚邊境賴以輯安厥後韓義兵李範允等與日人疊次開戰因將璦春旗營調紮各處深得其屯田之力至於駐兵設防必有完全礮臺以鞏固其形勢璦地當光緒十二年中俄重訂界約之後築有礮臺兩座一在城東十二里之阿勒坎一在城西南之外郎屯卽所謂東礮臺西礮臺者是也每處各駐步隊一營置德國大礮三尊東礮臺距敵方約三千四百密達西礮臺距敵方約四千密達有奇以土築成實不堅固且布置多未合法其地點前擁山阜後臨大河一旦邊境有警敵據前山俯以相擊我卽無所施其技營壘又與礮臺成平面形顯露於外尤不啻

示以目標庚子一役東礮臺隳於俄軍礮亦淪失西礮臺幸存然礮已損壞不可修整陳昭常會議於城南之東西山頭增立礮臺二座以爲鞏固要塞之計必須改擇地點計惟碾子山最爲相宜其高度出於平地約五百密達視敵方之傾斜甚爲徐緩而又能掃射三面使敵軍進路一望瞭然其西爲二道河之卡倫以此駐掩護隊亦可通用邊事方殷屬戶綢繆固守土者之責也

又紀墾務交涉 略稱東三省田野腴沃沿邊一帶土民之從事耕植者寥寥天地自然之利忽然不加顧惜而俄韓兩國邊民乘我不意越畔墾闢源源而來中國內地久已人滿爲患欲爲移民就墾之策惟特東省以爲尾閭其爲我國將來之大殖民場固可預決藉非綢繆未雨以固邊疆恐地廣而荒其於內政外交動相牽掣不可不防微杜漸且韓弱國也俄強國也韓本藩服之邦地瘠民貧百姓困苦流離轉徙至於邊境相率墾荒自食其力及其成熟則許以升科租賦一視同仁未分畛域數百年來韓民固安之若素矣自日俄交戰韓人歸日保護日人以苛待屬國政策束縛韓民之自由故其民之思脫羈絆入我國籍者往往而有近歲來難髮易服甘心歸化者益夥類能遵守法紀受我約束而日人竊窺邊境空虛妄思侵略遂藉口保護韓民設官調兵爲反客爲主之計若不早定防閑嚴其限制恐韓僑託足之地卽爲日人竊據之區矣至於俄人得尺得寸久蓄野心鐵道通後貧民來東者以千萬計多一越境之民卽增一失地之懼蔓延日久遺害無窮尤當援據約章堅拒侵越若夫內政之措施則清丈以定界招墾以闢荒遷民以實邊要皆屬刻不容緩又或選撥駐防旗民編爲屯軍旣以靖萑苻亦以防侵侮且於交涉之爭辯固亦可消弭無形也

于馴與查勘黑龍江省迤西中俄陸路國界沿邊鄂博說帖

計自第六十三鄂博起至五十鄂博止

阿巴哈依圖鄂博爲庫倫以東第六十三國界鄂博 原案 施氏中俄國際約註所譯雍正五年鄂博單云額爾古納河之右岸正對海拉爾河口之中間在阿巴哈

依圖嶺之凸出處設立第六十三鄂博 後附俄國所設卡倫單云第六十

二鄂博下有第六十三鄂博此卡倫官員卽於多勒訥密廓奴爾等種人內

選充令其在額爾古納河旁貼近鄂博並對海拉爾河之中間在阿巴哈依

圖嶺之凸出處居住歸舒連格布哥羅克得爾阿畢稽查此項卡倫官員由

額爾古納河下游之左面直至渡口處給以稽察之權渡口正與哈烏拉圖

嶺相對此嶺設有俄國卡倫官係尼布楚差員兼充 見查 阿巴海圖設

立鄂博者共有兩山東西對峙東山偏南西山有鄂博二東山有鄂博一而

東山鄂博頂上豎立十字架一具又貼近鄂博有木亭一座內亦豎立十字

架一具自西山之鄂博至東山豎立十字架之鄂博中距華里二里有半據該

處新巴爾虎人稱新巴爾虎即俄人之西山鄂博係屬中國鄂博東山鄂博

則爲俄國鄂博並據俄屯阿達滿稱俄屯即該國原設之卡倫在巴成大地

中國卡官前此曾與議界伊請由十字架山脚分界中國卡官謂十字架山

亦係中國之山各等語因思國界之辨應以原案所云正對海拉爾河口之

中間在阿巴哈依圖嶺之凸出處兩語爲依據當卽先勘水道查海拉爾河

自南來至阿巴海圖西山鄂博東南偏東相距華里十一里處分爲兩

支一支東北行一支北趨阿巴海圖山脚亦沿山作東北行數十里外

以後皆名曰額爾古納河而舊名遂闕故於分支之岔口名曰海拉爾河口

然河口作東北向東西山兩鄂博均與該口中間不甚相值蓋河流無積久

不變之趨向計自雍正五年以來業已一百八十餘年矣水道變遷勢難泥

定惟西山自河面起僅高十一丈東山自河面起高十四丈五尺計東山高

於西山者三丈五尺原案既稱在阿巴哈依圖嶺凸出處則國界鄂博之在

東山當無疑義至距海拉爾河口西南華里三里距阿巴海圖西山鄂博東

南偏東九度華里十四里海拉爾河亦分一支始向西北流旋匯達蘭鄂羅

木河達蘭鄂羅木河係海拉爾河改名額爾古納河後其北趨之一支於將

之河經札爾圖鄂博入海圖山脚處所匯出十分之二三向西南流故名曰達蘭鄂羅木

河之正仍全趨東北行千數百里匯入黑龍江折向西南流當分支處其河口

中間頗與阿巴海圖西山鄂博相對然分支之河係因今秋水勢奇漲故直

匯入達蘭鄂羅木河且與正流無異其實係一乾河汶常年往往斷流不得以海拉爾河口名之也 下游渡口相對之嶺俄語曰烏拉圖亦或名烏魯特詢以哈魯魯圖嶺人無知者蓋此項山名從前皆係蒙語以俄人呼蒙語久之或不盡符此嶺俄屯名曰阿拉拱且有稱該屯為上阿拉拱稱阿巴海圖俄屯為下阿拉拱者以額爾古納河俄人名曰阿拉拱茲因河名以為屯名也並詢據俄人稱此嶺所設卡倫官從前有由尼布楚派者亦有由阿布海圖派者見在設有專員不復由尼布楚等處派員兼充 測量 阿巴海圖西山鄂博 經度偏東四十五分緯度北四十九度二十二分 正東微南距有十字架鄂博之東山二里半 東山偏南 角五度 東南距海拉爾河口十一里 河口偏東 角一十一度 東北距阿巴海圖俄屯六里距額爾古納河下游兩河匯處 即海拉爾河口後分為兩支之河至此復匯 四十五里距俄設之渡口 即與烏拉圖所 五十五里距俄國烏拉圖嶺五十五里 西北距額爾底里托羅海三十五里 西南距中國卡倫 即呼倫貝爾 十里距札蘭諾爾俄人新開煤洞三十里距東清鐵路札蘭諾爾車站三十五里 西山 凡測山均自水面 高十一丈 東山 有博字架鄂博 高十四丈五尺 原案 施氏中俄國約註所譯雍正五年鄂博單云舊有鄂博之額爾底里托羅海向北附近之最高處設第六十二鄂博 見查 額爾底里托羅海係屬東西橫嶺長華里五里許而東南最高為本山之極頂蒙語所謂托羅海是也上有鄂博二巴爾虎人均稱此即國界鄂博然原案謂舊有鄂博之額爾底里托羅海向北附近之最高處設第六十二鄂博則山頂鄂博當是雍正五年以前舊有之鄂博非是年改設之鄂博至山頂鄂博西北相距六十餘丈另有鄂博一但在正西稍偏北與原案專言向北二字不合且該鄂博既低於山頂之鄂博所坐地勢又非凸起與原案所稱附近之最高處六字亦不合 此鄂博之西南相距百餘丈又有鄂博一 再向西山 坡又有小鄂博二皆與國界 惟額爾底里托羅海 此專指東南最高 而 界不相涉以無甚關係均不識 惟額爾底里托羅海 山頂有鄂博處所 仿此 向北 正東拖一漫崗相距里許起一小嶺惟嶺上不見鄂博基址而

偏山碎石似係曾經設有鄂博者應查各處國界鄂博皆設在最高之山然均於雍正五年或移於山前草地或改在附近小嶺蓋一立國界中外共之其鄂博不能不接附大山者期彼此之易於辨認其移於附近草地或小嶺者仍留大山為中國之山也當時用意至有斟酌茲不曰向北附近最高處而曰附近之最高處非高於額爾底里托羅海所謂最高蓋就附近之地言之耳體察形勢除小嶺外無可以符原案者再自額爾底里托羅海起循北麓山溝向西北行隱隱有舊界壕一道直至索克圖鄂博山下先是以國界既因鄂博而定兩鄂博中間自宜畫一直綫然沿界之山不免剖分茲得循行界壕知國界原係隨山麓為灣環非直綫也所惜祇北一段得人指引華人已無知者此次係得之於俄國布雅特 布雅特係蒙古種族從前分與蒙人無異衣計自額爾底里托羅海向西北行華里九里許有東北西南 道東濠北有鄂博一據布雅特稱凡中國蒙古出邊俄國布雅特進邊均於此頂禮 鄂博地邊旁山頂往往堆有 雖與邊綫案據無關實足為界壕之一紀念該鄂博之正南相距華里四里為額爾底里溫都爾山 蒙語溫都爾 額爾底里額爾底里溫都爾山八里 西南距滿洲里車站停車場三十里 額爾底里托羅海高十二丈 哈噶高及格爾 即額爾底里托羅海 高二十丈 索克圖鄂博 為庫倫以東第六十二鄂博 原案 施氏中俄國約註所譯雍正五年鄂博單云舊有卡倫鄂博之索克圖向北附近嶺上設第六十一鄂博 見查 索克圖山大而高頂有東西橫排五鄂博基址見存其一自係雍正五年以前之舊鄂博其山之北坡有鄂博二巴爾虎人均指稱為國界鄂博再下至山之麓 北起一小橫嶺登嶺週視不見鄂博形迹然原案稱舊有卡倫 鄂博之索克圖向北附近嶺上設第六十一鄂博則知國界鄂博必不在山之北坡而在山北小橫嶺上無疑其小橫嶺無形迹者想彼挖掘淨盡矣 索克圖西南相距華里三十里為東清鐵道滿洲里車站停車場 停車場西角度十

五索克圖舊有卡倫即在該站界內前以俄人有擬將站界東方小嶺作為國界之謠傳經黑龍江行省衙門暨呼倫貝爾副都統宋道先後派員調查皆稱站內東北方附近有一小嶺名索克圖山詢之該處蒙人謂山托爾海向南亦拖一小嶺上有鄂博一越小嶺南有孤山突起名曰哈噶高及格爾上亦有鄂博一此皆中國之山再南則大道之東有連山突起名曰加拉郭爾奔高及格爾此為俄國之山下有小水泡一其最南山頂亦有鄂博一

每年三月十月該處有喇嘛會在此地亦有人謂之者以上鄂博皆與邊綫案據無關然中俄之界實由兩山之麓而分即自額爾底里托羅海南赴阿爾巴海圖自額爾底里托羅海赴阿爾巴海圖國界先係正南亦循此兩山之麓行走據布里雅特云從前兩山之麓本有界壕係穿水泡而過該布雅特在此牧畜數十年故能言之歷今已湮沒無蹤迹可尋 測量 額爾底里托羅海鄂博 經度偏東四十分 緯度北四十九度三十一分 南距華界之哈噶高及格爾山上有鄂博一四里 東南距俄界之塔拉郭爾奔高及格爾山之南一山頂有鄂博一十一里距阿爾巴海圖西山鄂博三十五里 東北距俄界之錫爾鄂拉之最高峰 近此為俄界附二十五里 西北距索克圖山十七里距赴索克圖中間緊貼界壕之鄂博九里距頂舊有鄂博已被俄人拆毀基址無存等語該小嶺所以亦名索克圖者以索克圖卡倫在此俗稱遂以卡名名之嶺上舊有鄂博係該卡所設之鄂博如阿爾巴海圖中國卡倫向在沙爾巴圖山上見有鄂博又如察罕敖拉中國卡倫舊在哈蘭諾爾其附近山上亦有鄂博蒙人凡遇久住之地皆設鄂博以祭山祀靈與國界毫無干涉且滿洲里站北距索克圖國界鄂博既三十里西北一面距博羅托羅海國界鄂博亦二十四里乃俄人擬將該站東方小嶺為國界必因蒙人通稱該站小嶺為索克圖以為中國不復知有真正索克圖國界姑造此謠以嘗試耳滿洲里站西南之山名小霍爾津山或作鄂爾津或作呼喇管從前無滿洲里之名索克圖卡倫係駐霍爾津山之北蒙人亦稱該卡曰霍爾津卡且如滿洲里停車場東北相距華里十五里

之布格特爾泉此泉係滿洲里赴索克圖路蒙人亦稱之曰霍爾津布格特爾布喇克或譯布喇又如滿洲里停車場西北相距華里十三里之察罕諾爾蒙人亦稱之曰霍爾津察罕諾爾即霍爾津也蒙語察罕白色滿洲水泡呼旁以均在霍爾津山麓故往往冠以霍爾津三字也 測量 索克圖山在頂起 經度偏東三十五分 緯度北四十九度三十五分 東南距額爾底里托羅海十七里 正南偏東距大霍爾津山最高峰五十里 正南偏西距霍爾津布格特爾布喇克十八里距滿洲里車站停車場三十里 西角距小霍爾津山最高峰四十里 西南距博羅托羅海界山二十里 距霍爾津察罕諾爾二十八里 索克圖山高八十八丈

博羅托羅海鄂博為博羅海以東原案 施氏中俄國際約註所譯雍正五年鄂博單云舊有鄂博之塔布托羅海向北貼近博羅托羅海嶺設第六十鄂博 見查 塔奔拉托羅海在霍爾津布格特爾布喇克下游水渠西北岸距該水渠華里三里係東北西南之橫嶺面向西北迎而視之其頂有獨高者有微起者而適符五數之頂因與正山不成一排且亦較低故蒙人但呼曰山上有小鄂博二是後堆之鄂博舊有之鄂博早已平毀惟存基址自塔奔拉托羅海向正西微北六十度相距華里八里為博羅托羅海原案稱向北貼近博羅托羅海嶺云云殊屬不符 博羅托羅海之東相距華里一里亦有南北排列之五頂山蒙人亦稱曰塔奔托羅海兩旁亦向有小

人但稱曰然自此中開山頂以視博羅托羅海前坡嶺上國界鄂博博羅海上並無鄂博形迹據鄂布拉克附近者為博羅海所在地雖舊鄂博無關界址第與原案不符未審是否施氏誤抑當時移此鄂博並未測量所謂向北者係約略詞謹闕疑以俟考 博羅托羅海居俄鐵路路綫之左與路綫相距華里一里有半該山頂遙望之作黑黃色山前鄂博石亦作黑黃色詢之新巴爾虎右翼總管車克扎及所屬人均稱此即博羅也山頂有鄂博基址見已平毀俄人設置三角木架一座於上然山頂原非國界其鄂博之



存廢無關輕重山之北半坡又起一稍低之嶺上有鄂博二新巴爾虎人均指稱為國界鄂博細審山勢博羅托羅海既高於附近之諸山且山之來脈至博羅托羅海而突住北坡之嶺正山脈盡頭處當時以此為界殆亦形勢使然其國界鄂博設山北坡嶺上頗與原案所稱貼近二字相合 博羅托羅海西北相距華里七里為俄國悉比利亞鐵路頭站名馬赤也夫斯克站站偏西角度五十五度房屋無多又博羅托羅海西北相距華里五里鐵軌人煙冷落不如東清鐵路各站又博羅托羅海西北相距華里五里鐵軌土道左坡下平地有豎立木柱一根約高六尺向西一面以紅沙書俄文譯係拜喀爾省鐵路交界等字樣其土道之上鐵軌之右另豎木杆一根高丈餘上釘雙頭鐵鳥若由博羅托羅海與西北相距華里三十二里之察罕烏魯魯下有畫一直綫該鐵道左坡書字之木柱及鐵道上鐵雙頭鳥之木杆均與此綫相合俄人之設此蓋隱示以國界所在之地然自額爾底里托羅海至索克圖一段曾經尋出界壕係循山溝畫界非畫直綫一段如此別段可知若循山溝畫界西北之路綫尚不免有侵佔中國地段者也 測量 塔奔拉托羅海係俄國津布格特爾布喇克下流水渠西 經度偏東三十二分 緯度北四十九度三十一分 東北距索克圖山十八里 東距霍爾津布格特爾布喇克下流水渠三里 東南距滿洲里車站停車場十二里 西北距博羅托羅海八里 西南距霍爾津察罕諾爾九里 山頂高二十丈 博羅托羅海因國界鄂博所在之嶺較低不便 經度偏東二十九分 緯度北四十九度三十二分 正東北距山後無鄂博之塔奔拉托羅海一里 東北距索克圖山二十里 正東距山後無鄂博之塔奔拉托羅海一里 東南距塔奔拉托羅海舊鄂博八里距滿洲里車站停車場二十里 經度偏東二十度 西距俄鐵路綫一里半 西南距霍爾津察罕諾爾八里 經度偏西三十度 西北距俄悉比利亞鐵路兩旁書有俄文釘有雙頭鐵鳥之界桿五里 距悉比利亞鐵道頭站即馬赤也夫斯克站七里 經度偏西十五度 距察罕烏魯三十二里 博羅托羅海高三十丈 正東無鄂博之塔奔拉托羅海高二十五丈 北坡嶺即國界鄂博所在地 高二十七丈

察罕烏魯鄂博係滿洲里東九里 原案 施氏中俄國際約註所譯雍正五年鄂博單云舊有卡倫鄂博之察罕烏魯向北貼近沙羅鄂拉嶺設第五十九鄂博 後附俄國所設卡倫單云第五十九鄂博第六十鄂博第六十一鄂博此卡倫即於赤吉爾種人內選充令其在哈蘇台湖邊貼近察哈烏魯鄂博居什歸舒連格烏莫赤隨時稽查 見查 察罕烏魯居俄悉比利亞鐵路綫之右與路綫相距華里七里山頂有鄂博三中開一座為半月形山之北坡微偏西 又起一嶺上有鄂博二其二鄂博中開埋木柱一高三尺新巴爾虎人均指稱為國界鄂博木柱係俄人所埋 惟原案謂舊有卡倫鄂博之察罕烏魯向北貼近沙羅鄂拉嶺設第五十九鄂博云云必須尋出沙羅鄂拉嶺方知國界之無誤然中俄之人但知此山為察罕烏魯詢以沙羅鄂拉與沙拉托羅海之所在咸瞠目不能對維時按照原案分三項察勘一勘山色有無察罕沙羅兩色可以確定其名查察罕烏魯所露石骨作青色山頂鄂博之石作青黑色北坡嶺上鄂博石亦作青色其附近諸山偶露石骨或作青色或作青灰色無白色亦無黃色此山不能以色定也一勘後山有無鄂博可以確定為舊鄂博查正東偏南角度三十五度相距華里六里有山高於本山者六丈上有鄂博二並有俄人所置三角木架一鄂博石作黃色山石則開作紅黃色如果該山為舊鄂博所在地則察罕烏魯四字當專屬之該山雖蒙人命名率多任意斷不能將上有黃石之山而名曰察罕烏魯該山原無別名且附近一帶蒙人固皆名曰察罕烏魯然作總山之名則可若專名該山則不合 此東南山鄂博不得作為舊鄂博也一勘舊設卡倫處所是否為察罕烏魯此項國界鄂博是否由彼以移此查察罕烏魯舊設卡倫處所名曰哈蘭諾爾在金源邊堡之南人 經度相距離華里二里半去此正南偏東角度八度相距華里三十二里該處有小嶺嶺有鄂博二嶺之東北麓為泡泡邊山麓有兩綫涓涓細流歸入泡內泡邊皆係鹹地作灰白色然不名為察罕諾爾而名為哈蘭諾爾者詢之新巴爾虎人均稱冬令之時泡底泥土均作黑色故也該小嶺無名嶺上鄂博係舊有之卡倫所設之鄂博與克圖卡倫在滿洲里東方小嶺上所設鄂

一 卷 四 庫 全 書 續 修 四 庫 全 書 史 部 政 書 類

博無異山水既不名察罕鄂博又設諸卡倫此與察罕烏魯鄂博無涉亦可斷矣惟察罕烏魯西北相距華里九里爲俄悉比利亞鐵道自東迤西第二車站名曰沙羅蘇華人以此說傳訛皆爲下屬凡俄國鐵道以北之山皆自北而南至鐵道止中國之山則自南而北至察罕烏魯則兩旁連峰北注若張箕口又如一人北向伸兩臂以向前其懷前之山除貼近數小峰外再前則爲三重橫山重重作西北向更前又起一小嶺而左右之山與中間之橫嶺亦均至鐵道或鐵道附近止於此不能無疑焉察罕烏魯前最西北之小嶺爲緊連車站之嶺嶺之北坡東隅有俄屯一嶺之西有水泡一名曰沙魯烏蘇俄人但呼沙羅蘇車站之名爲沙羅蘇者以此該站後山之西北距站華里二十四里又有水泡一名曰沙羅般諾爾蒙語烏蘇水也諾爾水泡也山前山後之水皆以沙羅稱計該處之山必有名爲沙羅鄂拉者可疑一如博羅托羅海鄂博係自塔奔拉托羅海移設而後即名曰博羅托羅海鄂博不復名爲塔奔拉托羅海鄂博矣此處鄂博係由察罕烏魯移至沙羅鄂博貼近似亦應名沙羅鄂博乃原案之卡倫單以及洪氏界圖均仍稱爲察罕烏魯鄂博未必不因當時畫界係以南北兩脈之山交會處所爲斷而南來之山統名察罕烏魯無可再標識者不得不用北來之山爲標識文曰貼近沙羅鄂拉嶺並未言即在嶺上或仍留沙羅鄂拉在俄境故依舊名曰察罕烏魯鄂博也可疑二車站後山之水南注於沙羅烏蘇諾爾察罕烏魯西北諸山之水亦北注於沙羅烏蘇諾爾若鐵道以北無蘇羅鄂拉鐵道以南附近之山亦必有沙羅鄂拉可疑三畫界必在山盡頭處鐵道附近爲自南而北諸山之盡頭處亦爲自北而南諸山之盡頭處且額爾底里托羅海與索克圖中間一段曾經尋出界壕係循山溝畫界茲鐵道所經即循山溝行也可疑四察罕烏魯前向西北趨之第三重橫山上有小鄂博一又察罕烏魯左臂之山之盡頭處上亦有鄂博一可疑五以上情形因循尋沙羅鄂博不得窮探考積爲五疑見在察罕烏魯鄂博當是雍正五年以前之舊鄂博也再原案所譯俄國卡倫單云此卡倫官員即於赤吉爾種人內選充

令其在哈蘇台湖邊貼近察罕烏魯鄂博居住云云查俄國察罕烏魯卡倫在此東北距邊華里八十里察罕烏魯鄂博卡倫中未載其相距里數不得謂之貼近又有續添卡倫名曰克留車甫斯奇在該國察罕烏魯卡倫西南與察罕烏魯南北相值而該卡倫尙略偏東北距邊亦華里六十里克留車甫斯奇卡倫亦未載其相距里數亦係詢問俄人仍不得謂之貼近且曾派員前往調查並未聞有哈蘇台湖蓋雍正五年畫界以後俄國守卡官兵俱由附近蒙古種人選充除迤西楚庫河一帶建有卡房外其餘卡倫想仍係舊處託居藉便游牧故當時恰克圖東路設十五卡而卡倫單中聲明在某河某湖邊者十有四以取水草便也迨後經營東部各卡遂擇地建房守卡官兵亦盡更以哈薩克兵在阿巴哈依圖曾經親詢卡人據稱該處居戶皆六十年前遷來至多不過八十年彼中沿革即此可知見在駐卡地段多與原案不合職是之故茲稱哈蘇台湖云云哈蘇台湖當即沙羅烏蘇諾爾該卡舊地當即見今車站一帶從前此約此單皆止蒙俄兩文並無漢文以俄文譯蒙語必難盡合施氏中俄國際約註又係譯自俄文遇有不合不免愈譯愈離蒙語台有也與譯作圖字同與譯作特依字亦同皆一音之轉沙羅亦作沙拉哈蘇係由沙拉蘇之誤沙拉蘇台湖殆謂爲有黃水之泡耳至站南接近之小俄屯護路官兵與車站工人均居彼處房屋以木爲之歷年皆不遠似與舊卡不相干涉 測量 察罕烏魯在山頂 經度偏東十九分 正東偏南距有鄂博之山紅黃色並上有三角木架者 六里該山偏南角 東南距博羅托羅海界山三十二里距霍爾津察罕諾爾新設卡倫 三十六里 正南偏東距察罕烏魯中國舊卡即哈爾 二十三里卡倫東角 南距金源邊堡即老邊 二十一里正北距俄悉比利亞鐵路七里 西北距俄悉比利亞沙羅蘇車站九里車站偏西角 距車站後面如屏之山十里距車站附近俄屯所坐小嶺八里該小嶺偏西角 距沙羅烏蘇諾爾十里該水泡偏西角 距沙羅般諾爾即車站後山 三十二里距察罕烏魯前向西北趨之第三重橫山上有一小六里 距察罕烏魯左臂盡頭之山上亦有一五里

度四角 距塔爾郭達固界山四十三里 察罕烏魯高三十四丈山北坡嶺  
 即共指為國界 高二十七丈 正東偏南有鄂博暨有三角木架之山高四  
 十丈 察罕烏魯前向西北越之第三重橫山高十八丈 察罕烏魯左臂  
 盡頭之山高二十一丈 察罕烏魯舊設卡倫處所之哈蘭諾爾貼近上有  
 卡倫鄂博之山 在鄂博貼近起線 經度偏東二十分 緯度北四十九度三十一  
 分 北距金源邊堡 即邊人稱老邊者 二里 正北偏西距察罕烏魯二十三里  
 正東偏南距霍爾津察罕諾爾三十里 山高十五里  
 塔爾郭達固鄂博 為庫倫以東第五十八國界鄂博 原案 施氏中俄國際約注所譯雍  
 正五年鄂博單云舊有鄂博之塔爾郭達固向北草地上設第五十八鄂博  
 後又附俄國所設卡倫單云第五十四鄂博第五十五鄂博第五十六鄂博  
 第五十七鄂博第五十八鄂博此卡倫官員即於諾密種人內選充令其在  
 附近塔爾郭達固鄂博之湖邊居住歸舒連格依多諾隨時稽察 見查  
 塔爾巴罕達呼四圍皆土山惟本山遍山皆青黑石蒙人以此名山謂其如  
 人反穿旱獺皮大樹也山上小鄂博甚多其頂有大鄂博一上插小木牌書  
 以蒙字詢諸庫倫派來會勘委員翼長車林彭楚克稱庫倫所屬鄂博均由  
 守卡官兵一年兩次查看換牌此即所換之牌云云又有次大之鄂博一上  
 亦插有小木牌書以俄文譯係一千九百零八年四月十四日營務處參將  
 阿諾索夫至此等字該二鄂博庫倫與新巴虎人均指稱為國界鄂博然原  
 案既云舊有鄂博之塔爾郭達固向北草地上設第五十八鄂博且鄂博與  
 圖亦於該鄂博書以塔拉二字蒙語塔拉平原地也是山頂鄂博雍正五年  
 以前之舊鄂博其在山北平原草地者方為國界鄂博查正北偏東角度二  
 十度相距二百四十丈之平地上有鄂博基址兩處雖積石無存而形迹未  
 盡毀滅且北行數武又係小嶺即不復可作草地論就草地而尋國界舍此  
 無與案符者應俟會勘時辨明重設 塔爾巴罕達呼山西北相距華里七  
 里之山山上有鄂博二 鄂博偏西角 俄武員阿諾索夫亦以木板書字於上  
 查該山鄂博正與塔爾巴罕達呼山頂鄂博及西北之庫布勒哲庫山頂鄂博

成一直綫然彼兩山山頂鄂博均非國界其國界鄂博實均在兩山山前草  
 地也彼兩山山頂鄂博既非國界則該山鄂博無關界綫可知因為俄人注  
 意故亦繪於圖內 塔爾巴罕達呼山東北俄國境內相距華里七里有水  
 泡一名曰察罕諾爾 該水泡偏東 又塔爾巴罕達呼山西北俄國境內相距  
 華里十五里有大水泡二名曰成丹特湖 該湖偏西角度三十度 察罕  
 丹尼之寶物即曰察丹特湖 丹尼係海中寶物如謂有此寶物則此湖  
 亦尼二字之寶全乘成丹特湖 亦有寶物之湖也俄人譯成丹而  
 失本音大 又塔爾巴罕達呼山正北相距華里四十里為俄悉比利亞鐵路  
 自東門西第三車站名曰成丹特站亦名玻璃鏡子站又塔爾巴罕達呼山  
 西北相距華里四十五里為成丹特俄卡 與車站相距華里六里 原案俄國  
 卡倫單內稱令其附近塔爾郭達固鄂博之湖邊居住云云所謂卡者即該  
 成丹特卡所謂附近塔爾郭達固鄂博之湖者即該成丹特湖蓋成丹特  
 湖外附近別無俄卡而卡以湖名確為居住附近之湖可知 塔爾巴罕達  
 呼山西南相距華里二里為察罕庫圖勒山山上豎木柱一削平其向南一  
 面書以蒙字譯之為光緒三十二年所立新巴爾虎與喀爾喀分界牌 原係舊有日蓋由塔爾巴罕達呼山頂鄂博起循察罕庫圖勒山界牌南行  
 久毀壞重立 經依爾謨克鄂博阿拉色里鄂博越阿拉色里泡至錫爾產山頂鄂博為新  
 巴爾虎與喀爾喀分界綫在界限東者為新巴爾虎地在界限西者為喀  
 爾喀地 測量 塔爾巴罕達呼山 起線 經度偏東六分 緯度北四  
 十九度四十四分 東北距山前草地上有鄂博基址處所二百四十丈 該  
 址偏東角 距俄國境內之察罕諾爾七百里 該池偏東角 正北距俄國悉  
 比利亞車站四十里 西北距俄國境內成丹特湖十五里 湖偏西 距附近  
 有鄂博之山七里 山上鄂博偏西 距庫布勒哲庫山三十九里距庫布勒哲  
 庫山迤北草地上之國界鄂博四十三里 西南距察罕庫圖勒山二里 山  
 界偏西角 距阿拉色里泡十三里 泡偏西角 距錫爾產山二十四里 山  
 西角度 正南距塔爾巴罕達呼山 該處南北兩池同稱塔爾巴 二十里  
 東南距察罕烏魯鄂博四十三里 塔爾巴罕達呼山高二十丈 察罕庫

圖勒山高十八丈

庫布勒哲庫鄂博庫倫以東第五十七國界鄂博 原案 施氏中俄國際約註所譯雍正五年鄂博單云舊有卡倫鄂博之庫布勒哲庫地北一帶草地上設第五十七鄂博 見查 庫布勒吉枯池北一帶草地上與山頂相距華里六里

國界鄂博偏北角度七十度 偏西角度二十度 原案地北一帶云云核之尙屬符合 測量 庫布勒吉枯山即鄂博所在 經度偏西五分 緯度北四十九度五十二分 山高七十丈 庫布勒吉枯池北一帶草地上之國界鄂博 經度偏西六分 緯度北四十九度五十四分 東南距庫布勒吉枯山頂即鄂博所在 距塔爾巴罕山頂四十三里 正西距安曼爾海池北一帶草地上之國界鄂博十九里 西南距庫布勒吉枯中國卡倫十七里卡倫偏西角該鄂博所在地低於庫布勒吉枯山頂三十八丈 茲言低於庫布勒吉枯山頂三十八丈不言高若干丈者以此地地勢大極遠其地勢高低必取大河長流之水方能作為水平 此丈轉足歐人之疑是以但言低於附近平地然已與平地略等若謂其高若干丈則本高七十丈除去三十八丈則知該鄂博所在地高於水面三十二丈矣

安曼爾海鄂博庫倫以東第五十六國界鄂博 原案 施氏中俄國際約註所譯雍正五年鄂博單云舊有鄂博之安曼爾海池北一帶草地上設第五十六鄂博 見查 安曼爾海池北一帶草地上之國界鄂博係在安曼爾海山頂即鄂博所在 正南微北草地上與山頂相距華里十二里國界鄂博偏西角度八十度偏北角度十度原案地北一帶云云茲僅偏北角度十度是幾與舊鄂博所在之山頂東西相對然附近向北之地別無鄂博形迹該處卡員又堅稱無誤且原案一帶二字方面甚廣既在安曼爾海山頂之微北似亦尙無不合 測量 安曼爾海山頂即鄂博所在 經度偏西七分 緯度北四十九度五十四分 山高三十五丈 安曼爾海池北一帶草地上之國界鄂博 經度偏西十二分 緯度北四十九度五十四分 正東距庫布勒吉枯池北草地上之國界鄂博十九里 正東微南距安曼爾海山頂即鄂博所在 十二里 安曼爾海山頂偏東角度八十度偏南角度十度 東南距庫布勒吉枯中國卡倫

十八里卡倫偏東角 西北距蒙克托羅海原案作蒙古托羅海係屬池北一帶草地上之國界鄂博二十五里 正西距巴彥布拉克水渠十里 西南距蒙克托羅海中國卡倫二十二里卡倫偏西角 該鄂博所在地低於安曼爾海山頂十八丈

蒙古托羅海鄂博庫倫以東第五十五國界鄂博 原案 施氏中俄國際約註所譯雍正五年鄂博單云舊有鄂博之蒙古托羅海池北一帶草地上設第五十五鄂博 見查 蒙克托羅海池北一帶草地上之國界鄂博係在蒙克托羅海即鄂博所在 西北草地上與蒙克托羅海相距華里六里國界鄂博偏西角度二十五度偏北角度六十五度 原案地北一帶云云核之尙屬符合 蒙克托羅海舊鄂博蒙人稱曰蒙克托羅海鄂布各鄂博蒙語稱祖為鄂布各以該鄂博為衆鄂博之祖也 測量 蒙克托羅海即鄂博所在 經度偏西十九分 緯度北四十九度五十六分 山高十八丈 蒙克托羅海池北一帶草地上之國界鄂博 經度偏西二十分 緯度北四十九度五十七分 東距巴彥布拉克十五里 東南距安曼爾海池北一帶草地上之國界鄂博二十五里 正南偏東距蒙克托羅海即鄂博所在 六里 蒙克托羅海池北一帶草地上之國界鄂博 正南距蒙克托羅海中國卡倫十八度 西南距蒙克托羅海向北曠野嶺上之國界鄂博二十八里 該鄂博所在地低於蒙克托羅海八丈

音克托羅海鄂博庫倫以東第五十四國界鄂博 原案 施氏中俄國際約註所譯雍正五年鄂博單云舊有鄂博之音克托羅海向北即曠野之地嶺上設第五十四鄂博 見查 恩克托羅海向北曠野地嶺上之國界鄂博係在恩克托羅海即鄂博所在 正北相距華里一里核與原案符合 測量 恩克托羅海即鄂博所在 經度偏西三十分 緯度北四十九度五十四分 高二十一丈

恩克托羅海向北曠野地嶺上之國界鄂博 經度偏西三十分 緯度北四十九度五十五分 東北距蒙克托羅海池北一帶草地上之國界鄂博二十八里 西北距東塔里泊塔里泊與蒙音合塔十五里 東塔里泊偏西

西南距則林圖嶺之盡頭處國界鄂博二十五里 正南距恩克托羅海鄂博所一里 東南距蒙克托羅海中國卡倫三十里卡倫偏東角 西南距則林圖中國卡倫三十七里卡倫偏西角 該鄂博所在地低於恩克托羅海六丈

則林圖鄂博為庫倫以東第五十三國界鄂博 原案 施氏中俄國際約註所譯雍正五年鄂博單云舊有卡倫鄂博之則林圖在嶺之北面並在其盡頭處設第五十三鄂博 見查 則林圖係一片漫嶺略有起伏西首有鄂博二係屬國界鄂博其國界鄂博之東南相距華里八里有山山偏東角 上有鄂博一若以山上之鄂博為舊鄂博則國界鄂博係在其西北面即所在地段盡頭處

與原案頗合惟詢諸該處卡員據稱國界鄂博一帶漫嶺之地名為則林圖後山則無名詢以舊鄂博在何處據稱此地無舊鄂博等語然舍後山而專論國界鄂博所在之漫嶺則國界鄂博雖在其盡頭處而實在該漫嶺之西南頭與原案所稱在嶺之北面一語不合至此段漫嶺逼近東塔里泊該處一帶確為國界可無疑義 測量 則林圖嶺盡頭處國界鄂博 經度偏西三十九分 緯度北四十九度五十二分 北距東塔里泊十里 東北距恩克托羅海向北曠野之北嶺上之國界鄂博二十五里 西南距察

普圖池北荒地上之國界鄂博二十五里 正南偏東距則林圖中國卡倫二十里卡倫偏東角 東南距後山即有鄂博 八里山偏東角 國界鄂博所在地低於後山即有鄂博 十二丈 則林圖後山即在國界鄂博東南相距八里 地低於後山即有鄂博 十二丈 則林圖後山即在國界鄂博東南相距八里 經度偏西三十六分 緯度北四十九度五十一分 山高二十丈

齊普蓋鄂博為庫倫以東第五十二國界鄂博 原案 施氏中俄國際約註所譯雍正五年鄂博單云舊有鄂博之齊普蓋迤北一帶荒地之最高者設第五十二年鄂博 見查 鄂力焉察布圖池北荒地上國界鄂博確係在鄂力焉察布圖之北與鄂力焉察布圖相距華里二里且所在地段確在荒地之最高者與原案均相符合惟卡員人等均不知何處有舊鄂博其鄂力焉察布圖土岡之上亦查無舊鄂博 測量 鄂力焉察布圖池北一帶荒地上國界鄂

博 經度偏東四十七分 緯度北四十九度四十八分 東北距東塔里泊十八里距則林圖嶺之盡頭處鄂博二十五里 西北距西塔里泊十里距鄂爾雜鄂力焉察布圖之 郭力鳴烏蘇即洪氏界圖之 十里距墨吉茲格嶺北之盡頭處國界鄂博二十三里 南距鄂力焉察布圖上崗二里 東南距則林圖中國卡倫二十六里卡倫偏東角 西南距墨吉茲格中國卡倫二十四里卡倫偏西角 該鄂博所在地高四丈

墨吉茲格鄂博為庫倫以東第五十一國界鄂博 原案 施氏中俄國際約註所譯雍正五年鄂博單云舊有卡倫鄂博之墨吉茲格之北嶺盡頭處設第五十一鄂博 後附俄國所設卡倫單云第五十一鄂博第五十二鄂博 第五十三鄂博此卡倫官員即於烏犁種人內選充令其在塔爾湖邊貼近墨吉茲格鄂博居住歸什依薩赤達隨時稽察 見查 墨吉茲格係由後山巴彥霍哨山麓向西北拖之長漫嶺霍哨山嶺也巴彥霍哨山因巴彥霍哨山嶺故 巴彥霍哨形如頭顱而墨吉茲格之長漫嶺中起石骨且遍嶺亂石頗似不槲髮辨國界鄂博正在嶺之西北盡頭處核與原案符合惟該處無舊鄂博巴彥霍哨雖有鄂博而山已易名自與舊鄂博無涉 俄國卡倫係設在西塔里泊之東北角在墨吉茲格國界鄂博東北相距華里五十

六里俄下倫東角 俄人名曰庫魯蘇台卡倫蒙語庫魯蘇葦子也台與圖同言有葦子之地也 測量 墨吉茲格嶺西北盡頭處之國界鄂博 經度偏西五十五分 緯度北五十一度 東南距鄂力焉察布圖池北荒地上國界鄂博二十三里距鄂爾雜鄂力焉察布圖之 郭力鳴烏蘇十四里 北距西塔里泊四里 西北距訥博色格向北曠野之地嶺上國界鄂博二十五里 正南偏東距巴彥霍哨頂上有鄂博 六里 距墨吉茲格中國卡倫

十里卡倫偏東角 尼普散鄂博為庫倫以東第五十國界鄂博 原案 施氏中俄國際約註所譯雍正五年鄂博單云舊有鄂博之尼普散向北曠野之地嶺上設第五十鄂博 見查 訥博色格之後有土山曰訥博色格華蒙語華平崗也上有鄂博一係

博 經度偏東四十七分 緯度北四十九度四十八分 東北距東塔里泊十八里距則林圖嶺之盡頭處鄂博二十五里 西北距西塔里泊十里距鄂爾雜鄂力焉察布圖之 郭力鳴烏蘇即洪氏界圖之 十里距墨吉茲格嶺北之盡頭處國界鄂博二十三里 南距鄂力焉察布圖上崗二里 東南距則林圖中國卡倫二十六里卡倫偏東角 西南距墨吉茲格中國卡倫二十四里卡倫偏西角 該鄂博所在地高四丈

墨吉茲格鄂博為庫倫以東第五十一國界鄂博 原案 施氏中俄國際約註所譯雍正五年鄂博單云舊有卡倫鄂博之墨吉茲格之北嶺盡頭處設第五十一鄂博 後附俄國所設卡倫單云第五十一鄂博第五十二鄂博 第五十三鄂博此卡倫官員即於烏犁種人內選充令其在塔爾湖邊貼近墨吉茲格鄂博居住歸什依薩赤達隨時稽察 見查 墨吉茲格係由後山巴彥霍哨山麓向西北拖之長漫嶺霍哨山嶺也巴彥霍哨山因巴彥霍哨山嶺故 巴彥霍哨形如頭顱而墨吉茲格之長漫嶺中起石骨且遍嶺亂石頗似不槲髮辨國界鄂博正在嶺之西北盡頭處核與原案符合惟該處無舊鄂博巴彥霍哨雖有鄂博而山已易名自與舊鄂博無涉 俄國卡倫係設在西塔里泊之東北角在墨吉茲格國界鄂博東北相距華里五十

六里俄下倫東角 俄人名曰庫魯蘇台卡倫蒙語庫魯蘇葦子也台與圖同言有葦子之地也 測量 墨吉茲格嶺西北盡頭處之國界鄂博 經度偏西五十五分 緯度北五十一度 東南距鄂力焉察布圖池北荒地上國界鄂博二十三里距鄂爾雜鄂力焉察布圖之 郭力鳴烏蘇十四里 北距西塔里泊四里 西北距訥博色格向北曠野之地嶺上國界鄂博二十五里 正南偏東距巴彥霍哨頂上有鄂博 六里 距墨吉茲格中國卡倫

十里卡倫偏東角 尼普散鄂博為庫倫以東第五十國界鄂博 原案 施氏中俄國際約註所譯雍正五年鄂博單云舊有鄂博之尼普散向北曠野之地嶺上設第五十鄂博 見查 訥博色格之後有土山曰訥博色格華蒙語華平崗也上有鄂博一係

博 經度偏東四十七分 緯度北四十九度四十八分 東北距東塔里泊十八里距則林圖嶺之盡頭處鄂博二十五里 西北距西塔里泊十里距鄂爾雜鄂力焉察布圖之 郭力鳴烏蘇即洪氏界圖之 十里距墨吉茲格嶺北之盡頭處國界鄂博二十三里 南距鄂力焉察布圖上崗二里 東南距則林圖中國卡倫二十六里卡倫偏東角 西南距墨吉茲格中國卡倫二十四里卡倫偏西角 該鄂博所在地高四丈

墨吉茲格鄂博為庫倫以東第五十一國界鄂博 原案 施氏中俄國際約註所譯雍正五年鄂博單云舊有卡倫鄂博之墨吉茲格之北嶺盡頭處設第五十一鄂博 後附俄國所設卡倫單云第五十一鄂博第五十二鄂博 第五十三鄂博此卡倫官員即於烏犁種人內選充令其在塔爾湖邊貼近墨吉茲格鄂博居住歸什依薩赤達隨時稽察 見查 墨吉茲格係由後山巴彥霍哨山麓向西北拖之長漫嶺霍哨山嶺也巴彥霍哨山因巴彥霍哨山嶺故 巴彥霍哨形如頭顱而墨吉茲格之長漫嶺中起石骨且遍嶺亂石頗似不槲髮辨國界鄂博正在嶺之西北盡頭處核與原案符合惟該處無舊鄂博巴彥霍哨雖有鄂博而山已易名自與舊鄂博無涉 俄國卡倫係設在西塔里泊之東北角在墨吉茲格國界鄂博東北相距華里五十

舊鄂博自訥博色格華山起向北相距華里四里偏東角度二十度爲國界  
鄂博該鄂博確在向北曠野之地嶺上核與原案符合 測量 訥博色格  
華山上舊鄂博 經度偏西一度零一分 緯度北四十九度五十七分  
山高十五丈 訥博色格向北曠野之地嶺上國界鄂博 經度偏西一度

緯度四十九度五十八分 西南距訥博色格華山麓<sub>上有舊鄂博四里</sub>  
西角度 東距西塔里泊西岸四里 東南距墨吉茲格嶺北之盡頭處國  
界鄂博二十五里距墨吉茲格中國卡倫三十五里卡倫偏東角度十六度

該鄂博所在地高六丈

自第五十四鄂博至第五十鄂博總說 查此一帶國界綫鄂刻與圖畫  
在塔里泊之北洪氏界圖畫在塔里泊之南錢氏中俄界綫備明說內已言

之茲勘至第五十鄂博止者亦以此惟詳籍圖籍證以見勘情形知該處國  
界自雍正五年設立鄂博以後即在塔里泊之南鄂圖係畫一虛綫於泊北

以標識先前舊界並非鄂省刻圖之時該界尙在塔北亦非鄂省所摹底圖  
出自康熙年間舊本當時界綫正在塔北也請先以比例言之如尼布楚一

城係康熙二十八年讓給俄國彼時議在流入黑龍江之額爾古訥河爲界  
旋於是年十二月立碑額爾古訥河鄂圖既繪有額爾古訥河界牌仍將

尼布楚城畫在界綫以內是殆同一虛綫耳此其一再以鄂圖所畫此處一  
帶界綫言之塔里泊北雖有界綫泊南一帶又畫雍正五年分界所立之各

鄂博且該各鄂博之舊鄂博亦一一備具其譯音又皆與蒙語符合迥出錢  
氏中俄國際約註及洪氏界圖之右則雍正五年所立鄂博在泊南可無疑

義泊北之綫係屬虛綫亦無疑義此其二再以俄國卡倫言之雍正五年鄂  
博案後所附俄國卡倫單云第五十鄂博<sub>即訥博色格</sub> 第五十一鄂博<sub>即墨吉</sub> 第

五十二鄂博<sub>即鄂力</sub> 第五十三鄂博<sub>即此卡倫官員即於烏犁種人內</sub>  
選充令其在塔爾湖邊<sub>該處卡名曰庫</sub> 貼近墨吉茲格鄂博居住等語塔爾

泊即塔里泊當時如果界在泊北則該泊係屬華境斷無准令俄卡設在泊  
邊之理此其三再以見勘情形言之鄂圖泊北之綫非僅近泊一段綫偏北

也自西徂東皆距見在國界鄂博甚遠而此次所勘各鄂博如庫布勒吉帖  
布勒哲庫<sub>原案譯音</sub> 如蒙克托羅海<sub>原案譯音</sub> 如恩克托羅海<sub>原案譯音</sub> 皆係  
著名之山如塔克布罕達呼<sub>原案譯音</sub> 如鄂力焉察布圖<sub>原案譯音</sub> 如墨

吉茲格如訥博色格<sub>原案譯音</sub> 皆係即義定名之嶺界綫即可移易山嶺不  
能移易該各鄂博既以山嶺得名則國界亦無移易此其四至中俄國界究  
由何年遷在塔里泊南無案可考惟查康熙二十八年所訂黑龍江界約於

額爾古訥河迤西陸路國界未經議及嗣後亦未見訂有續約直至雍正五  
年始議定東西鄂博各案竊謂國界之遷即在雍正五年時也再塔里泊係

東西兩泊蒙語人之腦漿曰塔里以其滿泊皆鹹灘水淺濁與腦漿相似再  
蒙語東曰腕西曰巴倫故稱東塔里泊曰腕塔里西塔里泊曰巴倫塔里洪

倫塔里譯音之變再自鄂力焉察布圖鄂博西赴墨吉茲格鄂博中途涉河  
一道水流甚駛係由西南以入西塔里泊者鄂刻與圖作烏爾再河洪氏界

圖作奎屯果勒河於其上流亦作烏里雜郭力鳴烏蘇鄂爾雜謂流出界外  
也郭力鳴謂水流有聲也烏蘇水也鄂圖洪圖或作烏爾再或作烏里雜係

鄂爾雜譯音之變蒙人又稱該河爲霍勒郭力哈霍勒謂邊界也且霍勒二  
字之音有時近於霍倫洪圖譯作奎屯果勒河係霍倫郭力鳴譯音之變再

洪圖於墨吉茲格訥博色格兩鄂博中間註有博列察山查該兩鄂博均濱  
臨西塔里泊自墨吉茲格向西北之訥博色格須經湖蕩而過否則循山麓

行迂道較遠蓋墨吉茲格嶺與訥博色格嶺形均如舌而墨吉茲格嶺長逾墨  
吉茲格數倍洪圖之博列察山殆即指此博列察係訥博色格譯音之變

又紀金復租界隙地 略稱光緒二十四年三月中俄兩國各派全權會商  
租借旅順大連灣事宜訂約於北京約內第五項載有所租地界以北定一

隙地由中俄兩國商訂專條確定界限此隙地之內一切吏治全歸於中國  
官等語未幾我國使臣許景澄楊儒與俄外部大臣謨拉維諾夫會議續訂

租地及隙地界綫事宜於俄都森彼得堡先是我國以金州廳城爲重鎮要

地駐有文武官吏會由政府商諸駐京俄公使允不畫入租界之內至是會議隙地界綫時俄外部因先以西岸從營口起經海城鳳凰大孤山訖東岸五道河口止爲請當經許公使等以營口既屬商埠鳳凰城又居邊要如果列入隙地則異日遇有調兵等事未免牽制窒礙遂與俄外部竭力磋商將此三處一併畫出不歸隙地議既定訂立第一次分界專條六款第二款載有租界地段迤北按照北京約內第五款所載定一隙地其界綫應從遼東西岸蓋州河口起經岫巖城北至大洋河沿河左岸之河口止又第五款載有中國允許不將隙地地段讓與別國享用並不將隙地東西沿海口岸與別國通商又允不將隙地地段內造路開礦及工商各利益讓於別國二十五年三月我國通遣分界委員福培涂景濤等會同俄員伊林思齊勘畫遼東半島租地及隙地界綫先勘定北段陸地界綫自遼東半島西岸之亞當灣北岸起往東開有偏北偏南訖遼東半島東岸之獺子窩灣北岸止復偕俄員乘輪周歷遼東半島勘定南段界綫自盡東之海洋島起至迤西之簸籬島即西南半統計各島及無名小坨子共二十六處半簸籬島中間有平坦地面係屬斥鹵中有潮溝一道俄員擬於島之北半山根豎立界牌經福委員等與之協商始擬以潮溝爲界於溝之西北盡處沙坡立碑南北段界綫既定因在遼東半島自西至東之租地及隙地交界處標明界址共立界牌三十一塊以俄字母依次爲記自阿始至額終又加立小界牌八塊以號碼爲記自一始至八終當經按約在簸籬島畫分界綫將緯綫迤南之村落歸入租界緯綫迤北者歸入隙地會勘畢與俄員會於旅順口訂立第二次分界專條八款第一款內載明將與租界邊界互相毗連之義地岡花兒山屯孫家屯姜家屯韓家屯周家山嘴大李家屯老葉家大周家屯韓家莊高家屯李家店李家屯楊家溝郎家屯大唐家屯張家溝葫蘆頭楊家屯小陳家屯小老虎峪山嘴屯鄭家屯三官廟屯楊家屯安家屯宋家屯滕家莊曲家屯高家屯甯家屯沙泡子甯家溝屯吳家屯兩王家屯等處畫在隙地之內以清租地隙地界限第八款內載明所立界牌每過三年應行查閱屆期

兩國交界本管官各派一員會於一定處所順界綫而走查閱大小界牌如見有損壞者查閱官切實遵守此次專條並附於此次專條之圖仍就原處重立等語旋將專條簽字互換並將界綫繪圖註以華俄文字三十一年秋日俄和約告成是年十一月中日兩國各派全權會議東三省事宜訂立條約於正約之第一款第二款分別載有中國政府將俄國按照日俄和約允讓日本之一切概行允諾以及日本政府承允按照中俄兩國所訂借地原約實力遵行等語由是遼東半島租地之權移而屬之日本三十二年三月復州知州報告金州租界外隙地各村屯因無地方官吏管轄盜劫匪擾民不聊生該處土民亦屢請歸入復州管理徵收錢糧將軍趙爾巽飭州查明地面村屯錢糧各數目造冊稟覆核辦嗣經查得金州租界以外之隙地東西約長百里南北約寬十四五里至四五里不等見在日人將此地畫作兩區分區設長經理事宜自大姜家屯東至大沙河三十餘屯名曰第三區派金家屯人金純玉爲區長協同會首王紹廷等管理又自大沙河東至贊子河九十餘屯以及贊子河東至碧流河三十餘屯名曰第五區派單家屯人單廷寶爲區長協同會首鄭瑞年等管理僕計約有村屯一百數十餘處並查得日人將兩區錢糧按照金州原有糧冊加倍徵收每畝銀圓一角一分迭與駐紮瓦房店之日軍政府中尾理三郎抗論日員始終推諉未幾又據報稱中俄畫分租地隙地之原立界碑見被日人在金復兩屬毗連地段自老虎峪起至高家屯止有拔毀界碑之處趙將軍迺飭交涉局以書致日落合參謀長請其派員會同復州按照中俄原約悉數補立以清界限六月復州董元亮以金州租界隙地界碑前被日人拔毀曾經函告日員會同補立乃時逾兩月落合參謀長迄未派員復屢與日軍政官磋商而彼率以非其權限所轄爲辭稟請速爲設法復由交涉局以文致駐奉日萩原總領事要其轉催落合參謀長迅速派員會同補立日領事置不答七月議將金州租界以外隙地由我國清界自理因令交涉局向落合參謀長聲明略謂中俄會訂分界條約第五款載明所租地界以北定一隙地此隙地之內一切吏

治全歸於中國官等語故中俄兩國在遼東半島畫界時曾將復州所屬十五屯畫入租界將金州所屬五十屯畫入隙地立有界碑其隙地內地方吏治照約本應由中國地方官管理前因戰事紛紜未遑將此隙地規定治權見在和局大定中日北京條約既允照中俄所訂借地原約實力遵行則斯處隙地自應按照中俄兩國分界條約規定權限我國擬將隙地歸入復州管理旋得復文謂此事應歸外交官辦理交涉局復宣告裁原總領事仍置未答是年十月趙將軍復令交涉局牒告日領事略謂中俄旅大租界專條第八款載有所定界碑每逾三年應行查閱屆時由兩國交界本管官各自派員會於一定處所查閱大小界碑如有損壞者查閱官切實遵守專條仍就原處重立今自光緒二十八年起至本年已屆三年之期應行照約查閱務請貴國派定專員會同我國所派之員前往詳細查閱日領事得牒後始以會勘租地界碑一事見奉外務大臣訓令以時屆嚴冬實地調查既多不便且見在此地尚為日軍占領須俟中國明年三月兵隊撤盡後方可實行調查等詞牒覆三十三年正月復州知州吳瞻莪報告昔年中俄會勘旅大分界時曾將復州所屬之棗房身二道嶺姜家爐陳家屯平房屯暨隙地姜家屯之地畝並西中島緯綫迤南之董家屯桑家屯及鳳鳴島緯綫迤南之曲家屯楊家屯卡臘房屯西南屯東溝屯東南屯東北屯等十五處村屯歸入租界嗣被俄人於二十七年秋開越界徵收西中島一名 鳳鳴一名 兩島界綫迤北隙地錢糧復佔去平島交流鹿坨一名 三島迭與爭辯未及索還日俄戰起暫從緩議迨俄人北去日人相繼佔據當向駐復日軍政官平山治久照約商索日員始則允將西中島鳳鳴兩島隙地暨平島交流鹿坨等島錢糧歸還我國經徵旋又反復謂此五島前已由俄員管轄見在俄人遠竄當歸日人管轄因亦始終堅拒不允交還稟請設法維持趙將軍以西中島鳳鳴兩島界綫迤北隙地暨平島交流島鹿坨島本未畫入租界乃俄人侵佔於前日人效尤於後固宜先將租地隙地界碑勘定然後再行提議隙地內治權遂於二月撤飭交涉局以遼東半島租地界碑前已聲明因屆查

勘時期當由兩國派員會勘見值撤兵期近天氣亦漸向暖請即預定時期以便派員調查牒告駐奉日總領事一面復由交涉局委派諸練測繪之員應大鈿李春榮等前往是處先行勘測旋經應委員等會同復州牧將日人拔毀界碑並隙地內大概情形查明繪圖報告據稱俄人前立大碑三十一處小碑八處見僅存大碑十二小碑四處並稱從前所謂隙地內之五十二屯者見亦一律查明實係金州積玉社下五甲之管界曾經金州紳民請歸復州管轄計東自張家溝劉家溝與復境交界之孫家屯起西至與復州大姜家屯交界之韓家屯止計長約三十餘里其張家溝以東尚有一百二十餘屯係東至謝家屯起西至張家溝止約五十餘里統計隙地內大小村屯一百七十五屯延長約九十餘里見均被日人佔據又附近海面之鳳鳴西中等島亦均在被佔之列是年七月世昌以金復租界外隙地問題關係重要往者屢牒駐奉日總領事派員會勘界碑而日領事迄未具覆所有隙地畫歸復州管理一節迭與日領事集議磋商亦未就範遂於九月咨請外務部轉告駐京日公使從速派員會勘界碑並飭奉天交涉司陶大均委派委員再行詳勘附近海面之西中島鳳鳴各島等暨隙地地形勢旋查得交流平島面積甚狹鹿坨尤為褊小承西中島鳳鳴兩島之北全屬復州管轄西中島距復州九十二里南北約長二十五里東西寬十餘里中畫界綫會載入中俄分界專條界綫迤南約二里許為租界界綫迤北二十三里則畫作隙地隸於復州島中尚存俄人所立石碑高二尺寬一尺厚七寸在羅兒屯洪子南屯兩屯車道西邊沙泡偏坡地方鳳鳴島在西中島迤東南北約長三十里東西寬十里與西中島並峙海中其界限亦分南北界綫迤南約十七八里為租界界綫迤北十餘里則為隙地隸於復州見在兩島中開日人均設有警察出張所因復據情咨明外務部以備考覈見此案已由外務部與駐京日公使直接提議矣

宣統元年伊犁副都統札拉豐阿奏塔城與俄為鄰凡有兩國相交之處久經安設卡倫派兵駐守才擬於距城四十里之巴克圖添卡倫一座派員常川



戍守鳩工購料前往興修工竣共用銀一千九百餘兩奴才親往勘驗該卡倫即在巴克圖山腳坐北向南北房三間左右各廂房二間南房三間馬棚各三間東西大門二座凡中俄人民往來必由卡倫穿中而過隨派弁兵十二名駐節該處專司稽查附近各卡倫以期聲勢聯絡又派漢官補用千總柳鳳舞帶營士一名兵役二名前往專司稽查俄商貨物出入月需薪工鹽菜銀六十餘兩以上開支及常年經費均由塔城租馬變價項下核實開支

二年外務部奏會勘中俄邊界將次告竣與俄使商由兩國各派大員將已勘各條款圖說詳細查核奉 旨周樹模充會勘邊界大臣

三年黑龍江巡撫周樹模奏查江省地處邊陲三面鄰俄其西北一面與俄接壤者原分水陸兩路陸路自塔爾巴幹達呼第五十八鄂博起至阿巴該圖第六十三鄂博止計長一百八十餘里水路自阿巴該圖起至額爾古納河口止計長一千四百餘里陸路國界定於雍正五年阿巴該圖界約水路則定於康熙二十八年尼布楚條約水有天然之河流陸有人爲之鄂博界限本極分明乃歷年既遠河流不免遷移鄂博復多坍塌祇以地方荒僻人戶稀零彼此尙能相安自東清鐵路與西比利亞連軌沿邊形勢遂一變而爲衝繁俄邊村落相望日以繁滋我之舊設卡倫既以年久廢弛庚子一役守卡官兵又復逃亡殆盡舉凡刈草刊木採礦開墾並漁獵牧畜等事俄人皆恣意侵越界務遂多輕輻所尤重者俄人於東清鐵路首站滿洲里地方布置經營不遺餘力並將西比利亞車站暗中聯接措置其間而以國防陸軍建營移駐攘奪私計幾於路人皆知維時吉林延吉界務正形棘手懲前毖後防維實不容遲乃商同升任督臣徐世昌一面在滿洲里設置臚府治并開立稅關以預占地步一面嚴密派員將沿邊界綫確切調查以備提議勘定預杜侵越此勘界緣起之大概情形也及宣統二年春商准外務部與駐京俄使議定兩國各派專員將沿邊界綫會同勘定當委升任呼倫兵備道宋小濂酌派隨員暨繙譯測繪各員會同俄員儒達諾夫前往查勘惟水陸各界二百年來從未復加勘定既無常時互換印圖足資考據惟就條約意義與實地形勢兩相印證而譯音互異陵

谷多邊以意揣測頗難確定况夏則港汊紛歧冬則風雪彌漫往復履勘尤極困難俄員復多方狡展惟利是圖水路則以新舊河身爲詞意在并包洲渚獨佔航路陸路則以國界鄂博強半無存而蒙人致祭鄂博又復所在多有牽混難清得以隨處附會其所指塔奔托羅海并索克圖及額爾得尼各界點均在滿洲里迤南竟將滿洲里地方畫入彼境其於華員所指各界點若索克圖暨察罕敖拉則會勘而不立案若塔奔托羅海則并不前往會勘甚至初勘阿巴該圖時彼竟調來兵隊越界開鎗肆意恫喝當經電咨外部仍飭宋小濂與之和平商辦嗣後查勘各界但以己意繪圖注說聽候核奪不必過事爭持計自宣統二年四月起三年三月止時閱一年水陸均經勘竣陸路之未經會勘暨勘未立案各處一併彙案送省俟與俄大臣會同商訂此會勘邊界之大概情形也當開議之初即經彼此商明祇就兩國勘界員所呈指界圖暨會議錄分別核定毋庸親往覆勘并訂明核定各界先由兩原勘員陳述意見提出證據然後由兩大臣秉公核辦即自塔爾巴幹達呼第五十八鄂博起以次核議乃會議至九次爲時將兩月僅塔爾巴幹達呼一處彼此各執一詞在我以爲可憑在彼亦以爲有據徒此遷延毫無要領乃商令兩國隨員各陳意見通籌解決方法再行會商嗣經各隨員提出陸路六鄂博一併核議雙方認可以期簡捷竊維此次界務實以滿洲里關係爲最重該處未經議定其餘均難解決惟開議以來未將滿洲里單行提議若令陸路合議即可覘俄界務處全體對於滿洲里是否與原勘員意見相同庶便設法對付又以正式會議必須立案茲事體大兩大臣均不便輕於發言若各隨員私相討論彼此同意則據以訂定否則作爲無效儘可任便陳說故復婉商俄大臣仍令各隨員公同研究勿挾爭執之見但求解決之方一俟議有端緒即呈由兩大臣酌核訂定及各隨員往復磋商俄界務處雖不爭前指之界竟主張由滿洲里畫分其意以車站爲界東清路綫屬我西比利亞路綫屬俄當將該處屬我領土一切確證據實質問俄員等始則閃爍其詞繼則強不說理嗣由俄大臣在議場提出一圖將無關重要地點略向北移滿洲里站仍然畫入彼界自謂極力讓步界綫最爲

一〇〇〇 子 貴 參 日 臣 二 書 第 〇 反 之 句

確實立時迫求回答時值江省防務喫緊俄員乘危要挾日促會議臣一意堅持不爲所動談判之際仍主和平正告以滿洲里爲東清鐵路租借地係各國指開商埠地方俄與各國早已公認爲中國領土萬不能破壞東清鐵路合同暨樸斯茅次條約以此相讓並當場宣明此爲最後宣言俄大臣始默然無詞謂須請示政府再行會議當電請外部轉電駐俄欽使與俄外部直接商辦往復磋商俄政府始認將滿洲里全城仍歸中國管領乃與俄大臣接續訂議其餘各界酌爲退讓均係無甚妨礙且從前約文單簡圖記缺如亦無確實證據可以指爲我境水路則將河中洲渚屬中屬俄分別核定其兩國邊界按照原約仍以額爾古納河流爲定疊經會商定案暨核定水陸各界總案先後簽押蓋印彼此互換所有陸路各界議定通挖土壕分立石碑並將各里數方向暨經緯度數刊入碑內其水路從前誤會各洲渚亦各樹立石碑載明方里度數以垂久遠而資遵守此核定邊界之大概情形也伏念中俄壤土相接前此分界之案靡不爲其所侵此次勘界以來初受日俄協約之影響繼有蒙古商約之衝突近則東南紛擾警報頻聞俄員利此時機勢欲得滿洲里而甘心臣以滿洲站爲列強注目之地一涉退讓他國必藉均勢之說要求同等利益不得不始終堅持幸賴京外協力卒能就我範圍陸無損於邊要水仍限以河流值茲時會之萬難尙不料有此和平之解決也

皇朝續文獻通考卷三百四十五

外交考九 界務 英吉利

道光二十二年江甯和約第三條准將香港一島給予英國君主暨嗣襲主位者常遠主掌任便立法治理

臣謹案乾隆五十八年 純廟八旬萬壽英使入貢即有給珠山相近小海島居住之請香港既給必有索及香港外者謀早定於數十年前以前願卒償於數十年以後以我大意敵彼老謀如之何其能支柱也

咸豐十年天津續約第六款前據本年二月兩廣總督勞崇光將粵東九龍司一區交與英國立批永租在案茲定即將該地界付與併歸英屬香港界內其批作為廢紙

臣謹案勞崇光率以九龍允租他無可考并歸英屬香港界內真語言妙天下矣批即不廢與廢紙等耳

光緒二年煙臺會議條款三端十六節專條一款內第一款第三款所有滇省邊界與緬甸地方來往通商一節應於滇案議結摺內一併派員商訂又另議專條英國約在明年派員由中國京師啟行徧歷甘肅青海一帶或由內地四川等處入藏以抵印度為探訪路程之意

臣謹案由內地探訪入藏路程居然列入專條其侮我至矣十二年緬甸續約我始聲明察看情形諸多窒礙英國允即停止而所探訪者已如數掌紋是可慨也

十二年中英改定緬約以科干之山地歸英國庫弄全境亦歸英思茅模兒面或順甯府設領事南碗以南之地西至南墨河之支河及毛修山至萊嶺又折東北至喜回里河為中國屬地

十三年總理衙門奏四川總督劉秉璋駐藏大臣文碩會奏西藏事宜一摺由軍機處鈔交核議竊維前後兩藏地方南邊逼近印度僅有布魯克巴哲孟雄廓爾喀三部為之屏蔽而該三部又日即衰微藩籬難恃英人倚印度為外府經營茶商之利市應充斥百貨益溢火車鐵路直抵大吉嶺其欲入藏通商蓄

謀已久風會所趨氣機所達不可遏抑亦不盡由英廷主謀殆天時人事欲以通西徹耶從前煙臺條約既有游歷入藏專條今復聞有英員麻葛葛攜兵由印入藏之說會等與該國公使議訂緬約酌酌利害至再至三遂許其通緬之請杜其入藏之謀反復辯論兩相抵制英使乃允停止入藏祇求在藏印邊界通商仍訂明由中國體察情形再行妥議載入新約奉 旨交出使大臣齎赴倫敦互換在案誠以英人志在擴充商務目前似尚無他圖彼路整之欲譬如洪水無以防之固屬泛濫堪虞無以導之亦恐橫決立見今堵其游歷入藏者所以防之於腹地而番族不致驚疑許其通商界外者所以道之於邊陸而夷情轉可帖服歷觀往事前明洪武中滇市舶司使夷漢商民相安而海上晏然嘉靖中誤用夏言之策廢市舶司而奸商通夷之禍遂烈我 朝乾隆中開恰克圖市場以廢俄人視邊情之順逆為權衡以權衡之啓閉為操縱迄今二百年來烽埃不驚市易不變則 純廟之詒謀遠也然則通商互市殆亦古今安邊之術善哉伏讀本年七月 諭旨英人入藏游歷一事見今訂立新約允即停止惟須在藏印邊界議辦通商應由中國體察情形設法勸導如果開辦有成即可永不入藏是日前緊要關樞仍以開導番眾於邊界通商為主仰見聖謨廣大予以通商之利即杜其入藏之謀將以塞之必姑通之張弛權衡無微勿燭該大臣等身膺邊寄於一切操縱機宜自當仰稟 睿裁勿膠成見首務撫綏開導未可操切張皇等謹就該大臣等所籌各節熟權利害駁陳如左 一原奏稱獨脊嶺距藏遠近詳細里數無考又請改新約內印藏交界地方六字刪除更正須聲明在哲孟雄部之獨脊嶺地方作為通商埠頭一節查該大臣所據西招圖略繪述藏邊情形係故大學士松筠所著其時駐藏大吏巡閱足跡僅至兩藏塘汛於邊外情形略而勿詳查獨脊嶺一名大吉嶺以近人圖說考之由前藏所屬之江孜汛南行三站至帕克里逾嶺即布魯克巴境又三程至塔西蘇登轉西南三程即至大吉嶺其地方圓約百餘里西界廓爾喀北界哲孟雄東界布魯克巴為由印入藏孔道本有土人久已降附於英英人駐領事一員其孟加拉大員每歲夏秋兩季亦移紮於此是該處久為英國

屬地該大臣所稱在哲孟雄部內者自係傳聞之誤至云訂明大吉嶺作爲通商埔口英人未必允從爲保藏計惟有察看地勢蕃情聯絡沿邊三部酌定在該三處境內立埔通商而徐設重兵於江孜定日定結帕克里等處密防要隘庶足以鞏邊陲而綏番族至新約第四條內載煙臺條約另議專條派員入藏一事見因中國察看情形諸多窒礙英國允即停止至英國欲在藏印邊界議辦通商應由中國體察情形設法勸導振興商務如果可行再行妥議章程等語當日命意重在阻止游歷入藏而藏印邊界四字亦係酌量情形之語並未說煞該大臣稟稱應刪六字自係抄傳筆誤然不得以文害辭業已請旨畫押訂期互換所請刪除更正之處應毋庸議 一原奏稱預備邊防一節查目前兩藏地勢敵情似俄紆而英迫何也俄人雖與英爭北印度阿富汗之地未能得其尺寸浩罕雖爲俄有漸與後藏之阿里相值然中隔葉爾羌等處之大戈壁罔底斯大雪山雖俄屢派人游歷西甯僅至青海玉樹諸土司而止究未得入藏要領是俄人於新疆喀爾喀諸邊爲剝膚之災而在衛藏則未爲楊旁之軒睡若英人則乘哲廓諸部落之衰弱煽誘市易並有與該部立約情事又種茶亞山建省東印度區開林立鐵軌縱橫百計經營不遺餘力與藏內聲息漸通故曰俄紆而英迫也該大臣以英俄邊情叵測並論似尙未得實情然正惟預防其窺伺之迫故外以商務聯絡邦交內以練軍布置腹汛則迫者可以稍紓是在該大臣之操縱得宜矣至原奏所稱前督臣丁寶楨議於巴裏二塘駐師三千似與西藏無大神益等語查自打箭爐西至裏塘六百餘里又西至巴塘五百餘里皆在川境去察木多尙隔一千四百餘里察木多又西距前藏尙隔二千五百八十里是該前督意在鞏固蜀邊彈壓土司野番而未暇議及兩藏門戶也該大臣所籌撥勇補兵整頓營伍各節極有條理所以鞏固兩藏門戶乃駐藏大臣分所得爲之事應請 飭如所議次第辦理以上四條等籌商酌議總期該督等川藏聯爲一氣畛域不分於邊外則導番開市以示羈縻而符成約於腹地則汰兵整備以建德威而弭衅端

十四年駐藏大臣升奏據拿辦商上事務第穆呼圖克圖及商上大小番官僧俗公稟譯其情詞與歷年所陳無別又聞商上調兵遠者數千里近或數百里均在帕克哩取齊尋仇之念甚堅當將所陳逐層駁詰添派委員開導查來稟總以隆吐之南日納宗爲藏界伊等設卡係在境內英人無端動兵恃強侵地如才奉電 旨亦飭查隆吐究竟屬藏屬哲是查邊界爲此案關鍵據藏中官吏僉稱前大臣文碩亦曾飭查檔案實未尋得竊思經界爲地方要政從前豈無案卷當派員將新陳各案檢閱始經尋出乾隆五十年前工部尙書和琳內閣學士和瑛任內所立奏設鄂博原案註明藏南界址係在距帖克哩三站之雅拉支木兩山設有鄂博又有春丕日納宗兩處從前雖係藏界因乾隆五十三年廓番用兵將哲孟雄追過藏曲大河哲番窮蹙達賴喇嘛將日納宗地方賞給哲孟雄管理原派委員游擊張志林稟敘日納宗不應作爲藏界只在雅拉支木兩山設立鄂博高下尺寸開單詳載甚晰原圖悉已抽失又於工房覓得舊圖一張註明納蕩地方係哲孟雄邊境藏圖南面極邊界線之上亦繪有雅拉山是雅拉係藏屬南界可無疑義至藏番設卡之隆吐山考舊圖無隆吐之名考新圖雅拉實隆吐之北以英人所云日納宗在隆吐之北數十里而藏番新圖則在隆吐之南顯係藏人多繪此一段飾稱藏界難逃 聖明洞鑒也 如才既查明確將原卷舊圖發交藏番閱看令其明白稟覆該番雖有愧色總以日納宗本係藏境前雖賞給近因哲夷私通英人應即收回自管正在開導忽據探差報稱英人添兵運糧第穆稟云接邊報我兵在營遊諭靜候洋人忽來百餘人撲我營正擬迎敵值大雨昏霧英人折回又探得廓爾喀前王出奔印度之子果爾雜捻由印帶兵五百餘名行過獨脊嶺督兵將哲境所有道路概行修治並不日來前助戰哲逆頗當喇嘛康薩卓尼爾本在敵前營近復折回不知商議何事是以衆情疑慮乞 飭總理衙門詳告英使轉電印督約期撤兵嚴飭印兵毋得再動或先撤過隆吐以便此間飭藏番遊辦若印兵所行與英使所言不符則 如才不能見信藏番於事恐屬無補此後印兵再出藏番必不能束手待斃英人似不得謂爲戰爭所得又增無限唇舌也 諭升奏據拿辦商上事務第穆呼圖克圖並查明藏哲界址開導情形所陳各

節明晰周詳頗中肯綮見據總理衙門轉奏劉瑞芬八月電信內稱印兵在熱勒巴拉山近處與藏兵攻戰藏兵傷亡數百印兵迫入徵畢山岔等語九月電稱接英外部照覆云來攻納蕩英營統領克拉哈瑪已遵印度政府之諭不可佔據西藏之地故迫入徵畢後立即退回並接印督來信云駐藏大臣擬於西十月由拉薩起程赴邊界印督已派政事官保爾前往會晤並云見有駐藏大臣調處甚望邊界之事速行了結等語與該大臣片奏所稱非再博一戰難望轉機之情形脗合刻下該大臣想已與保爾會晤藏哲界址既已查明印督又有甚望速了之語著即熟商妥辦一面嚴飭藏番勿得再出滋事即將會商情形飛咨劉秉璋迅速電奏以慰廬念

又升奏奏自會議以來到英官一員云係印度外部尚書鳩蘭德比保爾官職較崇每於交涉之件遇事阻撓奴才派員赴隆吐以南查閱藏番所指各界即多方為難遞去說帖多不回復屬其先議撤兵英官戰勝而驕須七事議妥始允撤退必欲將哲孟雄註明條約屬於英國畫界咱利山即來文所謂翼熱勒巴拉山嶺是也查哲孟雄全部藏番本不預其地方事宜惟在西藏商上向有節禮及駐藏大臣賀稟均當照舊英國如何保護亦可仍舊該英官以此議在未戰之先戰後又當別論察其所云伏意甚深未敢允許又通商一條英人直欲到藏貿易百計辯說始言退至江孜仍答以萬不能行刻又意在帕克哩查帕隘乃藏南門戶其險要全在山腰之格林卡一帶若至帕克哩已在高原為廓爾喀布魯克巴哲孟雄三部通衢縱使試辦商務萬不可使甫經交兵之印人萃集於此且開導藏番通商必宜界外始可期其遵從是以堅未允許英官意甚拂然請 飭總理衙門迅商英使轉電印督速為議結幸甚

十五年又奏前委赴藏之噶布倫伊喜批冲等由藏折回到邊達賴喇嘛致奴才函極道知感又第穆呼圖克圖率領三大寺及全藏番官稟稱西藏佛土自成豐年間公議教道不同立誓不與洋人交接刻因 簡派大臣飭辦撤兵定界通商三事不敢違 旨遵諭撤兵至於定界因日納宗賞與哲孟雄其隆吐山之格壓傾倉地方實我藏番百姓游牧草場的係藏番舊界至於咱利山本

無鄂博不過上年屢次阻擋洋人是實若通商實屬萬難但蒙駐藏大臣及各委員奔走冰天雪海與洋人辯論秉公正直實所共知既受重恩何敢違命茲因伊喜批冲回藏大眾會商不敢有負 天恩遵諭通商惟咱利以內洋人斷不可來總求在咱利以外實沾恩典察來稟所陳尚非乖謬且通商一事前任大臣百計開導該番一味固執茲蒙 聖訓已知感悟漸就範圍將來即可藉通商為善後計得使冥頑不靈之輩翻然知悔全藏叨幸實深

十六年派駐藏大臣升泰與印度總督蘭士丹定藏印條約於孟加臘

中英藏印條約八款節錄第一

藏哲之界以自布坦交界之支莫摯山起至廓爾喀邊界止分哲屬梯斯塔及近山南流諸小河藏屬莫竹及近山北流諸小河分水流一帶山頂為界

臣謹案我 朝龍興遼瀋西藏首先內附迨英人侵入印度即窺伺後藏乾隆四十五年印度總督使博格爾詣班禪求互市其時自印入藏道經哲孟雄中隔大山極為險阻道光時哲孟雄屬於英此山亦為所據已開一川藏捷徑迄海禁開而藩籬大啟光緒二年煙臺條約乃有派員由內地入藏之明文蓋益潰決無可隄防矣

十七年出使英法義比大臣薛福成奏查倫敦使署接管卷內光緒十一年冬英國印度派兵出境進據緬甸維時出使大臣曾紀澤迭次與英外部會商初議立君存祀俾守十年一貢之例既不可得始議定由英駐緬大員按期遣使齎獻儀物其界務商務兩事則擬先定分界再籌通商蓋因英人注意商務若分畫邊界偶有轉輾則辦理通商諸多掣肘虧損無窮固不能不審其次第也英人自以驟開緬甸全境所獲已多是以有稍讓中國展拓邊界之說當時英外部侍郎克蓄曾稱英廷願將潞江以東之地自雲南界之外起南抵暹羅北界西濱潞江即洋圖所謂薩爾溫江東抵瀾滄江下游其中北有南掌國南有擘人各種或留為屬國或收為屬地悉聽中國之便會紀澤轉咨總理衙門亦云南掌本係入貢中華之國倘英人果將潞江以東之地讓與我似宜受之將擘人南掌均留為屬國責其按期朝貢並將上邦之權明告天下方可防後患而

固邊圍又嘗向英外部理論欲索八募之地八募蓋即蠻募之新街昔時蠻募土司之地頗大後乃悉爲緬甸所併其商貨匯集之區謂之新街洋圖譯音則爲八募騰越邊外百數十里在厄勒瓦訶江即大金沙江上游之東龍川江下游之北檳榔江下游之南向爲緬甸通商巨鎮英人以其爲全緬菁華所萃新而未許爭論數次克蓄始云英廷已飭駐緬之英官勘驗一地以便允中國立埠且在彼設關收稅據參贊官馬格里云八募雖不可得其東二三十里有舊八募城似肯讓與中國日後貿易亦臻繁盛且允將大金沙江爲兩國公共之江如此則形勢與彼同之利益亦與彼分之其隱裨大局似尤較得潞江之地爲勝會紀澤以商辦已有端緒因與外部互書節略存卷暫停不議旋即交卸回華光緒十二年總理衙門與英使歐格訥議約五章第一條申明十年呈進方物之例第三條中緬邊界應由中英兩國派員會同勘定其邊界通商事宜亦應另立專章竊釋總理衙門與英使訂定之約章及會紀澤與外部會商之節略雖措辭詳略不同而大意仍相吻合蓋外部所稱原讓之地因立約時尚未勘定故以兩國派員會勘一語括之此從前商辦緬事務之大略情形也溯自立約至今已越五年英人未嘗催問我 國家亦暫置不理然 臣近聞英廷正與暹羅勘辦界務又屢次密派幹員馳往滇緬交界查勘形勢探詢礦產並有創築鐵路通接滇邊之意議者咸知彼俟布置妥協必轉以延擱已久爲辭來相促迫勢不能不驟允開辦則彼從容而我倉猝彼諂諂而我生疏彼措注已周而我進退失據臨時竭蹶成算未操斷無不受虧損之理就今日情勢而論商務須從界務生根但使分界能協機宜則他日通商亦可少滋流弊夫審度利病隨宜操縱固屬總理衙門與勘界大臣之事然使明知彼族之有隱謀而緘默不言坐失事機則咎在使臣若欲先事豫籌查探邊情又非責之疆吏不可惟是分界固非詳查密訪不能得其要領而其輕重緩急之大勢則有可計議者大抵英人所稱願讓潞東之地南北將及千里東西亦五六百里果能將南掌與擇人收爲我屬或列爲屬脫之地誠係綏邊保小之良圖惟查南掌即老撾之轉音 臣閱外洋最新圖說似老撾已歸屬暹羅若徒受英人之

虛惠而終不能有其地恐轉爲外人所竊笑倘因此別生枝節又非計之得者蓋南掌擇人本各判爲數小國分附緬甸暹羅似宜查明南掌入暹羅之外是否尚有自立之國以定受與不受其向附緬甸之擇人地實大於南掌稍能自立且素服中國之化若收爲我屬則普洱順甯等府邊徼皆可鞏固矣至會紀澤所索八募之地雖爲英人所不肯舍其曾經默許之舊八募者亦可爲通至大金沙江張本若將來竟不與爭或爭而不得 臣竊有五慮焉夫天下事不進則退從前展拓邊界之論非謂區區邊界足增中國之大也 臣聞乾隆年間緬甸恃強不靖吞滅滇邊諸土司騰越八關之外形勢不全西南一隅本多不甚清晰之界若我不求展出彼或反將勸入一慮也我不於邊外稍留餘地彼必築鐵路直接滇邊一遇有事動受要挾二慮也長江上游爲小金沙江小金沙江最上之源由藏入滇距邊甚近洋圖即謂之揚子江我若進分大金沙江之利尚可使彼離邊稍遠萬一仍守故界則彼窺知江源伊邇或窺圖行船徑入長江以爭通商之利三慮也我稍展界則通商在緬境夫英人經營商埠最爲長技而我在彼設關收稅亦可與之俱旺我不展界則通商在滇境將來彼且來擇租界設領事地方諸務究不能不受牽制四慮也我得大金沙江之利則池西一路之銅可由輪船運海北上運費當省倍蓰否則彼獨據運貨之利既入滇境窺知礦產之富或且漸生狡謀五慮也凡此五慮皆在意計之中 臣又竊慮英人於此數年內一意延宕待我相忘稍久乃催勘界或更過事要求悉置前議節略於不顧且謀國之道莫患乎爲敵所逆料中國素有不動遠略之名外洋各國知之稔矣所以伺機而動迭起相乘琉球滅而越南隨之越南削而緬甸又隨之今且屢屢議及朝鮮矣竊思英廷前議節略彼料中國未必竟受而故以此相嘗試固未可知我若出其不意據其前說力與相持或能因此稍展界務各國知中國辦理此等事件與前不同亦可伐敵謀而收後效况彼所予即有不宜收者不妨明指之以爲另案之符彼之意即有萬難允者不妨故求之以得抵制之益擬請 敕雲貴督臣王文韶派員分途偵察如南掌之存亡擇人之強弱騰越關外之地勢民風一一查詢明確據實覆陳以備勘界

時有所依據並請 敕下臣催問英國外部以勘界定期與分界辦法一面即可相機辨論仍與總理衙門函電相聞務衷至當臣非不知英人性情堅韌當其驟得全緬喜出望外故許中國稍分其利今則事隔數年未嘗不思毀棄前說然閱卷中節略係英文參贊官馬格里與英外部侍郎克雷會議時為最多今幸二人均未更換彼或難遽翻異臣不過多費筆舌多糜日力與之磋商雖無速效斷不致別有損礙抑或冀得寸得尺稍補涓埃臣因邊界得失動關緊要且此事為中外全局所繫不敢不罄其愚忱謹繕緬甸交界及南掌揮人疆域全圖恭呈 御覽

十九年又奏查光緒十一年英兵進據緬甸之初前使臣曾紀澤先與英外部會商以未深悉滇地情形持論稍覺遊移又因中外往返商查之際未能毅然斷行僅與外部互書節略存卷旋即交卸回華次年英署使歐格訥與總理衙門議立緬約五條又以三端尚非定局遂未列入約中臣自去年奉 命與英外部議界蓋在歐使立約之後已六七年查使署接管卷內有曾紀澤議存節略英文參贊馬格里係原議人臣屢遣馬格里赴外部重申舊說外部堅不承認據稱西洋公法議在立約後不可不遵議在立約前不能共守以其有約為憑既不敘入約章必有所以然也臣思英人自翻前議雖以公法為解實亦時勢使然當其併緬之始深慮緬民不服及緬屬諸土司起與相抗萬一中國隱為掣肘彼則勞費無窮固不敢不稍分餘利以示聯絡彼之所以驟允三端者時為之也既而英人積年經理萃其兵力餉力戡定土寇復於緬境外之野人山地稍用兵威脅服收其全土磐石之形已成藩籬之衛亦固彼之所以忽靳三端者亦時為之也前議三端既不可恃則展拓邊界之舉毫無把握且查滇邊諸土司雖或久隸中國然自乾隆以後往往有私貢緬甸以圖免擾而固圉者英人執此為辭來索緬甸固有之權則或指為兩屬或分我邊地殆事勢之所必至若中國既失藩屬於前又蹙邊境於後非特為鄰邦所竊笑亦恐啟遠人之覬覦臣再四思維深懼措注不善致乖總理衙門推許之意 皇上倚畀之恩適值前歲秋冬以後英人游弋滇邊常有數百人以查界為名闖入界內

往來森忽野番土目驚駭異常英兵常駐之地則有神護關外之昔董督鐵壁關外之漢董英人用印度武員之謀窺偏近界以致沿邊騷動風警頻仍雲貴督臣王文韶慮生弊端迭電總理衙門臣承急電辦文照會外部斥其違理責令退兵又屢赴外部苦口爭論英兵稍自撤退滇邊至今靜謐臣又查野人山地縣互數千里不在緬甸轄境之內若照萬國公法應由中英兩國均分其地曾紀澤嘗有此意而未申其說臣因復照會外部請以大金沙江為界江東之境均歸滇屬明知英人多費兵餉占此形勝萬萬不肯輕棄然必借此一著方可力爭上游振起全局外部果堅拒不應兩次停商而臣不顧數次翻議而臣不顧外部所稍依允者印度部復出而撓之印度所稍鬆勁者印度總督復出而梗之印督至進兵蓋達邊外之昔馬攻擊野人以示不顧分地之意臣相機理論剛柔互用外部謂此議非出總理衙門與雲貴總督盡係使臣之私意臣電請總理衙門向英使歐格訥辨論以昭畫一總理衙門洞悉機宜力伸畫江為界之議外部知我中外同心合謀堅持不讓甫稍就我範圍然猶疊次翻騰屢易其說彼既重視野人山地不願分割於是就有就滇境東南讓我一地曰科干在南丁河與潞江中間蓋即孟良土司舊壤計七百五十英方里又自孟卯土司邊外包括漢龍關在內作一直綫東抵潞江麻栗壩之對岸止悉畫歸中國約計八百英方里又有車里孟連土司孟連土司轄境甚廣向隸雲南版圖近有新設鎮邊一廳係從孟連屬境分出英人以兩土司在曩昔嘗入貢於緬并此一廳爭為兩屬今亦願以全權讓與我訂定約章永不過問至滇西老界與野人山地毗連之處亦允我酌量展出其駐兵之昔董大寨雖未肯讓歸中國願以穆雷江北見駐英兵之昔馬歸我南起坪隴峯北抵薩伯坪峯西逾南嶂而至新陌計三百英方里又自穆雷江以南既陽江以東有一地約計七八十英方里是彼於野人山地亦稍讓矣其餘均依滇省原圖界綫畫分外部於三月照會前來臣適探知歐格訥與印督尙多方播煽欲阻成議事機呼吸變態萬端此議雖未滿臣初志不能不審勢而量力見風而收帆曾電請總理衙門進呈 御

覽總理衙門與雲貴督臣之意亦謂於舊界有益無損屬即商議條款。先行  
文外部訂定大局惟騰越八關界址未清尙須理論外部請待印度所寄地圖  
又值外部諸員避暑在外稍有停頓前據督臣王文韶電稱漢龍關自前明已  
淪於緬天馬關亦久爲野人所占跨則八關僅存六關見經。再三爭論此二  
關亦可歸中國又前年英兵所駐之漢董本在界綫之外。因其扼我形勢逼  
處堪虞向彼力索外部亦願退讓以表格外睦誼刻下界務已竣商務本不似  
界務之繁重且已先將大意講明無甚爭論見在商訂條款計可尅期蒞事矣  
臣竊維數十年來西洋諸國競知中國幅員遼闊又有不爭遠土之名一遇界  
務鮮不爲耽耽之視若可聽其蠶食者於是琉球越南緬甸以藩屬而見吞香  
港瓊春海參崴以邊隅而被攘甚至有睨及朝鮮議及臺灣者中國素守好大  
喜功之戒避開疆生事之嫌得之則曰猶獲石田失之則曰不動遠略顧石田  
棄而腴壤危矣遠略弛而近憂迫矣我視爲荒土而讓之彼一經營則荒土化  
爲奧區以奪我利柄我見爲甌脫而忽之彼一布置則甌脫變爲重鎮以偏我  
巖疆伺隙蹈瑕永無底止歲陵月削後患何窮。愚以爲必擇一二事以全力  
爭持然後可以折狡謀而挽積習此次滇緬界務憑藉。皇上威靈始變前規  
稍展舊界實惟總理衙門之功總理衙門統籌全局假。事權始終扶助謀議  
相同每有查詢朝電夕報俾。得遠承指揮稍殫愚拙雖獲地無多而裨益有  
五風示各國俾勿藐視一也隱備印度杜其窺伺二也保護土司免受誘脅三  
也扞衛滇邊防彼勸進四也援用公法稍獲明效五也由此五益。始知曾紀  
澤所商展之界迄今時異勢殊亦稍有窒礙之處蓋南掌諸部近已盡歸暹邏  
爭之已覺不易而揮人各種惟康東土司最大其地與車里相彷彿英人欲據  
以遮隔法暹兩國斷不肯舍抑且離我邊境較遠控轄不易固不若今日之所  
展皆在近邊也

嶺游歷道員姚文棟道經此地野人結隊送迎環求歸屬中國者到處皆是此  
等野人雖不隸郡縣數百年來中國以不治治之聽其自生自育未嘗不涵濡  
聖化於深山之中一旦聞西人逼處知將奪其利源其嗚嗚內嚮之誠至爲迫  
切蓋英人進兵野人山地及滇省近邊不過在此三年之內去年。接滇商公  
稟頗歸怨於騰越鎮廳之退讓鎮廳平日未諳洋務又時時懼以啟釁獲戾倉  
猝爲敵所乘措注失當不免應之過柔亦事理所必有。之與英分界適在英  
人占地之後所以爭之更覺其難然。不敢不俯順輿情扼要力爭爭之不得  
亦俾遠氓知我。聖朝並非棄之化外實係時勢使然至彼族與我爭地動稱  
控制不易冀相恫喝彼乃得步進步乘機侵占。是以明告英人如野人山地  
歸中國則撫綏彈壓中國任之自係責無旁貸今中國所分昔馬之地係一種  
開飲野人所居又老界之內亦有野人隨地散處倘仍如承平之世不加管理  
萬一野人出境滋擾英人英必以我不能守約來相詰責尤恐枝節叢生請  
旨敕雲貴督臣俟換約之後查照約章派撥得力練勇一二百人進駐昔馬替  
換英兵以牽邊防兼可約束野人俾就範圍抑。又觀西洋形勢凡兩國接界  
之處莫不明斥埃脩砲臺造兵房雖累世和好而設備謹嚴遂能彼此相安無  
事雲南西南兩面昔與揮人野人各種相接所以臺壘久圯關堡不修亦可無  
虞侵逼今與西洋最強之國爲鄰則宜整頓一新如何規畫盡善想督撫臣皆  
久任疆圉公忠在抱必有先事綢繆者矣至各省綠營舊制往往爲外人所輕  
視以其用舊器而乏實用也非酌練新軍不足以隱銷外侮

又奏。前與英廷訂明將久淪於緬之漢龍天馬兩關歸還中國仔細考察始  
知鐵壁虎踞二關亦早被英人占據幸鐵壁關距邊密邇屢向英外部爭論彼  
始允令英兵卻退數里讓還關址以庫倫河爲界惟虎踞關界限方向初甚渺  
茫久無定論乃電請雲貴督臣王文韶派員查閱邀同八募英官履勘英官並  
無異辭印度總督則謂該關深入彼境七八十里已與八募相近且隸緬已百  
餘年一旦棄之有損顏面其意難於割地遂并新於讓關。又聞印度總督以  
外部允讓野人山內昔馬等地意甚不平聽信武員邪說屢思翻異又欲借端



停商全約停商之後彼知中國界址未定漫無限制仍可伺機進占再閱數年非特昔馬等地可以不讓即界綫亦可如彼意重定觀於前使臣曾紀澤商辦之時迄今事隔八年再與議約艱易損益相去倍蓰其明證也 臣再四思維決機宜速不宜遲防患宜遠不宜遲固不值以一隅而妨全局亦未便爭小利而墮詭謀度勢接情剛柔互用甫在虎踞關以東畫定界綫雖未能復百餘年前舊地較之滇邊所守新界似已稍有展拓此界務已定之大略也 查商務辦法應以曾紀澤原議二端為綱領一曰大金沙江行船一曰八募立埠設關彼族以停議既久堅不承認竊思大金沙江為滇邊外絕大尾閭兵商輪船暢行無阻夫名山大川國家之寶苟有機會當以全力圖之滇西遠隔邊隅宜有通海便捷之道局勢方為靈活 臣特將行船一事設法磋商外部始終支宕以慮他國援照為辭繼與商於約中另立一條聲明此係滇緬交涉之事他國不得援例彼始勉強答允惟於八募設關處之尤切拒之尤堅經 臣再三開導告以立約試辦乃亦勉強答允詎前約甫經訂定印度總督仍堅持初議不允設關意在乘機要挾責報過奢 臣思設關能否大獲利益尙未可知該督所索則萬不能允且既違其意尤恐被其掣肘不能獲益 於是顯責外部無自立之權竟將八募設關一條刪去亦撤約中英人所得權利如緬鹽不准運入滇境英關暫不徵收貨稅領事僅設一員并限制其駐紮之地商貨僅由二路并化去開埠之名外部頗形自慙不甚爭論此商務已定之大略也竊惟中國地大物博數十年開東西洋各國立約通商船艦則行我江海租界則踞我口岸教士流氓紛至沓來領事臬司擅勢自恣或奪我商民之利或撓我官吏之權或違我教化之經或窺我寶藏之富事端百出防範難周 朝廷所以不輕允開商埠者職此之由惟是英人襲取緬甸以來雲南三面與彼毗連我所宜急彼所欲緩者莫如分界彼所素急我所稍緩者莫如通商會紀澤前與議定俟分界後方可通商蓋寓相維相制之意邇年英兵騷擾滇邊不得不催英廷分界憑仗 聖主威福並承總理衙門指示俾 臣相機妥籌悉心商辦西面則稍拓野人山內昔馬等地暨收回鐵壁天馬等關南面則稍拓宛頂邊外之地潞江以

東科干之地暨收回車里孟連兩土司全權邊圍既安覲覲漸戢但英人按照緬約第三款催議商務刻不容緩今者八馬設關一事雖未就範然因彼既允復翻我得收回別項權利似於防弊去損之道不無關繫加以大金沙江行船乘便利於境外播聲勢於寰中似稍足變舊規而張國體茲合界務商務款共二十條 臣擬先將草約畫諾以杜狡變一面齎送總理衙門俟奏明 批准後即可換約開辦 再滇屬東南羈縻之境以車里孟連兩土司為最大近年新設鎮邊直隸廳撫理孟連北境計此一廳兩土司之地約可抵內省四五府當 臣與英廷爭論野人山地之時英外部以車里孟連曾經入貢緬甸亦堅索兩土司及新設一廳作為兩屬以相抵制 臣查會典及一統輿圖車里孟連隸滇已久鎮邊新設直隸廳同知一官若忽改為兩屬尤屬無此體制不得不儘力堅持厥後外部遽自轉圜願全權仍歸中國果使撫取得宜固守封域可以支格英法暹羅三國之窺伺而臨安普洱思茅元江諸府應州當皆恃以無虞不意英事甫定法謀又起邇來法人迫脅暹羅割其湄江東岸之地而車里轄境之大半亦在湄江以東法人迭次以分界為請雖據聲稱並無侵占滇地之意彼知英人饒舌於先未必不思效尤於後然英究僅有索問之空言並未獲絲毫之實利 臣今正與英廷互商條約聲明車里全屬中國與英毫無干涉約章一定不啻借英助我作證法人素性畏強侮弱彼聞中國與英爭帕米爾與英爭野人山皆不遺餘力倘竟知難而退僅請分畫界限以杜爭端則和平互商自易辦理不滋口實不起風波尤善之善者也 再 臣前向英廷索還漢龍天馬二關繼查騰越八關除太平江以北四關確在老界之內今既畫得昔馬等地則四關更有外障惟太平江以南四關非特漢龍天馬久淪異域即鐵壁虎踞二關亦驟難審其實址之所在 臣閱滇省所繪界圖該二關皆在界綫之內意謂必無錯誤遂告外部應照原界畫歸中國亦無疑義並未駁辯既而詳加考察微聞虎踞鐵壁早為緬甸所占英人復屢加工程綢繆穩固英人所守之界越虎踞關而東者已數十里越鐵壁關而東者

亦六七里英人漸自覺之於是爭論始起臣與儘力磋商外部始允將鐵壁關讓與中國迨滇員尋覓虎踞天馬二關勘得虎踞關在盆千西十里距八募五十餘里距南碗河邊英人所指爲中國邊界者八十里天馬關則在西南居猛密邦欠兩山之閒英兵從關內山坡修路一條以通緬屬之南坎二關雖已久圯關門營址尙存詎印度總督異常狡悍不肯讓地外部從而附和之據稱此關深入緬境屬緬已百餘年若中國索問此等舊地則緬甸應索於中國者甚多語意極爲堅韌臣知英人不顧我境逼近八募英兵已多年扼守欲令退讓勢有所難又思百餘年前正值緬甸強橫之時中國藩屬如孟拱孟養蠻暮木邦孟良諸土司皆被吞併則虎踞等關之入緬當在斯時今又與西洋強國爲鄰臣愚以爲最要關鍵莫若畫定界限彼此截然不相踰越若爭必不可得之地久懸莫定門戶洞開安知今日彼所指爲我邊者他日不復爲彼內地愈占愈進後患奚窮臣與訂明漢龍天馬仍歸中國惟漢龍關尙須查勘如未深入緬境自可通融讓還天馬關所築之路彼稱係八募南坎往來要道礙難隔斷今議將新路歸中國而於稍北一大路許其借用以示通融仍於條約嚴立限制以防流弊虎踞關雖不可得亦稍畫地以償中國一曰龍川江中之大洲得此則自猛卯通漢龍關較形直捷一曰蠻秀土司全地得此則天馬關外更依大山以爲固似較近日滇邊所守之界有展無蹙矣至英人允讓野人山內昔馬等地印度總督輒謂中國雖得此地不過交蓋達土司管理土司力量豈能制服野人仍恐出而爲患擾累英人不如歸英控轄等語臣欲杜彼狡謀告以前經附片陳明請 皇上敕雲貴督臣侯煥約勒界後派撥得力精兵數百名填紮昔馬任撫綏彈壓之事必不僅交土司管理因責以信義不允翻悔彼族始無異言此臣相機了結之實情也

二十年出使英國大臣薛福成與英外部勞沙伯里續議滇緬界約於倫敦中英滇緬條約二十款節錄界務五款餘載條約

一 議定兩國邊界自北緯二十五度三十五分起由格林尼址東經九十八度十四分即北京西經十八度十六分之尖高山起隨山脊而行向西南過

高崙坪及瓦崙山尖由此過華昌村與高崙村之中閒以華昌村歸緬甸高崙村歸中國直至薩伯坪 自薩伯坪起其線向西而行稍向南過式脫崙坪到納門格坪由此仍向西南隨山脊而行至大薩爾河自此河源至此河與南太白江相會處分尤克村在東列棒村在西 自太薩爾河與南太白江相會處起界綫湖南太白江而行至此江與雷格拉江相會循雷格拉江上至其源在尼克蘭相近自雷格拉江發源處分尼克蘭古庚昇格拉在西昔馬及美利在東其綫自來色江之西源起至此江與美利江相會處復溯美利江上至其源在赫春辣希岡相近再向西南順列塞江而行自列塞江源至該江流入穆雷江處在克同相近分克同村在西列塞村在東界綫即循穆雷江向東南而行至與既陽江相會處然後溯既陽江上至其源在愛路坪然後由南奔江西支源起順南奔江而行至流入太平江之處以上係首段之邊界綫第一

一 第二段之邊界由庫弄河與太平江相會處起循庫弄河經過其西邊一條之支江至其根源自此向南而行與洗帕河相會適在漢董之西南以麻湯歸英國壘弄格東鐵壁關漢董歸中國至此溯洗帕河之支江而上此江有根源最近孟定格江之根源即循山脊而行向東南方至南碗河邊靠南之克沱以克沱歸中國配崙歸英國循南碗河向西南方而行下至該河轉向東南處約在北緯二十三度五十五分其綫由此向南稍向西至南莫江以南歸英國循南莫江而行至南莫江分開處約在北緯二十三度四十七分湖南邊一條之支江而行至蠻秀南邊高嶺之脊約在北緯二十三度四十五分即循此嶺脊而行此嶺脊係向東行稍向北至瑞麗江與南莫江相會處以蠻秀地方及天馬關欣隆拱拱各村歸中國此數處在以上高嶺之北首即溯瑞麗江而上至此江分流處再湖南邊一條之支江而上以江中大洲歸中國至此江與孟卯相對東邊合流相近之處如第三條所開第二

一 第三段之邊界自瑞麗江與孟卯相對東邊合流相近之處起照天然界限及本地情形東南向麻栗壩而行約到格林尼址東經九十八度零七分

北京西經十八度二十三分北緯二十三度五十二分地方有一大山嶺自此循嶺脊而行過來邦及來本隴至薩爾溫江約在北緯二十三度四十一分此段由瑞麗江至薩爾溫江之邊界應照第六條所開由勘界官畫定所有歸與中國之地極少須與孟卯至麻栗壩作一直綫為邊界所包括之地相等 自北緯二十三度四十一分起邊界綫循薩爾溫江至工隆北首之邊界即循此工隆邊界向東留出工隆全地及工隆渡歸英國科干歸中國由此循英國所屬之瑣麥與中國所屬之孟定分界處之江而行仍隨此兩地土人所熟識之界綫至界綫離此江登山處以薩爾溫江及湄江之支流水分流處為界綫約自格林尼址東經九十九度北京西經十七度三十分北緯二十三度二十分約至格林尼址東經九十九度四十分北京西經十六度五十分北緯二十三度將耿馬猛董猛角歸中國在格林尼址東經九十九度四十分北京西經十六度五十分北緯二十三度處為界綫即上一高嶺此山名公明山嶺山嶺向南而行約至格林尼址東經九十九度三十分北京西經十七度北緯二十二度三十分以嶺邊地方歸中國然後其綫由山之西斜坡而下至南卡江即順南卡江而行約過緯度十分之路以孟連歸中國孟崙歸英國然後循孟連與康東之界綫此界綫亦皆土人所熟悉至北緯二十二度稍北處即離開南卡江向東略南循山脊而行至南壘江約在北緯二十一度四十五分格林尼址東經一百度北京西經十六度三十分由此循康東及江洪之界綫此界綫大半係順南壘江而行惟除屬江洪一小帶之地係在南壘江之西北緯二十一度四十五分稍南界綫行至江場邊界後約在北緯二十一度二十七分格林尼址東經一百度十二分北京西經十六度八分即循江場與江洪之界綫而至湄江

一今議定北緯二十五度三十五分之北一段邊界俟將來查明該處情形稍詳再定界綫

第四款

一因中國不再索問永昌騰越邊界外之隙地英國於北丹尼地及科干照以上所畫邊界讓與中國之外又允將前屬中國兼屬緬甸之孟連江洪所

有緬甸上邦之權均歸中國

第五款

九條專條一條

謹案緬約有江洪不得讓於他國二十一年夏開法駐使施阿蘭以猛烏烏得兩處適當滇越之交挾調停中日甲午之役功堅請以兩地歸法總理衙門奏許之歐格納稱其外部以兩地俱屬緬之江洪今竟讓法有背緬約乃續是議

出使英法義比大臣龔照瑗致總理衙門書 前函諒邀蓋覽新約以猛烏烏得讓法致被英人藉口迨一再申說英始有轉圜之議請以野人山地酌讓若干均經先後電達在案查法人欲得車里土司全境早於光緒十九年開由其駐京公使李梅發端干請幸經堂憲力却始得相持至今此次彼乘中國有事之秋借挾日本允退遼東之功復肆要求堂憲義正詞嚴施使不復申前議祇以猛烏烏得二地為請鈞署顧全睦誼姑即允准且以地屬實洵係中國自有之權與中英前約所載之江洪土司無干英當亦無詞出阻此誠一片苦衷然而英法兩國在東方經營屬土有互相猜忌之意存各不退讓之心英見法得此新地即以爲有礙滇緬條約加以英人心計甚遠當其與薛使訂約時已慮及法人之得步進步故在條約第五款中訂明孟連江洪之全地或片土不得於未與英商妥之前讓與別國所謂別國者即暗指法國也尊處憑薛使咨送之圖為據謂車里即江洪至英經綫一百一度為止內有紅綫二道載明江洪洋字此為江洪界限之明證猛烏烏得遠在一百一度以外中間尚隔思茅各土司確與江洪無涉 已迭遵電示與英外部申辦由電奉聞惟查界圖上畫紅綫二道處乃江洪城非江洪邊界薛使寄滇緬約時只附滇甸圖二紙所繪江洪全境分界度數圖留使署存案未另繪圖進呈未免疏忽光緒十九年薛使咨送鈞署之英外部所開車里節略內稱車里即江洪共有十二部或云十三部法人稱猛虎猛尤英人稱猛狒各部似即今日所稱之猛烏猛狒部下加註云此部又分為狒紐狒太

則狹太似卽今日所稱之烏得祇以各處口音不同譯文互異遂有此混淆之弊卽西圖上地名亦往往如此惟細核經緯部位比較切譯聲音猛鳥卽猛尤猛虎猛鳥得卽狹太大致似不甚差奉電 旨飭詢英國勘員所繪清圖究竟若何晤沙外部後當卽電復沙外部請以野人山地酌讓若干云無論猛鳥烏得是否在江洪境內貴國既已以該處全權讓我國卽可聽我國自便以厚睦誼沙侯堅稱不補地無以對答議院 電告後蒙電復有委與沙外部妥商之意自應候示遵辦查野人山本係中國俗稱考之姚道文棟勘界籌邊記知其地在大金沙江之東騰越之西英屬八募之北與東北其東麓曰蠻允通蓋達千崖南向以達騰越西麓曰蠻隴亦稱蠻弄有上中下三路上路度野人山二百零五里中路一百六十五里下路一百八十里見爲商人往來滇緬之通衢大盈河卽太平洋自騰越發源迤邐向西南穿越此山而過在八募北與檳榔江合流而入大金沙江此野人山地段之大略也查滇緬約第一條議定之邊界係自北緯二十五度三十五分東經九十八度十四分起曲折而下直至大盈河相會處以達洗帕河云云以上各地應卽野人山也約中未見野人山字樣而野人山卽在滇緬約經緯度內見沙侯以中國新得八募之北地請讓若干殆卽指此據姚道勘界籌邊記云此地極有關係收爲外蔽有益邊防但英國見既以猛鳥烏得讓法失滇緬第五條條約爲辭因不欲與中國爲難允許通融辦理特以此地酌讓若干商請尙未言明指索之地段所有薛使與英訂約後存案議滇緬界時英交江洪全境之草圖英外部所交華文之草圖及見在英國勘員清圖各一分共計三紙隨函附上卽希察收再存案之英文草圖及見在勘員清圖由 弟擇其緊要地名飭屬譯註漢文合併陳明

東北至北緯二十四度十分東經九十八度五十五分向南順山脊至工廠八關科干皆包在內前月英國沙外部避暑往鄉未回英都特派巴特雷黎二侍郎約在外部商榷 總以藉端索地復至如此之多出乎情理之外反復辯論電陳在案而其時巴特雷并云中國與法國此番所訂商務新約英國亦須利益同沾答以與法在京所定商務新約未知詳細至他國應否同沾利益亦視各國通商約中有無此語爲斷蓋英之所以要求多端者無非以失緬約爲輕視該國藉口 弟意目前英不能指出失約之據法雖仍認猛地與英自辯恐不能解我國之紛若俟畫交猛地之時則我國失約有據英更爭論有詞雖讓野人山恐關內之地所失更多殊切隱憂似應早爲之計茲將英外部見畫野人山界圖奇呈覽

又書前函諒邀蓋登六月間英外部聞中法新訂界約除以江洪之猛鳥烏得讓法外并定江洪江場界綫指爲輕視英國當卽電陳旋奉漾電內開英以我許法管理江洪江場系誤傳等因遵卽告明不謂法外部以所訂新約刊印成書頒發議院英外部沙侯見該約第三條界綫畫至涓江南臘河之合流處謂該處系江場境內之地今與法國畫界直抵該處殊與漾電不符頃巴特雷將法文原約函送前來並請鈞署解明電意與約文歧異之故接奉江電內開中法界圖只有南臘河入涓江處畫紅綫一道此外卽系越南界並無江場字樣至涓江東西英法如何分界中國從未預聞希照此答復因飭馬參贊往外部以電話譯成洋文告知巴侍郎據覆稱沙侯擬請中政府再行答復須較此電更爲愜意否則一千八百九十四年卽光緒二十年滇緬條約所定界務卽當全行重改查薛使進呈圖及使署草圖江場地方系跨涓江東西兩岸其東岸之地前經英國於光緒十六年讓於暹羅暹羅於十六年以涓江東岸之暹羅各地全讓法國約中雖未詳明各地之名而江場似已包括在內故法國所繪地圖竟將涓江以東之地列歸法國惟英國前讓涓江東岸之江場與暹羅約明不准讓與他國是以一閱暹以該地讓法卽於十九年向暹取回派兵駐紮鈞署與訂約時似未知此曲折 因

就來電推行其說照會英外部逐層申解昨馬參贊晤巴侍郎探其語氣目下擬將在渭江東岸之江場暫置不提俟中法派員暨立界石時再行出阻以申論各節皆有引證似無異詞見聞英以兩事與法商辦一法暹條約第四款約明暹於渭江西南某地不得駐兵築臺今英請法撤去此款准暹仍在該地享有之權利法如允許英當准暹以渭江東岸之江場讓法二英欲請法以阿非利加洲之某地讓英法如允許則暹所讓法國渭江東岸之江場英亦可置不問此二事雖尚無據諒或有因但望二者能成其一則渭江東岸之江場可免饒舌矣

二十四年總理衙門與英駐使寶納樂訂展拓香港九龍專條

臣謹案俄租旅大英欲租威海衛以爲抵制而先鞏其香港之根據作爲新租限九十九年俄租旅大尙止二十五年也

五月又訂租借威海衛專條

臣謹案四月總理衙門奏英國體念中國爲難情形祇於原有之香港展拓界址會幾何時英即不顧中國之爲難總理衙門亦不顧其前奏之語矣

宣統二年 諭雲貴總督李經羲電奏悉滇緬北段界務久未畫清茲據探聞英兵將抵片馬意圖佔據審時度勢究未便輕啟兵端應由該督密飭地方文武妥慎防維勿任鹵莽債事一面鎮撫漢夷免生驚擾並著外務部磋商辦理以維邊局

三年 諭據李經羲電奏英佔片馬一案請飭部堅持聲明辦法並交海牙保和會公斷著外務部知道

又外務部奏光緒二十年中英滇緬界約第四款載明北緯二十五度三十五分之北一段邊界俟將來查明該處情形稍詳兩國再定界綫等語蓋滇緬界綫當時以尖高山爲起點向西南勘定其尖高山以北一段尙未勘畫光緒二十三年間緬兵越境滋事英使寶納樂謂應先以恩買卡河與潞江中間之分水嶺爲暫時從權之界當因所指之分水嶺在中國界內百有餘里若從此

橫截爲界則其西中國世襲土弁茨竹派賴等寨收歸英屬經總理衙門覆以應各守見管小江邊界該使堅執不移且謂分水嶺爲天然界限應即以爲定界相持至光緒三十一年滇督派委已革道員石鴻韶與英國所派領事烈敦會勘結果烈領主由高黎共大雪山順分水嶺而下以大啞口爲界並願仿照前租芒卯三角地成案所有大啞口以外村寨地方作爲永租該革道則按土司治理主以尖高山起由磨石河源頭直上歪頭山過之非河經張家坡登高良工山抵九角塘河順小江邊上至小江源抵板廠山爲界當經繪圖彼此蓋印聲明會勘不會畫各在案英人初混恩買卡河爲小江滇省既勘明恩買卡河即恩梅開河遂擬以近該江處之扒拉大山當彼所指之分水嶺適烈領事病故外務部要求英使派員另勘彼以已有完全報告必欲就此商定其所主界綫係循大金沙江及龍江之分水嶺脊再順至西藏邊界之處即本於烈領事所勘之綫也外務部聲復不願照允並據滇省圖說主以從尖高山起過青草嶺熊家寨過狼牙山之非河登高良工山抵九角塘沿小江西岸之浪樣大山即扒拉大山接連他夏甲大山爲分水嶺甫與提商而英使竟述其政府之言謂中國若不允所擬各節當令緬政府駐守該處治理一切無須再商迨宣統元年英領事遂藉端干預片馬各寨案件旋即進兵佔據片馬外部迭與英使交涉並電英使劉玉麟向英政府商令撤兵而英使終執前議謂不肯以分水嶺界綫作爲根據斷不受商英政府亦一味推宕不能得其要領部電滇督李經羲籌商辦法該督以見所爭執各地爲一截如磋商不成即交保和會公斷以未經議勘各地爲一截應先派員審查當由部復英使請其先將兵隊撤退彼此各派大員將兩國所主形勢詳細考查再行核定其向北未勘之地一併查明以爲將來勘界地步且聲明以公斷爲最後結果旋准該使照復英政府以分水嶺迤西除片馬崗房古浪外不認爲中國屬地派員考查一節密於往事非兩國豫定根據難望妥結分水嶺形勢宜作根據嶺西登壇土司向收禮物崗銀等項可以銀錢相抵並面稱派員前往審查與英兵必起衝突中國應任其咎如以分水嶺爲界則此段屬緬地方或有歸入中國之處以爲交

讓當復羅列各土司證據與之辯論其詞意強硬不稍相下同時准劉玉麟電稱片馬等處英政府擬向中國永租此滇緬北段界務與英人磋商之情形也查此段邊界南為土司所屬各夷寨北為滇省與野人山交錯之處從來籌邊者注重野人山地以為川滇藏之屏蔽其形勢誠所必爭惟國界例以高山大川為限滇緬若早就大金沙江分界則其東各地自可包舉乃前使臣曾紀澤爭之卒不能得迨薛福成畫定南段界綫不但去大金沙江絕遠且由尖高山起點將流入大金沙江之恩買卡河下游畫於界外所謂北緯二十五度三十分以北一段已成爲不易解決之問題矣英人取緬後經營邊境不遺餘力在野人山各夷地探察綦詳我國治理屬夷向取羈縻主義滇省官吏於所管疆索既無詳細之圖志又無切實之調查論國力固人強我弱論邊勢又人明我暗泊乎石鴻韶與英人會勘該領執高黎共山以南恩買卡河東之分水嶺該革道既不能據山形以定分水嶺之正脈復不能審水勢以證恩買卡之經流輒自九角塘河折而東行溯小江源而上雖在保全小江內片馬各寨而小江外狼獾等地遂已屏諸化外嗣經外務部改定扒拉大山一綫與英使提商而界員圖說具存在我既失之於先在彼轉持之有故且石鴻韶即以失地獲咎彼更疑我有失推誠和商之道凡斯種種遂積爲英兵進據片馬之原因見雖暫時退至他憂而於該處築壘掘濠馱運糧食軍火徧徵各夷寨戶稅添兵侵入狼獾意在經營全界不僅爭片馬一隅滇督所擬兩截辦法原欲急脈緩受然審查一節既難商允若貿然派員前往必至衝突至於交會公斷必須兩國先有公斷專約且須出於雙方允願中英未有專約由我提議彼如不允更無他術可以轉圜且彼既意在全界斷不肯一面允我公斷一面復任我審查也竊維國家疆土尺寸不可與人况此段界務南爲滇省險要北爲川藏藩籬豈容輕言退讓自片馬事起滇省紳民所以責望外務部者甚至不知外間相傳之議論即係外部一向所主持苟有一綫可望豈肯遽與放鬆惟果至情見勢拙智盡能索之時則亦不能不計及於結束見在扒拉大山一綫彼固萬不受商如就九角塘河順小江西北流入恩買卡河之匯流處爲界尙係前此外

務部與滇省商酌之綫而彼於小江邊暫守之界始終未允照行則此綫恐不易就範至如板廠山小江源一綫係石鴻韶會勘原案據以磋商措詞似順然此際彼方野心逐逐把握亦正難言除兩綫外惟有認高黎貢山爲根據而就彼永租交讓之議耳<sup>臣</sup>等再三商酌情貴明乎彼我害必權其輕重疆場險要本屬無常阻敵之謀亦非專恃地勢英人於小江內外各地直已視如固有詞氣悍決異常循此堅持無論決裂堪虞即便終歸和商恐稽延愈久枝節橫生其結果更不如今日者昔薛福成訂約之奏有言決機宜速不宜遲防患宜遠不宜遲不值以一隅而妨全局未便競小利而隨詭謀當日距會紀澤甫及八年已有難易損益相去倍蓰之語迄今距薛時又二十餘年難易損益自更倍蓰且中國積弱至此防禦百無足恃惟有藉感情爲作用或可聯羣雄而求多助得以及時自強各國於東亞之事恆視英國之左右爲重輕若以一彼一此之邊界明知不敵而重傷感情似非保持平和之至計此<sup>臣</sup>等所長慮却顧而不能不請速定辦法者也謹將曲折利害詳細密陳究應如何辦理恭候聖裁得 旨內閣議奏

又護理四川總督王文奏英兵佔據片馬雲南旅蜀各員會議應付方法呈請代奏內稱滇緬北段界務斷自尖高山起西行至恩梅開江即恩倫卡河又北行至之非河口東北上扒拉大江至山脈盡處止此外務部原案之藍綫也北行至之非河口東北上扒拉大江至山脈盡處止此外務部原案之藍綫也北行至之非河口東北上扒拉大江至山脈盡處止此外務部原案之藍綫也北行至之非河口東北上扒拉大江至山脈盡處止此外務部原案之藍綫也

已失我恩梅開江以西之地無算矣嗣又與英使擬自尖高山起忽東北經狼牙山北折經歪頭山張家坡至九角塘河西上扒拉大山至山脈盡處止此黃綫也雖起止無殊而東西易位矣且忽越高良工山至山外之九角塘河而內外殊途矣嗣又聲明見管地方以小江爲界此紅綫也而小江以西扒拉大山以東又失地無算然猶曰指焉而已擬焉而已未劫也至革道石鴻韶竟隨已故英領事烈敦實行履勘至九角塘河忽又沿江轉而東行北勘至板廠山止此綠綫也而小江以北板廠山以東之地盡失矣乃烈敦更貪得無厭自擬界綫自尖高山起東經狼牙山越山橫出搬瓦了口經茨竹了口由明光河頭上高麗貢山直至蘭州土司所轄界止此紫綫也已貫穿騰越龍陵保山雲龍各

土司轄地矣而奸民伍嘉源等又私以保山縣登壇土司所轄之片馬五寨投英於是英遂派兵佔據片馬並分兵經營各寨且北及於狼獾矣人則步步競爭我則節節退縮近又聞法人在河口一帶節節進兵並聞安南總督以保護鐵路爲名屢擬移駐省城似此日侵月削勢不至舉全滇之金碧山川一變而爲越南爲緬甸不止此德潤等之所以痛念梓鄉不能不涕泣道之也頗聞滇督建議請籌備請審察爲目前救急之計惟水將潘頂火將燃眉始從事於籌備審察亦已晚矣然爲今日計舍是亦無應付之策審察爲爭議之根據籌備又爲宣戰之根據內外一心上下一氣或足以振起全局乎其審察若何彙齊界務全案按求各土司租稅承襲確證據詳稽志乘博考輿圖委派能員履行界地凡山脈水源棧橋古蹟關隘阨塞洞堡道里測繪紀載統括無遺事以速而濟道以分而捷而蹤迹情事尤在秘密此一策也其籌備若何軍餉軍械禦武之材聯合川邊力爲協濟扼要駐軍犄角布勢簡練民團以爲援助收撫野夷以備前驅節新政之耗需購新式之利器不操切不張皇無事則伏有事則起此又一策也然最要最急之策則在力爭查外務部原案藍綫界又與英使所指分水嶺黃綫界又指小江邊紅綫界皆屬虛擬並無成約且未會勘可爭者一卽石鴻韶以英人指請朦混尾隨任聽進行勘至板廠山之綠綫當時外務部已飛函駁詰逐條指斥內外均有案證可爭者二烈敦照會請於勘界圖中聲明雖經蓋印不過明圖之真僞不能爲議之定憑石鴻韶亦經照辦可爭者三洋務局總辦與石鴻韶均因勘界失誤奉 旨革職永不敘用是原勘之員 國家已予懲處我之開議有辭彼更無可藉口可爭者四茨竹派賴燒殺一百四十命之案烈敦曾酬給撫夷四千元大啞口外十八寨曾認租一千五百元夫償命債議租銀是烈敦已明認爲中國之地何得更由大啞口外直上高麗貢山且更據我片馬可爭者五高良工山非高麗貢山東西遼絕何得巧譯影射可爭者六滇緬界務僅此北段未定實騰緬界務耳山爭野人水爭金沙何得涉及龍潞兩江與永大麗維之轄境可爭者七凡主權行動之範圍全以轄境之界綫爲範圍今英既派兵據我片馬是在人國轄境之內以

軍隊自由行動違背公法文明國斷不應有此野蠻可爭者八公法佔領土地者大抵爲戰後之約謂權利國恐義務國不履條約故佔領其地以挾制之中英無戰事勘界無條約我無義務彼無權利何得來此違法之挾制可爭者九界務會勘而未會畫會畫而未立約立約而未批准批准而未交換均失其效力各國通例何得顯背可爭者十此十爭者理由至足也言論至正也應由部臣電達駐英使臣與之堅持勿稍退讓或另簡重臣赴英力爭未必不可收回失地竊謂此次爭議不當與之爭一隅直當與之翻全案光緒十一年英人襲緬之後前使臣曾紀澤與英外部交涉英人允我三端一曰以金沙江爲公用行船之江一曰在八募立埠設關一曰願稍讓中國展拓邊界且與英外部互書節略存卷可按而稽也十八年使臣薛福成屢次照會英外部請以金沙江爲界江東之地均歸滇屬當時總理衙門亦力伸畫江爲界之議英人稍就範圍於滇西老界與野人山毗連之處允我酌量展出而以穆雷江北駐兵之昔董計地三百方英里又以穆雷江以南既陽江以東之一地約計七八十方英里均允歸我英外部會照會薛福成有案然則今日之所爭宜援照會紀澤薛福成節略照會與之爭野人山爭大金沙江矣明知時異勢殊英人糜兵糜餉占此形勝未必遽許退兵然既有成說借此一著或可力爭上游且取法乎上僅得乎中若曰雖有成說日久早已翻異則石鴻韶之所勘亦日久之成說耳據此堅持力辯則將來定界卽再三退讓亦不過如外務部原案之藍綫界而止夫既力主爭議則不能不作決裂之準備欲作準備不能不以國家之全力赴之非但如疆臣之籌備已也更有請者英人蠻橫如此難保不藉端挑撥倘或別有舉動德潤等擬卽糾合同志分道回滇招集我十四府義烈子弟忠憤父老搜求越南之役百戰餘生之宿將收撫石鴻韶輕棄之一切生力土人訪詢苦心積慮堅忍練達之積學宿儒廣募一切失業之農工商民激之勵之編之聯之部勒而團練之爭議勝則遣而散之不勝則利而用之萬一勢必出於宣戰願爲先驅不爲後盾願爲玉碎不爲瓦全德潤等苦籌再四披瀝具呈切懇據情入告一面電達外務部嚴重交涉以支巖疆而消巨患等情 查

該道員黃德潤等所呈各節根據事實力爭上游雖情詞不無過激而其殉義  
敵愾之血忱實足以強國權而作民氣固非僅爲滇省一隅計也謹據情代奏  
得 旨外務部知道



皇朝續文獻通考卷三百四十六

外交考十 界務法

光緒七年總理衙門奏法人謀佔越南北境並欲通商雲南擬籌辦法奏入  
諭李鴻章左宗棠劉坤一張樹聲劉長祐慶裕杜瑞聯商同密爲妥辦並將如  
何辦理情形隨時詳晰密陳會紀澤屢與法國外部辯詰仍著堅持前議相機  
辯論尋出使大臣曾紀澤奏遵 諭堅持前議總以不認法越前訂之約爲根  
以冀形格勢禁消弭衅端  
十年法將福祿諾至天津李鴻章與訂簡明約五條

臣謹案同治十三年法已明認越南自主光緒八年越南始上聞且乞援  
是年多法使寶海來議旋撤回改派脫里古鴻章至上海議未決法兵復  
進攻旋逼越都脫里古復至天津鴻章求不失藩屬體制法人一面來議  
一面進兵時 朝議以約久未定寇乃日深頗主用兵先是滇桂各軍出  
關分駐北甯十年春法兵復進攻諸軍皆潰退福祿諾復來天津鴻章乃  
與訂五條之約

十一年 命李鴻章錫珍鄧承修等與法使巴德訥訂越南條約十款於天津  
臣謹案此約以上年五條爲底本由總理衙門飭赫德與法外部電商密  
令鴻章等酌改隨即簽字其時正諒山大捷之後也

又 諭據總理衙門呈遞許景澄信函所陳寬留甌脫以杜後來爭衅與前次  
諒飭辦法正相脗合目前與法使會議分界事宜必應博采衆說以資辯論岑  
毓英前奏擬請開導法使令其退還北圻數省於河內海陽地方通商等語周  
德潤鄧承修等與法使晤談時不妨姑持此論以爲抵制總之分界一事有關  
大局務當詳度地勢設法辯難多爭一分即多得一分之利益切勿輕率從事  
十三年總理衙門奏自法人議定津約以來其最要者不外勘界通商兩端先  
於光緒十一年 欽派周德潤鄧承修前往雲南廣西廣東會勘邊界並 命  
李鴻章爲全權大臣與法國使臣戈可當會議越南邊界通商章程十九款上  
年畫押奏陳在案嗣聞法國議院以戈可當所議章程條款尙須商改數端是

以未即批准互換維時雲南界務周德潤會商岑毓英後出關與法使狄隆各  
按地圖校正除意見未同之大小賭呢河猛梭猛賴兩段各請示本國另議外  
計將滇粵邊界畫分五段歷次電陳上達 宸聽至於粵東粵西界務鄧承修  
與張之洞李秉衡等會同商辦法初派勘界之使爲浦理變狡執百端僅由鎮  
南關起勘至平西關止東西不過三百餘里適值春深瘴氣難再履勘姑先就  
此逐段繪圖立約浦理變旋因病回國遂暫停議上年法改派狄隆由滇赴粵  
鄧承修即赴欽州之東興地方先與狄隆議勘東界該法使不惟於中國人民  
流寓聚居向隸越南之江平黃竹等處尺寸不肯畫讓即粵兵按年巡哨向不  
隸屬越南之白龍尾一處亦斬不肯歸我彼此爭持久而未定會法國所派駐  
華使臣恭思當本係該國議院之員於商務特爲注意上年秋閒到京即露求  
改商約之請 臣等以界務方殷且商約既經畫押何能議改一面將所遞節略  
密與李鴻章往復函商李鴻章謂開通商口二處本津約所有請我緩設領事  
亦可暫紓經費至運土藥出口近年私販已多若允許之量收稅課未始非計  
惟運鹽之條斷不可行所籌不爲無見本年恭思當來署迭申前情並以商務  
苟可通融界務亦可稍讓稱已奉其本國訓辭准令在京與 臣衙門商辦查狄  
隆係法派專辦界務之員鄧承修久與相持彼此自護前說難以降心就範恭  
思當既意在轉圜不如即由 臣衙門與之面議計口舌文牘往來爭辯於今數  
月恭思當始允中國廣東邊界除見在勘界大臣畫定之外所有白龍尾及江  
平黃竹一帶地方並雲南邊界前歸另議之南丹山以北西至狗頭寨東至清  
水河一帶地方均歸中國管轄凡此各處除白龍尾外皆係將舊隸越南之地  
收歸中國此類訂界務條約之情形也津約原議開設通商二口外開議論有  
謂宜在越南境內或正在邊境如鎮南關河口汛者 臣等屢與恭思當商論既  
難就範且荒遠瘴癘控御非宜難以駐紮關道於我亦實有不便查岑毓英前  
奏布置邊防摺內有蒙自爲通商要津之語張之洞李秉衡上年籌議邊隘添  
設鎮道一摺有龍州開關通商等語就設關所在形勢而論祇可許以蒙自龍  
州兩地蠻耗爲保勝赴蒙自水道必由之路准蒙自領事官派屬下一員駐彼

將來分設稅司亦於彼此商務有裨恭思當求於南甯府再開一口經<sub>臣</sub>等力爭作罷至減稅一層俄國通商章程辦有成案滇桂邊界皆為陸路不得不酌定減稅章程以歸平允見經議定進口稅減十分之三出口稅減十分之四緣出口係我土貨隱寓寬恤華商之意也滇之土藥每百斤該省徵收稅釐銀不及十兩為數甚微見定為每百觔稅釐各二十兩必完過釐者方准法商完稅接買將來於課項不無裨益且不准法越商人徑入內地販運似亦可防流弊而益華商高平諒山往來之船隻雖免徵稅仍納船錢此續訂商務條約之情形也其先法使所開節略要求運販食鹽接辦鐵路及越南與滇粵通商進口出口稅則均請減半運中國土貨往中國各海口稅則減三分之一各節<sub>臣</sub>等堅持峻拒悉歸刪節計見今所議訂者商務續約十條界務續約四條又緩設領事互相抵制及彼在龍蒙等處之領事等官不得設立租界三端另備照會存案與約並行<sub>臣</sub>等通盤熟計因彼肯讓界務我亦允於商務稍為通融設關本津約所有減稅與俄約略同土藥出口係彼此得利之事而前後展拓新界不下千餘里皆該督該大臣等所稱險要膏腴之實地又將未經批准之商務爭持不決之界務一律清結似尚不為失算

中法續議界務專約 十三年節錄

一廣東界務見經勘定邊界之外芒街以東及東北一帶所有商論未定之處均歸中國管轄至於海中各島照所畫紅線向南接畫此綫正過茶古社東邊山頭即以該綫為界該綫以東海中各島歸中國該綫以西海中九頭山及各小島歸越南 第三款

一滇越邊界第二段從小賭咒河南岸狗頭寨照圖上甲字起由狗頭寨自西直抵東計五十餘里北邊聚義社即聚美社聚美社美肥社即義肥社歸中國南邊有朋社歸越南至圖上乙字處從乙字至丙字亦由西抵東中越邊界路經二河其二河並歸一河入大賭咒河又名黑河從丙字往東南約十五里至丁字以北之南丹地方全歸中國從丁字往東北至猛峒下村即圖上戊字處按圖上所畫從丁字至戊字界綫其南之南燈河漫美猛洞山

猛洞中村猛洞下村全歸越南其北全歸中國從猛洞下村戊字起經清水河入大河之處即圖上己字以河中為界從己字至庚字以大河中為界河西之船頭歸中國河東之偏馬寨歸越南從庚字往北至辛字經老隘坎至白石崖中越各有一半白石崖老隘坎以東歸越南以西歸中國由辛字往北順偏保卡北保中開入大河之小河東岸直往北至高馬白即圖上壬字即接第三段勘界大臣所畫定之處 第四款

一滇越邊界第五段自龍膊寨雲南越南邊界經龍膊河到清水河入龍膊河之處為止此處圖上甲字由此界自東北往西南至綿水灣入養江河之處為止即圖上乙字按見畫界則清水河綿水灣河歸中國自乙字由東直抵西遇藤條江在大樹脚以南為止此段界綫以南歸越南以北歸中國即圖上丙字自丙字處起到金子河入藤條江之處為止以河中為界即圖上丁字從丁字起經金子河計程三十餘里又由東至西抵圖上戊字處此界遇在猛蚌渡以東入黑江之小河即圖上己字從戊字至己字以河中為界從己字往西以黑江之河中為界

二十一年總署致出使法國大臣電 滇界大致勘畢惟猛烏及烏得兩土司皆甯洱縣屬車里土司之地此次法員巴威勘地自繪一圖竟將此二處畫在中國界綫之外滇員爭論不聽強令會印該員遂於圖內書明此係法員自定之圖字樣以待理論本署已照會法使言此圖不能為據從前法外部曾與慶常言明決不越中國車里土司之境今法員忽自出主意諒法廷未必盡知法使人極陰險又恐從中附和希詳告外部轉飭法使秉公核辦為要

出使大臣致總署電 慶常遵馬電告法外部猛烏烏得二處俟滇圖到再定哈謂越督查明二處屬越慶常答以確屬車里仍請相諒圖到即可分明哈急欲了此事有通融意并有以他地酬華作結之說電施使酌商云查車里即江洪緬約第五條載明若未經中英議定中國必不將孟連江洪全境或片土讓別國等語聞猛烏烏得係產茶之區如在江洪境內不得已讓法

須先英防後饒舌

中法續議界務專條二十一年節錄三條

一滇越邊界第二段自丁字處起至戊字處界綫改繪如下界綫自丁字處起向東北至漫美止又自漫美向東至清水河之南納止漫美歸越南猛峒上村猛峒山猛峒中村猛峒下村各地歸中國

二滇越邊界第五段自龍膊寨起至黑江止界綫改繪如下自龍膊寨雲南越南第五段界綫溯龍膊河至紅崖河入龍膊河之處即圖上甲字處爲止自甲字處向西北偏北順分水嶺至平河發源處又順平河木起河至木起河注打保河之處又順打保河至打保河注南拱河之處又順南拱河至南拱河注南那河之處爲止又界綫溯八寶河至八寶河與廣思河合流之處又溯廣思河即順分水嶺以至南辣比與南辣河相注之處又順南辣河至南辣河注黑江之處又從黑江中心至南馬河即南納河爲止

三滇越邊界自黑江與南馬河相注之處起至渭江止繪定如下自南馬河至黑江之處界綫順南馬河至河源處止又向西南又向西順分水嶺至南桿河南烏江兩水發源處又自南烏江發源處界綫順南烏江與南腊河並各支河中開之分水嶺其西邊之漫乃倚邦易武六大茶山等處歸中國其東邊之猛烏烏得化邦哈當賀聯盟猛地各處歸越南又界綫以南北向東南向至南峨河發源處又順分水嶺以西北偏西向繞南峩河及注南腊河南岸諸水發源之山以至南腊河注渭江在於猛彝西北之處而止其猛彝猛潤之地歸中國至八羅泉之地仍歸越南

二十五年兩廣總督譚鍾麟廣西提督蘇元春等與法將高禮睿訂廣州灣租約七款

又譚鍾麟等奏竊如才蘇元春於九月抵廣東省城與譚鍾麟德壽會商均謂碩東兩島爲五郡門戶必當力爭嗣聞廣州灣地方土法開釐如才元春星夜遣往一面知會地方官彈壓土人一面晤商法提督高禮睿勸令從容置議商勘界址當將會商大意與該提督反覆辯論迄無一線轉機如才元春固爭

不已始允將原議租界圖內退出遂溪縣屬之麻章黃略新埠吳川縣屬之黃坡石門三柏等村東西八九十里南北二三十里此時適接遂溪縣知縣李鍾珏說帖有可租海外兩島願存內地各村以安生靈等語揆情度勢不能不如此結束况劫殺案件層見疊出法人因之欲啟兵端當時事處萬難冒昧陳請奉旨熟權利害輕重可了則了碩東兩島雖勢爲我所必爭誠非口舌所能爲力可見此次界務何事不在聖明洞鑒之中等往覆電商與法提督議定條約七款彼此畫押簽字法人攻黃麻之兵即於是日撤退惟地方未了之案尙須隨後議結鍾麟德壽當即飭高雷兩府該管地方官先行出示曉諭一面馳赴廣州灣隨同如才元春會同法員上界彈壓土人扼定界址先立標記隨後再換界石傳集紳商勸諭開導俾令各安生業並告租界章程一切體例其界外人民勿存吳越之見重諭以國家息兵愛民萬不得已之至意亦各幡然感悟察其情勢尙屬相安此會同辦理之實在情形也

右法蘭西

光緒十三年總理衙門奏洋藥稅釐并徵新章香港與澳門會辦據赫德申稱已准葡國外部電信一派使來華議通商條約二葡國永駐澳門管理一切三葡國不得讓其地於他國四所見香港如何辦法澳門亦類推辦理查澳門久爲彼國盤踞今縱不准其永遠居住亦屬虛文又徒於稅務多添窒礙并無收回澳門之實際倘能議約有成則權有專歸稅務可期無關不讓其地於他國一層尤應於議約之先切實聲明杜絕覬覦旨飭兩廣督臣遵辦并札總稅務司飭金登幹先行畫押尋兩廣總督張之洞奏澳門爲香山縣管轄距省城三百餘里陸路可通實爲廣東海面門戶因練軍而始籌餉必先損權可慮一也租界猶得加以詰問若竟畀以管理一切之權此後近地人民盡歸葡屬水界附島視爲固有界限混淆潛滋暗長可慮二也此次英葡同一幫緝英人倡議德色尤深能無厚報可慮三也粵民僑寓澳門何止數萬澳歸葡轄奸民得以冒籍作奸葡國必漁利相幫官法不行可慮四也租界與屬地辦法不同改歸管轄以後不獨拐騙人口難以相查彼之事權愈專我之隔越愈甚可慮

五也將來凡涉教案必有歐洲之人所不屑爲者葡人則代爲之可慮六也澳門最近省垣此後水陸籌防均難措手肘腋之患非獨唇齒之憂可慮七也補救之策約有五條一曰細訂詳約查草冊雖經金登幹畫押而詳細條約仍須俟葡使到華會同總署核議請 旨辦理其永駐澳門一案應聲明讓與葡國永遠居住免其租銀不得視爲葡國屬地其不讓地於他國一案應聲明澳門仍中國疆土葡國不得讓與他國一曰畫清界限陸界應於立約時堅持圍牆爲界不使尺寸有餘水道准其船隻往來不得援引公法並管轄水界一曰界由外定陸界至舊有圍牆爲止應由粵省督撫臣就近派員會同葡使親往履勘詳查舊址公同立界一曰核對洋文洋報所載雖未足爲信要其有意蒙混藉圖侵佔傳說必非無因應先將草約洋文詳細校對防其狡混一曰暫緩批准凡駁議批准權在 朝廷各國通例應明與之約定約後須俟稅釐款項大增拐騙逃亡捕捉諸事均有明效可徵兩國始行批准

十月總理衙門與葡萄牙使臣羅沙訂澳門條約五十四款專約三款

又總理衙門奏查廣東香山縣屬澳門地方自前明爲葡人佔踞今已三百餘年萬歷年間設關開於蓮花莖歲輸租課設官治理自道光二十九年夷目啞嗎嘞爲澳民所殺藉端尋釁始則釘關逐役抗不交租繼則屯兵建臺編牌勒稅於是澳地關開以內悉被侵占粵省大吏遂置之不問上年因開辦洋藥稅釐併徵新章 臣衙門奏請 飭派邵友濂會同總稅務司赫德前往香港會商辦法查知洋藥自印度來華香港爲總匯之區奸商市儈倚之爲遁逃藪必須英葡兩國一律會辦始能得力乃葡爲無約之國遠與商辦頗多要求嗣經總稅務司赫德往返電商漸有端倪擬定草約四條派稅務司金登幹在彼國畫押並允其派使來華擬議詳細條約該國使臣羅沙旋於五月到京疊次來 臣衙門會晤開呈節略地圖各件查節略所開通商等款與同治元年議而未換之約大致無甚懸殊惟閱其圖內與見在葡人所居之地界址不清恐其意在朦混多佔經 臣等辯駁將原圖交還一面電商粵省督撫臣並密與李鴻章往復函商派員赴澳確查以憑辦理嗣准軍機處抄出督臣張之洞撫臣吳大澂

具奏澳界轉轄太多條約尙宜緩定界址宜早清釐各摺查原奏稱澳門水陸一帶大抵有葡人原租之界有久佔之界有新佔之界有圖佔未得之界除原租之圍牆以內仍舊聽其居住外已佔者明示限制未佔者力爲畫清並稱洋藥來華皆徑到香港分運各口從無徑運澳門之船是稽察之關鍵在香港不在澳門等語 臣查上年邵友濂等前往香港會商辦法香港英商官會云澳門如不緝私香港亦不允會辦是洋藥併征之舉非香澳合力襄助勢必不成熟此猶其後也向者曾聞葡國日漸貧困西洋諸大國如法如俄如美如德皆有財力無不垂涎澳門希冀以銀購得此地爲泊船駐兵之所若果爲他國所得其害尤甚以故從前總理衙門兩次商辦此事一議通商訂約一議給價收回奈事機不偶迄無成說迨光緒十一年兩江總督曾國荃函請葡國領事賈賈祿以該國與中國未換和約可以不守局外之例彼時法事方殷若由澳門引之入寇亦頗可慮經該督飭江海關道姚詞鞏鑒至津約既成葡之狡謀乃息今之洋藥緝私一事尤其重申前議並以澳門地方我既不能收回即乘此機會與之約定不得讓與他國方可永杜後患此爲約中第一要義惟界址一層從先久經含混刻下若欲畫清勢必彼此爭執終歸罷議更恐激之生變陰結強國爲助一旦竟有他圖辦理轉致棘手 臣等熟權利害固不敢輕徇其請亦未便拒之過峻不得不爲急脈緩受之策因與葡使羅沙迭次磋商於約內言明澳門界址俟勘明再定並聲明未經定界以前不得有增減改變之事似此辦法目前既不至齟齬即或一時不能勘定亦不至再被多佔仍將不得讓與他國一層專立一條永昭信守庶免各國覬覦該使臣初猶狡執經 臣等堅持前說始得就範允即電達本國照此定議正在籌辦間續接李鴻章函稱粵省督撫臣分別原租久佔新佔未佔四層辦法所謂久佔者不知何年新佔者亦在咸豐同治以後但使臺屋可拆毀租錢可革除豈不甚善細審事勢必難辦到委員程佐衡回津面與討論查圍牆以內爲原租關開以內皆所久佔潭仔過路環則爲新佔此皆已佔者也關開以北直達前山澳西對岸灣子銀坑各處遠及東南各島皆欲佔而未佔者也亟宜趁此議約之時與以固有之利絕

其窺伺之萌所論極爲詳盡俟將來派員勘界時隨時斟酌辦理  
宣統元年 諭雲南交涉使高而謙著派辦澳門勘界事宜前往廣東會同葡  
國所派之員詳細履勘妥議辦理並商承兩廣總督張人駿酌核隨時電由外  
務部請旨遵行

又給事中陳慶桂奏廣東澳門畫界一事迭經磋商至今相持未決臣屢接鄉  
人函電均以葡人不遵原約恐釀爭端爲言則此中爲難情形諒亦窮於應付  
臣以爲外人既不肯退讓我若急求成事則所費必多然虛與委蛇究難定議  
必須另籌辦法爲釜底抽薪之計使彼狡謀莫逞自然就我範圍蓋葡人之欲  
推廣澳界者以有利可圖也查澳門一港地非衝要每歲所入全恃妓捐賭餉  
以爲大宗均係吸內地游民之脂髓我若相戒勿往彼自無所取盈爲今之計  
莫妙於附近自開港埠以爲抵制之方近聞香山商民新得一港開作商埠取  
名香洲開埠之日經督臣張人駿親臨察看批准商人集股開設公司其地距  
澳門三十餘里內河外海輪船可以行駛且與廣前鐵路相近水陸均便交通  
經理得宜一二年間成成都聚可收澳門外溢之利歸爲我有請 飭兩廣督  
臣傳詢該公司集股果能有成則趕緊辦理將該埠貨物釐稅暫行停免以廣  
招徠商民踴躍輻輳自臻倘股本尙未充足即仿照江蘇天生港成案助以官  
力息借民款建築碼頭開設馬路所有一切新政歸商籌辦官任保護俟商務  
既盛再行設關權稅必可將本息清還其開辦之初祇歲籌數萬金以作利息  
假如集款百萬約以七釐行息在官中不過歲籌七萬金民間有七釐之息必  
爭於出貸計日可以成事是國家費有限之資他日收無窮之利似此暗中抵  
制在我自開新埠他國斷無干預之權而此盈則彼絀澳門之利頓失葡人亦  
將廢然思返不再與我爭此未開之界此時開議自易就範應請密 飭畫界  
大臣暫勿議決以緩其勢此即釜底抽薪之計而亦開關利源之善策也得  
旨著外務部袁樹勛妥籌辦理

右葡萄牙

光緒二十四年總理衙門與德使海靖訂畫租膠州灣約五款於北京

中德膠澳租界條約 節錄界務  
一膠澳之口北面所有連旱地之島其東北以一綫自陰島東北角起至勞  
山灣爲限二膠澳之口南面所有連旱地之島其西南以一綫自離齊伯山  
島西南偏南之灣西南首起往留羅山島爲限三齊伯山陰島兩處四膠澳  
之內全海面至見在潮平之地五膠澳之前防護海面所用羣島如留羅山  
炸連等嶼

臣謹案十二年使臣許景澄奏陳海軍事宜略言西國兵船測量中國海  
岸豔稱山東膠州灣爲屯軍第一善埠其地爲大小沽河膠萊南河合流  
之處其外羣山環抱口狹僅三四里實爲天然門戶應請漸次經營期於  
十年而成巨鎮至二十一年日本強我割讓全遼德與俄法連衡迫令歸  
我俄法索酬德亦生心是年德教士被戕於鉅野遂藉端襲據膠州訂租  
約適德國兵在卽墨縣境被殺德國教士在南雄被劫海靖復要求路礦  
之約

姚文棟答北洋書 按膠澳一隅俄欲治水師於此爲南出之計德亦欲  
治水師於此塞俄南下之路針鋒兩兩相對又俄德如欲爭日本必先爭  
膠船壞於此修兵傷於此養也德之海軍遠不逮俄然俄不敢與較者不  
畏於東而畏於西不畏其海軍而畏其陸軍假令俄奪膠州灣則德已入  
俄之都矣俄所以敢與英較而不與德較英亦欲抵俄而只能助日不能  
占膠皆爲此也德以孤軍遠來攘此片土原非有利於其本國第欲制俄  
使不能動安亞即以安歐耳於中國亦易管無利焉但其來橫逆不爲中  
國稍留餘地中國亦何堪忍受當初來之際中國即當電請他國評理公  
斷此交涉通例也大約公斷者必建兩議聽自擇其一令德退兵而不准  
中國再將此地借與別國其一中國允德借用此地不作已讓論如此則  
兩造皆可曲從矣應請何國公斷當時亦可與德商之德既未發兵難必  
亦有此意也今爲日已久德不免有輕量之心恐其蔓延近地惟當嚴爲  
之備不使險越尺寸除膠灣屯船爲彼注重必爭外其餘概不必通融假

借卽兵費各節亦可層層拒絕德慮俄法交乘其弊必不敢與我開兵兵  
衅一開俄法將分割其國矣要之此舉在中國正可得許多妙用陰借德  
以止俄之蠶食此爲全局起見也更陰借俄法以止德之需索此爲目前  
交涉起見也但暗用則妙明求其助卽無效矣再德英遠隔重洋本無利  
吾中華土地之心自我以東三省助俄於陸膠州灣助俄於海俄將由亞  
以及歐英德慮之於先以爲不分中華不足以抵俄此瓜分之說所由來  
也若使中國不附於俄卽無此患繫鈴解鈴一轉移閒耳蓋俄地占歐洲  
三分之一亞洲二之一各國之所側目也以目下大局而論中國與俄聯  
盟不如與德聯盟與德聯盟俄不敢動歐亞可無事而中國受其福矣與  
俄聯盟各國皆恐歐亞必多事而中國當其衝矣德之占膠卽因俄而起  
然俄來如狼德來如獵犬我既不能卻狼不如並獵犬畜之亦中策也但  
借膠則可讓膠則不可膠可借而膠旁餘地則不可借堅持此兩層以與  
之議彼或當就我範圍更能使此意出於公評者之口則俄亦無後言矣  
右德意志

皇朝續文獻通考卷三百四十七

外交考十一 界務日本

同治十三年 諭總理衙門奏日本兵船見泊廈門請派大員查勘一摺日本國使臣上年在京換約時並未議及派員赴臺灣今忽與兵到閩聲稱借地操兵據英國使臣函報日本係有事生番並據南北洋通商大臣咨覆情形相同事關中外交涉亟應先事防範以杜釁端李鶴年於此等重事件至今未見奏報殊堪詫異生番地方本係中國轄境豈容日本窺伺必須詳細查看妥籌布置以期有備無患李鶴年公事較繁不能遽離省城著派沈葆楨帶領輪船兵弁以巡閱爲名前往臺灣生番一帶察看應如何調撥兵弁之處著會商文煜李鶴年及提督羅大春等酌量調撥至生番如何開禁即設法撫綏駕馭俾爲我用藉衛地方並著沈葆楨酌度情形與文煜李鶴年悉心會商請旨辦理日本兵船到閩後作何動靜著據實具奏南北洋如探有確耗並著李鴻章李宗羲隨時查明總理衙門數辦

光緒六年 諭據總理衙門奏議結琉球一案又據右庶子陳寶琛奏琉球不宜遽結舊約不宜輕改當經倅親王等酌議照總理衙門所奏辦理業經允准旋經左庶子張之洞奏日本商務可允球案宜緩後倅親王等議以日本與俄深相要結又與福建浙江最近今若更動已成之局未必甘心且恐各國從而構煽卒至仍歸前說或併二島而棄之益爲所輕等語自爲按時度勢聯絡邦交起見惟事關中外交涉不可不慎之又慎李鴻章係原議條約之人日本情事素所稔悉著該督統籌全局將此事應否照總理衙門原奏辦理並此外有無善全之策切實指陳迅速具奏

周家楣擬總理衙門與日本使臣書 貴國與我中國二百數十年來雖未經立約從無絲毫嫌隙自同治十一年開貴國派員來議約我中國大臣頗有異議經李中堂及本衙門商酌意見相同謂兩國爲切近鄰邦正宜益修睦誼遂即力持允議奏准辦理自伊達大臣立約以來貴國之於中國如禁阻啤嚙國船販賣中國人口並將華人資遣回國一事誠

貴國之義舉而待我中國之盛情我中國雖未有以報此心未嘗一日忘也至中國與貴國往來酬酢情文周洽覺有異於尋常者同文之誼比鄰之分誠有相喻於無言者矣上年 觀禮既成貴國副島大臣與本王大 臣珍重言別並以修好條規兩國所屬邦土不相侵越申明其詞具有同 願凡於貴國未遣大臣駐華之時有交涉行文字事件由俄國大臣代辦別 後猶有書函寄答不絕於途此真兩國情好無間之時也不謂本年春猝 聞貴國兵至臺灣番社之舉當時各國大臣皆聞其本國大臣之駐貴國 者曰聞貴國言與中國商明中國允其前往也貴國兵至閩省該省官之 詢於軍前者貴國兵官亦謂與中國商明允其前往也於是貴國兵船竟 由廈門口而至臺灣生番地方矣臺灣生番中國地方也以兵來是侵我 疆土也廈門口中國地方也即使貴國兵由此過至他國地方尚須假道 而得請焉然後行况並未實告並未相允而以兵經中國地方使中國誠 允之固猶有說然中國官萬無允理貴國大臣亦萬無中國果允而不索 一公文爲憑之理也至是而叩貴國兵之所以來則曰琉球民人曾被生 番戕害也本國備前民人曾被生番搶失衣物也貴國帶兵官言之柳原 大臣言之聞其事者亦人人述之試將此二者推究其說琉球爲中國朝 貢之邦從未據其聲明兼附貴國即在貴國立約之時亦未聲明琉球爲 貴國附庸不得謂琉球之事即貴國之事也琉球人於同治十年遭此慘 毒曾經閩省大吏護送救出人民回國並派員查辦中國事有專司與貴 國交涉本衙門司之琉球之事禮部司之即謂其尙未辦結遲早之故因 乎難易中國尙未有以報琉球不得謂中國無以對貴國也况同治十年 貴國與中國尙未立約如謂琉球之事貴國必應問之則當日議約之初 即當先將此事詳議然後定約乃當日並未一言及此於立約之後而追 理未經立約時他國之事有是理乎至備前人民受虧則貴國之事矣本 衙門應問之事矣事在貴國副島大臣回國後始知則爲換約後之事矣 然必經貴國照會前來始知某年月日某人在某處受虧方可行文本省

按照查辦兩國既經立約彼此通商商民相處難保無命盜案件唯有由兩國官員秉公查辦即見兩國全交之意若謂一有案件便為弊端兩國交前萬無能全之理况此事案由祇係搶失物件若謂案情較重亦必須查究始知乃此事祇據貴國品川領事函致上海道謂中國官保護難民及番人假館授餐等情述外務省之意稱謝並未經貴國副島大臣及代查之俄國大臣將受苦情由照會辦理又未據貴國領事官申呈福建督撫辦理若欲中國無憑辦案貴國始可有憑與兵交好之國當如是乎就此兩事不應煩貴國舉動此本王大臣所不得不言者也貴國舉兵之始所謂與中國商明經中國允其自辦者諒已宣示本國昭告友邦且欲以此抵閩省官員矣經本衙門照會貴國外務省未知其實也於是會告本大臣毛董為詞而其詳俟柳原大臣言之柳原大臣固隨副島大臣來華親與其事且向本衙門言及三事者也知當日面談之大臣不免質證當日同住寓館之孫道曾經問明三事均非為用兵而言然後以中國允其自辦之說不可復管而照會之詞不復執會允之議矣於是又有臺灣生番為無主野蠻之說柳原大臣照會如此其述貴國政府之意亦如此不知果是無主則從前貴國之號稱中國應允以示本國以告友邦以抵閩省官員者何為乎况中國戶部冊籍臺灣府志該生番之隸我土地輸我歲餉者歷歷可考何謂土地在他國不能加以臆斷指是為非在本國亦非自今創言以無為有也此貴國先後兩議言之者自知曲說聞之者咸知遁辭不待本王大臣言之而亦不得不言之也至柳原大臣之在上海也經幫辦大臣潘藩司相見面議柳原大臣告以此行用意有三一捕前殺害我民者誅之二抵抗我兵為敵者殺之三番俗反覆難制須立嚴約使永誓不剽殺難民潘藩司即與相約除一二條已辦外就第三條辦理親至瓊瑤與貴國西鄉中將逐層證論並令番目出結永遠保護面議就緒詎意接柳原大臣照會用意與在上海時所稱三條大相逕庭率此以往不知更有何詞請貴大臣將此三件檢齊詳覽設身處地代

中國一想究當何所依據耶見在事已至此祇宜求解鈴之方不宜仍膠柱之見前此所剖各端不得不詳盡其義今此既尋歸宿正無妨概置不提但以至切要者言之柳原大臣屢次切詢必問中國如何定見總不肯說貴國若何定見迨本王大臣函復曰臺灣生番確是中國地方言其實也又曰唯有貴國退兵後由中國妥為查辦重鄰好也柳原大臣復我指為依樣葫蘆試請貴大臣思之中國能謂臺灣生番非中國地方乎能謂貴國不退兵抑謂貴國退兵不由中國妥為查辦乎設以恕道處此必知前言之無以易矣今大久保大臣惠然來華本王大臣將前此與柳原大臣反復相商之意傾倒出之以備裁奪並希將此論為貴國政府大臣及百執事士大夫咸覽觀焉可以知中國與貴國真心和好之處而彼此均可釋然無疑矣

二十一年李鴻章在馬關與日本訂約割臺澎湖遼南開重慶沙市蘇州杭州四口賠兵費三千萬兩

陸元鼎各國立約始末記 光緒十一年天津會議訂定專條朝鮮屯軍遂罷歸以道員袁世凱留總商務是時俄設東海濱省已久開商埠泊艦隊又規建西伯利亞鐵道將肆其東封日本陰度朝鮮新進諸臣皆主變革心附日本因為資收其政柄外固屏蔽內廣封殖計良便歐美各國亦欲平俄勢當不相撓乃日夜圖朝鮮雖如約撤兵而謀益急十二年出使英法德俄大臣劉瑞芬建議與英美俄諸國立約保護朝鮮北洋大臣李鴻章頗然其說總理衙門以為不可日本與朝鮮屢有小釁顧不欲遽發難端積勢觀變將十年二十年三月朝鮮東學黨作亂東學黨者始於咸豐同治間邪說惑民徒黨甚眾朝鮮討之為所敗乞援於 朝鴻章奏派直隸提督葉志超率兵往駐牙山並循十一年約告日本日本亦派兵往我兵先至東學黨即解散而日本兵水陸大至日使大島圭介挾眾入漢城朝鮮亂定當如約兩國同撤兵日本議兩國各派員改朝鮮內政總理衙門令出使日本大臣汪鳳藻告以朝鮮內政應任朝鮮自為拒其請



日本持益堅復遣重兵往屯據要害世凱志超屢請濟師鴻章審我軍不足恃重言戰乃告英俄德法美諸國冀為調停終無成議大島圭介責朝鮮獨立毋更服事中國六月又以五事要朝鮮一舉能員二制國用三改律法四改兵制五興學校朝鮮為設校正廳示聽命旋請日本撤兵日本又責合攻志超朝鮮乃對以服事中國久不欲違背盟朝鮮自大院君李是應與外戚閔氏迭執政皆主事中國守舊制第以爭柄不相能是應先於十一年釋歸不復預外事至是圭介驟率兵入王宮誅逐閔氏政權盡屬圭介乃起是應復攝政以為名世凱還天津鴻章知事急貨英商船渡兵中途遇敵被擊燬 朝廷決意用兵七月朔降 旨宣戰鴻章遣馬玉山軍孤寄危逼方議移屯公州日本兵遠至志超戰敗棄公州北走平壤會玉崑等諸軍亦至八月日本兵攻平壤我軍潰寶貴死之餘軍退出朝鮮界日本兵遂進攻九月渡鴨綠江陷九連城安東十月陷鳳凰城寬甸岫巖日本別軍又取金州大連灣旅順復自安東進陷析木城海城自旅順進陷熊岳蓋平兩軍合二十一年正月遂陷牛莊營口又自旅順渡海攻登州自成山陷榮城文登甯海破威海衛劉公島海軍燬焉先是二十年六月海軍分艦衛志超等東渡歸出仁川至豐島遇日本艦隊為所擊敗英商輪運兵被燬即此役也八月全隊並出戰於鴨綠江口我軍復敗及是遂盡覆於敵方旅順垂陷鴻章請於總理衙門遺津海關稅務司德璀琳赴日本將議款日本以其未奉 敕書且西員不當專使事謝不與通旋 命戶部侍郎張蔭桓湖南巡撫邵友濂為全權大臣以二十一年正月至日本以其內閣大臣伊藤博文外務卿陸奧宗光為全權大臣會蔭桓等議款又以 敕書未載便宜行事不足為全權復堅拒蔭桓等力爭終不得開議而歸日本兵北自營口南自威海分道內犯海軍復覆 朝廷命李鴻章為頭等全權大臣鴻章入都請對軍機大臣傳諭許以商讓土地二月二十三日鴻章乃至馬關日本仍以博文宗光為

全權大臣集馬關開議鴻章赴會互校 敕書先請停戰博文請駐兵大沽天津山海關乃停戰詰難甚久博文堅執鴻章乃請緩停戰先議和博文索具贖鴻章親交博文乃許議款是日鴻章還旅館為日本刺客所傷日本君臣慚懼三月三日乃允停戰不索質五日訂停戰約以二十五日為限七日博文宗光出議和約稿十款一中國認朝鮮自主二割讓奉天南部臺灣澎湖三割讓後派員分界四償軍費銀三萬萬兩三年五期交清未交之款按年加息每百抽五五割地人民逾限不遷即為日本人民六北京沙市湘潭重慶梧州蘇州杭州開通商口岸一各口水路可通日本輪船皆得駛入二日商入中國子口稅每值百抽二除此外各捐三之日商在中國購土貨聲明出口稅子口稅公私捐一律豁免四之日商船載中國土貨運通商口岸納口岸稅鈔外出口子口稅公私捐亦一律豁免五之日商在內地購土貨或將進口貨運內地不納諸費得暫存棧房中國官不得干預六之中國稅鈔規費得以日本銀圓輸納七之日商在中國任便工藝製造八之吳淞沙灘中國務速疏濬九之七撤回軍隊八暫佔奉天威海收二次賠款撤奉天賠款交完撤威海海軍費由中國支辦九互釋俘虜十本約批准交換按兵息戰約稿一三五七九十九有改鴻章具覆文爭四大端一朝鮮自主應由中國日本公認二奉天南部不能割棄三償款三萬萬非中國力所及四通商諸事國計民生交礙俱請更議博文答言中國為難非彼國所預聞請按稿逐條陳明允駁鴻章又覆就約稿量改允割安東寬甸鳳凰城岫巖及澎湖諸地償款一萬萬兩通商權利一如中西各國成約時鴻章創已愈十六日會議博文出改定約稿較交送約稿割地減寬甸償款減一萬萬以七年六期歸償商埠減北京湘潭梧州實地減奉天而議減子口稅豁免內地釐稅各款均包在內與濟吳淞沙灘諸條均刪去反覆互辨復函爭博文乃於日商內地租棧條刪去華官不得干預句又刪日本銀圓報關一條而日商在華製造貨物限以通商口岸並言兵費三年償清停息遼河口界線以河心

爲界及換約後臺灣兩月割交諸事議遂定鴻章電奏請 旨命定約旋互簽約稿展停戰期二十一日約於煙臺互換光緒二十一年三月二十三日也鴻章還天津京外諸臣多言新約不可許臺灣士民爭尤力 朝意頗爲動俄法德三國方議令日本歸奉天南部地而日本駐京公使林董促換約甚急和議遂決令道員伍廷芳聯芳赴煙臺換約四月十四日日本換約使伊東美久治至煙臺即夕互換云

九月李鴻章與日本駐使林董訂交收遼南約於北京

又李鴻章奏稿 奉 派與日使會議收還遼東事宜當將初次會議價款數目由俄德法三國議定未能減少各情具奏即函約日使林董至總理衙門會議 先將該使交來條約稿本逐細改訂屆期攜往仍將價款數目與該使磋商謂三國雖經議定銀數並未議定平色見應就平酌改該使謂改平即是減數與三國定數不符堅執不允復查原開條約共八款除四五六七八各款均照辦外其第二款云中國約不將此地讓與別國於中國自主之權有礙第六款云中國若不將價款如期交付須按日給算軍費於中國信義之名有礙此二款均應刪去其第一款內應將退還地方疆界海面詳細載明並申明將前擬訂立陸路通商章程作爲罷論第三款內應添入撤兵之先不得將臺壘廠署及屬公物件毀壞搬遷反復辯論該使請將約稿帶回細酌再訂會期旋約十八日會議該使交出另繕約稿及代擬照會稿據稱如刪第二款須將此意另備照會爲據 即正言斥駁該使雖以請示本國爲辭可置勿論先將應列各款商明定議當將約稿詳細對勘原開之第二款第五款均已刪去第一款內應增各節均已列入並將擬添入第三款內各語附載第一款中其餘詞句尙無歧異 與該使當面審定分爲六款惟條約互換往返需時慮撤兵日期因此延緩即與籌定通融辦法於定議五日內奏奉 允准互相通知即與互換無異俾應辦各事早得遵行另立專條附載條約後伏查此次議約日本自以退還已踞之地索望頗奢所擬條約皆偏執一面之詞經 疊次折辯始肯降心相從惟價款數目由俄德法三國與日本定議畫押在先無可更改此外各

款 臣悉心酌核大加增刪斟酌再四然後定稿尙不失交際之平於中國體制權利並無虧損全遼收回以後撤減防邊營隊既可稍節餉需其停止日本陸路通商尤爲隱杜後患於大局不無裨益茲將全約繕單呈 覽如蒙 俞允即知照該使會同署名蓋印訂明十日內中國將酬款在倫敦合鑄價交付其交款三個月以內日本將軍隊一律撤完所有遼東各廳州縣由盛京將軍派員屆期收回旅順口大連灣兩處由北洋大臣收回 敕調任將軍裕祿新授將軍依克唐阿北洋大臣王文韶分別派員前往辦理金州爲遼旅要衝幫辦軍務大臣宋慶見駐錦州追遼南收回該處無須重兵應否 飭令移駐金州以資鎮撫伏乞 訓示施行再條約內未寫交款月日應俟署名蓋印之日商定填寫合併聲明

臣謹案遼東之議俄實主之而挾法德爲助光緒二十一年四月初三國駐日本公使照會日本外務省略言日本佔守遼東東方永無復享太平之日不如交還中國之爲愈日本度不可抗十日允其請及煙臺換約臺灣交地日本兵尙據遼東三國復以爲言日本索酬費銀一萬萬兩除減至五千萬兩遷延至八月三國公議定爲三千萬兩日本亦許之而要以酬索畢交後三月乃撤兵 朝廷復派大學士李鴻章與日本使林董議還遼約林董於酬款外以三事相要請於約內聲明俄法德不得佔東三省中國亦不割讓又請大連灣通商大東溝大孤山均開埠鴻章不允九月三國又促日本退兵乃以四日定議二十二日換約先輸銀三千萬兩十月日本撤兵奉天南部諸城邑始歸我是議既成三國責報於我於是俄西伯利亞鐵道經吉林黑龍江達海參崴法安南鐵道險嶺南關達龍州德亦於各埠展開租界而雲南徵外地以讓界於法遂讓界於英又滇海要隘各國租借船埠俄租旅順大連灣法租廣州灣德租膠州灣英亦藉口均勢租威海衛紛紛轉讓久而未定實皆原於此役也 謹案日本以葛爾島國自甲午戰後要我兵費割我行省已如三日於莫其氣吞牛矣然猶處心積慮憤俄德法之迫其撤兵也思爲報復計於

是蒐軍實審敵情卒有日俄之役屢屢戰勝和局告成而朝鮮終不免爲琉球續豈非上國之責哉

邊務述要 略稱東三省屏蔽京畿控馭蒙部其山川之厚地產之豐天時之宜平原之廣固天府之隩區而爲宜農宜商宜戰之國也當國家多故尼布楚之約穆克登之碑稍不注意遂棄華離蓋自甯古塔省治移駐於吉林愛琿省治移駐於墨爾根復移駐於齊齊哈爾已失控制之勢咸同以還邊患在俄東清鐵路成而俄勢益張然其時奉吉之閒競爭少息者以朝鮮爲之屏蔽也自韓爲日保護而邊事一變日俄之役南北分權而邊事再變協約既定相競相師而邊事又變爰分路調查凡於彼之圖我者軍隊所駐鐵路所通事實所發見心目所經營靡不詳討冥搜相機策應兩年以來籌備之迹僅有數端圖們江岸國界攸分日人藉保護韓僑爲詞強立開島名目突駐憲兵擾我政令侵我主權於是乎有延吉邊務之設廣集圖證以折其狡辯分設憲警以綏我人民封天寶山之礦阻圖們江之橋抵制圖謀惟力是視延吉事起而奉吉之交韓民越壑者衆時復利用一進黨到處煽動咸鏡會甯日人設兵安軌韓之義兵時相竄擾於是長白設治之舉畫吉林長白山險要之區增設府治撫馭韓僑以通臨江之路又於鴨綠江沿岸地方調查韓民戶口生業選擇有司約以政教俄於黑龍江沿岸設兵置屯通商開路航路江權歸其掌握木植羊草任其取攜於是分設卡倫之議由呼倫貝爾愛琿以達興東分布卡屯以爲實邊之基蜂窠山與俄相接僅隔與凱一湖私壑所集盜匪以叢於是開辦屯墾之令於穆稜河一帶區畫疆域分別荒熟以次經營設密山府以資綏集立墾務局以闢荒蕪江省土沃民稀棄利於地將欲移民必資鉅款輪車免價既格於部議而房舍耕具籽種之屬尤苦不貲於是屯防營之設先於嫩江沿岸擇地爲屯於延吉邊防置退伍兵從事屯墾果使更番迭代逐漸擴充大利所歸可以臆計滿洲里與俄接壤鄂博盡失侵佔界里則爲之調查證據詳測輿圖日人以界務爲名欲修會甯鐵路以達吉林包括南部橫攬主權則爲之反覆利害銳

意抗阻黑龍江爲公共江流而我幾無達海之路松花江航業亦移權於外人則爲之提議行船章程撤水利會推廣郵船局以保江權關東漁業收稅競爭漠河金礦借塗異域則爲之申明領海開鑿山林於呼倫貝爾爲之定羊草各稅則而始無濫取之事於哈爾濱嚴拒自治會而始無封禁之舉於滿洲里辱我稅員則據理力爭而俄人始俯首輸服於琿春則試辦林路布置兵屯於愛琿與東則改設民官開通道路調查夾皮溝之礦而韓登舉懾我國威嚴防嚴杵河之閒而李範允不敢爲亂若夫固我國防蔚爲重鎮則必有官有民有商場有鐵路有郵船有軍隊巡警有電綫文報庶幾實力漸充機關完備然而興安嶺以內黑龍江之南嚴滿洲里入境之防定圖們江發源之界則荒蕪彌望憑藉毫無將欲易榛莽爲膏腴變陵夷於富庶豈獨奔蹄千里恆歎才難卽一事所需動輒巨萬責之東省則絀於額支籌之部臣則扼於常例獨不思俄於東海濱伯力阿穆爾省移民之費歲需若干萬日於東方鐵路之發達則兩借英債以爲抵償競爭之場力絀者撲勢固然也夫以三省邊務如此其重且要兩強逼處不惜鉅費以吸收權利相爭則任客所爲相謀則圖我愈亟而起視我之國界空虛遼闊闐其無人危殆之形近在眉睫 朝廷知三省之安危係乎全國而邊務之重要卽係乎三省之安危則必合全國之財力人力亟起而圖以籌邊之事實之艱更銳意主持中外協力而是編之所述者亦第爲考查之據推廣之端其有待廣續者難更僕數也

吉林巡撫陳昭常致外務電 略稱唐星使與小村所訂解決吉韓界務一節果能明訂條約早日了結免留後患惟外部與日人訂約竊意有數條件須先約明者開列於左 一必定明自紅丹水源或石乙水源以下凡屬圖們江北江東土地皆爲中國完全領土以後日韓兩國不得更有異言如云尙須勘界卽請其刻日派員會勘 一雖允於圖們江北開一商埠然在我國領土之內商埠須由我開僅爲彼此通商不得誤認有租界性質 一所開商埠地方須由我國指定僅可於六道溝市街附近畫中里五方里地方

作為商埠區域尙可於稽查處附近畫中里半里長之江岸作為日本商船停泊碼頭但既經指定即不得任意擴充 一可允日本在延吉通商地方設一領事官以保護日韓之商工僑民惟韓人必在江北江東無不動產者方可認為韓僑至越聖者在此安居樂業享有中國之不動產權納我租稅服我統治中國待之與本國人民一律日韓政府及其臣民不得仍視該民為韓僑倘日本派有駐延之領事官更不得藉口日官保護如有韓民在延吉廳境內雖無不動產而欲歸化中國者日韓政府不得攔止如越聖者自願賣售其不動產仍歸原籍中國亦不禁止 一原駐延吉廳境內日本文武大小官員及日本憲兵韓巡檢等廳刻期一律撤退 一所指定之商埠及商船碼頭本是中國領土中國自應維持定明保護外人之責日本不得自駐兵卒作巡警 一江北江東地方若中日兩國無特別條約日本不得修造鐵路及輕便鐵道 一圖們江北江東為中國領土江南為韓國領土例應以江心為界日韓兩國及其人民不得以己意修橋及設浮橋無論中日韓三國有欲修橋者須中日兩國以特約訂明方可 一日韓國家及其僑民不得於商埠區域外建築房屋 又紀阻止日人在圖們江造橋之交涉 略稱光緒三十四年七月日人藉工兵演習為名由清津輕便鐵道運到鐵船二十隻木船二隻木板二百餘塊在圖們江搭造浮橋當經吳祿貞派員帶同憲兵與會守備隊隊長據理爭辯始將造至江心之橋拆去並訂明嗣後不得在兩國國界江流有此違約舉動此橋拆後復有日人在圖們南岸鐘城造橋之舉先由韓民李輔詰出具甘結暫運秋糧因電致傅良佐嚴詰齋籐責令迅速拆毀旋據吉撫陳昭常轉飭傅良佐與齋籐竭力據理以口舌交涉日人遂將此橋拆毀 吳光新調查東邊情形擬定駐兵大勢 略稱日人沿江配置工兵及守備隊可以見其政略何者日俄媾和條約第七條云日俄約定後經營滿洲鐵道須以商工業之旨但於遼東半島租借地區內築設鐵路不在此例等語故日人必藉發達商工業為題修築鐵路隱為戰事之預備見已據有海

軍根據地大連兼有資源日本而戰機海陸運輸安奉又突貫無阻我若欲組織軍隊先固海軍之資源而海軍資源我祇有勢力握牛之營口以戰略論營口受渤海之鎖制芝罘祇可用於平時不可用於戰時故東省軍略必須注重戰時資源擇定根據地於新民廳之巨流河城設蓄積倉庫巨流河城牛莊城田莊台始可謂有兵備否則徒增軍隊而不預設附屬之鐵道河流遼河以發達其軍政之商業是不因於敵而已自因矣蓋軍隊必待他力之供給始足以存立苟其地商業不發達而強配兵隊是兵不能衛商民適以困商民也議者欲由鳳凰城互長白州於鴨綠江右岸駐屯步兩協及馬廠工營等竊以謂急求多加軍隊於勢無濟該處民計維艱驟臨以兵衣食必難因地取給須待接濟且山道險阻非馬廠隊用武之地設之徒耗巨款若謂保護邊防非配置兵隊不可則邊疆盡為敵兵防不勝防夫必知政略與戰略之關係以配置軍隊其軍隊始有價值東土政略未定而漫布軍隊亦不過消耗國帑耳愚謂東邊設治之後援當以通化縣此由每處至多步隊一標馬隊工隊各一隊一以保衛地方治安一以開達交通雖名為治兵於農商皆有裨益為今之計宜先以少數軍隊鎮靜匪而注意於商農工業免致東人藉保護商工業為詞有增加軍隊之舉宜選樞要之區組織軍隊及經理機關候訓練成師調赴駐防或更番替代藉資教練而均勞逸 吳光新調查鴨綠江沿岸實記 略稱鴨綠江左岸之滿浦鎮虛仁浦渭原碧潼義州皆設有監視日人如警繞山橫江架有電綫而楚山昌城安東等處並設有日人街市駐有軍隊商業發達義州上游長甸地方有高麗稅司抽收沿江漕船之稅實監視中韓船往來以為獨握江權之始基圖們江中日人已行駛小汽船鴨綠江雖未見經營而惠山鎮遷民實業於木材地利已若獨吞我國商民於鴨綠江往來槽船及木牌甚夥須俟兩後水漲方可順流速下否則灣居淺洲見在鐵路既難即時敷設宜利用水路駛行

小火輪牽挽往來之艘船木簾所採木材必十倍其多則稅關之利厚矣我苟不爲明年日人必浚通該江以究中韓權利其伐木必十倍於我不特商業失敗而國際江流喪於無形何堪此辱查平時國際公法凡江河流爲兩國境者通常供兩國之航行須兩國互相條約始行課稅今日日本隱然限制我國航運定其課率於鴨綠江右岸<sup>岸</sup>中江台設木材廠驗察所揭示章程實行檢查樹以日旗給以日票始准放下是日人於兩國合辦之事如此強橫擅立官署其目無地主之手段稍有血氣誰不痛心又沙河鎮<sup>安東</sup>江右岸亦設有檢查所木牌須先受日人檢查我國稅吏尙在酣夢漠然無動於中可勝歎哉

右日本

東三省政略紀交涉 略稱我 朝未入關以前征服朝鮮列爲藩屬疆域一仍明代之舊穆克登查邊以後西以鴨綠東以圖們爲中韓國界者二百餘年乃自光緒初元韓民越墾日衆七年曾下入籍之令從此彼之流民戀此樂土乃稱豆滿江圖們江爲兩江以石土封堆爲分界十一年彼此會勘圖們天限已無異議十三年重勘江源歧流悉明惟石乙紅土二水數十里之閒相持未決二十九年以李範允倡叛之故中韓復議會勘以定江源國界時值日俄戰役日人尼之遂至中止戰事告終日人既羨圖們江北田土之沃饒長白山森林之豐茂夾皮溝金鑛之美富且得之可以聯北韓南滿爲一氣其政治家文學家之著書立說者咸以經營延吉爲拓地殖民之政策軍事實業家之藉游歷爲名而偵察延吉情形者蓋以千計且以我國素忽邊防延吉僻處吉林南部疆域形勢圖誌不詳故始則創造閒島之名繼且繪入韓國之境其挾全國之力以爲侵佔計畫者固非一日也世昌抵任逾月聞日人有以我延吉廳治易名閒島且妄指夾皮溝爲獨立國之說因派陸軍部監督吳祿貞密往延吉確查並率員測繪界圖預籌防範三十三年六月適接外部密函略謂吉韓界務圖們江本爲天然界限光緒十二年閒吉省欲以石乙水爲界韓官欲以紅土水爲界彼此勘而未定嗣後延吉

廳和龍峪光霽峪一帶韓民越墾日多屢有滋事重案韓又覬我南岡等處之地指爲閒島意圖侵佔迨中韓議勘邊界日本又以從緩派員爲請其駐韓林使復向韓曾大臣索抄界務全案近年日人所印韓國地圖於閒島地方特加展拓且注重該處商務本年五月閒准前吉林將軍咨稱奉省日報內指夾皮溝爲祕藏獨立國有柴四郎者組織閒島之遠征隊有十數人準備三萬餘元以爲遠征旅費力任經營等語夾皮溝地方是否即在日人所指閒島之內該處金鑛近有游歷日人前往窺伺已另咨查核在案見在閒島界務日人從中干預此事迭經本部函致前吉林將軍預爲籌畫以備因應方不致臨時周章迄今時閱年餘所有吉省沿邊應辦事宜如設官安汛移民興屯各節曾否辦有頭緒石乙紅土二水之閒表廣百數十里有無外人在彼佔據其舊日戶口糧冊分界碑誌及近來查勘圖說未據達前將軍詳晰報部今又有夾皮溝日人游歷之事希即於韓吉界務特加注意會商辦法密爲布置等語當派道員王崇文分往夾皮溝調查鑛產並偵視有無日人在彼盤踞密行報告是時又值韓王被脅讓位全境紛擾關係東事甚鉅中韓界務久未勘定此閒無案可稽臨事恐無依據特電外部請飭朝鮮總領事道員馬廷亮選擇熟悉邊務人員到奉並攜帶界圖摘錄要卷俾得詳詢又以中韓界務吉省交涉多年因電致吉撫朱家寶摘錄送奉以備考證並據吳祿貞由吉省來函考據周詳徵引繁富蓋日人自日俄戰後所繪中韓地圖均以圖們江以北海蘭河以南之和龍峪光霽峪等地指爲閒島拓入朝鮮界內又藉口於韓人向稱土門河爲國界以實其說土門河爲圖們江之一支流發源於哈爾巴嶺之南南流而入圖們江距和龍峪約三百里日人以其音與原來國界之圖們江相近且因舊時亦有譯圖們爲土門者遂持爲證據而指吉韓分界爲哈爾巴嶺以南之土門河則山南所稱閒島一帶之地遂得公然畫入朝鮮界中矣日人新著滿洲地誌又指韓登舉所居之夾皮溝地方爲亞東之獨立國世界之祕密藏以圖混入閒島之內夾皮溝與吉林省城相距僅二百餘里與圖們江北之和龍峪等處相

距約八百里則夾皮溝與開島實風馬牛不相及日人既以和龍峪等地擅畫入朝鮮界內又欲混夾皮溝與開島爲一區域希圖夾皮溝地方因此可混入朝鮮界內然圖們江爲吉韓天然界限決非日人所能妄爲竄易左證具在班班可考昔金元二代於長白山以南圖們江以北東迄於海之地置海蘭路蓋以海蘭河得名海蘭河亦名駭浪河在今延吉廳地明代置通摯衛卽今之和龍峪等處又置布爾哈通衛卽今之布爾哈通河流域則圖們江以北之地元明以來久歸中國版圖 國朝發祥長白未入關以前圖們鴨綠二流域之部落相距最近向化最先惟地處東陲韓民生計窘迫越江盜種者多光緒七年北洋幫辦大臣吳大澂吉林將軍銘安命知府李金鏞開辦招摯事宜是時韓民多越江租種後經銘安等奏請將摯民查明戶籍分歸琿春敦化縣管轄旋經朝鮮國王摯請刷還本國咨由禮部呈請轉奏交由銘安確查妥議後經銘安奏請展限一年由該國王轉飭地方官悉數將該摯民收回奉 旨允准是爲韓王確認圖們江北爲中國領土之證後以圖們江南岸韓民多仰給北岸若盡行驅逐恐傷慈惠十一年北洋大臣李鴻章奏請設立吉韓通商局兼理開摯事宜於朝鮮會甯府對岸設和龍峪通商局於朝鮮鐘城對岸設光霽峪分卡於朝鮮穩城對岸設西步江分卡並立通商章程十六條是爲圖們江北岸設立局卡之始十五年吉林將軍長順奏請設立圖們江水師營三板船以防越摯漏稅之弊是爲圖們設立水師之始二十九年越摯韓民倡亂統領胡殿甲同知陳作彥擊獲在案後與朝鮮交界官訂立草約十條此證之歷史及 國朝界務交涉而圖們江爲天然之國界者一也考女真語及國語圖們二字爲衆水聚匯之意雖有統門徒門土門豆門諸譯音皆係此意康熙年間長白山分水嶺立一石碑曰審視西爲鴨綠東爲土門此土門卽圖們譯音之變非圖們江北支流之土門河也若圖們江北之土門河因其發源處有土門故名此爲圖們江一支流何克當衆水聚匯之義此證之女真語及國語而圖們江爲天然之國界者又一也至和龍峪地方俗稱爲大磊子光霽峪地方俗稱爲鐘城

崴子並無開島之稱至謂和龍峪爲東開島光霽峪爲西開島不惟載記所無吉省士夫亦多不知實爲日人捏造此證之士民輿論而圖們江爲天然之國界者又一也卽徵諸日人載記日俄未開戰以前日本參謀本部所著之滿洲地誌皆云朝鮮東以圖們江與吉林界西以鴨綠江與奉天界所繪地圖界綫亦仍圖們鴨綠之舊一二年來遂指圖們江北爲開島拓入朝鮮境內則其前數年所著之地誌所繪之地圖謂圖們江爲吉韓之疆界者果係何說耶此證之日人前數年之載記而圖們江爲天然之國界者又一也總之圖們江與海蘭河之開土地肥沃韓民越摯既久樂土忘歸長白左右金鑛森林日人垂涎雖甚攫取無從因韓民越摯者多欲爲進寸思尺之謀妄稱圖們江北爲開島妄指土門河爲圖們江且並欲以長白山北相距八百里之夾皮溝地面混爲開島區域此爭論所由來也至夾皮溝地方之韓登舉亦非日人所指之情狀該員曾受 朝廷武職屢爲 國家效力每年納租稅錢二千餘串於吉林府且奉吉省長官之命令甚謹是何得妄呼爲草王而並稱爲獨立國乎惟以長白山一帶馬賊猖獗前吉林將軍命其辦理團練守望相助頗有自治團體而日人指爲化外區域妄思染指不亦重可笑乎因將吳祿貞所繪地圖抄送外部該地圖係按吉林舊圖及十年內日俄所出地圖並證之中國舊書與外人記載士大夫游歷其地者之談論參考而成七月接外部電謂阿部代使照稱開島爲中國領土抑爲韓國領土久未解決該處韓民十萬餘受馬賊及無賴凌虐見在并無此等情事日人詭造開島謬說淆惑聞聽外部交涉必先明圖們江北向無開島名稱始可藉資論據復電致外部應引諸證請其嚴行拒絕以保主權旋接外部電覆謂開島係日人強立名目其地既爲延吉廳所屬在圖們江北確爲中國領土斷無任日人派員保護之理業經據以駁復是月吳祿貞抵延吉日人齋藤季治卽於是日率兵越境嗣吳祿貞函稱日本軍隊見駐紮於會甯鐘城兩府沿江一帶約有步兵二三千人之多揚言不日過江以致邊民恐懼遷避不遑日本統監府派出所長齋藤季治卽憲兵少佐境野竹之渡江

者約四十人均帶武器朝鮮巡警二十餘人外快鎗四十餘枝牛車約五十輛所載皆軍需品十二日晚駐和龍峪已越界六十里距延吉廳僅七十里其蠻強無禮不顧邦交有如此者蓋一二年以來日人窺伺延吉廳一帶多有韓民居住遂將哈爾巴嶺以南圖們江以北之地東西近千里南北三百餘里拓入朝鮮界內繼又捏造謠言著書立說妄指與圖們江相距千里之夾皮溝地方爲開島今年四月有日人探險隊五人不知會地方官不受中國官吏保護深入馬賊巢穴以致斃命故生事端圖挑邊釁五月日本測量部派測繪隊陸續測繪吉林南部地圖絡繹不絕今竟公然派兵渡江此不惟延吉廳一隅得失之關繫已也祿貞游歷吉林南部攷求地勢知延吉廳壤接俄韓關係至爲重要有萬不可許日人越江駐兵之故查延吉廳爲琿春吉林甯古塔各處交通之孔道係吉林南部保障若日人駐兵則咽喉梗塞而由吉林至哈爾巴嶺之開山嶺叢錯無可爲進戰退守之地即琿春據圖們江之口固稱要塞然此處既失琿春孤立萬難久存而吉林東南之門戶去矣此萬不可許者一延吉廳區域西界白頭山西北界敦化周圍一帶森林之富鑛產之饒爲地球各國所罕見日人若佔有延吉則西據白頭北出敦化且藉口於夾皮溝一帶指爲無主之物必將森林鑛產之權盡入日人之掌握此萬不可許者二就東三省今日大局而論黑龍江多受俄人干涉奉天多受日人干涉而日人在奉之侵權謀利尤無微不至鐵路森林鑛產等半落於日人之手惟吉林界於兩國競爭之間大有鵲蚌相持之勢日人在奉雖有特別權力吉林尚未入其勢力範圍若佔有延吉則東由圖們以達鴨綠江利源皆非我有且據有長白以取高屋建瓴之勢而奉吉二省之大局危矣此萬不可許者三日俄戰後兩國之對於東三省俱享同等之權利甲國若有非分之舉動乙國必有意外之要求日人前在琿春測圖樹有國旗俄人卽向中國責問大有進兵之勢經日人撤去旗幟始罷若許日人越江駐兵俄人於烏蘇里江以東之軍隊必將向琿春甯古塔三姓各處分駐以爲均勢之舉此萬不可許者四請速致電政府詢問齊藤越境是否

由中國政府允許且駐兵派巡警兩事須以全力拒絕一速電致日本駐京公使詳述齊藤無理取鬧必命速行撤回一請多派測繪生來延將圖們江一帶地圖測明宣告日本政府以免日人之干涉一延吉地處極邊時有馬賊出沒宜厚兵力以保治安免致藉口保護引虎入室且籌備邊防須有相當兵力日人見沿圖們約有混戎一協我亦應設法籌備以防意外卽或驟移重兵恐起交涉可藉勦匪爲名駐額木索銅佛寺一帶以資鎮壓一由吉林至琿春及延吉之電綫宜修理此開原有電綫自二十六年爲匪折斷沿途廢杆尙多若派員修理不日可以告竣否則若出重要事件非十日以上不能達也一籌邊以兵備爲先琿春設副都統用意極美乃法久弊生致成虛設擬請恢復成法改副都統爲武備人才深知兵事熟悉外交之員爲副都統仿日本師管之制以延吉琿春兩處之地爲師管區域凡地方與軍事相關者均歸處理至有事時一切均歸管轄照陸軍部奏定章程副都統卽爲一鎮之統制此處軍隊將來至少非一鎮不可副都統卽任籌防訓練徵調等事直隸於東三省之下其駐紮處所仍以琿春爲鎮本部延吉駐一協爲協本部以成犄角之勢又稱此次日人未奉中國政府之明文未經我帥之許可公然入境有可慮者三事務請據理力爭速電外務部請日政府撤回齊藤至日本能否派員於延吉地方應俟兩國政府勘界以後訂立條約始可遵照辦理此吳祿貞來函所陳日人越境及暫時抵制之大概情形也遂電達外部請嚴詰日使令速將齊藤及兵隊撤回韓民由我自行保護至吉韓界務可由兩國派員會勘旋接外部覆電略謂前已照會日使撤回日兵昨阿部代使來照日政府訓開康熙十一年白頭山分水嶺界碑自土門江以南至豆滿江之間卽韓國所稱之開島前年中國向韓政府提議勘界今未解決是以豆滿江爲中韓國土韓尙未認中國在爭論之時自設延吉廳近在六七年韓亦未認并以該廳對於韓民行爲曾經抗議更自設開島管理官配置兵丁以保護韓民嗣該地爲俄所佔俄兵退後秩序大紊韓民來請保護決派齊藤中佐前往乃省撫謂地方平靜與事實相反日人在

該處被馬賊虜殺且近十人齋藤攜帶少數憲兵專爲保衛巡察地方官勿生誤會等語於是知日人狡謀應亟籌地方之治安以免藉口遂電吳祿貞相機辦理妥爲布置並電吉撫朱家寶派道員余濬酌帶兵隊前往爲暫時抵制之計復令督幫辦竭力經營內政爲自立地步而於交涉之複雜每生一事爭持動至十數次每出一案辯駁動至千萬言日人見我之圖謀布置於是乃有維持見狀之約解決界務之議尋阿部代使與外部開議彼亦知延吉爲我領土證據羅列難強置喙乃於派員會勘之說故從延緩而始則要我通商口岸凡六處分設領事繼則認我領土而要我以天寶山礦產及由會甯至吉林敷設鐵路之權終乃以保護爲詞欲盡攘我裁判權夫延吉非通商口岸何能分設領事且所指六處地點皆爲我派辦處之區域是名爲領事實則安置官吏干預政權爰直揭其狡謀更爲之多設限制以相難若天寶山地點與延吉相隔甚遠會甯鐵路尤非界務問題所應有且會甯至吉林鐵路一通則隱括吉林之南部而專爲軍事之便利亦經據理力駁以絕覬覦至爭所有裁判權彼若爲韓僑而設詎知行政司法相需而成斷未有裁判權授諸他人而可爲完全之領土者屢與外部力爭函電交馳外部亦據此以與阿部代使相難談判多次不得要領我以爲仍應從界務入手若彼此各執一詞可付海牙和平會公議而日使又稱不願磋商累月卒至停議然維持見狀則仍應彼此遵守是在後之籌邊者相機抵禦終始堅持毋使兩年之綱繆失敗於俄頃而爲三省邊患之起點也

又紀吉韓界務 略稱日人自起界務交涉所致外部照會皆推拾韓人陳言謂穆克登查邊碑文所稱之士門非圖們江爲爭界之論據屢經外部駁覆日人藉詞強辯光緒三十四年十月日外部小村會向唐大使有解決界務之說十二月日使忽又照會外部妄以穆碑所指之士門爲松花江並不欲承認光緒十三年中韓會勘成案而以光緒二十八年許大臣公文及二十九年陳作彥等與韓邊吏會訂善後章程爲據外部以顧問官吳祿貞周維楨於界務情形較悉因令議覆日使來照經外部採擇其議照會日使引證確鑿日人無可置辯遂不得不承認延吉爲我國完全領土

又限制二道江娘庫等處韓民越墾之交涉 略稱奉吉二省南部多因韓民越墾釀成意外交涉吉省敦化縣所屬之二道江娘庫等處在長白山北麓踞松花江上游爲由朝鮮茂山甲山等處至夾皮溝之要道日人前雖混指夾皮溝爲開島而此地實爲延吉與夾皮溝交通之樞紐因與該處添設派辦處一所分撥防兵在彼駐紮以斷日韓人交通之路並密札敦化縣嚴飭華民以後不許雇用韓人已雇用者設法遣散出境有產業者則沿光緒十六年成案令其雜髮入籍三十四年日使忽照會外部謂伊藤電稱近有韓民到頭道溝日憲兵分遣所訴稱中國派兵往九道城娘庫等處勒令韓民一律雜髮易服如違驅逐並取具甘結伊等不願雜髮逃來訴明等情此舉與條約公理均有不合速電匡正等語旋據陳昭常等電云前月接到二道江事務員報告謂其地有韓民二百八十餘戶同時到派辦處情願自具甘結雜髮歸服已一律照辦此舉於邊務不無利益而爲彼所深忌其實該處並非越墾地界即使實行驅遣日人亦不能過問况入籍者乃出自願決無勒逼情事當以限制二道江等處韓民越墾爲我國內地主權日使不得藉詞干涉轉達外部請其拒絕旋齊藤又至邊務公署交涉經陳昭常力拒而罷

又紀驅逐一進會首金海龍之交涉 略稱齊藤越境以後一進會爲煽惑韓民之爪牙會首韓民金海龍齋藤尤利用之派充書記課員令其捏造華人凌虐韓民謠言張貼告示地方深受其擾九月會將金海龍不法行爲電達外部請日使轉飭齊藤勿得縱其擾害地方並電致邊務督幫辦囑將金海龍設法除去旋據陳昭常等來電云此事昭常等曾反覆籌商惟齊藤既倚金海龍爲爪牙又自認爲其書記課員若非得有真實證據徒憑訪聞究辦轉令有所藉口萬一不勝反損邊務權勢而於他事亦生阻力且金海龍自知騎虎之勢亦早預籌自衛其布誘惑韓民之廣告也則多假他人之名其爲誣蔑我兵民之報告也則皆令齊藤擔責並一進會彼亦不肯自認雖



韓之良民皆畏如蛇蝎而未有敢顯摘其非欲求其真實不法證據甚不易得見今各派辦處於金海龍舉動稍稍得有證據其最可惡者於本月初四五六等日公然在霽霞霽晴月朗各社傳集本地鄉民指稱總鄉約玄德勝詐取民財倡言我兵民恃勢騷擾逼令各處韓民捏詞誣告有不附和者則辱罵之其在月朗社時有二韓民因傳未到即夜至其家加以掌責已由該處派辦處傳到被打韓民錄有供詞擬俟憑證確實密拏到案廣出招告以彰其種種不法之罪昨已知照齊籛令其不必干預但能逐其出境亦可爲地方除害嗣金海龍經邊務督幫辦拿辦因逃至會甯一進會逆焰稍滅地方始獲靜甯

宣統二年外務部訂定韓國華商租界章程

右韓國

皇朝續文獻通考卷三百四十八

外交考十二 界務 各國租界

道光十四年 諭有人奏廣東澳門夷商有自築礮臺訓練番哨情事請嚴飭該省大吏設法拆毀驅逐一摺據稱廣東省澳門地方距省城三百餘里向有夷商攜眷寄住已歷二百餘年各國夷人恭順奉法惟英吉利夷情狡悍該夷等於澳門自築礮臺六座曰東望洋礮臺置礮七位曰西望洋礮臺置礮五位曰娘娘角礮臺置礮二十六位曰南環礮臺置礮三位曰鳴斯蘭礮臺置礮七位其最大者曰三巴礮臺置礮二十八位各貯火藥於左側此外尙聞置礮百餘位約計置礮共二百餘位有大礮六十餘位餘礮差小其最大者重三千斤長二丈礮口能容蛇行而入者三人又有番哨三百餘人皆以黑鬼奴爲之終年訓練無閒寒暑詭形異服彌滿山海加以奸民貪利被其噉誘導之凌轢居民蔑視官法該夷中如嗎啡成等通曉內地語言文字粵省虛實情形及官民動靜無不確知本年該夷目嘍嘍啤擅令兵船闖入海口澳夷終年練兵該省地方官漫無查察該澳夷安居內地築臺列礮日練夷兵如謂自備洋盜有內地沿海文武衙門代爲巡防即謂該夷兵寄居內地萬無能爲但內地邊疆豈容外夷設險屯兵置之不問該省歷任文武大員從未以此情奏聞請嚴飭該省大吏務將澳門地方該夷自築礮臺礮位拆卸銷毀驅逐番哨盡行回國等語夷人遠涉重洋在內地通商貿易自爲牟利而來但大羊之性反覆無常全在地方官辦理妥善申明法制曉諭飭遵懾其玩心奪其所恃威信既布各夷目俛首帖耳惟命是從不徒折服其心並可柔馴其性倘漫無查察致啟玩侮之心任令內地設險屯兵置之不問該地方文武大員狃於目前因循怠玩不思潛除芽孽消患未萌設縱恣不法勢不能容必至振我國威大加懲創彼時即治以辦理不善之罪亡羊補牢於事何濟該督等務將澳夷自築礮臺訓練番哨情形確切查明是否屬實如果通省皆知地方大員豈能毫無聞見若知而不言於意何居天良安在撫馭外夷之道柔之以所貪尤必制之以所畏該督等迅將該澳夷實在情形設法辦理據實具奏如稍有含混諱飾尙不認真

查辦將來激生事端釀成後患惟該督等是問

十五年廣州將軍哈豐阿等奏遵 旨查澳門礮臺番哨係西洋夷人設立起自前明並非英吉利建設等語 諭曰所奏甚屬明晰京師傳言原難憑信第有人陳奏豈能不降旨查詢且檢查舊存圖籍造辦處見存乾隆初年洋畫澳門圖一幅朕詳加披閱其門戶牆垣宛然在目並有高臺數處俱設有礮具其三巴門等名目俱係清書標識與卿等所奏大同小異自可毋庸查辦仍循其舊惟諸夷貨船暨澳門居住夷人均當隨時留心照例妥辦天朝體制斷不可失外夷弊端斷不可啟爲此特諭卿等知之

臣謹案澳門一被葡萄牙租占居然成一西洋逆旅彼族多疑深入內地所至築臺列礮隨時戒嚴哈豐阿謂前明已然益不能無憾於林富之作俑恭讀 上諭乾隆初年洋畫澳門圖三巴門等名目俱係清書標識恐礮臺未必起自前明臥榻之側已有他人鼾睡而廣州將軍近在咫尺無偵諜無警備彼何其狡我何其疏也

二十六年與英國領事訂上海租界章程

二十七年 諭耆英等奏據陳近日辦理夷務情形一摺據稱夷情反覆無常海上傳聞不一雖據探得該夷國中饑饉瘟疫死亡過半又據聞該國主以噫咻擊斃爲非嚴行申戒要皆未足憑信該夷以通商爲本夷情向背視乎貿易之通塞稅課之衰旺本年五月以來徵收稅銀較前月不止加倍夷情自不至決裂惟所求租地建房等事粵民義憤所激輒事阻撓見經該督等率委員地方官及紳士等悉心籌畫數月之久該夷僅得以重價承租新葺欄數丈之地此外尙未定局該夷或以衆意之難回漸消靦或因素事之不就別啟紛爭等語該督等惟當持以公平曉以情理仍督飭地方官密爲籌畫層層布置並密飭水陸各營共備不虞仍一面選派員弁密探夷情相機辦理隨時具奏二十九年兩廣總督徐廣縉等奏西洋兵頭亞馬勒在關外被人殺死該國領事將關開汛兵擄去三名求爲緝兇旋緝獲兇犯沈志亮據供亞馬勒行爲兇暴在三巴門外開闢馬道平毀附近墳墓該犯祖墓亦被平毀心懷忿恨起

意殺死除害臣當即恭請王命將沈志亮正法梟示札知該領事遂將汛兵三人交出數月以來一切安靜如常得旨所辦萬分允當可嘉之至朕幸得賢能柱石之臣也

三十年劉韻珂徐繼畬奏英人租賃福建省城之神光寺侯官縣知縣違將租約用印士民迭次呈控並公給英人書信勸阻見經設法籌辦奉諭通商定約原期兩安若辦理稍有偏倚必致激成事端惟當恪守成約不惟城內房屋未便聽其居住即城外租賃地方亦須查照成約妥為安置倘成約之外稍為遷就民心不服即有後患該督等務使民心共順方為久遠之計地方官查有辦理不善之處即遵前旨嚴行參辦勿稍迴護至所稱欲求採購臺灣雞籠山煤炭一節該督等以不應違約正詞拒絕自是正辦仍當密飭文武加意防備切勿稍存大意致有疏虞

又徐廣縉葉名琛奏咬回香港後連日在港與商人私議福建港口虧折甚多思換臺灣作為港口奏入諭徐廣縉等據約駁斥劉韻珂等加意防範咸豐元年徐繼畬奏洋人已於十一月內先後搬至道山觀居住將神光寺房屋交還並將用印之租約繳還塗銷係責成前任侯官縣知縣與廉辦理上命裕泰查明徐繼畬有無迴護徇庇等情據實具奏尋奏徐繼畬責成該革員經理實因與洋人先有搬移之約不使該革員置身事外尚無迴護徇庇別情四年崇綸等奏英美二國呈出祈請各條惟民夷相爭上海欠稅廣東茶稅三條許以代奏令回南聽候查辦見已起碇出口諭葉名琛怡良吉爾杭阿酌查辦理

五年諭王懿德等奏夷商販茶請准租屋居住一摺福建省因茶販不通暫開海禁各國夷商多來貿販該督撫為廣收茶稅俯順輿情起見准該夷領事承租南臺天安寺雙江臺後空曠地基並准夷商等承租大橋以南觀音井下衛等處屋地六所為儲貨棲身之地均係民夷兩願並立租約蓋用印信係照從前和約辦理該夷等向化遠來自應處以館舍用示懷柔惟民夷雜居必須嚴加約束且南臺一帶偏近省垣既已租與屋地著該督撫諭令該夷領事官

金執爾等稽查彈壓務令與本地居人相安無事免生嫌隙方為妥善其續到夷商需租房屋並著飭令該地方一律辦理

十年諭色克通額等奏俄國使臣至庫倫議及建房牧畜應按新約辦理一摺據稱由京回國俄羅斯使臣伊格那提業幅至庫倫會晤問及建蓋房開牧放牲畜處所經該大臣以公署西北左近不便與之雜處且與哲布尊丹巴呼圖克圖住館相偏亦屬非宜當經捐出公署東五六里許之杜木達鄂博地方可建立房開公署東十五里許之烏里雅台河口可以牧放牲畜該使臣已派官看定伊格那提業幅即行回國惟據聲稱將來俄國隨從人等均攜帶眷屬收存貨物必須多建房屋經色克通額商及建房三十餘間庶足敷用該使臣稱係領事官承辦等語俄國在庫倫設領事官自行建房續增條約內業經載明惟人數過多於地方不甚相宜著恭親王奕訢等行文俄羅斯國總理通商大臣務令遵照條約辦理方為妥善

十一年與法國領事訂天津紫竹林租界章程山東煙臺租地准給各國同治五年總理衙門咨三口據英法兩國照會煙臺租地之案見經會同商定毋庸專歸法民承租並將前立界石起除礮臺左近不得租賃外其餘均准各國公共租用至礮臺左近應留地址若干本衙門礙難懸揣應由貴大臣轉飭東海關監督斟酌安定除應留地界嚴諭該民人等不准租與各國外其餘地畝准令各國分租惟不得租給一國之人致令各國再有他說又南洋大臣李咨總署美商退還鎮江七濠口租地查鎮江辦通商時因江南賊氛甚熾關署未建該關坐船係在七八花州一帶江南停泊管與英領事雅妥嗎林稅司商准凡洋商船隻同泊彼處起卸貨物又洋行向未開設請以旗昌行白身洋船一隻作為躉船亦泊關船左右裝儲輪船來往貨物均係一時權宜之計聲明俟關署建造再行擇地定章庶昭妥協七八花州即俗呼七濠口實在鎮江對岸為揚州江都縣所屬同治二年有英商在彼欲開洋行經營辦江北軍務江甯將軍都咨准貴衙門核覆以七濠口地方雖准洋商停泊起載並未准其開設行棧今洋商欲在該處設棧實非章

程所有斷難准行當飭鎮江關道轉飭鎮江府與赫德稅司雅領事三面會議由領事出示禁止並令揚州府派員巡查在案同治四年以後江南全省肅清軍務大定鎮關衙門與工領事稅司俱來鎮居住各洋商自應各就租地趕緊蓋屋貿易上年據關道許道身稟請曉示凡通商買賣勒限四個月一律歸於鎮江碼頭限令遷移本年稟稱與英領事康稅司等妥商議催英國商棧由七濠口移鎮惟美商旗昌瓊記寶記三家尚在七濠口未遷雖云除牌閉歇因美領事遠在上海尚未復准華商大棧陸續遷移其零星舖戶搬移不及一再懇請展限並聞該舖戶有移就六濠口地方者該處與兩淮瓜州鹽棧偏近爲運商泊船要地豈容奸商把持致礙鹽務是以加委兩淮丁運司會同該關道親督查催務令剋期搬移淨盡如有刁玩行戶藉詞抗違稟請查封究辦見據稟報六七濠口華商各行棧業已搬移過鎮所遺房屋或令拆除或准量力移造租與居民棲止又據鎮江府轉據雜貨號棧各商具呈該船係船輪船之貨今洋行業經遷鎮而船仍泊北岸較遠不獨駁運艱難萬一風波涉險關係非輕批飭提泊南岸以歸一律各商棧既遷之後因念鎮江中外雜處資本雲集必須設法保護陸路則飭將弁配齊鎗械設卡嚴查江面則飭水師添撥戰船分駐巡守並將江口金山脚下河道挑挖深通以備移泊船隻不致風波受險商民均甚樂從至此項船隻從前係因船泊北岸之七八花州並無行棧而設目下華洋買賣皆在江南各已起蓋房屋堆儲貨物所有船隻即可裁除如仍須應用自應同至南岸若獨在江北非但駁貨不便轉有風波之虞且從前議立鎮江碼頭條約租界皆在南岸其北岸七濠口爲揚州府屬係內地不通商口岸因賊氛逼近姑准洋船於七濠口停泊起載並無准令洋商開設行棧明文今關署已建軍務已平本大臣職司通商兼任地方必應督飭關道示諭該處洋商由北岸移回南岸以符條約而清界限英商行棧已遵諭遷回獨美商旗昌等行盤踞除飭該關道會商稅務司迅將船隻一項斟酌妥協如可裁除即行撤去倘須應用務遵前批催泊南岸並令關道與稅司康發達等妥議泊船起貨

章程嚴催各行棧速搬至南岸租地界內如再犯違應照約將行棧封閉貨物入官抄粘原案咨復謹請查核照復飭遵施行其通商口岸南北之界長江腹地險要之區准鹽商船輻輳之所絲毫不可侵越此次飭令七濠口華洋行棧遷鎮頗費經營當飭催緊時曾有刁猾華商託詞難遷來轅瀆請原恐其牽混句引批駁未准昨據丁運司報到華商遷移淨盡已無根蒂何以洋人不肯盡遵洋船於大海風浪尚不畏避何慮內江水深急流華商尙能在南岸停泊何至洋船轉遭危險前立約時何以並不議及此事經地方官與該領事等商辦數月值此建關之始華洋各商大半遷移豈容美商另生覬覦如或稍從緩辦在走私漏稅無從稽察其弊尙小更恐於鹽務地方形勢必有妨礙也合併咨明

又總理衙門咨南洋 查大江北岸揚州府屬七濠口地方前尙有美商觀望自應嚴飭遷移南岸後據鎮江稅務司康發達議請勸諭衆商捐建碼頭並造棧房以便輪船上下貨物可以無須船隻及將鎮江關署西首留而未用各地可給美商作爲地界見又據關道稟據該稅務司將美商私租北岸七濠口未經報官蓋印契地請爲查辦並由稅務司面懇酌追半價完結核計地價共銀五千四百二十五兩飭於租主名下追還一半價銀交由該稅務司轉送美總領事給商收領以後美商概歸南岸鎮江作爲碼頭美領事如有翻悔失信惟康稅司是問除再飭關道等認真妥辦外合併咨明查七濠口地方係揚州府所屬本非通商口岸從前因鎮江尙未設關外國商船暫准停泊該美商竟私租北岸華民地畝一經飭令遷移遂藉口以七濠口租地已多不願遷泊南岸前飭稅務司等將南岸捐建碼頭租造該國署棧並留地給美商作爲租地今將美商私租北岸契地呈出並追還租地半價交美領事給商收領辦理甚爲允協所有鎮江口岸建造碼頭事畢應撤船及未盡事宜除由貴大臣迅飭關道及稅務司等妥辦外相應咨復

七年定上海洋涇浜設官會審章程

一遴委同知一員專住洋涇浜管理各國租地界內錢債關嚴竊盜詞訟各

等案件立一公館置備枷杖以下刑具並設飯歇凡有華民控告華民及洋商控告華民無論錢債與交易各事均准其提訊定斷並照中國常例審訊並准其將華民刑訊管押及發落枷杖以下罪名

一凡遇案件牽涉洋人必應到案者須領事官會同委員審問或派洋官會審若案情只係中國人並無洋人在內即聽中國委員自行訊斷各國領事毋庸干預

一凡為外國服役及洋人廷請之華民如經涉訟先由該委員將該人所犯案情移知領事官立將應訊之人交案不得底匿至訊案時或由該領事官或由其所派之員准其來堂聽訟如案中並不牽涉洋人者不得干預凡不作商人之領事官及其服役並雇用之人如未得該領事官允准不便挈獲一華人犯案重大或至死罪或至軍流徒罪以上中國例由地方正印官詳請臬司審轉由督撫酌定奏咨應仍由上海縣審斷詳辦倘有命案亦歸上海縣相驗委員不得擅專

一華洋互控案件審斷必須兩得其平按約辦理不得各懷意見如係有領事管束之洋人仍須按約辦理倘係無領事管束之洋人則由委員自行審斷仍邀一外國官員陪審一面詳報上海道查核倘兩造有不服委員所斷者准赴上海道及領事官處控告復審

一中國人犯逃避外國租界者即由該委員選差巡提不用縣票亦不必再用洋局巡捕

一有領事之洋人犯罪案約由領事懲辦其無領事之洋人犯罪即由委員酌擬罪名詳報上海道核定並與一有約之領事公商酌辦至華民犯罪即由該委員核明重輕照例辦理

一委員應用通事繙譯書差人等由該委員自行招募並雇洋人一二名看管一切其無領事管束之洋人犯罪即由該委員派令所雇之洋人隨時傳提管押所需經費按月赴道具領倘書差人等有訛詐索擾情弊從嚴究辦一委員審斷案件及訪鞫人犯須設立一印簿將為何鞫人如何定斷緣由

逐日記明以便上司查考倘辦理不善或聲名平常由道隨時參撤另行委員接辦

一委員審斷案件倘有原告捏詞誣控本人者無論華洋一經訊明即由該委員將誣告之家照章嚴行罰辦其罰辦章程即先由該委員會同領事官酌定一面送道核准總期華洋一律不得稍有偏袒以昭公允以上章程十條奉南洋大臣馬劄准總理衙門咨行

光緒三年山東撫院李咨北洋丹商謀租煙臺義地退價銷契 據署理東海關監督張蔭桓稟查丹國人士樓對謀租義地一案蒙直督部堂批令堅持力爭總以辦到退價銷契妥速具報並蒙准節總理衙門咨接到代辦丹國交涉事件布公使函稱據丹國駐煙臺領事詳報釐行夥時樂得曾買中國劉姓人地由本衙門函復行令妥速辦結常即照會該國領事訂期會商辦理據高資格照會內稱士樓對租地一事蒙駐京兼理本國俄羅斯欽差批此案地畝果係劉姓之地自應照約永租倘係義地即應退還以敦和睦當將確係義地並非劉姓之地實在憑據詳細照復並將劉仙舟影射上首紅契與該領事初猶辯說告以士樓對當時謀租朦混請印之詭計中國義地萬不能讓租平毀反覆辯駁該領事無可置辯乃謂此地曾經哈喇轉租一半與英商和記洋行遂約同英國領事官哲美森來關面議堅持前說力爭不懈該兩國領事均俯首無辭情願退地惟云此地退還後作何辦理答以上年會議租界時本擬圈牆保護見在即行築牆以免行人作踐該領事謂此地與各洋商房屋相密邇有闖出入走路求於牆外各留一路等語當答以就地築牆原為保護義塚起見牆外有餘自可留作走路隨派員會同該領事等履勘豎立義塚界石共計築牆一百九十餘丈五月開工六月竣工並據該領事函請給還租價將租契送繳前來除將租契發銷並將劉仙舟等照例嚴辦外所有辦結情形擬合稟報查核除批示外相應咨呈二十四年江海關道詳覆推廣上海英美租界 奉札准駐滬英總領事暨照會查推廣上海英美租界一事見在租界尚係道光二十三年江甯和約

附列之通商章程所定載有彼此核定各通商口岸地方房屋以便西人居住等語後於道光二十五年前上海道與英領事商訂英商租界以洋涇浜爲南界李家廠爲北界嗣中美兩國官員照道光二十四年美國和約第七款又訂明虹口地方爲美國租界歷年來上海商務日益繁盛前五十餘年英國所定之租界殊不敷用因此西國商行遠設租界以外西商所租地畝亦多有出租界者以致無權辦理防損取益之事再租界四週增住居民日多地方汚穢不治與西商大有傷礙並有匪人託足闖入租界滋事因此推廣租界地方俾章程得以一律管理事尤緊要貴大臣必深悉中西各商咸受租界章程之益地方興旺試將租界內外地方情形比較立見優絀今請推廣租界並不欲爭持華官之權凡干涉華民章程必先由地方官允而後行並仍由會辦勒令遵照此貴大臣所得知也見在推廣租界並非一國之利益各西國國民人皆有公舉工部局董事之權其章程由各國領事應允方可施行至推廣租界之界限應由地方官商妥應請查照札飭上海道與英美兩國總領事會同商辦又准駐滬美國代總領事衛照同前由查此案迭准駐滬法德總領事照會均經前後將礙難情形照復在案上海通商數十載各國租界久經釐定界外華民住址本已窄狹若可變通辦理本大臣無不樂從吳淞見已開闢商埠由工程師畫定界址作爲各國公共居住之所淞埠與滬界相連往來甚便似不必定在上海擴界致多窒礙茲准前因除分別照復外札道體察情形詳復核奪伏查英人擴充租界黃前道任內即有此議蓄意已久緣工部局以近年租界用費日繁各捐收不敷放如將租界毗連之地畫入界內照章可以增捐濟費無非欲取華人之脂膏以遂彼族之慾壑而該處置有產地及開設行棧之不肖華人習焉不察以爲一歸租界地價驟漲利市三倍洋貨又可免釐隨德惠洋人轉請領事向職道再四商辦祇以未便擅專節經駁阻今美領事串同一氣又以此事照會憲轅藉口西商界外租地居住無權管理婉轉陳請一若務期曲償所願者今憲臺以吳淞開埠英美商人儘可前往安居樂業不必定請擴界於代籌中寓

婉拒之意仰見體卹遠人固已情理兼至惟法領事自甬案構衅以來藉端要求奉憲電覆准在西門外畫租百餘畝以允其擴界之意見今羅道會商尙無就緒夫擴界之議英人發端於先法人相繼於後今法人既允其於租界外另給一地而英美諄諄情商轉未允其所請以彼例此不免較短絮長即援約均踞尤恐易啟爭競與其多方羈勒卒未能就我範圍何如相機通融尙不致有乖睦誼竊查英租界外北泥城橋跑馬場迤西一帶西人住屋較多該處馬路係咸同年開西兵助勦賊匪時與築早經工部局派有西捕往來巡哨似可畫入租界作爲英美兩國商人公共居住可否懇憲臺照復英美兩領事許其酌量擴界飭令關道俟法總領事西門外租地辦結後再行會商從長計議之處管見所及理合具文詳復仰祈察核裁酌示遵又江海關道詳南洋大臣 奉札准總理衙門咨吳淞添開商埠作爲滬關分卡擬自吳淞礮臺起迤南至牛角橋止作爲各國商民公共居住之處自築路設捕需費若干妥密估計迅將應辦事宜妥爲籌議遵經督同寶山縣沈令佐委員朱令璜赴淞勘估籌議章程先後稟呈批飭繪圖貼說分晰註明聲敘妥詳呈候咨總理衙門酌核定奪自應遵辦節經轉催營造司從速繪定祇以暑雨不時天氣炎熱難以剋期竣工且內有與稅司暨鐵路公司商辦要件尙未准復致未能彙核詳辦見奉奏明擇定開辦日期咨請總署照會各國公使轉諭洋商則開埠一切辦法爲各國官商所注視未便因圖繪未就稍涉稽延謹將前稟估工各章參以目前情形詳加考核增改連同擔律法官原擬四條錄冊呈核查淞埠最要辦法約有五端一吳淞自我開埠須專自管之權必須有切實可靠洋員會同籌商悉照西法辦理俾杜彼族藉口阻撓之漸二淞埠通商後華洋雜處交涉繁滋該處舊有礮臺藥庫必須設法遷移以免意外危險並杜兵勇往來滋事之患三通商場界址定以自礮臺起迤南至牛角橋止南北計十四五里之遙倍於上海租界不特工程需費較鉅且照料亦恐難周必須將外灘直入腹裏進深之界量爲收束定以兩里爲止以示限制而省工費四日本屢請在淞埠自開專界英美

各國亦思效尤必須照會各國作為公共居住之地力杜日本狡謀以保我自主之權五開埠經費撥律法官請撥一百二十萬兩係連洋商所租沿灘地畝應築駁岸碼頭概歸我造估計本不為多見因籌款為難祇請撥銀六十萬實已竭力減省萬難再減致涉簡陋以上數端均係目前切實最要之著見在迭奉憲行第一第四兩節已蒙總理衙門咨飭會同稅司籌辦並拒絕日使立界如果得法各國可無異言其第二節亦奉奏准檄飭製造局將礮臺拆卸併歸通商場亦可毋庸過慮惟定界請款二節一以預防耗費一以勉濟要工務請切實咨商總理衙門如將來各國以獲益未優商請開拓擬懇極力堅持俟數年後商務日旺再行議展以期工歸實際款不虛糜一面將經費迅賜撥俾得早濟工用再詳細圖說容催繪就補送合併聲明

二十七年北京各國使館界址四至專章

一東界至距崇文門十丈為止其城門旁西首登城馬道不在界內

二西界至兵部街為止街西宗人府吏部戶部禮部四衙門均還中國並可在衙門後建築牆垣但不宜過高衙門旁民房本多燬壞其見在尚存者一律拆為空地無論中國外國人不得建造房屋各使館服役之中國人原有房屋在界內者另行撥給地段令其蓋房居住

三南界至大城根為止其靠使館界之城上許各使館派人巡查但不得建造房屋

四北界至東長安街北八十邁當為止使館界牆在東長安街南約十五丈自界牆外至東長安街北界綫以內之房屋均拆為空地惟皇城不得拆動其空地內以後彼此均不得造屋東長安街一帶仍聽車馬任便行走作為公共道路由中國設立查街巡捕建造巡捕房為該巡捕等辦公之地

臣謹案此為增改擴充界址專章尚有章程十三條四至詳細專條四款不備載

二十八年天津義國租界章程合同

第一款 大清國緣義國商務在中國北方宜直隸省內較易興旺起見今

將天津北河左岸上地方一段永讓與義國作為租界該界內義國全行管理與別國所得租界辦法無異

第二款 界綫開列於左由圖內鐵路甲字起順俄國租界之綫以至北河邊上乙字由此順河向北至界邊石椿圖上丙字又迤東順圖上所畫紅綫至鐵路丁字由此順鐵道仍歸圖上甲字原處所畫丁甲之綫因鐵路公司稱有鐵路以北地產見為暫定將來義國使館與鐵路公司特行會商可

按特定之約將此界綫畫定為准義國官員所有周圍四至業經特立界綫石椿以定準綫而免混雜誤會

第三款 界內一切官地中國國家均行讓給義國專為永業無庸出價等四款 鹽坨之地係中國鹽課官商之業今義國既已專經佔用自應會同鹽商在北河岸上另覓地方一段便於鹽務所有購買此地價值及修成合用鹽坨之費全歸義國出價

第五款 界內所有中國業主持有契紙均可照常存業惟義國執掌其權無論何時可聽將產業公平購買所有房地之價自行與業主商議其地段本係民居周密之處其地價房價應照日本租界價值減一成議給界內義國不用之地仍准民間執業任便買賣但不得賣與他國洋人管業倘欲或租或典或押與他國洋人於未經義國租界工部局允准之前不得租出典押

第六款 租界如有無主之業或不知業主之業由義國先行出示俾業主得知將契紙持來閱看如出示十二個月後仍無人投報義國工部局可將該業充公

第七款 界內見在所有被燬房屋不准修葺如業主持有房契投報應聽義國政府照第五款所載購置

第八款 界內准中國人置地居住惟須遵照義國特行擬訂章程

第九款 界內所有墳墓如本主自行遷葬每棺由義國給費銀四兩毋庸另給地價若係義地應如何遷讓由地方官及義國委員會同商議購地遷

葬其費用歸義國籌備

第十款 他國辦理租界如得中國 國家格外利益義國應一體均霑

第十一款 自合同畫押後由北洋大臣出示曉諭

第十二款 租界地址應按照他國租界章程每畝交納錢糧制錢一吊交地方官收解

第十三款 此後倘中國 國家電報公司及德律風公司在租界內設立木桿為該項工程需用義國工部局絕不攔阻

第十四款 此合同中國繕寫五分各分隨帶義文及租界之圖畫押蓋印一存外務部一存直隸總督公署一存義國駐京大臣公署一存天津海關道衙門一存義國駐天津領事官署

又廈門鼓浪嶼公共地界章程十二條 條二條

一公地界限 公地內章程各應遵守地方係鼓浪嶼一島圍環潮落之處算出十丈酌擬一無形之綫周圍為界此島係在廈門西南向之西約周圍有地合英國一方里有半華四方里有半

一地租 鼓浪嶼雖作公地仍係中國 大皇帝土地所有地丁錢糧及海灘地租照舊由地方官徵收轉交公局貼充經費嗣後如有新填海灘應完地租仍歸中國地方官收納不充公局以定限制

二十九年天津奧國租界章程合同

第一款 租界四至南至義國新界西至北河北至北河又按圖上紅綫甲字接連乙字東至由乙字隨紅綫至鐵路鐵路公司之產業不能作為畫定應由奧國領事與鐵路公司會商辦理俟商妥後方定準綫而免混雜誤會

臣謹案奧國租界在天津北河左岸由北洋大臣袁世凱派津海關道唐紹儀等與奧國公使齊幹派駐津副領事貝璠爾議定畫押共十三款僅錄四至餘與義國章程相同不錄

又天津日本租界推廣章程六款 款三款

第一款 中國政府允許日本再行推廣租界東界自朝鮮公館起沿河上

至開口新道止計長約一百十四丈南界自朝鮮公館起順新道向西計長

一百零五丈止北界自開口起順新道水溝地邊至天津舊城東南角水溝再自東南角水溝向西十八丈止共計長約一百三十丈西界自北界西盡頭起順新道外十八丈相沿至南界西盡頭再向西南至海光寺後順東西路道外十八丈西至南門新修大道東路邊為止計長約七百丈其界內地畝共計約四百畝此約定後中國官即會同日本領事建立界石

第二款 界內中國人民應守租界規則准在界內居住所有房屋地基仍准作為自有之產惟遇有修築道路以及居民各項公用須將房屋拆毀並收買地土之時日本領事會同中國官按照時價議訂公平價值收買業主不得有異議

第三款 日政府前已言除見在推廣租界下餘之地北界自推廣租界西界起沿城基新道水溝河西至舊南門西約二十四丈止西界自北界西盡頭起向南至海光門止南界自海光門順土牆至原定租界界綫止之地併在德國租界以下原訂小劉莊碼頭租界附近之推廣地東南界沿河至海大道止西界以海大道為界北界至德國租界界綫之地按照後開條款退還中國政府

第一條 日本租界將來如必須推廣時日政府會商中政府將所有兩項退還地內可以再行推廣中政府決不租與他國

第二條 退還地內之中國人民將自有之房屋地基任便買賣惟無論何國人買賣須於契上載明遇日本再有推廣租界於收買時照章辦理不得藉口異議

第三條 此兩項退還地內遇有開築運路安設水管等一切公用事業若係中政府自集華款籌辦隨時由地方官知會日領事查照可以自便如有別國洋人願辦此事非由日政府允諾後中政府不得允准

第四條 自南門外至海光門見有日本軍隊修築之路將來日軍不用後中政府仍須維持修理以益公用



第五條 日本租界開築要道工竣後中政府亦須迅速開通新路以便聯絡

三十年廬山草地坡等處議租地條款由廣饒九南道與九江英領事訂立合約 查江西九江府德化縣屬廬山基地前經英教士李德立承租長衝山地一塊於光緒二十二年轉租與牯嶺公司分別出租蓋屋避暑其餘毗連原租長衝地方之草地坡下衝猴子嶺大林寺衝四處見由牯嶺公司推廣永遠承租議定次序年限區數價值列款於後

一先租草地坡下衝兩區查草地坡在長衝舊租界之東北牯牛嶺之下該地共畫七十九號南界山坡直長一千四百十英尺東界高山斜闊一千六百英尺北界自高山而下向西偏南直長二百五十英尺又向西偏北直長四百九十英尺又自東南斜向西北橫闊四百英尺又自東向西直長一千英尺西界向南橫闊四百英尺即與長衝舊界毗連向東四百英尺向南一千四百八十英尺均與舊界毗連又向南二百英尺與山坡禁地種樹界毗連共訂界石二十一塊其下衝在長衝舊租界之西南該地共畫五十三號北界一千英尺上起山腰下至溪邊路口均與長衝舊租界毗連東界一千六百英尺北起山腰南至分水嶺山腰止南界一千三百五十英尺自東分水嶺山腰起至西溪邊止西界一千七百英尺均至溪邊爲界共訂界石十三塊又西南隅溪邊磨屋界一塊

一猴子嶺大 此兩區議限至光緒三十五年清租至租時再行丈量號數一以上四處按可造屋之地丈量每號長二百五十英尺寬一百二十五英尺租界道路號內自除如有大石深溝陡山不能用之地雖在界內亦應照除不丈公司議定見先租草地坡下衝兩區按號交價其餘兩區按照議定次序承租其未經交價之猴子嶺大林寺衝如逾光緒三十五年之外任憑中國地方官或另租他人或自立租界招租兩無異言每號租價英光二百元每號歲租英光三元議明歲租於立約之日先付五十號隨同草地坡下衝兩區全數租價一併交清餘俟公司租出若干號即付若干號歲租

一猴子嶺大林寺衝兩區租價議定承租時由公司按照該處若干號數照數付交由官發給印照爲憑如未交清租價未執印照公司不得將該地轉租造屋其交價承租仍不得逾光緒二十五年之限

一山地歲租公司按出號數於華曆十二月初一日將一年應付之數送交領事官轉送九江道查收以備公用公司不得多租少報如有隱瞞查出請領事議罰

一女兒城泉源由地方官禁止踏蹋以免礙人汲飲該地民人不得修造房屋耕種田畝地方官亦不得將女兒城大小校場租與中外國人

一長衝大林寺衝等處爲山泉發源之所山下田畝賴此灌溉公司不得截留水道致礙農田

一女兒城大小校場即高衝均爲廬山名勝一概畫出界外作爲永遠官山不得在該處鑿石西人亦不得在該處承租栽樹搭蓋涼亭

一草地坡租界南面從女兒城城門口直下舊租界第三十三號止該處係通星子山路所有緊靠山路之峭立山坡與草地坡租界上下斜寬三四百英尺不等該山有小樹數十株即留作護水以固山麓永禁人民樵採西人亦不得於租界外侵佔尺寸

一西人造屋砌牆如欲於承租界外採石須先報明租地局如局未設立即報地方官查勘或官地或民地再行察看能否採取議價購買並須聲明除攻石之外其地與西人無涉

一界外附近各處皆屬官山民人前往樵採耕種公司不得藉口阻攔又九江府城至廬山租界橋路均屬中國官地道旁田地亦屬民業除橋已由官集款興修工竣外自蓮花洞至租界道路業經公司修築而蓮花洞以下至九江府城未經修築道路以後或公司或中國修築仍爲永遠官地均不得加寬佔及民基亦不得禁阻行人抽取路捐以昭公允

一女兒城及草地坡均係通行星子縣姑塘山路又下衝西南係通行黃龍寺又大林寺衝西南路口通行德化沙河以上各處無論中外均不得禁止

行人

一查大林寺衝有廟基三處均應圈在租界外以留名區勝迹又西南尾口所有古墓亦應圈出界外任便該墓後人登山祭掃西人不得損毀阻攔一界外附近山地日後中國官紳租地造屋均由租地局或地方官經管公

司不得過問  
一此次勘定界限之後即從此截止公司不得再議擴充亦不得稍有佔越三十二年日本推廣漢口租界專條

一新租界係從舊租界界綫起向北沿江得一百五十丈其東西界則依舊租界界綫而延長之

一新租界內從前清國商人所開之燮昌公司火柴工廠雖得仍舊營業然當遵日本租界規則繳納賦稅與日本臣民相等至將來之處置當准用見在處置美孚行油棧之法此乃保護清國人之營業若一旦脫離中國人之手中國官吏不得有干涉保護之權利

一此事由湖廣總督命漢口關道桑寶與日本駐漢領事水野幸吉會同查定建立界碑

又北洋大臣咨外務部天津日本正續租界圖冊文

據原辦天津租界候補道錢鏞稟稱日本租界於光緒二十四年訂立合同十四條續立款目九條未及開辦遭拳匪之亂聯軍到津日本武官將租界接連之地連北佔至南門城壕西至南門外大道之西十八丈南至海光寺邊門即將海光寺舊基佔為陸軍駐紮之地欲乘天津未還藉兵力以多佔地畝所佔沿河之地正在馬家口繁盛之區舊訂合同沿河頭等地每畝租價銀七百兩是時外人意氣方盛職道自念不能抗者勢有可慮者理會晤日領事伊集院彥吉說以續佔之地太多市面過寬氣勢散漫於商務未為有益該領事即允開辦租界准照原訂合同給發地價續佔之地亦允讓還十之六七但不能租於他國議定展拓之地作為推廣租界內除馬路用地外准民照常執業均於續立合同載明正租界內原有居民二百餘戶陸

續領價遷讓共地一千餘畝先租用近河一半之地計四百九十二畝零發租價銀八萬三千餘兩後路之地用時再行查丈給價推廣界內祇租用馬路三條內靠北順水溝馬路為居民用水車路必經商定中日共出地價修費作為公共馬路綜計租用馬路地二十九畝四分發租價銀九千九百九十八兩零所發地價一律完竣等情除批示外應將清冊圖說咨呈查照又咨送俄國租界圖冊文 據錢鏞稟稱奉委赴津會同俄領事珀佩至河東地方查勘其所定界址早經立有石柱上自賀家胡同起下至田家莊比國所佔租界止東至鐵路西至海河界內包有京津鐵路車站貨廠開平礦務局棧棧武備學堂地基又有英俄爭執鐵路旁地一段計佔地五六千畝當與珀領事辯論貴國商務無多何必佔此大地珀謂已將地圖寄回本國外部不能再改遂與商議租地價值及折屋經費該領事謂地係戰爭所得不能給價職道以居民遭亂家業蕩然祇此棲身之地而又攫取恐文明國必不出此該領事始允付值議定車站貨廠不入租界礦務局歸公司自辦武備學堂地基及英俄爭執之地提出另議各洋人已買之地仍歸執業其餘之地分作五等頭等租價每畝一百八十兩坑地減銀四十五兩二等每畝租價八十兩坑地減銀二十兩三等每畝租價四十兩坑地減銀十五兩三等地先租用四等五等地俟用時再定價值房屋分別估價拆讓墳墓議給遷費會同出示限三個月內各花戶到局指丈地畝領取租價逾期將地充公總計頭二三等共租用地七百六十七畝零計發地價銀五萬八千一百二十六兩有奇又界內拆磚房一百十二間半每間八十兩合銀九千兩灰房一百六間每間五十兩合銀五千三百兩草房三百九十五間每間二十七兩合銀一萬六千六百五十五兩又搬家費每戶十兩計三百三戶合銀三千三十兩共發房價搬費銀二萬八千兩上年冬一律發給又界內有鹽坨地上下兩段原奏不入租界之內後因俄公使屢懇讓給租用當向長蘆商人商辦該商因鹽無堆地為難適海河裁灣取直上段掛甲寺工竣新開河兩岸有空地堪作鹽坨之用途定議將坨地一并出租統計坨地席地坑地

離地一百九十六畝零共地價四萬三千六百二兩有奇又拆屋十七間價銀七百九十兩共銀四萬四千三百九十二兩八錢五分當即移交長蘆運司收訖見俄租界事料理清楚理合繪具圖冊稟請察核咨送外務部存案再英俄爭執之地亦經津海關稅務司德瑾琳調處了結合併聲明除批示外咨呈貴部查照

三十四年收回雞公山地另議租屋避暑章程 案雞公山鄂豫兩省毗連交界之地照圖繪紅綫內共計九百二十三畝有零前由教會向華民購買復經教會畫分他人避暑茲由兩省將此基地暨山上道路一律收回訂爲兩省官地所有該地無論紅契白契一律作廢其從前原買主不再過問即由兩省勘收訂界管業另議租屋避暑章程由駐漢各國領事照允并轉達駐京欽差照辦鄂豫兩省亦呈請外務部核准由兩省地方官照會駐漢領事總領事分移各領事實行再除九百二十三畝有零外尚有地三百四十七畝一併繪入圖內因其實爲教會公產並未轉賣茲訂爲查照印契仍歸教會執業此項公產不得轉賣洋商建屋避暑又覆勘時查有內地會印契公產亦在雞公山之內合成前數共計教會並未轉賣之地四百九十八畝零合併聲明

宣統元年兩江總督張人駿奏上海市前因外人展築馬路稍事通融已萌覬覦乃華界居民向英廠私接水管頻年以來莫爲覺察爲今之計惟有先將接管一事改爲官辦將已接用英廠水管各戶一律設法收回徐圖設廠自辦請准借撥商部存款五萬兩俾得及早興工以保主權而利民食

謹案各國之治租界無不從分設巡捕填塞淤澱修築馬路入手不一二年易邱墟而華屋地價一時翔起何其速也夫使華人果疾視彼族相率裹足於租界洋商雖善貿易亦何商之可通哉欲之以未見之奇賊員奸商與夫土著之桀黠者烏趨蟻集咸以上海爲樂土而購致租界非租界之民地以爲奇貨遂乃句結洋商嗾其領事乘隙要求一拓爲租界所購致者利市什倍矣彼領事何不可之有其上海之守土者大半占利市

之先著樂爲虎俛自濟其私故展拓租界者洋商而非洋商華商而非華商也有操縱之者於洋商何誅焉於華商亦何誅焉觀上海之租界可以概各省之有租界矣

皇朝續文獻通考卷二百四十九

外交考十三 傳教

臣謹案信教自由東西通例我以各國傳教載在約章咸同以後教案迭出地方官吏既無佈置於事前復勉挽救於事後馴至魚爛河決不可收拾懲犯不已繼以償款償款不已繼以割地 朝廷懲前毖後不啻三令五申而卒不能消此既患者非以愚民過多一閱而起無意識以破其障害乎然而教養無方民散已久有司爲淵駸魚固非徒百姓之咎也查雍正五年恰克圖界約第五款俄使請造廟宇見在駐京喇嘛一人復議補遺三人於此廟居住禮佛念經不得禁阻此爲中國教禍之濫觴俄國本奉天主教第五款不明言教事其時中國尙禁傳教故不曰禮拜堂而曰建廟不曰教士而曰喇嘛不曰禮拜而曰念經至咸豐八年津約第八款則與英法諸國同明目張膽而曰天主教原爲行善矣國勢之不同如是道光二十二年江甯約款耶穌天主教原係爲善之道待人如己自後有傳教者來至中國各省須一體保護地方官不得刻待禁阻

臣謹案此爲傳教載入約章之始然曰來至中國則爲洋人可知是但言傳教之洋人不得禁阻未嘗言習教之華人亦須加意保護不得禁阻也至咸豐八年津約而此層勘破并習教者而亦要求保護矣  
二十五年 諭前據耆英等奏學習天主教爲善之人請免治罪其設立供奉處所會同禮拜供十字架圖像誦經講說毋庸查禁均依議行矣天主教既係勸人爲善與別項邪教迥不相同業已准免查禁此次所請應一體准行所有康熙年間各省舊建之天主堂除改爲廟宇民居者毋庸查辦外其原舊房屋各勘明確實准其給還該處奉教之人至各省地方官接奉諭旨後如將實在習學天主教而並不爲匪者濫行查拏卽予以應得處分其有藉教爲惡及招集遠方之人勾結煽誘或別教匪徒假託天主教之名藉端滋事一切作奸犯科應得罪名俱照定例辦理仍照見定章程外國人概不准赴內地傳教以示區別

臣謹案羅馬舊教曰天主教堂設十字架傳教者稱神父路得新教曰耶穌教不設十字架傳教者稱牧師天主教法爲多耶穌教英美爲多各國亦不少天主耶穌雖微異而借傳教以與我齟齬則無異蓋其源一天主教也

夏燮紀得夏之漸曰亞西亞洲之西曰如德亞國西方天主降生之地也天主何人耶穌也耶穌何以名華言救世主也其生以西漢哀帝元壽二年庚申凡在世三十三年宣揚教化五印度之人悉宗之及其教西行入大秦則歐羅巴州之人悉奉之於是大西洋各國皆以天主誕生之年起數不自立年號也初西人奉釋氏之教自佛滅度後六百年而耶穌生以爲人生一大事首在敬天爰追尋初祖上溯鴻蒙判十字以定四方合氣水火土四行之精華生萬物天外無神故無偶像無祈禱凡立廟設位陳牲酒施鼓樂讚頌神名者皆外道也耶穌以天爲父自稱神子厭世上仙代衆生受苦以救萬世故其死也西人以天主稱之然自唐以前不聞於中國迨太宗貞觀間有大秦上德阿羅本遠將經像來獻上京太宗詔立大秦寺度僧二十一人世閱七朝當代宗之建中二年有大秦寺僧景淨述其緣起撰景教流行中國碑後儒遂以是爲天主教入中土之濫觴唯其所貢經二十七部無可考而所貢之像則三一妙身無元真主阿羅訶一分身景尊彌施阿一妙身之母碑中所云室女誕聖於大秦者也一時中國又有三夷寺大秦一也祇神二也末尼三也解者曰大秦稱其國祇神著其所祀之神若末尼則西女之入中國者三教悉淵源於外洋而祇神之卽天主遂爲西人假託以爲彼教之流行中土蓋千年於茲矣明萬曆九年有大西洋之意大利國利瑪竇泛海九萬里至粵東又二十年始至京師中官馬堂以其方物進獻內有所貢天主及天主母圖又攜有神仙骨諸物帝以利瑪竇義遠來假館授餐給賜優厚卒不遣而公卿以下咸重其人利亦安之遂久留不去卒於京邸自利瑪竇東來其徒先後至者日益衆時值厯官推日食多舛乃有五官正周子愚言大西洋歸化

人龐迪我熊三拔等深明歷法其所攜歷書有中國載藉所未及者請令仿洪武初設回曆科之例許迪我等入局測驗於是西人之入中國者以推算爲名而陰行其天主教法徐光啟李之藻李天經馮應京樊良樞等相與附和且爲之潤色其文詞故其行日益廣又有西士湯若望者進天主書像圖說朝士相與提唱援引於是自畿輔開堂蔓延各省京師則宣武門之內東華門之東阜城門之西山東則濟南江南則淮安揚州鎮江蘇州江甯常熟上海浙江則杭州金華蘭谿閩則福州建甯延平汀州江右則南昌建昌贛州東粵則廣州西粵則桂林楚則武昌秦則西安蜀則重慶保甯晉則太原絳州豫則開封凡十三省三十處皆有天主堂萬曆以後 國初康熙以前其教不脛而走矣大秦之名始見於范蔚宗後漢書傳乃中國所稱謂者大西洋之人不知也自利瑪竇入中土得與徐光啟交自謂淵源於東漢繼以艾儒略得見景教碑遂援以證天主乃作西學凡一卷考其時代源流湯若望又述耶穌之神靈異績又其受刑十字架上代民贖罪之顛末圖寫流布於是耶穌及天主之名大傳於世國初之主持傳教者爲湯若望其廓然辭而闢之者則楊光先也湯若望者大西洋人從利瑪竇至中國以推步之學與羅雅谷並以崇禎三年奉詔供事於歷局十七年詔李建泰平三晉以湯若望隨行任火攻水利遭甲申三月之變而止值我 朝定鼎若望遂以順治二年至京師上書言新法有驗並進西洋儀器得 旨試行特命湯若望南懷仁入爲欽天監官乃照西人新法造時憲書頒行直省時有欽之新安衛人楊光先者世習疇人之學爰具呈禮科謂憲書面上不應用依西洋新法五字不報旋於康熙三年狀告禮部摘其推算本年十二月戊午朔日食交會之誤奏聞奉 旨交吏部審驗遂黜湯若望等授楊光先爲監副尋轉監正光先自以但明推步之理不明推步之數凡五請解職不許六年以推閏失實力請更正則憲書業已頒行遂下光先於獄擬大辟秋審緩決乃議遣戍遇赦歸自是復用湯若望南懷仁爲欽天監正副官一時士大夫言天學

者無不右湯而左楊光先自憤其先憂之隱不白於天下後世爰著不得已誓攻其教法自欽天監復用西洋人遂爲定例而湯若望南懷仁等皆以臺職終卒於京邸於是西洋人之相繼入中國者浸浸乎以推步入臺爲開堂之捷徑矣初大西洋人之入中國者意大里亞之人爲多以利瑪竇係其國人方以類聚也自新法之行其徒日廣繼以 國初許其設堂京師自相傳教於是踵門受廬之輩皆以入京當差爲名而推步之學亦惟大西洋人獨擅之故歐羅巴洲之各國聞風而來足跡遂徧於天下然其在官之人則 國朝自有定制凡西洋人願入監當差者准先赴澳門呈請然後由督撫咨送到部部臣查驗得實留京效用自後卽遵用 天朝服色安置京師天堂內生於是館死於是殯不准復還本國自傳教者私往各省交結民人往來自便封疆大臣漫無覺察其知者又恐別生事端容隱不發因而此輩久居中土繪圖測鏡消息漸通雖 列聖懷柔示以大公不疑其別有不法情事而覬覦之漸萌於此矣道光二十二年白門撫議成議內所列傳教一款有傳教者來至中國須一體保護不得刻待禁阻等語然但言傳教之人加意保護未嘗許華人之習其教者亦一律寬容蓋康熙八年以後之檔案具在也至五口通商亦無許其增設教堂聚徒講教之明文而白門議款定自英人佛郎西爾利堅皆不與焉其後二國商船赴粵相繼陳請佛郎西貨船之至中國者少而私赴各省之傳教者爲多頗不便於中國之禁而思有以變通之二十五年佛郎西商船赴粵專詣總督衙門呈稱天主教勸人爲善並非邪教請弛漢人習天主教之禁時者英方任兩廣總督據以奏聞奉 旨交部議准海口設立天主教堂華人入教者聽之惟不許奸誘婦女及誑騙病人眼睛遠者仍治罪自此外洋人寄居五港口者皆設天主教堂按房虛昂星躔度之期以七日一宣教法洋商於是日停止貿易入廟禮拜謂之安息日遂以爲常然海口人民不服其教者亦以此屢起釁端官吏調停中立而已咸豐八年天津之役英人糾集佛爾俄三國復請增定條約 欽派大學士

桂良尙書花沙納等至滬會商而佛郎西意在傳教故其八款內開凡法國人照舊約在通商各口地方或長住或往來應聽其在附近處所散步動作毋庸領照一如內地民人無異又十三款內開向來所有或寫或刻奉禁天主堂各明文無論何處概行寬免時因廣西西林知縣張鳴鳳將佛國傳教之馬神父論法處死由該國控訴並請於續增條約將西林知縣革職緣由知照該國大臣載入邸報自此傳教習教之徒雖在華民亦張膽明目恃外洋領事為護符益弁髦官吏矣

咸豐八年天津條約第十三款凡中國人願信崇天主教而循規蹈矩者毫無查禁皆免懲治

臣謹案中國循規蹈矩之人斷不信崇天主教入教者泰半下流為所誘惑今無查禁免懲治載入專條有恃無恐難免多事矣

又法約四十二款第一款西林縣知縣張鳴鳳敢將本國人馬神父恣意殺死應革職永不蒞任

臣謹案是年三月 上諭有曰廣東匪徒馬子農在廣西西林縣犯案懲辦該國疑為傳教馬神父致生嫌隙然則實非馬神父不過彼國任意妄指軒然起一大波耳恐各省教案之類於馬神父者尚不止此矣

十一年 諭清盛奏佛蘭西主教江類思等赴省接見口稱伊國舊有天主堂一座在西門內熨斗隅日久被占見須交還應否另查官地抵給等語山東省城有原設天主教地基自應給還該國惟廢址久經改造民房轉相承買各執契據勢難概令遷移除地業經查出應行交還外著清盛按照該國天主堂原基畝數另查官地抵給聽其修造如查無官地即置買民地一段給予建立天主堂嗣後該省地方與各國交涉事件遇有應辦者即奏明辦理不得盡諉之總理衙門及通商大臣致令紛紛進京有所藉口  
又 諭總理各國事務衙門奏習教人衆請分別良莠飭令地方官妥為辦理等語據稱法國條約內載天主教原以勸人行善為本揆其勸善之意與釋道同是以康熙年間曾經准行惟近來各省習教之人與不習教者往往彼此齟

齟若不持平辦理殊不足以昭公允著照所請嗣後各該地方官凡交涉習教事件務須查明根由持平辦理如習教者各保安分守已謹飭自愛則同係中國赤子自應與不習教者一體撫字不必因習教而有所刻求倘或倚恃教民不守本分干預別項公私事務或至作奸犯科霸地抗租欺侮良民則不獨為中國之莠民亦即係伊教中之敗類必應照例治罪決不能因習教而少從寬假各該地方官務當事事公平分別辦理以示撫綏善良之至意

同治元年總理衙門咨查傳習天主教一事業經准令內地民人行習上年奉 諭嗣後各該地方官於交涉習教事件務須查明根由持平辦理行知各省遵辦在案嗣據法國欽差大臣布照會稱前此各省所以辦理不協之故皆因民間祈神演戲賽會等費向非教民所應出乃該地方官務令習教者與不習教者一律攤派教民心實不願請行令各地方官以後勿再攤派等語覆查各省習教民人雖習天主教之教猶是中國之民並據照會稱該教勸人道理無非遵崇君上謹守中國法度等語自應一律體恤以示一視同仁之意况祈神賽會並非正項差徭可比該教民既不願攤派自未便過為勉強以至重拂輿情業已行文各省以後凡習教之人於一切應出錢文之事除正項差徭外其餘祈神演戲賽會等費該教民既不願與不習教者一律同出即可免其攤派各督撫轉飭地方官依此次咨案遵辦

又咨前因各省地方辦理教民案件未能允協經本衙門奏請明降 諭旨飭令各督撫於凡交涉天主教事件務須諄飭各地方官查明根由持平辦理嗣因法國駐京公使屢以辦理教民事件仍多不協諄請再行通飭各省遇事務須公辦求請照前通行咨文改作諭單式樣發給二百分以便交各傳教士收執以為憑證本衙門查諭單內載明傳教士並非官員不能干預一切別項公私事件亦可使該傳教士自知本分不致仍前無禮是以允准照數發給惟恐各地方官無憑查驗相應將用印諭單式樣粘附咨行照式通飭所屬地方官查照遇有傳教士執持諭單自不致漫無稽考倘有赴訴地方官事件務須查照前咨秉公速為辦理並剴切曉諭地方百姓除差徭

一切公費仍應令教民一律應差攤派外其餘如迎神演戲等事不必與該教民深爲計較強其攤派庶日久可期相安

又 諭總理衙門奏請飭地方官於交涉教民事件持平辦理一摺前據該衙門奏稱天主教原以勸人行善爲本是以降旨令地方官妥爲辦理茲據奏稱各省於奉文後未盡認真妥辦著該督撫轉飭地方官照依此次所奏於教民事務務須迅速持平辦理不得心存偏重以示一視同仁之意

江西巡撫沈葆楨奏據署南昌府知府王必達稟稱本年二月間忽有湖南閩省公檄二紙痛詆該教不敬祖宗不分男女甚且有採生折割等事偏貼街市適值學臣馮馨驥示期開考各屬生童雲集衆論譁然十七日張貼匿名傳單訂期齊集教堂與外國人理論該府縣一聞此信正在示諭士民毋遽輕信流言率爾生事不意是日二更時分突有多人擁至飭子巷教堂及續置袁家井教堂立時拆去並將素習該教代爲照料之義和酒店合太鹽店內器皿貨物一併打毀該府縣會督原派委員候補知縣夏燮等馳往查勘彈壓飭差嚴擊無如時值黑夜烏合之衆一聞而散該教士等早已避匿無蹤十八日復據城外地保具報該教士有自九江前來坐船一隻及距城五里廟巷地方教堂一所亦同時被毀事起倉猝禁遏無從又據署進賢縣知縣星聯以該縣所屬溪坡山邨等處徐敏山陳聚源向係習教該二姓房屋器物亦被人拆毀據徐陳二姓指控樊學仁爲首見在往勘查拏等情具稟前來 臣查法國與內地通商和好給有憑札來江傳教早經明白曉示務令華洋相安該教士暨習教之家究因何事致干衆怒頃刻之間城廂內外不期而集將教堂住房拆毀無遺以致外屬亦聞風效尤深堪駭異是否地方士庶誤聽流言抑有起衅別故見飭該府縣訪查明確嚴拏爲首傳單及糾拆教堂要犯務獲究辦以示懲儆惟聞當日該士民等憤毀教堂尙無傷人搶物情事乃據英國領事官佛禮賜面向九江府知府景惠告稱法國以該教士被毆受傷不日有兵船來潯等語如果實有此舉 臣惟有飭地方官諭以至理曉以大義設法羈縻俾釋微嫌而敦永好

又 諭沈葆楨奏法國天主教堂均被拆毀見飭查拏首要各犯懲辦一摺外國天主教自咸豐八年以前早已弛禁况此時既與該國換約所賴各地方官妥爲駕馭弗令滋生事端此事前據總理衙門奏明接據該撫來文當即照會法國駐京公使嗣經該公使照覆有賠償教堂之語亦經該衙門備文知照並與該撫函商辦法即著該撫察度地方情形按照該衙門咨商各節妥籌辦理務令中外相安方爲妥善此事燬端究從何而起並著該撫確切查明據實具奏仍將爲首滋事之人嚴密查拏究辦

又 諭據總理衙門奏稱江西湖南燒毀教堂之案迄今數月究應如何結局應酌度情形辦理等語習教之民猶是朝廷赤子苟無悖亂不法之事即不得意存歧視江西湖南兩省教堂被毀該教士等屋宇費財等件數月未能歸結豈肯甘心此事自應速爲完結著沈葆楨毛鴻賓妥速辦理俾無異議即著該撫等飛速覆奏該衙門及法國照會等共三件均著鈔給閱看尋沈葆楨奏江西燒毀教堂應由官酌給賠修之費毛鴻賓奏湖南燒毀教堂已將各該縣奏參摘頂勒限賠修並查拏倡首之人究辦

又 諭據總理衙門奏稱復接法國照會請飭查詢等語天主教弛禁和約本有專條自當彼此遵守田與恕初因勦辦賊匪誤未分別何以經總理衙門咨查之後而戴鹿芝仍有擅殺教士文乃耳等之事該知州素有循聲自應以愛民爲本豈可因其傳教殺害無辜嗣後驗省遇有傳教之人即著與平民一體相待斷不可圖洩一時之憤有誤大局備查有傳教作奸犯科應行治罪者即詳細奏聞候旨嚴辦該撫等均係封疆大員當通籌大局妥爲辦理所有條約即著韓超張貼用符原議如再有屬員任意妄殺傳教人等或將并故意殺害以圖洩憤則是疏縱之罪不能再邀寬免也

又 諭據總理衙門奏稱接據法國照會內稱貴州提督田興恕起意凌辱教人去年屢次帶兵攻擊貴陽等處天主堂並派團務道趙畏三等往青巖等處攻壞學堂將該處習教張如洋等並不審問即行處斬何冠英與田興恕有致府縣公信內云驅逐教人並藉故處之以法本年正月開開州夾沙龍地方因

偶脅教人共祭龍鏡知州戴鹿芝將傳教人文乃耳及中國人吳貞相等擊去用極刑處死仍派團首接尋奉教之人擊獲嚴辦見署巡撫韓超又不將和約張貼知府多文知州戴鹿芝語言妄悖駭人聽聞請飭駱秉章等派員密查各等語人命至重即使傳習天主教而其並未犯法亦何得不加審問遵行斬決田興恕本屬武夫或不能無兩莽之處戴鹿芝素稱循吏何以忽有是舉韓超不將和約張貼何冠英有驅逐天主教人之信是否均有其事多文等口出狂悖之語是否係法國傳教人及中國之習教者捏造激怒之詞抑或實係不知檢點信口而道著駱秉章勞崇光分派滿漢慎密妥靠大員前往貴州訪查確實即行覆奏務飭派往之員詳細查明秉公聲斷不可一字含糊稍涉偏袒又諭總理衙門奏請飭勞崇光前往貴州查辦事件暨請飭劉長佑與各外國妥為聯絡消患未萌各等語本日業經明降諭旨令勞崇光馳驛前往貴州查辦事件矣前以田興恕在貴州殺害教民一案曾經迭次諭令寄諭崇實勞崇光駱秉章密查據實具奏該總理衙門復經奏明崇實素為洋人信服請將此案即由崇實辦理以專責成是以本日復明降諭旨宣示所有四川貴州兩省教民案件統交崇實秉公嚴辦駱秉章毋庸會辦勞崇光接奉此旨著即刻日由粵前往貴州將此案會同崇實妥為辦理該前督更事最久沈毅有為亦必能設法調處得宜也勞崇光初到廣東即能挺身入城外國人欽其膽略平素於外國交涉事件亦能推誠相與故該公使等頗深悅服劉長佑於到任後務於廣東交涉外國各事件妥為聯絡誠信相與使之佩服黃贊湯業已出京赴粵劉長佑將廣西軍務妥為交代迅即起程抵任後均即妥商辦理並著勞崇光將一切機宜與各外國如何定議訓練兵丁保護省城未竟各事宜告之劉長佑黃贊湯以便接辦如劉長佑黃贊湯等到任尚需時日即行詳細告知晏端書先行照辦勞崇光接奉此旨亦即前赴該省毋稍遲誤粵省河南地方有匪首黃金龍等聚眾謀逆前據勞崇光奏已訪拏正法當經寄諭該前督以其餘黨必多恐與高州等處匪徒暗地勾連務於省城內外嚴密布置並添調戰船妥為防範該將軍督撫等務須確實查明妥速備禦劉長佑於何日可抵

新任迅速奏聞勞崇光起程後晏端書暫署總督家務不得存五日京兆之心於地方一切應辦事件稍涉疏忽致干罪戾昨有旨令前給事中蘇廷樾前巡撫曾望顏即行來京由吏部帶領引見該二員見均在籍即著該督撫等飭令速即來京毋或遲延

命前任兩廣總督勞崇光仍以頭品頂帶馳往貴州查辦事件

又命成都將軍崇實辦理四川貴州兩省教民案件

又江西巡撫沈葆楨奏江西教堂一案臣當即督同司道邀集公正紳士將抄發照會等件公同閱看屬其各自曉諭士民仰體國家柔遠之心爾小忿成大信務釋猜嫌永締和好所議條款定須一一照行各官紳深明事理並無異議乃傳語甫經數日通衢處所遍貼撲滅異端邪教公啟據南新二縣揭呈前來怨忿情詞幾有不共戴天之勢臣一面飭縣嚴密查拏一面傳詰紳士據稱奉諭後即通告各親友或曉以義理或陳利害聽者無不帖然皆云閩省自有公論我輩只知從眾而已日來喧傳揭帖各紳具有見聞然莫能查出何人所撰臣又詰以夏子春徐士章何人據稱紳士中實無此兩箇名字但江省此姓甚少既據照會中指為捏控唆使之入則各衙門自有案可稽不難著落研究乃遍查各衙門並無此二人捏詞而教堂一案亦未曾有人具控臣只得令紳士再行逐加曉諭如士民人等別有實在冤抑許其聯名具呈意謂既得主名便有操縱把握乃數月並無一人呈訴惟匿名揭帖愈多此處揭去他處復貼理論勢禁均無從下手臣訪聞街談巷議咸謂官藉外國威逼小民人情洵洵深恐復激成變故因密派素信親友假扮外路客商於茶坊酒肆中託為邂逅閑談乘其不意與之反覆辨論冀開覺悟兼可訪出倡首之人乃察其所記問答之詞則滿腹疑團始終不釋人言藉藉眾口雷同臣思此案必使民間毫無猜疑而後教士重到省城可以安心傳教若只由臣等含糊答應將來必大啟衅端即法國公使亦預料事勢所必然故照會第一條即有仍蹈前轍該省督撫是問之語兩國既敦和好臣等與該教士亦休戚相關若不早策萬全致後來有不忍言之事臣等從重懲處固分所應得要何補於該教士之業已喫虧



即如本年二月間何嘗無委員防護兵役彈壓然衆怒難犯勢如潮湧誰能禦之所以再四熟商數月莫能定議竊思傳教與用兵不同用兵則以力屈人傳教則以心服人人何以服信之斯服矣人何以信示之以可信斯信之矣即如佛教來自西域當其初入中國人誰信之今則士大夫以至愚夫愚婦羣然信之矣即天主教行於上海等處民趨之若不及而江西湖南遠有此變非江西湖南好與法國爲難也上海等處爲時較久民實見其可信故不强之信而自信江西湖南爲時甚暫民未知其可信故迫求其信而愈不信也使傳教士徐示以可信不强以遠信久焉斷無不信之理古人有言曰將欲取之必姑與之該教士既以傳教爲己任必其學識深遠洞曉人情定以斯言爲不謬查江西前案與湖南貴州頗不相侔當滋事之時教士教民業經他往並無受傷受辱之人該教士素以愛人如己釋仇不報爲懷當必不以此爲芥蒂教堂本編小民居所值無幾該教士且肯舍其家屬財而來教民又皆樂善好施亦斷不以此爲吝惜揣該教士之心第以勸人爲善反遭不白之冤若罪無所歸恐爲他國所輕視擬由官籌措五千金俟羅教士抵潯時解與九江道妥交以爲賠修之費但凡百姓願賣之地任憑羅教士自擇建造以壯觀瞻至防範既疏又復調停乏術致中外大局幾啟弊端仍請 旨將 交部嚴加議處似可以全該教士之體面而服其心該教士從此可曲順輿情因勢利導由近及遠自易及難其一時未能遽信者勿與較量教民倚勢結怨者曉諭禁止勿聽一偏之詞致開嫌隙俾百姓欣然相告曰彼教之愛人如己誠如是也彼教之釋仇不報誠如是也有不從之恐後哉故曰徐示以可信不强以遠信久焉斷無不信者也若謂攝之以兵威期收效於旦夕則匹夫不可奪志萬衆同心背城借一惟天所授勝負何常勸人爲善者當不出此可否 飭下總理衙門照會法公使曉諭該教士遵照辦理

總理衙門再三開導令其暫緩回江該教士堅執不從止得准其前去復諭令官文於該教士到漢口時設法挽留該教士並未謁見官文見已由湖北護送到潯是其急欲晉省已可概見沈葆楨令九江道付給賠款吳城同知照給地基若該教士聞知省城物議紛騰自知慎重不復赴省該撫自可相機辦理如果執意前來沈葆楨務當遵照和約熟籌妥辦揣該教士晉省之意無非欲謁見大吏以爲體面遇有與地方士民交涉事件隨時可以稟明剖斷該教士如果安分傳教該省士民亦何必無故尋衅致滋事端如該教士藉傳教爲名陰行不法或干預地方公事該撫即據實咨明總理衙門會同該國公使懲辦總之與外國交涉事件一切須持平辦理該撫斷不可稍存成見致有偏抑務使中外相安爲要

四年 諭前據張亮基奏法國主教胡縛理辦理與義回匪撫局執迷不悟等情當將原摺批令該總理衙門議奏茲據奏稱本年閏五月間曾經法國編譯官豐大業以貴州興義府匪首求該省主教作保投降等詞向該衙門呈遞當經駁斥並函致崇實路乘章令其密致勞崇光等慎重防維勿爲所惑嗣據崇實等覆稱因恐中途洩露未經函知見經該衙門將張亮基所奏各情與法國使臣伯洛內閱看已商允該使臣函致胡縛理不得干預該省軍務是該公使亦以胡縛理辦理招撫之事爲非並無異說著勞崇光張亮基裕麟傳知胡縛理將法國傳教人向來所持諭單聲明開導遇有地方公私事件及見在勦撫事宜毋令從中干涉致多棘手自劉鴻魁集團勦賊何以旋被殺害究係殺自何人有無主使並該員是否實有縱練殺斃教民之事仍著勞崇光張亮基裕麟查明據實具奏不准稍有隱飾總理衙門摺一件單四件均著抄給閱看尋勞崇光奏遵查劉鴻魁意在邀功因胡縛理協辦招撫不利於己起意謀殺教士任國柱未成適因勒捐激變捧鮮民人致被殺戮得 旨前已有旨諭令張亮基斟酌機宜維持大局勞崇光見雖赴滇仍當傳知胡縛理等嗣後不得再行干預地方公事並飭令地方文武遇有關涉教民之案持平辦理毋稍偏枯又 諭總理衙門奏傳教士在酉陽州被人毆斃並教民房屋均被燒搶請飭

查嚴辦一摺據稱接據法國公使照會內稱四川西陽州民人馮仕銀等將該處城鄉教民房屋燒毀家財擄掠馮文恩等復率多人折毀經堂將司鐸店主何魁毆斃知州懸案不辦並將傳教士瑪弼樂銀錢搶盡毆傷斃命擲屍河壩捏報因入廟之人與之口角用石塊打斃並稱該知州因馮士銀等召至署內飲酒協謀屠滅等語傳教士准在內地傳教載在條約遇有爭鬪詞訟等案無論中外人等習教與否總須持平辦理方使其折服見據照會所稱情形如果屬實自應速為查辦以昭公允著崇實駱秉章認真確查速行斷結其被控有案之馮士銀張佩超宋文選等並著悉數拘獲秉公審辦毋稍枉縱至西陽州知州辦理此案貽誤遲延並著崇實駱秉章先行參處

又 諭總理衙門奏四川西陽州人毆斃法國傳教士請飭嚴辦一摺外省教民交涉案件全在地方官持平辦理迅速了結方可消弭爭端西陽州教民爭鬪一案該州何以坐視不問任令該民人打搶燒毀致將傳教士毆斃若因此釀成弊端該將軍等其能當此重咎耶著崇實駱秉章按照該公使照會所稱各節迅速委明幹之員逐一確查並將毆斃傳教士之馮士銀張佩超宋文選等悉數擊獲歸案訊辦按律定擬不准一名漏網西陽州知州辦理此案任意遲延有心貽誤並著查明先行嚴參懲處

五年 諭張亮基奏覆查殺教民一案係專殺司圖首任聚五與永甯州革役羅勝為首任聚五等已在省監禁羅勝等五名尚未弋獲擬先為了結等語任聚五既係首要犯自當按律先行定擬其羅勝等犯仍當飭屬緝拿遵照前旨早日結案以免噴瀆嗣後事關中外交涉必須處處持平固不可矯激沽名任意將教民陵虐亦不可因其習教任令橫行鄉里魚肉一方於應辦之案含糊了事蔡興槐既與胡紳理熱習即責成專辦教務令悉心妥辦免致別啟弊端張亮基摺內有請召還京師賞給散差使之語礙難允准若各省封疆大吏紛紛效尤乞予內召更復成何事體該署撫既係三朝舊臣自應力為其難以副委任

又 諭總理衙門奏稱江甯還堂一事前經李鴻章咨據江甯府稟該國不願

城外擇地抵換應令自來江甯與該處官紳面議茲據法國公使照會內以並無完結之信為詞請以三箇月為限仍請飭令李鴻章妥籌速結等語金陵教堂業經該署督允議抵還如能於城外擇地抵換即著李鴻章為議結倘該國主教必欲在城內建堂該署督亦當於城內另擇一區給與修造總期彼此相安羣情帖伏毋任地方官措詞遷延該署督熟諳洋務必能力持大局於此事迅速完結以示懷柔尋奏據江甯府知府涂宗瀛稟稱與教士雷運駿辯論數月仍遵前說以城內小桃源空基一處查還並將該教士見寓小豐富巷舊屋及旁基稍為加寬給與棲身均繕立漢文洋文合同互換結案

又 諭總理衙門查還陝西教堂請飭速辦一摺各省查還天主堂舊址原係按照和約辦理自應早為完結陝西省已歷五年尚未辦結迭經總理衙門咨催該撫僅以西安教堂並無實在憑據未能照辦城固教堂則因主教未到莫可籌商等詞聲復今該國公使以陝西因循未辦請立限六箇月內交還著劉峇迅飭該地方官將查還西安城固原有教堂速行設法辦結並立予限期毋得再事遲緩此係照約辦理事務該撫務當認真籌辦將此案及早了結以符條約

七年 諭總理衙門奏豫蘇閩等省見辦傳教各案中外交未能相安一摺據稱河南省南陽教堂一案民人傅貼聚眾其勢洶洶江蘇揚州聚眾毆辱教士曾國藩咨報訊辦轉有頭緒臺灣壯勇殺死教民英桂尚未將辦理情形咨報而該國使臣屢請擊辦正兇情詞迫切等語傳教一事既已載在條約勢難顯為禁止惟在自端趨向崇正黜邪見在辦理各件務須妥慎籌維當行者就案完結當拒者按約辨明不至日久遷延橫生枝節方為妥善著曾國藩英桂馬新貽丁日昌卞寶第李鶴年各將見辦未結之教案迅速設法了結毋稍偏徇致辦理不得其平轉滋流弊

又 諭總理衙門奏見辦傳教各案中外交未能相安請飭迅速完案並通飭各省按約辦理一摺已諭令江蘇福建河南各督撫迅速辦理矣惟思傳教一案載在條約自難顯為禁止惟在脩明正學自端趨向乃能崇正黜邪潛消隱患

遇有交涉事件尤當持平辦理當行者就案完結當拒者按約辨明嗣後各該地方如有傳教之洋人務令士民各守本業不得聽信浮言無端尋隙倘有不安本分教士滋擾地方即知會領事官按約懲辦必使民教相安不至釀成巨案著各直省將軍督撫等通飭各該地方官妥慎辦理毋稍偏徇致滋流弊署兩江總督李鴻章奏在咸豐八年英法兩國所定條約內有天主耶穌等教在中國傳習者一體保護等語迨至咸豐十年復經議准後等接辦明知耶穌等教與中國不同必多窒礙是以竭力相持未肯輕易互換迨事機緊迫眾議交催換約不得不委曲求全以顧大局既換之後無論如何棘手總宜隨時酌核情理辦理得宜九年來外開辦教案數年不結地延日久變端百出其間固有教民藉勢誇張招怨生事亦有平民憤激過深故滋衅隙是以外國不免有所藉口近於河南省南陽教堂一案迭據撫臣李鶴年函稱南陽教堂之事為和約攸關固不敢託持正議要譽於紳民亦不敢草率欺朦貽憂於大局并稱南陽民人傳貼聚眾其勢洶洶見仍迅圖了結各等語見復有江蘇揚州眾眾毆辱教士福建臺灣壯勇殺死教民兩案據督臣曾國藩咨報已將揚州之案訊辦粗有頭緒其臺灣一案尚未據督臣英桂將如何辦理情形咨報而該國使臣屢次照會前來請擊辦正兇情詞迫切爭執不已並該國有兵船前往揚州臺灣兩處自行彈壓之說等深恐事機決裂難以收拾一面照復該國駐京使臣飭領事官妥辦一面飛咨曾國藩英桂派委熟悉洋務之司道大員會同該處領事官迅籌辦法即日議結務使華洋相安不致橫生枝節等伏思耶穌等教既為條約所准行彼係照約而請我更難以顯為禁止惟在我之修明正學自能端其趨向不必揚湯止沸愈激愈堅是以等遇有交涉教務事件一經該使知會無不立行該省囑令持平辦理惟兩造之曲直案情之虛實等無從懸揣全在各省大吏及地方官相機處置不致日久遷延致貽後患請旨飭調任直隸總督曾國藩閩浙總督英桂河南巡撫李鶴年各將見辦未結之教案迅速設法完結以清教務而杜爭端

八年 諭崇實等奏西陽民教仇殺見飭查辦一摺四川西陽教民龍秀元偪

勒朱永泰退婚並掠財焚屋該州團民激於公憤焚毀教堂燒斃司鐸李國安及教民多人是此案起衅由於教民龍秀元而據主教范若瑟陳稱則該州團民有擄殺教民九家及燒毀教堂傷斃教民百餘人之多情節不其相同西陽地處邊隅民情強悍民教各執一詞必致互相尋衅著崇實吳棠飭令川東道會督該州文武持平辦理庶可折服民教之心斷不可稍有偏重致滋事端署任知州胡圻先事未能駕馭臨事又不能彈壓著暫行革職留於地方協緝首先滋事之犯以贖前愆

又 諭總理衙門奏民教仇殺案件請旨飭催早結一摺西陽州團民殺斃教民教民殺斃團民一案迭經該衙門咨催崇實等秉公訊詰惟據法國使臣羅淑亞等文稱所殺教民數內有教士李國一名係屬該國之人崇實等前文咨送册內首開李國安姓名是否即教士李國及李國安是否洋人之處均未聲敘明晰而該使臣等屢以教士被殺並不緝兇究辦等語向該衙門爭論案關殺斃多命按之中國律例亦應查數人及早訊辦何得將此案任意拋延李鴻章計已抵川著即會同崇實吳棠嚴飭該地方官將殺死李教士一案查拏真正兇犯按律審辦毋得漏網並著將民教互殺人數秉公查訊及早擬結李國安是否即係李國亦當確查聲覆不可稍涉含糊其罪教士率匪殺斃平民多命之案李鴻章等亦即悉心籌辦務期毋枉毋縱以弭爭端

湖廣總督李鴻章奏承准軍機大臣字寄奉 諭西陽州團民殺斃教民一案著會同崇實吳棠悉心籌辦九月馳抵成都因將前奉 密諭事件逐細查辦未便遽與崇實吳棠會商先咨取全案宗卷詳悉披閱證以途聞所聞大略相同除民教仇殺各情業經崇實等據實奏明並將委勘辦理情形及民教互殺人數造册咨送總理衙門外卷查李國安即教士李國確係洋人其燒殺李國安之兇手係見已就獲倡亂打教焚毀教堂之首犯劉幅審有初供可據應俟將該犯覆訊並飭提餘犯研究明確即行按律治罪以服洋人之心至覃教士率案殺斃平民多命之案該教士覃輔臣聞係川人亦應按照條約由中國官嚴拏審明照例治罪以昭平允惟據稱主教范若瑟七月開回國覃教士隨之

而去未知確否。臣商同崇實等相機妥籌設法次第辦理似不致別生枝節又迭奉 寄諭遵義教士被傷殞命事關中外交涉要件著即派委通曉時務之員馳赴貴州會同會璧光迅速查明秉公辦理據實具奏仍著總理衙門隨時咨催妥速辦結各等因查此案起衅情由法使與貴州撫臣所稱大相徑庭不知實在底裏何似。臣所帶隨員無多且乏熟悉洋務之人惟查有按察使銜甘肅補用道余思樞隨 臣最久結實可靠已派令馳往遵義一帶察訪確情據實稟復並面授機宜飭隨時稟商撫臣會璧光會同該撫所派委員督飭官紳妥為籌辦黔省軍務未平民氣浮囂教士恣肆若辦理稍有偏重則仇隙必將愈深既患民心憤激而事變滋多又恐教士尋衅而禍端莫測較他省尤為棘手若如法使所稱勒令教民跨越十字架跪寫出教甘結及趙教士被傷殞命梅教士恐亦被殺等情則必先有以安撫教士之心使不致恚思法使在京曉諭然後相機持平從容解釋民教仇隙庶可弭衅端而紓 宸廑案關中外交涉要件必宜責成地方官速辦而洋人堅韌嗜利邊民衆憤難平恐難剋期了結已飛致會璧光囑將見辦情形先行奏咨勿稍延 俟會同崇實吳棠籌商就緒即起程順往重慶就近體察各情再行奏 聞

又 諭李鴻章崇實吳棠奏議結西陽教案李鴻章奏遵義教案派員會辦暨起程回鄂各摺片西陽州民教仇殺一案迭經諭令李鴻章等持平審辦茲據奏稱此案焚毀教堂係首犯何彩起意楊植庭乘亂入城殺斃司鐸李國均非張佩超主謀見在楊植庭業經病故何彩一犯已於訊明後正法所燒教堂並經給予梅西滿銀兩餘犯劉幅等均分別按律懲辦著即照該督等所議辦理以示平允西陽重慶等處民教仇隙已深今雖將此案辦結而日後民教難處崇實吳棠等必須設法防維吳棠身任地方更屬責無旁貸所有各該處牧令等官著隨時認真遴選務令妥為整頓不可稍存偏袒致滋事端未獲之教民王學鼎等六犯即著飭令川東道督屬嚴拏務獲究辦遵義一案前經李鴻章派道員余思樞馳往查辦茲據奏稱四川候補道蹇閣籍隸遵義鄉望所歸遵民於打毀教堂亦知悔懼請飭會璧光責成遵義府縣會同籌辦等語會璧光

即將遵義團練事宜委令蹇閣悉心經理以便會同余思樞及該處府縣各官將教堂趕緊籌辦毋稍牽掣其梅教士有無被殺情事並著該員等澈底查明毋稍含混嗣後該省遇有教民涉訟務須責令各地方官查照約章持平核辦並將教士干預把持及書差拉索拖累等弊嚴為禁止以消後患前因會璧光奏稱黔省軍情緊急請派大員籌辦當經諭令李鴻章馳赴貴州督辦軍務原以四川湖南貴州各軍無知兵大員節制必致觀望不前李鴻章見以西陽教案已結天門教案初起即由川省起程東下自係未奉到本月諭旨天門一案前經郭柏蔭查明奏結黔中地方糜爛非得該督前往督辦斷難淨掃寇氛著即懷遵前旨趕緊折回應由何路入黔督軍進剿之處均著該督斟酌情形妥為籌辦並著於接奉此旨後將應辦事宜先行馳奏以慰廑盼

又 諭總理衙門奏遵義教士被傷殞命請飭查明妥辦一摺貴州遵義縣教士與平民相爭據法國公使則稱遵義縣民打毀經堂學堂醫館搶擄什物其起衅由於勒令跨越十字架跪寫出教甘結以致教士三人收入縣署趙教士被傷殞命梅教士恐亦被殺死而會璧光函致該衙門則稱教民楊希伯挾嫌起衅衆憤不平將經堂醫館打毀該教士不肯回省遵義縣收入署中其情形與該公使所稱大相徑庭該公使在京曉曉饒舌情甚激切且打毀經堂醫館已授該教士以口實若有勒令跨越十字架等情則是顯背條約更使有所藉口事關中外交涉要件必應持平辦理方能維持大局李鴻章於此中機宜素能洞悉著即派委通曉時務之員馳赴貴州會同會璧光迅速查明秉公辦理據實具奏不得稍有遷延袒護以致別生事端其遵義見在情形並著會璧光先行查明奏聞以憑辦理

周家楣上恭親王書竊自法國換約以來天主教流毒海內如火燎原各省教案層見迭出各督撫辦理交涉案件如會李兩督及江蘇丁撫最能權衡輕重不致決裂類皆本不得已之心就事圖維多盡一分心力即少一分流弊此外各大員雖未能事事中肯或力持正論而操縱難於盡善或顧全大局而遇事未免調停從未有潰敗不可收拾如四川教案之甚

者也四川成都將軍崇前以辦理黔省教案其時洋人與駱督不合而有信佩崇將軍之說自黔案議結後凡蜀省交涉洋教事件一歸將軍主稿督撫諸署衙而已崇將軍鑑於田興恕之覆轍力矯其弊其用意原以和好大局攸關未可輕易起衅遇事曲全期於相安而利害未及通籌心力不無偏注將軍之偏祇十之一二耳而道員錫佩等承上接下意旨趨向變本加厲所偏者十之三四矣州縣揣摩推測以爲憲意所重在此不在彼偶一試管輒中途謂非是不可始而特爲秘訣繼則相習成風向背之隱微於用舍涓滴之細流爲江湖所偏者十之八九其究也且無乎不偏矣范若瑟傳教蜀省在彼族中固最爲狡猾而重慶教堂一案爲四川教務第一篇文字款至十五萬之多實各省教案所未見下手一著便鑄大錯似此巨款安知非承辦委員與洋人教士暗爲狼狽朋比分肥且此款之集無非勒派紳民挪動公項豈真百姓樂從甘心輸納卽此一案民人銜忿已深教中氣餒已熾但哀此蚩氓 閭閻萬里不能一叩耳本衙門時以成議既堅莫挽於前事補救之策有待於將來於同治三年因該省咨送交涉洋務事件已結未結清冊內有民人與教民大小詞訟案件與教務無干者各主教輒向各衙門陳說干預且妄稱總制副使名目擅用文移凡係奉教之人理屈者不以爲屈殺人者亦不抵罪中有灌縣戴高氏一案該氏騙賴張洪彥弟兄租穀反將張洪倫殺死張洪俊戮傷法國主教擅用文移爲之說情竟將戴高氏擬徒由將軍衙門結案不咨總督不交臬司核辦以是類推足見教民之肆辦理民教交涉事件之偏當由本衙門咨行將軍川督以教民係中國之民應照中國定例訊斷不得因入教寬縱教民與平民詞訟不得令主教干預受其文移並將戴高氏一案議抵復於咨復射洪縣邱華昇一案文內告以如此偏袒教民屈抑平民勢必盡使蓄怨一旦橫決羣起與教爲仇等語原期卽一見百杜漸防微不至積重難返無可措手不謂同治四年竟有酉陽州教士瑪弼樂被毆致斃一案斯時仇結之象已見本衙門所慮已驗案經兩載至六年

七月始據報結除兇手議抵外又賠償該教銀八萬兩由紳富自行湊給分年清交蓋民力既竭民怨愈深而彼族且引前此之十五萬及此案之八萬兩特爲成例之循轉喜有事可以多得地方紳富卽毫無干涉亦必羅織株連藉可罄彼身家飽我賂壑也此案報結時附到地方紳富與彼教公立合約一紙內一條有謂教民有欺齊民者或犯教規不遵條約由司鐸送官懲辦之說夫中國人無論傳教習教皆中國百姓也中國百姓應由中國地方官治理向來辦法遇有教民交涉事件教民係中國人但論曲直是非不論教與非教今必藉司鐸送官懲辦則地方官不能治入教之民已顯然矣是時風聞蜀中民教交涉詞訟常多偏護教民甚至抗糧忤逆諸案一有該教爲之緩頰卽寬釋或且反坐每有首告忤逆之案不治其子而咎其父持平理獄之官不以爲職而以爲過者似此情形必致民教仇結釀成巨患章京擬稿稟回閱定密致將軍告以激烈之病其患在於目前而爲禍迫縱庇之病其患在於日後且目前亦有難緩而爲禍尤深率此以往民教相讎日深一日激而始決必至如雲南甘肅之民回讎殺禍結兵連比至其時悔將何及切屬早籌補救並謂教民由司鐸送官懲辦一層轉以中國治民之柄畀之該教必不可行旋得將軍報書猶力白其誣乃至今日酉陽州及紙房溪之案出則三年以前所鯁鯁過慮者悉悉皆驗而民之受禍益慘其事更不可救藥矣本年正月將軍奏咨酉陽民教仇殺一案事緣教民阻婚而起其曲本在教民因之彼此尋衅殺傷多命焚燬多家法國公使來署咆哮如將軍奏咨內早將民人被殺被焚詳細數目敘入本衙門正可據此以折該使之氣乃原奏內僅稱互有殺傷至本衙門函詢斃命民教確數始據復稱民人斃命二十九人而教民被殺人數仍置不復未識何意其時紙房溪民人被毆教士率領匪徒殺死二百人命之案已出將軍祇於函中提及一二不知此案重大較酉陽州仇殺之案爲倍甚且彼時地方官諭令民教解衆繳械自當同時進行乃團民已奉當官戒諭將兵械繳出人衆解散而軍教士不遵

勸諭乘其無備掩殺至二百人之多備極慘酷情同叛逆况此二百人者皆束手受戕無寸鐵之可抵該教士無寸膚之被傷更為可痛可恨而覃教士之是否洋人未言及也揣將軍之意正欲藉此案民人被殺之命與酉陽州教民被殺之案相抵完案詎思如欲相抵則酉陽之案互有殺傷相抵足矣紙房溪一事何等案情並不奏咨專辦而遽欲消納於前案之中成何事體明知洋人范若瑟一面即使以抵完案渠向未必樂從然此數百人命肝腦塗地視如草芥問之此心何以對蜀中百姓何以對天地神明時本處復函屬令自行奏咨並將首逆之覃教士及各匪徒治罪且案關重大不得以一抵了事並將教民斃命實數確核開報以資核辦七月接准將軍等咨函並附民教甘結及斃命人數被焚房屋清冊果擬以抵了案獨將為首打教之人拏獲到案置首逆覃教士於不問轉令其送出他犯備訊咨內據錫道稟稱民教均願具結完案函內則稱范若瑟尚復狡執始提及覃教士並非洋人轉以不難擒治特恐范若瑟恧公使為詞夫覃教士既屬華人則當委員撥營查訊之時便當數其句引匪類慘殺數百人命之罪立行正法中國自治亂民並非阻其習教如范若瑟有言可告以覃教士係通匪首逆不能不誅與教無干今遵令其具一甘結片紙浮詞即以償數百姓命從古及今有此辦法耶由此觀之足見向來蜀人一經入教無論如何地方官不能過問凡有詞訟教則必伸非教必屈從前本衙門風聞之說誣耶否耶則此八九年來事事偏庇教民以馴致此尾大不掉之勢者伊誰之咎耶果至於此則覃教士一經正法誠難保范若瑟之竟無異詞然換約以來各省俱有教民俱有教案若以中國一傳教習教之民可任其殺數十百人而不加之罪試問他省能如此否耶他省亦有洋主教居住遇事亦何嘗不為掣肘能因此不問耶若竟因此而不能問則此後全省百萬士民恐不足供數十教民之刀俎尙復成何事體耶詳閱冊內人數平民被殺者幾二百人內有支解燃燭輪姦之慘不忍言者教民冊內所開二十餘人內有屍骸難認不識姓名者

數人未辨是民是教夫既難認矣不識姓名矣何妨另開一冊而必列於教民之內其意安在耶骸骨成邱膏血潰野孰非中國赤子而驅而置之死地者誰實為之耶將軍思之忍耶否耶我 朝深仁厚澤漸漬寰宇蜀中士庶亦惟是感 國家浩蕩之恩識 朝廷委曲之意自教士入蜀以來重慶酉陽各案肢其脂膏殘其子弟無不俛首聽命隱忍含冤迄今日罹此慘酷猶復違依具結莫或敢違耳然至宛轉求生而無可生死者無復生而生者知必死憤激之久鬱而一發鹿挺走險急何能擇倘有一二桀驁者出振臂一呼萬口爭應况其地勢踞險阻境連苗蠻黔疆之士匪未平湖南之哥老會根株未絕萬一句結起事為患未可勝言即使經營蕩定速就剷除而玉石俱焚可傷孰甚此誠杞人之過慮而情勢之不得不慮者也若夫教士之橫各省一氣酉陽一處如此即四川各處如此四川一省如此即天下各省如此將來彼教中悉循覃教士之例殺人無罪聽之不可誅之不能大局必終於決裂此則情勢之必至而今日之不得不慮者也且即今日慮其至是而早思籌策力求挽回猶恐方輿之倏難熄既倒之瀾難迴若任其水深火熱而不圖變計勢必淪胥煎灼終至於莫可如何之地以殺人以政與刃無異之義推之何莫非我堂司日夜疚心之事即何莫非 九重痼痼深切之端易曰窮則變變則通為今之計殆非改絃更張不能稍期補苴於萬一也改絃之計一在懲既往將軍於此事專任多年用心之苦非不知也但功過所形是非即定本衙門若僅致文函屬其善處則前此之苦口徒然今日之空言何補即將軍誠自今始亟思改圖則洋人之積玩已深百姓之驚疑難破似應由本署專摺奏請嚴議將軍處分俾蜀中百姓生者知 聖朝愛民之意死者舒銜冤飲恨之魂接辦者思懲前毖後之策洋人傳教及華人習教者知重臣如將軍猶因是獲戾可得回心易轍之機 綸音一下合蜀雷歡轉圜之要全係乎此即國家以將軍為 先皇侍從之臣念其家世勛猷之著與其生平宣力之勞逾格優容則臺鼎高官所以位置之者自有餘地將軍之所

以圖報 國恩者正無已時 朝廷用人自有權衡非臣下所敢盡測也至吳督同辦此事未能合宜似應並請處分惟任事有久暫之殊處分自有重輕之別道員錫佩始終其事凡將軍差失之處皆該道朦蔽迎合之爲敗壞至此無可諉卸更應從嚴議處查本衙門無參劾大員成案然該省之事統緒如此亦所未見向來各部院有參劾各省督撫之例本衙門總核各省洋務事同一律理之所當然即爲事之所應有倘復遲回因循一任將軍仍守故轍竊恐變亂相尋川省黎庶靡有孑遺是蜀民之死死於將軍之手即死於本衙門徘徊瞻顧之心也一在籌本案兩案起衅雖由一事而案情懸殊似宜分兩案議結以民教被殺人命彼此相抵施之前案尙可中理至紙房溪之案事關旬集叛匪殺斃數百人命應將爲首之覃教士及案中著名兇犯擊獲正法所斃團民男婦有應旌卹者理應分別旌卹似應請 旨特派素有威望深悉洋務之鄰省封疆大員前往持平辦理奏結而尤要者在籌將來之善策天主教既經弛禁斷無盡善之計然就事論事必思去其太甚毋使川省受毒獨百倍於他省揆之事理或尙可爲各省交涉洋人行教事件均由督撫飭屬辦理惟川省尙由將軍主稿今擬嗣後改歸四川總督主政成都將軍照廣州將軍福州將軍會同辦理似此則責任歸於地方知成敗功罪之難諉疾痛皆其赤子知閭閻性命之堪珍若能川督得人念念爲 國爲民事事不隨不激憲意無所倚毗各地方官自無可揣摩時時切飭所屬鑒戒前非以求今是平心靜氣救弊補偏天心仁厚應誘其衷有以化彼族貪殘之性而解窮黎倒懸之苦也

又 諭崇厚奏津郡民人與天主教起衅見在設法彈壓請派大員來津查辦一摺據稱天津地方有匪徒迷拐人口牽涉法國教堂情事經崇厚與法領事豐大業等約定於五月二十三日令天津道府縣帶同匪犯武蘭珍親往天主堂面見教士謝福音並帶該犯指勘所歷地方房屋與該犯原供不符亦即帶犯而回旋據教士謝福音至崇厚處商量以後查辦之法商妥去後是日未刻

忽聞有教堂之人與觀看之人口角爭毆正在派武弁前往彈壓法領事豐大業忽來署中神氣兇悍帶有洋鎗二桿後跟一外國人手執利刃出言不遜將洋鎗向崇厚施放幸未被中該領事將桌上物件信手砍損咆哮不止崇厚以其時民情洶洶恐激成事變勸令該領事不可出去豐大業即飛奔出署天津縣知縣在彼彈壓當面勸阻該領事即對其放鎗將該縣知縣家人打傷百姓激於衆憤將該領事擊斃致死並焚毀教堂等處房屋見在民情稍戢等語仍著崇厚督同地方文武將該民人等設法開導妥爲彈壓毋令聚衆再滋事端曾國藩病尙未痊本日已再行賞假一月惟此案關係緊要曾國藩精神如可支持著前赴天津與崇厚會商妥籌辦理匪徒迷拐人口空眼剖心實屬罪無可逭既據供稱牽連教堂之人如查有實據自應與洋人指證明確將匪犯按律懲辦以除地方之害至百姓聚衆將該領事毆死並焚毀教堂拆毀仁慈堂等處此風亦不可長著將爲首滋事之人查拏懲辦俾昭公允地方官如有辦理未協之處亦應一併查明毋稍回護曾國藩等務當體察情形迅速持平辦理以順輿情而維大局

又 諭崇厚奏津郡民教起衅爭毆自請治罪並將地方官分別嚴議革職一摺此案天津民人因迷拐幼孩匪徒有牽涉教堂情事懷疑起衅復因法國領事豐大業在崇厚署中施放洋鎗並向天津縣知縣忿激羣毆致將豐大業斃命並焚毀教堂崇厚辦理通商事務不能綏靖地方天津道周家勳有表率之責未能先事預防天津府知府張光藻天津縣知縣劉傑辦理不善以致釀成巨案均屬咎無可辭崇厚周家勳張光藻劉傑著先行交部分別議處仍著曾國藩於抵津後確切查明嚴參具奏至迷拐人口匪徒及爲首滋事人犯均應查拏懲辦並著曾國藩會同崇厚澈底根究秉公辦理毋稍徇

又 諭昨因崇厚奏津郡民教構衅情形當諭曾國藩前赴天津與崇厚悉心妥籌持平辦理本日復據崇厚奏自請治罪並將天津道府縣各官請分別嚴議革職及查津郡見在情形各摺片已明降諭旨將崇厚等先行交部分別議處並令曾國藩於抵津後確查參奏矣匪徒迷拐人口本干例禁空眼剖心之

事尤屬罪無可逭人所共憤全賴地方官平日嚴密稽查隨時拏辦如任民間擅自拏人實屬不成事體著會國藩於抵天津後與崇厚體察情形妥爲辦理嗣後遇有此等案件惟當責成地方官嚴密拏辦並飭該府縣剴切曉諭不准民間擅自拏人徒滋紛擾至百姓毆死領事焚毀教堂各情尤宜迅速查明一面檄飭地方官嚴緝正兇彈壓滋事人衆毋任再起衅端以安中外人民之心又諭會璧光奏覆陳教務情形一摺據稱遵義府城民教爭鬪業委道員陳昌運馳往查辦先將藉事搶擄之民人傳有沅訊明正法民教悉已解散並將教士三人於六月十三日護送到省七月初七日據代辦主教任司鐸照會趙教士到省後於初六日因傷身死該撫委員往驗而任主教復以業經殯厝未便開棺相驗攔阻至梅教士在仁和被殺一語有無其事已派員往查等語此案既據會璧光查明趙教士並非因傷身死該主教又有攔驗情事即可從此設法了結折服其心梅教士是否被殺亦應確切查明見在李鴻章所派之道員余思樞計早抵黔即著李鴻章會璧光飭令余思樞並該省委員等迅速持平辦理及早結案免致羅淑亞到後另生枝節



皇朝續文獻通考卷三百五十

外交考十四 傳教

同治九年 諭總理衙門奏貴州遵義教案請飭迅結一摺黔省遵義教案前經李鴻章派令道員余思樞前往籌辦迄今尚無端倪該使臣羅淑亞以李鴻章改赴陝西恐貴州教案又復延擱屢次催請迅結自應妥速辦竣以弭弊端李鴻章係原派查辦大臣見雖未能入黔此案仍須該督一手經理著即飭令余思樞會同黔省派出各員迅將應行查辦事件認真查覈但能折服其心自不至仍前狡執該使臣羅淑亞亦有不令教士任意焚索之語並因新使臣蘭盟將到亟望此案速結一切籌辦機宜該督即可密飭余思樞妥為辦理至此案雖由李鴻章派員往辦會暨光係該省大吏豈得置身事外著即嚴督派出各員悉心會辦逐層確查覈實持平以自立於不敗之地原摺均著鈔給閱看又 諭崇實奏遵義教案辦理就緒請將出力官紳酌保總理衙門奏貴州教案未結請飭崇實仍赴遵義籌辦各摺片前據會暨光奏黔省教案九起全行議結並未將如何議結之處詳細聲敘此次崇實摺內所稱設堂行教一事業經開導就緒而教士遲久並無出省日期是民教兩面尚未切實議結不得遽謂完案據法國使臣羅淑亞照會內開轉據任教士函稱貴州各案入奏之後並無會同甘結且臚列遵義等處教案亦未設法辦理等語可見該教士並未帖服是否各案本未議妥含糊了結抑係該教士之言不實不盡若不趕緊辦妥仍為不了之局崇實見已起程回省著即迅速折回馳赴遵義會同會暨光督飭余思樞等妥速籌辦總須民教兩面各無異詞實有完案確據方不至再滋口實所有此案辦理出力官紳著俟全案完結後准由崇實會同會暨光擇尤酌保總理衙門摺著鈔給閱看

又 諭前因天津地方有匪徒迷拐幼孩牽涉教堂民間懷疑起衅將法國領事官羣毆斃命焚毀教堂並毆斃多人兼誤殺俄國商民情形甚屬可憫業經降旨將崇厚及辦理不善之地方官先行交部議處仍令會國藩確查具奏並將迷拐人口匪徒及為首滋事人犯嚴懲懲辦因思各國通商以來遇有交涉事件皆有條約可循中外商民相安已久朝廷一視同仁但分良莠不分民教各處匪徒如有影射教民作奸犯科者即應隨時訪拏詳細究明從嚴懲辦豈可任令民間傳播謠言妄行生事此次天津既有民教滋鬧之事恐各省地方亦不免因此懷疑起衅著各督撫嚴飭所屬地方官務須剴切曉諭妥為彈壓並將各處通商傳教地方隨時保護毋任愚民藉端滋事

又 諭會國藩奏民教起衅一案總以武蘭珍是否果為王三所使王三是否果為教堂所養空眼剖心之說是否確有證據為案中最要關鍵審虛則洋人理直審實則洋人理曲等語可謂切中事理要言不煩即著飭令派出之道員博多宏武等會同天津道府澈底根究妥籌辦理昨已特命崇厚充出使法國大臣其三口通商大臣派成林前往署理會國藩眩暈之證見已十愈其八日內如可支持即著前赴天津會同崇厚悉心商辦至傳教習教之人傷斃若干中國外國之人無故被害者若干皆須切實查明嚴拏兇手以懲煽亂之徒彈壓土民以慰各國之意尤為目前要務並著認真區畫妥速籌辦

又 諭會國藩奏教堂牽涉迷拐之案訊供稍有端倪尙未能確指證據等語此案起衅之由因迷拐幼孩而起總以有無確據為最要關鍵必須切實根究則曲直既明方可再籌辦法著會國藩崇厚悉心商體察事機妥籌辦理以期早日完案會國藩擬將誤斃俄國人命及誤毀英美兩國講堂先行議結不與法國牽混所見甚是著即會同崇厚妥為商辦以免轉輾

又 諭前據會國藩奏起程赴津見抵該處已逾多日此案起衅根由想該督必已詳細查明妥為籌辦矣迷拐一案究竟有無確據此係緊要關鍵即著該督迅速具奏以慰屢繫並將見在籌辦之法及該處近日民情一併奏聞崇厚已派出使法國自應及早啟行著會國藩體察情形如崇厚此時可以交卸即著該侍郎先行來京陛見以便即日起程其通商大臣事務著會國藩暫時接辦成林見已病痊銷假不日亦可馳赴天津俟該京卿到時會國藩即可將通商事務交卸

又 諭會國藩崇厚查明天津滋事大概情形據稱研訊教民迷拐人口一

節王三雖經供認授藥與武蘭珍然尙時供翻亦無教堂主使確據仁慈堂查出男女一百五十餘名口均稱其家送至堂中象養並無被拐情事至空眼剖心一條經曾國藩於抵津時親加推問百姓無能指實詢之天津城內外亦無遺失幼孩控告之案此等情形如湖南江西揚州天門及直省之大名廣平皆有檄文揭帖紛傳不一厥後各處結案總未將檄文揭帖之虛實剖辨明白津民平日熟聞各處檄文揭帖之言已信爲實而又因外國堂門終年扇閉教堂仁慈堂皆有地窖爲去潮溼置煤炭之用治病者被留不出並收留無依人口及疾病將死之人等情蓄疑莫解本年四五月間適有拐匪用藥迷人之事牽涉教堂該民人見領事官豐大業對官放槍遂致萬口譁謔同時並舉其實空眼剖心戕害生民之說多屬虛誣毫無實據等語此案迭諭曾國藩會同崇厚持平辦理見據該督等奏報此事均係謠傳津人致疑之由昭然共見外省地方遇有此等謠言羣疑亦可稍釋至匪徒迷拐幼孩人口例禁本嚴惟恐日久玩法著刑部於此等兇犯到案時即議以加等治罪嗣後各省地方如擊有迷拐人口匪徒亦著照刑部所議從重處治以儆兇殘京師爲首善之區尤宜接查匪類並著步軍統領衙門隨時緝訪遇有此等匪徒即行擊交刑部加等治罪

又諭曾國藩崇厚奏查明天津滋事大概情形該督等見給該使照會於緝兇修堂等事均已力爲應允想該使自不至再生異詞日來辦理情形能否迅就了結並著隨時馳奏沿江沿海各督撫本日已有咨諭令其嚴行戒備陳國瑞當時是否在場到津後即可質明虛實已令神機營飭令該提督赴津聽候會國藩查問矣

又以直隸天津疏防民教啟衅革知府張光藻知縣劉傑職下部治罪

又直隸總督曾國藩奏承准軍機大臣密寄上諭有人奏風聞津郡百姓焚毀教堂之日由教堂內起有人眼人心等物呈交崇厚收執該大臣於奏報時並未提及且聞見已消滅等語所奏是否實有其事著曾國藩確切查明據實奏聞至所稱傳教有礙通商一節應如何設法弭衅之處並著詳察情形妥

籌具奏又奉諭迷拐一案究竟有無確據此係緊要關樞即著該督迅速具奏以慰廬系將查明大概情形具陳在案洋人空眼取心之說全係謠傳毫無確據故彼族以爲可恥忿忿不平焚毀教堂之日衆目昭彰若有人眼人心等物豈崇厚一人所能消滅且當時由教堂取出必有取出之人呈交崇厚收執亦必有呈交之人此等異事紳民豈有不知臣抵津後查訊空眼取心有無實據紳民俱無詞以對內有一人言眼珠由陳大帥自帶進京大帥者俗閒稱陳國瑞之名也其爲說傳已不待辨原其說傳所起由崇厚專弁到京向總理衙門口稱有搜出眼珠盈罈之說其時會粹傳聞該弁未經考實致有此說其實眼珠若至盈罈則堂內必有千百無目之人毀堂之時何無一人見在卽云殘害其屍具又將何歸此可決知其妄者諭旨垂詢迷拐一案查空眼剖心決非實事迷拐人口實難保其必無天津之王三安三河開翠獲之王三紀靜海見留之劉金玉供詞牽涉教堂在在可疑臣前所奏係力辨洋人之誣請發明諭故於迷拐一節言之不實不盡誠恐有礙於和局當時另有片奏密陳迷拐之可疑旋因慮及偶有漏洩法使羅淑亞必致又與波瀾洋人此時斷不肯自認理虧不如渾含出之使彼有轉圜之地故臨發時將密片抽出將來此案辦結仍當再申前說請令教堂仁慈堂均由地方官管轄庶冀永弭衅端至諭詢傳教建堂有礙通商一節上年在京與文祥論及傳教不宜兼設育嬰堂文祥力言其勢不能禁遏禁育嬰堂且不能况能禁傳教乎諭詢見在辦法已爲昭雪空眼剖心等事之誣以平洋人之心其焚毀教堂公館業已委員與修王三屢經翻供見已釋還教民安三迷拐被獲因獄詞未定而該使索之甚堅亦經暫行釋放至查擊正兇措手稍難已飭新任道府擊獲九名拷訊黨羽至俄國誤傷三人前經委員與俄國領事官孔氣商酌每傷一人給予卹銀五千兩該領事當以請示國主爲辭昨經臣處動用公牘再爲詢問惟法使羅淑亞必欲將天津府縣及陳國瑞三人擬抵經臣照復該使府縣並非有心與洋人爲難陳國瑞不在事中仍復曲徇所請將該府縣奏交刑部治罪昨據該使照會仍執前說必令該三員抵償又遣繙譯官德偉力亞來處

面稱必如照會所言方不決裂臣與辨論良久問該使稱府縣主使究有何據德偉力亞不能指出然其詞氣始終狡執未就範圍臣查府縣實無大過送交刑部已屬情輕法重該使必欲擬抵實難再允所求由臣處給予照覆另錄送軍機處備查彼若不擬構衅則我所斷不能允者當可徐徐自轉彼若立意決裂雖百請百從難保其無事 諭詢近日民情雖經臣迭次曉諭而其疾視洋人尙難遽予解化良民安分畏事每欲自衛身家幸災樂禍輒欲因亂搶奪浮動之意至今未定故有邀集衆紳往見羅使者亦有撕毀教堂告示者見有銘軍二千人在此彈壓當可無虞但臣舉措多不愜輿情殊堪內疚耳 諭詢崇厚如何交卸即著先行來京見在辦理雖有端倪羅使尙未應允臣於洋務素未諳悉且病勢轉深崇厚與洋人交涉已久無事不熟請 飭該侍郎暫緩赴京留此會辦俾臣不致債事於大局實有裨益

又奏再臣查此次天津之案事端宏大未能輕易消弭中國目前之力斷難遽啟兵端惟有委曲求全之一法臣於覆奏摺內曾聲明立意不與開衅而月以來 朝廷加意柔遠中外臣民亦已共見共聞臣等見辦情形仍屬堅持初議而羅酋肆意挾卒未稍就範圍 諭旨所示洋人詭譎性成得步進步若事遂其求將來何所底止是欲弭衅而仍不免啟衅確中事理洞悉敵情臣等且佩且悚目下操縱之權主之自彼誠非有求必應所能潛弭禍機此後彼所要求苟在我稍可曲徇仍當量予轉圜苟在我萬難允從亦必據理駁斥惟洋人遇事專論強弱不論是非兵力愈多挾制愈甚若中國無備則勢益愈張若其有備和議或稍易定見令張秋全隊九千人拔赴滄州一帶略資防禦李鴻章前在潼關臣已致函商論萬一事急恐須統率所部由秦入燕此時陝回屢受大創若令李鴻章入陝之師移緩就急迅赴畿疆辦理自爲得力英法兩國水師提督頃已均在大沽請示國主旬日內當有覆信法國若僅與津人爲難則稱兵必速若要求無厭直與 國家爲難則稱兵必遲李鴻章若於近日奉 旨移軍東指當不嫌其過緩臣於洋務素未研求眩暈之病又復舉發連日心氣耗散精神不能支持目光愈蒙二十六日崇厚來臣處面商一切親見

臣昏暈嘔吐左右扶入臥內不能強起陪客該大臣已有由京另派重臣來津之奏臣自咸豐三年帶兵早失效命疆場之意今茲事雖急病雖深而此志堅實毫無顧畏平日頗知持正理而畏清議亦不肯因外國要挾盡變常度 朝廷接崇厚之奏是否已派重臣前來應否再派李鴻章東來伏候 聖裁抑臣更有請者時事雖極艱難謀畫必須斷決伏見道光庚子以後辦理洋務失在朝和夕戰無一定之至計遂至外患漸深不可收拾 皇上登極以來外國強盛如故惟賴守定和議絕無改更用能中外相安十年無事此已事之成效津郡一案因愚民一旦憤激致成大變初非臣僚有意挑衅倘即從此動兵則今年即能俾勝明年彼必復來天津即可支持沿海勢難盡備 朝廷昭示大信不開兵端此實天下生民之福雖李鴻章兵力稍強然以外國之窮年累世專講戰事者尙屬不及以後仍當堅持一心曲全鄰好惟萬不得已而設備乃取以善全和局兵端決不可自我而開以爲保民之道時時設備以爲立國之本二者不可偏廢

又 命工部尙書毛昶熙馳赴天津會同直隸總督曾國藩查辦事件

又 諭會國藩奏洋人挖眼剖心之事查無確據崇厚亦無消滅情節此事著毋庸議至滋事正兇見已拏獲九人即著會國藩等督飭道府悉心研究起衅根由如尙有未獲黨與仍一面隨時緝拏嚴行懲辦崇厚與洋人交涉日久此時情形正緊著准其暫緩來京與會國藩妥籌辦理天津府縣擬抵一節斷難允准該督照覆羅淑亞之言亦頗詳晰該使當不至固執前意設詞要求已派毛昶熙赴津會辦該尙書抵津後一切應辦事宜著該督等與之斟酌緩急相機籌辦昨諭李鴻章酌帶所部刻日馳赴近畿一帶駐紮以爲津郡聲援會國藩見又令張秋全隊拔赴滄州該督等務竭力籌維以期速了片內所稱善全和局以爲保民之道備豫不虞以爲立國之本甚屬曲中事理即著該督堅持定見悉心經營用全大局

又 諭毛昶熙奏抵津並會商情形一摺羅淑亞擬回京商辦諸事英國使臣威妥瑪亦勸其回京據毛昶熙奏稱此案全在地方官設法議辦就近與該公

使商酌及早了結若任令回京轉恐往返函致稽時日等語所籌甚是著會國藩毛昶熙崇厚悉心會商與羅淑亞就近在天津迅速議結毋令該公使回京致此案轉形稽滯至爲首滋事之犯著仍遵前旨趕緊緝拏以爲轉圜地步會國藩等務當妥速籌辦上維國體下順輿情以期力保大局

又 諭李鴻章於行抵直境時酌度情形即將所帶各營扼紮直隸邊境獲鹿一帶或於河北彰德山西平定等地方分紮務須不動聲色持以鎮靜用昭慎重至正定廣平等處均有洋人教堂李鴻章務當就近彈壓兵民毋許滋事免致別生枝節

又 諭據軍機大臣呈遞直隸按察使錢鼎銘稟函據稱已革天津府知府張光藻因病出省在順德府調治已革天津縣知縣劉傑亦在密雲縣治病已派員分赴守催等語覽奏不勝詫異張光藻劉傑以奉旨治罪人員即使患病屬實亦應在天津聽候查辦乃該革員等一赴順德一赴密雲捏病遠避直視諭旨如弁髦尙復成何事體試思該革員等不呈遞親供辨別是非總理衙門王大臣等與洋人終日辨詰何能以空言相抵朝廷之令該革員赴津者實曲示保全之意乃皆不能體會儻然置身事外若使洋人聞之豈不益滋口實此事關係重大不可再涉遲延著錢鼎銘遵前旨星夜派員前往將該革員等迅解天津不准藉詞託病仍著將起解日期趕緊覆奏會國藩於張光藻等革職後率行給假他出實屬不知緩急並著派員勒限催提俟解到日會同毛昶熙取具該革員等確切親供以憑覈辦若再託詞遠避國法具在豈能寬宥將此由五百里諭知會國藩並傳諭錢鼎銘知之

又 諭昨據會國藩等奏提解已革天津府縣到津本日據總理衙門奏近日辯論情形並鈔錄照會呈覽張光藻劉傑以奉旨治罪人員理應在津聽候查辦乃一往順德就醫一往密雲安置眷累遷延多日迭經嚴旨催促始赴天津以致洋人枝節叢生任已私而貽誤國事實能之吏豈應如此見在羅淑亞所遞洋文業由該衙門譯出即著會國藩等按照所指各節逐一詳訊取據切實親供其事所必無者固應明白剖晰其情所或有者亦不可諱飾避就庶有以

折服洋人之心不至再滋口實至緝獲正兇實爲此案最要關鍵會國藩等務當督飭地方文武員弁認真購緝將在逃首要各犯儘數弋獲訊明懲辦其見獲各犯亦著詳細研究務得實供毋任狡展成林到津後毛昶熙計已交卸仍著暫留天津會同會國藩籌辦一切丁日昌於洋務情形素稱熟悉此次兼程到津籌畫各事均極認真即著幫同會國藩等悉心妥辦務協機宜以副委任洋文內有牽涉陳國瑞之語並著會國藩詳查確訪據實奏聞

又 諭總理衙門奏請飭李鴻章迅赴天津等語昨據會國藩等奏稱審訊滋事各犯確有證供應正法者得七八人略有證供應治罪者約二十餘人第案情重大各國傷斃商民亦多著李鴻章迅速馳赴天津會同會國藩丁日昌成林督飭承審各員將案內得有正供各犯認真研鞫毋任時認時翻及早擬結至天津府縣所具親供內有應行覆訊及與會國藩奏到查明滋事大概情形摺內情節不符之處仍著會國藩等迅速覆訊明確一面將該革員等解交刑部聽候覈辦一面將覆訊供詞據實具奏另片奏請飭成林接統津郡防軍等語天津海防關係緊要所有崇厚任內練習洋槍各隊即著成林接統督同天津通永鎮總兵大沽協副將認真訓練不得稍有懈弛其各營軍餉及需用軍火器械等項均著悉照舊章覈實辦理

又 諭總理衙門奏請仍遵前旨飭令提督陳國瑞赴津查訊等語已諭令神機營王大臣派員伴送該提督赴津並飭將要犯周起濬交出由會國藩等訊辦矣陳國瑞抵津後應即取具切實親供以憑覈辦著會國藩等督飭承審各員將應行查訊各節向該提督查訊明確令其切實登覆毋稍含混俟遞供訊結後再行飭令回京其周起濬一犯交出後即著歸案嚴訊

又 諭李鴻章奏起程赴津一摺天津一案會國藩等擬於八月二十三日先行奏結自己辦有眉目即著安速定擬刻期具奏不得再有遲逾據李鴻章奏稱正法八人與議罪二十餘人辦法不爲不重等語著會國藩等將未獲之犯趕緊勒限嚴拏並將見獲各犯認真研鞫不得稍涉寬縱致令兇徒漏網至天津府縣所具親供內有應行嚴訊之處諒已早經訊明一面將覆訊供詞迅速

具奏一面將該革員等於接奉此旨後即日解交刑部聽候嚴辦限於八月二十五日到部本日據醇郡王等奏遵將陳國瑞派員伴送赴津該督等於詢畢後將該提督親供即行具奏仍令原派之員將陳國瑞即日伴送回京要犯周起瀛交出後即著歸案訊辦

直隸總督曾國藩奏等前將津郡滋事案內首從各犯分別定擬具奏兩旬以來嚴飭地方文武各員續行訪拏晝夜研訊又獲應正法者五人應辦軍徒者四人除將各犯供詞抄咨總理衙門及刑部備查外謹開單呈覽此次審明各犯皆係續行緝獲其前單供證未確者除何四見已治罪外其餘再四訊鞫迄無定供亦無的證礙難定罪應即隨時釋放前單在逃未獲者除楊二見已拏辦外其餘購獲密拏迄未緝獲其中尤要之犯應俟緝獲至日另行議結此案事起倉猝並無預先糾集之人其後殺人放火萬眾喧雜亦非百姓始意所能料今中國力全鄰好先後兩次共得正法之犯二十人軍徒各犯二十五人辦理不為不重不惟足對法國亦堪備告諸邦昨准總理衙門抄錄羅使信函移咨到臣內稱派德繙譯官前赴天津出具切結並確查燒毀房屋被搶物件以便議價等語該繙譯頃已抵津俟查明回京當可議定

直隸總督李鴻章奏承准軍機大臣密寄奉諭著即馳赴天津會同曾國藩丁日昌成林督飭辦理臣行抵保定將親軍各營布紮休養料理後路糧餉軍火轉運事宜接見司道諮詢地方切要利弊甫有端緒臣體素羸弱自夏徂秋督隊冒暑馳驅感受溼熱加之憂念國事寢食頓廢肝疾增劇正在服藥調理擬稍復元赴津接篆迭蒙明詔敦促職居疆吏何敢稍有諉延茲定於二十二日起程赴津聞陸路阻水多處擬掉小舟循大清河東下約計五六日可抵津郡再行察酌情形會商妥辦准會國藩函稱見獲各犯認供可正法者七八人應分別議罪者約二十餘人擬先行奏結等語該督臣亦知洋人傷斃較多要犯擬抵辦不及數難免饒舌惟津民萬眾齊心狡賴又事後深知悔懼或遠颺無蹤或堅不吐供不比一家一人之事可以儘數吹求無礙大局自丁日昌到後窮搜力索捕治已極認真事關動眾尤慮刑逼株連附會羅織致成冤

獄而激眾怒不獨非中國政體所宜即按諸各國平素道理不肯輕易殺人傳教專為行善之意亦微有不合所期日後與民相安豈在一時快意仇忿若欲以示警戒正法八人與議罪二十餘人辦法不為不重遠近必皆寒心竊料以後各處不至再有此等重案若殺戮太過實為洋人永遠之患尤非各國厚待中國百姓之心想總理衙門王大臣必已與各國使臣詳切開導矣臣力所能及當隨時督飭地方官設法訪拏訊辦斷不肯略存袒護致令洋人含冤亦未便遇事苛求轉令百姓解體

十年諭崇實曾璧光奏黔省教案仍照原議歸結一摺黔省教案九起經在事各員與教士李萬美等商議妥協一律議結並由該教士出具甘結照會銷案是民教兩面各無異詞實有完案確據此後遇有中外交涉事件曾璧光務當督飭地方官秉公持平辦理以期永遠相安在事出力之道員余思樞著賞加布政使銜知府馬應鏗著賞加三品銜同知張鴻績著賞加鹽運使銜州同湯中著俟補缺後以知州用章紹濱著不論雙單月選用副貢生華國輝著賞給五品銜前署遵義府知府汪炳敬前署遵義縣知縣劉肇觀前署遵義協副將梁正春於民教倉卒滋事未能即時解散實難辭咎均著交部議處外委范玉芳把總陳雲龍著一併斥革前署永甯州知州尹樹棠著摘去頂戴一年無過方准開復前署綏陽縣知縣楊嘉禾前署獨山州知州錢堦前署桐梓縣知縣耿光祺均著交部察議以示勸懲至賠款銀七萬兩已由黔省籌發三千兩其餘六萬七千兩崇實等分咨各省於協黔軍餉內畫撥固因黔省餉需支絀無可應付惟與其令該教士自行走領不如由川省先行籌款墊發一面咨催各省於協黔餉內照數提出解還四川較為直捷著崇實吳棠曾璧光斟酌情形設法籌辦

總理衙門致各國公使書自中外互市以來所訂條約原期有利無弊彼此相安垂諸悠久而不變也乃查看近年雖有條約非但不能行之於將來即目前亦有難安之勢矣其通商一事尚稱平順可免爭端惟傳教之流弊有不可勝言者按傳教之本意原謂勸人為善而天主教之與中國民心大

爲柄鑿何說殆辦法未能合宜有以致之耳所當亟求妥法挽回而補救之庶於各國和好之大局與各國通商之大局無礙也傳天主教士所至地方往往與民不合故歷年來各種案件頗有不能相容之處貴大臣當亦知之有素矣夫天主教之初來中國也名曰西儒其始入教者不無安分之人而自換約後大爲不然遂將勸人爲善之教華人皆輕視之而存不服之心加以入教者倚勢欺人於是不服之心固結而不可解迨民教相爭釀成案件地方官理當查辦而教士又出而庇護之教民藉此藐視官長民心更爲不服且當中國有事之秋凡一切罪人訟棍俱以教中爲遁逃藪從中生亂百姓始而抱怨繼將成恨終且爲仇各處民人不同天主耶穌有無區別而皆指爲天主教也不知西洋各國疆界有分而概視爲外國人也禍端一啟凡駐居中國之西人所在皆爲危境即安居無恐之省百姓亦聞而生疑疑心甚而忌心生焉據此情形安有不激而生變者耶究其實教非一教國各一國縱使告者諄諄難必聽者不藐藐本王大臣任事十年且夕焦勞不料今年天津之案果變生倉猝不及防矣該處地方官查獲正兇駢首受戮以及賠償撫卹各件雖云辦理尙妥而中心總未釋然皆因民教不安必致滋事成案以後僅照此案爲成例恐辦法愈辦而愈難亦禍端愈多而愈烈也豈得相安無事乎總之各省教案雖因百姓積怨而成實由教民相逼處此耳各省一切案件地方官辦理固未盡善未嘗不由中西各國辦事大員明知民教意見未能融洽不早爲立法挽回一旦事出不測外國只求滿其所欲而人心服與不服不暇顧問全屬以力爲強而中國地方官無法可施只圖敷衍了事暫顧目前不思久遠之計即或與外國熟計深思籌善後之策又不肯平心論事而皆以萬不可行者強爲勸勉反爲阻滯此豈代兩國誠心辦事之人哉今本王大臣統觀全局甚欲中外永遠和好先必妥籌善法因思泰西各國彼此均有教士互居其地其所以能久遠相安者非處置得宜曷克臻此故傳教與習教者行所無事也以本王大臣所聞不論何國教士住居某國即以某國之法律風俗是遵從無自立門戶者若抗違國法官

令僭越權柄以及損人名節有害人民使人疑而生怒種種不法之事皆有嚴禁以治之即如在中國立堂傳教必先令本地士民悅而不怨信而無疑方可辦理自然彼此久安何得拆堂毀教乎而傳教人再將分內所行之事一一宣示於衆人之前實無有與教相反者更不爲習教人所指使擅與地方公事以勢壓人招紳民之怨到處教士皆能如此則百姓可與之久安官員亦易於保護矣近觀在中國傳教者所行所爲實與本王大臣所聞各節大不相同猶之一國之中有無數敵國而自專自主者似此而欲久安官民不同心怨恨豈易幾乎本王大臣思患預防惟恐津案已結各處教民聞之必以津案爲口實而反氣餒凌人平民不怨毒更甚乎一旦發洩而成巨案地方官辦理不下督撫亦無可如何即總理衙門有力難施倘將來中國百姓同心變亂我大皇帝遺將命師萬不能得中國之民而悉誅之况衆怒已成誰肯束手待斃及至時難挽救再欲中外和好保全大局彼此均無能爲役得不歸咎於中外各國辦事之大員乎且無論中外何國必以得民心爲要民心未得以勢迫之定必生變國家政令雖嚴亦難望其遵行不怠也中外辦事大員身當其任補救無方忍置中國與各國商民同溺患難之中不思以善法維持後來一切公事萬難措辦矣本王大臣欲顧全各國和好大局力求補救之法特擬章程八條一併繕送貴大臣查閱除致各國大臣外專此縷布惟貴大臣諒之察之一教中所立育嬰堂向未報官立案而收養幼孩其中事難共白因此釀疑起畔者有之何不將外國育嬰堂概行裁撤以免物議如必欲設堂只收奉教者無人撫養之孩然亦必報官立案註明何日收養何人准於何日領回并准無嗣者具結取保抱養爲子似此方昭核實至於教外幼孩當由中國督撫飭令各屬地方官選派紳董自行收養中外各行其善自免疑端查中國育嬰堂之例幼孩出入必將來歷報明地方官到堂後其家准來看視待長成後或無子者准其具保抱養爲嗣或仍准其家來堂領回堂中亦善於撫育足爲善事之一端也聞各國在本國設立育嬰堂其辦理與中國略同

惟於中國所立外國育嬰堂收養幼孩不同來歷不肯報官到堂後他人不得抱養其家不准領回且不許親人來看如此何能不使百姓生疑即如津案妄傳之眼剖心曾經奏明并無其事而民心至今疑懷莫釋故能籍其口萬不能服其心而欲將來不再因疑生事耶果能將外國育嬰堂概行撤回仍歸本國設立凡中國幼孩無論在教與否皆歸收養中國各省辦此善事不可枚舉何必西人撓越致以善舉而啟疑團故此不如各行其善實爲兩便

一各教堂內凡中國婦女概不准入堂即外國女士亦不准在中國傳教所以嚴規矩而免人疑議也查中國素以名節廉恥爲重男女異居不相授受禮至肅也天主教開禁以來婦女入堂男女不分各處教堂相習成風無怪百姓輕視傳教且疑有穢亂之事

一傳教士居住中國當從中國法律風俗不得自立門戶尤不可有違國法官令僭越權限以及壞人名節凌辱民人令人多疑而犯衆怒若毀及中國聖教公憤難容各教士悉歸地方官約束至中國教民一切所事與平民無異凡演戲賽會自當照常免派錢文而應有差徭與地方公事不得藉端推諉至於應繳在官錢糧應納業主租項更不准恃強掛欠外國教士不可包攬抗違遇有民教交涉事聽憑地方官從公審斷傳教士不得插手幫訟如原被告有教民在內不准隱匿不到致案中人之拖累無休倘教士干預訟事地方官將請託原函稟呈督撫咨報本衙門將教士撤回本國而教民若有戶婚田畝詞訟擅敢央求教士出面說情者地方官從嚴究辦查中國崇重儒教以釋道兩教推之喇嘛原非中國人而無不敬守中國法令凡是非曲直聽官辦理聞外國傳教士居住各國者國律風俗在在遵行從不自立門戶違國法背官令僭權攬權或污人名節虐待平民致人懷疑而犯衆怒教士既來中國傳教自應歸地方官約束乃竟有驕矜自大藐視官長殊非自愛而習教者本係中國黎民更宜守分與平民一律况教民鄉城皆有鄰里鄉黨更宜彼此親睦乃遇有地方公事與公舉各款輒敢恃教免攤自

待已薄何怪人皆輕之更有抗糧拒捕辱官虐民等事教士不知底細反爲刁惡教民所惑包庇不肯送官究辦於是有犯重罪投入教中而求保護者且各省教民結訟竟有外國教士出頭干訟如四川教民婦女騙賴平民租項反戕傷平民身死法國主教者居然行文說情教民婦女竟不抵罪川民無不切齒貴州入教者遇有訟事自稱教民以爲護符惡迹可知况各省民間互相結婚入教者必令不入教者退婚或父兄入教必指不入教之子弟爲忤呈控到官教士袒護各種情事何能免人怨恨

一中國人外國人相居密運用法兩無所偏若遇命案當抵償者中國人照中例外國人照西例以服民心無論中外辦案當就本案定罪不得於辦罪之外另議賠償且不得於本犯之外任意牽連無辜紳商受累而地方官遇有民教交涉之案或民人欺入教者照所犯之事擬罪或入教者欺民人亦照所犯之事擬罪均當平允如習教者行爲不法爲地方官訪聞或被人告發自當照例拿辦教士皆不得包庇隱匿如有庇匿不到案者先將犯法者照例究辦仍將庇匿抗傳之教士與犯人一律辦理或將教士撤回本國查同治六年四川毆斃教士馮弼樂一案業已擊獲冉老五正法有梅教士硬指紳士主使逼勒賠銀八萬兩本係無知貧民滋事及至激成巨案反逼守分紳富賠銀此等情形怨望最深又查同治八年四川毆斃教士李國一案實由教民逼人退婚釀禍經李中堂崇將軍會辦已將正兇何彩正法劉幅擬絞而教民殺死平民及歷年姦擄焚殺首惡教民王學鼎張添慎等雖已議罪終不到案其司鐸厚輔臣糾衆殺斃團民趙永林等二百餘名梅教士聲稱已赴外洋不能查辦川民愈加忿怒

一法國傳教士往何省傳教於所領執照內必將某省某府詳註照內指定在某省傳教不得暗赴他省并註明某人收執不准轉給他人該教士所過關卡一切應納稅之貨不得私自攜帶希圖偷漏至抵某省某府應將所領執照即呈地方官衙門驗看如驗得入地不符或私授中國教民頂冒除將原照註銷外如查出有私買私授與不法等事定將頂替教民嚴究仍將教

士驅之回國凡照內教士姓名以華字爲憑各處易於認別若教士或回國或病故或改業理應將執照繳銷至各省有叛逆之處領照之人不准前往將來有教士請照前往之省查係軍務之省即將執照一概停給所以明保護之意也查貴州教案內趙教士一名所領執照並未註明於花名冊內嗣德繙譯來函據稱查得洋文冊內有被傷身死之趙司鐸實係同治四年六月二十五日領照之瑞勒思即其人也誤爲趙姓云云又查同治四年六月二十五日三百二十五號之瑞勒思乃往四川者而貴州護照簿內實無趙姓亦無瑞勒思似此傳教省分與教士姓名先後互異何堪取信而能保護又教士林輔臣殺死俄人案內林輔臣先充教士又服役於市館中而原照竟不繳還或私相轉給或遺落他人非但冒充之弊難免且恐落於逆賊之手則國家受害甚大亦大失教中體面

一傳教士本係勸人爲善當於收入入教之先細訪其人無作惡犯罪之事當收者收之不可收者去之應照中國所有廟宇知會地方保甲登記冊內便於查核之例如收一人必分別立限呈報地方官於何年月日進教者係何處人向來作何事業實無犯罪更名以便查考或其人出外或病故皆當報明其人進教時本無罪惡進教後所爲不法旋即逐出教外一體呈報按月按季彙登總冊呈送地方官備查地方官如查菴廟寺院之例按月按季前往稽查則教民無玷而民教俱各相安查同治五年貴州巡撫案報貴定縣有冉石保等先會從賊嗣入教民袁玉相夏正興團中藉教中聲勢糾衆殺害王江保左寅壽二人重傷三人將其家財什物牛馬擄搶一空又查同治八年貴州巡撫案報遵義縣公稟內有宋玉山唐神仙譚元帥蹇元淵等先會從賊受僞職嗣入教中擾害鄉城人民不可勝計又有楊希伯劉開文鄭小明霍聞九趙文菴等皆係違屬素不安分之人同入教中在堂執事鄉愚被其詭索孤弱受其欺凌出入衙門干預訟事若教民涉訟審虛楊希伯等率領教民多人闖入縣衙強逼縣官另斷教民被官管押即用外國教士名帖硬請釋放他如強佔人之妻女財產及人命重案不可枚舉

一洋教士在中國當照中國規矩不可干名犯義擅用關防印信於大小衙門送遞照會如有本身應訴之件而於他項詞訟無關者准照中國儒教士子之例繕稟呈明地方官核辦如欲晉見中國大憲亦與中國士人見大憲之例同其見地方各官亦同此例但必相見以禮毋許擾亂公堂有失體統查同治六年成都將軍咨報法國有洪主教者移行四川省局官員擅用關防同治七年本衙門收到貴州主教胡轉理照會一件擅由提塘官驛送遞且保舉前任道員多文等請予優獎山東傳教士有擅稱巡撫之事四川貴州教士因教案而有請撤地方官之說是侵官吏之權事已難恕甚至侵國家之權其實難容似此無理已極安得不犯衆之怒

一嗣後教士不得任憑私意指請索還教堂以免敗壞所有教中買地建堂或租賃公所當與公正原業主在該管地方官呈報查明於風水有無妨礙即使地方官核准尤必本地民人衆口同聲無怨無惡始可照同治四年定章註明契上係中國教民公共之產不可僞託他人買產成交更不得聽信奸民蒙蔽私自買賣成交查傳教士久居中國本欲彼此相安中國人無所忿恨自然攸往咸宜邇來教中一切行爲多致中國民心不服即如查還教堂一節近年各省地方抵還教堂不問民情有無窒礙強令給還甚至紳民有高華巨室硬指爲當年教堂勒逼民間讓還且於體制有關之地以及會館公所菴堂爲圍境紳民所最尊重者皆任情需索抵作教堂况各省房屋即實屬當年教堂而多歷年所或被教民賣出民間輾轉互賣已歷多人其從新修理之項所費不資而教士分文不出逼令讓還此等情事如何不令百姓怒目眈眈視同仇讎而激生事變以上所開各節不過舉其大略而言足見傳教士行爲非是民教不安之證譬之有病延醫醫病發藥急求有益無害不致因傳教一事而傷中外和好大局也推之各省案件尙多不及縷述總之人有善惡懲惡即以勸善猶之奸商舞弊不嚴辦奸商而公正商人必受其累教士傳教不問善惡招之使來一入教中則不善者必藉教勢欺害良民甚而抗拒官長衆怒已成將合中國百姓如津民之恨洋人當其



時 國家政令雖嚴亦難挽救豈非危險之至乎茲擬各條中國自必竭力保護不失寬和之道而教士如能實力奉行自可相安無事倘以此爲不便於教士不合於教規惟有請回本國傳教可耳中國教民中國定與不入教者一視同仁無所厚薄此非不准教士傳教於中國也實因教士未能自安本分爲不肖教民所惑勢必激成衆怒而至決裂之地矣然與其臨時無可挽回不如及早籌防之爲愈也

臣謹案宗教之影響於政治者大也無論中外無意識者多其點者遂利用之以濟其事濟矣明知彼教之淺陋不欲禳其失也歐西格致之學日益發明其窺見彼教之失者亦日益衆其人泰半亦屬教徒又不便拔幟以自立幟而教王之權箠其在歐西者已有燭火將熄之勢中土之流禍亦將有催陷廓清之一日畫區自治而地方之責專教育普及而迷信之習破有學始有政始有教五教大同孔教一尊且夕俟之耳

十二年 諭總理衙門奏川省毆斃司鐸教士見籌辦情形一摺據稱接准魁玉等函稱法國主教范若瑟遣教士張紫蘭潛赴黔江縣私買民房建堂傳教致該縣民人將司鐸余克林教士戴明卿毆斃與法國使臣照會所述不符請飭魁玉等迅速查辦等語四川黔江縣民人既有毆斃司鐸教士之案自應查訊明確及早持平辦結方足以服該主教之心免致另生枝節若日久耽延轉使該主教有所藉口且恐民心煽動將來民教滋事之案愈多辦理更形棘手著魁玉吳棠將此案詳細實情先行具奏一面嚴飭該地方官將案內下手正兇及幫毆從犯嚴緝務獲訊明啟衅根由分別按律懲辦並將見在辦理情形隨時咨明總理衙門以憑核辦不得稍涉遲延

四川將軍魁玉總督吳棠奏竊據川東道姚觀元稟稱法國主教范若瑟密遣教士張紫蘭潛赴黔江縣地方私買民房違招司鐸余克林教士戴明卿前往建堂傳教經該道迭飭紳董往晤范若瑟匿不見面一味支吾似此情形顯有構衅之意臣等當即會函致復川東道以天主教勸人爲善聽民自便中國不能禁民之不習教外國亦不能強民之必從教令其婉商范若瑟將教士張紫

蘭等撤回暫緩建堂徐圖傳教並飭署酉陽州知州羅亨奎督同黔江縣知縣桂衡亨妥爲彈壓旋據川東道酉陽州轉據黔江縣知縣馳報七月十四日天將曙突有縣民一百餘人在司鐸余克林等所住屈永順店旁門首適值司鐸等出外遇見即將該司鐸等扭至城外河邊毆斃迨該縣趕到已紛紛解散立將毆打正兇陳宗發謝裁縫等六名拏獲餘犯仍飭差緝幸張紫蘭一人乘閒躲入縣署得免司鐸余克林等屍身見已暫爲妥殮至此案實係在店外毆打並未進店該司鐸衣物銀錢絲毫未動所置房屋亦未拆毀等情復經臣等批飭署酉陽州知州羅亨奎督同黔江縣知縣桂衡亨照例相驗填格通詳請親提獲犯陳宗發謝裁縫等秉公研訊究出下手正兇稟候查辦並由川東道遴委熟諳教務邊情之同知張超前往查勘會籌妥辦嗣據川東道續稟范若瑟於事後連番進謁語言均極和平迨今局紳往返晤商則又情形迥異並以此案由該縣桂衡亨相驗必有弊竇該道與之辨論再四固執莫解已就近飭委涪州知州漢文昇帶同刑件迅赴黔江會同前委之同知張超提集人證如法覆驗並據司鐸常保祿梁樂益呈控前來臣等查黔江縣距省二千餘里距川東道駐紮之重慶府亦千里而遙逼近苗江民風質樸兼以山高灘險驛站不通文報往還動輒旬匝月方川東道具報教士張紫蘭潛赴黔江之日已在教士被毆致斃數日之後臣等惟有督同川東道姚觀元設法維持應俟覆驗通詳至日究出正兇按律擬抵方足以懲邊氓之失而服教士之心知縣桂衡亨既未能先事預防又不克隨機應變釀成巨案咎無可辭應請 旨將桂衡亨摘頂撤任以爲辦理不善者戒

皇朝續文獻通考卷三百五十一

外交考十五 傳教

光緒二年兩江總督沈葆楨奏本年五六月間皖南民教尋仇始於建平之歐村延至宣城甯國廣德教堂均遭打燬非惟入教者歸獄何渚即宣城甯國地方官初稟咸以何渚父子爲之魁一面咨呈總理衙門一面派正定鎮吳長慶統兵馳赴甯郡督同各印委嚴密查拏何渚父子解省訊辦旋據稟稱何渚已於閏五月二十三日黎明赴縣報案聞奉查拏自願前來金陵隨即帶同余應龍吳永庭何大田投到其子何炳三亦遵提前來臣飭司道隔別研訊據供實未糾人滋事惟變起倉卒罪無所歸身充董事情甘就戮至所控黃之紳楊琴錫各劣迹並非污蔑矢口不移竊思打燬教堂出自一時公憤原難驟得主名但將何渚父子誅誅甚足以快教民之心而杜其口第念鄉民網送白會清之際何渚尙爲之勸解其無心與教堂爲難可知明知董事死無可逃豈反甘作繭自縛若宣城甯國廣德被燬之日正何渚父子就繫之時其爲虛誣更何待辨縱疆吏欲借以銷案奈 聖世不應有冤民且使何渚死非其辜客民之憤之也愈深其發之也必愈烈鋌而走險急何能擇因教民而怨及縱容之洋教士因洋教士而怨及徇庇之地方官仇殺相尋伊於胡底是其快教民之心者適以厚教民之毒也從來辦民教互爭之案者無不曰持平然持平易得情難不得情則所謂持平者欺人之語耳臣飭司道一面虛衷訊鞠一面詳加采訪任受遲延之咎毋蹈鹵莽之愆窮累月之力然後知滋事魁首爲監生胡秀山客民陳士柯李才華其左道惑衆以聾聵者則教民白會清也請撮舉願末爲我 皇上言之皖南自兵燹後遺黎十不存一墾荒者多外籍客與土不和客與客又不和因不和而樹黨故人稀土曠而教堂獨多然行教者不一其人而黃之紳楊琴錫獨被惡名則非教之累其人而人之玷其教也本年夏間辦辦事起建平之民亦知此係白蓮教妖術與天主教無涉也乃該處被辦者甚衆皆未從教之民而從教者不與焉於是白蓮教黨類混入天主堂之說噴噴然興矣白會清受辦之術於楊琴錫至閏五月十六日易景懷等追拏辦

之人白會清馳馬阻之何相值之巧也易景懷等將白會清送縣黃之紳持名片索之謂非通同一氣百喙奚辭阮光福安定山者河南光山人年二十餘歲本年始來建平董事余應龍薦與吳永庭幫工閏五月十六日阮光福辦亦被辦二十日一共九人在田蔣草阮光福安定山談起辦之事謂是歐村教堂所爲適楊琴錫路過聞之互誓而去傍晚黃之紳騎驟與楊琴錫率二十餘人而來衆人奔逃而阮光福安定山被捉二十一日吳永庭向教堂求其放出情甘賠禮教堂不允乃退求余應龍二十二日余應龍行抵歐村則教堂火起追拏辦之人業已不期而會洵難遇黃之紳楊琴錫雖焚死到骨然其斃於羣箠則衆目共覩而阮光福安定山蹤迹渺然於是有謂何渚余應龍等捏造子虛烏有之名藉以抵制者迨陳炳發到案而後信阮光福安定山實有其人王立周到案而後信阮光福辦之被辦實有其事即貽富到案而阮光福安定山被捉入堂情形歷歷如繪陳么哥到案而阮光福安定山致死滅迹情形歷歷如繪至下手加功之陳么哥尙以爲造孽可憐亦可見天良之不容盡泯矣夫歐村肇畔尙曰阮光福安定山枉死耳黃之紳楊琴錫首禍耳乃波及於宣城甯國廣德各教堂至有機關停放年餘之棺將枯骨拋出棺外此必有匪徒因以爲利者其機關棺蓋疑其私藏金銀也宣城之人歷歷見其從袁村來向甯國去是所教堂被燬皆此輩所爲而胡秀山於水東欲殺教堂之陳先生大衆爲之求情訛索洋錢十五元始釋陳士柯李才華於歐村各攫一騾尤確鑿可據者彼其意以爲乘教與何渚有隙借其名而播之人人傾信獲利自我抵罪有人其計甚深其心甚毒此輩不除皖南之人得安枕乎白會清左道惑衆形迹昭然其所擱放者爲何如人不能舉其姓名住址此爲辦黨類非真正教友可知倘稍事姑容則民教互相猜疑無時或釋除李才華一犯飛咨河南一體嚴密訪拏獲日另結外所有胡秀山陳士柯二犯謹按土匪例白會清一犯謹按妖匪例立予正法其致死阮光福安定山聽從加功之陳么哥受楊琴錫毒打意圖隨衆報復之王立周懷疑往打杭村教堂並未傷人亦未得賊之何大田擬各予杖一百流三千里以示懲儆所有被打被毀各處除係強佔

居民者勒令清還原主管業外其實爲教士所契買起造者遴委幹員會督地方官按照輕重量予撫恤以彰公道而靖人心

再皖南人心稍定後洋教士迭次函致地方官辨論經皖南道上海道先後錄寄前來無非求雪黃之紳之冤懲何渚之橫咎文武庇護之不力所據拾者多半教民一面之詞獄訟自有定章非教士所應干預而所陳情節較重者四條虛實均不能不爲縷晰查究其一曰大孫村教堂乃閏五月二十五日焚掠除河南吳老先生外又有白會清先生被難受殺查白會清與陳公哥避匿蕪湖教堂業已到案則前此傳聞之誤教士自知之矣其二曰何渚斬去童子四肢藏石灰內以爲虛控之資又曰所殺童子乃教外劉某之子年甫二歲黃司鐸託人撫養者據建平縣稟稱黃之紳收養之孩名曰福林向交劉吳氏撫養何渚將教堂婦女送縣時劉吳氏即帶福林來城嗣劉吳氏赴金陵候審將福林交與土民周啟源卑職回建平時復令周啟源將福林抱來驗視戴貞姑劉三妯鄭么妯親見之然則何渚斬去童子四肢亦傳聞之誤矣其三曰何渚往宣邑大孫村殺守堂吳老先生又曰將宣邑大孫村教堂司事吳全章殺死查吳全章既曰司事又係守堂則孫村鄰保必人人知之人人見之乃據宣城縣稟稱馳詣孫村飭件於灰爐中查檢並無骨殖可驗提訊董保並在教民人僉稱堂內之人已先逃避並無殺人燬屍情事因人命至重洋教士既言之鑿鑿飭再嚴密查訪吳全章是否實有其人籍隸何省存亡下落據實稟覆不准一字含混旋據稟稱訪有喫教之陳添和與其妻宋氏知悉孫村打堂情形隨親詣孫村查傳陳添和陳宋氏訊據供稱閏五月二十二日晚吳全章至村聲稱伊因歐村教堂被打逃來躲避住於堂內次早人來打堂吳全章住於樓上因年老走避不及見殺屋既被焚屍亦遭燬隨飭指定屍所挖掘零星屍骨驗實封儲等情因其前後所稟大相逕庭飭提陳添和夫婦並該縣案卷屍骨前來旋經司道訊據陳添和供稱閏五月二十三日大早小的即去車水吳老頭兒殺死是女人對小的說的據陳宋氏供二十二日傍晚有一老頭子身穿月白夏布大衫在門口閒坐問他姓甚麼他說姓吳從歐村教堂來是河南口音

因外邊有打堂風聲留他在小婦人家住他說不要緊仍到堂內去了二十三日打堂人來堂內共有七八箇人見婦人喊都從後門跑了婦人又到樓下喊吳老頭子逃走纔下樓梯即被人殺了過了一刻那些人放火燒堂屍身遂亦被燬打堂後小婦人在山內草房躲了一天往孫家鋪過六七天纔回來隔兩天宣城縣到孫村小婦人引到樓梯左邊瓦礫內檢著零碎骨頭件作取小瓦罐裝好宣城縣親標日子交丈夫收藏十月十三日宣城縣到孫村小的夫婦將骨罐呈驗等因詰以素不相識之人何以一見留住既從歐村教堂避難而來何以於孫村教堂如此大意客民雖悍於素無仇隙之老翁何至不置一詞便加鋒刃燒堂之火延及屍身何以便成枯骨客民於一老翁如此兇狠該婦何以來去自由無人過問即客民偶動憐憫之念該婦何從得此定識定力臨事既自在遊行如入無人之境何以打堂後反在山內草房躲了一天宣城縣原稟固謂飭件檢無骨殖該婦何以又稱件作裝好宣城縣親標日子當時果有骨殖宣城縣應收回儲庫何以交與陳添和該婦無可支吾只云身懷重孕提查縣卷挺身作證者本係陳添和因鄰保僉供本堂無此吳姓之人是以供由歐村而至原供明說其妻跑到屋後躲了伊走堂屋廚房外左邊進去看見吳先生死在樓梯底下歷歷指其傷痕並謂板壁火燒是伊拏棍推倒等語聞提省恐露出真情乃將伊所眼見之供移使其妻挺認且上堂即供明懷孕謂孕婦斷不刑訊也思該教民不過欲實其從前傳聞之誤作此種種空中樓閣一經互核矛盾灼然第獄不厭詳既謂來自歐村教堂則歐村教民必知之既謂籍隸河南則河南客民必知之乃皆具切結謂絕無其人此可以銷案矣其四曰泰西伏司鐸之棺肆行劈開屍骸拋棄查此事係屬實情經宣城縣驗明棺蓋撬開未損壞督同地保教友用二丈四尺洋布把屍骨包好裝入原棺其下手開棺之犯無從確指應罪坐爲首之人此胡秀山所以不容不正法也伏念教民客民無非天朝赤子其爲善宜一體勸之其爲惡宜一體懲之教之不同亦不自泰西始民間與僧道鮮聞其不相安無勝負角立之心則習而相忘故也教民良莠不一倘教士必惟教民之言是聽地方官又惟教士

之言是聽則所以厚待教士教民者即所以貽害教士教民何者衆怒難犯變生不測地方官自保不暇如教士教民何人亦各有天良即如水東教堂之陳先生教民也閱香山客民翟厚培土民也宜其各不相顧也乃胡秀山等欲殺陳先生而閱香山爲之求情翟厚培爲之墊款不過知陳先生之向不爲人害耳然則民教之相安不相安也視其人而已矣

十二年 諭李鴻章奏置池口教堂與教士定議遷移一摺西安門內置池口教堂於康熙年間奉 旨准令起建迄今百數十年該教士等仰戴朝廷估冒深仁咸知安靜守法上年修理南海等處工程爲 皇太后幾餘頤養之所西南附近一帶地勢尙須擴充該處教堂密邇禁苑經李鴻章派英人敦約翰前赴羅馬商酌並令稅務司德瑞琳與教士樊國樑訂約遷移議於西什庫南省地方申畫界址給資改造該教士復聲明改建之堂以五丈高爲度比較舊建之樓減低三丈有餘鐘樓亦斷不令高出屋脊議定後樊國樑又赴羅馬告諸教會總統費雅德據覆文感激中朝覆轉保障之忱有激發天良圖報萬一等語情詞尤爲肫懇李鴻章見與法公使恭思當互相照會亦據覆稱無不依照辦理和協邦交深知大體實堪嘉許此事既據李鴻章詳細商定均無異詞即著照所請行其改造經費亦著分期撥給俾資營建候補道恩佑奉委出力著交軍機處記名主教達里布誠心報效教士樊國樑英人敦約翰遠涉重洋不辭勞瘁達里布著賞給二品頂戴樊國樑賞三品頂戴敦約翰賞給三等第一寶星樊國樑敦約翰並各再賞銀二千兩由李鴻章發給稅務司德瑞琳領事林椿來往通辭始終奮勉德瑞琳著賞換二品頂戴林椿賞給二等第三寶星其餘出力之英商密克等著李鴻章查明奏請獎勵

臣謹案原合同訂明付西什庫地方時給銀三分之一計庫平銀十二萬兩嗣後六箇月付給一次至購買建堂物料照各國洋人運物例緒給護照行知各關驗放可稱體恤周至矣

又兩廣總督張之洞覆法國領事文查中法自去年定約教睦如初貴領事離粵後一切事件無可議辦去年七月接師前領事來文業於答覆函內明

白指陳在案意謂師前領事必當恍然大悟深悔立言之失貴領事官亦必不至再爲沿襲乃此次來文核與師前領事去年文件大意相同殊堪詫異貴領事素來深明公平道理備悉各國交涉章程不應又生波瀾爲此不合情理之請本部堂不得不更與貴署領事切實諭之來文所稱教堂各案約分三端一曰教堂一曰教士一曰教民粵中各屬法國教堂有事時則官代爲之封固看守事平後則點明交還保護之道不過如此此教堂之無可議辦者也教士出境則送之留粵則衛之保護之道不過如此此教士之無可議辦者也以上二節前此照覆文內均已詳切聲敘無庸覆說至於教民一項其人雖習法教仍係中國子民領事離粵期內粵省教民之事豈能復行追問是不啻干預中國保護子民之權矣此又教民之無可議辦者也總之前奉 諭旨保護法國官商教士乃係我 國家格外浩蕩之深仁棄捐小忿眷念舊盟之厚誼故雖當兵事紛紛而高天厚地徧覆涵濡曾無小異粵中文武百司宣奉 恩命爲之泯仇讎爲之衛行旅爲之保室廬其時人情洶洶數百里內外傳書聚衆必欲得敵人而甘心見有敵國之人無論官商敵國之物無論錢貨誓不少留於境內貴前領事暨教士人等何一不親見何一不深知經本部堂再四通飭曉諭聲明法國官商教士不因爭戰而來本與法兵有別嚴飭諸將約束各營明示密防費盡心力始有今日之安夫以衆怒所萃之物業而居然幸獲瓦全卽小有遺落僅如纖芥所存於法國者實大且多法國官商教士將去之時無傷生之恐及去之日無失路之悲復回之後得棲止之所其所仰賴於 天恩者至優極渥而粵省地方官睦誼之重禁令之嚴粵中之民遵 旨守法格外厚道亦甚有可感激之處本部堂之意以爲師前領事回粵之後必當轉述貴國國家與夫將相大臣及教士之意善詞盡禮道歉道謝以答我兩廣百姓以後格外謙和格外謹斂不爭不競以期民教永遠相安則貴領事官斯爲善於奉行西教維持商務者也今來文不知感謝地方官不知慰答衆軍民乃謂保護之 旨各官不實力奉行誣爲欺凌詆爲擾害試思若果當時不實力奉行則當義民百姓

嫉怒沸騰之際恐於貴國師前領事官業已不利矣尙何論區區之教堂什物乎見在玉帛重敦言歸於好以前之事自應置之不提來文所謂失銀三十八萬餘元請爲將案辦結等語查此等皆開戰以後議和以前之事無可歸結如果各屬教堂於去年七月教士回堂之後別有被搶被燒之案一經照知自必按約飭地方官持平妥辦亦不必另派商辦之員也再者去年撤兵立約以前之事本部堂本不欲言及致形見小今來文既屢經糾纏前事則本部堂亦未便默然查中國自光緒九年辦理海防以來至十年雞籠開戰而後耗費銀款各路用兵之費及稅釐短收之項爲數甚鉅然此係國家款項斷不脛與鄰國計較即以商民虧損而論兵端既啟生理多礙福州台灣鎮海等處兵燹擾攘土農工商船戶漁戶損傷人口物業財貨船隻不知凡幾然此尙係別省姑置勿論即專以廣東一省而論據廣海之渡船封北海之商口岸省潮廉瓊道路梗阻貨物停銷商工船漁俱受虧折統算廣東各口損耗銀數約計三百八十餘萬兩按照萬國公法自應以舉兵至人之國生衅者任其咎貴領事官須先言明此款銀三百八十萬兩若何查辦若何歸結籌有妥善切實辦理與本部堂議明辦妥再爲查辦教堂損失零星物件可也至廣東籌辦海防正需經費見擬籌備銀四百萬兩購買船廠尙未措齊貴領事官友睦爲懷如能代爲用心籌助尤所欣悅者耳

十七年 諭總理衙門奏各省教案迭出請嚴飭各督撫迅速籌辦一摺據稱本年四月間安徽蕪湖教堂被匪焚燬江蘇丹陽縣湖北武穴鎮等處教堂亦相繼被毀亟應查拏匪犯早爲嚴防等語各國傳教載在條約曾經降旨飭令各省隨時保護歷年已久中外相安何以近日焚毀教堂各案同時並起殊堪詫異其中顯有巨匪潛謀句煽布散謠言搖惑衆心希圖乘機搶掠甚至安分良民爲所誘脅動成鉅案若不嚴行懲辦何以嚴法紀而靖地方著兩江湖廣江蘇安徽湖北各督撫迅飭該管文武察拏首要各犯訊明正法以儆將來至泰西之教本是勸人爲善即從教之人亦係中國子民仍歸地方官管轄民教本可相安總因不逞之徒捏造無根之言藉端滋事此等奸民所在多有著各

省將軍督撫出示曉諭居民切勿輕聽浮言妄生事端倘有匿名揭帖造言惑衆即行嚴密察拏從重治罪各國商民教士地方官必當隨時設法保其身家勿任奸徒擾害倘或防範不嚴致釀事端即著據實參奏其從前未結各案並著從速辦結不得任聽屬員畏難延宕以清積愆

又湖廣總督張之洞等奏查武穴地方距廣濟縣城七十餘里僅有武黃同知及龍坪馬口二巡檢駐紮向有英國福音堂而無育嬰堂相安已久詎意四月二十九日傍晚有天主教民歐陽理然肩挑幼孩四人將送往九江教堂適爲痞匪郭六壽等所見誤信訛傳頃刻之間人衆聚集喧嘩肆鬧誤以武穴教堂爲收養幼孩之處擲石奮擊入窗以致屋內洋油燈擊破失火燒洋樓一層餘亦多有殘燬匪徒乘機擄取零星物件該處洋關分卡委員候補通判華聘三龍坪司巡檢鄒振清急往彈壓均被匪衆擲石毆傷其福音堂內教士包姓白姓兩洋人已先期一赴興國一往漢口僅留眷屬婦孺在堂適有武穴洋關分卡之扞手英國人柯姓外來散書之英國教士金姓當人衆喧嚷之際馳往救火登時被匪毆斃教士婦女三人洋孩四人由後門逃出先投馬口司巡檢陳培周因衆勢洶洶未敢收留婦孺即經同知衙門及龍坪巡檢差役弓兵陸續護送至武黃同知署該同知顧允昌留住署內查知該洋婦三人在途次亦被匪徒毆傷次日各回漢口 臣聞報之後立飭地方官嚴拏首要各犯一面抽調省外水陸各勇營分投彈壓保護並飭江漢關道派員乘輪船至武穴將斃命之英人二名照料護送回漢口另派文武大員前往彈壓撫慰其時廣濟縣知縣彭廣心已經飭至武穴緝獲多人除無辜訊明省釋外實獲匪犯十名復經 臣特委候補知府裕庚馳往廣濟會同黃州府知府李方豫督同該縣切實審辦並飭關道照會英領事飭取武穴教堂男婦各供並驗明洋婦各傷以資參證研訊旋據該領事錄供照覆並聲稱洋婦受傷甚重包氏一名經洋醫驗明恐致不能生育等情旋經訊明此案實因挑孩懷疑痞匪鼓煽滋事起倉卒並無放火圖劫情事滋鬧之時適值該堂兩教士前數日早經他往自非有意蓄謀與該堂尋衅且該教堂內存有鐵櫃向係存儲貴重物件並未搶去其非

意在劫財無疑據郭六壽供認因見教民挑有小孩聽信訛言起意生事以致  
戴鱸魚與各匪附和滋鬧打燬教堂住屋器物並有毆傷委員巡檢之事實係  
該犯起意煽衆並下手用刀連砍致斃救火之洋關杆手柯姓戴鱸魚供認下  
手用刀連砍致斃救火之洋教士金姓等情不諱查律載共毆人致死下手致  
命傷重者絞等語該兩犯事不干己鼓衆滋鬧殃及無辜均屬任意逞兇形同  
土匪比之尋常共毆情節較重近奉 上諭著各督撫迅飭該管文武查擊首  
要各犯訊明正法以儆將來自應欽遵辦理郭六壽戴鱸魚二名既據該委員  
府縣覆訊明確實係此案首要正犯未便稍稽顯戮當即批飭將該兩犯就地  
正法傳首犯事地方示衆以昭炯戒其幫毆及毆傷洋婦攫取零物之從犯八  
名當飭委員裕庚會督該府縣覆訊確供將英領事先後所指要證民人陶春  
燦等九名一律傳到質訊明確按照律例擬議罪名核辦去後旋稟稱據胡東  
兒供認有小鐵尺毆傷柯杆手頭上據胡視生供認拾起石塊打傷柯杆手頭  
上呂二弟供摸著石塊擲傷金教士許逢春田福兒二犯各供認於人衆中碰  
撞洋婦不知是否受傷許逢春並檢拾零物旋即拋棄陳連升供認檢拾零物  
亦即拋棄于老五范四妹供認聞亂想欲檢取物件人多未能攤上各供不諱  
反覆研鞫堅執不移質之各要證亦無異詞供情毫無通飾應即擬結查例載  
凡同謀共毆人除下手致命傷重者依律處絞外其共毆之人審係執持槍刀  
等項凶器傷人者發近邊充軍又律載搶奪傷人爲首斬監候爲從減爲首一  
等並刺字若因失火而乘機搶奪財物者罪亦如之又律載鬪毆令致篤疾以  
致不能生育者杖一百流三千里又例因失火而乘機搶奪除有殺傷又計賊  
重者仍照定例問擬外其但經得財罪應擬以杖徒者俱照本例加一等治罪  
爲首之犯杖一百流三千里爲從者杖一百徒三年刺字又例載搶奪不得財  
問不應重又律載不應爲而爲事理重者杖八十等語此案胡東兒因聞洋人  
住房火起攜帶鐵尺往看見衆人圍打洋人該犯亦用鐵尺打傷洋人頭上查  
鐵尺係例載凶器應照共毆之人審係執持凶器傷人者發近邊充軍例擬發  
近邊充軍胡視生呂二弟各因洋房失火往看見衆人趕打洋人該犯等各拾

摸石塊打傷洋人均應照搶奪傷人爲從減爲首罪一等律各擬杖一百流三  
千里並於右小臂膊刺搶奪二字許逢春因洋房失火往看見人擁擠適遇洋  
婦該犯亦跟隨隨撞撞離據供不知是否受傷惟洋婦受傷已據該印委等查明  
屬實即就傷至篤疾不能生育而論按律罪應杖一百流三千里該犯檢拾物  
件按照因失火而搶奪財物亦應杖一百流三千里二罪相等從一科斷該犯  
許逢春應擬杖一百流三千里並於右小臂膊上刺搶奪二字田福兒在人羣  
中碰撞洋婦雖據供不知是否受傷並未檢取物件但碰撞洋婦與許逢春相  
同亦應按照毆人至篤疾不能生育杖一百流三千里律擬杖一百流三千里  
陳連升因聞洋房失火往看見衆人圍打洋人據供並未幫毆惟檢取零星物  
件應照失火乘機搶奪人財物但經得財罪擬杖徒者俱照本例加一等治罪  
將爲從者杖一百徒三年例擬杖一百徒三年於面上刺搶奪字樣于老五范  
四妹各因洋房失火衆人與洋人鬧事想往檢取財物未經得財自應照搶奪  
不得者問不應重杖八十例各擬杖八十未獲之犯已懸賞緝拏俟擊獲有人  
隨時審實照例懲辦等情稟由署湖北按察使惲祖翼覆核具詳前來當經札  
飭照詳分別辦理署馬口司巡檢陳培周因衆勢洶洶未敢收留婦孺以致被  
毆受傷殊屬不合前已撤任並摘去頂戴以示懲懲武黃同知顧允昌本係管  
理防護江隄向無緝捕之責惟捕務非其所長見須會縣嚴緝餘犯已將顧允  
昌調省另委委員署理飭令防緝餘犯已將審辦各犯照例從嚴科斷各節由  
江海關道照會英領事旋據覆稱均屬情罪允當無所異議此獲犯審辦之大  
概情形也至柯杆手金教士兩洋人無辜殞命情殊可憫自應撫卹以昭 朝  
廷矜恤無辜之至意擬給予該兩洋人家屬各洋銀二萬元武穴教堂素與該  
鎮民閒無隙此次因無干訛言懷疑鬧致被焚燬並非該堂啟衅自應由官  
給款代爲修復並補給堂中失物以示體卹應從優酌給洋銀二萬五千元所  
有此案各款共洋銀六萬五千元合銀四萬五千餘兩經江漢關稅務司與漢  
口英領事商明應允亦無異言該領事見已稟其公使專候覆文到日即可收  
款完案此撫恤修復等款之大概情形也查沿江各省數月來迭次滋鬧教堂

大都因收養幼孩而起故匪徒得以信口造謠愚民無知易為所惑一旦事起倉猝彈壓不及遂釀鉅案。臣於武穴滋事之後即飭江漢關道照會各國領事轉飭各教士暫勿收養幼孩以免疑惑俟各案辦結人心稍靜再行收養各領事均以爲然並飭關道會商領事妥議稽查章程每月定期常有員紳前往查看以釋羣疑各處教堂皆能遵行使人無可疑之端庶不至再有滋鬧之事。臣已嚴飭地方文武隨時訪查如再匿名揭帖捏造無根之言希圖煽亂務即懸賞嚴拿以杜亂萌。

又奏據署宜昌府知府逢潤古署東湖縣知縣許之璉電稟宜昌城外地方有因尋幼孩焚燬天主教堂之事當飭確查啟詳情並委荆宜施道方恭鈞候補知府裕庚馳往查辦嗣據各員會稟查明教堂洋房被焚情形先拏獲滋事各犯朱發金等十二名督同研訊此案實因法國聖母堂誤收民人游姓被拐幼孩啟畔懷疑蓄憤烏合打鬧失火延燒其時游姓聞知失孩係在教堂赴堂訊問當經教士令其認領回並經該府縣向堂中查出收養幼孩及婦媪六十五名內替目者三名眼珠仍在替一目者一名皆係原來因病成替均係其父母自願送養實無一乞去目睛殘廢形體之事據朱發金供認七月二十九日路過聖母堂見衆人吵嚷問係游姓失去幼孩在聖母堂尋出因平日謾信訛傳洋人有殘害幼孩之說又因見有替目小孩數人懷疑逞憤不服彈壓同衆打鬧聖公會新造房屋並先至聖母堂同衆上樓亂打一時人多擁擠不知因何起火想係翻倒洋油引然所致又至天主堂屋廚房打鬧致竈內火起延燒聖母天主各堂趙宗雅供打毀聖公會聖母堂器物並搶取銀兩汪望供打毀聖公會聖母堂郭洋人花園窗戶器物王德娃子供打壞聖母堂器物洋醫生屋內藥瓶李宗義楊長生供打壞天主堂及洋花園物件何燮臣供打壞聖母堂器物並向知縣出言頂撞金五豹子高正洪黃順榮各供打壞聖母堂及洋房器具樹木易白熊宏發各供破壞聖母堂門窗並據各犯供平素均不相識實係一時烏合各自打鬧並無爲首之人預謀糾約情事教堂被焚實由打鬧失火延燒並非有心放火堅執不移案無遁飾應即擬結查例載兇惡棍

徒屢次生事行兇無故擾害良人者發極邊足四千里安置凡係一時一事實徒在情兇勢惡者亦照例擬發又律載白晝搶奪人財物者杖一百徒三年若因失火而搶奪人財物者罪亦如之又故意毀人器物者計所毀之物即爲贓准竊盜論免刺罪止杖一百流三千里又竊盜贓一百兩流二千里一百二十兩杖一百流三千里又名例載斷罪無正條援引他律比附又違制者杖一百又不應爲而爲事理重者杖八十各等語此案朱發金因游姓失孩尋覓誤信訛傳懷疑逞憤不服彈壓同衆打鬧聖公會聖母堂以致翻倒洋油引然起火並打鬧天主堂以致竈內火起延燒聖母天主各堂究明並無預謀圖財情事亦非挾仇有心放火惟該犯逞兇肆鬧經地方官彈壓猶敢不服實屬生事擾害未便稍涉輕縱應照兇惡棍徒生事行兇無故擾害良人發極邊足四千里安置例擬發極邊充軍趙宗雅打毀教堂器物並搶取銀四十六兩有奇除搶奪計贓擬徒輕罪不計外計毀壞器物估贓在一百二十兩以上應照故意毀人器物計所毀之物即爲贓准竊盜論竊盜贓一百二十兩杖一百流三千里律擬杖一百流三千里免刺汪望打毀教堂洋房三處器物計贓已及百兩亦應照毀人器物准竊盜論竊盜贓一百兩杖一百流二千里律擬杖一百流二千里免刺各解配折責安置王德娃子李宗義楊長生何燮臣余五豹子高正洪黃順榮七犯各隨衆打鬧不服約束致壞洋房什物計贓無幾應照違制律均擬杖一百王德娃子李宗義楊長生各係打鬧二處何燮臣不服彈壓情節較重應從重枷號一箇月易白熊宏發二犯僅破壞窗戶玻璃情節較輕應照不應重例均擬杖八十分別折責滿日發落無干省釋等情由湖北按察使陳寶箴覆核議擬具詳前來。臣覆所擬均屬允協應即照辦至英法美各國教堂洋房被焚所失器具什物或係領事或紳商或醫士均屬無辜受累自應量予撫卹以昭 朝廷厚待遠人之意惟各國領事原開數目較多當飭委與之辯論切實核減並經總理衙門與英美公使辯論核定查三國中惟法國教堂房屋最大器具毀失甚多議給洋例銀十萬兩英國損失家數較多議給洋例銀六萬六千八百六十一兩又洋九百十元美國只教堂一處議給洋例銀八千兩

以示體卹共折合庫平銀十六萬四千九百九十六兩三錢九分二釐妥商定議均無異言當將銀兩送交各領事轉給完案

又出使英法義比大臣薛福成奏密查各教堂索償數目聞各使所商均俟法使李梅到華方能定議法人自稱所欲商者不外四端曰緝兇犯懲印官議賠款杜後患前三端固意中之事後一端亦爲理所應有然應之不審則彼之後患可杜而我之後患無窮臣所謂法人欲收權利各國互相觀望者未必不在於此賠款爲稍後一著結案已有把握虛其所索之款不免浮開密飭參贊慶常分詣教會根查確數覆稱江蘇安徽教堂爲耶穌會教士之公產江西教堂爲辣薩里會教士之公產均屬教王管轄二會各有會首常駐羅馬皆天主教也此次鬧教蕪湖受害最重擬索償款十三萬兩有奇無錫索三萬兩有奇他處各數千至一萬兩不等江西教堂約索二三萬兩通計三省賠款約二十萬左右多以二十五萬兩爲度均按房屋物價券契實數開單等語查西國政教判爲兩途設遇此等事皆由國家與教會商辦較爲直捷中國向由各國攪攪徒令藉端要挾此非中國之利亦非教會所願也今賠款既知梗概倘法使索費無甚虛浮或稍有虛浮自當迅速議結萬一與實數懸殊彼或有意相難欲爲他事盤旋作勢似不妨由總理衙門告以當囑駐洋使臣徑與教會商辦彼知我有此一著必可漸就範圍至教會既在羅馬則每事應令義使與聞以分法國護教之權附片密陳

臣謹案中國自通商以來出口入口之貨不足相抵已屢虞漏卮是懼乃復因教案而償款虛浮婪索爲數不貲嗚呼中國雖大浩浩出之此皆吾民賣兒貼婦以爲償彼族協謀猶若不奪不賢亦安怪積憤思逞而出於義和之悖舉也

又總理衙門咨洋人建堂設教載在條約而各省教堂共有幾處設在某縣某鄉各該管上司衙門恐無案可稽本署向未准咨報有案遂有滋鬧教民之事茫然不辨甚非思患豫防之意本年四五月間長江上下游一帶會匪聚衆滋擾教堂竟有一縣焚燒數次者大約各教士於嘩經教堂外又將育

嬰施醫各處所概名曰教堂以致地方官無從稽察一旦變起倉卒防不勝防而洋人已嫁詞饒舌若先經分別查明當不致臨時舛誤應咨貴撫分飭該管地方官將境內共有大教堂幾處小教堂幾處屬某國某教各堂是否洋式抑係華式教士是何名姓係屬何國之人是否均係洋人堂內有無育嬰施醫各事分別確查按季冊報本衙門以憑稽核惟當蕪湖等處滋鬧之後則查辦此事不可稍涉矜張各處教堂有經領事官照會者有經教士自報者有在照會自報之外者務須嚴飭地方官不事虛矯隨宜履勘更不得假手胥吏致多騷擾且不妨預告教士以清查教堂處所原備他日保護起見切勿另生疑慮此係中國自理之事各國教士設堂於此自以得中國保護爲樂地方有司自行查理所查僅堂外住址並非堂內教規無害公法也又咨各省通商口岸教堂林立遇有匪徒滋事率由細故而釀巨患全在防營彈壓解散消患未萌應咨貴撫即將各處通商口岸見在駐紮水陸防營統將營官銜名開報本衙門備案嗣後如有更換隨時咨報設遇滋事之案該統將營官彈壓不力應即參奏以示懲儆

十八年出使英法義比大臣薛福成奏承准總理衙門電信知五六月間長江上下游教案迭出蕪湖丹陽無錫江陰南昌等處天主教堂多被焚燬武穴被殺教士及洋關扞手各一人皆係英籍迭經各省查拏匪犯或立予誅或訊明定罪而英法德三國使臣尙忿爭不已來相促迫臣屢以中國辦法詳告英法外部外部知我辦理認真尙無異詞迨接其駐京使臣函電則又往往變計蓋各使久居中國洞悉情勢初因訛言四起風警頻仍迫爲自衛之謀寢萌要挾之意句串一氣協以謀我遷延數月此案不知何時議結竊維匪黨之得肆焚掠者挾簧鼓愚民之術也愚民之莫釋疑忿者信迷拐幼孩之說也按舊說謂天主教徒迷拐幼孩挖眼剖心用以製藥此論不知始於何時前儒顧炎武所著郡國利病書亦已有烹食小兒之說彼時中外懸隔偶得傳聞並非事實然是說之流傳也久則人心之篤信者衆猶憶同治九年天津案起前大學士曾國藩初聞挖眼盈壘之說亦欲悉心查辦比入津境攔輿遞稟者紛訴此事



詢以有無實據則辭多愉快迨嚴加訊究而其事益虛所以專疏特辨此說之誣臣於當日列在幕僚頗知梗概出洋以後留心訪察大抵天主教徒所崇奉者惟耶穌耶穌之說亦以仁慈爲宗旨近者禁黑奴有會禁鴉片有會彼於虐人之事害人之物尙欲禁之豈有殘酷至空眼剖心而歐洲各國習不爲怪者即彼之精於化學醫學者亦謂無心眼入藥之理斯必灼知舊說之訛傳然後此案乃可下手否則在事大小官員先懷疑忌葛藤不斬轉轉滋多將何以曉彼愚民將何以禁彼匪黨而諸教士自付不能久居中華其力足以煽動各國釀成蚌端西洋風氣重視教務一遇有事鮮不上下同心非若爭一事占一地者其民猶有從有不從昔年俄羅斯之侵土耳其法蘭西之割越南皆以護教爲名此中機括不可不慎之於微也臣非謂洋教之無損於中國也彼天主教雖稱爲善自歷代教王增竄私說并漸失耶穌本意濫於招納不擇良莠教士即不自爲迷拐難保無迷拐者之託迹其門恃爲護符且男女無別西洋習俗如此教士倘規矩亦猶中國僧道之不能盡守戒律而入教之民無惡不作平民受其欺壓積憤日深一發難遏地方日以多事猶幸周孔程朱之教彌綸寰宇深入人心凡列衣冠之中鮮慕異端之學然彼此齟齬不能相安臣愚以爲不與妥議章程終非善策近來歐洲德義等國限制教民立法禁嚴大權始不旁落無復從前挾制紛擾之患中國許洋人傳教既在約章勢難驟改惟妥籌約束之法本係內治之要政非各國所得干預而彼不得不干預者積漸使然也當津案初結之時總理衙門曾照會各國使臣修改傳教章程俱經該使駁回由今思之其中各條有暫難遽行者如限定各堂華民入教之數撤去女教士女塾恤孤局及非教民子孫不得入男塾之類是也有可以辦到者如禁教士詆毀儒教凡有教堂聽華官隨時查看堂中所收嬰孩悉報明地方官教民有訟教士不得徇庇之類是也與其未必能行而悉爲所阻不如擇其可行而先爲商辦中外合力徐與磋商彼既就我範圍即可循序漸進將來於彼所難允者相機伺便與之理論抑或俟武備日精邦交日固竟仿西洋限制之法要在統籌全局因勢利導雖效之遲速不可知但盡一分心力必有一分補救

臣所擬治本之計籌經久之道者如此自各國立約以來英重通商法重傳教所操之術不同此次被燬教堂多屬法國而英國祇有武穴一案德國則並無受損惟有兗州舊案未銷乃三國使臣既互相要結法之外部復奮其全力密聯英德外部意在廣樹聲援乘此事機收意外之權利英德恐法之得權利而不甘居人後遂與爲合從之謀俄美義諸國又從而附之彼之相約以顧全西國大局爲辭而意則在各便其私圖以責我保護將來爲說而意則在觀變於臨事臣愚爲方今要著宜令各省格外嚴防勿再滋事杜彼藉口而防變之法宜注力查禁匿名揭帖則風不起而瀾自平薪不添而火自熄至辦理此案當先有一成不變之規模如彼責緝兇多誅一匪徒在我尙無大損可允也而數必求其覈即彼必求其當彼索賠款多認一償費在我尙無大損可允也而數必求其覈即彼欲以不肯保護之咎株連印官苟察其平日玩視民事政聲較劣亦可允也但須乘彼未甚催促予以撤調處分自足折服遠人之心而泯其吹求之見惟彼倘藉護教爲名迫我以不能行之事或欲別訂章程隱收權利且使彼教日益恣橫自當堅定以拒之鎮靜以應之昔曾國藩辦理津案雖一時謗議紛起閱世以後人咸諒其心之公忠並知其事之妥協者蓋既保全和局而原案外並無所讓也今諸國既受法人籠絡驟不可離英人於武穴一案亦欲留爲觀望之資未肯遽結彼勢盛則所望愈奢時久則所謀愈狡爲今之計似以設法速結爲妥欲求速結似以堅持其大者酌讓其小者爲妥即臣所論約束教士之法恐彼知之而先肆要求也似不如暫隱勿宣俟結案後再與議善後章程爲妥又聞英法德義俄美等國多駛兵艦往來中國海面江面皆以保護教士爲名外洋各報謠言紛紜或稱所費不貲或稱相機行事臣竊謂南北洋兵艦亦宜悉數調派分布各處隱備非常既示以勢力之不孤且以保護彼教爲名俾知我之所費亦不少也如是則彼之氣平而我之理直我之氣亦愈壯矣臣所擬治標之計弭目前之蚌者如此

二十一年總理衙門咨照得各國教堂租賃房地建造教堂向係照約辦理惟相沿日久各省辦理未能畫一或致滋生事端自應申明舊章以免民教

訟累溯查同治四年本衙門與法國公使柏大臣議定天主堂買產章程內稱法國傳教士如在內地置買田地房屋其契據內寫明立文契人某某此係賣產人姓名實爲本處天主堂公產字樣不得專列教士及奉教人之名此議會於是年函致江蘇巡撫通飭各關在案應再咨行貴撫查照轉飭各關道及地方官申明舊章遵照辦理

又咨光緒二十一年准法國使照稱天主教堂在中國內地買產由貴署轉咨各省督撫萬勿攙以條註致彼此互立章程意義混雜且教堂立買契時必自行留意慎重不致被賣主誑詐所有未曾將章程出示曉諭如廣西四川湖南江蘇山東各省應請分別催令迅速照辦查同治四年法國柏大臣與本衙門議定教堂買產章程見迭經施使照請毋庸先報地方官本衙門於本年兩次通行在案茲准前因再咨貴撫查照兩次通行申明同治四年章程蓋用關防印出示曉諭嗣後各教堂置買產業即不必先報明地方官以符定章

總理衙門奏御史陳其璋奏請定教案章程一摺內稱教民良莠不齊往往滋事每遇教案各國公使飾詞狡辯要挾多端從前津鎮及上年川閩各案即爲明證辦理教案向無專章故各國得以逞所欲爲若與各國先行議定則在我自有遵循謹擬十條等語臣等查西教傳入中土莠民每藉入教爲護符包攬官事訛詐鄉愚民教積久成仇遂至迭釀巨案各國使臣復藉端要挾臣衙門目擊時艱亟圖補救曾於庚午天津教案後酌擬教案專章八條鈔寄前出使法國大臣崇厚令與該外部籌辦復與各國駐京使臣酌核乃各國均以條約所無不能應允遂令良法美意經久無成今該御史所議十條與臣衙門原議大旨亦不甚相遠然事有已經議行者有難爲照辦者如原奏稱教務宜責成總教士應令各國公使於教士中舉出一二人駐京爲總教士一切教務教章由總教士呈請總署議定臣等查西洋傳教向無總教士名目惟羅馬教王可與有約之國專派教使凡天主教民悉歸管轄見在教王勢弱意大利法蘭西諸國復將教王權力多方裁制教王僅擁虛位屢有教士貢議請中國與教王

立約教王派使可免法德各國藉保護爲詞遇事要挾而教民概隸教籍中國地方官不得過問亦非保民之道故數年來教王之約迄未與商至耶穌教則英美兩國爲多久與天主教分門別戶外洋有新教舊教之稱其實異流同源教規各立而已今若設總教士名目無論兩教不能強同一遇教案轉多一總教士從中作難是徒增口舌無益於事又原奏稱教堂買地宜查照舊章同治初定章教堂買地須先報明地方官契內寫明教堂公產字樣地方官始能蓋印等語查教堂買地先報地方官係臣衙門於同治四年因案咨行江蘇巡撫曾有此語並非與法國訂明條款是年法國使臣柏德固與臣衙門定議專章本無先報地方官字樣各省每多誤會前年法教士呂推案起法使施阿蘭執柏德固原議來爭臣等以章程內既未載明頗難援咨案駁論因於上年通行各省仍照柏德固原議辦理復恐漫無限制因與施阿蘭商議如遇國家禁止民間公產不准誤買以杜濫混侵佔之弊見正與磋商尙未定議又原奏稱教堂處所宜造冊呈報總署通行各省查明教堂是否洋式華式房屋若干按年冊報查通商以來教堂林立漫無稽考臣衙門於光緒十七年通行各省分別詳查冊報但查地方房式不問教規近數年俱已冊報嗣後倘有遲延未報者應咨催造送備查又原奏稱教民人數宜造冊呈報教民受傷身死往往索賠卹款其人果否入教無從查考應令各教堂將入教之男婦雇之華工開具姓名報明備查等語查各國教士均有護照可憑易於查考至教民人數衆多造冊不易若各府州縣概令造冊恐徒滋紛擾終難清釐而民教從此多事至教民受傷身死議給卹賞該地方官必詳細查明方允給賞斷無任教士影射之理又原奏稱教民犯罪宜將教冊除名入教華民大率敗類一經入教魚肉鄉民應令教堂將犯罪教民永遠除名不得迴護查華民甘心入教見異思遷斷非安分之人健訟欺人在所不免教士每倚爲心腹恃作爪牙一遇關毆必相袒護數十年來臣衙門辦理教案從未見有教士責罰教民之事今若令教堂將犯罪教民永遠除名恐陽奉陰違終無實際如果情真罪當臣衙門必力與各使相持能否就範卻無把握又原奏稱教民被控傳案教士不得

阻撓教民被控地方官自應按冊指傳教士毋得隱匿查條約載明中國習教民人凡中國律令之事仍由地方官照例懲辦見在各省地方官指傳教民向未聞有抗傳不到情事似可毋須另議又原奏稱傳教地方宜重申禁地山東曲阜爲聖人故里恐洋人前往開堂設教應將曲阜地方照蒙古西藏等處一併歸入禁地查洋人欲赴兗州府傳教蓄意已久經臣衙門駁論多年堅持不允見在德國使臣紳珂照會言明兗州府城不設教堂惟教士安治泰有與地方官商辦教務之事請准暫行進城由官代覓房屋居住妥爲接待等查兗州府不准建堂傳教本未載明條約該使臣執約來爭我轉無詞以對因函商山東撫臣李秉衡大意總在不允建堂其餘小節似不妨通融辦理刻尚未准撫臣安定辦法至該御史請照蒙古西藏歸入禁地一節查蒙古各地方均有教堂西人多往遊歷西藏見亦議准通商均非禁地似可不必援引又原奏稱教堂不准育民開嬰孩教堂育嬰往往布散謠言懷疑激變應令該教士無須收養查教堂收養嬰孩其意本爲行善無如杯影弓蛇羣疑莫釋及至查辦究無戕害實據每令洋人有所藉口光緒年間督臣張之洞會奏請按月派員赴教堂查看嗣因各國使臣均以爲不便迄未允行又原奏稱教士入境宜先驗護照洋人出外傳教均由該國發給護照方准來華若赴內地傳教亦須領地方官執照方准放行查教士來華傳教須驗明該國護照方准入境爲約章所無若到內地傳教均由臣衙門發給護照業經歷辦有案又原奏稱教士入境宜歸地方管轄查公法無論生斯土自外來者皆當歸地方律法管轄應由總署商諸公使通飭教士以合公法查中西異教中國與各國立約均無管轄教士之條中外交涉皆以條約爲憑其爲條約所有者可據以力爭其爲條約所無者自難強辯若於條約之外另議新章須俟換約之年與各國訂明庶無軒

輊又 諭自泰西各國通商以來洋人僑居內地中外相安朝廷一視同仁迭諭疆臣時加保護乃四川有焚毀教堂之案同時煽動蔓延數州縣頃又據福建報稱古田縣匪徒殺傷洋人多名甚至戕及婦孺凶暴情形殊堪痛恨著慶裕

邊寶泉督飭營縣速即拿獲毋任漏網此等不逞之徒造謠惑衆所在多有在地方官隨時防範消息未萌何得玩泄因循釀成巨案著各省將軍督撫通飭所屬凡有教堂處所務須實力保護並諭居民勿得妄生疑忌倘敢藉端滋事定將執法嚴辦

又 諭各國設立教堂迭經諭令各省督撫嚴飭地方官加意保護以期民教相安本年五月閒四川省城匪徒滋事打燬東校場教堂省外各處旋又屢出教案皆由地方官平日不知勸諭百姓致釀事端迨鬧事後又不趕緊懲辦該督劉秉璋督率無方厥咎甚重據御史吳光奎奏參省城滋事之始劉秉璋置之不理並未派兵彈壓無業游民愈聚愈多以致省外教案層見迭出該督任意廢弛有負委任著即革職永不敘用以示懲儆其餘辦理不善之道府等官著鹿傳霖確切查明分別參辦

又 諭前因四川省有迭毀教堂之案業經降旨將辦理不善之前任總督劉秉璋從重懲處茲據恭壽鹿傳霖奏稱見經切實查辦擊獲首犯王瑞亭等二十三名內訊明就地正法者六名擬軍流枷杖者十七名自足以昭炯戒而儆將來所有辦理不善之邛州知州周鳳藻署大邑縣知縣沈炳署冕寧縣知縣任元良新津縣知縣栗秉灌縣知縣范萬選業經先後參撤外辦理保甲局候補道周鎮瓊著撤去差使交部議處署成都府知府周承烈署華陽縣兼署成都縣知縣黃道榮署城守營游擊向慈樂山縣知縣洪祖年署樂山汛千總黃承烈均著交部議處四川省各國教堂林立鹿傳霖等務當嚴飭所屬實力保護毋許再有疏虞並飭各州縣隨時勸諭曉以利害務期猜嫌盡釋民教相安用副朝廷綏靖地方至意

二十二年總理衙門奏御史陳其璋奏請嚴定教案處分稱地方官辦理教案向無議處專條故每遇議處時各國公使動輒懷疑致多口舌近來教案甚多地方官不善處置自應嚴予處分然不先定章程恐議重議輕難見信於洋人亦難保部中之無弊請 飭總理衙門會同吏兵二部先行議定章程等語查傳教既載在條約則地方官均有保護之責每遇教案各國使臣援約相持

述近要挾幾於無可收拾總由該管官事前既不能照約保護臨事又不能拿辦兇犯每釀巨案若非嚴定章程不足以懲儆該御史所奏誠爲切要嗣後如有拆堂殺教之案各督撫將軍等於審結後酌量案情輕重分別附參各官應得處分自以案情之重輕爲準近數年各省教案迭出地方官處分誠不能不明定專條第操之過蹙必至以規避處分之故縱教虐民翻致積隙日深發機愈烈迨至蚌端既構又自知一經呈議無望原情惟有束手聽參並不思力圖補救似與立法豫防之本意轉有所妨臣等公議嗣後如有更有教堂被毀之案除實係有心故縱釀成巨案貽誤大局者由臣部酌量案情隨時奏明請旨辦理外其事關倉猝竭力保護而勢有所弗及者擬請將該地方官照防範不嚴降一級留任公罪例議處其保護未能得力自屬辦理不善應查照歷辦成案以不應重公罪降二級留任例定議其武職處分如係事起倉卒迫不及防應將地方官照防範不嚴降一級留任公罪例議以降一級留任其保護未能得力自係辦理不善應照不應重公罪降二級留任例議以降二級留任俾示懲儆

又奏准軍機處抄交左都御史裕德奏請飭各省設立保甲局認真保護教堂一摺原奏稱近年民教交訐屢釀巨變謹擬辦法三端一防範宜周見有教堂之處由該地方官擇地設立保甲局慎選本地夙有鄉望士紳二三人爲董事局中額設巡勇用教堂附近之人在教堂附近處所查察遇有爭端曲爲排解或帶入局中善爲調處教士外出亦由該巡勇等爲之護送地方官時見局董待以禮貌官紳聯爲一氣則消息靈通一勸導宜力設局選董將歷來教案辦法平日割切講說使民間轉相傳述則窮鄉僻壤易於家喻戶曉較地方官示諭尤爲切速一勸懲宜明保護教堂既責局董當定年限分別賞罰俾有觀感應定局董到差三年如民教相安照尋常勞績獎敘或事起倉猝果能彈壓解釋消患無形照異常勞績請獎各等語查各省教堂向無記載光緒十七年長江教案紛起臣衙門始行令各省詳查教堂按季冊報略資考證該左都御史所奏事前防範由保甲局董設勇巡查護送并令地方官與局董聯爲一氣及

酌予局董勸懲所奏均中竅要見在奉旨頒行勸學篇所論民教嫌隙開導愚氓各節極爲顯豁各省官紳洞明此理不難家喻戶曉或可銷患無形均應准如所奏辦理至原奏所稱局董保護不力定以專條治罪臣衙門會同吏兵二部議復御史陳其璋片奏嚴定教案處分摺內聲明在案見既議令該士紳等充當董事得力則請獎如不得力自應查該案情節按照地方官處分分別減等辦理亦足以示公平如蒙俞允由臣衙門通行各省遵辦

又奏准軍機處抄交御史潘慶瀾奏民教不能相安亟宜設法消弭原奏稱無業莠民藉入教爲護符一有爭訟地方官勢須扶教抑民良民積憤填胸教案疊出欲弭其患在斷獄之得平洋人之不袒庇應由總理衙門與各國駐使會晤時曉以情理毋令干預訟事該御史所述可云透關查教士不得干預公私各事載在條約咸豐十一年奏准傳教諭單地方官於交涉教務者須查明根由持平辦理又同治五年光緒十二年均議准教士除教務外不得干預一切事件在案本年廣東潮州古溪一案法美兩教互控而皆爲華民該兩國使臣咸允照章由地方官辦理臣等復要以教士領事均不干預均無異辭此案見經辦結至教民犯案與教堂無關者應由地方官自行核辦無如各省地方官辦理此等案件非過於拘牽致彼屬有所藉口卽苟爲遷就使平民無辜負屈加以黨役奸胥不問原被曲直有求不遂盡取償於事內之平民於是彼此相形道路側目弱者相率而入教強者相率而攻教矣該御史所稱誠非無見至嚴拿地棍一節卽不因民教相仇地方官亦有應辦之責請如所奏飭各省將軍督撫轉飭地方官遇有民教爭訟但論是非不分民教持平審斷

皇朝續文獻通考卷三百五十二

外交考十六 傳教

光緒二十三年 諭前因山東鉅野縣地方有盜匪拒捕傷斃教士之案業將凶犯分別懲辦矣開缺四川總督前巡撫李秉衡身任地方不能先事預防以致釀成巨案著交部議處竟沂曹濟道錫良曹州鎮總兵萬本華曹州府知府邵承照著一併交部議處鉅野縣知縣許廷瑞緝捕廢弛稟報遲延著即革職壽張縣有教堂被劫該縣知縣莊維烈著即查參其餘濟甯荷澤單縣城武等州縣亦有民教相爭者該州縣官著分別撤調山東為禮樂名邦士夫服習儒術素知自重惟草野愚民間有不明事理甚或毆辱教士毀壞教堂此風斷不可長著該地方官嚴行禁戢實力保護並著通諭各省將軍督撫嗣後如有藉鬧教為名聚眾生事者即遵光緒十七年六月諭旨辦理如仍因循疲玩定行嚴加懲處決不寬貸

臣謹案康熙八年嚴禁各省私設教堂五十六年廣東碣石鎮總兵官陳昂奏請循康熙八年例嚴禁五十七年兩廣總督楊琳奏請循五十六年例嚴禁五十九年西洋人德里格以妄行陳奏禁錮雍正元年閩浙總督覺羅滿保奏請內地行教之西洋人俱送澳門安置天主堂改為公廨二年十二月兩廣總督孔毓琇奏令西洋人暫居廣州城內天主堂不得妄自行走二年二月毓琇又奏廣東香山澳西洋人繁至三千餘丁請著為定額多者隨船回國辭而闕之庶乎不遺餘力哉願禁者自禁來者自來至道光二十二年兩廣總督耆英奏請弛禁教禍蔓延如水銀瀉地無孔不入一燬教堂不問其起自教堂起自民間必賠修且要求 敕建時勢所趨即無耆英之奏亦必有今日之局憾耆英實潰其藩而作之備耳

又總理衙門奏本年十月開山東曹州地方殺斃德國教士二名德國兵船遠駛膠州該使臣海靖致 衙門照會要求六款勢將決裂業經具摺奏 聞並將續來照會及 臣等照復並問答節略隨時呈 覽在案 臣等仰稟 宸謨與

該使臣往復商論分別准駁該使臣照會以山東巡撫李秉衡屢違 朝旨不受中國政府之命釀成巨案請將李秉衡革職永不敘用 臣等堅持不允議令刪去永不敘用四字但將不可再任大官之意奏 請准行德主教安治泰本在濟甯倡建教堂適有曹州教案該使欲隆保護之名請 賜扁額請給工料銀兩 臣等議令酌照成案用 敕建天主堂五字酌給工料銀六萬六千兩至懲辦盜犯償卹教士原係教案中應辦之事該使以被殺兩教士並無家屬領賞只可建造教堂作為償卹議定曹州城內及鉅野縣屬張家莊各建教堂一所由官撥給地段不逾十畝即照濟甯辦法每處各給銀六萬六千兩扁額仍用 敕建天主堂五字統於教堂門首勒碑以為保護之據被盜失去之款另給銀三千兩了案該使復以見在教士租賃房舍甚難擬請於鉅野荷澤鄆城單縣城武曹縣魚臺七處為教士各建住房一所共給工料銀二萬四千兩均作為已殺教士償卹之用見獲盜犯照例懲辦失察之地方官從重參處該使又索中國應保以後永無此等事件 臣等駁以保護教堂條約所准惟盜賊猝發豈能永保其必無該使語塞因與議定請 皇上明發諭旨 飭地方官照約儘力保護特該國教堂究有幾處 臣衙門無案可查並令將各府州縣凡有教堂處所開送查核庶於保護之中稍寓稽察之意此案失事之地方官或調往他省或從重參懲均由中國自行酌辦該使借教案旁索商務擬請設立德華公司築造山東通省鐵路並許開通省及鐵路旁近之礦 臣等力與磋商允由膠澳至濟南省城築造鐵路一段俟此段造成後再行商造後段與中國自辦幹路相接均由德商華商集股領辦聲明不佔山東地土並另立合同無庸比照他國章程以為中德自商之證該使又以德國辦理此案所費之銀請中國賠償數百萬兩尤為無理取鬧 臣等告以此案中國無賠償之理惟顧念數十年邦交及前此相助之誼另籌辦法與教案絕不相涉須截分兩事期杜他國藉口斷不能認賠一錢該使以候其國命為辭延宕經旬 臣等迭次催問漸次就緒已允斂兵下船退出所據之地賠費作罷初訂明在 臣衙門互換約章適曹州地方復有驅逐教民殺害洋人之說該使頓翻前議又照會 臣衙門仍

請將李秉衡革職永不敘用復經臣等力駁並奉 諭旨將曹州鎮總兵萬本華撤省訊問該使始無可置辯即將繕定教案六條照復一件當面交訖以符先結教案之議

二十四年 諭各國傳教載在條約送經諭令各督撫妥為保護以期民教相安乃本年四川江北廳等處教案未了廣東永安州復有殺斃教民之事湖北沙市亦有因案牽連之事總由地方官不能仰體朝廷諄諄誥誡之意遇有民教交涉案件非漫不經心即意存歧視畛域未化斯嫌隙易生無怪教案之層見迭出也是特加申諭各省大吏凡有教堂州縣務當諄飭地方官實力保護平日如有教士謁見不得有意拒絕使彼此誠信相孚從教之人自不致藉端生事一面開導百姓毋以薄物細故輕啟蚌端即使事出倉猝該管官吏果能持平辦理亦何難消患未萌是在各將軍督撫嚴飭所屬妥慎籌辦從前未結之案即著迅速了結此後不准再有教案倘仍防範不力除將該地方官照總理衙門奏定新章從嚴懲辦外該將軍督撫亦必執法從事

又出使法國大臣常慶奏承准總理衙門電開廣西永安教案已照會法使畢盛將辦犯劫官賠償建堂四條允即照辦先行議結另與畢盛商定將來北海鐵路造至南甯援龍州鐵路案中法合辦等因並令臣才與外部訂明後有教案只應就案議結不及他事以杜後患遵與外部大臣哈諾德連日會晤切實商論請其訂明立案該外部謂永安教案法允和商並未要求至鐵路一事適逢其會既歸另案商議自與藉端旁索利益者情形不同無庸再行聲明臣才答以法使先將鐵路歸併教案雖經外部言明另商不在教案之內仍當彼此訂明立案方昭信據該外部復以德辦山東教案藉為口實謂法辦廣西教案體諒和商轉令嚴定限制殊未平允又稱礙難載諸公牘恐各國遇有教案旁索利益而法獨受限制議院必不允從等語臣才勉其篤念邦交作一榜樣庶可抵制他國再三開導該外部始允備文立案旋准外部文稱嗣後遇有應辦教案自應就案議結不及他事一切工商利益皆不藉端旁索特為申明當經電達總理衙門在案竊查自德國辦理山東教案以來各國遇事每思效尤動

輒引以為例以致辦理交涉愈形棘手今廣西地方殺法教士等三名係德事議結後第一教案誠宜以就案議結不及他事為懲前毖後緊要關鍵况近年各國教務日繁防範難周時虞生事若不與之訂明示以限制將來各國遇有教案藉端要求後患伊於胡底查法外部來文所訂辦法似於籌辦教務稍有依據或可弭後患而杜效尤該外部既請奏明以表睦誼不敢不據實陳明仰 宸廑

又奉 諭旨自開埠通商以來中外一家不分畛域即如各國教士之在內地者迭經諭令各地方官實力保護不啻三令五申各省官紳士民自應仰體朝廷一視同仁之意開誠布公無嫌無疑以期日久相安乃近日各省民教滋事之案仍不能免四川大足縣教案至今尚未了結在愚民無知造言生事輕起蚌端固為可恨而該管官吏不能隨時開導先事防維實亦難辭其咎用特詳加申諭各省大吏於教堂所在務當嚴飭地方官懷遵迭次諭旨認真保護各國教士往來均宜以禮相待遇民教交涉之案持平辦理迅速斷結並勸導紳民安分自守毋得逞志啟衅其各國遊歷洋人所到之處尤應一體保護以盡懷柔之誼經此次降旨之後若再有防範不力致滋事端定將該地方官從嚴參辦並將該督撫一體懲處

張之洞勸學篇外篇非攻教曰異教相攻自周秦之間已然儒墨相攻老儒相攻莊道也而與他道家相攻荀儒也而與他儒家相攻唐則儒釋相攻後魏北宋則老釋相攻儒之攻他教者辨黑白他教之相攻者爭盛衰歐洲因爭新舊教義連兵相殺數十年乃至今日而是非大明我孔孟相教士各爭權勢藉以為亂非爭是非也傳大中至正之聖教炳然如日月之中天天理之純人倫之至即遠方殊俗亦無有譏議之者然則此時為聖人之徒者恐聖道之陵夷思欲扶翼而張大之要在修政不在爭教此古今時勢之不同者也中外大通以來西教堂布滿中國傳教既為條約所准行而焚燬教堂又為 明旨所申禁比因山東盜殺教士一案德國藉口遂踞膠州各國乘機要求而中國事變日亟有志之士但當砥厲學問激發忠義明吾中國尊親之大義講

我中國富強之要術國勢日強儒效日章則彼教不過如佛寺道觀聽其自然可也何能爲害如仍頽廢自甘於孔孟之學術政術不能實踐力行學識不足以濟世用才略不足以張國威而徒詬厲以求勝則何益矣豈惟無益學士倡之愚民和之莠民乘之會匪游兵藉端攘奪無故肆肆上貽 君父之憂下召憑陵之禍豈志士仁人所忍爲哉不特此也海上見聞漸狎中西之町畦漸化若游歷內地愚夫小兒見西國衣冠者則呼諛以隨之擲石毆擊以逐之一聞而起莫知其端并不問其爲教士非教士歐洲人美洲人也夫無故而詬擊則無禮西人非一或稅關所用或官局所募或游歷或傳教茫然不辨一概憤疾則不明詔旨不奉則不法以數百人擊一二人則不武怯於公戰勇於私鬪則不知恥於是外國動謂中國無教化如此狂夫亦何以自解哉至於俗傳教堂每有荒誕殘忍之事謂取人目睛以合藥物以造錫水以點鉛而成銀此皆謬相沿決不可信光緒十七年五月教士先開傳教所於幼七十八人皆無目者百口一辭及委員往會同府縣一一驗視則皆無影響止一人對其一目眼內有物其睛尚在及其父母均言因出痘所傷等語始知又如此類此等近事之可惡者試思西教創立千餘年流行地球數十國其新教舊教爭權攻擊則多有之矣從無以殘忍之事爲口實者若有此事則西國之人早已盡爲教堂殘毀無完膚無遺種矣若謂不戕西人惟殘華民則未通中華以前此千餘年中之藥物錫水銀條安所取之且方今外洋各國所需之藥物錫水所來之銀條一日之內即已無算中國各省雖有教堂又安得日斃數千萬之教民日劫數千萬之眸子以供其取求耶語云流丸止於臆輿流言止於智者薦紳先生縱掖儒者皆有啟導愚蒙之責慎勿以不知爲海外之人所竊笑也

二十五 諭近來各省盜風日熾教案迭出言者多指爲會匪請嚴懲辦惟會亦有別彼不逞之徒結黨聯盟恃衆滋事固屬法所難宥若安分良民或香技藝以自衛身家或聯村衆以互保閭里是乃守望相助之義地方官若不加分別誤信謠言概目爲匪株連濫殺以致良莠不分民心惶惑是真添薪止

沸爲淵駭魚非民氣之不靖實辦理之不善也我朝深仁厚澤涵濡二百餘年百姓食毛踐土具有天良何致甘心盜弄自取罪戾全在各省督撫慎擇賢吏整頓地方與民休息遇有民教詞訟持平辦理不稍偏重平日足以孚民望遇事自足以服衆心化大爲小化有爲無固根本者在此聯邦交者亦在此各省督撫受恩深重共濟時艱必能仰體朝廷子惠元元一視同仁至意嚴飭地方官辦理此等案件祇問其爲匪與否與否與否不論其會不會教不教也吾民亦當以保衛桑梓身家爲務勿事煽惑以構禍端勿挾權勢以欺鄉里庶閭閻安謐藉紓宵旰憂勤是所至要

又總理衙門奏定地方官與教士往來事宜五條 一分別教中品秩如主教品位與督撫相同應准其請見督撫倘有事回國或因病出缺護理主教之司鐸亦准請見至攝位司鐸大司鐸准請見司道其餘司鐸准請見府廳州縣各按品秩以禮相答 一主教應將所派專與官長交涉辦事各司鐸名姓教堂住處開單報明督撫以便飭屬照章接待凡請見地方官及專派之各司鐸均應西人充當或未能熟悉華語可暫令華司鐸傳譯 一主教居住外府無事不必赴省請見督撫遇新督撫到任主教新換或賀年節均准向督撫修書或寄名刺督撫如禮答覆各司鐸更換新到應持有主教函據方可照品請見司道府廳州縣 一各省出有重要教案所在之主教司鐸須轉請教皇專託保護天主教之國之公使或領事官同總理衙門或地方官辦理了結先向地方官商辦以免多費周折 一地方官應曉諭約束所在平民務與教民一視同仁不得挾嫌構讐主教司鐸亦應勸誡教衆專心嚮善以保教中聲名俾平民悅服如民教涉訟地方官須持平審辦教士亦不干預袒護以期民教相安 二十六年 諭各省鄉民設團自衛保護身家本古人守望相助之誼果能安分守法原可聽其自便但恐其間良莠不齊或藉端與教民爲難不知朝廷一視同仁無分畛域該民人等所當仰體此意無得懷私逞憤致啟衅端自干咎戾著各該督撫嚴飭地方官隨時剴切曉諭務使各循本業永久相安庶無負諄諄告戒之意

又 諭西教傳播中國歷有年所該教士無非勸人為善而教民等亦從無恃教滋事故民教各行其道均克相安近來各省教堂林立教民繁多遂有不逞之徒濶迹其間教士亦難遍查優劣而該匪即藉入教為名欺壓平民武斷鄉曲諒亦非該教士所願至義和拳會在嘉慶年間亦曾例禁近因其練藝保身守護鄉里並未滋生事端是以迭降諭旨飭令地方官妥為彈壓無論其會不

會但論其匪不匪如有藉端滋事極應嚴懲辦是教民拳民均為國家赤子朝廷一視同仁不分畛域即有民教因案涉訟亦屬令地方官持平辦理乃近來各府州廳縣積習相沿因循玩誤平日既不能聯屬教士又不能體恤民情遇有民教涉訟未能悉心考察妥為辦理致使積憤已深民教互仇遂有拳民以仇教為名倡立團會再有奸民會匪附入其中藉端滋擾拆毀鐵路焚燒教堂至鐵路原係國家所造教堂亦係教士教民所居豈得任情焚燬是該團等直與國家為難實出情理之外昨已簡派順天府尹兼軍機大臣趙舒翹前往宣撫曉諭該團民等應即遵奉一齊解散各安生業倘有奸民會匪從中慫恿煽惑希圖擾害地方該團即行交出首要按律懲辦若再執迷不悟即係亂民一經大兵勦捕勢必父母妻子離散家敗身亡負不忠不義之名後悔何及朝廷深為吾民惜也經此次宣諭之後如仍不悛即著大學士榮祿分飭董福祥宋慶馬玉崑等各率所部實力勦捕仍以分別首要解散脅從為要至派出隊伍原所以衛民近聞直隸所派各軍不但未能保護彈壓且有騷擾地方情事即著直隸總督裕祿嚴行查辦並著裕祿派員訪查倘有不肖營哨各官不能嚴束勇丁即以軍法從事決不寬貸此旨即著刊刻謄黃通行曉諭軍民人等一體知之

教堂戕殺教民聞城洶洶勢不可遏當風聲初起之時各國請調洋兵入京保護使館朝廷以時勢頗迫慨然破格許之各國通計到京洋兵不下五百人此中國慎重邦交之明證也各國在京使館平日與地方尚屬無怨無德而自洋兵入城以後未能專事護館或時上城放鎗或有時四出巡街以致屢有放鎗傷人之事甚或任意游行幾欲闖入東華門被阻始止於是兵民交憤異口同聲匪徒乘隙橫行燒殺教民益無忌憚各國遂添調洋兵中途為亂黨截殺迄不能前蓋此時直東兩省之亂黨已鎔成一片不可開交矣朝廷非不欲將此種亂民下令痛勦而肘下之閒操之太蹙深恐各使館保護不及激成大禍亦恐直東兩省同時舉事兩省教士教民更無遺類所以不能不躊躇審顧者以此爾時不得已乃有令各使臣暫避至津之事正在彼此商議開突有德使葛得祿晨赴總署途中被亂匪傷害之案德使蓋先日函約赴署該署因沿途擾亂未允如期候晤者也自出此案亂民皆挾騎虎之勢並護送使臣赴津之舉亦不便輕率從事惟有飭保護使館之兵嚴益加嚴以防倉猝不料五月二十日即有大沽海口洋員面見守臺提督羅榮光索讓礮台之事謂如不允便當於明日兩點鐘用力佔據羅榮光職守所在豈敢允讓乃至日果先開礮擊臺相持竟日遂至失守自此兵端已啟却非變自我開且中國即不自量亦何至與各國同時開釁並何至恃亂民以與各國開釁此意當為各國所深諒以上委曲情形及中國萬不得已而作此因應之處該大臣等各將此旨詳細向各外部切實聲明達知中國本意見仍嚴飭帶兵官照前保護使館惟力是視此種亂民設法相機自應懲辦各該大臣在各國遇有交涉事件仍應照常辦理不得稍存觀望將此各電諭知之

又 諭此次中外釁起於民教之相鬧嗣因大沽礮臺被佔以致激成兵端朝廷誼重邦交仍不肯輕於決絕迭經明降諭旨保護使館並諭各省保護教民見在兵事未弭各國商民在中國甚多均應一律保護著各將軍督撫查明各國洋商教士在通商各埠及各府州縣者按照條約一體認真保護不得稍有疏虞上月日本書記杉山彬被戕正深駭異乃未幾復有德國公使被害



之事該公使駐京辦理交涉遭遭傷害惋惜尤深應仍嚴飭勒拿兇手務獲究辦所有此次天津開戰後除因戰事外其因亂無故被害之洋人教士等及損失物產著順天府直隸總督飭屬分別查明聽候彙案核辦至近日各處土匪亂民焚殺劫掠擾害良民尤屬不成事體著該督撫及各統兵大員查明實在情形相機勦辦以靖亂源

二十七年奕劻等奏上年拳匪擾亂畿輔各屬同遭蹂躪焚毀教堂傷害教民無處無之京城既撥卹款並將教堂賠款與各教士商允歸入大賠款之內而順直各州縣議賠卹皆須就地籌捐久困洋兵流亡未復羅掘俱窮情尤可憫不得不分別辦理以紓民困等飭周馥與教士熟商除撫卹教民之款仍由地方自籌外將各州縣教堂賠款剔出若干併入大賠款內綜計京內外議定天主耶穌各教賠款已歸大賠款之數共銀三百三十萬九百七十七兩尚有數處未定爲數無多俟議定再行續報照錄清單呈覽

又 諭御史許祐身奏請飭令各督撫特派專員辦理教士一片外務部知道又 諭甘肅平羅縣屬殺傷教士教民一案業經諭令將該管地方官革職帶罪勒限嚴拿匪徒茲據核審電奏探聞梅教士及教民四人已因傷身死見派道員張廷楫前往會督緝犯等情地方文武官員皆有保護教堂之責似此防範不力致教士等因傷斃命朝廷深爲矜恤著卹爲撫卹並將凶犯趕緊拿獲即行正法

二十八年 諭色楞額奏朝陽縣屬民教不和聚衆相抗請派兵解散一摺直隸朝陽縣屬革生邵萊峰藉口教堂欺凌平人輒敢聚衆負固擄禁教民逞忿滋事屢派委前往解散該革生不服開導勢益張若不懾以兵威恐釀巨變總兵楊玉書所統數營不敷勦辦等語著袁世凱察酌情形添派數營前往解散脅從嚴拿首要務令民教相安以弭後患仍不得鹵莽從事原摺鈔給閱看又 諭錫良電奏河南泌陽縣高店等處鄉民因挾教堂賠款之恨糾衆多人至楚窪地方殺死教民葉姓一家四命又至程店殺害教民一名又將桐柏縣烏金溝教堂焚燬燒斃教民四名殺死五命均無洋人已派隊彈壓嚴緝等語

各省教士教民朝廷一視同仁疊諭切實保護不啻三令五申乃泌陽等屬竟有焚燬教堂殺斃教民十四命重案似此冥頑滋事目無法紀實堪痛恨著錫良督飭地方官速將凶犯緝拿訊明即日就地正法泌陽縣知縣費鴻年著卹革職仍勒限緝犯該教民等被害多命憫惜殊深著該撫妥爲撫卹

又 諭國家懷保羣黎惟恐一夫不獲是以不分民教一視同仁迭飭各督撫則切勸導務使民教相安乃昨據河南巡撫錫良奏稱泌陽縣屬竟有燬教堂殺教民情事業已降旨緝拿治罪因思嚴懲於事後兩敗俱傷何如消患於未然一勞永逸查西教入中國已二百餘年其宗旨本勸人爲善教士遠涉重洋堅苦卓絕施醫療病調濟貧窮無非克己利人又何猜嫌之有而鬧教之案層見疊出法令森嚴亦且悍然不顧即愚頑不應至此推原其故總由人心詐僞每有羣民藉入教爲名橫行鄉里倚勢作威無端構訟一不遂意則以膚受之愆使教士聞之不平代爲申理地方官平日既與教士隔膜又於案情曲折不能詳明剖辨遂成偏重之勢平民被抑積忿滋多匪徒藉此煽惑激成事變迨至釀案之後緝凶限迫則多被株連賠款罰嚴則不勝擾累此所以平民怨教之隱不能盡釋而教士勸善之心亦爲不彰是非彼此輯和盡泯嫌隙無以爲正本清源之策見在駐京總主教樊國樞宅心公恕見義勇爲前次覲見官廷特加褒獎並令遇案持平俾民教相安於無事著外務部再將此意與樊國樞婉切商議使不安本分之人無從投教其教民犯案由中國官與平民一律辦理應如何安定規條杜絕後患並著外務部及出使大臣照會各國公使外部轉飭通行遵守兩有裨益

又河南巡撫錫良奏河北教案以武安縣案情爲最重經前撫臣于蔭霖派員與主教司德望議結惟原議拿辦滋事人犯僅開人數未盡指定姓名逃者弋獲無期獲者待質多斃曠日持久百弊叢生痞棍遂依託教民藉端訛索良懦或忍忿服罪或出資求和強悍或抗拒不遵或懷仇欲報民心驚擾謠說紛紜幾有不可終日之勢時值豫南泌案甫有端倪直隸廣宗正在多事武安孤懸直境風聲所播人情洶洶思一逞設使辦理遲緩則一波未平一波又起禍

患何堪設想也才當即派委與湖北總主教司德望等反覆商辦趕緊議結爲  
曲突徙薪之計茲據該員等稟稱已與主教妥議將已獲之犯分別發配未獲  
之犯分限暫禁回里其餘一概免交訂立合同簽字立案從此一律完結永斷  
葛藤民教盡釋嫌疑自可相安無事

又奏泌陽匪徒張漢卿等因抗攤賠款勾結刀匪滋事教堂教民同遭蹂躪其  
房屋器物大半毀失至被難教民雖經妥飭撫卹而扶老攜幼逃避新岡教堂  
者亦復不少該主教安西滿供給食用自屬不貲商辦賠修教堂及教民房屋  
添補器物各項費用再三辭駁始以共需銀二萬六千兩議定唐桐泌三縣素  
稱刀匪出沒之區案若久懸尤恐羣疑莫釋枝節橫生當飭藩司設法騰挪依  
限清交所需款項乞 恩俯念豫庫支絀准其作正開銷一面仍飭地方文武  
購線緝拿首要各犯務獲究辦並保護教堂教民務使相安以紓 宸廑

又 諭湖南辰州府傷斃教士前經諭飭俞廉三嚴拏正凶務獲重辦並查明  
地方官如有保護不力據實參處在案旋據奏稱該處時疫盛行痞匪造謠謂  
教堂投毒井中適有民婦蕭張氏在街拋散藥末因此起衅突聚二千餘人擁  
至薛亨寓所將薛毆傷詎有另起痞匪擁至福音堂圍鬧當經該府縣營員趕  
往保護痞匪已將教堂打毀英國教士胡紹祖羅國全由堂內逃出均被羣毆  
身死匪衆奔散當傳到教民看明兩教士屍傷從豐棺殮先後拏獲蕭張氏及  
匪犯田俊之等十名尙訪有徐玉亭等正懸賞購拏懲辦沅陵縣知縣陳禧年  
到任甫經一月當同營員往救兩教士已被毆死教堂已毀究屬保護不力請  
將陳禧年辰州城守都司劉良儒參將張耀魁一并先行革職等語著俞廉三  
仍飭嚴拏正犯早結重案劉良儒張耀魁陳禧年均著先行革職

又山西巡撫岑春煊奏迭准全權大臣電令速結教案以紓兵禍當查耶穌教  
被殺教士一百五十餘名被燬教堂醫院七十餘座而教士無一在晉無從商  
辦素聞駐滬耶穌總教士英人李提摩太辦事和平平日以愛助華人自命因  
電約前來旋接全權大臣電稱該總教士到京即派總理內地各會教士來晉  
又呈擬辦山西教案章程七條第三條云晉省釀禍之重係民智不開所致擬

由晉省籌給賠款銀五十萬兩建立學堂嗣各會教士到晉商辦一切均極和  
平統計七會被燬教堂及教民所失財物應賠銀八十一萬九千餘兩除減讓  
銀四十六萬四千餘兩撥歸大案賠款抵付銀十一萬六千兩實共賠銀二十  
三萬八千餘兩陸續清結惟建立學堂未與定議該總教士函電催促隔閡殊  
多復令洋務局提調周之驥前赴上海與之面議電呈合同草底八條大致令  
晉省籌銀五十萬兩分期交付該總教士開辦中西學堂十年內均歸主政十  
年外學堂房屋及一切書籍儀器概交晉省並不估價 臣以其捐已得之項爲  
晉省育才足見誠心愛晉惟訂課程聘教習送學生均由彼主政未免侵我教  
育之權極力磋商覆稱非有心侵權特慮不如此不能竟其志是以堅持不允  
臣以和議甫成時局未定晉省耶穌教案極鉅若與決裂必致將來爲難且查  
約章無禁止教會設立學堂明文東南各省教會所設學堂甚夥地方官均不  
過問此次擬添之中西學堂就使未肯聽我主持不過輸出之賠款未能收回  
復爲晉用按之約章尙無他害委曲求全因與議定復於合同內聲明此中西  
學堂與晉省大學堂一樣看待顯示以畛域之判即隱杜干預教育之權特如  
斯創舉何敢自晉而開惟有將合同繕呈恭候 欽定

又 諭外務部奏西人傳教分天主耶穌兩門見在總理耶穌事務李提摩太  
來京請旨辦理一摺李提摩太學識優長宅心公正深堪嘉尙著將見擬民教  
相安規條一并與之商議以期中外輯和百姓親睦有厚望焉

又 諭奎俊電稱資陽縣土匪滋事當經派兵擊散並將首犯正法茲據該縣  
馬承基稟稱縣屬天鼓橋地方突有匪徒千餘乘夜打毀英美教會所建教堂  
殺斃傳教鞠成慶及教民四命又燒燬房屋傷斃教民三命勢甚猖獗已調防  
營馳往辦理等語似此匪勢披猖目無法紀亟應撲滅毋任蔓延著奎俊嚴飭  
各軍迅即解散查拿首要以伸國法而遏亂萌該教士等無辜斃命殊堪  
矜憫著即妥爲撫卹

又 諭前因四川資陽等處有焚燬教堂擄掠教民情事迭令將匪犯捕拏茲  
據岑春煊電奏先後拏獲著名大股匪首凌天順會洪春劉全龍及匪黨多名

當令將該匪首盡法嚴懲餘匪分別辦理仍著督飭營團搜捕逸匪務絕根株所有出力各員俟事竣後准其擇尤保獎至竄放凌天順之都司徐明理千總毛裕雖管帶縣丞譚長焜業經該督查明一并正法其統領已革道員周振瓊雖已卸差其平日不能約束縱勇騷擾咎亦難辭著永不敘用並不准投效各營勒令回籍交地方官嚴加管束以示懲儆

梁啟超論宗教勢力衰頹之徵 保教之論何自起乎懼耶教之浸入而思所以抵制之也吾以為此慮亦過矣彼宗教者與人羣進化第二期之文明不能相容科學之力日盛則迷信之力日衰自由之界日張則神權之界日縮今日耶教勢力之在歐洲視數百年前不過十之一二耳昔者各國君主皆仰教皇之加冕以為尊榮今則帝制自為也昔者教王擁羅馬之天府指揮全歐今則作寓公於意大利也昔者牧師神父皆有特權今則不許參與政治也此在政府有然其在學界昔者教育全權屬於教會今則改歸國家也歌白尼等之天文學興而教會多一敵國達爾文等進化論興而教會又多一敵國雖竭全力以擠排之終不可得至今不得不遷就其說變其面目以彌縫一時其前途可以知矣彼其取精多用物宏誠有所謂百足之蟲至死不僵者以千數百年之勢力必非遽銷磨於一旦固無待言但自今以往即能保其餘燼而亦非數百年前之面目可斷言也而我今日乃暮其就衰之形式為效顰學步之下策毋乃不可乎或曰彼雖衰於歐洲而盛於中國吾安可以不抵制之是亦不然耶教之入中國也有兩目的 一曰真傳教者 二曰各國政府利用之以侵我權利者中國人之入耶教亦有兩種 一曰真信教者 二曰利用外國教士以抗官吏武斷鄉曲者彼真傳教真信教者何害於中國吾中國汪汪若千頃波佛教納之同教納之乃至張道陵袁了凡之教亦納之豈其有新於一耶穌且耶教入我國數百年上流人士從之者稀其力之必不足以易我國明矣而畏之如虎何為者也至各國政府與鄉里莠民之利用此教以侵我主權撓我政治此非倡言保教遂能抵抗也但使政事修明國能自

立則學格蘭斯頓之予愛蘭教會以平權可也學俾士麥嘉富爾教之予山外教徒以限制亦可也主權在我誰能侵之彼之持保教抵制之說者吾見其進退無據也

二十九年美國新訂商約第十四款入教與未入教之華民均係中國子民自應一體遵守中國律例教重官長如有犯法不得以身已入教遂免追究亦不得干預中國官員治理華民之權 第十五款俟查悉中國律例情形審斷辦法皆臻妥善美國即允棄其治外法權

謹案已訂新商約日本第十一款葡約第十六款亦有允棄治外法權語此在中國人之發憤為雄矣

三十一年魏光燾奏陳日僧傳教略稱閩省當南洋之衝各國人民游歷經商絡繹不絕而洋人傳教內地幾於無處蔑有數月以來訪查各屬地方民教尚稱安謐至日本僧侶向無准在中國傳教之約乃漳州泉州一帶比來竟有日僧收徒布教賃屋設堂藉口中日通商行船條約第二十五款一體均沾之語朦混牽引迭經 照會駐廈門日本領事按約駁阻並電准外務部核覆亦以該約與傳教無涉不能強為牽引照會日使駁論內外堅持冀可稍伸補救

又法國主教樊國樑卒於京師 賞銀五百兩治喪

又呂海寰奏近年各省教案棘手動輒釀成交涉請特派專使前赴羅馬面謁教皇議訂新約得 旨外務部查核辦理

又 諭丁振鐸電奏悉據稱巴匪滋事煽動滇邊當經派營馳往堵禦彈壓並飭麗江府知府李盛卿督同維西通判李祖祐率兵進攻昨據報官軍失利李祖祐被賊隔絕有逃出教民投報教士余伯南被匪擄去不知存亡教士蒲德元英人傳禮士均被殺害見將護出教士彭茂德派兵送至大理所有該處教產及維西教堂見仍竭力保護等語著丁振鐸嚴飭各軍趕緊合力勦辦迅掃匪氛仍將各教堂教士人等切實保護毋再疏虞知府李盛卿親督各營疏於防護著即行革職留營立功以觀後效教士蒲德元英人傳禮士無辜被害深堪憫惻著該督妥為撫卹

三十二年江西南昌縣法國教士王安之邀南昌縣知縣江召棠至天主堂議  
翻舊案俄江召棠咽喉被創越數日卒巡撫胡廷幹方委員查辦而愚民已於  
二月初三日暴動毀法國教堂三處斃王安之等六人誤毀英國教堂一處斃  
金姓教士夫婦二人案久未結至是言官劾胡廷幹迂拘固執奉 諭胡廷幹  
電奏悉據稱法國天主堂神甫王安之函約南昌縣知縣江召棠便飯談及教  
案阻止從人不准隨入忽聞江召棠頸受刀傷隨飭員赴堂驗視傷勢甚重民  
情不服議論沸騰迭經出示開導解散並派兵保護各處教堂文武官紳正在  
分投彈壓忽有匪徒乘機煽惑滋事致毀法國教堂三處傷害法人六名波及  
英國教堂一處被害英人二名受傷一名等語此案因地方官在教堂身受刀  
傷以致人心不服激生眾怒惟應靜候查辦據理評論乃竟有匪徒乘機滋事  
任意妄為實屬不知法紀著胡廷幹督飭嚴擊首要按律懲辦仍將各處教堂  
極力保護毋得再有疏虞至英法兩國人口傷害多名深堪憫惻即著妥為撫  
卹江召棠見在傷勢如何並著查明電奏

又 諭江西南昌教案前經外務部奏派直隸津海關道梁敦彥前往確查昨  
召見該員詳詢此案情形據奏各節與胡廷幹等電稱既多不符即該撫等迭  
次來電亦復前後歧異實屬顛倒貽誤江西巡撫胡廷幹著先行撤任布政使  
周浩另有旨察辦按察使余璉康於重要刑案未能立即訊驗著先行交部議  
處此案仍著外務部悉心妥辦

外務部與法國使臣議結南昌教案並訂善後合同其文曰爲立合同事近  
因南昌滋事殺斃法人焚燬教堂學堂一案大法國 大清國政府均願將  
此案公平議結以期兩國交誼益敦和好已經商定各派委員會同查明辦  
理大法國欽差特派三等參贊官世襲子爵端貴大清國外務部奏派直隸  
津海關道梁敦彥前往南昌詳細查明江召棠身故緣由本年正月二十九  
日南昌縣知縣江召棠到天主堂與法教士王安之商議舊案彼此意見不  
合以致江令憤急自刎乃因該令自刎之舉傳有毀謗法教士之訛以致出  
有二月初三日暴動之事中國 國家已自將有罪之人懲辦茲將外務部

與駐京法國欽差議定各條開列於左免致嗣後彼此或生異詞 第一條  
應給被害教習五人家屬撫卹銀四萬兩另給一萬兩作爲後來新教習等  
川資經費之用其款應以庫平庫色兌交駐滬法國總領事收領 第二條  
新昌等舊案及南昌新案所有被毀教堂學堂養濟院等處及教內之人房  
屋並一切物件總共賠償銀二十萬兩整交由教堂提款償補各案教內之  
人之損失作爲一律了結 第三條庫平庫色銀二十萬兩分爲十次交付  
每三箇月爲一期二萬兩交由法國主教在九江收領 第四條所有被燬  
教堂各紅契應由地方官從速補給管業執照並在南昌縣城內借予教堂  
房屋一所以待教士蓋有房屋即行遷移 第五條江西巡撫應行從速出  
示曉諭其告示底稿已經外務部與法國駐京欽差會訂 以上各條分繕  
華文法文各四分一存外務部一存駐京法使公署一存江西巡撫衙門一  
存九江天主堂

三十三年外務部咨南洋教堂在內地置產准於契上添寫某國字樣 略  
稱前准美柔使函稱准安府長老會林教士稱地方官於契據內只書本處  
某某教堂租用不准列有或賣或租與美國某某教會字樣本館又接有他  
處來稟謂亦係如此擬辦請咨各省轉飭詳照商約第十四條辦理等語本  
月復准該使照稱教會租地必於契上書明爲何國教會方能分別清楚新  
約十四條係列有此辦法各地方官似有不明商約所列之言請通咨各省  
查照新約辦理添列美國二字望照辦見覆查各國教堂賣地契內只載明  
教堂公產字樣歷經辦理在案茲准美使先後函照請於契上添載美國二  
字據稱係爲書明何國教會易於分別清楚起見檢查二十九年中美商約  
第十四款內本有美國教會准在中國各處租賃房屋地地基作爲教會公產  
等語該使所請核與約章均尚相符應准照辦嗣後即於契上添寫美國二  
字仍照章載明教堂公產字樣以免含混除照覆美使並將照稿抄咨外相  
應通咨 貴大臣查照轉飭各該地方官一體遵照並聲覆本部  
又 諭據端方電稱江西南康縣有焚毀教堂戕害教士重案尙未據瑞良奏

報殊堪詫異著端方瑞良迅派得力文武員弁馳往查辦務將正兇暨滋事首犯嚴拏懲治其保護不力地方官亦須查明撤參所有見存教士教民暨各產業應認真防範保護勿稍疏虞一面將詳細情形迅即電奏

又 諭據端方瑞良兩次電奏南康縣境既有焚燬教堂情事殊屬疏忽著端方應如何加意防範以遏亂萌乃贛城內又有焚燒教堂情事殊屬疏忽著端方瑞良認真查辦勿稍瞻徇代理南康縣知縣楊寅揆即行革職留緝黃壽山以死勤事應由該督撫查明請恤並著嚴飭印委各員切實保護彈壓勿再滋生事端

又 諭保護傳教載在約章凡在內地之外國教士身命財產地方官均有保護之責近來各省焚燬教堂戕害教士仍復不免朝廷深為惋惜推究其故民教之不和多由官吏處置之未善從前歷經訂約載明安分傳教習教之人不得刻待禁阻如係中國律令之事仍由地方官照例辦理是其界限本極分明著各督撫迅將中國與各國所定約章內傳教習教各條摘要刊成冊分發所屬各官責令認真講習遇有外國教士交接事件亦應照約切實辦理至平民教民同為朝廷赤子同受國家法律一切違犯科條及訴訟案件不分民教悉按定律持平判斷毋稍歧視並隨時剴切曉諭使民教各安本分勿相侵陵其有痞棍匪徒造謠播弄滋生事端者平時宜嚴加防範臨時須迅與消弭倘地方官吏不諳約章或顛預偏執或畏葸因循以致釀成重案定予查明分別懲處

三十四年外務部奏改正地方官接待教士章程 略稱光緒二十五年前總理衙門奏明地方官與教士往來內閣總主教或主教請見督撫司道府廳州縣各官亦按照品秩相答等語彼時總理衙門議訂地方官與教士往來原期有裨教務惟該主教等在華傳教本無官職之可言實非與督撫等官同其品秩近來地方官接待教士已與前此訂章之時情形不同且自該章通行以後該教士等竟有僭用地方官儀仗情事以致無知愚氓輒多誤會殊非當日訂章之本意亟應因時制宜以期妥協請 旨將前總理衙門所奏教士與督撫

司道府廳州縣等官按照品秩各節即行一體撤銷嗣後地方官與教士往來應仍查照約章以禮相待恭候 命下各行各省轉飭遵照

又浙江巡撫增韞奏湖州府城海島交涉一案經在籍紳士候補京堂劉錦藻工部郎中沈毓麟分部郎中張增熙舉人俞宗濂等始終堅持卒使學宮要地悉數爭回並由該紳捐集鉅資於畫還基址建築祠宇規復舊觀以杜覬覦洵屬熱心公益勞怨罔辭懇 恩俯准將劉錦藻沈毓麟張增熙悉予請 旨嘉獎俞宗濂苦心經營並請獎給內閣中書銜以昭激勸實於浙省外交不無裨益奉 旨著照所請該部知道

劉錦藻等原呈 竊湖州府學基地被美國南監理會圈去一案起於光緒二十八年成於二十九年其先行出示勒賣民地繼復擅收地價洋四百元將府學尊經閣基當作荒地朦詳給領並將閣之左右顏魯公祠基曹孝子祠屋許給教會買地調換敘入告示蓋印發給教士收執者為前署歸安縣朱令 其差提驅逐曹祠居住看守之人以便教會拆毀遷移復不到地履勘遵將教會投稅各契率行蓋印聽任築牆致將府學舊有之敬一亭釋志亭射圃等基以及民荒各地悉數圈去者為前署歸安縣丁令 其串賣刻價並為教會簽押作中訂立調換顏祠字據者為前歸安縣典史 與千總柳 事後發覺在籍紳士章祖申等赴省呈控經在京同鄉官嚴啟豐等呈由都察院移咨外務部行查到浙又兩次經人入奏奉 諭由軍機王大臣字寄到浙是此案本應由官交涉者也乃洋務局委宗守 次來湖俱因教士韓 異常堅執迄未就緒三十年洋務局許道 邀湖紳赴杭同往美領事署會議美領事安 將會議當作會審安下判詞於是湖紳大忿議延律師將判詞退去並由徐紳 等與八學士子公舉沈 周 及 四人為全權代表是時尙不敢輕與涉訟仍聽洋務局與教會徐商三十一年許道 在滬與教會代表潘 等訂立合同已將閣祠等重要基地索回惟圍牆南面之走路作為公路則將府學全地橫截為二殊為不便而合同字義亦未盡洽湖紳方未滿意議添

附件而教士韓明德反以未親簽字不肯承認後經洋務局世道力爭而美領事德別復力拒不得已由韓等延請擔文律師於三十二年涉訟於杭州美領事署詎知美領事雲飛將全地斷歸教會等即聲明不認判詞再行上控旋府縣傳知奉前撫院張電美領判詞已照約由觀審員辯駁不認頃領事照會頗和平了結轉致各紳靜候商辦又准外務部電開美使來署面稱此事前經領事評斷紳士不服見由該紳並教士均請該使公斷必能和平了結請飭紳等靜候又准部電此事由湖紳延律師控告美領事斷教士不錯彼此均應遵照萬難勒令停工惟盼紳士教士免存意見允電領事力勸暫停候詳細案情到後秉公核斷和平了結免再翻悔等語自後遷延至三十三年美使始將調停之說宣布僅以前面學宮兩旁地歸還而圍牆內地悉未提及前之所謂秉公核斷者至此無效而是案遂潰敗決裂幾至不可收拾於案情初未甚悉由郡紳函告相與驚詫傍徨無能爲計蓋既收價給領稅契蓋印而又爭諸已築圍牆之後自必棘手難辦顧事關學校祠宇義難坐視數年來遇彼教中素有名譽之人皆以私人交際轉輾陳說使我直彼曲潛圖挽救無如韓始終堅持不肯退讓事之僥得而復失者已非一次三十二年彼教蓋監督來華復以情告經派教士柏文與韓同來磋商至再仍無成議三十三年彼教惠監督來華復去函備述細情請其秉公理處是年三月值彼教百年大會教士齊集曾歷美洲聞監督自美至先期赴滬伸理前說乃承特派藍柏文偕同來湖即赴郡會商竭三晝夜之力議定畫界訂立合同此得之於領事判斷公使調停之後幸而獲此私衷竊慰當抄合同並繪畫界地圖呈報前撫院張在案而等即於畫還界內動工圍築圍牆教會託藍柏二人前來情商請暫停工四個月爲格外和好起見暫允停工嗣於蘇州晤商教士衡特立多所要求即經拒絕函致等執行合同不必更俟商議乃等續行動工而衡特立忽出攔阻竟置合同於不顧於是呈請前護院信將議結情形并合同飭局照會領事轉飭教士實

行在案其時合同雖未廢棄而教會不肯實行仍防翻變徐紳等因添舉與與宗漢四人爲是案全權代表由本府楊守志照會乃至滬與洋務局王道等商議延佑尼干律師向美國法堂具控據律師云請美法司調契丈地則教堂侵佔之迹自顯可望秉公判斷惟學地荒地均系國家公產應以紳士爲官代表乃由王道函致美法司聲明等受洋務局付託爲中國官員與浙江士民之代表被告律師辯駁謂紳士爲官代表須經撫院批准方爲有據等乃轉請批示旋奉前撫院馮批准飭局照會美法司聲明等四人承受地方委託確有代表控訴海島地案之權等遵即照辦九月二十八日集訊原告律師佑尼干聲說前訂合同當實行被告律師林文等歷引教律以相駁難謂惠監督無權干預購買地畝藍柏不應擅訂合同意圖翻案問官向被告宣言曰公理憑乎道德此案本可和平議決不必過於爭執且地畝事小民教之感情爲大既訂合同便宜遵守今閱年餘而聲說監督無權未免太遲其語氣似欲照合同判斷隨即散堂次晨復訊佑律師傳述被告意欲調停原告允之乃退堂至佑律師處商議自晨至夜子正往返辯難唇舌敵始議定於前畫界綫內依東面圍牆讓給教會地一塊其餘仍照合同所有教會已造之醫院見設之大門仍須拆遷圍牆南面之走路亦非教會所得顧問彼此俱允次晨復集被告聲說公地由官給領因之拆曹祠造醫院見須拆遷醫院受種種損失欲加貼遷費原告謂造醫院在涉訟後不應多貼佑律師勸令照合同加貼洋一千五百元前學宮兩旁教會已出之地價不復索還其前由洋務局送給教會之銀一千兩仍自收回原告始允原告欲將天寶舖內地契收回飛英舖內地契則由領事移送洋務局發交歸安縣丈明教會見得地畝數另填一總單給教會管業又拆卸醫院及大門以五個月爲限被告亦允旋復到堂由兩造律師報告法司首肯宣讀所議條款兩造簽名各授權於律師令於合同簽字宣布判詞隨發洋文兩份一交等收執一囑轉送洋務局備案茲呈鈞核仍乞發局歸卷儲存竊維此案自與藍柏訂

合同後滿謂即可實行事後圖翻實出意外今所議較前雖稍讓步然還地拆屋遷門仍循舊議實已費盡氣力始克臻此痛定思痛不得不歸咎於朱丁史柳四人該員弁等應如何懲處乞查照案內卷牘核辦奏咨結案以儆官邪而順輿論

臣謹案外交者有司之事也今以學宮重地而官棄之而民爭之掩涕咽恨內顧外訴歷時七年積牘累尺嗚呼然乞靈筆舌宛轉求伸積弱之勢纖微之力鮮有不笑爲不自量者彼中上下一氣全力抗持法司集訊之日教民圍而聽者數百人迨至議結還地拆屋譁然曰自有教案以來未有如此奇辱者林文德當場譏誚謂中國人於百年荒地平時絕不顧問外人偶一經營則羣起而爭爭而得之復漠然聽其荒蕪比比然也錦藻聞之愀然頻歲奔走悉盡義務至延律師貼邊費則半集於旅滬紳商今欲聿新故址面勢度價極少需三萬金發棠之請深恐再衰三竭幸沈耀勳慷慨輸捐創建圖書館崇樓巍煥足以開教其口宣統二年冬法部侍郎沈家本順天府尹丁乃揚外務部右丞施肇基民政部巡警廳廳丞章宗祥會奏奉 上諭沈家本等奏浙江故紳郎中沈耀勳獨捐鉅資擬建工藝學堂圖書館懇飭立案一摺著照所請學部知道欽此蓋其時築削方興未便請獎也逮工蒞而國體變矣耀勳英年績學齋志早世既莫觀傑閣之成又未沐 玉音之獎痛哉

宣統元年出使義國大臣錢恂奏和蘭儒者葛羅脫著英文書兩冊以中國排斥異教爲書名所關實鉅請 飭駐和使臣購取此書送部將英文譯成漢文逐條評正獎其是而駁其非以明我國於外教初無歧視觀彼所引錄昔年誠不免有禁教之談但所禁在邪教而非西教即偶亦指明西教乃指當時借教行邪之奸民而非指崇拜耶穌之宗教反復辯論以與彼書相抵並譯成通暢雅馴之英文刊印布行俾西人知我國初非排教更非排外則於將來頒布憲法釐定民教章程可免一層阻力又奏西教流入中國始於唐代有碑可證前明正德以後教分新舊閥爭劇烈

時舊派有會名耶穌乙脫者自揣西方勢力不振改轍而東而中國西教由此遂盛明臣徐光啟即此會中人也乾隆以後新派接踵而來就近日統計上言之猶新少而舊多中國俗稱天主教者即舊教俗稱耶穌教者即新教也傳舊教者重禮節重皈依傳新教者重演說重周濟其用不同其體則一舊教奉教王爲進退故昔盛而今衰新教恃國力以蔓延故今強而昔弱東方舊教自教王力微以後頗爲法國政府所主持光緒三十三年法國裁抑舊教沒其產逐其人極嚴厲教王不悅彼此撤使法國遂不問東方舊教事而德以專崇新教素排舊教之國起而攬任東方舊教事用意至爲深驚中國失此機會未將舊教事權主張擔任致柄仍外操誠爲可惜今猶幸舊教之徒未盡傾心於新教之國補牢未晚查舊教之在東亞者以香港爲總匯之地畫中國版圖爲五部第一部乃直隸全省滿蒙全境及河南衛輝一府第二部乃山東山西甘肅陝西及新疆第三部乃浙江江西南江湖南湖北河南第四部乃雲南貴州四川及二藏第五部乃福建廣東廣西也此五部中又各分十區十二區六區四區不等都凡四十二區區各有長率區之行教即如直隸省分爲四區區長一駐順天二駐永平三駐河間四駐正定在順天永平正定者爲拉薩里派在河間者即耶穌乙脫派也華民受其學校教育及蒙其慈善恩惠者人數之多閱之增駭謹將光緒三十三年統計約數開單呈覽此不過就臣在洋所調查者而言恐未盡確且不過就直隸一省而言他省尙不在內他區更不可勝計約略言之中國全境信舊教者當不下百一十萬人臣又見教王文庫藏有福建人控訴案牘多件夫以中國食毛踐土之人而遠越數萬里控訴於教王則中國主權安在將欲收拾此輩人心自非洞悉其教業之盛衰與教政之施行不可而欲悉教業教政又非確查其教地所駐在與教派所區分不可教派在中國曰拉薩里者六區曰耶穌乙脫者二區曰米蘭者三區曰巴黎者十區曰興脫者六區曰佛郎昔斯者九區曰羅馬者曰司堆爾其曰巴爾母者曰奧古士丁者各一區曰多迷尼加者二區雖同奉天主而宗旨既微有不同事業亦各隨而異方今預備立憲則教民統計應所必詳有統計乃可以施撫馭之策舊

教無國力以爲之助收拾較易著手果先將舊教撫馭得法不使齟齬更推而收拾新教亦未始竟不可成之事臣於光緒二十四年蒙 德宗景皇帝召見垂詢教務甚詳追憶 聖訓教案我最擔心一語臣久欲於教務上謀所裨益以上慰 先帝在天之靈奉使義邦又舊教根本之地雖爲時僅及一歲敢不竭誠謀和民教方法臣愚以爲先宜於畿輔調查入手作一模範然後推行於各省選擇明於教學明於外交之官員與各區教長聯絡往來務盡悉其情狀以聞於朝以布於世俾外人知我中國既非排斥教人亦非藐視教務庶幾民教意見消融較易而不至因教案釀成國際交涉實中國莫大之幸如蒙採擇請先飭直省詳細調查以爲外省先導

又奏舊教奉教王爲進退新教恃國力以蔓延臣於正摺內業經聲敘所謂國力者有輔助之財以供其揮霍有武力之援以恣其要求故辦理新教動關國際一涉國際輒形棘手然新教教派持論每平易近人且多通曉普通科學樂於親近中國文人果有明於教學者不爲竹教味教之談以與晉接亦可藉通民教隔閡之氣查有路德派者德意志瑞典等國人爲多新教本宗也有喀爾維派者和蘭等國人爲多有英吉利派者英國國教也有梅禿特派者英教之別宗也有長老派者美國人爲多中國新教以此派爲最盛有浸禮派者以浸爲洗之派有薩拔脫派者以通行禮拜日之一天行禮拜者也以上八派皆新教之行於中國者派不同者事亦不同然大旨無殊體察教務者不可不分別研究即遇有國際交涉亦當隨之而異其操縱者也

聶其杰爾耶篇 耶教以事天教人者也其所獎進在專一之信仰非在正義之行爲舍本而逐末者也以上帝爲能自由禍福人其條件以信否爲從違不以功罪爲標準也馬丁路德痛教會之暴橫專制創立新教與之抗舊教會加以種種逼迫殘酷刑罰慘無人理雖婦孺不得寬貸以實行其不信者雖義不赦之言十字軍之興前後數百年所誅戮者不以善惡爲名而以不同信仰爲名也英倫與愛爾蘭共一羣島共一君主而仇殺爭鬪無宵日今雖自治分立難猶未已所以者何教爭故也歐美民

俗父母於子女盡教養之劬勞而子女於父母止有遺產之希望意而無事養之責任心教義之流弊也我國聖人立教於孝養教事特別注重盡力獎勵而世之不孝不敬者猶多奈何輕之抑之使不孝不敬者務以自恕更振振有辭也彼著新約者記名耶穌實臆造謬說故矛盾百出夫耶穌既稱天爲父意欲以詔世人天下之尊且親者莫父母若自稱人子意世界職責之大者莫人子若而又抑其所生之父母以顯天父之當尊後其所生之父母以顯天父之當先不知天父之尊榮隨之而愈抑愈後也今有人焉有子有孫而必謂其孫曰若愛汝父不得比汝祖能事汝祖孝道盡矣豈理也哉或曰耶教何嘗不言孝十誠中固言順從父母之命矣不知愛親天性也耶教徒未嘗不同情未加重視遂敢非孝之漸矣近年家庭革命昌言無忌雖不盡由耶教而新約紀耶穌對其母之態度及教人重上帝而輕其親之詞實開此等狂行之端不敢不正其謬而辨其惑禍福賞罰之必以善惡功罪爲標準中外古今之通論也耶穌則異是其言曰信耶穌名得救賴耶穌血得贖罪不信者雖義不赦故教會之收信徒施洗禮也必問之曰若信否漫應之曰信則是人名爲基督徒假令其人自問未能心悅誠服不敢飾僞而實告曰未能全信牧師必曰是未能爲基督徒蓋明明斥誠而獎詐也欲人不相率爲僞可得乎故西諺有曰與教堂近者與上帝遠誠痛乎作僞之多也按新約所言耶穌主博大而教會務狹隘謂非經洗禮不能入天國耶穌斥律法而教會重條文謂非口答信條不得救贖耶穌略形式而教會責禮俗之細節輕實際之信行假令當時實有耶穌其人其旨趣固與今大異而實則耶穌在歷史毫無存在之痕迹當千七百年前人民苦教會與祭師之專橫聞有倡宗教解放之說則靡然景從新教會居然成立新約之名始見歷史以前則耶穌及其徒黨之名世無所聞也其教既憑空臆造又成於多數妄人之手故教義不能自圓其說賴羅馬時代教會掌政權以武力刑威推行各國植鞏固之基礎歐美既無他高美之宗教故文學政治之才悉出其中有



明之季耶教挾科學藝術東來近世日臻強盛我國人之求科學藝術大抵於教會之學校求之青年學子習者漸衆然而教會賴其國力及教育慈善事業之補助行之數百年教堂以萬計而成績至無足觀何也吾國固有之教義中正廣大深植人心不易爲淺陋褊小之說所動故也 耶教以感情相動以我見爲主信從者惡皆赦不信者善亦誅明目張膽筆之於書好戰之國利用此以鼓民衆殺敵致果賴以養成尊爲國教禍機日烈世人不究是非爲之言曰彼教義雖不善然以勸善爲事聽之可耳不知勸人爲善他教或足當之若耶教則公然教人仇殺野心侵略者之武器而已雖亦襲他教教義以飾觀聽烏能謂其以勸善爲宗旨哉或謂教中亦多慈惠之徒此由其本性之善不因其教而有加吾未見有奸人受薰陶而遷善者惟見其欺世盜名行惡巧於常人而已究其實際教會與社會道德無所補而在政治上則罪惡昭著此中外歷史事實可考之者也 耶教以一神萬能創造萬物爲立足點深惡因果之說蓋因果之義明則上帝失其威權因果以善惡爲標準善必善報非上帝所得吝而未與惡必惡報非上帝所得赦而幸免而此義適與彼教相反一經道破其信條之虛僞妄謬昭然若揭如此教義而謂能感化羣衆有是理哉海舶東通中國人震駭於彼之兵力財力種種科學製造自慚形穢降心相從彼教徒乃乘機言於衆曰泰西之強宗教之功也吾國士大夫大半爲利祿汨其心志鮮有念及世教者閒有一二人又不能深入彼教察知其底蘊指明其癥結所在無以阻國人之盲從迷信於是西方流毒濡染及於中土洪楊之徒且以政治宗教并爲一談舉舊有之禮教悉推翻之所至之處毀文廟佛寺爲禮拜上帝之所以天國選民自居自謂所爲悉準上帝之意雖暴行無所悔忌曾文正公苦戰十餘年始得殲平卒以列強勢張教會挾其國力氣焰愈熾加以智識信教者少無賴藉教牟利者多致仇教之案迭次引起外交皆以割地賠款爲結局自是尊崇教士而教會之勢益盛二十年來教會學校生徒數倍往昔而種種事業亦數倍前

時宜若根基愈固而就知乃得其反非基督反教會之聲響然盈耳細按之半出於曾受教會之教育者也此其教義不能使人誠信亦甚明矣默觀大勢今後之上帝教不能於智識界託足已無疑義新派教徒冀以情理爲主保存其教爲合上帝教而趨向人心教之徵象新派勢力發展之時必向我國教義採取應用以爲彼教標準可斷言也

皇朝續文獻通考卷二百五十三

外交考十七 條約

臣謹案齊桓葵邱六事以要諸侯書於經傳此條約之始也然皆樹骨訓典之區不以馳聘為能今之條約不過米鹽澆雜之書市賈交貿之券非惟不足仰窺春秋交聘亦遜於戰國形勢之言史無是文然一代掌故世變日降亦足以規情偽雖甚猥鄙不可廢也一字踳躓動關利害茲探諸故牘刪其枝詞但存大體而已

道光二十二年壬寅中英江甯條約

一嗣後永存和平所屬華英人民彼此友睦住他國者必受該國保護

一廣州福州廈門甯波上海五處港口通商派領事官專理商務交納貨稅鈔餉

一香港一島給予英國修船常遠主掌任便立法治理

一給銀六百萬兩價補鴉片原價

一英商赴各口貿易均聽其便向例額設行商欠款酌定三百萬元作為商欠由中國官為償還

一價水陸軍費一千二百萬元

又通商章程

一進出口雇用引水酌給工價一口內押船人役不得需索一貨船進口報關一華商交易遇有拖欠誑騙不得執洋行舊例著賠一貨船頓鈔一貨船照章納稅一乘公驗貨一納稅銀錢應補水一秤碼丈尺均照粵海關

向用之例一禁船漏稅一華英交涉詞訟秉公定斷

又附善後條約

一英商貿易准在五港口不准赴他處私貿如背約船貨入官

一英商不准安到鄉間遊行及內地貿易

一議准五口居住租賃房地基報明地方官立案

一五口通商准西洋各國一體貿易設將來施恩各國准英人一體均沾

一罪犯逃匿互擊交出

一偷漏稅餉貨物入官

一華民向香港售貨或置貨均須在各海關完稅領照方准前往

道光二十七年丁未退還舟山條約

一進粵城之議俟形勢妥協再准英人進城然此一款暫遲延斷不可廢止

一前於乙巳年地方官會同英領事照善後約第六條酌定出示之七十處

並在河兩邊無多鄉里處所為散步之地所有定界內於城外近地行走

英人必受保佑全安無妨

一英軍退還舟山後大清國永不以舟山等島給他國

一舟山等島若受他國侵伐英國應為保護無虞仍歸中國據守此係兩國

友誼無庸中國給與兵費

咸豐八年戊午中英天津條約

一前壬寅年江甯所定和約仍留照行廣東所定善後舊約並通商章程見

在更章併入新約所有舊約作廢

一睦好不絕照各大邦和好常規亦任意交派乘權大臣分詣兩國京師

一欽差大員及眷屬可在京師長行居住或隨時往來與中國平等觀見有礙國體之禮是不可行在京租賃地或房屋為大臣公館大清官員亦

宜協同勸辦雇覓夫役隨員人等或越禮欺藐情弊該犯由地方官嚴辦

此為公使  
往京之始

一欽差並隨員等皆可任便往來收發文件行裝不得有人敢拆由沿海無

論何處皆可送文同驛站一律保安其費用由英國支理應有優待之處

皆一律行辦

一欽差與內閣文移會晤皆照平儀相待日後派員來英亦允優待相同

一領事官與中國官員相待諸國領事官最優者英國亦一律無異領事官

署領事官與道臺同品副領事官署副領事官及繙譯官與知府同品會

晤文移均用平禮

一耶穌天主教原係爲善之道待人如己自後凡有傳授習學者一體保護

此傳教之始

一英國人准持照往內地各處游歷通商執照由領事官發給由地方官蓋印經過地方呈驗放行雇人裝運行李貨物不得攔阻如無照其中或有訛誤以及不法情事就近送交領事官懲辦沿途只可拘禁不可凌虐如通商各口有出外游玩者地在百里期在三五日內毋庸請照惟水手船上人不在此列應由地方官會同領事另定章程妥爲彈壓惟於江甯有賊處俟城池克復再行給照

遊歷始此  
多生事端

一長江一帶各口英商船隻俱可通商惟見在江上下游均有賊匪除鎮江一年後立口通商外其餘俟平靜派員會議准將自漢口溯流至海各地選擇不逾三口准英船出進貨物通商之區

一廣州等五處已有江甯條約舊准通商外即在牛莊登州臺灣潮州瓊州等府城口皆准英商與無論何人買賣船貨隨時往來聽便居住賃屋買屋租地起造禮拜堂醫院墳塋並有取益防損諸節照已通商五口無異又租地立棧等均按民價照給不得互相勒掇

一英民任便覓致諸色華庶動執分內工藝毫無阻禁

一遊行往來卸貨任英商自雇小船剝運不論艇隻價銀若干聽英商向船戶自議不必官爲經理亦不得阻定船數攬載及挑夫包攬倘有走私漏稅查出照例懲辦

一英國屬民相涉案件不論人產歸英官查辦

一英國民人有犯事者由英國懲辦中國人欺凌漫害英民由中國官懲辦兩國交涉事彼此會同審斷

一英民控告中國人應先赴領事投稟即當查明根由勸息中國民人有赴領事官告英人者領事亦應勸息聞有不能勸息者即由兩國官會同審辦

一英民如遭欺凌擾害及匪徒放火燒屋或搶掠者地方官即設法彈壓查

追將匪徒嚴辦

一中國人犯罪逃在香港或潛住英船中者照會英官查明實係罪犯交出通商各口罪犯亦如之

一中國人欠英人債務不償或逃避者中國官務須嚴擊追繳英人欠中國人債務英官亦應照辦

一中國民到香港生理欠債務者由港官辦理惟債主逃往中國地方由領事通知拏辦果係有力償還務盡數追繳

一英商起卸貨物納稅照則爲額總不能較他國有彼免此輸之別

一輪稅期進口貨於起載時出口稅於落貨時

一前在江甯立約第十條內定進出口貨稅彼時綜覈稅餉多寡均以價值爲率每百兩征稅五兩旋因條內載列各貨多有價值漸減而稅餉定額不改今已較重擬重修允定立約後請派員赴上海會同措辦

一新定稅則並通商各款日後彼此兩國欲重修以十年爲限期滿須於六個月之前先行知照酌量更改若彼此未曾先期聲明更改則課稅仍照前章完納復俟十年更改以後均照此限

一江甯定約第十條內各貨納稅後即由華商運運天下而路經稅關不加重稅則只可按估價則例每兩加稅不過 分等語迄今子口課稅未得確數英商每稱貨物自某內地赴某口或自某口進某內地不等各子口恆設新章名爲抽課實於貿易有損見立約之後或在通商各口或日後新開口岸限四個月各領事備文移各關監督務以路所經處應納稅銀實數明晰照復彼此出示曉布商民均得通悉惟有英商已在內地買貨欲運赴口下或在口有洋貨欲進內地倘願一次納稅免予各子口徵收紛繁則准照行此一次之課其內地貨則在路上首經之子口輸交洋貨則在海口完納給票爲他子口毫不另徵之據所徵若干綜算貨價爲率每百兩徵銀二兩五錢俟在上海彼此派員商酌重修稅則免子口零星抽課於海口關稅仍照完納兩例並無交礙

一英商船應納鈔課一百五十噸以上每噸鈔四錢一百五十噸以下每噸鈔一錢凡船隻出口往通商他口並香港地方該船主稟明海關發給專照自是日起以四個月為期如係前赴通商各口俱毋庸另納船鈔

一英商貨船進口並未開艙欲他往者限二日內出口即不徵收船鈔倘逾二日之限即須全數輸納此外船隻出進口時並無應交費項此外船隻未註明何項

一英商在各口自用艇隻運帶客人行李書信食物及例不納稅之物毋庸完鈔倘帶完稅之貨則每四個月一次納鈔每噸一錢

一通商各口分設浮樁號船塔望樓由領事官與地方官會同酌視建造稅課銀兩由英商交官設銀行或紋銀或洋錢按照道光二十三年在廣東所定成色交納

一秤碼丈尺均照粵海關定式由監督在各口送交領事官以昭畫一

一英船欲進各口聽其雇引水完清稅務之後亦可雇引水出口

一英船甫臨進口監督官派員役看守或在英船或在本艇隨便居住其需用經費由關支發於船主船商不得私受毫釐倘有收受查出分別所取多寡懲治

一英船進口限一日船主將船牌艙口單交領事官即於次日通知監督官並將船名噸數貨包照會監督官以憑查驗如過期該船主并未報明領事官每日罰銀五十兩惟罰數不能逾二百兩以外至艙口單內須將貨物詳細開明如有漏報捏報者船主應罰銀五百兩倘係筆誤即在遞貨單之日改正者可不罰銀

一監督接到領事官詳細照會後即發開艙單倘船主未領開艙單擅行下貨罰銀五百兩並將下貨物全行入官

一英商上貨下貨總須先領監督官准單如違即將貨物入官

一各船不准私行撥貨如有互相撥貨者必須先由監督官處發給准單方准動撥違者將該貨全行入官

一各船完清稅餉方准給發紅單領事官接到紅單始行發回船牌等件准其出口

一稅則所載按價若干抽稅若干倘海關驗貨人役與英商不能平定其價即須邀客商二三人來驗貨客商內有願出價銀若干買此貨者即以所出最高之價為此貨價式免致收稅不公

一凡納稅貨按斤兩計先除皮包粉飾等料以淨貨輕重為準有連皮過秤除皮核算之貨如茶葉一項倘海關人役與英商意見不同即於每百箱內聽關役揀出若干箱英商亦揀出若干箱先以一箱連皮過秤得若干

勛再秤其皮得若干勛除皮算之即可得每箱實在勛數其餘貨物凡係有包皮者均可准此類推倘再理論不明英商赴領事官報知情節由領事通知監督商酌辦惟必於此日稟報遲則不為辦理此項未論定之貨監督官暫緩填簿免致後難更改須俟秉公核斷明晰再為登填

一英商貨物如因受潮溼以致價低減者應行按價減稅倘英商與關吏理論價值未定照按價抽稅條內之法置辦

一英商運貨進口既經納清稅課者凡欲改運別口售賣須稟明領事官轉報監督官委員驗明實係原包原貨查與底簿相符并未拆動抽換即照數填入牌照發給該商收執一面行文別口海關查照仍俟該船進口查驗符合即准開艙出售免其重納稅課如有影射夾帶情弊等事貨罰入官或欲將該貨運出外國亦應稟明海關監督驗明發給存票一紙他日不論進口出口之貨均可為已納稅餉之據至於外國所產糧食英船裝載進口未經起卸仍欲運赴他處概無禁阻此條發給存票他日作為已納稅餉之據未註明數目前後數目是否相符亦為確據

一中國收稅官凡嚴防偷漏之法均准其相度機宜隨時設法辦理

一英船在約內通商各口貿易如到別處沿海地方私做買賣即將船貨一并入官

一英商船查有涉走私該貨無論式類價值全數查抄入官外該商船帳目

清後亦可嚴行驅除不准在口貿易

一約內所指罰款及船貨入官皆應歸中國收辦

一嗣後英國文書俱用英字書寫暫時仍以漢文配送俟中國選派學生學

習英文英語熟習即不用配送漢文以後遇有辨論之處總以英文為正

義此約英漢文詳校無訛

一嗣後各式公文無論京外內敘英官民不得提書夷字

一英國師船別無他意或因捕盜駛入中國無論何口一切買取食物甜水

修理船隻地方官妥為照料船上水師各官與中國官平行相待

一中國海面每有盜賊搶劫視為內外商民大有損礙會議消除

一上年立法所有英國官民理應取益防損各事今仍存之不失倘他國別

有潤及之處英國同獲其美

一英主意存友睦允將粵城一事需賠補各項經費等款如何辦理另立專

條與約內同為堅定不移專條

一前因粵城大憲辦理不善致英民受損只得用兵償保其將來守約勿失

商虧銀二百萬兩軍需費銀二百萬兩二項

大清允由粵省設措至應如何分期辦法英大員酌定以上款項付清方

將粵城交回

一謹案江甯五口商約由林則徐釀成此天津商約由葉名琛釀成約中

通商傳教游歷受禍最鉅後之兵端皆由是起商則括我之財至內地行

子口稅馴至設廠製造我商業敗矣傳教則壞我禮俗馴至平權自由民

非我民矣游歷則窺我險要探我菁華殺教士割邊徼滇緬印藏之患成

矣綜厥本原皆由迫脅而成始於當局一二人心地不明終於數十年兵

戈不歇義理之學不講廉恥盡喪爭利不止禍何由而弭耶

中英通商善後條約此約與天津美約相同不重敘

十年庚申中英續增條約咸豐十年在英京師

一戊午年在天津所定原約本為兩國敦睦而設後於己未年進京換約行

抵大沽礮臺該處守弁阻塞前路以致有隙此失好甚為惋惜

一戊午年英欽差何處住居一節在滬會商所定之議茲特申明作為罷論

將來英欽差應否在京長住抑為隨時往來仍照原約第三款明文候諭

遵行

一戊午年原約後附專條作為廢紙所載賠償各款允以八百萬兩相易其

應如何分繳在津先將銀五十萬兩繳楚粵省分繳三十三萬三千三百

三十三兩內將查明粵省大吏經支填築沙面地方英商行基之費扣除

入算其餘銀兩於通商各關所納總數內扣繳二成以英三個月為一結

扣至庚申年為第一結扣繳八百萬總數完結隨時交英欽差監收所定

八百萬兩內二百萬兩仍為住粵英商補虧之款其六百萬兩少裨軍需

之費

一續增條約畫押之日允以天津城海口作為通商之埠凡英人至此居住

貿易

一戊午年定約互換以後允即日降諭各省大吏凡有華民情甘出口或在

英國所屬或外洋別地承工俱准與英民立約為憑無論單身或攜眷赴

各口下英船毫無阻禁該省大吏宜時與英欽差定章保全前項華工之

意

一前據粵督勞崇光將九龍司地方一區交與駐紮粵省英總局正使巴夏

禮立批承租在案茲允將該地付與大英君主并歸英屬香港界內以期

港面管轄所及該地華民業戶應由兩國派員會勘果為該戶本業倘遇

勢必令遷別地英國無不公當賠補

一戊午年所定原約除見定續約或有更張外其餘各節俟互換後剋日盡

行毫無出入

一戊午年原約在京互換之日允即日降諭各省大吏將原約及續約發鈔

給閱并刊刻宣布咸使知悉

一續增條約一經蓋印戊午年約亦互換須俟續約第八款內載允降諭旨

宣布英國舟山屯兵立當出境京外大軍即應起程前赴津城並大沽礮臺登州北海廣東省城等處應俟續約第三款所載賠項八百萬兩總數交完方能回國抑或早退總候英君主諭旨施行

### 同治五年丙寅中英法招華工章程

一中國口岸凡有商民欲請准設公所開辦招工既擬與該工人何以立約所內華工何以治理等節應將合同底稿並公所治理工人章程各紙稟領事官查閱又各國搭船之例不同必有該商已經按例遵辦實據領事官始能查明

一該商稟請領事官查其實屬殷實妥當之人即將所呈合同章程查核刪改方可轉移該管地方官查閱俱屬妥協立給印牒准設招工所領事將印牒及合同鈔錄存案

一印牒既出不能無故注銷其有故者必須地方官與領事官會議如意見相同方可關閉罷招該商自不准追請賠償

一合同章程該商於招工所門外房中懸掛以便工人可知其詳經地方官領事官查明准辦該商嗣欲刪改均可稟明施行惟各官尚未批准不可專擅自行至於該商遣人代覓承工准將合同章程鈔稟領事官地方官用印收執方准赴鄉宣布

一招工各商既立合同與該華工定議務須按期逐款盡守凡有負約之處惟該商是問俱按伊國之例傳案究審

一招工各商欲遣華民代覓承工此項承遺者必由地方官先給印單方可前往後或干例無論故違誤犯惟本人是問俱歸地方官傳案究審

一凡有招工中國派員協同監理華民有欲承工任便赴所該商眼同委員注寫姓名於簿注畢該工任聽回家或在公所候搭便船出洋

一華民承工出洋或係獨身或係攜眷所立合同字樣必須逐一開載一指定何國何處承工年限多寡限滿回國計其人口水脚路費一在彼工作預定日期時刻一承工應受衣物工食利益一遇有疾病醫藥

不用該工值一隻身出洋或眷口留中按年撥給養家之費應扣若干

一有定章以上七節之外不准更加形似工人容免全行之條

一合同所定承工年期不逾五年期滿回國彼處注明水脚路費按數交付便船回國如限滿不欲回國其法有二一則聽憑該處官准否留住准時將合同原定路費全數付給便用一則復行承工另立合同將原約所定銀數付給一半自用此合同仍不過五年為期期滿仍照前合同原數付清送回設若華工到彼患病不能工作不俟限滿給錢送回否則准其赴官伸訴

一承工工作日期定准七日之內必得休息一日一日之內工作不得過四時六刻如足所定日時之數不准強其工作過時至於休息之閒如果正工之外力能別有操作或另承工課准向本主酌定酬值

一華民年不及二十歲者或欲承工出洋必須取具本身父母准往憑單蓋用印信方准承招如無從取其父母確據應由地方官給印單如無此單不准前往

一華工姓名注簿後在監理委員前將合同念與該工聽明問其是否願往伊願立即畫押

一合同既已畫押該工自應由招工商人准否離所不能自擅出入將次下船之日委員親至公所各華工認明畫押合同是實領事官即將合同鈔存備查該船未出口之前海關監督領事官親往或派員赴船將該華工點明將單繳到監督領事各署畫押存案如有華工內變約不肯前往即准查明居住公所之日每日追取飲食銀一錢如該工無款歸償應交該管官治理

一華工未走之先該商有預支銀錢為承招賞需之用不准追還惟因支用安家之費准商預支每月扣還一元期數亦不准過六月工值此項銀兩該領事官必須設法實令安家不得別用其餘支借一概不准又華工或在船時或至彼處後曾借銀錢約明期滿後工作抵還一并嚴禁如期滿

回國時或有債主伸訴藉此扣留華工亦必不准因此攔阻

一招工公所領事與地方官議定章程華民承工居住總須遵照奉行

一華工居住公所或滋事即立阻禁俟地方官查審所中商夥不准擅治

一招工公所准兩國委員出入傳問華工房開歸該員查管以期分撥華工

眷屬免其雜混又各房須潔淨華工畫押合同及下船之時委員在場監

視如所下之船不妥准令華工暫免下船船內華工內有患傳染症即刻

令其離船覓醫生或熟識船之人勸明裁奪

一華工下船委員點名該商按照名單每名出銀三元交付海關銀號收存

以備監理委員經費

一犯法華民承工地方官查出照會領事官交出移付地方官該犯居住所

中每日償銀一錢以補商虧所中簿上注明付給該犯銀錢衣物等項亦

應償還

一運載客船保其整潔俱有定例招工之商欲將華工運往外洋先稟明領

事官查核相符方准運往惟領事批准而委員以該船不妥稟明地方官

以為不宜出口海關暫准不給紅牌俟能確切詳查轉報該國欽差核定

一華工下船點名單應備兩本分別存留帶往船到某國口岸該船主先將

副本邊沿注明華工在途死生疾病等情呈該處地方官畫押分別送回

俟該單至中國之時招工商人呈領事官轉移地方官查核

一華工出洋到彼夫婦不能分派兩處作工幼兒不及十五歲者不准離父

母至承工不分鋪戶莊田其後鋪田轉付他人該工亦當奉為招主或原

主仍在鋪田或另投他主該工自願方可否則不准強行更換

以上各款公同酌定除華民不待承招自行出洋中國官憲毫不攔阻外

若有意圖招工不遵章程另行設法招致華民承約出洋作工此為例所

嚴禁查出另行重辦更有華民不願離國有人私行騙往勉強脅從即照

刑部奏定新章立予正法且招工事務既經明定章程通商各口均准設

所仍須地方官與領事官會議監理方為按例辦設若某口內外官無從

理會該商不准開所招工以上三節核定存案中外官民應與前項二十

三條同一遵守奉行

同治八年己巳中英新定條約新修條約善後章程

一中國允凡與通商各國所定條約章程內有益於各國者英國商民亦得

一體均沾英國允凡英國商民欲援中國與各國所定條約章程之益一

體均沾即應照中國與各國所定條約章程之款一體遵守

此條均沾中國不能與各國所定條約均沾

一中國允凡通商各口英國均可派領事官駐紮英國允凡英國及英國屬

地各口中國均可派官駐紮彼此均照待各國官員最優之禮相待

一英國允進口洋布大呢洋絨三類於進口時正子兩稅一併完納中國允

該進口正子口并完之三類洋貨在通商口岸省分均免重徵

一英國允英商照章領照赴內地買土貨運赴海口沿途逢關納稅遇卡抽

釐中國允此項土貨如係出口運往外國者一年之內准將沿途所納稅

釐與子口半稅銀數比較其多餘者照數發還若報明出口復進口多則

毋庸給還此條比較多餘發還仍收一子口稅無異則沿途稅釐皆同處設

一英國允香港運來之貨若實係中國出產則與洋貨有別該貨入內地時

須照各項土貨之例逢關納稅遇卡抽釐中國允英商運土貨前往香港

按往通商各口之例一體發給出口正稅之憑據俾於復進口時照例完

納復進口半稅

一英國議開溫州口岸通商中國照允中國議將前約所載之瓊州口岸作

為罷論英國亦照允

一中國允英國商船每四個月只徵船鈔一次英國允凡英船進口無論作

運貨之船或作堆棧之船或作躉船或自備中國式樣之船均須按期照

例納鈔

一英國允英商船隻出口須報明前往何處並將出口貨單呈關備驗中國

允倘有英商捏報貨物應罰之銀總在五百兩內按情定罰

一英國允凡應辦罰款者監督或稅務司可與領事官會訊中國允凡貨物應罰入官者可與監督或稅務司會訊又議由兩國會同商定通商律例

一中國允充當引水者均給執照為憑英國允凡無照冒充引水者按章懲辦又允聲明舊約妥速會定約束水手章程

一中國允凡進口洋貨復行出口回國者若在三個月之內出口所領存票准其持票領換見銀英國允洋貨進口後於三十六個月限外始行出口者勿庸給發存票

一英國允加徵進口洋藥稅銀洋藥每百斤改徵五十兩中國允英商領照入內地准其自備中國式樣之篷槳篙櫓各船照章前往又准通商口岸酌量情形設立關棧又准由九江關監督自備輪船一隻在鄱陽湖口一帶拖帶英商乘坐中國式樣之船又准將長江茶葉出口保單一層能否停止先為試行又准由南省通商大臣酌定開採煤礦又准將南省各口出口土煤減稅

一英國允加徵出口絲勛稅銀絲勛每百斤改徵二十兩川黃絲每百斤改徵十兩土煤每百斤改徵五兩中國允蕪湖江口作為通商口岸准外國所產糧食於進口後復行出口回國者免徵出口稅銀又准船廠所用雜物免徵進口稅銀又准將英商家用雜物船用雜物再行詳開名目免徵進口稅銀又准將進口之洋煤鳥糞免稅進口之時辰表白胡椒黑胡椒馬口鐵木料均減稅此係加出口稅者三減進口稅者五能不相抵進出之開土貨滯而洋貨盈亦非持平

一中國允由通商各關各將本關銀色明定章程英國允凡英國商民所領入內地各項執照以一年為期期滿須繳

一見修條款有未改舊章者仍遵舊約辦理其已改為新章即照新約辦理一增修之條約章程改易稅則各款兩國特派大臣在京師互交

謹案此約能比較兩國利益立文已覺進步然利益均沾一條未將各國自行結約之國比較仍屬偏枯此外如洋貨三類正半全完洋藥絲勛加徵而所減所免亦溢舊範不無受損處多據總理衙門奏稱電綫鐵

路海關設官棧內地開設棧房海口三十里內概行停捐洋鹽准運進口洋人在內地開棧常住應設外國官管理長江添設碼頭十處海面添設溫州碼頭一處煤窰請於宛平句容兩處先准洋人開挖臺灣樟腦應禁包攬以彼惟利是圖不得不照求減除茶葉外均非通行之貨於稅課並無大虧是以允其減免而茶葉另入議增各稅之條海關設官棧則允以由官試辦有礙則止釐捐如果誤收洋商之捐則允以查明給還存票在三個月限內者允給見銀一年限內者照舊抵稅臺灣樟腦允其禁止包攬長江口岸查從前外省所論情形而議以蕪湖大通安慶三處內設碼頭海口則允以未開之瓊州換開溫州至所請海口停釐洋鹽進口內地設官開挖煤窰內河輪船內地棧房稅銀解省等事或關國政或礙民生則皆拒絕後送節略復生枝節如去長江已允碼頭三處仍請在鎮江北岸或瓜州設關九江之湖口設關海口開溫州外仍請開台州泉州廉州之北海及未開之瓊州復邀美國勞使為助應稱棧房電綫請設立輪船請在長江上游鄱陽天津通州白沙行駛鐵路請先自通州到京一路造辦又請於西山煤窰到津之路先造木路京師之西山長江之兩岸山東粵東產煤之處俱請開挖等語已駁覆美使仍備文覆英使中國政令向不以通商為務而物產豐裕更無所需假外洋本不必似彼要求致蹈商賈行徑惟彼有所求於我而我一無所責於彼雖足以示中國寬大特恐中國太易更生非分之思是以臣衙門亦擬數條向彼商辦如禁止洋商包攬華工貨物禁止洋商以洋旗私給華船茶葉洋藥均議加稅絲斤歸入各項稅則議以每百徵五為率洋貨進口應將正半兩稅齊完嗣後運入內地地方准華洋商人概免重徵洋商自置土貨於正子兩稅外另備半稅交關存儲以抵來路釐餉倘出口復進別口或未出口即在本口售賣此半稅即由關入帳香港由中國該官收稅商人不得充領事官英國有益於在英之通商各國則中國亦同之其在中國貿易之國欲援中國與某國定章一體均沾亦當照其條款一體遵英商在中國條約內已得



之益將來華商在英國亦一體照沾洋商所領稅單運照限十二個月為滿後再限一月繳銷違者不准再領該使於包攬代報私給洋旗土貨另備半稅洋貨正半兩稅齊完等條俱已允許其餘或請改法或不肯照行或照會各國推諉此商辦各條有允不允之大概情形也查換約原應兩得其益但彼既厚集其利百計要求不得不聚精會神與之駁辯至中國向伊所商各件原以令其照辦以示兩得其平又恐其於<sub>臣</sub>等所議辦者允行數件彼不加損而彼將已駁者再允數件以為抵換則於中國實有大虧故商辦於彼之事不能不列而又不能多列者職此故也該使末後照會附單重言鐵路欲於運河隄上造辦既可省費又可固隄足見其甘言引誘用心甚苦不但輪船棧房等事固結不解而鐵路一節尤與電綫銅礦同為頃刻不忘<sub>臣</sub>等以不便民覆之以絕其念蓋此翻研摩至一年彼之欲望未嘗不奢<sub>臣</sub>等或稍通融或付之不容或緣情開導或據理直爭此既舌敝唇焦彼亦詞窮語竭然其願未償其心未已彼見<sub>臣</sub>等所議已難再有遷就始行咨回本國聽候定奪云云據此則當時俱費苦心今則鐵路電綫備設內河行輪國內商情日衰兵事日繁矣

光緒二年丙子中英烟臺條約

- 一 滇案奏明奉 旨發抄通行各省此次摺件列入告示
- 一 滇省邊界與緬甸往來通商一節於滇案議摺內聲明俟英員赴滇即安派大員妥訂章程英派員在大理府或他處駐寓察看通商情形五年之內或俟期滿由英酌訂期開辦通商
- 一 在滇被害人員家屬應給卹款關平銀二十萬兩
- 一 案結時奉中國朝廷惋惜 聖書由 欽派出使大臣刻期起程前往英國先行知照<sub>以上附錄</sub>
- 一 兩國官員往來會晤及文移往返京外尚有未協處自宜明定章程由總理衙門會同各國駐京大臣商訂禮節條款總期中國官員與外國官員與泰西交際情形無異中國見有派員出使之舉亟應明定

一 上海設會審衙門應會同議定承審章程

一 通商口岸有關英人命盜案由英國大臣派員前往觀審被告為何國人即赴何國官員處控告原告為何國人其本國官員只可赴承審官處觀審倘觀審之員以為辦理未妥可以逐細辯論庶保各無向隅<sub>以上交際會審</sub>

一 准各口租界作為免收洋貨釐金之處俾免漫無限制又准宜昌蕪湖溫州北海四處添開通商口岸作為領事官駐所四川重慶可由英國派員駐寓查看川省英商事宜輪船未抵重慶以前英國商民不得在彼居住開設行棧俟輪船上駛後再行議辦至沿江大通安慶湖口武穴陸溪口沙市等處均係內地非通商口岸長江統共章程應不准洋商私自卸卸貨物今議通融辦法輪船准暫停泊上下客商貨物皆用民船起卸仍照內地定章辦理除洋貨半稅單照章查驗完釐其有報單之土貨只准上船不准卸賣外其餘應完稅釐由地方官自行一律妥辦外國商民不准在該處居住設行棧

- 一 新舊各口岸除已定租界應毋庸議其未定租界各處由英領事官會商各國領事與地方官商議畫定界址
- 一 洋藥議准另定辦法與他項洋貨有別令英商販運洋藥入口由新開派人稽查封存棧房或整船俟售賣時洋商照則完稅並令買客一并在新開輪納釐稅以免偷漏
- 一 洋貨運入內地請領半稅單各關發給單照應由總理衙門定畫一款式不分華洋商人均可請領洋商將土貨由內地運往口岸上船完納子口半稅請領單照即可運往海口若非英商自置土貨該貨若非運往海關出口不得按照辦理應定章程免滋弊端威大臣願會同總理衙門設法商辦至通商善後章程第七款載明洋貨運入內地及內地置買土貨等語係指沿海沿江沿河及陸路各處不通商口岸皆屬內地應由中國自行設法防弊
- 一 咸豐八年所定條約第四十五款內載英商若將已經完稅洋貨復運外

國稟明海關發給存票他日均可持作已納稅餉之據等語原約未定年限今訂明三年爲期滿不得將此存票持作完稅之據

一香港洋面粵海關向設巡船稽查收稅事屢由香港官稱有擾累華民商船情事見議定由英國選派領事官一員中國選派平等官一員香港選派英官一員會同查明核議章程以上通商

另議專條  
議派員由京師往徧歷甘肅青海一帶或由四川入藏以抵印度探訪路程或另由印度與西藏交界地方應發護照並咨各處地方大吏暨駐藏大臣派員照料

光緒九年癸未中英會商上海至香港電報辦法合同中國電報局允由上海至洋子角設早綫一條與大東公司海綫接

丹國大北公司已設吳淞至上海早綫一道由電報局買回

又福州電綫

中國電報局南臺早綫通至長門再展至川石山與大東海綫接不能再引進川石山之內以清界限

光緒十一年乙酉烟臺條約續增專條

一今議定洋藥運入中國者應由海關驗明封存海關准設有保結之棧或蠶船內必俟按照每百斤箱向海關完納正稅三十兩并納釐金不過八十兩後方許搬出

一完稅釐後該貨主即可在有保結之封存處眼同海關將洋藥拆包改裝其色貨式樣尺寸應由海關會同領事預先酌定聽貨主擇用如貨主此時請領運貨憑單海關即當照給不取分文其憑單或每包一張或數包一張悉聽貨主之便凡有憑單之洋藥運往內地之際如貨包未經拆開暨包上之海關印封號碼均未擦損私改即無須再完稅捐此等運貨憑單只准華民持用而洋人牟利於此項洋藥者不許持用憑單運寄洋藥不許押送洋藥同入內地

一中國准此等貨包在行銷洋藥地方開拆如有應納稅捐等項或當時所徵或日後所設或由明收或由暗取均不得較土烟所納稅捐等格外加增亦不得別立稅課如此等稅捐係照貨價計課即應將洋藥與土烟價值相較均算其較算之法應於洋藥之市價內扣除進口時所納釐金

一專條所載洋藥章程議定照行四年四年以後兩國如欲廢棄章程者無論何時皆可先期十二個月聲明一經通知屆期即爲廢紙惟議定所發貨憑單於海口運送洋藥前往內地行銷處所時仍不免其輸納一切稅捐等項則無論何時英國即有廢棄專條之權倘續增專條既經廢棄則洋藥辦法應仍照天津條約所附章程辦理

一查禁香港至中國偷漏之事應作速派員

按洋藥逐年遞減之說印度部尙書堅執不允照專條辦法印度每年已減收稅課英金七十餘萬磅中國欲陸續禁減洋藥入口惟有陸續加稅金以減呼食之人而不能與英廷豫商緣印度種烟之地未盡屬於英英雖允減亦無權力英蓋君權有限之國此次爭論定約禁烟會紳屢發莊論責以大義始能允辦云

光緒十二年丙戌中英會議緬甸條約

一因緬甸每屆十年間有派員呈進方物成例英國允由緬甸最大之員每屆十年派員循例舉行其所派之人應選緬甸國人

一中國允英在緬甸見時所秉一切政權均聽其便

一中國緬邊界應由中英兩國派員會同勘界通商事宜亦應另立專章彼此保護振興

一烟臺條約另議專條派員入藏一節見因中國察看情形諸多窒礙英國允爲停止至英國欲在印藏邊界議辦通商應由中國體察情形設法勸導振興商務如果可行再行妥議章程倘多窒礙難行英國亦不得僅問

光緒十九年癸巳中英會議印藏條約  
一藏內亞東訂光緒二十年三月二十六日開關通商任聽英國商民前往

貿易由印度國家隨意派員駐寓亞東查看貿易

一英商在亞東貿易自交界至亞東而止聽隨意往來不須攔阻並可在亞東地方租賃住房棧所設公所一處備印員駐寓其英國商民赴亞東通商循照該處常規公平交易該商民等身家貨物保護無害自交界至亞東其開朗熱打均等處已由商上建房憑商人賃作尖宿之所按日收租一各項軍火器械暨鹽酒各項迷醉藥或禁止進出或特定專章兩國各隨其便

一除應禁貨物外其餘各貨由印進藏或由藏進印經過藏哲邊界無論何處出產自開關之日起皆準以五年為限概行免稅俟五年後酌定稅則照納進出口稅至印茶一項見不即運藏貿易俟免稅五年限滿方可入藏銷售應納之稅不得過華茶入英納稅之數

一各項貨物到亞東關時無論印貨物藏內貨物立當赴關呈報請查開單註明貨物多少分量若干置價若干

一凡英國商民在藏界內與中藏民爭辯之事由中國邊界官與哲猛雄辦事人員酌辦如兩邊官意見不合照被告所供按伊國律辦理

一印度文件遞送西藏辦事大臣由印度駐紮哲猛雄之員交付中國邊務委員由驛速遞西藏文件遞送印度亦由中國邊務委員交付駐紮哲猛雄之員火速遞呈

一從亞東開關之日起一年後凡藏人仍在哲孟雄游牧者應照英國在哲孟雄隨時立定游牧章程辦理

光緒二十年甲午中英續議滇緬商務條約

一英國極欲振興中緬陸路商務答允自條約批准日起以六年為期中國所出之貨及製造之物由旱道運入緬甸除鹽外概不收稅英國製造之物及緬甸土產運出緬甸由旱道赴中國除米外概不收稅 鹽米之稅不得多於出入海口所收之稅

一貨由緬甸入中國或由中國赴緬甸過邊界處准由蠻允蓋西兩路行走

將來貿易與旺可以設立別處邊關時再當酌添中國欲令中緬商務與旺答允自批此約後以六年為期凡貨經以上所開之路運入中國者完稅照海關稅則減十分之三若貨由中國過此路運往緬甸者完稅照海關稅則減十分之四凡陸路出入貨物應給三聯單即子口照通商口岸章程辦理運貨經過中國地段如在此約所准之外及有偷漏倘中國願行查辦即可將該貨充公

一以下所開軍器非經國家准購不得由緬甸運入中國亦不得由中國運往緬甸此等貨僅准售與奉國家明諭購辦之人不得售與他人如各種鎗礮及實六彈開花彈大小彈子各種軍火硝磺火藥炸藥棉花火藥及別種轟發之藥

一食鹽不准由緬甸運入中國中國銅錢米豆五穀不准運往緬甸雅片及酒不准由兩國邊界販運出入惟行路之人准其酌帶若干以備自用每人准帶之數應照關章定奪若犯此條及前條即將所有貨充公

一英國欲令兩國邊界商務興旺並使雲南及約內中國新得各地之礦務一律興旺答允中國運貨及運礦產之船隻由中國來或往中國去任意在厄勒瓦諦江即大金沙江行走英國待中國之船如船鈔及一切事例均與待英國船一律

一中國可派領事官一員駐緬甸仰光英國可派領事官一員駐蠻允與待最優之國同如將來商務興旺兩國須添設領事官應互商准駐紮滇緬之地須視貿易為定領事官與地方大吏往來均平行

一約內所開通商各節俱非尋常款例此由兩國察看地方情形及中緬陸路通商應辦之事互相允讓而立所有互給權利兩國之民除有同樣情形外不得在別處接壤處照樣索問即使同樣情形亦必須有同樣之允讓方可此約並照交遞犯各節與舊約相同不致有誤

光緒二十二年丙申中丹英會訂電報合同

電局與公司辦理外洋往來電務

光緒二十三年丁酉中緬條約附款及專條

因法約讓江洪界內之地致與中緬前約相違故續立此約

一中國鐵路展至緬界時彼此相接

一野人山界綫改爲南坎一處作爲永租餘俟兩國勘定

一渭江左岸江洪土地及孟連與渭江右岸之江洪土地或全地未先與英國議定不能讓與他國

一准將駐劄蠻允之領事改駐騰越或順甯府並准在思茅設立領事官

一廣西梧州府廣東三水縣城江根墟開爲通商口岸爲領事官駐處輪船

由香港三水梧州往來由海關酌定一路並將江門甘竹灘肇慶府及德

慶州城外四處同日開爲停泊上下客商貨物之口照長江停泊章程辦

理

光緒二十四年戊戌租威海衛專條

一允租山東威海衛及附近海面爲英國在華北得水師合宜之處並保護

英商在北洋之貿易租期照俄國旅順之期相同

光緒二十九年癸卯中英續議通商行船條約

一今後所有存票悉歸海關發給自商人稟請之日起如查係應領者於二

十一日之內發給此等存票可用以抵出入口貨稅惟不得用以抵納子

口半稅至洋貨入口後三年之內再運出外洋其存票可由該貨入口納

稅之海關銀號領取見銀不得減扣倘請發存票之人欲圖混騙一經海

關查出須罰銀照其所圖騙之數不得逾五倍或將其貨入官

一中國允願設法立定國家一律之國幣卽以此定爲合例之國幣將來中

英兩國人民應在中國境內遵用以完納各項稅課及付一切用款

一允許凡民船載貨由香港往來廣東省內各通商口岸所納之稅連釐金

合算不得少於海關徵收輪船所載相同貨物之稅數

一中國人民購買他國公司之股票均認爲合例凡一公司願入股購票者

各有本分當守自宜彼此一律不得歧異又允遇有華民購買公司股分

者應將該人民購買股分之舉卽作爲已允遵守該公司訂定章程并願

按英國公堂解釋該章程辦法之據倘不遵致被公司控告中國公堂應

卽飭令買股分之華民遵守該章程當與英國公堂飭令買股分之英民

相等無異不得另有苛求英國與英民如購中國公司股票其當守本分

與華民之有股者相同并訂明上開各節凡曾經呈控公堂而已經不予

准理之案與是款無涉

一允兩年内除去廣東珠江人工所造阻礙行船之件又允准廣州口岸泊

船處整頓保持其工程歸海關辦理費由華英兩國商人照卸裝貨物抽

捐充用此條抽捐仍由是華民買貨之人負擔

宜昌至重慶一帶整頓水道准輪船業主聽海關核定自行出資安設拖

拉過攤利便之件民船輪船均可使用但不得阻礙水道或阻礙民船

一允通商口岸多設關棧以便屯積洋貨及拆包改裝等事俟出棧時始完

稅課

一護商牌號以防假冒設立牌號註冊局一所歸海關管理

一允除銷場稅外盡裁貨釐英國允正稅外加完一稅以補償此條中國稅務是暫中有利

訂明裁撤關卡不得改名藉詞復設進口洋貨之稅不得過和約所定之

進口正稅一倍半之數一經完清無論在華商之手或洋商之手或原件或

分裝均免重徵出口貨所納總數不得逾值百抽七五之數關卡裁撤後

各地常關不在此例

和約所定加倍半之數以抵裁撤釐金子口稅及洋貨各項稅捐并酬各

項整頓之事惟不礙常關土藥鹽助土貨抽收銷場稅

土貨自產處運至內地第一常關照海關徵收出口稅給予憑單後限一

年持此單經過無論何關均不再徵若載至通商口岸租界以外銷售而

應納銷場稅如運口岸轉販出口該口稅關驗明單據准抵應加之出口

稅 洋藥并徵之稅釐照見行辦理以後應將釐金作爲加稅 土藥稅

所在該所作一次交納 鹽稅可按釐金及別項徵捐加入稅課之內或在產地徵收或在行銷省分進境後第一局抽收

土貨出洋出口正稅外可於出口時加抽出口正稅之一半以為抵補至絲斤出口正稅之總數不得逾估價值百抽五之數若釐繭經過常關免抽各稅在中國內銷不出洋之絲斤仍須納銷場稅銷場稅但可於銷售處徵抽不得於貨物轉運時徵抽

銷場稅不得在租界內徵抽凡洋商在中國用機器紡成綿紗製成棉布須完一出廠稅倍於進口正稅所用棉花若係外洋運來應將進口正稅加稅三分之二發還若係土產棉花須將已徵之各稅及銷場稅全數發還既完出廠稅所有出口正稅出口加稅復進口半稅及銷場稅概行豁免

每省督撫自行在海關人員中選定一員商明稅務司派充每省監察常關銷場稅鹽務土藥徵收事宜

如有留難受虧確情由最近海關在加稅項下撥款賠還

允在長沙萬縣安慶惠州及江門開為口岸  
在各該口居住者與華民無異非得華官允准不能在該口界內自設工部局及巡捕此第八款若不施行則不得索開以上所列之處作為通商口岸惟江門一處不在此列

若照辦者可將釐卡盡行撤裁  
凡在中國應享優待均沾之國須與中國立約允照英國所定加增各稅並所許各事中國方能允照此條各節辦理

凡約內有優待均沾之款者亦須一律允立此約又各國不得以政治利權或獨占商務利權以為允願此條之基礎英國方能允照此條辦理  
利益均沾之款若在開辦以前尚未允按英國在於此款所許各節辦理須俟各國允許照辦始可將此款舉行

一 振興礦務應招徠華洋資本興辦

一 茲將廣東省內之白土口羅定口都城作為暫行停泊上下客貨之處並將客奇馬甯九江古勞永安後瀝祿步悅城陸都封川等十處作為上下搭客之處

一 禁止嗎啡雅片

一 整頓律例與各西國改同一律如一切妥善英國允棄治外法權

一 會查教事妥籌辦法以期民教相安

一 禁運米穀出口

一 此約如欲修改以十年為期

一 續議內輪修改章程

一 英輪可向中國人民在河道兩岸租棧房及馬頭不逾二十五年租期如彼此兩願續租亦可

一 碼頭不得阻水道亦不礙船隻通行

一 棧房碼頭英國商人只能用中國代理人在內河行輪處所棧房居住貿易英商亦可隨時視察不得妨礙中國管理民權

一 內港行輪如有損傷隄岸及他項因傷受虧賠償業主如淺水河道恐行輪致傷隄岸及相連之田地中國欲禁止小輪行駛知會英官查明即行禁止而有溺開之處不得駛過

一 英輪願轉賣與華人公司英政府不加禁阻如華人註冊設立內港行輪公司而有英人附股者不得因有英股在內即掛英旗

一 不准裝運違禁貨物

一 內港行輪先向稅務司報明轉商務大臣會同該省督撫察辦

一 非奉政府允准不得由此通商口岸至彼不通商口岸內地往來

一 客船貨船均准輪船拖帶其船戶水手均當歸華民充當

光緒二十九年癸卯中英滙甯鐵路借款合同

借款英金三百二十五萬磅以五十年為期

光緒三十年甲辰中英會訂保工章程

此時英拓南洋非洲股關士哇地之金剛石與金礦遂召華工與我公使

張德華訂約招華工開拓高源旋即轉備入炭林  
可勢與諸地有科罰百磅以下之制見國風報

### 英屬南斐洲招工開礦

一華工遇有身家產業被傷之處可赴公堂申訴與他人所享該地法律之保護無異不分種族

一享有郵政利便得與本鄉通問寄銀至家

一華工回國實在送回本國不得付銀作抵

一訂明工主與該工商允稟准領事官撥歸他主該工應得合同之利不得因而稍減

一招工納費中政府以充稽查事宜之需其費當於載工船具領紅單以前呈交海關銀號收存如招得萬人每人應抽墨洋三元一萬以外每人二元惟此係指華工同在一通商口岸前後招運工不逾十二個月而言若放洋時不在一處前後招運又逾十二個月則應分繳之稽查費照初次招工辦法交納

### 一照料華工利益安樂

一招工合同將所往之地做工時刻招作何工工價幾何如何付給合同中載明該工及家屬回華船價由工主發給在途醫藥由工主備給口糧衣件並應得別項利益均須載明

### 光緒三十一年乙巳中英滇緬電綫約款

中國騰越英國周岡為兩接綫之局登允為中間之局

### 又中英道清鐵路借款合同

查福公司道口至清化鎮九十英里有奇為已成之路借款收回清化至澤州三十八英里為未造之路俟礦務開辦再行續訂借英金七十萬磅五釐行息九扣交付實得英金六十三萬磅合華銀五百萬兩左右國家作保鐵路作抵除福公司撥還六十一萬四千八百磅將道口至清化鐵路收回歸并外餘贖之款儘數留備行車經費簽字二十年贖還另設山西鎔化廠合辦礦務合同與此約同時議定於礦路兼顧之中實寓權利

### 並收之意

### 光緒三十二年丙午中英藏印條約

一英藏所立之約附入見立之約作為附約彼此允認切實遵守并將更訂批准文據亦附入此約如遇有應行設法之時彼此設法將該約內各節切實辦理

一英國允不佔并藏境及不干涉西藏一切政治中國亦應允不准他外國干涉藏境及其一切內治此條外國  
暗指俄國

一英藏所立之約第九款內第四節所聲明各項權利除中國獨能享受外不許他國及人民享受惟經與中國商定在該約第二款指明之各商埠英國應得設電綫通報印度境內之利益

一中國與英國所定兩次藏印條約其所載各款與本約及附約無違者概應切實施行

附約即英藏條約與噶爾丹寺長等議定者

一西藏應允遵照光緒十六年中英所立之約亦允該約第一款所定哲孟雄與西藏之邊界並允按此款建立界石

一西藏允定於江孜噶大克及亞東即行開作通商口岸以便英藏商民任便往來貿易所有光緒十九年中國與英國訂立條約內凡關涉亞東各款亦應在江孜噶大克一律施行嗣後如英藏彼此允改則該三處應從

改章程辦理除在該處設立商埠外西藏允所有見行通道之貿易一概不准阻滯將來如商務興旺並允斟酌另設通商之埠亦按以上所述之章一律辦理

一光緒十九年中英條約所有更改之處應另行酌辦西藏允派掌權之員與英政府所派之員會議詳細酌改

一西藏允定除將來立定稅則內之稅課外無論何項徵收概不得抽取一西藏允自印度邊界至江孜噶大克各通道不得稍有阻礙且應隨時修理以副貿易之用並於亞東江孜噶大克及日後續設之商埠各派藏員

居住英國亦派員監督該處英國商務如欲齎送公文信函於藏官或駐藏各華官均責成商埠居住之該藏員接收轉送復文回件亦責成此員妥送

一因藏違約英國派兵前往拉薩責問又因英國邊界大臣督其隨員護兵等被侮被攻是以西藏允給英國政府英金五十萬磅合盧比銀七百五十萬元以賠補兵費及無禮侮攻各情此賠款應在英政府隨時所定之處或於藏境內或於英境大吉嶺扎拉白古里等地面內清繳每年西曆正月初一日兌銀十萬盧比七十五年繳清應於何處收兌英政府預先知照第一期在西曆一千九百零六年正月初一日照數兌交  
一俟賠款繳清後並第二三四五等款內所稱商埠切實開辦三年後英政府於未辦之先仍於春丕駐兵暫守作質至賠款清繳或商埠安立三年後最晚之日為止

一西藏允將所有自印度邊界至江孜拉薩之噶台山寨等一律削平並將所有滯礙通道之武備全行撤去

一西藏允定以下五端非英政府先行照允不能舉辦 一西藏土地無論何外國皆不准有讓賣租典或別樣出脫情事 二西藏事宜無論何外國皆不准干涉 三無論何外國皆不許派員或派代理人進入藏境

四無論何項鐵路道路電綫礦產或別項利權均不許外國或隸各外國之民人享受若允此項利權則應將相抵之利權或相同之利權一律給與英政府享受 五西藏各進款或貨物或金銀錢幣等類皆不許給與各外國或籍隸各外國之民抵押撥兌

印度總督聲明附款  
惠允飭將該約第六款西藏應賠補英國入藏兵費原定七百五十萬盧比減為二百五十萬盧比又聲明該約所定賠款初繳三年三期之後英國所派沾守春丕之兵可以撤退惟該約第二款所立之商埠西藏須按照第七款開妥並須按約內各節認真遵辦

光緒三十三年丁未中英九廣鐵路借款合同

借款案由廣州省城至英租地九龍邊界之鐵路英金一百五十萬磅每百扣留六釐外儘數繳呈兩廣總督以本路作抵常年五釐以三十年為期又中英山西商務局與福公司訂贖回開礦製鐵轉運合同  
贖款行平化寶銀二百七十五萬兩由晉省畝捐項下儘數撥用

光緒三十四年戊申中英滬杭甬鐵路借款合同

英使寶樂納函請總署准英商承修中國鐵路五處一由天津至鎮江二由河南山西至長江三由九龍至廣州四由浦口至信陽五由蘇州至杭州或展至甯波光緒二十四年盛宣懷與英商怡和洋行議訂蘇杭甬鐵路草合同四條後御史朱錫恩侍講學士朱福詵御史徐定超拒絕鐵路借款後議分辦路借款為兩事除華股外仍須借款英金一百五十萬磅按九三折扣交納常年五釐息以三十年為期以關內外鐵路餘利作保

按此路係杭甬成段奉設一段商辦款缺抵歸政府仍轉入英商管理拒款一事終成畫餅  
又中英修訂藏印通商章程

一光緒十九年所定通商章程與此次無違背者仍應照行

一江孜商埠界內全地

界綫起自江孜堡壘東北之曲迷蕩桑自此曲行過背郭關堞大寺之後至峽東岡自此直越逸陽河抵匝木薩止

自匝木薩界綫向東南接行至拉極多為止沿此綫內田莊如拉和格火格錯東窮席拉布岡等處均在界內

又自拉極多此綫循行至玉駝自玉駝經甘卡爾席全地直行至曲迷蕩桑為止

商埠建築房棧

一商埠治權歸中國官督飭藏官管理

一審理會中藏官

一改良西藏法律英願棄治外法權

一江孜一路所建旅舍應由中國贖回  
一郵遞

一印藏邊界商路不准擅往商埠外各地不得由亞東江孜無論由何道路繞入藏屬內地以往噶大克

一官商往來藏印途中被劫報明巡官查拏

一爲保安起見火油危險之物應用池棧安設商埠內遠距民居

一尤不在西藏駐兵

一英官商往埠內及各埠道中應由巡警官及地方官保護

光緒三十四年中英法息借匯豐匯理兩銀行合同

此借款英金五百萬磅以八成補還京漢鐵路借款以二成自辦工藝實業之用還本以三十年爲期以直隸湖北江蘇浙江雜捐進款四百二十五萬兩爲頭次抵押

宣統二年庚戌中英丹大

北東電報公司預付款項合同

光緒三十四年奏請收贖電報商股計共需銀二百八十餘萬兩尙未清還近來推廣電綫改良電話所費尤巨加以接管各省官電亟應大修桿

綫目前電政收入僅敷常年經費之用自應另行設法以濟要需大東大北公司在中國辦理海綫訂有接綫合同該兩公司允將中國電局應得

攤分外洋報費預付英金五十萬磅年息五釐分二次交付分十九年三

十八期還清未還清以前不能再以之借款抵押

此合同自商股公司之東辦可開極

恩季世臣發無一非亡國之虎係

宣統三年辛亥中英禁烟條件

一自一千九百十一年正月一號起七年之內中國每年減種以英國每年

減運之數爲比例至一千九百十七年全行禁盡

一見在中國政府對於土藥已嚴定禁種禁運禁吸英政府深表同情且願

贊助英政府尤如不到七年能有確實憑據凡土藥概行絕種則印度出

口之烟亦同停止

一無論何省土藥已經絕種他省土藥亦禁運入顯有確據則印藥亦不准進入該省惟言明廣州上海二口應爲最後結束務須俟中國政府盡行

以上辦法始可將該口禁止印藥入口

一在此條件年內英政府得派一員或數員會同中國所派之員隨時就地

考查減種情形其所定減種多少應兩面認可

一在此條件年內當給與英員利便俾可於通商口岸以外所有限制烟

土及徵稅事宜彼可調查報告

一按照一千九百零七年所訂辦法英政府允中國派員赴印查視售賣印

藥惟言明該員不得干預今英政府又允所派之員可查視印藥裝箱惟

仍不得干預

一中國政府應允中國出產之土藥徵收畫一之稅英政府允將見在稅釐

併徵之額數每百斤箱加至三百五十兩該項所加之稅與中國政府加

徵土藥上比例相同之稅同時起徵

一起徵稅釐併徵時中國應將各省所有在廣東等省近准行於印藥大宗

貿易之各項限制及徵收各他項稅捐立即消除烟台續增專條見仍施

行自不應另行設立此等限制及他稅捐

又言印度生土如釐稅並徵一次完清後在所進之口岸內全行免其輸

納他項稅捐

若查得以上二節中所載有不照行之處則英國政府可將此次所訂條

件或暫停止或即行作廢惟中國政府如禁絕吸烟及整頓稽查烟土零

賣事宜凡所已經頒布或將來頒布之法令不得因以上條款致其效力

稍受阻抑

一英國政府實爲襄助中國禁烟起見允自一千九百十一年起凡出口之

煙印度政府於每百箱煙土報明運赴中國或在中國銷售者皆發給出

口准單按箱編列號數

本年內所發准單不得過三萬六百張後六年內計至一千九百十七年



止每年遞減五千一百張凡印藥出口時報明運赴中國或在中國銷售者於起運前應將該項准單鈔交中國所派之員轉呈中政府或轉交中國海關員

英政府應允每箱印藥凡領有准單者由印度政府所派之員黏貼印花若中國所派之員欲在場查視當照所請辦理

中國政府應允如此黏貼印花之印藥箱隻領有出口准單者如印花並未破壞乃准其運入中國各口毫無留難

一此次新定條件日後兩國彼此歷經考驗若有他故於七年限內或將該條件全行刪改或但改數款均可隨時由兩國政府互相商酌辦理

附件

凡在口岸存放關棧之印藥及香港存積之印藥未經黏有印花者確係擬銷中國者由稅務司港員及領事開單登記該項印藥務須標記完納稅釐一百十兩後即得在中國享受條約權利與黏有印花者相同存積香港之印藥七日内裝運出口前赴中國口岸

自條件簽押之日起兩個月內凡未黏有印花之印藥止准在上海廣州兩口起岸兩個月滿後如中國商允各國則所有未黏印花者一概不准運入各口岸兩個月內在海上廣州起岸之無印花之印藥非本附件所載明之有標記之印藥當由中國海關開單登記該項印藥應即交納新定之併徵稅釐由關管束不得轉運他口

除商定每年減運五千一百箱外英政府允三年內每年再為減少總數合三分之一存關棧及香港之所存無印花印藥在內

臣謹按印藥每年運進中國者五萬一千箱為定額運往他處者每年約一萬六千箱亦恐有轉入中國境內者土藥之流毒必十倍於此浩蕩煙海華民腸膽能容之可為駭歎

皇朝續文獻通考卷三百五十四

外交考十八 條約法

道光二十四年甲辰中法五口通商章程

一 佛蘭西國派撥巡船在五口地方停泊強壓水手俾領事得有威權將來

兵船人等皆有約束不許滋生事端即責成兵船主飭令遵守第二十三

款各船與陸地交涉及釘制水手之條辦理至兵船議明約定不納各項

鈔餉美約只官船一隻不納鈔餉  
此明言兵船又不納鈔餉

一 凡出入口均照稅則輸稅納鈔其稅銀將來不得加增此次貨物載在則

例並非禁止無限制者不拘從本國及別國帶進無論帶往何國均聽其

便不得於例載各貨別增禁止限制之條如將來改變則例應與佛蘭西

會同商允後方可酌改倘日後別國有邀得減省稅餉之處佛蘭西亦一

體邀減

一 凡前在廣東額設貿易之洋行業已裁撤以後五口任便置貨將來不可

另有別人聯情結行包攬

一 凡佛蘭西兵船遊弋保護商船所過中國各口均以友誼接待其兵船聽

憑採買日用各物若有壞爛亦可購工修補商船遇壞爛及急須進口躲

避者無論何口均當以友誼接待如佛蘭西船隻在中國近岸地方損壞

地方聞知即為救拯給與日用急需設法打撈貨物不使損壞照會附近

領事官設法令其回國及拯救破船木片貨物等項法與英美章程大  
致相同者不敘

咸豐八年戊午中法天津條約

一 將來中國遇有與別國用兵除敵國布告堵口不能前進外中國不為禁

阻法國貿易及與用兵之國交易凡法國船從中國口駛往敵國口所有

進出口各例貨物並無妨礙

一 法國換約滿十二年之數方可與中國再行籌議至別國所定章程不在

此次所定條款內者法國官民不能限以遵守惟中國將來如有優免保

祐別國得之法國亦與焉法與天津英約  
大致相同不敘

中法和約補遺六條

一 西林縣知縣張鳴鳳將馬神父殺死本係有罪之人應將該知縣革職並

言明嗣後永不得莅任

一 西林縣革職即照會法欽差將革職事由備載京報

一 法國國民人在廣東省城物件被百姓或燒或劫計多寡分賠

一 中國官員固執不允法以理所請各賠補之處以致軍需繁多必由廣東

海關照數賠補銀與軍兵費二百萬兩之多應將此銀交法國欽差收入

分六次每年一次交清或用銀兩或用會單仍由廣東海關交清凡有法

國完納貨稅皆准量稅之多寡用銀九分會單一分完納

一 前款所開一經交清法國軍兵即時退出粵省

中法通商善後條約

一 凡有違禁貨物如火藥彈子礮位大小鳥鎗一切軍器及內地包鹽以上

各物概屬違禁不准販運進出口

一 稅則內所算輕重長短中國一擔即一百觔者以法國六十吉羅葛稜慶

零四百五十三葛稜慶為準中國一丈即十尺者以法國三邁當零五十

五桑的邁當為準一尺即法國三百五十八密理邁當均以此為例

一 天津條約所載兩國貨物工藝一時不同價值低昂之殊其稅則增減之

別每七年校訂一次今改為十年校訂一次法與天津英  
約相同不敘

咸豐十年庚申中法續增條約

一 傳習天主教會合講道建堂禮拜且將濫行查擊者予以應得處分又前

謀害天主教者之時所允天主學堂墳田土房廊等件應賠還交法國

駐紮京師之法欽差轉交該處奉教之人並任法國傳教士在各省租買

田地建造自便法與英約大  
致相同不敘

光緒十年甲申中法會議簡明條約

一 中國南界毗連北圻法國約明無論遇何機會並或有他人侵欺情事均

應保全助護

一中國南界既經法國與以實存憑據不虞有侵佔滋擾之事中國約明將所駐北圻各防營即行調回邊界并於法越所有已定與未定各條約均置不理

一法國既感中國和商之意并敬李大臣力顧大局之誠情願不向中國索償賠費中國亦宜許以毗連越南北圻之邊界所有法越與內地貨物聽憑運銷并約明日後遺使議定詳細商約稅則務須格外和衷期於法國商務極爲有益

一法國約明見與越南議改條約之內決不插入傷礙中國威望體面字樣并將以前與越南所立各約關涉東京者盡行銷廢

光緒十二年丙戌中法會議越南邊界通商章程

一新約指定兩處一在保勝以上一在諒山以北中國在此設關通商允許法國即在此兩處設立領事官照待最優國領事無異

一中國可在河內海防二處設立領事官又在北圻他處各大城派領事官駐紮法國亦照優待國無異其辦事與法國所派保護大員商辦

一兩國議定彼此派領事官前來駐紮時所住公館由兩國地方官照拂至法國商民來中國邊界通商處所均照咸豐八年中法條約辦理越南人到中國邊界置地建屋開設行棧其身家財產俱得保護安穩與最優待西國之人無異中國官商所寄往來公文書信電報經法國郵政電報各局一律遞送並不限止中國待法國人亦照此一律優待

一法國人及法國所保護人與別國居住北圻人等欲行過界入中國者法國官查明係體面人即請中國邊界官發給護照准其執行前往回日繳銷每遇領照之人如必應經過土司苗蠻地方應先在照上寫明該處無中國官不能保護至中國內地人民欲從陸路由中國入越南者應由中國查明係體面人請法國給護照一如法人入中國邊界辦法至彼此給護照皆只爲游歷而用不准作爲買賣貨物免稅之據凡人民未領護照而過界者其在中國則聽中國地方官扣留在北圻則聽法國官扣留彼

此交本國官酌量審辦至僑居越南之中國人民由北圻回中國者只由中國官自發憑單准其過界若邊界通商處所法國人有出外游歷者地在五十里內毋庸請照

一凡進口之貨由法國商民及法國保護之人運至邊界通商處所已納進口稅即可照善後章程第七款及各海關通行洋貨入內地稅單之定章准其入中國內地銷賣凡各項洋貨進雲南廣西某兩處邊關者於到關時即將貨包件數及運貨人姓名報明由關查驗屬實按照中國通商海關稅則減五分之一收納正稅如稅則未載即按估價值百抽五征收正稅俟正稅完清後方准起棧過載出售如該商願將洋貨運入內地須再報關照通商各海關稅則收納內地子口稅不得按減五分之一正稅折半征收此項子口稅完清後由關發給稅單准其持往所指之地方售賣凡遇關卡概不重征倘無稅單運入內地者應照土貨之例逢關納稅過卡抽釐

一凡法國商民及法國保護之人赴中國內地各處購買土貨運至邊界通商處所出入口北圻者均可照善後章程第七款運貨出口之例辦理凡各項土貨運出雲南廣西某兩處通商處所於到關時即將貨物件數及運貨人姓名報明由關派人查驗屬實如係該商先領三聯單自赴內地採買並未完過內地稅釐者應照中國通商各海關稅則先征內地子口稅再照中國通商海關稅則減三分之一後改爲十分之四征出口正稅如稅則未載即按估價值百抽五征收正稅方准起棧過載運出關倘該商入內地買土貨並未領有三聯單者所過內地關卡仍應照完稅釐由關卡發給單照爲據其抵關時驗有內地稅釐單票始准免子口稅凡法商等進出雲南廣西兩邊關運貨之車輛牲口中國商進出北圻運貨之車輛牲口彼此一體免收鈔銀其進關水路通舟楫之處彼此可照各海關例收納船鈔以上第六第七二款兩國議明日後倘有他國在中國西南各陸路邊界通商另有互訂稅則法國亦可一體辦理

一洋貨到此邊關已完進口正稅後復因不賣轉往彼邊關者如在三十六個月限內驗明原貨並未拆動抽換則此邊關將已收之正稅發給免單准其持往彼邊關以抵應繳之稅或發給存銀票准其於三年內留抵下次應繳本關之稅概不發還見銀若將此洋貨轉入中國通商各口應照各海關洋貨進口例另收正稅不准以此項邊關存票免單作抵亦不准以此項邊關已完稅單作抵以免轉轄至已完內地子口稅仍照各口向章概不准發給存票免單

一土貨已在此邊關完過子口出口正稅復轉往彼邊關售賣者到彼邊關後照原納正稅之數收復進口半稅但須照各口定章不准洋商販入內地倘將此土貨轉入通商各海口應照各海關洋貨進口稅則一律辦理另征正稅倘入內地仍完子口稅如有土貨出中國海口進越南海口復往中國邊界入關應照洋貨一律征收正稅倘入內地仍完子口稅

一進出口之貨到中國邊關即請查驗不得逾十八個時辰如逾期不報每日罰五十兩惟此罰銀至多不得過二百兩凡過關報貨時若心存欺詐以多報少冀減其應納稅項查有確據即將貨物全罰入官若無關監督准單私自過關起卸繞路拆賣及一切有心偷漏等弊亦將貨物全罰入官凡有商人報關請領內地稅單心存欺詐或捏報貨物名色件數並所出所往之區不符者亦將貨物全罰入官至如何審辦應照同治七年章程辦理其罰令入官之貨如商人願將原貨作價交官准其與中國官按照原估價交官亦可至中國沿邊一帶凡有嚴防偷漏之法皆由中國官相度機宜隨時便宜設法辦理其中法以及越南船艇上下水道每過彼此邊關之時倘無單貨不符等弊可無庸卸貨登岸只由關差上船查驗

一中國土貨由陸路入北圻者照法關稅則完納進口稅若係出口一概免稅日後法國在北圻另定稅則章程隨時知照中國倘北圻境內將來另定越南數種土貨製造及金銀保真等稅中國若有此等貨運入北圻亦應照征

一凡運土貨由中國此邊關路過北圻至中國彼邊關者或由兩邊關運出越南海口回中國者其過北圻時應照法國稅則完納過境稅均不得過貨值百抽二此項貨物於出中國後應由法國邊關查驗給發貨單詳開貨物名色件數並所往之處等語該商人執此貨單每遇法官索驗即應沿途或抵海口後呈閱但此項土貨運入北圻後應先納進口正稅以防偷漏即由法國給發單照以便於抵海口或至邊界時呈驗並由法關在內納進口正稅內扣去過境稅銀仍將餘銀給還則該商人即將前次已領之收稅單呈繳註銷惟此項土貨運過北圻既係新章倘該商報法關時心存欺詐捏報貨物名色件數並所出所往之處不符查有確據者即將貨物入官其罰令入官之貨如商人願將原貨作價交官准其與法關官按照原貨估價交官亦可至中國土貨出於海關運入越南海口過北圻進邊關者其在越南境內亦應照以上過境稅則一律辦理

一凡有金銀外國各等銀錢麪粟米粉砂穀米麪餅熟肉熟菜牛奶酥牛油蜜餞外國衣服金銀首飾捲銀器香水碱炭柴薪外國蠟燭烟絲烟葉外國酒家用雜物船用雜物行李紙張筆墨氈毯鐵刀利器外國自用藥料玻璃器皿以上各物進出口由中國邊界驗明確係外國所產洋人自用數目無多准給免稅單放行倘不報驗不請免稅單私自起運者照商貨走私例罰辦若運往內地除金銀外國銀錢行李三項仍無庸議外其餘各貨即係洋人自用數目無多皆按稅則每貨值百兩完納內地子口稅銀二兩五錢凡中國人之出入北圻邊關者隨身所帶銀錢行李衣服首飾紙張筆墨書籍及自家用食物到法越關一概免稅至中國領事官所運自用各貨亦一律免稅

一兩國議明洋藥土藥均不准由北圻與雲南廣東廣西之陸路邊界販運買賣

一凡米穀等糧不准販運出中國邊關如係進關准其免稅至火藥彈子大小鎗礮硝磺青白鉛一切軍器食鹽及各項有壞人心風俗之物均不准

販運進關違者即查拏全罰入官其軍火各項如由中國官自行採買或由商人奉准買明文須由關查驗明確方准進關日後可由中國大員先商法國領事官准將兵器軍火過北圻運進邊界則法國關全行免稅至一切兵器軍火及各項有壞人心風俗之物亦不准販運進北圻

一中國商民僑居越南所有命案賦稅詞訟等件均與法國相待最優之國之商民無異其在邊關通商處所華人與法人越南人詞訟案件歸中法官員會審至法國人及法國保護之人在通商處所如有犯大小等罪應查照咸豐八年條約辦理

一中國邊界某通商處所倘有中國人民照中國律例無論犯何罪名逃入法國人或法國所保護人民寓所或商船隱匿者地方官照會領事官查明罪由即設法拘送中國官審辦至中國人民因犯法逃往越南由中國官照會法國官訪查嚴拏查明實係罪犯交出照法國與別國所訂互交逃犯之約最優之章辦理其法國人民及法國保護人犯法被告逃往中國者法國官照會中國官查明實係罪犯設法拘送交出法國官審辦彼此不得庇匿

一此次所訂陸路通商各款如有未詳備者應查照中國通商各海關章程與見在通行條約相符者辦理倘再有未訂之事應由兩國各請示本國以上各款將來如須續修即照新約所載換約後十年之期再行商訂

光緒十三年丁亥中法續議界務商務專條

一兩國指定通商處所廣西則開龍州雲南則開蒙自緣因蠻耗係保勝至蒙自水道必由之處所以中國允開該處通商與龍州蒙自無異又允法國任派在蒙自法國領事官屬下一員在蠻耗駐紮

原委龍州蒙自兩處領事官不得設立租界另備照會存案

一凡由北圻入中國滇粵通商處所之洋貨即按中國通商海關稅則減十分之四收納正稅其出口至北圻之中國土貨按照海關稅則減十分之四收納正稅

一中國土貨完納進口稅後過北圻到越南海口者除中國外如係前往他國則出口之時應照法越稅則納出口之稅

一中國允准土藥由陸路邊界出口入北圻此土藥應完納出口正稅銀二十兩一擔法國人及法國保護人只能在龍州蒙自蠻耗三處可以購買此項土藥中國商人所應納內地釐金等費亦不過二十兩一擔之數中國商人由內地運土藥者將此土藥交與所賣之人時即與收釐憑單而所買土藥之人完納出口稅時將憑單到關呈驗繳銷再此項土藥不許由陸路邊界通商海口再入中國作為復進口之物

一除兵船及運載兵丁軍械之船外所有法國及北圻船隻從諒山至高平復由高平至諒山經過龍州至高平並高平至龍州之河此二河一名松吉江一名高平河此項船隻每次路過即每噸納鈔銀五分惟船內所載貨物一概免稅運入中國貨物可用此二河其貨物並可用旱路及諒山至龍州之官道俟中國在邊界設關之時此項經過陸路之貨物在龍州必須完稅後方准銷售

一日後中國在南境西南境之事與最優待之國立定通商交涉之和約章程等類所有無論何等益處及通商利益施於友國此等約一施行則法國無庸議無不一體照辦

光緒十四年戊子中法演越邊界接聯電綫章程

一法國北圻之同登地方電局與中國廣西鎮南關電局互相接聯

一法國在北圻之芒街即蒙開地方電局與中國廣東之東興電局互相接聯

一法國在北圻之保勝即老開地方電局與中國雲南之蒙自電局互相接聯

光緒二十二年丙申中法訂龍州至鎮南關鐵路合同

自龍州至鎮南關鐵路一百二十二里四分八釐價銀一百二十萬兩搭客運貨均由公司酌擬價目

又訂會巡章程

一會巡分三段廣東與越南接壤爲一段廣西與越南接壤爲一段雲南與越南接壤爲一段

一法國第一段駐芒街第二段駐諒山第三段駐保勝中國第一段駐東興第二段駐憑祥第三段駐河口

商務專條

一開龍州蒙自兩處自蒙自至保勝之水道允開盤耗今改在河口

一議開雲南之思茅爲通商處所其運往中國各貨由水道如羅梭河湄江等河並准陸路如猛烈或倚邦至思茅普洱之官道其貨應納稅者在思茅

驗納

一邊界所開龍州蒙自思茅河口四處若土貨經過越南來往出此口時應照十分減四之例收稅專發完稅憑單帶同貨物到彼口時免征進口稅由四處運土貨出口前往沿海沿江通商各口於邊界出口時應照十分減四之例收出口稅專發完稅憑單帶同貨物前往沿海沿江通商各口應照各口通例完納復進口半稅凡沿海沿江各口運土貨經過越南前往以上四處於出口時征收十成正稅專發憑單帶同前往到邊關時按十成減四征收復進口半稅以上各土貨帶有上項專單出口者未經各關以前復進口者已經各關以後均照土貨例辦理

一議定將來在雲南廣西廣東開礦時可先向法國廠商礦師商辦仍遵中國礦政章程辦理至越南鐵路可由兩國商訂接至中國界內

一思茅至越南之孟阿管卽下猛岩可互相接綫

一此附章各條係專章因龍州河口蒙自思茅與越南往來必須相讓而立者只可以以上所定邊界援用

光緒二十五年中法續訂龍州至鎮南關鐵路合同

一應將銀一百二十萬兩交給華俄匯豐法朗西銀行歸入該公司帳目作爲存儲之據

一費務林公司允將查勘新道實力樽節中國所存三百二十萬兩以免多逾此數

光緒二十五年己亥中法廣州灣租界約

一租廣州灣爲停船運煤之所定期九十九年於主權無礙

一停泊船勿庸納鈔稅

臣謹案自日本歸還南以後俄德法爲一氣以均勢東方爲言以抵制英日也我爲地主如漏舟乘浪覆溺可虞今俄德已衰英日方張能左右者惟美與法耳美則離英日之交已見朕兆法亦忌英謀演久將自闕矣

光緒二十九年癸卯中法滇越鐵路章程

自越南邊界至雲南省城由越南老街起經紅河順新見小河抵蒙自又由蒙自抵蓮水縣屬之新防又由新防經普峨新與昆陽呈貢等屬抵省分爲三段恐鄰邦捷足故急於查勘先佔地步

皇朝續文獻通考卷三百五十五

外交考十九 條約美 義 瑞

道光二十四年甲辰中美五口通商章程

- 一合衆國民人在五口貿易准其租賃民房或租地自行建樓並設立醫館禮拜堂及殯葬之處此約已詳傳教之意
- 一准合衆國官民延請中國士民教習方言並文墨事件不論延請何等樣人中國地方官民不得阻撓陷害并准採買中國書籍
- 一合衆國民人運貨進口既納清稅餉將已卸之貨運往別口售賣者報明海關驗簿相符實係原包原貨並無拆動抽換即將某貨完稅若干填入牌照一面行文別口海關將令開船出售免其重納餉稅若影射夾帶經海關查出罰貨入官
- 一合衆國與中國訂明和好貿易倘日後有別國與中國不和應阻止其貿易其合衆國人自與別國貿易或販運其國之貨來五口中國應認明合衆國旗號便准入港惟合衆國商船不得私帶別國一兵進口及聽受別國商人賄囑換給旗號代爲運貨入口貿易倘犯此禁聽中國查出擊辦
- 一每屆年終分駐五港領事官應將合衆國一年出入口船隻貨物數目及估定價值開報各本省總督咨戶部查驗
- 一合衆國商船在中國所轄內洋被盜搶劫者中國地方官一經聞報即須嚴拿強盜治罪起獲原贓交近地領事官全付本人收回或有盜無贓及起贓不全中國官例有處分不能賠還贓物
- 一合衆國貿易船隻在中國洋面遭風遇盜觸礁擱淺致有損壞沿海地方官查知即應設法拯救酌加撫卹俾得駛至本港口修整一切採買米糧汲取淡水均不得禁阻如該商船在外洋損壞漂至中國沿海地方者經官查明亦應一體撫卹
- 一合衆國人民貿易船隻在中國五港者地方官均不得強取威脅如封船公用等事餘與英約大致相同者不載

咸豐八年戊午中美在天津互換條約

- 一照前和平友好無得或異若他國有何不公輕藐之事一經照知必須相助從中調處以示友誼關切
- 一條約各款必使兩國軍民盡知俾可遵守
- 一欲堅立友誼嗣後大合衆國駐紮中華之大臣任聽以平行之禮信義之道與大清內閣大學士文移交往並得與兩廣閩浙兩江總督一體公文往來至照會京師內閣文件或交以上各督撫代送或交提塘驛站齎遞均無不可美照會加有印封必須謹慎齎遞有咨照等件內閣及各督撫迅速照覆
- 一合衆國大臣遇有要事不論何時應准到北京暫住與內閣大學士或與派出平行大憲酌議關涉彼此利益但每年不得愈一次到京後迅速定議不得耽延往來應由海口或陸路不可駕駛兵船進天津海口先行知照地方官派船迎接若係小事不得因有此條輕請到京至上京必須先行照會禮部俾得備辦一切事款往返護送彼此以禮相待寓京之日按品預備公館所有費用自備其跟從不得逾二十人之數雇役華民在外到處不得帶貨貿易此條已伏派員駐京之意
- 一嗣後無論何時倘中華情願與別國或立約或別故允准與衆友國欽差前往京師居住或久或暫即無庸再行計議特許應准大合衆國一律辦理同沾此典
- 一嗣後兩國大臣公文往來應照平行之禮用照會字樣領事官與地方官亦用照會字樣申報大憲用申陳字樣平民稟報官憲仍用稟呈字樣不得欺藐不恭有傷友誼兩國均不得互徵禮物
- 一嗣後中國督撫與合衆國大臣會晤或在公署或在行轅均須酌定合宜之處毋得藉端推辭常事文移往來不可煩瑣會面
- 一大合衆國如有官船在通商海口遊弋巡查或保護貿易或爲增廣才識近至沿海各處如有事故該地方大員當與船中統領以平行禮相待以

示和好如採買食物汲取淡水或須修理中國官員當襄助購辦遇有合衆國船隻毀壞被劫或雖未毀而被劫被擄及在大洋等處應准追捕盜賊交地方官懲辦

一大合衆國領事及管理貿易等官在中華議定所開各港居住保護貿易者當與道臺知府平行遇與中華地方官交涉事件或公文往來或會晤商務須兩得其平即一切字樣體制亦照平行如地方官及領事有侮慢欺藐等情准彼此將委曲情由申訴本國秉公查辦領事官亦不得任性致多抵牾嗣後遇領事等官派到港口大合衆國即行知照該省督撫以優禮款接可行其職守之事

一合衆國民人在華安分貿易辦事者與中國人一體和好地方官必時加保護安全倘屋宇公產被內地不法匪徒逞兇焚毀侵害一經領事報明地方官立即派兵役彈壓驅逐並將匪徒重辦倘華民與合衆國人爭鬥詞訟華民歸中國官懲治合衆國人無論岸上海面與華民毀物毆傷一切非禮應歸領事官懲辦至捉拿人犯以備質審兩國官均可辦理

一合衆國民人在通商港口貿易居住准其租房租地自行建樓及醫館禮拜堂殯葬處公平議租不得勒措如無礙民居照例稅契用印地方官不得阻止倘墳墓或被毀掘由地方官懲治其泊船寄居處所商民水手只准在近地行走不准遠赴內地村市私行貿易以期永久相安

一合衆國船隻在中國洋面遭風觸礁擱淺遇盜致有損壞該處地方官一經查知設法拯救保護並加撫卹俾得駛至最近港口修理准其採買糧食汲取淡水倘商船在中國所轄內洋被盜地方文武一經聞報即嚴拿懲辦起獲原贓無論多少或交本人或交領事但不得冒開失單至中國地廣人稠萬一正盜不獲或起賊不全不得令中國賠還倘地方官通盜一經證明行文大憲嚴行治罪將該員家產查抄抵償

一嗣後商民挈眷赴廣州潮州福州廈門臺灣甯波上海並復有准開各港市鎮在彼居住任其船隻裝載貨物互相往來但不得駛赴沿海口岸未

開各港私行貿易如犯應將船隻貨物充公歸中國人官其走私漏稅或帶違禁物至中國者聽中國地方官自行辦理治罪不得稍有袒護若別國船隻冒合衆國旗號作不法貿易者合衆國自行設法禁止

一合衆國民人在各港貿易者除中國例禁不准攜帶進出口之貨外其餘各項貨物俱准任意販運往來所納稅餉惟照黏附在望廈所立條約例册除呈別國按條約有更改即應一體均同因合衆國人所納之稅必須照至好之國一律辦理

一合衆國船隻近通商港口必將船牌呈交領事轉報海關按照牌上所載噸數納船鈔每噸以方停四十方爲準凡在一百五十噸以上者每噸納銀四錢不及一百五十噸者每噸納銀一錢凡船在本港納鈔因貨未全銷復往別口出售或因無回貨將空船或未滿載之船駛赴別港覓載者領事報明海關將鈔已完之處在紅牌上註明行文別海關俟該船進別口時止納貨稅不輸船鈔以免重徵設浮梓亮船建造塔表亮樓由通商各口地方官會同領事辦理

一合衆國船隻進口准其雇用引水帶進俟稅項全完仍令帶出並准雇覓斯役買辦工匠水手延請通事司書必需之人並雇用內地艇隻其工價由該商民自行定議

一合衆國船隻進口即由海關派役隨船管押或搭坐商船或自雇艇隻均聽其便倘合衆國民人在船不安本分離船逃走至內地避匿一經領事知照中國地方官即派役訪拏送領事官治罪若中國犯法人民逃至合衆國人寓館及商船潛匿者中國地方官查出即行文領事捉拏送回均不得庇匿至合衆國商民水手人等均歸領事等官隨時稽查約束倘兩國人倚強滋事輕用火器傷人致釀重案兩國官員均執法嚴辦不得偏徇

一合衆國商船進口限二日內將船牌貨單呈遞本國領事將船名人數噸數貨色開明照會海關方准取牌開輪起貨倘有未領牌照之先擅行起



貨者罰銀五百元並卸運之貨概歸中國入官或商船進口止起一分貨物驗稅未起之貨均准載往別口售賣倘進口未開槍欲他往者限二日內即行出口不得停留亦不征收稅餉船鈔均俟到別口發售再行驗稅倘進口已逾二日即須納船鈔過領事不在港內應准商人託友國領事代為料理或徑赴海關呈明妥辦

一合衆國商船進口出口均將起貨下貨日期呈報領事轉報海關委派官役與該船主等驗明貨物以便徵稅若有估價完稅之貨因議價高下不除皮多寡不齊致有辯論不能了結該商即日報領事俾得通知海關會商酌奪若稟報稽時即不為准理

一合衆國民人運貨進口既經納清稅餉倘欲將已卸之貨運往別口售賣者稟明領事轉報海關檢查貨稅底簿相符驗明實原包原貨並無拆動抽換情弊即將某貨若干擔填入牌照發該商收執一面行文別口海關查照俟該船進口查驗符合即准開艙出售免其重納稅餉若有影射夾帶情事經海關查出罰貨入官如運載外洋穀米進口並未起卸亦准其復運出口

一合衆國船隻進口後方納船鈔進口貨物於起貨時完稅出口貨物於下貨時完稅俟稅鈔全完由海關發紅牌領事官方給還船牌等件所完稅銀由中國官設銀號代納洋銀按時價折交均無不可倘未經完稅領事官先還船牌者所欠稅鈔惟領事官是問

一合衆國船隻停泊口內如有貨物必須剝過別船者應先呈明領事轉報海關委員查驗確方准剝運倘不呈明候驗批准輒行剝運者即將所剝之貨歸中國入官

一中國人有欠合衆國人債項者准其追控領事官照知地方官立即設法查究嚴追領給倘合衆國人欠華民者亦准由領事官知會討取或控追但兩國官均不保償

一合衆國官民延請中國士民等教習方言並幫辦文墨不論何人中國官

均不得阻撓陷害並准其採買中國書籍

一合衆國訂明和好聽其船隻在通商貿易倘日後別國與中國不和中國止應禁不和之國不准各口交易合衆國自往別國運貨前來應認明合衆國旗號便准入港惟不得帶別國一兵進口及聽受別國賄賂換給旗號代運貨入口貿易倘犯此禁聽中國查出充公入官此條自往別國運貨前來一類即封

一合衆國民人在通商各港因財產涉訟由本國領事訊理若與別國貿易人爭論聽兩造查照各本國條約辦理中國官員不過問

一合衆國民人有要事向中國地方官辯訴先稟明領事查明字句明順事在情理者即轉行地方官查辦中國商民因有要事向領事官辯訴者准其一面稟地方官一面到領事官稟呈查辦倘兩國因人因事相爭由兩國官查明公議察奪不得索取規費並准請人到堂代傳以免言語不通致受委曲

一耶穌基督教又名天主教原為勸人行善凡欲人施諸己者亦如是施於人嗣後安分傳教之人當一體保護凡違教規傳習者他人毋得騷擾

一見經兩國議定嗣後有何利益施及他國或商民無論關涉船隻海面通商貿易政事交往等事情為該國並商民從來未沾抑為此條約所無者亦當立准合衆國官民一體均沾

通商善後條約

一此次新定稅則凡有貨物僅載進口稅則未載出口稅則遇有出口亦皆照出口稅則納稅或有名目進出口稅則均未載載又不在免稅之列者應估覈時價照值百抽五例徵

一凡有金銀外國各等銀錢麪粟米粉砂穀米麵餅熟牛熟菜牛奶酥牛油密錢外國衣服金銀首飾捲銀器香水碱炭柴薪外國蠟燭外國烟絲烟葉酒家用雜物船用雜物行李紙張筆墨氈毯鐵刀利器外國自用藥料玻璃器皿以上各物進出通商各口皆准免稅除金銀外國銀錢行李無

庸議外其餘該船裝載無論滿載無別貨亦應完納船鈔倘運往內地

除前三項仍無庸議外其餘各貨皆每百兩之物完稅銀二兩五錢

一凡有稅則內所算輕重長短中國一擔即係一百觔者以美國一百三十三磅零三分之一為準中國一丈即十尺者以美國一百四十一因制為準中國一尺即美國十四因制又十分因制之一美國十二因制為一幅地三幅地為一碼四碼欠三因制即合中國一丈均以此為例

一向來洋藥銅錢米穀荳石硝磺白鉛等物例皆不准通商見定稍寬其禁聽商遵行納稅貿易洋藥准其進口議定每百觔納稅銀三十兩惟該商止准在口銷賣一經離口即屬中國貨物只准華商運入內地外國商人不得護送在天津條約第三十條所載中國凡有利益施及他國者准美國商民一體均沾按此美國商民亦可前往內地通商至內地關稅之例向與洋藥無涉其如何征稅聽憑中國辦理嗣後遇修改稅則仍不得按照別貨定稅又銅錢不准運出外國惟通商中國各口准其以此口運至彼口按照見定章程遵行該商赴關報明數目運往何口或令本商及同商二人聯名具保單抑或聽監督飭令另交結實信據方准給照別口監督於執照上註明收到字樣加蓋印信從給照之日起限六個月繳回驗銷若過期不繳銷執照即按其貨物原本照數罰繳入官其進出口均免納稅至船載無論淺滿均納船鈔

又凡米穀等糧不拘內外土產不分由何處進口者皆不准運出外國惟美國商人欲運往中國通商別口則照銅錢一律辦理出口時照稅則納稅其進口毋庸納稅至船載毋論淺滿均遵納船鈔又荳石荳餅在登州牛莊兩口者外國商船不准裝載出口其餘各口該商照稅則納稅仍可帶運出口及外國俱可

又確礦白鉛均為軍前要物應由華官自行採辦進口或由華商特奉准買明文方准進口該關未能查明該商實奉准買定不發單起貨此三項止准外國商人於通商銷售不准帶入長江並各內港亦不准代華商護

送除在各海口外即係華民貨物與美商無涉以上洋藥銅錢米穀荳石

荳餅硝磺白鉛等項止准照新章買賣敢違此例所運貨物全罰入官

一美國船隻進口限一日報領事官知照並照第十九條所載美國貨船進口並未開船欲行他往限二日之內出口即不征收船鈔以上二條無論先後總以該船進口界限時刻起算以免參差爭論至各口界限並上下貨物之地均由海關妥為定界既便商更不得有礙收稅知會領事官諭屬遵辦

一內地稅餉之議見定出入稅則總以照納一年為斷惟第二款所載免稅各貨除金銀行李三項毋庸議外其餘海口免稅各物若進內地仍照值百兩完稅二兩五錢此外運入內地各貨該商應將該貨名目若干原裝何船進口應往內地何處各緣由報關查驗確實照納內地稅項該關發給內地稅單該商應向沿途各子口呈單照驗蓋戳放行無論遠近均不重征至運貨出口之例凡美國商民在內地置貨到第一子口驗貨由送貨人單開註明貨物若干應在何口卸貨呈交該子口存留發給執照准其前往路上各子口查驗蓋戳至最後子口先赴出口海關完報內地稅項方許過卡俟該船出口時再完出口之稅若進出有違此例及業經報明指赴何處沿途私賣者各貨均罰入官倘有匿單少報等情將單內同類之貨全數入官所運各貨如無內地納稅實據應由海關飭令完清內地關稅始行發單下貨出口以杜隱漏內地稅則經此次議定既准一次納稅概不重征貨子口稅亦兼圖貨利益之一

一見議美國商民前往內地通商不得到中華京都貿易

一向例美商完稅每百兩另交銀二兩五錢作為領餉之費嗣後裁撤美商毋庸另交領餉銀

一通商各口收稅如何嚴防偷漏自應由中國設法辦理條約業已載明然已議明各口畫一辦理由通商大臣親詣巡歷或委員代辦邀請美國人幫辦稅務嚴查漏稅判定口岸指泊船隻及分設浮棧號船塔表望樓等

毋庸美官指薦干預其浮椿等經費在船鈔項下撥用至長江如何嚴防偷漏之處俟通商後任憑中國設法籌辦

約後附黏例册

該約內有往來買賣所納之稅餉照黏附在望廈所立條約例册除是別國按條約有何更改即應一體均同因合衆國人所納之稅須照至好之國一律辦理等因今自和約鈐印後稅則不無稍有變通更正之處當經法請英委員會議妥定仍要美國允行當經美員核定准將黏附之册與原立條約一體恪守施行嗣後通商各港於後開附黏蓋印貿易章程稅則直至修改之日均當奉以爲式

光緒七年辛巳中美續修條約

一華工前往美國或在各處居住於地方平安有妨准爲整理或定人數年數之限並非禁止前往人數年數專指華人續往承工者而言其餘各項人不在限制之列

一已在美國各處華工均往來自便俾得受優待之益

一華工如有偶受他人欺侮之事美國應盡力設法保護

附立條款

一兩國商定不准商民販運洋藥入通商口岸兩國船隻雇用販運洋藥者均由各本國自行永遠禁止

一允美國船隻進出海關各口無論該船載美國貨物與別國貨物所納船鈔均照中國船隻及各國船隻一律征納並不額外加征亦不另征他項稅鈔美國允中國船隻或由中國及他國各口進美國海口或出美國各口前往他國各口及回中國無論載中國貨物與別國貨物均照美國船隻與別國船隻不額外加稅鈔之國一律征納進口稅與應納鈔並不額外加征亦不另征他項稅鈔

一兩國商民因事相爭兩國官審定准此等案件被告何國人即歸何國官員審定原告之官員於審定時可以前往觀審承審官應以觀審之禮相

待原告官如欲添傳證見或查訊駁訊案中作證之人可以再行傳倘觀審之員以爲不公亦可逐細辯論

光緒二十年甲午中美會訂保工條約

一寓美華工或有父母正妻兒女或有產業值銀一千元或經手賬目一千元未清而欲回華或由華回美不入限禁之例但華工於離美之前先在口岸詳報名下眷屬產業帳目於該處稅務司以備回美之據稅務司發給該華工回美執照限以一年爲期或有疾病及要事可展期一年但須報明口岸中國領事官給與憑批作爲妥據如無回美執照無論由陸路水路回美均不准入境

一議允華工來往他國仍准假道美境

一例准住美之華工均須註冊美國亦允美國工人寓居中國均令註冊他項美國人<sup>包括教士在內</sup>之姓名年歲行業居址造册送中國政府每歲册報一次奉公官員或游歷隨從雇用人不入此款

光緒二十九年癸卯中美商約

一美政府允中國人民製造之物在美國註冊發給創造執照以保自執自用之權利中政府亦允將來設立專管製造之衙門並定專律後凡在中國合例售賣製造各物已經美國給執照者若不犯中國人民所先出之創製可由美商繳納規費即給以專照保護

一給本國人民版權利益<sup>此外與英約相同不敘</sup>

光緒三十四年戊申中美訂立公斷專約

保和會和解國際紛爭條約第四十條載有締約各國可另訂專約遇可交義務公斷之事歸諸公斷之語光緒三十年美國使康格曾奉其總統之命向我提議與英法一律訂立公斷專約嗣美總統與議院意見不合英法約作廢因而罷議聲明將來再訂仍邀我國等語及第二次和會解紛之約又已畫押各國多互訂公斷專約美亦與英法日本等國訂約駐美使臣伍廷芳來函亦以我國亟應仿立必先與友邦另立公斷專約然

後可收公約之益由是授伍廷芳為全權大臣與美廷在上議院允諾乃行訂立此約

一兩立約國遇有爭端關於法律意義或條約解釋為外交法不能議結者應付西歷一千八百九十九年七月二十九號公約設立之海牙常川公斷院判結惟須無礙彼此國脈所繫之利權或自主權或名譽又不干涉第三利權者方可照辦

一凡遇此種爭端於未付公斷院之先兩國應訂特約詳列所爭執事由公斷員之權限及公斷院招集與分次理處之期限此種特約在美一面由大總理璽天德得得上議院協贊允諾乃行訂立

一本約施行期限自互換之日起以五年為期

一本約應由兩國批准後即在美國華盛頓從速互換

一本約立於美國京城華盛頓約文共繕兩分由兩國全權大臣署名蓋印以昭信守

臣謹案自道光通商立約以來首獲權利者莫如英若法若德若俄無不以奪獲矯虔為得計至日本踵起效之尤無厭足割我臺灣傾我藩封至為蠶食滿蒙之計意無不毒手無不辣邦交人道至此無餘綜五十年史册觀之可謂奇變獨有美國有聘問而無喧奪茲且殷殷以公斷聯為與國綜閱調護之言大都不出猥鄙之語忽聞良言如逢鳴鳳知六經之外九州之表不可謂無人矣

道光二十四年甲辰中義五口通商章程

一澳門船鈔原額船二十五號無分新舊酌減銀三成五港貿易或另有新增船隻仍按每頓四錢新章辦理

一三巴門內免領牌照聽憑建造不得於三巴門外擅有建造

同治六年丁卯中義通商條約五十四款章程九款

按義大利約文大致與英約相同不復冗敘

道光二十七年丁未中瑞五口通商章程

一瑞典國那威國等來中國貿易人民納出入口貨物稅餉俱照定例不得多於各國倘中國日後稅例更變須與瑞典那威國領事官議允如另有利益及於各國瑞典那威國等民人應一體均沾此約三十三款大致英法各約相同不致

一瑞典那威國等民人在五港口貿易或久住或暫住准其租賃民房或租地自行建樓並設立醫館禮拜堂及殯葬處必須由中國地方官會同領事擇地與民人公平議租不得擡價強租倘墳墓或被中國民人毀掘由中國地方官嚴懲治罪此條為傳教之萌始於美約法約以後無不援為口實矣

光緒三十四年戊申中瑞修改通商條約

一領事官應照公例發給認許文憑

一訂明俟各國允棄其治外法權瑞典亦必照辦

一聲明給予他國利益立有專條者須一體遵守方准同沾

一入教者犯法不得免究捐稅不得免納教士不得干預華官治理華民之權

一商業工藝應享利益均一體享受

一加稅免釐中國與各國商允通行照辦

一進出口稅悉照中國與各國見在及將來所訂各稅則辦理此約探各約之餘各通商行均照優等相待不繁敘

皇朝續文獻通考卷二百五十六

外交考二十 條約

乾隆五十七年壬子中俄恰克圖市約

- 一 恰克圖互市於中國初無利益因爾薩那特衙門願請是以開市
  - 一 中國與爾國貨物原係兩邊商人自相定價爾國商人應由爾國嚴加管束彼此貨物交易後各令不爽約期即時歸給勿令負欠致起爭端
  - 一 令爾國守邊官皆恭順知禮我游牧官軍相稱好爾從前守邊官皆能如此又何致兩次失和嗣後爾守邊官當慎選賢能與我游牧官遜順相接
  - 一 恰克圖以西十數卡倫爾之布里雅特哈里雅特不法故致有烏呼勒咱之事爾國宜嚴加禁束杜其盜竊
  - 一 此次通市一切仍照舊章兩邊民人交涉事件如盜賊人命各就查驗緝獲罪犯會同邊界官員審訊明確後本處屬下人由本處治罪爾屬下人由爾處治罪各行文知照其盜竊之物或一倍或幾倍罰賠皆照舊例辦理
- 咸豐元年辛亥中俄伊犁塔爾巴哈台通商條約
- 一 兩國商人互相交易雖係自定價值不能不設官照管中國由伊犁營務處派員俄羅斯國專派管貿易之匡蘇勒官照管
  - 一 通商原為兩國和好兩不抽稅
  - 一 俄羅斯商人貿易由該頭人帶領到中國伊犁博羅吉爾卡倫塔爾巴哈台烏占卡倫必須有俄羅斯國執照呈坐卡官照驗將人數貨物數聲明轉報派撥官兵沿卡照料護送彼此不得為難
  - 一 俄羅斯商人在中國伊犁往來均議定卡倫按站行走以沿卡官兵照護
  - 一 俄羅斯商人在中國伊犁博羅吉爾卡倫外塔爾巴哈台烏占卡倫外行走倘有夷匪搶奪等事中國概不經管自入卡倫及在貿易亭居住所帶來貨物係在該商人房內收存各自小心經管其駝馬牲畜在灘收放尤宜各自留心看守倘有丟去立即報知中國官員兩邊官員公同查看來

- 去蹤迹如在中國所屬民人莊院或將行竊之人立即擊獲儘數交出實在原贓給還外並將行竊之人懲辦
- 一 兩邊商人遇有爭鬧小事即著兩邊管貿易官員究辦倘遇人命重案即照恰克圖見辦之例辦理
  - 一 俄羅斯商人每年前來貿易定於清明後入卡冬至即停止倘於定限之內其貨物尚未賣完聽該商人在此居住售賣完竣時由俄羅斯管貿易官飭令旋回其往來貨物駝馱如不敷二十匹頭不准其往來行走至匡蘇勒官員或商人遇有事故專派人出卡每月祇准兩次以免沿卡官兵照護之累
  - 一 俄羅斯商人前來貿易亭居住自有俄羅斯管貿易官管束兩國商人交易之事自行往來貿易如俄羅斯商人前往街市必由俄羅斯管貿易官給與執照方准前往不得任意出外如無執照即送俄羅斯管貿易官究辦
  - 一 兩邊為匪逃入彼此均不准容留務須嚴查互送各自究辦
  - 一 俄羅斯商人前來必有騎馱牲畜即在指定伊犁河沿一帶自行看牧其塔爾巴哈台亦在指定草地牧放不得踐踏田苗墳墓倘有違犯者即交俄羅斯管貿易官究辦
  - 一 兩國商人交易不准互相賒欠倘有不遵定議致有拖欠者雖經告官不為准理
  - 一 俄羅斯商人依俄羅斯館之教在自住房內禮拜天主聽其自便至俄羅斯有在伊犁塔爾巴哈台病故者即在伊犁塔爾巴哈台城外指給曠地一區令其埋葬
  - 一 俄羅斯商人帶來羊隻每十隻內官買二隻每羊一隻給布一疋其餘一切貨物均在貿易亭聽兩國商人自行定價概不由官經管
  - 一 兩國彼此遇有往來尋常事件行文時中國用伊犁將軍所屬營務處圖記俄羅斯用管兩邊大臣所屬營務處圖記

咸豐八年戊午中俄天津和約

- 一 兩國旱路於從前所定邊疆通商外今議准由海路上海寧波福州廈門廣州臺灣瓊州等七處海口通商若別國再有在沿海增添口岸准俄國一律照辦
- 一 嗣後陸路前定通商處所商人數目及貨物並本銀多寡不必示以限制海路通商章程將所帶貨物呈單備查拋錨寄碇一律給價照定例上納稅課等事俄國商船均照外國與中國通商總例辦理如帶有違禁貨物即將該商船貨物概行查抄入官
- 一 俄國在中國通商海口設立領事官為查各海口駐紮商船居住規矩再派兵船在彼停泊以資護持領事官與地方官有事相會並行文之例蓋天主堂住房並收存貨物房開俄國與中國會議置買地畝並領事官責任應辦之事皆照中國與外國所立通商總例辦理
- 一 俄國兵商船隻如在中國沿海地方損壞者地方官立將被難之人及載物船隻救護所救護之人及物件盡力設法送至附近俄國通商海口或順便咨送到邊其救護公費由俄國賠還俄國兵貨船隻在中國沿海地方遇有修理損壞及取甜水買食物者准進中國附近未開之海口按時公買該地方官不可攔阻
- 一 通商處所中國與俄國所屬之人若有事故會同辦理
- 一 天主教原為行善嗣後中國於安分傳教之人當一體保護不得禁其傳習若進內地傳教者領事與內地沿邊地方官按照定額查驗執照果係良民即放行
- 一 中俄邊界從前未經明定者由兩國派員秉公查勘務將邊界清理補入此次和約之內界定之後登入地冊繪圖立定憑據俾兩國永無此疆彼界之爭
- 一 俄人習學滿漢文義居住京城者酌改先時定限不拘年分如有故立即呈明本國核准後隨派辦事官逕回本國再派人來京接替所有駐京俄

國人費用由俄付給中國毋庸出此項費用駐京之人及恰克圖或各海口往來京城送遞公文路費亦由俄國付給中國地方官於伊等往來程途事務妥速辦理

一 整理往來行文及駐京俄人之事京城恰克圖二處遇有公文來往均由臺站迅速行走除途間有故不計外以半月為限不得遲延信函一并附寄再運送物件每屆三個月一次一年分為四次照指明地方投遞勿外所有驛站費用由俄國同中國各出一半以免偏枯

同治元年中俄陸路通商章程

一 兩國邊界在百里內均不納稅稽查章程任便兩國各按本國邊界限制辦理

一 俄商小本營生准許前往中國所屬設官之蒙古各處及該官所屬之各盟貿易亦不納稅其不設官之蒙古地方如該商欲往貿易中國亦不攔阻惟該商應有中國邊界官執照乃用俄字漢字蒙古字鈐印並註商人姓名貨色包件駝馬牛匹數目若干如無執照前往查明除貨入官外將該商按照和約第十條被逃獲送之法辦理該領事官嚴查不准未領執照商民前往貿易

一 俄商運俄國貨物前往天津應有俄國邊界官並恰克圖部員蓋印執照內用兩國文字註商目隨人姓名貨色包件數目此項貨物准由張家口東壩通州直抵天津任憑沿途各關口中國官員迅速點數抽查驗照蓋戳放行其照限六個月在天津繳銷如各口有抽查拆動之處查畢後仍由各口加封其拆動件數並於照內註明以憑查核該關查驗不得過一箇時辰倘有商人遺失執照將貨物扣留中途即行報明原給執照之官並呈明日期號頭妥速補給字樣以便查驗放行

一 俄商路經張家口按照運津之貨總數酌留十分之二於口銷售限三日內稟明監督官於原照內註明驗發准單方准銷售該口不得立行棧一俄商運俄貨至天津應納進口正稅按照各國稅則三分減一在津交納

- 其留張家口二成之貨亦按照稅則三分減一在張家口交納
- 一如在張家口二成貨物已在該口納稅領有稅單而貨物未經銷售者准該商運赴通州或天津銷售不再納稅
- 一俄商所運無論何項貨物如至天津查有拆動抽換或張家口截留之貨數目多於十分之二及繞越他處不按第三款之路而行一經中國查出某商違例其貨物全行入官
- 一俄商如由天津運俄貨由水路赴議定南北各口則應按照各國稅則在津補足原免三分之一稅銀俟抵他口不再納稅如由天津及他口運入內地應照各國稅則納一子口稅
- 一俄商在議定南北各口販買土貨由水路出口進口及由俄國販洋貨由水路進口出口仍照各國總例辦理
- 一俄商在他口買土貨運津回國除在他口按照各國總例交納稅餉外其赴天津應納一復進口稅即正稅之半該領事官發給兩國文字執照天津關蓋印註明商人姓名貨色包件若干准起運赴恰克圖不再重征並飭令遵照第三款之路而行沿途不得銷賣如違即將該商貨物全行入官所有經過通州東壩張家口查驗之例按第三款章程辦理
- 一俄商在天津通州販買土貨照第三款之路由陸路回國稅照各國稅則完一正稅領取執照不再重征沿途不得銷賣如違罰辦
- 一俄商在張家口一處販買土貨應交出口稅銀按照各國稅則交一子稅在張家口交納該口發給執照以後不重征沿途不得銷售如違罰辦
- 一俄商在通州買土貨應預先報明東壩按各國稅則完一正稅由東壩收稅發給執照註明貨色包件若干沿途不得銷售如違罰辦
- 一俄商在天津或他口販買別國洋貨由陸路回國如別國已交正稅子稅有單可憑不再重征如別國只交正稅未交子稅該商應按照各國總例在關補交子稅
- 一俄商由天津通州張家口販貨回國務須單貨相隨以憑查驗自起程日

為始限六個月內到恰克圖銷照如遇有耽延應於限期前報明領事及地方官如違罰辦倘有商人遺失執照將貨物扣留中途即行報明原給執照之關並呈明日期號頭該關妥速補給執照註明補給字樣以便查驗放行

- 一所有各國稅則第二款所載俄商由陸路販貨亦按照一律辦理
- 一俄商如有偷漏及挾帶違禁之物如各國稅則第三第五兩條所載各物件應將貨入官如該商自備軍器護身應在恰克圖報明填入執照每人各帶兵器一件
- 一凡有洋貨土貨為各國稅則未載者應照各國值百抽五總例一律辦理惟值百抽五總例定稅數目以後俄商與中國各關恐有爭端即將所有俄國貨物於各國稅則未載者或幾處不符者及中國甄茶各等貨見應於天津定議續則補於此款以及各國稅則之內
- 一俄商不得包庇華商貨物運往各口
- 一此次新章試行三年為限俟限滿或俄國或中國有欲行更改之處應於六個月內照會如限滿未經知照仍應展至五年後六個月會議酌改如有緊要妨礙之處尚未滿限立即會議酌改
- 一凡有嚴防偷漏諸法按照各國總例任憑中國官隨時設法辦理

同治八年己巳中俄改訂陸路通商章程二十二款

總理衙門奏稱如張家口不設行棧并不設領事官此較舊章加密張家口銷售貨物舊章酌留十分之二今改為酌留若干以便商情第二款刪小本營生四字以及應行罰辦之處避重就輕他如張家口酌留之貨復令交一正稅又於各國稅則及俄續增稅則所未載者概令照英國善後條約值百抽五征收此有益中國稅務者也

至販買他國之貨給還半稅存票一節原恐他國效尤有礙稅餉未與他國議定又未便徑行拒絕故於條內註明暫存俟與各國議改後再為照行俄商赴蒙古各處貿易款內添寫行至中國第一邊卡一語關係出入

邊界路程與該使議明此款雖經畫押仍須兩國邊界大員會定出入卡倫數處以便稽查云云餘與元年商約相同不復敘

光緒七年辛巳中俄改訂條約

一俄國舊約在伊犁塔爾巴哈台喀什噶爾庫倫設領事官外亦准在肅州

即高及吐魯番兩城設立領事

其餘如科布多烏里雅蘇台哈密烏魯木齊古城五處俟商務興旺始由兩國陸續商議添設俄國在肅州及吐魯番所設領事官於附近各處地方關係俄民事件均有前往辦理之責按咸豐八年北京條約第五第六兩條應給予可蓋房屋牧放牲畜設立墳墓等地嘉峪關及吐魯番亦一律照辦領事官公署未經起蓋之先地方官幫同租覓暫住房屋俄國領事官在蒙古地方及天山南北兩路往來行路寄發信函按照天津條約

十一條北京條約十二條可由台站行走俄國領事官以此事相託中國官妥為照料吐魯番非通商口岸設立領事各海口及十八省東三省內地不得援以為例

一俄國領事官駐中國遇有公事按事體之關緊案件之緊要及應如何作速辦理之處或與本城地方官或與地方大憲往來均用公文彼此往來會晤均以友邦官員之禮相待兩國人民在中國貿易等事致生事端應由領事官與地方官公同查辦如因貿易事務致啟爭端聽其自行擇人從中調處如不能調處完結再由兩國官員會同查辦兩國人民為預定貨物運載貨物租賃舖房等事所立字據可以呈報領事官及地方官處應與畫押蓋印為憑遇有不按字據辦理情事領事官及地方官設法務令照依字據辦理

一俄國人民准在中國蒙古地方貿易照舊不納稅其蒙古各處及各盟設官與未設官之處均照貿易亦照舊約不納稅并准俄民在伊犁塔爾巴哈台喀什噶爾烏魯木齊及關外之天山南北兩路各城貿易暫不納稅俟將來商務興旺由兩國議定稅則即將免稅之例廢棄以上所載中國

各處准俄民出入販運各國貨物其買賣貨物或用見銀或以貨相易俱可并准俄民以各種貨物抵帳

一俄國應設領事官各處及張家口准俄民建造舖房行棧或自置地方照咸豐元年所定伊犁塔爾巴哈台通商章程第十三條辦法由地方官給地蓋屋亦可張家口無領事而准俄民建造舖房行棧他處內地不得援以為例

一俄商自俄國販貨由陸路運入中國內地者可照舊經過張家口通州前赴天津或由天津運往別口及中國內地并准在以上各處銷售俄商在以上各城各口及內地置買貨物運回國者亦由此路行走并准俄商前往肅州貿易貨幫至關而止應得利益照天津一律辦理

一俄國人民在中國內地及關外地方陸路通商應照此約所附章程辦理此約所載通商各條及所附陸路通商章程自換約之日起於十年後可以商議酌改如十年限滿前六個月未請商改應仍照行十年俄國人民在中國沿海通商應照各國總例辦理如將來總例有應修改之處由兩國商議酌定

一將來俄國陸路通商與旺如出入中國貨物必須另定稅則較見在稅則更為合宜者應由兩國商定凡進口出口之稅均按值百抽五之例定擬於未定稅則以前應將見照上等茶納稅應由中國總理衙門會同俄國駐京大臣自換約後一年內會商酌定

一咸豐十年在北京所定條約第十條至今講解各異應將此條聲明其所載追還牲畜之意作為凡有牲畜被人偷盜誘取一經獲犯應將牲畜追還如無原物作價向該犯追償倘該犯無力賠償地方官不能代賠兩國邊界官應各按本國之例將盜取牲畜追還其自行越界及被盜之牲畜蹤迹可以示知邊界兵并附近鄉長

一咸豐八年愛琿所定條約應准兩國人民在黑龍江松花江烏蘇里河行船并與沿江一帶地方居民貿易見在復申明至如何照辦之處由兩



國再行商定

又中俄改訂陸路通商章程

一兩國邊界百里之內准中俄兩國人民任便貿易均不納稅其如何稽查貿易之處任憑兩國各按本國邊界限制辦理

一俄國商民前往蒙古及天山南北路貿易者祇能由章程所附清單內指定卡倫邊界該商應有本國官所發中俄兩國文字並譯出蒙古文或回文執照漢文照內可用蒙古字或回回字註明商人姓名隨人姓名貨物包件牲畜數目若干此照應於入中國地界時在附近邊界中國卡倫呈驗該處查明後卡倫官蓋用戳記為憑其無執照商民過界者任憑中國官扣留交附近俄國邊界官或領事官從嚴罰辦遇有遺失執照貨主應報明附近領事官以便請領新照一面報明地方官暫給憑據准其執此前行其運到蒙古及天山南北路各處之貨有未經銷售者准其運往天津及肅州或在該關口銷售或運往內地其徵收稅餉發給運貨執照查驗放行等事均照以下章程辦理

一俄商由恰克圖呢布楚運貨前往天津應由張家口東端通州行走其由俄邊運貨過科布多歸化城前往天津者亦由此路行走該商應有俄官所發運貨執照並由中國該管官蓋印照內用中俄文字註明商人姓名貨色包件數目任憑沿途各關口官員點數查驗印照蓋戳如有拆動之件仍由該關口加封并將拆動件數於照內註明以憑查核該關查驗不得過一個時辰其照限六個月在天津關繳銷如該商以為限期不足應豫先報明該處官倘有商人遺失執照報明原給執照之官並呈明日期號頭請領新照註明補給字樣一面至就近關口報明查驗相符暫給憑據准其運貨前行如查該商所報貨數不符查該商係有隱匿沿途私賣貨物希圖逃稅情事應照第八條章程罰辦

一俄商由俄運來貨物路經張家口任聽將貨酌留若干於口銷售限五日內在該關口報明交納進口正稅後由中國官發給賣貨准單方准銷售

一俄商由俄運來貨物自陸路至天津者應納進口稅餉照稅則所載正稅三分減一交納其由俄運來貨物至肅州者所有納稅事照天津辦理  
一如在張家口酌留之貨已在該口納稅而貨物有未經銷售者准該商運赴通州或天津銷售不再納稅並將張家口酌留之貨一分補還俄商即於該口所發執照內註明俄商在張家口酌留之貨已在該口納稅者如欲運入內地應照各國總例再交一子口稅該口發給運貨執照應於沿途所過各關卡呈驗如無執照則逢關納稅遇卡抽釐

一俄商由俄運來貨物至肅州欲運內地者應照章程第九條天津運貨入內地之例辦理

一俄商由俄運來貨物至天津除報明酌留張家口之貨外如查有原貨抽換或數目短少與原照不符即將所報查驗之貨全行入官但沿途實係包箱損壞必應改裝者該商行抵就近關口報明如查驗原貨相符即於執照註明方可免其議罰倘有沿途私售一經查出其貨全行入官如僅繞越捷徑不按第三條所載之路行走以避沿途關卡查驗一經查出罰令完一正稅如係車脚運夫作弊有違以上章程貨主實不知情該關應體察情形分別罰辦惟此次辦法係專指俄國陸路通商經過各處而言各海口及各省內地遇有以上情事不得援以為例其罰令入官之貨如商人願將原貨作價交官准其與中國官按照原貨估價交官亦可

一俄商自俄由陸路運至天津之貨如由海道運往議定通商各口應按照稅則在天津關補交原免三分之一稅銀俟抵他口不再納稅如天津及他口運入內地應按照稅則交一子口稅照各國總例辦理

一俄商在天津販運土貨回國應由第三條所載張家口等處之路行走俄商運貨出口應交出口正稅若干若在天津販買復進口土貨及他口販買土貨經津回國如在他口全稅交完有單可憑至此不再重征該商之稅後在一年限內出口回國將在天津所交復進口半稅仍行給還俄商運貨回國領事官發給兩國文字執照註明商人姓名貨色包件數目若

干由該關蓋印該商務須將貨照相隨以憑沿途各關口查驗放行其繳銷執照限期並遇有遺失執照等事均照第三條章程辦理該商應照第三條所載之路行走沿途不得銷售如違此章即照第八條章程罰辦沿途各關卡查驗貨物應照第三條章程辦理至俄商由肅州販運該處所買土貨及在內地所買土貨運往該處回國者所有完納稅餉均照天津一律辦理

一俄商在通州販買土貨由陸路出口回國應照稅則完納出口正稅其在張家口販買土貨出口回國應在該口納一子稅俄商由內地販買土貨運往通州張家口回國者照各國在內地買土貨總例應再交一子稅由各該關口收稅發給執照其在通州買土貨回國者應在東壩報明收稅發給執照沿途不得銷售應於執照內載明其由以上各處運貨出口發照驗貨等事應照第三條章程辦理

一俄商在天津通州張家口嘉峪關販運別國洋貨由陸路出口回國如該貨已交正子稅有單可憑不再重征如祇交正稅未交子稅應照稅則在該關交子稅

一俄商運貨進出口應照各國稅則及同治所定俄國續則納稅如各國稅則及續則均未備載再照值百抽五之例納稅

一進口出口免稅之物如金銀見各國免稅章程內不復載由陸路進出口皆准免稅惟章程內載各城及各海口運往內地者除金銀外國金銀行李三項仍毋庸議外其餘各物皆按值百兩完銀二兩五錢

一違禁之物如火藥大小彈子礮位大小烏鎗并一切軍器類及內地食鹽洋藥均屬違禁不准販運進出口如違將物全罰入官俄國人民前往中國者每人准帶烏鎗或手鎗一桿護身填入執照又確礮白鉛須奉中國官發給准單方准俄商運進口內如華商特奉准買明文方准銷售中國米銅錢不准販運出口外國米穀及各種糧食皆准販運進口一概免稅

一俄商不准包庇華商貨物運往他口

一嚴防偷漏任憑中國設法辦理

一專條俄兵代守伊犁兵費及補卹款共銀盧布九百萬圓歸還俄國分六次兌訖

光緒十八年壬辰中俄陸路電纜相接條約

一中俄電纜相接之處一在中國琿春電局與俄國諾我奇業伏斯科之電局兩纜相接二中國海蘭泡之電局與俄國巴拉哥委斯成斯科之電局相接三中國恰克圖之買賣城應設電局與俄國恰克圖之電局相接

光緒二十一年乙未中俄商訂四釐息借條約

一借法銀四萬萬法郎

一以中國海關所入稅項及存票為押保

一此借款攤分法德俄和蘭各銀行按期交付

一每年掣籤由中國駐俄使經理亦可辦事人代理

一分三期付給每次付三分之一

一每六個月付一次最久分為三十六年清還

光緒二十二年丙申中俄東省鐵路合同

一東省鐵路幹路之支路至旅順大連灣海口名南滿州支路

一政府以庫平銀五百萬兩與華俄道勝銀行

一造路需料水陸轉運准公司用輪船及別船行駛遼河

一開採木植盛京御用產業樹林不得損動

一俄國可在遼東半島租地內自行酌定稅則中國可在交界征收貨物稅

一從該租地運入或運往該租地之稅中政府可商允俄國將稅關設在大連灣開埠通商之日可委東省鐵路公司為中國戶部代辦人代為征收

此關歸北京政府管轄另派文官駐紮該處設關委員搭客行李及貨物由俄境車站經該路至遼東半島租與俄國之地段內或由此租地運赴

俄境概免關稅及內地稅釐貨物經鐵路從中國內地運往租地或從租

地運往內地應照中國海關稅則分別完納進出口稅

光緒二十二年丙申中俄新約

一因俄國西卑里亞火車道竣工在即中國允准俄國將該火車道一由俄國海參崴部續造至中國吉林琿春城又向西北續至吉林省城止一由俄國境之西卑里亞火車站續造至中國黑龍江之愛琿城向西南至齊齊哈爾省城又至吉林伯都訥地方又向東南續造至吉林省城止

二凡續造進中國境內黑龍江及吉林各火車道由俄國自行籌費一切均仿俄國火車條程其管理之權亦暫歸俄國以三十年為期過期准由中國籌費贖回

三中國現有火車道擬由山海關續造至奉天盛京城由盛京接續至吉林省倘中國日後有不便即時造此鐵路者准由俄國備費由吉林省代造以十年為期贖回至鐵路應由何路起造均照中國已勘定之道接續至盛京並牛莊等處地方止

四中國續造之火車道自奉天山海關至牛莊大連灣等處均應仿俄國以期中俄來往通商之便

五俄國自造火車道所經各地方准俄兵駐站妥護

六納稅章程準同治元年中俄陸路通商條約完納

七黑龍江吉林長白山等處礦產自此約定後准中俄商民報官具領護照按中國內地礦務章程開採

八東三省軍營欲全行改仿西法惟向俄國借請武員來中國整頓一切其章程與德國武員辦理無異

九俄國在亞洲無周年不凍之海口中國情願將山東之膠州地方暫租與俄國以十五年為限

十遼東之旅順口大連灣原係險要既立此約俄國允將二處相為保護不准他國侵犯中國亦允不讓俄國佔踞惟俄國忽有軍務中國應暫讓俄軍屯泊於此

十一旅順口大連灣等處若俄國無軍務之危則中國自管與俄國無涉惟東三省火車道以及開礦諸務准於換約後即便施行

光緒二十四年戊戌中俄訂立旅大租地條約

一俄水師在中國北方海岸允將旅順大連灣暨附近水面租與俄國不侵中國主權

一旅順一口專為武備之口獨准華俄船隻享用大連灣除口內一港亦照旅順口之例其餘作為通商口岸

續訂旅大租地條約

一遼東半島陸地其北界應從遼東西岸亞當灣之北起穿過亞當山脊至遼東之岸皮子窩灣北盡處止租界附近水面及陸路周圍各島均准俄國享用

一其北界應從遼東西岸蓋州河口起經岫巖城北至大洋河沿河左岸至河口

一尤西畢爾鐵路通接遼東半島之支路末處在旅順口及大連灣海口一應允不將險地讓與別國不將險地東西沿海口岸與別國通商不得將險地內造路開礦工商各利益讓給

光緒二十八年壬寅華俄銀行訂正太鐵路合同

該路約長五百華里借五釐金款四千萬佛郎克借票以三十年為限第一段由正定至平定州池北灘水左岸平潭地方止第二段由平潭至太原府止

又東三省邊界琿春海蘭泡電綫與俄綫相接合同

光緒三十三年丁未中俄北滿州稅關章程

一鐵路交界處設立稅關貨物由鐵路運往交界百里之內各車站暫行照章不納稅

一鐵路運貨按三分減一納稅應定界限如哈爾濱由總站四面各距十里為界鐵路總會最要車站如滿洲里扎賚諾爾海拉爾扎蘭屯富勒爾基

齊齊哈爾阿什河一面坡海林七河穆林交界雙城堡老少溝密門寬城子各站四面各距五華里爲界除滿洲里及交界站<sup>即</sup>兩站歸入百里邊界之例辦理外其餘十四站即照商定界綫以內爲實行三分減一納稅之處此外東省鐵路各小站以四面各距三華里爲限亦同此辦法其貨物運出以上所指各地段及所定各界綫以外均屬內地應補足正稅並照運貨入內地章程辦理

一鐵路運貨三分減一納稅此係中俄特定之合同中國允除俄貨外各國之貨經東省鐵路運至中國亦一體均沾俄國允征之稅按照陸路章程不免稅者即照海關稅則三分減一征稅

又中俄黑龍江鐵路公司購地伐木合同

一合同定後鐵路公司應需地畝均在此次合同之內永不再展

一黑龍江省鐵路所在地畝西自滿洲里迤西鐵路入中國境起東至哈爾濱松花江北岸石當止共需地十二萬六千响各站及路綫分數應若干响另附細表分清後由公司空濠爲界其地繳價後即爲公司產業照原建鐵路合同辦理

一鐵路公司需用民地除已發價者不計外其未發價者分三等

熟地 石當即背江子每响俄洋六十元對青山齊齊哈爾富勒爾基每

响俄洋四十元煙土屯庫庫勒每响俄洋三十三元

荒地 石當每响二十五元對青山齊齊哈爾富勒爾基每响俄洋二十

元煙土屯庫庫勒每响俄洋十五元

有水荒地 石當每响俄洋十三元對青山齊齊哈爾富勒爾基烟土屯

庫庫勒每响俄洋十元

一鐵路公司所用官地允願繳價不分等次每响估價俄洋八元公地亦一律辦理一切地價丈竣繳清

一鐵路大小各站會同華官分界在車站相近地方爲華商留出足用便利地段此項地段由華官商自行經理

一鐵路各大站如滿洲里海拉爾齊齊哈爾安達對青山五處均在站房鄰近處留出建造華官廳相當之地並於沿道各車站留出鐵路交涉分局地段此二項歸華官自行經理毋庸公司給價惟不得有礙公衆治安

一鐵路各站界內原有廬墓村莊城市應照原建鐵路合同第二條皆須設法繞越其已發價及退還地均由此次地價扣抵如其地爲鐵路所必需難以繞越所有遷讓之房園井樹墳墓均由公司按照見在情形從優給價以便遷移建造

一瀕河鐵路之綫凡遇通船隻河道修橋跨越均須與華官會同查看不得有礙行船並此次佔地界內有缺少沙石灰水之處及防範大水衝刷鐵路情形均可隨時商明華官會勘核准後方可購用惟此等地係專指上項工程實用爲數無多而言

一鐵路公司所用官地民地內林木應另給價遇有礦產須另議辦法均不在此次合同之內

一鐵路公司佔地界內所有房產自本合同畫押之日起允准原業主照舊居住三年如遇公司必需之時仍應遷讓公司應發給價值仍照本合同第七條辦理

一東省鐵路公司合同經手華官各派丈地委員查看地勢將來需地畝按表內各站响數丈量清楚畫一界綫繪就地圖並附各站地數表送由華官轉呈撫臺一分存案至各站地數無論已未發價應查核清楚不能越此次所定總數各民戶領價清單亦應查照前案公平辦理

一鐵路公司續行發給民戶地價時應知照華官即行派員會同辦理其發價文據及各地圖均由華官蓋用關防以昭信守

伐木合同

一東省鐵路公司在黑龍江省准有三處地段備砍各色木料第三百八十四號岔道相近火燒溝地方其地段長不過三十華里寬不過十華里

巴林車站相近皮絡以地方其地段長不過三十華里寬不過十華里沿權林河由該河匯入松花江之河口起自下流往上計長五十華里寬由河岸往右二十華里往左十五華里以上三處地段自繪妥地圖後應將當地界線詳細畫定

一鐵路公司應於砍備木植以前及時在指明地段內擬備木料數目種類知會鐵路交涉局領取砍木票照內應俟鐵路公司按照所開木植數目繳納三成之一票費後由華官即行照發其餘票費於木植備齊後按照票內所註實在木數一律交清

一每年應於俄八月初一日發給鐵路公司砍木票照以一年為期所有上屆砍備木植票費至時應結算清楚倘一年期滿實行砍備木植不及票照內所開數目三成之一則預付票費應歸中國官庫例不發還公司倘鐵路公司砍備木植過於票內所開之數則所逾數目仍應核實照本台同交付票費鐵路公司如不按期交付票費並有背違合同無論何條之處則應將已發照票作廢地段收回如鐵路公司照章付給票費及過本台同各條辦理則華官亦仍循舊章每年按以上定期換給新票

一指給公司之砍木段落界址應由公司自行出資在當地畫分清楚鐵路公司不得越界砍伐木植華官亦不得在上開地段內另准他人砍木如有他人擅自砍木華官須設法禁止

一鐵路公司砍木地段靠近鐵路之處須留出通行車馬道路

一鐵路公司在上開領票砍木地段內可自設法布置砍伐林木等事並可堆積木料建設鋸木等廠搭蓋住房以及鋪設運木支路公司應須任令華兵入界捕擊盜匪華民圍獵探參無稍阻礙如鐵路砍木界內有可耕之地仍由華官隨意招民開墾公司不得阻止其當地居民可在上開地段內砍木蓋房木料並自用火柴必須由住廠委員知照鐵路公司指明地段酌定木植數目給予特別執照惟不得外賣上開地段有草甸之處鐵路公司亦可收放牲口並割取羊草惟每鋪特須繳華官庫草價一戈

比

一鐵路公司按砍木票照砍備木植如每長一阿爾升合營造尺二尺二寸厚一韋爾學克合營造尺一寸三分七釐五毫應納票費一戈比之四成皆僅指圓徑十六俄寸長十二俄尺之大木而言如木長或圓徑過於上開尺寸則票費應按每長一阿爾升厚一韋爾學克以半戈比核算火柴每古磅應納票費一盧布道木每塊應納票費三個半戈比大木圓徑以小頭計算如在每俄寸六成之上照全俄寸計算如不及六成者不算奇零至長短應按每俄尺足四成之一計算以上所定票費數目於本台同畫押之日起以五年為期期滿則票費應再另議如遇公司另向華官允准砍木之商人定購應用木植公司仍按本條所定票費在收木時交付華官應派委員常川駐紮上開林木地段查驗砍備木植分別種類尺寸數目會同俄員繕立簿據以憑核算票費

一鐵路公司所有岔道堆木廠機廠住房等佔用官地每响按年付租洋三元如係佔民地應商允地主按年償給租價

一所有林木全歸華官自行護養鐵路公司砍伐木植不得有礙政府將來所頒護養通行章程辦理

一按照見在鐵路情形江省共需用各項木料如火柴每年以一十萬古磅道木以三十萬塊大木以一十萬根為度如日後鐵路振興並改良一切應需木料過於上開之數則華官亦可照允

一鐵路砍備木植如願將應用敷餘之木植外賣應按照中國通行稅則繳納租費

吉林木植合同

一東省鐵路公司在吉林省准有三處地段砍備各色木料

石頭河子相近其地段圖樣黏附

高嶺子相近其地段圖樣黏附此二段係原領富郎克地一段長八十五華里截分為二

一 而坡附近其地寬廣均不得過二十五華里即六百二十五方華里其圖樣繪妥後黏附本章程同

宣統二年庚戌中俄松花江行船章程

一 松花江中國各關專收船載貨物之稅及子口稅其內不得征收及他項稅捐

一 進出口稅凡洋貨應完入內地子稅均按照通商稅則稅數折半征收稅則未載之貨無論進出口按值百抽五征收

一 如金銀外國各銀錢各種麵粉穀米麵餅熟菜牛奶酥牛油蜜餞外國衣服首飾攪銀器香水胰碱炭柴薪外國蠟燭烟絲烟葉酒家用雜物行李紙張筆墨氈毯鐵刀利器自用藥料玻璃器照通商章程惟須確係自用數目無多准予免稅凡外國運來之米及雜糧並印字書籍圖新聞紙一并在此列

一 俄國口岸運來之貨百里免稅界外地方按照續增稅則征收稅餉若運入百里界內照陸路通商章程概不納稅

一 凡應完入內地之子稅免稅貨物照陸路通商章程每估值百兩抽稅二五其應稅貨物照續增稅則增收

一 凡土貨由內地各處起運者即照下開辦理

一 凡由內地各處運抵商埠途中未經過他處商埠者應納關稅其數與出口稅數相抵

一 凡由內地各處運抵商埠途過商埠或一處數處者須在首先經過之商埠完一出口正稅

一 凡運往俄國口岸者如在百里免稅界外應完出口正稅其由哈爾濱三姓中開內地各處起運者在三姓完納稅銀其由三姓拉哈蘇蘇起運者在拉哈蘇完稅

一 凡由商埠運往內地各處途中未經過他商埠者須在起運之埠完出口稅

稅 第三四節 俄員未尤

凡由商埠運往內地各處途中經過商埠數處者須至起運之埠完出口稅

一 凡由商埠運往俄國口岸者如在百里免稅界外者若非免稅之貨即在起運之埠完出口稅

一 凡征收各項稅鈔即發相當照據貨物由此商埠至彼商埠如未持有此項照據者一經查出罰充入官

一 進出口貨稅進口稅在未離關以前交納出口稅在未下船以前交納

一 凡貨物由沿江處所直運至東清鐵路綏芬河滿洲里兩車站以外地方即在綏滿兩站完稅照該兩處華關試辦章程辦理

一 凡貨物由沿江處所運至華關或鐵路公司所管之棧房寄存並擬轉運至滿洲里綏芬河兩車站以外地方如從前在松花江裝船地方或沿途經過地方未經完納出口稅銀者方須完納出口稅

一 凡貨物寄存東清鐵路所管轄及經理之棧房如未進棧房之前已完清稅銀該貨物復運至滿綏兩站以外地方出口稅應按滿綏兩關稅則計算前完之銀多於滿綏兩關稅則者當發還

一 凡五穀及他項貨物分散裝運者俟滿綏兩關查明出口實數與松花江運到之數相符即按本章八九十等款辦理證明由江運至車站或至棧房之貨即係原來貨物鐵路公司在運單上加蓋特別戳記

一 復出口貨及領有內地子稅單之貨均准運至擬往之處無阻如貨復行出口將原完稅銀發還

一 凡呈遞船口單如查有舛錯呈遞之人應罰銀船內如有船口單未列之貨或違禁之貨均照通商條約辦理或偶有事件並可照中國各通商口岸辦法凡船口單內開列之貨未經運到者應如數完稅

此章係江濱道 與俄員訂同 右

皇朝續文獻通考卷三百五十七

外交考二十一 條約 德和日丹比奧

咸豐十一年辛酉中德和好通商條約暨三漢謝城附列條款

一派秉權大臣一員進住京師中國派秉權大臣至比耳令京師事同一律其德意志和約各國不得自派秉權大臣進京是以布路斯國所派並為和約各國大臣欲帶家眷隨員在京師長住

一廣州潮州廈門福州寧波上海芝罘天津牛莊九江鎮江漢口瓊州臺灣淡水等口布國公會各國人民家眷皆准居住往來貿易工作船貨往來不較至於賃屋租地造堂醫院墳塋等事皆聽其便 其餘與天津英約相同不詳載

附約十條與英約同

光緒六年庚辰中德續約善後章程

一江蘇吳淞口一帶議准通融辦法如有德國船隻欲在該處載卸客商貨物或由他處運來上海或由上海運他處均聽其便由江海關自行設法嚴定偷漏及防弊章程仍不准德國商民在該處造碼頭設行棧

一中國允德商裝運中國土煤出通商各口者應完出口正稅定為每頓三錢如有不及三錢者仍照不及三錢者征收

一凡德國船隻應領海關准單方准起下貨物而清單未開明者無論船主有無畫押收據在先均為漏報

一德國損壞船隻在中國通商各口拆賣該船各料者如有將船內裝運各貨影射偷漏者除將漏報貨物入官外仍應完進口稅銀加培議罰 此約不載

光緒二十六年庚子中德膠濟鐵路章程

自青島至濟南府華商德商合立公司

按二十三年經日本密謀令朝鮮自主後俄租旅大英租威海德租青島法租廣州灣各據勝勢爭衡海上國幾不國而接綫築路之案亦迭起循來應接不暇至辛丑聯軍一役亡形具矣俄日一戰移禍於西又十年而

亡若算術之拋物綫各循本度以為起訖今德俄已衰而英日猶強最為巨梗其衰次視商業為低昂商賈道塞其敗之徵乎每示天災人禍輒歎運會之相符

又中德礦務公司章程

一附近鐵路三十里內開採華德商合股招股十萬兩以外

一三十里外未經巡撫允准無論誰何不准私開

光緒三十年甲辰中德會訂小清河叉路合同

自東關車站起小清河兩岸止直路二里連灣路計算長六里需五萬餘

金由商務局籌給資本二萬八百八十三兩交膠濟路公司承辦

光緒三十一年乙巳中德會訂青島設關征稅辦法并改訂青島製成貨物

征稅新章

一青島設關應於各稅務司中揀德國人派充

一該關各項洋員原選派德國人亦可調派別國人暫行委用

一該關如應更調總稅務司應先知會膠州巡撫

一該關文函均用德文

一凡貨物由海運進青島不征進口稅若由膠州界口運赴中國內地即由青島海關照約征進口稅惟各貨未領海關准單不准運出膠州界外

一土貨由內地運進膠州之德租界內若再裝船運往他處即由青島海關征收出口正稅惟德租界內所產土貨並界內土產及海路運來之物料製成各貨出口時毋庸納稅至中國內地各物運入德租界內製成各貨其征稅章程嗣後酌議

一土貨由中國通商口岸運進青島若留於界內不再運出者無庸完稅若過界運入內地按稅則在青島完稅

一中國貨物在青島完納出口正稅報運他口准領完稅憑據俟進通商他口赴關呈驗即完復進口半稅

一洋貨在通商口岸已完進口稅復報運青島者准照咸豐十一年條約辦

理即係准赴關請將所完之進口稅發給存票該貨運進青島若不出德租界即不征收如再運往出口外洋亦不征出口稅

一土貨由通商口岸運進青島若有原口完過出口正稅之憑據復運往外洋即無庸完出口稅

一收支船鈔暨泊船規費一切事宜青島海關毋庸經理

一青島海關征收稅項照見時通商各口之稅則辦理

一凡洋土各藥運進青島由該處海關照通商各口辦法一律征收稅釐在德租界內所銷用者即由關代德國征收稅釐屆期照數撥交

一德國允於膠州界內青島地方指定處所足為中國建立海關暨蓋造各員住屋之需其置價或租費須在該處公同訂辦

一借同聽審暨同料理案件事宜德國允不派海關人員充當

一民船駛進膠州灣之青島或所屬別處地方該船並所運貨物應完各項稅釐規費等類均歸海關征收惟各款數目不得過該處向來所征之數且嗣後若在山東他口所征數目較膠州灣所征之數減少則膠州灣亦一律照減

一凡在膠州德國租界內欲領運貨進出內地之憑單者祇須赴青島海關請領其通商口岸監督關道所有之職分權柄青島海關均與一律無異

一所有出入內地之子口稅應由青島海關按照見行條約稅則征收即進出口正稅之半

一稽查走私偷漏暨違犯關章等事辦法嗣後酌核另訂惟所有掌握查訊之大權歸德國所設之衙署

一嗣後膠州商務擴充情形或致改變彼此認明此次所訂為試行辦法若遇有窒礙可隨時修改

青島海關征稅續立附件

一青島設關征稅應有發給內河行輪專照之權凡輪船准赴內港規條照

內港行輪章程及續補章程駛行尤應按彼此訂明之各項專章辦理

一凡輪船欲在內港行駛無論華商船隻該船主應持有本國之牌照另具函呈海關稅務司處收存換領關牌此項關牌以一年為限繳回海關注銷換領新牌其牌費初次應納費關平銀十兩厥後每年換領新牌納費

二兩每四個月納鈔一次

一此項輪船准在青島水面隨意行駛或照章由青島赴內地各處並由該內地駛回青島或由青島駛赴內地轉過通商他口至內地駛回青島並准報明內地關卡逢關納稅遇卡抽釐即可在沿途此次所經貿易各埠

上下各貨但非奉中國政府允准不得由此不通商口岸之內地至彼不通商口岸之內地專行往來若有此項所經貿易各埠駛至通商口岸他口之船該船主即須報關按該口華洋各項章程辦理

一此項輪船出入青島時該船主總須報關領單將出入貨物槍口單呈驗聲明往何地歸時亦須報明已到某處仍須照例完稅納鈔至洋藥一項及餘約禁貨物不准運入亦不准運出倘查該船有裝運洋藥及違禁物

可將該貨入官並罰該船洋銀五百元若再犯即將關牌撤銷亦不予以關牌上所有利益

一此項輪船應代中國運送郵袋不收運費該關郵政司應辦一切事宜或自行辦理或會同德國郵員議辦亦可

一凡防範偷漏德國自可襄辦其巡緝洋藥走私及別項違禁物尤應襄辦至郵政推廣一切德國允以格外相助

會訂青島設關征稅修改辦法

此款中國所允有二一係進口洋貨及洋藥正稅收數內提若干成歸青島租地應用一係後列之款與各通商口岸辦法及新關改易之處專允

在青島照辦德國所允者因提成應用並專允各益

一由青島德員在租界內畫定無稅之地一區除此無稅區外應由在租界內中國海關征收貨稅並由中國按膠海關進口正稅數每年提撥二成

交與青島德官作為中政府津貼青島租地之用此二成津貼見定試辦



五年應於每結底查撥

一青島畫定無稅之區應設於停泊船隻之正灣一岸或日後整頓碼頭工程與此無稅地同一開拓之處應與海關公務無礙

一海關稅則免稅物在青島照免 軍營需用之物如各色軍械號衣物料及各色食品雖由水陸武員運到總應持有該政府所發憑據方能照免

如機器並全副配件及分件製造廠所用之傢具機料暨各種農具建築衙署之木料器具運到時應來關呈交保結填註該貨價值並擔保確係租界內應用之物方能照免嗣後若運入中國地界應報關完一進口正稅否則照保結所註之數照應完稅數兩倍罰充入關 凡機器各車輛並運物之機器因修理之出入無稅區即准免稅均應報明關員稽查凡運入租界之郵政包裹若係界內住戶自用物按照該包隨單上所註應完租不過一元者即應免稅若欲查考尤由關啟驗 凡來往搭客行李若物主報明確無應行納稅之件亦無違禁之物即准免稅雖海關不逐次查驗但遇有另外情節仍可查察

一征收進口稅項見經酌改者前青島概行免稅法今改爲在租界內另擇地一區作爲無稅地其餘均行起征惟嗣後完納進口正稅隨時辦法有二一係若將貨物運入無稅區應俟出此區時方行完稅一係貨物非運入無稅區因欲運往區地限外起岸則須在未起岸前先行完稅凡貨一經完稅聽貨主自便是時定此租界內征稅善後或租界邊限或邊限左近除稽查往來華式船隻各卡外自無庸另設關卡至嗣後應否設立暫行緩議

一凡在德租界無稅區外設立廠所製成各貨應由中德兩面設法於此等貨物不必較無稅區所出各貨因征稅受虧其租界內之製造廠所用散碎物料工作成物後其價自較原料增加茲因增加若干之數照德章不計在應還國課之內是該廠製成各貨原用之料或由內地運來或由海口運到出口時擬定完稅數不得過原運物料之數約定應完稅數爲

妥由膠海關會同青島德員查看情形訂明立一冊簿填註製成某貨照某散碎物料應完稅數納稅每屆年終若有應修改之處即可酌定

一凡在通商口岸貿易及行船之便在德租界內除照該地情勢應行改辦外均視同一律

一凡有漏稅走私及違悖關章等弊應由青島大員特派委員與關員會議外其餘均照同治七年會訊章程之意酌情訂辦

青島租界製成貨物征稅章

一各貨之納進口稅須以臨時爲斷或在離無稅區時或非運入無稅區在他處起岸之前方應完稅該貨完稅便可通行銷售不歸海關限制凡由租界運往他處於出口時納出口稅由內地出入租界至無稅區之外不在海關境界者海關於其往來均不稽征租界內各產生之散碎物料及用該物料製成各貨暨由海路運入物料製成各貨均不納出口稅凡用物料製成貨當與尋常物料視同一律惟若將該貨配用之物料於尚未製成之先報明海關方能按照專章辦理至論納稅一節物料製成之貨在無稅區內與外均當一律辦理

一凡在租界內製造之各貨如運赴內地於出境時可由商便納製成貨之子口稅請領稅單

一土產之物料或由內地或由非通商口岸處運來租界以供製造之需者可先報明海關呈立應稅若干之保結存儲以嗣後征收稅項所有用已經報關物料製成之貨應於出口時照配用物料之數納稅海關即照數核計註銷保結之內自立保結之日起應於三年限內將稅項清結運製成之貨出口照則按成件納出口正稅或照製貨配用之物料納稅均聽商便若製成之貨所用物料未經報關或報關而未立保結該貨經過海關於出口時應納出口正稅

一凡由外洋或由中國通商口岸運來之物料所納進口正稅或復進口半稅俟製成貨物若由海路運往他處出口時海關照其所納之正半稅銀

用存票發還但須於進口時預先報明海關該物料確係爲製造廠用  
一租界內製成之各貨由海路運往中國口岸當至某口岸進口時應照則  
完進口稅若復入內地可納子口稅領有稅單則沿途關卡即不重征  
一由海關會同租界管理員商訂製成各貨核計該貨分配物料若干有一  
定限制列爲表冊若運往他處於出口時以便核減稅則應征之出口稅  
一所有製造廠能有如上之利益應由租界管理員掛號立有簿冊以一分  
交海關

謹按此章畫分租界權利無異各國在中國畫一虛空犬牙交錯之插  
花地雖非割地與割地無異租界內工程巡捕審判無一非獨立國制度  
我但伸張一征稅權耳實則爲洋商擴充銷場第一機關此係分津貼二  
成則稅關亦與德共之矣他如日本之於遼東凡設關立界之處皆然其  
蛆食浸淫殆未有已矣是十八省雖云自主皆分裂爲無數國獨立制度流  
行之處我皆不能過問尙得爲自主國乎而 朝廷不加憂國人不知慮  
日爭販洋貨官室車馬衣服爭效洋式尙得爲自主之民乎嗚呼掃已我  
爲國人羞之

光緒三十三年丁未中德會定電報局路電交接辦法十四款

係青烟瀝水綫交接辦法並購回京沽軍綫及山東鐵路附設電綫

又華德採礦公司合同

初定五處礦務今九擇礦地七塊每塊界不得逾三十方華里與膠濟鐵  
路附近三十里內之礦載在膠澳約者不同限於開礦一端不得推及別  
項商務

光緒三十三年丁未德英借款訂造津浦鐵路合同

由天津接連津榆鐵路經過德州濟南至南界之嶧縣爲北段再由嶧縣  
至附近揚子江南京對岸之浦口爲南段二段共長一千八百八十五啟羅邁  
當合華里二千一百七十里息借英金五百萬磅五釐起息以三十年爲  
期德華銀行匯豐銀行爲經理

宣統元年己酉中德山東收回五礦合同

華德採礦公司原指沂州沂水諸城濰縣齊海州屬之茅山五處開礦該  
處士民倡立保礦會該公司遂有轉售之議償給該公司歷年費用銀三  
十四萬兩將五處礦產一律收回

宣統二年庚戌中德英津浦鐵路續借款合同

原奏稱見在路款不敷計北段應借虛數英金三百三十萬磅南段借虛  
數英金一百五十萬磅共英金四百八十萬磅合同內載續借英金五百  
萬磅其抵押款以直隸山東江甯江蘇安徽四省釐稅作保倘減免釐稅  
則先應向公司商明務於新增洋稅內如數撥足補抵借款徐世昌沈雲  
沛奉 旨代簽字據

宣統三年辛亥中德收回山東省各路礦權合同

一山東礦務公司議定坊子礦場與淄川縣礦場自嶺沿膠濟鐵路迤北三  
十里至張店止爲礦務公司獨自留辦之礦界

礦務公司指明自辦之礦界另繪詳圖爲此合同以內之要據凡指定礦  
以內之礦產歸公司獨自開辦華人不得在此開採

除此公司自辦之礦外凡中國從前允許公司已辦之膠濟路未成之津  
浦路暨南勘之膠沂鐵路所有沿路兩旁三十里礦權均行取消

淄博兩縣原在三十里礦權以內公司本擬留辦茲格外敦陸將博山礦  
產全行讓還其淄川礦場南境由大奎山起斜綫經龍口鎮西北至淄川

東境止所有礦地亦歸華商自辦其餘照第一款均公司礦界濰縣坊子  
礦場按三十里路綫昌樂安邱兩縣境亦有毗連今公司情願讓出安邱

之西北境以昭睦誼其昌樂荆山窪礦產距坊子礦直綫十里仍歸公司  
東省官府與礦務公司畫清礦界繪圖如下

淄山暨金嶺鎮至張店礦界圖

淄山礦界南綫圖

濰縣昌樂境內礦界圖

畫分礦界總圖

- 一沿膠濟鐵路內章邱淄博三縣凡礦務公司歸還礦界內西歷一千九百二十年以前暫不准華人開最大之礦過限聽中國官商自便
- 一礦務公司礦界內凡見尙開採之華井應俟此合同呈經中德兩政府允准用正式公文互換之後限一月以內一律停止
- 一礦務公司開採各礦中國官仍照光緒二十六年即西歷一千九百年簽訂礦務章程切實保護
- 一今次讓還礦界內中國官商開礦倘若資本不足應向德國借用若用外國物料機器須用德國所產聘用外國工師須聘德國人
- 一礦務公司從前履勘礦產查定界址購買地畝各費中國允償給贖洋二十一萬元以合同簽字之日起限一年內分兩期付清合同簽字後公司即將勘礦圖說略並所買地畝均交還中國
- 一金嶺鎮鐵礦應照二十六年礦章辦理中國如願在該礦附近創設鐵廠亦可合股興辦約股在五十萬兩之譜屆時另定詳細章程
- 一亦同治元年壬戌中葡貿易條約此約未互換
- 一兩國商民僑民皆獲保護
- 一大西洋總督澳門大臣均是君主欽差有緊要事件可以隨時進大清京師每年不過一次除見在允准各國欽差駐京嗣後再有另准乘權大臣長駐京師大西洋國公使若遇方便亦可照行
- 一大西洋國任憑設領事等官在通商各口辦理商人貿易事務并稽查遵守章程地方官應以禮接待文移往來均平行所派之員必真正職官不得派商人作領事官
- 一大西洋國見諭澳門官員實心出力幫同防備該處或有損害中國各種情弊中國任憑設立官員駐劄澳門辦理通商事務此等官員或旗或漢四五品人員其職任事權得以自由均與法英美諸國領事官駐劄澳門香港各員辦理自己公務懸掛本國旗號無異

- 一廣州潮州汕頭廈門福州寧波上海天津牛莊鎮江九江漢口瓊州臺灣登州淡水等口大西洋商民家眷等皆准居住往來貿易工作平安無礙船貨往來常川不礙
- 一中國民人因犯法逃在澳門或潛住大西洋船中者中國官照會大西洋國官查明實係罪犯交出各通商各口亦如之
- 一凡船隻出口欲往通商他口並澳門地方該船主稟明海關發給專照自是日起以四個月為期前赴通商各口俱毋庸另納船鈔以免重徵
- 一既經和好二國大臣各執一理彼此辨論近於爭執不得清釋今定議同請和約之別國大臣從中剖斷若意見尙不同二國再請他國大臣決意斷定其餘各條與英約大致相同不復敘
- 一光緒十三年丁亥中葡條約此約洋藥加稅必領香澳會辦故為立約
- 一兩國敦好彼此僑居皆獲保護
- 一大西洋永居管理澳門仍允無異惟俟會訂界址再立專約其未定以前俱照現時情形勿動彼此均不得增減改變
- 一永不得將澳門讓與他國
- 一允在澳門協助中國徵收由澳門出口運往中國各海口洋藥之稅釐其如何設法並助長久一如英國在香港協助中國徵收由香港出口運往中國各海口洋藥之稅釐其協助章程另定專約附於本約一體遵行
- 一可派員駐京都隨員眷屬可在京都常行居住中國亦可派員駐大西洋里斯波阿京都
- 一駐京官員無不按照情理以優禮相待公文書信不得被人擅動
- 一官員名位高下准用平行禮其公文大員用照會二等官與中國大憲用申陳大憲用札行兩國平等官用相並之禮商人無爵者赴訴用稟呈
- 一可設領事官等於通商各口職分權柄皆與別國領事官無異獲享優先利益與地方官文移平行領事官與道員同品副領事官繙譯官與知府同品不得派商人作領事官若未設領事官可暫請別國代為料理

一所有中國恩施或關通商行船利益凡取益防損業經准給別國人民或將來准給亦當准大西洋國人民如與他國之益立有專章大西洋亦援照同沾

一大西洋國商民准在中國通商各口居住貿易工作平安船隻往來不輟應得利益與待最優國無異

一葡商起卸貨物納稅俱照咸豐八年各國稅則為總額不能較他國有彼免此輸之別

一游行往來卸貨下貨任從葡商自雇小船搬運自議不必官為經理亦不限定船數挑夫人等亦不准包攬運送倘有走私漏稅查出照例懲辦

一大西洋國商民居住通商口岸任便覓雇華庶執分內工藝毫無限制惟不得違例雇覓前往外洋

一大西洋國人在中國地方如被人欺凌擾害中國官時加保護令其安全倘或被搶奪放火地方官即行派兵彈壓查追並將匪徒懲辦中國人在葡國亦如之

一在通商各口地方買地租地造屋設棧禮拜堂醫院墳墓按價公平照給須由業主報明地方官查明無礙方可交易至內地不得設立行棧

一船隻在中國海洋被盜地方官聞報即行查拏如得贓物交領事官還主

一船隻在沿海遭風擱淺碰壞該口地方官查知妥為照料護送就近領事官查收

一完納船鈔輸稅期限進口納稅往別口納稅漏報罰免稅物件引水辦法納稅秤尺貨物潮溼估價均與各國同不繁敘

一凡船隻由通商各口往別口並澳門地方稟明海關給照以四個月為期毋庸納船鈔

一大西洋國商人運貨赴通商口岸貿易其單照等件均照各國章程各關監督發給其游歷內地給照與各國辦法同

一交犯一節除中國犯罪人逃至澳門潛匿者由兩廣總督照會澳門總督

仍照向來辦法查拏交出外其通商各口有華民犯罪逃匿大西洋寓所船上者一經照會領事官即行查獲交出大西洋人逃匿中國亦如之

一天主教傳習保護

中葡會議專約

一洋藥零星不准運入澳門

一大西洋應派員在澳門督理查緝洋藥出入口一經到澳即須報督理運入澳門之洋藥搬船上岸入棧均須報明督理

洋藥商人應有登記簿將洋藥賣出賣與何人運往何處存有若干均須註明

承充澳門洋藥之商及領牌零賣洋藥之人外無論何人不得收存不足一箱之洋藥

一澳門出口往中國各口之洋藥必須到督理洋藥衙門領准照該衙門立將轉運出口之准照轉致拱北關稅務司辦理

光緒二十八年壬寅中葡增改條約未經互換以分關職會未准

澳門設分關一道

光緒三十年甲辰中葡通商條約

一聲明舊約遵守

一加稅裁釐

一入澳門洋藥均因官棧澳門食用洋藥定數以外不得再搬出

一澳門水陸防緝走私訂查緝之地位

一照英約推廣西江及廣州屬各埠行輪

一葡萄牙酒無執照不得照本約稅則納稅

一通商口岸居住

一華人入葡籍不得享內地利益

一發還海關存單與美約同

澳門鐵路合同

自澳門接至廣東省城以五十年為期中葡合股各佔一半

同治二年癸亥中和天津條約十六款皆指法約之文不復敘

宣統三年辛亥中和關於和屬領事條約

一中國總領事官領事副領事及代理領事得駐紮和蘭國海外領地殖民地中諸外國同等官吏現時駐紮與將來駐紮口岸

一領事係商業事務官為其轄內本國人之商業保護者

領事官應駐紮於其委任文據所指定之和蘭國領地及殖民地各口岸除本條約專為該領事所定特例外凡領地殖民地之民事刑事法律皆應遵守

一總領事領事副領事及代理領事於受其執行職務之認可及享其職務所附屬之一切職權特權及豁免利益之先應將所載該領事管轄區域駐紮地方之委任文據呈於和蘭國政府領地殖民地政廳發給領事官執行職務所需照章副署之認可文據應不收費領事官因確保其自由執行職務有出示認可文據而受政廳保護地方官援助之權利和蘭國政府有示其理由收還認可文據之權能並得命領地殖民地督撫收還之

總領事領事副領事代理領事如有死亡或因事故或不在之時學習領事官書記生或書記官應將各員資格通知該管官經其承認之後得暫時管理各領事官事務惟代理之員須不與經商之外國人地位相當者始得於暫時管理期內享受第十五條所允與領事官之一切權利職權特權特典及豁免利益

一總領事領事副領事及代理領事得於其住宅門戶銘記中國總領事館領事館副領事館及代辦領事館等字樣並標本國政府徽章

所有標章不得庇護罪人其房屋及居住之人亦不能免地方權之查追

一凡關於領事官事務之檔冊及一切文件應不受搜查無論何項官員及

裁判官亦不問其用何方法或藉何口實均不得檢閱捕取以免查究

一總領事領事副領事代理領事毫無外交上之性質

無論何項請求非經駐紮海牙外交官則不得徑陳於和蘭政府遇有緊急事情各領事官得直接請於領地殖民地督撫但須證明其事確係緊急並當備文記載不得請求於次級官吏之故或陳明前已向次級官吏請求絕不見其有效果

一總領事領事副領事代理領事駐紮第一條所載各口岸代理領事凡在派駐之地居住之中國或和蘭臣民他國人民及照地方法令可以准其居住該口岸者皆得充當惟任命之時應經領地殖民地督撫承認並奉有執行職務上應受節制之領事文據

領地殖民地督撫無論何時得將理由通知總領事向代理領事收還前項承認

一執有領事官所給或經其查驗之護照在和蘭國領地殖民地游歷或居留時凡照地方法會所需各文件仍應一律具備又領地殖民地政廳對於執有護照之人仍有禁其羈留或命遠離之權決不因此護照有所妨礙

一和蘭國領地殖民地沿岸遇有中國船舶遭險一切救助事務由中國總領事領事副領事代理領事指揮之地方官若為維持秩序保護遭難船員以外救助者利益并確保所救商品實行進口出口時應守之規則方得干與之

總領事領事副領事代理領事不在或未以前地方官亦應設法衛護個人保存遭難物件

遇救之商品除在內地行銷外所有關稅概無庸納

一總領事領事副領事代理領事因逮捕拘押或監禁中國商船軍艦逃亡之人得照請地方官援助其照請應備公文倘在逃之人據船艦簿記冊及船艦上人員名冊并其他確實文件可證其實係船艦上人地方官不

得拒其所請但和蘭臣民不在此例

地方官有盡力緝捕船艦逃亡者之義務緝捕之後交領事官處置如須交還其所屬之船艦及他項之中國船艦則可以應要求者所請爲之暫時拘留所需費用應歸請求交出逃亡之人者擔任從捕獲之時起四個月內如尙未經交還當即釋放將來不得因同一事件再行緝捕

逃亡者犯有重罪輕罪或違警罪未經和蘭國領地殖民地或其國受理該事件之裁判所宣布判決並業已結案則應展期交出

中國船舶在海上所受損害一經駛泊口岸無論其爲遲急避難或出於自願則除船主貨主及保險者之開另訂契約外均由中國總領事領事副領事代理領事裁定

該船舶及其所載之貨如與領事官有利益關係或理事官爲船貨之代理人或和蘭國人民及第三國之臣民與其損害有關係時當事者間不能協和議結應由該地方官決定

中國臣民在和蘭國領地殖民地死亡如無嗣續人並無從查知執行遺言之人則和蘭國領地殖民地法律命定所定管理嗣續事務官員應從速知照中國領事官俾其切實通知利益關係人如領事官先知其事亦當知照和蘭國管理嗣續事務官

該管地方官應將死亡證據正式錄稿送交領事官以爲補證前項之知照而不收費

中國總領事領事副領事代理領事於其事務所及私宅並有利益相關之本國人住所或本國船舶內所收受本國船長船上役員及船客並他項本國臣民警告之權

中國總領事領事副領事及代理領事得專任維持本國商船內秩序船長船上役員並水夫之開在海上或港內所起一切約議專由領事官一人處理其關於整理薪工或履行相互契約等事有關者包括在內前項紛議除於陸上或港內之安甯秩序有所妨礙或與船員以外之人

有干或領事官因欲實行其所判決與維持其實行之權力而請援助之外和蘭國領地殖民地裁判所以及他項官員無論用何名義皆不得干涉

中國總領事領事副領事代理領事於領事職務以外不宜從事商業及他項職務職業該領事官倘非和蘭國臣民則一切兵役及軍事上之征派抵代軍人宿舍及兵役之課款以及對人稅與對人的性質之各項征稅市村賦課如中國有以同等恩惠允與和蘭國總領事領事副領事代理領事者方准豁免但關稅對物的稅以及他項開接稅不包括於此項豁免之內

總領事領事副領事代理領事雖不合前項規定然非和蘭國臣民則一切兵役及軍事上之征派抵代兵役之課款但使中國有以同等特典允與和蘭國總領事領事副領事代理領事者亦一律豁免

總領事領事副領事代理領事倘係和蘭國臣民而經准其執行所受中國政府委任爲理事官之職務者於所有稅課及徵派諸費不論其性質如何仍應照納

中國總領事領事副領事代理領事並學習領事書記生及書記官應享和蘭國領地殖民地已經允與或將來允與最惠國同等官吏之一切職權特權特典以及豁免利益

一本條約以五年爲期批准互換之後自第四個月起實行其互換日期自畫押之日起四個月以內從速在海牙舉行

本約將屆期如此國欲將本約效力停止通知彼國則應從其知照之時起仍行一年惟其知照應至少在一年以前

爲此兩國全權大臣畫押蓋印以昭信守

臣謹按和蘭東印度屬地華商衆多設有苛例最爲難堪見於入境居留旅行三者允行修改爪哇馬渡拉兩島改居留旅行新章較舊例已爲寬大警察裁判雖允改良尙未能見諸施行

同治三年甲子中日天津通商條約

一 日斯巴尼亞國君主欲派乘權大臣至中國京師中國派大臣至日斯巴尼亞國京師事同一律乘權大臣居住之處無不按情理周全京師租賃地基房屋作大臣公館兩國亦宜協同雇夫襄辦

一 中國商船不論多寡均准其前往小呂宋地方貿易必按最好之國一律相待若日斯巴尼亞國嗣後有何優待別國之處應照最優之國待中國商人

一 凡有華民情甘出口在日斯巴尼亞國所屬各地承工俱准與本國人民立約為憑無論單身或願攜家屬一并由通商各口前往該處官員與日斯巴尼亞國官員查照各口地方情形會定章程為保全此項華工之意但不得收留中國匪人及拐賣不法情事如有前項情弊一經地方官知會領事官即行查出送還中國

同治十二年癸酉日斯巴尼亞古巴華工條款

一 中國可派委員前往日國古巴地方查明華工情形到古巴各地方詳細查明均聽中國委員任便自行查訪所有應查各事可以詢問各國駐紮古巴之領事官亦可請日國官員照料妥辦

一 兩國預請美法英俄德五國駐京大臣嗣後如將此事所有一切代為公評定斷

一 中國委員查明華工情形呈報中國總理衙門總理衙門抄錄呈報者交與五國駐京大臣以及日國駐京大臣閱看於公評之時將原文交付評定之各大臣處暫存各國領事官如有將古巴華工情形呈報各本國大臣擬用其作憑據者其文件須交中國總理衙門並日國駐京大臣閱看如未將其文件交出者即不得作為憑據

一 應將理論古巴華工一事之來往文件交與五國駐京大臣評定各大臣閱看以便將其內兩國所說各事統請五國大臣一同公評定斷完結

光緒四年戊寅中日會訂華工條款

一 嗣後不招人出洋承工自無庸立約為憑前約第十款內有不得收留匪人之語仍遵其舊

一 嗣後彼此庶民出口前往無論單身及攜眷皆以出於情甘自願為要不准妄用勉強之法及誑詭之計誘令華民倘違背此約必將其人嚴辦又尤中國之人已在古巴或嗣後前往一體以最優之例相待

一 如有自備川資往古巴居住者中國并無禁阻之意應先赴關道報名領照送日國領事官蓋押蓋印給該華人出洋如查無執照立將撤回

一 中國派領事官前往古巴夏灣拿地方駐節古巴各官自應盡力照料

一 華民在島隨便往來立業自應設法以與第三款所言利益相符

一 中國人原被告赴署理論該處獄局優待各國之例一律均霑

一 派夏灣拿之總領事官與該島官妥訂章程令已在古巴之華民及再來之華民均報名掛號立花名冊發給執照為據應呈各府城莊察查驗

一 各國之船載華民出洋應遵此約各條

一 在古巴承工之華人內恐有從前在中國讀書作官之人及其親屬日國敦崇和誼願將此項人由日國出船資載回惟應由中國總領事領事等員知會日國地方官核明即放行載回

一 華工年老不能工作並孤寡婦女由日國出資送回

一 期滿華工有雇主者照合同行或合同未載送回本國應由領事與地方官設法送回或願仍在島居住或願出島均聽其便

一 未期滿之華人仍應按合同之期將工作滿與新到華人利益一律同沾

一 拘於各處工所之華人此約互換後一體放出與在彼處華人一律相待

同治三年甲子中日天津條約

一 丹國與中國素無失睦見欲定約永遠和好兩國商民彼此僑居皆獲保護

一 丹國欽差凡有要務商酌准赴京都會議即照各國大員常規優禮履覓夫役各官不得拘治倘有越禮欺藐由中國地方官嚴辦

一丹君主欽差並隨員等皆可往來內地各處所有收發文件行裝無論沿海何處皆可送文不得拆啟專差同驛站弁兵保安照料凡大員並各省眷屬隨員各項費用皆丹國支領與中國無涉此約與天津英約大致相同不復敘

附約十條與英約同

同治五年丙寅中比通商條約

原奏比利時國章程稅則與丹國一律辦理亦即據天津英約大致相同不復冗敘其稅則亦與英無異

光緒二十九年癸卯中比公司汴洛鐵路借款合同

蘆漢幹路南岸係在滎澤過河查滎澤縣東至開封府約計一百七十里西至河南府約計二百五十里借五釐金款總數二千五百萬佛郎克分二十年均還

光緒三十四年戊申中比收回京漢鐵路合同

此路債逾四千萬兩比人干涉已越十年今借英法款五百磅續還本息路遂收回自管

同治八年己巳中奧通商條約暨稅則

總理衙門奏稱閱使臣所擬條約四十九款均從各國約內採摘芟節湊集而成有各國條約必不可刪而刪者有條約必不可添而添者有款內意義相同而并爲一款者伏思洋人入華傳教流弊滋多一傳教之國即多一滋事之案雖各國條約所有亦必刪去領事官包庇洋商漏交稅餉其弊不可勝言此次立約仿照日約第四款將商人不准充領事一語明列條約該使來函願將傳教一條刪除不准商人充領事一條另備照會與列人條約無異定爲四十五款大致與英約相同不復敘與斯馬加國以奧斯爲主馬加附合如布魯斯之於德意志

更正筆誤洋文條約

總理衙門咨同治十年准原任兩江總督曾咨蘇藩司恩錫等與奧國公使互換條約查閱約本內華文善後章程第五款及第八款均有引用條約第八條字樣而奧文則誤寫爲第十一條又稅則進口項下有呀囉治木華文

載明長不過三十五幅地而奧文則誤寫爲五十五幅地又羽綾羽紗絨小呢番紵等類華文均載明每丈而奧文則誤寫爲每正均經與奧國公使言明繕立憑單並接據照復聲明日後會同總理衙門改定茲與奧國公使到津當在本衙門與奧使將約本內奧文筆誤更正無訛除咨南洋大臣查照外相應將更正之處開單咨行



皇朝續文獻通考卷三百五十八

外交考二十二 條約日本

同治十年辛未中日修好規條

- 一 兩國倍敦和好與天壤無窮即兩國所屬邦土亦各以禮相待不可稍有侵越俾永安
- 一 兩國既經通好自必互相關切若他國偶有不公及輕藐之事一經知照必須彼此相助或從中善為調處以敦友誼
- 一 兩國政事禁令各有異同其政事應聽己國自主彼此均不得代謀干預強請開辦其禁令亦應互相為助各飭商民不准誘惑土人稍有違犯
- 一 兩國均可派秉權大臣並攜帶眷屬隨員駐紮京師或長行居住或隨時往來經過內地各處費用均係自備其租賃地基房屋作為大臣等公館並行李往來及專差送文等事均須妥為照料
- 一 兩國官位雖有定品授職各異如彼此職掌相等會晤文移均用平行之禮職卑者與上官相見則行客禮遇有公務則照會職掌相等之官轉申無須徑達如相拜會則用官位名帖凡兩國派員初到住所須將印文送驗以杜假冒
- 一 嗣後兩國往來公文中國用漢文日本國用日本文須副以譯漢文或只用漢文亦從其便
- 一 兩國既通好所有沿海各口岸彼此均應指定處所准聽商民來往貿易並另立通商章程以便兩國商民永遠遵守
- 一 兩國指定各口彼此均可設理事官約束己國商民凡交涉財產詞訟案件皆歸審理各按己國律例辦理兩國商民彼此互相控訴俱用稟呈理事官應先為勸息使不成訟如或不能則照會地方官會同公平訊斷其竊盜通欠等案兩國地方官只能查拏追究不能代償
- 一 兩國指定各口倘未設理事官其貿易人民均歸地方官約束照料如犯罪名准一面查拏一面將案情知照附近各口理事官按律科斷
- 一 兩國官商在指定各口均准雇用本地民人服役工作管理貿易等事其雇主應隨時約束勿任藉端欺人尤不可偏聽私言致令生事如有犯案准由各地方官查拏訊辦雇主不得徇庇
- 一 兩國商民在指定各口彼此往來各宜友愛不得攜帶刀械違者議罰刀械入官並須各安本分無論居住久暫均聽己國理事官管轄不准改換衣冠入籍考試致滋冒混
- 一 此國人民犯此國法禁隱匿彼國公署商船行棧及潛逃彼國各處者一經此國查明照會彼國官即應設法查拏不得徇縱其拏獲解送時沿途給予衣食不可凌虐
- 一 兩國人民如在指定口岸勾結強徒為盜為匪或潛入內地放火殺人搶劫者其在各口由地方官一面自行嚴捕一面將情飛知理事官倘敢用兇器拒捕均准格殺勿論惟須將致殺情迹會同理事官查驗如事發內地不及赴驗者即由地方官將實在情由照會理事官查照其拏獲到案者在各口由地方官會同理事官審辦在內地即由地方官自行審辦將案情照會理事官查照倘此國人民在彼聚眾滋事數在十人以外及誘結通謀彼國人民作害地方情事應聽彼國官徑行查拏其在各口者知照理事官會審其在內地者由地方官審實照會理事官查照均在犯事地方正法
- 一 兩國兵船往來指定各口係為保護己國商民起見凡沿海未經指定口岸以及內地河湖支港概不准駛入違者截留議罰惟因遭風避險收口者不在此例
- 一 嗣後兩國倘有與別國用兵情事應防各口岸一經布知便應暫停貿易及船出入免致誤有傷損其平時日本人在中國指定口岸及附近洋面中國人在日本指定口岸及附近洋面均不准與不和之國互相爭鬥搶劫
- 一 兩國理事官均不得兼作貿易亦不准兼攝無約各國理事官如辦事不合

衆心確有實據彼此均可行文知照秉權大臣查明撤回免因一人僨事致傷兩國友誼

一兩國船隻旗號各有定式倘彼國船隻假冒此國旗號私作不法情事船貨均罰入官如查係官爲發給即應參撤至兩國書籍彼此如願誦習應准互相採買

一兩國議定條規均係預爲防範俾免偶生嫌隙以盡講信修好之道爲此兩國先行畫押蓋印用昭憑信俟兩國批准互換後即刊刻通行各處使彼此各民咸知遵守

中日通商章程

一中國准通商海口

上海 鎮江 甯波 九江 漢口 天津 牛莊  
芝罘 廣州 汕頭 瓊州 福州 廈門 臺灣  
淡水

一日本國准通商各口

橫濱 箱館 大阪 神戶 新瀉 夷港 長崎  
築地

一兩國官民准在議定通商各口租賃地各隨其地成規照辦總須由地方官查勘無礙居民墳墓方向詢問業戶情願出租方可公平議價立契由地方官蓋印交執不得私租強租其內地及不通商口岸不得租地蓋屋至見准通商各口租定地基後蓋造房屋或作居住或開行棧地方官可以隨時往勘

一兩國商船往來通商各口須在己國海關及地方官衙門領取船牌註明棧頭丈尺噸數船名及舵水姓名年歲籍貫加蓋印信以便持赴理事官處及各海關查驗如無船牌不准往來倘船牌損失准其呈明海關發給護照回籍補領

一兩國商船進通商各口海關即派員弁丁役看守或在商船或在關艇隨

便居住其需用經費由關支發不得向商船稍有需索違者按律追辦

一兩國商船進通商各口限一日內該船主將船牌船口單交理事官即於次日通知海關並將船名及押載噸數裝何貨物之處開單同送以便海關查驗如過二日限期尚未報關在中國每日罰船主銀五十兩所罰之數不得逾二百兩之外在日本國每日罰船主洋銀六十元船口單內須將所載貨物詳細開明如查有漏稅捏報之貨在中國將貨入官並罰船主銀五百兩在日本國漏報者罰如貨稅之數捏報者罰貨主洋銀一百二十五元倘有誤報即在遞單之日改正免議逾限不改在中國每日罰銀二十兩所罰之數不得過一百兩之外在日本國罰洋銀十六元如該口未設理事官准船主將船牌船口單自赴海關呈驗照章辦理

一兩國商船進口除所載貨物開單報關外另將船上自用各物及應行免稅各物開一清單送關驗免倘賣與人仍照稅則完納若將應稅貨物混入免稅單內希圖隱漏查出將貨入官

一海關接到理事官知照後即發開船單倘船主未領開船單擅行卸貨在中國罰銀五百兩並將所卸貨物入官在日本將所卸貨物入官商船上貨下貨須先領海關准單如違即將貨物入官至撥貨亦先由海關發給准單方准動撥違者在中國將貨物入官在日本國罰洋銀六十元

一兩國商船輪稅期候進口貨於起載時出口貨於落貨時各行按納一經完清稅項海關發給紅單理事官接到紅單即發船牌准其出口

一兩國商民完稅以淨貨實數爲准將皮包除算至包皮輕重由關抽秤一二件餘則類推如有受潮損壞貨物不能按則完納者估值抽收每值百兩收稅銀五兩

一中國商船貨物進日本通商各口應照日本海關稅則完納日本商船貨物進中國通商各口應照中國海關稅則完納至兩國各口海關已經較准秤碼丈尺並完納銀色彼此商民均應隨地遵照舊章辦理不得稍有異議

此條稅則完納是同一而兩國稅則極異日本可隨時加減中國則一成不變受虧在此

一兩國貨物如有稅則未經駭載者由海關按照市價估計每值銀百兩收稅銀五兩若貨主不肯照海關所估之價售賣應聽其便仍令照海關所估之價完納

一兩國通商各口界限並上下貨物之地均由海關妥爲定界既須便商更不得有礙稅收至官民游歷均照兩國通行舊章辦理惟請領執照應責成理事官查明實係安分之人方可給發免致滋生事端

一中國商貨進日本國通商各口在海關完清稅項後中國人不得運入日本國內地其日本國商貨進中國通商各口在海關完清稅項後任憑中國人轉運中國內地各處售賣逢關納稅遇卡抽釐日本人不准運入中國內地違者貨均入官並將該商交理事官懲辦

一兩國商民准在彼此通商各口購買各土產及別國貨物報關查驗完稅裝運出口不准赴各內地置買貨物如有入各內地自行買賣者貨物入官並將該商交理事官懲辦以上兩款係兩國各有指定口岸故須明定限制

一貨物進口完稅後欲改運通商別口售賣報由海關驗明實係原包原貨並未拆動抽換即給收稅執照持往別口海關查驗相符准其出售免再納稅如有影射抽換夾帶情事貨罰入官

一日本商船進中國通商各口應納船鈔凡船在一百五十噸以上者每噸納鈔銀四錢一百五十噸以下者每噸納鈔銀一錢由海關給照以四個月爲期如在四個月內進中國通商各口毋庸另納船鈔四個月限滿仍應照納倘船進通商各口並未開船欲行他往者限二日之內出口不收船鈔如逾二日之限即須全數輸納此外均無別項規費至中國商船進日本通商各口無庸完納船鈔只納規費每進口十五元出口七元

一兩國商船經過通商各口買辦船上應用雜物以及遇險暫時進口躲避並不貿易者船內所載之貨無須報官倘有交易照章開報完稅如船應修理貨須過撥入棧者報關查驗給單起岸俟船修竣原貨裝運出口免

其納稅若起棧後就地發賣仍應照章納稅

一兩國商船如有裝運私貨者在中國除將私貨全數查抄入官船隻驅逐出口不准在通商各口貿易在日本國將私貨入官

一兩國兵船進出通商各口無須報關候驗船上所用雜物均准免稅如起發賣仍應報明照章完稅

一兩國通商口岸若欲設立官棧以便儲貨所有官棧章程當由兩國自行酌定惟貨物初行入棧均應暫免納稅至銷售時必須完清稅項棧租方准領出倘欲照章轉運別口只交棧租亦免納稅

一兩國所產米麥糧食除照章轉運別口外各不准販運出洋若船上水手搭客自需約計數目報明海關給照准其照買存船備用

一登州牛莊兩處豈石豈餅日本商船不得前往裝載如在通商別口買運者照則納稅准其出口

一硝磺白鉛均爲軍前要物應由中國官自行採辦或日本商人奉中國官准買明文方准進中國通商各口如有私販查拏入官按律懲辦日本商人亦不得在中國通商各口將中國硝磺白鉛私運出口違者將貨入官仍按本律懲辦

一凡係違禁貨物如火藥大小彈子礮位大小鳥鎗並一切軍器等類及中國口外馬匹有關軍政等物概行禁止兩國商人均不准販運進出口違者將貨入官仍各按本律懲辦

一兩國銅錢除照章轉運別口外各不准販運出洋如有商人私販查拏入官中國內地食鹽不准日本人販運日本鹽斤亦不准運入中國售賣違者均各按律懲辦

一兩國船隻如到不准通商口岸私作買賣准該處地方官查拏在中國即將船貨一併入官在日本貨物入官罰洋銀一千元仍知照該管理事官存案

一兩國稅則如有僅載進口稅未載出口稅者遇有出口皆應照進口稅則

納稅或有僅載出口稅則未載進口稅則者遇有進口亦皆照出口稅則納稅

一兩國商船遭風收口均由該處地方官照料送交理事官安置或在洋面被劫亦由該地方官設法嚴緝起獲賊物送交理事官給還原主倘未能緝獲賊犯均各照例處分不能代償

一兩國各口稅官員凡有嚴防偷漏之法隨時察看情形設法辦理各商應遵行

一兩國商民在通商各口如彼此海關章程嗣後有變通之處由理事官詳請駐京大臣隨時照會商辦

一兩國見定章程嗣後若彼此皆願重修應自互換之年起至十年爲限可先行知照會商酌改

一兩國見定章程及海關稅則應與修好條規一體信守無漏

臣謹案全權大臣李鴻章奏稱日本使臣柳原前光原定三十一款欲將內地不准通商二條重新翻悔此條爲彼所注意然西人立約華人往彼通商並未限定口岸今日本係以入口岸與中國通商華人不能到彼內地貿易日本人亦豈應入中國內地貿易新章此條從同確乎公允何得引西約以爲例彼乃語塞又明揭出兩國各有指定口岸故須明定限制等語俾以後無可藉口此款實與均霑一層異事相因若均霑得遂即援案准行雖有內地通商之禁只屬具文彼所以始而漫許茲均霑絕望通商雖無限制獨設爲不入內地之條豈肯甘心彼所以繼而翻悔也此條爲洋人必爭之利而實我內地受病之源是以論從前通商之弊此爲最重名爲指定口岸而洋商運洋貨入內地買土貨條約既有明文迨後定子口稅章由海關給領單照前往沿途免再徵經過內地關卡驗放又只有無完過稅單爲憑不問其人是否華是洋由是內地各處皆可爲通商之地內地商民皆可以冒洋商之名流弊滋多然西洋之成局無如何矣內外通商及地方衙門方且互相維持思補救於萬一今安得又聽日本之

無端闖入耶其人貧而多貪詐而鮮信其國與中土相近往還便捷其形貌文字悉與華同以此攫取我內地之利侵移我內地之民操術愈工滋害必愈甚更非西洋比也茲經明定限制尤望各海關臨時辦理妥設範圍將來修改章程仍須重申界限耳至於規條中所籌維者第一條載明兩國所屬邦土不可稍有侵越等語隱爲朝鮮預留地步第十三條載明此國人民往彼國有犯兇盜及重大案情或聚衆十人以上由地方官分別會辦或徑行嚴辦等語隱爲前明倭寇故事預防夫各國通商以後每海關口幾爲列國公共之地絕非一國所能爲寇而東南道事相傳人人談虎色變此條設律從嚴亦足以防微杜漸稍釋羣疑他如第十條之戒雇主徇庇工人第十一條之戒彼此往來不得攜帶刀械第十六條之戒領事官辦理不合查明撤回悉取鑒於歷年交涉成案求免臨時棘手此擬定修好規條之預杜流弊也其章程中所籌畫者如第一款於中國通商各處概標以某口字樣免似舊約有瓊州城府含混之弊第五六款於罰款分別兩國數目重輕免各生校量第十三款游歷均照舊章而執照必發安分之人第二十一款預商官棧辦法以便兩國商民第三十二款言及重修通商章程必須彼此兩願悉參本案交涉情形求免將來掣肘此定通商章程之預防流弊者也云云日本之狡防患之周苦心若揭以李鴻章之才馭此島夷每樽俎之間辨論多番若折衝大敵一在國體已衰不可復振一在海軍未設禦侮無資言之正理不敵彼衆邪謀此所以一經議約如迭索債彼之通商傳教游歷名爲和好實則兵端非固結民心振刷朝綱無以濟此災也

同治十三年甲戌中日北京專約

以臺灣生番曾將日本國屬民殺害日本之意惟該番是問遂遣兵往彼向該生番詰責今與中國議定遣兵並善後辦法三條  
一日本國此次所辦原爲保民義舉起見中國不指以爲不是  
一前次所有遇害難民之家中國定給撫恤銀兩日本所有在該處修造建

房等件中國願留自用先行議定籌補銀兩別有議辦之據

一所有此事兩國一切往來公文彼此撤回註銷永爲罷論至於該處生番中國自宜設法妥爲約束以期永保航客不能再受兇害

臣謹按日本修好未及三年即借釁生番逞其狡謀要求兵費情同無賴論天理汗顏立國而我無其備怒彼恫喝亦我之羞據總理衙門原奏稱日本使臣大久保利通以中國政教施於番境者若何爲問千回百折乃吐真款求索兵費體制所關萬無此辦法只能不責日本此舉不是兵退之後自行查辦被害之人酌量撫卹該使臣仍執兵費爲詞索銀五百萬兩如議無成就即欲回國以台番爲無主野蠻日本要一意辦到底彼此不合而散駐京使臣柳原前光以不准覲見爲拒絕來使即欲與大久保利通一同回國兩使又同遞照會爲決裂之辭其意由前之說爲日本永踞台番境地張本由後之說爲日後稱兵有名擾我海口張本等一切聽之任其去留誠以該國貪狡無厭雖就撫卹辦理過多是無兵費之名而有兵費之實亦無從通融也是案沈葆楨以聯外交爲要義李鴻章於法使來京亦面加撫諭該使有願調停之說上海道沈秉成寄呈上海官紳所上芻言亦以邀請各國使臣評論曲直而英使威妥瑪尤於此事始終關說意欲居間等亦曾將與日本來往文件抄錄照會各國使臣日本兩使已悻悻作登車之計威妥瑪來初亦關切繼爲囑喝之辭並謂日本欲二百萬兩數並不多非此不能了局辭去時堅欲問中國允給之數等權衡利害輕重揆其情勢迫切若不稍予轉機不獨日本挺而走險事在意中我武備未有把握隨在堪虞且令威妥瑪無顏而去轉足堅彼之援益我之敵遂告以中國既允撫卹只能實辦撫卹即加優不能逾十萬兩該國於此事輕舉妄動見時無以回國亦實在苦情中國不乘人之急再允該國在番社所修道建房等留爲中國之用給銀四十萬兩共不得逾五十萬兩之數願否聽之威妥瑪旋至該使臣寓議定嗣立結案辦法三條伏念此案實由日本背盟興師如果各海疆武備足恃事無待於

論辨勢無虞乎決裂今則明知彼之理曲而苦我之備虛自台事起屢經購買鐵甲船尚無成局沈葆楨所謂兵端未開宜防而未宜阻李鴻章謂閩省設防非必欲與用武皆爲統籌目前大局不能不姑示羈縻且就日本一面設想該國自江藤新平之亂雖就招撫而亂民衆多無可安插新聞紙中屢謂該國欲將此項人衆安置台番境內是以該使臣每以兵民難服爲詞實有難言之隱今如一無所得措置良難若此輩留存中國邊境患亦不可勝言今威妥瑪說合所給撫卹尙就範圍不得不就此定議完案而在我自強之計益不可一日緩矣云云此奏亦洞燭內外情勢在有爲者正可藉此爲砥礪以奮發其猷爲無如事過情遷終以不振惜哉

光緒十一年乙酉中日爲朝鮮商訂專條

一定中國撤駐朝鮮之兵日本撤在朝鮮護衛使館之兵

一兩國均勸朝鮮教練兵士足以自衛朝鮮自選外國武弁教演中日兩國勿派員在朝鮮教練

一將來朝鮮若有變亂重大事件兩國或一國派兵應先互行文知照

臣謹按朝鮮內亂多係日本嗾使之成東學黨卽其引導之機居心積慮并吞已非一日厥後甲午之役致覆我師朝鮮獨立倭謀成矣或責我撤兵之驟非也禍在海軍不振卽久戍何益又無折衝尊俎之使還以兵見書生孟浪不得不歸獄帷幄之臣倭之曲折潛謀不能遽沼朝鮮者以有萬國觀瞻難於直遂倘我海軍猶在連衡與國爲之講解亦何必不稍輟其邪謀此天鍾毒以禍朝亦盈倭之氣使逞強於列大以兵自敵久亦自焚而已此可以天理人事決之者也

光緒二十一年乙未中日馬關條約

一中國認明朝鮮國爲完全無缺之獨立自主故凡有虧獨立自主體制如該國向中國所修貢獻典禮嗣後全行廢絕

一中國將下開地方權永遠讓與日本

從鴨綠江口以抵安平河口又從該河口畫至鳳凰城海城及營口而止

營口之遼河順流至海口止以河心為界

遼東灣東岸及黃海北岸在奉天所屬諸島一并在所讓境內臺灣全島及附屬各島

澎湖列島

一賠償軍費庫平銀貳萬萬兩 此款係俄國四釐息四萬萬佛郎以海關作保

一會同訂立通商行船條約 添開口岸

沙市 重慶府 蘇州府 杭州府

日本輪船得駛入湖北省宜昌溯長江以至重慶府

從上海駛入吳淞及運河至蘇杭

運貨往內地租棧存貨勿納稅鈔

在中國通商口岸任便工藝製造各項機器任便裝運進口只交進口稅

光緒二十一年乙未中日交還遼南條約 為俄法德所阻始行議還

一中國讓與日本管理之奉天南邊地方即從鴨綠江口抵安平河口至鳳凰城海城及營口止以南各城市邑及遼東灣東岸黃海北岸奉天所屬

島嶼及堡壘軍器工廠永遠交還中國陸路通商章程作為罷論

一約為酬報交還奉天省南邊地方庫平銀三千萬兩

光緒二十二年丙申中日通商行船條約

一派員駐北京優待

一設領事官日本之中國人民財產歸日本官審判

一停船違章罰辦

一游歷保護發給執照以十三個月為限若無執照進內地者罰銀不過三百兩之數 其餘各款與各國通

光緒二十二年中日公立文憑

一添設日本專管租界上海天津廈門漢口等處

一允中政府任便課機器製造貨物稅餉但不得比中國臣民所納加多

一蘇杭滬三處通商係輪船及雇用船隻之事當與日本妥商未經商辦之

前依長江章程照行

光緒二十九年癸卯中日通商行船續約

一湖南長沙府開作通商口岸與已開各口岸無異各國人在該處居住者與華民無異非得華官允准不能在口岸界內自設工部局及巡捕奉天府及大東溝兩處地方由中國自行開埠通商

各國護館兵隊撤退後即當在北京自開通商場

一畫一度量權衡 此約大致取資英約不復修訂

光緒三十一年乙巳中日會議東三省條約

一日俄和約允讓日本之一切概行允諾

一日政府允按照中俄兩國所訂轄地及造路原約實力遵行嗣後遇事隨時與中政府妥商釐定

一本條約簽字蓋印之日起即當施行

附約

一中政府允俟日俄兩國軍隊撤退後從速將下開各地自行開埠通商

奉天省之鳳凰城 遼陽 新民屯 鐵嶺 通江子 法庫門

吉林省之長春 吉林省城 哈爾濱 甯古塔 琿春 三姓

黑龍江省之齊齊哈爾 海拉爾 愛琿 滿洲里

一中政府聲明日俄兩國將駐紮東三省軍隊暨護路兵撤退如俄國允將護路兵撤退或中俄兩國另有商訂妥法日政府允即一律辦理又如滿洲地方平靖外國人命產業中國均能保護周密日本亦可與俄國將護路兵同時撤退

一日本軍隊由東三省某地撤退即將該地名知會中國政府可得在該地方派軍隊以資治安日本軍隊未撤地方倘有土匪擾害中國地方官亦得派相當軍隊往勦但不得進距日本駐兵界限二十華里以內

一日本允軍務會在滿洲地方佔領或佔用之中國公私各產業在撤兵時悉還中國官民接受其屬無須備用者即在撤兵前亦可交還

一 中政府妥爲保全東三省各地日本陣亡兵將墳塋及立有忠魂碑之地  
一 中政府允將由安東縣至奉天省城所築之行軍鐵路仍由日政府接續  
經營改爲轉運各國工商貨物自此路改良竣工之日起以十五年爲限  
卽至光緒四十九年止屆時彼此公請一他國公正人估價售與中國未  
售以前准由中政府運送兵丁餉械可按東省鐵路章程辦理至該路改  
良辦法應由日本承辦人與中國特派人員妥商所有辦理該路事務中  
國政府援照東省鐵路合同派員查察經理至該路轉運中國官商貨物  
價值另訂詳章

一 中日兩國政府爲圖來往輸運便捷起見妥訂南滿洲鐵路與中國各鐵  
路接聯營業章程務須從速妥辦

一 允南滿洲鐵路所需各材料應豁免一切稅釐

一 已開辦商埠之營口雖允開埠尙未開辦之安東縣奉天府各地方其畫  
定日本租界辦法應由兩國另行安定

一 允設中日木植公司在鴨綠江右岸地方採伐木植至該地段廣狹年限  
多寡公司如何設立並合辦章程另訂合同總期中日股東利權均攤

一 滿韓交界陸路通商應照相待最優之例辦理

交收營口條款

一 營口地方日軍未撤以前凡關防疫防疫等事現經兩國委員商定暫時  
卽按日本軍官所訂章程辦理日後查有應改之處卽由地方官會同日  
本領事官隨時商改俟日本軍隊撤後卽由中國地方官自行主持辦理

一 凡軍政時代內所爲業經開辦或已籌畫而未經開辦之公益事宜應由  
地方官接辦查日本軍政官前已允許日清合辦股分公司開辦營口自  
來水電氣車電氣燈電話四業見經兩國委員商定自來水電氣車電氣  
燈可由該公司承辦但須將該公司原定章程送北京應管之部立案倘  
該部檢查此項章程有應更改或應添減之處該公司允爲遵照辦理自  
來水一業添股時必須先儘華人電話一業乃中國電報局收回自辦卽

由該局與該公司彼此各派一員會同查看該公司在營口已經製備所  
有電話產業估價照購倘彼此委員意見不同應由該局與該公司隨時  
公舉一局外之公正人由伊定奪遵守屠獸場一事應由衛生局接辦如  
何估價購買卽照電報局承購電話方法辦理由營口至牛家屯之輕便  
小鐵道俟電氣鐵道工竣卽行撤去凡關公益土木工程出於寓居該埠  
中外商人之同意由日本軍政官開辦或已籌而未經開辦者中國地方  
官允照接辦完工

一 警察衛生事務應歸中國地方官管理兼用日本警察教習及醫生見經  
兩國委員商定僱用日本警察教習及醫生除薪水外一切章程均按天  
津僱用日本教習醫生一律辦理倘日後未甚妥善之處一經日本領事  
官函告應由地方官酌辦

一 軍政時代內所有判斷訟案毋庸中國官再爲提訊所有文卷應由軍政  
官移交地方官存案另繕一分移存營口日領事署

一 海鈔兩關事宜歸海關道管理兩關進款暫存正金銀行將來戶部銀行  
開設於兩國銀行存儲見經兩國委員商定稅款於度支部銀行未設以  
前儲存營口正金銀行如何辦法應由該管官與正金銀行議定

光緒三十三年丁未中日新奉吉長鐵路協約續約又新奉鐵路借款合同  
一 中政府收買日本所造由新民府至奉天省城鐵路議定售價日本金一  
百六十六萬元在天津交付正金銀行兌收此路由中政府改爲自造鐵  
路允將遼河以東所需款項向南滿洲鐵路公司借籌一半之數

一 見中政府自辦吉林省城至長春府鐵路允將所需款項之半數亦向前  
開公司籌借

一 第一第二款所載借款條件除還清期限外其餘一切仿照山海關內外  
鐵路借款合同辦理其主要事項開列於左至鐵路辦事章程按照見在  
山海關內外鐵路總局辦法辦理

借款還清期限關於新奉鐵路遼河以東者定爲十八年吉長鐵路爲二

十五年在各期限未滿以前均不得還清全款此條與各公司不同  
新奉鐵路遼河以東向南滿洲鐵路公司所借之款即以該段鐵路產業及進款作保

吉長鐵路自籌之商股及向南滿洲鐵路公司所借之款均以該鐵路產業及進款作保

中政府於借款未清以前凡他項借款均不得以上所指鐵路產業及進款作保

中政府於借款期內應將遼河以東之鐵路及吉長鐵路房屋工廠車輛地段物產等經理妥善並添車輛令運載敷用無缺嗣後吉長鐵路添造支路或再展其建造之事歸中政府自辦如有不敷之款應向該公司籌借除所指之鐵路外如中國自行籌款建造他路與南滿洲鐵路公司無涉借款本息均由中政府作保如付息還本到期爽約公司即知照中政府應按所需之數代還公司倘中政府於公司知照後未能照所短之本息籌還應將所指之路及產業交公司暫代管理俟本息還清仍交還鐵路局管理倘所欠本息為數無多可通融展期惟不得逾三個月之久

在借款期內總工程師應用日本人至鐵路辦事人員倘華人不敷用亦可參用日本人倘有時須更換總工程師應與公司商明方可派委員並添派鐵路日帳房一員須具幹練之才於鐵路各帳務均有全責布置督理其監督收發事宜應商同鐵路總辦辦理

所指各路係屬中政府官路如遇軍務賑務在各路運送兵丁糧食均不給價

指明各路一切進款應存日本國銀行至如何存儲俟訂借款合同時彼此商定

一 中政府收買見有新奉鐵路後應從速與南滿洲鐵路公司訂立關於遼河以東之借款合同又派令中國工程師會同日本工程師履勘吉長鐵路以憑估計該路需款完畢後應於六個月內與公司訂立借款合同

一 中國所辦之新奉及吉長鐵路均應與南滿洲鐵路聯絡至一切章程由津榆鐵路局與南滿洲鐵路公司另派委員商訂

一 第一款第二款所載借款之實收價值應照中國最近與他國借款公平酌定

一 新奉鐵路售價交付後限一個月應由中國鐵路局派員接收經營光緒三十三年丁未中日會訂大連設關征收稅章程

一 由外國進口之洋貨及外國物料進口後製成各貨如運赴中國內地者應完進口稅

一 洋貨由中國口岸進口倘再運赴中國內地如無持有已完稅之憑據應完進口稅

一 洋貨由中國口岸進口只在租界地內銷用若復由租借地內裝運出口該出口處海關應將原收稅項仍應還付該貨主領收惟須呈有原出口處海關發給已完稅之憑據

一 土貨由中國口岸進口倘再運赴中國內地如持有已完稅之憑據應征收進口半稅

一 土貨由中國口岸進口如無持有已完稅之憑據先將應征正稅暫存本關倘或查有偷漏情弊將該貨及暫存銀項一并罰充入官

一 土貨由陸路運進租借地內再裝運出口者完納出口稅

一 租借地內所產各物及用租借地內所產物及外國運來之物料製成各貨若由本口岸裝運出口如持有由日本官署發給之憑據即不征出口稅

一 凡由中國內地或中國口岸進口之各物料如製成貨再出口者或按原物料完納稅項或按製成貨完納稅項可隨該商之便辦理

一 洋貨在中國口岸已完進口稅土貨在中國已完出口稅者再由日本口岸裝運出口不征收出口稅

一 由內地進口貨物及出口運往內地貨物除征收進口出口各稅外繳內



地執照稅

一洋藥由本口岸運赴中國內地應完納進口稅及釐金惟洋藥或土藥由中國口岸進口如持有已完稅之憑據或戶部印花者不征出口稅及釐金

一鴉片烟由本口岸運赴中國內地無論有稅無稅皆須由關給發准單並蓋戳後方可運往

一凡兵械彈藥爆發物及製兵械等物所用各料進口如未經海關允准不得起卸上岸如無持有清國官署發給護照不准出口運赴內地及中國口岸除供日本陸海軍及警署應用外概行禁止

一凡船隻進口應將船牌報單船口單呈報海關並註明船名國籍貨物起運之地與運往之地件數噸數船主必在該單署名該進口貨若經赴中國內地除在租借地銷用之貨籍單外將運赴內地之貨報關海關准單領取驗單完稅後給發

一凡轉船之貨先赴關報明允准方可裝轉私自裝轉罰貨入官

一洋貨進口照改稅之則土貨進口照通商稅則

一禮拜日放假日裝卸貨物必經海關允准給單另納規費此約大致仿舊章章程更迭多合

光緒三十四年戊申中日新奉吉長鐵路借款續約

一中政府允將京奉鐵路遼河以東路所需款項之半數即日本貨幣三十二萬元吉長鐵路所需款項之半數即日本貨幣二百十五萬元向南滿洲鐵路公司籌借利息常年五釐實收每百按九三扣付

一借款期內京奉鐵路遼河以東之總工程師應用日本人開辦伊始可即在京奉鐵路所用之日本工程師充之其事權仍照見在辦法歸京奉鐵路總辦與總工程師管轄倘將來須更換應按協約與南滿洲鐵路公司商派其事仍照上開辦法一律

一中政府因京奉鐵路遼河以東之帳目難以分開日政府允在該路司帳

人不另派日本人又日政府允中政府按該段借款總數算出按年應還本息數額再算出按月應還本息若干以此按月應還本息數額抵作為遼河以東路之餘利每月初一日存放南滿洲鐵路公司指定在中國之日本銀行以為屆期付還本息之用將來屆期如何付還本息及銀行給回存款息率若干俟訂立借約合同時另定此合同宜統元年立見後

一吉長鐵路總工程師及司帳人均按協約第三款應用日本人其任用法總工程師由中政府選擇幹練人材商明南滿洲鐵路公司後由中政府派委司帳人亦如之其更換亦如前法

一借款以十八年為期分三十六次還清

光緒三十四年戊申中日合辦鴨綠江採木章程

一查定鴨綠江右岸自帽兒山起至二十四道溝止距鴨綠江之面幹深六十華里內為界會同立界界內木植歸中日兩國合資經理採伐惟公司辦辦之始由兩國派員設局開辦俟一年後整頓妥協即由兩國招商承辦稱為鴨綠江木植公司

一公司資本定三百萬元由中日兩國各出半數

一公司總局設在安東如公司視為切要得呈報督辦再設分局

一公司允保全華人舊業木把事業查定界內准公司採伐外其餘界外暨渾江之森林仍歸中國舊業木把採伐所需款項可向公司貸借其所採木料除江浙鐵路公司所需道木及沿江人民自用木料直向木把採買外其餘全歸公司收買公司應按市價發賣不得任意壟斷此條大

一公司伐木及收買木把採伐之木如中國國家及衙署局所需用者應備有護照公司採買應照實在工本計算不得高擡價值此條大

一公司營業以二十五年為限限滿時如中國政府親公司經營倘為妥協該公司可稟請中政府酌予展限此條大

一公司應設督辦一員由奉天督撫派東邊道兼理監督公司又設理事長二人中國一員日本一員各由本國派充經理一切業務其餘理技師等員由理事

二人中國一員日本一員各由本國派充經理一切業務其餘理技師等員由理事

二人中國一員日本一員各由本國派充經理一切業務其餘理技師等員由理事

長會同選派所有界內入山伐木人若需兼用別國人由理事長先行督辦核辦

一公司於每年底造成該年一切事業報告書及收支計算書呈送兩國該管官查核

一公司所有進款除一切消耗開支外以餘利百分之五報效中國國家至提此項報效後所有淨利歸中日兩國股東均攤至公司消耗不得任意開支應按期先行核算公司用人薪水及一切經費等支款開呈督辦核准

又中日接收滿洲陸綫辦法合同

長春昌圖開原鐵嶺新民府奉天遼陽營口安東南尖等共十處路長六百餘里付日本洋五萬元

又中日烟臺大連水綫辦法合同

一離烟臺七英里半相接之處修費由中日兩國各攤認一半

一該水綫應用之水綫房上岸連接之綫及局中應用各件由中日兩國於兩岸各自置備日後應用經費亦各自認給

宣統元年己酉吉長新奉鐵路借款合同

一會社允借修築新奉鐵路遼河以東綫所需半數之款日本貨幣三十二萬元每百元按九三折付以十八年為期分三十六次還清

一會社允借修築吉長鐵路綫所需半數日本貨幣二百十五萬元每百元按九三折付以二十五年為期分四十次還清

宣統元年中日圖們江界務暨東三省交涉五案條款

日俄戰後日本統握朝鮮之權遂以界務為詞強名圖們江北地方為開島附會穆克登碑東為土門之語別指他水為土門復藉口韓人李範允之亂派弁於六道溝等處聲言保護韓民日弁之在延吉者與我官兵數相衝突始有火狐狸溝日兵傷斃巡警一案繼有和龍峪日兵擅入衙署傷官戕兵一案此外小案不可殫述嗣則愈逼愈緊竟有添調多兵之舉

動遂與日使協商必俟延吉一案公認圖們江及石乙水為交界以鞏領土之權聖地韓民歸我裁判以收管轄之權然後將吉會撫順兩案酌量讓步辨論數次始克定議

一中日兩國政府聲明以圖們江為中韓兩國之界其江源地方自定界碑起至石乙水為界

一中政府俟本約簽定後從速左開各處准各國人居住貿易日本政府可於各該埠設領事館

龍井村 局子街 頭道溝 百草溝

一中政府仍准韓民在圖們江北墾地居住其地界四址另附圖說

一圖們江北地方雜居區域內墾地居住之韓民服從中國法權歸中國地方官管轄裁判中國官吏當將該韓民與中國民一律相待應納稅項及一切行政上處分亦與中國民同至於關係韓民之民事刑事一切訴訟案件應由中國官按照中國法律秉公審判日本領事官或委派官吏可任便到堂聽審惟人命重案則須先行知照日本領事官到堂聽審如領事官能指出不按法律之處可請中國另派員復審

一所有圖們江北雜居區域內韓民地產房屋等由中政府與華民產業一律保護並在沿江擇地設船彼此人民任便往來惟無護照公文不得持械過境雜居區域內所產米穀准韓民販運如遇歉收仍得禁止柴草援例照辦

一中政府將來將吉長鐵路接展至延吉南邊界在韓國會齊地方與韓國鐵路連絡一切辦法與吉長鐵路一律辦理至應何時開辦由中政府酌量與日政府商定

一本約簽定後即當實行其日本統監府派出所及文武人員亦即從速撤退限兩月內退清日本在所開商埠亦兩月內設立領事館兩國大臣各奉本國政府合宜委任

東三省交涉五案條約

一 中政府如築造新民屯至法庫門鐵路允與日本政府先行商議

一 中政府認將大石橋至營口支路爲南滿洲鐵路支路俟南滿洲鐵路期滿一律交還中國並允將支路末端展至營口

一 撫順烟臺兩處煤礦見經中日兩國政府商定如左

甲 中政府認日本開採上開兩處煤礦之權 乙 日本政府尊重中國主權並承允上開兩處煤礦開採煤斤向中政府應納各項惟該稅率應按中國他處煤稅最惠之例另行協定 丙 中政府承允上開兩處煤礦開採煤斤出口外運時其稅率應按他處煤斤最惠之例征收 丁 所有礦界及一切詳細章程另派員協定

一 安奉鐵路沿綫及南滿洲鐵路幹綫沿綫礦務除撫順烟臺外即應按照光緒三十年東省督撫與日本總領事議定大綱由中日兩國人合辦所有細則屆時仍由督撫與日本總領事商定

一 京奉鐵路展造至奉天城根一節日本政府允無異議其如何辦法可由該處兩國官及專門技師妥爲商定兩國大臣各奉本國政府合宜委任繕約簽名蓋印以昭信守

宣統三年中日協定撫順烟臺煤礦細則

一 南滿洲鐵路株式會社對於撫順烟臺兩煤礦所出之煤允以出井原價百分之五計算之出口稅繳納於清政府但出井原價在每日出煤未滿三千噸期內每噸爲庫平銀壹兩又每日出煤過三千噸時每噸定爲日本金幣壹元以此計算稅額

一 由海口運出之煤允每噸以海關銀十分之一兩卽銀一錢計算之出口稅納於清國海關

一 會社所用之煤免納出井稅但其數每日定爲七百噸

一 艦船自用裝載出口時照海關章程辦理

按撫順礦山境界西以古城子河爲界東以龍鳳坎爲界  
烟臺山界有龍票八處 磨箕山 尖子山 田家溝 盤道嶺 華子

嶺 尾明山 其大檢溝華家溝二處讓出

宣統三年辛亥中日滿韓鐵路國境通車章程

許鼎霖與日領開議定章約十二條附件六款通過第一條以江中心爲國界第六條鴨綠江不得謂之陸路第七條征收稅照海關稅則征收第八條查察經理之費須日貼補第九條禁日兵任意往來以保主權第十條韓僑在三省規定第十一條兩國運貨稅率均須公平第三條朝鮮鐵路之車頭不得至安東車站以西

附件

一 運軍用製造機器及建築物商酌減價

二 運軍用鎗礮子彈軍裝馬匹等均減收半價

三 運解中國人犯及護人經過該路減收半價

四 各學生年暑假及旅行往來該路減收半價但須有該校證明書

五 遇官家招募苦工經過該路臨時商酌減價

六 運地方慈善公益需用用品及賑災民該路隨時酌減

皇朝續文獻通考卷二百五十九

外交考二十三 條約 巴 剛果 俄 各國總約

同治十三年甲戌中祕會議專條暨通商條約

華工專條

祕國地方有華民多名且稱有受委曲之處茲欲兩國通好訂立商約庶彼

此同心一面由中國派員往祕國將華民情形澈查祕國無不全力相助

以禮接待俟委員到時諭各地方官實力襄助如查得實有受苦華工合

同年限未滿由委員開單知照地方官雇主倘不承認即由地方官傳案

訊斷若華工仍抱不平立許上告祕國大員覆查凡僑寓祕國無論何國

人民最優者華工一體均沾其益自祕國核定此項章程起凡華工合同

期滿即當嚴令雇主出資送回如合同無送回字樣該工人無力自出船

資祕國應將該工人附搭華船送回船資無須工人自備

通商條約十九條

第七款祕國保護華民擬於祕國各府地方凡華民居住之處即在該處衙

門內設一漢文繙譯官以便通曉華民言語隨時保護此約與西約大

宣統元年中祕條約證明書

中國公使伍廷芳祕國外部大臣玻立士立會押聲明一千八百七十四

年六月二十六號全權大臣李鴻章葛爾西耶所署押於天津之和好通

商行船條約為有效力該約內容所載仍當廣續履行兩大臣秉本國政

府應有之權立此證明書

又中祕廢除華工苛例證明書

以祕魯停止華人進口飭諭與和好通商條約相違背且與萬國交通之

正道大法亦不相容請除開例擬訂款目九條

一 中政府允自行停止出口工人來祕

二 凡中國人欲往祕魯者須先到該省總商會報明發護照

三 該商會查明該出口之人是否到祕謀苦力自給者如查明確非此項人

且有殷實人具保該會即呈勸業道發給護照

四 來祕之人領照後到駐中國香港祕領事驗明簽押應繳驗照費一磅即

祕銀十元原定英約招工洋商每名出三元為委員經費非出自華工

五 由祕回華之人如欲再回祕者須先向中國領事署報明領取護照送至

祕外部驗押發交

六 領照自中國到祕者應由祕船政官驗明註銷

七 本證書所指出口工人係專指無業人欲到祕謀作苦力之工而言其餘

概不限制

八 凡婦女孩童來祕及官員隨從人不必領護照

九 凡中國人除工人外欲由羣馬智利厄瓜多及不論何國來祕者攜同眷

口使役等游歷或營謀均須向中國使署或領事請執照若無此項官則

向別國領事或外交員代理中國事宜者請領執照此項執照當啟程時

先須送駐該國之祕國公使或領事驗押如該處無中國官又無代理中

國民事之官則祕國領事亦可發給此項執照惟發照驗照須繳費祕銀

五元

祕外部重復申言政府所以頒發前諭之理由其中尤為重要者原為杜絕

輿情使不得更有仇恨反對旅祕華僑情事以保其安樂免其驚擾既據伍

大臣稱中政府有意設法自行限制人民出口按照所擬辦法本大臣應與

聲明五月十四號之飭諭立停效力並願將上開各節頒行駐港及所駐各

處祕領事及船政官飭其遵照辦理並將涉於反對上開各款舉動概行廢

除兩大臣各乘所受本國政府應有之權立此證明書署押加印為據此書

專指華工而指回國保僑亦不加從前保僑華工英約之書

光緒七年辛巳中巴訂和好通商條約

一 巴西使臣駐京照優待之國無異

一 兩國通商口岸設立領事等官此等官必須奉到駐紮之國批准文憑方

得視事所派官不得以商人兼充亦不得兼作貿易領事官獲享恩施與

待最優之國無異至商民交涉事件與本地官民齟齬者領事官不得任意爭執辦事不合彼此均可按照公例即將批准文憑追回

一 中國人民在巴國如安本分不違巴國律例章程無論何處任便游歷巴國人民亦准往內地游歷由領事官照會關道請領印照回日繳銷其印照寫中巴兩國文字經過地方將執照呈驗該民雇人雇車船等不得攔阻如照內有誤及查出沿途不法情事即送交就近領事查辦途中只可拘禁不得凌虐如在各口岸出外遊玩者地在百里期在五日可毋庸請照至船上諸色人等不在此例

一 兩國人民准赴通商口岸貿易嗣後如有優待利益係出甘讓立有專條互相酬報者彼此須將互相酬報專條或互訂之章一體遵守方准同沾優待他國之利

一 通欠案件由欠戶所屬之官勉力設法使其償還竊盜案件應由被告者之國律例辦理兩國官均不代償至中國人民遇有本身犯案或牽涉被控凡在巴西公館寓所行棧及商船隱匿者由地方官知照領事一面立即派差協同拘拏不得庇縱

一 巴國屬民在中國自相控告案件歸巴官查辦設與別國有事在中國涉訟應由巴國領事與該國領事辦理以上案內如涉中國人仍應按前兩款辦理

一 兩國商定彼此人民不准販運洋藥至通商口岸並由此口運往彼口亦不准作一切買賣洋藥貿易兩國商民船隻不准雇用販運洋藥如違均由各本國自行永遠禁止此係兩國公同商定不得引一體均沾條講解

此條與美續約同  
臣謹按此約如禁販洋藥領事必批准視事游歷由關道給照優待利益出於甘讓彼此立專條互相酬報方准同沾利益訟案拏犯可派差協同拘拏均能力挽舊約之失此約以祕魯條約為底本參用別國條約同者不復敘

宣統元年己酉中巴公斷專約

一 凡法令上之爭論或兩國條約解釋之爭執勢難由外交官和平了結均可向一千八百九十九年七月二十九日條約中在海牙所設之常川公斷衙門投控並請審斷但無礙兩國國本上之利益國權之獨立國家之榮亦不得干涉第三國之利益此外如締約兩國中有一國情願亦可將本約所訂公斷之件送交他國君主或友邦政府或從海牙公斷署中所列公斷員名冊外另選一人或數員審斷

一 凡遇有爭端締約國於投控海牙公斷署或他項公斷員數人或一人之前應先立一專章為之簽押敘明爭執理由審定公斷員權限及一切應行遵守之細則此項細則即組織公斷所之權限或遴選公斷員一人或數人以及訴訟法等皆是

本款所有專章凡中國所應具者當由中國大皇帝斟酌合宜格式及辦法主持施行其巴西國所應具者當由巴西總統得國會認可而後辦理

一 本約自換約之日起以五年為限如限滿前六個月未經締約國聲明廢約者則作續訂五年嗣後期限照此計算

一 本約俟兩國按照正式安定後再請 批准一俟批准後即在巴西京城換約本約用三國文字書寫一葡文一華文一法文共作四分約中如有礙難解釋之處當以法文為憑

為此兩國全權大臣將本約親筆畫押蓋用關防

光緒二十四年戊戌剛果國訂立專條

一 中國與各國立約凡載身家財產與審案之權待遇各國者今亦施諸剛果自主之國

一 議定中國人民可隨意遷往剛果國境內僑寓居住凡一切財產皆可購買執業並能更易業主至行船經商工藝各事其待華民與最優之國相同

光緒二十五年己亥中墨通商條約

一兩國皆可派使駐京與優待之國同等

一兩國於通商口岸可設領事官

一人民出洋無論單身攜眷皆須出於情甘不准勉強詭誘兩國人民及船隻違約必從嚴究辦

一兩國准通商貿易

一此國人民寓居彼國境內不得勒令充當水師陸師義勇亦不得出資捐

免不得以軍需名目勒借強派惟遇按產抽捐之事此國人民在彼國置

有產業照彼國人民一律辦理船隻器具貨物均不得強令捐出以供軍

務

一商船貨物往來通商口岸應輸各費不得較別國有殊不得在一國之內

各口岸往來載貨必互立酬報始可均沾

一審案擊犯

一敦和保護人民

一安分商民任便領照游歷

一此國人民立合同在彼國承工不論田寮機器廠行店住宅等處應照兩

國定章辦理

行船通商詞註  
均如通例不致

宣統三年辛亥中墨賠款證明書

前因旅墨華僑因遭亂損害身命財產甚巨經使臣向墨政府申訴允賠

價墨銀三百一十萬元並允賠禮追兇完案

同治五年丙寅南洋大臣咨行沿海各省招工章程

准總理衙門咨查英法兩國續增條約內均載有招工出洋一款本衙門

現與兩國駐京公使公酌定章程二十二款各畫押蓋印希即轉行各

省督撫大吏並飭各口該管各員遵照嚴密稽查

第一款 中國通商口岸凡有商民欲請設公所招工應將合同底稿並在

公所治理工人章程稟請領事查閱又因各國搭船之例不同必有該商

已經按例遵辦實據領事始能查明

第二款 該商稟請前來領事查其實屬殷實妥當之人即將所呈合同章

程酌情刪改方可轉移該管地方官查閱俱屬妥協立給印牒准設招工

公所領事即將印牒及合同等件一併存案

第三款 印牒既出不能無故註銷其有故者必須地方官與領事會議如

果意見相同該所方可關閉罷招該商自不准追請賠償

第四款 合同章程等件該商須於招工公所門外房中書寫懸掛以便工

人均知其詳合同章程經地方官暨領事准辦該商嗣欲刪改可稟明施

行惟各官尚未批准不可擅自擅行至於該商或欲遣人代覓承工准將

合同章程抄單稟請領事及地方官用印發給執照方准遣人分赴該省

鄉鎮等處代為宣布

第五款 招工各商既立合同與華工定議務須逐款盡守凡有負約之處

惟該商是問俱按伊國之例傳案究審

第六款 各商欲遣華民代覓承工此項承遺者必由地方官先給蓋印准

單方可前往後或干例無論故違誤犯惟本人是問俱歸地方官傳案究

審

第七款 凡有招工事務中國專派委員協同監理華民有欲承工任便赴

所該商眼同委員註寫姓名於簿註畢該工任聽回家或在公所候搭便

船出洋

第八款 華民承工出洋或係獨身或係攜眷所立合同必須逐款開載一

指定何國何處承工年限多寡一限滿回國計其人口約需水脚路費若

干一在彼作工預定日期時刻一在彼承工應受衣物工食並各等利益

一遇有疾病醫藥不用該人工值一隻身出洋或有眷口留華意欲按年

計月撥給養家之費應扣若干一所有今定章程第八九十以及十四二

十二等款盡須開列

第九款 合同所定承工年限不准逾於五年期滿如欲回國必將合同所

註水脚路費按數全交便船送回中華如或限滿不欲回國其法有二一則聽該處官准否留住准時即將原定路費全付一則聽其復行承工另立合同將原定銀數付給一半合同仍不過五年期滿仍照前次合同原數付船送回設若華工至彼處後患病不能作工該處不俟限滿先行按數給錢送回否則准其赴官稟請申訴

第十款 承工工作日期時刻定七日之內必得休息一日一日之內工作不過四時六刻即外國九點鐘第二刻也如足所定日期之數不准強其工作過時至於休息時日之閒如果正工之外該工力能別有操作抑或另承工課准向本主酌定酬值惟牧畜以及日用常事仍屬正工不必因係休息時格外議酬

第十一款 華民年不及二十者或欲承工出洋必須取其本身父母准往憑單蓋用地方官印信方准承招如或無從取其父母確據亦應取具地方官蓋印憑單如無此單不准前往

第十二款 華工姓名既已註簿自是日起至少扣至四日方准在監理委員面前將合同念與該工聽明問其是否願往伊實願去立即令其畫押第十三款 合同既已畫押該工自應由總招工商人准否離所不能擅自出入將次下船之日監理委員親至公所各該華商當面認明畫押該船未出口之前一日海關監督領事或親往或派委赴船將華工按數點明核對清楚將單繳到監督領事官各署分別畫押抄錄存案點明後華工如有變約不肯前往即准查明住居公所之日每日追出飯食銀一錢如該工無款歸償應交該管官按例治罪

第十四款 華工未完之先該商如有預交銀錢皆應以為承招賞需用不准追還惟因支用安家之費准商預支每月扣還一元以清欠款其數亦不准過六月工值此項銀兩該領事必須設法實令安家不得別用其餘支借各項一概不准又以華工或在船上之時或在彼處之後曾借銀錢等物約明期滿後作工找還一併嚴禁如至期滿將欲回國之時或有

債主伸訴藉此情節請為扣留華工亦必不准因此攔阻

第十五款 招工公所如何辦理領事與地方官既經會議定章華民承工居住總須遵照奉行

第十六款 華工居住公所或有滋事情弊立即鎖禁俟地方官委員查收按例審辦所有商夥人等不准擅行治辦

第十七款 該口招工公所俱准兩國委員隨時任便出入傳問華工所中房間均歸該員等查管以期分撥華工眷屬人口得以團聚免其雜混又各房必須治理清潔方足怡養精神秉公畫押合同以及上船之時該委員等亦當在場監視如見所下之船似不妥協准令華工暫免下船俟覺醫生抑或熟識船隻之人勸明載奪船內華工有患傳染症人即刻令其上岸

第十八款 華工下船委員點明開單該商按所招之工每名出銀三元交付海關銀號收存以備監理委員經費

第十九款 犯法華民或在逃或越獄承工地方官查出照會領事交出領事立飭移付地方官確計該犯居住所中之日除每日償銀一錢以補該商虧欠外所有所中簿上註明付給該犯銀錢衣物等項亦應一體償還

第二十款 各國運載客民之船所有布置客寓艙房預備火食保其整潔俱有定例招工之商欲將華工運往外洋先須稟明領事查核實符定例方准運往惟領事既經批准或有委員以該船尚有不妥情節稟明地方官以為不宜出口海關暫准不發紅牌俟確切詳查轉報該國大臣會議後定奪

第二十一款 點名開單應備兩本分別存留帶往該船到指定某國口岸船主先將副本邊沿註明華工在途或已死亡疾病各節呈上伊國領事並該處地方官請為分別畫押以備送回俟該單至中國之時招工商人必呈領事轉移地方官查核

第二十二款 華工出洋夫婦不能分派兩處作工幼兒不及十五歲者不

准令離父母至於華人欲在彼承人招工不分鋪戶莊田其後鋪田轉付他人該工亦當奉爲招主如或原主仍在鋪田或因別故又使另投他主該工自願方可否則不准強行更換

以上各款公同酌定外又言明除華民不待承招自行出洋中國官毫不攔阻外若有意圖招工不遵章程另行設法招華民出洋作工此爲例所嚴禁查出另行重辦更有華民不肯離國有人膽敢私行騙往勉強脅從即照刑部奏定新章立予正法且以招工事務既經定章通商各口均准從會理該商不准開所招工等語核定存案中外官民應與前項二十二條同一遵行今將章程等件各繕三分蓋印畫押以昭信守再查澳門一處多有內地奸民拐騙抑勒承工沿海附近民人深受其害該處現尚未有中國官員駐紮實屬無人照料所有澳門一處未便遽准華民由彼承工出海請貴大臣轉諭各商並貴國商船亦不准在彼裝載華民出洋以期周密

光緒二十四年戊戌長江通商章程

一有約各國之商船往來各口即鎮江南京蕪湖九江漢口沙市宜昌重慶八處並不通商口岸起下貨物即安徽之大通安慶江西之湖口湖廣之陸溪口武穴等處以上各處外其餘長江沿途不准私自起下貨物如違照條約沿海私作貿易之例辦理惟搭客暨隨帶行李准於常搭船之處上下江宜興黃子岡黃州蕪湖漢口及新堤

一長江貿易之商船見分三項一爲由鎮江上江暫作貿易之出海之大洋船一爲由長江此口赴長江彼口或由上海赴長江各口常川貿易之江輪船一爲划艇釣船及華式船隻照各口分章辦理

一大洋船入江若不過鎮江貿易者即在鎮江辦理照海關辦理無異若過鎮江往上海貿易者無論輪船夾板均由船主將船牌呈交上海或吳淞或鎮江之領事官如無領事官即交稅務司查收或領事官行文即立發江

照一紙載明船名國旗噸數及何項貨物並攜帶保護軍械等情名爲長江專照即可持赴上海行駛無論抵何口進出報關起下貨物完納稅鈔與沿海各口辦法無異俟回發江照之口岸時將江照繳銷由關查明稅鈔完清即發紅單准該船領回船牌出海

一常川貿易之江輪可將船牌呈交上海領事官交江海關稅務司發江照載明船名國旗噸數亦如上法名爲江輪專照即以本年爲限每年在上海換領一次如該船不在漢口以下貿易即在漢口換領不在宜昌以下貿易即在宜昌換領此項江輪專照進出口起下貨物完納稅鈔均照各口關章辦理至船鈔一項應在發給江輪專照之口岸即上海漢口宜昌等關完納如遠長江口岸章程首次照沿海各口罰辦二次即將江照撤銷不准過鎮江上江貿易若江輪專照之輪船過鎮江上江者照第四條大洋船辦理

一凡江輪專照之船俱按沿海通商口岸辦法納稅即出口稅應於下貨以先在裝貨之口完納其進口稅或復進口稅應於放貨以先在起貨之口完納至裝貨撥貨卸貨均照沿海章程先爲報關呈驗請領單與沿海各口辦法一律凡進口起卸茶葉者該貨主無須完納復進口稅特准按數另具復進口稅之保結俟該茶葉呈有十二個月限內復運出口之據即將保結註銷如此項復出口茶葉再進他口設如由漢口復出口復進上海口岸者應於復進之口令再具復進口稅之保結俟限內再復出口時註銷以此類推

一划艇等係洋商之船持本國船牌懸本國旗號若欲過鎮江上江貿易者應於領事官或稅務司處請領長江專照所有呈報海關起卸貨物完納稅鈔俱照大洋船一律辦理

一釣船等如係洋商之船但無本國船牌即無懸旗之理均應於本口稅務司處請領關牌所有呈報海關起卸貨物完納稅鈔俱照划船辦理

一凡洋商雇用之華式船隻只准裝載實係洋商自置之貨由通商此口赴



通商彼口須於稅務司處請領專牌由洋商出具切結載明該船所裝確係洋商之物運往某口在彼完納稅鈔等情倘該船不按照辦理即該貨非運某口在彼完稅該關稅務司嗣後即可不發此項專牌交該商執領此項船隻呈報海關起下貨物完納稅鈔俱照划船辦法

以上三項船隻均於出口之關請領總單俟抵他口將總單呈交該關方准起貨若進口時所卸之貨不及總單所載之數惟該船主是問

一長江貿易之商船如遇巡船及他項關船若索閱船單江照務須呈驗若該船並無牌照即照約各處私作貿易之例辦理江關並可將其封閉艙門亦可派關役押送其有江照之第一項船中途經過之口並不起卸貨物即無須在該口停泊驗牌照

一長江貿易之船既修改新章頒發遵行舊有之章不符應由各關籌備新章俾得遵訂分章與新章相輔而行頒示宣布一則便利商情一則嚴防偷漏

華洋輪船駛赴內港章程

一內港准在口岸註冊之華洋各項輪船任便照後列之章往來專作內港貿易不出中國之界前往他處

一非海式之華洋輪船或在口岸內駛行或往來內港除按本國律章應隨有之牌照外尚須赴稅務司處領關牌其關牌內應將業主姓名籍貫註明並將船名船式及水手人數等項按行開列每年換領一次如該業主及停止貿易即將所領之關牌繳銷初次領牌應納牌費關平銀十兩其後每年換領新牌納費二兩

一此項輪船在口岸內駛行無須每次赴關呈報惟欲赴內港於出口回口時俱應一體報關無關牌者一概不准前往內港

一此項輪船懸掛燈蓋防範碰撞及招雇更換水手與查驗水鍋械器俱遵照各口原有章程辦理應由海關頒布刊入船牌內

一此項輪船如在各口照章裝載應稅之貨駛赴內港應即報明海關由關

核定應否照完何項出口稅如由內港應稅之貨駛回本口應即報關由關一體核辦凡屬洋商之船應完何稅即按條約辦理

一此項輪船在內港各處起下貨物應照該處定章納各項稅釐凡屬洋商之船照條約稅則比例辦理

一此項輪船若拖帶船隻被拖之船應於何處釐卡候驗則該輪亦應停輪該輪裝貨並被拖船貨俱照該卡章程辦理惟洋商應遵之章須與條約相符仍由海關一體頒布長江輪船若無海關特照一概不准拖帶貨船

一凡在內港犯事者無論違背稅章或毆辱人命或盜竊財產由地方官按懲處本處人民之律章審斷若係洋人之船即犯事者為洋人船上所用之華人應由地方官一面知照就近口岸之稅務司轉告該船之領事官該領事官即可派員前往觀審若犯法者為洋人照條約所論護照之條將其人送交就近口岸稅務司轉交該領事官辦理

一凡此項輪船如經過稅關釐卡等處並不遵允停輪或搭客水手在內港地方滋鬧肇事即照各關卡定章罰辦一面由海關將該船之船牌撤銷不准復在內港貿易倘係洋商之船若該商以審斷案情及罰辦均照同治七年會商船貨入官章程辦理亦可

內港行輪補章

一凡輪船裝載洋貨入內地或領取子口稅單或沿途逢關納稅遇卡抽釐均聽商便該貨已到指定處所有本地應征稅釐即與該船無涉惟該船不得私起貨物

一在通商口岸將土貨裝載輪船運往內港應先報明該關照民船裝載出口完稅之例完納出口正稅該輪船往內港所裝之土貨若遇關卡須按該處章程完納各項稅釐等款與民船辦法絲毫無異若所報之貨為復進口之土貨已在他口完清出口正稅即無庸重徵出口正稅惟該貨沿途仍應按內地章程完納各項稅釐與他項貨物無異該貨無論何處運來已到指定之處所有本地應徵稅釐即與該船無涉該船亦不得私起

貨物

- 一 凡土貨在內港已裝輪船欲運他處即可認明係已完該處之各項稅釐嗣後無庸呈有該處已完釐之據惟遇沿途關卡仍須按該處之章程完納稅釐該輪到口時該貨若係在本地售用向係在該處徵稅與民船所運之貨徵稅無異除此項稅納之外所有各項稅釐捐款經費等項即與該輪船無涉若所裝之土貨係欲運往外洋或照本章辦理或照鎮江子口單章程立具保結領取三聯報單均聽華洋各商之便凡運土貨到口欲立即撥過出口船隻者於徵收出口正稅之外餘不再徵
- 一 凡華洋各輪往來內港每四個月一律在掛號之口按章納船鈔一次民船被輪拖帶者必按章完納船料
- 一 凡民船裝載貨物被輪拖帶者其貨物徵稅之辦法與輪船之貨無所區別
- 一 凡華洋輪船往來內港必須在民船貿易常用碼頭起貨下貨不准在別處任便起卸如違章在別處起下即照條約所載沿海私作貿易之條辦理又掛號之行駛內港船隻若駛赴中國境外初次罰銀在二百兩以內再犯者不准在內港貿易
- 一 行駛內港船隻報明往內港時本口海關應發給本關總單一紙內註明該船載何項貨物斤兩若干以便至沿途各關卡時呈驗若徵納稅釐即按總單徵納惟疑有迹近影射者亦可即時盤驗至該輪到起貨之處船主須備一艙口單內註明在該處所應起之貨物各類若干
- 一 原章第七款所載各該卡之章程應以本年為限由中國將各卡章程頒布衆知其未經頒布以前如有船隻過內港各關卡不行停輪候驗尙不得違行議罰惟該輪若經本處關卡或巡船喚令停輪竟不遵照停候者應即議罰
- 一 內港各關卡章程頒布後通商各口應由該省大吏各派一妥慎之員代收輪船往來內港之稅釐等項由該員按定期呈報大吏查核遇有輪船

報明欲往內港何處該員即將該船所裝何貨若干沿途應經某關卡共應完納稅釐若干核明總數先行徵收隨即發給總單一紙以便前往貿易該輪過沿途關卡時即將此單呈驗放行不得阻滯至本章程第二三款所載之稅亦由該員一并核收各該員應於新關附近之處設局與本口稅務司和衷會辦不可自專遇有疑難事件應請本口稅務司與監督通融酌議辦理若案中牽涉洋人即可任聽商酌按照會訊章程辦法辦理

光緒二十五年己亥和蘭保和會公約

一 畫押之國議定如遇決裂或啟爭端須於用兵前審度緩急特請友邦一國或數國和解或從中調處

一 或一國或數國亦審度緩急自願出場和解調處此等辦法畫押國均謂可行雖開戰之時仍准局外和解調處

一 公斷之案如相爭國未經訂明願歸公斷之約不在此例

一 每國應選向有名望公法專家並願充公斷人至多四員派充常川公斷衙門議員知照畫押各國所有議員可聽兩國或數國公選一員或數員亦准兼充數國議員充選以六年為限亦准展限

一 公會各員以畫押國駐和使兼充以和蘭外部大臣為會總

一 辦公經費畫押各國由各國分認

一 所舉議員係一國之君或係一方之主公斷辦法應由此君此主核奪

光緒三十一年補畫第一次保和會公約

允准紅十字會醫藥船在開戰時免納各口岸交納國庫之稅鈔

光緒二十七年辛丑

命慶親王李鴻章與德奧日比英美俄法義日本和蘭十一國議和約

一 降旨照允足通諸國之意德國欽差被戕派醇親王載灃為頭等專使赴德京表國家惋惜之意在遇害處立碑

一 懲辦首禍端郡王載漪輔國公載瀾均定斬監候罪名如加恩貸其一死

即發新疆永遠監禁莊親王載勛都察院左都御史英年刑部尚書趙舒翹均賜自盡山西巡撫毓賢禮部尚書啟秀刑部左侍郎徐承煜即行正法協辦大學士吏部尚書剛毅大學士徐桐前四川總督李秉衡均已身故追奪原官即行革職兵部尚書徐用儀戶部尚書立山吏部左侍郎許景澄內閣學士兼禮部侍郎銜聯元太常寺卿袁昶因上年力駁悖亂之匪被害開復原官以示昭雪甘肅提督董福祥革職俟查應得罪名懲辦上年兇慘案內承認獲咎各外省官分別懲辦諸國人民遇害被虐之城鎮停止文武各等考試五年

一日本書記生被害降旨派戶部侍郎那桐爲專使赴日本代表國家惋惜之意

一定諸國被污瀆及挖掘各墳塋建立滌垢雪侮之碑

一禁止軍火運入中國二年

一償付諸國海關銀四百五十兆兩年息四釐分三十九年清還以新關進款爲擔保借款又進口貨增至值百抽五鹽政各進項餘騰併入擔保北河黃浦兩水路改善國家撥款相助

一使館展拓界內不准人民居住常留兵隊分保使館

一大沽礮臺及京師至海道各礮臺一律削平

一留兵駐守黃村郎坊楊村天津軍糧城塘沽蘆台唐山灤州昌黎秦皇島山海關

一頒布永禁仇敵之會違者皆斬各省督撫文武暨有司所屬境內有保安之責如復滋害諸國人民之事再有違約之立時彈壓懲辦否則該管之員即行革職永不敘用

一通商行船各約內有諸國視爲應行商改處宜行議商以期妥善北河每年六萬兩黃浦每年四十六萬兩半由國家付半由外國付

一總理衙門改爲外務部列六部之前變通覲見禮節

大皇帝乾清宮正殿覲見時來往乘轎至景運門換乘椅至乾清門階降輿

步行至乾清宮

大皇帝前禮成一體回館

呈遞國書時加用黃繡如親王所乘之綠轎到館迎使臣入大內

呈遞國書

皇帝必親手接收如宴諸國使臣議明在大內之殿廷設備

皇帝亦躬親入座

光緒二十八年壬寅通商進口稅則善後章程

一凡進口洋貨不載在進口稅則者應按每值百兩抽五兩之例完納惟估價之法亦須訂明以昭平允

一所估之貨應按該處市價爲本至市價銀兩則按該處平色爲準照此平色合足關平若干惟此數係有值百抽五之稅銀並洋行經手各色七兩

之使費在內自應在估價一百十二兩之數扣除十二兩方爲貨物起岸之實價按每值百抽稅五兩

一該貨在尚未報關之先已售於華商應視真正合同所載價值之總數卽爲市價可以按照抽稅

一該貨如按某國出口價值並加盤運水脚保險各費照此價值出售華商亦可以爲市價按照抽稅

一該貨在尚未報關之先並未售於華商應由海關查驗以定其價值之多寡貨色之高下倘海關與該商意見不同卽由海關揀派一員由該商之

本國領事官選派商人一位並由領袖領事官亦選派商人一位惟領袖領事官所派之商人不得與該商同國至三人既認此責自當細心考察

不能敷衍過久定期以半月爲限考察貨價貨色三人所定如不相同則應從二不從一自經斷後海關與該商不得再有異說卽照所斷辦理該

貨究應如何考察其價色亦應憑二人所議不憑一人所論再所派考察該貨之二商人亦當有酬勞之項見議各送銀十兩此二十兩費用見訂

若查出以海關估價實係公道此費卽由該商認繳若是查出以海關

所估雖有不符而以該商所報每百兩內已少七兩五錢此費亦由該商認繳若是查出以該商所報每百兩內不及七兩五錢此費即由海關自給若是查出以該商所報每百兩內少有一兩之多則海關應將該貨暫行扣留飭令該商遵所定價值輸納進口正稅並按少報價值應完之正稅罰繳四倍俟此兩稅均已完清該貨方准放行

一凡洋貨由外國某處運來如有某處所給價值憑單海關如令繳出自應遵照呈繳不得故為隱匿

一凡外國運來之米以及各色雜色糧麪並金銀以及金銀各錢印字書籍水陸各圖新聞紙等均准免稅放行進口凡船隻進口雖經專載免稅之米及各色糧麪等亦應輸納船鈔凡油煤等物進口報關納稅後如實為復需自用之故轉運下船則海關即將已完之稅以存單發還

一食鹽不准販運進口如洋鎗鎗子硝磺並一切軍械等物祇可由華官自行販運進口或由華商奉有特准明文亦准放行進口如無明文不准起岸倘被查擊即行充公

光緒三十二年丙午羅馬萬國農會合同

義主創立此會宗旨與和蘭強兵會用意頗同各國競尙戰功和蘭兵力有限故創強兵之議各國競務商利義大利商利未盛故創重農之議總此不甘落後力爭面子之見義國地居溫帶全境皆沃壤於樹藝最宜論其地力實比他國為勝惟中國遠處東方派員來此攷求殊屬不易攤分一節幾同擲虛耗然既入會原為聯絡邦交起見日本同居東亞將來攤分多寡似可仿照日本辦理

宣統元年己酉海牙設立保和會

公斷員任期十二年或一國獨任一期或數國共任一期英美德法俄奧義日本各獨任餘皆共任有十年四年二年一年之別中國只定四年以法律未備為詞顯列我國為三等經使臣在會抗議謂中國向列頭等有公斷舊章攤費股數可據據德使電稱中國將來公斷事項無多故只擬

派四員已經作廢

錢恂奏稱此會立約一十有三第一國際保和第二限制兵力強索國債第三宣戰條規第四陸戰條規第五陸戰中立國權利義務第六開戰始戰國商船應遵規則第七商船改充戰船第八敷設水雷第九海軍擊擊口岸城鄉第十增修十來弗約行之於海戰十一海戰捕獲權限十二萬國捕獲審判所十三海戰中立國權利義務同會四十四國從字面上觀之實為萬國謀和平之利而內容仍不過有益於一二大國如第二約名為限制兵力強索國債則宜為負債各國所深許而如阿根丁巴西等九國或聲明某條非所願矣如仲裁司法院區別各國等差我國固明示不允矣但萬國捕獲審判所約未附各國派員年分以德美奧法英義日本俄八大國永久派員其餘輪流分正副值年正與司法院區等無異初未認中國為大國也此約巴西西班牙等十國均不畫押智利古巴等八國均有提出我國若漫不加察於司法院則爭之於審判所則允之不特降等之說自行允認且上年陸徵祥所竭力爭持者亦歸泡幻非合全約研究比對不可輕於畫押非真能保守國粹不克鑒別利害此會本應守平和主義而所議無非戰學實即戰學爭競之會

宣統三年辛亥中英法德美漢粵川鐵路借款合同

由湖北武昌起經岳州長沙至郴州宜章縣止約長一千八百里又自廣水起經襄陽荊門州至宜昌止約長一千二百里宜昌至夔州離工六百里借五釐息英金六百萬磅四國銀行經理以四十年為期以湖南湖北貨釐准鹽加價等每年約五百二十萬兩為抵押

臣謹案此路發端於宣統元年大學士張之洞與英法德三國銀行屢向政府催索旋由湘鄂川自籌自辦築長沙株州一段工長一百五里用款二百七十餘萬兩維時路成無時而外人責言日至郵傳部尚書盛宣懷以為該鐵路不歸國有取銷舊案商民籌辦為難遂奏定官辦四月十九日 朝旨以開復侍郎端方督辦川漢路政未幾川鄂湘紳民拒款事起

至八月武昌兵變因之遜位論者每集矢於盛宣懷之操切實則其時外患叢集內憂復深金融已枯新政繁釀如中風之人一觸卽斃雖無此案勢亦必亡士大夫謀國慎勿妄施針藥爲一世所指目也

皇朝續文獻通考卷三百六十

賜進士出身頭品頂戴前內閣侍讀學士

劉錦藻恭纂

郵傳考一

臣謹案中國驛遞之設緣來舊矣歲耗三百餘萬金錢而上與下胥受其病此非窮極則變時乎恭讀雍正朝 諭旨於各省驛站嚴禁騷擾道路賴以無警而或以淋索敗或以稽遲罪前車已覆來軫復慎馮桂芬有言以國家有限之帑項既飽州縣官私囊復遞無足重輕之例信亦何貴此驛站為乎咸同以還西力東漸輪船鐵路電綫相繼而起官民便之驛站亦幾幾贅疣矣光緒十九年稅務司葛顯理呈送萬國郵政條例疆臣入告於是命總稅務司赫德妥議章程設局實行暫由海關稅務司經理本屬權宜辦法三十二年 朝廷毅然更新釐定官制特立郵傳部管轄輪路電郵四政此四者泰西多分隸日本則同隸遞信省 皇朝通考各門無可附麗因已設專部妄以郵傳為綱首敘總務次分輪船鐵路電綫郵政備著於編

光緒三十二年 諭輪船鐵路電綫郵政應設專司著名為郵傳部原擬各部院衙門職掌事宜及員司各缺仍著各該堂官自行覈議悉心妥籌會同軍機大臣奏明辦理

臣謹案我國交通行政向無專轄長官如船政之招商局附屬北洋大臣內地商輪附屬舊時之工部郵政附屬總稅務司路政初辦率多漠視光緒十二年李鴻章以鞏固海防宜修鐵路奏請歸總理衙門管理二十二年直隸總督王文韶湖廣總督張之洞為統籌南北鐵路請設總公司以一事權保盛宣懷為督辦二十四年總理衙門改外務部設路礦總局二十九年商部成立又改隸商部之通商司仍非專官也電政雖派大臣督辦而系兼差蓋至是設部始有總匯之區焉

是年郵傳部奏請設立鐵路總局 略稱鐵道行政端緒紛繁非路政一司所能統籌兼顧且官辦京奉京漢正太汴洛道清滬甯廣九各路皆由借款興築

所有交涉恐有不便由部直接之處擬仿照日本鐵路作業局之規略參民政部巡警總廳學部督學局之制設鐵路總局辦理借款各路事宜附片陳明令借款各路遵繳辦公經費年約銀二十萬兩除總局開支每年約銀六七萬兩外所餘之數留充本部與學之用奉 旨允准

又奏立圖書通譯局 略稱船路電郵四政均系專門之學應有專科之書擬設圖書館一區專皮各國關於四政之圖書并設講習所俾閱署人員得於暇時研究以資練習其應行附設之考工通譯各局所體察情形陸續籌辦

三十三年又奏將鐵路公費餘款留辦學堂隨於署後購地庀材先事建築

臣謹案上海實業學堂前由盛宣懷創辦名曰南洋公學後歸商部是年改隸郵傳部唐山路礦學堂上年創設亦一律歸部管轄

又 諭憲政編查館奏請飭各省設立調查局各部院設立統計處由該管堂官派定專員照該館所定表式詳細臚列按期咨報以備刊成統計年鑑之用當即奏設統計處遴派專員辦理

三十四年奏設交通銀行 略稱四政經紀大致有緒惟念所轄各項實為營業性質出入款項為數甚鉅且如路局電局散布各處彼此匯寄失費不貲非自設機關以聯絡之不足以資周轉而便運用擬請設交通銀行在北京先創總行置總管理處為總分各行之總機關其餘天津上海漢口廣東等處續設分行以收聯絡之要

宣統元年奏應辦要政分別籌備 略稱 臣部所轄輪路電郵皆與憲政息息相關亟宜同時籌備惟是輪船招商局向歸北洋大臣直轄尚未交部管理郵政隸於總稅務司由稅務大臣兼管事權未屬即使多方籌議總屬虛擬之詞臣等夙夜祗懼既不敢放棄責任亦豈容徒託空言見歸 臣部直接管轄惟路電二政謹遵 聖訓分別統籌有急宜按年籌備者有祇能隨時辦理者查路政一項以定綫為要著規大陸之形勢別枝幹之後先察內外之情形審軍商之緩急前年曾將籌畫全國軌綫奏明在案則此九年中自必寬籌測勘經費多派專門工師逐節分勘一面由地方大吏先期勘出草圖再由 臣部派員勘

定訂爲全國鐵路敷設法其次則官辦之路工程未完者如汴洛京張廣九吉長自應由部限期造竣陸潤奏報至津浦粵漢鄂境川漢各路應由各督辦大臣分別籌備此外商辦之路業經分飭將按年籌備情形妥議報部見惟江西鐵路公司遵照具報餘均屢催未覆大概因集款尙無把握故竣工難於預期但任其延宕不惟虛糜股款抑且阻礙交通見先由部將各路之軌綫長短工程難易詳爲審度分別酌擬告成年限列入清單飭令照辦屆時如未竣工再籌辦法果其刻日告成自應查照成案奏請優獎以資鼓勵又查借款各路其從前合同所載均係指路作抵權利外移隱憂時切欲謀釋此重累尤當未雨綢繆惟未屆還清之期已須按本付息將屆還本之日即當籌措巨資見在行車餘利挹注已屬不敷此項巨款尙難懸擬部事屬專司自應極力籌畫而度支部倘能年籌的款豫爲存儲以輔不逮於大局更多裨益至電政一項中國開辦二十餘年綫路所布不能偏及機料又復仰給外洋其餘電話電燈水綫無綫電及製造廠諸類推行猶未盡利而電報自減價後收費尙無起色尤不能不妥爲籌畫以冀逐漸推廣以上各節皆宜按年籌備者也其未能豫定期限者如勘定之路必須籌款接展開車之路更當整頓改良及議限制以範借地造路之權訂路律以致同軌違途之盛設學堂以培技師藝士之才暨電報之因邊防而設因軍務而增郵電合一官電歸併諸如此類皆部當盡之責有應商各部院始能定議者有應咨各督撫分別妥籌者統容陸續布置以上各節祇能隨時辦理者也總之部所轄各項皆商業性質而屬於專門既非徒手所能爲功又非人才莫助爲理其已按年籌備者自不敢勤始而怠終即應隨時辦理者亦何敢顧此而失彼所有應辦要政繕單具陳

第一年滬甯告成門頭溝枝路告成廣東粵漢築成由黃沙至迎嘴一百二十八里潮汕意溪枝路告成啟築津浦啟築福建漳廈啟築湖南粵漢啟築齊昂接築京張汴洛廣九各官路滬嘉杭嘉燕廣南潯各商路查勘川漢洛潼同蒲江蘇浙江潮汕新甯惠潮廣西福建滇蜀安徽江西各商辦鐵路款項工程勘估吉長路綫覆勘四川宜夔路綫勘估正德路綫勘估延長石油

礦路綫清還京漢鐵路借款議銷廣澳成約廢止京奉南票運礦支路合約收贖商電改歸部辦展設太湖縣至安慶電綫展設貴陽至興義電綫展設上海至川沙廳電綫展設浙江桐鄉至雙橋電綫展設江西饒州至景德綫路展設下關至浦口綫路大修江甯至漢口電綫大修京師至保定電綫改設保定至信陽州電綫展設湖南常德至益陽電綫籌畫敷設電報價目派員赴葡萄牙萬國電政公會聽講爲預備入會基礎整頓上海實業學堂籌設部實業學堂 第二年汴洛告成京張告成杭嘉告成滬甯告成新甯告成齊昂告成甯定吉長借款啟築吉長啟築四川漢啟築洛潼啟築清徐啟築杭甬啟築鄂境川漢接築廣九接築漳廈接築燕廣勘明張綫路綫測勘張庫北幹路綫廣西聘員測勘路綫商議改良安奉並派員履勘路綫勘定海清開徐路綫實行敷減電報價目二成展設科布多至綫來無綫電報籌設歸化至太原電綫展設河南信陽州至光州綫路展設河南至汝州綫路大修福廣湘鄂電綫大修張家口至恰克圖電綫籌設安徽額毫電綫大修陝西全境綫路籌辦電汽專門學堂籌議改良京師電話機器籌畫京師各省電燈改良辦法設立部實業學堂 第三年籌備清還正太路款江西南潯告成啟築西潼接築吉長接築四川漢接築清徐接築杭甬接築洛潼接築燕廣測勘庫倫至恰克圖北幹路綫測勘新民洮南齊齊哈爾抵瓊瑯東幹路綫籌設歸化至包頭鎮電綫籌設江西吳城至廣信電綫籌設安徽鳳陽至江蘇徐州電綫籌設四川至西藏電綫大修贛浙電綫試辦鎮江電話展設福建汀漳電綫展設奉吉兩省電綫擴充上海電話擴充福建電話電燈 第四年清還正太鐵路借款清徐告成廣九告成杭甬告成漳廈告成接築西潼接築四川漢啟築同蒲接築洛潼接築燕廣測勘西安達蘭州西幹路綫測勘附屬南幹各枝綫創設電料製造廠試造電報電話各種電品材料機器展設湖南洪江至永州電綫展設湖南周家口至安徽亳州電綫展設黑龍江電綫展設廣東高州至肇慶電綫籌畫沿海沿邊一帶設立無綫電報試辦京城自動電話機器擴充天津電話擴充江蘇電

話擴充浙江電話 第五年籌備清還汴洛路款洛潼告成吉長告成蕪廣  
告成接築四川漢接築西潼接築同蒲接築蘭州達伊犁西幹路綫接勘  
附屬南幹各支綫測勘附屬北幹各支綫展設陝西省南北兩路電綫展設  
山西省南北兩路電綫展設廣東自佛山至順德香山電綫派員出洋研究  
比較自製電品各種材料及製造方法擴充湖北電話電燈試辦湖南電話  
試辦山東電話 第六年清還汴洛鐵路借款西潼告成接築四川漢接  
築同蒲接勘附屬北幹各支綫測勘附屬東幹各支綫測勘附屬西幹各支  
綫入萬國郵政公會展設江西撫州至福建延平電綫展設江西吉安至湖  
南醴陵電綫擴充江西電話電燈試辦廣州天津上海自動電話機器試辦  
陝西電話試辦河南電話 第七年籌備清還滬甯鐵路借款接築同蒲接  
築四川漢接勘附屬東幹各支綫接勘附屬西幹各支綫展設貴州興義  
至雲南廣南電綫展設四川成都至甘肅電綫擴充製造廠試造關於電燈  
水綫各種電品材料機器試辦雲南電話試辦貴州電話試辦四川電話試  
辦廣西電話擴充山西電話 第八年籌備清還清路款清還滬甯鐵路  
借款接築同蒲接築四川漢接勘附屬西幹各支路展設雲南普洱至順  
甯電綫展設廣西慶遠至貴州貴陽電綫籌設庫倫至科布多電綫擴充製  
造廠關於無綫電報各種電品機器材料試辦甘肅電話試辦新疆電話展  
設前後藏電綫 第九年清還道清借款接築四川漢接築同蒲修訂全  
國鐵路敷設法編定全國鐵路軌綫圖說展設內外蒙古電綫籌設包頭鎮  
至甯夏電綫籌設甘肅至青海至前藏電綫籌設伊犁至庫車電綫大修西  
北各省電綫籌畫擴充改良各省電燈電話下憲政編查館知之

又 諭度支部郵傳部會奏查明覆奏一摺嗣後招商局著歸郵傳部管轄以  
符名實所有路船郵電四項出入款目均著郵傳部切實考核按年奏銷並咨  
明度支部覆核辦理

又奏振興四政鼓勵動能擬給獎牌 略稱臣部管轄四政務在利便交通部  
員經營於內尤賴各局所奉行於外庶可推行盡利見在路電總分局雇用機

師匠首巡警領班報生司事一切人等名目繁夥職掌紛紜將來恢拓航權擴  
充郵政用人愈多考勤惰別賞罰乃臣部之責此輩既無出身又無官職議罰  
則輕者減薪重者斥退甚者按律懲治而議賞殊難保獎官階則其功未稱加  
添薪俸則其術易窮似宜別籌旌勸之方藉為鼓舞之具臣等公商擬參用各  
省功牌之例設第一級至第五級獎牌給予五品至九品頂戴並仿照民政部  
巡士肩章辦法製成服章書明等級遇有實心任事卓著勞績未便奏保官階  
者酌量賞給以示優異似於四政前途不無裨益依議行

又奏擬訂船路電郵四政專律 略稱自治首在定章行政必先立法近年新  
設各衙門如學部則有學堂章程農工商部則有商律公司律破產律民政部  
則有報律違警律均經奏准施行臣部職在交通謹就見在情形計之鐵路成  
八千里而遠電報達六萬里有奇郵政則都會郡城大半設立航業則長江內  
海漸次推行雖發達未敢驟言規模實已粗具祇以從前辦理茲事屬於官者  
督辦非一人屬於商者公司非一處大抵任便營業因事制宜法令規章付諸  
蓋闕以致各為風氣情同散沙非有整齊之法難收畫一之效查船路電郵四  
大政近百年來始發見於世界濫觴歐美漸及亞東求之古時無所依仿凡深  
遠之學理繁曠之名稱月異日新幾於莫可究詰是以考工之記已見軼於周  
官疇人之傳必取材於異域無可循之前轍惟借助於他山據環球大勢而言  
航律以英為通行路律以德比為適用郵電之律以日美丹奧四國較為周詳  
執柯伐柯取則不遠惟是民風國體中外殊歸統一單行東西異法溝通非易  
審別其難非博採無以為比較之資非貫通無以為折中之準臣等公商先就  
游學畢業生中擇其肄業法律學術優長者派充起草員其有關於藝術之事  
則派專科學生以為之輔德文則以施恩馬德潤等任之法文則以陳錄鄭誠  
等任之英文則以胡詒穀項驥等任之日文則以黃為基曾彝進等任之先草  
路律次及郵電循序漸進以期於成船律則以王世澂陳壽彭等專任之以張  
煜全熊崇志沈成鵠黎淵周啟濂等為參訂員並派參議廳僉事陳毅兼領該  
廳廳長總司纂核以專責成查臣部奏定官制清單參議廳原有審訂章程之



條所有修律事宜應統歸該廳辦理毋庸另設局所以昭簡易其路律一項見經督同該會事等籌維學畫業已粗有端倪俟各員律草編完即責令該會事發交各路局詳細簽注或與各局路員當面討論仍彙歸該廳修訂總期當於情事務為切實可行一俟草案告成咨商修律大臣會同奏請 欽定頒行俾資遵守

又奏豫陳次年籌備實情 略稱 臣部四政路電極繁其路政見辦之工程腹地以津浦粵漢川漢為最長邊地以錦愛吉長張綏為最要津浦經 臣世昌等切實整頓復經 臣雲沛親赴浦口相度約計明春北段可通車至德州境內而南段浦淶二百里間沮洳之地土方可完工自應督飭員司南北兼程期與京漢粵漢相為經緯其東西緯綫之汴洛一路前因洛洛橋圯見方趕緊施工而 臣部原奏擬定自此左出為清海開徐右出為洛潼西潼清海為緯綫之尾閭開徐居緯綫之中點尤宜及早興工業已粗有端緒惟須款項有著方能議及興修至清徐及洛潼西潼各段工程仍飭蘇豫陝三公司遵期趕辦粵漢自歸部辦後旋奏派候補參議龍建章等赴粵澈查工款仍於署內特設籌辦處以專責成並隨時與外務度支兩部妥慎籌商總期上乘 宸謨下導民利以為溝通省界之法川漢自鄂境宜昌以東遼 旨歸併粵漢案內統籌其宜昌以西由川省公司聘定 臣部候補丞參詹天佑為總工程師已撥款二十萬兩以應工需據稱洋河見已空築橋墩豫度後年春開當能通車至於山西之天鎮若東北吉長軌綫業經購地覆勘開春冰泮當能建廠設棧分段程功其京奉展綫一節責令鐵路局長梁士詒督同委員與日本南滿公司再四磋商總冀挽回路權漸使就範而錦愛一綫首銜京奉幹軌中貫奉吉黑三疆關係東陲尤為重要業由外務度支兩部與 臣部會奏准由該省借貸美款當咨該督催令趕緊經營此外如江西之南潯安徽之蕪湖福建之漳廈據各公司報告或按年接展或如限歲工應隨時督催俾符原議其電政一門原分電報電話兩項電話見於鎮江規畫代辦並於福州上海酌量擴充電報則綫桿須大修者惟有贛浙兩境計估工費約需三萬餘元而先後展設除東北之秀齊吉延

業經編綫外其在西北則擬自歸化西達於包頭其在東南於閩則擬循漳州而東以絡汀州於贛則擬循吳城而西以聯廣信惟川藏之綫表長二千餘里其費經外務部會同 臣部奏准由西藏開辦費內提撥必須西藏籌有的款方可提前興修而鳳陽徐州之間為津浦軌道所經原擬以電綫與軌綫相輔而行一俟軌出其途即當因地敷設餘如船政經 臣等查悉招商局歷年官督商辦情形擬定查核帳目辦法仍一面調查內港外江大小輪船艘數一面議訂輪船公司註冊給照章程並派員赴滬考察海外行船事宜以期擴張航業郵政則迭與稅務處籌議接收兼分咨出使大臣擬揀派學生赴奧練習及銀行儲蓄規章俾備器使蓋專門藝業專在培養專門人才 臣等既於上海實業學堂附設船電兩科復於吳淞海濱創建商船學堂以冀實習駕駛而署旁鐵路傳習所內近亦擬增郵電兩學嗣思培才以學校為先而行政以法律為本因又責成會事陳毅等分類纂訂先從船路二律入手依次及於電郵俟草案告成分別奏咨頒行

二年又奏部內設立印刷處凡需用船票車票郵票收發電紙各件概歸該處承辦以昭畫一而杜漏卮並派員管理得 旨著歸度支部印刷局辦理又奏第一次交通統計表暨四政沿革概略成書進呈略稱 臣部專主交通凡營業盛衰運輸消長工程進步之遲速款項出納之盈虛千緒萬端日新月異非會萃列表參觀互勘無以為考鏡之資謹遵館例以光緒三十三年為創辦之期分類鉤稽縱橫貫串或內稽檔卷擷其精華或外發查填綜其條目計成各表三百九十九中屬總務表八閩署之設官行政理財與學屬焉船政表五十三各省之官輪商輪船數噸數詳焉路政表百五十四各路之資本路綫工程里數列焉電政表百五十各局之電報電話陸綫海綫載焉郵政表三十四各界之收發信件擴充局所紀焉蓋先羅總表以萃其會歸後繫分表以知其內蘊又恐事屬專門難經縷別條分究難尋源竟委特將各政開辦歷史有關交涉財政用人營業按類撮要編成沿革概略先令各項源流瞭若指掌而後按事尋表即表徵數既端緒之可尋俾推行之有準見在辦理完竣謹繕黃冊

進呈 御覽

三年奏第二次統計表並各政紀要繕冊進呈略稱辦理統計貴在循序求精以收逐漸改良之效計二次成表共五百三十有七中屬總務表十船政表九十二路政表二百零一電政表二百郵政表三十四比前約增三分之一並將重大之端輯爲紀要使表所難盡者有紀以相發明紀所不詳者有表以資考核藉副 聖主注重交通之至意除飭員續辦三次統計外分繕十冊呈 覽奉 諭郵傳部奏編訂第二次交通統計表並各政紀要分繕表冊著憲政館知道表冊併發

又奏四政經費不敷應行追認略稱上年資政院試辦宣統三年總預算案會同內閣具奏奉 諭如係浮濫之款應極力削減若實有窒礙難行准將不敷各款繕冊敘明理由具奏本年奉 諭遇有特別重要事件籌有的款方准再議追加先後咨鈔到部查資政院原奏清單內開郵傳部所管四政概係營業性質自應適用特別會計此次核減之數除行政經費照預算開支外其餘營業局所之收支應由該部速訂特別會計法編製簿冊如於本年預算實有支用不敷可適用此項法律仍於決算年度將簿冊咨送本院追認又查度支部奏定預算章程業將四政經費定在特別預算暫行簡章之內是 臣部應歸特別會計早爲部院所公認惟上年試辦預算在特別簡章未定以前彼時無成例可循故暫將出入款目概照通預算辦理然營業與行政性質迥殊其資本之縮伸收支之盈虧皆隨時自爲消息是以各國辦法亦與普通不同且 臣部諸事須待振興凡畫一規制接收郵政規畫船務以及路電等局修築設備各要端俱非鉅款不辦與其囿於普通預算但爲削足適履之謀不若援照特別章程尙合開源裕國之意其行政經費業已削減毫無浮濫茲特遵部院奏定各章將四政經費應行追認各理由先行具奏敘明以昭慎重

以上總務

皇朝續文獻通考卷三百六十一

郵傳考二 船政

臣謹案各口通商以來中國沿江沿海之利盡爲外國商輪侵佔自設招商局集款購輪始得收回權利惜創辦時股本不充未足與洋商爭衡迨逐漸發達而局員浮濫名爲商辦深沾官場習氣以至大好營業不獲稱雄海上然中國航業必以是局爲樞輪彙輯成案而各省商輪官輪附焉兵輪船塢另詳兵考

同治十一年直隸總督李鴻章奏招商試辦輪船分運江浙漕糧略稱查同治六七年開會國藩丁日昌在江蘇督撫任內迭據道員許道身同知容閔創議華商置造洋船分運漕米兼攬客貨曾請總理衙門核准飭江海關道曉諭各口試辦日久因循未有成局僅借用夾板船運米一次旋又中止本年夏臣於驗收海運之暇遵總理衙門函示商令總辦海運委員知府朱其昂等酌擬輪船招商章程據稱見在官造輪船內並無商船可領該員等籍隸松滬稔知各省在滬股商或置輪船或挾資本向各口裝載貿易向俱依附洋商名下若由官設立商局招徠則各商輪船股本必漸歸併官局似足順商情而張國體擬請先行試辦招商爲官商浹洽地步俟機器局商船造成即可隨時添入推廣通行又江浙沙甯船隻日少海運米石日增本屆因沙船不敷諸形棘手應請以商局輪船分裝海運米石以補沙甯船之不足將來米數愈增亦無缺船之患等情臣飭津海關道等覆核皆以爲然請照戶部核准練餉制錢借給浙蘇典商章程准該商等借領二十萬串作設局商本而示信於衆商仍預繳息錢助賑所有盈虧全歸商認與官無涉朱其昂承辦海運十餘年商情極熟亦明幹當派回滬設局招商迭稟會集商業殷富之胡光墉等公商意見相同各商紛紛入股見已購集堅捷輪船三隻所有津滬應需棧房碼頭及保險股分事宜海運米數等項均辦有頭緒並咨商江浙撫臣飭撥明年漕米二十萬石由招商輪船運津其水脚耗米等項悉照沙甯船定章辦理至攬載貨物報關納稅仍照新關章程以免藉口昨據浙江糧道如山詳稱新漕米數較增正患

沙船不敷撥用請令朱其昂等招商輪船分運浙漕較爲便捷又准署兩江督臣張樹聲函覆以海運難在雇船今有輪船以濟沙甯之乏不但無礙漕運實於海運有益等語是南北合力籌辦華商輪船可期就緒目前海運不致竭蹶若從此中國輪船暢行閩滬各廠造成商船亦得隨時租領庶使我內江外海之利不致爲洋人佔盡其關於國計民生者實非淺鮮

臣謹案招商創辦之始衆情皇惑謂奪河船生計鴻章云咸豐時河船三千餘艘今僅存四百耳洋舶駁駁日盛亟立華商輪船爲國體商情財源兵勢展拓機局設盛舉中較永無振興非細故也爰破羣議力行之而漕糧海運實相維持疏言於國計民生關係匪淺豈虛語哉

又浙江巡撫楊昌濬奏請以輪船運漕奉旨允准並諭李鴻章籌備撥船轉運

光緒三年諭御史董德翰奏輪船招商局關係緊要急須整頓一摺據稱該局每月虧銀五六萬兩因置船過多載貨之資不敷經費用人太濫耗費日增等語輪船招商原以收中國之利權必須有利無弊方可以期久遠著李鴻章沈葆楨通盤籌畫於該局經費權衡出入認真整頓毋得稍有虛糜嚴諭該局不得以辦公爲名位置私人濫行收錄並飭令該商總和衷辦事勿驚虛名而鮮實濟

又直隸總督李鴻章奏竊臣覆加察核如原奏置船過多一節查招商局開辦五年已自置輪船十二號迨收買旗昌洋行又添大小輪船十八號旗昌船向走長江爲多若無外人傾擠江面生意尙旺船隻不至閒擱乃英商太古將裝貨噸銀大減一意傾跌局船攬載價亦隨減不敷船用以致閒有停擱實迫於事勢之無可如何擬令該局逐加挑剔將旗昌輪船年久朽敝者或拆料存儲以備配修他船或量爲變價歸還局本藉省停船看守之費惟勿任中外流氓售去減價相擠其現行各船內有附局帶管者歲修碼頭費無幾徒分局船攬載之貨除永甯洞庭二船已據報由局收買歸入商股外其餘三船應全行辭去無庸帶管又原奏用人太濫一節查該局專講貿易所用必其所習與官場

情形隔絕應由該商總等自行選派以一事權等及各關道向無薦人之事每遇載運漕糧時各省各轉薦員紳屢飭朱其昂等不可礙於情面濫行收錄現在各口岸總分各局共二十七處需人必多在事皆各有職守並無隔省官員挂名應差支領薪水之事又原奏該局每月須賠銀五六萬兩等語查該局先後置買船棧等項計價銀四百二十餘萬兩其中實本僅分領各省官帑一百九十萬有奇商股七十三萬零共銀二百六十餘萬兩尚短一百六十萬兩係以浮存挪借抵用計息不貲遂至左支右絀此由局本不足之故加以太古洋行跌價傾軋入不敷出然每年結算官利尙敷行勻給其暗中虧耗者只有輪船置價一項未曾按年折除並不得謂每月虧賠也又原奏各項費用嚴禁濫支隨時駁斥等語查該局進項以攬載水脚爲大宗另有運漕耗米及帶貨二成免稅辦米盈餘應令此後如能將耗米照常收足帶貨免稅按照稅則核計除貼還貨主外尙餘幾成均歸入局中專款列收不得併入水脚開銷其採辦漕米無論盈虧悉歸公局一切巨細進款全登公帳記載分明不准遺漏含混至出款約有三端一爲船用凡在船人役辛工等項每船月定額數修理工料行船用物須有限制均在所收水脚內開支一爲局用總分各局司事人等辛資雜費須分別定額均在所提每兩五分公費內開支倘有不敷不准於公帳撥補仍將收支各數按年詳細開報一爲棧房船廠之用應在棧租內開支不敷再由局費提補外如購買船煤置備物業皆應撙節攬載客貨水脚向章每百兩給回用銀五兩不准濫加務歸一律即借用錢莊銀亦不可多糜重息以上出入各款均責成局員權衡緩急督同司事悉心經理勿任用人稍有浪費其帳目除局員商總隨時互相查核外並飭江海兩關道於每年結帳時就近分赴滬津各局認真清查如有隱冒據實稟請參賠以昭核實而免浮議凡此整頓之法已備極周詳惟念招商局之設原以分洋商利權於國家元氣中外大局實相維繫賴商爲承辦尤賴官爲維持英商力與傾擠商股遂多觀望誠恐虧耗既巨難以久支貽笑外人且墮其把持專利之計等再四籌維祇得就見有之款爲變通之策前經各省借撥官帑倡率濟急取息

僅七八釐較商股一分利息尙少原議俟商股充盈卽行歸款見在商本未充生意淡薄官帑又未便久稽該關道等與局員籌議擬請自光緒三年起將直隸江蘇浙江江西湖北東海關等歷年撥存該局官銀一百九十萬八千兩均予緩息三年俟光緒六年起緩利按本均分五期每年繳還一期以紓商力每期計應繳官本銀三十八萬一千六百兩由商局預爲籌定按原撥平色銀數先分赴各省關局具結存案屆時照繳無論如何爲難不得再求展緩統計八年官本全清其緩收息款以後或作官股或陸續帶繳屆期察看情形再議至官商應甘苦與共前雖議定商股按年給息一分今官利既緩嗣後每年擬將應付一分息銀以一半給各商收領一半存局作爲續招股本亦按年計息以五釐給商五釐存局彌補缺本俟八年後局本補足息卽全給衆商尙樂從隨時招添新股一律辦理惟現計局本至一百六十萬之多船舊並未折算僅將官帑緩息八年商息留半抵本恐尙不敷補缺擬自光緒三年七月起按年截數其有盈餘銀兩暫緩派分全數留局作爲公股照章一分起息其息全留作本俟八年期滿統計此項股本積息若干除酌提換購新船外再分派衆商均窪庶子母相權生生不已局務亦維持於不敝所有保險局存本及新收局船保險銀兩應併歸招商局統算無須作爲浮存照市付息亦無庸另提九五局用別立一局以免盈絀懸殊如此分別秉公調劑冀得上不虧國下不病民又諭董鶴翰奏稱沿江沿海各口岸中國官商應需輪船運載貨物能否統歸該局攬載各省漕糧能否再予加成歸該局輪船載運並著該大臣等體察情形妥籌辦理

謹案招商局歲有江浙漕糧之貼運又有回空之帶稅太古怡和無之能雄飛於我江海各口該局反度聞焉光緒七年遣美富輪船過新加坡小呂宋檳香山一行和衆輪船之美國被其海關扣留不令進退駐使黎兆棠爭之不得終以折閱從此無片輪出遠海矣董鶴翰所奏但有不盡並無不實設當時不爲苦蔽整頓一新至於今日所置碼頭棧房地畝時價均以數十倍計實力擴充將駕太古怡和而上之乃視爲利藪羣思攘

奪徒成一供差局所門前冠蓋如市而有股分之商人望之而逡巡不敢  
即與六年李鴻章所奏系由各商自行經理正相矛盾有心人烏能無憾  
於後之任事者之變而加厲也乎

六年 諭有人奏招商局辦理毫無實際請飭認真整頓經理一摺設立招商  
局原所以收利權而裕稅課若但聽委用各員任意開銷浪費侵蝕深恐私窠  
日充公款日虧著李鴻章吳元炳慎擇公正廉潔之員將歷年出入各款澈底  
清查實心經理如有糜費侵漁等情即行據實嚴參毋稍徇隱

又直隸總督李鴻章奏略稱輪船招商局之設係由各商人集股作本按照貿  
易章程自行經理已於創辦之初奏明盈虧全歸商認與官無涉誠以商務應  
由商任之不能由官任之輪船商務牽涉洋務更不便由官任之與他項設立  
官局開支公款者迥不相同惟因此舉為收回中國利權起見事體重大故須  
官為扶持並酌借官帑以助商力之不足光緒三年曾將該局事宜籌畫整頓

復奏並飭江蘇兩關道於每年結帳時就近分赴滬津各局認真清查帳  
目如有隱冒據實稟請參賠在案數年以來雖有英商太古怡和洋行極力傾  
擠而局事尚足相持官帑漸可拔還生意次第開拓後先承運京倉漕米各省  
賑糧不下數百萬石徵兵調餉解送官物軍械者源源不絕且夕可至豈得謂  
於 國事毫無實濟其攬載客貨以及出入款項因會辦各員多有服官他省

不能駐局仍責成素習商業之道員唐廷樞徐潤總理其事局中股本亦係該  
二員經手招集每年結帳後分晰開列清冊悉聽入本各商閱看稽查若該商  
總等任意開銷侵蝕則眾商不待官查必已相率追控而自開辦至今並無股  
商控告者局外猜疑之言殊難憑信現值運漕攬載喫緊之時若紛紛調簿清  
查不特市面徒滋搖惑生意難以招徠且洋商嫉忌方深更必乘機傾擠冀遂  
其把持專利之謀殊於中國商務大局有礙總之商局關係 國課最重而各  
關各納稅課絲毫無虧所借官帑現據唐廷樞徐潤等稟定由該局運漕水脚  
分年扣還公款已歸有著其各商股本盈虧應如前奏全歸商認與官無涉只  
可照案俟每年結帳時由滬津兩關道就近清查以符定章惟總分各局及碼

頭船隻甚多用人甚眾難保一無糜費等仍隨時嚴飭該員唐廷樞徐潤認  
真整頓實力經理不得稍任浪費侵蝕違則嚴行參辦

又奏議覆梅啓照條陳略稱第四條請推廣招商局輪船赴東西洋各國夫欲  
自強必先裕餉欲裕餉源莫如振興商務商船能往外洋俾外洋損一分之利  
即中國益一分之利 臣創設招商局之初意本是如此近來該局和衆美富  
兩船已往舊金山檀香山等埠明春擬派海琛船運載兵弁赴英驗收碰快船  
回華均足為商船出洋之先導然此事須逐漸擴充非倉卒所能收效至日本  
自設輪船公司關稅獨減中國商輪前往權稅加重故局船因虧耗而裹足所  
請酌派豐順保大試行東洋之處應從緩議

七年 諭譚鍾麟奏招商局借撥浙江塘工生息經費銀三十萬兩每年應還  
銀六萬兩請飭扣還等語著飭招商局於本年承運浙漕脚價項下由浙省糧  
道扣還本銀六萬兩

又直隸總督李鴻章奏祭酒王先謙奏請商船出洋片內聲明船政大臣黎兆  
棠議創立宏遠公司運貨出洋 等復陳擬暫就招商局見有輪船酌量試辦  
逐漸推廣並緘屬黎兆棠請其勸諭粵商設法倡導 詳載市報

十一年 諭順天府代遞道員葉廷眷條陳內扶持商務一條據稱請准招商  
局輪船裝運鄂鹽該局承運漕糧請照沙船回空免稅章程辦理並展緩運漕  
限期藉客貨水脚補其不足湖北帽合茶酌減稅課歸局裝運等語所陳各節  
係專為維持商務起見惟於各該省釐政稅釐有無關礙著李鴻章會同茶體  
察情形籌商奏明辦理至該局事務應否令蘇松糧道及江海關道就近會商  
並著酌議具奏

又直隸總督李鴻章奏稱招商局船棧碼頭各項成本甚重見與洋商分攬  
客貨常年所得水脚無多且洋商心懷嫉忌屢次跌價傾擠上年又遭法兵之  
擾海船難行遂致局本層遞虧折該員董無法支注不得不暫借洋債以濟急  
需當此局勢岌岌之際必須官為維持乃可日起色葉廷眷所陳各節頗有  
見地但局船裝運鄂鹽及展緩運漕限期兩條不無窒礙應無庸議其運漕局

船回空照沙船免稅一條查運漕沙船回空凡在北洋三口裝載豆貨雜糧等項向准全免出口稅在案局船本可照辦惟恐免稅較多於稅餉有礙飭據津海山海東海江海關道議復嗣後商局輪船運漕回空請免北洋三口出口稅二成如原來裝米一千石回空時免收出口貨稅二百石查照派運米數通扯免足二成仍較沙船少免八成以示區別又湖北帽合茶一條飭據津海江海江漢關道復稱帽合茶向由鄂豫兩地運赴張家口蒙古地方粗枝大葉價值最輕嗣後如華商由鄂附搭商局輪船出口請照販茶之例每百觔減為出口正稅銀六錢並免復正口半稅庶局船藉得水脚他船不得攬載其由津北運張家口外仍照完沿途內地稅釐以上兩條應請均自本年開辦起另將執照保單及稽核章程核定分飭遵照惟葉廷眷原請各條以運鹽為大宗今運鹽既有窒礙僅運漕回空免稅二成及裝運帽合茶二項尚可酌准綜計所沾利益每年不過合銀二萬兩左右局累既深實不足以資補救查該局奏定章程原擬藉運漕水脚以補攬載客貨之不足局中有此津貼方可與洋商爭衡前會議明局船應得水脚悉照沙船定章每石實洋五錢六分零未幾又有扣減上年美商旗昌與英商怡和太古輪船承運漕糧減為三錢五分實則支用不敷皆各虧本夫彼族之甘認此虧而爭運者蓋明知洋輪運漕可暫而不可久華商力量微薄藉以去其運漕津貼將立見傾覆而江海輪船之利仍可專擅其心計極為狡狠若不杜其覬覦則華商之氣益餒洋商之益益張恐中國商務一蹶不可復振 朝廷親華商之輪船與沙船原無軒輊現在沙甯船運漕每石應支銀四錢三分一釐零所有本屆商局輪船運漕應請仍照沙甯船見領之數支給以後一體照辦不再區分扣減亦不扣海運局公費以免虧賠而資津貼輪船運漕較沙甯船多一保險及麻袋之費其修費亦大今支款較沙甯船一律庶昭平允且轉運迅速不致久存船內即有蒸變過險又可取價是於公家亦殊有益也湖北湖南江西采辦漕米飭由該局代購運交其運費亦應照四錢三分一釐零核給俾無歧異又該局原存各省官本及光緒二年買併旗昌船棧案內前南洋大臣沈葆楨奏撥官本未還銀一百七十

八萬餘兩奏明由運漕水脚項下分年扣還其時局中借欠商款有限遂議先還官本尙屬急公今計歷年扣還並湖北軍需扣款業已過半外尙應還銀七十七萬餘兩而該局見欠洋債計有一百餘萬兩若令官本洋債一併拔還商力萬不能逮查所贖各省官本七十餘萬內本多閒款亦非急不可待請暫緩拔還免扣水脚各項以示體恤俟洋債歸結後即責令分年籌繳官本不准短少庶免失信外人亦不致同時催逼掣動全局查泰西各國商務多由國家出費幫貼即日本新定輪船公司章程議明十五年內由政府保認商民股本按年八釐利息該公司向來所負之債並歸政府股分內所得子金償還誠以商務興廢關係國家強弱必相與維持於不敝中國帑藏非裕趨向不同若保認商民官利代還債負勢有不能自應妥籌可行之策今所擬運漕水脚仍照沙甯船之數並無增益其回空免稅則較沙甯船核減帽合茶減稅甚微官本僅止緩繳實於公家並無甚損而該局商困藉可稍舒事關中國商務要端非此斷不足以敵洋商而保我利權仰懇 特恩俯准大局幸甚該局自去秋向旗昌收回後已遣派道員盛宣懷等認真整頓經理嚴定章程力除弊竇務使商民信從可資經久江海津海關道本飭隨時會籌局務應併令江蘇糧道隨同局員籌商協助俾資利便

二十一年總理衙門奏略稱御史王鵬運奏請講求商務摺內稱招商局開辦多年並無起色請 特派大員駐局辦事分爲閩廣三江兩湖四川四大股每股各舉公正商董一二人專辦該股商務別置提調一員專管局中章程一節查招商局爲南北洋輪船總匯同治十一年前北洋大臣李鴻章奏明設局商爲承辦官爲維持自光緒二年買併旗昌船棧後官帑積付一百九十萬八十八兩連今拔還見已不存官款尙非並無起色即就每年完稅而論各省關所收招商局船稅歲約三百萬搭載水脚自開局至今幾逾萬萬若無局船則此利盡屬洋商是該局收回利權實明效大驗更能力社中飽切實經理則爲益較多該御史請整頓招商局誠非無見惟整頓之法實分兩端一在局之弊一在船之弊查該局所以能自立者實賴官爲維持故維怡和太古多方排擠該局

猶能支拄蓋歲運蘇浙漕米又帶免二成稅課皆該局獨擅之利其於江西兩湖漕米則代買代運尤操奇贏若概屬之局中不由一二人專利則公積愈增此在局之弊所應整頓者也各船買辦半由資緣而得每船貨脚容有餘口簿可查而搭客則以多報少影射隱瞞難為究辦外洋輪船在船主事無巨細悉聽船主指揮每搭客登舟則驗票船至半途則查票登岸則繳票此皆大副專責而船主總其成不致擠雜朦混招商局船主但管駕駛船中一切買辦主之故長江買辦之缺為最肥美此在船之弊所應整頓者也凡茲積弊臨以貴而無位之督辦公私未澈呼應不靈徒擁虛名恐無實際該局向隸南北洋轉理以局船起卸口岸均有關道可以稽查而受成於南北洋較為切近光緒七年李鴻章議復王先謙一疏聲明該局繳清官款不過商本盈虧與官無涉並非一繳公帑官即不應過問聽其漫無鈐制蓋豫言之矣擬請 飭下南北洋大臣將招商局歷年積弊認真整頓該局總辦及掣票登帳管理船頭司事與夫江海各船買辦能否得人經辦之事有無自私自利為商股所指摘并申明舊章每年結算由津滬兩關道稽核該局歲刊告白設被商股詆駁有據則兩關道亦應任咎至於每船到岸如何稽察客載應飭各關道委員經理無分晝夜與稅關船頭官公同查驗以杜弊混其未設關道之地如江南下關安徽大通安慶湖北武穴等處由南洋大臣檄委地方官辦理按月逕稟南北洋商署存查能否如該御史所陳分閩廣兩湖三江四川為四大股應由南北洋大臣體察情形酌辦該局船會駛赴舊金山檀香山新加坡各島道遠費煤船小載輕為利無幾見求擴充之法宜就中國各口岸有可為該局增益以敵洋商者統由南北洋大臣隨時規畫請 旨遵行至通商事務向由 衙門辦理該御史請在京師設立商務公所與 衙門無甚表異自應毋庸置議

設遇萬不得已之情勢方准通融辦理但不能據以為例若英國之例則不然無論何國人民祇須考有英國執照為英國各船船主即可升用英旗至華船掛外國旗一節本稅務司擬請貴部堂咨商外務部明定章程出示曉諭除該船主實係外國人領有該國執照准懸用該國旗號外其餘各船不論華式洋式凡在中國水面俱不得懸掛外國徽章惟未出示以前似應將所定章程先行送交各國欽差請其知各該領事官遵照辦理然後揭示於眾蓋以船懸外國之旗其管駕水手悉屬華人必至以外國旗為護符而靡氣愈壯一遇有險可乘即因事生風或致釀交涉非常之禍一切華船受其魚肉猶其小焉惟使華洋各船兩不相混各歸所屬管理庶幾可以相安不然華式船隻准懸外國旗號將來因此啟釁誰任其咎况涇渭不分流弊何底理合申請訓示施行並聲稱本年二月開送有華式商船數隻裝載火水油進口升掛德美等國旗號並攜有廣州口德美等國領事官憑照聲明係洋商物業先後過廠堅不允納經費不得不任其開行竊恐效尤者接踵而至則經費短絀勢必日甚一日等情當以各國行船章程凡升掛何國旗號之船其船主必係該國之人若船主並非洋人混行升掛洋旗認為洋商物業殊與各國章程相背飭即詳細查明申復核辦茲據申請前由查華式商船懸掛洋旗流弊滋多必須訂立章程嚴分界限庶免日後轉輾而杜奸民冒混見值修商約之際應請貴部咨行議辦

二十九年外務部照會日本公使民船懸掛日旗請飭改別船式 略稱接兼管閩海關福州將軍咨稱福州廈門等口掛日本旗民船絡繹如梭其間每不免有私入內地貿易情弊防不勝防擬請照會日本駐京大臣訂明以後來往中國福廈等處通商口岸貿易之日本臺灣船必須由日本臺灣官發給牌照不得逕由駐紮各口岸之領事官給牌其已領日本牌懸掛日本旗之船應令該船將船式油漆別為一類所有船名及由何處領牌當用大字在船旁漆書明白並船名於船樑上用火焰為記俾易辨別等語本部查中日通商行船條約第十八款內載中國通商各口官員凡有嚴防偷漏之

督陶模咨稱據九龍新關稅務司穆和德申稱查外洋船隻凡准升該國之

旗必其船實係該國人民物業始准升用如美德法各國船隻其船主非該國之人即不能升該國之旗且須考有該國憑照不得張冠李戴始為合例

法任憑相度機宜設法辦理等語今閩海關因掛日本旗之民船不免有私入內地貿易情弊擬訂明以後勿由駐各口之領事發給船牌並改別船式之處係爲設法嚴防流弊起見諒貴大臣亦必以此辦法爲合宜相應照會酌核辦理

又核定內港行輪暫行試辦章程 查內港行輪修改章程第八條載明非奉中國政府允准不得由此不通商口岸之內地至彼不通商口岸之內地專行來往等語今本部核定章程四條 約章成案彙覽按語云此章程光緒二十九年由外務部核定分咨各省並飭總稅務司轉飭各關一體照辦又中德會訂青島設關章程茲因德政府允中國在膠州界內之青島地方設關徵稅見定本關應有發給內河行輪專照之權凡有輪船准其駛赴內港來往一切規條應按光緒二十四年所定之內港行輪章程並二十八年補續章程施行尤應按以後彼此訂明之各項專章辦理

三十年商部奏請飭各督撫勸諭華商推廣內河行輪略稱據臣部左參詳王清穆函稱商業之盛衰視乎商路之通塞商路有二曰軌道曰航路東西各國軌道綺錯而於開通航路國家且最籌補助用是商業繁衍運輸利便民富而國強中國物力支絀軌道未能四達往往借款籌辦利權坐失長江流域其行輪之權亦幾與外人共之其有造端甚微而獲效甚宏足以植商政之基礎者莫如內河航路凡軌路之未通者可藉航路控接之軌路所不能達者可由航路轉輸之以清穆所經江鄂諸省而言航路四通八達往往爲外人所經營其所設公司多不過數萬金視軌路之動需千百萬者難易迥殊華商之力尙能興辦洵爲今日亟應注意之舉可否奏請 飭各督撫查明所屬境內航路交通處所華商所設公司即予保護其未曾設立者提倡籌辦如因河道淤塞有礙商運飭各該州縣設法開濬務期商路交通轉輸便捷內地土貨互相灌注於商政大有裨益一面由部頒定表格札飭各省商務議員查明內河行輪已設未設處所無論官股商股或量加擴充或合力創辦填註報部合各省之力保全航路事尙易爲等因查中國幅員廣博物產豐饒祇因腹地轉輸阻滯遂

致商貨未能流通商業難臻發達素推沿江沿海各省川流交錯航路縱橫故商務亦最稱繁盛近年江浙閩粵等省通商口岸先後設立輪船公司常川行駛內河運載客貨尤爲便捷惜多有洋商創始於前而華商踵事於後利權既分遂有難與爭衡之勢亟宜提倡華商添設公司實力推廣以爲抵制補救之策況近年於英日等國續議內港行輪修補章程已許該國商人指明內港設輪行駛事載約章勢難閉拒各省內河凡屬接連通商口岸按照約章外人例准行輪者尤當官商合力佔先與辦藉免利權外溢該參議所陳各節不爲無見擬請飭沿江沿海各督撫查明該省內河華商設立各輪船公司令該管地方官妥爲保護其僅有洋商設輪行駛輪船雖未通行體察該處情形外人援約呈請勢難禁阻者尤當勸諭華商厚集資本分別預籌辦理其行輪一切事宜應按總理衙門所定內港行輪及近年英日等國新訂商約各章辦理至船隻載重噸數更宜審慎安定以免疏虞

附航路調查表 一路綫起訖 一水程里數 一經過城鎮 一公司名號 一股董名籍 一船隻名號 一資本若干 一往來日期 一沿途各埠 一客票價目 一貨票價目 一拖載價目 一噸數若干 一船位若干 一船局開支 一每船開支 一船局司役 一每船司役 一有無洋員 一開辦年月 一營業年月 一章程規則 一何署稟准 一會否報部

商部咨南洋小輪傾煤入水永禁文 略稱據翰林院侍讀學士傅毓鼎呈稱江蘇運河一帶河道深通溝洫縱橫三農利賴河中一歲之淤小民每於農隙掉舟空取用以治田在官無挑浚之勞而於民得肥苗之用自小輪行駛以來所燒煤滓沿途傾棄入水淤泥之中雜入滓質農田誤取損害良苗近年大河行輪之處小民不復空淤支河溝渠積淤無多時有爭奪之事計小輪一日夜燒煤四五噸大者更多其滓以五成計算是每輪每日常有四五千觔煤滓入水見今華輪洋輪往來如織淤河一寸旱時水不能上潦時易於泛濫農田受害至河道淺阻行輪亦自受其弊屆時再謀開浚工程必



大費用更鉅天下之患當其始時忽而不覺及其既著補救甚難伏思小輪推廣商務萬無禁阻之理惟傾煤入水查照上海天津租界河巡章程皆行明禁如有違犯送領事官辦理分別議罰蓋泰西公法最重河道辦法特嚴內河等處自應照辦等情前來查內港行輪既經定有專章嗣後內河航路自必日多一日若任聽該輪傾倒煤滓不特農田水利兩有所損並恐河身淺阻即行船亦屬不宜應否貴督查照迅飭各關道會同稅務司妥籌辦法一俟籌定後即行示禁華洋各輪一體遵守以清河道

又咨復南洋滬關稅司擬辦蘇杭滬內河行輪起卸煤灰章程 一各項小輪無論何處駛來一經抵口務將所有燒廢煤渣起卸交於海關所備之駁船查收 二各小輪船均應自備洋鐵桶若干隻為足以暫時存放煤渣之用凡在途中行駛之時一概不准將此煤渣任意傾入沿路河內 三凡屬常川來往貿易小輪之行駛各口者應得每船每月繳洋兩元此數或由各口自定亦可至別項小輪或為官用或為游歷之用每船每次繳洋三角此項繳款均為津貼駁船裝卸煤渣之費 四設有不遵以上章程一經海關察出初次違犯者罰銀五兩二次加罰十兩以後再犯照此遞加惟至多罰不過二十兩 五凡各小輪駛往內地之未經通商口岸者亦須將煤渣存儲洋鐵桶內不得任意傾入於沿路河中一俟駛回通商口岸之時即可照章起卸於海關駁船也

外務部咨南洋通行酌定小輪拖船限制載客額數試辦章程准署兩江總督咨據鎮江關道稟稱稅務司雷樂石函開本口及通商各口之小輪船暨所拖船隻載多客異常危險往往有不測之事亟應妥籌善法示以限制經本口理船廳悉心斟酌得一善策行之半載有餘尚稱妥便因思各口小輪日盛倘能照此辦理官商之乘輪來往者均有裨益茲擬試辦章程五條

一量明該船之艙面計長若干尺所謂艙面者凡輪頂其居中之寬處計若干尺寬長相乘得若干尺以九除之得若干尺所得之數即為艙面容客之數如輪而長六十八尺四寸寬十四尺三寸以四三乘六八四得九百七十八尺有奇再以九除之可得一百九十九尺則艙面可容一百九十九人

以此 二量明該船艙計長若干尺其居中寬處計若干尺寬長相乘得若干尺以六除之得若干尺所得之數即為艙中容客之數 三凡輪船有上層樓面者若距水面相懸在此坐客船易傾倒上層樓面不准載客按船艙身稍小艙外兩旁留餘地使人行走凡自一噸至八噸之小輪往將船艙展開寬與船身相等身兩旁架設階梯以為行走之路此等小輪最為危險該 四該拖船艙或搭客居坐之處量明計長若干尺其居中之寬處計若干尺寬長相乘得若干尺以六除之得若干尺所得之數即為該船容客之數 五凡拖船之有煙篷者在此坐客船易傾側最為危險煙篷之上不准載客

又咨南洋內港限制小輪載客章程應添罰款一條據總稅務司申稱據閩海關稅務司杜德維詳報閩江有鼎梅輪船駛經馬尾口製造局之上流汽鍋炸裂搭船客商三十餘人咸遭不測查內河往來行輪各省所在皆是此等慘遭意外之事亦時有所聞亟應將各船身暨機器按期嚴查並妥訂章程將各司機人認真考驗又據浙海關稅務司辛盛詳報本口有甯波輪船往來鎮海因都神大會前往甚多載客約至四百人照章只能載客一百三十五人河水洶湧載客過重一經撥轉即將該船沖激傾覆淹斃人數至三百三十九名顯係該輪有違定章致罹慘厄是以亟應添加一條如下凡小輪暨拖船若逾章程內所定載客額數一經查出罰銀五百兩若因載客逾額出有災患更行另議嚴辦庶可稍知儆懼不致故違定章申請審核等因查所擬辦法甚為周密應即與前定章程五條一律照行總稅務司轉飭各關稅務司遵照辦理

三十一年外務部咨送南北洋萬國海船免碰章程略稱准英薩使函稱行海船隻免碰章程光緒二十二年寶前大臣曾有文函往返茲准本國外部咨漁船所用燈號及引水輪船懸掛之燈見立新章於一千九百零六年五月初一日作為海船免碰章程第八第九各款施行希中國政府照允以便同日舉行等語查此項章程前經總理衙門咨行南北洋大臣飭行總稅務司核覆在案茲准前因應將譯就章程咨行查照核覆

又商部奏紳商招股創設輪步公司呈請立案略稱據翰林院修撰張謇等創設上海大連輪步股份有限公司公議就十六鋪最近地方購地建築碼頭次度船步所在酌增造棧基地起造棧房再行訂造輪船開辦行駛議招集十萬股每股規銀十兩先儘創辦入等分認五萬股共計規銀五十萬兩其餘五萬股另招股分限期收足公舉候補京堂劉錦藻為總辦另舉經理兩人專司其事除繕具集股辦事章程認股合同遵章呈請註冊外懇核准具奏等情臣等查中國幅員寥廓海綫延長而揚子江流域通貫數省推廣航業多設輪步實為目前要圖溯自中外互市以來沿江沿海各口岸貿易多為東西洋商所佔奪華商除輪船招商一局外未聞接續辦理該修撰等有鑒於利源外溢思欲挽回議集股本創設公司洵屬因時制宜有裨商界所擬章程合同逐加詳核斟酌盡善自應准予立案俾資開辦

臣謹案上海為通商口岸之樞紐華商多佔一分勢力即洋商少擴一處範圍航路棧通未容多讓鳩集同志先營船步棧房積思訂購輪船適比歲洋船傾擠招商局折閱幾不支不得不望而却步靜以待時世局變遷遂爾中止規模雖隘基礎頗堅艱險備嘗股息無聞蓋鑒於中國公司任事者非謀私利即好鋪張往往經營未成資本早罄其有一二獲息豐厚者則又不問股東之贊成與否任意撥營他業論者輒咎股東之自棄權利不知竊位攬權之輩聲勢特盛趨附者多平時既無從探問迨開會爭執亦置若罔聞積習已深視為固然於是公司二字人人聞而蹙頰久恨頹風挽回乏術躬承其乏詎敢效尤輪埠雖微而相度在十六鋪者非僅張商權亦以保國界固有深意存焉

三十二年又奏據金陵鎮江招商河輪局委員稟稱各國通商勢力有造端甚微而流弊甚大者莫如藉採辦土貨運銷洋貨為名使華船懸掛洋旗一事蓋洋商採辦土貨運銷洋貨准在就近海關請領三聯運單出入內地沿途釐卡照單放行從無留難又華船一經洋商雇載釐卡胥役不敢刁難需索遇事無論曲直均有洋商代為力爭長江一帶及江淮蘇皖各內地商船民船懸掛洋

旗者幾於無處無之但就鎮江至淮河一帶約計掛洋旗者幾及二千餘隻擬請創設商船公會明定章程勸集各幫船戶願掛洋旗者發給船旗牌照一律均歸公會保護謹擬辦法八條懇請核辦等情查沿江沿海各省通商口岸華船掛洋旗者日見其多推原其故實由於華船行駛則關卡留難官差需索遇事涉訟往往不得伸理一掛洋旗地方官及關吏不復過問而該船戶等與華船相遇反得恃強逞兇每滋事端洋商出而干預釀成交涉失我主權臣部奏請力行保商摺內懇陳此種積弊該員擬請設立商船公會發給船旗牌照俾華船與洋商同受保護所陳甚為有見亟應妥定章程通行籌辦惟事屬創始必須就近體察地方情形庶幾推行盡利不致稍有窒礙當經參酌公會簡章十三條咨商南北洋大臣茲准覆稱業經分別咨飭江北提督輪船招商局江海關鎮江關先後議覆略有增益咨送查核等因臣等復將原訂簡章重加釐訂公同酌擬十八條繕單呈覽如蒙俞允即由臣部刊刻並將船旗牌照等項式樣擬定一併頒行如議行

三十三年 諭崇善電奏悉前據該署督奏請將船政歸南北洋管理已有旨著陸軍部會同度支部南北洋大臣妥議具奏見尚未據奏覆所請各節應俟覆奏到日再候諭旨

又 諭崇善電奏船廠遺散洋員並請飭議覆船政事宜等語該部知道又郵傳部咨南洋擬定沿江沿海華洋各商輪船明表式略稱我國商民行輪向無專官統轄互市以後沿江沿海競開碼頭惟因事起通商以致行船事宜概歸稅關經理比年航業大盛不惟內港洞開即邊陲腹地亦漸次擴充商輪公司幾於各省林立見在輪船一項奉旨併入本部既經奏設專司其理船廠章程業經咨取到部所有沿海沿江內港各關出口進口華洋商輪名號艘數大小尺寸暨各省未經開辦處所華商設立小輪公司之船名船數並該公司從前見在所定航海管駕轉舵轉帆防礙保險搭客載貨停泊拖帶晝夜暗號各項章程俱應詳細彙齊報告本部嗣後商家購置船舶利集公司經農工商部註冊後仍應報明本部立案以憑稽核而重航政

三十四年湖南商務議員王銘忠等以長潭航路英日互爭電請派輪來湘以挽利權奉天東邊道祁祖彝呈請東三省督撫轉咨飭局撥載重千噸以外輪船一二艘常川往來安東藉與日人爭衡又清江浦商會總理劉壽祺稟懇該局選備小輪駛行長淮以興皖北商務先後達部均經飭局籌議查各省之請求或為抵制外人或為振興商業皆屬當務之急無如兼營並驚財力未遑將願東而失西慮鼎舉而贖絕是賴諸人慎保初基進圖遠步庶於商務航權均有裨益耳

宣統元年 諭據閩浙總督松壽電奏船政所造江船見經滬甯商船公司承賣認價三十萬元等語著准其出售

又東三省總督錫良奏籌集款項組織郵船懇請立案略稱查吉林松花江江省黑龍江流域在沿邊約五千餘里在內地約三千餘里與烏蘇里江嫩江皆可通航沿江航業非速籌款項組織郵船不足以挽利權而固邊圉前任督臣徐世昌上年派員詳查迭據報告松黑兩江航路以哈爾濱為中樞扼要之區於該處設局開辦郵船尚能握兩江之航權復與吉江兩省撫臣往復咨商擬定郵船總局派王道崇文為該局總辦哈埠舊有官輪局一所招商攬載權限甚狹不足以謀發達隨即飭令歸併該道辦理責令妥擬章程以規久遠惟該局開辦伊始籌費維艱所有應備輪船無力多購見在祇將哈埠原有之吉源吉瀛輪船兩艘略為修整分別駛用已由該道分撥一艘行駛卜魁一帶其一艘暫撥為巡防之用至黑河三姓等處亦係航路重要之區俟經費籌足再行添購輪船以資行駛又查松黑沿江一帶非但航路交通漁戶亦復不少惜提倡無人辦法不善以致安常習故從前沿江管轄官廳任便收取漁稅成爲陋規尤屬不成事體前督臣等已飭該道妥擬改良辦法藉防流弊其餘沿江渡口私渡爭執擾民滋甚亦經飭訂章程一律改爲官渡俾資利便查郵船局之設原爲保江防挽利權起見凡關於兩江航政漁業等項皆屬該局範圍內應辦之事亟應寬籌經費以期次第舉行該局所需開辦常年經費業由前督臣會商吉黑兩省分作三成公同攤認請 飭部立案作正開銷

又湖南巡撫岑春煒奏長沙省城自光緒三十年開闢商埠以來地方日臻繁盛商賈輻輳帆船絡繹夾岸數十里無一灣環泊舟之所每遇暴風無處躲避危險情形屢見亟思設法補救諸訪紳民查悉城北有碧浪湖廣約二三十頃周約四五里外與湘江祇隔一隄下與瀏河開以一棧港汊甚爲淺窄若一律疏濬寬深俾湘江上下游至省之船週風得以穩泊其由瀏口入江者亦得轉棹內河化險爲夷於商民大有裨益當飭署長沙縣知縣沈瀛妥籌辦理購買民田計估工程等項用費業經在籍道員朱昌琳認捐鉅款不敷之項由官籌措於三十四年一律告竣勘驗各工均屬如式於商埠行棧貨物轉運交通大有裨益

又郵傳部奏報接收輪船招商局

又吉林巡撫陳昭常奏籌辦松花江上游官輪略稱吉林以松花江爲巨自長白山發源曲折而下達於省城再折而西北五百餘里至陶賴昭站與東清鐵路相接再西三百里抵新城府又折而東北至三岔口與嫩江合流由哈爾濱以達於呼蘭三姓一帶固全省之經流天然之航路也惟是江流湍急民船暢行東清鐵路公司輪船由陶賴昭派江上駛以達吉林頗獲轉輸之利前督臣徐世昌撫臣朱家寶思欲挽回江權因謀振興航業派員調查履勘試購輪隻上年春設官輪總局於哈爾濱設分局於省城分段經營以便商旅第下游地段綿長航運已久而陶賴昭以下灘多水淺江路難艱首尾既不能相聯省城以下江程總局遂不遑兼顧上年冬設松黑兩口郵船總局於哈爾濱以官輪局所購吉源吉瀛輪船兩艘及帆池等船撥歸駛用專任下游航路江防本年復將省城官輪分局改爲上游官輪局以吉清一輪拖船兩艘專駛由省至陶賴昭一帶信用日彰商貨聞溢見又由滬購造輪船兩艘運吉裝配加添拖船以圖擴充並飭勸業道妥擬章程督同該局購造輪船至常年經費業由度支司續撥濟用請 旨飭部立案准予作正開銷

又郵傳部奏輪船招商局官督商辦歸部管轄擬定查帳之法

招商局沿革概略 吾國江海行輪自招商局始同治十一年李鴻章創議

設局各商踴躍入股於是購置輪船建津滬棧埠籌備保險股分嗣後次第增拓承領閩廠輪船八號添招股分向英國續購兩號分往南北洋各海岸及日本小呂宋新加坡等處貿易稍張聲勢光緒二年兩江總督沈葆楨奏撥浙江等省官款買併旗昌公司增大小輪船十八號而外洋船船盡力排擠鴻章於三年奏明沿江沿海各省遇有海運官物統歸該局經理而攬載客貨爲洋商競爭動輒賠累非多運漕糧以補不足萬難持久並請蘇浙漕米須分四五成撥局承運以固商本賴此扶助局基始定十年中法事起海疆不靖華輪駛行慮避危險滬商鑒於普法之戰兩國商船轉售他國之例密邀素履之英律師坦文籌議適美國旗昌行主願將局產照原值價銀五百二十五萬兩統歸該行認售事定收回經道員馬建忠與坦文及旗昌行訂立合同將各船棧暫交代理換懸美幟十一年收回自辦由道員盛宣懷督飭經理得復舊觀二十八年北洋大臣袁世凱奏以庚子之變商情搖撼股票跌落派道員沈能虎赴滬會同局員妥籌維持該局迭遇艱危卒能措注洵非易易也資本雖係商股集成實賴官帑之倡率稽諸奏案先後撥用直隸江蘇江西湖北東海關等處官款計一百九十萬八千兩自光緒六年分期繳還今已清訖祇存商股四百萬當創辦時輪船僅有三艘逐年增益三十年乃有二十八艘三十一年添造江新新昌三十二年添新康三十三年年添新銘而海琛於三十年在福甯洋觸礁沈沒協和於三十一年在黑水洋被水雷炸沈海定機壞三十三年改作鎮江蘆船實存輪船二十九艘至局棧數目總局設上海立南棧北棧東棧中棧華棧五處以外天津漢口廣州福州諸大埠共分局十有七所長江上下游南北洋口岸機聲旗影相續不絕惟自海禁大開爭相喧奪抵制禁難三十三年與太古怡和兩公司議訂合同二十二條以期均享利益互守範圍不致大受虧損該局緣直督創成官督商辦議定每年按商股餘利提二成爲報效海防之用三十四年尙隸北洋大臣管轄論該局性質固屬完全商業惟既立郵傳部綜持全國航政稽察保護責有攸歸遇事均由部咨北洋照轉聲氣隔閡文報稽遲諸形

不便爰札該局將歷年案卷見行規條以及出入款目員役姓名籍貫職掌薪津一律呈報而該局迄未詳陳會是年部有收贖電報之舉諸商董捕風捉影滋生異詞坐辦鍾文耀等電稱收贖電報影響商業即經部飭謂歐洲各邦電報皆爲國有本部熟權利害不得不設法收回至完全商業如招商局鐵礦廠之類皆非官辦絕不至影響及此自此宣示衆方釋然至營業情形據三十四年帳略水脚銀共收二百六十五萬五千餘兩較上屆增十七萬七千兩有奇而餘利反減因上屆有湖北鐵廠算來歷年墊款十餘萬兩藉以補苴今雖多得水脚銀無如去歲鎊價日縮洋員薪工多支貼水銀五萬兩華棧少收五萬兩承運漕糧又較前多虧四萬七千餘兩即此數端所有盈餘已歸烏有因將保險酌減以敷股息猶幸各輪往來差少損傷自保船險項下賠款不及五千金耳宣統元年該局直接隸部咨北洋移交覆稱庚子亂前各卷大都遺失將二十七年後案牘冊籍等件送部奏報接管在案又奏查核帳目辦法由部造具月報格式頒發總分各局飭按月將存本進款開支綜結四項詳分子目造具清冊由各分局報上海總局彙總呈部部加考核每年盈虧奏報一次並咨度支部農工商部備案嗣滬粵港澳各股商聯名公電請援商辦鐵路公司董事會之例在滬設董會以符商律經部批准投票公選董事九人查帳員二人公議商辦隸部章程四十六節經部審酌增改飭令遵行大旨謂該局完全商股應遵部轄之義並援北洋成案所有用人辦事由部監督派員辦理仍設董事會以助官力所不及其他細則悉依商律據本年帳略全年水脚共收銀二百六十三萬八千七百餘兩比上屆多一閱月尙減一萬六千餘兩收支相抵僅得四萬八千餘兩之船利加入三公司公攤進款又棧房產業等利共六十六萬五百餘兩除運漕結虧捐租修理及各項繳費外計毛利三十二萬五千八百餘兩祇合八釐股息董事會議以一分官利行之有年未便遽改因在自保船險項下補湊仍按一分發給年來市面蕭條加以外輪競爭航業疲滯今茲歸部主持董會成立所賴官商和衷相濟庶幾維持於不敝云

臣謹案統計表輪船二十九艘重載三萬五千九百八十六噸輕載六萬二千二百噸共資本規銀二百二十七萬兩查輪載輕重貨物噸數係船廠於工竣時將船艙丈量核定噸數在船旁畫一水號限制裝貨至水號為止凡重貨如米麥煤鐵等俱照斤兩計算以十六擔八十斤爲一噸載至水號限止雖有餘地不得再裝至輕貨乃用尺量計種類不一概以四十立方尺爲一噸如大包棉花不過兩件作一噸棉紗三件作一噸雖佔噸位較廣而原質不重故可多裝蓋重載以斤兩計數雖少而實重輕載以丈尺計數雖多而實輕也

東三省政略航路交涉篇 略稱東省江河橫貫全境者以黑龍松花兩江爲最巨中國舊界正東東北東南皆至海如正東之伯力東北黑龍江口之廟爾東南之海參崴咸隸版圖咸豐十年北京續約始定爲由什勒喀額爾古訥兩河會處即順黑龍江下流至該江烏蘇里會處其北邊地屬俄其南邊地至烏蘇里河口屬中國於是黑龍江至海所有之地爲兩國共管已成國際江流不能任意設備若松花則因在邊內握有主權非外人所能侵越也庚子以還俄人乘我不備藉口鐵路運輸開入松花江下游自哈爾濱至臨江州境創開航路設立輪燈置小汽船數艘攬載客貨上下往來復設水利會徵收捐稅攘奪江權其省城至老少溝一段亦復輪船往還惟未建燈船築碼頭而已光緒三十三年改設行省亟謀規復於吉林省城創辦官輪局購置小輪更迭載運以扼松花江上游航路權力阻俄人在省城沿岸經營碼頭之策又選派幹員測勘各江流域於松花下游牡丹黑龍諸江亟與航政並商吉黑兩撫通力合作設兩江郵船局於哈爾濱以道員王崇文總其事先是三十二年江省商輪駛行黑龍江因俄人有會議黑龍江行船章程之請遣道員于馴與在哈爾濱與俄總領事劉巴就近提議劉巴多方延宕始則面稱聞俄使已定宗旨有在北京徑與政府談判之意應候訓條繼則自稱於茲事素未講求非由俄國派有諳熟船政之員不能開議議及事段則謂非領事權限所及一味諉卸以俄之郵傳部度支部所派會議員久

不來江于道等屢次催促則請華官前赴伯力會議以要挾之辯論經年迄未就範是以順黑龍江而下至於烏蘇里河口中國輪船雖有照約行駛之權而行輪章程至今未決按公法海峽兩岸均屬一國則行船之事專歸一國管理兩岸分屬兩國則兩國公同管理松花江爲中國內地之區域而俄輪乃容與中流黑龍江爲兩國共享之航權而俄人欲獨據其利將爲挽回之計先在組織之宜故必集吉江兩省之力創設郵船自行運輸庶可抵制至於船舶不敷思所以增之沙礁多阻思所以濬之碼頭爲行輪根據之所應於何處興修漁業與航業相輔而行所當速爲勸辦此皆行輪章程議定後不可置爲緩圖者

又紀松花江行輪略稱松花江流域之有俄輪一爲哈爾濱臨江州一帶其水程長一千二百九十五里庚子以後自黑龍江溯流而上其始不過裝運鐵路材料嗣因地方有司未加詰責遂至輪載客貨沿岸停泊復設水利會征收輪船通過稅一爲老少溝航路未改行省之先即由東清鐵路公司擅行展開歷任官吏亦未詰問聽其來往若驟予禁阻彼必藉詞舊例謂我已默認不若別圖布置暗相抵制爰令吉林勸業道購置淺水小輪數艘與俄船同一航綫於光緒三十四年夏開始航行是年九月即在省城俄輪停泊之處由官輪局修築碼頭一所乘客大便詎俄輪至省時既未商借復無俄領照會徑泊官輪碼頭交涉使牒駐吉俄領嚴詞詰責遂移泊他處未幾江凍俄輪亦駛回老少溝不再開行俄國商務公司董事請於交涉司商借碼頭未允再三力請願納租資嗣以官輪局索價過昂今歲開江俄輪初次來省不敢再泊舊所特在左右覓租民房其意實欲得一江岸爲建築碼頭地議未成交涉司聞之索閱租房合同以所定各款均注重停輪不允盡諾令其撤換至今相持未下我更設法擴充力圖整頓務使行旅樂趨舍彼就此其勢將不禁自絕矣

又紀哈爾濱水利會略稱哈爾濱水利會自俄輪侵入松花江即由東清鐵路公司擅自設立實已隱握江權光緒三十四年令濱江關道與公司總辦

霍爾窪特會商所有保護航路各事均應歸我自辦凡公司前設江心標筒由我接收輪船向俄租用並許仍屆會首威勃爾經理聲明已設之水利會俟中國開辦時撤去旋復得霍總辦照復謂此事須請俄京鐵路總局核議茲當行輪之時未便驟定商請仍准暫設以本年為限默揣情勢似難固拒姑許緩至年內撤銷飭由濱江關道會同霍總辦商訂暫行水利會章程五條是年署關道與公司籌議收回該會彼始以款未清結為言繼稱修理航路尚未竣工藉詞延宕復經署關道催霍總辦並囑濱江稅務司葛諾發查探襄助該會始允將所收船捐除酌留付款外餘於十月交給收儲作為下屆航路用款屆期霍總辦以款交何處為問告以款交稅司並聲明十月初四日即為中國接收自辦之期至二十八日葛諾發文稱已由水利會會首威勃爾將本年所存餘款三千盧布移交稅司接收自後哈爾濱航路事宜始歸中國稅關經理

又紀黑龍江行輪略釋黑龍江流域上自額爾古訥口下至烏蘇里河口為中俄兩國公共之江即兩國公共航行之路先是我國民族安於舊習其航業僅有航船撥船及載糧之類營生江面俄則輪舟鱗集燈塔牌照晝夜流行利權獨攬華人一切載運仰人鼻息前著將軍程德全莅江規畫抵制之策撥款購公濟先登小輪二艘惟輪身薄弱祇可游弋呼蘭河內嗣巴彥州商界續買齊齊爾船一艘機器輪身較為堅實光緒三十三年由松花江派江而上駛行黑龍江之始俄人相率側目乃用狡獪伎倆謂中國行輪不諳黑龍江駕駛規條兩國會議章程未定以前華輪先由俄領事發給船牌或由華官發給執照交俄官簽字方免誤會當折以黑龍江既屬兩國公共航路則兩國船隻自應一律對待俄人往來江面會無華官給牌或俄官給照交華官簽字之事則華船之不得由俄官給牌或華官給照由俄官簽字其理甚明俄使語塞查咸豐八年璦琿條約第一條內載順黑龍江右岸流至烏蘇里河作為大清國所屬之地由烏蘇里河至海所有之地作為兩國共管之地黑龍江松花江烏蘇里河此後只准中俄行船等語是黑龍江口

外之海權應中俄兩國共之雖口岸專屬俄國不能禁華船之往來是以力主統籌全江上下游屢飭交涉局道員于馴興分兩項提議上自額爾古訥河口西北兩國分界處起下至烏蘇里河口兩國分界處止並額爾古訥河全河烏蘇里河全河在內此一段係兩國公共之江應作一項辦法其自額爾古訥河口西北兩國分界處以上至於凡能行船處所又自烏蘇里河口兩國分界處以至出海此二段為俄國管領之江應作一項辦法哈爾濱俄領事劉巴梗之謂非彼權力所能及並自認於船政素非所習見已由俄政府添派會議員擬將此案提至玻璃會議至今尚未議決云

二年郵傳部奏定輪船註冊給照章程略稱部總司航政自非籌定畫一之方不足以憑稽核而資整頓當督飭司員擬訂大小各公司註冊給照章程二十條凡各省公司之創立必須呈部核定章程准其立案註冊後各該公司赴部領照赴各海關呈驗由關發給船牌照章完納船鈔其從前設立之公司均應補領以歸一律見在已驗三月各公司呈請領照頗形踴躍是商民既稱利便而航政亦有初基

第一條名曰大小輪船公司註冊給照章程 第二條各公司先將創立情形稟由該管海關道或商務總會及商船公會詳報本部核定後准予註冊發給執照在章程未頒以前設立之公司一律補報仍准一面行輪毋庸停輪候照以免延閣 第三條註冊給照後始認公司成立 第四條凡領取執照得享本部保護之利益 第五條公司創立時稟報事項如左一名稱及種類二公司合同三公司章程四行輪章程五輪船名稱或本號數及英尺噸數六客位或貨位或噸數或包格在內 五公司總號設立地方有分號並列六股票式樣七碼頭起訖處所繪圖立說八航線圖說九開辦年月及營業期限十資本若干每股銀若干已繳銀若干十一創辦人所認股數十二創辦經理人銜名籍貫 第六條執照所載事項如上 第七條領照後將該照赴各海關驗明方准領取船牌完納船鈔各關驗無此照或驗有不符概不給牌納鈔此外關於理船應章程仍照舊辦新公司如船已購成急待

行駛可呈請關道電達本部存案部覆准予暫行船牌隨照第五條報部換取永遠船牌 第八條本部一面給照一面將五條各項札行關道以期接洽 第九條各關驗照蓋用某年某月驗訖字樣 第十條公司註冊在先其後立者不得沿用名稱 十一條公司將推廣航綫添輪船設碼頭及更換經理須呈部換照 十二條公司如有轉讓轉售轉租或并合他公司須呈部換照 十三條關於前兩條情事如與創立時辦法有更改應妥擬呈部候核 十四條公司停閉該照呈部註銷 十五條此項執照到部領以或稟由關道及商會公會詳報具領 十六條本章未頒以前業經設立之公司補行呈報適用本章之規定 十七條一人出資創立或官辦及官商合辦之航業適用本章惟獨出資本者報部可刪每股銀數一款 十八條本部註冊給照見不收費以資提倡 十九條本章專系註冊給照其普通辦法應遵商律稟部辦理 二十條未盡事宜隨時更改頒行

又東三省總督錫良奏查港島工程如建築海陸經營船塢非七八年不成尤應剋期舉辦部議募借公債籌抵為難查東省鹽務局盈餘一款向歸外銷除額撥審判等經費外年可餘銀二十萬又查有補徵鹽釐及鹽棧店帖稅票費斗課減平等雜款除各局開支外年可餘銀七八萬應儘數提撥俟工竣之日止不敷之款再由臣咨商度支部酌籌分認

三年吉林巡撫陳昭常奏吉林琿春商埠早經開放若無水道可通我國商民來東貿易勢必假道外人所有口岸輪船繁苛見經探悉琿春之南圖們江流可通海道該江發源長白經延吉南境東流至琿曲折入海形勢天然實為全省門戶惟自土字界碑起沿江三十里出海之路早經畫歸俄有似此咽喉要道當時不知保守輕易讓人誠為可惜查中俄國際約據載有照會允我國通行俄人決不攔阻等語有此一綫生機如由我自辦航路彼固無詞可拒見經招致滬商朱江等來吉承辦綜計購輪建棧築埠招工濬淤設塢種種敷設費甚不貲此項航路關繫國權甚重經與郵傳部電商議定先集商股二十四萬兩復附官股二十四萬兩照商律平等看待不居官商合辦之名見該商已來

吉開辦計購大輪二小輪二鋼板空泥機缸一經行海綫由上海繞日本長崎達圖們江坡擬名為吉林圖長航業有限公司首先載運工人為實行邊民實邊之計惟開辦之初苦無大宗貨物輸運彈春東溝一帶木植尚多業准郵傳部電令該航兼辦較有把握並准免稅三年以示優異該航已開行兩次外人尚無異言設有意外交涉自當據約力爭總之治吉辦法不外固守國防擴張實業此航既通約有六利我國向無走外洋輪船該航既繞長崎慰華僑之心為通鄰之倡展國勢而擴航業一利也彈春雖設商埠苦無出路又逼俄界我先通航庶免覬覦二利也吉省見議選民仍賴東清南滿鐵道今由海道運載利不外溢且生聚日繁邊防自固三利也三省天產甚富徒以轉運維艱任令委棄航道既通利源自開四利也彈春設關必藉航路為輔航通而稅自旺五利也日韓之清津溫貴俄之海參崴皆日夕經營我商仰人鼻息種種留難今既自開航道咽喉無阻血脈自通六利也此外運兵運餉通郵便民利益不勝枚舉雖事屬草創僅具規模然既立初基自可漸期發達並將議定書豫算表册分別咨部

又郵傳部奏商務振興必藉航業航業發達端賴人才我國雖有輪船招商局僅通域內未涉重瀛管駕各員且皆借材異地臣部管理全國航業兢兢以建設商船學校為船員之需正擬相度地勢剋日經營旋准上海實業學堂監督唐文治咨稱修撰張謇願將吳淞口漁業公司地基並所領官款六萬元呈送臣部辦理商船學校又浙紳李厚祜報效甯波益智中學堂一所預備商船學校之用當即派員往吳淞甯波兩處履勘地址籌議辦法據稱兩地交通至便建校招生甚為合宜均堪備用惟商船學理深遠程度極高一且兩校兼營不獨財力維艱且恐教習學生均難應選不若併力先辦吳淞較易觀成查臣部上海實業學堂於路電兩科外已設立高等船政專科擬即就此擴充添招學生以為商船學校之基礎一面在吳淞建築校舍俟工竣後將學生移入該校並歸實業學堂監督管理以期接洽其甯波益智學堂所有房地均作船校產業日後或改為商船中學當視款項人材以為進退此時暫從緩辦至學科辦

法前咨出使大臣調查各國船校見辦章程以資仿效並擬暫定開辦費十萬兩常年費六萬兩將來籌有的款再行設法擴充從之

又陝甘總督長庚奏甘肅黃河見已開通各船隻由西甯至蘭州由蘭州至包頭均屬行駛穩速僅旬日程查歸化經薩拉齊廳至包頭鎮三百二十里若能籌款修築與張綏工程東西並舉聯絡一氣即可直達京師商務可望振興下部議奏

又電 諭江西巡撫馮汝駿據電奏此次軍務困難全在公司輪船暢行無阻不但該黨運械運餉莫可究詰即公然載匪亦防勦俱窮請飭外務部切實與各國公使磋商等語著外務部酌核辦理

又郵傳部奏審定商辦輪船招商局章程並改良辦法略稱據該商等呈稱招商局自隸部後仍遵北洋歷年官督商辦成規本無流弊惟年來各國航業競爭劇烈土貨壅滯商輪各艘以及棧房碼頭收數均絀亟應開源節流設法整頓節流以裁冗員為先開源以開航路為本此外如特別輸送亦須預訂專章選派員董尤宜畫分權限所有修改章程理應呈請核准奏明立案等因查該局開辦以來將及四十年從前客貨暢旺有盈無虧近年各國航業互相角逐商務剝落自係實在情形此次所陳各辦法以及重改章程詳加酌核似已周妥應准施行

謹案當時股東紛紛詰局董云自光緒十年至二十九年收存餘利銀一千五百四十餘萬碼頭棧房輪船地產本銀六百餘萬兩計不下二千萬嗣後遭時多故生業蕭條雖照市不免折減要必有千六七百萬之鉅公積不派僅於二十四年加填股票二百萬合四百萬兩按諸資本尚不及三分之一無怪外界垂涎狡焉思啟也應將航業產業分別估計換給新票以杜覬覦隨由公司檢齊歷次估價清單造冊計航業實值銀一千三百七十六萬有奇填新股票八百四十萬兩以八百萬給股東執舊票百兩者換新票二百兩以四十萬給局員花紅其餘五百三十六萬存於公司預備抵還借款匯豐銀行百五十萬仁濟和保險公司八十萬及

各項存款並添置輪船修理碼頭棧房之用名曰商辦輪船招商局有限公司股票以後年息照實獲盈餘攤派產業估值銀三百八十三萬八千有奇填新股票四百四十萬元約合銀三百二十一萬五千兩每票銀幣一百元以四百萬元給股東四十萬元給局員花紅餘存銀兩預備籌措見資趕辦興築使無棄地名曰積餘產業有限公司股票年息亦照實餘攤派此種產業向來附局經理事無專責利息極微以後仍由會長與各董監督進行另舉有經驗者任科長實力整頓云查產業分英界法界南市各埠四項而五日股票共票本銀五十九萬二千餘兩中以漢冶萍公司為最鉅合銀七十一萬七千餘元約銀五十一萬六千餘兩餘若內河小輪船大德榨油廠各省鐵路均以見銀購入固不僅擅提餘利填他公司股票強派股東也此端盛宣懷啟之張謇踵之均中國所稱實業大家也可歎也夫



皇朝續文獻通考卷二百六十二

郵傳考三 路政

臣謹案陸行鐵路猶海有輪船也前之詬輪船者後已無不附輪船之人今之詬鐵路者後亦將無不附鐵路之人然此第就便民而言也其便於國尤爲交通之利器必我握之可以制人人握之亦恐以制我列強鐵路已如蛛網如星羅中國勢不能自爲風氣我不自築必將代我而築之經二三百之互師互競列強創其難我幸享其易急起直追無貽空穴來風之悔焉可矣

光緒二年兩江總督沈葆楨奏查本年春間上海英商於租地內擅築鐵路行駛火輪車直達吳淞臣飭關道照會英國領事阻止堅不允從又咨總理衙門照會飭阻該國使臣威妥瑪一味偏執延至數月迭經駁詰催禁始據復稱奉該使傳諭暫候就煙臺會商等語臣鴻章在煙臺時威妥瑪果以此事饒舌欲派英員前往商辦當以演案將結未便復以此事齟齬即經附片奏明並派道員盛宣懷朱其詔馳晤江海關道馮煥光會同英員妥籌辦法適威妥瑪所派之漢文正使梅輝立亦到上海會議數次該正使先欲中外合股集資同辦繼欲中國買後仍歸洋商承管反覆把持迄無成說朱道等復約該正使前來江甯籌議當向逐細剖辨以中國地方外人未便擅造鐵路通融給價已屬格外體恤倘再生枝節則曲不在中國而在西洋經該道等復往籌商始議明買斷行止悉聽中國自便洋商不得過問惟一年限內價未付清暫由洋商辦理祇准搭客往來不得違章裝貨亦不得添購地段推廣鐵路訂立條款照繕兩分梅輝立與馮煥光等均各畫押以一分交上海英領事存查一分歸江海關衙門備案將條款蓋印各執爲憑所有應辦事宜係先議一年限內暫行火車保護章程英領事麥華陀畫押由上海道出示曉諭一面會查鐵路價值飭呈帳目各邀中外公正商人清查釐剔凡涉不實不盡分別駁減其有細帳尚在英國未經寄到者恐彙核有需時日亦公同定一總數將各項包括在內統計買此鐵路共需規平銀二十八萬五千兩復立議據定於一年限內分三期付

清該鐵路地畝車輛器具等件以及成本用款價銀細數分繕洋文清單二紙由英領事簽押送道存查應付價銀在江海關洋稅項下作正開支分期交給俟光緒三年九月十五日一年屆滿價銀付訖即照單由中國收管行止悉由中國自主永與洋商無涉除將全案咨送總理衙門外謹陳

臣謹案吳淞距上海三十里而強貨少客亦不夥未足以養路意者英商初爲軍用設乎不然何若是其失計也然非失計則亦非江蘇督撫所能價購而返之也夫使價購而返能留爲撫形乘時擴充於內地中國此時鐵路午貫矣拆而斷之將無風氣未開雖賢者亦難與慮始歎聞諸滬人當日發軔雖在租界而所行之綫什九屬內地並不問主人諸價占用而擅築之吳淞豈其願脫耶方築時督撫咫尺置不問築成矣始倉皇議購議贖蓋中國土地權之放棄不自惜非一朝一夕矣

六年前直隸提督劉銘傳奏中國自與外國通商以來門戶洞開藩籬盡撤自古敵國外患未有如此之多且強也彼族遇事風生欺凌挾制一國有事各國圍窺而俄地橫亘東西北與我壤界交錯扼吭拊背尤爲心腹之憂我以積弱不振不能不忍辱含垢遇事遷就不惜玉帛以解兵戎然而和難久恃財有盡期守此不變何以自立今論者動曰用兵矣竊謂用兵之道貴審敵情俄自歐洲起造鐵路漸近浩罕又將由海參崴開鐵路以達琿春此時之持滿不發者非畏我兵力以鐵路未成故也不出十年禍將不測日本一彈丸國耳其君臣師西洋之長技恃有鐵路動逞螳螂之臂藐視中華亦遇事與我爲難每私憂竊歎以爲失今不圖自強後雖欲圖恐無及矣自強之道練兵造器固宜次第舉行然其機括則在於急造鐵路鐵路之利於漕務賑務商務礦務釐捐行旅者不可殫述而於用兵一道尤爲急不可緩之圖中國幅員遼闊北邊綿亙萬里毗連俄界通商各海口又與各國共之盡憑而守則防不勝防馳逐往來則鞭長莫及惟鐵路一開則東西南北呼吸相通視敵所驅相繼策應雖萬里之遙數日可至雖百萬之衆一呼而集無徵調倉皇之過無轉輸艱阻之虞且兵合則強兵分則弱以中國十八省計之兵非不多餉非不足然各省兵餉主

於各省督撫此疆彼界各具一心若遇有兵端自顧不暇徵餉調兵無力承應雖 詔書切責無濟緩急蓋一國分爲十八疆界也若鐵路造成則聲勢聯絡血脈貫通裁兵節餉併成勁旅十八省合爲一氣一兵可抵十數兵之用將來兵權將權俱在 朝廷內重外輕不爲疆臣所牽制矣方今國計絀於防邊民生困於釐卡各國通商爭奪利權財賦日竭後患方殷如有鐵路收足費以養兵則釐卡可以酌裁並無洋票通行之病裕 國便民之道無餘於此且俄人所以挾我日人所以輕我者皆以中國守一隅之見畏難苟安不能奮興耳若一下造鐵路之 詔顯露自強之機則氣勢立振彼族聞之必先震驚不獨俄約易成即日本窺伺之心亦可從此潛消本年李鴻章奏請沿海安設電綫此亦軍務之急需但電綫須與鐵路相輔而行省費既多看守亦易或者以鐵路經費難籌無力舉辦爲疑竊謂議集商股猶恐漫散難成今欲乘時立辦莫如議借洋債洋債以濟國用斷斷不可若以之開利源則款儲有著洋商樂於稱貸 國家有所取借息可從輕期可從緩且彼國慣修鐵路之匠亦自願效能於 天朝此誠不可失之機會也查中國要道南路由開二條一條由清江經山東一條由漢口經河南俱達京師北路由京師東通盛京西通甘肅惟工費浩繁急切未能並舉擬請先修清江至京一路與本年議修之電綫相表裏此路經山東直隸地界最多或謂於民間墳墓廬舍有礙必多阻撓不知官道寬廣鐵路所經只佔丈餘之地當不相妨即偶有牙錯亦不難紆折以避 昔年勦捻中原屢經各該省其地勢民情固所稔知非敢爲臆斷也事關軍國安危大計如蒙 俞允請 旨飭總理衙門迅速議覆若轉延延視爲緩圖將俄局定後築室道謀誠恐臥薪嘗膽徒託空言則永無自強之日矣

又 諭劉銘傳奏籌造鐵路一摺所請籌款試辦鐵路先由清江至京一帶興辦與本年李鴻章請設之電綫相爲表裏等語所奏係爲自強起見著李鴻章劉坤一按照摺內所奏悉心籌商妥議具奏原摺著抄給閱看

謹案當羣疑衆詛之秋而於鐵路之利觀縷言之可爲獨見其大特外債非不可借先量內力否則路之利不敵債之害也識微之士謂後必有

以劉銘傳爲口實者

北洋大臣李鴻章奏查火輪車之制權與於英之煤礦道光初年始作鐵軌以約車輪其法漸推漸精用以運銷煤鐵獲利甚多遂得擴充工商諸務雄長歐洲既而法美俄德諸大國相繼經營凡佔奪鄰疆墾闢荒地無不由鐵路以導其先迨戶口多而貿易盛又必增鐵路以善其後由是歐美兩洲六通四達爲路至數十萬里徵調則旦夕可達消息則呼吸相通四五十年間各國所以日臻富強而莫與敵者以其有輪船以通海道復有鐵路以便陸行也即如日本以區區小國在其境內營造鐵路自謂師西洋長技輒有藐視中國之心俄自俄接壤萬數千里向使早得鐵路數條則就見有兵力儘數調遣如無鐵路則雖增兵增餉實屬防不勝防蓋處今日各國皆有鐵路之時而中國獨無猶居中古以後屏棄舟車其行動輒後於人也必矣竊嘗考鐵路之與大利約有九端江淮以北陸路爲多非若南方諸省河渠貫注而百貨流通故每歲所徵洋稅釐金二三千萬兩在南省約十之九在北方僅十之一倘鐵路漸興使之經緯相錯有無得以懋遷則北民必化惰爲勤可致地無遺利民無遺力漸臻殷富之象其鐵路扼要之處徵收釐稅必漸與南方相埒此便於國計者利一也從來兵合則強兵分則弱中國邊防海防各萬餘里若處處設備非特無此餉力亦且無此辦法苟有鐵路以利師行則雖滇黔甘隴之遠不過十日可達十八省防守之旅皆可爲游擊之師將來裁兵節餉併成勁旅一呼可集聲勢聯絡一兵能抵十兵之用此便於軍政者利二也京師爲天下根本獨居中國之北與腹地相隔遠遼遠控制艱難緩急莫助咸豐庚申之變議者多請遷都率以事體重大未便遽行而外人一有要挾即欲撼都城若鐵路既開萬里之遙如在戶庭百萬之衆剋期徵調四方得拱衛之勢 國家有磐石之安則有警時易於救援矣各省仕商絡繹奔赴遠方糧貨轉輸迅速皆顯出於其途藏於其市則無事時易於富庶矣不必再議遷都而外人之覬覦永絕自有萬年不拔之基此便於京師者利三也曩歲晉豫蕪饑山西米價騰踴每石需銀至四

十餘兩設有鐵路可運核以天津米價與火車運價每石不過七兩左右以此例之各省遇有水旱偏災移粟輦金捷於影響可以多保民命且貨物流轉自免居奇之弊此便於民生者利四也自浙江漕糧改行海運議者常欲規復河運以防海道之不測鐵路若成譬如人之一身血脈貫通即一旦海疆有事百萬漕糧無虞梗阻其餘如軍米軍火京餉協餉莫不應手立至此便於轉運者利五也輪車之行較驛馬十倍之速從此文書加捷而頒發條教查察事件疾於置郵他如偵敵信捕盜賊皆朝發夕至並可稍裁正路驛站以其費擴充鐵路此便於郵政者利六也煤鐵諸礦去水遠者以火車運送斯成本輕而銷路暢銷路暢而礦務益興從此煤鐵大開修造鐵路之費可省而軍需利源更取不盡而用不竭此便於礦務者利七也凡遠水之區洋貨不易入而土貨不易出今輪船所不達之處可以火車達之出入之貨愈多則輪船運貨亦與火車相爲表裏此便於招商輪船者利八也無論官民兵商往來行役千里而瞬息可到兼程而途費可輕無寇盜之虞無風波之險此便於行旅者利九也以上諸端西洋諸國所以勃焉興起者罔不慎操此術而圖計軍謀兩事尤屬富強切要之圖劉銘傳見外患日迫兼憤彼族欺凌亟思振興全局先播風聲俾俄日兩國潛消窺伺之心誠如 聖諭係爲自強起見查中國要道南路宜修二條一由清江經山東一由漢口經河南俱達京師北路二條宜由京師東通奉天西通甘肅誠得此四路以爲根本則傍路繁要之區雖相去或數百里而地段較輕需費較省即招商集股亦與情所樂就從此由幹達枝縱橫交錯不患鐵路之不振興惟統計四路工費浩繁斷難並舉劉銘傳擬先造清江至京一路與 臣本年擬設之電綫相輔並行庶看守易而遞信彌捷洵兩得之道蓋先辦一路雖於中國形勢尙偏而不舉然西洋諸國五十年前亦與中國情形相等惟其刻意營繕爭先恐後故有今日之氣象劉銘傳之意蓋欲先創規模以爲發軔之端庶逐漸推廣不患無奮興之日也顧或謂鐵路若開恐轉使敵人來犯之途且洋人久思在中國興造鐵路此端一起或致彼愈滋煩潰不知各國之有鐵路皆所以徵兵禦敵而未聞爲敵用何也鐵路在我內地其臨邊處

皆有兵扼守彼豈能憑空而至萬一有非常之警則壞其一段扣留火車而路亦無用而全路皆廢數十年來各國無以此爲虞者客主順逆之勢然也至洋人擅在他國造路本爲公法條約所不准若慮其逞強爽約則我即不自造鐵路彼獨不能逞強乎况洋人常以代中國興利爲詞今我先自興其利且將要路占造庶足關其口而奪之氣使之廢然而返矣或又謂鐵路一開則中國之車夫販豎將無以謀衣食恐小民失其生計必滋事端不知英國初造鐵路時亦有慮奪民生計者未幾而傍路之要鎮以馬車營生者且倍於曩日蓋鐵路祇臨大道而州縣鄉鎮之稍僻者其送客運貨仍賴馬車民夫鐵路之市易既繁夫車亦因之增衆至若火車盛行則有駕駛之人有修路之工有巡瞭之丁有上下貨物伺候旅客之雜役月賦工精皆足以仰事俯畜其稍饒於財則可以增設旅店廣買股分坐權子母故有鐵路一二千里而民之依以謀生者當不下數十萬人况煤鐵等礦由此大開貧民之自食其力者更不可數計此皆擴民生計之明證也或又謂於民間田廬墳墓有礙不知鐵路所經不過丈餘之地尙不相妨即遇官道稍窄亦必買地優給價值其墳墓當道者不難稍紓折以避之劉銘傳勘勘數年於中國地勢情形固親歷稔知者也惟是事端宏大經始之初宜審之又審俾日後勿滋流弊始足資程式而行久遠 臣嘗博采衆議外洋造路有堅窳久暫之不同其價亦相去懸殊每里需銀自數千兩至數萬兩不等清江浦至京最爲衝要之衝造路須堅實耐久所需經費雖未能豫定爲數自必不貲見值帑項支絀之時此中巨費欲籌之官則挪湊無從欲籌之商則散換難集劉銘傳所擬暫借洋債亦係不得已之辦法從前中國曾借洋債數次議者恐各省紛紜援例致受洋人盤剝之累經戶部奏明停止願借債以興大利與借債以濟軍餉不同蓋鐵路既開則本息有所取償而國家所獲之利又在久遠也惟是借債之法有不可不慎者三端恐洋人把持而鐵路不能自主也宜與明立禁約不得干預吾事但使息銀有著期限無誤一切招工購料與經理鐵路事宜由我自主借債之人毋得過問不如是則勿借也又恐洋人之詭謀而鐵路爲所佔據也宜仿招商局之例不准洋人附股設

立鐵路公司以後可由華商承辦而其政令須官爲督理所借之債議定章程由該公司分年抽繳期於本利不至虧短萬一偶有虧短由官著追只准以鐵路爲質信不得將鐵路抵交洋人界限既明弊端自絕不如是則勿借也又恐因鐵路之債或妨中國財用也往時所借洋款皆指定關稅歸償近則各關撥款愈繁需用方急宜議明借款與各海關無涉但由國家指定日後所收鐵路之利陸續分還可遲至一二十年繳清庶於各項財用無所牽掣不如是則勿借也凡此數端關係較鉅聞洋人於借項出納之間向最慎重若盡照所議辦法或恐未必肯借彼若肯借方可與辦與其速辦而滋弊端不如徐議而免後悔又聞各國鐵路無一不借債以成但特素有名望之監工踏勘估工之清單與日後運載之利益足以取信於人中國南北鐵路之日久必可多獲盈餘誠設立公司名目延一精練監工細爲勘估由總理衙門暨臣等核明安立憑單西洋富商或有願爲稱貸者至鐵路應試造若干里如何選料募工如何省費工堅非悉心考究無由握其要領一切度地用人招商借債事務繁雜非有特派督辦大員呼應斷不能靈查劉銘傳年力尙強英氣邁往曾歷艱鉅近見各國環侮亟思轉弱爲強頗以此事自任惟造端不易收效較遲倘值外患方殷朝廷或畀以軍旅之寄自應稍從緩議見既乞假養病別無所事若蒙聖主授以督辦鐵路公司之任先令將此中窺要專精考校從容商榷即俄日各國驟聞中國於多事之秋尙有餘力及此所以示之不測未始非先聲後實之妙用且以其暇招設公司商借洋債雖能否借到鉅款尙無把握然以劉銘傳之助望中外合力維持措注較易於他人其舊部駐防直蘇兩省不下萬餘人將來講求愈精或另得造路省便之法或以勇丁幫同修築或招華商巨股可以設法騰挪當與隨時酌度妥辦蓋劉銘傳以原議之人始終經理即待其效於十年以後尤屬責無旁貸倘更有要任相需仍可聞命卽行獨當一面也再中國既造鐵路必須自開煤鐵庶免厚資漏於外洋山西澤潞一帶煤鐵礦產甚富苦無股商以巨本經理若鐵路既有開辦之資可於中騰出十分之一仿用機器洋法開采煤鐵卽以所得專供鐵路之用是礦務因鐵路而

益旺鐵路因礦務而益修二者又相濟爲功矣

再臣接准軍機大臣密寄奉諭前據劉銘傳奏請籌造鐵路當經諭令李鴻章等妥議茲據張家驥奏稱開造鐵路約有三弊未可輕意施行著李鴻章悉心妥籌具奏原摺抄給閱看等因竊思凡建一事必兼權乎利害輕重而後無疑畏拘牽之慮凡議一事必確得之閱思考校而後無揣摩影響之談臣於鐵路之利益大端與籌款之難防弊之法既詳陳之矣至張家驥所稱清江浦爲水陸通衢若造成鐵路商旅輻輳恐洋人從旁覬覦借端要求等語臣謂洋人之要挾與否視我國勢之強弱我苟能自強而使民物殷阜洋人愈不敢肆其要求我不能自強則雖民物蕭條洋人亦必隱圖其狡逞卽如越南國政不善經理以致民生凋敝日就貧弱法人乘閒侵奪其六省以洋法經營日臻富庶是其明證蓋強與富相因而民之貧富又與商埠之旺廢相因若慮遠人之覬覦而先遏斯民繁富之機無論遠人未必就範卽使竟絕覬覦之謀國庇民之道古今無此辦法也張家驥又謂開造鐵路恐於田廬墳墓橋梁有礙民間車馬及往來行人恐至擁擠窒礙徒滋騷擾查外洋鐵路有雙單行之別雙行者佔地寬不過一丈二尺單行者佔地七尺今南北官道寬至二三丈及四五丈不等鐵路所佔不及官道之半既須填築加高與官道判若兩途自於官道中行人車馬無所妨礙其十字午貫之路則有建旱橋之法有於兩旁設立柵門瞭望火車將至則閉柵以止行人俟火車既過然後啟柵至造路之費地價亦其大宗如有田廬侵礙官道者當不惜重價以償貧民輿情自可樂從萬一有民間墳墓及田廬不願遷徙者自無難設法繞避其他跨山越水建造橋梁外洋自有成法可循未聞其不便於民也張家驥又謂水陸轉運及往來之人祇有此數若以鐵路奪輪船之利恐招商局數百萬款項一旦無著查近水之區運貨利用輪船其行稍遲而價較廉遠水之地運貨利用火車其行更速而價較鉅二者固並行不悖卽或鐵路初成之時招商局生意略減然該局既將旗昌原價繳清復分年拔還官帑成本日輕每歲得漕項津貼縱令運載稍分於鐵路亦尙可支持周轉數年之後商貨日多更可與鐵路收相濟之益且北

方地非曉瘠而繁富之象遠遜南方蓋由運路艱阻而其民於所以殖貨之原亦遂不肯勤求若一旦親運銷之便則自耕織以外必更於藝植工作之利一講求可無曠土游民之患即如江浙閩鄂等省自通商以後絲茶之出其地者倍於曩日則謂水陸轉運祇有此數者似又未盡然也以上張家驥所陳三弊臣逐細研求尙覺不甚確鑿大抵近來交涉各務實係中國創見之端士大夫見外侮日迫頗有發憤自強之議然欲自強必先理財而議者輒指爲言利欲自強必圖振作而議者輒斥爲喜事至稍涉洋務則更有鄙夷不屑之見橫互胸中不知外患如此其多時艱如此其棘斷非空談所能有濟我 朝處數千年未有之奇局自應建數千年未有之奇業若事事必拘守成法恐日即於危弱而終無以自強語曰非常之原黎民懼焉及臻厥成天下晏如也臣於鐵路一事深知其利國利民可大可久假令 朝廷決計創辦天下之人見聞習熟自不至更有疑慮然臣不敢謂其事之必成者以集款之非易而籌借洋款亦難就緒也果使巨款可集而防弊之法又悉能如臣所擬則此等大事固當力排浮議破除積習而爲之若洋債未能多借商股未能驟集則雖欲舉辦一時亦尙無力遊 旨妥籌略抒管見如此

臣謹案火車與人行能各爲一路則單行占地七尺雙行占地一丈二尺未始不可蓋道工人等能行立而已宜窄不宜寬寬恐人盡趨之而隕路相踵也中國人稠地密勢不能爲人行專設一路不得不於軌之兩旁各留行人地步若以通行四尺八寸半之軌開計則雙行之軌開已須九尺七寸矣僅餘二尺三寸即一旁亦無容足之地又奚論於兩旁哉

七年通政司參議劉錫鴻奏竊聞近有建議仿造火車鐵路者此等創舉 朝廷自必深思博訪確見妥善然後施行決無徒聽數人私言遽興大工之理然臣願亟亟言之者無事生事人心惶惑物議沸騰甚非 國家之福臣嘗奉使西洋講求其事既有所見不敢不即陳明以期早日罷論息此紛紜也夫火車之利於遠行速者一晝夜三千里緩亦一千數百里而置一機器於前能級十數車於後每車上下兼坐可容百數十人行不至顛簸亦不暈眩雖崇山峻嶺

巨壑深澤穴以通車則悉成平地而無繁躋跋涉之苦此實古今之奇觀絕世之巧術雖臣迂拙亦樂其便冀以施諸中華是以駐英使館使事餘暇即徧覽其縱橫之道親履其製造之局與其巨商老匠悉心推求而又博考諸各國泰曾及波斯日本土耳其等國非西洋而效爲西洋火車者朝夕以思如此者兩年乃歎火車實西洋利器而斷非中國所能仿行也臣竊計勢之不可行者八無利者八有害者九敢請爲 皇太后 皇上詳細言之西洋人於各貨總匯行店皆名曰公司火車鐵路特公司爲之無關國帑蓋其人豪富既衆機變又多閒暇無時則相聚爲奇巧以炫其能迨既成而勢可行冀以圖利者遂羣然釀資俾之益大其事并不知有同夥吞蝕之慮者每國鐵路公司約數家每公司所集資本約金七八十兆至百餘兆每百兆金錢計值中國銀三萬五千萬兩用能養盈萬工匠歲成鐵轍數千萬丈火車三百餘具以應用而常不窮所謂衆擎易舉如此若中國則商民決無約夥爲此者倘以官領之而招商湊股則近年百姓受欺於官屢矣聞輪船招商局集股銀七千餘萬初時以三四分息許之嗣因澆衷不敷僅給息五釐而止人皆怨悔深以爲懲豈復肯蹈覆轍況此時民力大困即網羅天下富室亦未易集西洋一公司之巨資也其不可行者一也無已則動公帑爲之夫帑藏不充久矣上而宿衛軍士且乏衣食而無以肅威嚴下而調饑黎民且傾倉廩而無以普賑恤百廢不舉類皆以財力未裕而苟安之乃籌款項以事此不急之務其於政體亦似略乖矣然姑勿論此洋人之論謂鐵路必多然後商貨周流而無滯計英國三島南北不及三千里東西僅及千里其爲鐵路共十七道所費金錢六百三十兆之多我中國地輿數十倍於英據西洋匠師言由廣州潮州長沙岳州漢口沿大江東折至南京北而淮揚取道臨清天津以達京師爲鐵路一道需銀七千萬兩夫一道即七千萬若仿英國十七道之制則十二萬萬矣地輿遠過於英十七道必仍不足則且數十萬萬矣我 國家經費有常何處籌此巨款抑此僅就初造言之耳以鐵輪轍鐵路兩鐵易於進傷機器板屋亦易震壞每歲必須修而葺之每五年必復易而新之修葺之費或可取償於度載人貨之資更新之費將安

所出其不可行者二也西洋專奉天主耶穌不知山川之神每造鐵路而阻於山則火藥焚石而裂之洞穿山腹如城闕或數里或數十里不以陵阜變遷鬼神呵譴爲虞阻於江海則鑿水底而鎔巨鐵其中如磐石形以爲鐵橋基址亦不信有龍王之宮河伯之宅者我中國名山大川歷古沿爲祀典明禋既久神斯憑焉倘驟加焚鑿恐驚耳駭目羣視爲不祥山川之靈不安卽旱潦之災易召其不可行者三也西洋鐵路既由商民湊股爲之則在事之人莫非自治其事之人修途造車在在結實與中國之付諸委員吏役視爲官事而徒存其狀貌者不同溯自軍興以來法令稍弛矣在下者知侵冒不足以干典刑遂相習以自肥囊橐在上者知徇庇不足以獲重咎因相率而見好於屬僚凡百施爲類皆虛僞工料之給發十每不得五矣價值之浮銷一或竟報三矣矧火車機器購自外洋道遠而無從稽核其不以一報十者幾何苟一切薄料減工更從以補舊刷新之機器則有形而無其實勢不可以久支卽監之以洋人亦豈能直發其覆如福建船廠所造輪船舉不堪用美國暨日本人談及有責洋監督日意格之無良有爲日意格原諒其難者蓋方今所謂製造者此其不足恃也豈火車鐵路一事獨能有實際乎其不可行者四也火車飛行其勢最猛路稍不平則或激輪而全車皆碎或陷輪而人力難施故經由之處每十里置一亭舍爲修道者所居以便隨時葺治凡火車之過咸棒揪挺立伺候道旁否則責治其人使終身無復可圖差使西洋之法人苟失職有據官紳親見聞者皆可懲究其罪不以非所屬而遠嫌故耳目多而人不敢犯令若中國則官各有職界限畫然苟無管轄其人之責卽不能斥治其人之非汛兵而離汛堡夫而離堡衆幾視爲固然惟伺其本管官出巡一與之面卽復他去况辦理火車委員初無刑賞之柄自鮮巡行之時修道者或貽誤覆車必待送諸地方官傳質紛紜然後施之薄責而仍無補於其事人所最畏能謹守職役其不可行者五也西洋各國收養孤窮禁治匪類其事最實其法最周城市鄉閭罕見有鼠竊狗偷者我則軍興以來 國家教養之政尙未暇舉攘竊之風盛行物值一錢卽不可道上須臾置矧此鐵路之鐵延長數千里勢難節節嚴守竊失實在意中

數年吳淞買回洋人鐵路甫及一月卽被人截去鐵段火車不復能馳此其明證其不可行者六也西洋各國惟界口設有稅關火車在此僅停一刻查驗卽便起行故無礙其往來之期我則各省各屬關卡不一而人心之貪詐亦不可勝窮若照尋常關權之法逐細嚴查則每關停留時刻無定若慮其行期延誤而稍示寬大則走私漏稅之弊百出 國課益以不供其不可行者七也西洋各國客店最多每室咸備衾稠事事整潔而其人終歲短褐又復身無重衣故常萬里遠行而不攜一物我中國行李箠篋擔負纍纍以十洋人所坐之火車受五華人而或慮不足車價少索則我不敷出多索則人莫能堪若以載兵言之洋兵水瓢藥袋與其所持器械且晚恆附於身雖家居寢食而不廢此外無所謂軍裝卽遠出戰攻亦露處而無須帳幄是以一火車輒度百餘人華兵固不能如其簡便也其不可行者八也有此八不可行而利或寓焉猶日殫心併力以務成之不可因咽廢食也然而利果安在哉或曰英國自造鐵路貨物流通各行貿易皆比前繁鬧十數倍國之益富職是之由得非利乎夫由西洋而迄地中海凡數十國壤地均可相接自鐵路盛行火車互爲遞送英商之貨直達歐洲而外其所得皆他國之利也若中國則雖造鐵路不過周於兩京十七省而止以彼一省之貨易此一省之財是猶一家如男子以孟仲之財易叔季之貨耳孟仲得貨而失其財叔季失貨而得其財專以叔季言之誠加富矣統一家言之則毫末殊未有增是安可以爲利或曰火車行則各鄉貨物可集於口岸不亦得他國之利乎不知中國食用之物類皆不宜於西洋所銷大宗惟絲茶耳近年各路通商沿江沿海邊諸馬頭巖銷均各有定數多寡不甚相懸華商既恃爲洋裝以待銷洋商亦預計華工以採買倘絲茶所集逾額太遠則有擠擁跌價之虞蓋專用中國茶者惟俄人專用中國茶與絲者惟英人法人與人其餘則輒圖賤價雜收諸印度東洋等處英俄法奧四國之人歲不加多故絲茶之市歲不加旺至於他貨除瓷器白糖毛羽藥材草梗而外西洋只視爲珍玩異物以供陳設以新見聞均不能多售火車運赴口岸不過徒便洋人未足利中國也抑英國商賈之富由其商會頭目隨時訪取各國諸器取合

用之式歸示百工使照式製造以便行銷故其貨所及爲最遠若德國則勸工之法實不能然故火車鐵路雖與兼同而無所得乎厚利今我各省各屬民多曠業董勸無人製造更鮮知洋式車雖疾馳何所載以遠服賈哉或曰火車行則千里若近鄰凡夫探望戚友尋賞幽勝者無跋涉之勞自必咸樂遠出往來人衆沿途之飲食住宿船馬刺載土物購帶生理自然增多其爲利於民不少也不知此惟洋人好游爲然耳洋俗婦女不喜家居每出則夫必隨行并挾子女故游人多而火車之價客店之費皆易取盈我中國民習勤儉安居樂業者多苟非仕宦兵役游幕經商幾終身不出里門至於女婦則尤以踰關爲戒安所得乎游人且西洋火車所經生理暢茂所利者亦在遠客耳若就國人而論雖商賈得利何異乎奪此民以予彼民嘗聞英人之有識者言及其國習俗奢華宴游爲樂今日甫得工費明日即空諸所有今年甫構廬舍明年即授諸他人貧富無常比比皆是倘國勢銷減商務稍衰不三五年即恐坍塌不可掉柱等語我中國方當禁民情游何爲利此或曰西洋鐵路公司皆獲贏餘苟中國官借洋債爲之經理精密亦裕餉之一法也夫 聖朝之生財自有大道豈效商賈所爲且亦思洋商利此果何故哉洋俗以銀行息皆只一二釐多者三釐而止惟鐵路股分可得四釐臣 督查問數處公司皆是此數故其人謂此爲裕財善術今中國借銀外洋動經數年委員增取其一經紀增取其一洋人匯票行又增取其一於是三釐之息變而八釐矣且變而一分矣臣 駐德國時聞有借銀五百萬加息至一分一釐者夫洋人合衆夥以治鐵路之事所得息猶止四釐况我中國視爲官事而苟且將之承充委辦之員難期殷實苟非姦商趨儉即是白手棍徒浮冒侵吞弊端百出豈能獲利在四釐之外者以一分重息籌借所辦之事獲利僅及四釐虧絀且無以補安望其藉以裕餉或曰中國幅員太廣恆有鞭長莫及之虞有火車則巡察易周官吏不敢踰法是則有裨政治矣不知察吏之昏明在精神不在形迹人之所治莫近於身心官之所治莫近於衙署此固不煩車馬而可到者然而身心且不自察故衙署以內欺之衙署且不自察故同城屬吏欺之屬於暗昧之身雖日駕火車以週巡其受蔽被

惑益不可解若其治身心以治左右則無私足以普照臨慮衷足以廣觀聽有日坐幽齋而萬里無殊一室者康雍乾隆之世凡夫遐方軍務邊徼民情各省官吏之賢否及其措置得失無大無小皆歸 聖人洞鑒之中豈其時已有火車哉有火車而大吏遂不懷宴安不耽戲豫隻身徧歷所部如洋商之躡質而耐勞臣 恐未必能然也第借以快遊遊則有耳或曰中國置兵防守各省餉精所費太多有火車則惟練數萬於京師察事變而馳以勦洗疾風掃葉禍亂立平省餉不甚鉅欸此其說近似有理然臣 觀西洋諸國各部均設防兵未嘗以有火車而徑撤蓋身習於其地然後山林溪谷形勢瞭然無迷途入坎之慮且君人者於其國百姓非欲俟其逆謀既成而盡誅之將鎮以兵威使之積畏而不萌異志就令宵小閒作而兵就近則遲察易及於其初起擒治一二即可露釋冰消無興動大兵致百姓罹池魚之禍此其心固華夷如一也又况兵易增不易減自昔爲然每聞裁兵則營員煽使鼓譟以挾制疆吏疆吏藉口鼓譟以恐嚇廷臣陋俗相沿視若祕訣即如同治開裁兵加餉選練新軍之議發自疆臣矣迨餉已加軍已練而各省經制舊兵亦只少減其數以塞責無有肯任勞怨認真爲之裁汰者聞舊兵之餉湖北尙發八成他省則二成以至五成不等兵不諱鬧大率空籍之由營員樂得此空籍以飽其身家疆吏亦樂得此空籍以彌縫其市惠冗員花銷浪費之缺新軍既已加餉舊兵又減餉無多近年各省報銷較諸道光以前其數不啻逾倍 國計之萬難充裕蓋以此今若信其可以裁兵而開鐵路他時鐵路既造必爭起而言兵之不可裁省餉之說夫誰欺或曰中國業已開礦無火車則盤運艱難罔以濟用蓋謀所以便之不知中國開礦非自今始也周官升人掌金玉錫之地而爲厲禁以時取之漢有鐵官者凡四十郡唐初銀冶五十八家宋初金冶十有一銀冶八十有四明代陝西浙江福建湖廣雲貴皆有鑛冶鑛場我 朝會典所載廣西雲南貴州產黃金白金赤金錫鉛鐵水銀丹砂雄黃山西四川廣東產赤金錫鉛湖廣產赤金錫鉛鐵水銀丹砂雄黃皆召商試採鑛旺則開竭則閉貨不棄地今古同然然未嘗藉火車以致之也使因開礦而造火車則是耗無窮之貲財博有限之礦

課其利安在臣竊以五金之產只宜謹遵會典所載至行店如何運赴地方民既取之自知所以銷流之民既取之自知所以轉輸之不必官爲經營致滋他弊至於煤鐵爲輪船鎗礮所需卽剝運艱難亦斷不至如雲南銅差之苦行運而計期先發可與行速者之到境同時倘以脚夫價重爲嫌豈惜脚價之費獨不惜鐵路之費乎又况產此之山隨在皆是就近挹注何待火車聞英國煤鐵之產業將不繼深冀中國采此以火車運送口岸便其取求其於煤尤爲切要煤易出口則彼國兵商各船來集久暫可以無憂是亦彼之利而已我利則非所知矣或曰渭河淤塞惟恃海運以濟京師他時或有海氛運道阻絕百官萬民何所取給今先事於清江浦以北造鐵路以代漕運固思患豫防之至計也臣亦聞管籥及之山東之漕業由運河抵通矣事至不得已則移漕總督於濟甯令南漕秋初皆集清江浦起岸由宿遷取道滕嶧以達濟甯而下河道僅五六百里耳先期由地方大吏豫飭沿途州縣會營督率汛兵堡夫分段平治道路各於站次造大邸舍多爲房屋庠廡以容糧車漕糧所過州縣官咸出站次派押照料轉相受給嚴定該州縣賞罰責以升斗無缺既下河乃由運糧委員接運至通如此未嘗不可以達我朝征準噶爾厄魯特戡定回疆沙漠迢遙兵糧且陸運而無匱况腹地數百里之近而謂必須火車乎火車辦不得人則偷盜短欠弊亦相等京倉惟足接濟而已不以一晝夜駛至爲益也夫不可行而無利如此則事當勿議矣然使無利而亦無害猶姑備其物以娛耳目也臣請更言其害西洋各國之田統歸近地豪富雇佃以耕無以貧民而仰給於十畝者鐵路之造惟富者彼此商允讓地卽不至紛擾閭閻我中國則官道而外莫非民田官道爲尋常與馬所經不得不買取民田以開鐵路無論官中發價獲領甚難卽領價弗虧民之失地者究無從遵得可購之地銀一到手坐食尋空此後謀生傷哉矣特斯凍餒者衆矣就謂官荒可撥補民田而官荒所在之處未必卽民廬所在之處紛紛徒就載道流離情形不深可憫哉其害一鐵路之造填沙杵土可以華民爲之若其築路之法則非洋匠而莫得平適至於火車事件與墊路之鐵條脂輪之油水中國皆無由製造一概須用外來無其鐵

條則泥塗足以膠輪而車窒矣無其油水則鋼輪易於生火而車且焚矣故不爲則已爲則不能不付諸洋匠者勢也爲鐵路一道銀之出洋者數千萬爲鐵路數道銀之出洋者卽數萬萬煙土之來猶多以貨相易與此工作則輩出無非實銀難望有珠還之一日卽謂借諸彼人實於司庫無與然負此鉅債果能脫然無累乎土爾其同回大國也其地七千餘里撫有黑海地中海及阿非利加洲諸回部以爲其藩屬自仿西洋造火車借英德等國金錢一千九百餘兆無由歸還諸強鄰遂相凌逼幾至亡國借貸固自窮之道也其害二鄉僻小民百畝之人以養十數口猶有餘財其居近城市者則所入倍而莫能如之通都大邑則所入數倍而莫能如之何者商賈所不到嗜慾無自生糲食粗衣此外更無他求也今行火車則貨物流通取攜皆便人心必增奢侈財產日以虛糜臣嘗聞土耳其國使臣之駐德者言土國風俗向係慕效中華以儉爲寶自火車既行西洋各貨流入內地人雖知其無當日用而心好之遂以窮匱是流通之弊得鐵路而益助以爲虐其害三英人每謂搭載火車貨物不能增貴臣嘗疑之迨駐德國因其國相之請至細根部游歷令該部酋長調取各商總行冊卷查其目前貨價較諸火車未行時騰貴若干旋據查明報稱米麪牛羊肉等俱約四成增一餘物則有十成而增三四者西洋金銀流溢人易營生故米麪之價雖四成增一而不以爲貴若中國甘錢飭麪昂起至念五錢之多則貧民或有飢色矣火車鐵路成本如此其重工食煤火歲修日給各費又如此其浩繁而均以加諸貨價之內未有不令軍民度日倍艱者其害四守國之道人和而外兼重地形兵力苟不如人則握險憑高亦足自固王公所爲設險以守也若造鐵路則不惟不設險而且自平其險山川關塞悉成馳驟之坦途重門洞開屏障悉撤一夫奮臂可直入室矣西洋人嘗言中國之地崎嶇盤曲不足以聘礮車故攻戰恆較費力然我中國不能以礮車往人亦不能以礮車來則陸守得宜猶可補水戰之不足曩者英法構釁屢得逞志於海隅然而未敢深入者則以道路阻修運礮運糧兩皆窒礙之故今奈何自失其險以延敵哉其害五列聖之德澤湛深人心歷久而益固然生齒既衆良莠自不能齊聞成豐



十年大沽之役英國惟募閩粵沿海無賴以當前驅故其人常謂寇犯中國可即率中國人爲之今猶幸各屬各鄉地勢民情彼尙未能窺透耳民富則不生外心民窮則易萌他志西洋各國內地咸聽遠客往來不立界限我則勢不能然若火車既行他族難禁其附載則洋人蹤迹自必徧及里閭以利啗人村愚尤易爲惑即不至交通句結內潰爲虞然使百姓之視洋人無異其視華人則他時和局或更民情已不可盡恃其害六鐵路之利於行兵實視乎兵力之強弱兵力強則我可速以挫人兵力弱則人亦因以蹙我光緒二年西印度之俾魯芝國降於英英人即許助以金錢使開鐵路四年英人佔據地中海之西奔島即派大酋齋金錢二百二十萬以開鐵路蓋其借以馭人久矣今若貸洋人以爲此彼必樂從既貸而無力還償必索鐵路而爲質負欠既重既堅拒之而無詞則全局在其掌握矣或謂扣留火車掘斷鐵路即遏截其兵庸詎知鎗礮所指我雖掘斷彼固能填之乎洋人吞土機器最捷掘之者壑未及成填之者道已如砥也火車鐵軌皆其國公司素所多備千萬如同一式何慮乎我之扣留此舉若成徒代人布置耳其害七然慮及外洋或以爲迂則且言土賊西洋各國地狹而分治者衆莽無伏戎故火車之行無他慮耳我則山林叢菁常有盤踞行旅被劫視爲等閒火車所經勢不能徧布兵勇倘於其空僻所在設法梗道奪車而脅司火者以馳之襲邑攻城隨其所指俄頃即至則不可守矣烽煙之告警羽書之馳報無有能捷於火車者豈及斷鐵路以遏之其害八由是有請先爲一道鐵路之造以運貨兵爲要議若造一道則火車所到者十之一不能到者十之九各處商貨依然不能周通直指兵威依然不能驟至爾時見爲無益廢之則前功盡棄行之則浩費難供爰此七千萬借款又不知何所設措而可釋重累是無端作法以自困矣其害九夫無利而有此九害勢又不可行而猶有建爲此議者蓋由火車洋匠之覓生理者立說相煽而洋匠之懷叵測心而散布之華人之好奇喜新不讀詩書而讀新聞紙者附和之洋樓之走卒沿海之點商捐官謀利者見此可圖長差以壞莫大之財也遂鼓其簧舌投上司所好而德惠之輾轉相惑以致 上聞也不然西洋之政如教藝課工矜

孤濟貧禁匪捕盜值刑獄嚴軍令飭官守達民情等類與我中國政治之道多有暗合者何以悉屏置弗道而惟火車鐵路是務哉 臣嘗覽西洋如豪商大賈金寶充盈揮霍恣肆凡其舉止應酬役使僮僕動用器具皆爲詩書世家所未經見當其勢焰熾發縱彼呵叱而莫之敢仇然一時采烈興高終不如詩書遺澤之遠使爲世家者督課其子弟各自治其職業以肅其家政彼豪商亦不敢輕視若欣羨華侈舍己事而效其所爲則一盜之費即足自蕩其產我 朝乾隆之世非有火車然而廢盜庫充民豐物阜鞭撻直及五印度西洋亦效貢而稱臣今之大勢弗及者以刑政不修民事不勤耳藉 列聖之所以明賞罰勸農工者 飭令諸臣屏除阿私逸欲實力舉行之即可復臻極盛亦何事效中國所不能效哉

謹案錫鴻此奏謂鐵路利於西洋不利中國八不可行八無利九有害其言甚辯其間亦有洞燭後來弊竇者不得以迂闊目之第閉關時代誠無事鐵路爲也今實偏處此我不自造他人將代我造夫至他人造之利源外溢并國權亦隨以去恐有欲造不得者當時阻撓者紛紛矣而錫鴻曾使德國疏言尤易動聽遲中國鐵路風氣二十年而情勢又變可慨也薛福成創開中國鐵路議 一平地開路百里合計買地填路及一切工程物料置備火車機器之費約需銀四十萬兩近聞開平礦務議開鐵路而居民慮其不便蓋以鐵路繚互不斷其兩旁雖築路拱以留原有之直路然民車農車與夫牛驢耕具勢不得越路而往來則橫路不可不開也當此造端之始必以便民爲本他日擴充營建乃不至有所阻撓將欲便民莫若用旱橋之一法俾鐵路出橋上而行人車馬皆出橋下其布置之疏密宜相度形勢或十餘里或數里而建一橋因其故道勿令隔絕則民無怨言雖因此多費數萬金固勢所不能已也開平礦政既有功效則磁州荆門大冶諸礦亦可仿行矣 一自大沽至天津水路紆曲逾二百里若由陸路開徑道不過百里似宜籌經費集商股修一鐵路與水道相輔並行俾民間見日多數年之後運載漸旺他處必有聞風而起者未始非

爲山覆簣之一助也 一中國士大夫不知鐵路爲何物驟聞是說不免疑駭及目見之則此事本甚平常無足驚異從前吳淞口鐵路若留至今日則知其利者必漸多今既先創造天津大沽一路則自吳淞至上海自臨清至張秋自清江浦至桃源之仲興集自周家口至汴梁自常山至玉山自袁州至蘆溪至萍鄉自江山越仙霞嶺至浦城自安南越大庾嶺至南雄皆可漸次經營以便商旅以利轉運以裕稅課統計成本約皆在百萬兩內外無論或招商股或籌官款皆易集事商民皆見慣不驚或可漸推漸廣以收日積月累之功 一外洋鐵路有雙單行之別雙行者可以一往一來單行者或今日往而明日來或半日往而半日來雙行之路占地一丈二尺單行之路占地七尺此路雖在官道之中既須填築加高與官道判若兩塗自於官道中馬車行人無擁擠磕碰之患其十字午貫之路除建旱橋一法外又有於兩旁設立柵門瞭望火車將至則閉柵以止行人俟火車既過然後啟柵其法不如旱橋之盡善而用費亦可稍簡至造路之費地價亦其大宗萬一墳墓田廬不願遷徙自當設法繞避勿稍勉強必使官吏盡知此意則紳民自無阻撓矣 一買地築路議不得損民墳墓侵民田廬以順民心然非常之原黎民所懼彼路旁之人疑奪其生計必出死力以相撓近聞閩省創辦電綫被鄉民毀壞然彼不過耗費工程而已若鐵路受損動關數百人之性命其勢尤危今立法在何處開路宜就地先招股分不得則以商股充之其開路人工路旁巡役與夫搬卸貨物伺應旅客均先招用近地之人不足則另募以補之以爲拓民生計之明證夫土著之人耳目易周呼應易靈且一人業此足化十人十人足化百人推而至於無窮則不費財而民心可大附此要結於無形之術也 一洋人於中國鐵路望之甚殷或慮內地貿易繁盛彼又將請添口岸不知西洋諸國本無內地開口岸之例即日本鐵路漸興不聞洋人之有他求若因此而較要務是猶慮人借貸而不自理其田產也其究也必將借貸於人而不可得且今經營內地鐵路洋貨得我之轉輸而銷

路益暢我得洋貨之附益而轉運益多固屬一舉兩利洋人有執照遊歷內地者亦聽其附我輪車總之守定約章無瑕可蹈彼斷不能爲意外之請也 一鐵路創辦之始似不能不購之外洋又不能不雇用一二洋人然宜亟令閩滬諸廠招募華匠刻意研究有知此中窺要及能駕駛火車者給厚精以鼓舞之庶數年之後可以自造自修不至授柄於人亦不至一旦有事猝然停廢公司股分宜仿輪船招商局之例不得轉賣洋人非惟豫防流弊也保中國自主之權當如此也 一火車大行之後各州縣驛站漸次酌裁其費可供鐵路之用惟州縣辦公頗有仰給驛站者宜查明有驛州縣向得餘費若干由鐵路公司如數津貼以爲辦公之用如是則官與商浹洽公事不至掣肘矣 一外洋有鐵路新式其窄不過一尺內外地勢不必修平下栽木椿爲架上置浮梁梁上鋪鐵爲轍轍與輪相轄兩旁復有平輪夾木梁而行以防傾側用以運兵載糧費省工速其木架隨時可搭不用可拆如涉水之有浮橋所以濟急一時也近者普法之戰俄土之戰均用此路以運軍儲蓋倉卒之秋修治鐵路非惟多費亦且不暇不若用窄路之爲便他日有不虞之事仿而行之亦事半功倍之道也

朱一新新疆造鐵路利病問答天下大勢之所趨雖聖人莫能遏自西自東自南自北環我疆而處者莫不興建鐵路以迫我我不自謀人將越俎而謀天下事有理不可行而勢不能不行者此類是也然則謀之之策奈何曰無策自清江浦以達 京師自 京師以達東三省復自河南以達關隴自關隴以達天山南北計程二萬餘里爲費在億萬外苟歲支海關數百萬而罷一切冗費期以二三十年亦可告成然此二三十年中外夷之有事與否不得而知海關之能支與否不得而知也其次則用西人民債之法然民之願借與否不得而知官之抑勒與否不得而知也中國經粵捻回之大亂民心固結而不散者何恃乎恃二百餘年之輕徭薄賦深仁厚澤淪浹於心而不自知也今邊患日深防務日亟辦防不能不用財

用財不能不取民取民不能不斂怨民怨否則內憂作內憂作則外患更深二者勢常相因彼族覬之久矣彼族以商立國取民輕而征商重往往逾中國倍蓰而商不怨者一則法制相沿如是習見不以爲奇一則度支出入共見共聞無所容其隱匿也夫中國之富強豈果不及外夷哉是二者皆不能行最下則借洋債而已借洋債而得法則爲日本不得法則爲埃及日本自以爲得法矣然日積月累何以償之計非償以國不可也埃及借英債而受英虐土之於俄亦然不待智者而知其非也故曰無策也新疆地廣人稀回民嗜欲不同其日用之需資於內地者有限惟人情尙新異洋貨暢銷則有之承平時屯田未廣而乾隆末年積穀已五十餘萬石自後存儲均與此不相上下兵燹後舊儲固不可問若大修屯政行之十年兵食不待外求是鐵路之必不可少於新疆者獨徵調及運軍火耳東三省與北洋勢易相聯新疆則鞭長莫及爲救急計莫若先開局於吐魯番以造軍火若造鐵路非合關內外以達於燕豫揚徐之郊不可果使帑項可籌豈非當務之急然而中國之財力如是中國之習俗如是竊恐鐵路之成非可以歲月期也故曰無策也

馬建忠論鐵道之興有謂肇於英之紐加斯地者有謂肇於德之墨地特未地者姑弗深考惟鐵其軌以轍輪輪良於行而馬力省則權輿於英之煤礦其規制粗備於道光乙酉年於是而美而奧而法而比利時而德而俄而意而西班牙自乙酉以至己酉先後二十四年各國次第創造恐後至光緒乙亥而歐洲之鐵道計長十三萬六千二百九十八墨里一墨里當工部尺二百八十丈其間屬英者二萬六千四百七十二墨里屬法者二萬六千二百九十八墨里屬德者二萬五千七百七十二墨里屬奧者一萬六千二百三十八墨里屬俄者一萬七千七百三十三墨里他如意大利西班牙比利時瑞典荷蘭土爾瑞士皆以千計南北美洲鐵道長計十三萬六千有八十五墨里而屬美者計十一萬六千八百七十四墨里今則英屬印度之鐵道長萬數千墨里其北道已逾廓爾喀之北浸至於

藏之阿里矣俄之鐵道已繞出烏拉山之東千餘里而東南浸至於哈薩喀游牧之地矣先後五十年之閒黎山開道梁江跨海凡寰輿五大洲莫不有其鐵軌輪轍焉而軍旅之徵調糧餉之轉輸賑濟之輓運有無之懋遷無不朝發夕至宜乎鐵道所通無水旱盜賊之憂無穀賤錢荒之弊故各國未創鐵道之先其度支以萬計者而既造鐵路之後無不以億計矣其以億計者無不以兆計矣蓋其驅馳電掣任重致遠行萬里若戶庭昔之郵傳遠者數十日今則計時而待昔之舟車行者閱數月今則舉足而至宜昔之經營數十年而度支常不繼今則籌徵不數月而帑藏時有餘所以立富強之基者莫鐵道若也鐵道之設節目紛繁難以悉數然總不外乎籌款創造經理三大端試條陳其梗概焉鐵道之興動費巨千萬則籌款宜亟也其款或糾集於商或取給於官或官與商相維合辦其糾集於商者有官不過問任其自集股自設局者矣其弊也同行爭市減價得不償失終於倒閉英美皆行此法查光緒元二三年鐵道公司之倒閉者一百九十六故有以官督察使不製無用之鐵道閒有便於行軍而不便於貿易者於是官自辦之則德俄概行此法更或官先創造而交商經理或商先創造而官爲經理則德國參用此法行軍貿易兩便焉惟利入甚微製造經理之費難於取償始有官商合辦之一法則法人創行之而德奧仿行之其法有官租地與商不取其直權其利息之厚薄以定租地之久暫限滿歸官者有商自造自理而官爲津貼者有商股難集而官代償其息以鼓舞之者有需本甚厚難以糾集而告貸於人難以取信於是官爲具保者官與商立定條章互相維繫總之不外乎相地制宜使之入浮於出者近是論者謂以官助商費且數十百萬漏卮堪虞不知法國於光緒元年津貼公司歲四十兆佛朗每佛朗重五釐二分八厘而輪車往來稅至一百二十七兆佛朗且省郵遞徵調之費五十六兆是歲課至一百八十三兆佛朗法國如是他國可知此鐵道籌款之大略也款項既籌則度地勢置鐵軌造輪車設局站皆鐵道創造之事也地勢有高卑鐵道便往來則

所規鐵道宜近鄉鎮所相地勢宜傍川河近鄉鎮則戶口盈繁傍川河則原隰坦易不得已而越山躋嶺則審山嶺左右之谷而隨其道隨度約百之五美國鐵道之隨度有過乎此者峻削難行不可法也岡阜爲阻則鑿之鑿無逾六丈過此則穴之爲愈也法意之交有白山焉穴其腹長三千六百丈凡穴視石性之堅脆深三尺需七百至二千六百佛朗有差機器之費皆與焉遇谷填之亦無逾六丈過此則梁之爲愈也大川之梁則施轉樞以便往來之帆楫橋梁之費難以懸揣旁通路口立柵門設守候守候伺輪車之將至閉柵門以辟路焉鐵軌之質有鋼鐵之別鋼耐磨擦勝鐵八倍惟鋼貴而鐵賤今概用鋼鋼以貝斯墨與西愛門二法爲最鐵軌之式形若工字有上下凸出以備反正易用者有凸上平下旋釘於橫木者初式不若二式之節蓋鐵軌經久則形稍變無可互易橫木以架鐵軌欲其堅也杉木松木浸以磺銅藥水最可耐久浸費每段約一佛朗橫木長無逾五尺闊七八寸厚五六寸橫木於道道填細石塊上掩橫木而止用石塊欲其負重透氣而木難於朽也鐵道有雙單行之別雙行之道寬丈三尺單行之道寬七尺兩軌之距以輪爲度英國車輪有相距至二法尺者每法尺二尺八寸他國概以一法尺五爲率俄國則用至一法尺八橫木相間以鐵軌之長短爲度鐵軌長六法尺者則用七橫木其有鑄成鐵軌自爲橫杆以置道上布橫木以承之者德國概用此製惟軌壞難更今漸廢矣其他零星什件不可勝舉凡築鐵道一墨里長地價約六千佛朗填築造橋之費約八千鐵軌橫木各件五千雜用四千約共二萬三千佛朗此單行鐵道在各國極廉之價雙行之道倍之而道越高山大河者又增焉輪車之式不一有力小而速專挽坐車者有力大而遲專挽貨車者有兼挽坐車貨車而速率有差者專挽坐車者一時能駛八十至一百六十墨里其式動輪大而曲柄短柄短則速大輪一週小輪數週蓋動輪之徑徑二法尺有奇故其行速惟曲柄短而力小不能挽重相其所挽之輕重每乘約四萬二千至五萬五千佛朗有差其專挽貨車者則動輪小而

曲柄長柄長則力大輪小則行緩輪徑一法尺一寸每時駛行無逾六十墨里可挽重至二萬八千石每乘約值十萬七千佛朗其兼挽坐車與貨車者動輪徑一法尺半一時駛行無逾一百墨里每乘值五萬佛朗凡輪車之輪少則四輪有六輪八輪以至十二輪之別而動輪惟二其動輪有先後錯置者其汽筒有畸正各別者今則日新月異形式迭更總以挽坐車挽貨車與兼挽坐車貨車之用坐車有上中下三等每車三輪上等輪位二十四中等輪位四十下等五十上等坐車每乘約值一萬佛朗中下等無逾六千佛朗貨車自八百至三千佛朗有差各國坐車之式不同外有臥車以便宵征者每乘約值萬三千佛朗而各車車輪之值不與焉凡坐車可挽至二十乘貨車可挽至三十乘乘乘銜尾蜿蜒道上望之若矯龍之盤旋於雲中也每站設分局車近局而止於是設埠頭以便上下車乘也設廳房以便棧止乘客也設水甕以供汽爐也設煤廠以資堆積也設電報以先傳知也設卡房以稅貨物以稽偷漏也設帳房以收發車票也設車棧以容納各車也設貨棧以蓋藏載物也設標誌以正輪車近棧不亂趨也種種所設華樸任意而貴賤之值判霄壤焉此創造之大略也創造既竣則貴經理之得宜也凡站視埠頭之衰旺有上中下之別而經理之道因之每站派職站一以總理庶事派職帳一以稽查出入派職票一以收發車票派職棧一以謹慎蓋藏派職報一以郵遞消息派職路一以掃治道途各職之下以站之等第定執役之名數小站一人可兼數職大站則正職之外復有二副輪車既行節制疾徐則管車掌之對查客票則管票典之區分載物則管貨主之瞭望險阨則管守任之分站之外復有總站舉總司者所以綱領庶事糾察庶職也立會議者所以定奪大事節制總司也於是宣傳號令者則有司書舉用執役者則有司職總理入財者則有司收分給支用者則有司發核對出納者則有司會修治道途者則有司路察看機輪者則有司器餘同分站凡用人未用必考之既用必察之役二三年則序班升之役二十五年則終身廩之凡掌財出有簿

入有票而斂散之權不主於一司則利權不專凡會財月有要歲有會而  
出納之數統屬於一司則盈虧立見此其大小相維出入相制所由百事  
成而庶職舉也凡斂貨有因地之遠近而別其多少者有分行之疾徐而  
判其低昂者有與其他公司互訂以昭畫一者各國公司所定斂貨之則  
當呈於本國之工部商部以頒行之工商二部核其創造之經費度其客  
貨之多寡稽其用度之繁簡而准定之外加國稅若干大約每墨里公司  
定則上船人二十文中船人十五文下船人十一文而國稅人二文乳子  
不取費未載者取其半充兵者取四之一凡貨約每墨里一噸取費百文  
國稅六文其重逾二三石而不及一噸者取費如噸數他如馬牛犬羊各  
有定則金銀貨物別有定章統計光緒六年英國輪車乘客至四百五十  
兆而運貨之噸數得其四之三他國視鐵道之短長而差等其數此鐵道  
經理之規模也其所以裕國課便民生有不待言者竊謂外洋自創鐵道  
以來其制屢易其費萬千或由商賈經營或由國家創造甚至官債其息  
而商收其利其所以鼓舞招徠之者無微不至人情好逸惡勞不甚相遠  
必汲汲然以此爲務良有不得已者中國自軍興以來製造之局幾遍直  
省一切鎗礮兵器漸仿外洋爲之而於外洋致富致強最要之策如火輪  
車一事反漠然無所動於中蓋以爲中國有窒礙難行者而吾以爲火輪  
車惟中國可行惟中國當行且惟中國當行而不容稍緩何也溯火輪之  
初創造百病叢生不知幾經改作以臻今日之美備人爲其勞我承其易  
此時會之可行也中國平原廣衍南北交通卽有山川亦可繞越此地勢  
之可行也中國材鐵充盈人工省費非如外洋百貨俱貴動用浩繁此人  
力之可行也近今中國財殫力竭凋敝日深內外臣工爭言興利而言之  
數十年茫若捕影者無他以不知有救患之利有節用之利有開源之利  
也何以言之水旱之偏災迭報而荒熟不能相濟是苦於轉運之艱也生  
齒蕃衍則人浮於可耕之地疫兵迭擾則地浮於可耕之人是苦於遷徙  
之難也偏僻之區汚吏莠民因緣爲奸而上無以聞下無以達是苦於聲

氣之不通也反是而行鐵道則無艱難不通之弊此救患之利當行也國  
家之用曰庫儲曰軍儲曰鹽課無不仰給於轉輸之費費浮於物以致民  
貧食貴到處皆是苦於轉輸之難也反是而行鐵道可省轉輸和糴之  
費歲數百萬此節用之利當行也英人所以致富曰煤與鐵遍西南洋而  
盡用之今我中國豫晉之產西人謂其尙富於英乃未聞豫晉之煤鐵行  
至千里豈復望其行於外洋以奪英人之利乎是苦於來原之否塞也諺  
曰百里外不販樵千里外不販糧是苦於貨泉之滯銷也言利之臣又從  
而稅之以爲多設一卡卽多一利源不知稅愈繁而民愈困民愈困而國  
愈貧矣蓋財之於國猶血之在身血不流行則身病財不流行則國病反  
是而行鐵道則無否塞滯銷之患此開源之利當行也然此猶曰行之有  
利不行無害非所論於當行而不容稍緩者試思今日之域環中國之疆  
宇無非鐵道也英山印度北行且逾廓爾喀而抵克什彌爾矣俄越烏拉  
山嶺造二三百墨里行且至代什干而逼敖罕矣法肆并吞安南之謀已  
偵諜洩江富良江之源而直入滇省規爲鐵道之圖矣英人復由披楞之  
東行且與緬甸接壤矣倭人力效西法新舊二都已綿互鐵道而睥睨東  
溟矣俄人踞圖們江口立電報由恰克圖以徑達俄都且築鐵道於黑  
龍江濱以通轉輸矣吾若不乘其未發之時急行興作將不數年各國之  
鐵道已成一旦與國失和乘閒竊發而吾則警報未至徵調未齊推轂未  
行彼已憑陵我邊陲控扼我腹心絕我糧餉斷我接濟吁可危也且思輪  
船棧織海上西洋各國運兵而至者無逾四旬日卽俄羅斯由博羅的海  
而達中國亦無逾五旬日而吾自腹省調兵滇南或自關內調兵塞外能  
如是之神速乎以輪船之緩於輪車而人在數萬里外反居我先矧異日  
各國之以輪車環集我乎且中國數萬里之疆域焉能處處防禦所貴一  
省之軍可供數省之用一省之餉可濟數省之師首尾相接遐邇相援爲  
邊圉混視視爲國家設保障惟鐵道爲能此所以當行而不容稍緩者也  
而難者曰鐵道之可行鐵道之當行與行之而不容稍緩者亦既聞命矣

而無如終以籌款爲難子前所言籌款一端但言官商合辦之章程而實未言款項之所出也今且下理財之詔矣而各直省所節者無逾百萬各關口所稅者無逾二十兆東海有籌防之費西陸困輓輸之勞實地抽釐悉索已盡信使絡繹徵求實多疆吏輟炊司農仰屋欲於此時籌一巨款能乎不能使不籌款於國帑輒思鳩資於民間不知民間十室九空亦猶國帑千瘡百孔卽有二三殷實有志舉辦究之孤掌難鳴多口可畏况乎律稱錢財爲細故官視商賈爲逐末一有差失旣不能向官府以雪冤復不能假律意以自解而計秋毫之利因之傾家擲百萬之金緣以媒禍又誰爲爲之嗚呼是不知因時利導之方也官辦商辦在初創鐵道固有游移今種各國而行之實有成效國帑雖空獨不能賒貸而化無爲有乎民資雖竭獨不能糾股而積少成多乎聯官商爲一氣天下豈有難成之事而或者又曰中朝而行稱貸之事國體有傷不念而開洋債之風牽掣實甚不知泰西各國無一非債欠數千兆而法英德俄之稱雄如故也苟不借浮息之債時償當予之息又何畏牽掣哉夫借債以開鐵道所謂挹彼注此非若借債以償賠款而貽債息之累况借債另有變通之法其法維何曰鐵道專由商辦而借債則官爲具保如是則陽爲借債之名陰收借債之效用洋人之本謀華民之生取日增之利償歲減之息使或牽於庸衆之見惑於無稽之談而猶不肯爲是也獨不見壬寅賠鴉片六百萬元又賠英商三百萬元又賠兵費一千三百萬元庚申賠英國廣東之費四百萬兩又賠法國廣東之費二百萬兩又賠英法二國兵費一千六百萬兩其款有大於鐵路所需者乎曰是不得已也曰正惟不得已而吾恐今日之以鐵道爲可已者將來之不得已且十百倍於此而不止也羣疑衆難之心胸亦曾審思之否也

皇朝續文獻通考卷三百六十三

郵傳考四 路政

光緒九年總理衙門王大臣奏查鐵路之議歷有年所毀譽紛紜莫衷一是臣奕譞向亦習聞陳言嘗持偏論自經前歲戰事復親歷北洋海口始悉局外空談與局中實濟判然兩途當與臣李鴻章臣善慶巡閱之際屢經講求臣奕譞管理各國事務衙門見聞親切思補時艱臣曾紀澤出使八年親見西洋各國輪車鐵路於調兵運餉利便商民諸大端爲益甚多而於邊疆之防務小民之生計實無危險窒礙之處近在總理衙門行走於此事更加留意探詢所聞相同現在公酌酌數華洋規制自古不同鐵路利益雖多若如外洋之徧地皆設縱橫如織不惟經費難籌抑亦成何景象至調兵運械貴在便捷自當擇要而圖未可執一而論正商確開據天津司道營員聯銜稟稱直隸海岸五六百里雖多淺灘沙磧然小舟可處處登岸輪船可以泊岸之處除大沽北塘兩口外其山海關至洋河口一帶沿岸百數十里無不水深浪闊大沽口距山海關約五百餘里夏秋海漲水阻泥淖礙車日行不過二三十里且有旱道不通之處猝然有警深虞緩不濟急且南北防營太遠勢難隨機援應不得不擇要害各宿重兵先據所必爭之地以張 國家圖外之威然近畿海岸自大沽北塘迤北五百餘里之閒防營太少究嫌空虛如有鐵路相通遇警則朝發夕至屯一路之兵能抵數路之用而養兵之費亦因之節省今開平礦務局於光緒七年創造鐵路二十里復因兵船運煤不便復接造六十里南抵薊河邊閻莊爲止此即北塘至山海關中段之路運兵必經之地若將此鐵路南接至大沽北岸北接至山海關則提督周盛波所部盛軍萬人在此數十里閒馳騁接應不啻數萬人之用若慮工程浩大集費不易請將閻莊至大沽北岸八十餘里鐵路先行接造再由大沽至天津百餘里逐漸興辦若能集款百餘萬兩自可分起告成津沽鐵路辦妥再將開平迤北至山海關之路接續籌辦此事有關海防要工即或商籌一時不能多集似應官爲籌措並調兵勇幫同工作以期速成且北洋兵船用煤全恃開平礦產尤爲水師命脈所繫開平鐵路若接至大沽

北岸則出礦之煤半日可上兵船若由大沽接至天津商人運貨最便可收取洋商運貨之費藉充養路之費如蒙奏准擬開平鐵路公司一手經理以期價廉工省並請奏派公正大員主持其事查該司道營員等所請由閻莊接修鐵路至大沽北岸八十餘里均在大沽北塘之後距海岸尚數十里實無危險之慮惟須籌出養路經費庶可久持所請沽津百餘里之鐵路逐漸興造尙足爲挹注良法於軍旅商賈兩有裨益平日藉資拱衛遇事便於援應即戰陣偶不得力祇須收回輪車拆斷鐵路埋伏火器自不虞其衝突臣等會商擬照所請舉辦仍交開平鐵路公司經理並擬派前福建布政使沈葆楨直隸津海關道周馥督率官商妥爲辦理計今夏英德兩國訂造戰艦可以來華臣奕譞明年當再赴海口與臣李鴻章編立海軍第一枝即就便查看鐵路如果合用無弊擬將京外開礦各處次第仿辦

十四年海軍署奏津沽鐵路告成各商稟請接造通州鐵路 略稱據沈葆楨周馥等稟稱新造津沽鐵路自天津府城東門外河岸起經寶河縣之塘沽蘆台以至閻莊止計長一百七十五里橋梁棧房機車客貨等車一律齊備共用銀一百三十萬兩除招集商股外暫借洋債並動用公款銀十六萬兩一俟續招商股及轉運獲利即行分別歸還自閻莊起至灤州之唐山止計長八十五里爲各商舊造鐵路見在新舊鐵路首尾銜接輪車通行並據轉呈商人廣東陳承德等公稟大致謂見造輪路出息抵用養路經費則有餘抽還造路借本則不足如接造天津至通州鐵路既可抽還借本並可報效海軍公私利益不止一端等語臣鴻章率同官商乘坐輪車前往查驗自天津至唐山鐵路一律平穩堅實橋梁車棧均屬合法除停車查驗工程時刻不計外計程二百六十里祇走一箇半時辰快利爲輪船所不及以一機車拖帶笨重貨車三四十輛往來便捷運掉輕靈而且通塞之權操之自我斷無利器假人之慮由此逐步經營愈推愈廣設有徵兵運械飛剪輓粟等事向之經年累月始到者將見咄嗟可致矣向之驛站車馬供應繁重者將見安坐而理矣至商民貿遷無遠弗屆沿途荒僻之地可變衝衢亦屬勢所必至是鐵路洵爲今日自強之急務該

商人等請接造由天津至通州鐵路所收運脚以增益而加多所用經費以均攤而轉省利息較豐商情踴躍將來推廣建造亦易為力並願公繳捐款協助海軍餉需逐年報效殆與有著之稅課無異等公商擬准如所稟仍令津沽鐵路公司商人照章承辦以專責成而資熟手如蒙 允行即傳諭商人招股興工透派印委各官妥為照料俾早日竣工以副 朝廷籌備海防推行盡利之至意奉 懿旨依議

十五年 懿旨前據總理海軍事務衙門奏請由天津至通州接修鐵路當經降旨允准嗣據御史余聯沅等先後陳奏請停辦鐵路均諭令總理海軍衙門會同軍機大臣妥議具奏茲據會商籌議逐款臚陳詳加披閱所陳各節辨駁精詳敷陳剴切其於條陳各摺內似是而非之論實能剖析無遺惟事關創辦不厭求詳在廷諸臣於海防機要素未究心語多隔膜該將軍督撫等身膺疆寄辦理防務躬親自必講求有素著按切時勢各抒所見迅速覆奏用備采擇

又兩廣總督張之洞覆奏 略稱今日鐵路之用以開通土貨為急中國物產之盛甲於五洲然腹地輿區工艱運貴其生不蕃其流不廣且土貨率皆質粗價廉非用機器化學不能變粗賤為精良化無用為有用苟有鐵路則機器可入笨貨可出本輕費省土貨旺銷則可大減出口稅釐以鼓舞之於是山鄉邊郡之產悉可致諸江岸海壩而流行於九州四瀛之外銷路暢則利商製造繁則利工山澤之所植牧豎女紅之所成皆可遠得價則利農內開未盡之地寶外收已虧之利權是鐵路之利首在利民之利既見而國之利因之利國之大端則徵兵轉餉是矣方今強鄰環伺外患方殷內而沿海沿江外而遼東三省秦隴沿邊回環何止萬里防不勝防費不勝費若無輪車鐵路應援赴敵以靜待動安所得無數良將精兵利礮巨餉而守之夫守國即所以衛民故利國與利民實相表裏似宜先擇四達之衝首建幹路以為經營全局之計以立循序漸進之基至津通一路其緩急輕重之宜尙有宜加審察者查御史余聯沅等原奏或恐洋教之煽張或借捐金以資敵或以狡謀利啖為懼或以人心

風俗為憂不知鐵路不過行程迅速至洋人洋教之多少與此無涉造路之鐵可用華產脩路之工仍用民人洋匠薪水亦屬有限洋廠勸造不過市儉圖攬貿易之故智此事似非別藏禍心輪車與輪船電綫等確有利用之實不得謂之淫巧凡此數端舉無足慮至所呈引敵失業兩事業經王大臣剖析詳盡自屬切中時宜惟津通密邇輦轂非尋常散地可比以臣所聞俄德鐵路相接俄人則改寬其鐵道以阻止德車德國鐵路之入都城者必穿行士郵達礮臺而後得達柏林法國巴黎城外諸路皆有大堡環護之即英人與法接界處海底鐵路之議雖因工艱而止亦由怵於法岸近峙自失海險之故是外國顧念根本未嘗不格外嚴重今大沽鐵路已至天津若再開至通州不為置兵築壘以扼要隘但恃臨時收車撤軌之圖則備豫似覺未密苟於中途多設堅臺巨礮以為之備則所費必在百萬以外籌款實屬不貲其當審者一也查奎潤等摺內稱津通之民以車船行店負販為生者約六萬人一家五口已有三十萬人此項人數本難確知然就極少計之仰食於此者總不下六七萬人粗貨舟行不能盡廢短車客店不能盡歇尙可安插其半其廢業者必有三萬餘人若鐵路既開其投效公司備趁車站固必需轉移執事之人願津通二百餘里地段不長中站停頓不過數處一切修路掃軌等役需人不能甚多據西人鐵路述略稱英地四萬里鐵路執事等眾需十六萬五千人以此為準津通二百餘里蓋需八百餘人加以各項販運夫役不能過三千人其鐵路左右鄰邑無甚巨鎮名區人貨趕集亦難甚旺多方安插終恐不敷且津通一路內近神京外近海口又有倉場三者兼之閒民苦其太多而地段苦其太短其難於消納實與他處不同至於廬舍尙可給費遷移若墳墓多所毀遷亦恐不易設處其當審者二也或為非常之舉難與圖始鐵路為利便不宜總總過計致失事機願查所以續辦津通者但為養路計耳夫欲籌養路之需而度支轉益屯防之費惟公司之因而郊甸乃有無告之民利害相兼宜籌兩全之策其當審者三也又查西國鐵路每為距遠水口陸行艱滯而設有無輪車利鈍懸絕故雖重費勞擾而不嫌今則潞河深通帆檣如織車驟馳驟經宿可至商旅驛遞為益無多



權以西例此路尚非所亟其當審者四也至於徵兵一節誠於軍事有益然當今所憂者外患耳津沽爲京師門戶常屯重鎮在大沽有事後路援師早應厚集津門若待至天津郡城告急勢難再分都門之禁旅遠出赴援亦無從抽大沽山海關之防軍回師宿衛苟無此路亦無甚妨其當審者五也夫利不顯而不興害雖隱而必慎既非萬不得已之計即宜防意外枝節之端設此路創造之時稍有紛亂則習常蹈故者益將執爲口實以後他處續造集股之官商必裹足疑沮之愚氓必有辭則鐵路之功終無由成而鐵路之效終無由見矣記曰先其易者後其節目及其久也相說以解言與事宜有次第也今津通一路關係既重不便尤多此亦鐵路中之節目也竊查翁同龢等請試行鐵路於遠地以便運兵徐會澄等請改設於德州濟甯就黃河故道墊路以便運漕均擬緩辦津通爲另闢一路之計但邊地偏遠無裨全局若於僻隅發端其效難見且非商旅輻輳之所則養路費無所出不足以自存德濟一路黃河兩岸沙鬆勉強堆築工費太鉅河流遷徙無定其鐵橋等事尤難時時改作似擬改之路尙非盡善臣愚以爲宜自京城外之蘆溝橋起經行河南達於湖北之漢口鎮此則幹路之樞紐枝路之始基而中國大利之所萃也蓋豫鄂居天下之腹中原綰轂晉出其塗鐵路取道宜自保定正定磁州歷彰德懷等府北岸在清化鎮以南一帶南岸在滎澤口以上擇黃河上游灘窄岸堅逕流不改之處作橋以渡河則三晉之轍下於井陘關隴之驂交於洛口西北聲息刻期可通自河以南則由鄭許信陽驛路以抵漢口東引淮吳南通湘蜀萬里奔湊如川赴壑語其利便約有數事內處腹地不近海口無引敵之慮利一南北二千餘里原野廣莫編戶散處不如近郊之稠密一屋一墳易於勘避利二幹路委遠廠車站多經路生利既繁緯路支流必旺執鞭之徒列肆之賈生計甚寬舍舊謀新決無失所利三以一路控八九省之衝人貨輻輳貿易必旺將來汴洛荆襄濟東淮泗經緯縱橫各省旁通四達不悖豈惟充養路之資費實可裕無窮之餉源利四近畿有事三楚舊部兩淮精兵電檄一傳不崇朝而雲集都下或內地偶有土寇竊發發兵征討旬日立可蕩平徵兵之道莫此爲便利五中國礦利

惟煤鐵最有把握太行以北煤鐵最旺而最精然質最重路最難既有鐵路則釐機器以開采用西法以煎鎔礦產日多大開三晉之利源永塞中華之漏卮利六海上用兵首慮梗漕南漕米百餘萬石由鎮江輪船溯江而上三日而抵漢口又二日而達阜城由蘆溝橋運赴京倉道里與通州相等足以備河海之不虞關飛挽之坦道而又省挑河剝運之浮糜較之東道王家營一路礙於黃河下流者辦理最有把握利七此路既成但有利便並無紛擾民受其益人習其事商視其利將來集資推廣續造不至爲難兵民食貨無往而不宜公私行役轉運盜竊損失兩潦稽延虧耗蠹蝕之患不禁而自止關東隴右以次推行惟力是視二十年以後中國武備屹然改觀矣難者曰幹路之利誠如此矣其如鉅費難成何則請以分段之法爲之擬分自京至正定爲首段次至黃河北岸又次至信陽州爲二三段次至漢口爲末段中原地勢平行工力可省若令承辦員匠核實摺節估計大約每里不過五六千金一段不過四百萬內外合計四段之工須八年造成則款亦八年分籌中國之大每年籌二百萬之款似尙不至無策開辦之始先從首段估造俟本段工竣餘段以次推廣其籌款之法除由鐵路公司照常招股外應酌擇各省口岸較盛鹽課較旺之地分別由藩運兩司關道轉發印票股單設法勸集集股多者股商及承辦之員優予獎勵並准該公司按照前案暫借商款墊解以資周轉至購買鐵料取之海外則漏卮太多實爲非計查山西之鐵產自平定孟縣者可運至獲鹿縣產自澤路者可運至清化鎮鐵軌非同船廠取材不在至精土練之產雖遜洋鐵亦足濟用即使價值賤貴幾微其財仍散在中國不宜斤斤計較應一面迅速於正定清化分置鍊鐵機爐以供取用除首段動工參購洋料外其餘悉用土鐵以杜外耗庶幾施工有序而藏富在民總之津通之視豫鄂度地考工相去懸絕臣之爲是議者非敢有驚廣侈大之心實以置路於不可開之區雖一節有所必借展路於有利無害之域即艱重亦所當爲擬請 責成李鴻章仍令原派總辦鐵路各員督飭該公司熟籌全局擴充原議次第舉工

臣謹案鐵路所以輔佐實業而非實業也鐵路築矣工業不興徒便於洋

貨之浸灌若爲之俛導焉張之洞言以開通土貨爲主願我國人味味思之

又 懿旨前因籌議鐵路事宜諭令沿江沿海將軍督撫各抒所見以備采擇嗣據陸續覆奏詳加披閱其偏執成見不達時勢及另籌辦法尙未合宜者毋庸議外張之洞劉銘傳黃彭年所奏各有見地而張之洞所議自蘆溝橋起經行河南達於湖北之漢口鎮畫爲四段分作八年造辦等語尤爲詳盡此事爲自強要策必應通籌天下全局海軍衙門原奏意在開拓風氣次第推行本不限定津通一路但冀有益於國無損於民定一至當不易之策即可毅然興辦勿庸築室道謀着總理海軍衙門即就張之洞所奏各節詳細覆奏明請旨總理海軍事務衙門覆奏 臣等公閱督撫三疏劉銘傳欲由津沽開至京師黃彭年欲先辦邊防漕路緩辦腹內及沿江沿海各省而試行津通與 臣衙門原議略同惟 懿旨令就張之洞所奏各節詳議自應將津通豫鄂權衡緩急分別確陳以備 慈衷裁斷查西洋興辦鐵路幹路爲經枝路爲緯有事則以路徵兵無事則以商養路故能歷久不敝國富兵強而官民交便就五大洲言之宜於西洋宜於東洋豈獨不宜於中國就中國言之或云宜邊防或云宜腹地豈獨不宜津通 臣等統籌天下大局津通則畿東南一正幹也水路受沿海七省之委輸陸路通關東三省之命脈豫鄂則畿西南一正幹也控荆襄達關隴以一道扼七八省之衝初意徐議中原而先以津沽便海防繼以津通擴商利區區二百里其關係與鄂豫三千里略同固將以開風氣而利推行也今張之洞亦設爲津通五宜審之說其中所慮各節 臣衙門前奏固已剖析無遺無煩再辯惟事關創始擇善而從亦不敢固執成見津通鐵路應即暫行緩辦第由津沽至閻莊已成鐵路前因竭力催工商股難集連津通勘路訂料等費曾以五釐輕息陸續借用洋款一百二十餘萬 臣衙門十三年原奏本有商股一時不能多集官爲籌借之語本年又奏明罷津通之路斷難再招商股以清洋債而事非辦理不善亦無可著落追賠勢須戶部動撥正款今津通緩議路短源枯出多入少似宜稍加體恤免致失信外人惟爲款甚鉅未便請撥正帑查輪

船招商局從前創辦時各省官款除已還外見尙存銀五十七萬零內多開款可備撥用茲津沽鐵路洋債無著懇 恩准其儘數提用於明春到期緊要洋款先行清還尙屬以公濟公其餘不敷銀兩見與商妥展期竊思鄭工捐一年限滿應即截止但此捐本因海防而起應請 懿旨仍改爲海防捐俟鄭工限滿再展一年由各省藩司收解 臣衙門遇有海防船廠等需酌量動用亦准先撥以償津路洋款俾北洋運兵之路不至中廢其津沽養路之需即由臣鴻章督飭公司隨時竭力撙節設法維持若令遵照原奏由唐山接造至山海關以備設防調兵運械呼應靈捷惟此路商貨稀少集股甚難應俟帑力稍通捐項踴躍再行奏明撥助興辦至由蘆溝經河南達漢口考之地志約三千餘里張之洞奏稱南北二千餘里自係錯誤造路愈長需款愈鉅該督請分爲四段分年造成亦頗詳盡願其意以晉鐵路軌爲主僅首段酌購洋料動工期於財不外耗按之實不能行查光緒九年總理衙門兩商晉撫議開鐵礦時張之洞曾寄鐵石由臣鴻章飭局考究其煉法未精中多雜質各國造軌見皆由鐵易鋼必以硬鋼受重壓而不損軟鋼受重壓而不碎者爲上故與軌脆而耐寒俄軌鬆而易陷每舍國產而購自英廠該督謂土煉雖遜洋鐵亦足濟用實非篤論西國中等煉鋼鐵器全副約需銀一百四十餘萬兩正定清化分設兩爐約需銀二百八十餘萬兩非先購洋軌以造幹路則機爐不能運至正定清化非由正定造成通孟縣平定之枝路由清化造成通澤潞之枝路則鐵石不能運至正定清化就蘆溝至正定之幹與正定至平定之枝計一千餘里又由懷慶清化至澤潞枝路亦數百里必須購軌先成方能造端謀始西洋煉鋼之事約須十二廠一生煤廠二熟煤廠三生鐵廠四熟鐵廠五鐵關十鐵條廠六純鋼廠七改鑄鋼鐵器廠八小鋼鐵事件廠九鐵鍋廠十鋼軌廠十一鑄輪廠十二機器廠今未得以鐵造路之益先苦以路運鐵之勞未儲撙節造路之資先謀集股采鐵之費勢必經年累月勞擾無成况見在晉鐵價已貴於洋鐵不能暢銷若用洋法以煉晉鐵則事物繁費價本益昂 臣等再四籌商擬暫行用外洋鋼軌以歸省捷俟幹路既成接造枝路然後開采晉礦運機煉鋼以爲推廣

他省之用至鐵路段落則必以漢口至信陽爲首段層遞而北爲最合算何以言之創築鐵路買地購料之費有定一切運脚則視道之迂直遲速爲定鐵路所用以鋼條墊木碎石爲三大宗均極笨重陸運民車多行百里則增價數倍多行一日又增價數倍辦理逾遲則員弁工役之費因之遞加若蘆溝達正定一段節節陸運繁費實多但在巨鴻章轄境以內艱鉅所不敢辭今擬改爲蘆溝漢口兩路分頭試辦逐節前迎程功較速漢口地濱大江輪帆如織購料既便這路成而前途需用木鐵石等項即由輪車轉運斯用費省而成本較輕又漢口至信陽民物殷阜鐵路造成一節可收一節運貨之利商股或易招徠通盤籌計首尾兼營此實至當不易之策也惟是工大費鉅難成張之洞已明言之而所估銀數似由約略臆揣必以親歷已辦者爲定衡查三千里之路就津沽造成之價估之其路雙軌佔地寬七丈連取土共須佔地二十丈每一里路須佔六十畝每畝約價銀二十三兩是爲購地之費造路一里合銀七千三百十二兩有奇是爲設軌之費自漢口至蘆溝約三千里其購地需十八萬畝約銀四百二十餘萬兩其設軌之費約二千二百餘萬兩中間經過大川在直隸境內者十五曰琉璃河拒馬河北河電河漕河府河唐河滹河新樂沙河滋河滹沱河趙州沙河沙河縣之沙河洛河滏河在河南境內者九曰漳河衛河洪河黃河魯河潁河沙河汝河淮河其在湖北境內者二曰德安兩河口曰孝感河凡二十六水寬或十餘里或二三里其餘小河支港尙不在內所需大鐵橋或十餘萬或五六萬不等約計畝價軌費及造橋經費非三千萬兩不能竣工較張之洞原擬一千六百萬數幾倍之若執定由蘆溝一路順行而南工費更不止此至於籌款之法當以商股官帑洋債三者並行始能集事津沽公司本無殷商巨賈除酌留海路經費外止能兼籌蘆溝創辦事宜漢口一路自應廣招紳富別建公司俟直隸接連後再行合併張之洞原議責成各省藩運兩司關道以印票股單勸集雖未必遠有成效但能嚴禁苛勒亦可參用第非確著成效商富難期信從此事既爲自強要策似需官帑接濟應隨時酌量請撥以赴事機其商股努力不足則尤以洋債爲挹注之資張之洞原奏亦稱請

撥案暫借商款墊解原非必不可行俟開辦有期再行訂借撥用總之鐵路爲今日利國利民之大端經臣等反覆推求實已無義不獲無微不至今擬議津通而先辦漢口蘆溝兩頭並舉四達不悖以爲經營全局之計循序漸進之基庶幾有益於國無損於民事出萬全決可毅然興辦倘蒙 聖心審定應請簡派公正廉明熟悉洋務之重臣招集公司妥爲經營漢口距信陽州六百八十里蘆溝距正定六百里無論或借或撥應先集款一千萬兩俾令勘路定料庶免停工待款並懇責成直隸鄂豫三省督撫曉諭紳民毋得阻撓果能內外一心官商合力成效可期以開中國萬世之利以杜四裔環伺之謀大局幸甚

謹案中國見已通飭畫一軌開準英尺四尺八寸半矣約兩旁留人行路各如之是單軌占地一丈四五尺足矣雙軌即倍之亦佔地三丈而止所謂佔地寬七丈者恐有誤每華里合五畝有奇謂一里占六十畝亦莫解其如何估算也

十七年又會奏關東鐵路酌擬辦法略稱關東鐵路視蘆溝築至漢口爲尤急惟是作事須籌萬全經始務求穩妥查由吉林東南赴琿春其中有老爺嶺張廣財嶺海慶嶺大盤嶺皆壁立千仞綿亘數百里穿鑿甚難又有泥淖坑坎既廣且深人過即陷土人謂之哈塘遍地皆是工艱費鉅十倍於吉林以西之路且地方荒僻商賈絕迹恆數十里無人烟車脚必少勢須另籌養路經費似不如先築至吉林爲便論陸路形勢吉林距伯都訥僅數百里論水路形勢吉林至三姓呼蘭皆由松花江順流東下若造至吉林已攬東三省全局足以控扼邊境且吉林有鐵路通行轉輸便捷將來東三省之商賈必增兵食易足琿春亦有恃無恐彼時再將鐵路工程相機前進逐漸推廣直抵琿春開工之初亦不宜遽從營口入手若從營口另起鋪造費用較多通商口岸尤易惑人觀聽見津沽鐵路已由海濱漸入內地日久相安商民稱便上冬造至灤州之林西鎮所有擬造關東鐵路莫若即由林西鎮逐漸接造工匠物料因利乘便自內達外出山海關經錦州廣甯新民廳至瀋陽以至吉林俟此路成後再由瀋陽造枝路以至牛莊營口分年工程歲有增益一氣貫注首尾靈通無事張皇而

已能控制海防兼顧邊方於大局深有裨益度地勢審邊情量財力防後患似見擬變通辦法更爲周密至興辦此項工程最宜慎重者二端最宜豫防者二端請詳陳之恭查 福陵在盛京省城東南二十里 昭陵在盛京省城西北十里鐵路取境固不可近陵寢亦不可在 福陵 昭陵中間道路今相度地段以老邊地方爲幹路匯總之地查老邊在盛京省城西六十里距 昭陵西北亦六十里鐵路距 昭陵六十里距 福陵八十餘里庶足以昭敬慎過老邊趨鐵嶺開原各縣以達吉林已越法庫門而東距 陵寢愈遠且老邊前後左右百餘里之內並無高山須穿鑿者營造鐵路亦就地堆土架木填石蓋鐵而已必無關礙風水地脈之患此宜慎重者一也 朝廷子惠黎元斷不容稍有擾累籌造鐵路須先購地凡有主之地但使確有契據可憑均須仿照市價公平給費不准稍有抑勒至民間廬墓設法繞避其偶有適當衝要難避者不過千百中之一二必須從優給價使之遷讓查遷葬移屋亦民間常事但能優給費用不致重拂輿情固不可因工程而擾民亦不可因居奇而阻工況關東旗多民少情形與內地迥別造路員匠人地生疏恐辦理未盡妥善請 飭盛京吉林兩將軍各派委員會同造路之員隨宜商辦以免窒礙此宜慎重者二也溯光緒十五年奏准開辦蘆漢鐵路奉 懿旨著各督撫剴切曉示誠有見於凡民可與樂成難與圖始也關東鐵路速徵調利邊防實關根本大計其車戶驟行包攬脚初或稍有減色終必無甚妨礙各國前事昭然可鑒開辦之始難免若輩不遇事生風造言騰謗以致因噎廢食請併 飭盛京吉林各將軍遵照蘆漢成案曉諭紳民勿得阻撓滋事所謂宜預防者此其一十五年奏准蘆漢鐵路不借洋債請由戶部每年籌撥銀二百萬兩十六年 等奏奉 俞允緩辦蘆漢先辦關東自應將蘆漢撥款移作關東之用湖廣督臣張之洞開採煤鐵會由海軍署議准先撥銀二百萬兩將來東路工程如購用鄂局所鍊鐵軌仍照數給價是鄂省鍊鐵之費不得與東省造路之費相牽混關東鐵路照 等所擬地段共計二千三百二十三里約略估計須用銀二千零五十萬兩請 飭戶部自本年起將蘆漢每年撥銀二百萬兩移作關東專款俟撥

足二十萬後彼時東省鐵路全功將次告竣再由 臣等酌度情形奏明辦理惟按十五年戶部籌撥鐵路經費一摺於庫款支絀之時力爲其難每年撥銀二百萬實屬顧全大局每年由庫儲東北邊防經費及六分平餘各項下共撥銀一百二十萬兩當可的確抵用如期應手此外直隸每年撥銀五萬兩不敢稍有遲誤其山東河南山西陝西安徽江甯江蘇江西浙江福建台灣湖北湖南廣東四川十五省每歲撥銀五萬兩共銀七十五萬兩每年由何款勻籌於何月解齊以便支領如逾限不解作何懲處應由部明定章程奏請通行各直省遵守 臣等於鐵路撥款惟恐遲逾不解實緣大段工程一經停工待款則工師匠役委員逍遙坐食購鐵購木購石購地無價可付失信於中外商民所關非細若因款絀而完工遲延又須多展年限賠虧格項此不能不鯁鯁慮也所謂宜豫防者又其一再十五年 諭旨派臣鴻章與張之洞會辦此次應如何派員督辦之處請 旨定奪奉 上諭亦助等會奏勘估關東鐵路酌擬辦法繪圖呈覽一摺據稱由林西見有鐵路接造幹路至吉林另由瀋陽造支路至營口爲便所籌辦法及宜慎宜防各節較上年原議更爲周妥即著李鴻章督辦一切事宜並著裕祿會同辦理所需各費著戶部將原議每年籌撥之二百萬兩自本年移作關東鐵路專款除庫撥之一百二十萬兩可以如期應用外其按年指撥各省之款每省五萬兩爲數無多著戶部咨行各該省督撫逐年如數解清不准稍有延欠至關東民情素稱樸厚惟創始之際愚民於鐵路利益未能盡曉奸徒或藉端阻撓應由李鴻章裕祿長順與陸軍部切出曉諭以釋衆惑而竟全功餘著照所議辦理將此諭知戶部海軍衙門總理衙門並諭令李鴻章裕祿長順與陸軍知之 二十一年廣西按察使胡燏棻奏中國鐵路之議屢舉屢廢自經此次軍事利鈍之故昭然共見應請按照張之洞原議自漢口至京開辦幹路願辦法次第必當先定大綱第一勸立公司准民開自招股本買地勘界等類官爲保護第二勸明道里前議北自蘆溝橋至正定南自漢口至信陽州分頭舉辦查漢口至信陽山路崎嶇工費較鉅不若取道襄樊地勢平坦其鐵軌渡河之路尤宜

在鄭州以西滎陽以東已出山險經流不改之處既渡河則東循淇衛西倚太行北行而達保定地高路平較爲穩固第三多開支路自漢口至京道長三千里若有幹無支則貿易不旺商旅不多勢難持久竊謂支分三段南路由光山固始出六安以載茶葉由應城京山安陸出荆門當陽以運煤鐵西路由懷慶出軹關經蒲解以達關隴東路由開封歸德過宿泗以抵清江如此則天下大局若網在綱商務工務漕務軍務莫不四通八達第四議定制制自高脚鐵軌之制出而火車一變自電氣傳力之機出而火車又一變今俄人自加斯濱海達琿春一路即係用高脚軌電氣車之法今創辦之初宜擇至便至捷者爲之以免他日紛紛改造辦成後每年除公司費用外餘利官收什一之稅誠能各省一律舉行則公家歲可得數百萬金而且東西南北節節流通工物日出商務日旺釐金關稅亦日饒是每歲所增入又不下數百萬金一旦疆場有事運餉運兵朝夕至今日富強於富之道無有切於此者矣

又督辦津蘆鐵路胡燏棻奏用款情形略稱津蘆鐵路工程經費前據北洋總工程司洋員金達約估共需銀二百四十餘萬兩按里核計每里攤銀一萬一千餘兩似較開平至天津舊路加增實則工程情形不同開平一路初用鋼軌僅三十磅次年改修加用至六十磅津蘆則改用八十五磅不同者一開平至天津造路平坦並無著名大河即開有橋梁祇用木椿津蘆則金鐘河鳳河北運河等處橋工均定鋼梁石礮共有二千餘尺之長不同者二舊路鋪填地基祇備單軌之用津蘆則預備雙軌地面既寬地畝土方價即加倍不同者三舊路各種車輛初僅十餘輛嗣陸續添置亦祇一百四五十輛津蘆則置備汽車客車貨車約共二百五六十輛而電報房經費亦在其內不同者四查舊路初造時除地價外每里雖祇用銀三千餘兩而改造已用至六千餘兩迨至通告告成共計三百十二里用銀二百六十餘萬兩每里實攤銀八千餘兩工程材料僅及津蘆之半以較較此實有減無增臣恐局外不察未暇細核易滋浮議不得不將兩路區別情形上陳 聖聽

又奏津蘆鐵路經費擬借洋款略稱查前項經費初經督辦軍務處奏明先由

北洋大臣籌借一百萬兩以資動工餘由戶部撥一俟股分招齊先行歸還等語臣與王文韶商酌各局所難可勉力湊借然海防支應局與淮軍銀錢所關係各營餉需而籌賑局又工賑攸關迫不及待均須隨借隨還況關外鐵路明歲亦須籌辦勢難兼顧津蘆而戶部款亦未撥雖年內最要者在購買地基採辦石料及華洋工程師等薪水暨布置橋工椿木等項業已挪款應付但開河以後外洋材料陸續起運各工同時並舉需款甚鉅若靜待招股斷難一時湊集再四思維惟有暫借洋款將來以鐵路收入之資分期撥還庶足以濟目前之急當與英商匯豐德商華兩洋行訂明籌借英金四十萬鎊以十年爲期周息五釐按九七五扣行用英金一萬鎊先二年付息不還本第三年至第十年分十六期將本利一併攤還即以所修津蘆鐵路基址及全路物件作保統計借款四十萬鎊淨收三十九萬鎊按十年作十六期本利兼還共英金五十一萬五千鎊約合息銀五釐一毫計算尙屬相宜查此項工程年餘當可竣事每歲運脚所入除開銷及歲修經費外以之抵還攤付洋款本息尙可有盈無絀其第二年洋款僅付息金運脚所餘銀兩尙足以補添辦雙軌之費十年後洋款既清即爲國家經久之業目下舍此實別無良策當與該洋商訂立草合同議明俟奉 旨准行再換正合同如蒙 俞允請 飭總署知照英德兩國駐京公使以憑取信而便簽押奉 硃批該衙門速議具奏

二十二年又奏改設馬家堡車站略稱津蘆鐵路由蘆溝橋接造十里至看丹村業經奏明在案嗣飭洋工程司金達重赴看丹詳勘據稱該處雖屬孔道然離京有十餘里不特貨物上下尙須轉運即行旅往來亦多不便不若另勘距城較近之地直達都門於近郊地面更覺氣象一新初擬接至右安門外嗣因地勢低窪夏秋貨車停頓尙費周章復於秋禾收割後飭往進東詳察續勘得永定門外馬家鋪地方最爲適中之地雖距永定門尙有三四里而於崇文門上稅較近倘於是處設站客貨起卸均便臣親往覆勘實爲經久不易之計復呈請督辦王大臣批示祇遵沿途插標訂樞勘明應用地段定價妥買惟自蘆溝至看丹添造十里之遙經費不敷又池遞以達馬家堡計路十六里有奇應

添地價車站並道木鋼軌各料價值均不在原估二百四十萬兩之內至少應添銀十餘萬兩俟估有確數再請 飭部立案核撥

又總理衙門奏略稱奉 旨王文韶張之洞會奏請設鐵路公司並保盛宣懷督辦一摺直隸津海關道盛宣懷著即飭令來京以備諮詢當經恭錄電寄欽遵辦理盛宣懷來署 臣等公同接晤遵 旨諮詢并據呈遞說帖論官辦商辦之難合洋股借洋債之難均確有見地所擬招股四千萬兩先借用部款一千萬兩由南北洋撥官款三百萬兩招集商股七百萬兩借洋債二千兩洋債則擬借諸美國此其大略也部款一千萬兩 臣等自當如數籌濟南北洋之三百萬兩係見成存款亦不難就近撥用至該道所擬先收商股七百兩事權有屬當可招徠即擬借洋債二千兩亦歸該道自行籌辦由公司訂約商借商還條理亦甚明晰張之王文韶張之洞原奏大致吻合自應妥速定議毋為道旁築室之謀 臣等擬就英德款內提存銀一千萬兩備撥俟該道將商股招足洋債借定即行應付惟此公司自必合南北統籌始能展拓蘇滬粵漢亦當次第舉辦督辦之員亦必隆以事權體制然後呼應始靈王文韶張之洞所奏誠不易之理也 臣等更有請者中國擬辦鐵路規畫逾年既定以蘆漢為幹路各國觀聽所屬非雙軌不足為各路倡加費亦復有限况湖北鐵廠鋼軌精良雙軌之工更不宜惜此外未盡事宜應由王文韶張之洞與盛宣懷逐一詳議奏明辦理

二十三年直隸總督王文韶湖廣總督張之洞太常寺少卿盛宣懷會奏議借比款合同略稱奉 諭蘆漢鐵路既設公司派員督辦則借款自應歸公司擔保何以洋人復索國家作保倘此路未成及甫成而未獲利時此項洋息從何取給豈亦由國家代還耶著再分晰電奏又 諭借款作保流弊滋多著力與磋商務令刪去如比國銀行決意不刪即另籌辦法毋得依違遷就貽誤將來又 諭借款代保改為國家批准原可允行惟批准二字亦非輕下即使批准亦專指借款而言不得牽涉公司權利及推廣辦法以免含混草合同底著即電來且勿畫押各等因均經次第遵辦電奏在案竊維蘆漢幹路 臣等原奏鐵

路未成之先華商斷無數千萬之鉅款惟有暫借洋債造路陸續招股分還洋債之一策若華商自向西商移借必指鐵路應入之款作抵所訂合同條款亦須國家核准等語總理衙門覆奏後 諭旨亦准借洋債以期速成鉅工逮與美商議借要挾多端嗣有英德洋商來議因欲牽涉粵路頗慮該二國或有深心正在遲疑比國商人來鄂比係小國以鋼鐵起家重在工作故僅於購料雇工斤斤較量別無他志並慮及他國干涉條款內載明中國鐵路總公司祇認比國公司不認別人其餘各條亦無牽涉權利至其利息較關稅抵借英國債項有減無增磋商已至極處並告以總公司係奉 旨設立先辦蘆漢二千八百里之全工將來招集商股收取權利自有歸還借款之把握既以鐵路作保便無庸再為 國家作保字樣開導再三比公司允先議立草合同俟奉 批准彼亦須候稟准該國再訂正合同蓋印方為定約日來駐漢比領事屢來催詢以草合同議定已逾十日外閒謠言紛至究竟如何當以請 旨未定復之英德美三國亦俱詰問其猜忌形於言表鐵路為自強第一要端鐵路不成他端更無論矣蘆漢不成他路亦可知矣吉黑北路已經許俄代造桂滇南路法亦爭來代造祇有中權鐵路猶可及時自主而英德眈眈虎視幾若不得此不快種種謠言皆從此出若再當機不斷坐使外人藉端爭攘恐無事可以自主况西畢利亞之路方日夜經營我之幹路則部款既請而未撥洋債又議而未定華股更觀望不前或且枝節橫生利其中止 臣等肩斯重任總期及早觀成為自強根本謹將所擬比國借款草合同繕單呈 鑒

又奏蘆漢正合同畫押略稱蘆漢鐵路議借比國洋款業經議定草合同奏准簽字在案嗣由比公司續派德福尼愛蘭依期來滬查照原約將草合同彼此再行簽字作為正合同並另立附約五款補正約所未備除將正續合同咨呈總理衙門外謹附片陳報

二十四年又奏借款續訂合同略稱蘆漢幹路前由總公司籌借比款上年先立草約續定正約均經奏准在案嗣以膠州之役中國情勢各國意向皆有變更比人緣此翻議頭批銀兩逾期不付續送條款多與前議相背 臣宣懷堅持

痛駁示將決裂時有駐京法使照會總署稱此款有法國銀行工廠所出資本顯欲干預當以中國議借比款法使所稱爲合同所不載即函致比公司代理人俞貝德罷議並呈明總署旋准總署電云已與法使議定不再打幫比使電令比領妥商正可相機因應此次議妥當不至再有反覆等語比使電請續議至再至三<sub>臣</sub>等念借款造路各國所索權利莫不因國勢以爲輕重比於膠事後續請各款照原約加增甚多照英美草約不相上下<sub>臣</sub>宣懷與該公司逐條爭論數十次絲毫不肯減讓拖延半載無可再議若與他國另商權利仍與此無異且恐俄法必乘其後更難收束不得已體會總署相機因應之指准俞貝德再送條款其尤要者在鐵路所生之利歸還借款本利若有不敷中國必須設法彌補斷爭執牢不可破平心而論中國借外債無論官商斷不能諉卸不還要在總公司通籌幹支互相挹注並就鐵路推廣生利務使足敷還債而後已但所定條款窒礙太多者亦萬萬不能曲徇均已逐細駁改內惟過期未還借款抵完關稅一條在我爲必不可行在彼則索之尤切力拒不允磋商至極然後刪去當議定續約二十九條內惟兩公司設有爭執請公正人評斷一條比公司必欲註明請賣票最多之國之公使評斷<sub>臣</sub>宣懷執定武昌合同第十四款總公司專認比公司不認別國一條力予刪駁並將比使來電鈔呈總署承准電覆費使面稱公斷一條可改寫如有爭執由總署比使商請公正人評斷另函聲明宜請股票最多國之公使云我雖專認比公司聞款由法國轉借若本利有欠法國不能無詞事已無可再議應先與畫押再行會奏等因遵由<sub>臣</sub>宣懷先與畫押並另給一函抄呈總署查核

又總理衙門奏略稱江蘇補用道容閱呈稱由天津經山東德州至江蘇之鎮江府爲南北往來孔道必宜專築一路以爲便民興利之圖見值德人藉口教案欲修軌道直達濟南倘我先造南北幹路則德人修路至濟南後令其就近與我幹路聯接使不能再加展拓最爲要著是自修津鎮鐵路實爲抵制之方權利固在所必爭大局尤刻不容緩擬即糾合富商巨賈集成巨款興築由天津達鎮江幹路呈請奏明<sub>臣</sub>等查蘆漢鐵路經盛宣懷遵旨籌辦漸有端倪

若照該道容閱所請再築津鎮幹路一支則展拓愈廣實足與蘆漢幹路相輔而行且可預杜外人覬覦之漸所呈章程亦均妥協惟招集洋股一節應令改爲籌借洋款仍聲明商借商還以符應屆奏案如蒙 俞允即由<sub>臣</sub>等札飭該道建立公司妥籌開辦

又奏股票由使比大臣畫押略稱前准比國使臣費葛照會蘆漢鐵路借款股票如在泰西印就發至中華再由督辦大臣盛宣懷及直隸湖廣督臣一體畫押有需時日請電出使大臣就近代畫以期迅速經電商盛宣懷准股票由駐比使臣畫押於合同事理相符恭候 命下即電知出使比國大臣羅豐祿遵辦

又 諭王文韶張之洞盛宣懷奏粵漢鐵路緊要三省紳商願請通力合作以保利權并籌議借款各摺片見在時局日亟所有中國緊要支幹各路除蘆漢業經開辦外粵漢一路雖經總署王大臣奏明次第舉辦尙未定有切實規模自應預爭先著若由湘鄂粵三省紳商自行承辦仍歸總公司總其綱領實於大局有裨惟是造路之資本借款之辦法通行之章程必須與蘆漢公司一氣貫注始可收通力合作之效著王文韶張之洞譚鍾麟譚繼洵陳寶箴許振禕隨時會商盛宣懷妥議招股借款各節并選舉各省紳商設立分局購地鳩工認真辦理各國如有以承辦此路爲請者即由總署王大臣告以三省紳商自行承辦已有成議或可杜其要求此路貫湖南腹地銜接武昌不特取徑直捷練兵開礦諸凡有益該大臣等當妥速開辦力任其難以收實效另片奏請暫用中國工師勘路等語詹天祐鄭景陽二員已諭令胡燏棻暫時借調即著陳寶箴派員協同該二員將湘省應造鐵路之地測量勘繪原摺著抄給閱看將此各諭令知之

又總理衙門奏查中允黃思永原奏內稱強鄰逼處貪得無厭由口岸而鐵路由鐵路而礦產乘隙得步進步直有拒之不能應之不給之勢一國敢其端各國踵其後若不早爲之所江河日下將若之何請 降明詔迅飭內外臣工從長計議凡在中國可爲通商口岸地方不俟請立租界先行照會各國一

律准其通商照上海租界辦法明定條約勿任一國專擅等語係預杜外患起見臣衙門已將湖南之岳州府江蘇之吳淞口直隸之秦王島福建之三島奏請開埠通商亦已籌慮及此其餘各省如有形勢扼要商賈輻輳之區不妨廣開口岸以均利益而免覬覦請 敕各省將軍督撫察看地方情形酌核辦理又原奏稱由 國家速設鐵路礦務兩大公司所有中國路礦統歸總公司籌款主持無論華商洋商皆准附股勿專借一國之債專附一國之股亦不允一國自專一處之路自指一處之礦股本統由公司招集轉發各省次第興辦所得之利亦皆匯歸公司按章均分不以一處之路礦計盈虧不以一事之興衰定作輟而一切管轄之權 朝廷主之公司任之各國不得干預等語查路礦兩項爲今日要務該中允所請各節見在東三省鐵路由許景澄總辦蘆漢及粵漢蘇滬鐵路由盛宣懷督辦津榆及京津鐵路由胡燏棻辦理條理粗具成效尙遲至各省礦務事權不一辦法各殊尤恐徒滋流弊加以中國礦學尙無專門開採鍊鑄之法諸形隔膜亟應切實經理以拓利源而杜隱患應如所奏擬請 敕各省將軍督撫保薦大員奏請 簡派分別總理以專責成再西國創行鐵路於防患之道最爲周密是以失事之虞曾不數見中國仿行未久於火車行駛利害未及詳究津沽開車之始未設電綫往來信息無從遞傳致兩車相碰傷斃多人近聞又因火車機輪久不擦油致機車乾燥磨擦引火幾肇焚如車中又無電鐘後車被燃前車駛行如故瞬息即成巨患人命至重豈容如是疏虞蓋礦務尙可參用中法鐵路創自西人必須悉合西法車內刊貼章程有條不紊此皆鐵路應有之義並非苛求見議專派大員總理路礦請 飭各省將軍督撫切實考察必須通曉路礦之員方准保奏以免貽誤

又 諭前因蘆漢開辦鐵路設立招商公司特派盛宣懷督辦計時將及兩年所有勘路購地各事宜應已辦有端緒此項鐵路關係緊要豈容觀望遷延見在業已籌有的款著盛宣懷剋日興工程辦並將辦理情形先行具奏倘再延不開辦玩誤要工責有攸歸盛宣懷豈能當此重咎耶此外粵漢甯滬各路並著承辦各員一體迅速開辦毋得任意遲緩

又督辦鐵路事宜盛宣懷奏略稱自開辦以來一年有半 無日不督飭華洋員司分頭勘路按圖購地講求物料催趕工作並在津漢各設鐵路專門學堂及預籌製造各廠不敢稍涉遷延今蘆保已開車運料年內全工可竣滬滬月內告成漢口漢口開外江內湖數十里工最艱鉅夏漲以前甃石築土亦皆成事幸與前奏均符然保定滬南漢口滬北未能兼程並進者則籌款之周折而事變之不及料也總公司原以招集商股爲歸宿但華商須待工成利見而後來 經辦輪船電報前事不忘近如昭信股票以 明詔之剴切官吏之勸諭所得者自服官之人及官力可及之鹽當各商外商民買票寂乎罕聞尤爲可與樂成難與圖始之明驗 說帖原議故先官款次洋債而商股後焉蘆漢議准借撥部款一千萬請由戶部先撥五百萬連南北洋官款三百萬支付蘆保滬滬漢滬三段工用業已告罄 惟路工的款必資洋債而遲速難易之權操於出借之人且洋商與中國議借款明蝕暗索向多以利爲誘 與王文韶張之洞商定議借路款首除斯弊惟我既無私利之心當多爭公中之利彼不能挾制於後愈不肯遷就於前初與美商議病其所索權利過多繼及英商相去不遠 以事關數十年之利害深慮借款喫虧還款不易筆禿唇焦未敢遽定去冬馳赴武昌適有比商瑪西等介漢口比領事就議持向與英美力爭數大端相要比商皆允如議張之洞與 密商借用比款利多害少遂舍英美而就比兩次定約均達 天聽至本年正月首次交款之期比人來滬備言膠州之事大局震動且國債以鹽課釐金抵押歸稅務司管理於前訂之蘆漢借票相形見絀無人肯受另送續約條款要素甚多屢駁屢改拖延數月至於廢約罷議而後轉團連五月始與畫押其間委曲艱難隨時皆與總署王大臣及直隸湖廣督臣往返電商迄於無可讓減方與定議比國總工程師司俞貝德赴漢口查勘已做各工訂定頭批借款到華即行接續趕辦由楚入豫節節前進保定以南迄於黃河北公司必須俟來年續付借款方能接造然圍地築土皆當先期趕辦俟續發部款到日分段購築計約一年道工堅實比款續到接造北段庶幾工無停待一氣呵成令該總工程師司另立文憑除黃河橋工外如無意外



航擱款不中輟限令三年竣工行車粵漢一路自鄂至湘業經派員前往查勘大略並曉諭一切惟粵省尙未會勘美款甫定草約而西班牙開戰美公司稍有所待昨接駐美使臣伍廷芳來電該公司派人過夏後來華勘估全工須俟勘定議立正約即可分頭開工美國路工甲於各國諒無延滯甯一路英國工程司勘估將竣正約一定開辦必速以今日中國之勢借外國之款而又要之以商借商還絕無實抵不待智者而知其難也紆迴年餘鉤心鬪角三路之款次第就範即三路之工操券可成造路以費省工速爲主臣初任事亦欲雇用洋工程司任我指使而不假以事權無如中國員司就皆精白乃心究竟事非諳習華人苦工程司之多方挑剔工程司咎華人之辦理兩歧常致欲速而反遲求省而轉費是以獨排羣議與立約各洋商堅明約束酌訂限期借用某國之款即訂用某國總工程司代爲營造年限之內其事權略如海關稅務司一切購料辦工用人理財悉資經理仍事事預請總公司核定而後行此後三路同舉合同內皆限以款到之日爲始三年工竣臣前與王文韶張之洞會奏蘆漢粵漢合爲一氣竭五六年之苦功當可使南北幹路相銜接以符原議等語蓋三處係分三國借款營造約寬期互相比較則一成而無不成也

又 諭鐵路礦務爲時政最要關鍵見在津榆蘆漢鐵路早已工竣由山海關至大凌河一帶亦已籌款接辦其粵漢蘆漢兩路均歸總公司建造是幹路規模大段已具礦務以開平漢河兩處辦理最爲得法成效已著見正一律推廣惟路礦事務繁重誠恐各省辦法未能畫一或致章程歧出動多窒礙亟應設一總匯之地以一事權著於京師專設礦務鐵路總局特派總理各國事務大臣王文韶張蔭桓專理其事所有各省開礦築路一切公司事宜盡歸統轄以專責成

又 諭蘆漢等處鐵路著榮祿會同張之洞督率籌辦

又 諭礦務鐵路總局著派刑部左侍郎趙舒翹會同王文韶督辦

又 諭蘆漢等處鐵路著裕祿會同張之洞督率籌辦

又 胡燏棻奏半借洋款接造關外首段鐵路並辦捐以濟不足略稱臣前勘山

海關外鐵路自中後所至大凌河共二百四十餘里其開大小橋工計九十餘座尙有應開山洞等處頗爲艱鉅約估工費需銀四百餘萬兩查此項經費前總理衙門歸併津蘆原奏祇稱於官商兩路餘利項下勻撥分年展造並未指撥的款臣接辦此路後先有到期洋款並盛宣懷預墊購料款項已籌借銀四十萬兩先後撥付以清起訖核計統年所收運脚除養路及歲修各費外尙有應還洋款及商股息款出入尙難相抵五年內未必能有贏餘只可暫借款二百萬兩以便早日興工先敷一半之用餘與承辦購料各洋行分別商妥先付一半見銀短欠半價暫行照給利息俟一二年內陸續歸還以資騰挪但關外商貨無多此路未接至濟陽以前運脚斷難獲利所借洋款祇能付息不能拔本於公家仍屬無益查從前鐵路經費經戶部及各省停止撥給後改爲歲支養路二十萬兩旋復停撥應請 旨飭部仍行照撥十年俾得分年抵還洋款辦理始有把握俟洋款拔清如有餘利便可提歸部款其下短二百萬兩雖於料價內暫爾通融終難久假不歸初擬集股抵還見甫開辦昭信股票未便同時並舉再四思維別無良策查前任北洋大臣李鴻章初辦津沽至關莊一路所借洋款奏請展辦海防捐一年茲惟有擬請開辦鐵路捐三年仍按海防捐例請給獎敘每三個月咨報一次有能捐至五萬兩以上者除准其獎子弟親友外並准自此路告成之日每年給予二釐息銀以二十年爲止有此多方款動當可得尺得寸藉收集腋之要以清欠款

又奏息借英商匯豐洋款接造新民廳等鐵路略稱關外一路前海軍署會奏初議逕達吉林無如東洋事平之後北洋無款停辦又落後著迨上年歸併津蘆俄使即起而爭執近已允其由俄邊直接至大連灣奉吉兩省東北之利盡爲所佔吉林一路又讓人先著見不得已而思其次計惟有由大凌河趕造至新民廳以備聯接瀋陽之路並可兼護蒙古熱河一帶地方礦務一面由營口至廣甯庶中國海關不致爲俄侵佔尙可保全奉省西北之利最爲要著但失今不圖恐數年後俄必接西北一路勢將全局俱失榆關門戶岌岌可危統計兩路共六百餘里約估經費需銀一千一百餘萬兩連前錦州需借款二百萬

兩共需銀一千三百餘萬兩初冀招集商股見因開辦昭信股票未克同舉倘戶部能於見餘洋款並收集昭信股票酌撥濟用仍歸鐵路原借原還固屬簡便良法但恐部有指撥專款非臣所敢妄請祇有仍借洋款以冀集事惟爲數既多必須指路作抵非將前借零星小款掃數歸還難期集議查津蘆一路原估經費連雙軌在內共銀三百萬兩僅由戶部撥一百六十萬北洋大臣王文韶籌借六十萬又由臣息借商股四十萬計短銀四十萬兩則由北洋擔保借匯豐銀行又奏明由看丹接至馬家堡向匯豐借銀三十萬兩嗣因添造水旱橋洞並運貨運車以及銀價日落磅價日漲原估經費不敷甚鉅又向匯豐並麥加利道勝各洋商各暫借銀二十萬兩又短付怡和洋商承購雙軌半價銀約二十四萬兩津榆一路歷年積欠匯豐十七萬德華洋商銀約一百萬又向道勝洋行新借四十萬兩歸還怡和舊債並盛宣懷墊付各款除由本年二月起於運脚項下撥還銀四萬兩外尙短三十六萬共計暫借各洋商銀三百七萬兩連新路需款共應借銀一千六百萬兩方能敷用見與英商匯豐銀行籌借略有端倪借款一無折扣則按年五釐半起息訂期二十五年歸還前五年還利不還本後二十年本利兼拔共應還本息銀約在三千萬左右就目前論津蘆津榆兩路運脚進款每年可得銀一百五十萬兩新路告成以後進款雖難預定然貨物較多且界在營口通商碼頭大致亦不甚懸殊統盤核算除去歲修養路費以入抵出前項借款本利尙不致十分棘手而且商訂條款並可隨時捐集華股湊還祇須經理得宜商股踴躍借款可先期清償他族即不能干預事權但鐵路須有煤鐵各礦相輔而行方能歷久不敝見高橋至錦州一帶查有煤鐵礦數處宜歸鐵路開辦始資本並應繳國課統俟試辦後另議奏明臣亦知時局艱難豈可輕於一試第念東三省全局已在俄人掌握之中幸經總署與俄使一再辨論留此一綫之路堪以設法抵禦倘再坐失機宜後悔又將何及

又 諭胡燏棻奏請造京西運煤鐵路一摺西山一帶所產烟煤專備京城炊爨之用向用駝運費重價昂該府尹見擬將蘆溝橋鐵路展造至門頭溝路既

非遙需款亦不過鉅即著該府尹督飭洋工程司趕緊履勘估計籌款與辦餘著照所議辦理

又 諭前因鐵路緊要先後將津蘆各路工程特派胡燏棻督辦責任不爲不專乃該侍郎任事以來辦理多未允協屢經被人參奏朝廷念事關重大恐致貽誤因添派候補四品京堂張翼幫同籌辦茲據張翼奏稱該侍郎隱存意見並不和衷商辦於款項出入多有弊混胡燏棻著撤去辦理鐵路差使派慶親王奕劻王文韶趙舒翹按照原參各節詳細查明據實具奏毋稍徇隱

皇朝續文獻通考卷三百六十四

郵傳考五 路政

光緒二十五年慶親王等覆奏略稱據原奏稱中國鐵路自光緒十二年李鴻章奏請招集商股籌修津沽津通兩路旋津通停止復挪借官款洋債修津沽及唐山至古冶謂之商路十六年復提官款自古治修至榆關則爲官路二十一年秋開忽將商路歸官計<sub>臣</sub>管理三年贏餘五十餘萬除分給股利外盡經移交道員吳懋鼎接管嗣吳懋鼎被參撤委併官商路於盛宣懷二十三年又歸胡燏棻一人十數年間轉折之多以致鐵路難成商務不旺一節<sub>臣</sub>等查二十一年臣文韶在北洋大臣任內因天津至古冶一路名爲商路其實商股無多全賴官款洋款接濟事權不一窒礙多端奏明歸併官局嗣復奏交總公司盛宣懷經理二十三年因御史李念茲條奏經總理衙門議請責成胡燏棻接辦均奉 旨允准在案至張翼所稱商路贏餘銀五十餘萬經<sub>臣</sub>等查據胡燏棻覆稱吳懋鼎接收時經直隸候補道任之驊等公同核算內有應支張翼經手欠款等項並無五十餘萬之款復咨北洋大臣裕祿專飭任之驊等切實聲覆並將移交原案檢齊咨送旋覆稱商路贏餘銀五十萬六千三百餘兩內應支洋債虧銀十七萬一千四百餘兩北洋各局所借款本息銀十三萬七千餘兩商股利息銀十二萬八千餘兩員司花紅銀一萬二千兩局員薪水卹賞等銀五萬一千四百餘兩僅餘銀三千餘兩等語<sub>臣</sub>等逐款覆核張翼所指盈餘銀五十餘萬兩係未將經手應支各款剔除嗣經就款開支實只餘銀三千餘兩並無五十餘萬之款有案可稽原奏又稱津蘆一路胡燏棻原奏估款二百四十餘萬先由戶部撥銀一百萬北洋墊銀一百萬令招商股儘還官款乃一經該侍郎承辦無人入股竟屢借各洋行銀一百數十萬又撥用北洋昭信股票銀數十萬又續請部庫銀數十萬此路僅二百餘里已用銀不下數百萬並無報銷任意浮支竟兩倍於原估數目雖託名雙軌不至需款如此之多一節<sub>臣</sub>等查津蘆原估經費二百四十萬兩嗣因建造雙軌添估銀六十萬兩共計銀三百萬兩先後由戶部撥銀一百六十萬兩由北洋借銀一百萬兩又督

辦軍務處奏飭胡燏棻息借商股銀四十萬兩嗣因北洋只撥到六十萬兩臣文韶在北洋大臣任內擔保代借匯豐銀行四十萬兩以足前數後由看丹接造至馬家堡並購置機器需銀二十九萬餘兩經戶部奏准由胡燏棻向匯豐借用銀三十萬兩復因添造水旱橋座並運貨運車等款原估經費不敷甚鉅胡燏棻又向匯豐並麥加利道勝各洋商分借銀六十萬兩並短付怡和承購雙路鋼軌價銀二十四萬兩先後共計銀四百四十萬兩均經奏明在案查據胡燏棻奏稱此路雖僅二百四十里而以雙軌計之地畝土方材料工價均應加倍共作四百八十里覈算統共用銀四百十四萬兩每里攤銀八千六百餘兩匠役工價多按錢文支給銀價日落折耗實屬不少一出入開用項實已加溢而款項並未稍增至昭信股票係總署會同戶部奏准指撥各省銀二百萬兩並安徽河南山西陝西四省應解鐵路經費每年共撥銀二十萬兩以十年爲度作爲檢錦新工程並備還洋款之用與津蘆並無關涉刊定股票後未及兩月即已全數招齊業經開具股商姓名清摺分別呈報雙軌工程告竣後尚有馬家堡大車站及電車馬路未及同時並竣報銷不得不稍遲時日等語查此項鐵路經費用銀四百十四萬兩係因接展看丹至馬家堡路工並添造橋座各項較之原估銀數實多尚非兩倍昭信股票奏准歸檢錦新路備用之款與津蘆一路似無關涉報銷稍遲雖屬有因仍應令胡燏棻將經手款項截清日期趕緊造報分送覈銷以清款目原奏又稱津蘆連年所得運脚百餘萬及津榆舊路運費所入亦百餘萬悉數耗盡一節<sub>臣</sub>等查津蘆一路自二十二年十一月開車起結至二十四年十月止所收運脚費計制錢九十餘萬串銀洋各一千六百餘兩約合銀七十七萬餘兩內支養路等費二十六萬餘兩共餘銀五十一萬餘兩除支添置季家樓餘地及馬家堡豐台等處廠棧鐵路岔道暨洋式大車站等項工程以及付還官款洋債本利共銀五十九萬餘兩計不敷銀八萬餘兩是所收尚無百餘萬之多津榆一路自二十三年七月胡燏棻接手起結至二十四年十月止共收運脚費制錢一百二十餘萬串銀二十餘萬兩約合一百二十五萬餘兩內除支養路製造並薪工等費九十二萬餘

兩共餘銀三十三萬餘兩又因榆路已閱十餘年未經修理道木損壞前經盧漢總公司盛宣懷墊款購料均係胡燏棻接手後陸續代還先後共購道木橋梁鋼料石柱添購車輛共銀七十餘萬兩又代還張翼任內怡和德華洋債共銀七十餘萬兩尚不敷銀一百十餘萬兩均由榆錦款下撥用以上兩路收支款項核與調到銀冊尚屬相符其代還各洋款亦有洋文收單可證並據胡燏棻呈稱見計塘沽唐山山海關三處餘存鐵木各項材料尚值銀數十萬兩皆有實數可稽業已分飭點明造冊以便移交等語應由接辦大臣許景澄等按冊點收以歸核實原奏又稱舊路商股利銀三年未付絲毫商民怨咨糜費既鉅而車輛仍不敷用黃村一帶路不堅實倘遭大水所費更多該侍郎任人太濫材料土方莫不情託賄求趨之如鶩各節等查據胡燏棻覆稱此項股息總公司移交銀一萬餘兩時亦因有他項抵款未付現銀燏棻接辦後榆路急待修理購辦材料到期之款相逼而來擬至年底籌付該京卿之戚周道學熙曾付過息銀二千餘兩豈得謬為絲毫未付見已籌出款項移交付息津蘆二百四十里許有客車貨車三百二十餘輛見尚有將津蘆車輛接濟津榆之時不得謂之不敷黃村一帶因該處二十二年被水會添築旱橋涵洞藉資宣洩並將該路兩面土坡擇要鋪置片石以期鞏固如遇盛漲計可勿慮開辦土方概由洋工程師包與夫頭承辦洋工程師薪水既重顧惜聲名斷無賄求之事材料大批向歸開標購辦其餘雜件零料取其價廉貨精各行家分購天津英德法美各商無不各有交易何能有所請託平日薦條絡繹嚴立界限不敢隨便濫用各等語查舊路股息既經籌款移交應由接辦大臣按股分給以卹商艱津蘆車輛是否敷用黃村一帶是否堅實並嗣後購料用人如何認真整頓應由接辦大臣酌核辦理原奏又稱吳懋鼎與該侍郎姻親情密一氣相通鐵路用人辦事一應款目收支皆吳懋鼎主之既被盤剝又受把持一節等查據胡燏棻覆稱調派吳懋鼎接辦津榆鐵路事宜先經專摺具奏聲明與吳懋鼎略有戚誼不在例應迴避之列奉旨准其調工接辦吳懋鼎自到差後因事往返京津統計在差不及五月局中不止一人遇事公同商辦用人發款

皆係稟准照行等語查該侍郎奏調吳懋鼎及奉旨日期均符至用人發款均係稟准照行原奏所稱盤剝把持既未明指實迹無從查究原奏又稱此次關外借款章程該侍郎一任吳懋鼎播弄明謂不以路抵押而第四條內稱倘未能將本息籌還應將所指各路產業交公司暫代管理俟本息歸清交還此與抵押何異其餘各款尚多隱害一節等查據胡燏棻覆稱關外借款章程係京城匯豐行東熙禮爾所訂議妥後送由總理衙門會議戶部議復於上年具奏奉旨依議其第四條內倘未能將本息籌還應將所指各路及一切產業交公司暫代管理俟本息歸清交還近來借用洋債造路合同蘆漢等處無不有此一語而此合同尚有為數無多並須通融展期亦應從權辦理之語似較蘆漢等處合同尤為細密况此路為英俄所必爭曾於合同內載明此路應認為中國永遠產業無論何國不得侵佔均經總署照會英俄兩國公使有案語語扼要似無隱害大局之處等語查關外借款合同既經奏准其非吳懋鼎所能播弄尚屬實情原奏所稱津蘆津榆約用過銀一千數百萬按五釐算息每年應付銀七八十萬此路養費約需百萬按逐歲運資大約百六十餘萬勢難相抵而還本及意外工作與所欠商路原股本息尚未計及見又因關外之路借款一千六百萬除去九扣一百六十萬又提還關內各款三百萬實只存一千一百餘萬此路工艱費鉅必不敷用即以此項撥算每年息銀八十萬養費至少亦逾百萬細核運脚目前只數十萬以後多不過百萬所虧過半債限屆期豈堪設想又何日路為我一節等查據胡燏棻覆稱付息各款蘆路則有北洋借撥銀六十萬兩商股四十萬兩洋款一百五十四萬兩榆路則有天津支應等局官款十萬兩商股二十八萬餘兩洋款一百二十八萬餘兩除已陸續歸還不計外見應付息之款內有尚未到期之德華本息約合銀四十五萬餘兩華俄道勝本銀十萬兩又另款本銀三十萬兩內有短付怡和軌價本銀二十四萬兩又息銀一萬餘兩共計百十餘萬兩除短付怡和之款已於上年還清外其德華道勝兩洋行之款尚未屆期此外華款之應計息者津蘆祇有北洋官款五十七萬五千兩商股二十三萬兩津榆祇有支應等三局所

十萬兩商股二十八萬四千餘兩統共計銀一百十八萬餘兩按五釐算息每年祇須六萬餘兩並無應付七八十萬之多蘆路官款商股原訂分年拔還則息銀亦可逐年遞減至兩路運脚就目前而論每年可得銀一百六十萬兩除養路歲修經費約銀八十萬兩外尚餘銀八十萬兩即可作匯豐借款五年以內利息見在錦州一路漸次接通營口與新民廳兩路亦期二年內告成以一千四五百里全路進款四五年後又可歲進銀一百數十萬兩每年湊還本銀似不難應付息即隨之遞減等語。等調查胡燏棻借款原案及還款清單尙屬相符至所稱兩路運脚與關外各路進款湊還借款是否敷用在路工未竣無從預計應由接辦大臣斟酌辦理原奏又稱大凌河等河橋梁甚多需款尤鉅不若瀋陽地勢平衍工程刻日可成似宜騰出力量以便由新民廳接長瀋陽展至吉林乃該侍郎輒單銜具奏謂營口支路緊要當併日程功以圖抵制俄路因營口俄路志在速成恐中俄計其向。面說則謂緩修營口恐此路即歸於俄若接路瀋陽俄必不允吉林更不待言不知中俄訂約係借營口爲支路運料之年限八年即撤何用抵制又約載中國以後自行造路從山海關接至俄支路最近之處俄不預具有明文該侍郎於約章全不講求舛誤滋多一節。等查中俄續訂條約內載中國以後自造路從山海關接長至此支路最近之地俄國允不預又東省支路合同內載東省鐵路公司爲運載料件起見由此路暫築支路至營口一過八年必定拆去各等語上年胡燏棻議借匯豐銀行洋款接修自中後所至營口鐵路甫於四月十八日具奏十九日俄署使臣巴布羅福即照會總署謂俄國僅認不阻中國以己資續造山海關至東方支路最近之一處倘借用外國資本即與約內相背萬不能允經總署辯駁俄使始照請聲明四端一此路應由中戶部籌款二若中國自能借款不得以此路作押三此路不得外國人經管四借款之事無論何時不准外國人干預鐵路等事本年正月俄使格爾斯因倫敦售買股票有以鐵路作押之說復照會總署聲明前議均經總署照覆在案東省合同支路所稱暫築支路八年拆去係指附近營口之路乃支路中之支路並非旅大之路全行拆去見在

俄路已由旅大接至瀋陽不遠東省商利必爲所奪胡燏棻以吉瀋之路已爲俄佔先著不得不就約內最近之路俄不預一語議由中後所展至營口以爭商貨入海之利似於約章不至全無考求至張翼議將大凌河橋工暫爲延宕騰出力量由新民廳接至瀋陽展至吉林能否辦到應由督辦大臣許景澄會同張翼隨時商辦原奏又稱該侍郎向。謂須先提借款一百六十萬以了見在爲難之事過此以往則任。所爲非有私虧何必爲此彌縫挪移之計一節。等查據胡燏棻覆稱張翼面晤後即力言營口路不必造告以借款合同指明營口見匯豐先交之第一期款內已代鐵路撥付榆錦料價及還各洋行借款共銀一百七十餘萬兩倘欲更改必先另借歸還匯豐方可再議此不過一時議論以見營口路之不可不造何嘗有挪移彌縫之計豈能以此爲私虧之證等語核閱該侍郎咨送總署關外借款合同載明籌造中後所至新民廳鐵路及營口支路並歸還津榆津蘆各路所欠款項胡燏棻所稱造路還款係照合同辦理至另借銀一百七十餘萬既係空言議論並非實有其事自難指爲私虧之證。等伏查胡燏棻被參各節以款項出入有無弊混爲緊要關鍵見查撥借官商華洋各款均經督辦軍務處總理衙門戶部並該侍郎奏明在案購辦料件給發工價兌收運脚亦均有各洋行譯單及工程司洋文單並總分各局按月冊報可憑至展造山海關外鐵路訂立合同亦經該侍郎奏奉諭旨交總理衙門會同戶部議准照行有案尙無不同惟山海關內外鐵路工程關係緊要全在承辦之員和衷商確認真經理胡燏棻業經奉。旨撤差嗣後鐵路一切應辦事宜應由接辦大臣許景澄會同張翼妥慎辦理以重要工。謹案天下有求人借我而人不應者未有人求我借我不願借而人不應者不以路抵押而稱倘未能將本息籌還應將所指各路產業交公司暫代管理俟本息歸清交還嗟乎託息壤之名行商於之詐外人所以愚我者類如是也西國誠多財彼何親於我而樂以巨款借我且惟恐我之不借也哉

二十七年 論鐵路電綫爲國家興利之源十數年來經營締造迭費鉅帑方

得粗具規模乃上年拳匪之亂蘆漢鐵路及沿途電綫肆意拆毀幾致盡棄前功殊堪痛恨見在大局漸定亟應及時修復其經過地方尤宜加意防範著各該督撫嚴飭所屬州縣及各防營認真辦理該公司各項物料均係動用國帑購造工藝諸人亦係國家招雇均應一體切實保護毋得稍有疏虞致干參處並著出示剴切曉諭軍民人等務各仰體朝廷與作本意家喻戶曉悉泯猜嫌倘敢抗違定即嚴拏重辦以肅功令至沿途巡護之兵更須得力應如何酌量歸併調遣之處著督辦大臣妥議章程奏明辦理

又諭見值時局大定亟應整頓路礦以開利源著仍派王文韶充督辦路礦大臣加派瞿鴻禨會辦大臣張翼勳同辦事其關內外鐵路事宜改派袁世凱接收胡燏棻幫同辦理務各認真籌畫實事求是以保利權

二十八年督辦鐵路大臣盛宣懷奏辦理蘆漢鐵路就上海設立總公司奏准撥發官款以爲全路基礎津漢兩路各設分局派員綜理應將辦法大概情形奏明在案伏念京蘆至漢口幹路跨越三省體大物博非籌借洋款無以竟工非酌撥官款無以固本臣受命之始借款未成先與英工程師訂造蘆保一段計正路二百三十四里四成五分按照雙軌購地填土爲將來開拓張本目前先安單軌另築周口店運石支路計長二十七里六成連同幹支路內往來相避岔道接長四十四里五成三分共計軌長三百六里五成八分歐西路工繁簡以沿途橋梁大小多寡爲斷直境爲九河故道渾河琉璃巨馬北河等處有寬至一千六百餘尺此外細流巨浸均關輻輳水利不容稍有防遏計蘆保一段幹支兩路共修鋼橋九十一座接長至一萬一百十有七尺京津各橋工無此艱鉅此外車站道房機廠料廠及一應大小西式房屋並轉盤水櫃電綫等應有盡有不能稍從節略所辦外洋材料皆照工程司細帳開標定價擇廉訂購各洋商領價洋單隨時簽字作據各段匠夫工價並內地購辦物料悉令檢同洋單隨冊併送津局核支按月轉報總公司派員覆核開辦伊始道遠運艱應用洋料從寬購辦核計蘆保工竣所存各項物料照原價約估尙值銀五十餘萬兩悉歸北路接展保正路工等用鐵路爲中國創辦之舉向無例案可

循前督辦關內外鐵路胡燏棻奏銷蘆榆報銷經兵工二部奏奉諭旨歸併總理衙門會同總辦鐵路礦務大臣核實辦理蘆保報銷事同一律據委辦購料處候選道朱寶奎委辦天津工程轉運局直隸候補道張振榮等督同總公司造冊處委員核造蘆保鐵路四柱收支總細各冊開具清單奏咨核銷詳加覆核其收款項下總公司承領南北洋官款英德借款昭信股票官款德華續解英德磅款共計四項實領折合庫平銀九百三十五萬六千四百八十八兩有奇又蘆保路成開車日起截至光緒二十六年八月責成比員經理日止所進車脚制錢折合庫平銀十二萬七千五百兩有奇二共實收庫平銀九百四十七萬七百二十三兩有奇開除項下蘆保造車地價工料以及鐵路學堂補修養路共計四項實支庫平銀五百四十二萬六千五百七十兩有奇又另册請銷總公司華洋員司薪費履勘蘆漢全路經費南端漢漢官辦料件三項實支庫平銀十九萬五千四百兩有奇統計動支經費庫平銀五百六十二萬一千六百十兩有奇餘存官款接續撥支並另案奏辦滬滬鐵路及預支漢勝軌價維持鐵政以塞漏卮自容接續造銷各清各款

謹案中國未始無財也無以導之則不行無以信之則不集若任事者能爲朝廷導之信之蘆漢三千萬耳距必籌借洋款始克竟工乎朱一新曰借而得法則爲日本借而不得法則爲埃及嗟乎埃及亦地球有名古國也竟以借債而殄覆矣可痛哉

又外務部奏訂正太鐵路合同先是奏覆晉撫岑春煊摺略稱晉省土產以煤鐵爲大宗祇因運道多艱若修鐵路以便轉輸於大局有益按原訂合同該路起於正定府之柳林堡其發軔始基即在蘆漢車站相近之處自應作爲蘆漢分支俾得聯絡一氣庶將來西北土貨貫注東南不但晉省商民坐致懋遷之利即蘆漢幹路兼取轉運之資授之地勢商情均爲利便請飭盛宣懷照蘆漢鐵路辦法與俄商妥訂合同奏明辦理至是核議正太鐵路借款合同略稱直隸正定府至山西太原府鐵路見據盛宣懷奏稱此路約五百華里工程三年告竣見與華俄銀行駐滬總辦熟商計借法金四千萬佛郎克照見在市價

約合華銀一千三百萬兩九扣交付周年五釐起息訂立合同二十八款行車合同十款繕單呈覽俟奉旨批准再行簽印飭由該銀行選訂總工程師並會商山西撫臣遵員會辦並將該銀行所呈地圖暨工程價單咨送前來等詳加復核證以蘆漢鐵路合同辦法悉屬相符至訂借四千萬佛郎較多於山西商務局原訂二千五百萬佛郎克之數經盛宣懷與該銀行再三駁辯當據工程師覆勘實因該處關山艱阻工費加增且路工未成之先息款須在本銀內支付不得不從寬籌備以竟全工等參攷地圖並查核估價清單所稱工艱費鉅自係實情將來全路告竣如有餘款仍繳還中國國家其路工應需各款由總公司按期查核合同內均經載明似此認真鈎稽自無虛冒其餘各款蘆漢鐵路行之無弊應請准如所議辦理

二十九年外務部奏訂滬甯鐵路借款合同略稱原奏內稱光緒二十四年總理衙門來電英使述其政府之意滬甯鐵路必欲令怡和承辦臣宣懷遵與怡和兼代匯豐之英國銀公司磋商草約二十五條適英以特戰我以拳亂彼此遷延未議正約上年銀公司公舉上海領事官暨利南來議詳細合同磋商五六月易稿六七次間有爭持未允者復經臣之洞覆核派員磋商分別駁改增刪幸皆妥商就範計訂合同二十五條以粵漢美款辦法為基址其自保權利之處實較已定各路為多暨利南電致英京一切允協俟奉旨批准再行簽印等語等將該督等所訂合同詳核如訂借英金三百二十五萬鎊虛數九扣年息五釐以英公司出售小票先後為起息日期並訂明備付息款取贖小票辦法他如需用材料先儘漢陽鐵廠承辦遇調兵運械賑饑諸要務減收車價儘先載運以及自購地基以固根本遴派總辦以重事權皆為取益防損之端核與粵漢鐵路合同用意相符而於禁止洋工程師干預地方事宜及預訂將來征收稅捐各節則尤為詳密其餘各條均屬可行應請准如所擬辦理又奏訂汴洛鐵路借款合同略稱原奏內稱蘆漢鐵路係借比國公司造辦前因預籌幹路還款保全支路利益臣宣懷於光緒二十五年奏請將開封河南兩府支路歸總公司籌款接造在案查蘆漢幹路在榮澤左近渡河該處東至

開封府約一百七十里西至河南府約二百五十里見由盧法爾估計應借工款一百萬磅約合法金二千五百萬佛郎克議明利息期限悉照蘆漢章程俟合同簽定後九個月內開辦所有議訂合同各條飭由總公司法文參贊候選道柯鴻年等與盧法爾磋商並經臣宣懷逐款對審照蘆漢合同量為刪汰復函呈外務部詳加增改計訂定細目二十九條行車合同十條要以保持權利不令旁生支節為斷大致以蘆漢幹路辦法為基址而鈎勒較為嚴緊等因等查一切辦法均與蘆漢合同相符而意義較為周密惟第二十三款內載倘日後中國國家准由河南府接長至西安府督辦大臣可以應允先儘比公司按照本公司章程妥商議辦等語查盛宣懷原奏雖聲明自洛以通秦隴應歸總公司籌款接造而此段支路地勢懸長將來如議用華款自辦亦不可不預留地步當令添敘倘中國國家自行籌款或招集華商股本接展此路比公司不能爭執又令於行車合同第九款添敘中國郵政局由此鐵路寄送各郵件應特備專車沿途各站皆須備給房屋以設郵局均照中國各鐵路通行章程辦理沿途並不得由承辦之國另設郵局等語以保權利見訂合同均已一一載明其餘各款應請准如所議辦理

是年中法訂立滇越鐵路章程三十四條

二十九年前部奏重訂鐵路簡明章程  
第一條 部將礦務鐵路歸併管理除礦務另訂專章外其業經開辦之鐵路檔案均由路礦總局移交到部至見在稟辦未經批准者均應由部分別准駁 第二條 無論華洋官商稟請開辦鐵路均應按照定章其有援引前定各省鐵路章程與見定相背者概不准行至經部批准開辦後應俟部奏定公司條律後一律遵照不得違背 第三條 各省官商自集股本請辦何省幹路或支路須繪圖貼說呈明集有的實股本若干萬稟候部行咨該官商原籍地方官查明其人是否公正家資是否殷實有無違背定章各情俟咨復到部以定准駁 第四條 凡軌路必經之地勘定後應由地方官先行曉諭俾眾週知至公司買地應由地方官估定公平價值毋許高控

應完地租由公司按年認繳不得拖欠遇有應墓苟可繞越自應設法以順民情若軌路萬難繞避應由地方官斷給運費以免爭執阻礙 第五條華商請辦鐵路如係附洋股者除稟部批示外應稟由外務部查核至洋商出名請辦除遞呈外務部候批外仍應稟由部察奪 第六條集股總以華股獲占多數爲主不得已而附洋股則以不逾華股之數爲限具稟時須聲明洋股實數若干毫無通飾字樣並不准於附洋股外另借洋款以杜濫混倘有濫混一經查實隨時註銷撤辦 第七條凡中國各省鐵路即使由洋商稟准開辦而中國商民自應得有公共利益方爲平允嗣後洋商請辦無論集股若干總須留出股額十分之一任華人隨時照原價附股 第八條無論華公司附洋股洋公司附華股地方官應一體保護惟不得干預公司辦事之權至公司遇有虧蝕應悉照中國國家所定條律辦理 國家例不償補 第九條華人請辦鐵路如係獨立資本至五十萬兩以上查明路工實有成效者由部專摺請旨給予優獎其招集華股至五十萬兩以上者俟路工告竣即按照奏定十二等獎勵章程核辦 第十條華人請辦鐵路應先估該路全工用款若干至開辦後若因工艱費鉅集股時意計不到致有不敷無可續集股本者應准該公司以機器房產抵借洋款概不准以地作抵惟借款至多之數按照原估用款不得過十成之三並須先稟部聲明所借實數商借商還 國家概不擔承字樣候部核准方可議借其議借款合同應加繕一分呈部存案 第十一條集股如全係華股路工辦竣續請展辦他路而原集之股本已罄擬借洋款以資接展應具稟部聽候准駁 第十二條嗣後華人請辦鐵路如與洋商私訂合同以請辦之路抵借洋款一時濫准或於開辦後將該路工私賣與他人經部覺察或督撫查明除將路工充公註銷全案外應視案情關繫輕重酌罰 第十三條凡經部批准承辦鐵路者無論華洋人應自批准日期限六個月內勘路勘畢再限六個月內開工造路兩軌相距須照英尺寬四尺八寸半爲見行之路一律並將開辦日期報部逾限不報即將批准之案撤銷如實有意

外事端亦須預行呈明部查無欺飾方可酌准展限 第十四條各省辦理鐵路地方選地主據價阻擾工役恃衆把持等事准公司報明該地方官切實曉諭彈壓並嚴禁胥吏訛索須知鐵路爲興商利運之基址 國家應辦之要工該地方官如保護不力推諉漠視查實從嚴參處 第十五條凡勘路估價監造軌路目前中國尙少專家應准公司聘用洋員其經過地方及駐紮處所各該地方官均須慎加保護勿使稍有意外之虞若該洋員不自守禮蕩檢檢閑准地方官知會該公司預爲斥退不得徇庇調赴他路當差其甚者准稟明部移會各國領事存案不准在中國地方旅寓 第十條無論華洋人如於各直省督撫衙門遞呈請辦者應由該督撫查明此路六確於我國商運有裨且於見章無背即咨部酌核辦理 第十七條凡公司遇有爭執或因他事有礙公司利益者若係華人地方官可持平判斷倘判斷不公准呈部核辦以示保護其華商遇有爭執應由兩造各舉一人理論判斷如判斷人意見未洽再合舉一公正人不論局內局外皆可秉公調處兩國國家均不預其事 第十八條路礦本係兩事應行各守專章分別辦理請辦鐵路者不得率請與礦務合辦鐵路公司前有沿路開礦章程嗣後不准援引若就近既無煤料轉運又苦艱阻公司因此致虧應隨時稟陳候部體察情形分別准駁 第十九條礦務鐵路總局前定有表譜格式見仍由部頒發各公司每屆年底將辦理詳情如式填寫呈部查核 第二十條稟辦鐵路業經批准後該公司即可訂立合同如有未盡事項應行具載者准其酌增惟不得與上列各條有礙訂立時並照繕一分呈部核准方可簽押至路工完後有應設關徵稅之處由部會同戶部酌辦 第二十一條華洋商人承辦鐵路如遇有軍務中國國家調遣兵丁轉運餉械及軍營用物須儘先載運車價減半 第二十二條興造鐵路或已經造成後如須用彈壓巡丁准其每一里雇用華人三名仍不准帶用軍器如需用護路兵勇必須稟由部及各省將軍督撫酌派不得擅自雇用所有工食費用由鐵路發給 第二十三條鐵路郵政相輔而行凡承辦鐵路應



代寄中國郵政書信包件所有詳章屆時另訂 第二十四條以上各條係承辦鐵路大概章程此外未盡事宜俟批准及訂立合同時詳細增補

又奏粵紳承辦潮汕鐵路請予立案略稱據候補四品京堂張煜南呈稱廣東汕頭自各國通商以來商務蒸蒸日上該埠為潮州咽喉要隘由埠至潮計程九十餘里見擬招集華股一百萬兩請於該處創辦鐵路并附章程呈請察核竊維各省開辦鐵路其工費浩大者如蘆漢粵漢綿長數千里業奉 簡派大臣借款修造此外應辦之路甚多工費有限自以多招華商承辦為宜查該紳籍隸廣東嘉應州曾在南洋經商此次請辦潮汕鐵路專集華股冀保利權深能仰體 朝廷振興商務之至意上年 載振奉使英倫經歷南洋各埠接見僑寓華埠莫不情殷內嚮今張煜南首先倡導如果外埠各商以及內地紳富接踵繼起非獨各省路工可以及時自辦即各省礦產亦不難集股自採其有益大局實非淺鮮 臣部創辦伊始首以順商情保商利為宗旨華商承辦鐵路潮汕實為嚆矢自應切實維護樹之風聲應請明降 諭旨飭該處地方官示諭居民並於該紳勘路購地運料興工事宜妥為照料將來路成後仍責成保護不得以事屬商辦稍存膜視致拂輿情奉 諭商部奏粵紳承辦潮汕鐵路請予立案並飭保護一摺著岑春煊張人駿飭令該處地方官出示曉諭居民妥為照料毋得稍存膜視

三十年德國膠濟鐵路公司代修小清河鐵路訂立合同八條  
三十一年 命張之洞督辦粵漢鐵路

又盛宣懷奏中葡會訂商辦廣澳鐵路合同略稱准外務部咨中葡鐵路公司建造由澳門至廣東省城鐵路業於增改中葡條約案內准其訂辦飭 臣與該公司議立合同並函示訓條以華洋合辦之局必須扼定商辦不與兩國國家相涉為第一要義時葡使白朗毅來滬會商帶同葡商伯多祿所遞條款應駁甚多適有粵商林德遠呈請認集華股與葡商平權合辦當與該使逐款磋商應需資本華商葡商各認一半公司權利悉遵商律葡國國家不能干預應築軌路繪圖呈候核准方可開工每段工竣由兩廣督臣與澳門總督議定該段

抽收稅則方可開車按照商路機器材料照納官稅官地民產概給租值鐵路進項除養修費用分給商息外每年另提百分之三撥還本銀再有盈餘以三成歸中國國家本銀逐年清還中國即可收路毋庸議價造路工程師參用西人餘皆華籍總以不越中葡兩國人為斷聲明中國不代擔保本息該公司設有例欠及帳目糾葛兩國國家均不干涉亦無賠償所有議訂合同各條電請外務部詳核綜計細目三十一條似尚足以預杜枝節自保利權

又四川總督錫良奏川漢路工情形略稱川漢路工川省士紳皆力請自辦但計里四千有奇計費五千萬以上中國招集民股為最難事川省地居僻遠驟欲集數百萬股之多難之尤難 奴才與諸士紳往復熟商將公司內官款民款悉作股本不招外股不借外債如非中國人之股公司概不承認酌擬章程選舉端人分途廣募並請仿照歷辦積穀等項按租出數百分之三意在輕而易舉積微成鉅該公司又請在重慶府城試鑄鋼元撥餘利充股本綜此數項雖尚無實在確數然按年皆為有著此外如有可籌之款尚擬陸續與辦至籌路考工應從宜昌開工先能修至萬縣即可避峽江覆溺之患將來勘路與工購料諸事當會商張之洞通力合作

又盛宣懷奏訂中英澤道鐵路條款略稱二十四年英使向總署堅索英商承造鐵路五條其末條渾言山西河南至長江經王大臣照覆俟福公司晉豫開辦礦工再與妥商該使覆稱原訂礦務合同本准修築鐵路由礦山運送礦產至河口河口即在襄陽可以通達長江是為澤襄鐵路初議之緣起二十五年英使又以勘查襄陽至漢口水道不能通暢商請改道澤州欲在河南懷慶府與蘆漢銜接渡河後折入安徽正陽關以達江蘇江浦縣之浦口改名懷浦鐵路時御史張苟鶴條奏鐵道改道辦法亦以由懷至浦為便總署覆奏謂遠跨豫皖名為緯路實已斜亘南北隱然增一幹路殊望礙難行請 旨飭 臣妥籌辦理二十八年拳匪事定英使在外務部重申前議福公司代理人哲美森來滬述其駐使之意堅請商辦 臣以蘆漢應還本息擔任甚重設穿裂幹路斜行至浦則長江下游客貨勢必攬奪淨盡蘆漢無以自養爭折數十次哲美森

知不可奪願在懷慶銜接後多走幹路從許州郟城縣另造一路向南仍至浦口告以英使所爭五路中已有信陽至浦口一路為英商怡和匯豐銀公司承辦既願至郟相接不如仍循幹路而東由信陽直至浦口福公司與銀公司同是英商當可合辦詎英使仍堅執懷浦鐵路或中國借洋款或由彼自造奪我權利將來轉運兩省礦產彼可自便實係專顧英商不顧華債之艱鉅外務部與臣部往返電商總以有礙蘆漢力持不允逮二十九年英使重向外務部聲明將已定之澤道鐵路由福公司代為借款仿照正太鐵路章程即在衛輝府與蘆漢幹路接聯臣初猶堅執原合同福公司應自備款造路不應請中國借款修路山西撫臣張曾歇悉心籌計有不可許者八端派道員志森赴滬協商冀同駁阻河南撫臣陳夔龍乘道口至清化將次告成派道員韓國鈞與訂行車章程禁止攪做礦產以外之貨物悉未就範在英使總以澤州至襄陽鐵路先經允准今既不允其另闢一路直至長江已屬萬分為難向部饒舌並以航延過久迭次函部電催催訂合同臣思山西商務局既誤給礦利於前鐵路總公司復代擔路債於後卒之路成礦成皆英商之利福公司且以晉礦合同標題載明開礦製鐵以及轉運各色礦產字樣執定欲在鐵路合同載明准其運鐵意在就礦設爐製鐵運售此意尤惡夫環球各國類以煤鐵之豐歎卜國勢之強弱中國官商協力見以機爐煉鐵者祇漢陽一廠然大冶鐵砂不及山西之豐厚一與接通幹路即照條約禁止內地設廠而就礦開爐製鐵轉運生鐵以及分運鐵石焦煤運往江海商埠煨煉爭銷皆足損礙中國鐵政較正太之僅許修路者情形不同且澤道經行之處俱係瘠區貨客稀少工築艱鉅必致養修之外不敷本息仍將以上利病與哲美森痛切指駁彼既因礦而及路我即就路以制礦羈軌之法議就原訂之孟平澤路四屬內所有鐵礦暨煉鐵合同之煤並煉焦煤統由中國合股開辦仍由國家自設熔煉廠凡各礦所出鐵砂均須官廠冶煉成鐵方准由火車裝運並聲明所指各處煤礦如亦願意合辦由山西商務局與福公司再行商議挽晉省已失之利防鐵路溢運之權內外協力前後爭持已及三載實已無可再爭此澤道鐵路合同未議條目以

前與修改礦章之曲折情形也查福公司道口至清化鎮九十英里有奇為已成之路借款收回給價多少應派員核實估工以為斷清化至澤州三十八英里為未造之路應俟礦務開辦實有把握另再續訂合同不應於此時預籌借票多撥本息故名謂澤道鐵路合同實則見議借款抵數收回道口至清化為止半年以來派華工程師詹天佑赴豫查帳勘工一一確實飭令資册赴京由外務部加派雷補同邀同哲美森按照滬議節略逐款磋商就緒咨行臣奏明辦理查見議借款合同二十一款又行車合同十款議借英金七十萬鎊五釐行息九扣交付實得英金六十三萬鎊約合華銀五百萬兩左右國家作保鐵路作抵除福公司已用工費並息銀鎊虧查照帳册應於售票項下撥還六十一萬四千六百鎊將道口至清化鐵路收回歸併外餘騰之款儘數留備行車經費此項借票簽字後第十年起分二十年贖還代辦行車期內餘利提給二成合同期滿歸總公司自管用人行政督辦有准駁稽核之權機件材料先儘中國工廠承辦福公司無論明暗不得讓售別國人民亦不得假手別國之人辦理該路事務設有違犯總公司有權另招他公司接辦福公司亦不得索償此外條款悉係參酌正太鐵路合同辦法另訂擬設山西熔煉廠並合辦礦務合同與此約同時定議一併簽押礦路兼顧之中實寓權利並收之意又諭商部奏遵旨會查路礦款項大概情形開單呈覽一摺蘆漢鐵路關係緊要著商部袁世凱督飭盛宣懷認真整頓安定章程剔除弊竇力祛浮濫嗣後一切出入款項事宜均著責成商部嚴切稽查務求核實以重路政而裕利源

又商部奏安徽紳士籌款修築全省鐵路略稱據安徽京官翰林院編修呂佩芬等公呈舉駐滬隨辦商約鐵路事務候補四品京堂李經方督辦安徽全省鐵路按照四川江西各鐵路成案公懇代奏等查閱所擬籌辦事宜約分計里計費辦法籌款四綱據稱本省路綫發端宜與鄰省已成之路相接滬甯鐵路直抵江甯則安徽路綫宜由蕪湖接至江甯為首先應辦之著此外分大江南北為兩綫由蕪湖對江之裕溪口起經全含廬鳳蒙亳以期與蘆漢鐵路相

接計程五百餘里江南路繞由蕪湖經宣城旌德徽州至江西景德鎮爲止以  
期與將來贛路相接計程七百餘里又由宣城廣德州至昆連浙界之府止以  
期與將來浙路相接計程二百餘里統計全省路長共一千七百餘里以每里  
需款萬金內外統計約須資本二千萬兩見擬先由蕪湖築至江甯名曰蕪甯  
鐵路計程不過百八十里需款祇二百萬之譜至於籌款之法大致撥川贛兩  
省穀捐鹽價辦法皖省以蕪湖出口之米徽州行銷外洋之茶及長江運售之  
木爲商貨大宗其餘酌提各州縣公積存儲生息並分派公正紳士招股以期  
衆擎易舉等復核辦法尙屬明晰懇 恩准派李經方總辦安徽鐵路所有  
招股勘路購地興工各事責成經理以重路政

又雲貴總督丁振鐸奏雲南官民興築滇蜀鐵路略稱滇省南通閩越北達黔  
蜀崇山峻嶺舟楫不通而自來五金礦產蘊藏甚富非鐵路不足以資轉運查  
滇越鐵路由法訂約修築見正逐段趕辦刻限程功商務暢興計日可待前據  
滇紳在籍翰林院編修陳榮昌等請在雲南省城自開商埠茲復稟稱鐵路之  
利中外所爭然自辦則利歸諸己人辦則利屬諸人滇越路其往事矣一旦告  
成自滇通蜀之路勢將接踵而來若不及早籌維自行開辦必貽後悔即湖南  
廣東等省亦屬前車川漢鐵路曾經川督奏准開辦滇省事同一律雲南省城  
達四川之瀘州敘州等處計程皆千餘里築費約需一千數百萬兩且路達  
川黔三省官民合力集股衆擎易舉當不其難擬請與築滇蜀鐵路設立公司  
刻期開辦仍照川漢鐵路章程專集華商股本期與川漢滇越兩路首尾銜接  
脈絡貫通商務必臻起色利權不致外溢 查該紳等擬辦滇蜀鐵路實於商  
務交涉兩有裨益

又 諭岑春煊電奏據稱粵漢鐵路爭回自辦贖路約需銀七百餘萬兩廣東  
分認三百萬兩已託張督代借洋債應急惟洋債還款粵力斷無可籌擬請特  
派太僕寺卿張振勳出洋集款廣招內外華商不令暗雜洋股等語此路贖回  
自辦實於全局有益出洋招集華股能否不至暗中攙雜別無流弊著會商張  
之洞妥籌辦理

又 諭據張之洞電稱接梁誠電粵漢路廢約合與股東已批准草約美外部  
電稱決不阻撓等語仍著責成張之洞梁誠一手經理盛宣懷不准干預  
又 諭御史朱錫恩等奏浙省自辦鐵路請將舊訂蘇杭甬草合同撤廢一摺  
浙江全省鐵路業經商部奏准由紳民自辦所有前與英商訂立蘇杭甬草合  
同著責成盛宣懷趕緊磋商收回自辦毋得藉詞延宕並著嚴緝梁會同安速  
籌辦以重路政而保利權

又 諭有人奏滬甯鐵路糜費太鉅請減輕成本刻期完工冀早贖回而保公  
益各摺片鐵路關係緊要亟宜力求覈實自保利權所有滬甯鐵路工程款項  
著周馥陸元鼎切實查覆並責成盛宣懷早爲收回以重路政而杜後患原摺  
片著鈔給閱看

又商部奏福建紳士籌款自辦鐵路略稱據福建京官光祿寺卿張亨嘉等呈  
稱閩省地闢民稠生產鬱積欲杜賣礦之陰謀莫若自行籌款建築鐵路查有  
降五級調用前內閣學士陳寶琛籌辦學務商務具見成效凡閩省之經商於  
東南洋各島坐擁厚資者均服其爲人若以該紳總理鐵路事宜於籌股一事  
決無阻礙廈門爲通商口岸擬先築幹路首段再行續建期與廣東江西浙江  
路線交通請據情代奏竊惟閩省與各國通商最早土產沃饒外人垂涎尤甚  
今該紳眷願鄉閩呈請自辦鐵路商運必多裨益且該省礦產亦可藉路綫以  
謀自保洵屬深有關係懇 恩准令陳寶琛經理該省鐵路事宜稟呈 部詳  
核奏明以一事權

又 諭前據御史朱錫恩等奏請將蘇杭甬鐵路收回自辦一摺業經諭令嚴  
緝梁會同盛宣懷妥速籌辦即移交張會敷遵照辦理

又安徽巡撫誠勳奏安徽紳士籌辦全省鐵路擬仿照贛省鹽斤加價及各省  
開辦彩票並加抽米捐爲各項經費不經胥吏之手亦無流弊

又直隸總督袁世凱等奏准以關內外鐵路進款盈餘提撥開辦京師至張家  
口鐵路

又商部奏畫一鐵路軌制略稱查各省見有之鐵路工程形勢均由各工程師

隨時酌定如關內外京漢兩路均軌寬英尺四尺八寸有奇而正太已微有參差泰西原始亦坐此弊迨至工竣而後徐議改圖糜金實多前鑿不遠亟宜統籌全局早著定程其他如鋼軌距離之尺寸橋梁承受之壓力開鑿山洞之大小造作車輛之高寬以至車底掛鉤之形式與離軌之高低均宜各路一律無爽毫釐而後國境以內凡有軌道之處均能一氣銜接等詳考各節實爲路政要機請飭各該鐵路大臣轉飭各工程師將見在已成各路查明詳細規制繪圖速送部擇其程度最良者由部等公同妥酌擬定畫一章程再行奏請頒行俾資遵守

又諭御史黃昌年奏路權至重贖款難擔亟宜興修嚴杜干涉一摺借款修路流弊滋多粵漢鐵路應由三省集股興修以保利權不准借用外債該御史所奏五節著張之洞據實覆奏是年十月蘆漢路成興修粵漢鐵路

又商部奏據考察商務大臣張振勳呈稱奉命考察外埠商務兼辦閩廣農工路礦事宜在廣州省城設立總公司惟事一端先其所急首重路權而路權之介於閩廣者則自廣州以達廈門實爲通陸要道查南洋華僑多籍隸閩廣今就其桑梓之區開利源便行旅集款圖成計必易於激勸其路綫所經大概自廣州東門外起造至黃埔由黃埔經增城東莞石龍鎮惠州府博羅海豐陸豐縣境以至潮州而徑達福建之廈門是爲幹路擬先以廣州之黃埔鎮爲首段業已派員帶同洋工程師履勘地勢宏微且濱海水深數十尺爲香港輪艘往來必經之途安設車站而外並擬援照山東等處自開商埠將黃埔一隅闢作商場建築碼頭無論何國載貨海輪均可停泊卸貨藉以稍分香港屯運之利權至該處民居廬幕悉可改綫越避軌道約計長三十餘里地價工料等項估銀八十萬兩擬分作八千股每股銀一百兩專集華股由振勳先行籌墊以爲商股先聲擬具廣埔鐵路章程二十一條呈請奏明立案查該大臣墊款築路基礎既立續招商股展造廣廈誠得提倡要領時值部署右丞王清穆行抵廣州途電囑詳細查勘旋據電稱該大臣注意廣廈爲維繫南洋閩廣

僑商起見其以廣埔爲首段意在振興商埠兼籌並進亟應妥籌以符奏案等復與兩廣督臣岑春煊電商茲據函稱鐵路商場均目前要政粵省爲商務競爭之區辦理尤不容緩惟嗣後關稅如何徵收路綫如何取道至於廣廈鐵路跨連閩粵亦應統籌全局詳核各等語詢屬動中竅要擬令該大臣一面招商集股一面迅將勘路收稅各節與岑春煊詳商咨報部核定以重路務

又飭商部編纂全國鐵路表

又商部奏據總辦江西鐵路前江甯布政使李有棻公擬定名辦法籌款分職四章共三十七條呈請奏明立案等查閱籌款章程其鹽斤加價及招股購地各項尙屬詳細惟須辦理合宜庶不致有所擾累至辦法先從幹路入手自南昌至九江爲第一段由南昌至吉安爲第二段由吉安至贛南以備接續廣東鐵路爲第三段然後再及支路亦屬條理秩然其附設銀錢號以資匯兌附設學堂以儲路材尤關切要如蒙俞允應傳知遵辦如議行

又奏查各省鐵路近來次第修築請飭各該管鐵路大臣將見在各路供差各員造履歷清冊具切實考語咨送部其自行籌辦鐵路之總協理及著名之華工程師統由部隨時核察如於路務足資整理即加札作爲路務議員遇有公事准照商務議員例逕行報部核辦至部有應行差遣調查各事除特別事宜由部派員辦理外其餘巡札各該議員核辦其考成統計三年之內路務大有起色應由部擇尤獎勵其敷衍塞責或始勤終怠當隨時撤退如有舞弊營私一經發覺即由部奏參庶幾懲勸兼施於路政不無裨益

又內閣侍讀學士承瀛條陳川漢鐵路辦法略稱海禁既開兵商爲重亞西各國越萬里路與我爭衡者海有輪船陸有鐵軌我力未及彼遂相乘近日如關東雲南膠濟龍州等路所失已多幸蘆漢津漢爲我自造利權稍挽然已爲借貸洋款所挾制腹省諸路紛紛指估若不力爭先著勢將無從下手此川漢一路所由亟辦也川督錫良知庫款久虛倡爲官督民辦主義誠允願茲事體大貴有條理且須申明由商民入股並自行修築之宗旨庶權力平均上下一心

不至如他路有外人阻撓官民隔礙情弊謹陳簡明辦法四條

一分工段查川督原奏謂沿江路繞軌長四千六百餘里款估五千餘萬今擬分六段由成都至內江四百六十里爲一段內江至重慶五百三十里爲一段重慶過梁山至萬縣七百四十里爲一段萬縣至夔府三百六十里爲一段夔府至宜昌六百二十里爲一段宜昌以下與漢口接軌一千二百里爲一段共三千九百十餘里除宜昌以下輪船可通緩修外應修者只二千七百餘里較往日所算里數幾於減半省費甚鉅又分段並舉或先取平坦之地如成都輻輳之場如重慶修造數百里俾資觀聽約計五年竣工幹路一成再勸令附路稍近之巨鎮大埠集款修築支路力以分爲兼營事以衆而易舉

一籌的款查川省創立銀行原奏見辦鐵路所有款項均歸銀行分辦以免利權外溢等語按鐵路提款川督前奏有借存當鋪鹽局公款銀一百萬借准票號銀五十萬撥寶川局鼓鑄存本銀二十八萬一面將該款先寄銀行行息一面將銀元局附隸該行多鑄銅元以取盈餘按季徵收穀捐土釐均撥銀行兌收以爲鐵路工程之用此外推廣股分大如紳富有能建一鐵橋並包辦諸工或鐵軌若干段者勸招入股估價照輸款年月予摺按章取息分利小如造路購地地主應得估價足五十兩者爲一股不足自行聯合數人爲一股但係華人無論本省外省及僑商皆予入股

一建鐵廠從前各路材料多取外洋不知造路以煤鐵爲大宗川省煤炭隨處皆有鐵則鄂有大冶之產漢陽之廠在所必需然道長費鉅須先在川境如綦江江津兩縣所屬之江口地方修築鐵廠一所該處煤鐵俱佳地勢恰合路在鄂者用大冶鐵在川者用津綦鐵且江口濱臨大江順流而下轉運亦易即重慶內江成都等處亦可接濟鐵軌既成必須講究行車亦擬由成都機器局漢陽鐵廠添購機器分頭自造不致利落外人漏卮貽患

一用華工從前蘆漢鐵路係英比兩國分辦路長二千七百里西人原需銀三千萬兩先成漢口一段只六百四十里已費千餘萬每年賣票所入一

百六七十萬元亦消耗在內以西人代造洋匠薪優牟利租僱包工鮮實如華人自辦預設核務處造成一段清一段帳即以一段之利續造二三年內路成而本亦歸若平水鋪軌車修機諸役閩廣人習此甚多外洋留學生專學鐵道者亦不少何必重糜鉅款委利他人其開辦之初有須勘路工程師者亦不宜拘泥但權自我操方可臨時議聘

以上各條計里較原奏更捷籌款更多取材有就地不竭之基用人無大權旁落之慮尤要者聯川楚官紳爲一氣奉 旨外務部知道

又商部奏江西紳士籌築全省鐵路請派員總辦略稱據江西京官順天府府丞李盛鐸等呈稱鐵路之利觀者衆江西完善之區尤宜早自籌築惟責任重大非聲望素孚未能肩此重任查有在籍前江甯布政使李有棻品端望重以之督辦江西鐵路必能興利杜患至辦法入手擬先從九江以達省城名曰南潯鐵路爲幹路之第一段次則由省城達吉安爲幹路第二段由吉安達贛南爲幹路第三段此外道瑞袁以通湘撫建以通閩廣信以通浙爲三支路先幹後支次第興辦其籌款各節見已極力規畫江西田土膏腴商力亦裕分任股本尚非甚難俟有端倪再行呈請立案查所擬各節規畫井井懇 恩准派李有棻總辦江西鐵路惟須迅籌的款既不得稍有影射致啟爭端亦不得率爾攤捐轉滋紛擾應俟股本集有成數飭令興工奉 旨著照所請

又雲貴總督丁振鐸奏修黔路片略稱准貴州撫臣林紹年緘商滇蜀鐵路既擬自辦黔路置之不理將有從而撥辦者見據出洋各學生稟請黔自籌辦惟民貧地瘠尤甚於滇款更無從籌措 臣惟滇蜀鐵路既繼川漢而起黔不自辦留此罅漏不特商務不暢亦慮別撥路權極知籌款萬難 臣與黔撫臣自當勉爲擔任擬俟滇蜀路工告成再籌接修黔路

皇朝續文獻通考卷三百六十五

郵傳考六 路政

光緒三十二年商部奏廣東新甯縣紳商陳宜禧等籌辦本邑鐵路自新昌起至三夾海地方止計華里九十餘里由宜禧前往美屬金山各埠勸集華股一百五十餘萬兩香港新加坡各商以及新甯紳商入股約在二百萬元以外見設公司請予立案當將原定章程詳核酌定二十一條呈覽由臣部咨兩廣總督飭地方官保護以重路政

又外務部咨飭各關發租界外道契註明鐵路各公用地照民價購用略稱准滬甯鐵路總管理處沈道敦和稟稱奉前督辦盛札開查蘆漢鐵路辦過成案凡民開買賣田地契內應令註明買主籍貫住址確係中國民籍地方官方准印稅並具結聲明路工需用願照官價過割委無影射教產洋產字樣萬一契不註明或契內所註地址為軌道所必經即一概不准印稅以杜轉轄漢口成案則遇洋商呈請印契責令先與路局商明無礙由局移覆過縣方准印稅歷年杜漸防微無非為顧全要工起見即按諸萬國鐵路通例亦斷無准令一人抗竊阻礙全局之理見查滬甯鐵路發軔於上海經蘇松常鎮甯五屬十九州縣地段過於綿長防弊不容鬆懈前駐滬英領事暨利南函陳辦法兩條一該地先經西人註冊者設遇路工需用爭價不定即由地方官會同該管領事公斷按照毗連地價為收地之準則二華人有地租與西人尚未過戶者印稅時由地方官飭就租約註明日後設為路工所需亦照前款公斷辦法給與毗連地價並隨函聲明凡洋人租地之約未經註冊蓋印者總公司不能認洋人為地主經咨明外務部暨各省督撫通飭遵行有案合札該處查照等因滬甯鐵路稟定購地章程辦理洋商基地所謂已註冊未註冊者即係有道契無道契之別自開購迄今凡與洋商交涉無不遵辦故滬站購地遇有道契者一律請公正人公斷均無異言見因上海縣境內第二十一堡十一圍圈用民地以備起造貨棧內有洋商基地並無道契按照前章不能認為地主應照民地辦理而洋商不甘有美國博文律

師雇用印度人看守意在阻撓迭次函商仍未允從一面函請上海袁道知照美領事轉飭博文律師速將所雇印人撤去如再不從一至開工之期萬難再候惟有將印人驅逐出境免誤要工備因此滋事惟博文是問路局不任其咎等云去後即行開工並飭該段彈壓委員如印人阻撓即行遣去見博文尙未來局按照民地領價恐此事將成交涉懇請示遵更有請者查條約所載洋人除教會公產外並無准在租界外置業明文即如西歷一千八百九十六年即光緒二十二年中日訂定通商行船條約第四款內載凡通商各口岸城鎮無論見在已定及將來所定外國人居住界內均准賃買房屋租地起造禮拜堂醫院墳塋等語此即外國人不准在租界外租地之明證然按目前通商各埠往往有洋商租界外民地關道亦即發給印契相沿日久效尤漸多當此各省自謀建築鐵路之時倘遇購買洋人執業之地利權已失辦理益難考外國通例有外人在本國所置不動產仍遵本國律例之條所謂不動產者即指地畝房產而言前經上海英臬司署明認凡洋人在中國租地如有爭執須按中律辦理不能按英國律例判斷云擬請以後各關道如有發給道契在租界外者務須在契上註明該地如遇中國建築鐵路開通馬路及別項公用應任中國國家照毗連民地一律給價購用等字樣此固中國應有之權抑亦各國按律行事之例備能照此議行則地價可歸一律不致華洋地主輕重之別且可免外人插手干預之爭實於挽回利權維持路政兩有裨益等情除批飭沈道敦按章妥辦外飭江海關道遵辦見各省通商口岸每因洋人置產迭生轉轄遇有公家圈用地畝奸民輒串通洋人認爲洋產以爲抵抗謀利之計實屬有損主權應通咨各省督撫飭該管道府縣一體遵照

又黑龍江將軍程德全奏略稱江省僻處極邊爲東北屏蔽而黑龍江城尤居形勝乃自東清鐵路開通不獨天險全失而商貨之流通官家之轉運均仰於人一旦有故聲息不通坐困一隅非修鐵路別無抵制之方前曾將伯都訥城至新民府宜修鐵路情形具奏查呼蘭綏化爲全省精華所萃經理商務宜自

此始擬自哈爾濱江北馬家船口北向呼蘭曲達綏化直接黑龍江城修一幹路計長一千餘里再由對青山至呼蘭由昂昂溪車站至省城修二支路并由對青山西繞東清鐵路過松花江與伯都訥相接省城支路東向以接幹路如此南北銜接呼應自靈商務起色即經營邊防亦易措手擬請由荒價項下先提銀一百萬兩作為股本以便開辦而資提倡並將變通肯礦務所收官兵津貼地價銀亦請移充修路經費如蒙 俞允請 飭商部指定購辦鐵軌地方以便派員往購

又商部奏請改京漢滬甯鐵路大臣為督辦并由部派員隨時稽查下政務處議奏

又奏准通籌路綫凡地勢衝要商旅輻輳物產繁多之區為最要地勢稍僻生貨較蕃開通利便之區為次要其地瘠民貧出產無多商賈轉運狹隘之區則為緩辦之路綫由各省將軍督撫遴派熟悉工程測繪之員各就本省分別最要次要緩辦等路綫何綫為幹何綫為支已造繪其實綫未造列為虛綫詳晰送部彙成路綫全圖嗣後各省官紳請辦鐵路應就 臣部所繪全圖分別緩急指明段落集資認辦以期次第建築支幹相維請 飭一體履勘刻期報部 又奏據江蘇京官翰林院侍讀學士惲毓鼎等呈稱擬先集股款一千萬元設鐵路有限公司公舉商部右丞王清穆為總理翰林院修撰張奏為協理查蘇省物產富饒地勢利便外環大海中互長江與山東河南安徽浙江各界毗連商賈繁盛實為東南衝要之區見在皖浙鐵路先後自籌建築該省路綫除滬甯借款建築外該紳稱自江以南由上海經松江以達浙自江以北由海州經徐州以達豫意在使內地土貨灌輸商埠為收回利權起見應准先予立案 又內閣學士兼禮部侍郎銜吳郁生奏滬甯鐵路由英國銀公司要求承造前經工部侍郎盛宣懷訂立合同以長不逾六百中里之路工而預備借款至三百五十萬鎊之鉅自合同宣布後遠近駭然上年蘇省同鄉京官迭次陳奏以核減路本並責令盛宣懷截止一百二十五萬鎊小票為請欽奉 嚴旨改派唐紹儀妥籌辦理唐紹儀宜如何督飭在工員司嚴杜虛糜乃聞滬甯工程司

來京又有商議續售小票七十萬鎊之說此項路工即就借定之二百五十萬鎊儘數開支每一中里約合銀三萬兩以上視他路成本浮逾兩倍公家受虧已多今若使再借鉅款是唐紹儀接辦以來於盛宣懷失算之處並無補救難逃 聖明洞鑒竊以為借款造路既經訂有合同果照合同所載辦理亦尚可稍資鈐束查合同第四款內開在英國用出各帳以及匯交中國工程所用各帳均應按三個月為一次呈繳總管理覆核稟明督辦大臣覆准簽字方能作准並傳咨外務部戶部統轄鐵路礦務總局存案等語今滬甯路工尚未及半而二百五十萬鎊之借款已將告罄究竟興工以後曾否將一切用款開報局外毫無聞知而督辦有稽核之權商部有考查之責皆不應置之不問此鈎勒已借支出之款可照合同辦理者一也又查合同第五款內開其第二次以及下餘各次小票於未發售之先銀公司須預先知照中國出使駐英大臣俾中國 國家遇有款項可撥交總公司歸入鐵路帳內與售小票之借款一律支用如中國 國家果有撥款則三百二十五萬鎊之數即照撥款若干扣減等語今滬甯路工如果鈎勒以後明知從前虛糜之款無可挽回而估計全路告成實係不敷若干亟應自行籌撥萬不可再令銀公司出售小票致以九扣虛數受人盤剝此自籌待用不敷之款可照合同辦理者二也至款之從何籌撥 尤有說從前開辦蘆漢鐵路由戶部撥借官款銀九百餘萬兩除淤滬萍醴兩路挪用外計蘆保一段工費五百六十餘萬兩全係動用官款見歸京漢路統轄請 飭商部戶部就京漢行車餘利項下指撥銀二百萬兩即於應交官款息銀內分年攤扯至萍醴鐵路盛宣懷為萍鄉運煤之用私挪蘆漢官款修造上年滬甯動工時於銀公司借款內提撥挪用於萍醴者約計亦在二百萬兩內外夫萍鄉煤礦本係商辦近來煤價增昂以運費供養路之用必有盈餘若此路併歸商辦最為名正言順應責成商部戶部於一年內將萍醴招商接辦即以官款撥歸滬甯不得遲誤是滬甯既得四百萬兩公款接濟一面仍由唐紹儀督飭總管理處樽節動支以昭核實較之續借公司鈎款耗至九折又有鈎價上下匯兌往來種種虧耗相去奚啻天壤懇 恩飭下部臣通盤籌畫

奏明辦理下部議奏尋商部戶部會奏商部查此案先准唐紹儀函稱鐵路添售小票銀公司代表漢蘭德工程師格林森來京磋商據開清單不敷英金六十七萬鎊有奇內除去購地款十萬鎊由江蘇紳民代籌或另行自籌外實不敷五十七萬鎊有奇除去加增回息實約五十五萬鎊請核定示覆等因正在核辦間適准軍機處片交吳郁生奏稱前因并續據唐紹儀致部函稱此事迭據漢蘭德再三爭辯業經曲為解喻見在續借一節銀公司業已緘默并稱見在倫敦存款截至本年西二月底存英金六十五萬餘鎊存上海通商匯豐兩銀行暨各錢莊銀二百八十餘萬兩各等語查滬甯鐵路近債重權利不免外溢部上年詳晰奏明目下添售小票雖據唐紹儀函稱銀公司業已緘默而存款日後是否敷用殊難懸揣惟照原訂合同第四款所載原以藉資鈔束收內外相維之益部於上年發電咨詢盛宣懷既從未具報唐紹儀亦尚未咨報到部見在路工已築若干行車收積存若干計全路告成是否實有不敷部均無卷冊可查礙難懸斷請飭唐紹儀詳晰聲明究竟補救之方從何入手見存各款能否設法節省就此鉤勒不再續借通盤籌畫自行奏明請旨辦理部綜理路政全賴管路大臣將工料等款項出入切實報告俾得隨事稽核若所報未詳部欲施整理之方亦苦無從著手請飭唐紹儀查照歷次奏咨案件隨時具報至所用款項應先報明核准立案方准開支唐紹儀接收以前盛宣懷經手各款責有攸歸應由盛宣懷趕速詳報以重工款至萍醴鐵路前由盛宣懷於京漢官款內支撥建造業山等以事前並未奏明礙難核銷在案此路係動用官款修築應再催盛宣懷將款目案由詳晰具覆原奏所稱招商接辦撥歸官款一節應毋庸議又所稱指撥京漢行車餘利二百萬兩即於應交官款息銀內分年攤扣一節戶部查京漢行車餘利應繳官款息銀前因部籌款艱難咨行唐紹儀商訂交息辦法以為將來撥用之需且滬甯路款既據唐紹儀二次函稱倫敦上海存款尚鉅不惟不應再借洋款更無須動撥官項所請指撥京漢行車餘利礙難照准

又商部奏山西紳商擬集股本設立同蒲鐵路公司公舉在籍前甘肅布政使何福堃為總辦

又諭周馥奏查覆廣東勒捐滋事一摺粵漢鐵路收回自辦全在該省官吏紳商同心協力聯絡一氣以蔽全功不得各持意見致妨公益茲據稱粵中紳民捐助認股已約計二十萬足見急公好義路事可期有成即著岑春煊秉公籌度會商紳商妥舉總理各員奏明開辦仍著岑春煊隨時督飭認真經理以裨大局而保利權黎國康梁慶桂李肇沅既據查明尚無抗捐情事均著開復原官原銜番禺縣知縣柴維桐辦事操切著即行撤任察看

又命孫寶琦幫辦津鎮鐵路

又商埠奏准西潼鐵路加徵土釐作為路股俟工程告竣即行停徵

又奏准政務處咨覆直隸總督袁世凱奏請另核路務議員略稱原奏擬請飭商部將各省路務詳查妥訂規則頒行遵守章程內有應行刪改之處應由該部自行酌改以期周密等查中外古今治亂之關鍵一言以決之曰通與隔而已部議員之設意在通內外之情非特輔部智慮所未周正所以佐各管路大臣暨辦路地方督撫耳目所未逮不必遠徵東西各國即以中國體制言之各省關道得與外務部戶部直接糧道與戶部直接提學使與學部直接均在化隔為通初不致有侵權之弊部原訂路務議章章程十二條大概注重調查報告俾得隨時稽考此次議員雖係部札派而照原章第一第四第十條仍載明由管路大臣辦路地方督撫咨送履歷考語聞見所及稟報核辦權限本極分明至第二條所載部章京及畢業學生得派幫辦路務不過以章京既就畢業學生內調充將來如有路務專門之員不必因部調用遂令無地見長且各路需才孔亟正可令其實驗以資臂助初不敢存內外畛域之見第三條三年考成係指給札三年以後而言各處承辦路工人員功過部原有稽核之責即不敢無懲勸之條至各該議員之黜陟進退部未便干涉第五條議員久任以各省舉行新政才識較優之員往往檄委過多不能久於其職既由部派充議員如有別項差委自應咨商部另行派員十一條路務議員巡覆部即為掃除隔膜起見邇來朝廷注重路政部職任所



在不得不加意周詳社除積習政務處覆奏所稱補偏救弊備知苦心見既奉  
 諭由臣部自行酌改謹將章程安訂呈 覽如蒙 俞允通行遵辦如議行  
 又外務部商部戶部奏准商部重訂鐵路章程第四條內開公司買地應由地  
 方官估定公平價值毋許高擡應完地租由公司按年認繳不得拖欠等語是  
 鐵路佔地納稅早已載明定章見在各路佔地日多應再申明俾有遵守凡各  
 省官紳承辦鐵路所用土地畝除官道官河向不納稅毋庸議外其購買民間地  
 畝一經過割糧隨地轉印由各該州縣會同辦路官紳勘丈明確仍照原額科  
 則歸鐵路公司繳納至借款官辦各路其合同條款載明不納地稅者暫行免  
 收俟合同年滿應即照繳嗣後官辦商辦各路均不得率請免賦以重稅課  
 又商部奏浙江京官翰林院侍讀學士黃紹箕等呈請由本省紳商自辦全浙  
 鐵路公舉前署兩淮鹽運使湯壽潛候補四五品京堂劉錦藻總理其事奉  
 旨依議即經傳知遵辦在案茲據呈稱遵照商律公議釐訂章程十章八十三  
 節繕摺呈請立案又准大學士王文韶尙書葛寶華侍郎陳邦瑞沈家本胡燏  
 棻等函稱全浙鐵路旬日開集股二百餘萬此項章程由該總理會同中外官  
 商酌擬經文韶等閱定應請核准飭遵查浙江鐵路關繫交通勉力自辦洵屬  
 顧全大局所訂路章分晰至為詳審自應准予立案繕單呈 覽依議行  
 又戶部商部會奏議准粵督岑春煊奏就地籌款興辦鐵路九之  
 又商部奏湖南分辦湘粵鄂三省鐵路公舉總協理略稱據湖南總商會董事  
 陳文瑋等呈稱粵漢鐵路自美約廢棄歸湘粵鄂三省分辦粵省紳商合力鄂  
 由官局湊資聞皆次第興辦湘省僅恃米捐鹽釐入款有限開辦無期爰議歸  
 商承辦集款二千萬元由發起諸人認股二百萬元公舉順天府府尹袁樹勛  
 為總理前江西按察使余肇康候選道張祖彭為協理 等查粵漢路綫為湘  
 粵鄂三省命脈所關湖廣督臣張之洞老成勝算體國公忠俯順輿情堅持廢  
 約卒能收回自辦見在粵既商辦湘路應即銜接該商董懇乞代奏未敢墮於  
 上聞得 旨湘路著官督商辦所舉總協理著張之洞查明辦理  
 又奏京城之西山產煤素富從前周口店石梯門頭溝三處煤廠林立該處商

民大都特為生計近年迭據門頭溝商人稟稱自周口店接修京漢支路通至  
 琉璃河於是山南之煤南達保定正定北達京城天津運路因以日廣而門頭  
 溝向運山北之煤以支路未修但特駝運脚價既昂銷路又滯廠商相繼失業  
 惟有由商等招股接修門頭溝支路並設立運煤公司專運北山灰煤俾蘇民  
 困等情查門頭溝接修支路以興煤業自是應辦之舉惟 畿疆要地若任該  
 商集股自辦萬一股款略涉含混轉滋流弊歷經 臣部批示此項支路應由  
 國家籌款接修以昭慎重上年關內外鐵路大臣袁世凱等以關內外餘利奏  
 請修造京張鐵路當蒙 俞允 等以京張鐵路係用華款華工程師興築不  
 假外人若將門頭溝支路歸併京張路工最為妥善已與該管鐵路大臣等商  
 酌派員勘估計長四十餘里需款約四十餘萬兩為數尚不過鉅而京西一隅  
 商民藉可謀生地方即臻安謐該管鐵路大臣意見相同請轉飭京張路工各  
 員酌籌修展咨部備核  
 臣謹案光緒十四年北洋大臣李鴻章貢火車六輛備 太后玩賞以三  
 輛留 西苑三輛交火器營是為火車進京之權輿當時翁同龢力阻謂  
 俄開沙漠法開紅江均屬遠圖若腹地則是牟利而已何遠圖之有京津  
 萬不宜開發言盈廷大都悉宗此旨嗣後關內外京漢兩路竟直達前門  
 風會所趨絕無人議其後者此門頭溝支路猶以 畿疆重地慮商股或  
 有含混不令接修殆亦格外慎重之意歟  
 又郵傳部奏請定限制鐵路免票章程略稱 臣部管理鐵路其已經行車各路  
 皆借外債造成原訂合同受虧過鉅所賴進款興旺庶此後本還息得以逐  
 漸清釐若車價收數稍虧則外債擔承愈重比年進款頗有起色而各都省辦  
 公人員凡經由鐵路者請給免票日甚一日愈積愈多以致車價不免見絀竊  
 謂辦路宗旨須以經營商業之法行之局中宜顧虧蝕之責成局外勿損他人  
 之資本官場免價舊習必須概予廓清 等面奉 聖訓破除情面自應欽遵  
 辦理且各都省辦公人員率皆領有經費即使未領應由各都省發給川資似  
 不應削鐵路本有之利增 朝廷擔任鉅債之憂如謂公家款項此絀彼贏原

可不分畛域惟鐵路運款不敷仍由國家彌補載在合同尤不能不避重就輕通盤籌畫嗣後除運兵運賑兩項仍按照各該路合同辦理外其餘應行減免車價各項謹擬章程五條恭候 命下再由 臣部通行照辦

又郵傳部奏變通鐵路免價減價辦法略稱 臣部奏定火車免價減價章程專指客票而言於運貨章程尚未訂定邇來各都省辦公大員官用物品咸商請給發免票若不議定限制深恐虧累日多局外不察動謂少收車價於路何傷豈知 國家借款辦路皆擔負還本責任其行車進款養路用費耗之借款利息又耗之結算即有盈餘須備提還借本始立完全我有之根基且有餘利之路留補虧折之路以酌盈劑虛 國家方不至另籌他款抵償本息況各都省原日往來員役解運物料其夫馬運費本有開支之款似亦無須損此益彼致費周章辦路既以營業為宗旨無論官商各路均當實力整頓廢去免票之名庶無虧耗之實除海陸軍兵丁餉械係另訂專章及有借款行車合同之路均應查照合同辦理外其餘各都省辦公大員及官用物料擬自本年十二月起一律停發免票即 臣部因公出差司員及應用物料亦概令照交公項遵章購票俾歸畫一似此辦法鐵路可免供應之煩各都省仍受交通之益於路政方有起色謹擬變通辦法章程八條繕單呈 覽

一凡 欽差大臣如致祭 陵寢查辦事件專使外國閱兵巡河放賑者並其隨帶司員人等行李車馬均由 臣部代為購備車票所需車價作正開銷見任將軍都統督撫暨其隨員眷屬行李車馬等項如係隨同見任搭車者亦一體照此辦理 一各少 任司道從前原定減價一律照收全價 一陸軍部海軍部暨各省督練處軍人及軍用物品因公來往輪運者應由部處商由郵傳部發給憑照減收半價此項詳章應由 臣部與陸軍部另行訂定其非陸軍部奏明編設之新軍及未經 欽派大臣考驗者概不得援引此例 一地方官所派巡警練軍係於平時咨明專為保護鐵路之用者如因辦理鐵路公事往來由各該路局按名發給本路巡警車票尋常巡警不在此例 一凡從前各都省稅局文報局造幣廠探訪局各所係因往來迅

速起見發有免票今既一律停止應由各路局刊發憑照按次記帳每月結算按照全價付款俾利通行 一凡各省運賑除訂有合同之路應照合同辦理外如遇荒年急賑由 臣部體察情形酌減半價倘係尋常備荒平糶並非荒年不得援例辦理 一官運物件除海陸軍兵械馬匹照第三條辦理郵政官局郵件仍暫照光緒二十九年外務部核訂章程八條辦理外其餘無論何項物品概收全價 一以上各條自奏定頒發之日起凡見在及將來官路商路一律遵行

又湖廣總督張之洞奏粵漢川漢兩路亟須興工略稱粵漢一路前經美工程師勒有草圖亦須覆勘略加酌訂川漢一路大致擬由漢陽取道沔陽州屬之仙桃鎮以達沙市為第一段由沙市取道荊門州屬之當陽以達宜昌為第二段由當陽取道宜城以達襄陽為第三段與洋工程師細加審酌漢陽沙市一路路平商多成功較易見利亦速如此則粵漢之路造至鄂省後由武昌省城之北渡江至漢口以接京漢路由省城之南渡江至漢陽以接川漢路川漢路到漢陽便可作橋過襄河與京漢路接無須待至應山縣之廣水始合幹路矣是粵路南來可雙承京漢川漢兩路京路北至亦可分注粵漢川漢兩途直達橫通無施不可故與前議由襄陽以達廣水者略有變通其覆勘川漢一路由 臣派員偕日本工程師南北分投測勘路綫近奉 寄諭鐵路係國家要政仍應官督商辦除湘路另行覆奏外其鄂境大江南岸之粵漢路北岸之川漢路均以官督商辦之法行之見已刊布招股章程酌參皖省路工彩票招股之法入股者無論官紳商民或本省或外省一律作為股東即有公款亦以股東論事權輕重利息厚薄視其股分多少不問其人職業尊卑毫無偏私自無流弊惟總以華股為斷以符原案股票分三期交付每交一期立時起息按期照付派官錢局承辦以期商民信服

又湖廣總督張之洞四川總督錫良奏川漢鐵路已定辦法毋庸特派督辦略稱准軍機大臣字寄奉 諭有人奏川漢鐵路關繫甚鉅宜一事權以維路政著張之洞錫良妥議具奏查 臣等上年同在都門即經剴切籌商以川漢應

建軌應由臣錫良奏明立案嗣後疊將設立公司並用人籌款等事一再疏陳其定路興工聲明俟與臣之洞妥籌辦理似此巨工創舉臣等同心籌策斷無畛域之見原奏以兼顧為難援蘆漢之例堅請 特派大臣督辦不知蘆漢借款而修故以一人總全工於事始便川漢則為自辦無論官款必須官集即民款亦須疆吏董勸如另派專員竊恐民情未悉眾望未孚措置立形扞格臣等往復諮論以為斷然無益且慮紛歧延誤 臣錫良查原奏謂川省官權尊重穀捐激變官募盤踞虛耗鉅款各節使集股而能不假官力不計民租豈非甚顛但所收購股官紳協勸究不能多未敢抽租之數且難歲以為常川民富在於農百分抽三取不傷於富十石則免徵不及於貧近知鐵路售股稍有不慎害及身家故紳民孜孜保此權利年前掃解已多並無怨苦原奏於未經開抽以前遽云富順儀隴屏山等縣均有譁阻其言似屬無因公司章程先經公衆協議旋奉商部協定原奏於各條並未體會全文割裂牽引以甚其詞此尤不足深辨者也公司用官不過數員紳則倍之復設研究所集紳士討論省內外更有總董分董公司奏派官紳總辦各一員喬樹枏又在京總理蓋官以董率牧令紳以勸諭商民川省所設局所莫不官紳並重二者未容偏廢也總會辦概無薪水公司出入每月榜示紳民曉然何嘗有耗費數十萬之數修建公司之始曾用馬維浚以司會計土木工竣早已易人所稱官募盤踞者亦屬浮言之誤該原奏既於情事均未得實故持論輒多隔膜應請毋庸置議見在路工至要亟宜妥籌辦法臣等電商數四擬上自宜昌以達成都修為幹路中為三段宜萬為一段萬重為一段重成為一段宜昌以下之幹路則取荆門襄陽以達應山縣之廣水接通京漢大幹路此路另由鄂省籌款接續修造今所亟者惟宜昌以上之工其地川鄂接壤非由鄂境開工則川之運送軌料必多不便若川鄂同時開鑿事分兩省其開易致參差再三熟思並詢之兩省員紳請援湘粵近日之例將宜昌以上鄂境之路讓歸川省代修訂期二十五年由鄂省照章備價取回未贖以前一切權利暫歸川省收管總之兩省聯為一氣凡屬勘路定綫皆先事商榷折衷至當並不專顧一隅庶全局貫通而為利久遠川省

路工既毋庸另派督辦鄂省籌款尚無把握施工猶未可刻期止能隨時體察情形勉盡所能為得尺得寸之計自更毋須另派督辦臣等各盡責任期於大功夫第告成藉紓 宸念 又雲貴總督丁振鐸奏籌議會修騰緬小鐵路略稱准英國駐滇總領事函稱緬甸政府擬由新街修一鐵路直達騰越以利商運派本國公司查勘可否能修再行商辦等語查緬約附款原載有中國答允將來審量在雲南修建鐵路與緬路相接一條且滇越已允法興修則英之提議騰緬自難回謝惟當擬定各出各費各修各境宗旨以保路權即經函覆並電飭迤西道派員會勘一面飭各紳董妥議籌覆嗣經英員黎禮會同委員蔣繼曾勸明自騰越之南經南甸干崖弄璋登綫新洛赴古里夏滇越交界止計滇界內約華里三百六十七里並據駐騰領事烈敦輯據黎禮聲稱此路甚屬易辦計由新街至騰越不過一百二十五噴台中里四百里之譜緬界一百里騰界三百里惟古里夏邊界暨葫蘆口兩處賃工稍大用款較多大概共需銀六百萬兩即可修成但黎禮因雨水漲發僅勘大概不能細測究竟能否辦成尚不可知續據迤西道關以騰電稟黎禮奉委勘於三十一年十一月率領工務府人員多名過界分段測勘復電飭該道派員會勘先後電咨外務部商部查照茲據雲南在籍紳士翰林院編修陳榮昌等四十五人稟稱滇蜀鐵路已奏准設立公司籌款自辦見在騰越小鐵路計程只三百餘里不過滇蜀四分之一祇須將滇蜀股款先為提倡餘由紳商勸集收效必速以滇蜀植騰越之基即以騰越為滇蜀之導應請札飭滇蜀鐵路總公司一手經理改為滇蜀騰越鐵路總公司以一事權並請與英員會商辦法妥定條約各籌各費各界更有請者滇省既設公司內除滇越一路已允法國籌修在公司權限外其餘全省一切幹路支路將來均應由公司逐漸推廣一律承修以保利權請先奏明立案並請前赴東南洋各埠勸諭華商廣集股本速行開辦將前定滇蜀鐵路章程付息給獎給票分利招股各款酌量更定妥善並擬外埠招股章程稟請核辦臣覆核所議均可准行除札委關以鋪丁彥會辦滇緬鐵路與英員會商俟勘路事畢即妥

訂條約另行奏報一面委繆道國鈞親赴東南南洋各埠招集華股乞 飭部立案核覆施行

又商部奏廣西官紳集股辦路略稱據內閣侍讀陸嘉晉等呈稱廣西地處邊陲運輸不便非建築鐵路商務斷無起色見經京外官紳擬集股款一千萬元本省紳商籌股百萬元路未告成之股息暫就地地方酌補其路綫大概由桂林上至全州以達湘下至梧州以達粵為一段梧州至南甯為一段南甯至龍州為一段三段路綫擇緊要先築其餘支路陸續測勘與辦公舉廣西提學使于式枚為總理候補四品京堂左宗蕃為協理並准工部侍郎唐景崇函請奏明立案

又署兩廣總督岑春煊奏陳集股情形略稱粵漢鐵路前經奏明請歸商辦嗣准軍機處電傳奉 旨令岑春煊督商籌辦各商聞命之下外省外埠爭先電匯路股據公司總辦在籍道員鄭官應等稟報截至本年閏四月止共收二成小股銀八百八十一萬七千五百六十二元以每股五元伸算實已認集股本銀四千四百零八萬七千八百十元為數之鉅認股之速實為中國辦公司以來所僅見 以路款既充總辦亦經舉定自應遵 諭交商接辦以期早日開工經將原收義商合興公司交存材料物產派員點交接收其前項物產及已成之省佛三水支路行車溢利均係三省公共之業並令鄂省湘省派員公同點驗管理該公司請電調幫辦京張路工道員鄭孫謀回粵辦理工程由 臣電咨袁世凱飭令該員迅速勘築在案查商辦公司按照商律應由眾股東選舉董事查察各員計舉定董事十一員查察二員查帳三員報部註冊嗣因原舉董事之華益公司並無姓名應即扣除即以其次之梁浩廷推補又原舉董事羅星橋查察唐彤階查有冒名購舉情弊復將其次之方善亭何第祿挨補亦經報明立案部 疆吏合力維持庶幾早日告成下部知之

又度支部等會奏唐紹儀奏滬甯鐵路情形略稱查原奏內稱 臣於上年奉旨辦理滬甯鐵路因會議日俄條約未能赴滬委道員鍾文耀往收文卷冊籍派為隨辦就近考查工程並與銀公司交涉准前工部左侍郎盛宣懷移交合

同文卷並購地款項銀兩本年續據總管理處造送工程帳冊因洋帳支款浮濫駁回未據稟覆復准盛宣懷移送購地收支各帳冊均經覆核駁回滬甯合同喫虧比京漢幹支路為甚其最棘手者在設立總管理處華員二人洋員三人每屆會議彼眾我寡已佔低著議者有添舉監督之說豈知權在總管理處合同早已訂明雖有監督實不濟事又財政之權操於洋人用款雖由華洋員簽字而司帳者為洋員分段司帳其支發權仍在工程師購料事宜向由怡和洋行經手行車總管材料總管皆洋員專司事事掣肘合同內載明總管理處辦事章程由督辦會商銀公司訂定 臣審知補救之術舍此無從下手已擬定章程飭鍾文耀與銀公司商訂至整頓財政事宜 臣接任之始即嚴鈎稽與商部原奏先行報部核准方准開支之法相合除購地用款向由華員主政者自當遵照部議外其總管理處工程用款細釋原訂合同祇聲明用出各帳三個月後轉咨各部存案此時若強與爭辯或逕錄原奏函知彼按合同駁回於政體有損與其行法而致生阻力不如用人而收復主權故總管理處司帳飭令加派華員分段司帳編譯飭由華員翻譯怡和代購材料飭改由總管理處自購行車總管材料總管均飭添設華員平權辦事總管理處總辦改派施道華曾購地收支改派于道峻年至全路用款本年三月據總工程師格林森呈出工程估單共需英金二百四十五萬七千餘鎊洋司帳莫立士呈出預算費用一覽表計三百十三萬六千餘鎊銀公司代表濮蘭德即伸續借一百萬鎊之議送飭滬局各員辯駁迄未就緒旋飭鍾文耀等周歷履勘再行核減見議定支出之數計工程估單二百萬七千鎊撥還滬官本十二萬五千鎊借款利息三十萬七千五百鎊購地款三十五萬鎊實需支款二百七十八萬九千五百鎊內除去收入之數計初次借款九扣實數二百二十五萬鎊回息八萬一千二百五十鎊預算行車進款十五萬鎊另由 臣附片奏明自籌購地款十萬鎊四項外實不敷五十二萬三千二百五十鎊此款如需續借應添折扣及利息並預備意外之需暨路成兩年後添築岔路各項約需六十五萬鎊 臣前函報商部截至二月底止倫敦存英金六十五萬鎊上海存銀二百八十餘萬兩

此兩款即在所收初次借款二百二萬五千鎊之內為每日備提工程購地之需商部等未將此數彙入統算以為另有存款不知除去此兩宗存款尚不敷六十五萬鎊此項不敷工款如可由部籌撥自無須再行續借然驟添此六十五萬鎊恐部庫一時難籌此項小票中國人民本可購買自當先期出示登報以期收回利益此次銀公司請續借一百萬鎊<sub>臣</sub>減為籌備六十五萬鎊原訂合同九扣交付見可加至九五九六通盤籌畫十二年半以後尚可藉行車餘利分年拔本還息倘因款絀中止喫虧更甚再四躊躇不能不出於續借等語當經<sub>臣</sub>部片商農工商部副據覆稱滬甯鐵路接收情形以及受病補救原奏已詳自應仍令該大臣按照原奏於用人理財兩端實力整頓並遵本部奏咨將每月收支數目已成未成路工段落切實報部以冀挽回權利至款項一節見查該大臣核計數目尚屬相符度支部查該大臣所陳不敷數目<sub>臣</sub>部一時難籌自應准其續借請 飭該大臣妥訂合同照數借用以重款項而竣路工又浙江巡撫張曾敷奏浙省鐵路前經勅定自設公司以來集股估工凡軌道所經屢議屢改穿城填河先有是議旋亦停罷茲經該公司總理湯壽潛等繪圖咨呈據稱全省路綫發軔省城江干在南湖墅在北擬以此為第一段照前撫臣慶豐奏案奉行計長三十五里因念東西各國鐵路之制凡附近繁盛市集幹路所不能至者多為支路以接之省城兩販其夥未可忽置見擬自清泰門左右分支路入城另開便門出入均由於此上下城適中之地度地設站車行定有晷刻派兵守門隨時啟閉約計幹路分支入城不過里餘可攬全城客貨之利城站左近開闢馬路以便交通亦資養路等語<sub>臣</sub>詳加查核江干至湖墅第一段繞城經過之處均無妨礙已飭興工惟路綫所經實商務盛衰之所繫杭城市區櫛比萬貨灌輸若無軌路入城商旅缺望商情既難強拂門禁又不可不嚴分支路入城出入一門車過即閉官兵守宿輔以警察詰奸禁暴不患無方即遇多事之時亦可立時堵塞城內車站設空曠地方並不多撤民屋較之從前穿城填河所全實多察看情形當不至如原奏所云匪徒煽惑釀成交涉者第分軌入城雖與穿城有別在他省尚未試行不敢不加意慎重擬

請 旨飭部核議遵行下部議奏尋郵傳部覆奏略稱查支路入城另設便門以時啟閉商民既稱便利防守不致疏虞檢閱該省城巷詳圖清泰門一帶空地為多亦無妨害居民之患見在關內外京漢兩路直達北京前門尚無窒礙該省所擬分軌入城一節情形大致相符擬即照准由<sub>臣</sub>部咨行遵辦又外務部會奏訂定廣九鐵路借款合同略稱二十四年總理衙門准英國使臣寶納樂函請准英商承修由廣州省城至英租地九龍邊界一段鐵路令督辦鐵路大臣盛宣懷與英商怡和洋行議辦旋於二十五年簽定草合同五條咨覆備案一議定造路由廣州府城至九龍與簽定之滬甯鐵路草約章程同二將來訂立正約仍當與商定核准之滬甯鐵路正約章程同三嗣後議訂行車章程與粵漢鐵路相接四草合同簽定後從速測勘五草合同先行畫押俟會商督撫如有地方窒礙之處即行更正各等語上年英使薩道義援據草約迭催<sub>臣</sub>部議定正合同本年電知署兩廣督臣岑春煊以此項草約雖仿滬甯辦法而滬甯路長費鉅廣九路短費少情形不同應查酌第二款熟權利弊派員與中英公司切實磋商以符原議該署督以此路先與英公司會商各歸各辦英公司堅不允從事關各省利害未敢過事遷就請 旨飭外務部侍郎唐紹儀就近與英使妥商行粵遵辦電達<sub>臣</sub>部代奏奉 旨仍著岑春煊派員商辦四月英公司代理人羅士漢蘭德先後到省會議該署督酌改合同底稿大致擬照津榆鐵路辦法詎漢蘭德以成議在先迄不承認由粵到京復准英使催<sub>臣</sub>部接議當經電致該署督派洋務委員龔心湛胡銘榮來京顧問以期接洽由<sub>臣</sub>紹儀同龔道等與漢蘭德在部會議逐款磋商商屢易其稿始得就範計訂合同二十條議借英金一百五十萬鎊照虛數九四折納年息五釐以本路作抵三十年為期滿十二年半後按照列表分期還本二十五年以前如欲於表額外多還股本每英金一百鎊加還兩鎊半中英公司代售此項股票其股票填明價值若干鎊由中國駐英大臣與該公司商定所有建路及一切工需均由粵省總督督飭辦理其重要職司應用稱職之中國人充當當開工時即於廣州設總局一所總理造路行車各事由總督派中國總辦一人管理

佐以英國總工程師及總管帳各一人均由總督核准該公司辦事出力給予酬金三萬五千鎊兩期交付其應得各項用錢質酬勞資費均在內並聲明此路確係中國產業倘自本國簽定之日起八個月並未興工即作廢紙所載權利均不得讓給他國中國亦不另建一路以奪本路利益各等語綜合本合同大旨係限於原訂草合同按照滬甯辦法之成議祇可參酌津榆章程設法挽回扼要在用人用款等事均取決於總督不至授外人以柄並刪除餘利小票一款以期保全主權利權送經電達岑春煊核覆始行定議嗣據粵省紳商多方辨難復與見任總督周馥往返電商該督復稱廣九路約實較滬甯爲優是該督於此項合同亦無異議擬即照此訂定俟奉 旨允准再行簽印至由廣州至廈門一段鐵路應由該省自行籌款建築業經奏明立案不得視爲利益相同之路合併聲明

廣九概略 廣九鐵路開議在光緒二十四年英使請准英商在廣州府訖英租界之九龍地方承修總署咨督辦盛宣懷核議二十五年與怡和公司立草合同五條內稱俟滬甯合同定妥再議三十年滬甯安定英使遂援前約催辦正合同三十一年因回贈粵漢向英國借款又句起廣九要求二事一由九龍至省城北在華界者照滬甯辦理一全路作爲合辦粵督力駁合辦擬畫明界限英屬界內聽英自築九龍華界至省山粵自修五年爲期外商二部三十二年商部咨外部以銀公司代表濮蘭德公函有廣九鐵路英將派員專議語此案有無辦法覆稱由部與該公司開議並電粵督派員來京以備顧問粵督電部謂英公司改派濮蘭德酌改合同其大綱係借款以粵鹽及該路作抵並電請駐英公使汪大燮婉商英外部汪覆英外部以事歸藩部主持已電駐華英使在北京商議未便在英外部遂與英公司代表人談判爭執數月上海粵商謂廣九借款損失權利電請勿許外人建築粵督咨請合同暫緩簽押粵民願自辦然該路已有成約英使持之甚堅折衝極難卒以商定合同外部會同郵部具奏郵部以廣厦一路業經自辦有案反覆聲明以杜枝節該合同訂定二十條借英金百五十萬鎊照滬甯

辦法以本路爲抵期限三十年三十三年英使以廣九股票我國能招幾成詢外部部詢粵督覆稱商不願承借派存記道魏瀚爲總辦英保林公司要求包辦工程由部婉卻公司呈勘第一段地圖是爲廣九定議開辦之情形大抵廣九一路多緣借款辦難最重要者爲工程接軌一事先是借款合同聲明建築由廣州省城至英租地九龍邊界倘將來接至九龍其接軌辦法由粵督與香港總督訂立合同辦理三十四年該路動工路局稟稱即以深圳車站之江邊爲起點由部咨粵督派員會同局員按圖勘界部派司員梁用弧往勘梁稱深圳與租界連接之河橋應由中英兩國合築免將來糾纏部以此事係歸界務咨外部外部復九龍埠接軌合同咨粵督照前案辦理所謂前案者即二十四年粵督派員會同港督勘定界綫簽立合同及二十七年與英領議定改正新租界各海灣與華界毗連者應以沿灣水盡見岸之處爲界其畫歸租界內深圳河毗連各河港俱以江門左右兩岸相對直綫爲界者是也路局以馮鏡芳所勘指河北岸爲起點請示辦法外部覆租界久定欲因路綫變通界務恐難辦到請如前案辦理接軌辦法乃定總辦魏瀚申稱清水河一處勢在必改南河坡請飭切實開導部准照辦宣統元年總局飭顧問核議全路估單應商權者六項一路綫二估費三購地四土工五橋工六車站廠屋部飭總辦魏瀚勘酌魏以英公司開支勘路費八千七百九十一磅九仙六本士不按合同擅於倫敦存款內支撥電請總局據合同嚴駁一面飭總管帳將此款刪除局商濮蘭德復函云唐侍郎已經允准總局以該費未載合同且唐允認合同亦未敘入不能照認一再往返濮堅持不允魏又請飭該公司限西八月以前繳還本息否則不畫押並請部立案嗣後借款築路絕不與該公司及匯豐籌備以微違背合同者迄今該案尙懸未結至購地係分三段辦法魏道以手工程司格總工程司報告購地情形呈報其餘若定路綫設電報均有至切之關繫即由該局陸續辦理呈明核定是該路辦理之大概也

皇朝續文獻通考卷三百六十六

郵傳考七 路政

光緒三十三年郵傳部度支部奏陝西巡撫曹鴻勳奏稱西潼鐵路潼關以西歸陝自辦潼關以東歸豫自辦同時並舉一氣銜接並將陝甘一綫認爲日後接辦之件嗣是河南撫臣陳夔龍即有與築洛潼之議陝甘兩省京官又有聯絡合辦之呈未幾洛潼一路河南來電謂宜從緩陝甘路久議無成可否請欽派大員督辦三省路政由洛入手以次而西仍令三省督撫分任籌款及購地彈壓諸事郵傳部查由洛陽至甘肅之路關繫西北大局非合陝甘豫三省之力不足成此鉅工按汴洛借款合同第二十三款中國總公司如奉 國家准由河南府接至西安府督辦大臣可允先儘比公司按本合合同章程妥辦倘中國自行籌款或招集華股接展此路比公司不得爭執等語是該合同已顯銜兩義如果亟籌自辦在我則無隙可乘倘再因循在彼實有詞可借是以上年比公司以河南至西安鐵路請由比公司接造當經商部斥駁亦以豫撫奏請自辦在先爲詞倘互相觀望不足以保路權而杜口實應仍著該撫與陝甘河南各督撫從速妥商志在必辦督辦大員一節應俟商議定妥籌有確實銀數再由三省公舉以專責成原奏又稱籌款三大宗一爲土藥加釐一爲鹽斤加價一爲積穀捐改爲路捐無一可恃度支部查鹽斤加價前經晉撫以有礙濬網奏請免加路捐又多騷擾業經停辦自毋庸議至土藥加釐先經 部以有礙統稅章程議駁請俟該省收數暢旺路工開辦每年酌撥數萬本屬工鉅款微近以實行禁煙款更難恃應准如該撫所稱令三省督撫督同官紳分任籌款

再行接修愛琿一路一由新民屯動工興修修路之要最宜旋旋用而借我已有之路運輸材料尤爲便捷細籌此路修法似宜由內而外由南而北先由新民屯我國津榆鐵路向北接築論形勢則路軌聯貫論輸送則轉運靈通並請郵傳部派員估修以資督飭等語查江省屏蔽東北洮南等處適中北憑洮河東通松嫩各路交錯實足扼三省之衝視呼綏地形更較重要見京榆路軌已展至新民屯該將軍議改由新民屯直達愛琿南北之勢既易相聯而路成若干即收若干養路之資於辦法亦爲得勢所請指定購辦鐵軌地方一節查近年漢陽鐵政局所出之軌尙屬合用由京漢京榆轉運至江往來亦便若漢廠備辦不及可查照京榆購軌舊章派員至滬向各洋行開標定購惟新民屯洮南地屬奉天又皆逼近吉林應由三省將軍公商聘定工程師預將路綫勘明庶幾需軌若干胸有成竹應俟籌議稍有頭緒再由部派員前往估修又原摺稱擬由荒價項下先提銀一百萬兩作爲股本並將變通育荒務所修官兵津貼地價銀移充修路之費又函稱路綫太長需款過鉅應由三省合力妥籌前奏所提荒價銀兩亦可撥出先築新民屯一路以明不分畛域之義度支部查該將軍擬提荒價銀百萬作股本並將通育荒務所收津貼發商生息銀兩一併移充具見權衡緩急擬請准如所奏惟借提荒價路成後是否永充股本抑陸續歸還所得餘利歸入何項造報原奏未經聲敘其發商生息銀兩年息若干將來應分餘利能否適如息額及未得餘利之先此項津貼於何取給原奏亦未敘明至撥款分築新民屯究竟分撥款項若干全路告成後界綫如何畫清餘利如何分派仍令該將軍妥議章程分晰聲覆至招商辦法農工商部查應照奏定商律辦理並俟 命下之日由部札各省商會籌款興辦惟見在東三省已設總督該將軍從前籌畫與見在情形是否相宜應否該省督臣徐世昌會商三省巡撫妥籌咨覆以憑核辦

又農工商部奏據江蘇浙江福建江西安徽五省鐵路公司呈稱近閱稅務大臣奏嗣後除京漢正太汴洛道清東三省龍川滇越滬甯等處鐵路材料機器等項與各國訂立合同載明免稅又關內外暨膠濟兩路雖未載入合同亦援

案請免此外官用各物件凡係來自外洋者於進口及運入內地擬請統照商民貨物徵稅等因本公司等查閱原奏凡洋商承辦鐵路材料之稅概予蠲免未及華商自辦之路夫借款與自辦同爲中國之鐵路各省勉力經營實爲自保權利洋商免稅而華商轉不得享優待之益與商務前途重有關繫可否將各省自辦鐵路材料請暫行一律免稅等正在商辦復准稅務大臣咨以京漢正太等路所運材料機器訂明免稅因係官辦非商辦可比並非以事關交涉特示優異致有華洋之分所以如廣漢潮汕等路亦與外國訂立合同因屬商辦即載明納稅上年兩廣總督以粵漢鐵路應否免稅電商當以係屬商辦應一律徵稅所有江蘇等省擬請免稅之處礙難置議竊維鐵路爲國家要政決無優待外人苛待國民之理茲准稅務大臣復稱該商等不無誤會顧華洋既無畛域固足示中外一體之公而官商強爲區分似亦非上下相維之義查各國路政大半操之國家果使國力充裕則舉五省而歸之官誰曰不宜無如路綫縱橫殆將數千里路工浩大動輒數千萬一省建築稍後則外人因而生心五省同時並興則財力又將不繼是以商人不恤資本正所以助國力而杜外患推其公忠之意方獎勵提倡之不暇乃以事非官辦遽責以苛細之稅何以作其氣而服其心况近來財政困於上物力亦絀於下五省鐵路非其財力有餘利而趨之也實以義務所在勉效涓埃以幾幸於要政之成該紳商心力亦云瘁矣而始有此路股之萌芽若因而推之則勉於義迫於情者率藉辭以去之耳各國之便商也於尋常營業猶不惜出國帑以補助之五省鐵路爲國家命脈所關無力補助又從而取盈焉揆諸政策毋乃不可查近年官物免稅本屬無幾而路工材料所以邀免者誠以其籌款之難而成功之不易也夫借外人之債繼以官力即不免稅其財力亦必較優於商人商人於此苟請予特別之利益等以爲猶將許之况又援例以請乎官力不足而謂商力有餘殊非事理之平在稅務大臣以五省鐵路所需材料爲數較多方今財政艱難籌款不易倘一律免稅於收項不無減色等具有天良何肯爲此損上益下之舉抑思五省鐵路必剋期舉辦始有轉運材料之時亦始有照則收稅之日倘

各省以不能免稅之故自生疑阻集股開辦迄用無成是稅收亦終屬虛懸而路政則隱貽實害欲求兼顧轉致兩傷反復推求未見其可且各省土貨藉路而通路成則貨出貨出則稅入鐵路材料之稅亦祇有此數耳若土貨源源而來有什百千萬於路工之材料者今爲稅務計而不爲路工計是欲期稅之入而轉禁貨之出也至於潮汕係今日已成之路廣漢係與葡合辦之工情事各殊未可倫比粵漢前與美商立約尚有免稅之條今幸三省官紳贖回自辦乃并不獲享美商同等之利益恐亦非朝廷所以予惠商民之至意所有五省請免材料稅懇 恩准與官辦之路一體暫行免稅粵漢鐵路雖未據該商呈請惟事同一律亦擬懇 恩豁免以維路政而恤商艱

又郵傳部奏報京漢鐵路自光緒三十一年十二月初四日起截至三十二年十一月十六日止扣足一年所收客貨車價共洋銀七百二十餘萬元除全路行車經費約二百二十餘萬元外應解五百萬元內撥還比公司借款行息約二百三十餘萬元及提解度支部蘆保官款利息約四十餘萬元實在淨得餘利約一百六十餘萬元查光緒三十一年所收客貨車價共洋銀五百二十餘萬元兩年比較本年增收洋銀二百萬

又片奏請仍以學部左丞喬樹枏爲川漢鐵路駐京總理

又奏添派總理略稱查該公司擬先從宜昌一段興工收股購地責重事繁喬樹枏遠在京師勢難兼顧成都爲辦事根本且距宜昌遠不能兼督路工非各派專員難資統攝查該路副理胡峻前經督臣錫良奏充紳總辦後派爲公司副理道員費道純奏派辦全路工程該二員規畫布置漸有頭緒擬撥湖南粵漢公司成案添派胡峻爲駐省總理費道純爲駐宜總理責令會同籌議

又奏粵漢一路經前署督臣岑春煊奏歸商辦公舉在籍道員鄭官應爲總辦黃景棠爲副辦並董事十三人開辦後紳商意見不洽總辦未能和衷時有衝突鄭官應以居憂患病力辭黃景棠亦早告退政公司事無專責屢滋爭鬩前兩廣督臣周馥電奏請派在籍侍郎伍廷芳太僕寺卿張振勳暫充權理迭據九善堂七十二行暨香港上海漢口各處股商電稟衆情似未盡愜經 臣部電



致前督臣迅將公司用款澈底清查宣布並飭按商律公舉總協理見據粵商電稟定期開股東會第恐又如上次之閱閣請旨特派廣東按察使朱壽鏞專任監察彈壓保護之事務須驗明股票發給憑券方得有選舉權悉遵商律辦理

又奏兩廣總督岑春煊奏鐵路應籌全局預畫軌綫內稱鐵路之經緯版圖猶山水之經緯大陸非析分支幹實無軌綫可言就今籌之當首定京城軌樞而區分海內諸軌為東西南北四大幹四幹既定循而求支於是或為東幹西幹之支或為南幹北幹之支等語查路政附麗輿地關係兵商欲定軌樞自當講明地理學西人地學派別有政治地理商業地理我國自津榆鐵路起於開平之運煤而京漢鐵路見僅達於漢口談路政者率以漢口為軌樞或又移於西安以政治地理揆之均有未合蓋體國經野義尚尊王 輦轂所居遂曰首善是京城為海內之軌樞斷無疑義據目前諸軌而論其南出者自當遵京漢軌綫達漢口俟粵漢路工抵武昌後跨江與接即可定為南幹其北出者見修之路原有京張 部前議覆肅親王善耆籌建蒙古鐵路摺內已聲明京張路成再展至庫倫更至恰克圖即可定為北幹其東出者關內外綫早已行車見既收回奉新更名京奉 部議覆程德全創修江省鐵路摺內已議准由新民洮南齊齊哈爾抵愛琿俟全工告竣即可定為東幹其西出者見自正太入手至太原以西仍聯屬同蒲更西則與陝西撫臣曹鴻勳所議由潼關至蘭州之綫相接以達伊犁即可定為西幹此 部籌畫幹路之軌綫也惟鐵路之用義取相聯故軌樞易明而支軌難定是宜用政治地理區畫州縣之法析而分之南幹自京城南迤至鄭州分支由開封入安徽至信陽分支向江浦入江蘇至漢口分支入西安至武昌分支入江西至湖南分支入貴州更南至廣州分支入廣九一為廣漢一歷惠潮抵廈門一歷梧州抵桂林由是豫皖蘇浙贛閩鄂湘黔桂粵諸軌皆可定為南支其北幹抵張家口後擬依察哈爾都統誠勳原奏分兩支一東趨熱河為張熱一西趨綏遠為張綏至庫倫又分兩支赴內外諸蒙古由是蒙古熱河邊牆諸軌皆可定為北支其東

幹至天津分支為津鎮以通膠濟至溝幫子分支為營口以通旅順至奉天分支東趨以與俄人承修之東三省路相接由是山東奉天吉林黑龍江諸綫皆可定為東支其西幹至太原分支出大同以聯張綏至平陽分支出澤州以聯澤道至潼關分支出洛陽以聯汴洛至西安分支一西北趨平涼入甯夏一西南趨漢中入成都其西南趨者則東聯川漢南聯滇蜀以與滇越滇緬接又西至蘭州分支出青海衛藏而聯印度由是晉陝甘新川滇青藏諸軌皆可定為西支此 部籌畫支路之軌綫也又原奏內稱都會繁盛商賈輻輳之區定為最急地域稍僻貨產較蕃之區定為次急土瘠民貧產磽貨滯無關形勢之區定為最緩其有關形勢者定為次緩又稱時重商家東南固急於西北時重軍國西北又急於東南等語 部查鐵路一端誠不外兵商兩策大都西北臨邊便於軍國東南通海便於商家若定蒙藏設省之謀則庫倫衛藏為急而青海熱河次之若資海陸交輸之益則粵漢為急而川漢滇蜀次之此年路政大興蘇皖贛閩率出自紳商之籌辦滇黔陝又出於督撫之主持規則既覺參差財力尤形支絀相時籌度必由便商入手乃可冀路有餘利以為推廣軍用鐵路之資且一路工費動需鉅萬無論同時並舉財力難支即次第興工東南尚可集股於紳商而西北必須借資於外債詳覈各省官商鐵路圖說錯綜貫串繪為總圖為幹為支粗有端緒擬俟部章稍定即行派員偕工程師攜圖四出如有增改軌綫之處隨時注記並將各省緩急情狀一一詳報部中屆時重繪詳圖附以簡表俟圖表告竣再行頒各省俾得按圖對表畫段程工庶幾各省得通力合作之資而部 有提綱挈領之效此 部籌畫軌綫之緩急也斷而言之陸軍不強則鐵路臨邊轉滋敵馬潛窺之患工藝不振則鐵路通海亦增外貨輸入之虞欲利交通必先注重於整軍勸工兩端而後軌綫縱橫外可以便行軍轉餉之謀內可以收通商惠工之效此則 部與陸軍部農工商部所當通盤籌畫各任其難者也謹先將見在各省已辦及擬辦鐵路繪圖列說呈 覽

又湖廣總督張之洞等奏設鐵路車輛橋梁鐵軌廠於武昌為川鄂湘粵四省

鐵路應用即就四省公司集銀四十萬兩先行試辦請 飭部立案廠中所出  
料物援案懇 恩准予暫免出口稅

又外務部奏光緒二十四年英使寶納樂函請總理衙門准英商承修中國鐵路五條一由天津至鎮江二由河南山西兩省至長江三由九龍至廣州四由浦口至信陽五由蘇州至杭州或展至甯波經總署行知督辦鐵路大臣盛宣懷與英商怡和洋行議辦是年訂蘇杭甬鐵路草合同四條一草約章程與滬甯鐵路章程一樣二將來訂約仍與嗣後商定核准之滬甯正約一樣三從速測勘四如有地方窒礙之處即行更正俟訂正約會同入奏咨覆在案三十一年商部具奏浙江紳士籌辦全省鐵路并請派員總理先行立案奉 旨允准御史朱錫恩奏請將蘇杭甬草合同速廢奉 諭著責成盛宣懷趕緊磋商務須收回自辦并著蘇紹棨會同妥速籌辦適英使薩道義亦照會 臣部請派員與怡和洋行代理人商訂正約旋准盛宣懷電稱遵 旨與英商磋商收回蘇杭甬鐵路自辦據銀公司函覆此路草約前經允許簽押鈔呈使署如今會議須候公使回示請迅催英使電飭銀公司速來議廢經 臣部照會英使轉飭銀公司會議該使照覆以該路應照草合同第二款派員議商前奉 廷寄磋商收回自辦 朝廷必不知議訂各節著盛宣懷與議迥非所願九月奉 旨蘇杭甬鐵路收回自辦業經諭令蘇紹棨會同盛宣懷妥速籌辦著即飭張曾敷遵照辦理三十二年正月張曾敷電稱銀公司擬派工程師勸蘇杭甬路且借英領事來杭爭辯拒不與議二月盛宣懷以公司不允作廢據實覆奏奉 硃批外務部知道嗣後英使迭次照會 臣部或謂浙撫縱令紳民抵制故作難題或謂浙省紳民無理舉動頗有險礙或謂中政府如仍袖手坐視深恐兩國糾葛華英利益均受巨虧雖經 臣部照覆由浙撫接議而彼總謂浙撫無照辦之意不如在京議商八月英使朱爾典接任屢來 臣部面詢辦法並開示節略謂商部原奏該草合同直相悖離向商部解釋且疑中國爽信日久不結實令彼此猜嫌等語再三商榷始允俟九廣路約訂定再議此 臣部歷年與英使商辦之大概情形也查蘇杭甬鐵路英使奉其政府之命請准英商承修五路

之一既經總署允准該國政府堅守前約勢難概行作廢至此段路綫浙省居多蘇省僅由蘇州至嘉興府界一段前經浙蘇兩省京官先後呈由商部奏准自辦年餘以來集款頗稱踴躍辦已有規模在事紳商艱苦經營不遺餘力 臣部因應外交參酌輿論自應竭力維持勉籌兩全之策迭與英使往復辨難該使執定前案屢催商訂正約並請轉飭紳商停辦 臣等復以 諭旨自當懷遵與情不可不順以本省人造本省路政府未便禁阻英使則謂本省辦路原屬合例惟蘇杭甬成據具在斷難失信堅請照辦 臣等迄未允許迨九廣路約議成催商更迫如仍不與商恐相持日久口實愈滋益難就範雖經該省紳商等來電仍主廢約謂集股已有成數無庸再借外款究之此係國際交涉 臣等熟權利害不能不兼籌並顧以副 朝廷慎重邦交之意惟有仍本自辦主義與英公司開議力爭主權本年 臣部侍郎汪大燮與銀公司商議稍有端倪英使亦願飭該公司讓步不再執定與滬甯章程辦法一律見臣大燮將奉 命赴英復由署侍郎梁敦彥與該公司接議擬分辦路借款為兩事路由中國自造除華商原有股本儘數備用不使稍有虧損外約仍需款英金一百五十萬磅向英公司籌借另指的款為抵押使公司不能藉口干預路務其餘有關利權事權之處仍當切實磋商俟商議就緒即訂合同奏明遵辦 上諭據外務部奏陳蘇杭甬鐵路歷年商論情形見與英使磋商借款辦法一摺外交首重大信訂約權在朝廷蘇杭甬一路前經總理衙門允許英人承修嗣復立有草約在案三十一年開商部據浙省紳士呈請自辦會飭盛宣懷等妥籌收回原為曲體輿情起見乃磋商數年迄無成議而江浙所集股款亦不敷尙鉅勢難刻期竣工英人迭次執言自未可一味拒絕盡棄前議致貽口實另生枝節見經外務部侍郎汪大燮等與英人議明將借款暨造路分為兩事權自我操較原議已多補救著外務部即派員按此妥議詳細章程務期利我商民慎防流弊兼商令英公司仍許江浙紳商分購股票用示體恤其原有辦路人員由郵傳部查明分別奏派差務以資熟手並著兩江總督浙江江蘇巡撫督率籌辦提撥借款迅速告成一而劃切開導該省紳士務須仰體時艱共維大局勿

得始終固執強行爭執以昭大信而全邦交

臣謹案滬杭甬路約乃李鴻章在總署時英使寶納樂以京漢鐵路名借比款實有俄法之款謂中國違背關外鐵路防俄原議迭來責言乃許承造五路由盛宣懷與訂草約光緒三十一年粵湘鄂三省爭回粵漢鐵路輿論大張蘇浙之負時望者亦有廢滬杭甬路約之意適商部初設侍郎唐文治為尙書貝子載振所倚任銳欲有所作為派參議王清穆赴南洋調查商務往還上海張謇湯壽潛因以路事懇懇之回京而御史朱錫恩有自辦鐵路之奏商部議准於是蘇浙各設公司奏派總理錦藻迫於鄉論勉盡義務竭力籌款不數月得五百萬元蓋初時未明底蘊固思自保利權也先是宣懷在滬築鐵路總公司曾函致英商限六個月勘辦逾限作廢英商有復書宣懷不以告亦未咨外商兩部蘇浙人以為英已默認約定可廢 朝旨責成宣懷磋商收回自辦而其時總公司甫撤銷歸侍郎唐紹怡督辦宣懷憤事權之不屬又迫於蘇浙人之責望覆奏言約可廢並不置身局外紹怡則言宣懷無權安能議廢我已告英使薩道義矣薩自見 諭後即照會外部云滬杭甬路有約在先應借款歸英商承造催辦亟亟並不願盛與聞乃改派浙撫與議爭持不下尙書瞿鴻禨令以浙人所爭之理由擬稿復英使紹怡納之韓不發英使朱爾典屢次面詰爽約則權詞以宕之三十三年紹怡去外部侍郎汪大燮繼之政府以其浙人令與英商代表熙禮爾開議時梁敦彥幫辦稅務留京與德英議津浦路借約大變采其說議未決以考察憲政離部尙書袁世凱入軍機兼外部敦彥為侍郎代大燮接議未見所議原稿熙禮爾即照津浦條款錄送敦彥以大燮之先曾就商也不再議電告蘇浙兩省而風潮起慶親王奕劻命大燮向浙紳調停並函達王文韶大士子而事已不可解世凱以廢約為失信之大不可自離國交發電開導無效乃飭兩公司各派代表來京代表言盛限英商勘路而不復是已默認責外部之不力爭敦彥詢英公司大班漢蘭德則言早復未許由滬鈔寄函稿宣懷亦在京閱之

無詞 朝命明白覆奏作三面周旋之語而兩公司遂集矢於盛矣適梁士詒調外部承參上行走以閉接之說進世凱外厭講黨內多齟齬亦欲遷就了事遂與英公司仍立借約與蘇浙公司另定存款章程部借部還路歸商辦向郵部領款用英人作工程師案始結未幾蘇浙公司屏工程師不用士詒為鐵路局長扣款不發兩公司又力請廢約英使迭向外部曉諭外部告郵部與兩公司電牘往還互辨不休而壽潛尤激昂徐世昌長郵部陽禮之而陰令去浙擢壽潛江西提學使以親老辭宣懷長郵部壽潛電奏痛詆之時世昌參樞密竟請 旨褫其職於是浙人憤爭愈烈錦藻知事無可為四年任滿辭職晉京雖公舉繼任不願矣始士詒欲移款築開海路以息爭而對外宣懷亦主此策而思移之於九南萍為漢治萍運煤計固兩得也但僅與贛紳私議事多未協而已允浙代表朱福詵廢約彼此相蒙亦幸而未成耳其時蘇路則楊廷棟有收回官辦之議宣懷擬籌款補助浙股東亦有贊成者咸懼攻擊不敢發蓋當時風氣無不以自辦鐵路為美名各行省紛紛呈請實則紙上空談泰半無成政府洞燭其隱至主張國有而鉅變作矣可不痛哉浙路親與其事見聞較確據實縷敘無飾詞焉

又郵傳部奏據四川京官法部主事涂熙雲等呈請澈查鐵路公司股本當派員就近清查見據查明該公司出入款目刊刻報告發給各州縣張貼造具表冊呈核均屬相符其未用股銀存放各商號分撥各公司銀行按年生息尙屬正辦此後出入各項四柱應令該公司年終核算列表報告各埠並報部稽核以昭衆信

又 諭都察院代奏四川在京鐵路股東截取州同鄧代聰等呈稱川漢鐵路款他工懸請簡重臣督辦一摺此事業經署四川總督趙爾豐郵傳部先後查明款項並無侵挪穀租亦無苛擾仍奏派胡峻喬樹枏等認真經理降旨允准該職商等復具呈妄瀆請另派重臣並奉及鄂省由漢口上通宜昌之鐵路均擬招股與川省合辦不欲川鄂兩省督臣與聞尤屬越俎壟斷謬妄支離難保

無挾私牟利情弊均著毋庸置議

又外部奏收買新奉自造吉長鐵路與日使商訂條款略稱查光緒三十一年中日兩國全權大臣會議時日本全權小村壽太郎等請將日所造新民府至奉天省城行軍軌路歸其接續經營並請展造由長春府至吉林省城鐵路謂已與俄國商明當經力爭將新奉鐵路售歸中國改爲自造其遼河以東一段所需款項向日本借貸半數吉長鐵路應由中國自築不敷亦向日借半數所有借款辦法仿照山海關內外鐵路中英公司合同酌訂並分立還清年限再四磋商始行定議年來等以新奉鐵路亟宜收回屢次照會日本使臣公平議售迄未答復見值日俄兩國撤兵又向切催該使林權助復稱奉政府命須將新奉遼河以東鐵路及吉長鐵路借款同時提議旋據開列條款擬訂文憑等與之逐款商論如第一款收買新民鐵路該使謂日本所造行軍軌路適值戰事工費較平時加昂索價日金三百三十二萬圓等駁令刪減定爲一百六十六萬圓至第三款增入鐵路辦事章程應按見在山海關內外路局之法辦理又吉長鐵路局自籌之商股及向南滿洲鐵路公司所借之款均以該路產業及進款作保又除所指鐵路外如中國自行籌築建造他路與南滿鐵路公司無涉第六款增入借款之實收價值應照中國最近與他國借款公平酌定等語其餘各款亦照原議並參酌山海關內外鐵路借款合同將辦法商酌定共列七款開單呈覽即於是日彼此畫押咨行郵傳部將收回新奉鐵路售價在津榆鐵路局餘利項下籌撥

已或由國家擔借擔還不必定以鐵路爲言或請海牙平和會公議若仍許江浙紳商分購股票是反客爲主各國皆將援例等語臣部復迭據江浙兩省紳商來電大致相同竊維該路草合同雖由盛宣懷與英商議訂實發端於二十四年前英使寶納樂奉政府之命請准其修築鐵路爲緩急相助之計乃情事變轉輾轉手英人責我以有意失和幾至決裂又援比國承修蘆漢鐵路五條歸英公司承辦並經英使與總署往返照會斟酌字句切實允定以爲言歸於好之據是此案根據實關係兩國國家交涉此路於二十四年經盛宣懷電奏九廣浦信蘇杭三路與幹路銜接由總公司辦理實有益無損其由蘇而杭至甯波之路併已與浙撫議妥在案經總署會同礦務鐵路總局具奏聲明蘇浙等近幹要支均由盛宣懷承辦請旨飭該大臣督飭先儘各國定有成議各要路妥速辦竣復於二十五年議覆徐琪奏請停辦杭甯摺內聲敘英使請辦五路之緣起杭甯一路已有定議在先勢難中止均經奉旨依議迨三十一年浙省紳商請立全省公司商部奏未及匝月英使即照請臣部派員與議正約嗣御史朱錫恩奏請撤廢相持數月迄未有成三十二年盛宣懷覆奏稱二十九年滬甯合同簽約時以此路逾時已久責其應作廢棄面詰再三英公司不允復致函申說彼雖強辯然商廢之說實已從此埋根等語夫日不允日強辯英公司何曾默認至盛宣懷逾限作廢之函彼時並未咨部該公司即未答復臣等亦無從知悉直至函稿咨送前來始知該公司致盛宣懷覆函有此路草約前經貴政府允許簽押會鈔送使署備案今會議之前必須候公使回示等語是該公使亦無會議廢約之權英使且迭次來照堅執成言請飭兩省公司停工不認自辦之案此後或照催或面詰直謂中國政府喪失大信有意與英爲難盛宣懷與英商議廢既未得人承認英使在京催詰始終未稍鬆勁何能指爲業經廢約之定案歷經臣等設法因應智盡能索實有難以再延之勢因派汪大燮復與英公使改商借款辦法磋商至再始辦到不以路作抵並不以英人管理路務自造自管英公司既無干預之權江浙兩公司亦何至有損失之慮查兩國交涉與尋常商務議訂合同情形迥殊當時既欲議廢自

應索取憑函方能准若在我先有允許照會而在彼復無廢撤明文遂欲指為默認句銷前案直自欺耳何能強人必從況盛宣懷函稿到部已在英使催迫之後雖經部口辯而詰責之言愈逼愈緊則改商辦法正所以收回事權借款自造亦與外人承辦不同路權仍自我操何得謂反客為主他國初無此等交涉又何從無端按例至海牙平和會章程必先由兩造認可方准訴請公斷無論英不允行亦豈有人方坐我失信而我猶得以一而之詞取直於公斷者如能將此款移用他處等早已籌及迭派員與英人磋商亦未允許且體察情形即或勉強就範國家必受虧更鉅等統籌全局惟期補救一分即受

一分之益無所用其回護更不敢畏避嫌怨在江浙紳商意在自辦亦無非保守權利維持路政之深心朱福詵等交章披陳亦體察鄉情隱慮利權之旁落不知兩國交涉既有成議在前路權我操何至貽患於後况近者英使疊來詰問謂英政府之意蘇杭兩借款與津鎮鐵路合同同時簽字若再拖延英政府決不應允又謂所擬借款各條退讓已至極點與中國主權毫無妨礙並謂二十四年草合同之辦法及他國在華修造鐵路之情事與此次大相逕庭英國獨以好意相待處處出以和平而中國反不體諒拒我特甚似不願英以和平相待詞意決絕切請從速妥結又照會內稱中國政府如此柔懦輕聽浙紳強硬之求與英國國體有礙中國政府應負責任且關我兩政府交誼之處甚屬危險等語又據駐英使臣李經方電稱英外部而遞節略蘇杭兩路事英政府責望實行中國於業經應允者反覆延擱議院攻擊甚力務期設法速辦等語彼國之力催訂約既若此兩省商民之堅拒借款又若彼中外爭持勢甚急迫見在既無確切作廢之憑證足以應付外人而延宕愈久誠恐枝節愈多倘江浙商民始終誤會一倡百和激成事端適足與人攘奪之柄彼所謂政府柔弱紳民強硬損彼國體邦交危殆並責我以業經應允者反覆延擱如此情形決非口舌所能抵禦尤非推諉所能了局江浙紳商不乏識時明理之人亦應關懷大局該學士等自更洞悉時勢當能灼見外情方今列強環伺絡繹聯盟中國勢處孤危即能謹守約章講信修睦猶恐不足自保矧敢輕棄成議

自取紛擾等何能當此重咎又豈江浙兩省所能獨安見經部電致江浙公舉數人來京諮詢路事當俟到後相與開誠布公集思廣益但有可以維持之法仍當竭力斡旋以仰副朝廷體念紳商眷顧東南之至意

又諭見在人心不靖亂黨滋多近因蘇杭兩鐵路一案各處紳民紛爭不已難保無該黨匪徒布散謠言從中煽惑陽借爭路為名實則陰懷叵測著端方等留心訪查認真防範倘或稍涉大意致令暗相勾結滋生事端定惟該督撫等是問

又諭蘇杭兩鐵路添借英款一案各處商民頗為疑懼見由外務部電知江浙督撫將軍等剴切開導並將原電呈覽所敘迭次成案及此次辦法實係迫於萬不得已外顧邦交內保路權舍此別無兩全之道著兩江總督江浙巡撫杭州將軍按照部發原電迅速多方勸諭於民生樂利必當竭力維持勿任輕信謠言致吾民驚疑紛擾以副朝廷曲體輿情安靖大局之至意

又郵傳部奏奉天至新民屯鐵路前由日本築造光緒三十一年中日全權大臣會議由中國備價收回本年外務部與日本使臣訂立合同奏明售價日金一百六十六萬元當於京奉鐵路餘利項下提付接收將全路一百二十里暨車輪材料器具點驗清訖定名京奉查該路當日築造本為行軍而設工程既不合宜材料亦多窳劣其鐵軌距離較京新舊綫尚狹一尺二寸彼此車輛不能聯接必須展寬軌道方便交通而遼河木橋長約一千九百餘尺尤須改造鐵橋以免危險其餘工程材料亟應添改之處尚多幾須全行改築見飭總工程司等切實估計約須銀一百九十餘萬元均屬實在要需自應預備惟部見無存款除遼河以東工程款照外部所訂接收該路合同應向日本籌借一半計銀四十萬元外其餘一百五十餘萬元擬即由京奉餘利項下分年撥付以資挹注

又奏正太鐵路告成後一切管理法純仿商業辦理必須豫算以覘盈虧飭提調梁士詒督同華洋員司通盤籌畫豫算光緒三十四年歲出之數約計借款法公司利息二百萬佛郎另撥資本利息二十五萬局務車務廠務養路車站

華洋員役薪費一百二十九萬煤炭棉花機油銅錫鋤材料等項三十八萬  
大修小修五萬共三百七十四萬佛郎以近日鎊價合銀一百九萬八千餘兩  
豫算三十四年歲入之數約計貨票進款一百七十一萬佛郎客票進款六十  
四萬佛郎以近日鎊價合銀五十一萬七千餘兩出入相抵不敷銀五十八萬  
一千餘兩爲數甚多亟應設法補救當從招商利運入手以期增益進款目前  
籌辦之法應添設商務司事二員在鐵路附近廣爲招徠隨時體察京津漢  
煤價以操縱運價漲落飭路員恪守營業宗旨和平招待進款能否增於豫算  
之外再行設法

又御史江春霖奏蘇杭甬鐵路借款相持不下謹擬持平辦法下外務部知之  
又度支部覆議雲貴總督錫良奏滇越鐵路營餉無出請撥的款一摺略稱滇  
越鐵路購地由部指撥各款嗣因路工開辦派兵保護迭據前督臣丁振鐸奏  
請由部撥給餉項經部議准在鐵路經費內核實動用見據奏稱前項已將  
用罄尙屬實情防營保護路工關係緊要不能不勉爲籌付查該省造送表冊  
內開鐵路巡防隊十一營歲共需銀十三萬六千六百六十三兩七錢擬請如數撥  
給在該省應解賠款內截留動支應用如議行

又察哈爾都統誠勳奏據職商趙宗詔等集股設立公司於張庫鐵路未成以  
前先就張庫一路創行汽車以開蒙古風氣請專行以張庫鐵路告成之年  
爲限鈔呈章程奏請立案下郵傳部議奏尋議駁

又 命尙書呂海寰充督辦津浦鐵路大臣並著直隸江蘇山東督撫會同辦  
理

又大學士張之洞等奏稱都察院代遞直隸江蘇山東三省京官以津鎮鐵路  
籌款自行建築呈請代奏一摺奉 旨著袁世凱張之洞妥商辦理 等往返  
籌商請派梁敦彥會同籌議相機與德英商商論奉 旨允准查天津至鎮江  
鐵路經總署會同礦務局於光緒二十四年奏准自立公司向英德兩國銀行  
商訂借款訂立草合同三十五條二十五年奏奉 俞允草合同內載由天津  
至嶧縣爲北段由嶧縣至鎮江爲南段共長一千八百餘里約借英金七百四

十萬鎊合市價銀五千六十餘萬兩九扣交付周年五釐起息以五十年爲期  
借款未清還以前造路及行車事宜由該銀行代理設總局一處派華洋員共  
五人又派委銀行代辦洋總辦工程師各一員所有出入款項歸總局管理  
每年所餘款項先提十分之二歸銀行等酬勞次提十分之一爲公積交兩銀  
行存儲經總署照會英德兩國使臣立案迨二十八年外務部奏請特派大臣  
與英德銀行議訂津鎮鐵路正合同奉 硃批著派袁世凱爲督辦大臣遵即  
札委唐紹儀梁如浩會同德英銀行所派洋員議訂旋因德員柯達士呈送北  
段合同底稿載借款英金八百萬鎊核與原議不符又以德使添索接造支路  
二道一由德州至正定一由兗州至開封爲原議所無且因南北兩段不能同  
時合議以致旋議旋輟雖經續商迄難就範該三省京官以英德使臣催訂正  
約甚急聯銜呈請准由紳商籌款建築係爲保全商民生計起見惟此項草合  
同業經奉 旨允准斷難議廢且准外部電稱德英兩使迭次來署謂成約具  
在磋商已有進步乃據改易辦法實於兩國邦交有礙等語似此據約力爭誠  
非空言所能抵禦只能相機設法改正 旨 命會同籌議遵與德華銀  
行代表柯達士中英公司代表濮蘭德竭力磋商柯達士復親至武昌催促訂  
約經 之洞手書要義十五條付之力言斷不能踰此範圍爭持五越月會晤  
數十次始與議定將借款辦路分爲二事另指的款作押給以見利抵換將來  
二成餘利及購料行用使兩公司不能藉口干預路權此項的款祇作擔保之  
用並非實在動撥將來還本還利仍取給於鐵路進款惟指款作押自以籌  
定的款爲關鍵當由外部與三省督撫電商經各省允認常年釐稅抵款直隸  
一百二十萬兩山東一百六十萬兩江甯九十萬兩江蘇十萬兩合計銀三百  
八十萬兩約符借款之數該銀行均無異說 等復以津鎮路約既不日可成  
所有膠澳條約第二款第一款所載各路棧應均包括在內併入津鎮官路辦  
理由外部照會德使旋覆到節略內稱德國政府願津鎮路約畫押後即行開  
議甲德國允一由膠澳至沂州府一段仍作爲津鎮支路歸入官路二由濟南  
府往山東界之一道包入津鎮官路乙中國允由德州至正定府及由兗州府

或幹路中之他處過濟甯州至開封府兩支路於十五年內由中國自辦倘用洋款須向德華商借等語是德使於從前所爭造各支路亦大有讓步自可照此定議見由臣敦彥與該銀行等改訂借款合同二十四條名為中國國家天津浦口鐵路五釐利息借款係英金五百萬鎊三十年為期十年後全數清還每百鎊加還二鎊半二十年後無須加價初次債票三百萬鎊虛數九三折納於初次售票時提留二十萬鎊以代餘利所造之路仍分南北段約二千一百七十里約計四年造竣於合同畫押後不得延至六箇月外建造工程以及管理權全歸中國國家辦理聘用德英兩總工程師合同由督辦獨訂等逐條核訂造路借款確分兩事於原訂草合同多所補救凡興工用人購料以及提款還款各事均權操於己毫不授人以柄較之他項路約實為周密繕單呈覽俟奉 旨允准再行簽押至支路辦法仍由外部按德使前送節略與之妥商俾臻完善

又奏查此項鐵路光緒三十一年臣世續准外務部轉商部咨據山東京官柯劭忞直隸京官惲毓鼎江蘇京官翁斌孫等呈稱近來各省鐵路類由本地紳商自辦津鎮鐵路亦擬籌辦款項自行建築無須別借外款當經臣世續以津鎮預約係因借款而定若欲收回自修必先籌的款若干何時可以興造從長計議咨覆在案本年惲毓鼎等復呈由都察院代奏申明前說津鎮一路延袤兩千餘里南北貫輸為羣情所繫屬請照各省商辦成案集款自修立論不為不正惟英德兩國訂約在先萬難議廢臣之洞到京後接晤該紳等許於改訂正約時設法挽回仍留後來商辦地步見在借款合同業經簽印並奉 特派大臣督辦該三省紳士深明大義無復異言查津鎮鐵路本係國家與英德兩國公司議造見將此約改定妥協改名津浦是此路由官議定自應屬官 朝廷廣興樂利凡利源之闢自民間者無不與民共之必不於該三省稍存歧視所有津浦鐵路借款股票除照合同第十三款兩公司應在中國國家清還借款之時懇 恩准令三省紳商自集成本將此項股票撥與一半任其收回惟三省應得此路權利應各視其境內地段若干里以為攤買股票之準繩方昭

平允且為數甚鉅亦非倉卒所能募集應於此十年中豫計其境內路線共長若干贖路時應攤收回股票銀若干早為設法籌集庶免偏枯而杜推諉

皇朝續文獻通考卷二百六十七

郵傳考八 路政

光緒三十四年陝甘總督升允奏蘭州城北濱臨黃河鐵橋見與德商喀佑斯訂立合同包修議定橋價工料共銀十六萬五千兩保固八十年已將合同咨送外務部存案所有橋價等項概由統捐溢收項下撥用作正開銷

又郵傳部奏前由商部會奏鐵路占地納稅申明定章比年官商辦路遂增情形不同亟應定專章遵守除官款官辦及商辦各路仍照原奏自過戶日起照原業主科則徵收地稅外其借款官辦各路資本均經利息折扣而來若令各路擔承虛數本息實覺積少成多倘因此不敷續借受欺更鉅擬無論合同內有無載明不納地稅一律俟全路通車獲利再行照完其全路未曾竣工或工竣通車未獲餘利者均暫不完納以免多負外債至官商鐵路所占官河官道前奏聲明不納地稅見擬凡未經官用及未撥與民用之官荒如經官商鐵路用占亦均照此辦理又各省地方附徵之稅如畝捐隨糧捐等凡納稅之路應一併照納謹擬官商鐵路完納地稅章程十條呈 覽

又河南巡撫林紹年奏准洛潼鐵路酌抽鹽捐略稱豫省鐵路總協理劉果等呈洛潼鐵路比公司指日竣工路綫須速籌自辦本省地瘠民貧專恃招股力有未逮見在官紳商民皆知維持公益於集股外切願認捐擬請嗣後豫民購鹽無論官運私運每斤抽捐四文俟路工告竣即行停止所有經手繳捐之官運商運均應分給路股按照引地提撥一半填給鹽商股票息摺所得年息紅利均為該商等永遠財產再提一半填給地方股票息摺年息紅利均為地方公款路工未成以前除撥歸鹽商利息照付外以地方公款所得緩辦公益暫移作保息抵款俾堅衆信計四綱所捐之款每年約可得銀四五十萬兩於路政有裨查核所籌辦法與尋常加價歸公者不同且有路成停止期限懇 恩飭部先行立案

又外務部郵傳部奏蘇杭甬鐵路上年由汪大燮與中英公司商訂正約未就復由 臣敦彥接議擬分辦路借款為兩事路由中國自造除華商原有股本外

仍需英金一百五十萬鎊向英公司籌借另指的款作抵俟商議就緒訂立合同在案嗣因江浙兩省紳商於此項原委未能洞悉兼之津浦鐵路借款亦未定議致未暇同時並舉迨津浦合同奏准畫押酌派右丞胡惟德參議高而謙等按照底稿並參以江浙見時情勢另與中英公司代表濮蘭德磋商月餘始行定議所訂合同二十四條名為中國 國家滬杭甬鐵路五釐利息借款數目係英金一百五十萬鎊按九三折扣交納常年五釐利息三十年為期若所收此路進項不足則由關內外鐵路餘利項下撥付凡提用款項均由郵傳部或其所派之人經理此路建造工程以及管理權全歸中國 國家該公司代購外洋材料機器以三萬五千鎊作為酬勞一切用銀均包在內選用英總工程師一人須聽命於總辦等語名為鐵路借款凡屬鐵路內事與該公司毫無干涉尚無流弊可虞 臣等查蘇杭甬草約第二款言明將來訂立正約與滬甯一樣而滬甯正約所載若鐵路產業作抵洋員管理帳目虛數九折所得餘利以五分之一歸銀公司各節路權利權諸多損失江浙兩省思患預防有鑒前車且由上海至嘉興一段路工將成若再由蘇州另繞與修則滬嘉一路幾成虛設見經次第磋商不用本省押款不須洋員查帳總工程司由我自選餘利用銀均先包盡路綫起點亦改定由上海或附近上海俾與滬甯鐵路一氣銜接謹繕合同呈 覽俟奉 旨允准再行簽押蓋印

又郵傳部奏商民承領部撥存款路歸商辦江浙兩省公司接款還款自應由部議定章程俾資遵守當經邀約股東公舉數人來署閱看均稱妥洽其部借合同原有折扣虧耗各款當日欲收回草合同之虧損因定以利益權之法惟路歸商辦商力微弱自未便專令商民受虧而江浙兩公司亦能仰體時艱於所領部撥存款承認年息五釐五毫其不敷之款由 臣部分別籌墊謹擬章程十四條呈 覽伏候 命下分別咨照又江浙兩公司承領部撥存款所有借款合同內九款三十年統計約虧三百四十九萬兩餘兩公司所認利息溢出五毫三十年內約繳銀八十五萬兩外其餘不敷之款面商度支部及電商蘇浙督撫與 臣部分任籌墊議定度支部每年認墊銀二萬兩江蘇督撫三萬兩



浙江巡撫三萬兩臣部一萬兩如議行

存款章程 第一條郵傳部奏明商民承領部撥存款路歸商辦特立章程以資遵守 第二條江浙兩公司係奉旨商辦故滬杭甬一綫承受郵傳部存款仍係完全商辦並無變更郵傳部仍與他商辦之鐵路公司一律看待 第三條滬杭甬路局承受郵傳部存款所有部向中英公司借款付息還本各事由部經理滬杭甬路事中英公司毫不干涉 第四條此項存款約計一千萬兩其存撥時或不及一千萬兩總以多不過一千萬少不過七百五十萬爲度由部分期撥付每屆撥付之前十日由部電知江浙兩公司接收第一期自光緒三十四年二月初四日起於七個月內撥付八十萬兩第二期於十二個月內一律撥清如有事故可展至十八個月至遲不得過二十四個月倘到期不能撥付或撥付不全此項存款章程即日作廢滬杭甬路局即查照已收之實存本息限六個月內如數繳清至遲不得逾十二個月 第五條滬杭甬路局需用款項應用公文聲明原由向郵傳部支領如欲提款至十三萬兩以上須於十五日前電知預備照付 第六條此次存款常年五釐五毫起息每半年付息一次所有部借合同內中英公司應得之九三扣及九三扣虛息提付餘利及提付餘利虛息還本小二五行用還利小二五行用倫敦存款四釐虧息購料包用及購料包用虛息共九款除上海之匯豐銀行利息喫虧一款匯費一款十年外加還二鎊半一款均先由部墊發外其餘不敷之款由度支部兩江總督江蘇浙江巡撫及郵傳部先行分墊以上墊款俟江浙兩公司獲有餘利時即於原奏江浙兩公司承認報效餘利中每二十分中之一分儘數歸還墊款 第七條滬杭甬綫由上海至杭州江干各段業已次第鋪軌行車此項部撥存款由江浙兩公司滬杭甬路局擔任清還本息之責 第八條自光緒三十四年二月初四日起至扣足十年後以第十一年至三十年爲止兩公司應按年照本攤還其應於每年某月某日爲攤還本銀之期屆時由部酌定再行知照兩公司兩公司應於每次還本銀之期前十四日將應攤之本銀如數交付如於第十

一年後願一次還清或數次還清均可聽便惟須於六個月前報明郵傳部一俟存款還清此章程即日作廢 第九條存款利息自撥款之日按照撥到實數起算每半年付息一次其應於每年某月某日爲結算利息之期屆時由部酌定再行知照兩公司兩公司當於每次結算利息之期前十四日將利息如數交付 第十條江浙兩公司應於六個月前預備下期利息存在上海交通銀行第十年下半年以後每六個月之前亦預備下期還本息之款存在交通銀行所存款項之利息按照該銀行存款息率給回兩公司至少不得減於部撥存款息數 第十一條兩公司有公舉之查帳員郵傳部並不因既入存款別令人至兩公司查帳 第十二條滬杭甬鐵路建造工程以及管理一切之權全歸江浙兩公司建造工程之時由江浙兩公司選派滬杭甬路局總辦兼承兩公司總協理命選用英總工程師一名或在英國選擇或在中國國家鐵路工程人員內選擇均聽其便該總工程師須聽命於總辦或總辦他往即聽命於代辦其雇用該總工程師之合同由總辦自訂至該路上派用專門人員分派應辦各事以及辭退各員由總辦或代辦與該總工程師商酌辦理如有意見不合郵傳部得令總協理查照雇工合同判斷至工程造竣後在存款期內須用英籍之總工程師一人料理 第十三條滬杭甬路局續購洋料如願託中英公司經理應給之行用已另行給予包用無庸另給如不願託其經理另向他處購辦聽便惟願給之行用由滬杭甬路局另給不能從中英公司所得之包用扣回 第十四條郵傳部指定上海交通銀行爲繳款處所以便付息還本其平色悉準存款平色一律

臣謹案浙路初辦股款踴躍迨廢約之風潮起商界率多觀望部臣調停分辦路借款爲兩事而不動存款之說又輿舉潮涌錦藻始亦踴之第獨居深念茲事體大非可以空言就意氣爭也政府迫於成約不得不借款存英銀行僅二釐息而折扣及五釐息均須照付虧耗不費不動存款於外人無絲毫之損而削國家之元氣阻公司之進行曷敢以時論所趨同

暨附和竊擬抽舊股築新路撰說略一篇就股東大會公商略曰蘇浙兩公司所宜經營籌畫者非祇此滬杭甬一綫已也以吾浙論挹血漚汗迄今四月期屆繳款不及二百萬此後盈絀雖未可料統計五年約得千萬部定杭甬工程限祇三載姑勿論敷用與否而以浙款造浙路竭其力僅足以成杭甬此外旺綫未能及時趕築顧此失彼保無他人之乘機攫取乎然則不動存款殆非可見諸實事矣且向之所惡於借款者爲抵押耳干涉耳轉爲部存款可無慮合同所載外人之利益雖不動而不能不償也部章所訂公司之權限雖動用而絕無損礙也然則存款之動不動於實際何與乎以不動爲名高而以併力於杭甬之故轉阻我前途之發達孰輕孰重孰得孰失必有能辨之者且滬杭甬蘇浙共之浙人不動蘇人果何如比歲電局商股抑價收回影響所及投資意怯據見在以測將來存款不動果能堅持終始乎曩保存會有收回舊股別營新路之議吾重思之吾無以易此言試取而權其利害爲害之說者曰損公司信用曰違商辦本旨曰慮存款難償第一說主事者或不免蒙詆至多數股東但求可以保股本增利益無不見諒也第二說存款雖動路仍商辦存款不敷商當補助非舉滬杭甬綫而棄之也第三說路愈長利愈厚取贏爲償事更便期雖延長以漏卮言亦省兩鎊半之虛耗爲利之說者一取旺綫浙路五綫首推杭甬物產彰顯運脚繁鉅江船自蘭谿往返杭紹間有四千艘艘歲約水脚銀千元得半養路已有餘裕常玉一路運輸若緣利當勝杭甬且地價賤橋隧工均省路本亦輕二關利源上江地非瘠阻閉爲苦路綫通產必加盛有無相濟物力可紓兩浙交益三杜覬覦倍次之說雖息耽耽者未已也我徘徊瞻顧必有起而相爭者政府固利亦將代我謀勢不可不趕造四興大利杭甬與較綫同時並行交相爲助裨益營業何可勝數兩說相較甲驚名乙核實受存款以竟杭甬之工不至稽時耗費騰舊股以樹新綫之礎更易集股招徠非通變得宜者乎利害比繁權衡去取願爲父老更一借箸開會宣布未半攘臂者紛起一聞而散謗書

盈篋吾謀不用惟有潔身遠引至後來結果如何固有不忍言者矣又奏改定滬甯鐵路辦事章程略稱滬甯鐵路借款合同第六條內開鐵路開辦之時設立管理造路行車事務處名曰滬甯鐵路總管理處設在上海前督辦唐紹儀審知該路喫虧欲挽回利權非改訂總管理處章程無從著手屢提未結旋改外任<sub>日</sub>等接續提議督飭鐵路總局局長梁士詒與中英公司代理人漢蘭德討論至今始克就範見開三條一購地嗣後如加添雙軌所需地基由國家款項購置二路本凡築造路工預備行車不敷之款由國家擔任籌備不再續借三購料用錢凡在上海購料中英公司應得用錢從前暫停支付者算至西歷一千九百零六年十二月止共銀四萬七千兩訂明折減付銀三萬五千兩作爲了結自去年正月至未改章程以前均照原數每百成以七十四成折減付給既改章程後凡購中國原料及中國製造品概不支給用錢如在中國購買洋料其價值在二千五百兩以上及在外國購買洋料始照合同給用五釐又訂明如有相宜別家行店其在外國或在中國能爲購辦者中國可以託其代辦至改定總管理處章程辦法凡從前華員二人洋員三人會議取決於多數者見改爲中國派一總辦所有全路工程行車廠務之事權責任均歸其決議施行無須時時會議以上各節經梁士詒與漢蘭德彼此繕函作據查滬甯一路用款較他路爲多事權較他路爲少自非改訂辦法無以爲整頓之基今幸磋商就緒主權不失財政有裨較原訂合同已多補救

又查各省鐵路洋員合同呈部核准後再簽字略稱見各路同時興工雇用洋員不少而所訂合同有業經簽字始行報部者有未報部者以致本部無從稽核開或濫竽充數路款既多虛糜設若太阿倒持事權更慮旁落萬一路所訂合同偶有喫虧他日各路聘用洋員彼將援以爲例諸多要挾其影響於全國路務者甚大即如山西同蒲公司雇用洋員以誤訂合同致生轉轉該洋員呈由本部判斷是本部對於各路所訂洋員合同應擔負稽核之責任嗣後各路如有雇用洋員務須將洋員姓名國籍薪俸職掌及未簽字之華洋文合同先行呈部俟部核准方行簽字以昭慎重

又奏註銷京漢借款行車合同略稱京漢鐵路及時收回與比公司商定應還款項統在法京交付准本年十二月初六日全數付清由出使比國大臣李盛鐸專辦此項交款事宜將所籌各款飭交通銀行分起續匯茲據李盛鐸電稱所有應交本息經手費各項共法金一萬二千七百四十萬零一千零四十一佛郎三十三生丁業已如數交清又照合同應交回比公司盧保三年官息二成共銀圓二十四萬零一百二十九圓九角亦先由部付訖當於十二月初十日派局長梁士詒監督鄭清濂將比公司經手各項文卷帳目款項材料一併點收並將抵押卷據悉數收回迭次合同全行作廢即於是日爲收回京漢全路管理權之始本年十月比公司尙藉口比政府從前墊交該路賠款之擔保另歸外務部與比使公斷各事均未了結聲言西明年正月一號不能交回該路管理權等語據合同辨駁至十二月初九日比使始照會外務部定初十日先將管理權交出註銷各項合同其餘爭執諸節隨後再行議結竊思此路借債逾四千萬兩比人干涉已越十年茲幸完全收贖此後應行布置之事方多容臣等悉心辦理

又奏改泇昭路綫略稱萍潭一路本用官款收築前以該路爲運煤而設暫由前督辦盛宣懷一手經理見萍鄉煤礦已奏明合併漢冶萍廠礦公司專歸商辦則官商股本自應畫清界限且該路見須展築至昭山四十餘里尤須籌備官本俾資添修改歸部管轄至萍潭鐵路原議上起安源礦界下訖湘潭縣進東之昭山逐節興修以便煤焦運抵昭山後由船轉至漢口銷售利便惟萍泇離已告成泇昭尙未展築煤船由泇州而下須迂繞湘潭曲灣淺水阻攔行舟從前每日出煤數百噸不能源源載運見煤礦大槽已通日可出煤二三千噸且漢陽鐵廠正竭力擴充需用煤焦數倍往昔尤應力圖接濟以振要工正在籌議開准盛宣懷咨稱訪聞粵漢湘境幹路擬由泇州繞至湘潭對河太平街以達易家灣較泇昭直綫須多行五十里計費運費過多於礦廠均有損害且礦局每日運煤以三千噸計每車裝二三十噸當有重車空車共二百輛日往來於此四五十里幹路之上轉輪輻輳行車時刻難以騰挪若與他項客貨

相遇趨避不及益多危險自應就萍泇已成之路接連展築以達昭山水次俾可由輪船直運漢口藉符原議節次派員勘估由泇至昭約四十里需款在五路由泇州逕達易家灣直綫改爲繞道湘潭對河太平街以達易家灣弧綫以保潭埠商務等以該公司所擬辦法與部展築泇昭路綫均爲保全商業起見彼此利益不相妨礙應准其改用弧綫萬一將來粵漢商路再築泇州易家灣直綫則官築之泇昭應聲明不載他貨以期無損於商路即或客貨趨便附載其所定車脚亦應比粵漢較昂庶於平均貨率之中即寓維持商本之意又督辦津浦鐵路大臣呂海寰會同張之洞袁世凱奏津浦鐵路原本津鎮雖易鎮江爲浦口同隸江蘇轄境合同內所載路綫係由天津道經德州濟南府至附近山東南界之嶧縣均稱津浦北段再由嶧縣至附近揚子江南京對岸之浦口均稱津浦南段海寰奉命後詳考輿圖自山東嶧縣起與江蘇接壤者爲徐州府屬銅山縣若由銅山取道安徽之宿州靈璧鳳陽定遠滁縣等州縣以入江浦縣境而至浦口鎮均係驛路其勢較爲直捷若由銅山取道邳州宿遷桃源清河天長六合等州縣以入江浦而至浦口其勢似較迂折內惟天長縣係屬皖境餘均江蘇屬地論軌道以直捷爲便論路工以省費爲主然遇道都大邑商埠市場應行遷就者雖取道稍迂亦不可但圖省費總以便利商賈行旅增益日後養路之資爲合算據蘇省鐵路公司以津浦路綫應由嶧縣經江蘇徐州府城而入皖境蘇路北綫自清江經桃源宿遷徐州以達豫復自清江東北接泇陽以達海州又由清江南至瓜洲各綫呈請概由公司籌築又據安徽京官以津浦路綫須經過安徽轄境與原訂津鎮鐵路未曾涉及安徽省界不同應三省一律欽派督撫會辦皖撫有購地保護之責公呈奏請加派以專責成等熟商此次津浦鐵路雖係借款官辦而十年後仍准三省紳商自集成本將債票撥與一半任其收回即爲官商合辦之路惟查商部奏准蘇紳籌辦本省鐵路摺內聲明自江以北由海州經徐州以達於豫則海徐一路應遵奏案由蘇路公司籌築見採衆議南段路綫必須取道皖境請飭

安徽巡撫會同辦理。海寰即按照所擬路途詳勘。如果自徐州以下全由皖境則皖省應照三省攤買債票利益均沾。按鐵路通例必以支路交匯為有益。今幹路南端若改由皖境取道洪澤湖以西則江北淮揚海等府州商務繁盛之區。凡在洪澤湖東者皆與此幹路隔絕。江北商民未免向隅。應請自徐州橫造支路達於清江以利江北商民。此路准蘇商集款修造。限四年內與幹路一律造成。如幹路造成蘇路所築尙未能接軌。則官為集款。即從徐州築支路以達清江。使蘇省商民亦獲交通之益。屆時仍酌定年限。准該公司限滿備款贖回。一半與津浦幹路均作為官商合辦之路。

津浦紀略 津浦原名津鎮北起天津南起鎮江後改由天津達南京對岸之浦口。易名津浦。光緒二十二年候選道容閱發起籌辦。事不果行。二十四年總署奏准派員自立公司向英德兩國銀行商訂借款合同。三十五年二十八日特派袁世凱為督辦。與英德銀行立正合同。節次磋商迄未就範。未幾而全國鐵路自辦之說起。直隸山東江蘇三省京官聯名奏請籌款自築。三十三年奉 諭著袁世凱張之洞妥商辦理。復 飭外部侍郎梁敦彥會議與德華銀行代表柯達士中英公司代表濮蘭德爭持五閱月始定。將借款辦路分為二事。立津浦鐵路借款合同。二十四條。路線由天津至山東嶧縣為北段。嶧縣至浦口為南段。長約二千一百七十里。借款都英金五百萬鎊。派尙書呂海寰為督辦。大臣此始議之情形也。三十四年以李道德順為北段總辦。聘德人德浦彌勒為北段總工程師。六月開工。設濟南分局。委汪道懋現為會辦。畫分四段。第一段由天津至靜海縣屬之良王莊。第二段良王莊至青縣屬之宋官屯。第三段宋官屯至東光縣屬之東光縣。至山東平原縣屬之曲律店。同時並舉。又以墊道碎石運費不貲。倡燒磚代石之議。於傅家村泊頭德州等處築磚窯三座。十月良王莊至曲律店與築道隄時大宗材料均購自外洋。裝載輪船。糜款費日。遂於附近海河之陳唐莊建碼頭。設岔道直達良王莊。正棧以利交通。而山東官紳加寬黃河橋梁之抗議起。先是呂督辦以全工惟河橋為最鉅。到東商巡撫袁樹勛勘定黃河架橋地

方北至鶴山南至濼口去省城十餘里。與德國橋梁公司按黃河橋第一圖訂合同。估工料約需德銀六百四十餘萬馬克。而克沂曹濟道丁達意以濼口及東阿平陰交界等處造橋深慮河工出險。稟撫咨商督辦河工官吏復以橋孔太多。拋石護柱窒礙河流。提議改寬橋空。繪黃河橋第二圖。力請改造。派幫辦李春湘任鳳苞並請詹天佑偕德工程師往勘。參酌地勢。繪第三圖。橋空一律加寬。中洪一空寬至一百六十邁。當并議深築墩基。以保路工。河工之險。山東官紳亦無異議。冬道隄土工基礎初立。宣統元年第七段由獨門至南驛五段。李吉寨至黃河南岸八段。南驛至劉家莊相繼興工。而電報成績自陳唐莊至濟南府南之萬德鎮。修成七百七十九里。又自天津總局至八里台接入正棧。十里共長七百八十九里。八月勘定天津總站地址。在隄頭。十二月自天津陳唐莊至德州四百七十里。通行料車而濟南至濼口為膠濟運料所急需。車輛亦可往來。此北段工程之大略也。至南段路線起浦口止於利國驛。上年冬季開工。淮河關係最鉅。官紳以建橋有礙航路。議築活橋。派員詳查。終以活橋危險。仍建不動鐵橋。另於上下游修築船塢。並設拔桅起重機器。以便舟楫往來。工程分三大段。段分六區。各駐工程師。次第施工。其間最鉅土方在明光三界之交。高低懸絕。雜以石方。山方橋工以蚌埠跨淮河為最鉅。造橋墩用天氣圈空。至石底雖竣工需時。而造法鞏固。計明秋可通車至臨淮關云。

臣謹案吾國北部川河皆東西流。無貫通南省者。此黃河以北。所以天地異氣。人民異俗也。自隋開運河。南北始通。迄今漸次湮塞。河長二千餘里。可行小輪者。惟天津至德州五百八十里。鎮江至清江浦三百里。耳。冬季冰凍。津德一路難行。其他河身淺狹。閒有閘蓄水以利往來。而啟閉費時。改行海道。由鎮而滬。而津。至速非一來復不達。津浦路成。無論長江下流。即中部貨物亦必取道於此。其獲利富。不下京漢。惟聞天津德州一段。已將英德借款。糜盡以五百萬鎊之資。築百四十英里之路。平均三十萬成一英里。殊駭聽聞。宣統元年添募二百萬鎊。二年續借四百八十萬鎊。三

共一千一百八十萬鎊年息五釐三十年後贖還難矣哉

又都察院代湘紳聶緝契等奏粵漢鐵路見在湘公司已集股本八十餘萬剋期興築長株請飭郵傳部將部擬官築株昭一路即行停止並請飭湖廣

總督湖南巡撫體察情形妥籌辦理庶使官民相安路礦兩利湘路幸甚奉

諭萍沅一路見已改歸郵傳部接收管理株昭一路經部奏准展築該紳等率

請停止殊屬不合惟究竟與湘路有無妨礙著郵傳部會同湖廣總督湖南巡

撫妥議具奏

又諭鐵路為交通大政利商賑災運兵轉餉以及開通風氣振興實業胥賴

乎此近年各省官辦鐵路皆能剋期竣工成效昭著而紳商集股請設各公司

奏辦有年多無起色坐失大利尤礙交通著郵傳部遴派委員分往各路確實

查勘各路工程應分幾年造竣公司股本能否按年接濟一面妥擬辦法嚴定

期限倘所集股資不敷尙鉅或各存意見推諉誤工以致未能依限完竣即由

該部會同該管督撫另籌辦理並將該省所舉承辦人員差使查照商部歷次

奏案分別撤銷以期各路迅速造通如再因循瞻顧坐誤事機定惟該部及該

管督撫是問其應行路律並著該部速議具奏

又諭陳啟泰奏粵漢鐵路宜定統一辦法懇派廉明大員督辦路務一摺

粵漢幹路關繫南北交通最為重要前經張之洞收回自辦極費經營乃數年

來官紳商董意見參差迄無成效長此因循必致貽誤路政自應簡派大員統

一事權方可早日觀成著派軍機大臣大學士張之洞兼充督辦粵漢鐵路大

臣會商郵傳部及三省督撫督飭在事官紳商董認真籌辦所有路務大端由

該大臣通籌三省全局體察情形隨時主持裁定務令各派意見聯絡一氣以

免曠日虛糜

又雲貴總督錫良奏查滇省自辦滇蜀騰越各鐵路隨認股章程每糧一升

收錢二文奏准開辦上年據該公司紳董請改為每糧一升收銀五分以全省

納糧約二十萬石核計年可售銀一百萬兩十年可集一千萬批由司道會議

先由省會之昆明縣試辦如果民情踴躍再推及全省見報據數完訖復經該

公司函致各屬舉代表來省會議咸以鐵路關全滇大局糧股實集款大宗昆明試辦有效通省願一律辦理請自三十四年起官督紳籌每糧一升收銀五分十年為率從前奏定收錢二文之案即於本年停止事關合省公益應准照辦

又山西巡撫寶棻奏同蒲鐵路情形略稱路事以集股為先集股有官商之別官辦由官力維持商辦則全賴信用股由商認官惟助以保息此乃近日辦路通例查同蒲鐵路前奏歸晉省紳商自辦公舉前甘肅布政使何福堃為總辦

是為完全商業性質與江浙等鐵路公司無異果使踴躍輸將當已早著成效乃始以無股可集一再呈請由官勸辦迭經督率藩司派勸繼又以畝捐

無著稟請照庚子賠款派富商分認並提存各屬官款息本應用嗣以畝捐中止該紳遂因病辭差夫同蒲全路需款在二千萬以上畝捐一款豐稔之年亦祇三十餘萬原案本係路礦平分提歸路局亦祇十餘萬兩况去年已由外務

部奏定原為贖礦的款至各屬息本需賴流通市面均難照准即使悉如所請尚不及全股十分之一所短甚鉅斷非官力所能竟事是路工之遲誤實該總辦何福堃專待官力集款所致也所幸晉省有志紳商於此事利病原委洞若觀火見已另舉衆望允孚之紳士接充總協理

又郵傳部奏分起派員查勘鐵路款項工程略稱查商辦鐵路臣部已立案者共十七處勢難同時往查擬分別最要次要再次要列為三起除川漢業已查勘外洛潼西潼同蒲江蘇浙江最要為一起粵漢潮汕新甯惠潮廣西福建次要為一起滇蜀安徽江西再次要為一起見先查第一起遵前次奏定辦法確切查明報部以憑核辦

又諭前以粵漢鐵路最關重要特派張之洞為總辦大臣近詢該大學士籌辦鐵路情形據稱該路事權紛歧議論淆雜諸多窒礙等語該路交通大有關係詎可長此延緩嗣後該路籌款用人興利除弊各事宜悉責成張之洞統籌全局力任勞怨數定期限各就三省情形分別妥訂章程因時制宜主持定斷

郵傳部督湖北湖南廣東各督撫均須實力協助不得掣肘所有各該省原派

之總理協理均聽節制在事官紳商董倘有營私舞弊煽惑把持以致妨害路政各情事即著張之洞據實參辦經此次申諭後該督辦大臣等務當協力趕辦不准延緩以期事權專一免誤要工

又 諭津浦鐵路前經張之洞袁世凱梁敦彥會奏預定將來官商合辦法迨至第十年後國家清償借款之時准令三省紳商自集成本將此項股票撥與一半任其收回此項津浦鐵路即為官商合辦之路續據呂海寰奏預籌招股章程因此路南端經由皖境添入安徽一省共為四省內開十年後官商合辦無論何年不得退還商股均經允准茲復據呂海寰代奏四省津浦鐵路有限公司文稱羣情疑畏觀望不前等語此路既定為將來永遠官商合辦自無將商股退還之語經此次明白宣諭後該大臣務當勸導各省紳商協力相濟籌集路股俾免購路時稍有貽誤以溥樂利而昭大信

又 諭陳夔龍奏鄂境川漢鐵路與粵漢路相輔為用請簡大臣兼充督辦一摺前因粵漢鐵路關係重要特派大學士張之洞為督辦大臣鄂境川漢與粵漢兩路本屬相輔自應聯為一氣方能安速成功著派張之洞兼為督辦鄂境川漢鐵路大臣會商郵傳部湖廣總督飭在事官紳認真籌款興辦即責成張之洞剔除弊端主持定斷郵傳部暨湖廣總督均須實力協助不得掣肘以一事權而重路政

又山東巡撫袁樹勛奏津浦鐵路橋已定基於黃河中游濼口該處河面寬不過三里橋柱矗立中洪在水小時致病尚不覺重若驟來盛漲不惟中游受困即上游亦盈槽懼溢下游積淤難容新險環生均所難免莫如增購石料加培隄工三游情形不同尚須酌分辦法中游距山較近宜全用石方上下兩游距山較遠運石較艱祇有擇要拋石護壩量增石壩其最遠地段仍各就原設甄審以濟石料所不及至加填隄工上游地段較短中游稍長其最長者為下游又以徒駭入海尾閘漸次淤墊較上中游尤形卑薄即無鐵橋阻礙而加培亦難延緩當飭核實確估所需購石培隄兩項至少約銀十萬兩擬就本省藩運兩司庫設法挪湊以濟要需懇准飭部作正開銷下部議

又郵傳部奏派員與日本擬訂新奉吉長鐵路借款續約先訂定大綱七條新奉係借日幣三十二萬圓吉長係借日幣二百十五萬圓年息五釐協約原訂新奉遼河以東之日本總工程師見訂祇派工程師刪去總字仍歸京奉鐵路總辦及總工程師節制原訂之日本帳房見訂無庸派委吉長之日本總工程師司見訂由中國選擇日本帳房見訂由南滿洲鐵路公司選擇均歸中國委派細核所議似較周密當商明外務部核准飭鐵路局長梁士詒簽押並由外務部與日使彼此照會允認施行至借款詳細合同再行派員與南滿洲鐵路公司商訂以便迅速興工

東三省政略紀安奉鐵路略稱安奉鐵路者自奉天省城至安東縣日人與俄戰時軍用所設也光緒三十一年軍事既畢遂與我國議定東三省條約其附約第六款載明此路仍歸日本政府接續經營改為轉運各國工商貨物除運兵回國耽延十二個月不計外以二年為改良竣工之期再展十五年將建置各物估價售與中國其改良辦法應由日本承辦員與中國特派員妥商所有辦理該路事務中國政府按照東省鐵路合同派員查察經理是安奉鐵路凡有特別之興作均應與中國妥議詎三十三年夏日人竟在本溪湖鐵路附近地方以鐵路用地為詞任意佔用民房為守備隊建築兵舍繼復在安東縣六道溝擬建修房屋二百餘間為日軍經理部駐紮營房之所擅自動工不與地方官吏商議經本溪縣交涉委員暨安東商埠局先後報告即由交涉司以此路與南滿鐵路性質不同且從無鐵路用地名目與駐奉日領事一再詰駁並將往來照會抄咨外務部轉商駐京日公使禁阻是年冬安東商埠局報稱偵得日人擬在安東遙對之新義州鴨綠江等處修築過江鐵橋與鐵路銜接此橋若成下江海船不能上駛商人運貨較遠往來貨物或由海道或由陸路稅關必難稽察日人專為鐵路牟利實與中國商務稅務大有關係查鴨綠江為中韓界綫我國本有管領一半之權日人築橋於界務問題亦有影響因其事未宣布遂密告外部預防三十四年南滿鐵路會社員在鳳凰城草河口至省南蘇家屯一帶測量安奉路綫

占用民地樹立標桿由交涉司向日領事詰問覆稱此次測繪路綫並非日本政府命令係由會社中私行試測為將來正當會勘之預備即所立標本亦未定準由東邊道派員前赴鳳凰本溪等處邀會日本測量技師詢悉測量立標之處沿途查勘繪圖呈閱當以日人測綫插標日後難保無另設別綫之舉動隨與日領事商定安奉鐵道沿綫礦山合辦條約四條即以不得另設別綫字樣注於第一條之末而日領事迭次照會不允互相理辯詳細解說始獲成議時已屆改良竣工之期因函請外務部傳兩部速向日使照約商議會勘宣統元年郵部委員來東遂添派道員會同日員分赴各處履勘夫安奉一路允其展用十五年退讓已極彼乃占地築房私測路綫無非意圖久踞侵我利權猶幸續訂章程聲明不設別綫不至墮其術中然則此後十五年間可不加之意歟

又紀吉長鐵路略稱吉林省城去長春二百餘里東清鐵路大工將成俄人亟欲接展吉長一路屢以為言前吉林將軍長順恐利權旁落光緒二十八年估定建築工費需銀二百六十萬兩奏請專歸中國自辦外務部議由戶部籌八十萬為基礎不足則由吉林就地集華商股旋戶部議令將吉省自籌及商股之一百八十萬辦有端倪再由部籌銀八十萬兩撥給疏入報可而俄人處心積慮常以歸華人另辦難歸公司接辦易來相緊晤長順等堅詞駁阻卒以再四要求訂合同十六條有改歸公司修造之奏無何日俄構兵此議亦寢署將軍達桂以草案逾限應歸無效仍向爭回自修三十一年擬將吉省官帖銀元兩局餘利及公款內先期籌撥購料興築奏請飭袁世凱督辦朝議建之三十三年外務部咨吉長鐵路已與日本林使商訂條款七則奏准通行約內載吉長路仿山海關內外鐵路借款合同辦法其遼河以東一段所需款項向南滿鐵路公司籌借一半吉長鐵路所需半數亦向該公司籌借約既宣布未易反汗而吉省紳民未悉事實之內容徒以蘇杭甬爭路為藉口倡言集股自辦一時潮湧波翻幾不可遏夫蘇杭甬草約銀公司一商人之交涉耳吉長則根據條約關於國際交涉豈易輕言取消曉

以此義紳商亦嘿爾而息近者路綫既已勘明兩國續約亦經郵部會咨外部命鐵路局長與日使阿部守太郎商訂七條凡假日幣二百十五萬元年息五釐折扣九三嗣又派員會同日員議訂詳章條款既定與作在即將來保護主權維持路政是在乎有守土之責者

又紀新法鐵路略稱光緒三十三年秋郵傳部擬將關外鐵路由奉天新民府接展至法庫門等處以便行旅蓋法庫門在奉省北昌圖府境西控蒙荒蒙域貨物運輸內地必以法庫門為要衝故擬由新民修支路接展至洮南府而達江省日本代理使臣阿部聞之以文詰郵部謂中日議約之際貴國全權曾聲明中政府持保護南滿洲鐵路利益之目的該路未收回前不能於附近另設並行之幹綫及侵害該路利益之支綫見有延長關外鐵路之說本國政府不能不為留意郵部因咨外部謂展修鐵路為增益本路營業進款起見凡係不合宜之附近並綫斷不敷設如將來在關外鐵路敷設新綫其附近南滿洲幹路之距離總不減於歐美各國見有鐵路兩綫距離之數之通例外務部據此以覆日使不允謂關外鐵路延長顯與南滿洲鐵路並行且有礙該路利益郵部移請東省體察情勢據實覆查中日接收新奉鐵路條款第三款內載除吉長鐵路接展支路外如中國自行建造他路與南滿洲鐵路並無關涉見接關內外鐵路係我中國內政決無外人干涉之理自應據理力爭以清權限三十四年外部復以文致日使曰查關外鐵路接展至法庫門上年接准來文稱按日清交涉會議錄曾訂明中國承認保護南滿洲鐵路之利益不在該路附近敷設並行幹綫並不敷設有礙該路利益之支綫中國官有遵守此約之責務查中國擬於關外鐵路由新民屯設綫至法庫門係為變通便利發達地方起見與南滿洲鐵路毫不相涉既非附設並行之幹綫亦非侵害利益之支綫其距離該路總不減歐美見行通例乃貴大臣援中日會議錄為據謂中政府置成約於不理不知當年中日商定此條時中國全權以並行二字範圍甚廣必須定以里數言明在若干里內不能築造並綫日本全權謂若定里數自他國視之必有限制中

國造路之意繼請照歐美例定並行棧相距里數又以通例亦不一律不必載明並由日本全權聲明中國將來凡有發達滿洲地方之舉日本決不阻攔其言出於至誠自應彼此共遵夫發達地方之要政孰有愈於添築鐵路者蓋支路愈多則幹路之資運愈盛吉長之於南滿即其一例且查新法鐵路直接關外路綫所經海口爲營口天津俱屬封河之口南滿洲鐵路直達大連爲不凍之口滿洲所有出口之產必多取道南滿洲鐵路直達大連矧法庫門以西俱屬蒙境若通鐵路則往來便利貨物充初南滿洲鐵路生理必因之愈盛凡此皆確鑿可據詎漫不加察竟執定爲有害該路之利益致阻攔中國發達地方之行動殊非中政府所能料及也日使覆文仍執前論逐加辯駁以爲遠西貨物若昌圖鐵嶺等處見由南滿鐵道輸送一朝新法鐵路設成無論遠西遠東輸送貨物之利益必被所奪蓋南滿鐵道究係外國公司在清國地方所設之路所有運載貨物地方官吏必偏向於清國鐵路以抵抗之且新法鐵路並未接附南滿綫之支綫與吉長鐵路不同迭向日使提議迄未議決

又鐵路交涉篇略稱東三省建築鐵路之約立於光緒二十二年維時朝廷特簡出使俄國大臣許景澄爲總辦與華俄道勝銀行訂立合同其名稱仍爲東三省鐵路以修路費借自道勝銀行也故許道勝以承修之責以借款之不取息也故有以路作抵三十六年後中國可給價收回之約以該路土地爲中國所有也故有八十年限滿歸還中國毋庸給價之條至於鐵路所用之人皆由總辦選派每年出進款項冊籍皆由總辦調查是則經理之任雖屬外人而路權猶未盡失也迨二十四年續訂合同條約七款第一款載明此東省鐵路幹路之支路達至旅順大連灣海口名爲東省鐵路南滿洲支路於是全路路綫以哈爾濱爲總車站東過吉林之綏芬河以達海參崴西北過黑龍江之滿洲里與西比利亞鐵路相接長二千八百六十六里凡五十四驛是爲幹路南出長春奉天以達旅順長一千八百二十里凡三十八驛是爲南滿支路此中俄合辦之時代也庚子以還俄人席戰勝之餘威

乘大局之未定憑藉路勢攘奪主權向之創設工程由道勝銀行承築者俄政府出而干預加以總辦華員虛懸未派用人理財之柄一聽俄員主持展鐵路兩旁二萬頃之地視同領土則蠶食堪虞盡江流以北數百里之山不納稅釐則漏卮何極且置監獄設巡警則侵我裁判行政權不許鐵路界內駐兵則奪我軍事權虎踞東陲強賓奪主東遷之岷紛紛踵至戍兵之設源源而來滿洲里紮蘭屯等處列廬而居櫛比鱗次綜計俄人約十之七華人不過十之三雖鐵路交涉局遇事足以抗爭而華人大率受公司之範圍不盡從交涉局之命令矣日俄戰起俄置戍徵兵飛芻輓粟胥藉鐵路爲轉輸日亦於奉天安東新民屯一帶建設輕便鐵道轉輸兵守局外中立之義務既無可通融值客兵在境之時術幾窮於因應交涉困難於斯爲甚俄既屢北日亦厭兵坡茲瑪斯之約成長春以北之幹路歸俄之東清鐵路公司長春以南之支路歸日之南滿鐵道會社此疆彼界畫若鴻溝俄人割讓支路後方針亦因之而變向於南滿失之者今欲於北滿償之設自治會收貨票捐蹂躪我山林廣購我疆土私空礦產則沿邊在掌握之中限制華兵則路界爲通逃之藪而日人亦併力經營得步步進步於軍用暫設之路則改撤以期貫通於約期拆廢之路則築站而思久踞甚且侵我林礦之利阻我建築之權兩國軍民熙來攘往溯濱江而上恍置身於俄國之都遵長春而南亦觸目盡東人之子兩雄並立勢敵力均世昌來鎮東土以爲太阿倒持非一朝一夕之故欲籌挽回之策不憚筆舌之爭爰派員與鐵路公司霍爾窪特會議展地伐木合同及開採煤礦限制復向之索地撤關擬設鐵路巡警經歲磋商始獲就緒惟自治會一事迭經電請外部與俄使臣開議連篇累牘然後公議會之大綱乃定鐵路境內我國主權方免損失蓋自治會之問題一日不解決即警察勦匪暨一切地方行政之權無由次第規復也光緒三十一年中日會定東三省條約第二款原有遵行中俄造路原約之文日人背約食言迭生枝節昌圖府等處沿用之軌道草河口地方護路之警權辯論再三始允退讓至於牛家屯一帶支路添築遷移肆意所欲而新



法一路則拒我與修舌敵唇焦迄未決議見已移歸外部與日使籌商將來據約堅持彼固無從置喙也要之鐵軌所伸之地即爲國權所伸之地介居兩強斃端迭起枝節節而爭之補苴罅漏終無已時以目前論亟宜援引中俄原約設立華員總辦簡熟諳交涉之大員一駐哈爾濱以經理東清一路一駐長春以經理南滿一路隨時稽察遇事防閑庶可爲桑榆之補救然非築遼西之路則抵制之法徒託空言非籌贖路之方則臥榻之中究難安枕正本清源斯爲交涉之上策也夫

紀黑龍江鐵路略稱黑龍江諸修鐵路自光緒三十二年始倡議者爲將軍程德全東清鐵路之股承辦者爲道勝銀行主持者實俄國政府道勝雖曰華俄合辦然我僅有半主之名無半主之實雖按約可集款贖回尚須三十六年之後目下險要全失商貨流通官家轉運莫不仰息於人平時既失主權一旦有警聲氣不通勢將坐困通盤籌畫非自修鐵路別無抵制之方是以程德全初則奏修自伯都訥至新民府鐵路繼復請展修自哈爾濱江北馬家船口北向呼蘭曲達綏化直接黑龍江城爲幹路計長一千餘里再由對青山至呼蘭由昂昂溪車站至省城修二支路並由對青山支路西逾東清鐵路過松花江與伯都訥相接省城支路東向以接幹路則東三省交通便利關內外脈絡相連不但商貨藉以灌輸即邊務亦易於措手並請由荒價項下提銀百萬爲倡奏上交郵傳部籌議維時東清鐵路公司屢請由昂昂溪哈爾濱兩處向北展修支路各一條以達於省城呼蘭瑗瑗綏化等處陽託提倡商務之名陰肆干預路權之計雖經德全告以江省鐵路已定自築婉辭却之然日久不見實行恐非空言所能抵拒此齊昂鐵路之所以急於籌修者所以佔我地步而自立基礎也見在錦洮鐵路正在提議將來自洮南北向達齊齊哈爾則此齊昂輕便之路自當移換鐵軌其北綫則自齊齊哈爾經墨爾根以至瑗瑗規畫一定尤應南北並舉是在奉所亟宜籌辦者錦洮一綫在江所亟宜籌辦者齊瑗一綫而洮齊一綫則聯注南北二綫之中圖外有此幹路則貫注一氣呼吸靈通開蒙疆鞏固邊圉其經營非

且夕其功效在百年歲時俊傑當已洞見及此矣

又紀鐵路計畫略稱東三省自修鐵路發端於署將軍程德全光緒三十二年有修伯都訥達新民府經行蒙地鐵道之奏明年有展修黑龍江省支幹各路之請繼復改計由南而北就我京榆已成幹路起自新民隄法庫遼源取道洮南以達齊齊哈爾此則專注蒙地策我交通繞越避就先後計畫之不同亦絀於時勢之變遷不容不躊躇審計也世昌曩時奉 命巡視三省疏陳大計有曰欲謀行政之便捷圖實業之擴充則不可不以交通機關爲命脈鐵路一失沿綫之森林礦產均隨之以去血脈不通利權盡失當斯時也我新奉鐵路尙未收回長吉一綫外部正與日本持議不下南滿鐵路尙歸日本兵隊管理軍用之輕便鐵道蜿蜒四達不啻南滿之支綫如法庫如同江如昌圖如公主嶺如四平街皆戰時所伸張突入我蒙境者迨三十三年外部與日本全權公使締收買新奉之約遼河以東允借南滿公司一半款項以資興作吉長一路亦附載約中與南滿公司合辦而估工籌款事事受人干涉亦未能脫離其範圍是年改建行省擴張三省內政復我治權而外交之對待亦專主開放政策以破日俄蟠結縱橫之局既而收回新奉鐵道改建寬軌而京津榆瀋之轉運始聯一氣復不憚口舌之爭首與日本議善後交涉以故在蒙境之輕便鐵道次第收撤始因會籌三省大局建議開拓蒙疆披除荆棘紆道以謀路綫別圖抵制之方夷攻地勢爰取程將軍由南而北之策就京奉幹路自新民接軌橫穿哲里木中心而過洮南達齊齊哈爾再圖北展得寸得尺節節經營此計畫之初槩也於是密派京榆鐵路工程司景那沿途履勘並擬分三段辦理由新民至法庫爲第一段由法庫至洮南爲第二段由洮南至齊齊哈爾爲三段創辦之始財力爲艱擬先修第一段故不曰新齊而曰新法既爲京奉支綫亦如關內外展修各路之例其工程做法及借款辦法皆已粗具規模矣乃日本遽以並綫相責我據理爭持積積盈尺而新法問題亦遂起世界各國之注目騰中外報紙之評論固亦不直日本之所爲彼誠能曠目不顧耶方新法之梗議也我派往調查

錦州灣之工程師發見葫蘆島不凍海口將有所經營爲我遼海完全商港則謀海陸之交通挽舟車之權利將不在新民而在錦州適督辦蒙務朱啟鈴調查蒙疆回省按躬歷之情勢籌全蒙之設施遂有築錦齊一路之請改新民路綫而西之自錦州取道直隸之朝陽經小庫倫而達洮南始循原定路綫趨齊齊哈爾時巡撫唐紹怡方留京議三省交涉因寄圖說密商政府深體其議且派工程師按圖勘測雖因大凌河之橋工取道略有不同而以錦庫爲要點固不易之論也夫新洮之議不協乃就京洮爲收桑榆之計新洮以營口爲尾閘而奪遼河之利得僅半數耳若錦州一府東連遼瀋西抵榆關北界蒙旗南臨海口此路若成內地富商大賈皆可挾貨以入蒙疆而近畿農民勢將荷鋤操券赴哲里木諸旗受一塵以謀生計且錦州所屬煤礦發見者所在皆是輸運既便開採日旺則載以北行尤可蘇蒙地樵蘇之困葫蘆島果能開作商埠爭大連旅順之利權作營口牛莊之犄角然後由錦州接一綫以達海岸將水陸錯雜葦葦錦州而東蒙諸部不啻爲舟車交接之途其利賴爲何若耶但由錦達洮之綫既以小庫倫爲重要之趨點而大凌河之阻又起修橋之問題故東西設綫持議已歧蓋東道則過京奉原有之橋以出清河門西道則繞至直隸朝陽復紆而東走論者或動於路近費省之說多主出清河門不知既謀目前即不得不策來日爲聯絡三省以分東清南滿鐵路之利權則東路爲亟爲開通全蒙以建東北之屏障則西路尤不可緩東路取綫僅經過哲里木一盟若西綫則由昭烏達卓索圖以至哲里木環繞三盟匪唯全盟貫注三省之聲氣亦通將來葫蘆島商埠告成併足爲東四盟開闢通商之海口且卽爲養路計繞道朝陽則赤峰州烏丹城喇嘛廟所產皮張羽毛之屬及哲境新放荒地所殖之芻糧粟麥皆可輸運出海而經蒙政策趨重赤峰之至計亦隱相契合矣近者日人借新法並綫之爭卽欲展南滿支綫由鐵嶺以達法庫再窺遼源思享幹路同等之利以遂窺伺蒙族之心我屈於彼而伸於此未嘗不可隱折其謀由此東北趨洮南再東北指齊齊哈爾然後全蒙挈於掌握三省聯爲一氣况安奉

鐵道本有收回之期彈春北去之綫亦可大舉興辦吉林各路更陸續興修匪特隔漠之旗蒙同登戶庭卽三省行政機關及關內外相銜之脈絡軌輿接迹之程途貫串如環胥能自主惟路長款鉅正待籌維究之不整頓蒙古無以固邊圉而交通不便尤無整頓之法且京奉無支路之扶持三省無南北之路綫以稍分東清南滿之勢皆不可以自衛茲故以各路調查所報告揭之篇末以爲後此規畫審擇之所憑藉其尙有以一證吾言乎哉

錦洮西綫調查 錦洮一綫亦分兩路之計畫由錦州紆道西北經直隸之朝陽以達洮南爲一路由錦州東北出清河門趨洮南爲一路茲先以朝陽一路言之錦州朝陽之間本有南北二道北道稍近而山坡起伏施工較難宜就南道計程百八十里一出柳邊便爲直隸境東土默特旗地路雖平坦而顏家嶺子石梁及老爺嶺土梁尙須設法繞避大小凌河之上游須從事修橋工亦不小而路綫所經紅螺嶺高橋一帶居民頗盛糧食鹽鹼物產甚饒及抵朝陽則烏丹城赤峰州喇嘛廟之貨物聚聚於此朝陽以北至小庫倫計程三百餘里小庫倫爲東蒙重鎮開闢已二百餘年卽爲蒙旗運道之筦樞亦爲邊防控制要塞自朝陽東北行可繞過松嶺一派大山惟蒙古營子楊家園子一二岡梁而黑城河扣河牯牛河亦須駕渡第橋工視大小凌河之難相去遠絕沿道民戶耕市及商販往來終年不絕養路之費自錦至庫皆可無憂過小庫倫後北趨洮南七八百里之地只遼河二支流橋工殊鉅餘皆沙磧蕪草敷軌非難而人物蕭索利賴難言但建千餘里之鐵道爲長駕遠馭之計苟有可以挹注補助斷不能皆爲膏腴繁盛之區願於本計爲何如耳

錦洮東綫調查 由錦州循京奉軌東過原有之大凌橋始折而北出清河門以趨洮南計程千里然亦有二路出清河門稍西經小庫倫東北指洮南爲一路出清河門直趨就新秋煤礦過哈爾套街以赴洮南爲一路兩路比較小庫倫稍遠百數十里然清河門至哈爾套街一段雖有新秋煤礦之可就惟沿途荒漢人居稀少哈爾套街本彰武縣縣丞分防駐所人口萬餘略

形繁密而內產既稀外貨亦絕况池北近洮南一帶無論從何繞數設均無路利可圖若由此道則僅凝新秋煤礦之利而趨哈爾套街沙磧彌漫二三百里誠不如稍西經小庫倫之爲愈也蓋錦州至清河門一段既行內地不慮無養路之資沿路山梁皆易開鑿自清河門取道貝子府以至庫倫亦經東土默特旗地雖有牝牛嶺阿齊馬二山之險扣河之阻而道路早通民戶日盛况赤峰各處之貨南可以赴朝陽者即東可以入小庫倫附車南下且不失我注重小庫倫控握蒙旗之旨故不能不捨哈爾套街而就此矣至新秋煤礦距小庫倫最近之路綫僅三四十里即分設支路固亦非難或築輕便軌道接載尤屬易耳

新洮路綫調查 新洮一綫取徑法庫邊門以抵遼源復由遼源西北趨洮南路綫約八百餘里所經皆科爾沁左翼中後二旗地道路平坦無高山峻嶺之阻即有一二土岡石梁繞越亦易惟須過西遼河橋工頗鉅自新民至遼源人物繁庶商務輻輳平時穀麥豆餅之屬必運至新民府或鐵嶺乃能附車輸往各處遼水漲時亦可以民船載運南下營口此路若成自可爭南滿鐵路之利權而遼河水運勢將失業且新民經法庫至遼源頗與南滿路綫成並行形雖距離甚遠本無交涉可開而日人支路之經營隱謀未已故牽合路約以相責難新法一議之發端已成相持未解之問題至於遼源以北至洮南一段路雖平易而荒涼寂寞養路之費此段爲最苦矣

洮齊路綫調查 洮南至齊齊哈爾長五百餘里自洮郡北過洮兒河取道靖安縣行科爾沁右翼前後二旗及札賚特旗地由哈爾拉克過嫩江而東行杜爾伯特旗地至昂昂溪越東軌清道而達齊齊哈爾此道平直無羣山繞道之苦惟嫩江橋工偉大過於大凌巨流諸水嫩江以外則爲洮兒河河身甚狹駕橋不難而瑚爾達等河益如細流不足限輪軌第靖安以北盡屬蒙荒未經開闢盜賊出沒地苦天寒池南爲札賚特旗新放荒地雖已爲齊洮來往之大道而室廬未聚隴畝尙蕪路綫所經本不出此由洮南以至嫩江固皆荒涼寂寞之區過江而東雖漸繁盛然自江岸至昂昂溪受俄路之

影響亦無厚利可言然則此五百餘里無乃同於虛設不知所以疏興安山脈之氣通科爾沁右翼三旗之路登草萊地爲粒食場實賴此鐵道之提挈將來由洮齊路綫北展取道墨爾根以達瑗瑯東北邊防尤足銜接一氣不至鞭長莫及此又非區區較量養路之利益者矣

齊昂鐵路紀略 宣統元年八月全路告竣自齊齊哈爾卜魁城起至昂昂溪止綫長四十五里車站及停車讓車岔道五里共長五十里建築費除與德商泰來洋行訂立合同包辦工程材料運脚三項實銀二十五萬五千七百餘兩外復購置修理車輛機器及造機器房停車廠計銀二萬九千八百五十兩續訂合同展長路綫五里六分五計銀二萬二千四百二十兩統合銀三十萬零七千三百四十五兩共設三站員役均用華人自八月開車截至年底收入銀六千六百八十餘兩不敷支出之款昂昂溪站原議直接東清鐵路車站迭與東清公司磋商未就致停車場與東清相距二里見復籌議接軌此議若成費用不鉅於營業不無裨補先是光緒三十二年黑龍江省創修齊昂輕便鐵路由黑撫札委協和穆精阿設立公所專辦工程以籌費無出不能興工迨三十三年議履德商泰來洋行承辦與訂合同改公所爲公司由該洋行包辦其經費共三十二萬兩以本省各旗找回領地價銀二十二萬兩先行撥用五十兩爲一整股五兩爲一零股共分四千四百整股其餘十萬兩由五司八旗荒價奏定公益項下作爲股票三十四年公司以資本雖由省城撥充而營業費尙短三萬兩稟請撥發作爲官股由黑撫咨部立案蓋齊昂爲黑龍江省小路而集款興工不出數月告成尙屬迅速云

皇朝續文獻通考卷二百六十八

郵傳考九 路政

宣統元年郵傳部奏接收萍潭鐵路檔卷圖契

又會奏遵議西北鐵路條陳略稱甯夏府知府趙惟熙條陳西北鐵路擬請分築幹路兩條一由張家口至庫倫爲東幹一由張家口至綏遠城逾蒙古過涼州出關至伊犁爲西幹幹路既定擬由太原南經澤潞接道清爲一支西安東出潼關接汴洛爲一支西道漢中達成都爲一支蘭州北接涼州幹路爲一支迪化經天山南路達疏勒府爲一支郵傳部查所擬與部籌畫全國軌綫大致相同惟形勢各有攸宜即措置未容或泥張家口至庫倫一綫最關重要上年部議覆庫倫辦事大臣延祉及肅親王善耆籌辦蒙古鐵路各摺曾奏准俟京張路成展達庫倫至恰克圖並聲明俟幹綫抵張家口即分支西趨綏遠城所擬張庫一路應照部前奏辦理至西北路綫關係地利國防尤需力圖建設惟須造端腹地漸及邊陲庶經武通商相資爲用所請由張家口至伊犁一節該綫中經荒漠長途曠野防護需兵不如由中原以達邊要見擬仍定爲由洛潼西安出蘭州以至伊犁藉收脈絡貫通之效其天山南路達疏勒一綫應俟西北路綫築至迪化再行酌辦至由太原南經澤潞接道清一支前據同蒲鐵路公司呈稱擬由太原築至平遙俟奏派勘路委員稟復再行核辦漢中達成都一支爲部舊所規定均俟西潼川漢告成分別籌辦綜計所擬幹綫張庫一支部夙定西北一綫必須由內達外逐節推展方屬可行見在洛潼西潼方始籌修此外由西安達蘭涼以出新疆路綫過長需款太鉅興工有待原奏造人才一節擬在天津設鐵路學堂選直晉豫陝甘五省聰穎子弟分肄各科三年卒業資遣游學分布各路郵傳部查近年路政需才非止五省而天津設學實爲良圖見部所轄上海實業學堂兼習四政外其官立唐山路礦學堂及公立鄭州鐵路學堂俟訂妥章再行奏辦原奏備物料一節稱鐵軌枕木仰給外洋漏卮殊甚請在太原建鐵廠鑄路軌並飭近路州縣各種榆樹三萬株郵傳部查近來各路需軌均儘漢陽鐵廠購辦常患不敷誠能建廠太原

廣爲鑄造實爲路礦交益榆木宜作枕木上年曾飭官商各路夾道課種所議建廠種榆各條農工商部查晉省官紳籌辦保晉礦務公司原章有資本充裕擇地開設鍊廠以宏製造之條見在礦產所出尙不敷供鍊廠之需各路應需鐵軌仍應先向漢廠購辦一面飭該公司實力擴充開採俟出礦日多或即由該公司設廠鑄造或由公家建廠收鍊屆時酌辦至各路夾種榆樹以備枕木之需誠足挽利權而塞漏卮所稱不爲無見應咨各督撫飭屬課種逐漸推廣以興林業而裨路用

又直隸總督楊士驤奏津浦鐵路關係大局直隸計地攤款見據紳士呈請援照河南鹽捐成案於長蘆行銷直隸食鹽每斤加價四文提充路款分給商民股票作爲永遠財產此項加價十年期滿洋款還清即行停止既非尋常加價歸公者可比又與豫省奏准之成案相符擬請俯准照辦以裨路政

又山西巡撫寶棻奏籌備同蒲鐵路保息略稱同蒲鐵路首定路綫自太原起北抵大同所屬之天鎮縣南至蒲州河濱爲幹路其支路一自山陰所屬之岱岳鎮經右玉達歸代一出天鎮接京張鐵路一由平陽經潞澤達河南清化鎮爲南北各支路股息原定四釐茲增爲周年八釐一切章程修改完備惟全路工程需款在三千萬以上勢難剋期勸集此時入手祇能招優先股三百萬兩先將省城南北兩段幹路開造據紳士渠本翹劉篤敬等以此項優先股息年需銀二十四萬兩自畝捐歸礦務公司款無所出照各省商辦鐵路通例未開車前應由公家助以保息見在庫款奇絀萬難撥濟擬就地籌措辦法一爲鹽斤加價援江豫等省成案將潞網蘆花小蒙豐盈各鹽每斤加價二文俟南北首段告成即令停收一爲煙戶抽捐自禁煙令行食戶早當戒斷其尙未遵戒者非家素豐裕卽意存觀望擬將第一等食戶每年捐銀八兩二等四兩三等二兩隨同執照收繳一爲土膏業捐土膏店營業照費巡警局原定上則年繳六元中則四元下則二元見擬加倍抽收卽以所加之數濟用一爲差徭提款目前差務稀少當可酌提除著名瘠苦之區免派外擬將大道州縣專提節省餘錢次衝各屬每年照幫貼兵差辦法酌派一次發給股票作爲差徭局公產

俟公司開車息銀數用此項差徭即可永免一爲斗捐加抽斗捐原備新政等用商民久已貼服擬再每年加抽二文主客各半爲數無幾當易施行以上五款祇須辦理得宜約計每年所入足敷保息之用於民間不致擾累呈由司道核明會同詳請奏咨查商辦公司首重股息同蒲路工正在經始非將保息籌定深恐紳商觀望集股難期踴躍此時庫空如洗無款可撥非令民間擔任別無挹注之方按照所據辦法雖閭閻之所荷稍重然以本省財力濟本省公益其食報仍在後來且就各款中或俟首段告成停收日後於紅利拔還或發給股票作爲地方公產實已兼籌並顧兩得其平既經官紳互商意見相同已飭妥定章程次第籌辦

同蒲概略 此路南北延亘二千餘里爲貫穿山西全省一大幹綫按其規畫之初北接張家口南瀕河津以太原省城爲中心雖其間議移榆次移潞安屢有辯論而欲支幹相維收振武經商之效當以太原爲要點光緒三十年巡撫張曾敷奏請開辦三十二年山西京官解榮幹等公呈商部謂張撫原奏以太原爲起點該路材料悉仰正太正太未竣工未能剋期收效不如由直隸邯鄲起經河南之武陟入山西東陽縣終於潞安計程三百餘里較爲利便三十二年公舉何福堃爲總理張九章爲協理三十三年呈報章程第一章第四條定軌路以太原爲中心北通大同接張家口南連蒲州及河岸以驛站計共二千餘里第二章第一條以本省之財辦本省之路分年集款不拘年限第三章言全幹分六段以太原至平遙爲第一段儘先勘估第三章共十四條擬招二百萬兩不借外債先儘本省紳商購買後准他省附入畝捐所得原爲賠償教案今屆期滿請展限以充路股至各地方如有生息公款可由公司出借券作債而不作股購地則按京漢辦法是開辦之大略也至擬定路綫公司先徇瑞生洋行之請雇用德國人赫禮克爲勘路工程師欲由太原南行經小店鎮至徐溝縣以達平遙先是正太軌道所經係由榆次縣北折經鄭村以達太原其鄭村至太原一段與同蒲所擬自小店鎮至太原之綫東西相距不過五里實與正太軌路相並正太總工程師

挨士巴尼致函總局稱並綫有妨路利由部函商勸令由平遙入太谷經榆次至太原東北上大同公司堅持不允部派司員何啟椿乘用孤前往與正太工程師米洛哈晤商兩綫利害米稱榆次至太谷最繁盛請由正太推展何梁告以國家恃民爲本不宜爭奪權利定議太谷至榆次由同蒲修築其小店鎮至太原一段實與正太路綫有礙應飭改綫然同蒲公司終以經費無出遲遲未能動工三十四年侍讀榮光奏陳該路遲延原因不外權力不足款項不濟歸咎於地方官之提倡不力奉 旨著郵部咨查晉撫覆稱本省無力協助仍恃該路總協理竭力招股旋總協理同時辭職公舉劉篤敬爲主持總理趙淵爲坐辦崔廷獻爲協理宣統元年該路迄未開工趙崔辭職公司僅派會計庶務各員經理款項保息由晉撫奏准自七月起加抽斗捐暨勸酌提差徭條款究無定額綜計秋冬兩季酌收保息銀四萬九千餘兩云

又郵傳部奏遵查川漢路綫資本四川認造自成都至宜昌約長二千三百餘里中分宜萬萬重成三段工程造端自以宜萬一段爲入手約需銀三千餘萬兩歲入之款除歷年動用外共存銀八百八十一萬二百餘兩又常年租股等項二百餘萬兩陸續建築通車養路費不患無著其自宜昌至應山縣奏歸鄂省認造即所謂湖北川漢也查鄂境川漢估資約三千萬兩左右其見收款項共六十五萬六千九百餘元除開支外實存四十四萬一百餘元均存放官錢局生息

又奏陳陳鐵路收撥借用各款略稱 部自設立後接管關內外京張京漢正太汴洛道清滬甯廣九萍昭九路事宜除京張萍昭係完全自辦外餘均借用外款自接管後各路工程漸拓需款日多若照原訂合同續借外款負債既重債息彌多不得已於部有之款竭力圖維設法挪轉爲目前補苴之計加以收贖京漢需款尤多計自開部日起至光緒三十四年年底止撥用各款共英金三百七十六萬鎊又銀二千九百六十四萬六千一百餘兩除將所收京奉京漢兩路餘利及暫存生息兩項銀一千一百七十萬零五千餘兩抵付外不敷

尙鉅分別奏准借用度支部暨大清銀行匯豐匯理各銀行款項並隨時由交通銀行暫行挪借以濟急需截至三十四年年底統收借款英金三百七十六萬鎊又銀一千八百二十五萬零除撥付不敷各款外尙存銀三十萬零八千九百餘兩經宣統元年正月分陸續撥用

又奏進呈各路盈虧表略稱 臣部於各路財政時加考核大抵情形互有不同贏絀因之各異見除京張廣九汴洛三路尙未完工暫無盈虧可計外其全綫已通車之路京漢京奉則貨源素旺利率尙優惟京奉有南滿洲鐵路與之爭衡京漢恃正太汴洛道清各路爲之榮注亟應迅籌的款從事擴充此外萍昭爲運煤之路無須付息出入相抵尙有盈餘惟正太滬甯兩路則原估工程之費已屬不敷因不願再借洋債由部籌補統計歷撥工程車輛等款爲數已多去年全路甫通進款仍不敷付息按照合同均應由 臣部籌給道清情形相同推原其故滬甯道清皆與水道並行客貨因分而少而沿途釐捐重疊致阻運輸又爲各路之通病且正太道清全恃轉運礦產附近新開各礦出產不豐致運費亦形減色茲將光緒三十四年各路盈虧大概列表呈 覽

又奏勘查川漢路綫股資略稱四川漢路綫以宜萬一段爲入手由宜昌東門外起西經鎮邊山沿沙河左岸到馬蘭坡傍溪至黃家場劉家灣左右山溪工程稍費由此達霧渡河雖有溪山中尙平坦霧渡河以上綫路漸高須鑿大小桃子埡三處爲洞始達馬良坪據委員稟稱有銀洞溝一山與馬良坪不遠若鑿此山匪特路短工省即三處山洞可免鑿由馬良坪越板凳埡過賀家臺南對河中閒須穿兩洞板凳埡側有鴛鴦水之對山若開一洞較原綫可近數里由南對河至大峽口達香溪惟大峽口工用稍費餘尙平易由香溪沿江而上至西瀘口須改西北向以避巫峽達梅子埡至三溪河據稱若由三溪河北上達大昌河南穿羊耳山至夔府不啻伸長百餘里且須穿洞五處不如西經官坪山脚穿洞不過五里可達巫山惟峽口左近山路甚險可於黑石峽地方覓開一洞繞峽後順山坡直趨夔府較大昌河可省百里即可省費百餘萬由夔府至萬縣均沿江傍山雖稍費工然平易者多無甚捍格其由萬縣至成都

見無詳細地圖無憑覆勘至該路股資以租股土藥股鹽茶股爲大宗而官股票股次之綜計歲入之款約銀二百餘萬兩自開辦起至光緒三十四年五月底止除歷年動用外實共存銀八百八十一萬二千餘兩據稟報查核相符宜萬路工約需款三千餘萬兩若以見存銀數論之僅及四分之一然鐵路係營業性質只思開工無期坐耗資本若趕緊興築有此存款先應急需而常年又有租股等項二百餘萬進款以爲挹注陸續建築通車養路之費不患無著該路前未動工實因工程無人主持礙難著手見俟該路總工程師到後與總協理妥商核辦

又奏查明湖北川漢鐵路資本略稱鄂境川漢鐵路估資約需三千萬兩左右前擬先招股本洋二千萬元後辦彩票及廢票換股計收洋五十九萬七千八百餘元又認股洋五萬九千餘元共六十五萬六千九百餘元係該路見有的款除已開支購地買料等費洋二十一萬六千八百餘元實存四十四萬一百餘元均存官錢局按年六釐生息其路局費用及學堂經費不動股款先由善後局賑捐項下動支俟開工後得有餘利再行撥還現已支過銀一萬九千九百餘兩該路業奉 諭旨派督辦粵漢鐵路大臣兼辦則一切籌款及勘估路綫應由督辦主持

川漢概略 自京漢粵漢相繼議辦外人之欲攬我川漢路權也亦環伺迭至川督錫良知川漢不自辦則投骨爭牙遺患不鮮遂於光緒二十六年入奏時英美兩公使迭據該國商人福公司華英公司等請修該路外部酌採輿論奏俟商部設立招商自辦美商班士又請辦川漢暨灌縣及富順支路適川督疏上外部以奏明自辦覆之川督新訂路章設川漢鐵路公司部電勿攬外股外債以杜外人口實三十年川督奏請以道員趙爾豐督辦三十二年議定集股章程五十五條聲明先修宜萬又言穀捐土藥捐辦法甚詳京官李稷勳等呈商部謂川漢難在集股提倡之道以此路利益悉照蘆漢各路所優予於外人者該路股東一律照辦內閣學士承瀛奏川漢簡明辦法四條長官舉人張羅澄亦公呈都察院代表奏請 簡督辦以融川鄂兩省

意見且謂宜正名為民辦力攻趙爾豐京官王荃善等亦以趙開辦未久旋往招撫土司路事取道何處動工何日籌款何著工程何人豫算決算何在頭緒茫如不如民款民辦為較順公呈商部請 簡督辦會川鄂兩督妥籌辦法部駁以川漢經始錫督此時正在規畫不便更易川督函稱川路官民無所隔閡且路綫川多漢少電請官督商辦以編修胡峻為紳總辦郎中喬樹枏為駐京總理三十二年川鄂兩督會奏勿庸再派鐵路大臣並擬上自宜昌以達成都修為幹路中分三段宜昌以上歸川省代修訂期二十五年由鄂備價相贖蓋援漢柳宜之辦法川督咨調留美學生胡朝棟測勘全路京官余堃李稷勳等設立招股處呈請立案時議論川漢者京外官交起迭至一查款一敷捐一路綫查款始於三十三年趙護督以川路款項核算情形咨部法部主事涂熙謂股款不清請派員詳查郵傳部派員查明出入款目大致各款俱存生息惟銅元局所挪二百餘萬兩業將銅片變價值銀一百九十餘萬兩所短一萬餘兩責成川督設法彌補數捐苛虐之議發於度支部主事杜德輿三十三年杜呈請代奏大意謂穀捐宜從百石起由十石起徵虐民過重事下部議部分徵川督及川省京官意見覆議分立三派度支部主事朱壽朋等請派督辦大臣並設川漢鐵路銀行法部主事周芹孫等請改穀捐為隨契派股其反對特簡督辦謂杜呈詞未實者則順天府府丞陳鍾信等是也四川京官又欲設立公司議會謂須多數議決不能以少數意見破壞公益陳鍾信領銜呈部陳函部並未與聞遂駁不准川督奏抽捐並無擾累部覆奏稱杜呈所論詞近過甚後宜責成胡峻會同費道純認真辦理勘綫始於三十二年次年事竣胡朝棟報明由宜至成估價需款七千二百五十七萬一千五百兩核計每里平均須三萬零四百餘兩部派總理胡峻駐省費道純駐宜喬樹枏駐京三十四年費卒川督舉前廣東欽廉道王秉恩充選以知府洪子祈為副至本路租股三十年已有各屬股東報告經管局紳時有違章浮收及指票勒息等弊公司派員查察仍照舊制抽收並訂懲罰路股局紳章程部復奏派主事王宗元往查計所存股本已

達八百八十餘萬分匯成渝漢滬存放各派經理之人公司又以原奏章程多未詳備本路款項以租款為大宗股東散處無由統紀詳訂租購及局用解費草章並令各屬組織分會報告成立者居十之八九云本路路綫早經胡朝棟測勘而先修宜萬與先修成渝之爭議紛紜不決部派知府李大受往勘決從宜萬下手十月川督奏派道員詹天佑為總工程師宣統元年訂定宜萬總工程師權限及各項事宜十條呈部核准奏派副工程師顏德慶前往開工時胡峻病喬樹枏等公舉學部郎中曾培接充暫以留日畢業生邵從恩代理川督電奏宜萬一路事務重要派郵傳部參議李稷勳為駐宜總理公司呈宜昌開工請派員監視部派詹天佑前往又呈自宜昌至香溪共分九段以第五段山洞石工為最艱險九段工程約三四年可成需款一千萬有零計長二百七十八里以公司存積股本計尙屬有盈無絀云

又奏准新易鐵路改歸京漢鐵路管轄

又浙江巡撫增韜奏蘇杭甬鐵路借款虧耗請由鹽斤加價內提撥下部議度支部覆稱原奏稱借款虧耗浙江每年認墊銀三萬兩解部必須籌有專款庶可無誤要需請在本年酌加鹽價一半款內按年提撥查鹽勛加價前經 臣部奏定以一半畫歸產銷省分勻撥濟用今據奏明提支應准如所請

浙路概略 光緒三十一年浙省京官黃紹箕等呈請商辦舉開缺兩准鹽運使湯壽潛為總理京堂劉錦藻為副理其辦法全省分為東西兩大幹自省城至蘇州約三百五十里南歷富陽等以達江西約六百餘里是為幹路南道江山以通閩西道長興以通皖是為支路幹支共計約三千數百里擬集股三千萬元先由本省紳商籌備底股二三百萬撥提公款數十萬由西幹綫入手此開辦時擬定之路綫也御史朱錫恩等合奏浙路既歸浙辦舊訂蘇杭甬草合同請商約大臣盛宣懷速與英國銀公司議廢先是二十四年總署准英商承修五路蘇杭甬其一時東清南滿先後定約關內外築路成議被阻事變紛來遂成鑄錯此為兩國交涉之始二十五年總署覆洗馬徐琪請停辦杭甬鐵路摺有杭甬一路定議在先勢難中止之語迨二十九

年浙人李厚祐請築江干之路盛因函催銀公司限六個月內如不勘路舊約作廢銀公司函復遲速之權操於中國大臣浙紳不知內容以爲默許者指此三十一年浙省奏請自辦銀公司函催開議浙紳公電宣懷請議廢三十二年浙撫電外商兩部謂路事係欽遵 諭旨自可合力堅持外部覆廢約難行不言廢約只言收回自辦或易就範商部奏定浙省路綫以湖墅至蘇滬由江干至甯波又越金衢嚴至江西由長興至廣德紹興至處州常山至浦城嚴州至屯溪均提前舉辦英使照會外部謂所定路綫與成議違背請代奏以免失信又屢催面商辦法再三商榷始允俟廣九約定再議浙路呈開辦情形擬先辦江墅三十里由清泰門穿城內閣中書潘鴻等梗議浙撫奏請議准三十三年廣九合同簽定英使又催商議外部部分修路借款爲二事蘇浙二省堅不承認電請由外部擔借撥還與兩路無涉部電蘇浙公舉代表入京蘇舉許鼎霖王同愈楊廷棟浙舉孫廷翰張元濟向外部提議九款外部又派右丞胡惟德參議高而謙按津浦合同底稿與銀公司代表濮蘭德磋商是兩省爭議之大略三十四年公司咨浙撫增編謂原議清泰門但穴一處爲複出綫費用自省但往還同出一途當營業繁盛時易滋危險不如鑿兩穴以爲通過綫會據入告奉 旨允行連年爭議乃定宣統元年湯壽潛辭職未允旋授滇臬部飭另舉總理董事暫推褚成博孫廷翰權代公司呈部章程第二節載除滬杭甬紹外首列江干西南越嚴州金華至衢州常山接江西玉山據工程司勘查擬由紹興諸暨分支西上一面由玉山至常山建領東下兩頭施工而以蘭溪爲中心請部催江西鐵路公司將常山一段合建或將玉山境內之綫暫由本公司代築郵部咨催復擬會同測勘有人奏錢塘造橋不宜水利奉 旨著會勘具奏云

所陳兩路稍爲增減橫濱領事吳仲賢請辦海州鐵路北接山東南達徐州又由山東趨嶧縣經滕鄒竟以達濟甯由徐州入河南界以達歸德蘇撫覆陳開海誠爲握要惟當起自海州以清江浦爲中心由此而徐州歸德直趨開封與汴洛接江督則據許鼎霖意見蘇路南綫應先築蘇嘉以次及滬嘉甯燕北綫應先築開海以次及宿濠蘇紳惲毓鼎等呈部擬會同浙皖勘定路綫其滬甯支路亦由蘇築請咨外部立案先是蘇省舉人謝則陳等請辦浦和鐵路與皖路接部批俟滬嘉開海兩綫告成再議清穆授直隸臬司仍留任總理公司又舉編修王同愈道員許鼎霖爲北路協理冬報開辦集款情形並章程七十九條三十三年聘留日學生涂恩澤爲工程師電部謂公司採木困難松江府知府戚揚保護不力以致鄉民暴動又呈郵傳部請勸北綫部以該綫由海至徐取道清江浦應俟測繪圖說呈部核辦又呈籌築瓜清隸蘇路爲分支尙書呂海寰授津浦鐵路督辦公司電部謂津浦與津鎮不同既改津浦鎮名義應請消滅至蘇路籌辦之北綫純係內綫請部主持部咨呂督辦核議三十四年呈報章程暨勘築情形大致謂本路南自上海至嘉興曰滬嘉綫由蘇州至嘉興曰蘇嘉綫北由清江至徐州曰清徐綫至瓜州曰清瓜綫至海州曰清海綫以次籌辦總公司擬設上海股本先定二千萬元分作四百萬股每股五元從浙路之請先築滬嘉與浙之杭嘉接軌本年五月上海至松江開車搭客松江至蘇浙交界之楓涇工程大致已竣蘇嘉一綫客貨較少擬俟商務發達再築此籌辦南綫之大概也北綫自清江至海州本在商部原奏範圍之內自清至徐由呂督辦奏准限四年內先儘蘇省建築部以瓜清一綫與運河平行究於河隄河身有無窒礙且與津浦是否並綫派僉事會毓雋與呂督辦所派道員羅國瑞會勘旋據會羅查復與其就隄築路與水相持莫若於東隄之東擇鄰近各州縣另勘一綫方與運河運隄兩無窒礙至並綫一節公司見在規畫係由瓜至清實與津浦南段之由浦繞皖由皖達清而至山東之嶧縣者迥絕不得謂之並行公司稱清徐既有年限必先開築遂議從清江至西壩楊莊入手勘定後即



購地開工此籌辦北綫之大概也七月部定保息章程議每縣通計擔任二萬股之息凡股本十萬元於各縣公款內提七千元為保息公司亦予年息七釐嗣以紳士悍祖抗爭乃改辦法就可提者悉解公司不為限制統計本路存款結至五月底止共存一百八十萬元云先是公司於三十三年開辦蘇省鐵路學堂本年卒業五十三人部准考驗合格者酌派各路練習宣統元年滬嘉全路竣工部派詹天佑驗收報稱建築合法復勘北綫清江至徐州一段設局購地即在清江開工至股東向無南北綫之分先經呈准招足一千萬元為限截至元年底止計八十七萬八千八百三十四股合銀三百三十二萬七千四百九十餘元尚有未繳足者計銀一百零六萬六千六百七十餘元此該路招股之見諸報告者

又郵傳部奏勘查西潼鐵路原勘由西安城外起渡澧水漸水經斜口由臨潼新豐達渭城西北渡澧沿渭南過華州北渡敷水從柳葉河至華陰東抵潼關西門外止計長二百四十餘里此綫尙屬周妥惟敷水來源甚近倘夏雨暴注則衝刷堪虞必須豫籌宣洩之法澆水懸崖而下土工較難澆水與河流相關經過之路亦常審勢興築其餘工程尙少艱鉅至該路工費需銀四百萬兩見在集股六十四萬兩因未舉辦尙未開收查該路與河南之洛潼池遞銜接實為東西正幹必須兼籌並畫方無隔閡俟洛潼查勘到部妥議具奏又奏由高碑店至梁格莊之新易鐵路向歸京奉鐵路兼管中隔京漢鐵路不相聯屬調度每苦不靈見京漢收回自辦將新易改歸京漢管轄以期脈絡貫通

又河南巡撫吳重熹奏洛潼鐵路添舉總協理略稱豫省籌辦鐵路前經奏派劉果袁克定王祖同為總協理見在洛潼一路預備購地開工事務緊要而協理袁克定因部務未便兼顧王祖同奉命授饒州府知府先後呈請開去職務總理劉果又因禮部事繁不克來汴自應添派總協理以免貽誤茲經京外官紳公推張廷燎方碩輔史緒任為總協理請立案簡派

洛潼概略 自京漢告成議辦洛潼比公司以京漢係其承造提議反對光

緒三十二年汴撫陳夔龍奏請開築路綫由豫至洛迄陝之潼關長四百八十里擬集貨五百萬為開辦費商部商之汴撫汴紳凡勸集集股等事悉由汴省主持比使據比公司言照會京漢督辦唐紹儀謂河南至西安鐵路當由比國代造唐據情呈部商部駁覆謂豫撫前奏係照原合同內第二十三款辦理該款載倘中國國家自行籌款或招華股自築比公司不得爭執應按成約比公司乃無辭三十三年汴撫袁大化據紳士編修王安瀾等咨請郵部籌款自辦公舉禮部右丞劉果商部參議袁克定知府王祖同為總協理三十四年分設諸課派定課員函借京奉副工程師李吉士履勘分全路為三大段洛陽至灑池為第一段灑池至張茅鎮為第二段張茅至潼關為第三段工費鉅股款尙無把握即保息亦不足堅股東之信用擬於行銷豫岸之鹽如蘆東淮洛四綱每觔加價四文以加給之錢酌給股票呈請豫撫林紹年奏准宣統元年協理袁王先後辭職總理劉果不能常川駐汴公推張廷燎為駐汴總理史緒任方碩輔充協理自此規模具備至年終共收股款洋四十八萬三千餘元又收鹽觔加價銀二十四萬一千餘兩先是股款未集豫撫飭司撥開辦路費銀一萬六千兩為數有限辦事人員均盡義務全路軌綫李勘原未作定特聘詹天佑徐文泗覆勘西向張茅硤石一帶山嶺崎嶇為入陝必由之徑若如李勘須築山洞五處工程頗鉅公司擬節省辦法詹徐亦以為然如能變通路綫較原估千五百萬之數尙可大加樽節也

又郵傳部奏日本南滿洲鐵路與京奉接近經部派員與該公司詳酌擬訂接聯營業合同十六條大要係客貨互運凡轉運所須之岔道月臺號誌彼此界內自任建築修養此外備房屋以照料貨物設電話以傳遞消息畫一時刻稽查路軌以及覈算帳目修理車輛等項均訂明辦法立有專條

臣謹案自南滿鐵路直達大連與京奉成犄角之勢非但遼河以東物產攬奪即奉吉內地出口亦以稅釐過重運價復有低昂商貨相率傾向大連故南滿日益擴張即京奉日形減色挽救乏術與訂營業合同亦僅小

補而已

又東三省總督徐世昌奏籌辦達爾汗旗開通道路並請允准勘放以利交通而杜隱患得旨著妥籌勘放

又外務部奏東三省鐵路界內設立公議會經理地方自治與俄使商定大綱辦法取益防損幸皆就範已簽字蓋印請飭遵照

又湖廣總督陳夔龍湖南巡撫岑春煇奏粵漢鐵路為南北樞紐祇以股款不充未能大興工作查川漢鐵路川省集股抽租滇省仿為糧捐均奏咨有案湖南素重農務因地制宜惟有仿照川漢量為變通令各租戶同任路股同分利息綜計合省租數約五千六百七十三萬六千三百餘石每租五十石輸出一石為路股每穀一石折銀一元其銀圓不便之處折收一千三百文於完納錢糧時交收發給鐵路公司收條由零星湊成整數填換股票年可得銀百餘萬元名為租股由州縣彙解司庫轉解公司備用不准於折收外復有補水解費名目以杜流弊俟五年後路成股足即停止

粵漢概略 路長三千餘里縱貫鄂湘粵三省實我國腹心一大幹路自京漢議成湘粵人士合辭請建二十四年得請惟工鉅費絀全路需五千餘萬集資僅百餘萬時駐美公使伍廷芳與美國合興公司畢來斯訂約准其承造二十六年續訂合同息借美金四千萬以全路業產暫抵限期五年合興遂於廣東三水動工成路十五里糜費二百餘萬畢死工懈原約訂明五年後不動全工契約作廢期限已逾而全路尚未動工比人乘機收美股三分之一張之洞時督湖廣聞比買股恐與京漢合比人承辦電湘粵督撫提倡廢約湘紳龍湛霖等併力經營合興驟得廢約之信倡美國自行贖股派美人柏士游說之洞力破其說於是湘粵鄂各舉代表共襄厥舉張電駐美公使梁誠設法挽回美允以美金六百七十五萬弗廢約我所備償之款除佛山工程及中國自買小票外僅餘二百餘萬所短其鉅遂決借英金百十萬鎊以三省煙土稅作押期限十年不折不扣都人士謂以英易美不如弗收攻張其力然商民交困鉅資不易集卒息借英金三十一年收回全路訂

明中國政府可將合興所有鐵路產業材料測量圖表開礦特權以及應得利益無論明指暗包一概收管收回後三省各舉代表在武昌設粵漢鐵路總局并議路歸各辦款歸各籌擬修路公共章程十四條路成後公共條款四條其最重要者一贖路款英金百十萬鎊照七分攤派湘三粵三鄂一未贖之小票準是二三省路各從本省起修儘款先修幹路不得先修支路三湘省路綫較長願將宜章以下至郴州屬境之永興縣讓歸粵修四佛山三水已成之路所有餘利材料地基等均按湘三粵三鄂一分派是為三省共同派法至三省各辦之法鄂以官錢局彩票募資先募六百萬元不足續招大股百元小股五元分為三期利息六釐由買股日起算不准轉賣外人亦不許外人購股湘則較鄂為難蓋粵路收回龍湛霖主持尤力至收回告成龍已物故王先謙於三十一年創設湖南鐵路籌款購地公司提米鹽捐釐作為保息三十二年湘省商會協理陳文璋等議改商辦認股二百餘萬元嗣由張之洞奏舉府尹袁樹勛為總理祭酒王先謙參議余紹康給事中馮錫仁為協理以官督商辦為宗旨粵東始議時由內閣侍讀梁慶桂等稟請粵督商辦舉道員黎國維赴鄂調查時粵督岑春煇恐商力不繼欲收為官辦遂議加抽各捐以充路本黎回陳官辦之不善抽捐之擾民岑督怒梁黎異議電參革職由是粵省士民及東南洋學商界交電力爭 朝命廣州副都統及提學使清查卒復梁黎官並責成招股旬日開得股四千餘萬先收第一期一千三百餘萬元然梁卒辭總理三十三年粵督周馥電奏舉侍郎伍廷芳太僕寺卿張振勳為總協理伍以病辭郵傳部奏派羅光廷為總理黃景棠為協理嗣羅辭職舉前駐英公使梁誠為總理路事乃稍定是三省各辦之大略也大概粵漢全路自二十四年至三十一年為借款及收回自辦之時三十一年至三十三年三省各疲於集款而粵省則官紳互有意見風潮迭起是又進步較遲之原因三十四年承認九善堂七十二行為創辦人立案註冊協理黃景棠辭職董事羅光廷代奉 旨授大學士張之洞為督辦粵漢鐵路大臣督辦費由三省公認粵路董事金英等以由官督辦

恐股商懷疑電請盡清權限經營辦曉示粵督張人駿請總理梁誠留粵辦  
路湘路總理袁樹勛時任東撫難親路事辭職公舉奉錦山海關道朱恩紱  
朱復辭仍責成余肇康辦理以該省布政使李岷琛等爲總會辦於是該路  
之總機關乃定至股款據梁誠報是年共收銀四百六十萬兩又外埠來信  
已收未匯及已匯未到約八九十萬各堂已收未交約二三十萬合八百萬  
元各股東稟陳股銀存放未妥公舉四人會同官派委員查帳查覆大致相  
符湘撫據紳民公議奏請援案續辦鹽斤口捐每斤加錢四文訂定招股簡  
明章程先招優先股六百萬元鄂路款項則全恃官錢局認股該局原認四  
百萬元商股約六十餘萬元其工事之進行粵路報已成者百餘里湘路擬  
先修長株一段計程九十九里另以支綫通湘潭旋准潭紳呈請自認股款  
並抽收房租可得一百萬元由株州轉繞太平街易直綫爲弧綫鄂路報武  
昌興工宣統元年督辦張之洞以學部員外郎陳曾壽廣東水師提督李準  
藩司胡湘林爲各路諮議官派直隸熱河道王秉恩爲駐粵分局總辦湘撫  
奏粵漢全路湘省最長豫算經費幾須三千萬兩本省股富無多自廢約以  
還股本不充擬仿川省租股暨滇省糧捐辦法年可得百餘萬元俟五年路  
成停止湖南南京官鄭沅等以湘路主持總理久懸協理席匯湘病故公推前  
廣西右江鎮總兵黃忠浩爲總理綜計是年湘境之粵漢路據報至株州一  
綫分段開工其在粵境者善堂行商堅持商辦至有撤銷督辦分局之請其  
內部復以查帳頗滋紛擾迭經督辦曉示始得無事梁誠辭職督辦慰留並  
宣示設分局宗旨要在統籌全局分算股本統核餘利考核工程在湖北境  
內者則原卷無可考證姑闕焉

皇朝續文獻通考卷二百六十九

郵傳考十 路政

宣統元年 諭有人奏廣西鐵路經費爲先請將籌款用人及勘路修路各辦法逐年預算列表具奏等語著該撫體察情形詳籌切實辦法尋廣西巡撫張聯桂奏先築桂全鐵路約長三百里約費六百萬已於本省收入各款預爲節縮湊集銀二百萬兩以備全數撥用再分年籌百萬湊足三百萬作爲官款其餘三百萬擬招商股倘不能足數或仿以地代股以工代股之法總期全路能成然後展築桂邕鐵路惟該綫在一千里左右且有山河阻隔費工必多極少亦在二三千萬元請飭度支部陸軍部郵傳部會同籌酌分年預算應免臨時束手得 旨著郵傳部先行派員往勘該省鐵路應從何處開辦分別緩急次第修築妥籌辦法詳議具奏

又郵傳部奏派贛路協理略稱據朱益藩等呈總理劉番祺因病辭退函商京外紳商僉稱數月以來均由陳三立劉景熙和衷商辦主持總理無庸另舉惟路事重大必須得力之員襄助查有編修黃大燠中書黃翼會均在公司辦事多年擬即舉爲協理呈請奏派查贛路南潯一段款絀工艱辦理向稱棘手見在劉番祺告退黃大燠黃翼會應准派充協理

贛路概略 此路由南潯發軔光緒三十年候選道蔣家駿稟請督辦宣懷擬建南昌至九江鐵路先期發行彩票招募股分贛省京官李盛鐸等連名呈部力駁主張本省人自辦並舉江甯布政使李有棻總理先辦南潯爲幹路第一段共華里二百四十里其次則由省城達吉安爲第二段吉達贛南贛達廣東爲第三段擬請鹽引加價每觔四文盡數解充路費以運使恩銘異議改爲試辦三十一年京官力主實行加價無須試辦不准由此開辦費生一阻力贛紳請借商款提銅元餘利暫充公費經部電駁江西留日學生稟商部謂李總理信任李厚禧暗納洋款實有七害三十二年李以費絀請辦彩票四萬張每張五元合銀二十萬元五年後起息而購股仍不踴躍遂再生阻力該路開工擬從德化縣龍開河干先行建築以次及德安建昌

達省城新建縣境牛行地方李以籌備支幹各路工大費鉅擬推廣集股章程呈部核准分畫支路之法一通粵漢幹路一通浙江支路一通閩路推廣集股之法變整股爲零股極於每股五元先交優先次及普通優先以千股爲限限三十五年繳齊普通則分三期三十三年勘路完竣派學生往日學習鐵路專業是年冬移駐潯局吏部主事陳三立權協理三十四年訂職務簡章分立三所一總務二會計三建築設科辦事其時南潯全路畫分三大工區先於第一大分區內分九小區招工包辦規畫粗定而三菱公司之交涉起蓋鐵路車埠基內有屯地三十餘畝爲南順記葉勉卿之地上年租與日本三菱公司鐵路公司以該地爲車埠必需移請九江道飭縣追葉退還地價取回契據日領事不答呈部分電催辦二月第一大工區域鐵路用地邊橋立竣趕編測量隊從事第二工區實測三月護撫沈瑜慶據公司所定各廳州縣派認路股四十萬股刊單通飭各屬招勸九江立鐵路學堂考取三十人四月開學五月第二區路綫實測事竣公舉陳三立爲名譽總理劉番祺爲主持總理劉景熙爲坐辦總理又稟催辦葉案六月番祺由京函公司未包各工請暫緩辦七月赴揚州招股九月到潯未久辭職舉黃大燠劉翼會爲協理十月葉勉卿地三菱公司已允退回惟重索地價十一月三立景熙等赴漢口與日領磋商迄未定議先是公司於三十二年息借華商吳端伯銀一百萬兩週年七釐息限十年還清宣統元年將借款合同呈部核准復報商股數歲僅收五千餘兩稟商沈護撫飭屬認四十萬股每股五元共二百萬元再向大清銀行息借一百萬兩部議商借商還官不代保合同更無庸部核惟該路并無實在股款若再借百萬能否按年籌還須由辦事各員詳審其路綫仍照前定辦法第一工區自九江龍開河起至德安縣界止約華里七十餘里限宣統元年告竣第二工區自德安縣起至建昌縣山下渡地方止約華里九十里定元年端節前後動工第三工區自山下渡起至新建縣屬牛行地方止約華里七十餘里定元年中秋前後開辦其他各綫俟南潯成後再議歷年交涉之日商租借首站應用地畝官牌夾一

案元年議結作價四萬兩收回美商李湯姆私租羅姓之屯地英商都志善私租張姓之屯地均在毗連左右一併收回云

又奏勘江西安徽鐵路股資略稱江西西路綫起南昌府迄九江府約長二百四十里安徽路綫起蕪湖縣迄廣德州約長二百八十里該二路均無開鑿山洞之處工程尙屬平易其購地及土方工程江西自九江至德安約地九十六里土工約成八十里安徽自蕪湖至灣沚約地五十九里土工約成九里至於資本江西除認股外尙有息借華商吳端伯規銀一百萬兩又收引鹽加價輸運米捐及農工商礦局燈捐並藩庫賑捐項下借撥各款共收各色平銀一百八十一萬餘兩支用九十七萬餘兩尙存八十餘萬兩安徽除認股外尙有米捐茶捐彩票各股共收規銀八十九萬兩支用八十萬有奇僅存八萬餘兩查鐵路發達以運貨爲大宗江西出口貨如米豆紙張瓷茶夏布煙葉等類安徽出口貨如米茶絲布等類進口之貨亦均不少此路尙不及早告成不特坐失大利抑亦不便交通見就該兩省認辦之南潯蕪廣而論約估每路工費至省亦在四五百萬兩上下見集成本不敷尙鉅且江西之引鹽加價輸運米捐已經停收安徽之茶捐亦經暫停此外籌款自以招股爲急務應由臣部會同該管督撫飭該公司趕緊設法江西南潯限宣統二年告成安徽蕪廣限宣統四年告成並令該公司將續招股本若干接造路工若干隨時報部以憑考核查各省集股造路事關營業必須豫計盈虧方免半途竭蹶見在風氣初開熟悉建路管路人員頗不多覩往往股本尙懸而設局派員開支薪俸人衆費繁曠日無功坐耗鉅勢必至所收股本多糜於員薪局用之中開工稽延商民觀望路政愈難起色臣部見在編譯各國造路管路各項條規擬即採取成法釐定律章奏明請旨頒行遵守務使循名責實取信於人不至久無成效

皖路概略

光緒三十一年安徽京官呂佩芬等請辦安徽全省鐵路商部謂路綫里數資本等項原呈未經聲敘飭將實在辦法呈案旋呈擬先築蕪甯八百十里籌款二百萬爲開辦經費分畫大江南北爲兩綫北綫由蕪湖對岸之裕溪口起經和含廬鳳與蘆漢接計程五百餘里南綫由蕪湖經宣

城旌徽至江西之景德鎮期與將來贛路接計程七百餘里由宣城廣德通浙與浙路接計程二百餘里先築蕪甯一路由全省公款提費約得二十餘萬又仿行糧鹽捐及彩票各辦法由部奏准四品京堂李經方爲總理李呈皖路困難擬改綫先由蕪湖廣德通浙路該綫客貨較多可資挹注議招股四百萬兩每股十兩共四十萬股皖撫誠勳奏皖紳公議先加鹽米茶三項捐以資提倡三十二年開辦米鹽兩捐其茶捐彩票尙未就緒聘哪哪日本三員爲幫工程師李報蕪湖米商邵振邦等稱業微捐重勢不能堪請部寬免部行公司查覆以該商藉辭駁斥不准翌年米商猶以爲請部仍行查皖撫及公司再行批駁公司擬先成蕪湖至灣沚爲第一段直通浙境泗安鎮兩江總督以籌路安設車站在蕪湖租界內者宜照租界章程辦理李請道員孫傳燾爲會辦駐蕪湖三十三年皖紳洪汝閻呈言路綫經營皖南不如皖北南綫必俟浙贛路成乃能圖謀北綫可直接蘆漢轉輸尤便條列三不合五可慮懇請改綫李謂該路創辦時會刊印圖說徧送全省所定章程均照律洪言不可從時經方有使英之行皖京官公舉開缺廣西巡撫李經羲兼辦路礦李電辭是路屢易總理任事不久籌費不易三十四年部奏以長蘆鹽運使周學熙爲總理周辭職孫傳燾亦辭乃舉周學銘朱雲錦代之皆從皖商請也江督端方准商會請暫免茶釐以蘇商困皖紳李經奮等擬酌收鹽股每斤四文呈請立案統計該路存款結至是年七月底止實存九萬二千餘兩宣統元年學銘雲錦同辭又公舉京堂蒯光典道員陳惟彥米商迭懇停捐郵傳部農工商部先後否查皖撫迄未就緒云

又奏議議陝西設鐵路公司以山西候補道劉昌晉吏部主事王文海充坐辦協理從之

又奏統籌添設護路巡警略稱鐵路向章應由本路專設巡警管理界內彈壓看守等事與地方所設警兵有緝捕專責者權限攸分路警果能布置周密界內竊毀之案自可減少而地方緝捕之事亦不至加繁見在官辦各路惟京奉由北洋調派巡兵約共一千餘名京漢南北兩段直鄂撥有練軍護軍巡防等

隊中段專賴汴省所設鐵路巡警營分段駐紮而該路專設之巡警則祇一百餘名其餘各路警兵多或百餘少僅數十且往往沿用彈壓巡查護勇等名目事權未一責任不專推其因陋就簡之由原為節省費不知鐵路機件價值昂貴遺失購補為費已多萬一生出危險傷害人命損壞車輛則撫恤既鉅修理尤繁與其事後懲治不如事前防護是多設巡警費尙有限而保全路務利在無形擬將此項護路巡警統籌添設並將彈壓巡查護勇等名目一律更正以期統一而符名實即商辦已成之路亦當由部隨時商辦

又奏京漢鐵路整頓改良情形略稱京漢路近已收回管理外人方以接管之善否視我程度之高低則整頓擴充改良各辦法宜亟也查路綫甚長用人甚多洋員薪工尤鉅洋總工程師一員歲薪六萬佛郎另駐比洋員十三人經理撥款購料等事又各段核算文案管料洋員數十人接管以來業將總工程師及駐比十三人裁撤工程事務改歸養路處兼辦向設行車養路廠務三處分派華員總管其在歐洲撥款購料改託銀行全路大段亦併三爲二又遣散洋員三十名裁去員役一百餘名歲省約銀十萬圓其路工材料從前分段收發不無弊混見統歸京局總核計五閱月共進款五百十萬餘圓較上年約多七十餘萬此就已辦者而言至於應辦者數事一添購車輛二建築旅館三修繕軌道四增設站所五籌辦轉運應督飭員司切實施行

京漢概略 京漢鐵路始名蘆漢自展至北京易名京漢張之洞督粵時會疏請開辦議格不行泊甲午戰後始議決辦該路延長三省款鉅工費光緒二十一年適有各省富商如集股在一千萬兩以上者准其設立公司自行與辦之 諭廣東道員許應鏞呈請集資承辦方培達劉鄂呂慶麟繼之二十二年司業瑞琛以商辦難成請撥款官辦下直督王文韶鄂督張之洞議兩督奏承辦各商均不可恃力保津海關道盛宣懷堪勝總理請令入京盛建議首論官款之難舉行次論商款之不可恃三論併合洋股之奉制四論僅恃洋債之無功其所擬辦法一請設立鐵路總公司二請招商二十萬股每股百兩三請先借官款一千萬兩續借洋款二千萬兩三年後分二十五

年歸還每年應還官本銀四十萬洋本銀八十萬凡鐵路悉照公司章程辦理由總署奏立總公司部撥一千萬南北洋存款撥三百萬招商股七百餘萬二千萬擬借洋款由公司立約商借商還又以該路宜用雙軌一切用人行政由直鄂二督會同宣懷詳議以行設立鐵路總公司於上海二十三年先與美國議借款未協英德兩國又多要挾宣懷過鄂比領事介紹比利時合股公司開議承借遂由總公司訂借英金四百五十萬鎊立合同十七條續增六條二十四年 上諭催問宣懷彙奏借款詳細合同二十九條行車合同十條由是全路工程以及應用材料等均歸比公司代訂七月宣懷會直鄂兩督奏幹路由楚入豫詳勘襄樊信陽兩道比較便利並陳南北兩路兼營併進情形先設單軌俟支路四達再行添造總署議如所請二十四年南北分段並舉蘆漢保竣工候選道容閱到京創辦津鎮鐵路英德兩國要求放債宣懷恐傷蘆漢固有之利請保全支路以固利源援津蘆例使蘆漢展造至永定門外英使抗議謂中國准比公司修造開洛日後續至西安此路大段係英商福公司請辦何以准比駁英總署駁以此係蘆漢保全支路與福公司前請懷浦以西者不同二十六年拳匪起事比使以借款係將鐵路作保今長辛店匪徒燒燬軌道與行車利息有礙請妥籌擔保總署照覆毀當修復漢信保正先後竣工二十九年華英公司與比公司訂立北京牛莊鐵道蘆漢鐵道合同三條由是決議鐵軌直達京城是年豫撫以黃河橋工可慮條陳四條下直鄂兩督及盛督辦議鄂督派員勸察三十年會奏黃河造橋並無窒礙九月鄭信竣工三十一年宣懷將建造情形咨部其最重要者一勘查路政二驗收路工三續借比款奉 旨蘆漢關係重要著商部暨袁世凱督同盛宣懷認真辦理盛將各項清冊案據圖說送部並函陳目前整頓辦法是爲飭查路政之結局是年南北兩幹告成黃河橋工將竣宣懷奏提前還款收回全路之計畫又以路政分任需人請派員一駐京城一駐上海會辦滬甯商部奏派唐紹儀爲蘆漢會辦橋工告竣派聯芳唐紹儀驗收全路遂於是時通車至工程款項不敷續借比款公司將借款一百二

十五萬佛郎合同底稿咨部核辦商部以該路借款原由盛督辦會同直鄂二督辦理此次仍宜由盛咨兩督妥商七月盛與兩督會奏奉 准簽押是為續借比款成案三十二年盛以病辭差唐紹儀代之裁撤上海總公司盛奏蘆漢鐵路應速籌還款是時度支部以蘆保一路動用官款五百六十萬兩應行繳息咨詢商部部問唐紹儀覆稱提議時當按約力爭嗣比公司以合同未載堅持不下再四磋商始訂合同四條咨郵傳部豫撫張人駿奏黃河橋於四旁多拋石塊有礙河流部派道員暨延馨孫鍾祥外國人金達接士巴尼等往勘三十三年豫撫林紹年又奏鐵路關係河工情形部派道員詹天佑鄭清濂往勘覆稱橋西上游應將原壩接長二里餘以資鞏固部飭照辦四川舉人吳慈讓條陳京漢利弊內有籌款贖路一項又請招集商股都察院代奏湖北候補道魏允恭籌款贖路條陳是為贖路之開始京漢車務局與英使會議漢口岔道補訂岔道合同十三條行車養路合同十四條大概京漢全路延長二千四百餘里自創辦以來中更拳亂凡百阻滯而黃河橋工又為世界路工艱難之一乃前後九年卒能告厥成功然款項借自他人遇事不免掣肘自贖路後部握全權與利除弊始能次第籌辦沿河之議倡於前督辦議由鄆城東南至周家口築一支路長一百二十里以達淮河嗣以幹綫工程未竣此議遂罷宣統元年鐵路總局以周家口一鎮為潁澤賈魯諸河交匯之區京漢欲收客貨非築支路即潁澤河築路費大乃議潁河適道員盧洪和赴鎮乃飭調查河道具呈辦法八條經總局札道員袁世傳并鄆城商務委員梁祖光履勘是議潁河道之緣起也三十四年辦理最要事有二一接收新易支路一收贖京漢本路新易鐵路向由京奉管理惟該路軌綫係與京漢銜接議歸京漢由總局函知京漢路局復比公司對於各條辦法均無異議惟息金三萬兩一節堅持不允部飭京奉局將新易財產員名開單送部局以辦法五條商諸該路洋總工程師配唐一新易與從前比公司所訂蘆漢合同不同比公司不能過問二新易路與京漢銜接當交京漢二該路出入款項應併入京漢路局帳冊四新易築造資本六

十萬兩按年由京漢提五釐息共銀三萬兩五新易財產物件由總局派員點交京漢配唐答一二五三款可行三四款難遵京漢局據以呈部部將新易歸併京漢應行裁併節省各款分類撥擬定辦法飭局照辦決定接收其收贖京漢前尚書陳璧提議擬用五項辦法一改正合同二招募公款三挪借款項四提集存款五另借新債比公司於改正合同一項慮債東為難及換票增息等諸多未便作罷於是擬仿直隸存案召募公債其挪借款項商明度支部動借官款五百萬提集存款之法擬在京漢三十二年餘利項下暫行提撥數者既定不敷尚鉅乃另借新債由部奏明辦法而路權始全歸郵傳部管理自三十四年以來順德一帶偷盜鋼軌路釘月計數萬遂添設巡兵專任緝捕京漢局條陳巡警辦法六條由總局飭總查申保亨整頓申又條陳八條以區分地段職務權限等為言其改良路政屬於工程興築者局陳四條一修築黃河沁河隄岸二沿路各橋洞應添石隄石壩三沿路應添圍牆多設房屋四添購睡車飯車餘若度支部造紙廠建設岔道往復駁論始決議簽訂合同又添設電綫於黃河橋等處均關該路要政由部分別飭行焉

又奏中國鐵路以京奉為最先進款亦最鉅見應辦者一核工程一嚴購料一併職掌汰員司一整頓唐山機廠一定客票貨票規則一清理貨廠一整頓車務用人至已辦者一添車輛一減運費一招商租地一添修岔道一聯絡軌道分攤票費一代各路製造車輛橋梁一轉售各項車輛料件據路局徵信冊上年進款較前屆約多一百萬元而用款反少七萬餘元具有成效

京奉概略 此路始名津蘆又名津榆又名關內外至光緒三十三年路綫直達奉天始曰京奉檔案經庚子匪亂散佚殆盡今擇可據者言之光緒七年開辦唐山煤礦商路十三年自胥各莊接修至天津二十一年并為官路以胡燏棻任總理先是御史李念慈奏請津蘆亦歸官辦自蘆漢總公司設立北洋大臣王文韶遂以督辦盛宣懷兼管津蘆入奏二十三年念慈又奏盛宣懷見辦蘆漢力難兼顧津蘆原係順天府尹胡燏棻承辦若以該路

責成則一切員匠均係熟手所需經費即由津蘆津榆餘利項下動用并招商股以輔官款奉 旨允行胡接辦津榆聲明先辦錦州一段是為商辦改歸官辦之大略二十四年籌辦中後所至新民廳鐵路及營口支路並清還津榆津蘆各欠款遂接修關外鐵路所需經費半借洋款並請仍飭各省協濟暨勸辦捐輸下總署戶部議覆准由山西陝西河南安徽年協五萬兩作為續修鐵路應還洋款之用既得請乃息借華英公司英金二百三十萬鎊訂合同二十款以鐵路產業及腳價進款擔保該路始歸借款官辦而全路亦改稱關內外二十五年通州縣丞李士淇呈請招股修築通張鐵路二十六年總局准其承修以拳亂作罷時聯軍占據各地關外鐵路為俄占關內鐵路歸英管二十七年亂定奉 諭關內外鐵路應趕緊設法收回派袁世凱胡燏棻會同辦理二十八年袁胡會奏與英使商訂接收章程咨外部請按第九第十一兩款照會俄國同日交還嗣以與英國訂章第五條有該路百里內不准他人承修之語顯與蘆漢前約有礙比公司則謂展修津保一段應准其一氣承辦而俄使以該章第二第三兩款設鐵路會辦不能承認袁胡照會英使請刪除第一第二及第五等款英軍撤退交還關內各路與俄國訂交還山海關至新民廳鐵路條款以道員楊士琦為關內外鐵路總辦是為匪亂後收回該路之大略二十九年楊士琦升參贊道員林志道代之以接修西沽岔道請於大借款內提撥英金九萬鎊四年為期奏准如議通州知州又以通張接續之議稟呈北洋大臣查核三十一年袁胡會奏全工告竣及驗收情形又奏酌提餘利造修京張是為接收後籌辦路事之大略三十二年袁世凱奏請撥餘利以供軍需下戶部議奏覆謂宜飭郵傳部查明數目咨部再行酌撥然該路尚有一重要交涉則議收新奉鐵路是也先是日俄戰起日本於新民廳至奉天省城設輕便鐵路袁以日人於該路擅營商務有礙小民生計咨外部請照詰日使轉飭停止日使謂俟撤兵畢後自無異議袁則以該路應於兩國條約施行日起按原議妥辦不得與新奉以外之軍軌一律辦理仍咨外部照覆日使且催日政府速行派員開

議平價售還三十三年外部與日使議定計日金百六十萬圓由津榆餘利項下置撥具奏買收新奉自造吉長并與日使商訂條約七則郵傳部派關外鐵路總辦周長齡赴大連灣接收飭將鐵軌展寬更名京奉派道員施肇基為總辦以新奉鐵路須駕造鐵橋跨過南滿洲咨外部向日使提議日使不允郵部又咨外部謂新奉駕橋與滿洲鐵道無礙請據理力爭大抵京奉地當遼瀋要衝均為外人注目自開辦以迄通車歷二十餘年節次接展中經拳變及日俄戰爭均於茲路略有影響全路開車之後僉以補助路政須擴張礦務督辦胡燏棻與中英公司訂立南票煤礦合同聲明女兒河至南票支路估需英金十五萬鎊留在倫敦俟築路時再撥後因煤礦不適用停辦支路亦停築議將英金提回中國自用該公司以不築支路則與原訂第一條不符力持不允三十四年該公司代表漢蘭德允先訂合同聲明南票礦路無庸修築其原存款先行提回共九條另有辦法七條漢將合同寄英判決而英京又復挑撥磋商至十二月始行判決宣統元年復改訂京奉路局將前擬註銷南票借款合同呈部由部將支路停築商定辦法咨外部飭局提撥倫敦英金一萬四千五百鎊為贖礦之用部奏收還英商扣留鉅款贖還南票辦礦合同并在英京了結訟案奉 旨允准熱河都統廷杰咨請票商應按審繳費換發礦照部以該礦幾經交涉始得收回礦苗應由部開採南票之案遂結至灤州官礦自三十四年開局後為互換利益起見欲與京奉聯絡宣統元年該礦局與京奉總辦楊士驄于煥年訂合同條款十則其鐵路運煤脚費並鐵路備車等項均列專章又定立灤礦租用地段暨裝貨車輛等章程五條是為與灤礦聯絡之大略也

又聞浙總督松壽奏閩省前因修造鐵路請將每兩丁銀每石糧米加收隨糧捐錢二百文自光緒三十三年下忙起試辦一年民情相安再行展辦見據各屬先後征解錢六萬餘串又卸事各員征存未解錢二萬二千餘串其已征未解及民欠未征者均不在內察看民間輸納尚屬相安目下路已興工在在需款未便遽停自應展辦俟路成停止



閩路概略 自畫省自辦之議起福建適有翁某與法人魏池欲乘機攬辦閩路閩之留日學生文電交馳請商部勿許福建京官遂議自辦光緒三十一年侍郎張亨嘉等公舉前內閣學士陳寶琛為總理三十二年借用正太鐵路洋員嘉龍的尼等二人自省城勘路至漳州參合輿論由廈門對岸嵩嶼入手可以上通省垣下接漳潮自漳以西礦產富有尤為僑商所注意規畫既定而港商吳梓材者自請於商部右丞王清穆願畫漳廈九十里歸其認辦謂已集股二百萬王許之吳又電部請先立案商部電告陳總理請就近商吳陳訪知吳雖漳人旅居香港家僅中貲前與林麗生夥辦潮汕陽認股二十五萬實無一為己貲且聲言已全卸某某而猶永享發起人之利益疑猶是潮汕故智遂電部謂吳果有鉅股儘可併入公司合力與辦部覆如議時廈之紳商有言安海至泉州設路之利者吳因電請承辦泉州至安海六十華里之路託言已集巨股散還可惜商部又商於陳總理陳復博訪港廈各商及太僕卿張振勳皆明其為誑而泉紳葉宗祿等復自認招募泉股據以覆部自是遂有先辦濱海三路之議三路者漳州至嵩嶼泉州至東石福州至馬江也陳總理將暫行章程及初次勘路圖說咨呈商部請仿鹽糧兩捐補助保息路成停止購地則仿京漢滬甯等章部議允准與贛浙皖四省在滬議立鐵路學堂一面聘訂陳慶平為總工程師副以王迴淵視歷南洋各埠募股百數十萬歸而決議先辦漳廈二十三年呈報測勘情形六月開工公舉胡國廉葉崇祿為協理是為閩路開辦之始大抵閩地之難內地民力薄弱入股鉅者大率海外僑商又皆羈身寫遠不能歸董其事所望在事人員實力程工有以堅其內向之心三十四年公司報收入股款共計百七十萬元各工則由嵩嶼至江東橋左岸首段五十六里凡土石各工均招人承攬而嵩嶼車站及機房料廠等亦先後告成機車料廠均備足以通車者十里蓋閩路不用洋員在路員司皆調自京漢正太汴洛工匠亦無熟手故先就十里開工以為模範而一面則分班測量全路是夏第一段測竣繪圖購地分別包辦秋開碼頭江東橋圖式均成接測第二段綜理其事者始

為陳慶平陳故王迴淵代之雖中開以董事會持改聘洋員之議聘英人辛克蘭為工程顧問旋亦謝絕宣統元年陳總理以在京遙領未便推知府陳炳煌暫代股東會仍舉寶琛為主持總理炳煌為駐局總理黃猷炳林雲龍楊明簡葉宗祿胡國廉為協理寶琛奏請給假歸閩整理路事據報非先借鉅款無以接濟工用非妥籌善後無以勸股將來業與廣東交通銀行息借五十萬元飭令將已開未完之五十里工程限明年六月完竣至江東橋及次段工程須俟股款有著方能續辦云

又兩江總督端方奏准河係南北商船及鹽船通行之路此次津浦鐵路勘由鳳陽府之蚌埠建造梁橋不獨於行船水利有礙即准北鹽運亦必受損擬請修建轉橋其價值並不甚昂於路工亦無妨礙請 飭詳勘妥籌庶於路工航利兩有裨益得 旨著督辦津浦鐵路大臣會商該省督撫籌辦

又陸軍部郵傳部奏鐵路之設師行最重是以各國官商鐵路皆有軍事輸送以及軍事供用之制中國鐵路成立之始有官辦商辦借款代辦之不同官辦各路宜供軍用商路雖以營業為主然果能於行車工程各款按費撥給勿令過受虧損自無不急公同效至借款代辦各路其管理調度之法類多定於原訂合同中於未經清還償款之前自當按合同辦理茲擬章程二十條其憑照一項擬改由陸軍部刊刻鈐印頒給各省督練處領用

又郵傳部奏山西鐵路原擬由大同府起至蒲州府止後因集款維艱遂擬先修太原府至汾州府之平遙縣一段見據 臣部委員覆勘其款僅存六萬餘金倘不趕緊募籌即此一段亦無告成之望應由 臣部會同山西撫臣察看情形如果悠悠無成應將該公司撤銷另籌辦法

又奏展築張綏鐵路略稱據工程司勸稱由張家口起抵歸化城計分四綫見擬由張家口取道大同北折邊牆出得勝口達豐鎮接北綫西段再由歸化至河口即托克托城為支綫一則不失大同運煤之利而南北糧食皆可兼運修養之費尚有把握二則同蒲路成可以接軌三則聚落山較腦包山紅塘水溝較八岔溝枳兒嶺較鶴壩嶺難易迥殊惟邊地早寒每歲施工祇六個月約計

八年方能完竣。等覆查見擬之綫六百八十九里估需銀一千六百零六萬餘兩論路北南綫爲短論費比北綫爲輕加入河口支路一百四十一里估需銀一百五十萬兩左右共合銀一千七百五十六萬餘兩自應就見擬之綫與案以上所估各款尙未計及利息釐稅以八年攤計每年約需銀二百餘萬兩查張綏一綫於行軍理藩政策極有關繫即使營業本金稍有短缺亦難置諸緩圖况就營業而論由張家口而豐鎮而歸化而河口皆爲繁盛商埠近挹大同陽高之煤炭雜糧遠萃庫倫甯夏之皮毛牲畜將來西北客貨雲集路利之巨可操勝算見各路同時並興部款十分支絀惟事關重要不得不竭力籌濟藉備工需擬請援京張成案就京奉餘利項下分起提撥不敷之款即由京張路利撥用見京張指日竣工便可專營此路即飭令京張路局人員一手經理暫時定名張綏毋庸另行設局以節糜費

又奏派員與日本南滿洲鐵道會社委員議訂吉長新奉鐵路借款合同各十二條大致吉長借款以二十五年爲期行車進款應存長春或吉林之正金銀行但此款如係該行平日不收之貨幣則不存該行該行亦不能援協約第三款令路局照數補存又該行存款除開支及備還本息外聽候中國國家撥用新奉借款以十八年爲期每年應還本息按月畫出存天津正金銀行等語當將合同草稿咨送外務部度支部查覆覆稱妥協派員會同簽約

又奏前督辦胡燏棻於光緒二十四年與中英公司訂立關內外鐵路借款合同內載女兒河造一支路至南票出煤之處訂合辦南票煤礦合同嗣與該公司聲明此支路估需英金十五萬鎊即於大借款內如數扣留備用其後開辦南票煤礦虧折飭令停採因之罷築支路而該公司以爲中國不肯合辦則煤礦當爲英商獨有不築支路則違背借款合同即扣留之十五萬鎊永遠不能提用辨駁經年迄未解決因飭鐵路局長梁士詒與該公司代表漢蘭德迭次晤商旋議定補還該公司一萬四千五百鎊贖回煤礦自辦罷築支路其扣留之十五萬鎊由中國提爲鐵路之用當經彼此另訂合同三十四年梁士詒與漢蘭德簽名蓋印控訴英國大理院本年六月判定將該借款撥項提出聽候

鐵路提用即將贖礦之款交楚合同亦經註銷

又奏京張鐵路工竣開車略稱該路起自豐臺經北京至張家口光緒三十一年由前督辦袁世凱胡燏棻奏准興修聲明專用華員經理是年九月開工至本年八月告成全路長三百五十七里連岔道計長四百四十九里有奇自豐臺迤東柳村至南口長九十三里爲第一段南口至岔道城長四十里爲第二段岔道城至張家口長二百二十四里爲第三段南口岔道城之開闢料重疊谷澗紛歧峭壁參天崎嶇峻險原測居庸關一帶以阻隔官溝擬築巨橋傍山直上穿越關城因坡度過陡終慮行車出險往復測勘幾凡數易始定今綫削高填深循溝築隄開峒以通平原遠山以取彎道其斜度每三丈得一尺車行較穩又八達嶺山峒原擬由石佛寺峒向西北直行需鑿峒六千餘尺今改向東南斜行就青龍橋開峒設站峒工祇三千五百八十尺省費實多開峒之時南北兩面同時內攻復由山頂開井縫工下鑿閱十八月始克竣事過岔道城以北又有蛇腰灣老龍背鷓兒梁等處或傍山臨河或徑紆壁峭不減第二段諸工之險綜計全路車站十四月台二十八橋梁一百二十五涵洞二百一十山洞四計積長五千三百九十七尺此外有水塔十一機車廠五鐵磨盤六養路工房八十三工員辦公室十二與原估數目大致略同其餘天橋一抄水機房一地磅二井十一煤台五料廠四工程車務廠務員役工匠及巡警各住房八十六皆原估所未及又以南口爲適中之區於其地設製造廠一材料廠一並設旅館以待行人均能布置完備結構合法至該路自逐段行車以來業置有機車十九輛客車貨車料車三百二十輛視原估車輛之數有增將來客貨暢通尙須續添以期利便

京張概略 此路爲北路幹綫之要點光緒二十九年商人李明和請招股銀六百萬兩承修擬章程十二條路礦總局傳訊不得要領商人李春繼之亦無實在辦法均經批駁迨商部設立王芝洲張禮謙又以爲請部議此路商辦不如官辦以清軼轡督辦鐵路袁世凱胡燏棻提議於關內外鐵路餘利項下酌提經費以辦京張然該路餘利據合約均存天津匯豐銀行必彼

此商議方可提用遂由道員梁如浩函致中英公司大意謂除畫存備付六個月借款本息外其餘應聽該路任便提用公司代理人璞願堅持不允又商倫敦公司辦難年餘始允照辦三十一年督辦札道員陳昭常開辦局務詹天佑測勘路綫官辦之議始定陳詹查勘預估呈購地章程二十六條督辦又奏調參議楊士琦幫辦勘估工程全路約長三百餘里估銀七百二十九萬餘兩該路地當孔道附隸之事紛焉雜出其大端有三一京西鐵路一庫張鐵路一雞鳴山煤礦是也京西則頭門溝尤著先是三十年煤商張文炳張茂呈請在石梯門頭溝另築單軌鐵路以便運煤稟呈商部部下順天府尹查覆稱是處不宜再修軌路文炳等又力陳京西運煤利弊正在查議而義國公使已以華商承辦該路運煤是否屬實詢外部蓋光緒二十七年主事席慶雲私借洋款議辦京西礦務及運煤鐵路故義使據以為言商部遂擬自辦以却義使權衡路綫以門頭溝取道京張為便三十一年奏請京西運煤應由京張接修支路以便商運由是門頭溝定為支綫而京西鐵路之議始決至張庫鐵路策蒙古者均謂重要幹綫其議倡於公爵博迪蘇三十二年博公奉 命考察游牧事宜陳奏沿途情形力請展修張庫下商部議部商北洋袁世凱請於津榆餘利項下籌撥興修袁覆俟京張鐵路造至張家口再行參酌庫張之議遂緩雞鳴山礦務始由煤商沈壽康呈部承辦先是京張總辦陳昭常謂京張附路一帶礦苗甚多宜預咨部立案儘由本局承辦部議允之迨壽康承辦商部批准督辦胡燏棻咨查商部部覆該商承辦在鐵路局立案之先是以未經咨行飭局速將附路產礦地名報部路局派吳同知往勘雞鳴山以便購回商股其時壽康擅將該礦私授於職商全福顯悖部章追繳執照吳同知勘礦請先開探督辦咨部立案領照並請於造路經費項下先撥十萬兩辦礦雞鳴山煤礦遂歸京張路局三十二年路局擬車務章程規章呈部又報籌議門頭溝支路辦法共長五十三里估銀六十三萬一千餘兩督辦飭由關內外餘利項下提撥是為開辦之大略該路雖非若京漢京奉之延長然地當直北形勢較為衝要三十一年開辦

預計五年完工至三十三年第三段軌道告竣辦理情形有直接關係者如購地及築支路是開接關係如礦務稅務是購地之事部飭全路契據檢送局稟該路地價昂貴請特別給價旋呈購地章程並錄三家口原價准之修築支路為陸軍部呢革公司之輕便鐵路公司懇造清河至朱房支路以利運輸部以京張見辦幹路能否辦及支路常札局籌議惟既為便利起見可令該公司自建陸部之意仍歸京張兼轄為宜部據局詳辦法二種一自築一京張局代築函覆陸部時呢革公司以購地力有未逮請先置小鐵軌修築活道暫用呈請備案稅務則發端於張家口監督文綬稟度支部於居庸關以北岔道設卡收徵並應完直隸貨捐擬仿京漢路之直隸貨捐辦法由度支部咨局以火車抽捐有礙鐵路營業本路造成伊邇將來漸通庫哈商販爭趨抽徵宜在庫哈通車以後部據以咨覆礦務辦法京張局稟稱雞鳴山與玉帶山本屬東西兩幅八寶山又在雞鳴之東山勢毗連均為鐵道經過附近之所必須聯絡一氣請將三山畫定界址作為京張附屬官辦礦產農工商部咨查該地是否官地抑均民地所佔地數若干局覆雞鳴山約三十六方里八寶山一百五十七方里玉帶山約二十三方里其中有官地有民產有未開礦之處尚未清查是為礦務之爭議三十四年八月全路告成十二月豐台至南口告成宣統元年路局將門頭溝支路自西直門起至少龍村止工程呈報部派知府李大受主事唐德營驗收至張綏一路前年由部飭勘宣統元年俞人鳳將勘路分南北兩綫及擬用之綫並支綫等估計數目呈報部以該綫於行軍理藩極有關係遂定與築約長六百八十九里加河口支路一百四十一里需銀一千七百五十六萬餘兩奏明撥京張例於京奉餘利項下撥充不足再由京張餘利撥用展築張綏之議乃定云又奏華商擬辦蒙古汽車未便議准略稱據察哈爾都統誠勳等奏知州趙宗詒等稟擬於口外蒙古地方創行汽車先就張庫一路開辦准予專利年限呈請立案查夏開法義等國商人在蒙賽行汽車未及一句而越環球之半張庫一路一時不能自辦未雨之謀所宜豫計今該商等創立公司擬於口外試辦

取他人已行之成法保中土自有之主權所擬章程均向妥洽所集股本確係  
殷商似可准其試辦 臣部當以蒙古汽車事屬創舉由張至庫有無窒礙及法  
義國人在口外賽車情形如何電致庫倫大臣查覆旋電覆汽車與人暫時行  
走者不同必須與外盟商議方免窒礙五月間有法紳乘電車到庫由哈回俄  
其車僅容三人甚覺便捷惟泥滓坎壈等語三十四年疊准咨覆據車盟署  
盟長等查蒙人以牧放牲畜度日汽車行走如飛恐與人畜有礙 臣部以該車  
盟守閉關主義似難施之振興新政之時咨由該大臣婉轉開導復稱內盟風  
氣漸開外盟仍多渾噩加以圖車兩盟距離遙遠筆墨往來詞意不達應俟眾  
蒙古與哲布尊丹巴呼圖克圖呈遞丹書克之期各扎薩克來庫再行開導本  
年准該大臣將圖車兩盟各王公扎薩克及沙畢等會主譯咨前來所稱與前  
次車盟查覆情節大概相同 臣等查從前鐵路初興無知愚民亦皆阻撓疑懼  
屢經詳細開導始憬然悅服使汽車果便交通蒙民雖愚或不至終於固執惟  
查此項無軌汽車便於短途實非有利長途偶然比賽自與營業不同至今歐  
美各國僅行於城市數十里間以代馬車迄未有以此為載客運貨之用者察  
哈爾至庫倫計程約三千里間經戈壁若節節設立行店以備住客修車則經  
費既鉅貿易無多支持恐非易易否則偶有損壞露宿堪虞趙宗詒所請自應  
暫無庸議

臣謹案長途汽車後來盛行而當其時通都大邑自備汽車者尚不一二  
觀乃風氣之開先萌口外其見歐商賽車而發耶抑陰有人主使耶此車  
雖無鐵軌而有關路政因附錄焉

又奏京張鐵路全路告成略稱道員詹天佑總司工程經營締造會辦及各段  
工程師暨執事各員均屬異常出力擬請優獎以昭激勸得 旨准酌保數員  
毋許冒濫

又 諭粵漢鐵路鄂境川漢鐵路事宜著歸郵傳部妥協接辦  
又 諭電寄東三省總督錫良黑龍江巡撫程德全電奏籌借外款修築鐵路  
等語著外務部度支部郵傳部妥商該督撫統籌全局會同具奏尋奏請 飭

該督將與美銀行原立合同作廢將森林礦產屯墾工藝畜牧漁業等事並鐵  
路通盤審計果確有把握應需借款隨時咨商部臣妥籌辦理以期內外協謀  
從之

又吉林巡撫陳昭常奏親赴延吉邊境查辦開埠善後事宜計已籌辦者二一  
如期開埠一組織審判見正籌辦確有端緒者三一分布巡警一添改官缺一  
收買電綫房屋亟應籌辦不得不早為預備者三三籌設稅關一速謀交通一  
招服韓僑惟此次開埠不啻為日人而設其要求修築吉林至會甯鐵路則陰  
謀密計不僅在吉林南部而欲因此根據地以圖滿洲可知而知此非吉林一  
省之力所能抵禦惟有速修延吉至奉天鐵路以連關內外路綫而由中道分  
達吉省更東引而通琿春又由琿春而南開通圖們江海口航路以與南北洋  
聯絡俾各國及內地商民交通便利彼此互相抵制或可稍戢其野心下所司  
知之

又署兩廣總督袁樹勛奏查明粵路弊混確據略稱該路接收已逾三年總理  
已歷兩任用款至七百四十餘萬元成路祇一百二十八里尚有合興公司原  
築三十里在內種種敗壞不可枚舉請 飭部整頓維持以裨路政得 旨著  
郵傳部切實查辦

又湖廣總督陳夔龍奏兩湖有賑糶米捐一款係前湖南撫臣俞廉三奏准開  
辦嗣因鄂省收回美商承造粵漢鐵路一時無款可籌經前督臣飭將此項米  
捐借用為權宜之計本年鄂省水災奇重用款不資此後由冬徂春賑撫工糶  
需款尤鉅伏思鄂省應得一半賑糶米捐原為災荒而設際此饑饉洊臻之日  
顧名思義自應將前項捐款仍充賑糶以符奏案而濟急需所有鄂境粵漢鐵  
路之應還贖路本息金元小票息金及粵漢川漢兩局局用鐵路學堂經費見  
兩路均歸郵傳部接辦此後支付款目亦應由部籌給其以前為該兩路墊用  
之賑糶米捐如能由部歸還固屬最善否則即作為兩路之股款給以股息俟  
開車見利照章分紅兩有裨益  
又郵傳部奏湖北賑糶米捐備還粵漢鐵路本息暨充鐵路經費請 飭該督

仍照原案支付

又東三省總督錫良等奏東省大局時勢迫蹙借款築路無可緩延况錦愛鐵路直接京奉幹綫旁達葫蘆島不凍海口內通蒙古要隘外扞黑龍江邊陲形勢極便百貨更易流通斷不至無利可獲至與辦實業應請遵照部摺另借鉅款或辦礦務或移民開墾有鐵路以爲運輸將來籌還本息即以森林煤礦及墾牧之餘歸償當不至無著又奏此次部議有借款尤須組織銀行一語臣等以爲銀行應與鐵路離而爲二或於鐵路外另立與辦實業借款合同或另向他國銀行借款按年於鹽務項下設法籌還庶幾保我主權免滋流弊又奏東省生路祇此錦愛一條東省生機祇有均權一法美人以日本壟斷滿洲積憤不平欲投資均其利益此時設錦愛鐵路合英美公司共貸此款資本必大勢力始均然後能與日俄相抗名爲商路實含有政治外交之策是借款者乃兼借其勢力彼以勢力換我利權我即借其勢力以鞏固疆圍在我之主腦實非僅與利己也應請 飭部從長計議將錦愛鐵路公司仍允貸借英美鉅款均下部議奏

又奏長春爲日俄鐵路之交點日路北綫實起於此日之視長猶俄之視哈數年來日人規畫如俄而陰謀過之其車站界綫以內商務勃興而附近地畝又以重價暗購可爲賦權至若吉林省城非日俄鐵路經行之地我有完全主權三年前但有俄人近漸有日人來者吉長鐵路一開工商民到者日人必多我若無已成之商埠爲彼歸宿勢必雜居內地且將代我購地修路建屋設巡警哈埠其前轍矣此真刻不容緩者也去年經在城東北門外吉長鐵路建設車站之處勘定左右四旁地址實測繪圖建標購地以爲開埠入手再籌及築馬路建屋宇練巡警等事見已包估工程長春則本年設局經營惟日人私購地畝已多見於其四圍悉行圍購免再侵越並豫備商埠成立後開關收稅東三省米豆雜糧出口爲必由之路將來必有可觀惟兩埠須有二百萬之款始濟擬援照山東濟南開埠成案由度支部撥借經費各一百萬兩分三年領足俟吉長設關後收有稅捐如數歸還

又 諭有人奏浙路公司偏信洋工程司錢江造橋不宜水利並不宜橋工一摺著郵傳部會同增韞詳細查勘水利橋工有無窒礙妥籌辦法據實具奏又郵傳部奏汴洛鐵路裁併華洋員司更定全路職掌以節糜費

汴洛概略 自光緒二十五年容閔津鎮之議起督辦盛宣懷恐傷蘆漢行車之利乃議辦汴洛開濟以保全支路二十九年豫撫會奏請展築開封河南支路與比國議訂合同外部覆奏允准先是二十五年議辦因此款未定拳匪亂作而寢二十八年比公司代理人盧法泉到滬而商盛督辦重申前議盛合汴撫奏慮承辦該路路綫自滎澤東至開封府約一百七十里由滎澤至河南府約二百五十里應借款一百萬鎊不敷仍可續借借款合同細目二十九條行車合同十條大致取法於京漢三十年該路總辦知縣巢鳳翔稟請仍以沙多爲工程司然勘路則仍委諸錫樂士巢稟自鄭州以東至祥符縣西門外一百四十里業經勘竣接勘洛陽三十一一年全路勘畢以道員丁道源爲購地提調由鄭州迤東至開封爲第一段迤西至滎陽爲第二段其三段由滎陽迤西至汜水而達洛陽汜水廩生張象謙等請減路綫免壞村舍稟分二路縣東澤澤灣等村屬二段取用縣西張灣老君堂等村屬三段取用由局批准三十二年鄭州至開封一段竣工丁道源請酌調綠兵按段駐防以資保衛是爲改綫駐兵之始路事重者二類一續借款一購材料汴洛總工程司以工程估單並不敷續借各估單呈部三十三年郵傳部入告定議續借總工程司稟請發售小票以便銀公司接辦部允之汴洛鋼軌前經訂明購買漢廠總工程司因不能准如合同辦理欲改向歐洲購買以攬利益部不准三十三年又謂購漢廠材料如有不合式及危險由部擔認部駁所交材料若與合同不符儘可不收至工程重事本屬該司專責如有危險仍惟該司是問豈得由部擔認丁道源詳陳漢廠鋼軌可以適用漢廠亦陳工程司處處刁難三月開鄭開車十二月鄭州至鞏縣開車已及全路三分之二三十四年路局將河橋工程分兩種辦法呈部嗣以承辦鐵橋洋工遲緩呈請收回自辦部飭迅行招工九月橋工告竣然鐵橋拋石填塞

舟道不無妨礙豫撫吳重憲請飭查驗路局遂擬兩全辦法又以煤礦供給機車勸礦師摩勒履勘鄭州至潼關一帶礦產稟覆礦質太遜十二月路工告成議改工程爲行車管理從事整頓豫撫奏援京漢成案分設貨捐局章程八條立案又咨請更正道清京漢兩路局部飭持平協議汴洛持舊案甚力乃咨豫撫照原案辦理貨捐之案始結然該案尙未能通行於全路也宣統元年洛橋水淹學生周岐監工徐彥京漢員林希孟沈駿慶續將被水情形修估辦法稟明部員羅惇勳程世濟亦電陳橋梁損壞估修非易行車輪運關係交通不能任停乃於汴河以東暫設車站定期售票六月洛水又漲全橋受患派道清養路工程司施爾爵赴勘覆陳修橋辦法並將橋墩木椿應用數目列單呈核遂由總局函詰比公司辦法不善歷敘虧耗情形總工程司稟明預計明年不能竣工且請購新機免費時日總局允准限西九月竣工而橋工究未竣也大抵該路始經通車華洋員司尙待裁併以節糜費蓋因時制宜理有然也

又湖南巡撫岑春煇奏已故督辦張之洞以兩湖物力艱難集費匪易款項無著卽鐵路無自觀成始有籌借外債之策自借款議起湘省紳民羣情激發皆願集款自辦不認籌借外債經諮議局議決湘路限年趕修辦法四條一毋庸借債速將草約註銷以斷葛藤二實行商辦以堅股東信用三由公司任用鐵道學生改良內部組織四多培鐵道人材俾盡桑梓義務藉省薪資籌款辦法十條一累進租股法二鹽勸加復錢價三鐵路銀行四分區勸股五在外集股六就事撥勸之股七各界以薪資入股八官缺股九鐵道債票十各地方公儲股計畫六條一限築期擬定五年築竣二築路費每里平均計一萬八千元三營業利比浙路折半計利第一年扣足一年所入除付息提紅及公司用費外可淨得利四十萬元逐年加本加利五年可得淨利六百萬元四實需款除淨利可分年作抵實需款一千八百六十六萬元五統計出入以確有的款出入兩抵所差二百七十萬元內外既確係商辦其已認未收及續勸之股不難收用六追加豫畫六年後贖路之債已清每歲所入合加復錢價皆可作爲清理

公司積欠之用近日公司發起股東會全體擔任似不致漫無把握請飭部取消借款下郵傳部知之

又外務部等奏東三省總督錫良等奏借款築路以興實業應仍由該督等與美國借款公司訂立合同咨部核定至組織銀行另借外款應從緩辦又山東巡撫孫寶琦奏津浦鐵路黃河橋成立勢必阻礙狂流濼口等處隄岸尤爲重要所估工款甚鉅東省實難悉數自籌請飭督辦津浦鐵路大臣由路工項下照原議協濟培築經費應用以重要工下郵傳部議奏尋奏黃河培修隄岸礙難由路款接濟

皇朝續文獻通考卷三百七十

郵傳考十一 路政

宣統二年郵傳部奏勸明開徐海清路綫略稱開海路綫以開封為起點海州為尾閘西聯汴洛以達甘新為中原東西一大緯綫陸路則與京漢津浦交通水道則與各洋航路相接控制海陸經武與商胥規實效即見築之汴洛洛潼等路亦必恃此路接通始可免賠獲利茲擬開徐取道南綫以期傍近城市徐海繞出清江期與蘇路聯絡綜計工款共需銀一千四百萬兩左右預卜將來進款可不亞於京漢京奉自應撥款建築見擬先由部斟酌緩急逐段開辦次第集款分年程功設有緩不濟急勢難停工待款之際當再與度支部妥商又雲貴總督李經羲奏滇省三面臨邊強鄰窺伺非聯絡西南諸省厚集財力整飭軍防不足以持危局惟是邊荒寥廓交通不便目前大計莫亟於籌辦鐵路最要之綫有二一由雲南至四川之重慶曰滇蜀鐵路一由雲南至廣西之百色曰滇桂鐵路此兩路能同時並修局勢更為宏遠或擇要先築軍事既有裨益利權亦可挽回滇本礦國五金獨地祇以運道艱難銷路未暢滇路果由自辦鑛業不難大興擬請 敕下郵傳部迅速核議再由部派員測勘籌款舉辦其騰越鐵路英最注意擬先辦土路以為基礎俟與部臣妥議再行奏明辦理下部議奏尋郵傳部等會奏鐵路一政本代驛道而興其用在轉移地形化險為夷有神軍國大計滇桂尤宜先修自應准如所奏以便舉行至款項宜由部籌措不宜由本省捐集但部款近極支絀合借款外實無他項可提惟該路究須借款若干應以何項作抵及如何分年籌還本息之處應由該督商同廣西巡撫妥籌辦法再行訂借

又奏滇省鐵路匪特為整頓交通至計並且為防制法入要圖擬請 飭部迅將滇蜀鐵路收歸國有趕速測勘並先將滇桂鐵路設法籌辦庶滇路有挽回之機法路有可贖之日得 旨著郵傳部歸併前案妥速議奏

又郵傳部會奏議覆直隸總督奏撥京奉鐵路餘利不准免其扣除略稱原奏稱北洋每年撥補防費及學堂經費等款無不恃鐵路二成餘利為挹注此次

陸軍二四兩鎮三十三年分不敷餉項部議由京奉行車進款提用仍由北洋應得二成餘利內扣除不但北洋防費不敷更鉅即護路巡警學務新政一切用款必致盡皆無著顧懇 敕免扣除照舊撥解查京奉一路遞年雖有餘利向恃為挹注正太汴洛道清瀋甯吉長京張張綏各路之資近又奏明籌辦開海鐵路均藉京奉接濟歷年陸續動撥實已無復盈餘是以前署直隸督臣那桐於二四兩鎮不敷餉需奏請由部籌撥聲明前經動用鐵路餘利見難提撥等語經部與度支部往返咨商委曲設法移緩就急暫濟目前始擬由二成餘利先行撥解俟路帳結算如數扣除誠知京奉餘利止有此數斷不能於預算外忽有巨額支出之增加今該督遽請免扣似未悉前此部籌商暫時挪撥之苦心於歷次奏案亦未符合應請毋庸置議

又 諭電寄李經羲電奏滇紳陳榮昌等呈稱滇路無款急切待修請飭部速籌路款等語滇路關係緊要著郵傳部迅速查勘歸入李經羲前奏一併妥議覆奏其籌借路款各節併著度支部議奏

又翰林院侍讀榮光奏津浦路務應求便利下督辦大臣知之尋覆奏原奏以南開設站為便利惟與接通京奉窒礙若築支路設分站須俟路成後該處商務是否發達屆時方能定計且陳唐莊一綫由津站通至良王莊以後材料轉運無多該綫應否遷拆尚須酌覈若竟接續展造似於交通大局尚未通盤籌畫所請應毋庸議

又督辦津浦鐵路大臣徐世昌奏設天津車站遵籌津浦鐵路由蚌埠渡淮仍應建築架橋以期穩固又奏北段料車已抵德州全路工程接續前進又奏黃河橋工加深增費不能酌減

又 諭李經羲等電奏滇越路成邊患日急宜全力經營滇桂鐵路請將其中心色區一段飭部加入滇色桂區綫內通籌用款俾得一氣呵成等語著該部妥議具奏

又 諭李經羲電奏滇越鐵路工竣車開所有應分路利請飭部切實磋商等語著外務部知道

又郵傳部奏勘查福建潮汕新甯惠潮路綫股資略稱漳廈一路工艱費鉅款項業將不繼已由公司妥商部暫行設法籌濟一面募股款以圖擴充潮汕一路最先竣工因路綫太短無利可圖業飭由潮州府城展築意溪一段藉資展拓其未合宜之工程應陸續改良務臻完善新甯一路餘款尙存二十餘萬元見令招股由公益埠展至新會城俾便交通而維路利惠潮一路前經張振勳呈請商辦惟據稱集股不甚踴躍而該路亦非交通幹綫應遵旨將原案撤銷

潮汕概略 此路起粵之潮州訖汕頭埠長約百里爲我國完全商辦之權與光緒二十九年粵紳嘉應州人張煜南等呈請商部招股承辦三十年開辦頒布辦事章程第二條招股分期繳納第四條官地民地計畝升科二十條華商洋籍之法三十四條籌款由商借商還不借外債二十五條政府徵用鐵路咨部核定共二十四條並派學生三十人往臺灣學習行車駕駛等事原議招股一百萬兩嗣因事屬創始地棘手續招二百萬元迨風潮迭起卒增至二百五十萬至三百餘萬元股東林麗生向在臺灣業商以日人工價材料甚省勘路築軌較有把握主歸包辦而汕埠某某輪船洋行之缺望者遂煩言嘖嘖疑爲日人間接張煜南道過天津向北洋大臣袁世凱借用工程司詹天佑勘費過鉅咨送回津潮人向疑林麗生者至是益疑爲日人利用利權外溢雖屢經煜南聲明林係華商而潮人挾地遷墳私憤攻之不已乃有葫蘆市之案葫蘆市屬澄海縣日工築路至市對河之月浦鄉鄉人造謠謂將毀葫蘆市陳陽宗祠以通軌綫陳陽二族遂羣起暴動毆斃日工幾經磋商始由公司自行撫卹寢事三十一年香港潮紳柯雪巖等電稟商部疑林麗生爲洋股請查辦時潮州道沈傳義欲使公司廢既成之路由葫蘆市改綫以避陳陽盧墓公司以路綫既定舍彼則礙此呈請商部核辦參議王清穆至汕查勘地勢勸洋股之說排改綫之議公司乃得施工三十二年頒行車章程路成開車商部奏請獎勵有旨張煜南著以三品京堂候補其與日人愛澤直裁合同即於開車時取消前次所派學生未經畢

業管機行車工程等事暫聘日人一年爲期經粵督岑春煊核准咨部三十二年郵傳部令公司按京漢雇用洋員法聲明受雇人與中國人無異蓋鑒於葫蘆市之案也潮汕創於張煜南雖中開幾經變幻其開辦起四年之間出洋一次募股三次竭力經營始克有成三十四年春購地展築由潮至意溪支路計六里八月告成又議展築崎嶇支路由總車場起過廈嶺河直達崎嶇馬路計程二里餘而渡河須築大鐵橋一長四百英尺另小鐵橋一建設費須四十一萬因費絀未辦工程司仍用日人本路股東黃景棠將所認並經手招入股三十餘萬全數讓煜南承受辭會辦職宣統元年意溪支路竣工開車碼頭棧房等亦竣始爲本路完成之期其大事之可紀者爲收回林麗生股款林本福建安溪縣人曾入日籍附股至八十萬又買入吳理卿股二十萬迭據潮紳稟計部派司員梁用弧錢家澄往查乃決由煜南贖其弟鴻南收回訂立合約照原價加三十萬先交三十萬元其應交股款分六次還第一期至四期每期還二十萬元第五第六期每期還十萬元自立約日起計年息五釐分期還款即分期除息簽押訖愛久澤亦與公司立約聲明敍潮汕鐵路權力完全無缺愛無干涉之權亦無入股公司之事惟所薦日人暨車廠所雇員役俟履約滿後方能解除於是數年之紛議乃定

新甯概略 我國鐵路完全商辦者潮汕而外厥惟新甯潮汕幾經風潮新甯則始終由道員陳宜禧一人主理光緒三十一年新甯縣紳商余乾耀等與同邑陳宜禧倡立甯陽鐵路公司陳生長南洋前在美國學習鐵路專門既出任事呈請粵督擬由新昌埠築至縣城三夾口止長九十華里附章程二十二條粵督咨部部詢是否並無洋款時商部右丞王清穆調查商務赴粵知其事可行函請照准乾耀電稱該路未照商律釐定應俟議妥續稟註冊而王右丞函部謂甯陽招股估路勘工均宜禧經理乾耀未與祇初辦時代擬章程如以余爲總理恐股商不服勢且渙散并力保宜禧可任余遂辭職部委宜禧總理余灼協理乃設立公司擬辦路章程二十二條權限章程七條爭議始息三十二年陳余稟部請飭粵督保護該路原定路綫由公益



埠池西經金雞等直達水涉墟因該綫沿海而行不能打樁築堤遂擬由公  
益埠東邊直過上沖經伍村李村達大江沿途平坦不致冒險將改綫圖說  
呈核粵漢鐵路公司以新商展築實佛有礙該公司權利呈請粵督咨部辦  
理部查知非實情特本路增招新股廣報誤登是說耳惟實佛一路亦非粵  
漢公司所獨有且新商奏案在先粵漢收回在後稟部申辨部議原奏係謂  
該路告成再行展築今新商未竣不當兼及致與原奏不符令路成再議公  
司測勘畢三十三年呈報甯陽至公益埠試行開車該路基礎以固綜計兩  
年之間全工十完八九其迅速實爲各路所罕觀三十四年陳余呈請展築  
起自公益車埠跨海而過其對岸則爲開平之單水口附山傍海直達新會  
轉出江門訖白石關計長二十六英里需款約百萬元粵路公司以此議有  
侵粵漢幹路利益祇許築至新會部咨粵督查勘旋因車頭地段尚未辦結  
兼籌三夾海口立埠未成衆議暫通車至斗山墟止由沖糞至六村宣統元  
年二月朔通車六村至斗山三月朔通車計共長三十六英里沿途設車站  
十九處四月行開車禮部派廣東勸業道陳望曾蒞會勘工先是公司據商  
部批准案於光緒三十四年呈請展築新會江門白石支路因與粵路轉轄  
迄未照准此時全路告成股款尙存三十餘萬元所餘鋼軌枕木等項亦足  
敷十餘英里之用重行申請部以見在統籌全國路綫暫無庸議先准辦至  
新會爲止至江門白石支路綫核定再議八月與工接辦並招新股以備展  
築蓋商人注重江門白石支路亦爲招徠商股計也

又奏京漢贖路後與比公司交涉其彼此爭執曰大賠款擔保款項曰公積久  
未解決不得已歸外部與駐京比使斷結查照大賠款攤算京漢鐵路應得之  
款最多之年計約二百十四萬佛郎由中國照數存上海華比銀行以爲擔保  
至付清爲止此項存款仍由該銀行照例給回利息其盛宣懷所給比公司憑  
函即行作廢因比公司辦事多年鐵路亦得餘利議定另給酬費公積一款比  
公司不能索分絲毫茲由外務部咨照前來贖路交涉全案至此悉結  
又雲貴總督李經羲奏滇紳呈稱滇路無款急切待修懇 飭部速籌勸辦以

保邊疆據情代奏下度支部議奏

又郵傳部奏津浦鐵路定綫設站略稱津浦全路南池滙甯越長江以資銜接  
北通京奉即在新站合軌將來江浙各路輪運北省及東北各路輪運南省皆  
以此路爲樞紐至天津總站則由新開河起點與京奉合站就隄頭渡北河繞  
道小北圩門直趨楊柳青再渡運河至良王莊以接南行之路所有津郡商貨  
由城廂往者仍至京奉新站由租界往者仍至京奉老站均能裝載津浦車輛  
可控取全路使貿易日增此天津一方面灌輸之利便也至南開設站係因前  
督辦呂海寰與前督臣楊士驥親往隄頭趙家場一帶履勘規畫設立總站雖  
未定議而聞境周知已革道員李德順暗串地販夥設公司在南開預購地畝  
爲龍斷居奇計營謀既定始宣言在該處設站以致津郡商民羣相驚訝推原  
改設南開之故既非優勝形勢又非商業市場祇以私利所圖毅然不顧激成  
公憤旋被奏參由督辦會同前督臣端方復勘南開既不相宜仍在隄頭一帶  
建設總站即與京奉合軌所有京奉餘地皆可取用此南開車站已議復較之  
所由來也原奏稱鐵路以利商便民該處爲商務要地乃謂俟路成後酌酌商  
務是否發達而轉置目前於不問則所謂交通者究何所指查天津西南隅既  
非市場前經督辦奏明該處與本路是否合宜屆時定計今指不顧商民其所  
謂民者祇一隅負戴之貧民所謂商者即營運地皮之夥販耳又謂該處爲商  
務要地陸海通衢見就津郡大勢而言該處爲鹽鹼之區民居寥落距市場甚  
遠至陸海通衢不在南開盡人皆知所擬俟路成後察核辦理尙冀商務稍旺  
酌量籌辦若就目前而論斷無職次混施之理原奏又謂津埠商民困難已達  
極點若該路舍近求遠恐新商之發達尙未有期而舊商之墮頹已可逆料千  
百戶身家性命急切待援何忍深拒固閉必吝此數里之地不爲一通查津郡  
歷年商務因虧蝕以致積欠皆係貨商南開設站與否與該商勢同秦越若指  
全體商業則津浦路成仍由京奉原站輪運實爲舊商增添營業既與京奉合  
軌不另設他站亦何新商之可言又謂何忍吝此數里不爲一通蓋所指即是  
陳塘莊支路由八里台直達南開舊址將來應在遷拆之內者也原摺又謂該

局所復於糜款費時諸要端及商民利便皆置不一答輒以革道李德順南開廢站爲口實並將順直諮議局之電不加審查所謂糜款費時者在修築陳塘莊支路直達南開取道城北與京奉合站并將奏定之棧作廢查該處自西南隅折趨城北經過西園牆勢甚屈曲路軌必須裁彎取直方可暢行斷難循牆前進西園牆左右均是墳墓遷移購種爲難若於奏定路線外仍築已廢之路更設無謂之站則糜款更甚又謂諮議局之電不加審查竊維諮議局爲輿論代表總匯之機關前據電稱近有人謀南開設站私利不顧主權等語夫議員於原籍情事知之豈不較詳以兩省公認之諮議局尙不謂然所謂輿論者究何所指原奏又謂不用李德順舊勘路線何妨偏西另擇善地不知城西一帶皆係荒僻之區民居較南開更少若於該處設站與原奏所稱亟求利便者祇南開一隅之利便殊屬謬戾又謂總站既定隄頭從楊柳青行繞七十餘里非二年後不能接良王莊查津浦總站由新開河繞楊柳青以達良王莊土工已經築成見正趕辦橋工預算本年冬可通車無須俟至二年原奏又謂該處墳墓早已遷徙查西南隅地方自經各地販購定後開有遷墳情事然祇在南開一處其由南開取道西圩門至南運河岸所有圩牆外俱回民塚地圩牆內俱紳民塚地概未遷移語更誣妄原奏又謂數站並立不免顧此失彼並歷舉京奉各路車站以證其說不知京奉各站以次漸進非同時並舉創辦之始風氣未開復經變亂移步換形本非正例津浦路方創造勢難比擬都城將來全路商務日繁仍應展拓無論何處皆可設站以吸商貨是分站之設立當隨時勢爲轉移斷未有膠執成見可以輕言路務者也原奏於該處形勢利害豈不之察必欲積非成是意果何居臣部檢卷見上年前署直隸督臣那桐奏明津浦鐵路弊端摺內稱南開地勢窪下設站斷不相宜誠爲至當不易之論又稱南開地方有人購地二十頃用洋不及四萬元嗣有曹嘉祥張蔚東設立華興公司收買該地作價五十萬兩除運動費外下餘二十萬兩而農工商部註冊則冒稱集股一百三十萬兩以二十頃計每畝六百五十兩可得百萬居奇更獲厚利又有易興公司購地十餘頃大業公司購地二十頃上下其餘

如達道公司有餘堂三省堂半屬捏名架買各等語所有南開一段地畝早爲奸商龍斷以爲罔利之資自南開設站作廢已及一年該處地取人等始願既不獲償而虧蝕所關又不得不極力營謀以圖微幸近來商民先後呈請設立南開分站不一而足聞皆有所指使所陳各節與原奏詞意若合一契此查明請設南開分站之詳悉情形也臣部綜加覆核南開設站前經御史條奏業由署督臣奏明定斷應不敢再有希冀今原奏一再瀆陳飾詞聳聽是否受人請託無從懸揣應請按照前督臣所稱南開設站斷不相宜奏案辦理

又東三省總督錫良奏奉省胡盧島扼海陸形要其港岸足與大連海口並峙其工程宜與錦愛鐵路兼營實關東省全局命脈見在路事雖未定議若修錦州至洮南一段俄人無可置辭自未便遷延貽誤

又郵傳部奏蘇路自光緒三十二年商部奏設公司章程專集華股非中國人資本不收本與商辦路例符合乃該公司近以股本未齊私向外國銀行借款且聞所訂之約於抵押購料各節尤多損失該公司始以商借商還不關政界爲辭不知路政爲附土權純係國有與他項貿易營業由商自主者不侔倘擅收外款一經失敗滋成交涉貽害國家請飭兩江總督江蘇巡撫查禁以免轉轄得旨著張人駿程德全按所奏各節迅速查禁據實覆奏尋奏並無其事德粵領事亦不認有該公司借款應毋庸議

又雲貴總督李經羲奏籌辦滇越鐵路巡警與法駐滇交涉委員寶如華訂警章十三章全路分三段於省城河口中樞設路警公所將原設之駐蒙鐵路局計五百六十二員蒙自爲省城河口中樞設路警公所將原設之駐蒙鐵路局裁撤常年費需銀十萬四千六百餘兩開辦費已用四萬餘兩庫儲無款可挪

懇飭部指撥

又諭趙爾巽電奏據川路公司董事等呈稱滬莊倒欠川路股款滬道辦理違法懇設法歸款並明示追償辦法等情著張人駿程德全督飭蔡乃煌持平辦理不得稍有偏護致激事端

又浙路總理湯壽潛呈軍機處電恭閱本月電鈔上諭盛宣懷著赴郵傳部

右侍郎任並幫辦度支部幣制事宜查盛宣懷既為借款罪魁又為拒款禍首被 簡時壽潛已冒昧有所陳蘇浙借款有如焚溺盛宣懷晏然同任夫路事須受教令於郵傳部 朝廷垂念東南蘇浙已躬被盛宣懷之累復使受其專令忍乎不忍蘇浙奉 旨商辦奉 旨而後提議咎不在蘇浙鈞處亦知蘇浙之拒款盛宣懷實誘之乎其告浙撫與蘇浙京官及兩公司均曰光緒二十九年曾函致英公司聲明杭州鐵路見有他商請辦勢難久待自此函訂之日起如六個月內再不勘路估辦則杭甬及浦信兩路均作罷論以前合同一概作廢此函去後又逾兩年則草合同本應作廢云云訂議者以為可廢而蘇浙人不執之以爭是自負也不但此也三十二年盛宣懷奏案具在所言皆同明明予蘇浙以廢議之鐵券而蘇浙始拒款是拒款之禍首非盛宣懷其誰既誘之矣復食言而鑄成外務部借款之錯袁世凱號稱暴戾顧猶以蘇浙人所執盛宣懷廢議之言持之有故而召盛以決之是款之借不借決於函之覆不覆方上海送行時向云英公司實無覆函蘇浙人正用自壯及到京而為敵圓說竟補具一英公司之覆函有覆函而匿之無覆函而補之盛宣懷必居一於此故蘇浙人於外務部但怪其不應抹閣照禮爾所送無督辦無查帳無工竣後英工程司之借款底稿為倒戈自戕而罪魁則人人始終不忘盛宣懷也輪電礦務國無寸效徑以便盛宣懷之損中益外假公肥私其在上海甲第麗於宮殿享用侈於王公豈尚有人臣之度者 朝廷不察而登用之意以備外交一日之用不知外交之失敗皆為此輩所釀成以鬼治病安有愈理中國大勢危象畢露無可復諱鈞處共國休戚尤宜同民好惡庶政公諸輿論若好民之所惡豈所以仰稟 遺謨弼成 聖德且鈞處為政令所出萬流競進壽潛狂駭輒有同異害即不顧其何利焉壽潛亦人耳安有辭官以為榮枵腹以為樂所以斷斷焉鑠而不舍者蓋以商辦實奉 特旨選 先帝之明昭重全省之公推不專為浙不專為路國之強弱是非而已鈞處若以罪魁禍首為非似應奏請收回 成命或調離路事以謝天下若以罪魁禍首為是必以違 旨商辦為非亦求請 旨嚴飭壽潛無令干預浙路壽潛中國男子得免俯首低眉

受罪魁禍首之教令為幸大矣竭蹶四年不能大開風氣集股僅逾千萬杭滬通車浙路僅三百四十里甬正開工紹始購地又不能善事郵傳部即罪其辦理無效尤敢誹謗大臣懸壽潛之首於藥街以謝盛宣懷而為違 旨商辦者戒亦固其宜壽潛蒙 先帝殊知未及抱 龍髯而升每自愧疚今得從先帝於天上亦算僥倖急不擇詞惶惶待命奉 諭開缺江西提學使浙路總理湯壽潛來電據稱盛宣懷為蘇浙路罪魁禍首不應令其回任請收回成命或調離路事以謝天下等語措詞諸多荒謬狂悖已極朝廷用人自有權衡豈容率意妄陳無非為藉此脫卸路事自博美名故作危詞以聳聽其用心詭譎尤不可問湯壽潛著即行革職不准干預路事以為沽名釣譽巧於趨避者戒又督辦津浦鐵路大臣徐世昌等奏見查津浦南北兩段所開全路應需款項估單計南段需銀二千四百六十餘萬兩北段需銀四千七百五十餘萬兩除原借款悉數撥付外實不敷銀三千三百六十餘萬兩約合英金四百十餘萬磅見在舊票價值漲落無定折中估擬約在九四五扣之譜此項虧折計二十六萬四千磅再留存二年利息及還利費用共四十八萬一千二百磅應共借虛數英金四百八十萬磅擬暫息借津滬銀行零款以應要需至北段工程已達德州以南約須兩月可抵濟南濟南以南各段購地將次告竣土工逐段開築最後之滕嶧一段亦經迅速布置刻日興工南段於五月初料車已達濰州以支銷未便飭將臨淮關一段趕築其固鎮以北宿徐一帶土工修築及半蚌埠橋工墩基亦次第興造報聞

又奏津浦鐵路續借洋款與英德公司擬合同二十三款

又郵傳部奏吉長鐵路將屆行車派員與日本南滿洲鐵路公司酌議接聯營業辦法訂約約十四條大要係彼此客貨互運其車輛來往則自吉長春伊通河車站起至南滿長春頭道溝車站別築路線以連貫之此綫成後吉長任修養之責並有管理全權其兩站界內建築工程則各自分任此外如運貨計算行車時刻通信機關俟吉長行車續行協議

又奏查勘湘鄂路工據赴湘委員呈稱粵漢鐵路在湘省境內計長一千二百

餘里先經合興公司勘定約需工費銀二千八百餘萬兩另須籌還贖路借款本息及未贖回之美國金圓小票利息湘攤七分之三約銀五六百萬兩上年開築長沙涿洲一段長一百五里如改良鑿洞辦法年內可竣工通車其收支款項自光緒三十一年二月開辦起截至宣統二年七月止除息借周轉銀五十九萬三千餘兩不計外計收入優先股銀一百七十二萬餘圓合租股及米鹽雜捐三佛支路餘利折合銀共三百八十五萬六千餘兩計支出付還本息及工程各項費用銀三百四十八萬七千餘兩見實存銀三十六萬九千餘兩至集股收捐之法分爲六宗一爲湘民認繳之優先股一爲隨糧帶徵之地方租股一爲出境米捐一爲衡永寶三府准鹽溢引之配銷捐一爲本境行銷各省食鹽加價之口捐一爲供差員薪派捐股票近由諮議局議決者二宗一爲累進租股係按原有租股層遞加徵一爲房租股係每年派捐一月房租入股是正式股款祇有優先之一百七十二萬圓確係商業性質其餘各項派捐先經奏准或甫議定雖有案可稽實皆涉於懸擬據赴鄂委員呈稱鄂境川漢路綫前由官勘計一千七百餘里約需工費銀六千萬圓皆未實測興工所有以前官款收支兩抵見存三十餘萬兩並驗得湖北紳商設立勸股協會存有六十三萬二千餘圓工既未興款僅得此商民之力已見一斑

又奏正太鐵路營業略稱自上年減輕頭二等客票暨大宗貨物價目以廣招徠添快車以便商旅復剔除各站弊端減員司薪費以期節省綜計宣統元年全年進款銀一百四十四萬九千餘圓除續添成本外支款銀八十二萬二千餘圓比較上年進款增收銀十八萬八千餘圓所得餘利以之撥付大借款利息銀九十二萬八千餘圓尚不敷銀三十萬一千餘圓暫由交通銀行借撥該路歷年虧累太甚見籌辦法不過目前補苴之計若籌長策非於東西兩綫設法展修終無自拔之日查由正定東至德州一綫巨部前經派員勘估所需成本倘由京漢接築除應付利息不計外只需銀四百五十萬圓成本既輕獲利自有把握逆計此路一成即正太與津浦京奉貫通吸收客貨必多而各綫亦交資其益爲效非淺見正籌商辦法俟籌畫就緒奏明辦理

正太概略 我國各路以籌辦正太爲最周折光緒二十三年華俄銀行代理人璞科第與晉撫及晉紳開議承辦二十四年訂草合同約定路綫由柳林堡起至太原止計長五百里借款二千五百萬佛郎限期二十五年付息還本三個月一次二十六年前統實撫晉據舉監范宗澤等稟咨請總署暫行停辦會事起彼此遷延二十八年升任晉撫岑春煊據璞科第議將該路作爲蘆漢支路援照蘆漢合同歸併鐵路總公司督辦盛宣懷奏明從前合同作廢另立合同借款法金四千萬佛郎九扣交付利息金五釐以賣票之第一年起勻二十年還然軌式寬窄尙未論定二十九年外部入挨士巴尼之說以改用窄軌入告得請挨士赴該路測勘以石家莊爲首站與原訂之柳林異盛委道員潘志俊爲總辦時沿道人民都爲外人所誘私賣路旁地者不少盛電請直督晉撫嚴飭地方官示禁潘道稟正太購地遵蘆漢章程酌定地價隨時變通晉撫張會敷咨請購地章程再爲變通至三十年始定照契給價無契者量給購地初定工程司之要求未已最著者爲修築支路及漢廠索償蓋挨士在正太久習知我國情形請修檢次至太谷岔路先爲嘗試嗣後頻請修築支路其請造凡五一太原成都一石家莊東光一太原太谷一太原西安一微水橫潤四岔道經部駁覆而岔道卒照准約需款一百七十萬兩挨士又欲攪辦同蒲部議是路已准商辦卻之米洛哈亦有石家莊東光之請部均不准是爲外人覬覦支路之大略又正太開辦之始曾與漢陽廠訂購鋼料該廠製鋼洋員病不能起監督李郎中維格恐逾期先期請由外國補購部允之挨士以逾期路局受虧函索賠償銀六萬兩漢廠令來廠延公正人評斷駁論年餘由部調停每噸賠償二十七佛郎是爲外人索償漢廠之大略三十三年因建築款項不敷郵部奏准先將京漢餘款項下借撥八月全路告竣派員驗收部以平定州煤炭礦苗露該路運煤必有利足彌虧孔奏明派員調查是爲全路通車後先籌通運之大略大抵正太路綫與全國鐵路相異之點在用窄軌程功較速至其規模辦法略同京漢均由比國人承辦宣統元年始經通行載客運貨原定價值較昂酌

減客貨運收入遂增復於太原府至石家莊每星期添行快車兩次與京漢京奉兩路商訂運煤價單運煤爲正太養路最要之舉三十四年總工程師米來哈請修陝營支路法京銀公司派工程師伊鳳聶來華勘工并請展修太原至西安路綫均經部駁石家莊陽泉兩車站各設公共岔道以便各商裝卸先是太原一路計畫原爲京漢支路添行快車其往來時刻均與京漢銜接至夏秋時山水暴發坡頭亂流等站遭水冲壞因將沿途水道源流地勢兩量詳查擬添培隄岸橋梁明暗溝渠各工部派郎中顏德慶復勘核減原估分別應修緩修工費四十四萬三千圓米復具呈圖說請修徵水至橫澗運煤支路旋奉部駁其與井陘交涉者有二一爲勘界一爲運費勘界始於晉省礦政調查局先是井陘縣稟局請改井陘礦局爲橫西村礦局該局以本部購地在井陘者糾葛甚多稟由北洋轉咨派員勘界部以三十四年准農工商部咨請勘界業札部員譚天池等會勘此次統歸該員履勘是爲勘界之會議運費交涉始於井陘局欠款未付該路局停止車運漢納根稟由津海關道聲明欠款曲折適該局工程師米洛華在京由總局飭令和平了結米呈井陘公司與路局付款辦法九條是爲運費之會議宣統元年六月路工告竣凡廠房車輛站開水塔軌道岔道均修建鋪設有差又奏萍昭鐵路改名萍株刊給關防

萍昭概略 此路始議爲黃長繼爲萍醴又繼爲萍潭終爲萍昭從今名該路爲運煤而辦緣蘆漢粵漢兩路既經決辦鋼料機器凡百需鐵於是鄂督張之洞有製鐵之舉以謀杜塞漏卮然鎔鍊鋼鐵需用焦煤乃由鐵路總公司於長江一帶覓開煤礦遂辦江西萍鄉煤礦局光緒二十四年該局總辦張令贊稟商盛督辦宣懷謂售煤雖旺運道甚難若由黃家灣至長潭建設輕便鐵路省費必多盛以運煤建路咨商賴撫議由萍鄉直達醴陵之雙江口嗣經張令勘估請改舊議直造醴陵南門外與湘粵幹路銜接盛會鄂督入奏得請萍鄉令顧家相謂宜先成黃長再展至長沙與湘粵銜接而洋參贊李治勛道回則謂由黃花橋起至湖南醴陵涿口水次均宜遵奏案辦

理於是萍醴之議始定二十五年盛派知府薛鴻年赴萍醴兩縣趕辦路工稟陳准業主以地價作股局批半價作股半價領見銀訂購地招股章程十二條由黃家灣至萍河一路墊土鋪軌其萍河以下至醴陵則飭美工程師李治參將吳應科接辦於是萍醴始開工以薛守爲萍醴鐵路總辦顧家相稟購地應分上中下三則以平價值如地主在外專款存儲待領二十六年購畢二十七年派詹天佑隨同李治辦理盛督辦以匪氛未靖請飭賴湘巡撫認真保護二十八年匪平德公使聲請借款先是借款造路盛曾與美公使開議禮和洋行亦同時申請盛覆如屆千九百年五月美公司尙未開辦則必先儘禮和故德使據以爲言盛以該路已由總公司自行籌款勿庸置議德使又據原議第九款購料當歸禮和承辦復謂萍醴公司所購材料均係投標德公司亦在投標之列如查價值公道與原議第九款相符自可照辦德使謂據原議萍鄉公司無招徠他行承辦之權如用投標與違犯合同無異盛謂原議公道二字當以西法比例視所開之價是否公道爲斷如不投標何以比例且德公司自謂公道如不公道萍醴公司斷無甘受龍斷之理其議乃罷二十九年鄂督湘撫會同盛奏萍路已造至醴陵粵漢幹路亦議定岳州湘潭同時勘辦則由醴至潭必須速接遂決先築至涿州是萍醴易萍潭之定議薛道稟造橋購地墊土三項均宜冬令如年內併舉則醴陵至涿州九十里來年可完并選馬克來爲工程師三十一年湘紳熊希齡擬於萍鄉車脚內加費辦磁業學堂經薛道議駁十月涿州全路工竣通車總公司與煤礦總局會訂互租地畝合同共五條三十二年熊又稟商部申前請部下局議局覆車脚必難加價惟於行車每月進款項下核定成數按年提給時正議設郵傳農工商部遂暫擱未辦三十三年萍鄉縣開辦公業學堂又稟加價郵傳部下局議局覆擬於盈餘內每月千元酌提五十元供兩學堂之用部駁萍潭全係官款費至二百餘萬如以二十分之一協撥他人則與動用公款無異且後來紛紛請撥亦難爲繼議乃寢薛守稟稱萍潭專爲運煤原議造至昭山嗣湘鄂謂昭山一段應歸幹路礙難接展惟萍工祇

至涿州據三十二年收入僅餘四萬零八百兩若能展至昭山年可多收車脚十萬兩所需材料僅五十萬而展充四十華里較為易辦是為萍潭議改萍昭之緣起大抵該路能陸續展充者因資本均由京漢官款內協撥而養路費出自運煤故工程尚能著著進步三十四年部以萍潭礦廠同時大舉展築昭山運煤可暢遂飭漢口電局總辦李頤考察萍萍沫情形盛督辦據薛守稟咨部請展昭山支路部派知府李大受履勘時湘公司有展築昭山之議湘人反對者紛起適李頤稟報部遂定議奏明專運萍漢煤礦不載他貨為保全湘漢幹路利益地步顧湘公司恐失其利稟湘撫轉請緩辦謂斯舉於湘潭商務及見在商股有礙不如將長株一段趕行開工鄂督湘撫電請部以三策商諸該總理一湘公司即行出費買受二官築行車十年後准湘人買受三路歸官築另附商本以和感情未得覆議鄂督乃請官商合辦盛亦贊成部以合辦固宜然兩全之計不得不謀乃以三策商鄂督一路歸部管轄由公選人查帳二分利分虧辦法三即湘公司買受議未定而湘公司又以迅築弧鐵之說稟督咨部部意展築支路係為萍煤運設法維持廠礦工業起見且原奏聲明准改弧鐵增收車脚不運客貨俱為湘公司通籌大局今該公司始終堅執是與部中始意不合遂電請督撫轉團五月初都察院代奏湘紳蘇縉榮等呈稱萍潭鐵路展築株昭有妨湘路請飭停止得旨率請停止殊屬不合飭部會同鄂督湘撫議奏遂派司員會統籌關廣麟前往湖廣商同具奏未幾蘇撫陳啟泰又奏粵漢鐵路關係重要請飭大臣督辦 朝旨派張之洞督辦十月薛道請飭湘公司及萍昭各派洋工程師會勘以清界限部飭薛帶同洋工程師賴倫往勘又咨督辦株昭路基勘定請電湘撫飭屬出示以憑丈購十二月萍昭路局報會勘易家灣情形而展築與否部中尚須商督辦也自三十四年株昭爭議該段應辦事宜都未定局宣統元年部電萍昭總辦薛道鴻年赴京面商湘公司又陳萍鐵望礙欲將該鐵交辦以利全幹交通後因有人主張限期趕工擬定八月告成預留雙鐵地步部採其說電商湘公司聲覆遂請一年為期餘俱照議部商督辦

迄未得覆事亦暫擱云  
又奏自前年贖回京漢後所有大賠款擔保款項飭鐵路局長迭與比公司爭辯未決經外務部與駐京比使公斷始將憑函作廢本年奏明完結正太舊因窄軌之故以致稅繁貨絀歲受鉅虧部飭製用活軸貨車俾得轉運煤斤於京漢復裁撤華洋員役巴黎公司之工程參贊等員計歲省銀三萬一千七百餘圓並省法幣十五萬四千七百佛郎兼令該路將月解公費銀二千五百兩亦折半解部以資表率總期寓節流於開源俾日起有功而汴洛之洛河橋墩亦趨築歲役其吉長軌綫與南滿交接之法業訂聯絡營業章程權利挽回匪淺查全國官建各路見在興築者日張綫日廣九日吉長日津浦日開海清徐開海早經分道測量張綫自張家口至榮溝堡六站之內橋墩涵洞先後竣工且接展而前冀達天鎮廣九則購地局所已撤第一段通車約六十里第二段大橋三座築墩早畢第三段路基告成吉長則全路土工除橋洞外完者居十之八該路北段從天津抵濟南軌木土方將次歲事其餘五段亦經興工南段自浦口至臨淮料車早已暢駛自臨淮至固鎮路基亦既築完而固鎮宿遷嶧縣各段或初施鋪軌或甫竣購地見正兼程趕造期速觀成  
又內閣侍讀學士甘大璋等奏川省川漢鐵路自奏歸自辦以來籌修計將八年去冬甫獲開工乃集款雖逾千萬除耗費外實存不過九百萬全路需款約九千餘萬尚不及十分之一款既懸差而虧短又復相繼此次上海正元謙餘兆康各錢莊竟倒欠一百三十餘萬之多又利華銀行存款六十萬兩亦屬無著共計約虧二百萬擬請 飭部按律從嚴懲辦  
又都察院奏四川官郵路等以川路股款虧倒過鉅請撤銷總理仍飭督同經手追收欠款以重股本據情代奏得 旨郵傳部查核具奏尋奏據該公司單開存滙路股共三百五十萬約計虧挪各款竟至二百萬兩而蘭格志股票一項八十五萬餘兩尚不在內施典章除虧挪各款應責令擔任歸還外其虛報股票價值侵蝕公司銀十二萬餘兩合依資政院議決辦法一併追繳充公仍候全案完結交地方監禁三年罰金即定為一萬圓繳清後方得釋放喬樹

柑總司全局於滙款虧倒事前毫無覺察一任施典章所為致糜爛至此應撤銷駐京總理至該公司所收畝捐等項應責成上海宜昌成都三處辦事人員暫行會同經管

又陝甘總督長庚奏甘肅鐵路計由歸化至蘭州省城二千餘里約需銀二千數百萬兩請暫借洋款修築並規畫路線分南北二道北路由靈州至山西之包頭鎮取其赴京便捷南路則俟西潼鐵路修通後由西安而達鳳翔府之寶雞縣地皆平坦易修由寶雞順渭河溯流而上先開緯路以利舟行繼以疏鑿平治俾通軌道由甘肅之三岔廳入境而至秦州由秦州沿渭河而上經伏羌甯遠而至鞏昌府由鞏昌而至狄道州則距蘭州省城僅二百里論商務則北路由蘭州達包頭與歸張鐵路接軌商貨流通南路由鞏昌經秦州而達西安水陸皆便論征伐則設遇有事燕晉之兵由北路計日可至固原陝豫之師由西路剋期可抵狄道礮械餉糧朝夕至縱有盜賊亦有所憚而不敢發是修路雖費較臨事與師所省猶多至於南北兩路由鞏昌至蘭州四百里原有可通車道若再由蘭州西達甘涼以迄出關而抵安西州廣積為之於勢亦順而易矣此為將來計畫併先密陳又奏新疆關緊要擬借款接築歸新鐵路就歸化城赴新疆定為歸新路綫其中略可分為七段由歸化至包頭鎮計程三百二十里該處濱臨黃河上通甯夏水陸箱輳商運甚繁包頭產煤產木先儘此段修起作為始基自包頭千一百里至札克蘇吉作第二段又千三百里至土布齊附近即固勒班賽罕水草豐美可以屯田北行達庫倫南行達阿拉善旗之定遠營不難即成市鎮作第三段又七百八十里至蘇吉作第四段又千二十五里至嘉會有沃壤可資屯墾作第五段又九百九十里至三塘湖為新疆鐵西廳之屬境向有戶民種地出產煤鐵天山森林亦茂足供枕木之用作第六段又九百三十里至新疆之古城該處四達衝衢商賈萃萃作第七段由此西至新疆省城僅六站其北則通科布多烏里雅蘇台北西北經布倫托海達阿勒台山東接哈密為嘉峪關驛路南通吐魯番為入南疆大道將來添造支路皆可以此為中心點計自歸化至古城共長六千一百七十里所經為喀

爾喀土謝圖汗三音諾顏札薩克圖汗三部之南境及天山之北路論者或疑關外荒寒養路無費殊不知鐵道經過之處即人煙趨集之方於此與修約有五便草地沙石地質堅實築路之費可省一也道途平直無高山大嶺不勞開鑿二也無洪流巨浸阻隔可免建造橋梁三也地盡開闢不需贖購四也無繞越城郭廬墓之事五也有此五者路工必可事半功倍光緒十八年臣與新疆撫臣陶模會奏邊防事宜曾有展築鐵路之議迄今二十年籌之至熟祇因集款維艱不敢遽申前請近則事機危急更無閒暇光陰待我從容緩步若猶築室道謀恐他人必有起而爭我路權者後雖悔之噬齊何及前見郵傳部奏定籌畫全國軌綫一摺亦列新疆在內且謂東南尚可集股於紳商西北必須借資於外債實為洞悉情形之論果能酌借外債數千萬金以充歸新鐵路經費分段趕築期以十年告成則西陲之事猶可為也並下部議奏尋郵傳部等會奏鐵路性質約分為二內地則計懋邊境則重徵調臣部奏定軌綫全圖西幹自京城歷潼關蘭州以至伊犁北幹自京城歷張家口庫倫以達恰克圖北支自庫倫抵科布多西支自太原歷大同至張家口與北幹相接是西北等路業經籌及原奏所陳五便僅就節省路工而言究竟修養之資有無把握應俟籌有的款實行開辦至所議甘肅兩綫一繞靈州一繞寶雞似不如臣部奏定西幹較省紆折總之目下造路必資借款將來如何籌還本利如何防守路綫俟籌有辦法再行酌辦

又山東巡撫孫寶琦奏建築膠沂鐵路款鉅期迫擬借公債八百萬兩分三十年籌還本利並擬創辦內地捐以作抵款

又四川總督趙爾巽奏請修四川省城至打箭爐廳車路略稱由成都至西藏程途萬里而遙岡嶺跬步皆是控制轉輸諸多阻滯非將道路修開能行車運無以便輪達而益邊陲迭准駐藏大臣聯豫邊務大臣趙爾豐咨稱由前藏至察木多開修車路由藏擔任察木多以內至打箭爐廳由邊主持分段派員勘測興工打箭爐以內至成都省城咨由臣撥款與修查由爐至察由察至藏兩段路工既由邊藏分任而成都至打箭爐雖係關內中間大山橫互若大相嶺

飛越嶺素稱險峻有礙轉輸非一律修治開路與關外連接仍難收靈通之效且邊藏用人用物無不恃川省爲藪致欲爲邊藏謀進步爲川省策遠圖則興修成爐一路尤不可緩見擬派員逐段勘修其路幅仿邊藏辦法以寬一丈五尺能容牛車兩輛往來爲度高山峻嶺設法繞避不能則開鑿此外尚有溪澗交午鄉民兩岸支架木橋或兩山壁立中橫鐵索而渡者勢甚危險必須另闢新路或將大小橋梁易修堅固期利挽運綜計此項路工由成都至雅州府修治尙易由雅州至打箭爐廳則鑿險縫幽工艱費鉅需款若干刻難預定已派員查勘估計工價需銀若干擬請將來於稅契經費盈餘肉釐津捐節存各款內作正開銷

又郵傳部奏道清鐵路營業略稱自借款收回逐年比較雖增除行車經費外尙不敷借款利息茲清結宣統元年收支大數計全年進款共銀二十五萬七千餘兩支款共銀十七萬三千餘兩收支兩抵應餘銀八萬四千餘兩以付借款利息三十一萬四千餘兩尙不敷銀二十三萬餘兩由部暫向交通銀行借撥

道清概略 自道口至清化鎮長不過三百里其始以澤襄爲緣起其繼以懷浦浦信爲波瀾其究乃以道清爲歸結光緒二十四年英公使請造鐵路五條末條擬由山西河南以達長江總署覆侯福公司晉豫開礦工程成後再商英使即據山西礦務局與福公司議定章程第十七條內載或須添造分支鐵道接至幹路或河口之言謂此河口即在襄陽可達長江來相駁詰即所謂澤襄鐵路二十五年英使又以襄陽至漢口水道不暢商請改道由河南懷慶府與蘆漢接渡河口過安徽以達江蘇之浦口是由澤襄一變而爲懷浦御史張荀鶴疏是其議總署以由開封至浦口與原議不符且遠跨豫皖斜亘南北隱然增一幹綫於形勢未便咨督辦妥議冬福公司請辦道清總署亦以與原議不符福公司能罷懷浦則該路可通融英使謂此與懷浦無關二十八年又重申懷浦外部函商盛督辦酌定辦法是時福公司堅意欲遵懷浦比公司以爲損蘆漢利英使謂無礙取決於盛福公司代理人

哲美森到滬面商豫撫亦以該公司總工程師柯瑞到豫請定議盛以蘆漢本息艱鉅懷浦若成長江下游客貨必爲所奪執不允哲允由郟城迂道出浦口盛以由郟城出不如仍循幹路而東由信陽直至浦口英使原議五條本有浦信福公司與銀公司同爲英商似可合辦而哲及英使仍執不相下二十九年英使重向外部聲請將已定澤道鐵路由福公司代於借款照正太章程辦理旋復澤道原議由福公司備款自造不應由我國借款收路晉撫張曾敷條列不可許者八端英使以澤襄不得當必欲取償於道澤蓋英國先欲自辦嗣以長江取道之策不行而道清養路費難支故欲我借款收回迭催外部訂立合同部催盛定議派詹天佑查勘時已成之路道口至清化鎮九十餘英里其清化至澤州三十八英里尙未起造名爲澤道實則道清三十年詹天佑到京與哲議價共英金六十一萬四千六百鎊三十一一年定議總公司與定借款合同二十一條行車合同十條礦務合同四條由盛督辦會同晉撫豫撫具奏得請委道員程祖福接收豫撫奏撤河北礦務局先是道清定議奏明已成之路由道至清其實僅至柏山由柏至清尙有三英里餘哲請展修柏清續借華銀七萬餘兩盛將道清帳目并勘估柏清咨部三十二年移交案卷由侍郎唐紹儀代之福公司又要求二事一合辦銘化廠先由盛與哲議至三十二年工程司梁恪思函請接洽外部議緩辦一澤清支路部詢晉撫覆稱晉人以礦務憤激福公司節外生枝恐多未便部據以駁覆三十三年柏清開車是爲該路定議後之辦法大概道清養路費甚難福公司前擬運煤後以開礦及取道長江之議不成遂欲以我國承受其虧故該路自三十一年以前均係往來折衝之事至勘綫估工集股則尙從略三十四年晉省贖回福公司礦務該路轉轄乃因以作廢福公司總董梁恪思將該路行車年結限於西曆一千九百七年分暨辦理情形呈報總辦黃仲良亦將該路裝運辦法呈部路局以豫省抽收運煤車費有礙車務稟部部電豫撫林紹年查辦據覆作罷宣統元年道清局據巴白稟請添購煤車二十五輛并購拖帶客車之機車一輛蓋該路商務頗有起色客貨均見增加添購



自爲急務惟墊款及年息辦法總局意見不同往返駁論多始商定年息五釐息上加息暫由本路虛懸帳內待行車進款歸還云

又資政院奏議決修築蒙古鐵路計路線三條一曰張恰爲東方貫通內外蒙古由南至北第一要道經郵傳部聲明籌辦自應從速興工一曰張錦爲內蒙古交通要道亦經部規畫自張家口至熱河查路綫專達熱河似覺未當不如避越熱河由多倫廳赤峰州朝陽府以達錦州爲善一曰庫伊此路由東至西以貫外蒙古爲國防計亦不可少雖路線太遠未經實測則經費多少工程難易毫無把握且將來或由庫倫經烏里雅蘇台以通伊犁或取道甯夏以通伊犁非實地測量不能確定應從緩辦請 飭郵傳部先將張恰張錦二路從速籌辦一面測量庫伊路線應由何處達伊犁規畫詳明俟明年開院再交會議下部知之

又郵傳部奏滬甯營業略稱滬甯鐵路中經蘇常鎮三府皆商務繁盛之區特因外江內河平行並進而路線又僅長六百里兩端尚無銜接之路加以釐捐比水卡尤重商貨不前進款遂少而借款本鉅息多計進款較往年雖增除開支所餘尙不敷借款利息茲清結宣統元年收支大數計全年行車進款共銀一百七十九萬六千餘圓支款共銀一百二十一萬四千餘圓收支兩抵應存餘利銀五十八萬一千餘圓以付借款年息一百六十六萬二千餘圓實不敷銀一百八萬一千餘圓由部暫向交通銀行借撥

謹案滬甯鐵路成本之鉅爲世界各國所罕有今收支兩抵不敷至百餘萬圓年復一年安有贖還之日部臣全不措意僅以借撥了事可勝慨哉

滬甯概略 自光緒二年購回松滬鐵路識者早知日後必興路政二十二年南北洋大臣據督辦盛宣懷言入告得請開辦之基乃定二十三年盛奏先由吳淞造至上海由上海至蘇州其蘇州至江甯一段俟開車後續展二十四年總署准怡和匯豐銀公司承辦滬甯鐵路先立草合同盛委潘道學祖會同英人瑪禮孫勘測瑪出篋中所藏蘇滬鐵路圖說以爲藍本二十六

年測竣會舉匪事起英人亦以塔國亂事暫停二十九年盛督辦會同江督蘇撫奏准正合同共二十五款息借英金三百二十五萬鎊仿蘆漢幹路美款辦法由英怡和兼代匯豐代理之銀公司辦理年息五釐期五十年以已成之淞滬暨滬甯全路產案作押盛委知府崔鼎繡譯沈德耀會同銀公司所派之總工程師格林森覆勘居民以外人穿屋毀垣擊山開道屢起疊端其甚者爲蕩河之變蕩河隸金匱縣入境測勘樹標於民居屋脊鄉人鳴鑼攻之縣尹多方開導乃定工程司要求重懲居民相持至三十年案始結二十九年怡和銀公司呈請招商包辦總辦朱寶奎等駁以假手包工失權糜費仍照原合同辦理三十年潘道稟測蘇滬完工接勘錫甯真茹廠董事錢澹等呈請真茹至南翔原勘路線橫互各村阻礙過甚請另勘以免殘破鎮江紳士嚴作霖以初勘係繞城西之寶蓋山再勘由南至西穿寶蓋山毀村較多請如原勘定議由局分別准駁是借款成後勘綫之情形也三十二年商部以滬甯原估美金二百萬鎊見開款項達三百五十萬鎊飭局詳細開列盛以該路趕速竣工爲節費如能三年完工將逐段行車所得之車價存款回息一併湊用所省較多三十二年蘇紳王同愈等公電侍郎唐文治謂銀公司以購地款絀及物料增貴爲詞於原約外另賣小票一百萬鎊是借款愈重還期愈遠擬由蘇省自行擔任蘇紳內閣學士吳郁生亦以滬甯糜費不貲請剋期竣工早日贖路得 旨責成盛宣懷收回盛將辦路情形及照原估所減十成之一奏覆並稱嗣後不足之款只須蘇省自籌毋庸續發小票三十二年蘇滬開車唐文治以工款不敷奏請續借六十五萬鎊錫金商會稟郵傳部請將蘇錫漕糧由火車搬運三十三年工程師格林森請就滬站造一支路直達上海之蘇州河沿江督援杭省兩城築路例奏請添築江甯之下關支路長七英里是分別建築之情形也該路一切工程限於借款合同不無糜費然工堅車美實爲各路之冠開車後日求擴張商務因與所定海關稅則諸有衝突三十四年擬酌加代理員章程經部核定鎮江英領事以租界馬路通至車站尙須整頓添派巡警查察道員鍾文耀接充該

路總辦改訂總管理處辦事新章暨各科權限英使朱爾典照會外部謂滬甯遠章徵收與合同不符當咨度支部江督蘇撫會議宣統元年度支部咨商滬甯鐵路畫一捐章辦法督撫蘇滬金陵三釐局滬甯路局議定捐章并原合同分晰清摺計十三條遵照部定辦理是爲蘇省牙釐之定議至增卡保軌一事南洋大臣據鎮江關暨洋務局詳稱滬甯沿路鄉民借端滋鬧擬保安辦法四條又請按軌設卡駐兵巡察爲保護路軌之用部以增兵設卡籌費維艱惟有嚴飭沿路員司認真辦理咨覆電車勘界事始於宣統元年總局以畫清界限不得與電車聯接咨外部聲明上海租界與滬甯路界不相毗連而案始結招徠商務爲該路養路要政該局呈辦法八條最要者重大權以馭洋員培人材以維路務兩端爲本路管理之大略

又 諭有人奏郵傳部官辦鐵路濫借濫費懇及時飭查整理一摺著盛宣懷吳郁生按照所奏各節確切查明認真整頓並將該部所有每年收支出入款項通盤飭查有無弊端據實奏明一面咨度支部查明以裕國用原摺並鈔給閱看尋奏郵傳部借款實係用在路工並非賠墊息耗已成之路多有入不敷出非藉京奉京漢兩路所餘以資挹注津浦借款扣用小二五名目係照合同辦理酬勞一款業已刪除京奉用人較多時有增減惟並無額外學習等名至挂名乾修兼差津貼已經裁撤折舊一項均經列入雜收車行用煤之數應以車行見數之多少爲定且機車有省煤費煤之別車行有重載輕載之分煤質有純較優劣之判斷難強爲比例以上各節皆係查明實在情形惟有力加整頓以期擴清積弊

又郵傳部奏京奉營業略稱全年客貨進款共銀一千一百三十七萬餘圓行車養路經常支款共銀三百八十八萬一千餘元撥付本還息支款銀一百八十八萬八千餘圓收支兩抵應餘銀五百六十萬一千餘圓除續添工程車輛成本銀六十七萬八千餘圓新坵煤礦經費銀十三萬九千餘圓外所餘由臣部撥解各項要需藉資接濟

皇朝續文獻通考卷三百七十一

郵傳考十二 路政

宣統三年候補四品京堂趙炳麟奏 臣奉 飭督辦廣西桂全鐵路籌款運料人事地勢均屬無可設法若輕易下手必至國帑耗散路綫無成惟長永路能於二年內修到黃沙河自當先修桂全鐵路以接湘漢而通京畿如長永路遙遙無期則當先修梧州至桂林一綫此綫運道方便由桂通梧由梧乘輪船可旁通南甯潯州直達廣東交通便捷利息較優惟綫未勘定請 飭郵傳部飭工程司勘完桂漢便勘桂梧需款若干詳悉報告勘費由部擔任

又郵傳部會奏京漢鐵路贖回時借用度支部官款銀五百萬兩今借日本正金銀行一千萬圓訂立合同以二十五年歸還此項借款除還部外作為各路還本還利之用所立合同應否由部簽字得 旨著郵傳部尙書簽字

又奏洛潼路綫擬請援案穿過新安城垣

又 諭端方著以侍郎候補充督辦粵漢川漢鐵路大臣迅速前往會同湖廣兩廣四川各總督湖南巡撫恪遵前旨妥籌辦理

又郵傳部奏續辦張綬鐵路亟宜趕緊開工以速進步

又給事中石長信奏我國興造鐵路事前並未謀定後動如有一定方針自無擾亂紛歧之弊夫鐵路為縮地良法國與民所利賴然有輕重緩急之分其縱橫直貫一省或數省而遠達邊防者為幹路自一府一縣接幹路者為支路幹支互相為用如百川之彙江河國計民生兼籌並顧惟有明定幹路國有支路民有之辦法明白曉諭使天下人咸知國家鐵路政策之所在上下有所遵循不至再如從前之羣議龐雜茫無主宰當此時事日急邊防重要 國家若不趕將東西南北諸大幹路迅速興築則強鄰四逼無所措手仰懇 乾綱獨斷不再游移在德奧法日墨諸國鐵路均歸國有而我分支路與民已為優異況幹支相輔於事稍易此路政之大綱亟宜明定辦法者一也查東南幹路以粵漢議辦為最早光緒二十六年督辦大臣會同湖廣總督等奏准借美款興造訂定合同已築佛山三水一百餘里廣州至英德幹路亦購地開工乃三十年

春張之洞忽信王先謙等之言不惜鉅資徑向美公司廢約原欲集鄂湘粵三省之力以成此路詎料悠悠數年粵則有款而紳士爭權辦路甚少湘鄂則集款無著徒糜局費張之洞翻然悔悟仍議借款築造乃向英德法三國銀行訂借款草合同正欲入告因美國援案插入暫緩張之洞旋即病故此事遂一擱至今計自廢約以來已閱七載倘若無此翻覆粵漢早已告成亦如京漢已屆十年還本之期矣至川漢集款皆取諸田閒其款確有一千餘萬紳士樹黨各懷意見上年始由宜昌開工至歸州以東此五百里工程尚不及十分之二三不知何年方能告竣而施典章倒帳至數百萬之多此川粵漢幹路之潰敗延誤亟宜查辦者又一也近雲貴督臣李經羲議造滇桂邊路於國防尤有關係然不有粵漢幹路自湖南之永州與廣西之全州相接則滇桂何能自守考之列強造路無不由腹地以達邊陲斷不能使邊路孤立與腹地不相聯貫不特修養之費難籌即防守之兵亦難往援是以日本欲籌朝鮮鐵路必先收其國中民辦鐵路今我粵漢直貫桂滇川漢遠控西藏實為國家應有之兩大幹路萬一有事緩急可恃故無論表延數千里之幹路斷非民間零星湊集之款所能圖效即使遲以十年或二十年造成之後各分畛域有事之際命令不行仍必如東西洋之議歸國家收買此幹路之必歸國有者又一也國家成法行民寬厚雖當財政極困不肯加賦川湘見因造路册租股名目每畝帶徵以充路款聞兩省農民皆怨偶遇荒歉追呼尤覺難堪但路局以路亡地亡之說驚嚇愚民不得不從川省民力較舒尙能勉強擔負湘民本非饒足若數年之間強逼出此數千鉅萬之重資而路工一日不完路利一日無著深恐民窮財盡欲圖富強轉滋貧弱是以幹路歸國有薄海百姓必無阻撓況留此民力以造支路其資易集其利易收使土貨得以暢行亦如河南之芝麻黃豆輸入數十萬民閒漸資饒富此支路之可歸民辦者又一也如蒙 採擇應責成度支部籌集款項並令郵傳部將全國關係重要之區定為幹綫國有其餘支路准由各省紳商集股辦理庶幾緩急輕重不為倒置得 旨所奏不為無見著郵傳部按照各節妥籌議奏

又 諭郵傳部奏遵議給事中石長信奏鐵路亟宜明定幹路支路辦法一摺所籌辦法尙屬妥協中國幅員廣闊邊疆遼遠袤延數萬里程途動需數閱月之久朝廷每念邊防輒勞宵旰欲資控禦惟有速造鐵路一策況憲政之諮謀軍務之徵調土產之運輸胥賴交通便利大局始有轉機熟籌再四國家必得有縱橫四境諸大幹路方足以資行政而握中央之樞紐從前規畫未善並無一定辦法以致全國路政錯亂紛歧不分支幹不量民力一紙呈請輒行批准商辦乃數年以來粵則收股及半造路無多川則倒帳甚鉅參追無著湘鄂則開局多年徒資坐耗竭萬民之膏脂或以虛糜或以侵蝕恐曠時愈久民累愈深上下交受其害貽誤何堪設想用特明白曉諭昭示天下幹路均歸國有定爲政策所有宣統三年以前各省分設公司集股商辦之幹路延誤已久應即由國家收回趕緊興築除支路仍准商民量力酌行外其從前批准幹路各案一律取銷至應如何收回之詳細辦法著度支部郵傳部懷遵此旨悉心籌畫迅速請旨辦理該管大臣毋得依違瞻顧一誤再誤如有不顧大局故意擾亂路政煽惑抵抗即照違制論將此通諭知之

又郵傳部奏粵漢鐵路鄂境川漢路借款正合同簽字勢難久延請將該部批准前案先行取銷

又 諭前經降旨鐵路幹路收歸國有並派端方充督辦粵漢川漢鐵路大臣飭令迅速前往妥籌辦理朝廷所以毅然行之者固以統一路權亦藉以稍紓民困當川路創辦之初該省官紳定有按租抽股之議名爲商辦仍係巧取諸民至今數年之久該路迄未告成上年且有倒虧鉅款之事其中弊竇不一而足是貽累於閩閩者不少而裨益於路政者無多嗣湘省又復踵行租股該省地方瘠苦更非川省可比際茲新政繁興小民之擔負已重倘不諒加體恤將此項無益於民之舉早日革除歲獲幾何取求未已其何以堪見將鐵路改歸官辦自降旨之日起所有川湘兩省租股一律停止其宣統三年四月以前已收之款著郵傳部督辦鐵路大臣會同該省督撫詳細查明妥擬辦法奏閱總不使有絲毫虧損以致失信吾民倘地方官有隱匿不報者一經發覺立予嚴

參不貸此外如有另立各項名目捐作修路之款一併查明請旨辦理著該督撫迅即刊刻謄黃徧行曉諭以示朝廷體念民艱之至意

又 諭電寄湖南巡撫楊文鼎電奏悉鐵路幹路收歸國有業經降旨宣布定爲政策並派大員督辦萬無反汗之理茲據奏稱湘省羣情洶懼譁噪異常徧發傳單意在煽動當即切誠各界紳首趕緊勸諭開導並嚴飭分投彈壓等語湘省民情浮動易滋事端著該撫嚴行禁止剴切曉諭不准刊單傳布聚衆演說倘有匪徒從中煽惑擾害治安意在作亂准如所擬照亂黨辦法格殺勿論責成該撫認真防範消息未萌毋稍姑息設有疏虞釀成重案定惟該撫是問並諭郵傳部端方瑞澂知之

又度支部郵傳部致湖廣兩廣四川總督湖南巡撫電昨奉 諭旨幹路國有定爲政策商辦幹路一律取銷應如何辦法悉心籌畫迅速請旨辦理等因查川漢粵漢皆屬幹路遵 旨會議收回詳細辦法尙需時日應請知會該鐵路公司毋庸停工以免夫役分散原用員司一概仍舊並請速派大員前往該公司查明商辦已成之路及已造未成之路各若干已用股款若干見存材料及銀兩各若干迅速電覆以憑請 旨辦理再國家收回幹路係爲國計民生兼籌將來會議辦法擬俟查明帳目否到公司實收實支款項或由部籌還聽商民自辦支路及可靠礦務或一時無支路礦務可辦願領國家公債股票按年保息分期歸本亦可聽便請分別電覆藉資參酌目下工程仍責成總協理及工程師辦理俟奏派督辦大臣到工並循案會同督撫趕辦原有之總協理或可酌量改爲幫辦以資熟手

又郵傳部奏遵 旨接辦粵漢川漢鐵路借款合同磋商定議略稱前奏粵漢川漢鐵路借款正合同勢難久延請將批准前案取銷奉 旨依議 臣宣懷遵按草合同與英德法美四銀行代表磋商原議五釐息九五扣借款英金六百萬鎊一爲贖回前美國合興公司發售金圓債票約計五十萬鎊一爲建造官路幹綫由湖北武昌府起經岳州長沙至郴州宜章縣止又造幹綫由廣水起經襄陽荊門州至宜昌止又造支路自漢陽府起至荊門州止今改議將漢荆

支路六百里刪除以分支幹界限並因宜昌以上山路崎嶇非用專門洋工程  
司不能妥速議將宜昌至夔州鐵路約六百里抵補截去之漢荆支路自開工  
日起限三年造竣惟宜夔路綫艱難期限准其稍長此合同畫押後六個月內  
在武昌長沙廣水宜昌四處同時開工以赴幹綫速成之宗旨又原議建造工  
程如有不敷則向銀行續借洋款其利息條款仍照見時合同而價值須九四  
五扣且須另加抵押之餉源今改議如不敷續借照本台條款續借第二批  
債票毋庸多扣亦毋庸再加餉源抵押其數不逾四百萬鎊惟因不加抵押年  
限須改四十年仍訂明十年後無論何時均可還清第十七年後仍無須加二  
鎊半則雖稱四十年之限仍與二十五年無別又原議本台第二款所言之  
鐵路將來或以為有益或以為須造支路如須用外國資本先儘銀行等商辦  
今改議為如欲展長先以中國款項自造如須借外資倘銀行等所給之條款  
利益不少於別家則先儘銀行等商辦又原議或在中國或在外國所存鐵路  
款項皆須存於匯豐德華匯理各銀行今改為照淨數一半存於郵傳部所指  
之交通銀行或大清銀行又原議於購買材料皆注重外國即鋼軌大宗亦言  
明一半購買承辦借款之國今改為鋼軌及附件自行製造供用以及購買中  
國材料皆不給用錢其外洋材料須由郵傳部選聘專門工程師驗看貨物又  
原議附件內言津浦鐵路原訂合同最為詳善允准酌照辦理因語涉籠統太  
無限制已將此件刪除以上各節於原約稍可力爭者舌敝唇焦始得挽回數  
事實已無可再爭至於將來造路之遲速用款之繁簡駕駛工程司之疎密是  
在督辦大臣之挈領提綱及所派各路總辦之精核勤察冀冀接議合同二十  
五款繕單呈 覽應否由郵傳部簽字蓋印請 旨遵行奉 旨著郵傳部大  
臣簽字

田租外尚有米捐鹽捐房捐各名目似此層層剝削不惟取之富戶且致擾及  
貧民倘不一律停收仍不足以示體恤詳閱該員等所奏頗能仰體朝廷德意  
俯察民生疾苦著即將湖南省所有因路抽收米捐鹽捐房捐各股與前項稅  
股概行停止其已收之款仍著郵傳部督辦鐵路大臣湖南巡撫恪遵前旨一  
併詳細查明妥擬辦法奏聞不使有絲毫虧損並著該撫刊刻謄黃再行曉諭  
毋任隱匿遲延以廣仁施而紓民力

又 諭楊文鼎奏湖南諮議局呈稱湘路力能自辦不甘借債據情代奏一摺  
鐵路幹路收歸國有業經定策宣示並飭將川湘兩省租股停止及將已收之  
股妥籌辦法係因商辦幹路徒增民累朝廷為減輕小民擔負起見改定政策  
仍不使稍有虧損在百姓當樂從之不暇豈有反抗之理該省諮議局不免誤  
會所呈各節語多失實迹近要挾楊文鼎身任地方息事安民是其專責既經  
明降諭旨果能仰體朝廷愛民之意曉以利害則切開導羣疑當不難盡釋乃  
於甫經決定政策竟率行代為演說殊屬不合著傳旨嚴行申飭又昨降旨飭  
將湖南省因路抽收各捐停止朝廷體恤民艱無微不至仍著該撫遵迭次  
諭旨一面切實勸諭一面會同妥籌辦法如有匪徒暗中鼓動致生事端即著  
從嚴懲辦倘再措置失宜釀成重案定惟該撫是問

又 諭張鳴岐電奏收回粵路有人倡議抵抗不用官發紙幣紛紛持票領銀  
奉勸省垣市面擬向外國銀行訂借見款五百萬兩以備周轉請特予照准並  
請早定歸還股本辦法各等語借款周轉事關緊急著外務部度支部速議具  
奏歸還股本一節仍著度支部郵傳部督辦粵漢川漢鐵路大臣妥速議奏

又 諭御史黃瑞麒奏借款官修幹路宜仍留商股一摺又片奏請飭將停收  
以前所收米鹽各款悉數解交公司不准挪用等語著度支部悉心議奏

又 諭張鳴岐電奏粵民對於路事抗拒情形酌擬辦法請堅持國有政策准  
令商股悉領見銀等語著度支部等歸併前案妥速議奏

又 諭御史陳善同奏借款修路利固甚溥害亦相當就合同另擬安插已收  
股款辦法一摺著度支部等知道

又護理四川總督王文韶奏四川紳民羅綸等二千四百餘人呈稱疊讀收路國有 諭旨並盛瑞兩大臣會同度支部酌定辦法不敢從命查兩大臣電稱川股由部籌還必借洋債必照湖北以川省部有之財政作抵等語是意在挾持川人不還股款可知又度支部會議細則謂公司股票如願領保息股票除倒帳准不折扣等語是倒款固永不歸還路本又必折扣可知又度支部會奏謂湘粵商股一律照本發還川路用款准給保路股票其存款或令入股或歸本省舉辦實業等語是川路雖有商股不得如湘鄂商股照本發還又可知部臣對待川人種種以威力從事毫不持平敢同聲籲於我 皇上之前惟裁察焉得 旨鐵路國有政策早經宣示借款合同係有旨諭令簽押決無反汗之理該護督一再瀆奏殊為不合著仍遵遵迭次諭旨辦理倘或別滋事端定惟該護督是問

又 諭王人文電奏據四川諮議局呈稱川省紳民自奉鐵路改為國有之命紛紛函電請飭暫緩接收緩刊騰黃等語覽奏殊堪詫異鐵路改歸國有乃以商民集款艱難路工無告成之望川省較湘為尤甚且有虧倒鉅款情事朕削脂膏徒歸中飽殃民誤國人所共知朝廷是以毅然收為國有並停收租股以恤民艱該省諮議局不明此意輒肆要求是必所收路款侵蝕已多有不可告人之處一經宣布此中底蘊恐不能始終掩飾難保該局非受經手劣紳之請託希圖朦混為延宕時期接續抽收之計不然前降諭旨指明停止租股並飭妥為辦法何至誤為捐款強詞奪理情偽顯然該署督目擊情形一切弊竇應所深悉乃竟率行代奏殊屬不合王人文著傳旨嚴行申斥仍著迅速刊刻謄黃編行曉諭並隨時切開導俾眾周知至已收租股並著趕即查明由度支部郵傳部督辦鐵路大臣會同該署督妥籌切實辦法請旨辦理

又度支部會奏遵 旨籌畫川粵漢幹路收回詳細辦法略稱 臣等會議粵漢鐵路於光緒三十二年改歸商辦不惜鉅資贖銷美債借款合同實係張之洞主之宣統元年又與四國訂立借款合同亦係張之洞主之豈好為其難哉亦實見商辦之難見成效鄂湘商股固甚微薄瑞澂電稱鄂路並無尺土寸料湘

路雖有米捐鹽捐田租房捐然路綫甚長民計甚窘竭力搜索告成無期故張之洞絕不迴護前旨遺摺尙言此次粵漢川漢鐵路關繫繁重必須官為主持俾得早日觀成並准本省商民永遠附股藉為利用厚生之資又查移交案內總理余肇康致張之洞函稱湘省財力有限斷難賺得大宗以之專造涿昭或可敷用此外工程自非多分數國籌借不可惟盼早日定局以期從速開辦此張之洞奏請鄂湘借款紳士認可之情形也至川省則已收租股等項一千數百萬兩粵省則自丙午起已酉四月止商股已收第一期第二期銀一千數百萬兩果能切實進行粵路自黃沙至坪石不過六百里川路自宜昌至夔州亦僅六百里已可觀成將謀接綫乃六年之久粵路僅造一百七十里尙有前用美款造成黃沙至高塘幹路棠涌以下六英里已安鋼軌棠涌以上六英里築基已成未安鋼軌共計十二英里合三十六華里在內又石圍塘行車處接收物料值銀九萬三千餘圓又黃沙貨倉接收物料值銀四十四萬六千餘圓又已買地價計銀十二萬三千餘圓一概估折移交詹天佑到粵新釘鐵軌之路由黃石站至黎峒二十一里尙未開車自黎峒至韶州二百二十九里內僅築過半而支款已一千四百七十七萬餘兩僅存材料價銀七十四萬八千餘兩去年郵傳部覆奏袁樹勛奏粵路弊混一摺據候補參議龍建章等查粵路自丙午開辦至己酉第五段通車止一百四十五里用銀六百二萬五千餘圓每里攤四萬一千三百餘圓核與梁誠電稱每里二萬餘圓孫謀面稱每里二萬六千及二萬九千圓數目不符造路如此之少用款如此之多且歲月遷延恐新路未成而一百七十里之枕木已朽爛矣又川路據道員馮汝驤電稱宜昌路工除北京滙漢成渝費用不計外自光緒三十二年七月設局起至宣統元年十月止支開辦費約計三十三萬餘兩自元年十一月開工起至三年四月止共支出銀四百十餘萬兩見在材料約值六十餘萬兩內有未付之價十一萬餘兩購入地畝計值十九萬餘兩見在錢莊生息十萬兩見銀二萬餘兩宜局向無多存款按月須在滙漢撥支路工計由宜昌至歸州總長二百八十餘里分十段均開工已成通車運料者三十餘里橋峒未完未通車者八十餘

里在工夫役四萬餘人俟接收之員到工方能截數造報又據四川護督王文電稱存款僅七百餘萬與宜昌所報合而計之共計一千一百數十萬其餘施典章上海倒帳約計三百萬前經四川官甘大璋等嚴効在案總之鐵路國有民有本屬無甚出入目下國計艱難果能商民實力舉行不致延曠虛糜亦可毋庸遽歸官辦無如取諸民捐則如王人文所言催比追呼繁與訟獄閭閻愁歎不絕取諸商股則如袁樹勛所言糜費作弊工程草率股東概不與聞在商民受害無窮而國防關繫尤鉅 朝廷毅然收歸國有銷除商辦各案實亦出於萬不得已之辦法今據御史黃瑞麒奏稱收回幹路而不將所收股款絲毫給還固為失信但還股款而不使民間享修路之利仍不免為失信且京奉鐵路至今商股未退幹路國有不完全官股可知擬請 明降諭旨將川漢粵漢以前所抽所招各股改換官辦股票仍照原定官利按時給息路成之後一律分給紅利其有不願領換股票者即將原股如數給還不使有絲毫虧損且各項加征之股款雖當停止以恤民艱而全國富商未嘗不可招之使來以期眾擎易舉所陳不為無見 等電致各省督撫即是此意其所為難者四省情形各有不同受弊輕重亦異 等仰體 聖意俯察輿情但求於國際力圖進行決不與民爭利應即准如該御史所請將粵川湘鄂四省所招所抽之公司股票盡數驗明收回擬由度支部郵傳部特出國家鐵路股票粵漢川漢仍分兩種照數更換仍照長年六釐支息倘欲抽還股本約以五年後分作十五年還本從前京奉鐵路所留商股不分餘利此次格外從寬如有餘利按股均分並准將此項股票向大清銀行交通銀行按照行規抵押以便流通惟該公司願領此項國家保利之股票者則悉照歷年路工支出之款除倒帳外毫無折扣倘或願領資本不願換領國家保利股票者必應分別辦理以昭平允一粵路全係商股已收之第一批每股一圓第二批每股一圓五角近因路工遲滯糜費過多票價每一圓跌至二角刻因有人收買漲至四五角見擬每股從優先行發還六成每二圓五角先發見銀一圓五角以路工及材料支款一千四百七十餘萬按里攤算實不知袁樹勛所奏每里費銀五萬七千餘圓之

數虛糜已達極點其餘每股四成久在虧耗之列此皆任事人及股東查帳員應職其咎在出股者不無可原然所舉非人漫無覺察亦屬自失股東權利見擬格外從寬將四成一圓之數另發國家無利股票俟路成獲利之日准在本路餘利項下分十年攤給以示體恤一湘路所收五百數十萬內有米捐鹽捐租股房股各項四百餘萬兩商股約一百萬左右支款內開修路購料約二百餘萬兩據余彥康電稱涿洲至長沙一百餘里已經完工開車碼頭各項均已齊備約數耗費無多擬定將實在商股一百萬兩照本發還其餘米捐鹽捐租股房除美國贖約經費三百餘萬兩外准即另發國家保利股票年息六釐五年後分作十五年攤還以充本省實業公用一鄂路所收商股粵川兩項共一百十四萬五千餘圓據湖廣總督上年冬季冊開除已支用外尚存見銀三十二萬餘圓向歸官局經理又該省上年所設公司共收新股九十七萬餘圓續據湖廣總督單開見尚存銀九十一萬餘圓其真正商股應准湊足歸還見銀至川漢彩票股另發國家無利股票俟路成獲利之日准在本路餘利項下分十年攤還另有動用振難捐除美國贖約經費不計外其餘如有實用者准照湖南米捐一律辦理一川路見存款七百餘萬如願入股應准悉數更換國家保利股票五年後仍分十五年還本亦准隨時抵押並可分得餘利除倒帳外其宜昌已用之款四百數十萬准給國家保利股票又宜昌開辦經費三十三萬及成渝各局用費若干則發國家無利股票與粵股一律悉歸本省興辦實業之用此外粵漢未贖之美比小票二十二萬二千二百金圓在此次借款內撥還前已奏明在案至所借贖約英款尚有本息五十七萬餘鎊未還三省路工既經收回官辦自應由郵傳部查照原約按期另行籌還以上所擬辦法 臣等盱衡時局博采衆論似已仁至義盡大約以商股與公捐不同實用與虛糜又不同不得不稍示區別或還見款或給保利股票或給無利股票分作三項三法而終不使其資本虧折絲毫仰副 朝廷德意如蒙 俞允應由 臣部查明各督撫並會商端方迅速派員分往各省按章妥辦一面由端方收路開工至趕辦工程之法必須多分段落庶可剋期告竣擬請以武昌至長沙為一

段長沙至郴州爲一段郴州至廣州爲一段廣水至宜昌爲一段宜昌至夔州爲一段夔州至成都爲一段武長長榔榔廣均限三年完工榔廣本擬責成詹天佑一手辦理必令長榔同時完工俾得接軌如粵商欠繳之二批未繳之第三批股分如數照繳便可毋庸借款成鐵路甚長尙須另行籌款限於夔宜完工之時俾得接軌從前用點工自造之法未免擔擱此次各段擬參用洋匠包工之法以求迅速惟各段分局斷非一手一足之力所能兼籌並顧應由督辦會同郵傳部遴選切實可靠之員奏明委派並於監工之外各派管理收支一員以資稽核借款銀行雖派有查帳員如我得不爲彼所輕視其中保守利權自必不少各員派定後即飭各段總辦分往各路接收工程截清界限其商辦公司前此已用之款飭令督同趕造實報實收之帳冊以憑核辦各路總辦外并由督辦遴選正紳各省一人爲總紳遇有地方交涉事件應令認真照料俾免隔閡奉 上諭度支部會奏遵旨籌畫川粵漢幹路收回詳細辦法各摺片據稱請將粵川湘鄂四省所抽所招之公司股票盡數驗明收回由度支部郵傳部特出國家鐵路股票常年六釐給息嗣後如有餘利按股分給倘願抽本五年後亦可分十五年抽本未到期者並准將此次股票向大清交通銀行隨時抵押其不願換國家鐵路股票者均准分別辦理以昭平允粵路全係商股因路工遲滯糜費太甚票價不及五成見每股從優先行發還六成其餘虧耗之四成並准格外體恤發給國家無利股票路成獲利之日准在本路餘利項下分十年攤給湘路商股照本發還其餘米捐租股等款准其發給國家保利股票鄂路商股並准一律照本發還其因路動用振難捐款准照湖南米捐辦理川路宜昌實用工料之款四百數十萬兩准給國家保利股票其見存七百萬兩願否入股或歸本省興辦實業仍聽其便等語籌畫尙屬妥協著督辦粵漢川漢鐵路大臣迅速前往會同各該省督撫遵照所擬辦法將所有收欸分別查明細數實力奉行朝廷於此事審慎周詳仁至義盡經此次規定後倘有不逞之徒仍藉路事爲名希圖煽惑滋生事端應由該督撫嚴拿首要盡法懲辦勿稍寬徇以保治安

臣謹案幹路國有政策載澤盛宣懷二人主之盛查川款虧挪三百餘萬政府不應受虧擬在給數中扣出以實用工程者給還就尋常商界論未嘗不是第政府與人民不可以市道行之且蝕者紳輸者民兩不相蒙蝕當查追輸當照給分別辦理庶服人心乃不責當局之清償而反增小民之擔負揆諸事理詎得云平較此細流釀成巨浸雖曰天命豈非人事哉又雲貴總督李經羲奏滇蜀騰越鐵路隨糧認股民力難支見擬酌量減收以紓民困下部查覆尋郵傳部奏該督爲體恤民艱起見應准立案至徵收之法亦屬切實可行一併照准

滇蜀騰越概略 光緒三十一年雲南紳士陳榮昌等以法人既修滇越之路滇省內地應自行推廣以杜口實呈請興辦滇蜀鐵路滇督據奏得請路綫約一千二百華里需款約一千二百萬兩時路政轄在商部部以不借外款預爲聲明滇督覆奏滇路均主自辦然滇黔鄰也黔撫林紹年函商謂黔路不通滇亦少利黔無力籌辦法滇督奏滇蜀集股章程五十三條附片接修黔路又奏滇省鼓鑄銅圓仍請兼鑄銀幣即以所得餘利權充路費三十三年據陳榮昌言奏請將滇蜀改爲滇蜀騰越總公司展修騰越小鐵路計程三百餘里併訂集股章程先是英使建言請建由緬至滇鐵路政府據中緬條約第十二款中所謂審量之言謂該路當歸我國自行審量駁之英駐滇領事照會擬由新街建一小鐵路直達騰越先派工程師查勘滇督覆函謂祇能派員會勘未及聲明各出各費各修各路遂由英派黎禮勳自騰越之南經南甸赴古里戛滇緬交界止計緬界一百里滇界三百六十七里三十三年駐滇領事照會招股告示內滇蜀騰越四字應請刪去騰越滇督抱定該路已經奏明自辦駁之自騰越歸併後滇督擬聘本國工程師辦理三十四年補用道崔祥奎據陳雲南要政議移贖滇越鐵路之款以修騰越並早籌開辦滇蜀郵傳部會奏亦以收回滇越尙待統籌不如先修騰越惟騰越距雲南約一千五百餘里僻在邊陲該路告成於內地聲氣仍難聯貫擬照三十二年滇督丁振鐸會修騰越原奏由新街接展需銀六百萬兩



與英會商妥訂條約其滇蜀一路擬由四川重慶起築接連川漢南經瀘敘直達滇省兩處需款過多應責成該督飭公司認真籌畫公司聘美國威里姆多萊為總工程師哈克副之陳榮昌邀集紳議決定隨糧認股每種一石收股銀五兩通省歲納銀二十萬石可納百萬兩以十年計達四千萬前此奏定之每升糧捐二文准照定章辦理宣統元年度支部核准照辦公司上言此項大宗認股試辦於昆明尚無窒礙去秋通行全省適值禁煙之際所收僅十之一二而請緩請改請免者日多一日言之慘痛條陳籌款辦法亦無究竟公舉編修吳珉為總辦知縣蔣谷副之前署貴州提學陳榮昌為駐京總辦該路尚在鳩工故諸事尙無可紀云

又直隸總督陳夔龍等奏煙灘鐵路關繫北洋及東省大局請 飭部籌議收回官辦以保利權

又奏津浦鐵路南段淮河橋工告成並南北兩段工程進步情形計南段路長六百六十餘里通車者已六百里北段一千三百餘里通車者已九百餘里年內外南北兩段可以通車原定四年竣工不至逾限

又郵傳部會奏遵訂鐵路鋼軌驗收章程繕單呈 覽

又 諭電寄四川總督趙爾豐電奏悉鐵路收歸國有係為減輕小民擔負起見迭經降旨宣布乃川民仍多誤會相率要求其詞雖激其愚可憫朝廷亦何忍重負吾民著郵傳部督辦鐵路大臣將路款轉籌安速清理明示辦法以釋羣疑趙爾豐身任疆圉衛治安是其專責務當仰體朝廷愛民之隱剴切開導設法解散俾各安心靜候照常營業倘或辦理不善致滋事端定惟該督督是問

又 諭成都將軍玉昆等昨據趙爾豐電奏已諭令郵傳部妥籌辦法並電飭剴切開導照常營業該將軍等務當協力維持妥籌應付毋令滋生事端

又郵傳部奏鐵路推行日廣請釐定全國軌制從之

又 諭電寄署四川總督趙爾豐等盛宣懷奏瀝陳川路情形一摺所有請飭李稷勳仍駐宜歸暫管路事督辦大臣未接收以前勿許離工並責成該督遵

照前旨迅速會同端方將所有收數分別查明細數實力奉行俾得按照所擬辦法早日決定等語均著照所議辦理本日又據瑞澂端方電奏各節應由端方就近迅速會商趙爾豐遵疊次諭旨妥籌辦理嚴行彈壓毋任滋生事端並將詳細情形隨時查明電奏

又 諭電寄督辦粵漢川漢鐵路大臣端方等端方瑞澂電奏均悉見在四川民情浮動關係地方大局至為重要著端方迅速前往四川認真查辦

又 諭電寄四川總督趙爾豐玉昆等幹路收為國有屢經宣示乃該將軍等仍以交院議決暫歸商辦為請殊屬不知朝廷維持全國路政之深意著傳旨申飭見在附省州縣已有燒燬局所之勢定係匪徒從中煽惑希圖擾亂治安仍著趙爾豐遵疊次諭旨迅速解散切實彈壓勿任蔓延為患倘聽其藉端滋事以致擾害良民貽誤大局定重治該署督之罪懷之

又 諭電寄端方身任督辦路事是其專責見在川路風潮劇烈關係甚重著端方懷遠前旨迅速前往不准藉詞推諉延宕如須酌帶兵隊著就近會商瑞澂辦理並將起程日期迅即電奏

又 諭電寄端方據電奏起程日期及所擬辦法均悉此次川民因爭路罷市罷課顯係莠徒煽惑愚民希圖藉端滋事該大臣所擬辦法尙合機宜即著照所議辦理並著軍諮府陸軍部電飭川省水陸新舊各軍暫准由端方隨時調遣該大臣入川後首當宣布朝廷愛民至意及維持路政深心相機因應以期早就安謐並將查辦情形隨時電奏請旨辦理

又 諭電寄署四川總督趙爾豐據電於川人因路事久不解決該會長等竟敢存心叵測實行抗糧抗捐並出有川人自保商權書其中條件隱含獨立尤為狂悖等語該署督前奏川人抗糧抗捐等情已屬目無法紀茲復倡立自保意在獨立尤屬罪無可追著趙爾豐迅速查拏如得有狂悖不法確據實係形同叛逆無論是否職官即將首要人犯先行正法並妥速解散脅從毋任蔓延為患

又 諭電寄趙爾豐電奏悉川省逆黨藉爭路為名鼓動愚民意圖獨立竟於

十五日兇撲督署肆行燒殺並砍傷哨弁數人實屬兇惡已極該署督力飭兵隊將逆黨分頭擊退並先將首要蒲殿俊等設法誘擒辦理尙屬迅速該署督以該省兵力弱請撥兵隊數千人來川一節著瑞澂就近遴派得力統將酌帶營隊迅即開拔赴川暫歸趙爾豐節制調遣當此事勢急迫該署督務當督飭兵隊相機分別勦辦一面出示解散脅從以安人心一面嚴飭省外州縣安慎防範悉心安撫免致句結爲患並將勦辦情形隨時電奏

又諭都察院代奏四川官督辦等爲川民爭路致釀重案懇飭秉公查辦以維大局而遏亂源原呈一件著端方按照所陳各節查明實在情形秉公分別核辦毋枉毋縱據實具陳原呈鈔給閱看

又諭電寄廣西巡撫沈秉堃據電奏川省變亂謹陳管見擬請飭郵傳部分備銀兩散還零星民股其川路虧倒股本並飭部墊認按股散還追繳歸款等語著郵傳部速議具奏尋奏有願附股者按照湘股給發國家鐵路股票一律分利分紅不願附股者照粵股一律實發六成見銀四成另給國家印票分二年給還該公司實收股本國家既全數認還虛糜及倒帳之款已包括在內矣從之

又諭湖南京官大理院少卿王世琪等奏稱國家因各省股本不敷造路故籌巨款以期速成既准商民附股並無排除民股之心已爲中外所共見惟湖南商股不過百五十萬懇將房股租股皆准作爲私股路用鹽斤加價賑糶米捐之款皆准作爲地方公股款皆實銀請一律給分紅分息股票以後商民繼續附股並請照收以免向隅等語朝廷籌款收路祇在速成並非排除民股湘省紳商已能仰體所擬各節尤是愛國之誠自應准如所請即由該部將公司股票盡數驗明換給國路股票其賑糶捐款鹽斤加價兩項既歸路用亦准作爲地方公股俾得一律分紅分息藉充本省備荒及地方公共實業之用責成公正紳士會同經理官爲督察自經此次頒諭之後該公司即應遵照迅速交收著郵傳部會同督辦鐵路大臣即日派員接管趕緊開工剋期告成以重交通要政

又陝西巡撫恩壽奏西潼鐵路商辦無效請飭部歸官辦下部議奏

又御史陳善同奏川省路事日棘請將辦理不善之大臣量予懲處並飭設法維持以安人心而弭巨變略稱國以民爲本自古未有得民心而國不興者即未有失民心而國不危者此次以鐵路幹綫歸國有政策本極相宜稍有知識孰不贊成比者屢詔蠲除各項雜捐所以卹民者固已仁至義盡而湘粵等省人心惶駭擾擾不靖川患且日以加劇者則以郵傳大臣盛宣懷於此事之辦理實有未善也各路商辦之局其始皆奉先皇帝諭旨根據大清商律如欲改歸官辦自應統籌全局畫定年限分期分段量力遞收於國於民方爲兩利今盛宣懷事前毫無預備徒仗借款突然將批准各案奏請一律取銷各該路以十餘年之經營千數百萬之籌集一旦盡取諸其懷而奪之而所訂借款合同利率之高虛折之多抵押之鉅債權之重又著著失敗予人口實各省人民痛念前勞忱心後禍宜其奔走駭告岌岌若不終日也查給事中石長信之請定幹路支路辦法在四月初七日郵傳部之覆奏宣布國有政策在十一日而借款合同之簽押在二十二日一似政策之改定實緣借款而發生者舉辦此等大事平時漫無布置出以猝遽反使朝廷減輕民累之指晦沒不彰而復不能審慎臨機強令宜歸工程每月工項仍由川款開支實與上諭川路見存七百餘萬願否入股或辦實業聽便等語大相違背必欲使我皇上體卹商民之恩墮退不使下逮陷朝廷以不信示天下以可疑羣起抵抗何怪其然幸國家深仁厚澤淪浹人心故雖衆怨交集於盛宣懷終無敢有歸怨朝廷者比聞川省風潮日烈皆以盛宣懷喪權誤國欲得而甘心月餘以來屢開全省股東大會每次到者萬人誓與路爲存亡在場之人無不泣下合十餘州縣地方並相約不納錢糧不上捐輸學堂停課商民罷市各戶恭設先皇帝靈位朝夕痛哭人無樂生之心士懷必死之志愁慘蕭條如經大劫至可憐念夫今日皇皇失所之窮民皆國家寶貴在疚之赤子而業已情形狼狽至此臣知我皇上聞之必有惻然動念者若不亟爲拯救萬一相持不解或有不軌之徒從中鼓煽強者併命於尋仇弱者絕望於逃死衆志一蹶全體瓦解解非國

家福也見在湘鄂爭路餘波尙未大熄而雨水爲災幾近十省盜匪成羣流亡徧野若川省小有風鶴之警恐由滇藏以至沿江沿海必有起而應之者其爲患又豈止於路不能收而已頃者我皇上諭派鄂粵川湘等省督撫令於所轄境內鐵路事宜各得會同辦理是路事重要盛宣懷剛愎自用不洽輿情難於獨任已可概見應如何懲處以儆將來至川民爭議久懸不斷終慮釀成巨變應責成督會辦各大臣仰體勤恤民閒之意妥速維持或將該路倒帳之款嚴予追繳准照粵路虧耗四成例分別有著無著發給保利無利股票以示格外體恤蓋損上益下謂之益損下益上謂之損積民而成國民利則國無不利也其借款承修之粵漢川漢各段路綫或由官辦或由包工應如何可以節省糜費保全利權並請 飭下內閣從速會議公籌妥善方法剴切宣布以息衆喙而釋羣疑疏入不報

又 諭自鐵路幹路收歸國有凡從前商股民股均經飭部妥定辦法明白宣示既已減輕民累復不令虧損民財朝廷體恤閭閻實已仁至義盡乃川人未明此意開會演說藉端爭執始不過無知愚氓羣相附和繼則罷市罷課迹近囂張屢經電飭趙爾豐彈壓解散並飭郵傳部將路款轉轄妥速清理明示辦法以釋羣疑原冀早就救平各安生業迄不忍加罪吾民不料抗糧抗捐之議相繼而起惟恐有匪徒從中煽誘別滋事端特派端方前往查辦僅准酌帶兵勇兩隊俾免驚疑旬日以來該省突有人散布自保商權書意圖獨立並有約期起事之舉經趙爾豐先期偵悉將首要擒獲本月十五日竟有數千人兇撲督署肆行燒殺並傷斃弁兵似此目無法紀顯係逆黨勾結爲亂於路事已不相涉萬難再予姑容已電飭趙爾豐相機分別勦辦該署督迅即懷遵前旨嚴飭新舊各軍將倡亂匪徒及時撲滅勿任蔓延其被脅紳民均係無辜尤當妥籌安撫不得稍有株連免致地方糜爛如有爲逆黨強迫列名會簿即將該名冊全行銷燬一概不究端方帶隊入川務須申明紀律嚴加約束不准騷擾並沿途曉諭居民宣布德意俾皆曉然朝廷不得已而用兵純係爲除莠安良起見以定衆志而遏亂萌至該省商民一切路股仍著郵傳部督辦會辦鐵路大

臣遵旨妥速辦理經此次申諭之後該省紳民人等勿再輕信徒滋擾亂應即照常開市開課各安本分用副朕誥誥誥誠之至意

又郵傳部奏京奉鐵路展綫辦法由工程司孫多鈺會同署奉天交涉使許鼎霖與日領事在奉會議擬訂協約八條呈部候核查其所擬大旨係南滿綫與京奉延長綫交岔之處由南滿會社將南滿鐵路提高建橋南滿車輛由橋上越過京奉車輛由橋下平過京奉路與南滿車站聯絡處除原有曲綫仍留外僅於交岔處添一聯絡複綫彼此分界建造管理惟南滿改築及建橋需費估值日金二萬四千圓應由京奉路局補助至京奉車輛必須經過南滿車站者則以快車通車爲限詳核辦法尙無窒礙因飭在奉簽定總計此案相持數年在我援據協約竭力磋商在彼要挾多方叢生枝節揣其用意無非藉詞延宕阻我展拓之謀此次接續商議自宜抱定宗旨既不宜過讓致損主權尤不容久延貽誤路務見在協約已定從此定限興修得擴交通之機關亦收聯絡之利便

又奏川粵鐵路收歸國有款鉅工長必資借款此次所訂四國銀行合同係照張之洞原定之數皆在湘鄂境內而草合同已允之荆宜支路特令刪除留歸鄂省商辦騰出此款以抵鄂境幹路宜昌至夔州一段極難工築川粵兩省並未借款初經會議因恐商辦各省不願退股則拒款尤力故必先儘其附股而緩借外債今湘鄂雖願附股張鳴岐來電粵省似願領見銀並謂不宜即指粵路以借外債致滋口實川公司總理李稷勳前次來京面商欲求全領國家股票保守桑梓血本屢次電商川督究應如何辦理復電初則專指合同爲不然繼則無暇計及路事其不能指川路借款更無待言此次奉 諭交議沈秉堃岑春煊先後所請全還見銀四川一省如此粵湘鄂亦必連類而及見在會籌總以符合歷次之 諭爲宗旨仍當附股發銀二者兼籌各聽其便但必須預備全數發銀以免爲難且此次還款擬請以各該公司所收股分爲應還實數不再問其支款所有虧耗倒帳實已一概認還惟其股分之外粵省尙有列收存息路餘溢水各雜款銀二百三十七萬餘兩張鳴岐來電已允剔除以抵虧

耗其實股本以外本無再有認還之款川省壬人文電亦有列收生息及雜收銀三百三十餘萬兩皆在股本之外似與粵省無異論理既已照數還本此外列收列支皆不應問至建造粵路據報存款垂罄即須由部撥款接續工程方不延誤其張之洞所借續約之香港金鎊陸續到期亦應分別歸還似此數端皆萬不能緩統計至少三千萬兩方能應目前之急度支部郵傳部庫空如洗除借款實無他法倘即以川粵鐵路明借外債該會黨愈必藉口鼓惑臣部與度支部熟商惟有暫不指明川粵鐵路但以郵傳部出名籠統商借英金四百萬鎊仍照五釐九五扣暫以京奉路餘利為實抵仍由度支部不拘何省另指進項為虛抵得此鉅款雖川粵省均不願領國家股票皆索見銀亦不致臨時貽誤綜計借款五釐九五扣科合僅及五釐半比較國票每年應給商股六釐常息尚屬有益無絀且毋庸分紅是將此借款對抵商股並不喫虧如蒙 俞允即與銀公司銀行等妥速籌議再會同度支部議訂合同

又會奏遵議西潼鐵路收歸官辦略稱西潼近聯汴洛遠達甘新實為東西緯幹之樞紐光緒三十一年前陝西撫臣曹鴻勳奏請籌款修築期與豫省之洛潼一氣呵成惟該省風氣晚開商股無從招集奏辦數年迄未興作宣統元年臣部奏准該路設立公司並於分年籌備要政案內奏明限自開辦日起三年內集股鳩工每年須有三分之一報部查明始能准其續築屆時倘不及半即由臣部籌款代造該路約長二百餘里估計需四百萬兩以上每年招股三分之一須有一百數十萬兩見在已逾二年僅報八十餘萬並未開收四川招股分處收股亦無成效按原定奏案久在應行撤銷之列自應收歸官辦惟該路介居腹地目下與他路不相毗連必須全幹通籌乃能收貫注之效查潼關以東已成之路雖有汴洛未成之路尚有洛潼洛潼一日不成則西潼之運料施工俱難著手而洛潼自光緒三十二年奏准商辦宣統元年又奏定招股鳩工期限應較西潼更早一年見在期限將屆迄未成功擬由臣部先行派員勸估通盤核計俟籌款定議有端倪再行奏明辦理度支部查西潼一棧係屬西幹正軌郵傳部既議准收歸官辦洛潼亦擬勸估俟估有確數遵照奏案會

商臣部具奏再查光緒三十二年前撫臣曹鴻勳奏稱由西安至臨潼修費不過數十萬金一面由司庫騰挪一面集股增益臣部於議覆該撫加抽土釐案內令將騰挪何款並數目若干聲覆此次奏稱籌給開辦經費六萬兩並由司續籌保息等款其動用何款續籌數目均未聲敘應仍令詳細查明報部查核又御史史履晉奏自鐵路國有政策宣布以來全國譁然民心大失以致四川糜爛湖北遂乘機起事趙爾豐之激變瑞澂之潛逃固罪無可道而罪魁禍首則實為盛宣懷夫各省商辦鐵路為世詬病授人以口實者約居多半或款不足而先事鋪張竭小民之脂膏供個人之揮霍或款已集而互爭權利因私家之水火誤工之進行而所舉總理部中一奏之後遂遂卸責任絕不督催監察認真整頓此其過豈盡在各省商辦之人哉乃盛宣懷昧於眾怒難犯專欲難成之理欲快其獨攬利權調劑私人之計一旦發難未經開議遽將 先朝諭旨一概取銷所定接收給票之法又不一律以致人心憤激大起風潮而猶不悔禍迨事變猝起復主持嚴辦一味壓制壓力愈大反動力亦愈大革黨土匪乘隙煽惑釀成大亂盛宣懷之內豈足食乎為今之計亟宜收拾民心變通辦法明諭全國凡各省商辦鐵路已開工者照常動工未開工者迅速趕造股款不足由國家補助而關於幹綫各路限三四年內一律造成不得延誤原舉總理有辦事不實眾望不服者撤換再舉不得瞻徇情面即以督辦大臣專任監督稽察之責不另派總辦提調等官以免耗費則民心大定亂事自已至釀禍之人如何懲處宜乾斷迅行

又 諭資政院奏部臣違法侵權激生變亂據實糾參一摺據稱禍亂之源皆郵傳大臣盛宣懷欺蒙朝廷違法斂怨有以致之該大臣手握交通機關不惜專擅擅權隔絕上下之情於應交院協議交開議決之案一切不顧於開制發表之後二日首先破壞單銜入奏罔上欺民塗附政策釀成禍階此次川亂之起大半原因即以該部奏定僅給實用工料之款以國家保利股票不能與鄂路商股一律照本發還又將施典章等所虧倒數百萬棄置不顧怨苦鬱結上下爭持川亂既作人心浮動革黨叛軍乘機竊發該大臣實為誤國首惡等語

鐵路國有本係朝廷體恤商民政策乃盛宣懷不能仰承德意辦理諸多不善盛宣懷受國厚恩竟敢違法行私貽誤大局實屬辜恩溺職郵傳大臣盛宣懷著即行革職永不敘用內閣總理大臣慶親王奕劻協理大臣大學士那桐徐世昌於盛宣懷濫具奏時率行署名亦有不合著交該衙門議處嗣後該大臣等於一切用人行政事宜務當不避嫌怨竭誠贊畫以維大局而濟時艱又 諭端方等奏湖北境內粵漢川漢鐵路取銷商辦公司並議定接收股款一摺前因鐵路收歸國有曾諭令會同各該省督撫將所有收款遵照諭旨分別辦理茲據奏稱鄂路股款約分四項官招粵漢商股川漢商股皆係實銀應即遵旨一律發給國家鐵路股票不願附股者發還見銀其川漢彩票股與普通彩票不同早經按戶換給股票逐次付息擬懇併照商股辦法給與分利分紅股票至商招商股係零星勸集股東散處無從徧詢擬由該省鐵路協會紳士自行清理先將股本退還有願附股者再行繳銀領票以清界限此外尚有賑糶捐一款擬援湘省成案撥作地方公股官紳會商意見相同業於八月接收完竣等語該大臣等辦理接收事宜暨所擬辦法均尚妥協湖廣總督瑞澂辦事明敏於此次路事尤能盡心籌畫不負委任該省士紳復能仰體朝廷德意率先遵辦洵屬深明大義著傳旨嘉獎該大臣等迅即會同度支部郵傳部按照籌擬各節分別清理刻期開工以重交通要政

鄒遺盒鐵路關係記 鐵路之興在泰西僅百餘年海通以來光緒初李

文忠鴻章任北洋大臣始設招商輪船局猶未知鐵路之利士大夫故見

自封屢議屢罷江督沈文肅葆楨且舉西人試行之吳淞小鐵路購而毀

之劉武壯銘傳試行於臺灣路祇六十里其後臺亦不守甲午中日戰後

乃借英款先築京榆鐵路此為中國發軔之始顧國勢不振外人爭先攬

辦意在均霑利益且視為勢力範圍當道又措置失宜以致人心不靖黨

徒乘之而起外侮內訌遂以鐵路為兩大關係先言外侮自俄法德向日

本爭回遼東半島名為仗義執言實則藉索報酬以償其所大欲丙申李

文忠使俄與俄相維持訂攻守同盟密約允其造東清鐵路丁酉山東殺

德教士德遂占膠澳索路礦即造膠濟鐵路俄復乘機占旅順大連灣添造南滿洲支路法則索廣州灣及造滇越鐵路此三路皆其國出資經理中國無權顧問較其輕重則東三省為尤甚乙巳俄日之戰在我地域迫議和而長春以南之路畫歸日本日復索我安奉路辦法一如南滿兩國橫互東三省占地之廣駐兵之多虎視鷹瞵在彼掌握我之土地人民特寄籬下耳同時並與日本訂造新奉及吉長兩路則借款自辦權尚在我宣統己酉議結延吉等案又索自吉林至朝鮮之會齊鐵路見尚未造法之滇越矣卯始築派巡警不駐兵與膠濟同惟法有越南毗連滇界一旦有事長驅即至德無陸界相通海道又不若英之屬島聯絡其據青島特以國力之強雄視東海隱以牽制日俄其膠濟鐵路伸張山左權勢屏蔽膠澳擴充商務苟無大變尚不至利我土地以上各路皆強迫立約國以僅存而未至於亡此大有關係者一也繼之內訂借款造路與東清等路不同國家經費有常商民散渙無力非借外資不能集事其始用工程師及查帳購料皆外人為之且必由公使與政府交涉固各有命意所在為保商計不得不然我之任事者但能造就人才整飭路政以維持之則路利日增按年歸還本息即可收回自辦如京漢之贖彼無異辭京奉餘利且移造京張平時轉輸商貨有事調運兵械雖辦理尚未盡善而見效已若此至正太道清以商稀利薄須俟將來發達滙甯則立約太寬津浦則施工過濫糜費多而借款鉅皆歷任督辦之過然地屬通衢日久愈盛可望償還行旅出於其塗主權完全不缺固無所謂路亡地亡也往年輿論未張人情尚樸定約造路之時無出而阻撓者政府始亦兢兢慮漢則借此款粵漢則借美款以比美皆無侵略主義也此路為南北幹綫張文襄之洞創議而以盛宣懷筦鐵路總公司主其事嗣蘆漢接至京城改稱京漢而此款實含有俄法遂敗英人五路之要求庚子拳亂毀京津及蘆漢已成之北段京津旋由聯軍收復山海關內外路亦為英俄所占壬寅交還蘆漢損失較鉅加入比國大賠款續籌收復數年而全路始成願拳亂

雖波及於路事平卽止而內訂之甚始於粵漢繼以滬杭甬終於川粵漢蓋借款造路不足以亡國攻借款乃足以亡我朝而中國之危且不絕如綫吁可痛也滬杭甬約蘇浙兩公司迭請議廢英使不允屢向外部責言丁未汪侍郎大變與英代表開議雖采津浦約稿而於工程師查帳頗斷斷議未決而奉使英之命英代表錄津浦條款以告代者不再議而遽定浙人醜詆大變無所不至其實原擬十三條不悉照津浦借隨議之緒譯不以聞鑄成此錯嗣後分辦路借款爲兩事而蘇浙仍抗拒累牘電爭糾結不解蘇路僅百里本不足自立規畫瓜清海清迄無成浙公司會領存款雖聲言廢約而無以償部續募又不集蓋民力拮据而欲犧牲其資產爲三數人意氣之用初尙震於虛聲其後未有不竭者增人民擔負耗府庫貲財誰爲爲之一至於此粵漢之爭廢約也在光緒乙巳大抵發起於出洋學生而在籍士大夫從而和之前皖撫王之春亦顯爲之助其所執理由以路久不築又隱轉售於比爲與合同相背皆攻擊盛宣懷而伍廷芳前使美時爲訂約代表楊度貽書詆毀謂曾得路伍則力辯其無張文襄尙名者也鄂湘爲所轄粵亦舊治欲以此順輿情電駐美使臣梁誠與美公司商辦不曰廢約而曰續約美公司既無意於築路因索厚價允將合同取銷遂向英港督貸巨款以界之並訂此路如須借款先商之英英與我已有九廣接路之約粵漢成可直達香港海口適爲其所利用舍美而英正與前借美款之意背馳而文襄不察也時瞿尙書鴻禩以軍機大臣兼外部文襄密與電商外部諸臣不盡與聞迨議定而美使告那相桐始爽然自後文襄分定三省辦法鄂曰官辦湘曰官商合辦粵曰商辦粵股最踴躍計數已逾額在事者多侵漁路築無幾而費已不貲商情大拂繳股觀望攻擊紛紜屢經查辦而未已湘股不足增米鹽等捐僅築株昭路百餘里鄂路較短而加以川漢商股更不繼官辦又無力川漢者川人自辦川境由漢入川則鄂任之文襄於是復議借款始知英不可以獨專思用德法以閒之先是美使康格與慶邸約如借款造川漢路美願承

辦外部電文襄留意置不理迨文襄入政府自請爲三省督辦設局於京師令梁敦彥與英代表濮蘭德議不諧轉商德法而英與之合將立約矣美代使費勒器向敦彥申前說美總統至電達攝政王言美得參預必有益於中國王復電允之文襄時在告聞之拂然病遂劇及其歿而歸郵部接議湘鄂以拒款爲名風潮又起湘僅電爭鄂人張伯烈者日本留學生也回國自任代表日謀於徐尙書世昌之門不得已飾詞批准遣之宣統辛亥盛宣懷爲郵部大臣乃與四國訂約收歸國有起端方爲侍郎督辦鄂湘小有違言撫之略定而川漢之禍作始文襄之議借款系由湘入粵由鄂入川之路川粵仍完全商辦宣懷改從廣水接軌入川而以漢口至宜昌爲支路又將宜昌至夔州正在興工之路加入借款川人大譁護督王人文電奏抗爭諮議局集會演說徧布傳單匪黨煽動攻陷城邑趙爾豐履任發兵勦禦並接得同盟獨立證據誘蒲殿俊五人於署密電請懲川人圍城塞署未敢動朝命岑春煊督川未至又命端方查辦率鄂軍數營往行至資州被戕川省果獨立爾豐亦遇害而東南響應前拒滬杭甬借款之湯壽潛且首請讓位旋爲都督矣政變後商辦者相率歸國有無一復議其非而當日藉端發難釀滔天之禍是大有關係者又一也嗟乎天欲交通徧於大陸鐵路之行中國其機殆不可遏而關係存亡乃若此撮要記之可爲後車之戒矣

皇朝續文獻通考卷三百七十二

郵傳考十三 電政

臣謹案電綫以至拙爲至巧以商用爲軍用者也泰西兵戰商戰且學戰矣一新理之發明有專利有特獎故人人殫竭智力以揮斥八極行之國中而效且大效矣見我中國地大物博而不謀輸入莫占捷足勢烏能已乎幸 朝廷先機立斷決意施行保中國自主之權杜外人覬覦之漸本輕利重雲集響應裨益軍國實非淺鮮此固郵傳四大端之一也撮其要著於篇俾後之言電政者知所稽鏡焉

同治九年 諭總理各國事務衙門奏英國使臣威妥瑪請於沿海水底暗設電綫謹將辯論各節據實密陳一摺洋人以貿易爲本時慮中國舟車遲滯欲以外國之電綫諸法試行於中國上年議修英約時英國使臣阿禮國即以此事屢次請均經總理各國事務王大臣嚴詞峻拒見在該國使臣威妥瑪復請由廣州汕頭廈門福州甯波各海口水底暗設電綫通至上海並稱前議通綫之法俱係陸路明設此次係在海底暗設其綫端一頭在船隻內安放即在沿海口岸船埠停泊與從前所論迥殊似與中國毫無虧損等語該衙門見將沿海水底暗設數字揭清該使聲稱安綫之處如有民人損傷地方官無須追償修費已由該使轉飭局商遵辦著南北洋通商大臣暨沿海各督撫飭各關道地方官嚴密稽查遇有洋人安設電綫之處止准在沿海洋面水底其綫端止准在船隻內安設即在沿海埠口向來停泊各洋船碼頭之外近海處所停泊倘有將綫端牽引上岸不遵定章辦理者即照會領事官立時查禁以杜流弊而絕效尤將此由六百里諭馬新貽瑞麟英桂丁日昌丁寶楨卞寶第李福泰崇厚並傳諭楊昌濬知之

臣謹案造化之機械人情所傾向自簡入繁趨勢恆順地球已無無電綫之國且設萬國電政公會以研究其得失邇者日之勝俄至以無綫電收海上之效而我官辦商辦權限未清售價之昂貽人口實曾無寸步進焉其愈於昔之深閉固拒者幾何嗟乎風氣所開雖五丁不能開敵弩所注

豈一簣所能障即電政一端已安能無世運之懼哉

十二年粵海關咨據潮州新關委員接丹國駐汕領事知照潮海關稅務司康查獲德發順紅頭船隱匿電報斷綫緣由到本關部堂據此查各口派用稅務司原令幫辦中國關稅事務所有一切事宜仍由粵海關監督總其成此案汕頭新關查獲商船內載電綫康稅務司以其先未報明即屬隱匿將該商船變價惠潮嘉道據該商稟詞照會稅務司轉申總稅務司從輕示罰與章程及向辦是否相符應由貴監督查明分別辦理查此案康稅務司於案未審實之先並未未知照地方官違將該船變價實係違背向章本擬即行駁覆因康稅務司已申請總稅務司察核若不俟覆文到日無以折服其心昨據康稅務司照會內開見奉總稅務司來函以此項內地紅頭船隻應本關委員核辦抑或聽便擬商地方官本稅司礙難涉辦其電綫多寡是否應辦偷竊之人該船應否一面充公均歸本關委員酌擬定奪查德發順紅頭船雖訊無偷竊電綫之據惟於進口時匿未報明實屬有違條例應按照惠潮嘉道所擬由船價二千五百元內畫出五百元作爲罰款其餘二千元發還該商以示體恤於向辦章程亦無不合嗣後遇有此等案件即以此次爲定例倘情節較重或將船貨暫押稟請核示以昭慎重

光緒六年北洋大臣李鴻章奏用兵之道必以神速爲貴是以泰西各國於講求鎗礮之外水路有快輪船陸路有火輪車以此用兵飛行絕迹而數萬里海洋欲通軍信又有電報之法於是和則以玉帛相親戰則以兵戎相見海國如戶庭焉近來俄羅斯日本國均效而行之故由各國以至上海莫不設立電報瞬息之間可以互相問答獨中國文書尙恃驛遞雖日行六百里加緊亦已遲速懸殊查俄國海綫可達上海早纜可達恰克圖其消息靈捷極矣即如會紀澤由俄國電報到上海祇須一日而由上海至京城見係輪船附寄尙須六七日如遇海道不通由驛必以十日爲期是上海至京僅二千數百里較之俄國至上海數萬里消息反遲十倍倘遇用兵之際彼等外國軍信速於中國利害已判若逕庭且其鐵甲等項兵船在海洋日行千餘里勢必擊東擊西莫可測

度全賴軍報神速相機調撥是電報實為防務必需之物同治十三年日本窺犯台灣沈葆楨等屢言其利奉 旨飭辦而因循迄無成就上年 臣曾於大沽北塘海口設台試設電報以達天津號令各營頃刻響應從前傳遞電信猶用洋字必待繙譯而知今已改用華文較前更便如傳秘密要事另立暗號即經理電綫者亦不能知斷無洩洩之慮見自北洋以至南洋調兵饋餉在在俱關緊要亟宜設立電報以通氣脈如安置海綫經費過多且易蝕壞如由天津陸路循運河以至江北越長江由鎮江達上海安置早綫即與外國通中國之電綫相接需費不過十數萬兩一半年可以告成約計正綫支綫橫互須有三千餘里沿海分設局棧常年用費頗繁擬由 臣先於軍餉內酌籌墊辦俟辦成後仿照輪船招商章程擇公正商董招股集資俾令分年繳還本銀嗣後即由官督商辦聽其自取信資以充經費並由 臣設立電報學堂雇用洋人教習中國學生自行經理庶幾權自我操持久不弊奉 諭李鴻章奏請設電報等語見在籌辦防務南北洋必須消息靈通以期無誤事機該大臣請於陸路由天津循運河以至江北越長江由鎮江達上海安置電綫係為因時制宜起見即著妥速籌辦餘均照所議辦理

七年中丹會訂收遞電報合同

八年北洋大臣李鴻章奏竊 臣於光緒六年九月在天津設立電報學堂一面由丹國招雇洋人來華教習電學打報工作等事購辦各項機器物料採辦木植察看由津至滬設綫地道沿途應立巡電汛房分頭料理於天津設立電報總局並於紫竹林大沽口濟甯清江鎮江蘇州上海七處各設分局自七年三月開辦十月工竣安設電綫經費共用湘平銀十七萬八千七百兩有奇此項應照原奏招集商股認繳當飭道員盛宣懷等督同衆商籌議據稟此項電綫蘇互三省地段甚長非官為保護不可電報原為軍務洋務緩急備用自北至南所經之地絕少商賈碼頭其絲茶苧萃之區尙無支綫可通綫短報希取資有限非官為津貼不可遵即試招商股自八年三月起改歸官督商辦除由商於三月六月按期繳還官本銀六萬兩外五年後分年續繳銀二萬兩按年繳

五千兩免其計息其餘不敷銀兩以軍機處總理衙門各省督撫出使各國大臣如奇洋務軍務電報於信紙上蓋印驗明轉發是謂頭等官報應收信資另册存記陸續畫抵按年核明彙報俟此項抵繳完畢別無應還官款則前項官報亦不領資以盡商人報效之忱其各局常年經費即以所收尋常官商信資抵支無論不敷多少不得再請津貼其由津至滬沿途各汛弁兵馬乾口糧修理汛房每年約支湘平銀一萬一千兩自八年三月起仍請由淮軍協餉內開支俟五年後電報局倘能立脚此項亦歸電局自行籌給至各局雇用洋匠為教習學生造就人才起見第一年薪水川資由官給發期滿後或撤或留由電局酌定應給薪水回國川資均歸商本支發各局見用學生由電報學堂陸續調取後即由電局接發薪水其七年十一月至八年二月官辦所收報資應繳還歸款又據道員朱格仁稟稱電報學堂見存學生三十二名以後陸續派出不再招添新生裁減教習則經費漸可節省經 臣先後批飭照辦並據淮軍報銷局司道將截至八年三月歸官督商辦以前收支各款查明舊管無項新收淮軍餉內提撥湘折庫平銀十九萬二千九百九十四兩有奇開除安置電綫工料並各局汛及電報學堂中外委員教習司事匠役人等薪糧辛工公費津貼馬乾口糧正雜各款除商認先還官本暨八年二月以前報資繳歸扣抵外計共支銷庫平銀十四萬八千九百五十五兩有奇實存庫平銀四萬四千三百十八兩有奇接支八年三月起各局洋人教習辛工等用歸於以後舊管項下滾接開報等情 臣查中國創辦電報實於軍務洋務大有裨助即如此次朝鮮內訌 臣等往返籌商調派水陸兵勇赴機迅速刻期戡定得力於電報者居多見在改歸官督商辦自應載數奏報以清款目查該局開支各款由 臣隨時督飭力求樽節均係實用實銷並無絲毫浮冒惟購買電綫機器工料雇用洋人教習事事皆與外洋交涉絕無例案可循自應據實開單奏報懇 恩准其作正開銷免再造册送部以省文牘而節浮費

又奏接准總理各國事務衙門函商展電綫近京師一節應斟酌妥善辦理並錄示出使大臣曾紀澤電信謂可壯聲威以保和局靈呼應以利戰事等因 臣



查前年創設津滬陸路電綫去年擬請推廣浙閩粵等省陸綫均奉 旨遵行在案此事始則稍籌官款繼則專歸商辦兩年以來妥慎經營官民無不稱便而沿海各省緊要官報軍報尤收便捷之益即如朝鮮定變越南告警皆能瞬息傳遞機籌措此外則英俄德法美日本各國出使大臣所有購船製械偵探敵情商辦交涉各事莫不朝發夕至雖遠隔萬里之外而近若戶庭蓋電綫之在外洋與輪船鐵路相輔並行其功用亦復相等其成本則減於輪船鐵路不啻倍蓰尤覺費省而效鉅故西洋各國凡電綫之經緯相錯支幹相承幾於無地不有即如法人有事越南近又添設海綫由西貢至海防河內等處直通香港約費五十萬元誠以傳遞軍報非此不能靈捷也況 神京為中外所歸需發號施令需用倍切 臣於創辦電綫之初頗慮士大夫見聞未熟或滋口舌是以暫從天津設起漸開風氣今總理衙門與出使大臣會紀澤皆以近京展電為善策既已詢謀僉同 臣與總辦電報局候補道盛宣懷酌商擬暫設至通州因電商署督 臣張樹聲邊派派委員並飭補用道朱格仁選派匠徒前往測量道里核計桿數以便興工茲據盛宣懷朱格仁稟稱委員葉金綬等帶同洋匠學生工頭循津通一路裁灣取直量至通州北關為止所有墳塋樹林民房均經讓出沿途輿情毫無驚擾約計綫路一百八十餘里應須木桿一千七百餘根俟物料器具由滬運到即日開工設局遞信擬設往來雙綫以資周轉繪圖貼說前來 臣查此次接辦通州電綫工程刻期蒞事將來外洋及各省與總理衙門電報到通局後即封交通州專馬馳遞勿得片刻稽遲並令通永道薛福辰督飭妥辦仍逐漸接展至京以速音信而便調度至津滬浙閩粵設綫所需巡電弁兵准由官款撥給津貼銀兩自應循案辦理

又奏竊 臣於光緒六年奏請由天津陸路循運河至鎮江上海設立陸綫電報奉 諭著妥速籌辦當飭前津海關道鄭藻如候補道盛宣懷劉含芳等妥議章程與丹國大北電報公司商立合同代為購料雇人查勘設綫道路以資熟手指導自七年五月興工十月工竣英法美德各使請在上海設立萬國電報公司擬添由滬至香港各口海綫英國署使臣格維納並援同治九年總理衙門已允成案請由英商添設自上海至甯波温州福州廈門汕頭各口海綫其勢幾難禁遏 臣與總理衙門函商惟有勸集華商先行接辦由滬至粵沿海各口陸綫以杜外人覬覦之漸而保中國自主之權使彼族無利可圖或者徘徊中止且沿海各省與京外籌商軍國要事調兵催餉均得一氣靈通於洋務海防實有神助而商民之轉輸貿易者亦藉電報速達利益更廣因飭盛宣懷等傳集衆商妥晰會議頃據會同商董鄭官應經元善謝家福王榮和等聯銜馳稟擬請自蘇州浙江福建通商各海口以達廣東與見在粵省所辦陸綫相接計將六千里照津滬陸綫成本工費核算約計需銀四十餘萬兩沿途各設局棧常年用費亦倍於津滬見有大北公司海綫直達香港或將來英商再添水綫勢必互相跌價傾擠籌辦實屬不易惟欲收我自有的權利必當竭力籌維勸集巨資次第開辦以盡報效之忱公議章程十條呈請察核並請援案奏明請 旨敕蘇浙閩粵各督撫轉行經過地方官一體照料保護等情查核所議章程尙屬周妥鈔呈 御覽當此外人窺伺之際必須激厲華商羣策羣力共圖抵制離浙閩粵各省道里較遠民情不一而同治十三年沈葆楨奏請在閩境興辦電綫速通軍報奉 旨准因循未就署兩廣督 臣曾國荃等見因英商議設水綫至省飭粵商興造陸綫以拒敵謀業有成局可知風氣漸開南中官民皆知電報為有益軍國商旅之事況自津達滬二千數百里陸綫成後沿途毫無擾累各省必有風聞擬請 飭下各督撫臣轉飭經過地方妥為勸諭勿使稍有阻撓損壞以期事在必成庶免華商裹足外人貽笑而各國添設海綫之謀當漸消阻實於交涉大局有裨

九年中英會訂上海香港收遞電報合同續訂上海等處章程會訂九龍香港陸路接綫合同

又中丹收售上海吳淞旱綫合同

十年北洋大臣李鴻章奏臣前奏設立津滬及浙閩粵陸路電綫又自津至通州陸綫左宗棠張樹聲亦請展辦長江至漢口廣州至龍州電綫分別官款商股辦理均奉 旨允准遵行在案誠以電報呼應捷速為目前當務之急成效

昭然茲查津沽北塘至蘆台樂亭昌黎山海關經營口直達旅順俱係北洋沿海扼要之區已分駐水陸各軍妥籌防守惟距津途遙遠軍情瞬息變易非有電報無以速傳遞而赴事機但陸路二千餘里設綫經費約需銀十餘萬兩僅營口一處略有商報其餘皆係軍報商股既不能招徠北洋亦難籌巨款只可擇要經營復查北塘至山海關一帶為畿東門戶值此海防喫緊布置尤關重要必須先其所急迅速辦成庶蘆台樂亭昌黎榆關各路防軍消息靈通頃刻之間可以互相問答調度機宜不致遲誤實為海防經久之規天津大沽北塘前已由官設綫今應自北塘至山海關依沿海徑路接添當即派員勘定計程四百餘里暫設單綫一條過河之處購用水綫估需銀三萬餘兩刻期蒞事已飭周馥盛宣懷朱格仁采購料物督飭員匠興工趨辦並將沿途應設局棧巡房妥為布置此路並無商報應仿照西洋關繫國家政務綫由官造之例及廣西梧州至龍州成案即由官辦見在設綫用款自天津至山海關常年局用巡電修理各費均於北洋海防經費項下核實動撥另行分晰彙案報銷

#### 又中英會訂福州電綫合同章程

十一年 諭吳大澂奏籌辦朝鮮善後事宜一摺所稱由奉省籌款添設電綫自旅順接至鳳凰門外交界由邊界至朝鮮國都該國亦頗樂從等語著李鴻章慶裕吳大澂通盤籌畫會商妥議奏明辦理

又直隸總督李鴻章奏准代辦朝鮮陸路電綫略稱准吳大澂等來咨轉據朝鮮國王咨稱擬自仁川港起安設陸綫由漢城至義州遼鳳凰城共一千三百里該國財力一時難辦請由北洋籌借限年歸款等語臣查朝鮮為遼瀋屏藩毗連俄日邊境內患外侮在在堪虞必須及時接設電綫以通信息而使調撥近年日本會託大北電綫公司安置海綫由該國西北海岸設起經對川以達朝鮮釜山並聞朝日訂約五條第一條有陸綫承之字樣第二條有二十五年朝鮮政府不駕設於該海陸綫路對抗爭利之電綫並不准他國政府及會社布設海底電綫等語是朝鮮設綫之權利已為日本所侵讓幸所設止釜山一口且係水綫尚未展至陸路若不趕緊代籌竊恐日本先我為之將由釜山逕

達漢城水陸綫索盡落他人之手中高氣脈不能靈通此次因朝王商請正當迎機善導為朝鮮保護陸路之權惟北洋經費枯竭而東省亦無款可籌工料浩繁開辦不易當飭總辦綫局盛宣懷妥議茲據議覆四條一曰籌款中國前造津滬電綫水陸通計每里合銀六十五兩六錢有奇今官綫已達瀋陽由瀋陽至鳳凰城四百八十里鳳凰城至邊門又一百十里如以津滬陸綫比較計需銀四萬兩自仁川至漢城達義州以抵中國邊門據朝鮮咨稱合一千三百里需銀八萬五千兩另備添設馬山行軍電綫及常年修理各項銀一萬五千兩共需銀十四萬兩如工料有可減省則樽節存儲以備常年經費不得絲毫虛糜惟北洋與奉天實難籌款似舍滬關出使經費外無可取資一曰定章朝鮮陸綫中國官為代辦易啟猜忌或援照壬午年招商局代借辦法擬由中國電報總局代朝鮮政府籌借公銀十萬兩分限期二十年按年由朝鮮歸還銀五千兩仍由電局催收轉解北洋免其計息此綫既由中國電局代借創造朝鮮還款未清之日應由中國電局代為管理以期款項有著一曰分任華界電綫約六百里應在所籌款內撥銀四萬兩責成北洋電報官局選派熟手委員造辦歸併官局經理其自仁川至遼門電綫約一千三百里應責成中國電報商局與朝鮮政府立約派員辦理其測量打報學生均由電報學堂隨時撥用一曰善後邊門以內電綫常年經費擬由東邊道就近籌畫朝鮮之綫則造易而守難商報無多財力竭蹶惟於借款內極力節省餘銀只可留備修理而局費巡費每月銀若干所收報費抵用不敷應由朝鮮另籌津貼各局董事司事學生工匠人等目前暫由中國電報局代為延雇以資熟手另選朝鮮人到局學習以冀逐漸撤換俾垂久遠等情臣查所議尚為切實據江海關道邵友濂電稱出使經費存項尚可周轉請飭總理衙門於該項下暫借撥銀十四萬兩以應急需臣即檄飭盛宣懷遵熟悉電務幹員馳赴朝鮮先與妥議辦法訂立合同隨帶華洋工匠勘路繪圖一面購辦物料趕緊開辦以期迅赴事機

臣謹案新政猶五官也有一不具則四者均無色矣朝鮮世列東藩我以所繫者重 特派重臣為之籌備善後事宜特自旅順添設電綫達其國

都所以保護者不為不至顧電綫設矣而鐵路兵力不足以副之所設電綫轉以藉寇兵而資盜糧我招商局墊借添設電綫之款亦且付諸東流而不復可問保護朝鮮而大受朝鮮之累嗟乎雖曰天命豈非人事哉

十三年北洋大臣李鴻章奏准戶部咨開各省設立電綫案內北洋墊用淮軍餉及南洋山東撥存商局官款共合湘平銀二十六萬九千六百餘兩除以光緒八年三月至十一年六月頭等官報費畫抵外尚餘官款未抵報費湘平銀四萬一百餘兩其廣東前撥官項湘平銀二萬七千三百六十兩另由兩廣官報費畫抵嗣後頭等官報不得再行計資畫抵奏飭在案茲據總辦電報盛宣懷詳稱前創辦津滬電綫所用官款除由商繳還六萬兩又議定五年後分繳二萬兩其餘湘平銀九萬八千七百餘兩奏明自八年三月改歸官督商辦起以商局應收頭等官報費畫抵俟此項抵完別無應還官款則前項官報亦不領資此僅就自津至滬官報抵支官款而言今則南北十餘省皆設電綫官報已四通八達所領各省官款自應悉照津滬之例一律畫抵報費見除抵繳南北洋山東官款並將餘銀四萬一百餘兩抵支十一年六月以後報費外尚有原領江鄂川廣各省官款應抵銀三十餘萬兩部議嗣後不得再行畫抵敢不遵照惟官督商辦之舉要在上下相濟官款商情似宜兼顧電綫創始之時官報僅居商報十分之一眾商以為官報不復加增又冀常年官貼巡費因有官款抵繳完竣官報亦不領資之議旋蒙核定官貼巡費只以五年為限且各省官報日繁動輒數百言均列頭等往往停擱商報夜以繼日猶僅傳發及半實與初議時情形不同是以局董謝家福等會請官報冗雜恐誤軍國要務商報停減尤虞局費不支必使惜墨如金斯可官商兩益又據江浙閩粵眾商以官報太多商情竭蹶屢請將官報一律核發見資庶各惜費不致冗雜均經轉詳有案電報必字簡乃可速達西文可逐字傳遞華文一字須用號碼四字代之功夫已費四倍况華文以曉暢為工報費又有抵支官款未免盈篇累牘遲誤事機商局常年經費惟賴商報見資官報日多則商報日少蓋發報定例次序官先商後故商報必遲惟其愈遲故生意愈少即如上海福州廈門香港四

口往來電報本較各口為多茲就光緒十二年分核計該局僅有商報費洋銀二萬二千餘元其流入英丹海綫傳遞者則有洋銀十二萬五千餘元此本華局可沾之利乃為洋商所得加以電桿露立枯朽隨之逐年修換必數萬金官中津貼巡費相繼期滿每歲又需商出數萬金就此三項少入加支之款計之每歲已需洋銀二十萬元他項經費在外所收商報費有限實屬賠累不堪查東西各國商設電綫其初設之時必由公家認付股商利息至沿途巡護電桿之巡捕均由公家發給口糧凡有官報悉照商民一體給費惟商如是而不嫌其優蓋商利厚則電務益興深有利於軍國大計也今電局尚有應抵官款即照初議亦未屆報效之期况值局勢岌岌而部議不准再抵則原領官款須以見銀分年歸繳眾商力更難支若不將官報核給見資電局斷難立脚然竟照各國通例無論何項官報一律照商報付資為數較鉅亦非上下相濟之道該道傳諭眾商勉以大義所有軍機處海軍衙門總理衙門戶部等衙門南北洋大臣出使各國大臣頭等官報皆關軍國要務請自光緒十三年六月起按月結算報資以一半由眾商報效一半按照遞寄外洋電報章程歸出使經費項下按月核給各省將軍督撫頭等官報亦屬緊要事件並由眾商報效一半其餘一半各就情形籌發見資以期眾擎易舉均蓋用印信為憑此外提鎮司道防營局所職臺兵船印委寄報均照三四等章程令其自行出費如遇軍務海防要件亦照商報出費仍發在商報之前以示區別等情查電局經費本指商報見資乃各省官報冗雜太甚應接不暇以致商報日稀經費無出迭據商稟咨行各省有案惟號令不齊迄今仍紛紛列作頭等官報電局接收不敢不遞而統計抵支官款遂成鉅數是公家與電局兩有所損見既商力艱窘局勢岌岌即不得不變通辦理妥為維持以免要舉中輟該道擬京外衙門頭等官報酌給見資一半以一半由商報效其提鎮司道以下皆自行出費不列頭等非此無以示限制蓋既須見資則官報自少較從前抵支官款之數約可節減過半於公家不無裨益在電局藉得官報之價補苴並冀商報漸增銷耗商力至京城各衙門及南北洋大臣出使各國大臣官報非緊要者不發本屬無多又

僅止半價每歲報資有限出使經費尙易籌給其各省有由官設電綫之處仍照舊辦理此爲節費值商起見以後官報減少遇有緊急電信更可迅速傳遞有裨機宜

又中英丹會訂電報根本合同又齊價攤分詳細合同

十四年北洋大臣李鴻章奏據總辦電報盛宣懷稟稱奉兩廣督臣張之洞札知見由省城展造陸綫經韶州至南雄州以捷官報該道以商電局由上海接設陸綫由浙江福建而達廣州並至香港惟浙省之蘭溪衢州閩省之浦城建甯等處每逢春夏山水漲發輒衝壞電桿數百根修理既需時日南北電報往往阻誤仍由洋商海綫傳遞遇有緩急究多隔閡會擬在內地添設一路今粵省官綫既造至南雄州若商局由九江陸綫造至庚嶺相接歷江西之南昌吉安贛州不過一千七八百里衆商尙可勉辦其常年養綫之費所收報資或可相抵如此則一綫偶斷仍有一綫可通既免水發阻誤之患洋商海綫之利亦可漸爲華局收回以期經久不敝官報商情可冀兩益詳請奏辦前來臣查光緒九年英法美德各使請在上海設立萬國電報公司擬由洋商添造自滬至香港沿海各口水綫經臣飭盛宣懷等勸集華商接辦自滬至粵沿海各口陸綫經由閩浙地面春夏水發不免阻誤仍須由洋商海綫傳遞今粵省官辦陸綫已造至南雄州盛宣懷擬將商局陸綫由九江造至庚嶺與南雄之綫相接實屬變通得法且事歸商辦公家不須經營締造之費而官報得以靈通洵於軍國有神請旨敕江西撫臣轉行經過地方妥爲保護勿使阻撓損壞俾昭慎重

又奏准中法演越邊界接綫章程略稱十二年准總理衙門咨開據法國駐京公使照會以廣西邊界中國電綫距越南東京法國電綫甚近若彼此接連受益不淺查有無窒礙等因飭據總辦電報東海關道盛宣懷稟稱法國陸路電綫自嶺南關邊外起以達越南東京至西貢並通越南各內地又由西貢接通英綫至暹羅之都城彭高地方且繞出緬甸至印度等處中國陸綫如與接連則價目較海綫便宜以上各處電報皆可由此綫轉遞誠於中國有益中國

電綫既與英丹海綫接連法綫事同一律祇須章程嚴密中國界內不准該國陸綫侵越尺寸亦不准該國設立電局無事時不妨接綫以收利益有事時仍可斷綫以示隔絕自無窒礙等情業經咨商總理衙門核准照覆法國公使允其接連在案臣即分咨粵省督撫一面飭盛宣懷會商粵電局妥辦旋據盛宣懷稟稱奉兩廣督臣張之洞批示亦以中國界內不准該國陸綫侵越爲關健今年七月法國駐津領事林椿奉其本國之命前至煙臺會同該道擬就廣西之鎮南關電綫與越南北圻之同登地方法綫相連事宜十一條並另加專條大致以設局造綫彼此各至分界處所爲止不准侵越邊界尺寸地步其餘係傳報章程及報費數目惟第二條內該國擬請廣東邊界之東興綫與北圻之芒街即蒙開法綫相接又雲南邊界之蒙自電綫與北圻之保勝即老開法綫相接雖均爲初議所未及但東興蒙自兩處接綫並無商報其費皆出自公家若准連接亦可藉收商報於養綫經費不無裨益且與鎮南關情事相同經臣照錄所擬章程咨准總理衙門覆稱添接東興蒙自兩綫核與接綫原議事屬一律詳閱各條尙無窒礙難行應如所議辦理並擬入萬國電報公會及第十條法郎兌價隨時增減之說稍欠分曉應更正等因復飭據盛宣懷稟稱萬國電報公會願入即入與此約無干不必添列至第十條法郎增減違已更正並將前次繕譯字義稍有未符之處妥細核對準確連專條統訂爲十二條林椿以時屆封河即須回津請即在煙臺畫押並請奏明遵行該道遂電請臣與總理衙門覆准即於十月二十八日將所訂章程與林椿畫押蓋印訂明鎮南關一綫俟中國奏明奉准即行接連東興蒙自兩綫俟奉准後十八個月內再按計繕漢文法文章程各節法法應執兩分中國電報總局存留一分其餘一分稟送前來臣查外洋各國電綫彼此相接以通平日商報而資養綫經費各國均無禁止接綫之例即如法德鄰邦世仇日相窺伺而電報仍往來如織蓋有事時明斷其綫暗阻通信我可自主並無窒礙中國電綫久與英丹兩綫相接藉通中外消息甚於大局有裨今與法綫接連藉收商報之利除飭盛宣懷隨時會商漢粵電局妥慎辦理並將送到印押漢洋文章程一分咨送總理衙

門備案

十七年湖廣總督張之洞會奏准軍機大臣字寄奉 諭有人奏官民構釁重  
應思慮預防一摺據稱湖南澧州委員下鄉堅立電桿勒索騷擾以致州民毀  
折電桿毆打委員地方官勒交滋事匪徒該州團練匪不交出並有聚眾與官  
爲難等語見在各省會匪甚多必須嚴行擊辦所奏該省毀折電桿是否委員  
實有需索激變情事抑係奸民藉端煽惑著張之洞確切查明妥速辦結毋任  
養癰貽患原摺均著抄給閱看查此案先經 旨等札飭湖南岳常澧道廷杰督  
同署澧州知州裕慶並由 旨之洞委湖北候補知府李謙馳往確查據實稟覆  
茲據稟覆稱前湘省奉辦電綫當將電綫之設有利無害工作概用華人不用  
洋匠以及無礙民閒墳墓廬舍各緣由疊次曉諭民閒俱已曉然並無異說以  
爲可以相安迨委員到境接辦詎料州屬之馬家河青泥潭等處愚民終疑電  
綫關涉洋務必係洋人所設適逢本年各省匪徒布散謠言揭帖專意與洋人  
爲難又聽信地痞訛言如設電綫以後幼孩牲畜損壞電桿者皆須處死民閒  
受累無窮於是疑團愈結電綫達湘澧州係入境首站適該州界溪橋地方因  
教士趙本篤造屋民人盜賣地基之案州民公稟有禁阻洋人之議而總辦電  
報局盛宣懷委辦之員又已赴常德料理電桿事宜留在澧州之司事工頭穿  
戴多係窄衣席帽鄉人視此異服益疑爲洋匠工作確係洋人所設紛紛傳播  
各團民愈聚愈多其勢洶洶所執旗幟大書痛逐洋人禁止洋綫字樣竟將馬  
家河清泥潭孟溪寺各處電桿鉤碗等物先後焚毀多件澧州派有彈壓照料  
之委員紳士因救護物件紳士王坦齋致被火把熏灼並未受傷被毆復恐官  
派兵擊辦團衆聚集不肯散歸當經文武防營彈壓開導並飭城鄉紳士明白  
曉諭旋即解散先後擊獲滋事拒捕首要各痞匪十三名到案訊供另行擬辦  
並據查明委員下鄉辦理實無勒索騷擾情事所有毀失電桿等物尙不甚多  
該紳民情願賠償惟愚民始終堅執爲洋人安設謂電綫設後必引洋人入湘  
猝難開導懇請緩辦各等情此該道等查明澧州團民阻毀電綫之實情也查  
湘省創設電綫原爲通遞緊要官報而設方今除湖南一省外其餘十九省徧

設電綫上年疊據湖南藩臬兩司暨沿途經過州縣稟復業經曉諭民閒俱無  
異言始行奏准開辦此開先據印委稟報澧州鄉民阻毀電桿猝難開導又因  
夏令雨多水漲電桿應行經過地方濱臨湖汊多被水淹本難工作經 旨之洞  
飭令暫行停工一面妥爲彈壓訪拏鬧鬧之犯訊辦在案茲該道等先後查覆  
前來 旨等覆核此次安設電綫開辦已逾半年省內外紳民並無一人呈請  
停設之事乃適逢本年春夏間澧州公阻教士兼之各省毀鬧教堂澧州傳布  
揭帖甚多愚民竟疑電綫爲洋人所設遂將電綫與洋人傳教糾結成爲一事  
竟致形諸旗幟復經地方痞匪造言煽惑於是衆情惶惑雖經印委劉諭紳士  
俱能曉然愚民竟難理喻此次團民聚集焚毀電桿旋即解散並未毆打委員  
在愚民誤認爲洋人所設輕信地痞搖惑畏累疑懼情尙可原而聚眾鬧鬧毀  
棄官物刁風亦不可長見已將鼓衆滋事痞匪擊獲多名酌予懲辦示儆所有  
毀失電桿等物自認賠償電綫本因水大停工已飭暫緩安設俟以後從容開  
導能否一律曉悟再爲妥酌辦理見在地方均已安靜至委員承辦此事深知  
湘省民情強悍此等創舉但期加意聯絡妥洽集事豈能再向民間需索騷擾  
見據查無勒索騷擾情事自屬可信仍飭地方文武嚴密查緝以後如有會匪  
地痞任意造謠藉端生事即隨時嚴拿重辦斷不令養癰貽患以靖地方  
北洋大臣李杏據總辦電報東海關道詳稱湘省電工因澧民阻撓停辦  
之後股商紛紛函稟以中國設立電報歷時十餘年推行十餘省由官籌款  
者謂之官綫由商集股者謂之商綫凡商綫之出入商股之血本繫焉此次  
湘省電工係奉憲奏准飭電局開辦商等以湘省風氣未開將來所收報資  
未必能敷經費懇辭再四迭蒙切實勸諭方敢集資購料乃停辦已久糜費  
之款聞澧州知州情願賠償商等情願如數領回以後毋庸再辦素仰湖廣  
督憲張帥卹華商無微不至用敢稟懇迅速領款歸墊等情當飭總辦湘綫  
工程盛牧廣將澧民滋事始末情形並毀去物料價值暫動用各款據實稟  
覆據稱奉辦湘省電綫工程本年二月上海起行隨帶學生華工由沙市入  
湘各該州縣派差保隨同細勘綫路由澧州至常德武陵龍陽益陽甯鄉

到長沙省城直抵湘潭計綫路一千十三里沿途居民均無一言相阻就近在常德河汊購辦電桿木料並將上海運來電綫鈎碗等料均經分運澧州津市等處亦屬相安無事即於四月開工由沙市局接綫至蔣家河安設水綫業經報明在案查鄂綫工程自沙市電報局起至宜都之蔣家河過江安設水綫一條計七千尺至松滋縣之牌坊口接立旱綫已於五月抵寶塔寺北岸計綫路二百六十五里均已安設妥帖鄂省軍民皆稱安靜惟查寶塔寺南岸即入澧州界詎料先有澧屬之馬家河痞衆阻運燒毀電桿四十七根雖經擊獲羈禁尚未辦結嗣因工程已抵寶塔寺北岸正在會商澧州文武員汛迎工入境忽有澧屬之青泥潭痞衆阻運燒毀電桿十三根搶去鐵綫五捆鐵鈎一箱磁碗二箱又有澧屬之新化新洲等處痞徒糾衆阻運裕守會營彈壓理喻咸忱不能解散該痞等竟敢將津市南北兩岸所存電桿木一千二百十根燒燬淨盡並在新洲水次搶去電桿木二十根似此三次衆衆猖獗異常法已極以致工程未能興作於電局大有關礙所有被燬各料以及運料費用學生司事工匠薪資夫價船價等項統計湘平紋銀六千二百三十六兩另八分一釐再本州前由澧州馳抵常德會晤武陵董署令詢悉各料均交團保守管不致爲痞痞所煽動居民安謐如常適錢直牧亦由省來常遂商請該牧仍回省城經過龍陽益陽兩縣及到長沙善化湘潭等縣務宜諄囑地方官再諒紳耆保甲將前屯存各料保護守管等情到道伏思湘省非通商地方設立電報本非電商樂從今復大工中止無論未設之綫續辦不定何時即已設者亦將置之無用約計此綫自籌辦至停工及沙市至寶塔寺二百餘里所用電桿鐵碗並過江水綫所費甚鉅在股商方思一律賠償經職道再三開導其已設之綫目前雖無用處但未被痞徒毀壞無令賠償之理至已購物料雖運而未用仍可移爲他處之需亦難令其賠償酌中擬斷祇能照盛收摺開等項湘平銀六千餘兩謹遵憲批責令官紳酌量認賠查光緒十三年貴州設綫土民在畢節地方毀壞鐵桿該處官紳認賠工料銀兩奏明在案湘省滋事之案大略相同似應援照辦理以

值商情而肅法紀否則電報係奉 旨勅辦之件輒敢聚衆抗違置之不問既失政體亦於電務大局有礙爲此照錄清摺詳請照數追賠實爲公便本閣爵大臣據此除批示外相應咨會查照迅飭遵辦施行

澧州知州稟電工案內先後擊獲滋事各犯遵批議擬由奉批羅淙濱等阻毀電桿以奉 旨飭辦之件糾衆阻撓形同化外本應從嚴究辦即置之重典亦不爲過姑念均係鄉愚無知隨同約衆尙非起意之犯羅淙濱譚泳珍二犯應各監禁二年蔡恆武范洗桃盧仕楨三犯應各監禁四年彭得禮劉平柏二犯應各監禁二年限滿察看能否改悔再行分別稟辦彭書義等六犯並未動手亦未拒捕情尙可原應照所擬枷杖滿日折責發落餘並如所議辦理仍一面懸賞嚴拿逸犯張安志等務獲究辦並趕緊設法勒賠毋稍泄延等因查燬失電桿電綫鈎碗各料州屬城鄉各紳知係官物前會稟懇就地設法籌款賠償嗣奉督憲札據督辦電報盛道稟請查照總辦工程盛牧摺開照數追賠當經知府嚴飭該紳等趕緊賠繳在案見據州屬城鄉各紳稟稱澧州開辦電工各鄉愚民疑慮阻撓以致燬失電桿等物自應趕緊設法籌款賠償惟是澧州僻處水鄉歲收微薄地方素稱瘠苦居民鮮有蓋藏每年修培各處堤圩工費已屬不貲加之見在興辦城工需費甚鉅職等設法籌辦尙無端倪此項賠款如必查照委員盛摺開六千餘兩之數民力實有不逮查前奉委員來州訪查時職等謁見面稟約計電局運來桿木一千餘根按照湘省時價估值銀一千數百兩故祇稱願將燬失物料賠償其運料費用以及工匠薪資夫價船價等項原未敢概認賠繳蓋深知州屬地瘠民貧萬難籌集鉅款也茲經職等籌措錢二千四百串呈繳賠償實已力竭筋疲稟乞轉詳上憲俯恤下情運費等項豁免賠繳等情知府查該紳等所稟委係實情雖繳款爲數甚微而民力實已告竭會憶上年鄉愚阻工滋事之後盛收稱燬失物料實在約值不滿二千金無論如何爲難總要籌繳其餘運費等項尙可不事苛求此盛收體念民艱窮民感戴惟見在僅繳錢二千四百串按此時市價易銀計不過一千五百兩究未免太少然紳民之

財力皆窮縱再追呼恐亦無濟思維再四祇得再由知府措捐廉銀足成二千兩庶於盛牧所稱不滿二千之數有盈無絀此項賠款見已寄存州庫應解交何處彈收伏候批示祇遵

十八年刑部奏軍機處交出直隸總督李鴻章奏匪徒竊毀電報桿纜請明定治罪專條一摺奉 硃批刑部議奏 等語得據李鴻章奏稱中國創設電纜已閱十年風氣漸開推行日廣東北則達吉林黑龍江俄界西北則達甘肅新疆東南則達閩粵臺灣西南則達廣西雲南徧布二十二行省並及朝鮮外藩殊方萬里呼吸可通洵稱便捷然必一無隔閡方能不誤事機以由電傳遞之件無論官商皆關緊要若遇軍務之時調度戰守機宜取決俄頃設遇電纜折斷貽誤軍 國大計厥咎匪輕近年貴州山西陝西甘肅各省愚民聚眾拔毀桿纜之案層見迭出均由各該督撫臣嚴懲以儆效尤至北洋電報總路多係濱海津沽蘆臺一帶亦有電纜被竊之案經 嚴飭緝拿僅獲一二縱使口供確鑿因例無治罪明文不過枷責了結匪徒無所忌憚竊割如故地方官亦因例無考成緝捕尤不盡力他省類此甚多若非明定治罪專條不足以懲創而資整頓查律載常人盜官物計贓一兩以下杖七十一兩以上至五兩杖八十以次遞加至八十兩杖係雜犯准徒五年又棄毀官物准竊盜贓加二等誤毀者於官物加二等上減三等又例載驛站馬夫遞送公文事干軍情機密沈匿者不計角數杖六十徒一年此項電纜創設自官係屬官物憑纜傳報事同驛遞非尋常物無關要事若比竊毀官纜若按盜毀官物科罪一桿一纜計贓加等罪止杖責不足蔽辜查電報關係軍務軍情要政無不兼該竊毀桿纜有礙傳報核與沈匿公文無異商電桿纜亦係奏明設立與官纜處處銜接其傳遞官報僅取半資急公報效亦應一體維持未便歧視嗣後如有匪徒竊毀電報桿纜不論官商電是竊是毀不計贓數但經折斷均請比依驛站馬夫遞送公文事干軍情機密沈匿者杖六十徒一年例擬杖六十徒一年如竊盜仍盡本法刺盜官物三字棄毀者照律免刺誤毀者於杖六十徒一年罪上減三等擬杖八十竊毀桿纜均照估追賠以上各節但指尋常竊毀桿纜而

言倘有地方奸民造謠聚眾拔毀桿纜至數十里外者仍察酌情形分別首從比照土匪滋事從嚴懲辦不得復拘常例其失察竊毀桿纜之地保照不應重律杖八十折責革役誤毀者免議等因 等公同酌議應如該督所奏如蒙 俞允 臣部即行文該督並各省督撫將軍都統府尹一體欽遵辦理該督奏稱失察及承緝之地方官作何處分分別輕重並請由部議定俾各自顧考成庶防捕益嚴後患可免等語恭候 命下移咨吏兵二部核辦

又吏部等奏准刑部咨抄錄原奏到部吏部查各省設立電桿電纜無論官商電均經奏明立案地方各官有管轄地面之責自應隨時防護俾免滋生事端今據該督奏請議定地方官承緝失察處分係為力圖保護起見查地方官處分之輕重應以毀竊各犯罪名為斷見據刑部奏定竊毀各犯及失察地方官分別治罪專條 臣部自應查照刑部奏案以罪名之輕重為處分之等差公同酌議擬請嗣後如有匪徒聚眾拔毀桿纜至數十里以外逞凶拒捕致成巨案核其所犯罪名係照土匪滋事定擬者將該管地方官議以革職公罪如能立時獲犯賠修完案減為革職留任四年無過准其開復係行盜行竊致有折毀該犯擬徒者防護不力之地方官降二級留任公罪倘匪犯在逃未獲所有承緝處分並令照駐紮城外衙門官署被劫例按限開參初參將承緝官罰俸二參降一級留任三參照所降之級調用若經該督撫嚴參勒限緝拿即照盜案嚴參例先行議以降一級留任限滿無獲議以降一級調用俱公罪如係一時誤毀罪祇擬杖失察之地保應行免議者該管之地方官免其處分兵部查各省防護電桿電纜文職承緝失察處分既經吏部查照刑部奏定竊毀各犯罪名分別議定其地方武職官弁並有防護之責如有疏虞自應與文職一律議處 臣等公議擬請嗣後如有匪徒聚眾拔毀桿纜至數十里以外逞兇拒捕致成巨案將該管地方武職議以革職公罪如能立時獲犯賠修完案減為革職留任四年無過准其開復係行盜行竊致有折毀將該管地方武職議以降二級留任倘匪犯在逃未獲所有武員承緝處分照城外大小文武衙署倉庫被劫例按限開參將專汛官初參停升二參降一級留任三參降一級調用若

經該督撫嚴參勒限緝拿先行議以降一級留任限滿無獲議以降一級調用俱公罪如係一時誤毀失察之地保應行免議者該管之地方武職亦一律免其處分如此分別議定處分專條庶地方官自顧考成防捕可期得力如蒙俞允即通行各直省督撫將軍府尹一體遵照辦理

又北洋大臣李鴻章奏准與俄接綫定約略稱本年三月准總理衙門咨以俄國使臣喀希呢赴總署申請議接海蘭泡彈春等處陸路電綫請派大員會商辦理奉 硃批著派李鴻章與俄國使臣妥商奏明辦理 即札派盛宣懷與俄使所派之駐津領事官王厚在天津商訂磋商數月議訂華洋文條約十款大致與前任俄使庫滿所訂草約十一款不甚懸殊當將議訂接綫條款一併抄咨總理衙門繕譯清文咨送到 由 處照繕漢文於七月初四日在津先行畫押蓋印交俄領事寄京與俄使喀希呢印押其俄文法文則由該使在京先行畫押蓋印仍交俄領事寄津與 印押齊全各自分執查中國陸路電綫創自光緒六年布滿各省瞬息萬里官商稱便惟丹國大北公司海綫先於同治十年由香港廈門地運至上海一通新加坡檳榔嶼以達歐洲名為南綫一通海參崴由俄國亞洲早綫以達歐洲名為北綫俄丹早有連綫之約嗣後英國大東公司水綫亦由福州至上海英丹復有合辦之約其始英丹兩國湊集巨款製造水綫來華原欲併收中國通商各口之電利故同治九年英使威安瑪曾有各海口准其設立水綫之議逮各省自設陸綫併拆去英丹在滬粵已成之陸綫彼乃知中國已能自守境內權利不可復奪遂欲獨專中國與外國往來電報之利迨我之吉林黑龍江綫成與俄之東海濱境內咫尺毗連該公使深慮中俄綫接分奪其生計惟恃俄丹交密並有海參崴約章在前俄雖欲自利仍不能不保護丹國之利而各國洋人之在中國者聞中俄接綫皆願陸綫與水綫跌價相爭使洋人寄報可占便宜此不特俄丹所不允即中國電局亦無力與之跌價且英國水綫到中國已二十餘年彼洋商無法使水綫跌價亦何能獨使陸綫跌價以遂其漁人得利之謀見在中俄定議上海福州廈門香港該公司本有水綫處不與爭跌留其生計該四口以外各口電價亦不准

水綫公司爭跌庶使華綫略分其利如以後水綫減價則中俄電綫亦同時照減辦理甚為平允 與總理衙門函電互商均屬妥協至展造恰克圖綫應用造綫經費甚鉅並常年養綫用款繁重擬飭盛宣懷勸諭華商電報公司設法添招商股二十萬歸商認辦以免另籌官本以後邊界既經接綫凡京津等處出洋電報必須將京津等處至海參崴彈春恰克圖內地報費由我酌量全行豁免祇收條款內應分來往經過之電費自應仍歸華商電報公司收取除抵過路免內地報費外即以抵展造恰克圖電綫經費及以後常年修巡之費以期經久此又中俄接綫後所擬之辦法也

二十年中英議訂雲南緬甸邊界陸路接綫條約

二十二年中丹英會訂電報合同

二十三年中丹會訂合同 中俄改訂陸路接綫續約

二十四年直隸總督裕祿奏據臬司覺羅廷雍稟稱在京請 訓荷蒙 召見該司面奏各省會久經安設官綫電局惟京都獨無凡由總理各國事務衙門收發各報悉經商局轉電遇有緊要事件恐不免貽誤事機雖係密碼日久亦難免洩漏請於京城設立官局電綫徑達北洋電報總局不特於公事慎重且可節省經費甚鉅奉 懿旨飭令到津傳諭裕祿核辦查中國電報由官款開辦者為官局由商款開辦者為商局其中亦有官督商辦者就十八行省而論大約商局占十分之七光緒十三年前北洋大臣李鴻章奏定章程所有商局收發軍機處海軍衙門總理衙門戶部等衙門南北洋大臣出使大臣頭等官報應給報費半由眾商報效半由出使經費項下按月核給各省將軍督撫頭等官報亦由眾商報效一半其一半自行籌發見在天津雖有官綫電局而由津至上海以及轉遞江蘇浙江江西安徽福建廣東廣西四川湖北等省均歸商綫傳送別無官綫即使於京城設立官局勢不能與各省商綫一律改為官綫所省報費僅由京至津一段甚屬有限而添設電綫電桿必須另行撥款平時又無商報可收常年經費亦無所出殊不合算至頭等官報向須提前先發定章甚嚴商局斷不敢稍有積壓遲誤京外各衙門往來官報均有密碼電局



員司無從揣測如慮日久洩漏須將密碼由總理衙門隨時編改密發各省更換即足以昭慎密該司所請於京城設立官電局之處似可毋庸議辦

又督辦電報大臣盛宣懷咨本年七月奉 諭嗣後明降諭旨均著由電報局電知各省督撫即行遵照辦理毋庸候部文承准總理衙門恭錄知照即經通飭各電局一體遵辦去後茲據京城電報局總辦馮守敷高稟稱向來開抄由二等報遞發故遲延錯誤在所不免見奉 明諭各省接到電報即作為奉文日期此電即與電 旨無異而局員又無發一等報之權深恐貽誤昨由憲臺咨請總署歸入一等報與電 旨一律辦理總署大臣會商多次今已定議傳知府前往面示辦法此後每日 上諭由總署在軍機處領出分別緊要與否要緊者發電不要緊者不發或應專電一省或應分電數省均由總署標明交局列入一等官報遞發與電 旨一律辦理惟總署章京事繁不及繕譯並飭京局另派司事兩人專管譯發 上諭事件自七月起京局已遵飭照辦查每日 上諭既由總署分別交發列入一等官報是總署已發之 上諭京局不必再發二等公報以紓電力知府擬於總署交發 上諭之電標明 上諭二字各局見此等電報立即照轉至總署不發之開抄擬請仍照向章由二等報補發但二等報在一三四等之後向不能速而各報輾轉接遞錯誤亦所難免並懇憲臺查明各省督撫將軍所發二等公報與一等官報遲速大相懸殊先行陳明以免日後詰責且補發總署不發之開抄實係電局竭力報效似難再任稽延之咎據此除分咨外相應備文咨呈察照

又日本訂購淡水海綫合同 中丹英議條款

二十五年總理衙門咨案查本衙門見在所用之密新電本已經數年恐多宣洩見又新編電本名曰己亥本茲特咨送新電二本務希收存內署以昭慎密嗣後凡發緊要之電均於電首添用亥字俾易查譯並望於收到後立即電復以便開用

又咨本衙門查各處收發電報關係緊要必須密益加密以防洩漏見在約

定辦法自光緒二十五年七月起每屆數月將電本另換暗碼第一次名曰字字密密本按期咨送嗣後凡有緊要之電即用此本譯發並於電首加用字字俾易檢查其餘尋常事件仍用前發之己亥本以示區別至此本須格外慎密除於收到時即行電復外務希嚴密收藏不得稍有宣洩一俟後次新本寄到即將前次電本咨送本衙門查銷是為至要

二十六年中丹英會訂滬沽水線合同京津沽陸綫暫行合同滬沽新水線合同煙沽副水線合同 中丹會訂沽津京怡借綫合同

皇朝續文獻通考卷三百七十三

郵傳考十四 電政

光緒二十八年 諭各國電務多歸官辦凡遇軍國要政傳遞消息最稱便捷中國創自商辦諸多窒礙亟應收回以昭鄭重著袁世凱張之洞迅將中國所有電綫核實估計奏請籌撥款項發還商股即將各電局悉數收回聽候遴派大員認真經理以專責成而維政體

又 諭前因電務爲軍國要政應歸官辦已令袁世凱張之洞籌還商股將各電局悉數收回候派大員經理著派袁世凱爲督辦大臣直隸布政使吳重熹著開缺以侍郎候補派爲駐滬會辦大臣該局改歸官辦後其原有商股不願領回者均准照舊合股朝廷於維持政體之中仍寓體恤商情之意該大臣等務當統籌全局認真辦理將從前積弊一律剔除以期上下交益

臣謹案電報自光緒八年集股商辦垂二十年盛宣懷一人主政股亦獨多袁世凱向與宣懷有隙至是任北洋大臣乃議收歸官辦攘奪利權名公而實私也嗣宣懷等郵部欲收鐵路爲國有而大波軒起矣可懼哉

又中國電報總局與大東水綫公司會訂北京大沽借綫合同先是二十六年電局與大北古本海根電綫有限公司訂立合同電局允將大沽至買賣城即恰克圖之電綫借給一條與大北使用並將指明走恰克圖陸綫或沽瀋水綫之外洋電報交與京津怡三處大北傳遞嗣電局與大北允將該合同酌改於光緒二十八年九月二十一日重訂合同當與本台合同同時呈請外務部核准今議定大沽至北京電綫電局允借與大東一條傳遞京津來往指明由大東公司水綫傳遞之外洋報並允借給局房均按照借與大北公司一律辦理以二十三年爲滿限

又與大北水綫公司修訂沽津京恰借綫合同因電局以鉅款設立北京至買賣城早綫見擬將電局之上海至大沽水綫與大沽至買賣城之陸綫接通力爲整頓俾得另成一美備之路傳遞俄國及歐洲並歐洲過去各國之外洋電報是以中國電報局由駐滬總辦朱寶奎幫辦周萬鵬大北公司由

駐華總辦白伊尹主政彼此皆有全權特於一千九百二年十月二十二日議定辦法互相簽押以二十三年爲滿限

又與大東水綫公司會訂川石南臺借綫合同因川石山至南臺來往外洋電報欲期傳遞便易起見於光緒二十八年九月二十二日彼此訂立合同電局由朱寶奎周萬鵬大東由蒲勒德主政彼此皆有全權互相簽押議定條款以二十三年爲滿限

又外務部奏中俄陸路接綫展限續約畫押略稱東三省邊界與俄境東海濱毗連前訂暉春海蘭泡電綫與俄綫相接條約本年限滿俄使臣雷薩爾請訂展限續約四條奉 硃批派慶親王奕劻畫押旋經督辦電政大臣盛宣懷繕就漢洋文約本齎送到京當即轉知俄使臣會同畫押蓋印訖理合恭摺覆陳又咨電政大臣核復中俄續立展限合同 准俄雷使照稱原續各約所訂各條可無更改統入新約查報費一節可按一千八百九十七年續約所開價目暫行照辦俟明年倫敦郵政電報公會章程核定再將此綫並他綫之報費照改又應任俄國電報局由恰克圖至北京傳遞各電報須用丹國所承讓之電綫以圖方便此項電費均由該電局與該公司結算此兩國同有利益之事即希賜復以便遵行等因應咨貴大臣酌核辦理電復再大東大北原續各合同前年因亂遺失希即抄送本部備案

二十九年電政大臣袁咨外務部 前准美國紐約太平洋商務水綫公司函稱擬由呂宋造綫接通上海或附近上海即指吳淞而言盛大臣以中美交好勢難拒絕詳敘各國海綫章程並陳明照大東大北合同妥辦在案迭經派員與東北公司熟商茲據函稱美水綫接上海一事與其設法阻止力有未逮不如另擬和平辦法使美公司不至奪我三公司歐洲往來報務以保全固有之權利特擬聯合辦法九條請速復以便乘英京萬國電報公會集議之時將抵制之法先事商定免致美綫造成無所措手等語查各國水綫登岸空言阻止無裨實際除不與接綫外並無辦法本局自與東北公司訂齊價合同歲入洋報費頗鉅今添一公司不免稍分利益惟細核所擬九

條於本棧不過喫虧尙可抵制六七若中國不允聯合堅執不准上岸既慮美棧造成於吳淞口外設一躉船無須上岸亦無須接棧儘可跌價爭攬致齊價報費全數無着尤慮兩公司暗與美合喫虧更鉅祇得允准推誠聯合仍守定中國本棧界限不使利權外溢以相抵制他國倘再援請尙可藉東方各公司力量并力拒阻除函復大東大北公司照辦外咨部備案將來准美水棧上岸時尙須另立合同以昭信守

又咨南洋保護海道水棧諭禁三條 據電報總局稟稱上海煙臺大沽一帶海道水棧時被海船漁戶下錨鈎連用斧斫斷若不嚴行禁止誠恐損壞愈多而修費愈鉅茲擬三條請出示嚴禁 一該水棧略似大鐵索亦有用黑布包皮者如下錨誤觸起錨時覺滯重有物最好將錨索斫斷所失錨索之價准其告知天津上海煙臺電局驗明償還 一起錨時牽出海棧須格外小心妥爲放下切勿損傷 一如有入敢將海棧斫斷或任意損傷不遵示諭者准各船戶水手至各該地方電局及縣署告發果屬確實准予分別給賞

三十年北洋大臣袁世凱奏比商承辦天津電車電燈公司略稱比商世昌洋行海禮等擬在天津創辦電車電燈一案天津未交還前業經呈明聯軍都統批准承辦照案移交後按條款接辦勢難固拒只可於訂立章程格外詳審隱示限制總以收回利益不失主權爲宗旨茲因該商稟呈章程多未妥協經臣逐條批駁旋准外務部電開駐比楊大臣電稱比外部言比人承造電車三事未洽請持平辦理 臣因該商所望太奢可駁者不止三事必須就我範圍始可批准斷難遷就貽害地方札飭津海關道唐紹怡等邀集該商遵照指駁各節飭令改擬磋商數月始定章程二十七條作爲合同草稿核較原章爭回利益甚多照此辦理尙無礙地方利權無損小民生計經照抄錄并繪圖件咨送外務部查核示復嗣准部咨改擬合同尙屬妥協自可准行復飭該道等會商該公司繕就華文合同詳校無訛蓋用關道印信會同簽押分別備案轉交收執并將報效銀五萬兩代爲呈繳 臣查歐美各國通都大邑電車縱橫

馳驚故能萃商旅百貨駢臻電燈照耀通宵不息巡警易於稽察盜賊無從潛蹤於閭閻有益但洋商內地經營往往奪小民生機侵地方權利必須取益防損慎之於微詳核條款頗已周密惟請關道立案函內有北京註冊爲有限公司照比國法則承辦等語爲原訂合同所未載此節含糊異日恐滋流弊當即飭令刪改復稱註冊是爲公司保護股東資本起見與已訂合同無礙承辦各件仍以合同爲法則與比國法則無涉等語復經明晰批示既與合同無涉應不准以此節立案嗣後該公司辦理一切應照原訂合同並不與比國或他國衙署稍有干涉該商並無異言悉願遵照似此反復研求該商一切如約自應准其開工興辦仍當督飭各員隨時稽查以杜他弊至報效銀五萬兩天津見建御河鐵橋及購買打洩漆水機器需費甚鉅款無所出該關道擬留充前項工需事屬因公自應准其撥用

電政大臣袁咨請外務部更正中俄接綫收費續約 據電報總局朱道寶奎稟稱據俄使照稱倫敦公會已將各章商定凡西歐與中國來往各報及經過亞俄等處報費均各跌減已於本年西曆七月通行請貴政府亦按本國辦法各報每字取一法郎克作爲中國報資應於簽字續約後施行並抄附底稿前來遵照即詳細覆核以俄使所咨華文合同譯詞不達未易指實未便含糊允行先後索閱法文全稿茲據駐京洋總管何倫郵寄來滬悉心校核知第一款內甲乙減價數條尙有舛誤緣去年倫敦萬國電報公會議中美來往報費每字七法郎克並未減跌該稿誤會減價亟應更正俾中美來往報費與公會議價相符應請咨外務部照會俄使俟其覆文到日可將全稿定議擇期繕正簽行等因應將增改各條抄單咨部請查照辦理

又外務部奏改正中俄接綫收費續約略稱准俄使臣照稱倫敦公會已將各章商定中俄往來各報每字向取一法郎克五十生丁減至每字取一法郎克當經臣部咨電政大臣袁世凱吳重熹督飭電局核明續約洋文底稿減價數條尙有舛誤派員往俄國駐京使署將原稿商酌增改作爲該約定稿茲准該使臣照稱復核譯文均屬妥協應請奏明 批准簽行等語 臣復核無異繕單

呈 覽如蒙 俞允即繕定約本與該使臣畫押蓋印依議行

三十一年又奏滇緬接續訂約款略稱准電政大臣咨據電報總局朱寶奎稟滇緬續訂接續約款與英政府所派印度電務司貝林登在京開議舊約尚無流弊惟第六款內兩國電局應取報資印局見擬酌改總局亦應輕減以昭公允第九款內找付報資每法郎克舊合羅比六角洋銀二角六分致不能照市作價似有望礙今分作四季照酌中定價核算應免暗耗共訂九款似尚兩得其平華洋文稿擬妥校對譯詞無錯應請照知英使等因查原訂滇緬約款見屆十年期滿應行修改茲經改訂續約九款尚屬周妥由 臣部與英使臣薩道義簽押蓋印

又奏刪改中俄電費續約略稱准俄使臣照稱中俄接續續約應由本年西曆六月起刪去第一款之第一節內乙之二中國與波嘎拉往來報資再續續約定期批訂查中國與波嘎拉往來電資續約內載每字取一法郎克五十生丁該使所送續約擬將波嘎拉電資與亞細亞之俄國電資歸并一律據電政大臣核覆相符自應准如所請由 臣部繕定約本與該使臣畫押蓋印

又直隸總督袁世凱奏電報為郵政樞紐中國自創設以來久荷 朝廷保護買回外洋水線推廣各地陸綫逐漸遍及川省前年奉 旨電政改歸官辦准各商照舊附設收回國家應有之權仍與商民共利為中國最完全商務外人未干預之政權近聞泰西創設無綫電報並有暗中闖入中國之事查各處修造鐵路沿路安設電綫已慮鐵路所經所有電報商利為其所奪經 臣等籌議設法限制咨商外務部與各處鐵路議定專條以保電利今無綫電機係至為輕便之物隨地可設防不勝防查英國無綫電報則例凡未領執照者不准私立無綫電臺及私用無綫電機無論在岸在船必先稟請郵政大臣商妥海陸軍衙門及商務處然後發給執照其領照者須遵例施行方可安設違者罰款監禁或罰作苦工電具充公察其防範之嚴可知私設之害查電政為國家特權見既設官專辦所有各路商電均歸電政大臣統理外洋新創無綫電報輕巧便利最易闖入中土自應按照公例聲明除津榆通道一帶各國駐兵

未撤以前應歸另案辦理無論何國何人不准在中國境內私設無綫電報如不遵行按例科罰其中國各處海陸軍隊或有需用此項無綫電報者應隨時知照電政大臣辦理請 旨飭外務部查照立案

臣謹案是年世凱於天津創無綫電報學校聘意大利海軍少佐葛拉司等為教習選調上海電報總局學生往習以為安設無綫電臺之整備購馬可尼式電機安置於海圻海容海籌海琛四軍艦令畢業學生實地練習此項電機通信距離為百五十英里並在南苑天津保定行營設機通報頗著成績光緒三十四年吳淞至崇明島之海底電綫毀損蘇省乃以官款組織崇無綫電局是為我國無綫電報供商用之始維時上海匯中旅館 亦於館內私設輿論沸騰謂侵主權遂由郵傳部向英使抗議歸政府收買撥上海電局管理宣統元年濤貝勒考察政治出洋過德西門子公司導觀拿渥無綫電局並贈德律風根式電機一具 亦意在推廣銷華次年果得政府許可安設北京南京兩處試辦通報收發甚靈乃由海軍部收買專供軍用辛亥政變南京吳淞兩局悉毀查外國在華無綫電臺二十二處 華基請求撤廢不認會中議決五條宣言未經中政府正式許可者概不得有建設權利云吾國幅員遼闊整理電報一綫之費動需百萬而短波無綫電工料俱省交通便利以補助有綫電最為合宜建築電臺可分京漢奉津蘇粵六大區每區三種甲總臺乙分臺丙支臺平均約計每臺需銀二萬圓軍政商民實利賴之願吾國人早圖毋任外人闖入也

又奏中國電話前經侍郎臣盛宣懷奏准歸併電局辦理 等接辦電政後於廣東天津北京等處先後籌設電話庚子以後丹商漢爾生在天津一帶設立電話經飭電局與該洋商竭力磋商備價收回統計京津粵三處開辦電話常年開支所費不貲惟賴電話為電局獨得之利權所冀通行漸廣收其餘利以為彌補乃近來各通商口岸洋商在租界自設電話久已無可爭辨又往往以接至內地為請侵奪權利莫此為甚雖經電局堅拒而既未明定辦法防範

殊難應請 旨聲明中國電話准歸電局經辦除通商口岸已設之電話外無論何地何人凡未經中國政府及電局允准者概不准擅設電話以保電利而維主權並請 飭外務部查照立案

謹案我國電話始於天津官電局庚子遭亂全燬光緒二十九年盛宣懷納日本吉田正秀之言於廣東北京天津三處先後籌設三十二年備銀五萬收回褒爾揚之電話其後太原開封各處增添均屬官辦至商辦則以漢口爲最早名曰武漢夏廈門次之三十二年林爾嘉個人出福州電話丙午秋係洋務局財政局提倡集資三萬元分六百股以二百股歸財政局四百股售與商民由是日增月盛其名目有部辦省辦商辦之別宣統二年規定暫行章程其種類爲有線無線之分有線者復判局部長途從前都屬局部近年如京津武漢等處皆爲長途軍用之屬長途者幾徧行省若無線電話創自歐美將來推行全球亦意中事吾國欲保利權尙其急起直追哉

三十二年北洋大臣咨外務部 據東三省電報總局道員黃開文詳稱接收奉新電綫據提調何牧厚啟稟稱遵赴遼陽見日員電綫隊長大佐剛三郎據稱借綫辦法一貸與此一條綫我局不能經營仍歸日本政府擔任保護二交綫時由電桿通至電局中國自接此一段我局可以護守三日本所用二綫如有斷時仍應要回通報等語當經本部以此綫係中立國產業應由中國委員逕行收回不得稱爲借貸函請日本內田使轉飭日員迅即交還另訂辦法覆稱奉新電綫係俄軍敗退後由本國軍隊補修占用我軍見未撤退仍須照用兵時一體辦理祇因貴國亟需此綫是以允爲通融借貸至借貸辦法第三條我司令官電開倘我軍隊需用此綫時應先知會中國管理員將我軍隊通報機器裝配等語此節核與如有斷時仍應要回通報不符應轉飭貴道會同我國軍官按原擬辦法接收使用等因查奉新電桿職局原祇一綫其餘二綫實係日軍占用後自行加添與局無涉至所云補修一節亦屬實情茲既爲其兵力所占見議借還若不暫與通融恐後多棘

手當將此情稟明盛京軍憲由驛道前赴遼陽與日員大佐剛三郎於正月十九日立約簽字定二十一日交綫二十四日通報惟此路幹綫本係中立國產業應請咨外務部照會該國公使查照中日新訂附約第四款早日交還以便屆時將此次所立借約作廢等情請由貴部照會日使催速交還以重電政

又訂滬甯路電交接辦法合同

三十二年外務部咨變通漢緬續約 准英國朱使照稱接印度政府咨續定漢緬接綫約款第六款由印度過周岡至遠東往來電報每字應收本綫費三十五生丁云云而由馬大拉斯音譯大東公司海綫至遠東則每字收本綫費五十七生丁半多寡懸殊與倫敦公會章程不符應將印度馬大拉斯之本綫費改與經過周岡之電費相同若不設法變通則所言不符自爲有理惟本政府不妨與中國議商辦法將約款所定格外賤價僅於印度緬甸錫蘭等處經過周岡往來中國之電施行而與經過他處無涉照此辦法則周岡過綫費即視爲本處之費僅於中國往來印緬錫蘭等處相干而已以外各電本綫費可仍照原數交收如願照辦應將該約第六款略爲變通如下甲印度電局應收本綫費自緬甸至中國邊界每字法金十生丁自印度三十五生丁自錫蘭四十五生丁其由印緬錫蘭等處經過中國之電費緬甸至中國邊界每字五十七生丁半印度八十二生丁半錫蘭九十四生丁等因是否允行即希賜復以便轉達

電政大臣咨 漢緬接綫約款光緒三十一年訂於北京所有英界內本綫費系由印度電局訂定當時中國所定非僅本國境內之本綫費且將過綫費亦已改訂極廉專爲報務改道由印度至中國境外如日本路過中國陸綫至上海轉達而定中政府自該約訂立後因欲整頓過綫報務以期迅速轉達會費鉅資修理上海瀘州雲南府周岡等處陸綫目前派洋工程師帶同員役正在修造此路電綫適英政府擬增路過中國陸綫之印度本綫費自中國處此情殊覺爲難見在既因印政府定價與公會章程不符中

國祇得允從所擬價目辦理該約第六款應改訂如下：一、緬甸各局至中國邊界各報每字法金十生丁，印度三十五生丁，錫蘭四十五生丁，一緬甸各報路過中國者至中國邊界每字法金五十七生丁，半印度八十二生丁，半錫蘭九十四生丁。以上所訂價目請於光緒三十三年四月二十一日起開辦施行。

中國鐵路電報辦法章程 鐵路公司承允不收外開商電由鐵路電報傳遞，又允不收出費之電報，惟下載特別辦法不在其內。甲、凡鐵路車站附近之處或該鎮邑內未設電報分局者，則鐵路公司准可收外開出費之電報，寄至中國各處，惟此項電報須交鐵路至近之電局傳遞。乙、凡有寄往外洋商電鐵路公司一概不准代為收遞。丙、凡甲條所載准收之報，鐵路公司應照電局價目一律收取。丁、凡收發商電鐵路公司應照萬國電報通例章程。戊、准收之報其報價全費應登記鐵路公司欠帳，至公司傳遞應得之費則照下開數目按路之遠近核計，收入存帳，如五十里內每字英洋二分半，五十里外百二十五里內每字五分，百二十五里外二百五十里內每字七分半，二百五十里外每字一角。其由電局交公司傳遞之報亦按此數核算，收入公司存帳，惟此項電報須交鐵路至近之電局。己、凡公司與電局往來電報帳目應由交接之局互相登記，並准彼此隨時派員稽核。按月結算，將前月結清帳單各自寄與總局。

周萬鵬呈報中法接綫節略 光緒十四年中法電報接綫條款以十五年為期，三十年前參贊朱寶奎申報期滿並陳法趁中國庚子之亂由法屬都蘭自設水綫接至廈門，以兵力護送，逕行登岸，舉動極為不合水綫登岸之始，曾屢次駁阻，法人置若罔聞，函致大北詰詢，亦無實覆，恃強侮慢，即使力爭，深恐無濟，見當期滿不如趁此廢約，以示拒絕。照約六箇月前知照，請外務部照會法使三十一日五月為停止日期，法使請展限一年，當以續訂新約事屬易辦，允展六個月，逾期滿催詢法使仍請展六個月，以便從容詳察。嗣允展三個月，該使以短限不足，妥核請展至西明年正月止，查原請六個

月今復加倍，未免任意延緩，且續約接綫與廈門水綫一案互相抵制，斷難再允。擬展三個月為限，微窺法人之意，必待越南至蒙漢鐵路成後，可以通電得享自由，以為有恃無恐。一面推延，一面布置，其情可見。此次咨覆未揭其隱，不妨將前定路電章程先行聲明，以解其惑。擬咨外務部電稿略稱：中法接綫前後展限九個月，電局為敦睦邦交已格外通融，此新訂合同即有更改，並無繁難，無庸再延。今法使並未指明實難從速，緣由應請照會該使，如再任延，擬撤去接綫，停止傳遞。至中法越漢鐵路成後，自必設電通報業，由電局擬就辦法章程，將來一體頒給，惟定章祇准鐵路傳遞，路政不得攪收商報等語。乃展期未滿，而法使照稱中越接綫合同可即便開議，或留原訂合同，或商酌增更，均可允從。云云。督辦袁大臣以南昌案尚未結，此項交涉可緩辦。楊大臣覆稱：法使一再推延，今忽趁贛案未結，照會催訂語，雖和平難保，不別有命。意況此事須與廈門水綫並提，尙應爭執。見正與日本訂煙旅等接綫合同，即須派員赴日，或以電局無暇兼顧，借資延緩。嗣呂使回國，巴使來華，迄未提改議道。在滬先與總局洋員德連陞會商，擬就重訂合同草稿十二款，適部派朱參贊會議，朱以中俄中日東三省等電綫交接合同亦須磋商，電調德洋員赴京，輾轉數月，法使堅持廈門水綫擴充至滬，電局不允，迄無成議。德洋員聲明此事中國已竭力遷就，不能再議。若不以為然，惟有廢約，不提議，仍照舊約。但將第十款所定每一法郎克作洋銀二角六分，改為隨時照市作價。法使謂見已明白，中國不能應允之。故若將廈門水綫撤去，該綫展設上海登岸，當無不可。查電局與各國所訂合同，稍不審慎，彼即藉口利益均霑，羣起要挾。如果照允，風聲所播，德必將煙台水綫展至大沽，日本援以為請，由旅順自設水綫，接至煙台，效尤實無底止。自今以往，非將外國續請登岸之水綫作為中電局產業，並歸我掌管，不足以絕後患。德洋員堅守以上宗旨，函告法使謂：中國仍不能允，祇可按照前議。法國一面允許，不將廈門水綫擴充中國，一面承認廈門水綫登岸二大端。議訂條款如堅執不從，惟有將廈門水綫暫開，法使頗為失望。一、再面商始允將

覆信郵寄法京請示約須十一月回音目前無從提議職道查重訂接綫條款雖經彼此交換而在我必限制其廈門水綫擴充在彼則力持展至上海若不將此兩大端互商允許警猶本根未立而先議枝葉終無濟事惟有靜俟回信到日再請核示遵行

又訂中俄東清路電交接辦法合同 中德會訂山東路電交接辦法合同 三十四年貴州巡撫龐鴻書電奏雲南軍事緊急請速接造貴陽至興義電綫得 旨著郵傳部速行撥款興造

又東三省總督徐世昌等奏東三省電報日俄戰後桿綫蕩然前年經督辦電政大臣派員來東籌議收設事宜將奉直之綫接通其奉天至長春一路全沿鐵道新設以與長春至吉林原桿綫相接鐵路界外俄軍電綫雖經購回然各歸各路不相繼綴臣等電商郵傳部派員趕設吉林至延吉廳並黑龍江省兩路電綫與購回之俄綫消息相通所需款項由 世昌電商吉林兩省撫臣籌撥應用查吉林東路經甯古塔琿春以達延吉廳計綫路一千五百三十餘里北路則由吉林所管之秀水甸接綫至榆樹縣經雙城廳阿什河以達哈爾濱計綫路三百八十餘里所用桿木電綫鉤碗及運脚各費估銀約在十九萬餘兩其由哈爾濱展修經呼蘭綏化兩府海倫廳以至齊齊哈爾綫路約八百餘里所用各費估銀約在十萬兩左右惟此段綫路大半仍沿鐵道而行腹地仍屬闕如三省之大僅此一綫設或一處有阻則全路不通機變之乘有非須臾可緩者擬擇緊要地方先從新政府起經法庫門遼源州洮南府以達齊齊哈爾共計約一千四百餘里估算約需銀四十萬兩仍派員履勘道路籌備材料以備開工此路告成不獨見有路綫相輔而行而距省窺遠者亦可免機務遲滯之虞至電話一項前任將軍臣趙爾巽檄飭電報局在奉省城廂各官署局所安設未能推及商家見在各商號紛請安設應即仿照京津電話章程徐圖推展

又郵傳部奏稱中國電報開辦初資商股旋以商股微薄仍賴各省官力補助果使全國交通則富商即以富國何必另議更張見在商綫所至之處皆屬市

鎮都會而邊遠省分則均推歸官辦自非一律改爲官辦設法改良無以收擴充之效擬將電報歸官備價收贖持平辦理按照市面票價酌中給直於股本外特予加價以示體恤其逾限未交者准隨時呈報領款俟商議妥定將即收贖情形另行奏明辦理

又盛宣懷電奏電報商股飭商會調查此項票值以每年七月初一分息爲標準未分息前值二百元已分息後值一百八十元招集大小股商曉以 朝命不可違部價不可抗如照一百八十元領款繳股當代乞 恩於繳股以後三年之內按股每年提賞洋六元以資體恤此外無論商辦公司或官商合辦營業如輪船招商局漢冶萍礦廠暨銀行郵船礦業各公司斷不援以爲例如果將來有須仿照各國收歸官辦者亦必援引東西洋收贖商業各例先與該公司和平商妥照最優之例給價仍予以特別優賞以振商情

東三省政略電政篇略稱電報一項本具官商性質商局注重於都城鎮市冀獲盈餘官局於商局所關略處從而彌補之其意不在報費衰旺而在消息靈通故每屆結帳商局有餘官局多虧職是故也東三省電綫原分官商兩局屢經兵燹或占或毀桿綫蕩然光緒三十二年籌辦修復事宜其時客軍未退諸事阻撓棘手萬狀經理年餘奉吉之報始通款項由商局墊撥修復之路悉爲商產固無所謂官局矣然亟待規復之處正多商局以墊款維艱視爲緩圖舊觀幾不可復而三省東鄰韓境北接俄疆邊事日繁動滋交涉近年新設府縣治驛站未通文報遲滯是三省電務在商局爲未圖在官家爲切要三十三年准郵傳部咨商擬將東三省電務改歸官辦其時正值延吉事起亟待通電若非本省籌款與辦決難速成因咨覆郵部照議接收商局前後墊洋五十餘萬元由東省分年籌還明知三省報費不敷開支歲須賠墊而爲政治交涉計固不暇顧及也自後吉省之東路則修復甯古塔琿春兩局添設額木索延吉廳兩報房北路則增設榆樹縣雙城廳阿什河哈爾濱呼蘭府綏化府海倫廳齊齊哈爾等局以與購回俄占之海蘭泡及購回俄人自設之拉哈蘇蘇兩綫相接奉省之東路則修設由營口經海城

大孤山大東溝安東以達鳳凰城之鐵路西北路則由新民府經法庫門遼源州洮南府以達齊齊哈爾是年五月截至宣統元年閏二月止計購回俄日所占及俄日自設鐵路共計三千二百四十一里三省修設之鐵則達五千二百四十二里此外尚有奉省至臨江縣及輯安懷仁兩支鐵約一千二百餘里奉省至營口約三百六十餘里亦正在籌辦本年夏間可竣至於沿邊一帶如呼倫貝爾興東長白山等處亟宜次第推廣以謀交通惟絀於款項未及舉辦後之督是邦者當必續謀擴充庶行政機關靈敏自如也

又郵傳部奏派員收回東清全路日俄電報先與俄人商訂合同所有鐵路界外皆還中國計鐵路一千五百餘里局所十餘處收回收贖價十五萬元又與日本訂立合同計收回鐵路一千餘里界外局所數十處歸還中國給回收贖價日金五萬元每年由日本貼補借債費三千元其餘各條與俄約無甚出入惟日本前有要求設立關東至煙臺水線飭令另訂合同毋使牽混預免俄人藉口並與我國利權尚無損害

又札電報局整頓綫路延誤洩漏 本部自接收管轄以來凡應行整頓改良諸事迭經通飭籌辦不啻三令五申而時逾一載成效未見亟宜嚴行整頓以祛錮習而挽頹風查綫路之通塞係傳電之遲速一局阻滯各局因而牽動一電稽遲衆電隨之積攔所關甚爲緊要近來各局阻滯較綫時有所聞推原其故總由局員擅離職守巡丁則大半缺額工頭則濫竽充數所致甚或故壞綫路希圖修理肆其侵蝕設心尤不可問若不大加整頓則電政前途不堪設想此綫路之宜整頓者一也又查近來各局電報稽延時日錯誤號碼之事不勝枚舉官商發遞電報原求便利起見一有延誤往返稽查轉不如函件來往之穩便阻滯發達莫此爲甚嗣後各局發遞電報務須按照等第依次排發不得稍有積攔至號碼尤應詳校毋再疏忽此延誤之宜整頓者一也又查各處由電傳遞之件無論官商均關緊要若遇軍務交涉則一切應付機宜尤須格外慎密乃近來各處要件時登報紙甚至上日之電次日即已登報原電全文一字不錯此中必有報生串通奸徒得賄傳抄情弊

更有賄購密本私通各埠洩機要尤爲有關國政實屬令人髮指亟應嚴密查究隨時稟部嚴辦重治其罪此洩漏之宜整頓者一也以上三者均屬有礙交通而其故全由局員領生辦理不善營私舞弊之所致見當整頓伊始豈容此等人員混迹其間爲此明定阻滯延誤洩漏各章程通飭遵守嗣後再有以上情弊一經查實定行嚴辦各該局員領生爲報生表率尤當以身作則認真經理毋得優游事外行同曠職致負本部諄諄誥誡之至意

附整頓章程 記過統則 記尋常過一次罰薪半月 記大過一次罰薪一月 記大過二次罰薪二月 委員領班均降用 記大過三次委員撤差領班照堂規嚴懲並罰去全年花紅 處分洩漏電報章程 一凡局內之人無論上下洩漏軍國要報查有確實證據者即以軍法從事通同者監禁十年知情不告者監禁五年本局委員駐局總管正副領班均有失察之咎應一併嚴辦 二洩漏尋常官報查有確實證據者監禁十年通同者五年知情不告者三年委員總管正副領班亦有失察之咎應請電政大臣核辦 三洩漏商報查有確實證據者監禁一年通同者半年知情不告者三個月委員失察記大過一次總管正副領班各記大過一次罰薪一月 四查有洩漏軍國要報之人獲得確據者賞洋一千元並隱其姓名以免結怨挾嫌誣告者反坐 五洩漏尋常官報之人獲得確據者賞洋五百元餘與前條同 六洩漏商報之人獲得確據者賞洋二百元餘與前同 七委員總管正副領班於洩漏電報既予應得之咎而能首先發覺自行查出者亦應給予獎勵隨時稟請電局呈部核辦以昭公允而資激勵

又咨各省收買竊毀電桿電綫照窩藏官物例治罪 近來竊毀電綫之案層見迭出查光緒十八年明定治罪專條日久玩生以致旋旋竊視爲故常推原其故實由電綫鐵質堅韌耐久是以各鐵店樂於收買匪徒乘機竊竊綫向各鐵店及造車廠等處銷售獲利日多偷竊日甚前此雖定專條而收買此項電綫及窩藏之家尙未申明厲禁無怪匪徒肆無忌憚任意收買銷毀請咨各督撫嚴飭地方官出示曉諭除照定章辦理外其私自收買桿綫



之店一經查實照窩藏官物例從重治罪如能將私賣之人扭送到局更應重加獎勵以示懲勸倘能有犯必獲則此風或可稍息

又咨南洋甯夏副都統奏請嚴禁電局代報 查各省設立官電局原為傳遞要政消息靈通起見乃局員等往往瞻徇情面代發私電以致官場尋常酬應之電均列一等而商報因而遲滯亟應切實整頓以清積弊而利交通又札電政局新定限制二等公報章程 查電報分等收費向來著有定章雖一等官報猶收半價所以示限制而重款項乃近來各局員瞻徇情面以致官場來往尋常酬應之電私列二等甚至與鄰局交談視同兒戲而商報轉因而遲滯 朝廷整頓電政重視商務此項情弊擾害維新政策言之實堪痛恨如汕局局員伍湛忠擅發私電一經稟揭隨即撤差不稍寬貸惟積習相沿各局似此弊端仍恐不少亟應訂立限制二等公報章程通飭各局一體遵

一無論華洋文公報由各局總管或領班看過簽字方准照發如未經簽字值報生不得擅發 二各轉報局總管領班應將所轉公報詳察是否因公而發如為私事者即扣留 三如公報中夾有私語者責成總管領班先將私語截出其關係公事仍可照發 四各轉報局於月底將所轉之公報及截留之私報分別造冊郵寄電政局飭稽核處核辦 五稽核處應將各局所寄扣留之報按字算費歸原發報局之委員暨徇隱之總管領班分別賠償其疏忽各局之總管領班各記過一次以儆效尤 六各轉報局遇有公報中夾有私語者甲局並未查出為乙局查明扣留則乙局委員總管領班准其舉發酌量記功其原發報局以及中途轉遞各局仍須究罰 七遇有中央私語之報總管領班已經簽字被各報生留心查出舉發應將該報生量予記功以示獎勵其簽字之總管領班分別科罰 八密碼公報難以繙譯無從查核其中大概全係私語嗣後除電政局外一概不准擅用 九電政局雖准用密碼而員司較多難免無擅發之弊以後發寄本部及密派查辦之件與夫辦公應發要電及有應行電達本部外亦不得輕用密碼 十

公報雖嚴定限制倘有借電機以交談其耽誤商報較諸擅發公報無異者責成總管領班除發官商公報並測量查察綫路情形外不得任意傳電以免官商要報積壓

又通告各省頒定報災電報暫行章程 查各省地方遇有大隊賊匪竊發攻犯城邑或聚眾滋事及洪水暴發情事准該處文武官用加急一等官電發遞以期迅速章程六條如左

一此項電報照一等官報加急提前速發在各等報之上 二照章半價收費由局彙報各該省督撫衙門呈領 三此章專為非常災變而設其尋常水火盜賊小故不得濫用各局員亦不得徇情濫發以示限制 四須蓋用本官印信或印委關防 五准用於該管上司及關緊要之各衙門此外不得濫用 六須用明碼由局譯遞以便稽核如用暗碼則按商電照收全費於三四等分別排發不得列入一等

又咨酌改前定六條暫行章程 見在事機叢雜宵小潛滋凡關於稟報機密或有不能以明碼露布之時是禁用暗碼有時或不免窒礙請於第六條下附加以上各事恐有因洩漏誤事必須用暗碼者應將暗碼密本交電局看過實係不可洩漏之事亦准列入一等庶幾可防濫用之弊亦不致有洩漏之虞

又咨民政部農工商部暨將軍督撫等核訂報館寄報減費章程 近來報律頒行實為完備若無以提倡鼓舞不足以示勸懲自應特予利益以昭激勵查報館寄發電報前經定章減半收費而密碼照舊加收殊不足以示體恤為此特加優待其有確遵報律有裨治安各報館所發密碼電報准照明碼減半收費一律辦理

又核減報價告示 電政為交通之樞機所有傳遞軍國大政關係緊要即於商民事業亦皆息息相關故各國於報價一項收款最微所以謀全國之發達收開接之利益法至善也前因電報商辦祇視為營業性質自以虧折為虞見經本部贖歸國有必須顧全大局毋庸斤斤目前其最要者前奏所

陳減費展綫修綫數事即應次第舉行通中國電價昂貴甲於全球爲萬國電會所竊議而商民每因價昂惜費致阻商業進步亟當酌量核減二成按照見行電報價目八折爲十減二之比例所有華洋各商報及加急密碼譯費等凡在中國境內往來者一律照減其攤分報費特別半價不在此內惟電局徧布二十餘省邊徼程途數月始達一時報告商民未及週知轉滋浮收情弊見定自光緒三十五年正月初一日實行核計上屆電款收數銀圓三百二十餘萬元今減二成約少收五六十萬元以從前商股餘利抵之所短尙鉅且以商本二百二十萬元之官利備抵電官本三百九十六萬元之官利亦有不敷之數加以添綫修綫各費更屬不資此項經費業由本部奏明暫由官辦鐵路餘利借撥另行設法歸還以清款目嗣後仍當斟酌情形分年遞減以繁衆望

宣統元年郵傳部奏核減電局經費又奏請裁節電局報效捐助津貼各項雜款

又奏改良電話購換新機以利交通又購買模爾生無線電報機器又奏請撥琉璃廠廢署餘地建立電話分局

又貴州巡撫龐鴻書湖南巡撫岑春煇奏黔省下游一帶與湘省西路處處毗連節節脫見黔湘電綫之在黔境者僅由威甯畢節等處通至貴陽省城在湘境者亦僅通至靖州屬之洪江而止自貴陽至洪江延數百里均不通電其間如黔之鎮遠湘之沅州見州等府屬城由省城往返旬餘或彌月即黔湘兩省互通電信亦須迂道蜀境 鴻書前因添設貴興電綫復議接通湘省正在籌維適 春煇以湘省西南兩路電綫未通議將西路接至黔省彼此電商擬湘省洪江經沅州府見州廳接至貴州玉屏縣境黔省即由玉屏縣境經鎮遠以達貴陽省城當經電商郵傳部覆允照辦查展設電綫工程於測勘道路估計工料安置桿綫設立局所諸端非由部派員經辦不足以期安速至需用工料應查照黔省前次添設貴興電綫成案所有電綫鈎碗概由上海電政局購運其電桿木料仍歸黔湘兩省各自購備似此通力合作庶幾易於集事

又廣西巡撫張鳴岐奏添設邊防柳邕各處電綫略稱桂林省城與沿邊各處通電僅有潯梧一路單綫傳遞桿綫偶遇損壞阻滯動致經旬桂柳本有電綫並議由柳州添設一綫至南甯以南潯梧舊有之綫相輔庶邊腹情形較爲緊湊已飭電局飭員分勘興工計沿邊添設電綫分東西兩路由憑祥迤西展至平而關綫路四十里迤東至甯明復南折而至隘店綫路二百四里再由甯明西南至海洲一百三十里由南甯迤南至上思二百六十五里是爲邊防東路之綫由龍州西展經下凍至水口關八十里再由龍州北至石龍復西行經歸順抵鎮邊以達與雲南交界之隴里村聯接演邊之綫六百五十里又至歸順接綫南展兩支一至平孟二百十里一至隴邦百二十里是爲邊防西路之綫東西兩路電綫共長一千七百三十五里沿邊皆重樹登桿綫及應用器物由下游逆水挽運千數百里再遵陸分途運轉備極勞費沿邊石山險峻不能跨越架綫並須就石窟鑿孔穿越而過尤爲費鉅工艱其柳邕一綫由柳州與工歷來賓迤江賓州以至南甯六百十里轉運工艱與邊境等查光緒九年安設梧州至龍州電綫每百里用銀六千七百餘兩以後添設桂林柳慶各綫每百里費在五兩以上此次設綫轉運工難比桂柳各處更遠過之經 嚴飭各員撙節不得虛糜見在次第竣工設局通報平均核計每百里約用銀四千七百餘兩較前有絀無盈從前兩廣電報官綫商綫分歸兩局見將廣西境內畫歸自辦即將從前電報分局改爲廣西官電總局增設分局十餘所復於總局內附設電報學堂招考本省合格學生以期電務無乏才之慮

又密雲副都統德麟奏密雲滿城請設電報分局略稱查電報循密雲而過局設古北口邊關距密城百里之遙密城距京百三十里近時新政舉非限期促迫即刻不容緩及至該局譯訖折回密城又逆行百里始到密城已經逾限則是求速反緩或應轉行或應立辦甚爲竭蹶若不預爲籌請誠恐貽誤事機惟有請 旨飭北洋大臣派一電報生攜帶機器來密添桿通電不過十根綫桿即至滿城設立電報分局所費無幾而於公獲益匪淺

又 諭電寄吉林巡撫陳昭常電稱緊密要電係由民政司給商會閱看以致

洩漏爲報館所登等語事關交涉要件應如何格外慎密乃竟給與商會閱看殊屬不明事理粗率已極陳昭常著傳旨嚴行申飭仍著將定約以後應辦各事宜迅速妥籌詳慎布置毋稍疏忽貽誤事機並將籌辦情形會同東三省總督隨時電奏

又郵傳部奏推廣電綫內地及沿邊各省展長新綫一萬二千餘里增設局店報房一百餘處查報務之發達全恃綫路之靈通修理舊綫尤爲改良急務見在大加修整次第竣工可期一律暢行

電政紀要 自收贖商股實行減收報費一切設施次第興舉其大綱不外推廣改革兩端其條目則曰綫路曰局所曰電話而用人理財亦附見焉以綫路推廣言關於交涉者二一爲煙臺海綫因中日電約有安放煙旅海綫之條故由煙臺設海綫七英里與日海綫接以達大連灣海岸一爲安設上海無綫電因上海匯中西旅館私設無綫電妨害電局權利故備價購回也關於交通者三由鄭州設雙綫以達武陟由饒州歷河口安仁設單綫以達廣信由正陽設單綫以達穎毫關於商務者十一支綫則由上海至川沙南昌至吳城牛莊至運城懷慶至新鄉天津至北馬路張家口至橋東澤灣河至許州幹綫則清宿之衆興蘇嘉之震澤漢信之新店揚濟之高郵以綫路改革言其移設者則因京漢電報繞道開封不能直達移設鐵路旁而加保定至石家莊爲四綫石家莊至衛輝爲三綫其修理者張家口至恰克圖一千四百餘里爲中俄傳報之要道詔安至石龍一千餘里石龍西至惠州七十餘里爲閩廣之要道南至廈門六十餘里爲香港之咽喉西安東接河南三百餘里西接甘肅百六十餘里陝州接河南百四十餘里年久失修安慶廬州壽州殷家匯等處五百四十餘里被水所冲南昌湖口兩處地綫一萬一千六百尺時有漏電水綫一萬六百尺爲漁船撞壞漏電尤甚一并修理合計換桿綫者六千餘里水綫地綫各一萬餘尺是爲綫路之大要局所之推廣者河口支店武陟安仁廣信潁州亳州川沙吳城運城新鄉北馬路橋東高郵許州各報房改革者下關報務日甚改支店爲子局京漢移近鐵道

則石家莊井陘兩報房當衝均改支店正定支店報減改爲報房獲鹿支店界首報房以報簡裁之綜計添設支店一報房十三支店改子局者一報房改支店者二支店改報房者一裁報房二是爲局所之大要電話之推廣則天津至塘沽大沽綫庚子德人所設估價買回上海展設開北話綫以保主權並於浦江安設水綫接至浦東北京改設公共電池購美國新機綜計北京天津上海廣東太原五處本年用戶僅四千五百二十餘家其改革則電話向歸電局兼辦因各省官紳紛請自辦暫訂官商自設章程以限制之上海電話改收租費南市向不收費賠累太久暫定收租二元蓋人民用電話尙未發達難言成效也他如裁撤督辦襄辦名目改設總辦提調各一員以一事權裁洋員三人以節經費設總管工程員添學堂工程班習報班改訂課程亦大要之可紀者各省官電局附後

直隸官電綫多偏東北一帶報務以京奉爲大宗查京奉官綫自密雲縣王家莊與北京商綫交界起至奉天六龍台與義州報房接綫止其間所設分局無一接遞轉報者建昌分局特爲京奉各報助電之用本年秋季官電綫路不暢飭建昌接轉京奉各報本爲疏通權宜之計嗣以東三省局聲請京奉各報接奉津直達之例不由錦局遞轉改爲奉建直達錦局助電中途少一接轉電碼即少一錯誤於是改建昌爲轉報分局又該綫雖經過密雲而城內向未設局每遇部署發電悉由古北口分局折回逆行百里始達求速反遲極形不便本年密雲副都統奏准就綫路便捷之處略加桿綫通入城中設立報房經理報務歸古北口分局管轄外添高碑店良格莊兩報房共展長綫路八十里此其大略也

東三省電政自光緒三十三年改歸官辦次年冬始交接清楚其時注重邊務商報寥寥官報皆未收費交通雖便而營業實虧賴有收數盈餘之局挹彼注茲然通籌全局虧絀不貲本年籌議興革以日局奪我利權於是凡有日局交錯人名地名免費添置送報差譯送務求捷速以資抵制以各局浮費宜減於是釐定新章開支分大中小局及報房四等定額商報漸有起色

核計稍有盈餘綫路興修自奉天省城經撫順與京通化等縣以達臨江幹綫又因通化分達輯安懷仁兩縣爲奉臨之支綫該處政治交涉均關緊要開工興修山路崎嶇久雨泥濘頗形艱苦八月奉臨懷輯次第告成奉天至營口之綫僅至海城一段海至遼陽迄未修通雖收回遼陽一路之日本電綫然祇遼陽城內至日本車站凡往來之報須由日本之綫代轉不但貼費且壓阻繞諸多掣肘乃修遼陽至海城營口以保主權三省向設分局報房非因商務漸興即邊務關係奉臨幹綫及懷輯支綫以通化爲適中之地爰設通化分局一臨江與京撫順懷仁輯安報房五又以小城市輪船往來賓州商業繁盛設小城市及賓州報房綜計該省報房五十一處三省各局領班學生向由上海天津兩局調用以南人遠涉邊地宜加體恤上年新章視各領生原有之薪加四成至二十成報房逐漸添設調派不敷擬就地取材設電報學生招考官費學生四十二名是爲學堂之緣起

山東官電因河防而設黃河無遷徙移改之患即毋庸推廣是年以濟甯運河工程不能電達且兗沂曹濟道兼任黃河三游稽查因展鉅野至濟甯支綫九十六里並設濟甯分局省垣報房向設撫署譯送不便更設收發電報處嗣後官局日增文電日繁乃派員經理報銷統計改爲河工官電總局其原設之雒口總局僅爲河工報務總匯之地改爲分局此山東改革之大要也

川藏官電宣統元年以前已成二千七百里上年甯遠課夷不靖又由清溪展至甯遠府城清溪爲三綫交點移分局焉易雅州爲報局添越嶺廳報房以便居中策應甯遠綫路雖開辦於三十四年而險阻經營措施不易本年始克就緒官電原擬由成都而雅而裏塘而巴塘再經察木多直抵拉薩城聯川藏爲一氣曾派員查勘巴至察綫路約千有餘里所過盡屬蠻荒經大雪山峻巖峻險積雪終年煙瘴風氣旅行視爲畏途閱數月之久方竣厥事嘉定地處東南距省三百里修理綫路直接總局增設分局於嘉定府城以重其事至電報學堂設於三十一年額定學生四十名分內外兩班內班

二十名住堂食宿給以官費就官局領報生兼充教員外聘國文教員一人此學堂之大概也

甘肅地處西陲邊遠寥闊官電之設極爲艱阻綫路偶斷恆累月不能通報地方風氣未開往往因天時亢旱藉端折毀已成慣例本年春夏不雨自安定以東至岔口驛五百數十里桿綫悉爲愚民所壞蘭州電報中梗乃籌議於安定岔口兩處添設報房各報由安遞蘭再由蘭遞岔達涼州以期迅速惟道遠運艱十月綫料始到即由安定向西興修至蘭州而地凍冰堅不能前進其北路支綫本於甯安堡北之謝家灘用飛綫渡河河面寬廣中隔三灘排立八丈高桿八根五丈餘三丈餘桿各四根始得銜接通電若水勢陡漲沒桿數尺岌岌可危即平時偶斷修理亦甚費力春開勘得廣武青銅峽地方岸高河隘立長桿二根一在南岸之牛頭山頭一在北岸高阜穩而且固雖綫路較前展長三十餘里桿綫不免多費然一勞永逸不特巡修爲易即大水亦可無危險矣

新疆官電本年公報較昔約加十分之六爰於總局添司事報生局役各二名保護桿綫之巡丁長途跋涉周轉未能捷速乃於每兩站設巡目一名巡馬一匹各處風雨迭興桿綫頻倒百計維持始免疏虞報費自減收二成商情欣慰收數暢旺較上年增五千餘兩矣

雲南昭通當三省要衝五方雜處教堂林立外人游歷絡繹載道展設電綫由威甯接至昭通旋因桂撫以粵匪未散滇桂消息須通於是桂由龍州至鎮邊滇由板崙出天井關過龍里寨至鎮邊同時開工又接大理至麗江綫路修蓋局所查滇越鐵路以阿迷爲中站由蒙至碧色寨即坡心地方坡心至阿迷綫路八十五里需用電桿一面飭官採辦一面建屋接設八月工抵碧色寨立報房蒙交涉紛繁九月設關署報房由碧至阿因候料延閣臘月開工立阿迷分局並大修西南兩路電綫據要彙紀於編

謹案統計表光緒三十三年全國電綫計飛綫水綫地綫三種共七萬六千九十八里半資產值銀二百四十一萬九千零洋一萬九千三百有

奇英金八百六十七鎊六先令報費共收銀十一萬九千九百有奇洋三百三十五萬五千七百有奇錢三百四十六千三百文宣統元年綫路九萬五千二百八十一里半資產值銀三百四十一萬八千二百有奇洋萬二百元有奇英金八百七十八鎊二先四本報費收銀四十萬六千七百有奇洋三百四十四萬四千六百有奇錢一千五百十三千八百文日增月盛未可限量廣州至漢口各綫擬一律更換快機此機名忽斯登免乞靈於各國沿海水綫收回借綫費不少至幫電機則設於贛州電局云

二年山東巡撫孫寶琦奏河工安設電綫請 飭部立案略稱查東省創設河工中下游電綫自省城起由黃河南岸維口下抵利津縣境之齊海止又自維口起上至長清縣之北店子借用商局水綫過河達北岸齊河縣下抵利津縣境之鹽窩止共桿綫八百七十五里支工資料物銀二萬八百七十一兩零又展設上游自荷澤縣境之賈莊起至壽張縣境之上里堡止共桿綫一百八十里支銀四千四百五十八兩零又展設荷澤縣之賈莊起至曹州府止共桿綫五十里支銀一千六百九兩八錢零又展設中游自北岸齊河縣起至壽張縣境之十里堡止用商局舊地綫作為水綫接通上游南北兩岸再由十里堡賈莊中間之潘家渡分設支綫至鄆城縣共桿綫二百五十三里支銀七千三百五十九兩六錢又展設上游自鄆城縣起至鉅野縣止共桿綫六十五里支銀一千九百五十九兩零又大修中下游桿綫南岸自長清縣之北店子起至蒲台縣之三合莊止北岸自齊河縣起至利津縣之王莊止支銀二千七百一十二兩零又展設自東河縣之香山起至東昌府止共桿綫七十四里支銀二千九百四十九兩零又展設自鉅野縣起至濟甯州止共桿綫九十六里支銀三千七百八十八兩零

又郵傳部奏展設廣東各屬電綫派員估修略稱廣東嘉應州轄有四縣爲閩廣往來孔道向未通電飭據電政局總辦稟稱嘉應屬之興甯縣物產甚富松口圩商賈輻輳而鎮平平遠兩縣又與福建汀州江西贛州交界見已勘估由潮州府城經松口圩小河口展設至嘉應州城復由嘉應州城分東西兩路東

至小河口經鎮平分設至平遠縣城西經官塘分設至興甯縣城計應造雙綫五十五里單綫七百九十八里共綫路八百五十三里於嘉應州設一子局興甯鎮平平遠及松口圩等四處各設報房應需木桿綫料運費工資並施工器具設局機料暨薪水川資伙食等項共估洋四萬五千三百五十餘元於閩粵電務尤有裨益等情 等查核尙無浮冒當飭撥節辦理所需經費即在電政局報費內陸續撥用工竣核實報銷

又奏修展山東等處電綫略稱山東濟南至德州濟甯至開封四川瀘州至敘州廣東石龍至沙面及河南之鄭州湖北之老河口各該電報桿綫年久失修又安徽之六安州河南之武安縣尙未通電均應分別修理展設以利交通當經飭令電政局總辦分別勘估見據稟報以上各路共計二千八百七十餘里應需各項經費估洋六萬七千三百餘元即飭撥節辦理

又外務部奏京外各衙門官電報費初不過一二萬今增至二十餘萬仍相沿在使費項下動支 部出使經費年約一百餘萬再加電費竭蹶異常擬請自後除軍機處暨 部並出使大臣所發官電報費仍在出使經費項下開支外其餘京外各衙門均各自籌給得 旨軍機處軍諮處外務部各出使大臣電報經費照章開支餘依議

又郵傳部奏展設安徽蕪湖至甯國府及徽州屯溪電綫共路四百八十里於甯國府設一支店屯溪暫設報房

又奏收回各省官辦電報酌擬辦法一各省綫路分年修理一各綫經費照案攤撥一官報等次照章納費一局用諸款由部維持一分立局所酌核歸併一冊報款目按年奏銷此外整頓各節俟接收後體察情形辦理

又山東巡撫孫寶琦奏前經郵傳部奏准將各省官電歸部辦理惟查東省河工兩岸縣長千餘里前撫臣周馥奏明設立官電局專司報水報工原爲消息靈通隨時防範與他省官電不同改歸部辦必多窒礙請 飭部仍准東省河工官電循舊管理以重要工

三年駐藏辦事大臣聯豫奏設西藏電綫自察木多至拉薩又自拉薩至江孜

共計二千餘里並議接收自江孜至印度邊界電綫請部寬籌的款指撥應用下部議奏

又郵傳部奏山東沿河電綫循舊管理作為河工官電略稱詳考各國成法凡關於水利天文等事有准令民間私設專綫受國家法律之規定者東省本係官綫原非私設可比惟是黃河關係鉅工與各國水利專綫同為保衛治安自可變通辦理擬請將山東沿河大隄專司報水電綫准其仿照各國私設專綫之例由該省循舊管理其非沿黃河之電局仍必隸部以清界限至接綫收費各節容由部核定章程咨行辦理

又廣西巡撫沈秉堃奏准道州府屬各營隊發用本省衙署暨兩廣總督官電一律免費並照部咨以邊防軍務擊匪交涉災賑及查辦事件六項為限

又添設山東萊州府臨清州及登州府所屬之甯海棲霞文登榮成海陽沂州府所屬之莒州日照曹州府所屬之鉅野兗州府所屬之陽穀滕嶧三縣計共十三處並武定萊陽二處電綫

又郵傳部奏電報成績略稱電政如贛浙福兩廣及鄂境老河口豫境鄭州之大修各役均分途趕辦而英人在上海所設匯中旅館之無綫電報亦次第收回其電綫之展設者除奉吉經部咨行各該省辦理外於河南有武安之綫於安徽有六安之綫於福建有汀漳之綫於江西有吳城廣信之綫於山西有歸化包頭之綫於皖蘇間有鳳陽徐州之綫於廣東有潮州嘉應之綫更由嘉應分綫並出東經小河口以達於平遠西經官塘以達於興甯而川藏二千數百里自察木多以東起巴塘業經興修自察木多以西訖江孜正資籌辦

又度支部會奏遵議川滇邊務大臣奏經費支絀西藏安設電綫無款畫撥略稱度支部查光緒三十三年趙爾豐督辦川滇邊務部於各關洋常稅項下撥給銀一百萬兩作為開辦經費次年趙爾豐奏陳西藏通商章程案內即有接修電綫之請經郵傳部等會議奏准即在開辦經費內一併統籌本年正月據駐藏大臣聯豫奏自江孜至察木多一段已由趙爾豐興修自察木多經拉薩至江孜計長二千餘里設綫費約需銀十萬兩內外藏餉無可挪騰請為

籌撥的款等因復經郵傳部聲稱電報餘利保留備抵還贖電本息暨按年籌備各項電政之需川藏電綫應仍照原案由邊務開辦費內動支等因會同議覆奏准在案查西藏經費部自光緒三十四年撥給後每年支用數目迄今未據報銷請旨飭駐藏大臣迅將該處經費截至見在止歷年動存數目造具四柱清冊送部查核毋得延誤至此項設綫經費由邊務開辦費內統籌係三十四年奏定之案本年復經部會同郵傳部核議仍照原案辦理查邊款一百萬兩據奏僅用過半見在修治車路三十萬建設衙署二十萬均擬在此款內動支自應令該大臣兼籌並顧將應解西藏安設電綫銀十萬兩即在各項工款內設法騰挪妥速解往應用

電政局沿革概略 中國電報之設緣同治十三年沈葆楨奏言其利率奉旨飭辦時未果行迄光緒五年李鴻章毅然行之先在大沽北塘海口砲臺設綫以達天津是為電報之權輿六年遂有試辦南北洋電報之請聲明辦成後官督商辦奏入允准由盛宣懷於八年三月招商接收二十八年冬諭歸官辦設電政大臣准原有股商悉仍舊貫三十二年設郵傳部歸部直接管轄由部派員赴滬接收是為歷辦電報之關鍵比而觀之電報商局始創於李鴻章而終轉於郵傳部其中沿革可分為三時代自五年至八年為官款官辦八年至二十八年為官督商辦二十八年至三十三年為商股官辦茲事體大承其乏者厥有三難吾國公司律未定信用弗彰則集合資本難專門學未興人才罕覓則規畫工程難國際法未諳外交屢敗則辦理交涉難是局資本初由准軍餉內提撥湘平銀十七萬八千七百兩有奇奏明八年三月歸商辦後即按期飭還官本銀六萬兩五年後按年續還五千兩以繳至二萬兩為止免其計息其餘不敷銀兩以軍機處總理衙門各省督撫出使大臣所發頭等官報應收信資註冊畫抵可見電報初基賴官本籌墊方克成立至商股接辦先集股本銀八十萬元是為老股八年三月至十八年二月為一屆至十屆以商股短派官利提作股本計銀二十萬元至二十四年為十六屆以未派餘利充股本計銀六十萬元兩共銀八十萬元適

倍原集資本二十五年公議老股百元加給百元股票復因展設綫路續招股銀六十萬元是爲新股統計電報商局前後股銀二百二十萬元分作二萬二千股一律換給股票此僅就商股人資言也至電局之舉債而成者則爲滬煙沽之正副水綫正水綫本金二十一萬鎊息金十九萬七千六百四十鎊分六十期攤付副水綫本金四萬八千鎊息金四萬三千四百八鎊分五十八期攤付每年西三月九月兩期拔本付息每期付英金八千三百七十鎊此債借自東北兩水綫公司光緒二十六年會訂合同此商局集合資本之情形也至工程則先藉丹國商人以圖始光緒五年試設津沽一帶越二年設津滬綫八年以後逐漸推廣設閩浙綫以通粵東設長江綫以通漢口由是而東接煙臺西訖成都即東三省亦相繼設綫自奉天吉林甯古塔以至琿春十四年以閩浙一路時有損阻續設江西綫與廣東相聯絡十六年展設山陝綫以利西北之交通十七年後歲有增設其關係尤要者如襄陽接通西安武昌展至湘萍而京恰一綫經營至二十五年始成二十六年直隸山西等省路綫毀於兵燹京張津沽德州獲鹿各處均於二十七年重造河南省綫路及安徽之正陽浙江之溫州亦次第展設二十九年後則由湘潭展至永州與廣西接綫復添洪江永平賈莊羊角溝虎頭崖兗州松江石家莊枯嶺博山南陽下口龍口三都台州饒州撫州等處支綫又將滬甯膠濟等綫移近鐵路計四年間所展設者靡不裨補關漏三十三年直隸添永平廣東添虎門江蘇添板浦山東添歸德浙江添拱宸橋莫干山四川添涪州小橋驛且因雲霄報簡而移綫於詔安京師報繁而移綫於城外截至歲底造成陸路電報統幹綫支綫已達三萬九千五百二十里之長而滬煙沽水綫滋滬地綫尙未計焉此商局規畫工程之秩序也至交涉則歷觀故事關於保全國權者如八年英法美德各使請在上海設立萬國電報公司擬添由滬至香港各口海綫英使格維納並援同治九年總理衙門已允成案請由英商添上海至甯波溫州福州廈門汕頭各口海綫而我國即於是年奏辦浙閩粵三省沿海陸綫以杜覬覦之漸二十六年各國議在滬煙沽

沿海安設水綫囑大東北兩公司承辦而電局則援二十二年會訂三公司電報合同款內第十五條所載公司綫路除電局允准外不得再在中國界內推廣一節以駁之後經往返磋商允由中國買回仍託兩公司承辦其款即由公司借貸按年按本付息分期攤還至滬煙旱綫乃丹國商人於同治十二年未經商允而擅自設立者我國援據約章飭令折毀後經議定由電局備價規銀三千兩購回德國軍綫則於三十三年議定將德電局所有塘沽至北京幹綫並鐵路至天津支綫立交中國電局計木桿鉤碗紫銅綫等價交付德金四萬九千一百七十五馬克立有中德合同以上各節辦理和平而權無損失是謂保全國權其關於維持商務者如中東北三公司及中北二公司均訂有齊價攤分合同查中東北聯合齊價係中國與歐美兩洲往來電報攤分之費中北係中俄往來電費當東北兩公司來華展設水綫我電局未與訂立合同前該項報費水綫另收水綫費本綫另收本綫費雖接而費各給隨時清找無所謂攤分也自二十二年訂中東北合同二十三年訂中北合同所有歐美與俄電報中國遂不加本綫費即附入水綫報費總價之內凡在中國境內所發不分遠邇一概從同是謂齊價洋商稱便三十一年英國太平洋公司及德荷公司水綫展設來華倘不與聯合該兩公司必跌價招徠我中東北三公司已有利遂續訂齊價攤分合同又東北公司水綫傳遞滬福廈往來之報本綫傳遞滬福廈與香港報訂定滬福廈雖走水綫費歸中國獨得滬福廈與香港雖走本綫費歸東北公司獨得該項交涉亦照二十二年會訂合同辦理他如與各國接綫均訂有過綫費之約十四年中法接綫十八年中俄接綫三十一年中英接綫均重申訂約收費平允商人利便是謂維持商務此商務辦理交涉之方法也三者既立乃計所以可久者預儲其才謀所以可大者俾專其利六年奏設學堂分接報測量高等三塾二十五年奏并電話以附屬之至今北京天津廣州上海太原等處相繼開設此又商局立學堂廣電話之緣起也抑有說者商局係公司性质帳目須縷晰條分該局向以三月始至次年二月終爲結算期

綜其大綱收入項下除官報省分來往報不計費外有本錢官報本錢商報  
齊價攤分傳遞過錢等費應辦以來先虧後盈支出項下除商股長年一分  
官利並各局費用外餘利以二成報效國家一成提獎在事各員復按股給  
餘利一分更以羨餘提存公積備大修及展拓建置之用此又商局收支之  
梗概也綜觀成績可知締造之艱難焉



皇朝續文獻通考卷三百七十四

郵傳考十五 郵政

臣謹案乾隆五十年以前驛傳事轄之兵部主之按察司或道員具於會典茲據其略以湖郵政之濫觴不多贅者懼亂全書之例且驛傳亦大政而 皇朝通考不載因纂郵政特補驛站於前以見當代之制云

驛站 各省腹地所設為驛盛京所設亦為驛各省之驛隸於廳州縣開有專設驛丞以司驛務者其錢糧夫馬仍歸印官管理均以道府稽察復以按察司兼驛傳事務總覈一切盛京之驛不隸州縣專設驛丞管理又設正副監督二人專司稽察統於盛京兵部

軍報所設為站其常設者自京城北回龍觀站起迤邐而西分兩道一達張家口接阿爾泰軍臺以達北路文報一沿邊城隴山西陝西甘肅出嘉峪關接軍塘以達西路文報每站各撥千把總外委以司接遞其夫馬錢糧仍歸所在廳州縣管理吉林黑龍江所設亦曰站每站設筆帖式管理統於將軍又直隸喜峰口古北口獨石口山西殺虎口外所設亦曰站並接設蒙古站以達六盟四十九旗設理藩院章京管理其口外各站夫馬錢糧歸直隸山西督撫奏銷蒙古站每站各設蒙古章京驍騎校畢齊克齊佐領兵丁以司接遞統於理藩院章京

甘肅嘉峪關口外所設除安西州鎮西府迪化州各本屬差務仍設驛外其安西哈密鎮西三屬特設軍塘以達出入嘉峪關軍站文報又別設營塘以達尋常文報軍塘每塘派千把總外委兵丁以司接遞安西哈密各設都司一人鎮西設守備一人督率稽察夫馬錢糧歸文員奏銷

西北兩路所設為臺北路張家口外各臺每臺派蒙古章京驍騎校兵丁以司接遞於張家口齊爾烏蘇各派理藩院章京一人分管統於阿爾泰軍臺都統迤邐而西達烏里雅蘇台城每臺派喀爾喀章京驍騎兵丁以司接遞每開數臺派喀爾喀台吉一人督率稽察由烏里雅蘇台分道而北達近吉里克卡倫設臺並派喀爾喀官兵亦如之統於定邊左副將軍由烏里雅蘇

台迤邐而西達科布多由科布多分道而北達卡倫亦設臺派喀爾喀官兵管理由科布多分道而南達古城設臺派扎哈沁官兵管理均統於科布多參贊大臣由齊爾烏蘇迤邐而北達庫倫再北達恰克圖亦設臺派喀爾喀官兵管理皆統於庫倫辦事大臣西路伊犁將軍及各城大臣所屬均設臺每兩臺設筆帖式一人管理各統於將軍大臣

舊設遞運所運送官物後裁併歸驛惟甘肅一帶尙存其制各設牛車專司運載亦隸所在廳州縣各省腹地廳州縣皆設鋪司由京至各省者亦曰京塘各以鋪夫鋪兵走遞公文工食入戶部錢糧奏銷

本部皇華驛一直隸有驛有站共一百八十五盛京驛二十九吉林站三十八黑龍江站三十六山東驛一百三十九山西有驛有站共一百二十五河南驛一百二十江蘇驛四十安徽驛八十一江西驛四十七福建驛六十八浙江驛五十九湖北驛七十一湖南驛六十二陝西有驛有站共一百二十九甘肅有驛有站有塘有所共三百三十一四川驛六十五廣東驛十廣西驛十九雲南驛八十一貴州驛二十三喜峰口章京所屬蒙古站十六古北口章京所屬蒙古站十獨石口章京所屬蒙古站六殺虎口章京所屬蒙古站十一阿爾泰軍臺都統所屬軍臺四十四定邊左副將軍所屬軍臺三十九庫倫大臣所屬軍臺二十五科布多大臣所屬軍臺二十二伊犁將軍所屬軍臺十二塔爾巴哈台大臣所屬軍臺十烏魯木齊都統所屬軍臺二十七巴里坤大臣所屬軍臺八吐魯番大臣所屬軍臺八喀喇沙爾大臣所屬軍臺八庫車大臣所屬軍臺十烏什大臣所屬軍臺三阿克蘇大臣所屬軍臺十八葉爾羌大臣所屬軍臺十五和闐大臣所屬軍臺七喀什噶爾大臣所屬軍臺六內蒙古驛凡五道喜峰口一道除喜峰口寬城內地所設二站外設蒙古站十六日和齊台品郭勒日喀斯瑚日托和圖日伯爾克日黃華圖日錫喇諾爾日庫呼車日三音哈格日錫喇郭勒日奎素布托日博羅阿布齊日諾木齊日哈沙圖日哈拉塔克洛素特日珠特日哈達達達喀喇沁右翼旗中旗左翼旗土默特右翼旗左翼旗喀爾喀左翼旗敖漢旗奈曼旗

扎噶特左翼旗右翼旗科爾沁左翼後旗左翼中旗左翼前旗右翼中旗郭爾羅斯後旗前旗科爾沁右翼前旗右翼後旗扎賚特旗杜爾伯特旗凡二十旗古北口一道除古北口至坡賴村內地所設五站外設蒙古站十曰默爾濟曰錫爾哈曰阿木溝曰卓索曰徹圖曰曰賴三呼都克曰錫喇木倫曰鳴察克曰海拉察克曰阿噶噶穆爾達翁牛特右翼旗左翼旗扎魯特左翼旗右翼旗巴林右翼旗左翼旗阿魯科爾沁旗烏珠穆沁右翼旗凡九旗獨石口一道除獨石口內地所設一站外設蒙古站其第一站奎屯布拉克在察哈爾境內入內蒙古境者五站曰額楞曰額墨根曰卓索圖曰錫林郭勒曰瑚魯圖達克什克騰旗阿巴噶右翼旗左翼旗阿巴哈納爾右翼旗左翼旗浩齊特右翼旗左翼旗凡七旗張家口一道除張家口內地所設一站外設蒙古站是爲阿爾泰軍臺其第一站察漢托羅蓋以及第九站沁岱皆在察哈爾境內至第十九站奇拉伊木呼爾以下已接喀爾喀境內在內蒙古境者九站曰烏蘭哈達曰奔巴圖曰錫喇哈達曰布噶圖曰烏蘭呼都克曰察漢呼都克曰錫喇木倫曰鄂爾呼都克曰吉斯洪夥達爾四子部落旗蘇尼特右翼旗左翼旗喀爾喀右翼旗茂明安旗凡五旗殺虎口一道除殺虎口內地所設一站外設蒙古站十一北路四站曰八十一家站曰二十家站曰薩喇齊曰歸化城皆在土默特境其烏喇特三旗即由歸化城達之西路七站曰杜爾格曰東素海曰吉格素特曰巴彥布拉克曰阿噶烏爾圖曰巴爾素海曰察漢扎達蓋達鄂爾多斯左翼前旗左翼後旗中旗右翼後旗右翼前旗右翼前末旗右翼中旗凡七旗外蒙古北路驛站皆由阿爾泰軍臺達之自出內扎薩克四子部落境起由第十九站奇拉伊木呼爾至賽爾烏蘇凡六站由賽爾烏蘇至哈拉尼敦凡二十一站由哈拉尼敦至烏里雅蘇台凡二十站由烏里雅蘇台至科布多凡十四站是爲阿爾泰軍臺由賽爾烏蘇至庫倫凡十四站由庫倫至恰克圖凡十二站以備巡查卡倫並達俄羅斯互市由烏里雅蘇台至近吉里克卡倫凡九站由科布多至索果克卡倫凡八站以備巡查卡倫皆以喀爾喀官兵供役由科布多至古城所

屬之梭吉卡倫凡八站達於西路以扎哈沁官兵供役喀爾喀杜爾伯特舊土爾扈特和碩特及烏梁海扎哈沁等處游牧均由此分達阿拉善額魯特額濟納土爾扈特亦出張家口邊外達其游牧西路青海各部由西甯出口珠勒都斯舊土爾扈特和碩特由喀喇沙爾濟爾哈郎精河舊土爾扈特出庫爾哈喇烏蘇霍博克薩里舊土爾扈特由塔爾巴哈台以達其游牧其派往管理驛站之本院司員筆帖式張家口司員一人筆帖式一人隨關防筆帖式一人殺虎口司員一人筆帖式一人喜峰口司員一人筆帖式一人古北口司員一人筆帖式一人獨石口司員一人筆帖式一人賽爾烏蘇司員一人筆帖式一人皆三年更代

原定兵部會同館馬匹遴委本部滿司官一員監督牧養限六個月輪差又定於本部侍郎內奏請 欽派一員稽察館所事務一年奏換一次會同館大使額設一員專管夫役馬驢併遞送公文等事

又定各省馬驛水驛其需用馬驢車船人夫什物等項各有定額錢糧或設驛丞專管或屬州縣官兼管或令武職帶管俱責成各該督撫驛傳道稽察整治驛站歲需夫馬工料修造船庫給口糧及棚棚鞍履柴薪燈油藥材雜支所有各項錢糧約計應用之數各於該省田賦內照數編徵

直省每年支銷驛站錢糧奏銷限次年五月內由該督撫題報甘肅省塘馬奏銷限次年十月內由該督撫題報其冊籍隨本送部如有遲逾及司道府州縣遲延不申或已申而督撫不即送部以致逾限者均查取職名咨送吏部議處

驛夫 兵部會同館額設夫役四百名直隸一萬四百七十名黑龍江十名江蘇四千五百九名安徽二千七十七名江西二千九百四名浙江七千一百四十一名福建四千十八名湖北五千五十二名湖南三千二百三十八名河南四千七百九十八名山東七千四百九十一名三分山西四千五百六十五名陝西四千三百六十名甘肅四千二百七十二名四川七百七十二名半廣東九百二十名廣西二百八十名雲南一千六百七十四名貴州

二千六百八十名

原定各站設有夫役以供昇輿擡槓遞送文書餵養馬匹等事若係經由大路或設一二百名七八十名偏僻小路亦設二三十名各按衝僻多寡不一其夫役工食每名日給銀二三分以至七八分不等俱於驛站錢糧內開銷又定直省驛夫每馬二匹設立夫一名以爲飼秣並傳遞本章之用其餘昇輿挑槓傳送公文獸醫執事及船夫車夫均按地方衝僻差使繁簡設立所有工食各照定數支領於驛站錢糧內動用彙入奏銷案內造冊送部察覈驛馬 會同館額設馬六百九十四匹直隸設馬騾七千九百四十四匹頭驢二千七百七十七頭盛京設馬九百八十九匹吉林設馬八百五十四匹牛八百五十五隻黑龍江設馬六百九十二匹牛八百七十三隻江蘇設馬一千六百五十四匹安徽設馬一千五百五十五匹江西設馬七百六十八匹浙江設馬一百匹湖北設馬二千四百七十四匹湖南設馬一千四百四十三匹河南設馬三千七百七十一匹山東設馬二千五百五十四匹八分驢一百五十六頭山西設馬三千四百八十四匹陝西設馬三千二百六十四匹甘肅設馬騾六千五百二十五匹頭牛五百二十五隻四川設馬七百六十三匹雲南設馬五百八匹貴州設馬一千一百六十四匹伊犁設馬三百二匹牛一百五十八隻塔爾巴哈台設馬一百十四匹牛二十隻烏魯木齊設馬七百六十四匹牛九十五隻巴里坤設馬一百六十四匹吐魯番設馬一百六十四匹喀喇沙爾設馬一百三十八匹庫車設馬一百三十六匹牛五十四隻烏什設馬四十九匹牛八隻阿克蘇設馬三百八匹牛一百七十三隻葉爾羌設馬二百二十八匹驢二頭驢二頭牛一百七十六隻和闐設馬三十四匹驢十七頭牛四十隻喀什噶爾設馬七十五匹牛十隻喜峰口設馬八百匹古北口設馬三百五十四匹獨石口設馬三百匹阿爾泰設馬二千三百十九匹定邊設馬一千五百匹庫倫設馬一千一百六十五匹科布多設馬七百八十八匹兵部會同館鞏馬每年十分准倒斃二分直隸湖北河南山東四川雲南驛馬准倒斃三分直隸所屬之張家獨石喜峰等口驛馬准倒斃四分盛京吉林驛馬均每年十分

准倒斃三分牛隻准倒斃四分黑龍江茂興等十六站驛馬准倒斃三分牛隻准倒斃一分八釐墨爾根等十站驛馬牛隻准倒斃三分呼倫貝爾等十站驛馬牛隻准倒斃二分江蘇安徽江西湖南驛馬准倒斃四分浙江山西陝西甘肅驛馬准倒斃二分甘肅口內口外各塘馬准倒斃三分西北兩路各臺站馬准倒斃三分牛隻准倒斃一分五釐貴州驛馬准倒斃七分原定直省各驛有首衝次衝及偏僻不同各按地方情形設馬或百餘匹以至一二十四匹皆應實養在槽以應差使其草料價值照額開銷如馬有缺少並短扣草料者照例議處 又定驛站馬匹草料每匹支銀一錢或八九分俱於驛站錢糧內開銷 又定兵部館所驛馬缺額於口外馬羣內撥給陝西甘肅四川驛馬缺額於招中茶馬內撥給各省驛馬缺額動支驛站錢糧買補其開銷價值直隸山東山西河南每匹八九兩兩江浙江湖廣每匹四兩五兩福建廣東廣西雲南貴州每匹二兩八兩兩至三兩兩止驛車 兵部會同館黑龍江等處車輛均每年報修塔爾巴哈台烏魯木齊吐魯番等處車輛均每年小修四年大修喀喇沙爾庫車烏什阿克蘇等處車輛均五年大修葉爾羌喀什噶爾等處車輛均三年小修五年大修巴里坤車輛五年補製 原定兵部館所及直隸通州永平河間設有額車應付差使若額差不敷准其雇用至直隸未設車之各州縣並山東山西河南陝西甘肅等省遇有勘合火牌例應給車者均准其雇用雇價造入奏銷案內報部察覈 驛船 各省水站驛船修造年限廣東湖北安徽四川俱三年小修五年大修十年拆造江西三年小修七年大修十年拆造湖北宣樓船每年歲修十年拆造浙江三年小修六年大修十年拆造內有四十二隻每年歲修十年拆造廣西三年小修五年換造江甯宣樓船三年小修六年中修九年大修十二年拆造其修造時責成驛傳司道專管不得分委州縣若獨力難辦委廉能佐貳官監修各按該省修造年限具丈尺物料工價清冊分送兵工二部查覈至船隻雖屆修造年限無甚朽壞仍加修驗應差實在朽壞難堪必

資修造者令該管官詳驗出結題請修造

驛遞 凡驛遞驗以火票定其遲速之限若報匣若印封各考其所達之程而計以日時鋪遞亦如之洩漏沈匿者稽遲者皆察焉凡發遞各辨其緩急給驛 凡差給驛者皆驗以郵符曰勘合曰火牌凡給驛各以其等頒其禁令凡差過境則驗以火牌

驛禁 直省齋奏人等皆用部頒火牌司驛官驗明應付如有自發牌票索取夫馬者不准應付違者與受同罪 齋奏文册背包以四十斤爲率如有夾帶私物地方官驗實申報究處 官員科斂民馬充入驛遞使用者降一級調用 齋進本章用小匣裝盛不得過十斤若送册籍用馬馱載不得過六十斤違者司驛官據實申報照例議處 奉差官役不遵勘合火牌填註枉道擾驛者係官降二級調用係役杖一百 驛傳道私發牌票違例支取夫馬者革職 官兵額外多索船夫及強勒越站行走者照馳驛越站多索例處分

乾隆五十一年 諭莊浪土司見隨年班伯克入覲內地土司向無乘騎驛馬之例但該土司在軍營頗爲出力且隨年班伯克行走若令自雇脚力未免拮据著准其一體馳驛並著沿途支與廩給俾與年班伯克一同抵京嗣後該省土司有情殷瞻覲者俱照此賞給驛廩以示體恤

五十三年 諭新疆押解人犯及照料回子護送哈薩克使人並押送官物之官員人等俱係由驛站行走理宜簡便若沿途買帶子女則揀擇看視說合講價既不免守候需時而買定後沿途攜帶又需用車輛夫馬必致擾累驛站貽誤差使且此等買帶子女之人未必盡係自行買用或爲人代買或復行販賣更易滋生別項情弊而帶領來使之入尤爲外藩所笑不可不嚴行查禁嗣後著該省督撫等遇有災祲地方貧民賣鬻子女除非馳驛官員各聽其便毋庸禁止外其有派委差使由驛行走之人俱應禁止民人不得私行售賣並隨時查察此等官員如有違禁私買攜帶者即行嚴參治罪

又 諭嗣後督撫提鎮及學政等凡遇巡查考途次所需夫馬等項均著自行備用毋得令經過各員代辦並令文武互相糾察如有仍前需索擾累者即行據實參奏從重治罪

行備用毋得令經過各員代辦並令文武互相糾察如有仍前需索擾累者即行據實參奏從重治罪

五十五年 諭向來各省督撫等陳奏各摺如遇有緊要事件急於上達或地方公務關繫重大即需請旨辦理或有特旨令其由驛馳遞近日該督撫等奏事往往擅用五六百里馳遞及披閱奏函不過尋常照例之件事非緊要祇益驚疑甚屬不曉事體至由三四百里及馬上飛遞者該督撫等尤視爲泛常率行馳奏殊非慎重驛站之道嗣後各省督撫等如非緊要事務俱不准濫用驛遞倘不知輕重緩急仍沿故習必治以應得之罪

又 諭大臣官員等奉使各省馳驛往來應給之馬匹廩給及跟役口糧各按品級以爲等差於兵部勘合內逐一填註原不准例外多支乃派出之大臣等多假欵差聲勢騷擾驛站隨行官員亦復不知斂戢以致家奴跟役訛索多端各該省督撫並不効參地方官懼其凌辱惟求安靜過站曲加承應違例濫支即多用夫馬車輛勒取供給亦不敢復行爭較而辦差之家人胥役等藉端派累民間從中侵冒其弊將何所不至昨尹壯圖摺內稱地方官辦理差務胥役滋擾商民不無議論一節所言縱或過當然近年或因阮光平及各國陪臣入覲時地方官應付太過故有此語若不申明例禁嚴示創懲何以肅清郵政况地方官辦理差務無論大小官員皆宜恪遵定例即朕省方所至守土官吏各有除道清塵之責朕猶曲加體恤切戒華靡豈遣派辦事之員轉可任情滋擾即如近日旺親班巴爾自京回伊游牧以其送格格靈糧令沿途酌派夫役遂致例外多支擾累驛站伊不過一蒙古藩王地方官尚如此畏懼若朕派出之親信大臣又將如何供應耶朕軫恤民隱凡有赴京控告者無不欵派大臣前往審辦今雖馳驛人員間有騷擾之事亦不肯因噎廢食不行派遣致小民含冤莫恕也特此降旨剴切誠諭嗣後欵差大臣官員如敢於應得馬匹廩給之外稍有擾累一經發覺即行從嚴治罪若該督撫等任聽屬員違例濫付希圖見好不行參劾亦即將該督撫一併嚴究決不姑貸

五十七年 諭和琳奏馳抵成都察看各站馬匹皆臃肥足用弁兵齋遞文報

即值山徑崎嶇亦復儘力馳驟可無虞遲誤等語此次進剿廓爾喀一切文報往來關係緊要各該省驛站弁兵等上緊馳遞俱屬迅速並無遲誤從前勦辦兩金川會降旨將沿途驛站弁兵加恩賞資見在正值軍營文報絡繹之際著沿途設有驛站省分各該督撫查照從前金川恩賞之例將馳遞文報奮勉之弁兵等查明先行分別賞資一次以示體恤

又覆准浙江省紹興府屬見設站船二十四隻裁去九隻甯波府屬見設站船六隻裁去四隻以節糜費

五十八年 諭近年外藩傾心向化絡繹來朝此等外藩使臣經過省分該督撫等量加犒賞以示款接亦儀文所應有但須定有限制不可過濫若祇圖體面踵事增華勢必有加無已徒耗物力在督撫等養廉優厚如果出自己貲備物賞給所費無多原屬易辦之事但外省習氣遇有此等賞需往往派令屬員承辦而屬員等借此爲名取之地方百姓殊多擾累嗣後該督撫於外藩使臣過境時惟當照常賞給已貲自辦不必逐漸加增亦不得轉派屬員仍沿積習輒令州縣辦備致有擾累百姓之事一經查出必將該督撫重治其罪

嘉慶二年 諭驛站船隻遇有船身及風篷損具什物等朽壞自應分別修理但外省不肖官吏往往藉端浮冒該督務宜隨時留心稽察覈實辦理毋任承辦之員稍有冒銷情弊方爲妥善

四年 諭前因巡視南漕給事中劉坤將無關緊要之案輒用五百里馳奏殊駭聽聞是以交部嚴議經吏部議以降一級調用朕以該給事中若一經降調恐此後不曉事體之員遇有要務轉或拘泥不敢由驛馳遞是以將劉坤施恩改爲降二級留任而其時劉坤又遞到五百里奏摺亦止係尋常事件因甫經議處不復再加飭諭乃劉坤本日又有由五百里馳遞之摺所奏仍係照例辦理漕運情形且據兼署兵部尚書軍機大臣那彥成奏稱昨日該給事中因前次驛遞奏摺未經接到輒用六百里文書向兵部查訊正擬會同具摺參奏等語似此徒勞驛站至再至三是劉坤全不曉事而且喜於多事豈可尙留巡漕之任劉坤仍照吏部前議降一級調用不准抵銷卽行撤回

又覆准湖南花園地方設立綏靖鎮總兵該處至辰郡沅陵縣辰陽驛遞送往來文報始通馬站其花園至辰陽一帶崎嶇山路險窄異常皆馬力難行今擬自辰陽驛起至烏宿如係遞送總兵文報仍由辰陽驛馬遞外其自烏宿起至花園止作爲九站安設步夫四名共三十六名專遞花園文報責成承等之各該廳縣就近稽查步夫每名日支工食五分年共支銀六百四十八兩不扣建不加閏由各專管廳縣按季赴司請領散給入於年終造報奏銷

五年 諭據廣音布奏經過直隸山東江南等處各驛馬匹不敷額數等語驛馬遞送文報均關緊要各省如此廢弛殊屬不成事體著查明各該省缺額馬匹應行買補者卽飭地方官速行買補毋任因循致多貽誤

又 諭前因督撫等於地方尋常事件往往由驛馳遞曾經降旨通行飭禁近聞各省積習相沿無論公文緊要與否概由驛遞卽通問私書屬員賀稟均用印封交驛甚至有由六百里加緊加快馳送者以致各驛站每日急遞公文多至數百件各州縣官設驛馬專爲馳遞文報今擅遞私書賀稟以私事而用官驛馬供其馳送其流弊無窮將見外任家眷馳驛赴京豈不同前明之覆轍且各驛站於此等限行之件既視爲泛常勢必遇正項緊要文報轉多延擱於郵政殊有關礙外省私書賀稟不過通問陋習本不應擅用印封更何得交驛馳送動輒填寫五六百里全不顧疲勞驛馬此皆由督撫司道等首先作俑臬司係專管之員並不認真查察屬員因而效尤不可不嚴行禁止嗣後督撫大吏務當先自檢點於驛遞事件權其輕重緩急並嚴飭各衙門除實係緊要公事仍用五百里遞送外其餘尋常公文應由馬上飛遞者不得濫填五六百里至私書賀稟均不准擅用印封驛馬倘經此次嚴禁之後地方官有仍蹈故轍者著該督撫臬司嚴參懲辦該督撫臬司或自違例禁必一併交部嚴議

六年奏定 盛京等處宗室覺羅及新滿洲官兵等初次搬取眷口來京一品等官給車八輛二品七輛三品五輛四品四輛五品三輛六品二輛七品以下官至官兵等給車一輛俱折給車價

又定新疆各城回子王公伯克等入覲應帶行李跟役回子王行李六千斤跟

役十五名貝勒行李四千斤跟役六名貝子行李三千五百斤跟役六名公行  
李三千斤跟役六名台吉跟役五名一等伯克跟役六名二等伯克跟役五名  
三等伯克跟役四名四等伯克跟役三名以上台吉伯克均行李二千五百斤  
五等伯克行李一千五百斤跟役二名六等伯克行李一千二百斤跟役一名  
伯克子弟行李六百斤跟役一名如有例外多帶跟役一名者減去行李二百  
斤再有多帶照數遞減

又定土爾扈特和碩特哈薩克各等處汗親王郡王台吉等入覲應帶行李跟  
役汗行李四千斤跟役七名親王行李三千斤跟役六名郡王行李二千斤跟  
役五名貝勒行李二千四百斤跟役五名貝子行李二千四百斤跟役四名公  
行李一千八百斤跟役三名扎薩克台吉行李一千二百斤跟役三名閒散頭  
等至四等台吉行李六百斤跟役二名如有例外多帶跟役一名者減去行李  
二百斤再有多帶照數遞減

七年 諭向來泰山進香於御前侍衛內派出一人前往朕思此項人員由內  
廷派出或不免有騷擾驛站之事此次著內務府仍照舊例揀派司官一員將  
應用香供齋至山東省城交與巡撫接領於撫藩二人內酌量一人親詣泰山  
於四月十八日致祭該司員交明香供後即行回京嗣後泰山進香俱照此例  
辦理

臣謹案中樞政考載泰山進香由內務府揀派司員齋領香供前往沿途  
應需盤費車輛等項即由內務府酌量辦給毋庸馳驛其人和而神降之  
福者與

又覆准塔爾巴哈台自色特爾莫多起至烏爾圖布拉克軍臺止計大臺四處  
每處原設牛八隻共額設牛三十二隻今各裁牛三隻共存二十隻  
八年覆准塔爾巴哈台自色特爾莫多軍臺起至烏爾圖布拉克軍臺止計大  
臺四處每處置買鐵瓦車二輛共車八輛交給各臺以資遞運其該處軍臺安  
設車輛事係初創應援照庫爾喀喇烏蘇安設軍臺車輛之例每年小修一次  
四年大修

九年 諭朕恭閱乾隆三十二年 皇考高宗純皇帝實錄內載肅州總兵俞  
金龍派往伊犁奏報起程一摺由驛馳遞殊屬非是向來各省督撫等於地方  
尋常公事俱不准輕用驛馬至以本身私事而由驛遞奏更爲不合本應交部  
察議但俞金龍係初任且前往新疆辦理屯務姑從寬免著通行傳諭嗣後有  
不諳輕重復蹈此轍者定行照例議處仰見 皇考慎重驛站至意而朕於未  
經恭閱 實錄以前因各督撫往往輕用驛遞早經節降諭旨申禁適與 聖

訓默相符合地方設立驛站原爲馳遞緊要公務如以尋常事件紛紛擅動必  
致驛馬疲勞設遇要務轉恐遲延今督撫等經朕飭諭後固不敢輕用急遞然  
過於拘泥轉有應用而不用者即如本年江西袁州等幫糧艘在鄱陽湖失風  
沈溺米石淹斃人口多名此亦地方緊要之事即由驛馳報尙無不可乃秦承  
恩遲至一月之久始差人齎奏又未免失之過緩是以將該撫交部議處以儆  
延玩第恐各省大吏又錯會朕意遇事輒擅動驛馬更屬不成政體特再行申  
諭各督撫身任封圻務須權其輕重於緊要事件仍用驛遞若尋常奏摺惟當  
專人齎進緩急得宜方爲曉事再外省官場往來書信多有私用驛遞者尤屬  
非是嗣後如仍不改陋習必當從嚴懲辦

十年 諭各省馳遞部文均關緊要況由釘封發往尤應加謹包護小心馳送  
兵部向來於軍機處交發事件及各部院緊要公文皆用釘封紙捻但程站遙  
遠若沿途開閱雨難免滲溼設釘封不固必有私自拆閱情事非所以昭慎  
密嗣後兵部於發往外省公文有應行釘封者毋庸釘封著改用夾板包固完  
密加貼印花以杜疎漏之漸

又奏准各部院衙門釘封公文均係各該衙門應行慎密之事關係緊要始行  
釘封交兵部發驛馳遞應仍令各該衙門照舊釘封後交兵部再加夾板包固  
黏貼印花簽發火票馳遞至軍機處交發事件仍由軍機處固封交兵部捷報  
處加具釘封再用夾板包固黏貼印花發遞其每歲需用夾板繩紙等件行文  
戶工二部豫期支領備用  
十一年 諭各省州縣安設驛站以備馳遞文報及緊要差使凡遇欽差官員

往來過境及此外應行馳驛者自應查照勘合內所填夫馬之數照例給與然亦不得稍涉浮濫至於本省官員往來境內其夫馬飯食俱當自行備辦豈能責令地方官供應乃近日督撫司道等官經過所管州縣該地方官不但豫備夫馬且須鋪設公館供應飯食爭華圖靡曲意逢迎甚至有餽送程儀之事惟以辦差爲能而郵政轉置之不問即或該州縣額馬不敷平日有廢弛浮冒情事方且代爲彌縫又安肯覈實查辦積弊相仍自當嚴行飭禁嗣後州縣驛站應付惟當以勘合爲憑毋許濫應濫支如有違例供應以及藉端餽送或沿途勒索及縱容家人長隨肆行需索者一經查出或被入參劾必當嚴懲示警其所屬州縣額設馬匹如有短少情事該上司務當隨時整頓毋任虧缺干咎又覆准湖北襄陽鎮改駐鄖陽府又添設提督一員駐劄穀城縣與湖南花園地方添設總兵事同一例所有拜發本章及往來文報應循照南省辦理烏宿花園一帶成案設夫安站自鄖縣起至襄陽縣城止共安十七站計程五百零五里每站設健夫四名每名日支工食銀五分共健夫六十八名年支工食銀一千二百二十四兩遇閏加增小建扣除於驛站項下支銷自東關至界山係鄖縣管轄自遠河至管驛均州管轄自管家鋪至迴流灣穀城縣管轄自王政橋至柿子鋪襄陽縣管轄應責成各該州縣就近稽查專立健夫號簿派號書赴站登掛接遞時刻按旬調查如有遲誤即提責懲仍按月造冊齎司查覈彙報

柯培元建甯改站議曰自古郵政之設所以戒不虞也 國家歲費帑金原欲使州縣無賠累之憂小民無差派之擾官與民安其大綱隸於兵部其各省屬之按察道員故驛遞處分幾與錢糧處分相等恭讀嘉慶十一年 上諭本日御史花杰奏整頓驛站以肅吏治所奏甚是各省州縣安設驛站以備馳遞文報及緊要差事凡遇欽差官員往來過境及此外應行馳驛者自應查照勘合內所填夫馬之數照例給予然亦不得稍涉浮濫至於本省官員來往境內其夫馬飯食當自行備辦豈得責令地方官供應乃近日督撫司道等官經過所管州縣該地方官不但預備夫馬且

須鋪設公館供應飯食爭華圖靡曲意逢迎甚至有餽送程儀之事惟以辦差爲能而郵政轉置之不問即或該州縣額馬不敷平日有廢弛浮冒情事方且代爲彌縫又安肯覈實查辦積習相仍自當嚴行飭禁云云大哉 聖言無微不燭矣即如閩省各站有報銷有攤貼不過履覓夫役地方官費周章耳乃日見賠累其故有三一則書差藉差事爲吞噉之計一則家丁藉護送爲肥身之謀一則上憲家人需索訛詐沿途爲攫取之勢故一站有站規一驛有程禮最難當者轄班極難防者損役而尤不可問者家人若此州縣焉得不苦查例載騷擾驛遞者輕則降調重則革職何其嚴也而下以屬員不敢揭上以交情置不問誠如雍正六年 上諭所云或畏其威勢而不敢不應或迫於情面而不得不應地方夫役并受擾累職此之由今欲調停上游之站古田首當其衝其所苦者短夫役耳若以幫貼水黃銀兩歸之縣丞衙門由省雇夫未見其不足也大差過境酌爲勻攤以益之量爲節減以恤之釐爲定制以限之而古田僅備供應尙復何說南平甌甯建陽各站除摺差無庸給發外各貢差琉球差及欽使諸差則按站津貼本省上司尋常差人來往自行發夫不得擅用驛站上水則由陸下水則由水由陸者限以跟丁行李仍發船隻由水者禁帶貨物按站支給船價亦庶乎其稍蘇矣閔子騫曰仍舊貫如之何何必改作正今日之謂也

改小站議曰馬嵐營頭葉坊三驛俱屬甌甯而中間以建陽營頭遂爲兩縣分應建之夫販之食向有定章矣乾隆間兩縣以姻故私議甌甯貼建陽五百金其後沿爲定例形諸奏章而自是有改由水吉之議水吉去營頭五里渡河而南去葉坊九十里路誠平夷然中有民田且循山麓迤折鳥道幾二十里可人行不可輿轉無水時過兩渡大水則過三渡岸陡而水急議者謂自營頭一日可至葉坊此第言春夏之長非所例秋冬之短也行者謂九十里其實不止百里也夫水吉一路尋常往來固取其捷若遞解犯人護送秋審贖無人煙之所能無慮疎脫耶議者又言既開此路

移塘汛設夫頭遷居民招商賈建陽無供應之勞矣甌甯不獨當處分之累耶大凡人情溺於情之所安習於目之所見商之中葉凡五遷而盤庚之誥反覆辨論民尙疑焉矧以山僻之區既無所利又無所安強而使之離故土吾恐民有弗從也今執事乃曰大屏山後一路繞行五六里既寬且平無庸復事開鑿夫自水吉至葉坊幾百里矣而又曲折以達之則一日之程人力有所不及第謂九匡立一尖站不得也是則欲省一站豈不又添一站乎執事何獨惜建陽而苦甌甯耶即謂僅設尖站九匡以上大屏以後俱屬草萊上下遞解何處收管風雨不時何處安頓吾又恐犯之脫也屢屢矣蓋此議閱三十年而後息執事復理前說建陽固樂聽命其如甌甯何

十二年奉 旨此次 皇考高宗純皇帝 實錄 聖訓 玉牒送往盛京派出乾清門侍衛等應給之項著與大門侍衛等一體支給護軍營官兵等應給馬匹等項俱照行圍派出官兵之例支給著爲令

十四年 諭御史楊健奏請肅清郵政一摺據稱督撫等往往藉查辦地方公務擾累驛站見在山西卽有成甯因閱兵濫支車馬需索門包恐外省似此者尙多請嗣後飭令各督撫因公出境將隨帶人等先行知照臬司轉行各站按例覈給仍令將應付數目中報臬司以備查考其司道以下各員亦一體遵照辦理倘有違例卽交臬司糾參等語所奏自爲肅清郵傳起見而於外省積習所沿尙未確實各省驛站惟奉差人員例有應付督撫非奉特旨馳驛者原不准輕動驛站伊等養廉優厚足資辦公且查辦公事不過近在本省一切人夫車馬需用幾何又何難自爲雇備無如外省陋習相沿上司經歷所屬不必明言馳驛而州縣得信豫備車馬惟恐不多供帳惟恐不盛甚且門包使費需索無厭屬員既視爲固然上官亦以爲應得以此見好逢迎所費不取於官必取於民實屬近時積習此等擾累情形較之奉差馳驛人員所費尤鉅皆由州縣等畏懼本省上司聲勢曲意花銷並聞於別省大員過境之時亦皆一律承迎辦差希圖他日遷調本省可免挑斥其辦差之長隨家人等因得藉端漁利設

法開銷種種弊竇由斯而起該御史聞見尙不及此亟應嚴爲禁制以肅郵政而飭官方嗣後各督撫及過境大員一切車馬供頓俱著自爲雇備不得取之州縣州縣等亦不得陰爲應付各省臬司係專管驛站之員如再有不遵功令恣意妄行無馳驛之名而有馳驛之累者著交各該省臬司隨時查察據實奏如臬司扶同徇隱必將該臬司從重懲處其司道等官遇有公事經過州縣亦著一體懷遠

十五年 諭百齡奏驛遞批摺包封屢有私拆痕迹請定章程一摺據稱茂名途次接准兵部遞到四月十八日由軍機處交出夾板一副又於甯州府城接到二十七日軍機處交出夾板一副印花包封兩旁雖屬完整惟上下破損顯係沿途驛遞私拆等語郵遞諭旨奉章最關緊要沿途驛站自當慎重周密今據百齡所奏顯有拆毀私閱情事必當嚴行查辦著兵部自京師起至廣東止按站飭查何站私拆之處查明參奏嗣後軍機處發遞緊要諭旨應如何防範嚴密著兵部妥議具奏

十八年 奉旨派往西北兩路之將軍大臣並侍衛官員等來往俱馳驛行走著兵部載入則例

二十年 諭賽爾烏蘇章京所屬自十六臺站起至安達拉哈畢爾罕臺站一帶地方上年曾被旱災而冬間又遭風雪該站馬駝傷損者多見在青草未生著加恩於本年錢糧內每站買辦米三石茶一匣分給被災十一臺站貧苦蒙古等以資接濟其應補上年倒斃牲畜俟草生時再行補足今該十一站應差馬駝不敷應用除奏摺等項緊要事件仍由驛遞外其餘經過出差人等俱著暫由烏爾罕烏拉行走烏里雅蘇台等三處之解部人犯均著由各扎薩克旗下照料遞送其察克達哈布蘇爾噶應用烏拉馬匹著暫行停止由各該扎薩克旗下選擇好駝備用俟草長後畜牲畜庶之時仍照舊例辦理

道光十年 諭有人奏河南省驛站額設馬匹多則十存四五少則十存二三除草料工食仍照舊報銷蝕入己外復依額設數目勒買民間草料所發錢文照時價減半折扣名曰官價並有不給分文逼令空具領狀抑或按地畝攤



派竟用印票徵催且交納之時各處需索規費稍不如意料則一石僅作數斗草則數斤只作一斤餘賸大半均按官價加倍折納稍稽時日即斥爲抗違笞杖交加其科派車馬大河南北則有飛車牌子車舉人車銀兩車紅差車麩子車坐馬支號馬等名目豫省西南附近祥符等縣凡有牛驢之家無不編派竟有終歲未曾當差按日勒其納價合計一年差費不啻正項錢糧各屬佐雜等因而效尤每年各包攬車馬若干作爲正項出息等語各處驛站馬匹遇有不敷原應隨時買補足額其雇民車本有例給銀兩豫省州縣各驛馬匹既多缺額派用民開車馬並不照例發價又復從中漁利楊國植身爲巡撫豈竟毫無見聞臬司麟慶管理驛站是其專責著楊國植督同麟慶將各處驛站逐一清查缺額者勒限買補不得於民間派借遇有驛遞額車實不敷用雇民車即照例給價不許擾累閭閻如查有缺額不即買補及藉差侵蝕勒折等弊即行據實嚴參懲辦倘查辦不力仍有前項弊端惟楊國植麟慶是問

十二年 諭有人奏江蘇銅山縣東岸驛額設馬一百匹利國驛額設馬八十五匹桃山驛額設馬七十七匹安徽鳳陽縣王莊驛額設馬六十匹濠梁驛紅心驛各額設馬六十五匹見在每驛所存不過十餘匹遇有差事或下站打越上站或票擊民騾民車供應存驛之馬交家人餵養聽其剋扣草料本年七月初開利國驛馳遞粵東軍營文報中途雙馬俱倒驛夫步行數里始於驛站乘騎倘離驛站較遠豈不耽延時刻恐各處皆所不免等語國家設立驛站關繫甚重各省額設驛馬支領馬乾棚廠等銀並准每年報倒二三四分不等自宜如數足額留心餵養似此剋扣侵蝕數懸殊成何事體該省不肖州縣因循欺飾巧於彌縫一聞上司稽查上下站俱可通融調集弊何由除著陶澍林則徐鄧廷楨認真稽察設法抽查如有前項弊端立即嚴參懲辦

十四年 諭給事中金應麟奏驛站弊端一摺國家設立驛站馳遞緊要文報關繫甚重若如所奏驛馬半皆缺額存者亦疲瘦不堪且有強留前站之馬令其支應差使名曰打過站其馬匹並不餵養致倒斃益多例支馬乾等項上下分肥視爲常例州縣於豫備車馬之時先期令胥差傳挈協濟鄉車多至數百

輛令其自行餵養不准出入給與銀錢方行放走甚至差使已過而仍不放走者民間不堪其苦至於上差借用夫馬廝養私乘驛馬種種弊端實屬郵政之害著責成各督撫等隨時認真稽察嚴行訪查一經查有前項弊端立即嚴參懲辦

又 命各督撫嚴查驛站缺額並擅遞供應積弊

二十一年 諭本日據御史史佩瑄奏請查禁胥役藉差擾累行旅一摺各州縣額設驛馬自應隨時稽查足數遇有差使方敷應用若如該御史所奏近來馬不足額胥役遇有差徭輒攔截過路車輛將客商行李拋擲道旁驅車徑去藉端婪索濱水地方擊船行戶胥役表裏爲奸直省皆然直隸山西尤甚等語如果屬實大干法紀見在兵差絡繹更宜禁暴安良師行不擾倘胥差擾累種種弊生尙復成何事體著直省各督撫嚴飭該管道府飭屬查明嚴禁所有各站驛馬務令買補足額毋令丁胥人等藉差肆擾至沿途舟車來往尤當斥埃肅清嚴擊盜賊各該督撫即嚴申禁令督責屬員認真查緝以肅捕務而清盜源

三十年 諭陸應毅馳奏賊匪竄踞漢陽府城將漢口及江面用船搭造浮橋圍住武昌省城湖北應山以下孝感黃陂黃岡等處驛路梗塞見在應山縣將夾板文報退回另由新野遞至襄陽等語豫省防堵此時甚爲喫重湖北文報既由該署撫改道飛遞著即通飭各該州縣改設驛站小心遞送毋致遺失遲誤

又 諭御史富興阿奏陳一摺軍機發遞自應加意嚴密著兵部查照舊例慎重加封傳知各省有驛地方謹慎接遞毋得稍有磨損以致拆動滋弊如查有何處損溼及有拆動形迹一面加封遞往前途一面稟請該管上司查辦

皇朝續文獻通考卷三百七十五

郵傳考十六 郵政

咸豐三年 諭見在軍務未竣文報往來最關緊要如道路遇有梗塞該管驛站地方官即應設法繞道馳遞若不知事體緩急輒將文報擅自遞回貽誤非細著各該省督撫嚴飭臬司通行曉諭所屬州縣凡遇緊要軍報倘道路偶有阻隔藉詞遞回以致貽誤者即著該督撫奏明嚴參並著兵部隨時稽察將管理驛站之臬司暨該督撫一併參處

又 諭兵部奏驛遞遲延請飭查辦並開單呈覽一摺據奉本年九月十月間接到河南等省奏摺傳牌駁計遲緩至五六日者竟至八件之多其由部外發文報恐延擱亦復不少前經降旨諭令各省嚴查參辦倘敢仍前積習實屬玩忽着直隸河南湖北山東江蘇安徽浙江福建各督撫按照此次單開並前次奏請飭查及由部咨查各案一併查取職名交部議處仍著各省督撫嚴飭驛站地方遇有緊要文報務須按限遞送毋得再有遲緩

又 諭李德奏參護送貢使各員沿途騷擾請交部嚴議一摺廣東潮州府知府劉澤惠州府知府蘇學健升補督標參將雷樹勳護送暹羅國貢使由山東進京沿途需用車馬人夫較別項差使多至數倍見當軍務倥傯之時豈容該委員等藉差騷擾貽累地方劉澤蘇學健雷樹勳均著交部嚴加議處並著該部將該國使臣折回應用之車馬人夫船隻數目飛咨各省支應其護送委員車馬等項均著自行發價不准取給地方

又 諭見在各路大兵進勦沿途豫備車馬及馳遞文報均屬刻不容緩乃本日據勝保奏南路未到之兵尚多皆由文報遲延地方官不給車馬以致稽滯並加緊摺奏亦多遲至二三日不等值此軍務喫緊之際各州縣驛站並不先期妥為預備實屬玩誤著直隸總督山西巡撫飭查各屬將遲誤兵差稽延文報之各地方官據實嚴參毋稍徇隱

五年 諭本日貴州學政鮑源深由五百里馳奏貴州勦辦苗匪並軍營需餉情形均係巡撫蔣蔚遠節次奏聞業經降旨飭辦之事殊覺徒勞驛站各省學

政職司考校地方公事本不與聞其或該省大吏廢弛不職措置乖方原准學政彈劾然非事機緊迫亦止專差齎摺豈容輒由驛遞又如編修張金鏞由山西考官簡放湖南學政具摺謝恩亦由三百里驛遞尤屬非是嗣後各省學政除派辦防勦事務及實有緊要事件迫不及待者准其發報外其餘概不准擅用驛遞以示限制

七年 諭和春奏陳奏事件久未接奉諭旨請飭部查明等語據稱自上年十二月起至本年三月止該大臣陳奏摺件所奉明發諭旨均未接到部文著該部迅即補鈔飛咨該大臣欽遵辦理並著查明是否發遞遲延抑係沿途遺失專摺參辦嗣後各路軍營奏報所奉諭旨該部即迅速鈔錄由驛馳遞不准稍有積壓如再遲誤以致各該省紛紛奏請補發者著該部堂官查明係何處遲延積壓即行參處以肅郵政

又湖北巡撫胡林翼奏竊准部咨議覆山西省各廳州縣向於公文驛遞外另設鋪司兵遞送文件多係奸胥冒領並未專設鋪兵擬將通省鋪兵全行裁汰改為馬遞有驛各廳州縣留工食十分之二津貼捐馬工料之用無驛各廳州縣留工食十分之四以資差役飯食之需令即查照原奏各就地地方情形詳細體察辦理以節糜費而昭核實等因茲據藩司馬秀儒臬司羅遵殿會查得州縣安設鋪司原為遞送尋常公文起見近年楚省多未專設鋪兵工食不無冒領自應循照舊案一律裁汰請以奏咨奉到部文之日為始將湖北省有驛之江夏武昌咸甯蒲圻漢陽漢川黃陂孝感黃岡蘄水羅田蘄州黃梅廣濟鍾祥京山潛江天門安陸雲夢應城應山江陵公安松滋宜都襄陽宜城東湖歸州巴東荊門等三十二州縣原設鋪司改為驛遞查照年額工食酌留十分之二津貼捐馬工料之用無驛之嘉魚興國大冶通山通城崇陽沔陽麻城黃安隨州石首監利枝江棗陽南漳光化穀城均州鄖縣鄖西房縣竹山竹谿保康興山長陽長樂鶴峰恩施宣恩來鳳咸豐利川度始當陽遠安等三十六州縣原設鋪司改派差遞查照年額工食酌留十分之四以資差役飯食之需嗣後各該州縣遞送公文責令隨到隨遞倘有遲延分別查參究治庶於公事無

誤

馮桂芬裁驛站議 大清會典載凡置郵視道途遠近衝僻適中設驛郵遞之事州縣官及驛丞掌之以司道總其成嘗考西北之地平原曠野無所阻隔遞送公文多用馬匹東南之地河道繁多例設水驛如江蘇安徽浙江湖北湖南四州廣東廣西等省水路四通八達均設船以供差使通二十一行省計之 國家歲耗銀三百餘萬兩夫所以不惜巨資而設此驛站者原以奏牘公文俱歸遞送欲使之從速而不至失誤也乃日久弊生而竟爲地方官之利藪每州縣衝繁者其驛費多或萬餘金其次五六千金其僻靜無驛州縣亦有千餘金及六七百金不等此項費用歸入留支項下州縣官得缺時必先探詢驛費之多少其多者則爲之欣然色喜焉大利既歸之州縣故驛中所畜之馬類多老弱病疲且管理馬號者有幕友有僕人於乾草料豆等物又節節剋扣至馬夫而剋無可剋於是減其飼秣俾不得飽故驛站之馬類多疲乏不能行走至遞送公文本不得遲延誤事例載凡鋪兵遞送公文晝夜須行三百里稽留三刻答二十每三刻加一等罪止答五十其公文到鋪不問角數多少鋪司須要隨即附籍遣兵遞送不許等待後來文書違者鋪司答五十立法之初非不慮周藻密然今之州縣每接上站文書遞至下站者止給馬夫錢數百文或數十文管理馬號之幕友家丁於中可以取利也於是將文書任意延擱併至數起始遣一馬夫送之故往往有數百里內文書竟遲至十餘日始到者夫驛遞之遲誤其情固甚可惡然平心論之所遞之事亦未必盡係緊要凡官場家室平安之報友朋通問之緘大書投遞二字即付驛遞送執筆者昔曾幕游直隸嘗見某道員以往來賀節賀壽之例信而竟用五百里排單者按例載地方官驛官將尋常文報違例濫差擅由馬上飛遞者降三級調用上司徇庇失察分別議處夫公文而尋常者尚不得馬上飛遞而况賀節賀壽之例信乎馬上飛遞且不可而况五百里排單乎以國家有限之帑項既飽州縣官私囊復遞無足重輕之例信亦何貴此驛站

爲乎嘗查泰西各國其初遞送公文信件亦如中國驛站之制嗣因費多而不便於民於是創設郵政局領以大臣位儕卿貳公私咸便之其進款蒸蒸日上就英一國而論每年郵部所入除用費外計贏餘英金一百數十萬磅其利亦可謂厚矣今中國通商各口郵政已經開辦似宜推廣其法凡通都大邑僻壤遐陬設立分局一切公文信件俱歸遞送如此則每歲可省驛站三百餘萬之耗費而收郵部數百萬之贏餘一轉移間即見成效亦何憚而不爲哉顧或曰驛站之設由來已久合天下計之恃此衣食者數十萬人今一旦裁之懼激而生變在昔明季因裁驛站盜賊蜂起釀成流寇之禍往事匪遙宜爲殷鑒且京外各官因公來往京師例須乘驛設刪去驛站諸多窒礙則謹應之曰非常之事原黎民所懼惟有卓識定力者始不爲人言所惑在昔招商局之行輪船河運之變爲海運以及京津鐵路之興辦無識者皆曾以奪小民生計必致激變爲詞多方阻撓及今大利既獲始閉口無言蓋迂腐謬戾之輩實不足與譚國是也至慮及京外各官之乘驛尤爲不達時勢之言蓋官員往來其行李之繁多僕從之煊赫每至一縣車馬之類任意需索其餘供億之繁亦動輒數百金若照例文所載凡出使人員應乘驛船驛馬數外多乘一船一馬者杖八十若應乘驢而乘馬及應乘中等下等馬而勒要上等馬者杖七十驛官容情應付者減犯人罪一等倘或照此辦理吾恐杖之不勝杖而罪之不勝罪矣掩耳盜鈴之舉亦何益哉要之驛站者 國家之漏卮而州縣官之大利也今帑藏日絀司農仰屋而嗟言利之官又紛紛然爲羅雀掘鼠之舉則何如省此可省之款以利 國而利民哉

又湖北巡撫胡林翼奏據藩臬會詳咸豐二年以來湖北有驛州縣多被賊擾致將驛馬劫失號舍焚燬勦退後均仍照舊安設修理接遞文報差使查馬匹一項例應詳司照戶部換票出口購買始准填補上站維時軍報絡繹若遵定例買馬遞送緩不濟急必致貽誤該州縣在附近地方各按例價額數買馬補站或按額雇馬應差即完善各驛自三年至六年每失馬倒馬或固道路梗

塞難以專丁赴口或因臬司遠在軍營未能照例請票即在附近地方按年按額買馬填站其失驛州縣未設以前俱係雇夫代馬均經通稟有案辦理係屬權宜所有未經奏銷之歷年支用驛站銀兩自應通變報銷擬請將咸豐二三四五六等年各驛在於附近買馬者無論填補失馬倒馬准照出口買補倒馬之例分年支銷馬價扣解皮張銀兩仍不得過年額存七倒三之數如係雇馬應差不准支銷馬價應以七年為始按照倒馬例數逐年補買俟口馬買到若干即裁去雇馬若干並俟雇馬裁竣始准接報倒馬不許兩項併支其被擾州縣未失驛站以前及失後補設並完善各驛無論買馬雇馬查係實在夫馬足額者歷年額支夫馬工食料加閏支應號房鞍履夫價健夫工食等項銀兩准其一體照額開銷不足額者按數核減其失驛州縣未設以前雇夫代馬此項銀兩應請比照襄陽穀城均州鄖縣四州縣添設王政橋等十七站之例按日按名支食如雇夫較多亦不得過原額馬夫之數等情查楚省州縣近年驛站夫馬事宜實因限於時勢未能循例辦理該司酌擬變通報銷章程係為核實樽節力杜浮冒起見惟是事關動支驛站錢糧且與成例多有不符未便擅專請旨飭部議覆遵行

八年 諭勝保奏驛遞遲延請旨飭查等語據稱該都統奏報摺件自本年四月後因直隸涿州改道紆折行走以致遲延著直隸總督迅速飭該地方各驛站遇有該都統摺報等件仍由直隸河南按站遞送毋再改道耽延並著兵部將涿州知州查取職名交部照例議處

九年 諭王慶雲奏請嚴禁騷擾驛站一摺四川各土司進京朝貢經過驛站往往任情需索夫馬芻茭百端挾制滋擾民間護解官弁不能認真約束並有通同分肥諸弊實屬任意妄為著直隸山西陝西各督撫轉飭有驛站地方官嗣後土司過境如有格外需索滋擾情事准其據實通稟一面移營派撥員弁押送過行其護解官弁即行從嚴參辦倘地方官隱匿不報別經發覺或任意刁難一併嚴參以示懲儆至奉調出師兵勇每於沿途任意擾害恃眾滋事尤屬大千法紀前經通諭帶兵各員嚴加約束仍著各路統兵大臣暨各省督撫

嚴飭帶兵將弁曉諭兵丁不准例外需索分毫如有鼓譟行兇情事一經查訊明確即以軍法從事各該地方官如有支應過境兵差有意遲延致誤軍行者亦著嚴參從重懲辦

又 諭前因倭仁奏參增慶隨帶多員驛馬用至八九十匹沿途不無騷擾當諭令該副都統明白回奏並諭玉明景霖查辦嗣據該副都統奏稱所用馬匹係按兵部勘合火牌照例支應茲據玉明等奏檢查各驛並旗民地方官結報情形與增慶原奏不符該副都統所帶隨員經過地方自應遵照定例不准濫支乃於例馬之外竟浮用大小車二十餘輛之多殊屬非是增慶著交部議處十一年 諭翰林院侍讀學士楊秉璋奏請整頓驛站一摺近來各省驛站馬匹每多缺額其倒斃者買補之價多入私囊見存之馬類皆疲瘦不堪乘騎一有差使過境或扣留過站馬匹應用或派胥役勒取民間百弊叢生不可勝數據該學士奏稱直隸之良鄉涿州柏鄉內邱等縣河南之延津縣郵政尤為廢弛著各督撫嚴飭各該州縣將缺額馬匹勒限一月買補足額如查有挪借措塞及逾限不交情弊著即從嚴參辦

又 諭見在各省文報遞至良鄉縣後轉遞京城再由兵部遞交順義縣接遞行在未免耽延時日著恆福即飭良鄉縣於接到文報時徑遞順義縣接遞毋庸由京轉遞如該二縣相距程途稍遠即於中途添設腰撥以免稽遲

又 諭昨因軍報稽延諭令兵部查明係何處積壓遲滯即將該督撫臬司等請旨嚴懲本日據穆蔭等奏遵查軍報稽延時刻開單請飭查辦等語各省摺報均應按限馳遞乃據穆蔭等查開三月二十七二十九兩日各處奏報有遲至數日始到者甚至有遲至三十餘日始到者其東直門腰站遞至熱河時刻據稱亦有遲誤似此任意耽延殊屬不成事體所有遲延軍報之本省及經過地方之督撫臬司等著該部查取職名分別輕重從嚴參奏並著勒限一個月令各該督撫臬司等查明積壓遲延之地方官嚴參懲辦如逾限不行查覆即著該部將該督撫臬司等指名嚴參其東直門腰站顯有積壓情弊順天府兼尹張祥河府尹董醇著先行交部嚴加議處

又 諭前因各省接遞軍報遲誤諭令兵部將各該督撫臬司等從重嚴參茲據兵部將遲誤時日並未填填日期遺失尾單各省分查明開單覆奏湖北山東接遞妥端書德榜額李續宜等奏報有數日未填接遞日期該督撫臬司等實屬督催不力所有湖廣總督湖北山東各巡撫臬司等均著吏部查取職名先行嚴加議處其樂斌奏報經由甘肅陝西山西直隸等省傳牌尾單係在何省遺失仰係原發省分未經黏連著各該督撫臬司等查明聲覆由兵部奏請嚴議其餘接遞軍報遲誤時日之各省督撫臬司等均著吏部按照單開分別輕重議處並著各該督撫臬司於接到部文後按照單開條件勒限一個月查明積壓遲延之地方官嚴參懲辦其繞道處所有無遲誤一併查明據實參辦至遺失尾單及未填日期尤非尋常疏忽可比著甘肅陝西山西直隸山東湖北各督撫臬司挨站根究從重懲處倘逾限延不查覆即著兵部指名嚴參另片奏請將直隸總督臬司嚴議並嚴定填註接遞時刻等語東直門腰撥接遞文報遲誤順天府兼尹張祥河等業經降旨交部嚴加議處署直隸總督文煜按察使吳廷棟著一併交部嚴加議處至各省文報繞道地方該州縣特非正站難免有蒙混造報情弊並著各該督撫臬司按照兵部所奏嚴飭各屬查明何處應行改道簽明時日里數毋許稍有錯漏虛捏並將傳牌尾單妥為收執以便稽查

同治元年 諭前因各路軍報遲延疊經 皇考文宗顯皇帝屢次嚴加申飭見在各路軍報仍未按照里數刻期遞至事關軍務豈容如此延玩嗣後著兵部於接到後按計日期里數如有遲誤者即行文各督撫沿途挨查嚴行參處其尋常奏事該督撫等亦不得率行由驛馳遞以杜驕擾

又 諭向來發回各處奏報及寄各省諭旨均由軍機處交兵部加封發遞原以事屬機要不可不倍加嚴密近聞各處驛站竟有設法私拆封潛行閱看者竊探秘密洩洩軍情可惡已極本日據熙麟奏稱接奉批諭拆封時雖封套包裹依然而原釘紙捻業已斷拆顯有前項情弊請嚴行查辦等語著兵部逐站挨查接遞熙麟此次發回摺報係屬何站作弊擅行拆閱立即從嚴參辦至

此等弊端外省相沿恐尚不止一處應如何嚴密防範之處並著兵部妥議章程責成各該督撫設法稽察如有拆損痕迹下站不准接收即知係何站之弊由該督撫查明重懲

二年 諭上年冬間因陝甘總督熙麟奏接到發回報件釘封斷拆顯有情弊當經降旨令兵部督沿途各督撫挨站查明究辦並妥議章程嚴行稽察茲據李鴻章奏稱前辦理通商事務大臣薛煥於本年二月十七日接到軍機處發回二月初五日四百里夾板一副兵部與軍機處印封俱已拆損並奏事摺一件失去該撫查閱兵部火票黏單有清口驛馬夫張順聲明夾板內並無印花切結一紙自係清口驛以上驛站私拆請飭查究等語驛遞軍報要件膽敢私行拆閱並竊去摺件尤屬可惡之至除飭軍機處將摺內所奉諭旨補錄知照外著兵部於清口驛以上地方逐站挨查並將此件係何站何人舞弊之處行令各該督撫嚴切根究從重懲辦

三年 諭平瑞奏陝甘驛路梗塞摺報阻滯請暫行改道接遞一摺邊疆重地值此多事之秋摺報往還最關緊要若因驛路梗阻致請旨遵行之件日久稽滯必至貽誤事機平瑞見擬暫行改道由蒙古臺站行走並將古城迤北之北套橋等處戈壁臺站添撥兵役常川駐守接遞文報所籌均合機宜即著准其暫行改道行走以昭便捷本日業經諭知兵部理藩院轉傳各該處一體遵照辦理外並著明誼麟興等於烏里雅蘇台科布多及察哈爾各臺站實力整頓督飭各該盟長總管等一體接遞毋稍遲誤此次麟興奏摺到京不過一月有餘觀上年所遞各報遲速迥殊是西南各城亦可仿照辦理即著烏里雅蘇台將軍咨行伊犁將軍塔爾巴哈台葉爾羌參贊大臣及所屬各城嗣後奏報均著暫行改道烏里雅蘇台科布多所屬蒙古台站挨查遞送至張家口轉遞進京以期迅速

四年兵部覆奏據署吉林將軍阜保以添設官馬擬請援照驛馬倒斃定例酌減報銷奉 旨該部議奏查例載吉林烏喇金珠鄂佛囉等站額設驛馬每年十分准倒三分今原奏稱近年盜風日熾騎馬持械百十成羣派兵勦洗必須

給與馬匹方足以資追捕而期得力前將軍景綸曾於同治元年奏明添設官馬一千匹分撥各城旗營餵養以備緝捕巡防之用歷時既久倒斃漸多向由兵丁著賂買補足額據各署續報疲斃前來伏思捕盜固以馬隊為利養兵尤以足食為先吉林原設額兵一萬餘名差操之餘往往散處田閒務農食力軍興以後徵調絡繹存營數不及半領餉既較前支絀差使又視舊較多幾至餬口難支枵腹從事如再責令賠償則苦累更深殊非體恤之道又不便任聽缺額日久空虛查驛馬定例每年倒斃准報十分之三所設前項馬匹擬援例酌減每歲倒斃准報十分之一仍行隨時買補所需經費先由庫儲籌款墊給統俟 盛京戶部積年欠款項下領到歸補如此變易庶兵力既可稍紓而馬匹亦不致缺額查該署將軍所奏自係實在情形若比照舊例不准報倒於邊防兵力緝捕微調皆有妨礙應如所請准其報倒十分之一仍責令隨時買補足額以重邊防而紓兵力至買補馬匹價銀應按照該省前次添馬一千匹每匹價銀八兩其倒斃之馬皮鞍變價每匹銀五錢應比照該省驛馬辦理至所需經費先由庫儲籌款墊給等語戶部查驛站買補倒斃馬匹價銀每兩係減三成其餘七成按實銀票銀各半放給此次添設官馬每年所需銀兩應按驛站買補倒斃馬價減章程開放每兩減扣三成其餘七成除一半實銀照舊發給外一半官票遵照新章每票銀一兩折實銀二錢五分除皮鞍變價外所需銀兩准在庫存項下先行動支按年造入官兵俸餉奏銷冊內題報查覈五年甯夏將軍穆圖善奏蒙古驛站遲誤請飭查辦 諭著理藩院傳知該王貝勒嗣後遇有摺報等件即嚴飭所屬安速轉遞不可任其推諉以肅郵政八年 諭文碩奏經過蒙古驛站訪聞近來差役繁多行人需索過重情形若累等語自西疆不靖以來一切兵差往還經過蒙古地方不得不資其供應惟為時既久情形不無苦累自應隨時加意體恤若如文碩所奏馳驛官兵人等竟至夾帶行商包馱客貨苛求規禮多索糜羊勞擾追呼動加鞭笞種種惡習實屬不成事體著福濟榮全文盛於所屬驛站地方務當隨時查察除照例供應外不得任意需索倘有前項情事即應從嚴懲辦並著理藩院行知各該管

驛部員一體遵照辦理

九年 諭會暨光奏夾板被拆請飭稽查以杜弊端等語據稱本年正月間接到兵部同治八年十二月封發夾板一副查看黃布包印花內外封筒釘封均已拆損上有隆橋驛站黏籤聲明前途拆損字樣顯係隆橋驛以前各站私行拆閱等情夾板公文最關緊要竟敢中途私拆實屬膽大已極若不嚴行根究何以重郵政而昭慎重著四川總督迅飭臬司確切查明此項夾板究係何站拆動從嚴懲辦不得含糊了事至各省驛站亦往往有私拆公文之弊嗣後著各該督撫責成臬司妥議章程於上下站接遞詳細稽察如查有拆損情事即將私拆之人加等治罪並將管驛之各該地方官從嚴參處

又 諭英桂奏本年八月初五日由驛具奏摺件於九月十二日接到兵部火票遞回查驗夾板內印封均有拆動甚至兵部加封之印花倒黏夾板內面破爛不堪夾板上黏有紅籤聲明印花破損富春驛原來字樣其為緊接富春之驛拆看夾板並富春以上各驛將內印花拆損顯而易見等語各省奏報事件均關緊要經過驛站宜如何慎密馳遞前因會暨光奏四川驛站拆動夾板業經明降諭旨令各省督撫責成臬司嚴定章程以重郵政乃浙江驛站復有私拆夾板之事此必管驛之員意在窺探機密要件私自拆看實屬贖玩已極著楊昌濬督同臬司迅速派員馳赴富春驛及該驛上下各站逐一挨查務須究出私拆之人從嚴懲辦

臣謹案法無久而不敝變而通之則存乎其人使驛遞而利弊尙足相平準也亦安敢有決鑿改之議者今以兵部之釘封軍機之夾板覆吏之摺奏不憚紛紛拆閱會無顧忌必有與此等緊要文件有大關繫故拆閱於中途以行其援救營求之秘計者是猶不可以已乎且郵政設矣仍驛遞而不改是重困也泰西初亦猶驛遞之制也英人於我道光開始改為今之郵政各國爭步其後獨我相形而不知見絀夫何為者併驛遞於郵政而謀收回管理詎可緩哉

十年 諭定安奏請將違誤驛站要差之扎薩克等議處仍嚴催趕備駝馬一

摺察哈爾所管阿爾泰軍臺第二十三兩站幫臺之察克達哈布蘇爾噶差務向由烏蘭察布盟烏喇特東公旗及茂明安兩旗出備烏拉駝隻等項差派官兵前往充當近年以來每多曠誤見當軍務喫緊又不妥速豫備屢經嚴催仍敢任意抗違實屬有心延玩烏蘭察布盟茂明安旗革職留任扎薩克台吉綽克巴達爾琥署烏拉特東公旗扎薩克印務協理台吉噶勒桑色登均著交理藩院議處並著理藩院嚴催該盟長扎薩克等將應行出備阿爾泰軍臺第二十三兩站烏拉駝馬及添撥駝隻等項趕緊如數豫備差派妥實官兵刻期前赴各臺支應用濟要需倘仍前玩誤即由該盟長呈報理藩院從嚴參處以示懲儆見在庫倫烏里雅蘇台科布多等處均有大兵陸續前進各蒙古臺站亟應實力整頓著該將軍都統大臣嚴檄各盟長將應需駝隻等項籌備齊全俾利師行

光緒九年四川總督丁寶楨奏竊川省自同治初年本省鄰省軍務緊急各處徵兵防勦地方供給兵差始創設夫馬局由地方官委紳設局按糧派錢豫備支應其初專為防勦緊要辦理兵差而設原為萬不得已之舉迨後軍務肅清兵勇大半遣撤而廳州縣積習相沿仍借支應兵差任意苛派夫馬盈千累萬有較正供浮多加至數倍地方官以此為應酬入私之具局紳以此為迎合漁利之階小民脂膏半入官紳私橐二十餘年視為固有民力幾何豈堪長此剝削雖前督臣吳棠查明分別裁撤酌減而各屬仍多藉口差使大都陽奉陰違臣於光緒三年到川民間具控夫馬之案層見迭出民情嗟怨困苦堪憐當經通飭一律裁撤惟查南路之雅安邛州上至省城由省至北路廣元出境十八州縣為西藏喇嘛學差試差往來要道例有支應不能不稍為酌留以資津貼臣親為核定於向派錢數大加刪減以杜侵蝕而紓民力其餘各屬均自三年六月起全撤不准再派民間分文如違嚴參懲辦嗣據各廳州縣陸續稟報裁撤復委員分赴各屬明查暗訪尚無巧立名目影射私收情事數年以來民力稍紓應供之差亦無貽誤見在各廳州縣恪遵辦理第恐歷久弊生不肖官紳復萌故智仍藉詞添設夫馬局亦不可不預防懇 恩敕部立案以垂久遠以

後如有不肖州縣擅自開端私行攤派一經發覺除將該收令嚴參外並請將違行批准及失察之總督藩司一併降級示懲

又署直隸總督張樹聲奏據寶坻縣知縣劉枝彥稟稱該縣向無驛站僅止遞馬八匹遞送本處尋常公文本可將就敷用自同治九年督臣駐扎天津兼辦洋務公文逐漸增加增近因海防邊防同時舉辦如奉天吉林等省各將軍府尹山海關道新設甯古塔等處督辦奉天驛巡道東邊吉林道駐扎營口一帶之殺軍駐扎甯河蘆臺之淮軍練軍駐扎山海關之練軍以及奉吉等處防練各營皆與北洋大臣衙門並津海關道海防營務處支應局機器局製造局軍械所暨各統營官時有往來文牘較從前多至十數倍且悉關防務重要往往排單飛遞限日行至四五百里實為向來所無東三省及山海關等處至津雖有薊州三河通判武清驛路但須繞遠數站是以均由玉田武清徑送寶坻玉田在寶坻之東由東三省及山海關等處至津公文則由玉田送寶坻而達武清武清在寶坻之南由天津至東三省山海關等處公文則由武清送寶坻而達玉田計寶坻至玉田陽樊遞武清陽村驛各九十里加以地勢低窪夏秋大雨積潦繞行三四十里是寶坻一站之路足抵正驛兩站之遠玉田武清均有驛馬寶坻既無驛馬而地面適當其衝海防邊防係久遠之計為期甚長實屬力難賠累應請添設馬匹並准府尹函商到臣飭司查得吳橋至天津前因文報絡繹遞馬不敷周轉已奏准各添馬三十匹至六十四匹夫十五名至三十名不等並因吳橋等縣額支夫馬工料銀數大小諸務昂貴不能敷用均照天津縣銀數支給在案見在寶坻差務煩重勢非添馬不可應請酌照吳橋等處成案准添馬三十匹夫十五名自本年夏季為始照天津縣工料銀數由司庫地糧項下支給作正開銷其馬匹亦照例價由司撥款採買等情查該縣既成衝途若不酌添馬匹該令固艱於賠墊亦慮派累民間應請照議添設以資馳遞而免誤差

十一年新疆巡撫劉錦棠片奏新疆南路改設驛站並請酌量變通支給各驛經費銀兩奉 旨允准茲查葉城縣治前於擬設南路佐雜摺內奏明移建哈

哈里克該處原設驛站應請改為葉城底驛其原在葉爾羌固城准設之葉城底驛應即毋庸安設于闐縣治奏明移建克里雅該處距和闐州四百五十餘里應請在於多羅白石頭渠勒早蘭及于闐本城各設一驛以資轉遞所有該五驛見設夫役馬匹經費銀兩應飭悉照變通章程支給以歸畫一

又諭常順等奏官兵過境騷擾驛臺站情形一摺吉林赴伊官兵道經烏科驛站藉端需索並有毆傷驛臺兵丁及扎斃駝隻訛換馬匹等事殊堪痛恨營總保陞著即行革職擊問交奎昌等嚴行審訊並將滋事兵丁一併查明按律懲辦毋稍寬縱副都統訥蘇肯係統帶之員於所部官兵並不認真約束著先行交部議處並著常順保英飭令訥蘇肯將前二起官兵另行派員管帶督同後起官兵嚴申紀律沿途安靜行走毋任再滋事端以後過境官兵如有似此騷擾情形奎昌等即隨時查明將滋事兵丁就地正法以昭炯戒官兵滋擾地方既經懲創人心自可安帖該署將軍等務當曉諭蒙古部落照舊豫備駝隻等項支應驛站毋誤軍行此項官兵行抵塔爾巴哈台並著榮全富和妥為鈐束以肅戎行

又諭額勒和布奏驛站往來各差近來每藉官差販帶貨物在臺任意需索駝馬稍不如意輒加鞭撻請旨嚴禁等語驛站為支應官差而設若如所奏藉差帶貨濫索駝馬等情實堪痛恨亟應嚴行禁止著各城將軍大臣等嗣後凡遇各項差使即分別差務輕重人數多寡覈明應用駝馬數目給發印照將官兵員名往來處所實需駝馬數目逐一填明照內齊爾烏蘇張家口管站部員即按印照所開數目另加傳單飭臺供應其由京前赴口外各差即責成張家口管站部員按照部發勒合如數飭傳倘該官兵有格外需索各情或管站之員暨各臺衙情濫應一經查出即著從嚴參處

十七年奎斌永德會奏竊奴才衙門所轄阿爾泰軍臺額設四十四站係烏里雅蘇台等處及外蒙古來往衝途凡馳驛大小官員以及換防弁兵公文摺報均由此經過差務本極稠密更增以庫倫駐防練軍供億益繁始猶勉力支持近則日形竭蹶駝馬疲於奔走略無休養之期人丁困於送迎復有誅求之酷

而台站遂苦累極矣奴才等推原其弊約有二端一由各城馳驛之例外需索也一由各盟幫台之托故避差也查幫台不到節經歷任都統迭次奏催見雖有陸續撥送者惟圖什業圖漢部落至今闕然本台額設駝馬無多獨力支差何以持久除由奴才等酌擬辦法另請飭理藩院核議外惟濫行馳驛例外需索實為近日台站第一弊端亟應切實清釐變通盡善查理藩院郵政例載馳驛官員均按品級支給馬匹羊隻兵部勒合亦標明駒馬數目定制禁嚴無如每遇將軍大臣赴任該處必派兵弁多人至京迎接及將出口該將軍等開具所需駝馬廩羊數目由奴才衙門發給傳單相沿已數十年幾如成例迨行至各台於傳單外駝馬復任意加增廩羊亦沿途折價且有包運口內商貨攬帶行人藉此漁利之事該大臣等身受厚恩洵膺顯秩宜知自愛或不肯靦顏為此而隨行兵弁積慣走差稔習蒙情尤工勒索機變百出防不勝防此在顧恤大體者僅能廉介自持而如已革將軍托克湍者竟至以朋黨敗檢損朝廷之威重滋蒙民之口實抑又甚焉他如由京派出換防官員亦多以蒙古

謹厚可欺恣行婪索少不如意鞭筆立施台站既疲累不堪而蒙民生計因之重困至口外回差向由該城將軍大臣等自發傳單核其所傳數目均不遵照例章竟有視出口時更甚者惟大員往返終歲無多京旋換班亦非恆事所最為台站害者莫如烏里雅蘇台科布多庫倫三處各項雜差亦復濫行馳驛此來彼往無日無之上官既藉差遣為市惠之端差員即視台站為生財之藪甚至一採辦紙筆而奉委或至數人一關領餉銀而催提竟至屢起並有不能指實之事率稱公幹者絡繹不絕頻年供億其何以堪且蒙古苦累非獨奴才所屬四十四站為然也即如烏里雅蘇台科布多庫倫綏遠城以及西北路各扎薩克之有關台站旗分者莫不財殫力竭生計索然近年蒙古積弱未必不由於此溯同治年間西北軍興征調日棘各台力窮供億竟有潰散者賴奏撥帑金前後至百餘萬兩之多始克招集散亡復通郵驛見當無事之時若不亟為整頓稍留餘地俾有生機設遇緩急其患胡可勝言前事之不忘固宜殷鑒也

臣謹案恆明任科布多參贊時曾言烏科一帶台站正站蒙丁需索幫台



致幫台都逃匿須重治正台方可信斯言也幫台豈託故避差哉至於官員馳驛貪婪勒索尤宜痛懲一二庶幾稍挽頹風藉蘇蒙困耳

三十一年 諭兵部理藩院會奏議覆溥頤等奏瀝陳台站擾累積弊請申明定章開單呈覽並酌給津貼各摺片據稱台站定例本屬甚嚴日久弊生官員弁兵肆行擾累亟宜嚴定章程變通辦法等語著各都統及將軍大臣等遵照單開各節一體辦理遇有馳驛公務暨遣差員役准照議定章程核實填給不得賄徇情面稍涉浮濫各站供應亦著一律遵辦此項出差人員著戶部按照程途酌給津貼以利進行如有前項擾累情事即著該都統等據實糾參從嚴懲辦

東三省政略文報篇 略稱東三省拱衛神京外則俄韓介居內則蒙藩錯處非機關靈敏無以收效指臂曩者實行封禁僅擇其扼要處所設站分布就奉省而論原設二十九驛綜計驛丞二十九員驛丁四千四百名額馬一千一百七十四匹歲領馬乾實銀一萬五千五百八十兩零買補馬價實銀二千五百三十四兩零日久懈弛京部來文各省咨件輾轉壓擱方茲規行新制將軍趙爾巽於三十二年册設奉天文報總局維時奉天新民開鐵軌未通先設省城總局新民分局以便汽車往來與北洋文報各局聯為一氣是夏增設外城之興京錦州營口遼陽昌圖鳳凰城等分局六處秋設遼源分局以鳳凰城分局事務移設安東冬設開原分局並於鳳凰城設站所一處用資聯絡所有總分局開辦經費及常年額支活支一切薪工局用胥由財政局徵存稅捐款內支給設局後承遞文件成效昭然旋准吉江兩省咨請飭令該局附辦吉江文件於是易奉天文報局之名為東三省文報總局其昌圖府以北至奉化縣屬之四平街百二十里原有火車業經拆毀傳送為艱復專設馬撥十二名接通吉江文報徐世昌到任察知該局成績以及驛站舊弊奏請將原設驛站概行裁撤原支馬乾各款向經報部作正開銷仍行截留東省以為設立文報局之用經陸軍部核准實行復因吉撫函商特於開原驛地方添設一站與吉林西路接通三十四年據標統吳光新調

查東邊一帶沿途舊設馬撥遞文遲滯並據巡防營務處呈請將東邊各屬馬步撥撤歸文報局辦理查奉省東邊舊有馬步各撥計輯安縣臨江縣步撥各十處均未奏明工食由稅捐項下開支通化縣寬甸縣馬撥各十四處安東縣懷仁縣海龍府馬撥各十一處奏明工食喂養等項均由地糧銀內開支統計每年額支工食草料暨勻給買補倒馬等項共需銀一萬六千四百七十八兩零見議於通化臨江十九道溝懷仁輯安寬甸等六處各設分局一所每局設司事夫役各局統設馬撥八十八名統計常年經費並應置雨衣兩帽號衣布靴包袱等項共銀一萬六千八百九十餘兩與原有馬步各撥費用出入相衡所差無幾爰札飭文報局自宣統元年正月即由該局趕緊設撥辦理應支夫役經費按月由度支司發領據該局預計每設分局應支開辦經費並購置號衣等款共約需藩平銀二千兩當飭照東邊一帶毗連韓界邊情重要文報尤須靈通改革以來固已較前便利其局役轉遞文報向由郵傳部頒給二等免票改革以後應一律領款購票而北洋自文報各局裁撤後公文發驛疲玩之習未除京津各處文件勢不得不自籌接遞復飭該局議定章程夫役車票悉改三等惟夏令之五六兩月冬令各月暑雨兩季始給二等車票由奉天省至山海關逐日專差往來月需票價三百二十二元由溝幫子至營口開日專差往來月需票價三十四元零由山海關至天津北京月需票價一百五十六元統共五百二十二元零又北京天津山海關三處均設文報分局綜計薪工局費每月亦需銀一百七十五兩計須五百四十一兩零除京津山海關三處文報局向由北洋設置月支奉省津貼銀五十六兩可以騰挪應用餘仍按月由度支司核發第奉省既裁驛站吉江兩省未便仍循舊制查江省由茂興北至齊齊哈爾城共設二十站東至呼蘭又設七台分設筆帖式領催委官而茂興墨爾根兩處復駐有總站官由省至呼倫貝爾一路設十台向撥甲兵值班亦置筆帖式領催等缺額設官馬五百三十二匹牛六百十三條每年共發倒斃牛馬價質修理車費並廩給銀二萬四千兩津貼京錢二萬三千六百兩有奇驛遞疲緩久

成積習經署將軍程德全於三十二年在省城開辦文報局附於交涉局內  
遵員專司其事又添設昂昂溪分局附入該處木稅局辦理均由奉省總局  
統攝其餘各屬即飭四鄉巡警局附遞不另開支如未設巡警等處暫按舊  
章驛遞嗣後奏明由茂興至黑龍江各站俟俄約定後安章程仿照俄站  
辦理其呼蘭各台酌量裁撤添設文報迨周樹模接署江篆亦深知文遞之  
弊又因茂興至黑龍江省城商埠未開地又遼僻未便遽照俄站辦理致滋  
糜費其呼倫貝爾一路密邇鐵路公文遞送悉由火車原設各站亦同枝指  
特於三十四年奏明將各台站一併裁撤凡不通驛遞各屬並茂興等站一  
律改添文報局即以所裁各站應支款項留作經費不敷由正款另行酌撥  
先於省城設立總局將上下兩總站歸併該局經理局房暫借商埠原有房  
屋額支活支各款悉由度支司核撥所有各屬台站今昔情形不同東北至  
布特哈墨爾根瓊瑋東至綏化通肯餘慶蘭西鐵山包南至茂興肇州大賚  
等處其道里之遠近區域之廣狹戶口之聚散經費之出入均已派員查勘  
應俟勘明裁改至吉省舊制向分西北兩路設烏拉金珠鄂佛羅等站奏派  
監督分司其事均歸兵司管轄改建行省後添設司道各官並裁戶兵刑工  
四司奏明將驛站一項歸民政司接管而監督差缺暫仍其舊宣統元年與  
署巡撫陳昭常一再籌商自應援案改章以歸畫一擬於省城先設文報總  
局全省應設分局應置馬撥各處責成該局體察情形次第籌辦向有各站  
暫且緩裁一俟某路文報已通即將該處驛站裁撤限半年竣事其應行動  
支各項銀兩亦按照奉江兩省成案即由驛站額支俸餉項下作正開銷曾  
於本年奏明立案願或謂文報轉遞利於平日軍書繕午則驛埃較宜即陸  
軍部議覆奉省裁撤驛站一摺亦有遇有軍務如何思患預防尙宜通盤籌  
畫之語不知驛政之改爲文報革其阻滯至舊設馬撥步撥兩夜弗輟驛站  
職務文報局固優爲之又況驛政之弊至於此極因循弗革一旦邊圍有事  
亦安能力祛痼習勉盡職務特除舊布新之會欲其推行盡利仍當因時制  
宜目前成規固未足侈言美備也

皇朝續文獻通考卷三百七十六

郵傳考十七 郵政

宣統元年東三省總督奏准裁撤吉林驛站監督改設文報局略稱吉省驛站向分西北兩路照章奏派監督二員分司其事均歸將軍衙門兵司管轄上年改建行省添設司道各官並裁戶兵刑工四司案內業經奏明將驛站一項歸民政司接管惟兩監督尚仍其舊竊以吉省設站之初彼時除五城各副都統外廳縣無多故僅擇其扼要所在安站置郵已敷轉遞見在地方日闊情形今昔異宜所有舊時設站處所未能遍及傳送紆回深滋不便雖經隨地安置馬撥及文報局以資補助究因性質不同諸多扞格況奉江兩省驛站業已先後奏裁見辦文報局成效昭著吉省地處適中尤應仿辦庶歸統一而便聯絡茲於省城先設文報總局一所刊給木質關防以資信守全省驛遞事宜概歸該局管理何處應設分局應置馬撥均俟體察情形次第籌辦

又郵傳部會奏遵議陝甘總督代奏甯夏府知府趙惟熙條陳分年裁驛之法陸軍部查原奏稱各省驛站歲需帑四百餘萬金自郵政暢行驛站幾成虛設請將此項驛費分作四年裁減五年全停支發等語查驛站之設軍報爲重錢糧馬匹各管官均有責成例章極爲嚴備部馬館即係皇華首驛歷來遞送文件最要者捷報處承辦軍機處交出加封書字等事次爲各部院咨行外省緊要文報均分別限行馬遞隨時簽發惟尋常文件彙交各省提塘由鋪遞送此外如各員弁奉差赴防及解送貢物軍裝餉糈並西北路將軍大臣員弁赴任赴差蒙古喇嘛回子王公等年班入覲差竣回旗一切遣犯護送等項亦均由驛站照章供應查各省每年驛站錢糧原定額編銀三百餘萬兩歷年增減不一見歸部歲銷僅銀一百六七十萬餘兩原奏爲西北邊防起見乃以各省驛費悉數抵充剗肉補瘡殊屬礙難行近年舉行新政文報日繁在京各衙門要件仍送由部馳遞其交郵局轉寄者尙少郵局接件計值事同商業平時既無考成臨事更難督責驛站專司接遞責無旁貸如遲延沈匿拆動洩露等弊議處議罰載在條例故遇有緩急施以軍令尙可操縱自如刻下

郵局章程尙未全備一有遲誤不過罰辦倘遇軍事難以責成且安設處所多在府州各埠驛站路分支幹站有衝僻原自曲折徧通軍事緊要並能隨時添改設法馳報查江南等省裁撤提塘鋪遞設文報局奉天裁撤驛站改文報局所均係派員經理而奉天於偏僻地方仍設馬撥步撥以補其缺則郵局之遲難責成已可概見庚子兵燹日俄交戰其時文報能通實由各站知有責成遞夫不避艱險設法變裝繞越馳遞藉免貽誤見當興練陸軍一切軍需報告尤賴有驛站之存較爲可恃是以上年奏請仍由部經理奉旨允准在案臣等通盤籌畫懲前毖後各省驛站委難遽議減裁仍當隨時查察如有積壓遺失即行從嚴參辦所有裁停驛費之處應毋庸議至原奏籌預算設督辦二節應俟各項章程籌定決行後酌量辦理

又東三省總督徐世昌等奏東邊所屬各縣公文概歸文報局接辦略稱奉省未設文報局以前東邊所屬之安東寬甸通化懷仁各縣及海龍府均經奏設馬撥所需工食草料暨勻給買補倒馬等款向於地糧項下開支迨輯安臨江兩縣設治復援照添設步撥各十處所需工食由稅捐項下開支該府縣雖設有馬步各撥而道遠撥稀遞送文牘仍多遲誤自前將軍趙爾巽於奉天省城設立文報總局邊派候選道董遇春總理其事到任後又復裁撤驛站推廣文報均經先後奏陳在案見在邊內各屬以及吉江兩省均已遍設文報分局接遞公文刻期可至成效昭然則東邊所屬各縣自應於宣統元年正月起概歸文報設撥接辦以速郵傳其舊設馬步各撥均於光緒三十四年十二月底裁撤原支馬步撥各款均撥歸文報局常年經費項下列銷以昭核實

又理藩部奏遵議東督奏籌設洮南驛站請開闢達爾汗旗道路略稱查原奏稱洮南一府爲哲里木之奧區亦三省之衝要乃自該府至遼源洲中間二百餘里均係達爾汗旗管界荒漠無垠村落絕少裹糧乏術行旅維艱加以蒙丁蒙會以主凌客商貨往來轉資盜賊派兵巡緝又苦駐紮寥落勞逸迴殊文報之稽延饋餉之周折種種困難幾同絕域前任將軍趙爾巽屢奏請開放因該旗吳玉祥一案多年纏訟未結因循不果今該案已經議結奉旨允准蒙

民遵守均無異言自可繼續開辦見在推廣三省要路電綫由新民起經法庫  
遼源洮南以達齊齊哈爾大都徑行蒙地其設在洮遼一段者業已次第敷設  
而站路不修巡護不密終虞梗塞臣再四思維非亟籌開放不能化除畛域即  
不能便利交通查遼源洲以北經臥虎屯至邊服止凡為達爾汗旗管界共計  
二百數十里應請一律開闢疏通官道置設驛站支配弁兵假以警務治理之  
權俾得實力巡護其沿路兩旁各畫十里從事墾放以資生聚等語臣等卷查  
光緒三十二年前任將軍趙爾巽擬請將該王荒界一律開放臣部傳該王面  
並向該王開導期底於成曾於上年班該王到京時當經臣部飭令確實詳報嗣據該  
商並再三開導而該王總以有礙生計為詞復經臣部飭令確實詳報嗣據該  
王呈覆仍以開荒設站於閭旗生計有關並稱自遼源以北至邊服止若將二  
百餘里派放道路本扎薩克王旗屬下人在是道者分為東西兩段又與閒散  
王貝勒貝子公古吉等屬下看守公主格格墳墓人等游牧之所均有關繫所  
由臣部轉咨等因在案本年該王正值年班在京臣部又復詢該王令其切  
實聲覆有無窒礙旋據該王呈覆大概與前呈無異伏思該王兩次覆文均以  
有關生計為詞而該省將軍總督等均以前任將軍趙爾巽咨稱各節蓋因奉天遼源洲  
當即詳查該王旗地圖並證以前任將軍趙爾巽咨稱各節蓋因奉天遼源洲  
正北至開通縣界又東北至吉林之農安縣界二三百里不等均為達爾汗旗  
荒地橫互其間形如甌脫內與采哈新甸之哈拉巴山一帶毗連無站無兵盜  
賊出沒行旅苦之自非開闢官道不足以聯形勢而便交通此該省將軍總督  
所以前後議請開路設站之由來也惟蒙旗故步自封生計又拙而一言開墾  
則百計阻撓總以有礙游牧為詞若非勢窮計迫負債累累從不肯輕言開放  
者查前經臣部會同東三省總督議結該旗地債一案係以采哈新甸一項之  
地償還民債奏准開放至今尚無異詞今該督所奏各節係在該旗復行推廣  
地方從事墾放如開路設站置兵巡護自係保蒙地之治安通三省之軍報為  
重要正與前任將軍咨請開通之意相同均於軍事文報大有關繫惟該王兩  
次均以有礙生計為詞究竟該督所請開設道路開站置兵凡所經過之地有

無妨礙游牧及該王旗廟宇墳墓所在之處臣等雖詳查地圖詢問該王一時  
亦未能逐一指明礙難懸斷至沿路兩旁又復各畫十里從事墾放亦宜查明  
界內有無蒙民已墾之地將來墾熟之地是否照章收租並酌提一半津貼該  
王旗之處擬請 飭下東三省總督行知該王旗會同派員先將所擬開闢之  
路詳細履勘妥籌辦法並按照該王所報各情切實查明究與蒙旗生計等項  
有無窒礙繪圖貼說奏明請 旨辦理

又陸軍部奏查覆吉林裁撤驛站改設文報應嚴定章程咨部核定略稱東三  
省經兵燹後庶務繁興凡驛站各項事宜固應切實變通認真籌辦惟是各省  
驛站錢糧之交代官弁兵丁之責成如馬匹疲瘦公文破損及遲延沈匿拆動  
洩露等弊議處議罪例章極嚴是以臣部覆奏江南等省裁撤鋪遞設文報局  
案內以所派各員臣部有查核之責仍應報部備查又覆准奉天裁撤驛站改  
設文報局案內以各局員弁人等薪工既優責成甚重如遲延遺失等弊亟應  
嚴定章程隨時查察照例核辦先後奉 旨依議欽此欽遵咨行遵照辦理各  
在案茲據該督等奏裁吉林驛站監督仿照奉江兩省改設文報辦法等因既  
係仿照籌改自應照准第變法固貴因時而行必期盡善各該省所設文報  
一切經理員弁有何考成倘或浮冒錢糧廢弛公務宜如何辦理馬步各撥弁  
兵夫役係何等人格倘將文件拆損延匿宜如何懲治該督撫即應懲前毖後  
思患預防查照以上各情參酌例典嚴定章程切實核辦並將議訂辦法詳晰  
奏明咨部核定以資遵守

又兩江總督張人駿革職直隸總督端方奏南北洋文報局歸併合辦略稱直  
隸文報局自去冬停辦後接遞各項公文無人經理每多延誤自非照案辦理  
無以專責任而重要公惟當此財政艱窘裁除浮冗之際亦不得不設法變通  
以期費省而事集與臣人駿電商擬將北洋文報事宜與南洋併設一局凡各  
部院咨行南北洋及南北洋咨達各部院公文除向歸驛遞者仍照舊辦理外  
其餘公文均交該局接收轉遞員薪局用等項核實開支由南北洋分別攤認  
二年黑龍江巡撫周樹模奏未設文報局各站地畝請緩升科略稱黑龍江所

有往來公文仍由站丁遞送舊役既係照常租賦自應從緩擬展至宣統二年再行升科以示體恤查南北兩路站地應徵租錢約合銀一萬二千餘兩擬設文報局所三十二處預計常年經費需銀一萬四千六百餘兩不敷之數仍遵原奏暫由正款動用俟將來五站等處一律升科或他處勘有夾荒浮多地畝所增租賦再為撥補已飭文報總局迅照擬設處所分別安置以利交通

又科布多辦事大臣錫恆奏阿爾泰東達科布多共十六驛擬酌裁驛兵并將留營學習之哈薩克子弟裁撤 飭令各回游牧以節經費

又郵傳部奏各省驛站事務遵照憲政編查館奏案查歸勸業道兼理查勸業道職隸 臣部關於驛站各事應由 臣部經理以一事權本年庫倫辦事大臣以各臺驛遞廢弛奏裁驛站改設文報局轉送郵局投遞業經陸軍部駁准在案此外南北洋暨東三省亦改文報局先後通行是裁撤驛站歸併郵局為及時應辦之事應否陸軍部如何接洽裁改之處妥商辦理其輪路未通地方於郵局未設之先仍飭勸業道照常辦理隨時報部以符奏案下陸軍部議尋奏查

向來驛臺各站原以 廷寄軍報為重其遞送文件應付各差不過藉此往來以示防範見既設立郵傳部專司交通行政事宜且已奏明分年籌辦郵政則驛站遞送等事自應歸併經理然此就平時而言若遇戰時凡屬交通事權應盡歸軍界範圍之內各國辦法莫不皆然況交通之利鈍視輪路之通塞以為衡見在輪路既未全通郵政尙未完備即驛站不能遽裁我國僅有幹路數處如將附近各驛裁改固可直行無阻此外支驛尙須度地安設以便左右旁達又或上下段鐵軌已成而中段缺如其間空乏之區亦須妥籌聯絡積此種種殊多窒礙且事權分隸責成不專實於 廷寄重要軍報秘密關係匪淺再三酌核所有驛站事宜仍請暫歸 臣部管理一俟籌商妥協確有完善辦法應裁應併再行奏明辦理

又河南巡撫賈英陝西巡撫恩壽奏提法使經管驛站等項查歸勸業道管理又署綏遠城將軍瑞良奏殺虎口等處驛站共十有二臺原派蒙兵五百五十五戶公家固不收站地之租站兵亦不領公家之餉弁兵全恃各臺站牧地所

入以自給二百年來相安無異自前將軍貽穀派員丈放增收荒價復未給回津貼弁兵屢以實運站地為請 臣詳加體察艱苦自係實情然在已經承墾各戶遵令退還地畝其未繳荒價者無地可耕已繳荒價者無款可領揆厥情勢窒礙殊多惟有將已放之地改辦官租不收荒價給與原領之戶承墾按地之肥瘠定租之等差所收租項除酌提經費外悉充養站兵整頓驛務之用庶兵得地租辦公有費民得地利失業無虞兩劑其平計無有便於此者

三年直隸總督陳龍奏驛傳事務改歸勸業道管理

又陸軍部奏原管驛站事宜各員續送郵傳部錄用

又兩廣總督張鳴岐奏請裁廣東駐京提塘改設文報局

謹案驛之擾屢見諸臣章奏 列聖嚴諭而迄無改者以擾之咎在經此驛者驛亦利其擾也給驛必奉要差或 朝廷寵待老臣優恤故員始有此制既其實由於交通之不便不能不為是異數也顧亭林謂讀唐孫樵記何易于事見當時驛舍有園有亭有池館之勝今之驛何如者所過水國索雉山城徵魚而驛以內吏如丐館如廡蓋欲且夕支柱而不可矣不悉其弊猶可言也既悉矣不併郵政奚為者

又江西巡撫馮汝驤奏籌裁驛站推廣郵政

又安徽巡撫朱家寶湖南巡撫楊文鼎吉林巡撫陳昭常奏驛傳事務查歸勸業道管理

又川滇邊務大臣趙爾豐等奏自打箭爐至恩達共三十九臺額設員弁兵丁統七百餘名一律撤回並酌改路線乘弧就弦將巴塘至江卡乍了各臺盡行裁去別由三巖邊界運出乍了此外亦設法縮減計自打箭爐至恩達并為二十臺每臺暫設漢號書一名蠻兵三名馬三匹站路既捷額兵無多固可免廢時失業亦足杜空額冒支

又陸軍部奏驛站事宜請移交郵傳部接辦並將各員改歸錄用略稱 臣部為軍政總彙之區責任繁要迭經奏請將隸屬他部職掌事宜隨時酌量量量分見在郵傳部籌議展修鐵軌並奏明分年籌辦郵政 臣部前奉驛站其事本

屬交通各省文報往還一俟郵政接收即無慮事權隔閡擬即將所管驛臺各站一切事項並捷報馬館處所一併移交郵傳部接收經理惟該部甫經接辦頭緒紛繁似應得熟習人員方資接洽查臣部原管驛站事宜如郎中崇齡希文等十三員均屬在事多年深資得力今既畫分擬請將該員等各以原官資俸隨同全案改歸郵傳部供職與該部司員一律補用庶於用人行政兩有裨益

又郵傳部接收驛站事宜並擬隨時變通辦理略稱臣部已將郵政收歸部辦驛站事宜擬即定於七月初一日歸部管理以符統一交通行政之旨伏維政合籌通計交通便利之區亟應咨商各督撫如何改革如何銜接即邊遠荒僻各處尤宜注重添補郵局力謀擴充漸圖裁併惟是甫經接辦頭緒紛繁似非詳慎酌核恐不足以資完善茲擬自接收後暫照舊章辦理其有應行改革之處隨時計畫量為變通以收循序漸進之效

又奏接管捷報處請改為郵報處並請鑄新印文曰郵傳部郵報處之印又奏收管直省驛站籌畫情形略稱驛站經費向由直省分期咨報陸軍部奏銷今各項事宜既歸臣部辦理則向來應支經費自應盡歸以為統籌郵驛辦法近年各省窘於經濟往往各自為政將原有驛站錢糧或改作郵寄等費或隨時裁減提作別用似此辦法紛歧既與臣部前奏漸減驛站增加郵局之議不符而於將來設施尤多窒礙查各省驛費原定額設銀三百餘萬兩嗣經歷次裁減見計歲收銀不足二百萬兩開支銀共一百七十六萬餘兩目下輪航鐵路交通如果完密自不難概行裁撤無如西北等處並各省偏僻地方輪軌既未通行郵政亦未普及及東南輪路已達各處所有驛等要差尙未安定辦法一時均難盡裁嗣後擬擇已通鐵軌及已設郵局處所舊有驛站隨時體察情形分別奏明裁改其交通未便之區凡驛臺軍邊各站仍須按照例章妥慎經理俾驛遞郵傳輔車相依既可銜結一氣將來航路兩項通至何處即驛站文報裁至何處而經費視此亦可停至何處時咨商各督撫事事咨報

度支部庶內外風氣不致紛更而事實亦極融貫惟驛站有未克議裁之各省即經費有不能議減之實情所以新疆巡撫以資政院上年議裁驛站經費不能不問陝甘督臣奏請追加揆其情形固不獨一省為然請旨飭各督撫將歲支驛站文報局一切錢糧經費統報臣部酌核動支如有應行改併之處當隨時知照各督撫實行裁撤見在直省驛站錢糧各項經費既不得移作他用亦不能輕議改革臣部咨商度支部業經覆准按照陸軍部成案辦理

又新疆巡撫袁大化奏驛站難遽全裁請將三年經費照舊支給并追加四年預算略稱前准度支部電咨資政院議決驛站經費全裁當通飭照辦宣統四年預算自應將驛站一款全數刪除見據各屬先後稟稱驛站全裁諸多窒礙擬請暫緩裁撤緣新疆戈壁長途人戶稀少凡摺弁貢差王公貝勒年班進京及照例馳驛各差向賴驛站經理若概裁撤則所需夫馬猝難雇覓各屬轄境遼闊有上下數百里中除一二旅店外別無村墟全賴驛站書夫照料行旅郵政創辦伊始一人一馬日行三站勢不能遞寄包裹重件近來辦理新政所有表冊書籍圖械等件動輒盈篋累箱專賴驛馬馱負遽然全裁貽誤必多此皆實在情形與內地輪軌交通者迥異擬請將宣統三年驛費係有閏之年仍照數支給並特別追加四年預算計共庫平銀六萬三千一兩八錢四分八釐俟郵政布置完備馳驛各差安定期程再行酌裁驛費以期樽節

又廣西巡撫沈秉堃奏裁撤驛站移款改設文報局並請推廣郵政略稱桂省驛站本分三種曰軍塘驛站曰快馬驛站曰添設軍塘驛站在郵電未設以前效用本自不少近則偏遠州縣尙有驛遞可言其已通郵電之處久已名存實去茲據布政使等詳稱裁撤驛站擬於省城設文報總局經理收發本省文報全州蒼梧百色懷遠四屬設四分局經理轉遞湘粵滇黔四省往復文報並將駐京提塘一律裁撤改設文報分局經理桂省與內閣部院往來文報而郵政必須及時推廣始無窒礙至從前每年原支驛站各費共庫平銀一萬八千一百餘兩遇閏照加見設文報局應用經費以及郵資預計每年不過一萬六七千兩請將裁撤驛站各費全數截存就款動支當能有贏無絀臣覆查所擬辦

法尙屬周妥自應及時舉辦惟桂省各屬府廳州縣最近調查未通郵政之處  
尙有義甯龍勝永甯養利左州永康西林東蘭安化那馬上林十一廳州縣應  
由郵傳部設法推廣以便遞寄公文尤於邊局有裨  
又郵傳部奏定期接收驛站并擬隨時變通辦理

皇朝續文獻通考卷三百七十七

郵傳考十八 郵政

臣謹案泰西郵政與鐵路並重郵政函件到始開車蓋商民呼吸之所繫也光緒初元以來疊經稅務司與各大臣先後陳說甚至租界以內各國自設書信館實偏處此我始行之而仍授其權於赫德若忘赫之為彼族也者一赫德足矣法使又告總署謂赫以後應由法人任之我其何以自主乎至可異者各國郵政并無禮拜獨中國郵政週星期即華人亦停公不辦此不能不預為之策矣

光緒二十一年廣西按察使胡燏棻奏一創郵政以刪驛遞也中國各省皆設驛站鋪遞每年支銷錢糧計三百餘萬金其實各省之奏牘公文所遞有限而仕宦往來之所擾滋多至督撫則更有提塘摺差每一摺差抵京費以百十兩計民間所開信館索費既巨又多遺失此公私兩困也查泰西各國莫不由國家設立郵政局往來函牘公私一體權其分量之輕重定給遞費之多寡由郵部刊刻信票印花出售凡寄信者預先購買用時取黏信角投入信箱有人按時收取此法不但省驛站之費而且歲獲盈餘為泰西各國進項之一大宗亟應仿照辦理其第一辦法則先借招商局為發軔之始每船各派專司文報一人通商十九口岸均設分局管理公私信件則糾合民間各信局而為之內地各碼頭各市鎮令信局一家承包其第二辦法則借電報局為推廣之路凡有電報分局地方亦派一人在局專司文報代為遞送至未設電報各處亦照前法令信局一家承包其第三辦法則俟火車暢行再借鐵路公司為往來之總匯凡幹路支路火車停卸之處各派一人在局專司其事至將來欲運行內地各鎮各埠儘可廣設分局派人經理如此則若網在綱無遠弗屆見在地球各國其郵政章程通為一例到處流行公私遞費并無多寡之殊即日本亦在其列就英國而論每年郵部除用費外計贏英金一百數十萬磅獨吾中國未嘗仿行急宜參考西制從速舉辦庶每歲可省驛站三百萬之耗費而收郵部數百萬之盈餘如以為京外各官因公往來京師例須乘驛恐一旦刪去驛站致

多窒礙則更為掩耳盜鈴之談今東南十餘省凡官員來往無不雇坐輪船獨山東山西河南陝甘五省尚有官站耳若計其道里遠近人數多寡由戶兵二部酌給路費沿途聽其自雇車馬在應差各官實所深願更無庸多慮

二十二年總理衙門奏准署南洋大臣張之洞咨鈔擬請設立郵政請 飭議章程奉電傳 諭旨郵政一節業經總署籌議粗有頭緒矣仰見 聖主周恤商旅通志類情之至意查原奏稱泰西各國郵政重同鐵路特設大臣綜理取資甚微獲利甚鉅權可統一商民並利近來英法美德日本在上海及各口設局實背萬國通例曾經南洋大臣曾國荃據道員薛福成稅務司葛顯禮等往復條議咨由總理衙門飭總稅務司赫德詳議謂此舉裕國便民為辦得到之事至稅關所辦郵遞因與國家所設體制不同故推廣每多窒礙見復與葛顯禮面加籌議知其情形熟悉各關稅務司熟諳辦法者當亦不乏請 飭總理衙門轉飭赫德妥議章程開辦即推行沿江沿海各省及內地水陸各路務令各國將所設信局全撤並與各國聯會彼此傳遞文函等語 臣等查光緒二年赫德因議滇案請設送信官局為郵政發端之始經 臣衙門函商北洋大臣李鴻章於四年開覆稱擬開設天津京城煙臺牛莊上海五處略仿泰西郵政辦法交赫德管理嗣因各國紛紛在上海暨各口設立郵局慮占華民生計九年值德使臣巴蘭德來請派員赴會十一年曾國荃咨稱州同李圭條陳郵政利益各節並據甯海關稅務司葛顯禮申稱香港英監督有願將上海英局改歸華關自辦之語經 臣衙門先後飭據江海關道總稅務司籌議咨行南北洋大臣查核十六年飭行赫德以所擬辦法既於民間無損即就通商各口推廣辦理擬俟辦有規模再行請 旨定設此該大臣張之洞所稱各稅關試辦郵遞之權輿也 臣等復查甯海江海各關道來稟每謂稅關郵局未經奏定外人得以藉口十八年冬赫德亦以數年來創辦艱難若再不奏請設立官郵政局恐將另生枝節十九年迭接李鴻章劉坤一咨據江海關道聶緝燾稟稱上海英美工部局見議增設各口信局異日中國再議推廣必更維艱各等語是原奏所稱體制不同推廣每多窒礙誠為洞見癥結之論至各國通行收收鉅幣



一節考泰西郵政自乾隆初年普國始議代民經理統以大臣位齊卿貳各國以爲上下交便仿而效之光緒十九年葛顯禮呈送萬國郵政條例聯約者六十餘國大端以先購圖記紙黏貼信面送局以抵信資其費每封口信重五錢者取銀四分道遠酌加其取資既微又有定期而無遺失百貨騰跌萬里起居隨時徑達至有事時並可查禁敵國私函誠如原奏所稱權可統一爲利商利民即以利國之要政也又查十八年以來美國郵政清單一歲所收銀圓至六十四兆二十萬九千四百九十元之多張之洞所舉英國收數當中國銀三四千萬兩尙係約略之辭利作鐵路誠不爲虛且西國郵政與電局相輔以火車輪船爲遞送近年法國設立公司輪船十艘統名曰信船遇口停泊信包未到不得開礙其鄭重如此中國工商旅居新舊金山檀香山新加坡檳榔嶼古巴祕魯者不下數百萬人據李圭稟稱該工等有一紙家書十年不達者緣郵會有扣阻無約國文函之例也中國郵政若行即以獲資置備輪船出洋藉遞信以流通商貨其挽回利權所關尤鉅 臣等博訪周諮知爲當務之急爰於十九年節飭赫德詳加討論是否確於小民生計無礙上年復與面商據其遞到四項章程計四十四款詳加披閱大致釐然自應及時開辦應請 旨敕下 臣衙門轉飭總稅務司赫德專司其事仍由 臣衙門總其成略如各口新開規則即照赫德見擬章程定期開辦應製單紙亦由赫德一手經理遇有應行酌改增添之處隨時呈由 臣衙門核定期於有利無弊至赫德原呈內稱萬國聯約郵政公會係在瑞士國應備照會寄由出使大臣轉交該國執政大臣爲入會之據自可援萬國通例轉告各國將在華所設信局一律撤回按咸豐八年俄約光緒十二年法約本載明兩國公文信件互相遞送中國既經入會開局各國當無從藉口以上所議如蒙 俞允即分別咨議節飭辦理俟辦有頭緒推行內地水陸各路刻期興辦一面咨沿江沿海及內地各省將軍督撫將簡要辦法飭地方州縣曉諭商民咸知利便凡有民局仍舊開設不奪小民之利並准赴官局報明領單照章幫同遞送期與各電局爲表裏其江海輪船及將來鐵路所通處所應如何交寄文信由該總稅務司與各該局員會商辦理郵政局歲

入暨開支款目由總稅務司按結申報彙核奏報  
二十三年總理衙門奏准軍機處鈔交御史徐道焜奏各海關附設郵政局所議章程須防流弊姑舉二事以例其餘一帶信之罰太嚴也中國託人帶信習以爲常今按出一信罰銀五十兩船上按出一信罰銀五百兩萬一有內地船戶商民未知禁令忽然按出則雖罄囊橐蕩身家不足以償罰金是使民者轉以擾民此應更正者一也一寄報之費太重也日報以廣閱見外國銷行最暢寄報之費多不過每紙一文今局中所定寄報之費中國紙每張五釐外國紙每張一分其值與報費相等是阻報館銷行之路即阻華人閱報之機此應更正者二也二事雖小頗有關係擬請 旨敕總署議定通行又准軍機處鈔交兩廣總督譚鍾麟奏郵政局瑣碎煩苛衆怨沸騰無裨餉需徒傷政體查郵政章程皆外國之法每信一函重二錢五分取銀二分原不爲多然重至三錢則取四分層累遞加以至七錢二分局中稱量未必悉准細民不皆攜秤以往輕重高下每至齟齬且以錢折銀價有參差商人計較錙銖爭競喧呶蓋所不免其尤甚者在於苛罰商民書信來往或專人投遞或附信局彙寄原聽其便今則一函漏報罰銀五十兩倘信內帶有物件罰銀五百兩罰款不歸公而歸私故局中人役專以搜刮爲利客商所帶箱籠必傾筐倒篋逐件窮搜稅務司以一外洋人欽怨於衆萬一事起倉猝地方官無從保護此不可不深慮也且郵局所入亦甚微查粵海四關正月份共收信資一千五百餘元七折合得庫平銀一千零數十兩除補水一成每月尙不及千兩綜計一年一萬一千餘兩合無仰懇 天恩將郵政局一體裁撤又 臣衙門近接閩浙總督邊寶泉電稱據浙江溫處道稟郵政不准信帶銀洋有礙小民生計羣屢不便上海招商局輪船恐干苛罰公件亦不准收又秤用洋碼民皆不諳人心惶惶請電總理衙門轉飭總稅務司核議速電各口免生事端郵政項項煩苛商民胥怨嚴接重罰尤爲紛擾可否奏撤抑寬定章程等語查郵政一事有神餉源外洋各國行之已久 臣等考求數年始行奏辦因郵政書信往來各國甚多事關中外交涉請飭令總稅務司赫德參酌試辦惟創辦之初各口商民於章程多未通曉人言

噴噴誠如該御史該督等所陳亟應設法變通以順輿情而免滋事當再飭令總稅務司悉心妥議辦法務令有利無弊以期經久可行茲據申覆罰款一節乃專防商民船隻私帶郵政局應寄信件實無飭令局中廝役搜查旅客之事如有為朋友便帶書信或專人遞信儘可隨意由水陸各途行走斷不至阻滯盤詰寄費一節俟行一年後應減應加自可酌改至兩廣總督所稱郵局章程皆外國之法殊屬不然蓋中國郵局宜分為兩端故所定章程半係遵守聯約各國之公法半係仿照見有民局之規條所定寄費原不為多至謂以錢折銀不免爭競喧嘩查各項交易此等折合情勢所不免非特郵局有之正因欲免喧嘩故早經酌示兌換一定之準數如以銀交易須付若干分以錢交易須付若干枚如此清算何能爭競又謂局中人役專以搜刮為利所帶箱籠必傾筐倒篋逐件窮搜一節夫罰款乃各處辦公均有之事不但郵局為然即以郵局而論所罰亦非輕率如有朋友便帶信件或專人投信並無阻滯但包攬書信彙總代寄即與走私無異如例議罰其實拆驗箱籠非為信件乃為搜查私貨郵政未設之先即有之曾有華洋商人遞運行李書籍原應放行因先有眼線密報經海關查出洋藥手鎗綢緞等情故此章未便更改至謂郵局所入甚微一節查開辦首月即收有此數行之既久始能收有鉅款中國之郵局計議多年始奉 旨允行且已知會各國未便中廢惟粵省與香港澳門附近情事與他口有別應酌定專章以期因地制宜已派總辦郵政之稅務司葛顯禮前往香港參酌粵省情形通融酌擬至閩浙總督電稱郵政不准帶信銀洋一節查匯寄銀款之事郵局見時雖未與辦然統共章程內已列有此條本年夏間即可舉行至謂招商輪船不收公件儘可逕交郵局寄遞或交文報局轉由郵局代送至謂秤用洋碼民皆不便查當時特將洋碼若干合中國秤碼若干於章程內詳細載明似不難諳悉郵政局係奉 旨開辦之件總稅務司未敢擅擬裁撤惟章程漸將臻磨盡善期在終底於成查申覆各節尚屬實在情形然事當創辦不厭詳求制費因時宜期盡善如所稱以錢折銀及秤用洋碼等事早經酌定準數詳載章程商民易諳自不至窒礙難行至寄報及匯銀兩層既

據申稱隨時酌辦自應毋庸置議惟罰款搜查兩端頗有關係既據申稱罰款係專指包攬書信彙總代寄者而言若為朋友帶書或專人遞信並無阻滯其拆驗箱籠乃關吏搜查私貨之故非為信件亟應妥定辦法逐款申明俾眾共知庶浮言永息應由 臣衙門飭令該總稅務司酌定簡明辦法刊刻報單張貼各口岸設局處所并散給各口各處信局及寄信之人務令家喻戶曉人人咸知利便并飭各口稅務司認真經理不准郵政廝役人等藉端滋擾

臣謹案譚鍾麟奏裁郵局謂所入甚微意是而理則非也無論郵政通行驛站盡撤歲即省三百數十萬之額費也東西洋郵政為歲入一大宗胡燏棻所陳英國每年除用贏英金一百數十萬鎊然日屬埠多商務盛故郵稅巨也日本三島耳其人民不逮我什之二亦歲贏數百萬兩中國信能附以鐵路兼自電局推行盡利一日千里復何疑哉

二十四年刑部主事顧厚焜呈請京城郵政廣設分局優貢沈亦焯呈請推廣郵政裁撤驛站由刑部都察院代遞奉 諭京師及通商口岸設立郵政局商民既俱稱便亟應多設分局以廣流通至通省府州縣若能一律舉辦投遞文書無稽延時日之弊其向設驛站之處自可酌量裁撤著總理各國事務衙門兵部妥議具奏

二十七年兩江總督劉坤一湖廣總督張之洞奏擬推行郵政查外洋各國郵政為籌款一大端大率歲入皆銀數千萬兩而遞信最速中國驛站為耗財一大端歲費約三百萬兩而文報最遲盈虧相反遲速亦相反然則此事必宜變通可知其故由於有驛州縣馬必缺額又復疲瘁州縣以此為津貼管驛家丁以此為利藪故文報必致遲延官紳書信閉有外加馬封附文遞送者有驛官以其非例准之條又係不費之惠故既不駁回亦不收費浮沈聽之州縣不當驛路者設舖司文武官報交塘汛其延擱更甚於驛站中國既無郵局於是英德美日本諸國在中國自設信局侵我利權實非萬國通例自光緒二十一年奉 旨飭催總稅務司赫德辦理二十二年沿江沿海漸設郵局附於海關稅務司兼辦於是公文私信迅速勝前而信資極省因稅務司禁信局由輪船寄

信而又慮信局滋鬧故內地信函仍由信局轉遞轉交其章程每代信局寄信一包重一磅者收費一角而信局一磅重之包封其包內之信少者二三十封多者五六十封其收民間之費每信一封至少須制錢一百故稅司所設之郵局用費不敷尚多此蓋因龍斷而生調停因調停而致賠累今擬於各省州縣備設郵政局即令州縣管理由省城總局定章程刊發印花領用黏貼用過照數報銷即以原有驛站舖司各經費撥充局用內河內地分別設立快划快馬健夫馳遞明定章程准帶官民私信所有京外文武衙門文報書信統歸此局遞送其文報責成仍照驛站向章其信資務宜從省以廣招徠如有欲匯寄銀錢及匯票者亦准附帶但須照海關郵局章程每信一封至多准寄或洋銀十元或銀七兩其原有信局聽其自然民間帶信或託官局或託商局均聽其便官局若費省而迅速自然來者日多查核該縣官局每年用去印花之數即知所收信資之數計該縣一年收費若干即於次年發驛舖經費時扣除若干行之既久信資日增驛費日減十年之後專取信資即敷局費驛舖各費可以全行省出惟外國識字人多故書信多中國識字人少故書信少此等勸辦之事不能遽計贏餘但使驛舖經費專取之於信資則每年可省用款三百萬矣至該縣地勢不同或馬或船或夫或水陸互用統由該縣酌量不為遙制但以妥速為主其局費統於驛舖經費內自行酌劑支用其局即設衙署內無需費用並於境內大鎮酌設分局此局不須多人亦無多事但派一人駐於客棧或附於店舖代辦但經管發印花收信函收信資而已並無多費未收信資之先絕不裁減驛費亦不再發一錢此事於國有益於民亦便於商局無傷於州縣亦無損以後州縣所收信資如已敷向來請領驛舖經費之數其盈餘者解歸省局充公仍提三成作為該州縣獎勵以為勸辦奮勉者勸統計各省繁盛城鎮約有二百餘處驛費既敷以後每年亦可得進款二三十萬此時沿江沿海地方其由輪船者暫歸稅司內河無論輪船民船及岸上陸行者統歸州縣暢行以後再行體察情形如能並江海輪船郵局亦歸之州縣勿庸稅務司兼管尤為善策至與各國商明中國亦入郵政公會一節此時華洋人寄信不多尚

可從緩惟各省郵局應名曰驛政局以免與稅司之郵政局相混應由各省督撫督飭臬司責成州縣設局辦理省出之費彙解藩司並需用洋員以杜干預內政之漸且免與有驛州縣遞送文報膠葛窒礙海關郵局未歸州縣之前郵政局與驛政局彼此互相代寄信件內地寄內地者祇貼驛局印花內地寄通商各口者加貼郵局印花一分通商各口寄內地者加貼驛局印花一分其驛局與郵局彼此往來交易一切細章隨後詳酌至鐵路通行之處所有鐵路常年受 國家保護維持應為 國家遞送書信徵申報效之忱沿路各州縣應得專差附搭火車往來經營信件不取車資惟萬不可將公文信件交與鐵路公司經管致啟授權外國之弊總之此事若歸州縣兼辦則費不另籌局由州縣酌設進退裕如若另行委員設局則 廷寄奏報要件設有遲誤必多推諉故惟有責成州縣之無弊也

總稅務司赫德議開辦郵政章程

郵政開辦之初訂立章程無須過繁甚細但宜大概酌訂分晰門類俾外人易於知曉並使在事員役得所遵循俟行之既熟體察情形再為因時制宜酌立詳章分歸各類登記奉行所有中國開辦郵政擬訂之章宜分四大類以清眉目通商各口往來寄遞一也通商口岸往來內地寄遞二也通商口岸往來外國寄遞三也開辦郵政總章四也茲將擬定之章開列於左

一通商各口岸互相往來寄遞

郵政處所 一各新開已設之寄信局見擬改為郵政局凡設有郵政局之處應謂為聯約處所其未設有郵政局之處應謂為不聯約處所 二通商各口郵政局仍歸稅務司等管理照他項關務會同監督商辦 三除通商各口設立局外尚有京都總稅務司署中寄信局應改為郵政總局管轄各口郵局凡一切事宜轉呈總理衙門核辦 四上海通商口岸為中國寄遞適中之區分赴南北督入長江並往海外較為事繁任重應特派員役辦理仍歸稅務司會同監督管轄 五上海已設有造冊處稅務司一員擬委兼管郵政事宜各口分局均應報由兼管郵政稅務司轉呈總稅務司核辦

六見將京都天津牛莊煙臺重慶宜昌沙市漢口九江蕪湖鎮江上海蘇州杭州甯波溫州福州廈門汕頭廣州瓊州北海蒙自龍州等處所設之寄信局統作為郵政局 七以上各處見開設之郵政局俟辦有端倪即在附近處所隨設分局即如天津之塘沽大沽並鐵路電綫沿途各站上海之吳淞甯波之鎮海福州之羅星塔廣州之黃埔沙市之陸路九江之武穴蕪湖之安慶大通鎮江之南京等處所有各該處分局應由該稅務司會同監督派人管理 八九等款嗣後有同類應載事宜即添註於此

寄送信件 一信件之類分為封口信及明信片與貿易冊並刊印各件共四項 二各局收發之件宜分兩項一為總包一為零件 三此局收到彼局所交之總包有應原包轉送者有應開包就近分投者倘有轉寄之件須復行裝成總包另寄此外有本處交局之零件亦須分別辦理各局轉送分投暨復封等事以及何時可收何時須發均須遵照總局所示辦理並在附近示告衆人知曉 四各局所發之件有應將零件在本處分投者有應自作總包與收到總包轉寄他處者若寄送通商口岸即用往來通商口岸之輪船若寄送內地即用已設之民局代遞各局均須自行就近酌擬辦理仍聽總局指示遵行並示告衆人知曉 五各局所發總包須隨有開錄之清單由接收之局查對單包相符即將收條字據送交原局 六七等款嗣後有同類應載事宜即添註於此

徵收信資 一寄送信件既分口岸內地外海三項其信資亦當分晰為三一為岸資一為內資一為外資 二往來外國之信件應取信資若干須照萬國郵政聯約即信會條例第五第六兩款所定之外資辦理若外國信件送到本局轉寄不聯約之處其內地運送之資應由收信之人付給若由不聯約之處將信件送到本局轉寄外國其內地運送之資應由交信之人付給所有民局運送之資<sub>即內</sub>聽民局自行酌訂收取 三通商口岸聯約處所往來信件之資本有自定之權所擬之資<sub>即岸</sub>列後明信片每張應收洋銀一分封口信每件計重五錢以下收洋銀四分重一兩收八分重二錢五

分收二分餘以此類推新聞紙<sub>每張</sub>應收洋二分貿易冊並刊印各件計重二兩應收洋銀二分若有不聯約之處將信件送到本局轉寄聯約他處其內地運送之內資應由交信之人付給若至聯約他處後尙欲送赴不聯約之處內地運送之內資應由收信之人付給所有民局運送之內資聽其自行酌訂收取 四凡往來外國暨通商各口之信件在郵局掛號與否均聽自便如掛號應另納號資取收單其往來外國信件應按聯約條例第五第六第七等款辦理其往來通商各口信件應按岸資之例辦理若欲收信人之回單則於另納號資外加倍付給 五凡往來內地不聯約各處之信件其內資多寡應由民局自行酌定一面報明附近郵政局曉諭衆知 六郵政局須製造信票以便黏貼信面作為寄送外國暨通商各口之信資俟分定岸資外資各信票之式樣再行宣示衆知 七凡將信件交付郵政局寄送必須於信面上黏貼郵政局之信票作為信資 八信票係在各處郵政局並郵政局託售之舖店等處均可購買 九偽造信票應按偽造銀錢票據之罪懲辦 十十一等款嗣後有同類應載事宜即添註於此

匯寄銀鈔 一各國郵局於寄送信件外亦代為匯寄銀鈔以期便利其准匯寄之款立有定額其匯費亦有定數中國開辦郵政局亦應照辦以便商民見擬如有人欲將銀鈔自此聯約處所送交彼聯約處所其數不得過一百兩以外即可代為匯送按照所定匯費取匯單寄往此項詳細章程須俟隨後酌定宣示 二三等款嗣後有同類應載事宜即添註於此

寄送包裹 一各國郵局於寄送信件外見時亦代為寄送包裹等項中國郵政局開辦有頭緒後亦擬一律代為寄送須俟隨後將包裹之尺寸輕重與運送之規矩費用等項酌定明晰再為宣示 二三等款嗣後有同類應載事宜即添註於此

專款 一凡民局之信件途經通商口岸交輪船寄信者均須由該局將信件封固裝成總包交由郵政局轉寄不得逕交輪船寄送並按往來通商口岸之章完納岸資至其輕重大小隨後酌定由各該郵政局曉諭衆知所有

在內地往來之內資由該民局自行酌定收取 二郵政局接運民局之封固總包應寄交書明處所同行民局查收取回收單備查 三凡民局開設聯約處所應赴郵政局掛號領取執據為憑無須另納規費倘該民局領有執據後不願復行承辦此項事件應先赴郵政局呈明將執據繳銷 四五等款嗣後有應載事宜即添註於此

示禁 一凡郵政局之員役等若有私行拆動信封及傳揚洩漏等事除照局中定章罰辦外須按其本國律例治罪 二凡有郵政局之處除掛號之民局外所有商民人等不得擅自代寄信件違者每件罰銀五十兩 三輪船進出通商各口除承寄郵政局所交之信件外所有行主船主水手搭客等俱不准攜帶郵政局應寄之信函等件惟露寄之字紙如舊書暨辦事之隨身單據等類與本船之本行本船本貨各情之書件等項不在其內違者每次罰銀五百兩 四五等款嗣後有同類應載事宜即添註於此

帳目 一各郵政局應將進出款目按月具報造冊處管理郵政稅務司按結轉報總稅務司查核俟每屆年底由總稅務司彙報總理衙門鑒查其具報式樣隨後酌定 二三等款嗣後有同類應載事宜即添註於此

冊帳 一凡郵政局應將信件各類往來若干隨時登記冊簿其冊簿式樣應照聯約條例第四第十七款暨第二十三與二十四條費章辦理 二三等款嗣後有同類應載事宜即添註於此

冬季封河 一凡值冬季封河之時北方各處之郵政局如北京天津牛莊煙臺至鎮江收發信件往來須由陸路遞送應由各該郵政局將陸路遞寄之章隨時宣示衆知 二三等款嗣後有同類應載事宜即添註於此

雜款 一重慶一處之郵政局暫時祇寄信件函不代寄總包如民局欲將信包轉寄他處即須自己送赴宜昌交彼處郵政局代遞 二蒙自龍州之郵政局亦不代寄總包暫時祇寄信件函 三長江六處如陸路口武穴湖口安慶大通等處以及南京之郵政局係由稅務司會同監督派人管理各該處民局信件總包亦須由郵政局轉交輪船代寄或將輪船寄來信

件總包轉交民局查收 四五等款嗣後有同類應載事宜即添註於此 示諭 一郵政局開辦之初暫時照各關見辦寄信章程辦理俟開辦就緒再為體察情形以上章程所載各事復行明晰示諭各局員役遵行 二三等款嗣後有同類應載事宜即添註於此

一通商口岸往來內地寄遞 一凡由聯約處所與不聯約處所往來寄遞信件或係民局將信件交由郵政局轉寄抑或郵政局將信件交由民局轉寄其內地遞寄之信資應由民局照舊自定自取與郵政局無涉 二凡民局開設郵政局聯約處所應赴郵政局掛號領取執據為憑無須另納掛號規費倘該民局領有執據後不願復行承辦應先赴郵政局呈明將執據繳銷 三凡民局將封固之總包交郵政局代寄該郵政局應照所書寫寄交他處之郵政局轉交彼處之掛號同行民局查收 四凡郵政局接到別局或外海送來信件函寄赴不聯約局所者均應交付掛號之民局承寄該局應向接收信件之人收取內地運送之資 五六等款嗣後有同類應載事宜即添註於此

一通商口岸往來外國寄遞 一凡郵政局將信件寄送聯約各國者一切條規自應入會後俱照萬國聯約條例辦理 二凡外海寄來之信件必須交由本口郵政局轉交應收各人不得自行另交轉送惟上海一處暫時不在此例若有須寄往來內地不聯約處所投遞者即由郵政局交給掛號之民局轉寄其內地運送之資方可由民局向收信之人按其自定條規收取 三凡郵政局若在無船開往外國之處須將信件送交有船之處轉寄其規費一切悉照信會條例辦理 四五等款嗣後有同類應載事宜即添註於此

一開辦郵政總章見經奏明將以上各章作為開辦時章程嗣後體察情形因時制宜均可隨時添改當經奉 旨遵行照辦 二十八年外務部商總稅務司郵政包裹切實價值百抽五照會各使轉飭遵辦 前據總稅務司申稱查光緒二十七年議和新約第六款內載所有向

例進口免稅各貨除外國運來之米以及各雜色糧麩並金銀以及金銀各錢外均應列入切實值百抽五貨內等語照此辦理不但客商大宗貨物均須照納稅項即行客攜帶及住戶託寄各項包裹亦須按則徵收而此項雜色包裹來往分有兩途一係由船隻作為貨物裝運一係由郵局作為郵政包裹寄遞其作為貨物早有章程報關分別徵免惟作為郵政包裹者辦法稍有參差凡有寄到之包件須貨主執有關給之放行單呈閱方能將包件發領其託郵局寄往他處之包件亦須執有關給之准單呈閱方允將其件代寄應請將以上辦法照會各國駐京大臣轉飭所屬一體遵照當即照會奧國駐京領銜大臣齊轉達各國照辦

二十九年又咨送商部總稅務司所擬郵政要端希加入鐵路合同 查中國郵政局日見推廣即腹地邊省凡鐵路所到之處郵政亦與相輔而行見在各國在華紛紛私立郵局屢次爭辯未允裁撤若中國自設之局遇有交涉鐵路事宜自宜推行無望始足資抵制而固利權前總稅務司所擬鐵路代寄郵政章程八條業經本部核准飭遵並分咨各督辦鐵路大臣在案茲又據稱各國郵政不但未將已開之局撤去且日有多開官局之事緣准其設立鐵路之合同內均漏寫聯絡郵政之章已往如此來日更為可慮各鐵路逐漸推廣之事在所必有若任他國沿途自設郵局實與推廣郵政之事大相妨礙其與國體如何更不待言此後凡遇訂立准設鐵路之約章均應載明不准各國自行設局寄遞郵件並應載明須由該車路代中國官局寄遞信件各等要語其已設鐵路各處約章合同未經敘入以上語意者亦須設法增補以期官局遞寄信件與國家真有實效除分咨各督辦鐵路大臣外應錄總稅務司原擬章程八條咨行備案

又咨南洋各國郵局無論城內通商場均不准設立 日本在金陵城內租屋開設郵局德國亦設立書信館金陵通商場按照約章係在儀鳳門外下關江邊日本及德均不應設立城內應請轉商駐京大臣飭令照約遷移通商場地方以符約章查中國既設郵政官局各國郵局書信館無論城內

通商場均不准開設經本部照會各國駐京大臣轉達政府分飭在華郵局迅即撤回

又咨鐵路大臣鐵路不運別國郵件辦法應通飭遵照 據郵政總辦呈稱接蘆漢鐵路公司總執事文稱見在日本郵便局自行由北京至保定專人寄送郵袋每月四次顯與中國所定鐵路寄送郵政章程有悖惟此項章程尚未經外部通知有案無憑禁止等語查郵政總辦與鐵路會擬章程八條前經本部核准鈔錄咨行在案其第一條即載明別國官局郵件鐵路概不運送至各國軍隊按合同應送各件應由中國郵政局代寄等語應咨貴大臣查照

又飭總稅務司郵局收交外國犯人信件專章准予立案 據郵政總辦呈稱黎申據上海郵政司鄧羅電稱上海有德人一名因犯西律由該國駐滬領事拿問監禁並請郵局遇該犯應收信件均交領事備查可否允為辦理電請作復查郵會章程載有囚犯應收信件該管官員若居警察之職如欲查看可令本國郵局徑呈等語因思中國地方德國本局而外尚有他國郵局隨向各該郵局詢其何以答復德國領事之請僉謂均已允准辦理案約載定章旅華洋人均歸該本國領事管理中國無特別轄治之權則此項囚犯信件照各國郵局所准一律允辦似無不合除飭將信件照交外所有如何將此等信件交遞領事之處業經飭由郵政總辦另擬數條作為各局專章合即備文附呈查照存案

三十年又咨南北洋郵政司專擬華船遞送包件辦法章程 郵政關緊要洋人船隻既以未訂專條不便強使代運所有華輪行駛內港自應急定專章俾飭遵守當經本部飭行總稅務司擬章復稱遵擬專章一條作為光緒二十四年六月初八日續訂華洋輪船駛赴中國內港章程內第二條後之補條即與原章一律照辦嗣後華船入港之關牌無論已發未發均應由各該稅務司將此補條刊印其上以便有所遵循專章列後一凡華輪均有代運郵袋之責成其行駛內港者領入內港之關牌即應代運郵政信袋分

交各局每值行駛往來遇有郵局處所即須赴局聲報以便隨時交接不致有誤除帶運包裹分量較大者如何發給水脚由各該郵局按公平運費核給外所有尋常郵袋訂明不給運費其代運郵件各華船不得私帶信函並不得擅帶他局郵件至專責寄帶之郵件亦須格外加慎如有損失遺落違章等事仍惟該船是問或罰辦或將入港關牌撤銷隨時酌辦以昭鄭重

鐵路代遞郵政章程  
一鐵路祇允中國官局運送包件其民局及別國官局郵件概不准行運送至各國軍隊按合同應送各件應由中國郵政局隨同日行郵件代為由火車寄投

二火車搭客行李郵政局不願擾及惟若風聞或確知有夾帶郵件之弊致違禁令應如何辦理之處亦須預定妥章

三午前往來津榆蘆漢各處暨午後開行之火車應每日兩次備有合用專欄以便郵政局員運送尋常郵件此兩次火車開行時刻倘有改易須於前

二日向郵政局聲明以便早諭衆知

四郵政局運送尋常郵件備用專欄鐵路應不收費至遇有另用專車之時其專車之費照各國向例必須格外從廉

五郵局員役因公上下火車聽其自便不得攔阻惟須攜有免票為憑倘無免票即照常人一律看待其免票由各郵政司向鐵路局員聲領轉發

六火車各站准租蓋屋若干開照納租費並於各站設立信箱係歸郵政局自行經理

七所有此章內載郵政局應交鐵路各費均按年結清

八嗣後鐵路推廣各處均照此章辦理倘有更改須由外務部准定方可施行

又咨南洋總稅務司擬郵政包裹抵釐辦法 據郵政總辦詳稱閩海關稅務司文開近有廣州郵寄之包裹向福州城內遞投途經閩江所設釐局令納釐課福州係通商口岸包裹如何完釐向無定章應分別酌定成法以便

遵循總稅務司查貨物往來通商各口經過海關者有無完過釐課自係釐局之任海關向不預聞郵政包裹事同一例交接俱在通商口岸自無庸議及釐金惟自口岸入內地或自內地抵口岸若按通商條約成案遇有此等貨物向以所完之子口稅代抵釐金華洋商民均各樂從郵政包裹正可仿辦爰擬辦法四端請與上年所定內地包裹釐章一併施行本部查郵局包裹經過內地釐卡辦法兩條曾於光緒二十九年通行各省今總稅務司請將自口岸入內地自內地抵口岸之郵包按照貨物以所完之子口稅代抵釐金成案比擬辦理尚屬妥協於郵務釐捐兩無窒礙應錄所擬四端咨行查照轉飭各關卡遵辦

一包裹由口岸入內地或由內地抵口岸其經過海關時若查有釐局憑單即不再行稽問

一遇無釐局憑單者應由海關飭完一子口稅即正稅之一半以代釐金倘中途另過他口岸應否按關章完納他稅仍須另行照辦惟每包應徵各稅均須在

一口內總收以便暢寄無阻

一每遇已徵子口稅後即於包面黏貼憑條上註此項包裹已完應徵稅釐各局投遞界內不得稽問字樣為證

一各關所收郵政包裹子口稅一項即應另帳存儲每結彙交本界釐金總局查收

又中法郵政局會訂互寄包裹暫行章程查此項章程係按光緒二十六年中國法國郵政局所訂互寄章程第八條之成案續行訂立合同

又中英郵政局會訂互寄郵件暫行章程  
三十一年中德郵政局議訂互寄郵件暫行章程

又外務部咨南洋郵局代寄民局總包酌收資費 據總稅務司申稱郵局代寄民局總包的收資費一事至今尚未大定其見在辦法凡用輪船火車

運送者如往來通商口岸代寄則准免費如非通商口岸則僅完半費雖經如此定辦而各民信局於火車代寄者尚無異言於輪船代寄者始終阻撓

欲全行免費不思郵政輪船經費已成鉅項支款而各費即於寄件取價見在郵政異常擴充寄遞郵件日多一切差工脚費辦公開銷勢必異常浩大照章應收代寄之費自不能免民間信件雖經民局之手既得用郵政輪船之便亦應在按件納費章程之內至於海江輪船專歸郵政付費搭用鐵路亦經貴部核准章程八條均不容稍示寬假民局總包交由官局代寄本應交納郵便之費今欲辦有把握須令民局按照郵例國內郵資全數交納保即每重五錢洋銀二分按總包每重一斤六角四分若恐取資較重則先行通融減半收費亦可但必須呈明通行遵辦方免各處日後藉口所有擬定輪船火車運送郵局代寄民局信包一律完納郵政費或半費之處合請核奪示復

三十二年稅務大臣咨民局信包暫納半費 查各省郵政局係 國家所設最為要政見在郵務擴充開銷浩大近戶部撥款津貼與辦此舉年至數十餘萬兩計尚不敷甚鉅所有郵政官局代寄民局總包自應酌量收費藉資彌補惟驟令按照全數交納似非體恤之道應先行通融辦理嗣後無論輪船火車運送郵政官局代寄民局之信包暫按半費收納以示體恤而歸畫一

郵政沿革概略 近時世界各國皆以郵政為交通行政之一我國僅有驛站舊隸兵部蓋為軍政而設日久沿襲遂成交通行政之基礎數百年來未嘗變通而推廣之又祇限寄遞公文民間往來信件則惟信局是賴當輪船鐵路未興之時地理遼遠即欲規仿他人勢亦有所不行自外國習於交通便利之人僑居吾土既不能求官設之驛站又不欲委民間之信局於是各設機關自為交通之計故通商而後各國皆有外國信局且紛紛效尤各自為政侵我主權莫之能阻方該局之初設也望礙甚多不能悉如其意屢經更迭而稅務司管理送信之事於是乎起考其大略以咸豐十年各國派使駐京條約所載沿海無論何處使臣皆可送文專差與驛站差使一律相待嗣因辦理不便改由總理衙門飭驛代寄隨文遞送無定期也稅務司進京辦公及各口稅司文件往來亦由總署代寄同治五年始訂有由總稅務司

處彙集各駐京使臣文件按期轉交總署代寄之章但該章惟限天津封河後照行至開河即將各信由總稅務司自行飭差遞津轉為寄滬外人駐京者以信件不能自行由驛往來遂於光緒五年除京津送信之費差外另設封河後由津至牛莊煙台鎮江三路之寄信專差此外仍照舊章光緒十一年天津封河後駐京使臣並無從京發寄之信祇有從鎮江由驛遞京之信其駐京官民所發各信俱由所設之三路專差分寄所得力資足償專差之費且有餘焉其時往來之信日增是以總稅務司並津鎮上海各稅務處特派幫辦人員管理送信之事其餘通商各口由該口稅司擇人兼辦此同治五年至光緒十二年總稅務司所辦寄遞外國文件之情形也總稅務司兼辦郵遞雖屬外國文件然已為我國暫為兼辦郵政之始基光緒二年英人赫德總司稅務請設送信官局中國郵政於是發端總署函商北洋大臣四年得復擬設京城天津煙台牛莊上海五處略仿泰西郵政交赫德管理九年江鎮江兩關道亦稟請於通商口岸設局嗣總署因各國紛在上海設立郵局慮占國民生計九年值德使巴蘭德來請派員赴會十一年據南洋大臣咨稱州同李圭條陳郵政利害並甯海關稅司葛顯禮稱香港英監督願將上海英局改歸華關自辦爰飭江海關道總稅務司籌議咨南北洋大臣查核十六年札行赫德以所擬辦法既於民局無損即就通商各口推廣辦理俟有規模再行請 旨此各稅關試辦郵遞之權與也維時未經奉 諭不得為正辦之郵政官局而各口所設之外國信局歷有年所欲保主權不能不設法抵制以期統一故甯海江海各關道稟總署每謂稅關郵局未經奏定外人得以藉口十八年赫德亦以創辦艱難若再不奏請設立郵政官局以推廣為抵制恐將另生枝節函致總署十九年總署又接南北洋大臣咨據江海關道蘇紹棨稟稱上海英美工部局擬增設各口信局異日中國再議推廣必更維艱乃飭赫德詳加討論是否確於小民生計無礙二十一年南洋大臣片奏設立郵政請飭議章程奉 旨交總理衙門籌議二十四條議由海關見設郵遞推廣並與各國聯會據赫德所遞四項章程四十四條



入奏奉 硃批依議於是始得明文開辦交通機關遂有郵政官局及原有之驛站與民間之信局鼎峙而立矣二十四年總署以顧厚焜等呈請復飭總稅務司籌議覆稱推廣郵政請期六個月先於各口已設郵局之附近地方密爲布置以達內地並就鐵路設站電報設局處均添郵政官局至酌量裁撤驛站歸併辦法除河南山西陝西甘肅新疆西北各省郵政尙無法寄遞外其餘直省公文可由郵局遞送二十五年設總局於京師置分局於各處二十六年復設分局於山東河南由是逐漸推行而內地亦有郵政局之設矣惟驛站仍隸陸軍部而民局則用聯絡之法在口岸之官局掛號者尤爲代遞信包無庸納費至今仍之蓋已消納於郵政中矣開辦之始職務由總稅務司兼攝故隸總理衙門及改外務部因而改隸嗣設稅務處又隸稅務大臣三十二年釐定官制創立郵傳部管轄機關基此矣

當郵政初辦時其費用如何總理衙門並未籌及所有用項多取諸信資自光緒六年至十年五載中入款共二萬五千八百兩有奇出款二萬四千八百兩有奇司事薪俸尙不在內至十八年上海一口入款約六萬餘元出款相準二十四年朝議思廣郵政赫德復稱國家不撥專款無從著手請緩推廣二十六六年稅務司核計開辦以來郵政經費不敷關平銀三十九萬六千四百兩有奇三十年郵政總辦擬推廣之法約需經費一百零九萬兩以每年入款三十萬兩計之不敷約七十四萬議由關稅項下籌墊每月令津海江漢江海關潮州粵海六關各解銀一萬兩協濟經戶部議按月分解自是經費有出而擴充局所徧於各省矣

郵政既辦各國屢次照會延我加盟萬國郵政公會自光緒四年開會於法蘭西二十二年總署寄由我駐英公使照會瑞士執政爲入會之據二十三年開會於華盛頓我使臣伍廷芳赴之將未能入會緣由演敘略稱我國見在通商各口開設郵局共三十三所雖屬創辦然北京天津上海等處設有郵遞處所極便利者已閱二十年此次擴充特派總稅務司赫德爲督辦另設幫辦專管郵政雜物此外各局事務咸歸各稅務司管理惟中國郵局除

海關外尙有三種各國在中國設立之局一也工部書信局二也華商信局三也設立郵局則別種信局不得不設法安置以防日後枝節其與官局無礙而可酌用者政府仍照舊用蓋必審度預籌因非一蹴所能竟且地方情形不同民間之利益與情之意旨無處不須斟酌免滋流弊至萬國郵政自當留心考察公約及詳細章程自可取作導師苟有礙外國郵政者亦必知照中國已派員講求試辦以期速效稍有端倪便當入會旋由各使議定許我隨時入會三十二年開會於羅馬二次派員蒞會以郵政尙待擴充聲明下期加入略云前會華盛頓中國郵政發軔伊始無可表明茲則徧於行省計總分各局有四百三十餘處支局一千一百九十餘處綜此郵疆晰有若干總界每界設專轄員由界而分層區每區立有編號之分局環列各等支局以資聯絡惟是簡員不易暫令各口稅務司兼管至運寄之法已與各輪船公司商定沿海沿江往來任裝郵袋其內河小輪亦在需用而已開之鐵路長華里九千里均代運寄一切章程模範資費均以聯郵公會爲憑惟未設郵局之處則以馬步等差運送計程十二萬餘里統謂之內地郵域凡歸此域內者除信件及明信片仍照聯郵資例收取他項郵件均加內地另費以資開銷此項黏票爲憑概不格外需索又前次赴會曾論民局有礙郵政至今中政府仍不欲妨其營業考一千八百九十七年郵件十兆有半今增至七十六兆可見辦理合宜自能發達不在禁制民局也此後郵務人員任事勇往深盼下期附入獲邀貴會之歡迎倘各事早能備妥更望貴會早准入會當由會員允照華盛頓會議許隨時入會云 按萬國郵政公會我雖未加盟然早與會中諸國聯約光緒二十六年有法國聯約二十九年有日本及英屬印度之聯約三十年又有法國聯約三十一年德國聯約所有郵政互寄之事蓋皆商定訂有合同矣

總郵政司署 光緒二十二年奉 旨設在京師允總稅務司赫德辦法責成組織三十年特撥每年經費七十二萬兩實收不過三十二萬郵政總局 二十二年初設京師天津牛莊煙台上海蘇州鎮江杭州甯波

温州福州廈門汕頭廣州瓊州北海蒙自龍州蕪湖九江漢口沙市宜昌重慶等處

郵政副總局 二十九年初設濟南開封西安太原貴陽等處

郵政分局 二十二年初設塘沽大沽吳淞鎮海黃埔瀘溪武穴湖口安慶大通江甯等處

郵政代辦局 二十七年初設蕪湖

郵政支局郵政信櫃 均於二十三年初設上海

宣統元年御史胡思敬奏請整頓郵政摺略稱郵政一事東西洋各國皆恃爲入款大宗我國自光緒十八年歲撥關稅三十六萬交稅務司創辦之初風氣未開不無虧墊其後漸次推廣出入相抵即應將海關撥款截止而三十六萬支銷如故也又其後推廣益遠屢增郵價出入相抵歲有餘利即應將舊時撥款分年攤還不惟不還而三十六萬支銷仍如故也至今將二十年耗去帑金六七百萬皆由外務部及稅務處經理每歲海關冊報匪不上 聞又不咨送度支部覈銷盡飽私囊當郵傳部初與設有郵政一司因行文稅務處欲收回自辦以副名實外人受中國之聘何敢肆意把持而中人號通洋務者每藉東西洋爲護符物必先腐而後生其由來非一朝一夕矣同一事也外洋行之而獲利中國不惟無利而反成絕大之漏卮推之鐵路電報礦務實業莫不皆然今日欲治中國非先除積弊萬無下手之方天下未有弊不除而利可與者應請 飭度支部派員清查並整頓辦法如辦理得人即郵政一端每歲增省國帑可四五十萬於財政不無小補矣

郵政紀要 郵傳部特設以後關於郵政事項者一考核款目本部雖置郵政司因未移交職權不能確定自有郵政款目切實考核按月奏銷之 諭而郵政司始採考核之權接收辦法漸有端倪二預籌揀派學生赴奧擬培養人材任專門職業專習器具奏派往練習郵便及儲蓄規章俾備器使三奏增交通傳習所本部向設傳習所養成鐵路人員見增郵電兩學四擴充新疆郵政新省僻在邊陲郵政向未開辦近因新疆巡撫電請展設甘肅涼州

以西郵局至迪化一帶特詢其請開局以外如宣統建元有紀念郵票之發行而裁停西北驛費雖陸軍部議請緩裁而驛站歸并實胚胎於此至以各項置郵處所言之除信櫃信箱信筒外增至四千二百五十八處上年僅九百三十三處以郵件言之增至三萬六百萬件上年僅二百二十五萬件以包裹言之增至三百二十八萬件上年僅一百四十萬件重量增至九百七十七萬六千基羅上年僅五百五十七萬五千件以快信言之通信地方增至七十二處上年僅三十七處近時增辦七處要地方信件數目增至九十萬八千九百五十五件上年僅三十一萬七千七百七十七件掛號信件初恐快信暢行或有阻礙乃增至二千五百五十萬件上年僅九百九十九萬件是二者並行不悖之據民局包封信件無甚增減本年八萬件可見並無進步不致與官局競爭他如信箱等所提之郵件增至一千六百萬件上年僅一千一百萬件匯兌局所甲項增至二百五十七乙項增至二百一十其數目匯關平銀三百二十四萬四千兩兌三百二十二萬八千七百兩共六百四十七萬二千七百兩約合一千萬兩較增二百萬元上年五百四十萬兩此各情形也若論入款較前爲勝總計郵政入款較前增加百分之十倘非出款增加新設局所及舊局之早經郵路並通之驛站均不在內倘非出款增加則出入幾可相抵查各界中如北京廣州天津蘇州開封江甯太原杭州大通蕪湖九江瓊州各處進款皆足自給鎮江濟南汕頭甯波沙市三都澳梧州龍州長沙漢口各處可望迅及此級所遇少數之危險不過水災盜劫沈船等事內地郵務竭力推廣至邊徼以外之四大疆域以東三省爲最故將關大之界畫分七區奉天吉林黑龍江以郵政司此與本部同而一員駐奉統轄新疆郵政亦於年底開辦駐巡察司事於蘭州管理西安迪化開綿長之郵路預計次年展至塔爾巴哈台若蒙古則設郵政於庫倫擬展至恰克圖增設局所西藏則已在印藏交界之亞東預備將以漸推及江孜拉薩各處云

臣謹案包裹及民局包封重量均以法國基羅爲單位每一基羅約合華衡二觔一兩有奇甲乙往來匯寄輪船火車已通之處每張匯票准至銀圓五十元未通處祇准十元匯費每一元取費二分此局納銀彼局發銀

兩處銀號行情不同應在納銀時分別貼水各界帳目年分四屆結算每三個月為一屆銀數均係開平查宣統元年表總盈一萬五千八百餘兩內有匯兌及代款撥款等係各局活項此收彼支隨時無定不能作為實盈收款只有發售郵票一百七十六萬八千八百一十兩共一百八十五萬一千五百兩有奇支款只有薪水十四萬二千八百三十三兩二百九十兩酬勞華員二萬六千四百九十八兩洋員二十八萬三千二百四兩十兩洋員三萬五千七百兩 建修租金五十七萬五千二百七十二兩六千六百餘兩為確定數目彼此相較實計仍虧也月支薪水總辦一千二百副二百五十五總帳三百七副二百均各一員餘若郵政司副司幫辦巡察司事供事文案代辦人驛吏信差郵差雜役總計一萬一千七百二十四名共支一百四十八萬八千六百六十餘兩云

二年陸軍部奏查覆新疆開辦郵政兼遞文報略稱原奏稱新疆省界東連甘肅由迪化省城至哈密所屬猩猩峽計程二千一百四十里北接俄壤由省城至塔城一千六百二十餘里西南綿互更長先從東北兩路辦起於省城設立郵政總局暫提兩路廳縣夫馬驛費一半以資開辦凡一切公文報章均由郵遞此外驛站例差及 貢馬摺弁餉車官犯往來仍由地方官經理電咨郵傳部轉行稅務處核准隨派巡察司事洋員供事來新開辦俟辦有成效推廣全疆等語查向章驛站遞送公文摺件原以軍報為重 等屢次籌議以郵局尚未完備鐵路亦未暢通不敢遽裁迭經奏准有案此次新疆提撥驛費設立郵政該撫並未先事會商第查其咨報案內郵政各局已於上年十二月開辦該撫經營伊始度必能杜漸防微規畫盡善所有提用東北兩路夫馬驛費一半應即照准惟此後軍報往來及軍事運輸均關緊要自應責成該撫督飭該管各官暨經理人員妥訂辦法

又郵傳部奏分年籌辦郵政略稱郵政一項為無形交通之大端於憲政關係尤鉅自應力圖推廣以臻完備惟其事務繁多整理不易且與各衙門多有關係事件所有交接之次序權限之畫分以及對於國內推廣局所及匯兌儲蓄辦法對於國外行駛郵船及定約入會等事非一一預為籌計不足以臻完密

應將一切應辦事宜按年籌備開列清單及時規定以便與各處互相接洽

分年籌辦郵政單

宣統二年 籌辦接管郵政事宜 調查從前及見在辦理情形並經費等項 編訂郵律及一切規則 派學生赴奧學郵政 派學生赴奧學郵政 籌畫郵政經常及推廣所需經費 辦按每年郵稅所入以四分之二充一切 籌備歸併驛站辦法 釐訂郵政職分並薪俸考試任用章程 規定各省總分局設立處所 應照行政區域設分局 派員赴萬國郵政公會並考察各國郵政 仿造印信機器各省總局應用 奏設畫一郵政應用圖記各項物料所 籌辦郵局儲蓄事宜 我國為一門在 籌辦外洋郵船 入萬國郵政公會 與各國提議 宣布郵律 裁改各處民信局 推廣各府州縣二等郵政局 訂無法投遞信件辦法 各國特設有專員均不得拆閱訂為專律 籌辦蒙古西藏郵局 開辦外洋郵船 開辦各省郵局儲蓄 宣統五年 推廣各郡縣鄉鎮三等郵政局 設郵報 專報郵局事 每日發行不出售 開辦郵局電匯 宣統六年 與各國分別訂立保險郵件及匯兌條約推廣蒙古西藏郵局 設機器工程局 各局需用機器非專設 局製造必有供不應求之勢 宣統七年 開行郵政特別快車於通商口岸 凡經過零星小車站用機器收發包封而車不停亦名行局 推廣四等郵政局於京外各街衙戶代辦 推廣匯兌儲蓄兩項於各省二三等郵政局 宣統八年 發行立憲紀念郵票 推廣郵政火車局附設於各路特別快車後 推行郵局電匯並保險信件於五洲郵會諸國 臣謹案陸軍部管轄驛站每歲報銷一百七十餘萬兩徐世昌掌郵部本

擬裁撤以陸軍部請緩中止嗣蔭昌到任查知此事西北各驛站每年所得約近四百萬兩及咨直省確查則謂有閏之年所得二百八十餘萬無閏祇二百七十萬實收一百七十萬每年作正開銷似此積弊已深不如裁撤因飭軍乘司調查驛站數及已設文報局自本年起到第五年止陸續裁撤所有文件盡歸郵局寄遞而此分年籌備單中却未列入不可解已

三年郵傳部會奏接管郵政以歸統一略稱郵政始於光緒二十二年先後推行沿江沿海各省暨內地水陸各路名爲大清郵政由外務部轉飭總稅務司赫德兼司其事經赫德選派稅務司昂黎爲總辦歷十數年各省通行郵政共有六百餘局又代辦四千二百餘處並與數國訂立往來互寄之合同與郵傳部電報相似辦理頗有成效總稅務司因郵政進款入不敷出請外務部核准由新關項下每年指撥協濟款七十二萬兩每年實交不過三十餘萬兩據報宣統元年终海關實墊銀一百七十八萬餘兩<sub>臣</sub>等查總稅務司兼辦以來實屬著有勞動其所用稅務司昂黎專辦郵政井井有條尤爲難得之才此次歸部收回尤須認真推廣務使驛站由漸裁撤郵政由漸加增並欲試辦儲蓄爲裕國足民之計歐亞各國郵政與電報儲蓄本屬鈞連惟茲事重大全在得人力杜因循苟且之習自不難收與年俱進之功夫行政必先具大綱乃可徐籌細目郵傳部設立四政奏明各設總局照章奏派局長各專責成郵政關係二十二行省與船路電三政以及驛站銀行皆有互相維繫之處歸部以後既不歸總稅務司兼轄自應在部設立郵政總局照章派一局長以資承接局長之下應派總辦會辦各一員總司其事署郵傳部左侍郎李經方淹貫西學出使多年兼綜鐵路總局將及半載悉心整頓措置裕如擬請暫行兼署其郵政總辦一員擬以昂黎派充其稅務司原缺開除會辦一員擬俟選擇有人再行奏派至該總局用人辦事大概均可酌仿海關遞奏章程應如何釐定科目詳細規則容俟妥慎籌畫再行續陳

又奏統籌郵政經費懇 諭飭津海等六關監督認定款項七十二萬兩照數

撥給  
又奏購運郵政華洋物料仍照成案免稅  
又奏各衙門由郵報處往來文件照章納費

皇朝續文獻通考卷三百七十八

賜進士出身頭品頂戴前內閣侍讀學士 劉錦藻 纂

實業考一

臣謹案周禮太宰以九職任萬民曰三農生九穀曰百工飭化八材曰商賈阜通貨賄體國經野規模宏遠管子之學淵源周官其小匡篇以農工商為國之石民羣萃而州處相語以事相示以功是故父兄之教不肅而成子弟之學不勞而能農之子恆為農商之子恆為商工之子恆為工學有家法故國有霸才也今國家侈談變法凡訓農惠工通商諸大政廷臣欲議於上疆臣條對於下遠師歐美近法日本亦亟亟焉思與列強競爭乃取其貌而遺其神得其粗而棄其精豈所謂伊摯不能言鼎輪扁不能語斤耶殆未知實事求是業廣惟勤歟昔王符當漢之季譏切時事曰富民者以農桑為本游業為末百工者以致用為本巧偽為末商賈者以通貨為本聚奇為末而敘錄務本篇復大聲疾呼曰大人不華君子務實然則業精於勤首在崇實近時通國皆稱農工商為實業有以夫 朝廷既設專部推演實業以厚民生而前考無可附麗不得不特立一門即就恆言名曰實業分爲四類首總務次農次工次商場推陳之用昭來觀

總務

臣謹案通考首列田賦子目粲然畢備本可廣續惟光宣之交尙有樹藝蠶桑畜牧漁業等事未便撥入不得不歸實業工務向所罕見固宜別立一門商務有雜見市糴征權者今斷自光緒二十四年設農工商局為始編歸實業其從前有關於農商者仍參觀田賦市糴征權諸考以分界限首列總務凡綜論食貨者具載於篇按農工商局甫設即罷未實行而實業之興廢與此時故據以為斷光緒二十四年 諭通商惠工務材訓農古之善政方今力圖富強業經明諭各省振興農政獎勵工藝並派大臣督辦沿江等處商務惟中國地大物博若不開通風氣不足以盡地力而開利源圖治之法以農為體以工商為用見當整飭庶務之際著各省督撫認真勸導紳民兼採中西各法講求利弊有能勸

製新法者必當立予優獎該督撫等務當仰體朝廷開物成務之意各於該管地方考察情形所有頒行農學章程及製造新器新藝專利給獎並設立商務局選派員紳開辦各節皆當實力推廣俾有成效此外迭經明降諭旨飭辦事宜亦均悉心講求次第興辦毋得徒託空言一奏塞責並將辦理情形隨時具奏

又 諭前諭各省整頓農工商務以冀開闢利源各處辦理如何見尙未據奏報萬寶之源皆出於地地利日開則物產日阜即商務亦可擴充是訓農又為通商惠工之本中國向本重農惟無專董其事者非力為勸導不足以鼓舞振作著於京師設立農工商總局派直隸霸昌道端方候補道徐建寅吳懋鼎等督理端方著開缺均賞給三品卿銜准其隨時具奏其各省府州縣設立農務學堂廣開農會刊農報購農器由紳富之有田業者試辦以為之率至工學商局各事宜亦著一體舉辦統歸總局隨時考查各省由該督撫設立分局遴派公正紳士總司其事所有各局開辦日期及派出辦理之員並著先行電奏

又 諭御史曾宗彥奏農工二務亟宜振興另片奏南北洋宜設立礦學學堂著總理衙門一併議奏

又兩廣總督譚鍾麟奏迭奉 諭旨飭令振興農政獎勵工藝查廣東三面濱海地狹人稠並無曠土天氣溫和一歲之收茶桑果木四處成林人多無田可耕野無不耕之地惟責令多種茶桑稍獲微利此農務之大概也至工商兩業較他省為盛近年風氣大開有以機器仿製洋貨者有製土貨專銷外洋者造作日精行銷日廣而出洋之工商惟粵人為最眾或挾資營運或備趁為生但能勤儉自持鮮不歸囊充物粵中所謂殷富者類皆得自外洋縱未能返塞漏卮亦可稍分餘潤此工商兩務之大概也今就省城設立農工商務總局委候補知府周德溥駐局經理會商府縣紳士悉心講求妥為勸導期於由近及遠諸務振興得 旨著認真講求自開利源毋得有無名實

二十五年兩江總督劉坤一奏 遵奉 諭旨在上海設立商務總局派委員紳經理並籌辦農工礦路各學情形已經奏明在案旋派在籍翰林院修撰張

籌湖北補用道劉世珩等馳赴上海設局開辦選舉絲茶各業巨商嚴信厚等爲商務總董分飭所屬各舉分董考求地方物產所宜貿易興衰之故廣勸紳富自行設廠製造土貨以冀挽回利權並令立商學以究源流蒐商律以資比例設商會以聯心志撰商報以廣見聞數月以來商情頗形踴躍當茲物力艱絀未敢稍涉恢張惟當需之以漸貞之以恆由上海以東連燕齊南通閩粵與漢口商務局聯絡一氣日久可望振興至工藝立學厥分兩門一日化學工藝凡船械鑄鐵汽雷礦路等學胥賅焉已飭上海製造局添設工藝學堂就款經營擇期開辦礦路學之初基與武備生所習相近亦由金陵陸師學堂挑選學生分齋課授其一曰機器工藝綜括機工手工工程效最捷可開民生衣食之源當函商江蘇安徽江西三撫臣協力籌款在金陵設工藝大學堂三省各招生數十名駐堂肄業一俟擬定章程另行舉辦惟勸農設學閩閩生計攸關疊飭各地方官詳諭紳民一體遵照無如農氓惟魯習故安常驟語以耕植新法疑信參半且屢遭荒歉款項難籌官民力均未逮見由上海農學報館廣譯報章頒行各屬俾鄉里小民耳濡目染藉開風氣而昭信從則農學可以偏設矣得旨著即督飭在事各員認真舉辦以收實效

製造日精其細緻光澤可駕東洋而上近泰西諸國販運出口者頗多仍當極力提倡以期逐漸推廣至於商務以茶木爲大宗木祇行銷於內地茶則專售於外國從前印度日本未請種法閩之業茶者獲利甚豐今則洋茶盛行銷路減去十分之六七推原其故固由種植焙製未盡如法亦因稅釐耗羨徵款實繁以致成本增重動形虧折茶業繫閩民之生計實關中國之利權若不設法挽回深恐日敝一日當詳慎酌擬再行奏明辦理得旨即著因地制宜切實舉辦勿徒以一奏塞責

二十八年江蘇巡撫陳夔龍奏自元明以來丁壯逐河漕之利河流北徙漕運改章向之千指萬插者今則悉成游手窮而爲盜取得幾微罪至斬梟其情可憐非多籌食力之方使之各有所事則地方官寬嚴俱難措手茲擬於江城外設立種植牧養工藝公司藉以安戢游民消弭隱患種植之事辨其肥料備其器具畫其水田溝洫則天地所生成小民所勤力者皆可以學人之心思而致倍蓰之利至於通海之種棉杭湖之種桑雖不如西國之有專學亦各以鄉父老所相承者爲秘訣而收養一道最爲致富良圖其所資以餵養之者往往取人之所棄於農事有相資之功無相擠之害而辨種防弊西人已有經驗專書可以採用前史所載西北逐水草之利有以山谷畜牛馬者畜牧可以立國孳息豈曰小補今蒙古游牧僅存遺意淮海荒地詎云不宜至於麥桿爲帽邊今爲出洋大宗蒲麻可以打包蘆葦可以結屋柳木宜於筐篋螺蛤用以煨灰此皆淮海之可資手藝以食力者就蘇省而論南北一江之隔樂苦奚啻霄壤雖地有肥瘠亦判乎人之勤惰江北河海灘離經疊次開領但閱時已久復漲者有之荒棄者有之民情既惰於力而復資於財是以利棄於地公司之設必官謀所以補助扶提之而以本地殷實紳商爲之先導督同淮揚海道沈瑜慶設法籌措先爲倡率數月以來仿造洋胰子洋針洋手巾各貨並購地種桑製機織布次第舉行人情亦尙觀感興起一面招精於西法測繪之人將河湖海三項灘地擇要繪圖除前已招領輸租外餘均集商承領招工試墾期其日起有功各屬如能仿行漸漸推廣荒地不致終荒游民可以漸少其有以本地

土產製成器用者或本地所無之物而其人之心思靈巧能製者給以專利憑限以資鼓勵江北向未出絲茲勸其蠶桑擬援通海成案暫免繭捐數年以

上粗具大端其餘條目仍歸紳委籌議由 隨時核定分別准行得 旨辦法甚善著即認真經理以惠民生

二十九年山東巡撫孫寶琦奏各國賽會之舉在開會之國重在博覽新奇貨物使本國得以仿行為農工商之進步在入會之國則重在陳列本國貨物視何者利於銷售即可陸續增運為農工商之銷路非徒矜奇立異也各國富商大賈入會者親往監察視何項暢銷即與該國商人訂議運中國商人不明此義但將貨物交付海關轉運會場代售親來者絕少據華必樂面稱中國貨物歐人所喜當會場陳列爭先購買乃貨主不來以致法人欲向訂購無從面議機會可惜等語見美國將開百年大會亟宜廣招商親自運貨前往考察商情陸續運售勿貪一時之利宜為久遠之謀請 飭商務大臣各省督撫勸諭紳商分投籌辦以擴利源下外務部知之

又 諭商部奏稱商務初基以提倡土貨為要義而商之本在工工之本在農非先振興農務則始基不立工商亦無以為資振興農務之法不外清地畝辨土宜以及興水利廣畜牧設立農務學堂與試驗場請飭各將軍督撫通飭各屬將地畝冊土性表詳細編造報部等語所陳不為無見著各省大吏速飭各府廳州縣一律切實興辦以廣種植而裕利源

又直隸總督袁世凱奏准商部咨整頓土貨請飭各省查報已辦未辦農工等項事宜 維農工為商務根本而商之懋遷全賴農之物產工之製造歐美日本以商戰立國而於農業工藝經營董勸不遺餘力直隸地瘠民貧非於農工諸務切實講求不足以開利源而資生計 前在保定創立農務局於城西設農事試驗場考察東西新法購辦農器就場試驗附設農務學堂分速成預備兩科速成科教以種植蠶桑暨製造糖酒等事課程以一年為限預備科教以算學理化地理歷史金石動植物學暨各種農學限五年畢業再省城西郊舊有桑秧二百餘萬株小站營田舊有稻田四百數十頃并歸該局經理至津東

一帶荒地甚多逐漸招墾以興地利又就該局加籌商股設立煙草公司製造煙捲官商合辦冀收利權此與辦農政之大概情形也上年籌設工藝局就草廠庵附近地址建造工藝學堂延聘中外教習教以化學染織暨普通各科約三年畢業派道員周學熙綜理局務酌采日本章程籌辦考工廠蒐集各處土產陳列中外商品使商人入廠觀覽於工之良窳價之貴賤貨之銷滯皆可一研究以資感發另度地一區為游民罪犯羈禁習藝之所此與辦工藝之大概情形也更有進者辦新政不過官為模範任提倡之責要在民間風氣漸開始可普興大利見 勸諭地方紳民各就本境農工設法考究次第擴充庶於土貨出口漸期暢旺即於洋貨進口稍籌抵制實於商政不無裨益得 旨著即切實整頓次第擴充期收實效

三十二年奉 諭旨工部并入商部改為農工商部

三十三年奉 諭旨從來求治之道養民為先古人重府事修和外國亦最尚實業方今中國生齒日繁庶而未富生財大道亟應講求國家特設農工商部綜理一切乃數年以來風氣尚未大開則官吏勸導之方有未至也著各將軍督撫迅飭所屬極力振興凡有能辦農工商礦或獨立經營或集合公司確有成效者即從優獎勵果有一廠一局資本逾千萬所用人工至數千名者爵賞亦所不惜應如何分別等差著該部議奏朝廷於大小官吏亦以此課其殿最予以勸懲敢有怠忽因循保護不力定行嚴處不貸總期地無曠土境無游民馴至富強有厚望焉

又吉林將軍達桂奏吉省土地肥沃物產豐饒天然一農工商場擬就機器局舊址畫撥一區為農工商實業局派農工商部主事胡宗瀛為局長凡農政如何振興工藝如何啟迪商界如何發達未開之基如何倡導已成之業如何改良務令切實考察所有開辦經費及常年額支銀兩飭令妥擬開報另行奏辦三十四年農工商部覆奏侍郎楊士琦奏華商集資辦興瓊崖地利辦法略稱原奏所列一綱十目應籌全局次第設施當電囑胡國康來京而商茲接函稱瓊崖事件艱鉅非厚集商力不足有成擬先設總公司為開闢瓊崖根本一面

招致僑商分設各小公司廣興實業資本不足總公司仗助之見已招股一百萬元設立僑興總公司先辦墾殖畜牧匯兌事宜又招股一百萬元設立僑豐公司專辦鹽務見值銀價低落籌款較難俟市面稍寬續招鉅股並令代表來部面陳辦法竊維瓊崖全島為古儋耳珠崖等郡地多炎瘴數千年未經墾闢然其地內屏兩粵外控南洋與香港小呂宋西貢等埠勞若連雞隱然為海疆重鎮而土脈膏腴農礦饒衍尤為外人所豔稱未雨綢繆誠為急務胡國廉雅負物望精擅商才原單所列各條均屬切實可行惟諸務同時並舉資力或恐未勝見與該代表往復推求就所列綱目參以情勢設以事理有宜亟辦者五宜次第舉行者三宜暫行緩辦者二查開銀行一條該公司擬在瓊州設勸業總銀行俾商民尺幣寸金皆得儲蓄血汗所易不至耗失凡辦墾礦者亦皆有所告貸補助以資週轉此宜亟辦者一與礦業一條瓊崖礦產饒富擬將全島各礦俱歸該公司勸採或由該公司轉招他商承辦所稱礦章限制太嚴租稅徵收過重擬請通融辦理自是實情新定礦章已奏明重訂將來邊地有難遵行者均可准予變通胡國廉前辦儋州那大等處錫礦經部量予變通該公司勸採全島礦產規畫尤屬為難似應予以特優利益所有照費年租出井稅等款均可按給照年限一律豁免以資鼓勵至出口稅關緊正款仍仍照納此宜亟辦者二清荒地一條振興農業必始查荒惟清丈稍一不慎易滋騷擾應由兩廣總督嚴飭勸業瓊崖兩道督同該管州縣會商該公司將全島荒地查勘分別官荒民荒妥籌辦法總以釐正經界毋擾居民為主勘竣由該公司領墾並繪圖訂章報部及兩廣總督會商核奪此宜亟辦者三廣種植講畜牧兩條樹畜為農政大端自宜將著手較易者先為試辦如棉花草麻甘蔗蘿蔔洋薯樹膠椰子胡椒各品於瓊崖土性適宜擬先從瓊澄臨儋定安境內先行種植畜牧則選購牛羊佳種擇水草佳處為畜牧場並製造皮毛化生為熟數年後陸續推廣滋生蕃衍必有可觀此宜亟辦者四興鹽務一條瓊島本係產鹽見由胡國廉設立僑豐公司擬即廣開鹽田精求製法與廣東鹽運司議訂章程經兩廣總督批准專辦三十年應由該督咨明度支部辦理此宜亟辦者五

長森林一條林業獲利最優收效較晚瓊崖嶺層疊森林本極相宜惟居民樵採已慣禁令必有難周應俟清荒後陸續興辦此宜次第舉行者一重漁業一條漁業關係海權所稱置備輪船改良捕法講求醃製辦法亦極允洽惟船辦既多耗費獲利亦難預期應俟該公司氣力稍充方能兼顧此宜次第舉行者二築馬路一條籌瓊以築路為要著明臣海瑞前督臣張之洞先後均經籌辦然披荆剪棘其事極艱備料程工需款尤鉅擬從農礦開辦之處先行籌築逐段擴充或官辦或商辦應飭該公司會商地方官妥為布置此宜次第舉行者三設輪船一條瓊島孤懸海外必須自開航路以便交通擬設輪船爭瓊港往來利益誠具卓識惟實業未盛運貨無多公司慮有虧折應俟各項漸次發達相機措辦此宜暫緩者一開商埠一條瓊州海口早已設關客貨無多收稅未旺該口沙磧飄蕩靡常潮退之時難容巨舶榆林港在崖州西南人煙稀少出產甚微目前尚難建築該公司擬別擇良港自開商埠誠為保守利權之計應俟商務漸盛再由部咨商外部辦理此宜暫緩者二夫以該公司志業偉大良足嘉尚雖經部酌定措施次序然任重事繁投資本於蠻煙瘴雨之鄉期成效於曠日持久之後非予以特別之權不足以資提倡重以漢黎雜處主客異形開辦之初慮多阻擾惟賴朝廷主持於上地方官協助於下寬稅則以紓商力簡文法以順商情將來百貨萬商駢闐充溢公司蒙其利國家亦坐受其成萬一權多旁掣功廢半途前者寒心後者裹足事機一誤隱患方深懇 恩俯念瓊崖事體重要明降 諭旨特派大員督辦瓊崖墾殖事宜以重事權並請 飭兩廣總督勸業道及瓊崖道實力保護並由部遇事維持俾策全功而收實效更有進者此項墾殖章程為鼓舞僑商起見且冊辦各商均負重望不妨格外從寬該總公司任事各員悉由股東公舉他日報轉易員至十數年後倘有適合外股借用外款等事仍由部及兩廣總督督諮議局隨時稽查一經查出所定章程作為無效並飭該公司將此條訂入專章以期永守奉 諭農工商部奏籌議華商勸興瓊崖地理事宜酌擬辦法一摺著派三品卿銜胡國廉總理瓊崖墾殖事宜其有關涉地方他項商民利害事務應



會同地方官妥商辦理餘依議

臣謹案天地之性靈久必洩山川之氣塞久必通顧不得人焉而理之恐終不免長此榛莽漢得珠崖旋即棄置賈捐之議當時雖之豈可概諸今日哉夫瓊崖嶺雜處貨棄於地罔知開闢不爲之招徠輔翼而貿然虐用此化外之所由不服近雖漢屯醫聚編成土著然而孤懸島嶼交通多梗歷代治瓊之未扼要領者不外水與陸兩失其用蓋必舟車暢達而後鉅商雲合適彼樂郊舉凡墾礦樹藝畜牧魚鹽諸大綱厚集雄貨次第畢舉統全局而權其緩急立埠開港築路行輪其可忽乎哉

宣統元年御史黃瑞麒奏農工商部籌辦實業擬借公債參用外國富籤票辦法流弊甚多願囂囂然以德義與句諸國爲辭而曰有利無害臣以爲諸國之所以有大國之威者決不以此中國之宜步趨人國者亦決不在此爲該部計誠得矣歲得六百萬元之鉅款藉口籌辦實業其製票扣用之一百萬元復可沾其餘潤其收入六百萬元存之官辦銀行以年息六釐計每年可得三十六萬元除給不得獎之九百萬票年息二釐外以六十年計之共得純利一千八十萬元再以六十年之通計之每年舉辦一次源源不絕子復爲母母復爲子不必與辦他項實業而農工商部之財將可橫絕宇內誠致富之奇策如政體何如民生何朝廷近日取於民者不爲不多征利之法不爲不備所以屢奉諭旨責令籌備實業者原以小民生計日蹙供億太繁期以此阜民生而培元氣乃該部一事未聞計畫先有此巧取豪奪吮膏吸髓之謀語曰刀筆吏不可爲公卿謂市夫之見不足以圖國本也得旨著農工商部悉心籌議詳悉具奏嗣奏上奉 旨緩辦

臣謹案券名公債何異彩票翹此三百萬元之獎款以誘民衆幸而中固萌揮霍之心不幸而不中必釀怨咨之氣其損國體猶淺其搖國本實深況九百萬元之息金期以六十年歲歲給之懼難爲繼願乃飲鴆止渴言之津津彼計臣但圖目前斂入之豐取之由我罔念他日償還之窘負之乏人斯直煊安且暮而已得瑞麒瞞旨而 明詔緩辦夫亦賴有此朝陽

鳴鳳說

又農工商部奏遵奉限期將本管事宜應辦各要政詳加釐訂略分四類曰調查曰籌議曰興辦曰編制約一百二十八條分年列表第一年調查中外棉業籌議各省設立農務總分會籌辦自來水京師工業試驗所開辦京師農事試驗場重建京師勸工陳列所推廣內地及海外各埠商會各處船會招致華僑勸辦大宗實業頒布農會章程畫一度量權衡制度修訂商標章程第二年清釐全國礦山區域通飭各省照章檢留最通用之度量權衡舊器各一種查核報部調查各國賽會章程辦法通飭各省調查商品出入大概數目商務衰旺情形編成報告籌議開墾事宜林業事宜通飭各省籌設漁業公司水產學校化分礦質局舉辦各省農務總會設立蠶業茶務講習所開辦京師工業試驗所勸工陳列所設立度量權衡官廠製造新器編輯棉業圖說釐定獎勵棉業章程修訂礦務新章編訂畫一度量權衡各種細章第三年調查內地絲茶業及各省出產商品飭查出入詳細數目商務衰旺實在原因編成報告通咨出使大臣將各埠華商人數商業冊報通飭各省籌設農林學堂農事試驗場推廣保險辦法舉辦各省農務分會推廣蠶業茶務講習所開辦化分礦質局施行畫一度量權衡各種細章頒行度量權衡新器畫一京外度量權衡商務總會以次設齊頒棉業圖說獎勵章程礦務新章保險規則運輸規則編訂工會規則第四年調查絲茶情形全國礦務品數產額銷場編製統計全國工藝及製造原料調查全國著名工藝品通飭各省設專門學堂工廠研究改良各州縣籌設習藝所各省會各商埠籌設工藝局勸工陳列所各省籌設礦務學堂組織各種工會研究工業改良法籌設各省商品陳列館籌議獎勵海外貿易通飭商民出洋貿易海外大埠華商商會及商船總會以次設齊編定各處酌留度量權衡一種舊器與新器比較表統計各省歷年商品出入商務衰旺分別列表籌議改良辦法頒布商業登記章程監督交易行政規則整頓貨棧規則第五年通飭農會編輯農務統計列表報部調查森林區域籌議改良農業絲業茶業事宜通飭籌議農事中日學堂農事演說會場籌議各省勸業會爲

賽會之練習各省會及通商口岸商品陳列館以次成立彙齊各省商務報告逐年比較列表統計核定改良辦法頒示商民第六年通飭各勸業道編輯畜牧漁業統計列表報部籌議整理漁界繪具圖說籌設獸醫學堂籌辦農林礦務警察商團及國內賽會通飭農會改良農具開拓農業增殖農產實行開墾辦法商務分會商船分會各省勸業會以次成立釐訂振興絲茶辦法第七年通飭各勸業道查明水利事宜繪具圖說報部通飭各省籌設美術學堂實行改良棉業振興絲茶辦法外埠商會各府及大埠商會陳列館以次成立編製歷年航業推廣比較表第八年考查農會商會船會辦理成績籌議萬國賽會設立商律講明所開辦國內賽會編製實業公司局廠逐年增進比較表編製歷年海外貿易比較表第九年通飭報告歷年籌辦森林列表統計調查改良棉絲茶商各業逐年進步列表統計各州縣商品陳列館以次成立開辦萬國賽會編製全國農產品水利森林畜牧漁業礦產圖志編訂全國工藝商業志下憲政編查館知之

又江蘇巡撫陳啟泰奏蘇省建設商品陳列所農業試驗場以興實業而籌本計得 旨凡一切新政自當勤加籌畫次第興辦惟須力求核實嚴飭屬下共戒虛糜爲要

又廣西巡撫張鳴岐奏桂省地廣人稀墾荒最要願墾荒必先查荒前准部咨飭查飭屬查明分別荒田荒土荒地荒山填列表册綜計一千六百三十五丈計放十六萬六千五百七十八畝見在行政機關未備僅據地方官所查遺漏原不能免即此查得之數已覺棄利甚多近年遵照奏定墾荒章程具報成立公司承墾官民荒地者桂林府屬有富民墾牧公司廣益分公司駁業公益寶豐集成大興時和利等公司平樂府屬有農業公司開先公司梧州府屬有培植公司柳州府屬有西成阜成恆泰長茂同志南治等六公司潯州府屬有廣豐廣益廣美振華等四公司南甯府屬有長益公司太平府屬有廣益公司歸順州屬有保富集益兩公司就中尤以貴縣之廣益廣豐兩公司及臨桂之廣益分公司集股較鉅均在二十萬元以上廣美股本十萬均係旅美華僑所集

合振華股本已集得二百餘萬以辦礦爲主辦墾特其餘事其餘各廳州縣土民以一人一家領照墾荒未立公司者亦陸續時有具報但使各公司均能獲利則漸推漸廣聞風興起者自多願招徠墾荒所以闢未有之利源若已有之利源尤不可不濬利源維何則興修水利是已桂省氣候土腴稻每再熟農業之利論理宜優乃著名貧瘠者則以地多砂質田少平原三日爲霖則潦十日不雨則旱宣洩灌溉不甚講求人事太疏故天災迭見前飭屬查明轄境水利孰爲原有孰可增開農隙之暇勸督紳民修廢開新以備早潦修費或撥地方公款或向用水之戶按畝征收其工艱費鉅利賴較大確有把握者並准領用渠堰大小不一可收一溉之功暨桑爲農業大端自梧州開設蠶業學堂以來容縣貴縣隆安縣左州鬱林直隸州那馬通判馬平縣等處次第設所講習研究日起有功龍州見亦撥款開辦蠶業學堂以開邊地風氣各屬出口絲繭據梧州關稅務司呈到光緒三十四年貿易册謂歲有增加桂本宜奮提倡果能認真此事可成大利至於各屬礦產經一再派員查勘見已查得可開之礦共三百餘處鐵礦最居多數錫煤錫礦次之金銀銅晶石各礦又次之見時成立公司具稟開辦者貴縣則有寶興公司辦三義山銀礦又有振華公司辦天平山銀礦河池縣則有慶雲公司辦南丹土州錫礦賀縣則有天腴公司辦養牛冲等處錫礦振華資本較鉅鑛師尤爲得人二三年間當可大著成效官辦之富賀縣煤礦亦屬可與美利該礦煤質前經寄往德國名廠化驗據稱灰輕油足可煉上等焦炭見正從事開井俟明年井工告竣產額方可大增賓州錫礦蘆蓄亦宏 臣前經奏明附入富賀官礦局兼辦因煤礦工程喫緊尙未克極力兼營當俟煤礦井工告成再行推廣採掘惟桂民貧困坐於游惰欲化游惰之習慣非注重教育不可 於光緒三十三年派員赴日本調查農林畜牧各事多開回桂開辦農林試驗場並附設農林講習所去年將講習所改爲中等農學堂並派員赴歐訪聘農學技師以期取法乎上至講求工藝所關於實業者尤要見在省城設立藝徒學堂簡易工藝教員講習所梧州籌設蠶絲廠

各屬遍設習藝所模範工廠然以全省之大工廠僅止此數固不免萬室一陶以全省之大工廠皆由官辦更不免博施猶病顧不養成多數教員技手以待商民聘用則雖欲從事工藝亦無所取材見正督飭提學司籌設實業教員講習所儲多數完美之教材樹實業前途之模範夫土地勞力資本為生產力之三要端桂省兵燹頻年民間資本缺乏今欲助其生產必賴資本接濟年來迭經提撥官款借貸民間作為牛具耕種而受其利者終屬有限非賴農業銀行漸次設立無以普及鄉民然非民間各種組合完成則雖有銀行仍不能貿然貸與欲農業銀行之設立必待地方自治粗具規模方可推行無阻至關於實業前途尤為切要則為興築鐵路桂本國險阻深雖有河流難行巨艦荒不能開鑿不能開工藝之難於改良土貨之不能輸出皆由於交通之不便桂邑鐵路已蒙 飭部派員勘測望 朝廷力予主持俾得剋期興築不但為振興實業探源之計亦即鞏固 國防最要之圖

二年 諭廣州將軍增祺等奏廣州駐防舊操場數處照案撥歸旗營招商承領收價分別撥歸農會擴充工業請飭部備案等語該部知道

又甘肅新疆巡撫聯魁奏遵籌農林工藝要政見於省城北門外開辦通省農林試驗場並擬添設實業講習所各屬亦飭次第舉辦得 旨著即認真籌辦又安徽巡撫朱家寶奏辦理農工情形略稱皖省官民荒地據報官荒一萬六千八百七頃有奇民荒二萬四千二百六十八頃有奇招徠領墾荒田每畝繳價共錢二千文第一年繳四百文第二三四五等年不繳第六七八九等年各繳四百文十年升科荒山每畝繳價共錢八百文前十年均不繳第十一年十二三十四等年各繳二百文十五年升科見計領墾者有宣城大興公司二千三十餘畝三益公司一千五百餘畝普益公司一萬二千餘畝兩益公司一千二百七十餘畝職員孫光宇一千九百餘畝均由勸業道核給執照而建德縣紳前長蘆鹽運使周學熙設立之農林公會及各鄉區分會墾荒種植頗有成效餘如宣城建平南陵廣德休甯貴池東流巢縣等州縣或由獨辦或集公司所種桑茶桐柏松竹杉桃李等項多者數十萬株少亦有數萬株蠶桑一項

桑蠶則有省城蠶業講習所業於春閒養蠶採繭製種曾將標本呈送農工商部有案並由該所教員本其經驗所得輯有蠶桑簡法一編發給各屬俾資研究皖南如青陽貴池當塗等縣風氣漸開可期日臻發達梓蠶則有鳳陽傳習所亦於春閒放蠶得繭二十餘萬枚繭絲標本亦經送部而懷甯東流六安壽州霍邱英山定遠建德等州縣亦逐漸推廣柳蠶則在吉林時頗知其利在皖後每向紳士勸導近有五河縣教諭朱柏年等赴吉林購蒿柳秧四萬株租定盱眙縣灘地二百畝試辦茶葉為皖南北向有利尤以徽州六安為特色惟北茶並不行銷外洋南茶雖有洋莊而培壅焙製不知改良未能與各國競勝因飭於徽屬屯溪籌設茶務講習所撥定經費即行開辦北茶亦飭於六安州試製紅綠茶兩種以廣銷路工藝自光緒三十四年在省城西門外設立工藝廠分製氈製革竹器木器藤器漆漆番布膏漆等科聘用技師招徒學習本年復添柳條一科仿東洋法編成器具廠中所出物品漸有進步竹漆各種經南洋勸業會獎以金牌見復籌設商品陳列所先撥銀四千兩於南洋勸業會閉會後派員往購商品業已裝運回皖並採辦醴陵瓷及漢口銅錫器皿以資效仿此辦理農工之實在情形也

又東三省總督錫良奏辦理農工大概情形略稱本年各屬清賦項下計共丈放十二萬餘畝蒙旗所放墾者尚不在此例並籌辦長白府遷移旗民墾荒各事均俟事竣另行列報又本省低窪宜稻之區極多遇有淤廢湖灘河荒即飭地方官設法開濬化荒為腴便民種植故上年創立官辦水利局一今年創立商辦種稻公司二民間既知效法稻田自當日增荒地自然日少至各屬農會半已設立當可陸續遍設又奉省梓蠶為出產大宗見飭各屬農桑會組織梓絲公會研究改良擴充事宜並飭地方官於新添山場嚴加保護不准增收捐項阻其進步故各屬梓蠶日見推廣牧畜亦與農桑相輔奉天農桑試驗場試驗美利堅羊毛成績經南洋勸業會審查給與頭等獎勵見又向美國購此項羊隻及豬牛共五百餘頭將來分給民間繁殖所剪羊毛足以供給織呢之需並在鎮安官牧場增購傳種洋馬廣為學配以期改良軍馬均係挽回

利權之計林業一項華省天然森林多在鴨渾沿江一帶徒以歷年採伐無節漸失舊觀見已將該處森林區域詳悉調查並立保護章程輪伐方法嚴飭地方官實力奉行又飭勸業道編纂森林警察講義加入鄉鎮巡警課程之內俾將來分派各學均有保護森林知識此外則人造森林甚少見由種樹公所採取東西各國籽種造林一千六百餘畝作全省模範民閒聞風頗相仿效本年森林學堂速成班畢業擬即派赴各屬辦理林業已有者實行保護未有者極力擴充不獨謀地方公共之利亦係拓國家財政之源至於工藝一項省城則有官辦奉天八旗工藝廠八旗女工傳習所奉天第一女工廠貧民習藝所罪犯習藝所造紙廠官紙局官商合辦之惠工公司商辦之軍裝製造局共九處查八旗工廠所出之各色氈毯惠工公司所出之地毯及花絨木器布匹罪犯習藝所所出各種醬品麵粉皮件皆為特色至貧民習藝所所出之皮鞭軍刀及絨絨毯為東西國人所樂購尤足示人步趨省外各屬工廠逐年增設如商辦之錦縣第一工廠鎮安集義公司彰武東升城業工司義州實業工廠營口等處之機器榨油廠及官辦之錦縣八旗工藝分廠皆成效卓著而出品尤以錦縣民立工廠所織愛國布最受社會歡迎前由官紳合議在安東蓋平兩處各設一縲絲廠以塞漏卮安東廠集股二十萬商力不足見由官代借十萬補助之明年即可開辦蓋平亦議有端緒又因奉省游民衆多易為盜賊飭由民政司勸業道擬定簡易籌款辦法飭各屬籌辦貧民習藝工廠各一所以消納游民振興土貨將來此項工廠若能一律成立或於奉省工業前途不無起色此辦理農工之大概情形也

又農工商部奏彙核各省農林工藝情形略稱統計各省歷年辦理情形惟直隸奉天黑龍江山東四川廣東等省為最吉林江蘇湖北湖南福建江西陝西浙江安徽河南廣西山西雲南甘肅等省次之新疆貴州等省又次之全國荒地業經報部有案者約計已墾七千三百七十三萬一千四百二十五畝又一百二十四處未墾二千二百四十五萬畝又一百一十五處種植樹木已成活者約計二千五百八十萬零八千株又一千六百九十二區其歸入農林項下者各學堂公司局廠等計一千一百一十五處處經濟競爭之會值裕藏奇絀之時非振興實業無以開利源而塞漏卮

臣謹案中國以農立國農業興而工商因之以起於是有農工商部之設乃設立數年毫無裨益弊且日滋其所報各省已辦農林實業清單空文而已豈不重可傷哉

章校曰東西洋各國地利既無不盡乃注力於工藝商務及殖民之新地勢使然也而其人又向不講王者禮讓之義惟利之是求苟有利焉君與民爭取之不以爲非也君六而民四焉亦不以爲非也中國王者之政即藏富於民民足於衣食即與講禮讓之道故民之秀者亦不以富厚爲榮貴而羣相尚以道義此風俗之淳而治之所以久長也自外人視之則謂中國偏地皆寶棄而不取可惜也從而豔羨從而傳播雖不能卷土而攜之以去而其說已爲吾國人所樂聞因羣起而責政府之不能提倡實業不能保護實業以自取困窮也其點者遂假借振興實業之名而私行其詐旋復大敗而爲外國所竊笑國人之窮困乃更甚於前前數十年間之情事歷歷如此然則實業終不可興乎曰興以漸不以驟驟則敗漸則成興以誠不以偽偽則敗誠則成工藝商賈之事由精久於其事者爲之則成士大夫爲之則敗明於其故國家但維持之不必隆禮之也但提挈之不可牽掣之也中國人習計實倍於外國由吾說而行之三十年後外人之伎倆必過之而無不及者然爲國之本在彼而不在此又不可不知也若徒逐外國之後亦必不能富即富亦亂之兆也然若光宣開之所爲以爲百廢俱舉也無怪乎百舉俱廢也斯真可惜也夫

又奏各省見辦農林工藝大概情形據湖南湖北江西新疆四省咨送官民荒地圖冊奉天黑龍江陝西三省咨送造林區域圖冊均隨時咨覆務期迅速籌辦惟直隸江蘇安徽山東山西陝西福建浙江四川廣東雲南貴州十二省尙未造送到部至各省辦理情形如設立農業學堂農林試驗場墾牧樹藝凡關農林各項公司及工藝廠工業學堂紡織製造除上年奏陳外其續報到部

者農林項下黑龍江奏准變通沿邊荒務安徽奏設安阜農務公司四川奏開辦樂山汶川印州雷波等處林墾公司廣西奏設桂林平樂梧州柳州潯州南甯太平各屬墾牧公司二十五處新開水利二百九十處修濬舊有水利三百六十餘處新疆奏設農林試驗場講習所研究所水利公司其林業分南北西路計栽活之樹數百萬株此外如江蘇江西則有紳辦方麓裕農墾牧公司樹德墾牧公司並於廬山東林寺籌辦造林區域工藝項下密雲駐防奏設工廠奉天奏設八旗工藝廠並錦州八旗工藝分廠吉林奏設實業工廠工藝教養所黑龍江奏設工藝製造局福州奏設工藝局兩江湖北均奏設印刷局廠陝西奏設西安駐防傳習所伊犁奏設皮毛製革各公司兩江奏設實業學堂湖南奏設工業學堂廣西奏設模範學堂藝徒學堂簡易工藝教員講習所浙江奏設織造局藝徒學堂並於各屬分設工藝局廠奉天安徽均奏設電燈廠四川奏各屬設勸工局七十餘處此外各省報部及紳商稟辦電燈火柴燭皂麵粉紡織各項實業局廠公司尚有四十餘處此各省續辦農工之大概情形也得 旨著該部按照奏定章程通行各省切實籌辦毋任延玩

又查原單所開第三年農工商籌備事宜計二十二條農政項下其調查內地絲茶事件業於本年釐訂表式通飭直省勸業道暨農商各總會將該境絲茶切實調查妥議辦法報部農務總分各會直省以次舉辦總計總會奏准設立者十五處分會一百三十六處安徽設有柞蠶傳習所蠶業講習所福建設有茶業講習所江西義甯州設有茶業改良公司仍當通飭一律推廣工政項下設化分礦質局暫附於 部高等實業學堂內已於本年開辦俟經費充裕再行擴充礦務新章業已修改完竣計正章十四章八十一款附章九章四十六條會同外務部奏准在案度量權衡 部工廠業於本年製造惟各省需用浩繁見正咨商各督撫酌設分廠以資推廣俟籌定辦法陸續奏陳工會規則亦經飭員分別編訂商政項下調查商品於上年先後通飭趕辦旋據奉天吉林山東河南陝西甘肅湖北湖南四川等省造冊報部其餘各省仍當催限報齊調查僑商業各出使大臣並札各僑商總會列冊報部至保險規則運輸

規則業經編訂請 旨飭交資政院核議直省商務總會除黑龍江新疆尚未成立外餘均以次設齊以上數端均屬本年籌備之件

又奏第三年應行籌辦事宜業經奏咨在案查原單尚有頒布獎勵棉業章程開辦化分礦質局編訂工會規則三項為本年應辦事宜各項章程自應及時釐訂俾資提倡 等督飭員司採集成法分別纂輯以鼓舞誘掖為獎勵農民之方以分析化驗為廣開地利之原以合羣覃研為擴張工業之本計擬訂獎勵棉業章程十四條化分礦質局章程十一條工會章程二十五條均屬農工切要之圖如蒙 俞允即通行各督撫辦理從之

三年兩廣總督張鳴岐奏籌辦農林工藝略稱粵省前於省城東郊創辦農事試驗場上年復開辦農業講習所添購地畝併試林業并於增步地方創設工藝局附設家族工藝傳習所以樹楷模自光緒三十四年至宣統元年底止據各屬報關於農林工藝之事者共計七十起業於統計表內逐項報告查上年據報創辦農林局廠公司三十二處承墾荒地二十七處農業學堂及講習所九處造林四處農務分會四十三處分所十八處又工藝一項除工藝局由道籌設外據各屬報設者工藝局廠公司二十六處工藝傳習所四處工業會社三處學堂五處此外尚有興修水利未據報齊其餘正在籌辦未據稟報等情 維粵省依山濱海氣候溫和土壤饒沃山林川澤之美自昔豔稱且通商最先人民精於貨殖百工居肆出品可觀徒以服先疇而守舊燧未能知所改良力求進步比年提倡勸導各屬聞風鼓舞漸知注重農工 到任後察看情形財政則異常困難人民則相習游惰自非先議禁賭無以入手而欲實行禁賭又非廣興實業無以為善後之計前已飭行工藝局內籌設家族工藝傳習所並通飭各屬擇地籌款延聘技師趕設家族工藝廠用資教養免流匪僻此外籌辦森林墾牧改良製造蠶種整頓絲業振興漁業設立水產學校調查礦產化分礦質開闢市場凡關於實業之大者均已擇要次第推廣實力進行務使地無棄利人自謀生以仰副 朝廷振興實業之至意

又陝甘總督長庚奏辦理農工暨礦務情形略稱農工商礦總局詳稱甘省地

廣人稀加以兵燹頻經地多荒蕪童山彌望自光緒三十二年設局提倡即酌定墾荒種樹章程通飭遵辦年終報局查考嗣據續報墾荒地共二十餘萬畝桃李槐榆楊柳桑柘各樹見種成活者共九十六萬六千七百餘株刻仍分飭推廣惟開辦伊始非切實講求不足以昭信從當於局內附設農礦學堂招募學生分科教授旋因農林礦務事屬兩端復將農林學堂畫出獨辦由山西聘訂農林教習講求種植研究肥料即於農業試驗場按法試種其省城設立農務總會每星期必集農民講習此外如中衛張掖張伯會齊古浪等處均已設立分會其餘未設各廳州縣已飭趕籌棉業一項甘省產棉之區殊不多見近由局派員在陝採購棉籽並刊種棉章程飭各屬具領試種地氣相宜各處如秦州秦安敦煌高台等州縣均已報有成效此辦理農林之實情也甘肅僻處西北工業進化較遲出產大宗如羊毛及牛羊皮張就省城南關暢家巷舊有之織呢局設法整頓添購機器僱覓洋匠織造洋呢洋毯洋布藉塞漏卮並於總局附設之勸工廠內區分裁絨製革綢布等四廠及油漆木銅器諸葦各科由四川調雇技師招募學徒講求製造畢業者已數十名能織造大布甯緞甯綢及洋式花牛羊皮並裁絨皮包皮鞣漆木銅各項器物尙屬適用各屬亦多聞風興起甘涼則設有工藝教養局織布廠甯夏則設工藝學堂甯州設習藝廠安化玉門鎮原合水平涼成縣正甯等縣設有工藝局涇州並設女工藝所敦煌則於四關各設紙坊至習藝所則各州縣相繼設立其製造成品之最著者如秦安之褐肅州之石器秦州之木器平番之羽縷靜甯州之斗紋布涼州之水磨馬鏡西甯之折花刀甯夏之裁絨毯灘羊皮銷售俱暢其餘所製如帽盒鞋絲棉腰帶布疋縷毯等物亦各具始基宣統二年並創設洋蠟廠子廠一處以本產牛羊油蓬灰白鹽爲原料用機器製造洋蠟及粗細各種洋膜惟民間銷路尙不大旺至商務總會商品陳列所考驗工藝優劣推廣成品銷路於工藝前途均有裨益此辦理工藝之實情也至五金各礦如果開採有效則農林之資本工藝之原料均可於此取資甘肅礦產富饒西甯肅州敦煌等處尙用土法淘取沙金及各屬煤炭等礦公家照章抽稅此外如石金銅礦非

機器不能鑄鍊若不趕爲籌辦則棄利於地當與比人林阿德訂購化銅淘金各機器於平番縣之密街購地設廠聘請洋匠修房安機見在空存礦質一百餘萬斤業經開鑛試鍊又以振興礦務必預備人材先於光緒三十二年設立礦務學堂聘比國化驗師賀爾慈爲教習甲班學生畢業二十餘名均發往密街同洋匠實地練習以爲將來接辦金銅各礦之地生熟鑛貨乃民生日用大宗向仰給於外來因於省城河北設立官鑛廠鑛則運之鑛石山炭則採之水岔溝上年清理財政爲節省經費起見以密街附近探有鑛質且與炭山相近遂歸併銅廠兼辦已將原廠裁撤詳請具奏查甘省地多荒涼民尙樸儉農林工業各要政原非若東南各省講求有素者可比經該局總辦蘭州道彭英甲苦心孤詣竭數年之精力創造經營漸有端緒到任後正值禁煙喫緊之際復飭將從前種植罌粟地畝各相土宜勸諭農民一律改種嘉禾或棉花藍靛藥材樹木等項爲民生衣食之資以期各項實業日益發達

臣謹案光緒初年左宗棠督陝甘奏稱營粟既禁陝田改種草棉廣植柘桑關內外設置織局收買桑葉蠶繭俾民獲利蘭州織呢局設機器二十具所成益見精緻道旁榆樹成林自嘉峪關至省除曠地沙磧外拱把之樹接續不斷甘涼道鐵珊散布羊種孳生蕃息尤觀成效似當時農林工藝均有基礎何以三十餘年未見發達則創造有人而鮮實心任事者之繼其後也

又貴州巡撫龐鴻書奏辦理農工情形略稱黔省農林工藝在昔均未講求固由財力之艱難亦苦交通之梗塞自勸業道設立專官年來農林學堂蠶桑女學講習所農事試驗場勸工商品陳列所農商各總會粗具規模各屬具報如遵義都勻黔西鎮甯赤水羅斛貞豐等屬之工廠蠶桑學堂山蠶講習所蠶桑艾粉百合粉各公司及他屬之茶業棉業漆業均漸有進步黔省素種罌粟用力少而收效速人民趨之若鶩是爲實業一大障害比年疊頒禁令雷厲風行果能痼疾全除於振興勸導之方較易爲力但不預籌款項諸事亦徒託空言見擬就省城設一普通大工廠擬分織布製革漆工蠶絲軍裝木工六廠招徒

學習先由籌辦實業款內撥銀一萬兩作為基金餘則勸官紳捐輸有能捐銀至二千兩以上或一萬兩者擬請從優獎敘商股以五十兩為大股五兩為小股嚴訂章程以資信用然製造熟料尤須培植生產又擬發起全省農公司仿外國會社辦法令資本勞力產業三項組織如日本之株式會社以五圓為一股共集十萬股無論官商均可為資本家其無業游民則招集為勞力家其地主或有無力耕作任其荒廢者准其入公仍估價折作基金一律入股見正飭屬將所管地方官民荒田並氣候土宜切實查報俟報齊再擬章程奏咨立案又山西巡撫丁寶銓奏辦理農工情形略稱上年農工商局會同士紳照章於省城創設農務總會其籌辦約分數項曰提倡蠶桑查報荒地編緝農報調查土壤講求水利保護森林又催各屬設立分會已報成立者計太原府並所屬之文水與縣岢嵐州大同府及甯武府屬之偏關縣等處又於文水設立水利公司專司開渠築堰以資灌溉至本省林木向以汾河上源甯武府一帶所產為多其次則太原府屬之交城山沁州屬之沁源山但因民間採伐過甚致林木未能發達茲由農會酌訂採伐統一規則分布各處俾知保護飭各屬栽種樹株並勸紳民於道旁屋角多植楊柳桑秧易生各樹據冊報成活樹株自數千至十餘萬株不等如平定解絳等處頗著成效惟勸業必先興學見省城有高等農林學堂並附設試驗場河東有中等初等農業學堂平定有初等農業學堂又省城農務總會新設蠶桑傳習所忻州有林業蠶桑試驗場廣靈有農林試驗場保德州崞縣均有農業試驗場其餘各屬亦正在籌設俾實地考驗乃可次第改良此辦農林之大概情形也至工藝一項省城工藝局經營累年延訂匠師分類製造共為七科曰布科染科玻璃科毯科木科漆科帶子科該局製毯最精而出貨無多布匹木器銷路較易玻璃一科日後擴充可冀獲利省外如忻州絳州祁縣襄垣壽陽孟縣洪洞臨汾長子聞喜等處亦均設工藝局大率以紡織布匹為主其織布廠較大者計有四五處歸化甯武潞安向製絨既見經設法改良歸化所製尤精前赴南洋勸業會賽會得有文憑其工藝學堂省城有中等實業學堂內附工業教員傳習所甯武有初等工業學堂鳳

台有工藝學堂靈石有藝徒學堂平定於初等農業學堂內附設藝徒學堂又太原滿營於光緒三十四年設農工傳習所分科教授為旗民預籌生計至各項公司有火柴公司葡萄酒公司電燈公司此辦工藝之大概情形也又農工商部奏據順直同鄉京官惲毓鼎李士鈞等呈稱創設農工學會前經奏准開辦見擬改為京師農務總會並附設工業研究所仍講求農林工藝範圍較廣事業可期擴張前公舉會長劉彭年擬改為總理副會長王毓芝擬改為協理公懇援案奏給關防查富國本計端在訓農京師為首善之區四方觀聽所繫見在各省陸續設農務總會而京師尚屬闕如誠不足以樹風聲而資聯絡該官紳等前設農工學會並請撥官荒籌辦林業當經先後奏明今請改為農務總會附設工業研究所係為力謀進行起見劉王二員任事已久改為總協理核與定章相符應請准予立案由部分別派充刊給關防



ZW 21181000692430